




BIBL. NAZ.
Vitt. Emanuele III.

RACCOLTA
VILLAROSA

C

133
NAPOLI



5P2956

Nace Vill. (i)
C. 133

JOSEPHI
AVERANII,
INTERPRETATIONUM
JURIS
LIBRI QUINQUE.

1893

ANNUAL

MUNICIPALITY

1893

1893

JOSEPHI AVERANII,

V. CL. Jurisconsulti, & in illustri Academiâ Pisânâ;
dùm viveret, Antecessoris,

INTERPRETATIONUM JURIS

LIBRI QUINQUE;

IN QUIBUS MULTA CUM JURIS CIVILIS,
tùm aliorum Veterum Scriptorum loca novâ ratione illustrantur :

Multa item ex Antiquitate Romanâ Gracâque doctè pertractantur.

EDITIO NOVISSIMA

In duos Tomos distributa, cum Indicibus, & Vitâ Auctoris.

TOMUS PRIMUS.



LUGDUNI,


Typis PETRI BRUYSET,

Sumptibus FRATrum DE TOURNES.

M. DCC. LL.

CUM PRIVILEGIO REGIS.

REVUE DE LA LITTÉRATURE
DE LA FRANCE



BIBLIOPOLÆ LECTORI.

N tibi, LECTOR AMICE, integræ *Interpretationum Juris* à viro
 clarissimo JOSEPHO AVERANIO, Jurisconsulto celeberrimo, & in
 illustri Academiâ Pisânâ Antecessore, miro labore conscriptarum col-
 lectionis hanc novam Editionem elargientes, non, ut plerisque Librariis mos
 est, qui Auctores quorum Opera venalia exponere gestiunt, inutiles magis
 vel etiam molesto verborum stridore, quàm dignis elogiis efferre solent, nos
 & ita faciemus. Est enim JOSEPHI AVERANII nomen tam illustre, ut
 nullo nostro egeat præconio; & opus quod edimus, tam præclarum, ut sum-
 mam laudem attigisse videatur. Id potiùs negotiù nobis incumbit, ut quâ
 ratione tota hujus tam eximii operis compages quinque in Libros distributa,
 primùm publici juris facta fuerit, prævio hoc monito te doceamus; quod qui-
 dem quàm breviori fieri poterit discursu absolvemus. Scias itaque, LECTOR
 AMICE, duos priores harumcæ Juris Interpretationum Libros diligenti V. C.
 Henrici Brenckmanni sollicitudini deberi, qui cùm Florentiæ collationi unici
 post tot sæcula thesauri superstitis MS. Pandectarum, ut hodiè vocantur,
 Florentinarum, operam daret, venit simul in notitiam & familiaritatem
 V. C. JOSEPHI AVERANII, Juris Professoris Ordinarii Pisani; & utrimque
 rebus quæ ad Jura eorumque studia pertinent, communicatis, Capita quæ-
 dam Operis à suprâ memorato viro celeberrimo compositi, cui titulum
 fecerat *Legum Interpretationes*, selecta vidit, in quibus cùm profundam
 Viri doctissimi admiraretur eruditionem, tum limatum judicium, summam-
 que Jurisprudentiam, induxit animum in patriam mittere specimen unum
 alterumve ad V. A. Cornelium van Bykershoek, summi Batavi Senatûs
 Consiliarium, & ad V. CL. Gerardum Noodt, Antecessorem in Academiâ
 Batavâ, aliosque summos gravissimosque Juris peritos. Omnibus verò admo-
 dum placuisse satis superque fidem facit, quòd uno ore, unoque animo
 suaserunt, ut usui commodoque communi Juris studiosorum integrum Opus
 (quod scilicet duobus prioribus Libris tunc solummodò constabat) publicaretur
 & in vulgus ederetur. Eâ igitur motus auctoritate V. C. Brenckmannus ab
 Auctore impetravit, ut supradictum Opus in Belgium transmitteret, transmi-
 sumque V. C. Gerardi Noodt nutu & consilio prælo subjecit, duobusque
 tomis in 8°. excusum publico exhibuit Typographus Lugduno-Batavus. Hæc

à iij



de duobus prioribus libris dicta sufficiant. Quod autem ad tres posteriores Libros atinet, & quomodò publicam in lucem primùm prodierint, jam nobis superest dicendum, quod etiam brevissimè exponemus. Notum itaque sit, tibi, **LECTOR AMICE**, memoratos tres posteriores hujus operis Libros posthumos, deberi humanitati Viri nobilissimi, & Discipuli Averanio digni, Antonii Nicolinii, ex Marchionibus Pontis Sacci & Castri Camuliani, cui moriens Auctor illos numeris suis absolutos commendaverat, ut tamquàm pignus amicitiae servaret; & si tanti viderentur, Belgis in lucem proferendos daret. Hic igitur Vir optimus, postquàm egregiam industriam in Summariis & Indicibus consciendis adhibuisset, in Belgium alteri etiam Lugduno-Batavo Librario eà lege transmisit, ut luculenter, & quoad ejus fieri posset, accuratè typis vulgaretur. Quam quidem Editionem cum adornaret, commodè illi, ut publicè fatetur, succurrit consilium auxiliumque V. CL. Joannis Conradi Ruckeri, Jcti & Antecessoris in Academià Lugduno-Batavâ celeberrimi. Multa præterea quæ illi ex Italia transmissa fuerant ad Historiam Vitæ Averanii illustrandam pertinentia, Etrusco & Latino sermone conscripta, Viro cuidam Juris & Averanii nominis amantissimo tradidit, ut inde Vitam doctissimi Viri, quò ab omnibus legi posset, latinè concinnaret. Recensionem etiam omnium ejus scriptorum, quam illi communicaverat Reverendus Abbas Martinus, adjecit; & hæc omnia typis excusa & tribus tomis in 8º. comprehensa, in publicum evulganda curavit. Hæc est, **LECTOR AMICE**, vera & genuina prioris Averanii operis Editionis Historia. Quod verò plures & diversis temporibus distributo penso ediderunt Lugduno-Batavi Bibliopolæ, nos soli & indiviso onere, uno eodemque tempore publicandum suscepimus, nulli dubitantes, quin collecta magis, quàm sparsa tibi arrideant tam eximii Auctoris Opera. Quâ spe freti, variis Indicibus tum Legum quæ in hoc Opere explicantur, tum etiam Rerum & Verborum quæ in illo continentur, qui juxtà priorem illius distributionem, separatim duobus prioribus Libris, & tribus posterioribus adjecti fuerant, in unum accuratâ quantum licuit diligentia concinnatis & ordinatis, Vitâ etiam & singulorum nostri Auctoris scriptorum recensione in principio præmissis, integrum hoc Opus duobus tomis contentum, & pro solito nostro majori tuæ commoditati inserviendi more, unum in corpus conflatum, tibi fruendum exhibemus, **LECTOR AMICE**. Annue labori, & Vale.



V I T A

JOSEPHI AVERANII.

QUASI ita in fatis fuisset, ut, quo in loco humaniores litteræ, barbaræ diù oppressæ, rursum caput extulerunt, in eodem & Jurisprudentiâ, numquam ab his separanda, pristino nitore restitui debuisset: ita utraq; in Italia eodem ferè tempore nec dissimili successu de insigni injuriâ, quam impurissimus quisque iis intulerat, gloriosè triumpharunt. Postquam enim immortalis ille *Petrarcha*, inprimisque Græci in Italiam profugientes humanitatis studia à superiorum temporum fecibus repurgassent, extitit etiam, qui tenebras Jurisprudentiæ ab inconditâ Glossatorum turbâ offusas, miro litterarum lumine dispelleret, *Andreas Alciatus*. Verum uti non quælibet terra quælibet, ut ait ille, herbas alit, ira & Italia artium ferè omnium parens & altrix, Jurisprudentiâ, quamquàm denuò protulerat, tamen Galliæ quasi nutriendam ornamdamque concessit. Ac pauci quidem deinde, si eorum memoria replicetur, in Italiâ sunt inventi, qui sibi nominis quoddam decus in Jurisprudentiâ peperissent. In his verò extitit nuper, qui non solum civibus suis, sed multis præterea aliarum gentium Jurisconsultis palmam dubiam reddidit, *Vir Eximius, Josephus Averanius*. Quem ego si Juris tantum summam scientiam consecutum dicerem, magnum illud quidem esset, & honoris haud vulgaris plenum, sed tamen infra dignitatem meritumque tanti viri; cum is tot alias gravissimæque artes tam solerti sit ingenio complexus, ut in quâlibet earum cum his, qui omnem ætatem in iis contriverunt, certare potuissent videatur. Nihil enim ætas nostra vidit *Averanio* Græcis Latinisque litteris politius, nihil in Antiquitatis monumentis sagacius, nihil in Mathesi & Philosophiâ acutius, nihil denique in Jurisprudentiâ excellentius. Hunc virum talem ac tantum Italiæ ocellus, Florentia, civitas, ut constat, præstantium ingeniorum fetax, d. 20. Martii Anno 1663. protulit. Patre ille usus est *Joanne Francisco Averanio*, homine erudito & Mathesi inprimis dedito; matre *Margaretha Sacchetti*. Fratrem natu majorem habuit Italiæ suæ Tullium, *Benedictum*, cujus discretissima opera extant, cupidèque ab iis, qui Latinarum Venerum sunt intelligentiores, legantur; fratrem verò minorem, *Nicolaum*, Jurisconsultum, inter principes Italiæ Mathematicos jure suo referendum. Adolescens *Josephus* unâ cum *Nicolao* in Collegio Florentino iis artibus eruditus est, quibus puerilis ætas impertiri solet; idque inprimis duce doctiss. *Garia*, quo jam antea *Benedictus* magistro fuerat usus. Hic cum brevi tempore tantum profecisset, ut ipsum præceptorem in admirationem sui raperet, contulit se inde ad graviorum doctrinarum studium, idque Pisas, ubi tum frater *Benedictus* magnâ cum nominis famâ limatioris Græciæ Latineque cultum tradebat. Dedit igitur per quatuor annos Fratri aliisque artium & Jurisprudentiæ doctoribus eam operam, quam haud expectes ab adolescente tam teneræ ætatis. Itaque annum vicesimum vix dum egressus, tantâ cum in Jure, tum in Geometriâ jam ceperat incrementa, ut non solum doctoris insignia consequi posset, sed aliis etiam in his artibus ingenti cum laude viam præiret. Testem hujus rei excito ipsum

Fratrem *Benedictum*, qui in luculentâ Oratione, quâ *Josepho* & *Nicolao* Doctoris ornamenta detulit, quamvis à pudore suo vix impetraverit, verè tamen ita prædicavit: Quo probè constituto, jam audaciter fatebor, meos candidatos, & eloquentiâ studiis ita deditos fuisse, ut & carmen condere non absurdè, & orationem componere possint non inelegerint; & in historiâ atque antiquitate cognoscendâ plurimum temporis consumpsisse; & cum viderent Latinas litteras sine Græcis quodammodò claudicare, assumendam sibi Græcâ linguâ cognitionem censuisse; quo in studio mirificos profectus habuere. Dicam ego quod sentio, & dicam non augendi causâ, sed quoddâ ita se rem habere certò sciam; paucos arbitror hoc tempore adolescentes tantam esse Latini sermonis, quantum hi Græci sunt, scientiam consecutos. Quotus enim quisque in hac tenerâ aetate præcipuos Latinitatis Auctores studiosè læsitavit, aut commodè potest aliis, & scienter explicare? At hi non principes modò Græci sermonis Auctores, sed multos alios assiduâ lectione contriverunt, & studiosis adolescentibus interpretantur; docendique litteras Græcas munere eâ atate funguntur, quâ si discerent, non vulgarem laudem adepti putarentur. Jam in Philosophiâ artium parente, magistrâ vitæ, luce veritatis, quantum profecerint, si dicere instituiam, vertor, ne oblitus propositi mei videar, horum laudes exaggerare velle dicendo. Sed, ut volet, quisque existimet; ego verum non occultabo: omnia hi veterum Philosophorum placita, omnes rationes, omnes indaganda veritatis vias tenent. Ad hæc quæcumque sunt recentiorum ingeniis inventapreclearè, animo & cogitatione comprehenderunt, & aut me amor fallit, aut nemo æqualem his est, vel in disserendo subtilior, vel in excogitando acutior, vel in colligendo solertior. Quid autem de Mathematicis dicam? non elementa Geometriæ solum, sed arcana magis recondita, Apollonii doctrinam admirabilem, Archimedis inventa divina; aliorum præterea cum veterum, tum recentium habent cognita & pertractata. Quâ freti scientiâ, & à Geometris propositas solvere quæstiones, & multa suo Marte possunt, eaque non contemnenda sagaciter invenire. Quid, quoddâ in illam siderum altitudinem animum cælestium capacem subduxerunt, multiplicesque & inenarrabiles astrorum vias modò se humilior circumagentium, modò in immensam altitudinem subeuntium, retrogradientium, suos cursus retardantium, accelerantium, consistentium, & eorum ortus obitusque & latitudines, & longiitudines, & intervalla, & magnitudines cognoverunt? & Ptolomæum clarissimum cæli interpretem, sed cujus libri in magnâ rerum & orationis obscuritate versantur, inter sidera spatiantem, & abditißima naturæ arcana rimantem, & permeanem per se nullo duce sunt affecti; quod, quantum sit opus, explicarem, nisi adesse viderem doctissimos viros, qui experiendo didicerunt. Quæ tanta ingenii, eloquentiæ, doctrinæ ornamenta, his præsertim moribus, integritate vitæ, modestiâ, gravitate, continentia illustrata, cum ad nostrum Jus civile contulerint, latandum nobis esse duco: spero enim haud exiguum olim, cum se confirmaverint, Jurisprudentiæ lumen allaturos. Sed, ut ornabunt hi Jurisprudentiam, ita par est, ut ab ipsâ interim Jurisprudentium ornentur insignibus; quapropter ipse ex latius lubensque, vobis, Patres, decernentibus, trado.

Josephus verò expectationem omnem, quamlibet magnam, ut superaret, acriter pergebat in decretis veterum Philosophorum perquirendis, explicandis Mathematicorum Problematicis, astrorumque mirabili cursu cognoscendo. Multum tribuebat sapientiæ Philosophi *Stagirite*, ita tamen, ut illi Philosophorum Deo, Platoni primas deferendas censeret. Hunc enim ingenii doctrinæque principem ponebat, ab hoc tamquam fonte, ratus, omnem solidiorem doctrinam latissimè dimanare. Quid verò dicam de familiaritate, quam cum antiquis Mathematicis contraxerat: Testes sunt Interpretationes ejus nondum editæ in *Archimede*, ejusque interpretem *Eutocium*, & in *Ptolomæi Almagestum*; quæ si quando ab interitu vincentur, habebunt profectò harum rerum studiosi, qui iis faciem præferat in tot tamque obscuris horum Auctorum locis intelligendis. Hos artis magistros

et si summo studio triverat *Josephus*, excellens tamen fuit & propè singularis ejus industria, quam posuit in *Apollonii* doctrinâ dilucidandâ. In quâ quidem quò plures difficultates reperit, eò magis sibi elucidandas esse putavit. Cùmque haud nescius esset, Geographiam Matheseos partem esse minimè postremam, tantâ hujus cognoscendæ cupiditate incensus est, ut Græcos Latinosque Geographos omnes incredibili studio perlegeret, verteretque in usus suos.

Redux *Pifas Averanius* in dies illustriora dedit doctrinæ suæ documenta, auctore imprimis & adjutore *Ant. M. Salvinio*, cujus sibi amicitiam pepererat morum studiorumque similitudo. Huic viro Græcè tam docto tamque polito merito adhæsit *Averanius* noster, numquàm, quod ipse fassus est, nisi Græcè doctior, ab ejus latere deeedens. Quamquàm verò ipse, ut diximus, variis doctrinis animum adjeicit, tamen quasi impetu quodam singulari ad Jurisprudentiam ferebatur. In quâ quidem quot nodos solverit, quantasque tenebras dissipaverit, indicio sunt doctissimæ ejus Interpretationes. Non est necesse, ut multas eruditorum, quibus opus hoc ornarunt, laudes congeramus. Satis erit, Hispaniæ suæ decus, *Gregorium Manjansum* audire, qui non minùs scitè, quàm verè ita judicat: *Hoc scribendi genere superat Averanius omnes antè se interpretes. In disputationibus istis dubium est utrum majus ingenium, an judicium; expeditio, an elegantia.* Constat, varias esse vias, quas ingressi Jurisconsulti leges Romanas interpretari vel emendare solent. Cùm enim alii in locis dubiæ lectionis ad Florentinorum Pandectarum, alii ad Græcorum, alii denique ad Vulgatæ editionis auctoritatem se conferunt, *Averanius* noster Vulgatam, quoad ejus fieri posset, sequendam putavit. Erat enim vir præstantissimus à corrigendi studio alienior: quod cùm alibi ex ejus Interpretationibus, tum vel maximè ex justo acerbior in Criticis præfatione, *Fratri Benedicci* Operibus præmissa, patet. Neque tamen respuebat omnino lectionem Florentinam, si vel ratio vel consensus alterius Codicis accessisset. Interim fatendum est, tanto eum acumine, tamque limato judicio Vulgatæ causam egisse, ut faciliè appareat, eum cum Juris studio subtilem Geometrarum demonstrationum conjunxisse.

Fama igitur nominis ejus latius inerebrescente, *Cosmus III.* Dux Maximus, dignum eum imprimis censuit, cui Juris Civilis docendi provincia in Academiâ Pisana mandaretur. Ac tantum abfuit, ut Principis aliorumque expectationem falleret, ut potius conjungendis Græcarum literarum cum Jure Civili institutionibus longissimè superaret. Itaque factum est, ut brevi post à Principe Maximo filio suo JOANNI GASTONI, & deinde Magno Florentiæ Duci præceptor daretur. Ad quem quidem felicitatis gradum quamvis suâ virtute pervenerit, accessit tamen & commendatio *Henrici Norisii*, qui eodem tempore Principi historiz & numismatum scientiam tradebat. Atque hoc vel propterea commemorandum putavi, quia non minor laus est, *Norisio*, quàm tanto Principi plauisuisse. Profectò, si dicendum, quod res est, *Averanius* non umbram scientiæ, sed scientiam ipsam, neque earum unam alteramve, sed totum illum doctrinarum orbem, quem Græci apto verbo *ἡλικυλοπαυσίας* vocant, capax est ingenio complexus. Quod nisi libri ejus satis loquerentur, tot Itali adhuc eruditione florentes, tot discipuli liberali ab eo impartiti doctrinâ ingenuè testarentur. Non tulit superiori memoria Italia, quem non dieam antepondere, sed comparare eum *Norisio* potuisset. Atque hic vir talis ac tantus stupuit ad doctrinam, quam *Averanius* legendis Conciliis, Canonibus, Patribus & Apologeticis erat consecutus.

Nihil umquam gratius acceidit *Josepho* nostro consuetudine hominum eruditorum. Cùmque tantâ esset morum suavitate, ut omnes faciliè alliceret ad amorem suū, eruditione autem tantâ, ut quisque eum differentem libentissimè audiret, pervenit in amicitiam eximiorum virorum, *Henrici*, quem diximus, *Norisii*, *Antonii M. Salvinii*, *Rillii*, Jurisconsulti, *Comitis Magalotti*, *Forzoni Accolti*, *Migliorucci Giannetti*, *Grandii*, *Valschii*, *Gorii*, & aliorum. Quam quidem ita constanter coluit, ut nulli umquam causa conquerendi fuerit data.

VITA JOSEPHI AVERANII.

Prudentia quanta fuerit, vel hoc indicio erit, quod cum non viri solum eruditi, sed ipse Princeps COSMUS III. ejusque primores amici gravibus de rebus in consilium adhibere. Neque hoc prætereundum est, quod imprimis commemorari mereatur, Rotam Romanam clarorum Jurisconsultorum adhuc viventium auctoritate uti, sed nomen reticere solitam, quoties *Averania* ad partes vocaret, à semetipsa descivisse, ejusque & auctoritatem laudasse & nomen.

Dicerem, rerum quoque naturalium singularem in eo peritiam fuisse, nisi quisque ex Observationibus Philosophicis, Physicis & Mechanicis, quæ in Transactionibus Societatis Londinensis (cujus membrum fuit) extant, judicium facere posset. Sæpe in Observatorio Academicæ Pisane unâ cum aliis Professoribus præsertim ope Machinæ Pneumaticæ *Boyleana*, præsentè COSMO III. ejusque filio, Physicas Observationes instituit. Ipsius etiam quædam sunt de soni propagatione experimenta; in quâ indaganda se ei adjunxit Vir Illustris, *Henricus Newtonus*, Regis Britannorum ad Florentinæ Ducem Legatus. Hujus aliorumque laborum fructum cum sæpius tulit, tam Anno 1721. quando ornatissimi quique *Averania* disciplinæ alumni æneum ei numisma cum effigie dedicarunt.

Nec poeticæ suavitatis, quod mireris, expertus fuit, quamvis tetricæ Jurisprudentiæ & tot gravioribus doctrinis addictus. Carmina quidem ejus ob verborum sententiarumque splendorem ita se probant judici harum rerum vel imprimi petito, *Petro Burmanno*, ut ea sibi typis vulganda postulet; ad quem etiam *Averanio* adhuc superstitè sunt transmissa. Ille igitur fuerit præcipuæ doctores *Averanii* nostri, quas, cum per se pateant, latius persequi non est necesse. Quemadmodum verò ad litteras natus factusque videbatur, ita & in iis sibi consensendum putavit. Neque quidquam prius ab industria solita remisit, quàm d. 5. Dec. 1737. quando apoplexia, quæ deinde per decem. ferè menses crudelissimè extoratus, memoriam ei abstulit omnem. Expiravit vixit cælebs, castitatis, si quis alius, servans, d. 24. August. 1738. horâ 9. matutinâ, annos natus 75. menses 5. dies 4. Bona sua testamento reliquit Patribus Hospitalaribus *S. Joannis*. Bibliothecam lectissimam donavit Academicæ Pisane, varios præterea amicos legatis ornans. Sequenti die, qui Lunæ erat, corpus ejus in Ecclesia PP. Prædicatorum *S. Marci* sepulchro est conditum. Quæ de re ut omnes certiores fierent, jussit Ampl. Senator, *Petrus Franciscus Riccius*, Præses Ordinis Equitum *S. Stephani*, & Academiae Pisane & Florentinæ, *Averanii* quondam discipulus, sequens elogium à doctiss. *Gorio* confectum portæ Ecclesiæ inscribi.

ADESTE CONLACRYMANTE FLORENTINI CIVES.
PERPETVI MOERORIS ET LUCTUS NON VNA VOBIS CAUSA:
IOSEPHVS AVERANIVS
IVRISPRVDENTIAE MAXIMVM LVMEN.
BONARVM ARTIVM CVMEN.
PATRIAE DECVS. PISANI ATHENAEI BENEEICVM SIDVS.
AETATIS NOSTRAE INSIGNE ORNAMENTVM.
FLOVIENTIAE.
PHILOSOPHIAE. GEOMETRIAE. ASTRONOMIAE.
CYNCTARVMQVE DISCIPLINARVM ARBITER DOCTISSIMVS.
SVMMVS NATVRAE
RERVVM, OMNISQVE ANTIQVITATIS INTERPRES.
EXTINCTVS EST.
VIRO IVSTO. PRVDENTI. OPTIMO. CHRISTIANA PIETATE.
MODESTIA. CONFIDENTIA
ANTIQVIS ILLIBATISQVE MORIBVS ORNATISSIMO.
AMORE. CONSILIO.
LIBERALITATE DE OMNIBVS
PRAESERTIM EGENIS OPTIME MERITO.
EDITS EDENDISQVE RARISSIMI INGENIJ
SVI MONIMENTIS IN OMNIUM LAECVLORV
MEMORIA SEMPER VICTVRO.
LVCIS AETERNAE CONSORTIVM
ADEO ENIXIS PRECIBVS IMPLORATE.

VITA JOSEPHI AVERANII.

xj

Antonius verò *Nicolinius*, Vir Nobilissimus, suis ei impenitis sepulchrum vario ornatum marmore cum ejusdem effigie in numismate marmoreo dicavit, hoc addens epitaphium.

JOSEPHO AVERANIO
CIVI FLORENTINO BENEDICTI ET NICOLAI FRATRI
IN PISANA ACADEMIA LIII ANNOS LEGVM INTERPRETI
IVRIS CONSULTORVM SVI TEMPORIS MAXIMO
PHILOSOPHIA GEOMETRIA ASTRONOMIA
GRAECIS LATINIS LITTERIS POESI ELOQUENTIA
ROMANAE HISTORIAE COGNITIONE CLARISSIMO
RELIGIONE MORIBVS SPECTATISSIMO
PRAECEPTORI OPTIMO
QVI VIXIT ANN. LXXV. MENS. V. D. IV.
OBIIT IX. KAL. SEPT. ANNO A CHRISTO NATO
M DCCXXXVII.

ANTONIVS NICOLINIVS
EX MARCHIONIBVS PONTIS SACCE
ET CASTRI CAMULIANI
H. M. D. S. P. F. C.

OPERA Averanii EDITA huc sunt.

Interpretationum Juris Libri II. Lugduni Batavorum 1716. iterum editi 1736. in 8°.

Interpretationum Juris Libri tres posteriores, Opus posthumum, primum editi Lugd. Batav. 1746. iterum verò hic excusi, cum duobus prioribus.

De calculorum seu latrunculorum ludo Dissertatio. In Venezia 1743. nel Tom. VII. della Miscellanea di vari Opuscoli.

Disputatio de Jure Belli ac Pacis. Florentiae. 1703.

Dissertatio de Repressaliis habita Pisae 1713. magno cum suo, tum Lycei Pisani honore coram Serenissi. Rege Poloniarum & Electore Saxoniae, FRIDERICO AUGUSTO III. qui tum princeps Juventutis Italiam perlustrabat.

De Libertate Florentina.

Vita Benedicth Averanii, fratris sui, in principio operum ejusdem Benedicth.

Consultationes & Responsa Juridica seorsim edita.

Prefazione alle Poesie Toscane di Mons. Ansaldo Ansaldo impressa in Firenze nel 1704.

Lezioni sopra la passione di S. C. Urbino 1738.

Lezioni Toscane, in Firenze 1744. Hujus praeclari operis, quod ingenti eruditione ex sacris profanisque scriptoribus tam Graecis, quam Latinis arcessita referuntur est, in lucem proferendi initium nuper fecit Cl. Gorius; cui ut finem quam primum imponat, serio optamus.

OPERA INEDITA.

De Lampadum ludo Dissertatio.

Elgia, & Epigrammata, & alia carmina.

Opuscula Mathematica.

Esperienze fatte sopra le gemme, & pietre dure collo Specchio Ustorio.

Esperienze sopra la propagazione del suono.

Hæc OPERA ferè omnia Florentiae prelo subiecta sunt 4. Volam. in 4°.

Alia quædam ejusdem Cl. Viri Opera MSS. in Bibliotheca Academice Pisane extare feruntur; quæ ut aliquandò, sicut dignitas argumenti scribendique ratio meretur, à tenebris vindicentur, omnes, quibus solidior doctrina curæ cordique est, nobiscum etiam atque etiam exoptant.

è ij

INDEX CAPITUM

Quæ in Tomo primo continentur.

LIBER PRIMUS.

CAPUT I. Ad l. imperium 3. ff. de juridict. Explicatur, & defenditur definitio meri imperii. Gladii nomen quot modis accipiat: & in quâ significatione usurpetur in hac definitione. Gladius insigne imperii post everfam Remp. Merum imperium modò plenius: modò minus plenum.

CAPUT II. Ad l. 1. ff. de off. ejus cui mand. est. juridict. Proponitur sententia Lotarii, & Azonis, & utraque refellitur. Probatur solum Magistratum habere merum imperium, non autem Principem.

CAPUT III. Ad eandem l. An merum imperium mandari possit. Dabatur merum imperium aut à Populo, aut à Senatu, stante Rep. postea à Principe. Quibus Magistratibus datum esset.

CAPUT IV. Ad l. & ult. ff. eod. Explicatur quid sit jurisdictio & mixtum imperium. Probatur esse inseparabilia: & omnes Magistratus habuisse mixtum imperium. De Magistratibus Majoribus, & Minoribus. Quod inter eos discrimen.

CAP. V. Ad l. 1. in privatis 77. ff. de juridict. Conciliatur cum l. qui jurisdictioni ff. de juridict. Totia ratio dandi, & eligendi Judices explicatur, eosque rejiciendi. Discrimen inter jus dicere, & judicare hac in re exponitur.

CAP. VI. Ad §. Prætorum Inst. tit. de Jure Natur. Prætoris Jurisdictioni, & auctoritas sum in ferendis legibus, tum in proponendis, aut mutandis Edictis expenditur. Edictum perpetuum Adriani an habeat vim legis.

CAP. VII. Ad §. sunt autem Inst. tit. de bonor. posses. & ad l. ut liberis 17. C. de

collat. Exponitur Prætoris auctoritas quoad successiones, & testamenta. An bonorum possessio contra tabulas sit ex testamento, vel ab intestato, & an testamentum rescindat.

CAP. VIII. Ad l. Papinianus ff. de inoffic. testam. Bonorum possessio litis ordinanda gratiâ cur inventa: quibus sit necessaria: & quâ de causâ. Refelluntur Interpretum opiniones hac de re.

CAP. IX. Ad l. ei qui se 12. ff. de acquir. vel om. heredit. Refellitur communis opinio, suum heredem quoad incommoda pro herede non haberi ante immixtionem: & creditores cogi ad probandam immixtionem. Copiosè differtur tum de jure sui heredis, tum de beneficio abstinendi: & de Prætoris auctoritate. Nova interpretatio hujus legis affertur.

CAP. X. Ad l. filio præterito ff. de injust. rupt. Præterito abstinente testamentum Jure Civili non convalescere demonstratur. Quâ de causâ præteritio vitiet testamentum luculentè differtur.

CAP. XI. Ad eandem l. Præterito abstinente testamentum Jure Prætorio convalescere copiosè demonstratur. De beneficio abstinendi, & Prætoris auctoritate circa testamentum ob præteritionem nullum, latè differtur. De bonorum possessione secundum tabulas ex testamento, quod Jure Civili non valet: & aliis hujus generis.

CAP. XII. Ad l. per procuratorem ff. de acquir. vel omit. heredit. Hereditas per procuratorem, vel quaecumque aliam personam an possit adiri, copiosè disputatur. Discrimen inter agnitionem bonorum possessionis, & aditionem hereditatis. De adibus legitimis; de

erectio : de acceptilatione : de Procuratore Casaris , & aliis , qua luculenter explicantur.

CAP. XIII. Ad l. 2. §. sed et si mater ff. ad SC. Terrell. & l. 1. §. qui habebat ff. de poss. contr. tab. Nova quaestio proponitur. An agnatio & cognatio simul iunctae consuevant potentius vinculum ad succedendum. An agnatus remotus possit mutuari gradus proximitatem à cognatione , ut excludat proximiorum cognatum : & an duplex vinculum quicquam operetur. De successione agnatorum , & cognatorum & bonorum possessionibus Undè legiti-
mi , & Undè cognati differunt luculentissime.

CAP. XIV. Ad l. huiusmodi 84. §. si quis servum ff. de legat. 1. De dolo dante causam contractui pertrahatur uberrimè. De exceptionibus quae insunt contractibus. An sit ipso iure nullus contractus , cui exceptio inest. Ordo veterum iudiciorum explicatur. Discrimen inter contractus strictos , & bona fidei.

CAP. XV. Ad l. hæc si res 47. ff. de rei vindic. An dominium transferatur in possessorem solâ voluntate domini , etiamsi res præsens non sit. In iudiciis quæ res præsens dicatur , quæ absens. Multa de veteri formâ iudiciorum exponuntur : & de rei vindicatione accuratè pertrahitur.

CAP. XVI. Ad l. ejus qui 41. ff. de reb. credit. De errore impediens dominii translationem. An qui agit ut transferat aliud dominium , quàm quod transferre vellet , ullum dominium transferat. Comparatur hic error errori in corpore rei. Discrimen hæc in re inter libertatem & dominium.

CAP. XVII. Ad l. si ego pecuniam 18. ff. de reb. cred. Error in causâ contrahendi vitiat contractum , non obstat dominii translationi. Conciliantur Ulpianus & Julianus. Nummos non fieri accipientis , & mutuum non contrahi , promiscuè à Veteribus accipiuntur. Ad dominium transferendum sufficit causa putativa.

CAP. XVIII. Ad l. si quis vinum 9. ff. de vin. trit. & ol. leg. Agitur de errore tum in nomine proprio , tum in nomine appellativo. Varia vini genera recensentur tum naturalis , tum factitii. De verbis testatorum interpretandis.

CAP. XIX. Ad l. labes 45. ff. de contrah. empt. Agitur de errore tum in corpore rei , tum in materia , tum in qualitate. Afferunt discrimen inter emptionem & alios contractus. De orichalco disputatur uberrimè. Rejicitur Hunnii , & Cujacii interpretatio.

CAP. XX. Ad §. est autem litus Instit. tit. de Rei. Divis. Litoris definitio explicatur. Hyperbæus fluctus quid. Aëstus maris quid.

CAP. XXI. Ad §. si communis Instit. tit. de injur. Agitur de injuriâ factâ communi servo ; an astimanda sit pro dignitate dominorum , an pro portione domini : & utrumque considerandum esse demonstratur. Conciliantur leges contrariæ. Adjiciuntur quadam de divisione hereditatis.

CAP. XXII. Ad l. si verò 5. ff. qui satisd. cog. Queritur an recusando idoneum fidejussorem , ipsi fiat injuria : & an debitori offerenti. Qui sint idonei fidejussores. Explicatur mos antiquus ducendi in jus debitores.

CAP. XXIII. Ad l. vulgaris 21. ff. de furt. Rei minima furtum fieri demonstratur. Plura hujus furti exempla afferuntur , & explicantur. De pretio rerum , quo apud Veteres pleraque vendebantur. An ex furto rei minima actio furti daretur.

CAP. XXIV. Ad l. si ita fidejussorem 43. ff. de fidejuss. Fidejussor in aliam obligationem , aut in duriorem causam accipi non potest. De assumptione aurorum & solidorum : Plures leges explicantur & emendantur. Cur deportati libertatem amittere dicerentur.

CAP. XXV. Ad §. poena furti Instit. de oblig. ex del. Varia furtorum poena recensentur cum apud Græcos , tum apud Romanos. Poena furti in quadruplum quando à Prætoribus subrogata. Adjiciuntur multa de nescendis atque addicendis debitoribus Jure Veteri.

CAP. XXVI. Ad §. conceptum Instit. tit. eod. De poenâ furti concepti. Furtum conceptum per lancem & licium. Quo modò conciperetur , & unde mos deducitur.

CAP. XXVII. Ad l. qui vas argenteum ff. de furt. Nova hujus legis explicatio. An dominus à debitore vel jure possit auferre rem propriâ auctoritate , & quæ sit poena.

CAP. XXVIII. Ad l. 3. §. si rem ff. de

acquir. poss. *An possessio, & dominium ab eo, qui rem detinet, solo animo acquiratur: an sit necessarius aliquis actus externus. De contredatione in furto necessaria, quod neque verbis, neque insinuatione, neque scriptura fit.*

CAP. XXIX. Ad l. si quis conduxerit ff. locat. *De locatione simulata animo donandi facta. De nummo & sesterio. Solemnia Vete-*

rum mancipationum. Quædam alia subiciuntur ad substantiam locationis & venditionis pertinentia.

CAP. XXX. Ad princ. tit. Inst. de servit. *Quæritur cur constituta itineris servitute possit quis lætica vehi. De læticis Veterum: itemque Basternis, Carrucis, Sellis.*

LIBER SECUNDUS.

CAPUT I. Explicatur copiosè l. 1. C. quæ sit longa Consuet. Consuetudinem legi derogasse tam apud Athenienses, quam apud Romanos perspicuè probatur multis exemplis. Posteriora esse potiora, & derogare prioribus probatur pariter multis exemplis.

CAP. II. Explicatur latissimè l. si in emptione 34. in princ. ff. de contr. empt. consutatis doctissimorum Hominum expositionibus, & communi opinione, quoad interpretationem ambiguum paſſorum contractibus adjectorum. *De Pactis venditioni adjectis latè differitur: tum verò de errore, & ambiguo: & quantum inter se differant.*

CAP. III. Explicatur l. Græcè 8. §. illud commune ff. de fidejussor. *De fidejussore in duriorem causam accepto disputatur accuratè, & an obligetur in summa debita, si majorem summam promittat. Expenditur communis regula, quod utile per inutile non vitiatur: & quando non sit admittenda, demonstratur.*

CAP. IV. Exponitur §. si quis Stichum zinzum legis, & l. si ita 42. ff. de fidejuss. *An fidejussor in aliam obligationem accipi possit, in controversiam adducitur. Committuntur multæ leges, quæ inter se pugnare videntur: & conciliantur, & explicantur. Quando fidejussor in aliam obligationem acceptus intelligatur, luculenter exponitur.*

CAP. V. Exponitur l. ult. §. si mulier, penult. ff. ad SC. Velleian. *Quæritur an mulier possit renunciare beneficio Velleiani. Examinatur accuratè regula illa Juris, quod invito beneficium non datur: distinguuntur*

varia genera beneficiorum: & quando cesset illa regula, demonstratur. De renunciatione mulierum copiosè differitur, & multæ leges exponuntur.

CAP. VI. Examinatur l. in his 5. §. si duos ff. de solut. & quando ea obtineat: & quæ requirantur, ut debitor solvens liberet cum fidejussorem, quem voluerit. Multa adjiciuntur de confusione principalis obligationis, & quomodo, & quæ ex parte per eum fidejussores liberentur: & quàm plura observantur ad explicationem hujus legis antehac non animadversa, quæ vel in foro versantibus omnino sunt necessaria.

CAP. VII. Explicatur l. Matcellus 25. ff. de fidejuss. *Demonstratur in eâ agi de restitutione in integrum. Quando furiosus, prodigus, & pupillus sine tutoris, & curatoris auctoritate obligentur. Quando pro illis teneatur fidejussor: & adversus eos regressum non habeat, & tunc quid juris sit.*

CAP. VIII. Exponitur l. si pupillus 89. ff. de acquir. vel omit. hered. *Cur in specie hujus legis in integrum restitutio proſit fidejussoribus: & minor restitutus nec naturaliter, nec civiliter maneat obligatus. Explicantur multæ aliæ leges.*

CAP. IX. Explicatur l. minor 51. ff. de procur. *Cur in specie hujus legis restitutio proſit fidejussori. Subjiciuntur multæ de satisfactionibus judicialibus, & quando amplius non subsistant. Resolvitur communis opinio, quod fidejussor liberetur cum principalis mutat qualitatem.*

CAP. X. Exponitur copiosè l. in omni

bus 43. ff. de solut. Disputatur accuratè cum restitutio non profit fidejussoribus. Natura restitutionis diligenter expenditur. An exempto reo ab obligatione fidejussores liberentur, & de liberatione per deportationem latè disceptatur.

CAP. XI. Explicatur l. debitor 59. in princ. ff. ad Senatufc. Trebell. & l. cum quis 38. §. ult. ff. de solut. Quo jure, & quandò tollatur obligatio confusione, latè disferitur: & an tollatur tam naturalis, quàm civilis obligatio: & an pignus liberetur sublata per confusionem obligatione: & an sit eadem ratio fidejussoris, & pignoris.

CAP. XII. Explicantur l. 1. ff. qui pot. in pign. hab. & l. 2. C. de luit. pign. & multæ aliæ leges. An pignoris obligatio possit subsistere sine principali obligatione, latissimè examinatur: & an possit accedere officio Judicis juxta communem opinionem. Quandò incipiat hypotheca filii in bonis patris: & pleraque alia pertinentia ad naturam pignoris dilucidè explicantur.

CAP. XIII. Exponitur l. 1. ff. in quib. caul. pign. tac. contrah. & multæ aliæ leges, præsertim quæ ad privilegia mercatorum pertinent. An, qui mutuatur ad naves vel alias res restituendas, habeat privilegium prælationis. De privilegio exigendi, & privilegio pignoris. Multa de mercaturâ hæcenus non animadversa subiiciuntur: & an ea Romanis esset utilis. Ratio amplificanda Civitatis Romanæ exponitur: & de frumentatione pauca delibantur.

CAP. XIV. Explicantur l. quod pupillus 41. ff. de condi& indeb. & l. pupillus 59. ff. de oblig. & act. & multæ præterea leges ad obligationem pupilli pertinentes. De naturali obligatione pupilli, & de ejus effectis tam in personâ ipsius pupilli, quàm in personâ aliorum latissimè disferitur.

CAP. XV. Exponitur §. præterea Instit. Tit. quib. mod. toll. oblig. & omnes aliæ leges, in quibus agitur de restituenda actione adversus veterem debitorem. De expromissione copiosè disferitur: & tota ratio restituendæ actionis adversus debitorem liberatum accuratissimè expenditur.

CAP. XVI. Exponitur l. 1. ff. de condit. & demonstr. De die certo, atque incerto adjecto tum legatis, tum contrahibus disputatur: quam vim habeat uterque, & quandò dies incertus faciat conditionem. An legatum ante diem agnoscei, repudiare possit: & quid in legatis interfit inter acquisitionem obligationis, & dominii.

CAP. XVII. Explicatur l. libertis 18. §. ab heredibus ff. de alim. leg. cum aliis multis. Agitur de legato alimentorum. De militiis: quæ earum genera: quæ militiæ ex casu: quæ essent in commercio: quæ ad heredes transmitterentur: & alia hujus generis explicantur. Annona Magistratibus præstari solita, & cætera ejusdem modi expenduntur.

CAP. XVIII. Exponitur text. in l. sed etli suscepi, 52. §. 1. ff. de iudiciis. De tesseris frumentariis, & earum legato accuratè disferitur. De tesseris extra ordinem. De pane distribuendo: de frumentatione.

CAP. XIX. Explicatur text. in l. patronus 35. in princ. ff. de leg. 3. De legato tribus: quid esset tribum emere: tribus nonen quot modis accipitur: qui essent tribules, & cur ita appellati. Quæ Principum liberalitates & donationes? quid congiarium?

CAP. XX. Exponitur l. in illâ stipulatione ff. de V. O. Agitur de die adjecto conditioni promiscuæ, & latè disceptatur, an sit expectandus etiamsi conditio extiterit ante lapsum diei, & arrepta occasione multæ leges explicantur tum ad locationem, tum ad stipulationem pertinentes.

CAP. XXI. Exponitur l. hoc jure 10. ff. de V. O. Agitur de die adjecto conditioni non promiscuæ, & an sit expectandus conditio ante diem existente luculentissimè disputatur, & quàm plures leges explicantur, & inter se componuntur. Quod sit discrimen hæc in re inter conditionem promiscuam, & non promiscuam. Copiosè etiam disferitur de die adjecto tum certo, tum incerto, & variæ distinctiones proponuntur, & explicantur. Denique asseruntur septem exceptiones, in quibus non est expectandus dies adjectus conditioni non promiscuæ.

CAP. XXII. Exponitur l. 1. ff. de legat.

2. & conciliatur cum l. nonnumquam 52. ff. de condit. & dem. ad quarum conciliationem multa ingeniosè, & subtiliter excogitantur: & an differat legatum in alienam voluntatem collatum à conditione collatà in alienam voluntatem, expenditur. Circa collationem tactam & expressam multa ab aliis non animadversa acutè aīnotantur.

CAP. XXIII. Exponitur l. sub hac 8. ff. de oblig. & action. multò aliter quàm à doctissimis Viris hæc: nūc sit explicata. De conditionibus si volam, & si voluero dilucidè & accuratè differitur.

CAP. XXIV. Explicatur uberrimè l. obtinuit. 3. ff. de cond. & dem. & hæc occasione omnes etiam leges, in quibus agitur de impossibili conditione. Per omnia genera conditionum impossibilium expatiatur hæc interpretatio, & omnium natura, vis, effectus perverstigantur: multaque afferuntur à Nostreis aut non animadversa, aut dilucidè non explicata: & tota materia conditionum impossibilium brevè comprehenditur.

CAP. XXV. Explicatur l. si Titius & Sejus 9. ff. de V. O. Defenditur subtiliter & copiosè Accursii interpretatio. Examinatur Aliorum sententiæ. Nova proponitur interpretatio: eas stipulationes non esse conditionales. De conditione, quæ impletur per litis contestationem, an suspendat actionem: item ea, quæ tacitè inest.

CAP. XXVI. Exponitur l. cum duobus 32. §. damna ff. pro soc. cum l. quæ fortuitis 6. C. de pignor. act. & l. 2. §. si eo tempore ff. de admin. rer. ad Civ. pertinet. Traditur dilucidè quid sit casus fortuitus: & qui sint fortuiti casus. Probatur communis distinctio: alios esse casus solitos; alios insolitos. Quorundam opinio quoad casus fortuitos confutatur.

CAP. XXVII. Exponitur l. quidam testamento 96. ff. de leg. 1. cum omnibus aliis,

in quibus agitur de assignatione certi fundi, vel rei, unde depromi debet id, quod solvendum est. Gravissima illa controversia: an fundi assignatio vicem demonstrationis, vel taxationis obtineat à Nostreis hæc: nūc non satis enucleatè, ac diligenter explanata, cum explanatiùs, atque distinctiùs, tum uberius explicatur, ac dirimitur. Multæ distinctiones proponuntur, quibus res magnis controversiis implicata facillimè expeditur.

CAP. XXVIII. Explicatur l. generali 32. §. uxori ff. de usufr. leg. & l. prædia 27. §. liberto ff. de instru. leg. & quàm plurimæ leges. Agitur copiosissimè de legato, in quo certus locus designatus est, & circumscriptus. Disputatur fuscè, latèque quid hujusmodi legato contineatur. Præsertim quatuor rerum genera diligenter expenduntur. Calendarium & nomina debitorum. Argentum, & pecunia numerata. Res venales, & merces. Fructus in fundo collecti. Quàm plurimæ leges componuntur, & explicantur: & quod ad hanc rem pertineat, nihil intadum relinquitur.

CAP. XXIX. Explicatur l. Lucius Titius 78. §. tres heredes ff. ad SC. Trebell. De molestiis in testamento prohibitis uberrimè pertractatur. Communis sententia distinguens inter molestias justas, & injustas accuratè refellitur. Quæ molestiæ prohibitiæ censeantur fuscè & copiosè differitur. Dissertatio in foro versantibus omnino necessaria.

CAP. XXX. Exponuntur l. solemus 61. & l. si quis intentione 66. ff. de judic. Agitur de interpretatione verborum faciendâ in judiciis. Quantum inter judicia, & contractus intersit. De interpretatione libelli generalis. De interpretatione libelli ambigui. De compromissis aliquid attingitur. An heres possit declarare libellum defuncti, contra communem disputatur.



LIBERTERTIUS.

CAPUT I. Agitur uberrimè de Comitibus, variisque eorum generibus. Probatur sub hoc nomine comprehendi omnes eos, qui Præsides, Proconsules, & alios in provinciam sequebantur. Exponuntur singula eujusque munera. Salaria quæ & à quibus recipere. Hypotheca pro eorum salariis non dabatur.

CAP. II. Alterum Comitum genus, qui Imperatorem Romæ proficiscentem comitabantur. Quidam familiares & convivores: Quorundam consilio Rempublicam administrabat. Romæ quoque eos retinebat. In varios ordines officiorum distribuebantur. Hypotheca nullis concedebatur.

CAP. III. Comites qui ad Comitatus dignitatem evehebantur. Tres dignitatis Comitum ordines, Comites alii provinciam regebant: alii militibus eam tuentibus præerant. Comites militares in tres ordines distincti. Comites qui provinciam regebant. Varia provinciarum Imperii Romani genera. Præsides Comitum dignitate decorati. Procuratoris Cæsaris jurisdictio amplissima. Comites annonam de publico habebant pro salario. Modus eam exigendi. Nulla dabatur hypotheca contra Principem.

CAP. IV. Vindicatur responsum Antonini Imperatoris ad Eudemonem ab interpretum criminationibus. Probatur Antoninum potuisse se Mundi dominum appellare, modestamque summam demonstrasse, ubi quaestionem sibi propositam dirimi voluit juxta legem Rhodiorum. Hanc tamen apud Caunios tamen apud plerosque Insularum Ægei maris incolae in usu fuisse.

CAP. V. Expenditur V. Cl. emendatio, atque eam augere potius, quam removere difficultatem probatur. Navis in ora Italiae naufraga potuit jactari usque ad Cyclades insulas, quamvis remotas. Ista lex nec dominium, nec imperium maris Principibus adimit.

CAP. VI. Explicatur divisio justitiæ particularis ab Aristotele tradita in distributivam, & emendatricem, quas Juri vocant distributivam, & commutativam. Distributiva semper servat proportionem geometricam. Commutativa plerumque arithmetica; geometricam verò, cum agitur de conditione personarum, quæ contrahunt, vel de rebus, quæ in contractum deducuntur. Plurima exempla recensentur.

CAP. VII. Refellitur opinio Glossæ in L. 1. C. de rescind. vendit. & sequacium, qui putant hoc beneficium pertinere ademptorem, si in tertiâ parte & amplius læsus fuerit. Læso in quo consistat. Proponitur contraria sententia, quod emptor tunc immodicè læsus sit, cum res ei tradita minus valet quam dimidium pretii, quod ipse solvit: sicuti venditor immodicè læsus judicatur, si nec dimidium justî pretii consecutus fuerit. Contraria argumenta diluuntur.

CAP. VIII. Probatur copiosè liberato reo per transactionem non posse conveniri fidejussorem. Transactio, quocumque modo fiat, continet novationem, & fidejussio, quæ priori obligationi accefferat, exstinguitur etiam reservatis juribus contra fidejussorem. Non ita est in pignore, quod difficilis solvitur. Nec in correo debendi. Fiacjussorî solvendi semper competit regressus adversus principalem debitorem. Fidejussorî solvere parato præstandæ sunt actiones contra principalem debitorem. Et eæ esse debent, quæ exceptione non elidantur. Plura de exceptionibus personalibus.

CAP. IX. Probatur luculenter, in legatis conditionem non retraheri. Contrarium in hereditate. In contractibus retrahitur sola conditio casualis & mixta. Excipiuntur pignus conventionale. Ratio differentiarum assignatur. Confutantur argumenta contraria.

CAP. X. Pecunia numerata in omnibus obligationibus, deposito excepto, con-

fideratur ut quantitas, non ut corpus. Probatur in mutuo reddi posse quod acceptum est in aliâ monetâ, nisi ex hoc damnum passurus sit creditor. Pecuniæ numeratio designat æstimationem, non speciem. Demonstratur luculenter vis argumenti à contrario sensu. Refelluntur nonnullæ auctoritates.

CAP. XI. *Monetæ mutatio extrinseca vel intrinseca. Monetâ extrinsecus mutatâ mutuatarium teneri ad restituendum tantumdem æstimationis probatur, multis argumentis. Contraria diluuntur.*

CAP. XII. *Mutatâ intrinsecus monetâ, magis placet reddi posse novam monetam, dummodò sit eadem æstimatio. In pecuniâ non habetur ratio materiæ, sed quantitatis. Pecunia quatenus nobis dominium & usum præbeat substantiâ & quantitate. A Romanis duobus modis monetæ intrinsecus mutata fuit.*

CAP. XIII. *Creditor oblatam pecuniam recusans est in mora. Ejus tamen detrimentum non est. Genus pecuniæ perire potest; non tamen æstimatio, quæ debetur. Reprobatur Interpretum explicatio.*

CAP. XIV. *Varia antiquiorum Scriptorum opiniones circa concursum actionum pænalium. Obtinuit tamen eas invicem non consumi secundum Ulpiani sententiam, quæ Pauli sententiæ præfertur. Proponitur conciliatio Pauli cum Ulpiano.*

CAP. XV. *Commodator agens actione commodati, & ex ea simpliciter obtinens non potest amplius agere actione legis Aquiliæ. Paulus Ulpiano & Cajo contrarius cum iis conciliatur. Expenditur textus noster juxta actionem Pandectarum Florentinarum.*

CAP. XVI. *Explicatur copiose, & exornatur celebris regula: Determinatio respiciens plura determinabilia, ea æqualiter determinat: Probatur eam locum habere in dispositionibus, quibus convenit. Contrariis satisfi.*

CAP. XVII. *Regula superius exposta obtinet in una determinatione plura determinante, quæ in eadem oratione reperiatur. Conditiones ad illam non pertinent. A regula non recedendum, quamvis in utroque deter-*

minabili non sit eadem ratio: neque etiam per eam determinaretur casus contrâ id, quod à lege generaliter statutum est.

CAP. XVIII. *Proponitur, & multis argumentis confirmatur regula: quodd in interpretandâ hominis dispositione non est recedendum à scripto, cum ambiguum non est, quamvis discrepet à voluntate: non solum in ultimis voluntatibus, sed etiam in contractibus. Contraria argumenta referuntur, ac confutantur.*

CAP. XIX. *Proponuntur plures regulæ ad dignoscendum, quandonam scriptum spectandum sit potius, quàm voluntas, quando verò à scripto sit recedendum, & voluntas spectanda. Multa LL. explicantur.*

CAP. XX. *Verba generalia generaliter sunt intelligenda: quamvis specialia adjiciantur, aut concurrant, quæ restringere possint orationem. Genus plerumque & latius patere, & angustius contrahi potest. Quæ ad genus dilatandum, quæque ad coarctandum accommodata sint.*

CAP. XXI. *Proponitur, & in utramque partem disputatur quæstio: An generalis dispositio comprehendat etiam ea, quæ improprie in illo genere continentur: Negativa sententiâ probatur. Cum lex aliquid alteri æquiparat, aliud pro alio accipi potest. Mens disponentis maximè investiganda.*

CAP. XXII. *Probatur copiose quodd genus non comprehendit speciem, de quâ nominatim dispositum fuit tam quoad res, quàm quoad personas. Contraria diluuntur, multæque LL. explicantur, & conciliantur.*

CAP. XXIII. *Proponitur examinanda quæstio: an species expressa coarctent genus, & ad easdem contrahant: In hæc forenses veritatem non assensu. Explanantur veterum Scriptorum responsa, quæ in utramque partem afferri solent.*

CAP. XXIV. *In clarâ disponentis voluntate species expressæ genus coarctare liquidum est: in obscurâ verò controversum: Traduntur quinque regulæ ad dignoscendum, quid in hac re statuendum sit, & exemplis confirmantur. Multa LL. explicantur.*

CAP. XXV. *An generali sermone non*

solum præsentia, sed etiam futura comprehendantur, in utramque partem disputatur. Negativa sententia magis probatur, cum distinctione tamen accipienda. Contraria sententia fundamenta diligenter expenduntur. Multæ L. L. explicantur.

CAP. XXVI. Qui descendentes hodie nominantur, olim liberi appellati. Hoc nomine continentur omnes, qui ab eodem Stipite descendunt tam masculi quam femina. Vocatis descendantibus virilis sexus femina ex masculo non comprehenditur. Descendentes virilis sexus perperam à nostris confunduntur cum descendantibus ex virili sexu. Multæ leges pro hac sententiâ afferuntur. Rejiciuntur contraria.

CAP. XXVII. An vocatis descendantibus masculis succedant etiam masculi descendentes ex feminis, in utramque partem disputatur: ac utriusque argumenta confutantur. Quæ sententia tenenda sit, proponitur, & explicatur.

CAP. XXVIII. Affirmativam sententiam tamquam regulam juris statuere, incon-

gruum est. Verba generatim prolata non improprie accipiuntur, cum ea non de genere summo, sed de genere infimo interpretamur. Quoties à proprietate sermonis non recedimus, non tam vehementes conjecturæ requiruntur, quales requirerentur, si verba ad alienum sensum detorquerentur. Conjecturæ ad coarctandam masculorum vocationem ad masculos ex masculis facilius ducunt.

CAP. XXIX. Agnationis contemplatio evidenter probat exclusionem masculorum ex feminis. Ad eliciendam voluntatem eos excludendi sufficit, quod testator vocaverit masculum, & ejus filios masculos, & ex eis descendentes masculos. Masculi ex femina in una linea exclusi in cæteris quoque lineis vocatis exclusi censentur. Idem est, si exclusi fuerint in parte conditionali.

CAP. XXX. Explicatur copiosè, & exornatur regula: Taciti & expressi eadem virtus est; Probatur eam locum habere in iis, quæ tacitè insunt, vel potestate legis, vel ex natura actûs, qui geritur. Plures hujus regulæ exceptiones recensentur & explicantur.





A P P R O B A T I O.

EX Mandato Illustrissimi Galliarum Cancellarii , perlegi JOSEPHI AVERANII *Interpretationes Juris*, atque Editionis iteratione dignas reperiri. Datum Parisiis , die 21. mensis Maii , anno Domini 1749.

RASSICOD.

P R I V I L E G E G E N E R A L.

N° 3232.

LQUIS, PAR LA GRACE DE DIEU, ROI DE FRANCE ET DE NAVARRE: A NOS amés & féaux Conseillers, les Gens tenans nos Cours de Parlement, Maîtres des Requêtes ordinaires de nôtre Hôtel, Grand Conseil, Prévôt de Paris, Baillifs, Sénéchaux, leurs Lieutenans Civils, & autres nos Justiciers qu'il appartiendra; SALUT. Nôtre Amé PIERRE BRUYSET, Libraire à Lyon, Nous a fait exposer qu'il désireroit faire imprimer & donner au Public un Ouvrage qui a pour titre: JOSEPHI AVERANII *Interpretationum Juris, Libri quinque*. S'il nous plaisoit lui accorder nos Lettres de Privilège pour ce nécessaires. A CES CAUSES voulant traiter favorablement l'Exposant, Nous lui avons permis, & permettons par ces Présentes de faire imprimer ledit Ouvrage, en un ou plusieurs volumes, & autant de fois que bon lui semblera, & de le vendre, faire vendre & débiter par tout nôtre Royaume, pendant le tems de neuf années consécutives, à compter du jour de la date desdites Présentes. FAISONS défenses à tous Libraires, Imprimeurs, & autres personnes de quelque qualité & condition qu'elles soient, d'en introduire d'impressions étrangères dans aucun lieu de notre obéissance; comme aussi d'imprimer, ou faire imprimer, vendre, faire vendre, débiter ni contrefaire ledit Ouvrage, ni d'en faire aucuns Extraits sous quelque prétexte que ce soit d'augmentation, correction, changement ou autre, sans la permission expresse & par écrit dudit Exposant, ou de ceux qui auront droit de lui, à peine de confiscation des Exemplaires contrefaits, de trois mille livres d'amende contre chacun des Contrevenans, dont un tiers à Nous, un tiers à l'Hôtel-Dieu de Paris, l'autre tiers audit Exposant, ou à celui qui aura droit de lui; & de tous dépens, dommages & intérêts; à la charge que ces Présentes seront enregistrées tout au long sur le Registre de la Communauté des Imprimeurs & Libraires de Paris, dans trois mois de la date d'icelles, que l'impression dudit Ouvrage sera faite dans nôtre Royaume & non ailleurs, en bon Papier & beaux Caractères, conformément à la feuille imprimée attachée pour modèle sous le contre-scel desdites Présentes; que l'Impétrant se conformera en tout aux Règlemens de la Librairie, & notamment à celui du 10. Avril 1735. qu'avant de l'exposer en vente, le Manuscrit qui aura servi de copie à l'impression dudit Ouvrage, sera remis dans le même état où l'Approbation y aura été donnée, es mains de nôtre très cher & féal Chevalier le Sieur DAGUESSEAU, Chancelier de France, Commandeur de nos Ordres, & qu'il en fera ensuite remis deux Exemplaires dans notre Bibliothèque Publique, un dans celle de notre Château du Louvre, & un dans celle de notre dit très cher & féal Chevalier le Sieur DAGUESSEAU, Chancelier de France; le tout à peine de nullité desdites Présentes. Du contenu desquelles Vous mandons & enjoignons de faire jouir ledit Exposant, & ses ayans cause, pleinement & paisiblement, sans souffrir qu'il leur soit fait aucun trouble ou empêchement. Voulons que la Copie des Présentes qui sera imprimée tout au long au commencement, ou à la fin dudit Ouvrage, soit tenuë pour dûëment signifiée; & qu'aux Copies collationnées par l'un de nos amés féaux Conseillers & Secretaires, soit ajoutée comme à l'Original. COMMANDONS au premier notre Huissier ou Sergent sur ce requis, de faire pour l'exécution d'icelles, tous Actes requis & nécessaires, sans demander autre permission, & nonobstant Clameur de Haro, Charte Normande, & Lettres à ce contraires. CAR tel est notre plaisir. DONNÉ à Paris le septième jour du mois de Juin, l'an de Grace mil sept cent quarante neuf, & de notre Règne le trente-quatrième.

PAR LE ROI EN SON CONSEIL,

Signé, SAINSON.

Registré sur le Registre XII. de la Chambre Royale des Libraires & Imprimeurs de Paris, N° 174. Folio 164. conformément aux anciens Règlemens, confirmés par celui du 28. Euvrier 1723. A Paris le 13. Juin 1749.

Signé, G. CAVELIER, Syndic.

JOSEPHI



JOSEPHI AVERANII,

Jurisconsulti & Antecessoris,

INTERPRETATIONUM JURIS

LIBER PRIMUS.

CAPUT PRIMUM.

AD L. IMPERIUM III.

ff. de Jurisdic.

SUMMARIUM.

- | | |
|--|---|
| <p>1 Imperium merum quid sit.</p> <p>2 Gladius multis modis accipitur.</p> <p>3 Sententia Judicis certa esse debet.</p> <p>4 Non debet esse ambigua, generalis, & obscura.</p> <p>5 Interpretanda est secundum propriam verborum significationem.</p> <p>6 Gladii nomen in sententia materialiter accipi debet.</p> <p>7 Ad gladium dari quid? & ad gladium ludi deputari.</p> <p>8 Jure gladii quid significet?</p> <p>9 Gladius, insignis imperii.</p> <p>10 Gladium dante Imperatore merum imperium conferebat: & gladium adimeudo adimebas imperium.</p> <p>11 Honores juris gladii quid dicantur?</p> <p>12 Potestatem gladii habere, & gladii potestate succingi, quid significet?</p> | <p>13 Stante Rep. insignia imperii erant sacras.</p> <p>14 Consules non praecedebant secures in urbe post legem Valeriam, sed extra urbem.</p> <p>15 Cur gladius esse ceperit insignis imperii?</p> <p>16 Gladii nomen in definitione meri imperii refertur ad omnes graviores animadversiones.</p> <p>17 Animadvertendi verbum aliquando ad puram mortis: aliquando ad alias penas graves refertur.</p> <p>18 Aliquando etiam ad leviores.</p> <p>19, 20 Explicatur definitio meri imperii.</p> <p>20 Merum imperium aliquando plura, aliquando pauciora genera animadversionum comprehendit.</p> <p>21 Quoad merum imperium, tantum quis habet, quantum ei specialiter concessum est.</p> <p>22 Merum imperium in quibusdam plurius, in quibusdam minus plenum.</p> |
|--|---|

DE mero imperio pauca delibemus. De eo tres occurrunt quaestiones. Quid sit: quibus datum sit: & an mandari possit, singulas strictim attingamus. A primâ ordiamur.

Quid sit merum imperium, eleganter explicat Ulpianus in l. 1. ff. de jurisd. his verbis: *Merum est imperium, habere gladii potestatem ad animadvertendum in facinorosos homines.* Reprehendunt plerique Ulpianum,

quodd, si non absurdè, saltem minùs distinctè, atque explicatè nobis meri imperii naturam descripserit. Expendamus igitur accuratè Ulpiani verba, quæ non difficiles habent explicatus apud homines non omninò rudes, & imperitos, & antiquitatis ignaros.

2 Gladii nomen multis modis accipitur. Aliquando significat gladium ipsum, hoc est, ferrum ipsum, quo quis feriri debet. Uno verbo, ut cum scholis loquar, accipitur materialiter. In hac significatione accipitur in sententia judicis, quæ, cum certa esse debeat, §. *curare Instit. tit. de action. l. in sententiis 39. ff. de re judic. l. pen. & ult. C. de sentent. qua sine certâ quant. non recipit* metaphoricæ interpretationes, ne reddatur ambigua, generalis, obscura contra text. in *l. quid tamen §. Pomponius ff. de recept. arbitr.* Si igitur sententiam judicis interpretari debeamus secundum certam ac propriam verborum significationem, in ea gladii nomen pro ipso gladio materiali accipere debemus. Hinc Ulpianus in *l. aut damnum §. 1. ff. de pæn. ait: Vita admittitur, ut puta, si damnatur aliquis, ut gladio in eum animadvertatur: sed animadverti gladio oportet, non securi, vel telo, vel sustibus, vel laqueis, vel quo alio modo.* Itaque merito Antoninus Caracalla, cum Papinianum nostrum gladio feriri iussisset, & securi percussus esset, percussorem increpavit his verbis: *gladio te oportuit exequi iussum meum.* Planè ad gladium Ludi damnari dicebantur, qui ad ludum gladiatorum damnabantur. *Capitolin. in Macrin. Servos, qui à dominis fugissent, ad gladium Ludi deputabant.* quò fortasse referendi sunt text. in *l. si quis mihi §. si quis planè ff. de acquir. vel om. hered. in l. 6. §. irritum sit ff. de iniust. rupt. in l. 1. in princ. ff. de Abig. & Pauli l. 5. sentent. tit. 17. ibi: Sanè, qui ad gladium dantur, intra annum consumendi sunt.* Differunt enim hæc inter se, damnari aliquem, ut gladio feriat: & damnari aliquem, ut ad gladium derur. Sicut etiam discrimen est inter eos, qui ad gladium dantur, & eos, qui damnantur ad ludum. Illi enim intra annum consumi debent: hi & pilea

& rudem accipere possunt. Sed hæc obiter.

Aliquando gladii nomen in laxiori significatione accipitur, &, ut ita dicam, formaliter, & comprehendit omne genus ultimi supplicii. Non aliter accipitur, cum dicimus *jus gladii*, quod plerumque significat jus vitæ & necis. Cornel. Tacit. lib. 3. *Hist. de Vitellio Imperatore: Postremo sterni præpediente assistenti Consuli (Cæcilius Simplex erat) exsolutum à latere pugionem, velut jus necis vitæque civium, reddebat.* D. Augustin. *epist. 61. ad Dulcitium Tribunum: Nec enim gladii jus in eos accepisti.* Sen. lib. 1. *de ira cap. ult. Vides, quam debeat omni perturbatio liber accedere ad rem summâ diligentia tractandam, potestatem vitæ necisque: malè irato ferrum committitur.* In hac significatione plerumque accipitur in jure nostro jus gladii: adeò ut solummodò comprehendat potestatem damnandi ad ultimum supplicium, non verò referatur ad alias pœnas etiam minores. Ulpian. in *l. illicitis §. qui universas ff. de offic. Prof. Qui universas provincias regunt, jus gladii habent, & in metallum dandi potestas eis permissa est.* Idem in *l. solent. 6. ff. de offic. Proconf.* Nec enim potest quis gladii potestatem sibi datam, vel cujus alterius coercitionis ad alium transferre. Idem *l. nemo potest. 10. ff. de reg. jur. ubi eadem habentur verba.* In his omnibus legibus gladii jus significat jus vitæ & necis, & distinguitur à jure infligendi alias pœnas. Et in *l. cum jur. 31. C. ad leg. Jul. de adult. Jubemus insurgere leges, armari jura gladio ulcere, ne exquisitis pœnis subdantur infames.*

Aliquando denique gladius est insigne imperii, & quoties tamquam insigne imperii consideratur, comprehendit non solum ultimum supplicium, sed etiam omnes graviores animadversiones, quæ ad imperium pertinent. Tacit. *l. 3. hist. Assistens Consuli exsolutum à latere pugionem, velut jus necis vitæque civium, reddebat. Aspernante consule, reclamantibus, qui in concione assiterant, ut in eade Concordia possetur insignia imperii, domumque fratris petiturus, discessit.* Vides inter insignia imperii pugio-

ῥαδὺν τῆς πάλαι, καὶ παλαιότερῆς μὲν αὐτὴν ὑπάρχουσαν ἴδω, ὃ καὶ μὲν καὶ τῆς διήκουσας ἡλικίας, ὅτῃ ἔξωθεν τῆς πάλαι ᾤοντο, καὶ τῆς τοῖς πάλαι κινῶν, ἴδω, ὃ τῆς ῥαδὺς καὶ μὲν αὐτῆς μόνῃς.

Firmam, ac stabilem fidem libertatis populum accipere volens, ademit ad fascibus securas, qui etiam hac acate servatur, ut, cum extra urbem essent, securibus uterentur, intra urbem autem incederent cum solis fascibus.

Dictatori autem, quia, quoties creatus erat sine provocacione, merum imperium habebat, etiam in urbe præferebantur falces cum securibus, ut auctor est idem Dionysius. *lib. 4.* Itaque stante rep. securas erant insigne meri imperii, quia eo tempore, non gladio, sed securi feriebant delinquentes. Imperatorum ævo, post introductam gladii poenam, insigne imperii fuit gladius, ut ostendimus.

Quamquam enim gladius ad mortem referatur, non ad alias animadversiones; tamen, quia illis, quibus dabatur jus vitæ & necis, concedi solebant etiam aliæ animadversiones, etsi non semper omnes, tamen aliquæ saltem ex iis, quæ pertinent ad merum imperium; idcirco gladius cepit esse insigne imperii.

In hac autem significatione accipitur in Ulpiani definitione, quàm explicamus, gladii nomen. Itaque adjecit Ulpianus illa verba: *ad animadvertendum in facinorosos homines*; ut intelligeremus, cum non referre nomen gladii, ut diximus in explicatione primæ significationis, vel ad poenam mortis juxta secundam significationem, sed ad omnes graviore & atrociores poenas. Licet enim animadvertendi verbum aliquando referatur ad ultimum supplicium, ut in *l. proficiendum §. ult. & l. seq. ff. de pun. & in l. si quid vis ff. de off. præcons.* tamen ex propria significatione omnes graves poenas comprehendit. Sallust. ubi prius verberibus in eos animadverteretur. Cic. in *Verr. In Achaia Magistratum Sicyoniorum nummos poscit: cum non daret, animadversit, improbum, sed inaudisum genus animadversionis videte. l. etsi percussor 6. ff. ad SC. Sillan.*

l. in eum 3. ff. de extraord. crimin. & alibi.

Imò verbum animadvertendi omnes poenas comprehendit, etiam leviores, & pecuniarias, ut in *l. alind frans. ff. de V. S. l. 18* item apud Labeonem §. ait Prator ff. de injur. l. 1. de aleator. & passim. Et idem in *l. 1. §. solent ff. de off. Præf. urbi*, ea, quæ continent poenam mortis, & præterea graves alias coercitiones, appellatur *major animadversio*.

Itaque in nostra definitione verba illa, *potestatem gladii*, restringunt verba sequentia: *ad animadvertendum*; & quia levis animadversio non pertinet ad potestatem gladii, nec convenit facinorosis hominibus. Contra verba sequentia quodammodo dilatant antecedentia; cum enim generalia sint, demonstrant quid nomine gladii voluerit significare Ulpianus, & in qua significatione sit accipiendum.

Postremò animadvertendum est, cautè ab Ulpiano ira fuisse definitum merum imperium. Cum enim merum imperium aliquando latius pateat, aliquando contrahatur angustius; & in aliis magistratibus plura, in aliis pauciora genera animadversionum comprehendat; non poterant exactè, & verbis designantibus certa poenarum genera describi: ut puta; Præses Provinciæ habebat merum imperium, *l. illicitas §. qui universas ff. de off. Præf.* & tamen non poterat deportare. Contra Præfectus Prætorio, & Præfectus urbi, qui pariter habebant merum imperium, poterant etiam deportare. *l. inter poenas 6. §. 1. ff. de interd. & releg. 23* *l. 1. §. deportatos cum seq. ff. de leg. 3.* Quia, cum agitur de mero imperio, tantum quis habet, quantum ei specialiter datum est. Quamobrem, cum poena metalli, poena deportationis, & hujus generis aliæ, non sint de substantia meri imperii, licet ad ipsam pertineant; non poterant nominatim in definitione comprehendendi, sed utendum erat verbis, quæ possent illas complecti, sed necessariò non comprehenderent. Cujusmodi sunt ea, quibus usus est Ulpianus. Nam gladius erat quidem insigne imperii, sed pro conditione magistratus, à quo gesta-

batur, majus, minusve imperium designabat. In Imperatore Regiam potestatem indicabat: in præfecto Prætorio merum imperium, sed plenum: in Præsidibus idem imperium, sed non ad eod plenum, & abso-
lutum.

CAPUT II.

AD L. 1. FF. DE OFFIC. EJUS,

cui mand. est jur.

SUMMA RIUM.

- 1 Sententia Lotarii & Azonis, quoad merum imperium improbat.
- 2 Magistratus habens merum imperium, non solum ejus usum.
- 3 Qui habet merum imperium, suam executionem publici judicii habet, suam executionem condemnationis.
- 4 Quis esset iudex quaestoris
- 5 Magistratus potest reum absolvere, non poenam remittere condemnato.
- 6 Princeps non habet merum imperium.
- 7 Potestas regia eminenter continet jurisdictionem, merum, & mixtum imperium.
- 8 Comparatio Principis cum Deo, quoad imperium.
- 9 Princeps dat merum imperium magistratibus, licet ipse illud non habeat.
- 10 Dominus non habet rei sua servitutem usum, vel usufructum, & tamen illas alteri concedit.
- 11 Princeps omnia facit jure regia potestatis, non jurisdictionis, aut meri, & mixti imperii.

Succedit altera quaestio, de his qui habent merum imperium. Lotarius respondit, solum Imperatorem habere merum imperium: Magistratus habere nudum ejus usum, & exercitium. Contra Azo respondit, etiam magistratus habere ipsum merum imperium, ipsam potestatem, ipsum jus gladii. Ego neutri assentior. Non Lotario, quia falsum puto, magistratus non habere merum imperium. Non Azoni, quia puto, solos magistratus habere merum imperium, non autem Imperatorem, aut Principem.

Sententia Lotarii facile refellitur animadvertendo, quod semper in jure nostro merum imperium refertur ad magistratus, iique dicuntur habere merum imperium, habere jus gladii, habere potestatem, quæ nihil

aliud est, quam merum imperium. *l. imperium ff. de jurisdic.* Hæc omnia magistratui tribuuntur in *l. 4. ff. de off. Præs.* in *l. & ideo ff. de off. Procons.* in *l. 2. ff. de injus voc.* in *l. lege Julia 7. & l. qui dolo 10. ff. ad leg. Jul. de vi publ.* in *l. 2. §. exactis ff. de orig. jur.* in *l. ill. citat §. qui universas ff. de offic. Præs.* in *l. 12. & ult. ff. de offic. Procons.* in *l. 1. in princ. ff. de off. ejus cui mand. est jurisd.* ibi suam jurisdictionem, & in *§. 1. ibi sed merum imperium, quod lege datur.* Contra nusquam in jure nostro traditum est, magistratus habere usum, aut exercitium meri imperii.

Non ignoro ea, quæ traduntur in nostra *l. 1. princ.* ibi & ideo videntur errare magistratus, qui, cum publici judicii habeant executionem, lege vel Senatuscons. delegatam. In *l. sunt præerea ff. de extraord. crimin.* ibi sunt præterea crimina, quæ ad executionem Præsidis pertinent. & in *l. sunt quadam in fin. ff. eod.* hanc rem Præsides exequi solent graviter usque ad poenam mortis. & in *l. ult. C. ut nemo privatus.* ibi executoresque hujus legis omnes iudices esse oportere.

Sed hæc nullam vim habent ad probandam Lotarii sententiam: neque enim ibi nominatur usus, aut exercitium meri imperii: sed exercitium publici judicii. Et rectè, Nam, qui habet merum imperium, utique exercet publica judicia, & publici judicii habet executionem. Quorsum enim ei datum est à lege jus gladii? An, ut eo utatur adversus eos, qui judicati, & condemnati non sunt? Absit. abuteretur hæc ratione merito imperio, non legitimè uteretur. Itaque merum imperium & continet executionem publici judicii, & continet executionem condemnationis; & qui utrumque habet, utique habet merum imperium. Quamobrem laudatæ leges apertè demonstrant, magistratus habere merum imperium, cum ipsis tribuant & judicii executionem, & executionem poenæ. Nec sine causa verbo executionis utitur Papinianus in laudata *l. 1. ff. b. r.* cum verbum illud ad judicium referat, cujus propria est exercitio. *l. etiam 15. ff. ut legat. nom. caveat.* Et maximè con-

venit verbum hoc publicis judiciis, quæ propriè exerceri dicuntur. *l. ordo 8. ff. de publ. judic. l. qui dolo 10. ff. ad leg. Jul. de vi publ. l. hac stipulatio nov. ff. de V. S. Liv. lib. 9. In me primum, & in hunc M. Tullium quæstiones exerceatis. Cicero. 3. in Verr. Atque etiam judicium in Prætura publicum exercuit. Sueton. in Jul. Cesare cap. 11. Atque in exercenda de fisciis quæstione eos quoque fisciarii numero habuit, qui præscriptione obrelata civium Romanorum capita pecunias ex arario acceperant, quamquam exceptos Cornelii legibus. Hæc autem exercitio quæstionis, seu publici judicii extra ordinem lege, vel Senatusconsulto, delegabatur, isque, cui delegata erat, iudex quæstionis appellabatur. *l. 2. §. & quia ff. de orig. jur. l. 1. §. 1. ff. ad l. Corn. de Sicar. Et huc pertinet textus in l. 7. §. ult. ff. de offic. Procons. Et hoc notissimum est non ignaris antiquitatis. Neque ex eo, quod Magistratus non possit liberare condemnatum, eique poenam remittere, argui potest, eum non habere merum imperium. Nam Magistratus non propterea, quod habeat merum imperium, idcirco est supra leges. Magistratus enim est legum executor, non everfor. *l. ult. C. ut nemo privar. Idem rectè Magistratus, lex loquens à M. Tullio appellatur. Quapropter potest quidem reos absolvere, l. solent. 6. ff. de offic. Procons. non tamen potest remittere poenam condemnatis. l. 4. in fin. ff. de pæn. hoc enim facere potest solus Princeps, qui est supra leges. l. acta §. 1. ff. de re judic. nec tamen hac facultate, ac potestate abuti debet, sed id ex causa facere. d. l. 4. in fin. ff. de pæn. Absolutio, sicut & condemnatio, est legibus consentanea: idem magistratui committitur. *l. nemo qui condemnare ff. de reg. jur. Tertullian. advers. Marcian. lib. 4. Qui enim iudicat, absolvit. Remissio poenæ, reorum jam condemnatorum liberatio, est contraria legibus, & idem soli Principi permissa.****

Habent itaque Magistratus merum imperium, cum eis à lege datur, Merum imperium habere etiam Principem, in confesso est apud omnes, Ego vero, ut dicam quod

sentio, nusquam legi apud veteres, Principem habere merum imperium. Est hoc proprium magistratuum, quorum alii merum, alii mixtum imperium habent. Merum enim dicitur imperium, ut mixto opponatur, & ab eo distinguatur: quod fieri uno debet in Principe, qui supremam, ac regiam habet potestatem, in qua hæc omnia absorbentur. Jurisdictio, merum, ac mixtum imperium in Principe non distinguuntur, atque hæc omnia idem sunt, & uno regie potestatis nomine, atque auctoritate continentur, quæ hæc omnia supereminet, atque, ut ita dicam, hæc omnia continet eminenter.

Deo similes sunt Principes, quos arguit Plautus *humanos Joves* appellat, qui tamen hominum merito moriuntur. Tertullian. *ad Scapulam: Sic Imperator omnibus major est, dum solo Deo minor est; & in Apolog. contra gent. Sciunt Imperatores, quis illis dederit imperium: sentiunt, Deum esse solum, in cuius solius potestate sunt, à quo sunt secundi, post quem primi ante omnes Deos, & super omnes homines. Et paulò post: Temperans majestatem Caesaris infra Deum, magis illam commendo Deo, cui solo subijcio. Deus creavit omnia, eisque communicat, quicquid ipsa sunt. Deus autem nihil est eorum, quæ creavit; & quævis ea nihil habeant, quod ab ipso non habeant, tamen in Deo nihil est eorum, quæ ipsa habent: & nihilominus omnia comprehendit, & omnia infinitate suâ superminet. Princeps creat Magistratus, l. 1. ff. ad leg. Jul. de ambis. Magistratibus, quos creavit, communicat imperium: in ipso tamen non residet ejusmodi imperium, cuiusmodi est in Magistratu, sed suprema ac regia potestas quæ comprehendit quidem, & continet eminenter omnia jura magistratuum, ipsa tamen nihil est eorum, quæ tribuit magistratibus; Jus magistratuum absorbetur in regia potestate; & non est amplius id ipsum, quod est, cum residet in magistratu.*

Sed, ut aliquantò demittam orationem, & planius, explicem quod volo, à jure nostro depromamus exemplum. Dominus rei sue dominium habet, non usum, aut usum fructum, *l. Sempronius Attalus in princ. ff. 10*

de usufr. legat. l. uti frui §. in princ. ff. si usufruct. petat. l. in re communi 26. ff. de servit. urban. prad. Concedit tamen cuilibet rei suæ usum, vel usumfructum: ipsique communicat jus utendi, fruendi, quod in Domino non distinguitur à jure domini, quo absorbetur. Itaque Dominus in re sua facere potest ea omnia, quæ usufrui, & & usufructuarii & etiam multò plura: non tamen ea facit jure usus, vel usufructus, sed jure domini. Princeps quoque propriè non habet merum, aut mixtum imperium, aut jurisdictionem, qualem habent Magistratus. Tribuit tamen hæc magistratibus, quæ, cum in ipso sunt, non distinguuntur à regia potestate, cui insunt ab ea minimè
11 sejuncta, atque distincta. Quare Princeps facere potest ea omnia, quæ sunt jurisdictionis, mixtique, ac meri imperii, quæque possunt facere Magistratus: non tamen ea facit eadem autoritate, qua Magistratus, neque jure ejus imperii, quod habent Magistratus; sed jure jure potestatis, quæ longè supereminet omnia jura magistratuum, eique tribuit facultatem faciendi alia multa, quæ facere nequeunt Magistratus.

CAPUT III.

AD EAM D. LEG.

SUMMARIUM.

- 1 Merum imperium mandari non potest.
- 2 Merum imperium neminatim à lege datur.
- 3 Refertur sententia Massinii de mandando mero imperio.
- 4 Censetur hæc sententia.
- 5 Explicantur verba l. 1. ff. de off. ejus.
- 6 Merum imperium nemo poterat habere nisi à populo, aut à Senatu.
- 7 Imperium militare erat idem, ac merum imperium, & eodem modo dabatur.
- 8 Legibus Valerii ademptum est Magistratibus merum imperium.
- 9 Consules non habebant merum imperium post leges Valerias.
- 10 Dabatur ipsis aut lege curiata, aut Senatusconsulto.
- 11 Dictator non habebat merum imperium.
- 12 A Dictatore ad populum provocabatur.
- 13 Dictator creatus, ut optima lege, habebat merum.
- 14 Imperium à Senatu.

- 15 Dictatori aliquando imperium lege curiata dabatur.
- 16 Præfatus urbi habebat merum imperium.
- 17 Item Præfatus Prætoris.
- 18 Item Proconsul. Præsides, Prætores provinciales.
- 19 Item Legati Caesaris.
- 20 Item Legati consulares.
- 21 Item Præsides quatuor à Constantino creati.
- 22 Præfatus Prætoris non poterat mandare merum imperium: refellitur argumentum Massinii.

Superest tertia quæstio de potestate mandandi merum imperium. Merum imperium mandari non posse, satis constat ex nostra l. 1. in princ. versic. & ideo & in §. 1. versic. verius. Verius est enim, mero majorum jurisdictionem quidem transferri: sed merum imperium, quod lege datur, non posse transferri, l. solent. 6. in princ. ff. de off. Proconsul. l. nemo potest. 10. ff. de reg. jur. Quod & evidens ratio suadet: nam ea, quæ nominatim aliquâ lege, vel Senatusconsulto, vel Principum constitutione tribuuntur, mandari non possunt, l. 1. in princ. ff. de off. ejus. hujusmodi autem est merum imperium. d. l. in princ. ibi lege vel Senatusconsulto delegatum: & in §. 1. ibi merum imperium, quod lege datur. d. l. solent, & d. l. nemo ibi, gladii potestatem sibi datam.

Sed declamat Vir doctus, Philippus Massinius, qui ad explicationem nostræ legis primæ magno conatu contendit probare, merum imperium naturâ suâ potuisse mandari etiam de jure civili. Putat enim merum imperium aliquando à lege dari; & hoc non posse mandari, concedit: aliquando competere jure magistratus, ut Consulibus, Dictatori, Præfecto Prætorio Orientis, sub quo erant quinquaginta provincie, quas administrare non potuisset, si non habuisset jus mandandi merum imperium. Id ipsum confirmat animadvertendo, quod prohibentur mandare merum imperium ii solum, qui habent illud à lege, vel Senatusconsulto, ut in modò laudatis legibus. Sunt igitur alii, qui illud à lege non habent, quique ipsum mandare non prohibentur.

Sed fallitur meo iudicio: nam verba illa, à lege datum, & ejus generis cætera, non adjuvantur à veteribus, ut distinguatur

merum imperium, quod datur à lege, à mero imperio, quod competit jure magistratus. Nusquam enim in jure nostro fit mentio meri imperii, quod jure proprio, seu jure magistratus competat: unde promptum est conicere, merum imperium numquam competere jure proprio. Quamobrem verba illa adjiciuntur tum ad demonstrandam naturam meri imperii, tum ad indicandam rationem, cur mandari non possit; tum denique, ut distinguatur à jurisdictione, quæ competit jure magistratus; ut constat ex nostra l. 1. §. 1. ibi *Verius est enim, more majorum jurisdictionem quidem transferri, sed merum imperium, quod lege datur, non posse transire*. Comparat jurisdictionem cum mero imperio. Jurisdictio mandari potest more majorum, quia magistratus eam suo jure habet. l. *more majorum ff. de jurisd.* Contrà imperium mandari non potest, quia à lege datur. Utrumque pronunciatum generale est: illud comprehendit omnem jurisdictionem magistratus: hoc omne merum imperium. Opponitur autem merum imperium jurisdictioni, quia illa competit magistratui jure proprio: hoc eidem competit, quia à lege datur: & ideo illa mandari potest: hoc non potest.

Verissimum enim est, neminem imperium habere potuisse nisi à populo, aut à Senatu. Cicer. in 2. *Agrar. contra Rullum*: *Hic autem Tribunus plebis, quia videbat, potestatem neminem injussu populi, aut plebis posse habere*. Et paulo post: *Vidis & perspexit, sine curiata lege decemvires habere potestatem non posse*. Et infra: *Tam si decemviri, inquit, (Rullus) eodem jure sint, quo qui optima lege. Si hoc fieri potest, ut in hac Civitate, qua longè libertate ceteris antecellit, quisquam nullis comitiis imperium, aut potestatem consequi possit; quid attinet tertio capite legem curiata ferri jubere, quoniam quarto permittas, ut sine lege curiata idem juris habeant, quod haberent, si optima lege à populo fuissent creati? Reges constituuntur, non decemviri, Quirites, itque ab his initiis fundamentisque nascuntur, ut non modo, cum gerere cœperint, sed etiam, cum conf-*

rientur, omne vestrum jus potestas, libertasque tollatur. Et deinde: *Primum permittitur infinita potestas innumerabilis pecunia conficienda de vestris veltigalibus non fruendis, sed alienandis: deinde orbis terrarum, gentiumque omnium datur cognitio sine consilio, pena sine provocacione, animadversio sine auxilio*. En quod, si merum imperium cuiquam permittatur sine lege curiata, aut injussu populi, tollitur omne jus, potestas, libertasque populi Romani. Quid autem sit optima lege creati magistratum, infra explicabo. Fest. *Cum imperio esse dicebatur, cui à populo nominatum mandatum erat imperium*. Liv. lib. 26. *Omnes centuria Scipioni in Hispania imperium esse jussurunt*. Neque quisquam hoc referat ad imperium militare. Erat enim ejusdem modi imperium. Idco autem proficiscentibus ad bellum necesse erat mandari imperium, quia sine imperio, hoc est, sine potestate animadverrendi res militaris administrari non poterat. Cicer. *Philippic. 5. Demus igitur imperium Cæsari, sine quo res militares administrari, teneri exercitus, bellum geri non potest*. & *Philipp. 11. Aut exercitus adimendus, aut imperium dandum fuit. Qua est enim ratio, aut qui potest fieri, ut sine imperio teneatur?* Certe si sine jussu populi nemo habere poterat imperium extra urbem Romam in provinciis apud exercitum, multo minus illud habere poterat aut exercere in urbe Roma, & ubi hoc non exigebat rei militaris necessitas. Sanctum autem fuit hoc lege Valeria lata anno 304. ab urbe condita, L. Valerio, & M. Horatio Cons. Liv. lib. 3. *Aliam deinde consulem legem de provocacione, unicam presidium libertatis, Decemviri potestate eversam, non restituerunt modo, sed etiam in posterum muniant; sanciendo nova lege, ne quis nullum magistratum sine provocacione crearet: qui creasset, eum jus sanguis esset occidi: neve ea cades capitalis noxe haberetur*. Tres hac de re leges latæ fuerunt, omnes ab eadem familia. Prima exactis regibus, ut à Consulibus ad populum provocatio esset; neve quis magistratus posset civem Romanum provocantem verberare, aut necare. Hujus legis

legis meminit Plutarch. in *Publicola*. Dionys. Halicarnas. lib. 5. Liv. lib. 2. Valer. Max. lib. 4. cap. 1. & Pomponius in l. 2. §. ex altis ff. de orig. jur. Altera ejectionis Decemviris, de qua modo diximus. Tertia lata est anno Urbis 453. M. Valerio Corvo V. Q. Apuleio Panfa Conf. de qua Liv. lib. 10. *M. Valerius Conf. de provocatione legem tulit, diligentius sanctam. Tertiò ea tum post reges exaltos lata est, semper à familia eadem. Causam renovandæ sapis haud aliam fuisse reor, quam quod plus paucorum opes, quam libertas plebis poterant; & deinceps: Valeria lex, cum eum, qui provocasset, virgis cadi, securisque necari vetuisset; si quis adversus ea fecisset, nihil ultra, quam improbe factum, adjecit. Id. (qui tum pudor hominum erat) visum credo vinculum satis validum legis: nunc vix serva ita minetur quisquam. His legibus Valcrii ademptum omnino merum imperium magistratibus.*

De singulis jam videamus. Consules, satis constat, non habuisse merum imperium, quum Valerii legibus id ipsis fuisset ademptum, de quibus hæcenus, & in l. 2. §. ex altis ff. de orig. jur. Dabatur tamen aliquando ipsi vel à lege, vel à Senatufconsulto. Lege curiata, cum ad bellum proficiscebantur, ut norunt omnes vel leviter eruditi. Senatufconsult. cum in trepidis rebus, & difficillimis Reip. temporibus decernebat Senatus, viderent Conf. ne quid Resp. detrimenti caperet. Salust. in bello Catalinar. Itaque, quod in atroci plerumque negotio solet, Senatus decrevit: darent operam Conf. ne quid Resp. detrimenti caperet. Ea potestas per Senatum more Romano maxima permittitur, exercitum parare, bellum gerere, omnibus modis socios, atque cives coercere; domi, militiaque imperium, atque iudicium summum habere. Aliter sine populi jussu nulli earum rerum Consuli jus est. Liv. lib. 3. Cæf. lib. 1. commentar. de bello civil. Plutarch. in Cicerone. Dio lib. 37. Veget. lib. 3. cap. 1. & passim Cicero in Philippicis.

Veniamus ad Dictatorem, qui erat magistratus extraordinarius: quamobrem, etsi verum esset, eum potuisse mandare me-

rum imperium, atque ipsum habuisse jure Magistratus; tamen non proinde dici posset, merum imperium sui naturâ potuisse mandari: hoc enim solum evenisset extra ordinem.

Sed illud verissimum est, Dictatorem non habuisse merum imperium jure proprio, seu jure sui Magistratus: neque enim semper habebat merum imperium, sed tunc solum, cum creatus erat sine provocatione, seu optimâ lege. Fest. Pomp. in verbo optima lex: In Magistro populi faciendo, qui vulgò Dictator appellatur, quam plenissimum posset, jus esse significabatur, ne fuit Manii Valerii, M. Fabii Velusina gentis, qui primus Magister à populo creatus est. Postquam vero provocatio ab eo magistratu ad populum data est, qua antea non erat, destitum est dici, ut optima lege: utpote imminuto jure priorum magistratum. Apud Livium, lib. 8. Cum L. Papirius Dictator Q. Fabium Magistrum equitum obstrictum Dictatoris imperium prehendi jussisset, pater Q. Fabii ad populum provocavit. Tribunos, inquit, plebis appello, & provocho ad populum: eumque tibi fugienti exercitus tui, fugientis senatus iudicium, iudicem fero, qui certe minus plus, quam tua dictatura, potest, polletque. Videto, cessurusne provocationi sis, cui Rex Romanus Tullus Hostilius cessit. Ex curia in concionem itur. Cessit igitur provocationi Dictator: non tamen populus ausus est absolvere Q. Fabium, sed precibus extorfit, & ab ira Dictatoris eripuit.

Sed & cum Dictator sine provocatione creabatur, tamen imperium habebat vel à Senatu, vel à populo. Non creabatur à populo Dictator, sed jussu Senatus ab altero Conf. dicebatur noctu, & auspicato. Præcedebat igitur jussu, ac decretum Senatus, qui Consuli mandabat, ut aliquem ex consularibus Dictatorem diceret; isque, quem dixisset, ut optimâ lege Magister populi esset. Quibus verbis Senatus mandabat imperium ei, qui à Consule Dictator fuisset dictus. Neque enim à Consule auctoritatem, potestatemque accipere poterat, cum major esset Dictatoris, quam Consulis potestas. Itaque verbis illis, ut optima lege sribuebatur summa potestas.

Sic M. Tull. Philipp. 5. illis verbis tribuit imperium Cæsari: *Demus igitur imperium*

14 *Cæsari, sine quo res militaris administrari, teneri exercitus, bellum geri non potest. Sit pro Pratore eo jure, quo qui optimo. Et Philipp. 11. Senatui placere, C. Cassium Procons. provinciam Syriam obtinere, ut qui eam optimo jure provinciam obtinuerit.* Sunt verba Senatufconsulti, quo Cassio datur imperium. Idem autem à Senatu, non à populo, Dictatori dabatur imperium, quia, cum urgente ultimâ necessitate, aut in salutis desperatione solum ad supremum Dictatoris auxilium confugere, plerumque tempus, & occasio præceps non permittebat, ut possent haberi comitia. Qua de causa factum est, ut nec à populo crearetur. Sicut igitur Senatus turbidis Reip. temporibus dabat imperium Consulibus illis verbis: *viderent Consules, &c.* sic aliquando Dictatorem sic jubebat, eique dabat imperium illis verbis: *ut optimâ lege.*

Videndum M. Tullius in 2. Agrar. loco paulò
15 *ante laudato.* Sed à lege curiatâ datum fuisse Dictatori imperium, accepimus à Livio lib. 9. *C. Julium Bubulcum Magistrum equitum dixit: (Papirius) atque ei legem curiatam de imperio ferenti tristè omen diem diffidit. Postero die repetitis auspiciis pertulit legem.*

16 Eversâ Rep. merum imperium habebat Romæ Præfectus urbi. Sed hoc ei datum fuit epistolâ D. Severi l. 1. §. *initio ff. de off. Præf. urbi. l. aut damnum. 8. §. præfecto ff. de pæn.* Habebat Præfectus Prætorio, sed specialiter ab Imperatore, qui eum gladio cingebat, ut probavimus in superioribus.

Proconsules, Præsides provinciarum, Prætores, quibus provinciæ assignabantur, stante Rep. imperium obtinebant lege curiatâ.

18 Post eversam Remp. ab Imperatore, ut suprâ diximus ex Dione, lib. 55. idem habebant
19 legati Cæsaris, qui ad universas provincias regendas à Cæsare mittebantur. Dio d. lib. 55. De quibus intelligendus text. in l. *excipiuntur* 14. ff. d. *SC. Silanian.* Item etiam habebant legati Consulares, per quos à Principibus bella administrabantur, quorum persona honoratissima erat, & sacerrima. Dionys. Halic. lib. 2. Dio lib. 52. Et ad hos re-

ferendus text. in l. *militēs* 12. ff. *de custod. & exhib. reor.*

Quatuor quoque Præfectos Prætorio, quos Constantinus primus creavit, eorumque jus valdè imminuit, ut refert Zosimus lib. 2. merum imperium habuisse, non est dubitandum; sicut olim habebat Præfectus Prætorio, cum unus erat: non tamen eum mandare potuisse merum imperium, usquam legimus: neque conjicere possumus ex numero 49. pro-
20 vinciarum, quibus præerat: tum quia hæ provinciæ suos Præsides, ac Proconsules habebant, quibus præerat Præfectus, & à quibus ad ipsum provocabatur; l. *præcipimus* 32. C. *de appell. l. 3. & 4. C. de off. Præf. Præs. Orient.* tum quia habebat Vicarios, qui non minùs juris habebant, quàm Præsides; l. 2. C. *de offic. ejus, qui vic. alic. jud. obtin.* tum denique, quia poterant custodiarum cognitionem aliis mandare l. *solent ff. de off. Procons.*

CAPUT IV.

AD L. 1. ET L. ULT. FF.

De off. ejus, cui mand. est jurisdictio.

SUMMARIUM.

- 1 Jurisdictionis definitio.
- 2 Mixti imperii definitio, & unde dicatur?
- 3 Jurisdictio & mixtum imperium separari non possunt.
- 4 Quæstio proponitur.
- 5 Jurisdictio & mixtum imperium sæpè in jure confunduntur.
- 6 Differt jurisdictio à mixto imperio, sed tamen ab eo sejungì non potest.
- 7 Probatur hæ sententia.
- 8 Proponuntur argumenta contraria.
- 9 Magistratus municipalis auctoritas quantâ?
- 10 Explicatur, quàm latè patent mixtum imperium, & quæ correctiones ad ipsum pertineant?
- 11 Ratio, cur majores, non minores magistratus imperium habere, & cum imperio esse dicerentur.
- 12 Qui magistratus imperium habere dicebantur?
- 13 Tribuni plebis sine imperio esse dicebantur: & quæ de causâ? n. 17.
- 14 Discrimen inter majores, & minores magistratus, & inter majores, & minora auspicia.
- 15 Ratione majoris imperii non dicebatur major magistratus.

Conjuncti habebat majus imperium, quàm Prætor.

16 Magistratus, qui non habebant jus vocandi & prebendendi, cum imperio esse non dicebantur.

17 Quomodo nomen imperii sit accipiendum?
Tribuni plebis habebant mixtum imperium.

18 Aediles, minores magistratus, & in jus vocari poterant.

19 Aediles pignora capere, & mulctam dicere poterant.

20 Aedilium potestas.

21 Quaestores habebant mixtum imperium: maximum eorum officium.

22 Praefectus vigilum, & Praefectus annonae habebant mixtum imperium.

23 Non in omnibus municipiis & coloniis iidem magistratus.

24 Magistratus municipales qui?

25 Magistratus municipales mixtum imperium habebant.

26 Potestatis nomen indicat imperium.

27 Potestas, magistratus cum imperio.

28 Aediles municipales in carcere conjicere & atrociter poterant verberare. & n. 30.

29 Flagella, atrox coercitio.

30 Poterant pignoribus captis coercere.

31 Magistratus municipales videntur habuisse multa dictum, & quomodo?

32 Magistratus urbani multa delictum habebant more majorem.

33 Eam habebant ab initio Reip.

34 Decuriones, Inspectores, curatores calendarii, curatores annonae non erant magistratus.

35 Nomine magistratus saepe nomen indicantur magistratus municipales.

36 Magistratus urbani more jurisdictionem habebant: provinciales lege & constitutionibus.

37 Aediles municipales mensuras frangere poterant.

38 Defensores civitatum, & iudices Alexandria.

40 Habebant medicam coercionem.

41 Imperii nomen non semper significat mixtum imperium. Quae dicantur esse magis imperii, quam jurisdictionis.

42 Quantum differat multa à penali iudicio, & quid mirumque sit

7 **J**urisdicção est jus cognoscendi, statuendique in causis civilibus, quod jure magistratus competit: vel est notio, qua competit jure magistratus. Mixtum autem imperium est potestas modicè coercendi, coherens jurisdictioni, ad eam tuendam, atque explicandam comparata. Cohæret jurisdictioni mixtum imperium. l. 1. in fin. ff. de off. ejus, cui mand. est jurisd. Inest jurisdictioni mixtum imperium. l. 3. ff. de jurisd. Et idem mixtum appellatur, quia cohæret, & miscetur jurisdictioni. Ita autem hæc duo inter se apta, & connexa sunt, ut separari non possint. Frustra enim magistratus causam cognosceret, statueret, decerne-

ret, juberet, si non posset exequi sententiam, & coercere reluctantes, ac jurisdictioni suæ parere detrectantes. Itaque verissimè Paulus in l. ult. §. ult. ff. de off. ejus ait, sine modicà coercitione nullam esse jurisdictionem. Etenim sine modicà coercitione expediri, atque explicari non potest jurisdictioni. Quocirca inter doctissimos homines est magna dissensio, an sit ulla jurisdictioni simplex, omnino sejuncta, ac separata à mixto imperio.

Enimvero distinguitur à jurisdictione mixtum imperium. Et, licet in jure nostro propèter inseparabilem conjunctionem, & quasi quandam individuum societatem, & nominum communicationem, alterum pro altero accipiat, ut in l. csi prator 3. ff. de off. ejus l. 4. ff. de jurisd. junctà l. 1. ff. de damn. infest. & l. cum prator §. hi qui ff. de judic. junctà l. 3. in fin. ff. de jurisd. & in ead. l. 3. juncto §. sed eas Inst. tit. de honor. poss. & l. ea, quæ ff. ad municip. junctà l. ult. C. ubi & apud quem restit. tamen omnino diversa est à mixto imperio jurisdictioni. Et quamvis Magistratus habeat utrumque, tamen aliquando exercet jurisdictionem, aliquando mixtum imperium: & quædam facit vi jurisdictionis suæ, in quibus non exercet imperium; veluti cum causam cognoscit, decernit, sententiam dicit: quædam facit vi imperii, ad quæ facienda non sufficit jurisdictioni: ut cum coercet contumaces. Quamobrem si omnes spontè parerent jurisdictioni magistratum, non esset opus imperio. Sed cum sæpe numero soleat evenire, ut multi parere detrectent, idcirco ne ludibrio sit & contemptui dignitas magistratum, legum auctoritas, & ipsa jurisdictioni, necesse fuit ipsi ad jungere mixtum imperium, seu modicam coercionem, quæ quilibet magistratus tueri posset jurisdictionem suam. Quare non potest mixtum imperium à jurisdictione seungi.

Ac miror, plerosque hac de re dubitare. Cui data est jurisdictioni, concessa videntur ea omnia, sine quibus jurisdictioni explicari non potest. l. 2. ff. de jurisd. Atqui sine modicà coercionem non potest explicari jurisdictioni. l. ult. §. ult. ff. de off. ejus. Præterea is, cui mandata est jurisdictioni, habet mix-

tura imperium: *l. 1. in fin. & l. ult. in fin. ff. eod.* ergo ipsum multò magis habet magistratus. Nam plus juris habet magistratus, quàm is, cui mandata est jurisdictio: hic enim jurisdictionem habet alieno beneficio, & alieno nomine eam exercet, & usum potius, & exercitum jurisdictionis habet, quàm ipsam jurisdictionem: ille verò eam habet jure proprio, & quodammodo, ut ita dicam, habet ipsum dominium jurisdictionis. *l. 3. l. solet. 16. ff. de jurisd.* Quòd & sic etiam concludi potest: Is, cui mandata est jurisdictio, vel habet mixtum imperium à se ipso, vel à mandante. Non à se ipso, quia nihil proprium habet: *l. 1. §. 1. l. etsi prator 3. ff. de offic. ejus. l. solet. 16. ff. de jurisd.* ergo à mandante. Non potest autem habere à mandante, nisi ipse mandans illud habuerit. *l. nemo plus juris. ff. de reg. jur.* Item, idèò transfertur mixtum imperium mandatà jurisdictione, quia sine eo inutilis esset, ac nulla jurisdictio. *d. l. ult.* ergò multò magis eadè ratione mixtum imperium habere debet magistratus. Animadvertendum enim est, quòd in *d. l. ult.* agitur de jurisdictione, mandatà privato, cui multò minùs necessaria est coercitio, quàm magistratui; qui personam Reip. sustinet, & tueri debet dignitatem suam. Præterquam quòd mandatam jurisdictionem tueri posset ipse mandans, cujus nomine exercetur: jurisdictionem magistratus tueri potest tantummodò ipse magistratus, cùm eam non alieno beneficio habeat, sed jure proprio eamque suo nomine exerceat. Denique id adèò perspicuè traditum est in *l. ult. §. ult. in fin. ff. de offic. ejus*; & in *c. pastoralis vis de offic. & potest. judic. deleg.* ut id in controversiam vocare nequeamus, nisi velimus tenebras offundere perspicuè veritati.

Duo sunt, quæ interpretibus nostris imposuerunt: Primum, quòd in *l. 2. ff. de in jus vocand.* majores Magistratus, Consul, & Prætor imperium habere dicuntur. Contrà verò minores Magistratus sine imperio esse, ait Ulpianus in *l. nec Magistratibus 32. ff. de in jur.* Ac propterea existimarunt, majores magistratus à minoribus differre, quòd illi soli haberent mixtum imperium.

Alterum, quòd in *l. ea qua ff. ad municipal.* traditum est, à magistratibus municipi palibus fieri non posse ea quæ magis imperij sunt, quàm jurisdictionis. Non habebant igitur mixtum imperium. Itaque nec penali judicio jurisdictionem suam defendere poterant *l. 1. in princ. ff. Si quis ius dicenti non obtemper.* Non possunt multatam dicere. *l. aliud frans. 131. ff. de V. S.* Non possunt in carcerem duci jubere. *l. nec magistratibus 32. in fin. ff. de in jur. junctà l. 2. ff. de in jus voc.*

Ut ex his laqueis nos exuamus, atque explicemus, animadvertere oportet, mixti imperij plures esse partes, nec omnibus magistratibus omnes partes tribui. Modica coercitio, quæ ad mixtum imperium pertinet, aliquando latius pater, aliquando contrahitur angustius. Cùm latissimè pater, hæc ferè comprehendit: pignora capere, multatam dicere, corpus retinere, & vinculis coercere, & modicè verberare. M. Tullius 3. de legib. *Magistratus nec obediendum & noxium civem multat, vinculis, verberibusque coercens.* Labeo in *l. sacrilegi 9. in fin.* alias *l. cum eo 10. ff. ad leg. Jul. pecul. Is qui hoc imperio nititur, exigeret id est, pignus capiendò, corpus retinendò. l. 2. ff. de in jus voc. l. aliud frans. 131. in fin. ff. de V. S.* Non omnes autem magistratus habebant plenissimam hanc coercendi potestatem: sed soli magistratus majores, qui, ut plenam, & excellentem habebant jurisdictionem; ita plenum, & excellens habebant imperium. Minores Magistratus habebant & ipsi mixtum imperium, & aliquam coercitionem ad tuendam jurisdictionem suam: sed, sicut non habebant plenam, & excellentem jurisdictionem, ita non habebant plenum, & excellens imperium. Idcirco hi sine imperio esse dicebantur: quia cum illis comparati prope modum non videbantur imperium habere. Illi contrà imperium habere dicebantur, cum imperio esse, imperio uti, pro imperio suo aliquid agere. *d. l. 2. ff. de in jus voc. l. 3. ff. de offic. ejus l. 2. §. imperio ff. de adoption. l. cum Prator. §. 1. ff. de judic. l. juris gentium 7. §. si pacificus ff. de pact. l. quod jussit 14. ff. de re judic.*

Sed hæc ex annalibus, & ultimâ antiquitate sunt eruenda, & argumentis nihil dubiū relinquentibus confirmanda. Varro omnium, quotquot umquam fuerunt, antiquitatis longè peritissimus, apud Gell. *lib. 13. cap. 12.* tollit omnem controversiam his verbis: *In Magistratu habent alii vocationem, alii prehensionem, alii neutrum. Vocationem, ut Coss. & ceteri, qui habent imperium. Prehensionem, ut Tribuni plebis, & alii qui habent viatorem. Neque vocationem, neque prehensionem, ut Quæstores, & ceteri, qui neque lictorem habent, neque viatorem. Qui vocationem habent, iidem & prehendere, & tenere, & abducere possunt.* Constat igitur, quod illi soli magistratus imperium habere dicebantur, qui habebant vocationem; hoc est, qui & vocare, & prehendere, & tenere, & abducere poterant. Hæc enim erat maximæ exercitiæ omnium, quæ ad mixtum imperium pertinebant. Hinc, in *l. 2. de in jus vocand.* rectè dixit Ulpianus: *& ceteros magistratus, qui imperium habent, qui & coercere aliquem possunt, & jubere in carcerem duci.* Imperium igitur habere dicuntur illi, qui possunt non solum coercere, sed etiam in carcerem duci jubere. Neque hoc satis erat Romanæ Reip. tempore. Nam Tribuni plebis, licet prehendere, & in carcerem conicere possent, tamen sine imperio esse dicebantur, quia vocationem non habebant. Quare Antistius Labeo, à Tribuno pleb. per viatorem vocatus, non paruit: responditque, Tribunos non habere jus, neque se neque alium quemquam in causa vocandi, cum moribus majorum Tribuni plebis prehensionem haberent, vocationem non haberent. Possent igitur eos venire, & prehendi se jubere, sed vocandi absentem jus non habere. Ulpianus tamen in laudatâ *leg. 2.* vocationis mentionem non facit, sed solum prehensionis, quia fortasse eo tempore sublatum erat discrimen inter vocationem, & prehensionem, cum tribuniciam potestatem usurpassent Imperatores. Certè Tacitus *lib. 13. Annal.* inter signa manentis adhuc imaginis Reip. refert à Senatu pro-

hibitos Tribunos jus Prætorum, & Consulum præripere, aut vocare ex Italia, cum quibus lege agi posset.

Neque olim majores Magistratus à minoribus differebant ratione imperii, sed ratione auspiciorum. Gell. *lib. 13. cap. 15.* ex Messalla augere: *Patriciorum auspicia in duas sunt potestates divisa. Maxima sunt Consulum, Prætorum, Censorum, &c. Reliquorum Magistratuum minora sunt auspicia.* Idcirco illi minores, hi majores magistratus appellantur. Majora autem ac minora auspicia dicebantur à majori, & minori templo. Tempium dicebatur, teste Varrone, locus, in terris augurii, vel auspicii causa, quibusdam conceptis verbis finitus. Constat igitur inter majores, & minores magistratus hoc fuisse discrimen, quod illi majoribus, hi minoribus auspiciis creabantur.

Enimverò non nego, majores Magistratus majus imperium habuisse: sed hoc eos in diversa classe non constituebat. Nam Prætor erat major magistratus, sicut Consul, & tamen minus imperium habebat. Gell. loco laudato: *Quia imperium minus Prætor, majus habet Consul.* Justinianus noster in *novell. de Prætor. Pisdia* ait, Prætores paulò minores esse Consulibus. Itaque Consules habebant duodecim lictores: Prætores verò tantummodo sex.

Ad rem redeamus. In jus vocari non poterant majores Magistratus, quia ipsi prehensionem habebant: & qui prehensionem habebat, in jus vocari non poterat. Minores autem Magistratus in jus vocari poterant, quia jus vocationis, & prehensionis non habebant. Iterum Gell. *lib. 13. cap. 13.* ex libris M. Varronis: *Qui potestatem neque vocationis populi viritum habeant, neque prehensionis, eos Magistratus à privato in jus quoque vocari est potestas.* M. Lævinus, *Ædilis curulis, à privato ad Prætorum in jus est eductus.* Ex quibus apparet, tam in *lib. 2. ff. de in jus voc.* quàm in *l. nec magistratibus 31. ff. de injur.* nomen imperii referendum esse ad hoc jus vocationis, & prehensionis, non verò ad mixtum imperium, & modicam coercitionem.

Atque ut hoc uberius, & luculentius ostendamus, probandum est, minores Magistratus habuisse mixtum imperium, & modicam aliquam coercitionem, licet sine imperio esse dicerentur. Ordiamur à Tribunis plebis. Tribunos plebis sine imperio fuisse, tradit Appius Cof. apud Livium: 17 & inter Magistratus, qui imperium non habent, recensentur à Gell. d. lib. 13. cap. 12. & fuisse minores Magistratus, nemo dubitat, aded ut quidam dubitaverint, an magistratus essent. Sed Cicero, harum rerum pericissimus, Magistratus appellat. Et tamen hos habuisse mixtum imperium, & potuisse coercere contumaces, certissimum est. Nam & multam dicebant. Liv. lib. 2. *multam temperarunt Tribuni, cum capitis acquisissent: duo millia aris damnato multam edixerunt.* Et lib. 35. refert à Rutilio Tribuno pleb. C. Claudium Pulcrum, & Tiberium Sempronium Gracchum Censores multatos fuisse. Tacit. lib. 13. *Annal. Adidit L. Piso, designatus Cof. ne quid intra domum pro potestate animadverterent: neve multam ab iis dictam Quaestores ararii in publicas tabulas ante quatuor menses referrent: medio temporis contradicere liceret, deque eo Consules statuerent.* Et in carcerem duci jubebant, aded ut nonnullos ex Consulibus in carcerem conjecerint, ut testatur Appian. lib. 4. *bell. civil.* Et sanè C. Cariatius, Tribunus pleb. Publ. Scipionem Cof. in vincula conjecit, teste M. Tullio lib. 3. *de legib.* Metellus Cof. à L. Flacco, Trib. plebis, in vincula conjectus, teste Dione lib. 37. Præterea P. Sempronius Appium Claudium Censorem, Trebonius Catonem duci iussit. Igitur sine imperio esse dicebantur, non quia nullum habent imperium; sed quia deerat ipsis aliquid ad summum imperium, nempe jus vocacionis.

Veniamus ad Aediles. Erant hi minores magistratus, & quidem paulò amplius, quam privati, ut de se ipso fatetur Cicero *allion. 2. in Ferr.* Aediles potuisse in jus vocari, autoritate Varronis, & exemplo M. 18 Levini, Aedilis curulis, confirmat Gel-

lius loco laudato. Itaque Aediles recensendi sunt in numero eorum, qui sine imperio, & potestate esse dicuntur in *l. nec magistratibus 32. ff. de injur.* Et tamen Aediles habebant mixtum imperium, & modicam coercitionem.

Primum enim poterant pignora capere, & multam dicere. Tacit. lib. 13. *Annal. Cohibita arliis Aedilium potestas, statumque, quantum curules, quantum plebei pignoris caperent.* De multa Papinianus in *l. 1. §. 1. ff. de via public. & si quid in ea: Si autem non emundaverint, neque construxerint, mulcent eos.* Quod pertinet illud Taciti *l. 3. Annal. Fraude mancipum, & incuriam magistratum plurima per Italiam itineraria interrupta.* Imò non solum Aediles, 19 sed etiam Curatores viarum multare poterant, iisque in dena millia multa permittebatur Senatusconsulto, quod extat apud Frontinum lib. 2. *de aqueduct.* Liv. lib. 10. refert, Cn. & Q. Ogulnios, Aediles curules, multatis bonis fœneratorum, ænea in Capitolio limina, & trium mensuram argentea vasa posuisse in cella Jovis. Et ab Aedilibus plebeiis, L. Pæto, & C. Fulvio Curvo ex multatitia pecunia, quam exegerunt pecuniaris damnatis, ludi facti, & aurea ad Caesaris posita. Et rursus: *Damnati ab Aedilibus, quia plus, quam quod lege finitum erat, agri possiderent.* Id. lib. 48. refert, frumentarios pecunià ab Aedilibus damnatos ob annonam compressam. Gell. lib. 10. cap. 6. *Appii Caci filia, quod locura esset petulantius, Aediles plebis multam dixerunt aris gravis xxv. millia.*

Sed & aliis modis coercerant noxios cives. Nam & iniquas mensuras frangebant. *l. itemguaritur 13. §. si quis mensuras ff. locat.* Et occidere poterant, si quid in via publica positum esset impedimento. *l. testos 12. ff. de peric. & comm. rei vend.* Et merces improbas jactabant. Eleganter Plaut. in *Rudence:*

Ita solet Neptunus: quamvis fastidiosus Aedilis est.

Si quæ improba sunt merces, jactat omnes. Sed & gravius aliquando coercerant. Liv.

lib. 35. *Ædiles plebis aliquot maionas accu-
sant, quasdam ex eis damnatas in exili-
um egerunt.* Probabile tamen est, hoc non
propria auctoritate effecisse.

Superfunt Quæstores, qui erant infimos
Romæ Magistratus, & primus ad honores
ascensus. l. 1. ff. de offic. Quæstor. Hos etiam
roodiæam coërcitionem habuisse, non est
21 ambigendum. Neque enim potuissent exi-
gere vectigalia, & publicam pecuniam, si
non habuissent jus coërcendi contumaces,
argumento text. in l. sacrilegi 9. in fin. ff.
ad l. g. Jul. pecul. in l. vectigalia 10. in fin.
ff. de publican. Tacit. lib. 13. *Annal. Helvi-
dus Præfens, Tribunus pleb. adversus Obul-
tronium Sabinum, ararii Quæstorem, con-
sentiones proprias exercuit, tamquam jus
basta adversus inopes inclementer ageret.* Ca-
piebant igitur Quæstores pignora à pauperi-
bus, qui non solvebant, & sub hasta ven-
debant. De Balbo Quæstore multa infanda
narrat Ciceroni Asinius Pollio inter ejus E-
pistolæ 32. lib. 10. Sed hic non erat Quæ-
stor urbanus, & potestate magistratus abu-
tebatur. Planè cum Augustus ærarii milita-
ris curam tribuit Prætoris, (quos Tacitus
Prætores ærarii vocat, Quæstoribus subro-
gatos) duos eis lictores dedit, & alios mi-
nistros. Testatur tamen Dio lib. 55. suâ æta-
te ab Imperatore legi soliros, nec lictores
habere. In locum Quæstorum successerunt
Præfecti ærario: Gell. lib. 13. cap. 23. in
fin. Tacit. lib. 13. *Annal.* quorum officium
maximum erat Plin. *Panegy. ad Trajan.*
*Nondum biennium complevimus in officio la-
boriosissimo, & maximo, cum in nobis con-
sulum obtulisti. & epist. 10. lib. 1. Distringi
pro officio, ut maximo, sic molestissimo: sed eo
pro tribunali, subnoto libellos &c. agere nego-
tium publicum, cognoscere, judicare, pro-
mere, & exercere justitiam.* Tacit. lib. 13.
Annal. Tunc Claudius Quæstores usus impo-
suit, iisque, ne meruissent offendere segnius
consuevit, extra ordinem honores permisit.
Sed de erat robur æraris eum primum magistra-
tum capessentibus. Igitur Nero Prætoris a per-
functos, & experientia probatos delegit. Vi-
es hoc maximum officium fuisse, & omni ra-

tione quæsitam huic magistratui auctori-
tatem. Quapropter ineptè quis dubitaverit
hunc magistratum habuisse mixtum impe-
rium, præsertim quia gravissimas contro-
versias, causasque judicabat. l. edito l. Se-
natus. l. Arrius ff. de jure fisci l. cum qui-
dam ff. de his, qua ut indign. l. 4. §. si bona
ff. de fideic. liberi. l. cum hi 8. §. transac-
tiones ff. de transactio.

De Magistratibus quoque extraordinariis
dubitandum non est: ut de Præfecto vigi-
22 lum constat ex l. 3. ff. de off. Præf. vigil. ex
l. cum servus 15. ff. de condiç. caus. dat.
De Præfecto annonæ ex l. mulierem 15. ff.
de accusat. & ex iis, quæ suprà diximus de
Ædilibus.

Hactenus de Magistratibus urbanis. Su-
perfunt Magistratus municipales, qui se-
cundo loco opponuntur, quasi mixtum impe-
rium non haberent. Ego tamen contra 23
rurum verius puto, quod ut evidenter de-
monstrem, præmittendum est, non in om-
nibus municipiis, & coloniis eisdem fuisse
magistratus, sed alibi alios.

Ubique fere locorum magistratum gere-
bant Duumviri, qui ad similitudinem
Consulum constituebantur. Quamobrem ho-
rum sæpissimè mentio fit in jure nostro, ut
in l. fin. C. de judic. in l. 1. ff. de alb. scrib.
l. honores 7. §. is qui ff. de decret. ab ord.
fac. l. 1. §. ult. ff. de mag. conv. l. 3. §. ult.
ff. de pecul. l. item eorum §. 1. ff. quod cujus-
24 que universitatis l. 1. ff. si quis jus dic. non
obtemp. l. injuriarum §. item Labeo ff. de injur.
l. ult. ff. ad municip. l. in honorariis §. ult. ff.
de alion. & oblig. & passim. Alicubi tamen
erant Quatuorviri, ad quos Alexander Imper-
ator mittit rescriptum in l. unie. C. de solut.
& liberat. debitor. civit. lib. 11. Cicet. Epist.
32. lib. 10. *Quatuorvirum sibi prorogavit.*

Plures alios magistratus nominat Spartian.
in Hadriano: In Etruria Prætorum Imperator
egit. Per Latina oppida Dillator, & Ædilis,
& Duumvir fuit Apud Neapolim Demarchus;
in patria sua Quinquennalis: & item Adria
Quinquennalis, quasi in alia patria: &
Athenis Archon fuit.

Alexandriæ loco Duumvirorum erat Juri-

dicus, de quo in tit. C. de offic. Jurid. Alexan. & alibi passim.

In plerisque tamen municipiis magistratum gerebant aut Duumviri, aut Aediles. Cic. lib. 13. epist. 11. *Constituendi municipii causa hoc anno Aedilem filium meum fieri volui, &c. Is enim magistratus in nostro municipio, nec alius ullus creari solet.* Et Aedilium sæpè mentio apud veteres, Tusculi tamen Consul creabatur, Sidicini, & Ferenti Quæstor.

Sed hi Magistratus non tam potestate, quàm nomine inter se discrepabant. Esti enim non omnium una eademque esset potestas, & autoritas; tamen cùm omnes suæ civitati præessent, & ad eos summa rerum rediret, sine imperio, & coercendi potestate 15 esse non poterant. Itaque imperii habebant insignia. Apul. lib. 1. *Milesiar. Nam & lictas, & virgas, & habitum prorsus Magistratui convenientem in te video. Annonam curamus, air, & Aediles gerimus.* Cic. in orat. in Rullum: *Nam primum, cum ceteris in coloniis Duumviri appellentur; hi se Prætores appellari volebant.* Deinde antebant lictores non cum bacillis, sed ut hic Prætoribus antebant, cum fascibus duobus. Irridet Campanam superbiat. Hoc tamen postea Duumviris concessum, Petronius de Sexviro Augustali: *Et quod præcipuè miratus sum, in postibus triclinii fascies erant cum securibus fixi.* Theodosius in l. duumvirum C. de decur. *Duumvirum impunè non liceat extollere potestatem fascium extra metas territorii propria civitatis.* Quorum lictæ ac lictores, si non habet vocationem aut prehensionem? Certe Magistratus, qui neque vocationem, neque prehensionem habebant, nec lictorem, nec viatorem habebant. Quorum fascies, si non potest castigare, & verberare? Quorum prohibetur extollere extra metas territorii, si non sunt insigne imperii? Et animadvertendum est, Imperatorem non nominare fascies; sed potestatem fascium. Potestatis nomen 16 indicat imperium. l. 1. ff. si quis jus dic. non obtemper. l. 2. & 3. ff. ne vis fiat ei l. 3. ff. de jurisd. l. nemo potest ff. de reg. jur. Rectè igitur Juvenalis hos Magistratus appellavit Potestates.

An Fidenarum, Gaborumque esse Potestas. 17 Potestates autem sunt magistratus, qui habent Imperium. l. fidejussor. 26. in princ. ff. de pignor. l. quid sit fugitivus §. pen. ff. de adil. edit. Cic. 3. de legib. Si par, majore potestas, populusve prohibescit. Afcon. Pedian. in 4. in Verr. Roma appellari Tribuni possunt contra omnem potestatem. Sueton. in Caesar. *Quod compellari apud se majorem potestatem passus esset.* Et in Claudio: *Jurisdictionem de fideicommissis in perpetuum, atque etiam per provincias Potestatibus delegavit.* Et sanè ita se res habebat: nam hi magistratus habebant potestatem in vincula conjiciendi, & verberandi. Vellej. Patere. lib. 2. xix. *Marius in jello in collum loro, in carcerem Minurnensium jussu Duumviri perductus est.* In Act. 18 Apostol. cap. 16. traditur est D. Paulum, & Silam à Magistratibus Philippensium in vincula conjectos, & virgis cæsus fuisse. Callistratus in l. eos 12. ff. de Decurion. Sed no quidem arcentur honoribus, qui ab Aedilibus flagellis cæsi sunt: quanquam jure suo ita Aediles officio isto fungantur: inhonestum tamen puto esse, hujusmodi penas flagellorum illis subiectas in ordinem recipi. Erat enim atrox coercitio flagellorum verberatio. l. Sed 29 sicut in fin. ff. de usufr. l. Prætor edixit §. præterea ff. de injur. l. sed si hac lege §. pen. ff. de in jus vocand. Si igitur Aediles habebant potestatem atrociter verberandi, multò magis poterant modicè coercere: hoc enim jus atrociter verberandi nec legatus quidem Proconsulis habebat. l. Si quid eris ff. de offic. Proconsul.

Illud notius est, Magistratus municipales habuisse potestatem coercendi servos, eosque in vincula conjiciendi, l. Si quis uxori §. qui fugitivum ff. de serv. & castigandi. l. Magistratibus 12. ff. de jurisd. l. item apud Labeonem §. nude 39. ff. de injur.

Poterant & pignora capere. l. quemadmodum 29. §. Magistratus ff. ad leg. Aquil. Et captis pignoribus tutores coercerant, & ad satisfaciendum compellebant. l. 3. §. 1. ff. de reb. cor. §. quibus Infiti. tit. de satisf. tutor. De multa major esse potest controversia. Sed non absurdè tentari potest, etiam mul-

tam

tam dicere potuisse; ex *l. aliud frans* § 1. *in fin. ff. de V. S.* Ibi: *Multam dicere potest* 32 *is, cui judicatio data est. Magistratus solos, & præfides provinciarum posse multam dicere mandatis permittitur.* Tria hic genera personarum continentur. Primum illi, quibus judicatio data est. Hi sunt Magistratus urbani, *l. 2. §. ult. ff. de judic.* qui eam non habebant specialiter permissu Principis, sed Consules eam habuerunt ab initio; alii verò Magistratus à lege, lata à Coss. A. Aterino & Sp. Tarpeio, ut refert Dionys. Halicarn. *lib. 10.* Secundo loco nominantur Magistratus: tertio Præfides. Qui sunt isti Magistratus? nempe Magistratus municipales, quibus mandatis Principum specialiter multæ dictio permittitur. Quidam interpretantur id de Magistratibus urbanis. Huic interpretationi multa repugnant. Primum, quòd Magistratus urbani continentur in verbis antecedentibus, ut diximus. Præterea, quia opponuntur inter se illi, qui habent multæ dictionem eà de causa, quia illis judicatio publicè data est, illis, quibus id specialiter permittitur est. *l. 2. in fin. ff. de judic.* Ergo in hac lege nomine Magistratum non possunt intelligi Magistratus urbani: nam illi idèd multam dicere possunt, quia ipsis publicè judicium est, seu judicatio data est: 33 hi verò idèd, quia mandatis Principum id permittitur est. Denique Magistratus urbani non habebant multæ dictionem, ex mandatis Principum, sed more majorum, teste 34 *Gell. lib. 1. cap. 1.* Eam enim habebant etiam ante Imperatores: multæ enim mentio fit etiam in legibus Valerii Publicolæ, primi Consulis. Vide Plutarch. in ejus vita: & tantum abest, ut ipsis data fuerit ab Imperatoribus, quin potius ab ipsis cohibita fuit, & certus modus constitutus, quem prætergredi non poterant: ut de Ædilibus tam curulibus, quam plebis suprà probavimus auctoritate Cornelii Taciti.

Contrà, quod nomen magistratùs in lege nostrà referendum sit ad Magistratus municipales, hæc suadere videntur. Primum, quod ait, *Magistratus solos.* Frustrà apposita esset adjectio illa *solos*, si referretur ad urba-

nos: cum enim dixerit, eos habere multæ dictionem, quibus judicatio data est, utique hi sunt soli magistratus. Cum igitur post ur- 35 banos progredi vellet ad provinciales, statuit solos Magistratus, & Præfides posse multam dicere, ut excluderet Decuriones, Susceptores, Curatores calendarii, Curatores annonæ, Syndicos, & alia officia municipalia, quæ non erant magistratùs, & idèd multam dicere non poterant. Præterea magistratùs nomine seipenumero Magistratus municipales intelliguntur in jure nostro. Extat in 36 Pandectis titulus de Magistratibus conveniendis. Sunt autem hi Magistratus municipales: nam Prætor, & Præfectus eà de causa conveniri non poterant. *l. 1. §. neque prator ff. de Magistr. conven.* Præsertim quoties agitur de rescripto, ac mandato Principis, quia Magistratibus provincialibus rescribere solebant; *l. ult. ff. de tutor. & curat. dat.* aut quoties nomen Magistratùs conjungitur cum nomine Præfidis, ne conjungantur duo diversi generis. *l. 1. §. Si Præses ff. de Magistr. 37 conven. l. tutores ff. de confirm. tutor.* Denique jurisdictionem, ac potestatem, quam Magistratus urbani more obtinebant, Magistratus provinciales habebant à lege & constitutionibus. *l. cum Prætor. §. 1. ff. de judic. l. sed etsi §. ait Prætor. ff. ex quibus caus. maj. juncta l. pars litterarum 48. ff. de judic.* Itaque cum hic agatur de potestate, competente ex mandatis Principum, dubio procul ea referenda est potius ad Magistratus, qui erant in provinciis, quàm ad eos, qui Romæ erant.

Sed utcumque sit, etiamsi Magistratibus municipalibus non fuisset permittitur multam dicere, tamen aliis molis coërcere poterant, ut demonstravimus. Quibus addimus, quòd; sicut Ædiles urbani poterant frangere mensuras iniquas, ita id permittitur Ædilibus municipiorum. Pers. Satyr. 3.

Frangere heminas Arveri Ædilis iniquas.

Juven. Satyr. 10.

— — *Vasa minora.*

Frangere pannosus vacuus Ædilis Ulubris.

Sed & Defensores civitatum, qui erant minores Magistratus, quàm Duumviri, tamen

poterant coercere. *l. neminem 11. C. de episcop. audiendi. Audent. de defensor. civit. §. audiendi.* Audient verò leviora crimina, & castigationi competenti tradent. En coercitio modica.

De Juridico Alexandria dubitari non potest, cum majorem potestatem haberet, quàm Duumviri, quia hi ab ordine Decurionum, ille à Cæsare eligebatur, & idè maximam in judiciis potestatem habebat, *4*cut ait Strabo *lib. 17. Geograph.* Ubi etiam notat omnes causas eum judicasse, quod non licebat Duumviris.

Constat igitur, etiam Magistratus municipales habuisse mixtum imperium. Quamobrem nullius momenti sunt, quæ contrà opponuntur. In *l. ea qua ff. ad municipal. rectè* ait JC. *ea, qua magis imperii sunt; quàm jurisdictionis, fieri non posse à Magistratibus municipalibus.* Etenim ea dicuntur esse magis imperii, quàm jurisdictionis, quæ peraguntur apud Magistratus, qui cum imperio sunt; hoc est apud majores Magistratus, penès quos legis actio est, & impetrium. Imperii nomen non semper significat mixtum Imperium: veteres enim cum Imperium mixtum significare volunt, solent id proferre cum adjuncto. Quemadmodum igitur suprà probavimus, imperii nomen significat majorem potestatem, summum jus, excellentem jurisdictionem, quam habent majores Magistratus, ut in *l. eisi 3. ff. de offic. ejus l. cum Prætor §. 1. ff. de judic. l. 3. in fin. ff. de recept. arbitr. l. 3. ff. de off. ejus, cui mand. est jurisd.* & aliis suprà laudatis. In *l. ea qua ff. ad municip.* imperii nomen non potest significare modicam coercitionem, quia restitutio in integrum, prætoris stipulatio, & hujus generis reliqua, quæ magis imperii sunt, quàm jurisdictionis, *d. l. ea qua §. 1. & l. jubere 4. ff. de jurisd.* non pertinent ad coercitionem contumacis. Pertinent tamen ad excellentem jurisdictionem, & eminentem potestatem, quam habent magistratus, qui cum imperio sunt: & idè dicuntur esse magis imperii, quàm jurisdictionis. Spectant enim ad eum magistratum, qui habet imperium, non ad eum, qui habet jurisdictionem, & sine imperio est. Qui autem magistratus cum

imperio, & qui sine imperio esse dicantur, suprà expositum est satis luculentè.

In *l. 1. ff. Si quis jus dic. non obtemper.* non agitur de multa, sed de pœnali judicio. Aliud est multa: aliud pœnale judicium, *42*ut adnotarunt omnes eruditi. Multam dicit Magistratus contra contumacem, non obtemperantem suæ jurisdictioni, & exigitur à Magistratu ipso, & fisco vindicatur. *l. ult. C. de mod. mult.* Pœnale judicium est actio, quæ datur litiganti, hoc est, ei, cujus interest non fuisse obtemperatum jus dicenti, ad vindicandam contemptam majestatem Magistratus, & ejus imperium: neque enim datur contra eum, qui quodcumque detrectavit parere magistratui, ejusque jurisdictioni, sed solum contra eum, qui contempsit ejus imperium in fine jurisdictionis: hoc est, qui reluctatus est imperio, & coercitioni magistratus. Neque statuitur pro arbitrio magistratus, sed condemnatur contumax actori, quantum ea res est. *d. l. 1. ff. Si quis jus dic.* Plura non addo: doctissimè enim, ac luculentissimè hæc exponuntur à Duar. *disp. lib. 1. cap. 50. Bellon. de mand. jurisd. c. 8. quest. 19.* Illud tantum dico: multam dici ad tuendam jurisdictionem: hoc judicium potius dari ad tuendum mixtum imperium: idèd facilius multæ dictio conceditur; quia jurisdiction nulla est sine modicâ coercitione. *l. ult. in fin. ff. de offic. ejus, & c.*

CAPUT V.

AD L. IN PRIVATIS 77.

ff. de Judic.

SUMMARIUM.

- 1 Proponentur dua leges, quæ contraria putantur.
- 2 Negotium quid significet in jure?
- 3 Judicia privata, & publica, quæ?
- 4 Pater filium, & filius patrem judicem habere potest in privatis, non in publicis judiciis.
- 5 Majus periculum imminet patri judicante in causa filii, quàm eo jure dicente.
- 6 Judicandi, sicut juris dicendi, officium publicum est.
- 7 Quod jus publicum, filius non sequitur jus patriæ potestatis.
- 8 Filius potest arbiter esse de re patris.
- 9 Arbitr. conventionis litigantium eligitur.
- 10 Judices ex consensu dubitantur.
- 11 Prætor judices seligebat, & in alio nomina gerunt

scribas, & jurabis se optimum quemque seligere. n. 12.

12 Judicia interdum penes Senatū, interdum penes ordinem equestrem, interdum penes utrumque suere.

13 Litigantes judicem non seligebant, sed datum rejicere poterant. & n. 16.

14 Si actor judicem ferret, reus refugere poterat, & egerat sibi iniquum esse.

15 Si non refugiebat, judex ex consensu datus dicebatur.

17 Non poterat rejici judicio jam inchoato.

18 In causis criminalibus quomodo liceret judicem rejicere.

19 Sibi imputare debes, qui judicem accepit patrem, aut filium, enim posses rejicere.

IN l. qui jurisdictioni 10. ff. de jurisd. omn. jud. ait Ulpianus: Qui jurisdictioni praeest, neque sibi jus dicere debet, neque uxori, vel liberis suis, neque liberis, vel ceteris, quos secum habet. Contrā Africanus in l. in privatis 77. ff. de judic. in privatis negotiis pater filium, vel filius patrem judicem habere potest.

Contraria existimatione haec duo responsa: sed non sunt. Primum autem disputant interpretes, quae sint privata negotia. Privata negotia sunt privatæ controversiæ, de quibus privata judicia peraguntur. Negotium enim pro questione, controversiâ, lite, sæpenu-mero usurpatur in jure nostro, ut in l. Imperatores 34. ff. de jure fisci. in l. eundem 16. §. 1. ff. de legatione. Hinc negotium facere alicui dicitur, qui eum litibus vexat. l. 1. ff. de calumniat. l. 5. ff. de obsequiis parent. l. 6. C. de testib.

Privata igitur negotia sunt privatæ controversiæ: undè & privata judicia dicuntur, in quibus illæ agitantur. Cicero lib. 1. de Orator. Nam volare in foro; barere in Prætorum tribunalibus: judicia privata magnarum rerum obire. Et in Topic. Privata judicia maximarum quidem rerum in Jureconsultorum mihi videntur esse prudentia. Gell. lib. 14. cap. 2. Quo primum tempore à Prætoribus lectus sum in iudices, ut judicia, quæ appellabantur privata, susciperem. Judicia igitur privata erant, in quibus Prætor judicem dabat, in quibus privata negotia disceptabantur. Ratione muneris, & ratione judicantis omne iudicium publicum est. l. quippe 78. ff. de judic. l. 2. ff. de reg. jur. Ratione negotii, & controversiæ, de qua disceptatur,

alia sunt judicia privata, alia publica. §. publicorum Instit. tit. de public. judic. Igitur in privatis judiciis pater filium, vel filius patrem judicem habere potest: non in publicis, in quibus de capite, aut existimatione alicujus quaeritur. Eset enim inhumanum, & omnino non tolerandum, filium à Patre, aut Patrem à filio torqueri, catenis vinciri, verberibus subijci, supplicio affici, ut notant Græci interpretes.

Iis expositis, superest alia quaestio explicanda. Quid rei sit, cur Pater in causa filii, filius in causa Patris judex esse possit, non possit autem jus dicere. Non sunt hæc contraria. Aliud enim est judicare, aliud jus dicere, ut notant omnes. l. volumus 4. §. ult. ff. de interrogatione. l. quidam 17. ff. de re judic. rubric. C. ne quis in sua caus. jud. vel jus dicat. Sed tamen, si Patri non permittitur jus dicere in causa filii, quid est, quod judicare pariter non prohibetur? Majus enim periculum imminere videtur, si judicet, quam si jus dicat. Nec nodum solvit Paulus in l. quippe 78. ff. de judic. ubi eam rationem affert: quia judicandi munus publicum est. Hoc enim solum efficit, ut in judicando nulla debeat haberi ratio patriæ potestatis; nec filius, & pater pro una, eademque persona sint habendi, quemadmodum considerantur in iis, quæ ad jus privatorum pertinent, l. ult. in fin. C. de impub. & al. substit. l. cum scimus 12. in fin. C. de agric. & censu. lib. 11. quod & in actionibus exercendis obtinet. l. ne cum filiosam. 76. ff. de furs. Facit text. in l. 2. in princ. ff. quar. rer. act. n. n. det. In iis autem, quæ ad jus publicum pertinent, filius non sequitur jus patriæ potestatis, l. nam quod 14. ff. ad SC. Trebell. & loco patrisfam. habetur. l. filiosam. 9. ff. de his, qui sunt sui, vel alien. jur. l. item eorum 6. ff. quod cuiusque universi. l. 2. ff. de muner. & honor. Romani enim potiorum voluerunt esse causam Reip. quam patriæ potestatis. l. honor. 14. §. plebei ff. de muner. & hon. l. postliminium 19. §. filius quoque ff. de emp. & postlim. Antiquius enim est, ut patrie quis nascatur, cui nati sunt & ipsi parentes. l. 1. §. & generaliter ff. de ventr. in poss. mittend. Cæterum hæc scrupulum non

evellunt, quia etiam juris dicendi munus publicum est, *l. ille à quo 13. in fin. cum seq. ff. ad SC. Trebell.* & tamen Pater filio jus dicere non debet. *l. qui jurisdictioni ff. de jurisd.*

Puto rationem eruendam esse ex *l. quin 8. etiam 6. ff. de recept. arbit.* Quin etiam de re Patris dicitur filiumsam. arbitrum esse: nam & judicem eum esse posse plerisque placet. Quæ verba mutuatur est Gratian. in *c. 2. §. filius. 3. quest. 7.* Comparantur hic arbitri ex compromisso, & judex. Non dubitatur autem, filium in causa patris idem arbitrum esse posse, quia arbitri conventionione, consensuque utriusque litigantis eligitur, sibi que debet imputare, qui consensit in Patrem, aut filium. *l. diem §. fari ff. de recept. arbit.* Igitur eadem ratio urgeat in judice, necesse est, quoniam alterum alteri exemplum præstat, & ab altero ad alterum ducitur argumentum.

Et sanè ita se res habet. Cicero. in orat. pro Cluent. Neminem voluerunt majores nostri, non modo de existimatione cuiusquam, sed ne pecuniaria quidem de re minima, esse judicem, nisi qui inter adversarios convenisset. *10* Valer. Max. lib. 2. cap. 8. Itaque judex inter eos convenit Attilius Calatinus, apud quem Valerius in hunc modum egit. Sed ne quis credat, judices electos fuisse à litigantibus, sicut arbitri ex compromisso eligebantur, addet ut in his nullæ essent partes Prætoris, *l. 3. §. tamen si ff. de rec. arbit.* tota res accuratius est explicanda.

Prætor judices seligebat, qui de privatis negotiis judicarent. Gell. lib. 14. cap. 2. Quo primum tempore à Prætoribus lectus sum in judices, ut judicia, quæ appellantur privata, susceperem. Eorum nomina describebat in albo. Senec. lib. 3. de beneficiis. cap. 7. Ubi id de quo sola sapientia decernit, in controversiam incidit, non potest ad hæc sumi judex ex turba selectorum, quem census in album, & equestri hereditas misit. Aliquando enim judicia fuerunt penès Senatores, plerumque penès Equites, aliquando penès *12* utrosque. Ex his autem Prætor judices legere debebat. Damnat hoc Plin. lib. 14. cap. 1. Posteris laxitas mundi, & rerum amplitudo damno fuit, postquam Senator censu legi

captus, judex fieri censu. Jurabat autem Prætor se optimum quemque seligere. Cic. pro Cluent. Deinde Prætoris urbani, qui jurati debent optimum quemque in selectos judices referre.

Litigantes judicium, & judicem à Prætore postulabant. *l. Si quis cum ff. commun. divid. Alcon.* Cum in rem aliquam agerent *13* litigatores, judicem poscebant. Cic. pro Cæcili. Crisp. Scandilius recuperatores, aut judicem postulare, Prætor, quem volebat, ex selectis judicem addicebat. Neque enim prætor permittebat actori certum aliquem judicem sumere, sed solum concedebat, ut rejiceret. Quod pertinet illud Ciceronis lib. 3. in Verr. Si mehercule ex omni copia conventus Syracusani, splendidissimorum, honestissimorumque hominum faceres potestatem avari non modo rejiciendi, sed etiam sumendi recuperatores; tamen hoc novum genus injuria ferre nemo posset, te, cum tuos omnes fructus publicano tradidisses, & rem de manibus amisisses, cum bona tua repetere, ac persequi lite, atque judicio. Huc etiam puto pertinere formulam illam in addicendo judice, quam refert Fest. in verb. *procum.* Si alium procas, nunc eum procas: procare enim est poscere. Non poterat enim Prætor judicem addicere, quem altera pars nominatum petiisset. *l. observandum ff. de judic.*

Vetum enim verò solebat aliquando actor, qui in jus vocabat reum, aut qui provocabat, reo judicem ferre. Liv. lib. 8. Eumque tibi exercitus, Senatusque judicium fugienti, judicem fero. Et lib. 9. Quem tibi cursum irarum, quem meorum suppliciorum judicem feram. Poterat tamen reus refugere, & rejicere judicem, quem ferebat actor. Cic. pro Q. Roscio. Quem si ferrem judicem, refugere non deberet, quomodo reum produciunt reprehendere audebit? Id. 12. de Orator. Cum ei M. Raccus, multis probis objectis, P. Mucium judicem tulisses, Ejero, inquit, iniquus est: Cum esset admurmuratum, Ab! inquit, P. C. non ego illum mihi iniquum ejero, verum omnibus, Qui judicem rejiciebat, iniquum sibi ejerabat: non quod eum iniquum aut injustum esse diceret, sed

quod æquo jure apud eum disceptare non posset. Cic. *de petit. consulat. Vocem audivimus jurantis, se Roma judicio æquo cum homine Græco certare non posse.*

15 Quid si reus non refugeret judicem, quem ferebat actor, sed in eum consentiret, Prætor eum judicem addicebat; isque ex consensu latus, & ex conventionem litigatorum additus dicebatur. Atque ita intelligenda. 1. *Si in judicis 80. ff. de judic. l. ex consensu 23. ff. de appellat. l. quidam consulebat 57. ff. de re judic.* Debebat tamen convenire iudex unus, ex selectis in albo descriptis. Quo alludit Plin. in *Prefat. Quid te judicem facis? cum hanc operam condicerem, non eras in hoc albo. Majorem te sciebam, quam ut descensurum huc putarem.*

Si vero iudex non convenisset: nempe si aut actor judicem non ferebat, aut reus eum sibi iniquum ejerabat: tunc Prætor, quem volebat, ex albo judicem dabat. Licebat tamen litigantibus eum rejicere, & ejerare. Cic. 5. in *Verr. Scandilius postulare de conventu recuperatoris. Tum iste negat se de existimatione sua cuiquam, in suis commissurum. Negotiatores putant esse turpe, id forum sibi iniquum ejerare, ubi negotientur. Prætor provinciam totam sibi iniquam ejerat. Plin. in Panegy. ad Trajan. Licet rejicere, licet exclamare: hunc nolo. & infra: Liberum est autem disceptanti dicere: nolo eum eligere: neque enim ullam necessitatem muneribus tuis addis. Et alludit etiam in *Prefat. Præterea est quadam publica etiam eruditorum rejectio. Nec puto necessarium fuisse causam addere: satis enim erat sibi iniquum ejerare.**

17 Nec obstat text. in *l. pariter 9. ff. de liber. caus.* Nam ibi iudicium erat jam cœptum: itaque sine causa non poterat illud evitare, qui eo inchoato supervenerat.

18 In causis etiam criminalibus fiebat sortitio, deinde rejectio: mox subfortitio, ut luculentè Ascon. Pedian. in 2. in *Verr.* Lex autem Cornelia prohibebat amplius, quam tres iudices, rejicere, teste Cicerone in 2. in *Verr.* Sed hæc ad nos non pertinent.

Jam concludamus. Cum iudex invito non daretur, sibi imputare debet, si quis iudicem in causa filii Patrem accepit. Et idè

rectè JC. in *l. quin etiam 6. ff. de recept. arbitr.* ducit argumentum à iudice ad arbitrum: nou multum enim hac in re differunt. Magistratus autem jus dicit etiam in invitum, & quidem sine spe restitutionis. *l. sed etsi 26. §. ait Prætor ff. ex quib. caus. major.* Judicis autem dati sententia appellatione rescinditur. *l. ult. ff. quis & à quo appell.*

CAPUT VI.

Ad §. Prætorum Instit. tit. de jur. nat. gent. & civil.

SUMMARIUM.

- 1 Lex populi iustum, nec nisi à populo condi poterat.
- 2 Quicquid à populo discernatur, lex dicebatur.
- 3 Legem ferebant Consul, Prætor, Dilectus, Interrex.
- 4 Leges pleræque consulares: pauca prætoris, & quæ?
- 5 Prætor aliquando in provinciis ex SC. leges dabat.
- 6 Exemplum Edicti Prætoris, legis iustititatis habentis.
- 7 Prætor juris custos, non conditor & n. 10. & 12.
- 8 Prætor potest jus custodire, non legem condere.
- 9 Prætor legislator: explicatur n. 10. & 12. quomodo intelligendum?
- 10 Prætor bello præerat, bellum gerens, populum indicens.
- 11 Initio Reip. tam Consules, quam Dilectus, Prætores appellabantur.
- 12 Legislator, qui legem fert, & rogat, etiamsi non sanciat.
- 13 Nomenclatura apud Græcos, qui?
- 14 Legislatores etiam Jurisconsulti appellantur.
- 15 Theophilus explicatur.
- 16 Edictum Prætoris lex annua.
- 17 Atheniensium Senatuscons. annua.
- 18 Edictum translatitium.
- 19 Aliquando Prætores uliter, atque edixerant, discernabant.
- 20 Alter Prætor poterat intercedere, & alterius iniquitati occurrere.
- 21 Lex Cornelia quid prohiberet?
- 22 Novum edicta post legem Corneliæ. & n. 23. & 24.
- 23 Athenes post legem Corneliæ introducta.
- 24 Senatusconsultum factum ad coercendos Prætores.
- 25 Explicatur Ascenius, Prætorum edicta alia perpetua, alia temporaria.
- 26 Quæstiones perpetua, quæ?
- 27 Edicta temporaria, quæ?
- 28 Edictum perpetuum & immutabile ab Adriano.
- 29 Edictum post Adrianum lex est in genere: non in specie. & n. 31.
- 30 Vires legis non habet.
- 31 Etiam hodie ex edicto non hereditas, sed bonorum possessio deservit.
- 32 Etiam hodie valent ipsi jure obligationes, quæ à Prætoribus impugnantur.
- 33 Justinianus naturam & vires singularium juris partium non mutavit.

DE Prætoris jurisdictione, atque autoritate in jure condendo pauca delibabo, de qua in §. *Prætorum Instit. tit. de jure nat. gent. & civil.* Hac de re disputant interpretes nostri ad rubr. *C. qui admitti*, reique non admodum obscuræ densissimas tenebras of-fundunt. Primùm disputant, an Prætor posset legem condere per prius : deinceps, an posset legem condere per posterius. Inventis his vocibus absolis, & incultis, rem satis expeditam mirum in modum invol-verunt.

Solum populum Romanum potuisse legem condere, satis constat inter omnes, vel leviter eruditos. Operam perdat, qui hoc
1 probare contendat. Ipsa legis definitio id demonstrat, à legillatore nostro tradita in §. *lex est Instit. tit. de jure natur. gent. & civ. Auctor ad Heren. lib. 2. Lex juri est id, quod populi jussu sancitum est. A. Gell. lib. 10. cap. 20. ex Atejo Capitone : Lex est generale jussu populi, aut plebis, rogante magistratu.* Boët. in Topic. *Lex est, quam Populus centu-riatis comitiis sciverit.* Fest. Pomp. in Verbo rogatio : *Quod in omnes homines, resve populi scivis, lex est.* Aded autem legis proprium est populi jussu, ut, quicquid per comitia populus jussisset, lex à veteribus appellaretur. Itaque etiam privilegia leges appellabantur. Exempla apud veteres passim occurrunt, & testatur Gell. lib. 10. cap. 20. Bellum quoque lege juberi dicebatur, ut passim apud Livium : & legem ferre dicebatur, qui reum ad populi judicium vocabat : & adoptiones lege fiebant. Cic. pro domo sua : *si quod in ceteris legibus trinundinum esse oportet, id in adoptione satis est trium esse horarum, nihil reprehendo, & relinquo.* Gell. lib. 5. cap. 19. Dio lib. 39. & lib. 45.

Solus igitur populus legem condebat. Prætor autem legem ferre poterat, & populum rogare. Id solummodo permissum majoribus
3 Magistratibus, nec tamen omnibus. Quatuor tantum magistratus legem ferre poterant : duo ordinarii, Consul, & Prætor : duo item extraordinarii, Dictator, & Interrex. Itaque Prætor legem ferebat, proponebat, promul-gabat : populus condebat : Prætor populum

rogabat : populus scisciebat. Prætor legi nomen, populus vim, & autoritatem dabat. Dio lib. 37. τὸ ἱερουργεῖν, τὸ ἱσχυρίζεσθαι αὐτὸν, ἀρχὴ μὲν οἱ βουλευταί, (ὃ δὲ Μίτλων & Νέωνων) ἰσχυραὶ τὴν ἐν αὐτῷ ἀρχὴν ἀνταρτίζουσι δὲ τὴν αὐτὴν, ὃς ἵππερ ἀνταρτίζουσι. Prætori autem, legem ferenti, infensi Senatores, (erat enim is Metellus Nepos), voluerunt & nomen ejus legi detrabere, & aliud inscribere. Cic. in Rull. *Hic Tribunus plebis lege curiata, quam Prætor feras, admittit intercedendi potestatem.* Quamquam autem legi vim, & autoritatem populus tribueret ; tamen, quod lege sancitum erat, is qui tulerat, statuile dicebatur. Flor. Epitom. 97. *Judicia quoque per M. Aurelium Cotta Prætorem ad Equites Romanos trans-lata sunt.* Factum est id lege Aureliæ de judiciis, à M. Aurelio Cotta Prætorē lata. Acon. Pedian. *Cotta lege sua judicia inter sres ordines communicavit, Senatores, Equites, Tribunos Aeriarios.* Vell. Patere. lib. 2. 32. *Per idem tempus Cotta judicandi munus, quod C. Gracchus ereptum Senatui ad Equites, Nulla ab illis ad Senatū transulerant, aqualiter inter utrumque ordinem partiti est.*

Pleraque autem leges erant Consulares, 4 paucæ admodum Prætoriz : cujusmodi fuerunt lex Cæcilia, à Q. Cæcilio Metello, lex Aurelia, à C. Aurelio Cotta ; lex Cassia, à Q. Cassio ; lex Fusia de comitiis, à Q. Fusio Caleno, Prætoribus latæ.

Aliquando tamen Prætores in provinciis 5 autoritate à Senatu acceptâ leges considerunt. Cic. lib. 2. in Verr. *Halesini, cum haberent inter se controversias de senatu coopando, leges à senatu nostro petiverunt.* Decrevit senatus honorifico senatuscons. ut his C. Claudius, Appii filius, Pulcher, Prætor, de senatu coopando leges conscriberes. & paulò infrà : *Agrigentini de senatu coopando Scipionis leges antiquas habens.* Et rursus : *Nam eo quoque colonas P. Rupilius deduxit, legesque similes de coopando senatu, ac de numero veterum, ac novorum dedit.* At hoc factum solummodo in provinciis : & hæ leges potiùs Populi, ac Senatùs, quàm Prætoris esse videbantur. Id. Cic. *Quas enim leges sociis, amicisque dat is, qui habet imperium à po-*

pulo Rom. auctoritatem legum dandam à senatu; ha debent & populi R. & senatus existimari.

6 Romæ quoque Marius Gratidianus Prætor de re nummaria è Rostris edixit. Hoc edictum à Plinio lex appellatur. In lib. 33. cap. 9. in fin. Igitur ars fallæ denarios probare, tam jucunda lege plebi, ut Mario Gratidiano vicatim totas statuas dicaverit. Sed hoc non fuit propriè edictum Prætorium, sed à tribunis plebis, adhibito collegio Prætorum communi consensu conscriptum. Et cùm constituisent, ut omnes simul in rostra post meridiem descenderent, Marius, ut collegis, & Tribunis plebis gratiam popularem præpereret, rectè descendit in rostra, & quod communiter compositum fuit, solus edixit. Et tanto populi consensu, atque approbatione fuit exceptum, ut omnibus vicis statuz factæ fuerint. Cic. lib. 3. de offic. Accessit igitur Populi auctoritas, & totius collegii Prætorum, & Tribunorum plebis consensus, neque illud edictum solà Gratidiani Prætoris auctoritate niebatur.

Non poterat igitur Prætor legem condere. 7 Quapropter Cicero, qui suas leges Reip. Rom. accommodavit, eum juris civilis custodem facit, non conditorem: Qui privata judicet, judicariæ jubeat, Prætor esto: juris civilis custos esto. Contrarium tamen innuere videtur Historicus: Penes quem Magistratum omnis publici, privatique juris potestas esset, ut & novum jus constituere, & vetera abrogare facultas esset.

Sed animadvertendum est, aliud esse legem condere, aliud jus constituere. Jutis nomen comprehendit etiam Prætoris edicta, quæ jus prætorium, seu jus honorarium appellabantur. l. 2. §. eodem tempore ff. de orig. jur. l. jus autem civile §. ut ff. de just. & jur. l. jus pluribus ff. eod. §. constat autem Instit. tit. de jure nat. gent. & civil. Potest Prætor jus constituere, & abrogare: legem condere, & abrogare non potest. l. cùm sponsus §. si res talis ff. de Public. in rem action. l. non est ambigendum in fin. ff. de bonor. possess. l. 1. §. sed si Prætor ff. de fer. Juris nomen latissimè patet, præsertim apud veteres re-

rum Romanorum scriptores, qui hæc minus accuratè distinguunt præ Jurisconsultis. Cic. in Topic. definit Jus civile, quod ex legibus, Senatûsconsultis, rebus judicatis, jurisperitorum auctoritate, edictis magistratum, more, æquitate consistat. Autor ad Heren. Constat igitur jus ex his partibus: naturâ, lege, consuetudine, judicato, æquo & bono, pado. Lex autem pars, seu species juris est. §. constat autem Instit. tit. de jure nat. gent. & civil. l. jus autem ff. de just. & jur. Quod Prætor possit jus constituere, non inde efficitur, posse legem condere. Leo potest generare animal, non tamen potest generare hominem.

Sed Historici testimonium niti, & confirmari videtur auctoritate Justiniani, qui Prætoribus non solum juris, sed legum etiam potestatem tribuit, eosque Legumlatores appellat. In novell. 24. de Præside Pifid. in præf. ait, veteres Romanos Prætoribus armorum juxta, ac legum potestatem fecisse & paulò post: Εμπροσθεν τῶν αὐτῶν ἐκ τῆς πολιτικῆς διοικήσεως, ἐκ τῆς πλεῖς τῶν νόμων ὑποθέσεως. Concedentes ipsi & rem publicam administrare, & leges scribere. Et in novell. 25. de Prætor. Lycæon, in præf. ait, veteres Romanos suos Imperatores appellasse Prætores, eisque potestatem dedisse, ut exercitus ducerent. Καὶ τοῖς ἀν' αὐτῶν ὑποτάκτους ἐμίσθοντο νόμους. & scriptis ab ipso legibus obtemperabant, & in novell. 26. de Prætor. Thrac. cap. 1. Nam si Prætor Romanorum, Imperator simul, & Legislator, hunc locum tenuit in suo Magistratu. Σεπτομῆς αὐτῶν ἐκ τοῦ ἐκτελέσαι.

Respondetur, quod, cùm Imperator Justinianus in eadem persona, eodemque magistratu conjungere vellet tum rei bellicæ, tum juris civilis administrationem, voluit confirmare hanc Constitutionem exemplo Romanæ Reip. quæ tum Consulibus olim, tum Prætoribus provinciarum postea utrumque concessit. Itaque ea omnia referenda sunt non ad potestatem condendæ legis, sed ad potestatem juris dicendi. Ea enim est mens Justiniani, qui exemplum veterum Romanorum sequi volens, nihil aliud Prætori concedit, quàm ut jus dicat. Habebant in Romana Rep. Prætores armorum juxta,

ac legum potestatem. Eamdem nimirum potestatem habebant, quoad arma, quam habebant, quoad leges. Atqui arma quidem tractare poterant, & bella gerere, non tamen poterant bellum indicere. Jussu populi bellum gererebat. Populus lege curiatâ imperium deferrebat Imperatori, ut posset bellum gerere. Ipse bellum jussu populi administrabat, prout Reip. putabat expedire. Sic poterant quidem leges à populo conditas tractare, supplere, corrigere, mitigare, adjuvare: *l. jus autem civile §. 1. ff. de justit. & jur.* non tamen poterant leges condere. Sicut bello præterant, tamquam imperatores; ita legibus præterant, tamquam Prætores. *d. novell. 24. cap. 1. ibi: ὑποδά, ἡ προέδομαι ᾧ ἔμμεν.* Varr. lib. 4. de ling. Lat. Prætor dictus, qui præiret jure, & exercitum. Sicut autem belli inferendi jus non habebant injussu populi, ita nec legis condendæ. Quare Justinianus non dixit, eos potuisse leges sancire, aut condere; sed ea, quæ ad leges pertinent, scribere. Τα πρὸ τῶν νόμων γράψαν. Hæc omnia idem significant: habere legum potestatem; posse ea, quæ ad leges pertinent, scribere: esse vivam vocem juris civilis, *l. nam & ipsum ff. de just. & jur.* posse leges adjuvare, supplere, corrigere. *l. jus autem §. 1. ff. eod.*

At enim Romani legibus à Prætore scriptis parebant. *d. novell. 25. cap. 1.* Hoc verò dictum est de Consulibus, ac Dictatoribus; de quibus ibi agit Justinianus, qui omnes initio Reip. Rom. Prætores appellabantur. Illi dicti sunt Prætores: hic Prætor maximus appellabatur. Liv. lib. 3. Plin. lib. 18. cap. 3. Zonar. tom. 2. Varr. lib. 2. de vita pop. Rom. apud Non. in voce consulum. Felt. in voce Prætor. M. Tullius, lib. 3. de legib. Et hoc significat Justinianus in *d. Nov. 25. in præf.* ubi ait, Prætoris nomen etiam ante Consules fuisse.

Verum quia nec Consules condendæ legis potestatem habebant, ideirò dicendum est, Justinianum loqui de illis legibus, quas Consules ferebant, populumque rogabant.

Quemadmodum & in *novell. 24. in præf.* eadem de re agens ait: Καὶ πάλιν νόμοι: ἐν τοῖς αὐτοῖς περιέλαβον τὸ ἐξέχειν τῶν νόμων, & multa leges voce

Prætoris ferebantur. Et huc quoque referenda sunt illa verba *novell. 26.* ubi Prætorum Legislatorem appellat. Ferebat enim Legem Prætor, & ideò Legislator dici potest, ut initio diximus. Cic. *orat. 4. in Catilin.* Ipsum Latorem legis Semproniam jussu populi pœnas Reip. dependisse. Ad *Attic. lib. 1. epist. 11.* Piso autem Consul, lator rogationis, idem erat diffusor. Prætor νομοθέτης nomotheta appellatur à Justiniano. Nomothetæ à Græcis dicebantur etiam illi, qui legem condere non poterant. Pollux: Νομοθέται δ' οἱ αὐτοὶ χιλιῖς, οἱ 13 ἐξέδον νόμους παλαιὸν ἔθνος, ἀλλ' οὐ δύναται τῶν νόμων ἰσχυρὰ ἐκείνη, ἡ ἡμεῖς ἐκείνην τὴν δύναμιν ἀνέλαβον, ἡ ἡμεῖς ἐκείνην τὴν δύναμιν ἀνέλαβον. Nomothete erant mille, quibus veterem legem tollere licebat, non autem novam condere: novas enim leges probabat Senatus, Populus, & Magistratus. Et Ulpian. in 3. *Olynthiac.* duo genera nomothetarum recenset, alterum eorum, qui novas leges ferebant alterum eorum, qui cognoscebant, an ullæ essent leges inter se contrariæ, ut eâ de re ad populum referretur.

Atque hæc nomina, etiamsi minùs convenirent Prætoribus, ramen apud Justinianum toleranda essent, qui minùs accurate plerumque loquitur, & qui etiam Jurisconsultos Legislatores appellat. *l. 2. §. ne autem incognitum & l. 3. §. sed & hoc optimum C. de veter. jur. enuci.*

Postremò pro Historici autoritate pugnare videtur Theophilus, qui ait datum fuisse jus legis ferendæ præcipuè Prætori urbano, & peregrino, & Aedilibus curulibus, idque jus honorarium dictum.

Sed confundit Theophilus jus legis ferendæ cum potestate edicendi. Legem ferre poterat Prætor, non Aediles. Edictum proponebat non solum Prætor, sed etiam Aediles. Jus honorarium non componebant leges, Prætor late: nam hæc erant leges Populi, non jus Prætorium, aut honorarium, jus honorarium constabat edictis, rum Prætoris, rum Aedilitiis. §. Prætorum quoque *Instit. tit. de jur. nat. gent. & civ.* Utrumque confundit Theophilus, & cum sciret Prætozem habuisse jus ferendæ legis, hoc jus accommodavit edictis, cum sit valdè diversum. Nisi dicamus, eum leges vocasse

vocasse edicta : nam & Censorum edicta leges Censorie dicebantur. Cic. 3. de divin. & 1. in Verr. & in orat. pro Cluent.

Jam verò videamus, an Prætor posset legem condere per posterius. Occurrit hic amphibolia in illis verbis, per posterius. Si quærimus, an Prætor posset legem condere accedente populi approbatione, hoc est, legem ad populum ferre; nulla controversia est, ut initio exposuimus. Sed tunc à populo, non à Prætoris erat legis autoritas.

Si verò quærimus, an edicta Prætoris vim legis haberent, populo approbante, inutilis propè quæstio est. Numquam enim id factum legimus; nisi quis huc referat edictum Gratiiliani Prætoris, de quo modo ¹⁶differvimus. Cic. in Alcion. 3. in Verr. ait, eos, qui plurimum tribuebant edicto, ipsum dixisse legem annuam. Et rursus; Si finem edicto offerunt calendæ Januariæ, cur non initium quoque edicti nascitur à calendis Januariis? an in eum annum progredi nemo poterit, quo Prætor alius futurus est; in illum, quo Prætor alius fuit, regredieris? Edictum igitur Prætoris unius anni finibus circumferebatur, & idèd constat ipsum non populi autoritate, sed solius Prætoris ¹⁷annui Magistratus innixum fuisse. Exemplum ab Atheniensibus. Demosthen. in oratione adversus Aristocratem. Οὐμὸς δ' ἐμὴν καλὴν τὰ ἑ βουλὴν ἡμᾶς ἀπορίσμεθα. Lex jubet Senatûs consulta annua esse. Tamdiu enim præerat Senatus Quingentorum. Ulpian. ad hunc locum. Ἄλλ' αὖ τὸ βουλὴ ἰσχυρὸν ποιεῖ τὸ δίκαιον, ἢ τὸ δίκαιον, ἢ τὸ βουλὴν ἰσχυρὸν. Ταῦτ' ἐστὶν τὸ δικαίον καὶ τὸ βουλὴν ἰσχυρὸν. Quæ à Senatu sine populo decreta erant, vim obtinebant quamdiu Senatus Reip. præerat, & erant re verà annua; quæ verò à populo fiebant, longius tempus durabant.

Verumtamen cum edicta Prætorum æquitate niterentur, quam semper præ oculis in edicendo Prætores habebant, novi Prætores aut nihil omnino, aut admodum pauca de vetere edicto mutabant, & corrigebant. Quod fiebat, ut, cum quædam, imò pleraque in omnibus edictis diu proposita fuissent, vetustate invalescerent, & vim consuetudi-

nis obtinerent. Cic. de invent. lib. 1. In eâ autem (consuetudine) jura sunt quedam, ¹⁸ ipsa jam certa propter vetustatem: quo in genere & alia sunt multa, & eorum multo maxima pars, quæ Prætores edicere consueverunt. Et hoc dicebatur edictum translatitium, quia semper de vetere in novum edictum transferebantur. Cic. lib. 1. in Verr. Posteaquam jus prætorium constitutum est, semper hoc jure uti sumus. Quare hoc sit acquisitum, facile est docere: sed in re tam usitatâ satis est ostendere, omnes antea jus ita dixisse, & hoc vetus edictum, translatitiumque esse. Et lib. 5. ad Attic. ep. 21. Interim cum ego in edicto translatitio centesimas me observatum habet cum anatocismo anniversario. Et lib. 6. epist. 1. de reliquo jure dicendo dixeram reliqui. Dixi me de eo genere mea decreta ad edicta urbana accommodaturum. Certa enim erant, & usitata edicta de iudicibus dandis, de actionibus, de exceptionibus, & hujus generis reliquis.

Multi tamen, & inter eos quidam viri docti, putant lege Corneliâ, latâ à Cornelio Balbo, Tribuno plebis, ademptam fuisse Prætoribus potestatem mutandi, & corrigendi vetus edictum. Ex eo tempore fuisse semper unum, idemque edictum omnium Prætorum; & cum perpetuum esset, & immutabile, vim legis obtinuisse. Lata fuit hæc lex Acilio, & Pisone Coss. anno urbis 687. Sed falluntur meo judicio. Res autem ita se habet.

Improbi, atque ambitiosi Prætores vel ad cogendam pecuniam, vel ad captandam gratiam primum non omnia edicto complectebantur, ut possent pro arbitrio jus dicere, & novum edictum proponere. Præterea aliquando non observabant edictum propositum, & aliter, atque ut edixerant, decernebant. Hæc omnia reprehendit M. Tullius in Verr. lib. 1. in Verr. Appellat ¹⁹ heredem L. Annem, qui erat infimius secundum filiam, dicit, se posse ei condonare edicto hereditatem. Et rursus: Nam queso redite in memoriam, iudices, quæ libido istius in jure dicendo fuerit, quæ varietas decretorum, quæ nundinatio, quàm inanes do-

mons eorum omnium, qui de jure Civili consuli solent. Et iterum: *Tum vero in Magistratu contra illud edictum suum sine ulla religione decernebas.* Itaque L. Piso multos Codices implevit eorum rerum, in quibus ita intercessit: quod ipse aliter, atque ne ediceret, ¹⁰*decrevisset.* Nota hic alterum Praetorem intercedere potuisse, & occurrere iniquitati Praetoris Urbani. Aseon. in 3. Verrin. 101. *Nam ex ipso negotio videtur edixisse Verres, ut omnis libertus non Patrono tantum, sed Patroni filia sextam relinquat hereditatis.*

Hanc edictorum iniquitatem, & improbitatem Praetorum plebiscito Cornelius Balbus compressit, de quo Dio Cass. lib. 36. *Praetores quomodo jus dicituri essent, conscriptum in albo proponebant, sed neque omnia comprehendebant, quae ad contrahat pertinent; neque id semel faciebant; neque ea, quae scripta proposuerant, observabant; atque id plerumque, ut usu venire solet, in gratiam, vel edictum alienius faciebant. Igitur rogationem tulit, ut statim suscepto magistratu edicerent, quomodo jus dicituri essent, neque ab his, quae ²*edixissent, recederent.* Non prohibetur hac lege Praetor suum edictum proponere: sed cogitur proponere initio magistratus, & prohibetur ab edicto proposito recedere, ipsumque mutare. Aseon. Pedian. in argumento erat. pro Cornel. de Majest. Aliam deinde legem Cornelius, etsi nemo repugnare ausus est, multis tamen invitis, tulit, ut Praetores ex edictis suis perpetuis jus dicerent: quae res tum gratiam ambitiosis Praetoribus, qui varie jus dicere solebant, sustulit. Jus dicere coegit ex edictis suis, nempe ex edictis, quae ipsi initio Magistratus proposuissent: idque ad praeccludendam viam ambitiosis Praetoribus jus varie dicendi. Igitur haec lex sustulit eam variationem, ac nuudinationem decretorum, quam loco modo laudato M. Tullius acriter infestatur. Itaque idem Cicero, cum non multis post hanc legem latam annis in Cilicia Proconsul esset, de se ipso narrat Attico ep. 21. lib. 5. *Interim cum ego in edicto translatio centesimas me observaturum haberem, cum anatocismo anniversario, illi ex syngrapha postulabat quaternas,**

Quid ais, inquam, possumne contra meum edictum? & lib. 6. epist. 1. Metui, si impetrasset, ne tu ipse me amare desineres: nam ab edicto meo recessissem. Animadvertendum, quod semper suum edictum dicit: erat enim à se propositum, à quo tamen recedere non poterat. Etenim lex Cornelia non prohibebat proprium edictum proponere, & à vetere edicto recedere, sed recedere à proprio edicto.

Itaque Cicero in edicto hoc suo in quibusdam recesserat ab edicto Bibuli, multaque mutatus erat ab edicto Asiatico Q. Mutii Scaevola, ut ipse testatur eadem epistola prima lib. 6. Plin. epist. ult. lib. 5. refert, Nepotem edictum proposuisse, quo admovebat accusatores, admovebat reos, executurum se, quae Senatusconsulto continerentur, & edicto subjecisse Senatusconsultum hoc: *Omnes, quic-² quid negotii haberent, jurare prius, quam agerent, jubebantur, nihil se ob advocacionem cuiquam dedisse, promississe, cavisse.* Hoc Senatusconsultum in usu non erat, ut testatur idem Plinius in fine Epistola, Nepos tamen se ita jus dicturum edixit. Et cum à multis hoc edictum carperetur, nemo tamen objecit, eum non potuisse vetera edicta mutare, & novum edictum proponere. Id. Plin. *Interim tota civitate Nepotis edictum carpitur, laudatur. Multi: invenimus, qui curvae corrigeret. Quid? ante hunc Praetores non fuerunt? Quis autem hic est, qui emendet publicos mores? Alii contra: rectissime fecit; iniurus magistratum jura cognovit; Senatusconsultum legit; teprimit foedissimas passionem; rem pulcherrimam venire non patitur. Nemo objicit legem Corneliam. Nimirum contra ² legem Corneliam non erat. Edictum quoque, de quo in l. Si quis in gravi §. quod ad causam ff. de SC. Sillan. fuit propositum post legem Corneliam, cum fuerit posterius Senatusconsulto, quod Augusto imperante factum est an. 762. Nisi quis credat id à Salvio Juliano additum edicto perpetuo. Aliud occurrit in l. 1. §. ait Praetor. ff. de postul. Aliud edictum Provinciale in l. Divus Hadrianus 6. ff. de censod. & exhib. reor. Vide l. 1. §. Si cui tantum ff. de extr. cogn.*

Salvianum quoque interdictum probabile

est in edicto fuisse propositum à Salvio Juliano, cum Prætor fuit. Actio quoque furti manifesti in quadruplum fortasse fuit à Præ-
 24 tore introducta post legem Corneliam. Nam cum eo tempore necerentur etiam debitores, verosimile non est, Prætorum misertum fuisse furum manifestorum, eosque ab ea pena voluisse liberare, ut aliàs luculentè demonstrabimus. Sunt & aliæ actiones Prætorie, quæ post legem Corneliam videntur inventæ, ut Publiciana, & aliæ, quarum nulla unquam mentio ante illam legem; de quibus aliàs agemus singulatim. Nunc ad rem redeamus.

25 Animadvertendum est etiam, quòd multò ante legem Corneliam L. Amilio Paulo & C. Licinio Crasso Coss. anno urbis 586, idem cautum fuerat Senatusconsulto, quod refert Doduwellus ad Spartian. in *Hadrian. Hora octava Senatus coactus est in Hostilia. SC. factum, Prætores ut suis edictis perpetuis jus dicerent*. Et tamen Carbonianum edictum posterius est hoc Senatusconsulto. Nam C. Carbo Prætorius fuit occisus Carbone & Mario Coss. anno Urb. 672. teste Velleio Paterculo lib. 2. 16. & 27.

Imposuerunt plerique verba Alconii: *ex edictis suis perpetuis*. Sed non dixit Alconius, lege cautum fuisse, ut edicta essent perpetua; sed ut jus dicerent ex suis edictis perpetuis.

Alia enim edicta Prætorum erant perpetua: 26 alia temporaria. Edicta perpetua erant annua. Dicebantur perpetua, non quoad tempus, sed quoad officium: perpetuè enim durabant durante officio, ac magistratu. Dicebantur perpetua, quia referebantur ad alia temporaria, quæ, prout res inciderat, unius tantum negotii causâ proponebantur. Sic, cum olim, quoties crimen aliquod publica animadversione dignum fuisset perpetratum, crearetur à populo. Quæstor parricidii, qui de eo crimine cognosceret, quando horum delictorum cognitio cepit mandari Prætori,

27 quæstiones perpetuæ sunt constitutæ: licet Prætori non in perpetuum, sed in singulos annos mandaretur. Dicebatur autem perpetua quæstio constituta, quia Prætor, cui mandata erat ejusmodi cognitio, toto anno

de omnibus ejus generis delictis cognoscebat, cum olim pro singulis delictis singuli Quæstiores crearentur. Eodem modo edicta perpetua dicebantur, quæ toto anno obtinebant, totamque rationem juris dicundi complectebantur: cum alia essent edicta, in quibus aliquid è re natâ Prætores edicebant. Edicta distinguit in hæc duo genera Ulpian. in l. *Si quis id 7. ff. de jurisd. Si quis id, quod jurisdictionis perpetua causâ, non quod, prout res incidit, in albo propositum eris, corrupteris*.

Edictum perpetuum, seu perpetuæ jurisdictionis causâ propositum, erat id, quod Prætor initio magistratûs proponebat, in quo edicebat, quomodò jus diciturus esset eo anno. Idcirco lege Corneliâ ex eo jubebatur jus dicere, & ab eo recedere prohibebatur.

Edicta temporaria non ejusdem modi erant omnia. Erant edicta, quibus reus vocabatur, quæ nostri vulgo citationes appellant. l. *ad peremptorium cum quinque ll. seqq. ff. de judic*. Erant edicta monitoria, objuratoria, consolatoria, de quibus latè *Briffon. de formul. lib. 3. in princ.* Erant & quædam edicta, quibus Prætor impendens aliquod periculum amovebat, & ne aliquid fieret, prohibebat. Cic. lib. 2. in *Verr. Quod nisi Metellus hoc tam graviter egisset, atque illam rem imperio, edicto prohibuisset, vestigium statuarum istius in tota Sicilia nullum esset relictum*. Valerius Max. lib. 1. cap. 3. C. *Cornelius Hispallus, Prætor Peregrinus, M. Popillio Lenate, Cn. Calpurnio Coss. edicto Chaldaeos intra decimum diem abire ex urbe, atque ex Italia jussit*.

Constat igitur, edictum perpetuum non lege Corneliâ factum fuisse, sed Senatusconsulto, Imperatoris Hadriani tempore, qui in eo digerendo Salvii Juliani JC. operâ usus est. l. *dedit. §. si verò postea C. de veter. jur. 29. annul. l. penult. C. de Condit. indeb. Eutrop. lib. 9. l. 2. §. sed quia in fin. C. eod.*

An autem hoc edictum, à Salvio Juliano compositum, vim legis haberet, ita ut dici posset, Prætores legem condidisse per posterius, non sine causâ dubitari potest. Equidem, ut dicam, quod sentio, hic quoque

in nominis amphiboliam incidimus. Nam si legis nomen in genere accipimus, ut significet quodcumque jus, quaecumque constitutionem legitimè factam, jubentem aliquid, aut vetantem, *l. legis virtus ff. de legib. & l. 1. §. 2. ff. eod.* utique vim legis habebat. Erat enim olim Lex annua, ut ait Cicero: postquam factum fuit perpetuum, non amplius erat Lex annua, sed verè lex perpetua. Lex enim est, quæ scripto sancit, quod vult, aut jubendo, aut vetando, à delectu. *Cic. de legib. & Senec. lib. 4. de benef. Legem dicimus justì, injuste regulam esse.* hæc omnia conveniunt edicto perpetuo. Et in hac significatione legis nomen, etiam Senatusconsulta comprehendit, ut in *l. tutelæ 7. in princ. ff. de cap. min. l. aut privatum 10. in princ. ff. ad SC. Turpill. junctâ l. 2. §. 1. ff. de cust. & exhib. reor. & l. si res 49. ff. de minor. junctâ l. 1. ff. de reb. cor.* Simili autem oratione Adriani in Senatu fuit confirmatum Edictum perpetuum. *d. l. 1. dedit. §. si verò postea C. de veter. jur. enuel.*

Quod si legis nomen propriè accipiamus pro generali jussu populi, ut cam Capiro definiat, & Justin. in *§. Lex est Instit. tit. de jure natur.* quemadmodum nomen legis accipitur in *l. jus autem 7. ff. de justit. & jur. in l. juris gentium 7. ff. de legib. in l. 2. in fin. ff. ex quib. caus. maj. l. 2. §. deinde cum esset ff. de origin. jur. l. 1. ff. ne quid in loc. public. & possim; utique edictum Prætoris nec post confirmationem Adriani, nec post approbationem Justiniani lex est.*

Imò etsi legis nomen accipimus pro cæ sanctione, seu constitutione, quæ supremam habet potestatem vetandi, atque imperandi, quemadmodum ferè semper usurpatur in jure nostro, Edictum Prætoris lex non est, neque vim legis habet. Itaque in jure nostro semper edictum appellatur, non verò lex, nec legis nomine comprehenditur, nisi cum legem pro jure dicunt. Nam Adrianus quidem Edictum Prætoris de annuo perpetuum fecit, non tamen ejus naturam mutavit, aut vim auxit, aut quicquam roboris addidit.

Quamobrem Justinianus in hoc nostro *§. Prætorum Instit. tit. de jur. nat. gent. & civ.*

ait: Prætorum quoque edicta non modicam obtinent juris auctoritatem. Rectè: non enim edicta Prætorum obtinent supremam illam auctoritatem, quam leges, & constitutiones Principum, de quibus antea cægerat, sed multò minorem. Et hoc, etiam tempore ipsius Justiniani post Pandectarum compositionem. *Obtinent*, inquit: non agit de tempore veterum Prætorum; sed de suo. Quid ita? *Quia Magistratus huic juri auctoritatem dederunt*, ut ait paulò infrâ. Retinent igitur eandem auctoritatem, quam ipsis dederunt Magistratus, & idcò non modicam; non tamen summam, ac maximam.

Exemplis id clarius ostendam. Prætor non poterat hæredem facere: per legem cuim solum, vel similem juris constitutionem hæredes fiunt, *§. quos autem Instit. tit. de bonor. poss.* Sine supremâ legis auctoritate nobis hæreditas obvenire non potest, sive ab intestato, sive ex testamento. *l. verbis legis. l. lege obvenire ff. de V. S.* Itaque Prætor dabat bonorum possessionem iis, quos ad successionem vocabat. *d. §. quos autem.* An post Adrianum, vel post Justinianum ex edicto Prætorum deferri cepit hæreditas? Minimè verò. Etiam post Imperatores laudatos nihil aliud ex edicto deferretur, quàm bonorum possessio. Quid ita? Quia non mutarunt naturam edicti, nec majorem auctoritatem ipsi dederunt. Sustulit quidem Justinianus quasdam bonorum possessiones, tamquam inutiles, reliquas tamen, quam confirmavit, non mutavit in hæreditatem, sed & hodiè manent bonorum possessiones, ut constat ex toto *tit. Instit. de bonor. posses. & ex 100 lib. 37. & 38. Pandectarum, & ex lib. 6. Cod. à tit. 10. ad 20.*

Prætor obligationem jure civili rectè contractam, ipso jure tollere non poterat, ne contra leges faceret, sicut nec ullus alius magistratus: *l. formam. 2. C. de off. Præf. Prætor. Oriens.* & idcò dabat exceptionem ad elidendam actionem, si quando aliquam obligationem improbatam; & is, cui dabat exceptionem, ipso jure erat obligatus. *tot. tit. Instit. de exceptionem.* Atque id etiam hodiè obtinet: nam obligatio, à Prætoribus improbata, non est ipso jure nulla, sicut ipso jure nulla

est obligatio, quæ à legibus improbat, sicut pro infectis habentur ea omnia, quæ lege prohibente fiunt; *l. non dubium C. de legib.* sed hodiè etiam, quemadmodum olim, ad infringendam & enervandam obligationem opus est exceptione. *d. iis. Instit. de except. & tototis. ff. & C. de except.* Igitur nec hodiè edictum Prætoris habet eandem vim, quam lex. Imò nec prius pactum per pactum posterius eliditur ipso jure, sicut stipulatio per stipulationem: *l. si unus 27. §. pactus ff. de pact.* quia stipulatio legis autoritate nititur; pactum verd autoritate prætoriâ. *l. juris gentium 7. §. ait prætor. ff. de pact.* Vide text. in *l. in honorariis 35. in princ. ff. de oblig. & action.*

Non excuriam longius, nec singulas partes juris Prætorii percurram, quas si quis velit singulatim, & accuratè perpendere, intellet, eandem prorsus habere vim, quam Prætores ipsi tribuerunt. Et ratio est in promptu. Cùm enim Justinianus non novum jus condiderit, sed veterum Jurisconsultorum sententias, ac præcepta collegerit, & in Pandectis digesserit, eisque tribuerit legis autoritatem; veteres autem Jurisconsulti in edictis interpretandis tribuerint ipsis eam autoritatem, quam à Prætoribus acceperant; utique eandem quoque ipsis tribuit Justinianus, qui veterum Jurisconsultorum interpretationes confirmavit.

At enim Justinianus omnia, quæ in libros juris congeffit, sua esse voluit, quasi leges à se conditas, ac promulgatas. *l. 1. §. sed in hoc studium l. 2. §. ne autem in fin. C. de vet. jur. enucl.*

Respondetur, id esse verissimum, quoad vim derogandi omnibus aliis legibus. Has enim solas voluit observari Justinianus, & omnes pariter eodem modo, perindè ac si essent omnium postremæ constitutiones, & ab ipso conditæ omnes eodem tempore, videlicet tunc, cùm eas colligit. *d. l. 2. §. hæc autem omnia; & l. 3. §. tanta C. eod.* Non tamen id pertinet ad vim disponendi, & producendi effectus, quam non mutavit Imperator noster. Sua fecit omnia, sed tamen voluit singulas juris partes propriam habere na-

turam, quam initio habuerunt; & cùm nollet ex integro novum jus condere, ex veteri jure quædam sustulit, & abrogavit; quædam consummavit, & ipsis tribuit eam autoritatem, quam cujusque natura patiebatur.

CAPUT VII.

Ad §. Sunt autem Instit. tit. de bonor. possess. & ad l. ut liberis 17. C. de Collat.

SUMMARIUM.

- 1 Bonorum possessio contra tabulas est ex testamento. & 20.
- 2 Omnis successio, tum civilis, tum prætoris, aut ex testamento, aut ab intestato.
- 3 Tabula significant testamentum.
- 4 Bonorum possessio contra tabulas non rescindit testamentum.
- 5 Nec impedit, quominus hæres in testamento scriptus adeat hereditatem & 19.
- 6 Qui omisâ bonorum possessionis contra tabulas adit ab intestato, legata præstat, quemadmodum ille, qui adit omisâ causâ testamenti.
- 7 Hæc bonorum possessio non impedit quærelam inofficiiosæ.
- 8 Concurrit cum bonorum possessione secundum tabulas.
- 9 Non admittit simul ad successionem exheredatam.
- 10 Conservatur suffragio: & legata.
- 11 Testamentum est supremum judicium defuncti.
- 12 Excluso hærede scripto, & admisso alio non scripto, fit irritum testamentum.
- 13 Paria sunt non esse, & non esse legitimè.
- 14 Prætor remittit judicium defuncti, non testamentum. & ratio. n. 19.
- 15 Non potest contra legem facere, nec subvertere alium à jura comprobatum.
- 16 Exempla proponuntur: & n. 17. 18. 19. 20.
- 17 Exheredati ad hæc bonorum possessionem non admittuntur: & quare.
- 18 Explicatur *l. ut liberis C. de collat. & nu. seqq.*
- 19 Collatio locum habet, sive ab intestato succedatur, sive per hæc bon. pos.
- 20 In hæc bonorum possessio Prætor servat ordinem, & divisionem juris civilis.
- 21 Intestatus quoad tutelam dicitur etiam, quia iud fecit testamentum.
- 22 Minus propriè Prætor dicitur rescindere testamentum: & afferuntur varia exempla.
- 23 Nullum dicitur, quod est sine effectu, etiamsi ipso jure subsistat.
- 24 Bonorum possessio contra tabulas comparatur quærela inofficiiosæ solum quoad effectum collationis.

QUæ de bonorum possessione contra tabulas dicturi sumus, ea pertinent ad Prætoris auctoritatem, de qua differuimus. Bonorum possessio contra tabulas recensetur inter bonorum possessiones ex testamento. *in §. sunt autem Instit. tit. de bonor. possess. & in §. sed eas Instit. tit. eod.* Et merito: est enim bonorum possessio contra tabulas ex testamento, non ab intestato: & ideo semper in jure nostro separatur, ac distinguitur à successione ab intestato, ut in l. 1. §. *ira autem ff. unde liber. in l. 4. C. de collation.* Et cum omnis successio tum civilis, tum prætoriam, vel ex testamento, vel ab intestato, §. *ult. Instit. tit. per quas person. civiq. acquir. princ. tit. Instit. de bonor. possess.* si ab intestato non sit, sequitur ut sit ex testamento.

Verumtamen, quamvis hæc certa videantur, vix intelligi potest, qui fiat, ut ea bonorum possessio, quæ impugnat voluntatem, ac testamentum defuncti, nihilominus sit ex testamento. Videntur hæc inter se contraria esse: ex testamento, & contra testamentum. Est contra tabulas: ergo & contra testamentum: tabularum enim nomen testamentum significat. l. 1. §. *hoc interdictum ff. de tab. exhib. l. 1. §. 1. ff. quemadmodum testam. aper. l. 1. ff. de bonor. poss. sec. tab. Juven. Sat. 2.*

Notum est, cur solo tabulas impleverit Ister Liberto. — — —

Et Saur. 6.

— — — *Mox decolor hæres Implet tabulas, numquam tibi manè vid. Id. Saur. 14.*

Corripies nimirum, & castigabis acerbo

Clamore: & post hæc tabulas mutare parabis.

Si est contra testamentum, ergo non ex testamento.

Impugnat quidem bonorum possessio contra tabulas testamentum, & voluntatem defuncti, & est contra testamentum, non tamen ipsum testamentum rescindit, nec defunctum facit intestatum: unde ab intestato succedi non potest, & subsistente testamento, non potest succedi nisi ex testamento. Rescinditur quidem iudicium testantis, l. 1. §. *de legat. præstand.* non tamen rescinditur

ipsum testamentum, quia Prætor non querit de jure testamenti, an valeat, vel non valeat, sed de jure ejus, qui petit bonorum possessionem; l. *filio 16. in fin. ff. de inoff. testam.* & dat quidem bonorum possessionem contra voluntatem defuncti, à qua recedit. l. *sed cum patrono 6. §. 1. ff. de bon. poss.* testamentum autem intactum, intactumque relinquit, nec impedit, quo minus in eo testamento scriptus hæres adeat hæreditatem. l. *is qui in potestate §. sed si scriptis ff. de legat. præst.*

Hinc autem multi oriuntur effectus. Primus est, quod, sicut ille, qui omiſſa causâ testamenti, ab intestato adit hæreditatem, cogitur legata præstare, perinde ac si hæres esset ex testamento, l. 1. §. *si quis omiſſ. caus. testam.* ita &, qui omiſſa bonorum possessione contra tabulas ab intestato possidet hæreditatem, legata præstat, quæ præstaret acceptâ hæc bonorum possessione. l. *quis autem 6. §. hoc edictum ff. eod.*

Alter, quod, si pater defuncti acceperit bonorum possessionem contra tabulas, filia à defuncto exheredata potest agere querelâ inofficiosi testamenti: l. *filio 16. §. 1. ff. de inoff. test.* quâ agere non posset, si per bonorum possessionem rescissum fuisset testamentum: tum quia filia succederet ab intestato, & ideo ei non competere querela; §. *tam autem Instit. tit. de inoff. testam.* tum quia querela testamentum rescindit, atque subvertit. l. *Papinianus §. si ex causa l. in repudiatis ff. de inoff. testam.* non posset autem rescindi testamentum, si jam fuisset rescissum per bonorum possessionem. l. *nam etsi §. vers. puto igitur ff. de inoff. testam.*

Tertius, quod bonorum possessio contra tabulas potest concurrere cum bonorum possessione secundum tabulas. l. *sed cum patrono 6. ff. de bonor. poss.* utraque enim est ex testamento.

Quartus secundo similis est: si alter ex filiis sit præteritus, alter exheredatus, & præteritus accipiat bonorum possessionem contra tabulas, nihilominus non admittitur ad successionem exheredatus. l. *si post mortem 10. §. exheredatus ff. de bonor. poss. contr. tab.*

atqui admitteretur, si per bonorum possessionem contra tabulas everteretur testamentum, & defunctus fieret intestatus. *l. filium 20. in princ. ff. eod.*

Quintus, quod, licet Prætor recedat à voluntate testatoris quoad institutionem, tamen & exceptis personis legata conservat; *l.*

10 *1. & toto tit. ff. de legat. præs.* & sustinetur substitutio pupillaris, & omnia legata à substituto data: *l. ex duobus 34. §. ult. ff. de vulg.* quæ in irritum omnia reciderent, si testamentum everteretur. *l. 2. vers. nam si principale ff. de vulg. l. si patroni 55. §. qui fideicommissum ff. ad SC. Trebell. §. 1. Inst. de hered. qua ab intest.*

Sed hic in scopulum impingimus, quem interpretes nostri declinantes prætervehunt. Si Prætor defuncti judicium rescindit, *l. 1. ff. de leg. præs.* rescindit etiam testamentum. Quid enim est testamentum, nisi vo-

11 lunatis nostræ iusta sententia? *l. 2. ff. qui testam. fac. poss.* Quid, nisi supremum defuncti judicium? *l. vel negare ff. testam. quemadm. aper. l. nec si mora 5. C. de quaest. l. nec fideicommissa 36. ff. de legat. 3. l. 1. ff. de bonor. poss. ex testam. milit. l. 1. C. de collation. l. ex testamento 5. C. de testam. milit. l. non oportet 5. C. de his quib. ut indig. l. hi quibus 7. C. de fideicom. libers.*

Præterea, si à Prætoris hæres scriptus excluditur, & admittitur hæres non scriptus, fit irritum testamentum, & defunctus intestatus decedit. *l. 1. in princ. ff. de suis, & legat. heredib. princ. tit. Inst. de heredit. qua ab intest. defer.* Paria enim sunt aliquid non esse, & non esse legitimè. *l. quoties 6. ff. qui satisd. cog. l. 1. ff. si quis in juri voc. non ier. l. 1. §. quod si nemo in fin. ff. quod cuiusq. univers.*

Respond. quod quoties à jure civili rescinditur judicium testatoris, rescinditur etiam, atque evertitur testamentum: item, cum jure civili fit irritum testamentum hærede non adunte, decedit intestatus, qui ejusmodi condidit testamentum. At verò,

14 cum Prætoris autoritate judicium testantis rescinditur, non evertitur testamentum: potius enim Prætor à voluntate testatoris rece-

dit, quàm testamentum subvertat, de cujus jure non quærit. *l. filio 16. in fin. ff. de inoff. testam.* Quamobrem, etsi hæredibus non adeuntibus corrumpat exhereditatio, & exhereditatus admittatur ab intestato; tamen filio petente bonorum possessionem contra tabulas, alter filius exhereditatus non admittitur ab intestato, quia non infirmatur testamentum, & ideo sustinetur exhereditatio. *l. filio 20. in princ. ff. de bonor. poss. contra tab.* Itaque Justinianus in *l. ult. §. sancimus C. de liber. præter.* rectè ait: *ut & ipsa, si fuerit præterita, adinstar filii emancipati, vel sui, vel testamentum ipso jure evereat, vel per contra tabulas bonorum possessionem stare hoc non patiantur.* Suus, qui juris civilis præsidio munitus est, evertit ipso jure testamentum: emancipatus, qui solum ope Prætoris succedit, non evertit ipso jure testamentum, sed ipsum stare non patitur, hoc est, non patitur admitti hæredem scriptum in testamento, & locum habere voluntatem testatoris. Item in *l. si duo 16. ff. de legat. præs.* filius in potestate existens præteritus, licet accipiat bonorum possessionem contra tabulas, tamen, quia etiam jure civili munitus est, ab intestato rem habere videtur, & legata non præstat. Contrà frater ejus emancipatus, licet & ipsi communicetur bonorum possessionis auxilium, tamen legata præstat, quia ex testamento rem habere videtur, in quo fuerat institutus.

Ratio autem, cur Prætor non rescindit testamentum, ea est, quia nec potest rescindere, nec potest facere intestatum eum, qui rectè & secundum præcepta legum testatus est. Testamenta enim à lege XII. tabul. sunt confirmata, *l. verbis legis, & l. lege obvenire ff. de V. S.* Prætor autem contra leges facere non potest. *l. 1. §. 1. ff. de fer. l. cum sponsus §. si res ff. de Public. in rem alt.* Itaque, quod legis autoritate munitus est, à Prætoris subverti non potest; neque enim eam habet auctoritatem, ut vim legis possit infringere, sicut non potest legem condere. Queniammodum igitur non potest hæredem facere, quia sola lex hanc potestatem habet, §. quos autem *Inst. tit. de bonor. poss. ff.* ita non potest impe-

dire, quominus sit hæres ille, qui jure civili hæres existit. *l. cum quasi 30. §. sed etsi sui ff. de fideic. libert. l. & sine §. sed quæd Papinianus ff. de minor. §. restituta Instit. de fideicommiss. heredit.* Quapropter, cum dat bonorum possessionem contra tabulas præterito, non excludit hæredem institutum, qui rectè adire potest hæreditatem. *l. is qui in potestate §. sed si scriptus ff. de legat. præst.* licet sine effectu sit aditio; Prætor enim potest indirectè effectum impedire, non potest directè impugnare, ac subvertere actum jure civili comprobatum.

Sed hoc accuratius explicare operæ premium est. Non potest Prætor directè legem impugnare, & abrogare, aut subvertere id, quod à lege fuit constitutum. Potest tamen indirectè effectum à legis sanctione prodeuntem impedire. Exemplis id planius exponam. Non potest Prætor obligationem jure civili comprobata tollere, nec impedire quominus contractus jure civili comprobatus civilem pariat obligationem: idcirco, cum æquitate suadente improbat aliquem contractum, non ipsum subvertit, non tollit ejus obligationem, sed effectum impedit dando exceptionem. Valet contractus: ex contractu nascitur civilis obligatio: parit actionem: sed vis actionis infringitur exceptione. *princ. tit. Inst. de except. & §. 1. & 2. & tot. tit.*

Prætor potest dare bonorum possessionem illis, qui à jure civili non vocantur ad hæreditatem: §. *emancipati Instit. tit. de hered. quæ ab int.* non potest tamen dare bonorum possessionem illis, qui à lege prohibentur capere hæreditatem. *l. non est ambigendum §. 1. ff. de bonor. poss.* Ita dat Prætor actionem Publicianam ad persequendam rem non usucaptam, perindè ac si usucapta esset, ad quam actio civilis non competit: §. *namque si cui tit. de actiõ. l. 1. ff. Publician.* non tamen eam dat, si res à jure prohibeatur alienari. *l. cum sponsus §. si res ff. de Public. in rem act.*

Prætor excludit eos, qui à jure civili vocantur ad hæreditatem, non tamen directè, declarando eos incapaces successionis, sed indirectè aliquem ipsis præferendo. Jus civi-

le vocat agnatos ad hæreditatem post suos hæredes. *Ulpian. Instit. cap. 16. l. 1. post suos & §. seq. & l. 2. ff. de suis, & legis. hered.* Prætor non excludit à successione agnatos, neque enim id efficere poterat; sed prætulit ipsis emancipatos. §. *emancipati Instit. tit. de hered. quæ ab intest.* Itaque, si moriatur paterfamilias sine suis hæredibus relicto emancipato, jure civili succederent agnati. Non tollit Prætor hoc jus succedendi, quod habent à lege, sed ipsis præfert emancipatum, cui dat bonorum possessionem, perindè ac si esset in potestate: d. §. *emancipati*, quam ipsi non daret, si nominatim à lege fuisset exclusus. *l. non est ambigendum §. ult. ff. de bonor. poss.*

Eodem modo se res habet in successione testamentaria, de quâ agimus. Testator ritè condidit testamentum. Prætor non rescindit testamentum, quod legis autoritate nititur; *l. verbis legis ff. de V. S.* non impedit, ne scriptus hæres adeat hæreditatem; d. *l. is qui in potestate §. sed si scriptus ff. de legat. præst.* sed hæredi scripto præfert præteritum, dando ipsi bonorum possessionem. Et quia hæc bonorum possessio repugnat scripturæ testamenti, dicitur *contra tabulas*: est tamen ex testamento, quia non evertitur testamentum; licet non sit secundum testamentum. Atque ita directè non facit contra legem, comprobantem testamentum.

Imò nec directè Prætor impugnat, ac subvertit voluntatem testatoris, nam & ipsa legis autoritate vallatur. Nam, si testator nominatim filium ab hæreditate exclusiverit, eum exheredando, Prætor eum non admittit ad bonorum possessionem: *l. non putavit 8. in princ. ff. de bonor. poss. contr. tab.* ubi notandum est illud verbum, *remotos*. Exheredati non admittuntur, quia ab hæreditate remoti sunt à testatore, nec possunt admitti, nisi directè impugnetur, & subvertatur testatoris voluntas. Et idè nec commissio per alios edicto admittuntur. *l. si post mortem 10. §. exheredatus ff. cod.* Cum verò admittit præteritum, non impugnat directè voluntatem, licet eo admissio excludatur institutus, quia hoc fit in consequentiam. Quemadmodum

non

non facit contra legem Prætor, cum agnatis præfert emancipatos, licet hinc consequatur, ut excludatur agnati, qui à lege vocabantur.

His explanatis viam stravimus ad intelligendam Leonis constitutionem in *l. ut liberis* 17. C. de collat. quæ aded contraria est huic sententiæ, ut nihil suprâ. *Ut liberis tam masculini, quam feminis sexus quocunque jure intestatæ successionis, id est, aut testamento penitus non condito, aut, si factum fuerit, contra tabulas bonorum possessione petita, vel inofficiosi querelâ motâ rescisso.* Tria sunt in his verbis observanda. Primum, quod, qui accipit bonorum possessionem contra tabulas, obtinet hæreditatem jure intestatæ successionis. Præterea, quod petita bonorum possessione contra tabulas rescinditur testamentum. Denique, quod hæc in re bonorum possessio comparatur querelæ, quæ vetè testamentum rescinditur, *l. testamentum* 24. C. de inoffic. testam. *l. filii* 16. C. fam. ercisc. *l. qui repudiantis* ff. de inoffic. testam. & sit defunctus intestatus, *l. posthumus* 6. §. si quis ex his personis ff. eod.

Respondetur, quod quotiescunque filii non succedunt ex voluntate testatoris, qui potest partes inæquales facere, locum habet collatio, ut omnes consequantur pares portiones ex bonis paternis. Itaque sicut collatio locum habet, cum succeditur ab intestato, ita locum habet, cum succeditur per bonorum possessionem contra tabulas, *l. filia* 4. C. de collat. Imò collatio præcipuè inducta est propter bonorum possessionem contra tabulas. *l. 1. in princ. ff. de collat.* Nam, qui accipit bonorum possessionem contra tabulas, non succedit secundum voluntatem defuncti, sed ex voluntate Prætoris, & ideo non debet plus obtinere ex bonis paternis, quam alii, qui vel à testatore, vel à jure civili vocantur ad hæreditatem. Quamobrem Prætor liberos ad hanc bonorum possessionem vocat, eo jure, eoque ordine, quo vocarentur ad successionem jure civili, & distribuit ipsis eas portiones, quas habituri essent ab intestato: *l. 1. §. vocantur autem* *l. non putavit* 8. in fin. versc. Prætori *l. si in ademptionem* 11. §. t. ff. de bonor. poss. contr. tab.

l. ult. in princ. ff. de legat. prest. ad servandam autem hanc æqualitatem inter liberos hanc collationem introduxit. Igitur, cum agitur de collatione, (ut in *d. l. ut liberis*) omnis successio dicitur intestata, etiam quæ obtinetur per bonorum possessionem contra tabulas: non, quia verè sit ab intestato; ab eâ enim distinguitur; sed quia idem jus est, idem effectus. *l. filia* 4. C. de collation. Sic etiam, quoad tutelam dicitur intestatus etiam ille, qui verè intestatus non decessit. *l. intestato* 6. ff. de legit. tutor. §. quod autem Inst. tit. de legis. agn. int. Et Imperatorem Leonem in *d. l. ut liberis*, voluisse comprehendere omnes successiones, in quibus obtinet collatio, sive propriè, sive impropriè essent intestatæ, constat ex illis verbis generalibus: *quocunque jure intestata successionis.*

Verbum autem, *rescisso*, propriè refertur ad querelam inofficiosi, cui subjectum est: minus propriè ad bonorum possessionem contra tabulas. Est enim illud usitatum, ut, quando verbum plura debet comprehendere, & ad plura referri, sufficiat unum ex illis propriè comprehendere, etiam si alia contineat minus propriè. Rescissum autem dicitur testamentum, quia Prætor ipsum stare non patitur, *l. ult. §. sancimus. C. de liber. prater.* hoc est, non patitur observari quoad hæredis institutionem, cui præfert præteritum, quasi hic, non ille, fuisset institutus. Ita rescindere dicitur emancipationem Prætor, cum emancipatum admittit ad bonorum possessionem undè liberi, cumque præfert agnatis. *l. sed cum patrono* 6. §. 1. ff. de bonor. poss. Non potest Prætor rescindere emancipationem, quæ à lege XII. tabul. fuit inducta, ejusque autoritate sustinetur: sed tamen dicitur rescindere spectato effectu: quia emancipatum admittit, perinde ac si non esset emancipatus. Sic rescindere usucapionem dicitur Prætor, cum dat actionem ad rem persequendam, perinde ac si non fuisset usucaputa. *l. in honorariis* 35. in princ. ff. de oblig. & act. §. rursus Inst. tit. de action. Sic rescindit testamentum dicitur, cum hæres transgreditur voluntatem testatoris. *l. in tabulis* 36. ff. de statu lib.

Nimirum si verba referamus ad jus, non est rescissio: si ad effectum, rescissio est: quia idem consequitur effectus, qui per rescissionem consequeretur. Sic nulla dicitur obligatio in *l. si dare 25. ff. de V. O.* quæ tamen dicitur jure subsistere, & efficax esse in *1. 1. Instit. tit. de except.* hic enim ad jus; illic ad effectum verba referuntur. Ad effectum quoque refertur verbum illud, *rescisso*, in nostra *l. ut liberis*, quia quoad inducendam collationem perinde est, ac si rescissum esset.

18 Et quoad eundem effectum comparatur ibi querela inofficiosi testamenti cum bonorum possessione contra tabulas, quia per utramque ita succeditur, ut sit necessaria collatio.

18 *Emancipatus sine hæc bonorum possessione non potest per querelam vindicare hereditatem, in qua nullum jus habet.*

Quoniam de bonorum possessionibus sermo est institutus, de bonorum possessione litis ordinandæ gratiâ pauca subjiciamus, de quâ in *l. Papinianus d. in princ. ff. de inoff. testam.*

Præter illas bonorum possessiones cum re, quæ nobis jus tribuunt, & dominium omnium rerum hæreditariarum, *l. 1. 2. & 3. ff. de bon. poss.* sunt quædam bonorum possessiones sine re, de quibus Ulpian. *in frag. & Imperatores in l. filiis matrem C. de inoff. testam.*

Inter has bonorum possessiones sine re, quæ jus non tribuunt, est illa, quæ datur æturi querelâ inofficiosi testamenti: *l. quemvis 2. C. cod. de inoff.* quæ dicitur bonorum possessio litis ordinandæ gratiâ in *l. Papinianus 8. 1. ff. de inoff. testam.* Est autem sine re, quia querela inofficiosi non datur, nisi hære institutus adiverit hereditatem. *d. l. Papinianus 9. si conditioni vers. quoniam ff. cod.* Iaque, donec testamentum per querelam rescindatur, hereditatem obtinet institutus, non, qui agit querelâ, aut ordinat litem inofficiosi testamenti, ut avocet hereditatem ab instituto. *d. l. 1. de inoff. testam.*

Hæc bonorum possessio liberis in potestate existentibus necessaria non est. *l. quemadmodum 7. ff. de inoff. testam.* Hinc à contrario argui posse videtur, eam bonorum possessionem liberis emancipatis esse necessariam. Quorsum deitur hæc bonorum possessio, & quâ de causâ necessaria sit emancipatis, non suis hæredibus, est inter doctissimos homines magna dissensio. Rem obscurissimam, quantum potero, dilucidè explicabo. Omittam autem, quæ hæc in re fingit Accursius atque ejus asseclæ, Græcorum fabulis similima.

Suis hæredibus non est necessaria bonorum possessio hæc, quia, cum ipsi succedant ab intestato, per solam querelam inofficiosi, utrumque consequuntur, & ut rescindatur testamentum patris, & ut avocent hereditatem à scriptis hæredibus. Nam querela inof-

CAPUT VIII.

Ad l. Papinianus 8. in princ. ff. de inoff. testam.

SUMMARIUM.

- 1 Bonorum possessiones alia sunt cum re, alia sine re.
- 2 Bonorum possessio litis ordinanda gratiâ est sine re.
- 3 Querela inofficiosa, nisi cum hære institutus adiverit hereditatem.
- 4 Bonorum possessio litis ordinanda gratiâ non est necessaria liberis in potestate existentibus, sed emancipatis.
- 5 Per querelam inofficiosi testamenti suus hæres simul rescindit testamentum, & hereditatem acquirit.
- 6 Quâ de causâ suis hæredibus non sit necessaria bonorum possessio litis ordinanda gratiâ.
- 7 Filius agendo querelâ immiscet si hereditati, nec potest postea abstinere.
- 8 Agnoscens bonorum possessionem, & agens querelâ inofficiosa pro hærede gerit.
- 9 Implentur conditiones non alii, & quare?
- 10 Emancipati post rescissum querelâ testamentum possint repudiare hereditatem juxta quorundam sententiam.
- 11 Testamentum patris querelâ rescinditur, quasi pater non sana mentis fuerit, cum testatus est.
- 12 Non debet esse in arbitrio cujusquam, ad quem velit deferri hereditatem, sed contra, n. 13.
- 13 Emancipatus agendo querelâ agnoscit successionem.
- 14 Hæc bonorum possessio inventa est in commodum emancipatorum, ut querelâ agere possint.
- 15 Emancipatus jure civili nihil juris habet in bonis paternis.
- 16 Pater filium emancipatum exheredando non facit ei injuriam secundum jus civile.
- 17 Bonorum possessio litis ordinanda gratiâ reddit emancipatum capax successionis, & querela inofficiosa.

5 inficioli testamenti est actio, quâ simul rescinditur testamentum, & petitur, ac vindicatur hæreditas; *l. Papinianus §. quoniam. l. cum qui §. ult. l. si instituta §. de inofficio ff. de inofficio testam. l. 3. C. de petit. hered.* vel quâ rescisso testamento sit hæres ipso jure, *l. in suis 14. ff. de suis & legis. hered.* 6 verbo: eâdem de causâ, quâ ipsis necessaria non est aditio, *l. quemadmodum ff. de inoff. testam.* necessaria quoque non est hæc bonorum possessio.

Non potest admitti communis sententia, quâ statuitur, filium exhæredatum etiam post rescissum testamentum posse abstinere, nec 7 agendo querelâ se immiscere hæreditati, *arguendo: text. in l. Anistius 62. ff. de acq. hæredit.*

Etenim, qui testamentum accusat, hoc ipso videtur agnovisse successionem: *l. cum quidam ff. de bonor. poss.* quia idem accusat, ut jus suum sibi servet; *d. l. cum quidam.* & idem semper accusat, tamquam hæres: quomobrem agnoscit successionem. *d. l. Anistius.* Nam, qui implet conditionem, potest eam implere etiam aliâ de causâ, vel fato: *l. 2. ff. de condit. & demonstr.* & idem, ut ex conditioni: implemento arguatur animus acquirendæ hæreditatis, qui omnino requiritur in adeundâ hæreditate, *l. si avia 6. C. de jur. delib. §. ult. Inst. de hered. qual. & differ.* necesse est, ut impleat, tamquam hæres. *d. l. Anistius.* At accusatio testamenti vel falsi, vel inofficiosi naturâ suâ includit animum acquirendi hæreditatem, non minus, quam pro hærede gestio. Et sicut pro hærede gerit, qui agnoscit, ac petit bonorum possessionem, *l. paberem 12. C. de jur. delib.* ita, qui accusat testamentum inofficiosum: cum accusando petat, ac vindicet hæreditatem.

9 Emancipatis autem quidam putant necessariam esse hanc bonorum possessionem, ne post expugnatum patris testamentum repudiari hæreditatem. Acceptâ hæc bonorum possessione, simul ac rescissum fuerit testamentum, obtinent hæreditatem: quia bonorum possessio, quæ pendente judicio erat sine te, finito judicio statim incipit esse cum re. At si eam non acceperint, erit in eorum

arbitrio repudiare hæreditatem. At hoc ipsis non est permittendum.

Primum, quia testamentum rescinditur 10 hoc colore, quasi non sanæ mentis fuerit, quia contra officium pietatis testatus est: *l. 2. l. nam & his 3. in fin. l. Titia ff. de inoff. testam. l. patronus §. ult. ff. de legat. 2.* & idem non est permittendum filio notam hanc patri inurere sine causâ, si nolit hæreditatem adire.

Præterea, quia esset in potestate filii hæreditatem deferre hæredibus ab intestato, & adimere institutis: rescindendo enim testamentum excluderet institutos: & postea repudiando admitteret hæres ab intestato. Hoc autem non debet esse in cujusquam arbitrio. *§. at hi, versic. quod idem Inst. tit. de hered. qual. & differ.*

Negari non potest, dici hæc admodum probabiliter. Verumtamen, si nihil aliud obliteret, non intelligo, cur emancipatus agendo querelâ, non agnoscat successionem, ita ut amplius repudiare non possit, *d. l. cum quidam*, ut modò dicebamus.

Præterea non est novum, ut querela inofficiosi non prosit ei, qui egit, sed hæredibus ab intestato, qui admittantur exclusi institutis propter testamentum querelâ rescissum. *l. posthumus. §. si quis ex his personis ff. de inoff. testam.* Quod & in scriptis hæredibus aliquandò evenit, ut sit venale eorum beneficium, & sit in eorum arbitrio aliquem vel excludere, vel admittere ad hæreditatem *l. filio, quem 20. in princ. ff. de bonor. poss. contr. tab.*

Nec illud est omitrendum, quod Paulus in *l. quemadmodum 7. ff. de inoff.* videtur innuere, hanc bonorum possessionem esse necessariam emancipatis, ut possint agere querelâ: adeoque ad eorum commodum videtur inducta. Arqui esset ipsis incommoda, si tolleretur ipsis ejusmodi facultatem repudiandi post rescissum testamentum.

Existimo igitur, hanc bonorum possessionem necessariam esse emancipatis, quia sine eâ non possent admitti ad agendum querelâ inofficiosi. Primum enim querela inofficiosa est remedium civile, non prætorium, ad

- quod admitti non possent emancipari, qui jure civili nihil juris habent in bonis paternis. §. *emancipari Instis. tit. de hered. qua ab intest.* Quorsum enim tentent rescindere patris testamentum, si ei non possunt succedere? d. §. *emancipari*. Cùm jure civili sint incogniti, non debent ab eo admitti ad rescindendum testamentum: nam, etsi factum non fuisset testamentum, numquàm successuri fuissent. Considerato jure civili nullam injuriam fecit filio emancipato patens, qui eum exheredavit: & ideo nulla causa est, cur non debeamus ei consentire. l. *non est* 4. ff. *de inoff. testam.* Nec quicquam potest allegare emancipatus, cur exheredari non debuerit, cùm nihil juris habeat. l. 3. ff. *ead.* junctâ l. 4. §. *si emancipatus vers. cum possit ff. de bon. poss. contr. tab.*

- Pater igitur, ut ipsum reddat successio- nis capacem, ac eum præparet ad agendum, & ut possit allegare, cur non debuerit exheredari, & se injuriâ affectum ostendere, dat ei hanc bonorum possessionem, quâ & jus succedendi consequitur, & rescinditur emancipatio, & perinde habetur, ac si esset in potestate. l. *sed cùm patrenus* 6. §. v. ff. *de bon. poss. d. §. emancipari Instis. tit. de hered. qua ab int. vers. perinde.* Est enim hæc bonorum possessio litis ordinandæ gratiâ. eadem, ac bonorum possessio undè liberi: sed pendente judicio est sine re; quemadmodùm ea, quæ datur instituto sub conditione, quæ pendente conditione sine re est; existente conditione incipit esse cum re. l. 2. §. 1. l. *sub conditione* §. ff. *de bonor. poss. sec. tab.* l. 3. §. *si sub eâ conditione* ff. *de bonor. poss. contr. tab.* Etenim hæc quoque bonorum possessio pender à conditione rescissionis testamenti.

- Præterea, cùm per querelam inofficiosi testamenti petatur, ac vindicetur, & evincatur hæreditas, ut suprà probavimus; quo jure emancipatus petat, ac vindicet hæreditatem, in quâ nihil juris habet? Quo jure judex excludet institutum, eumque condemnabit ad restituendam hæreditatem ei, qui in eâ nihil juris habet: Querela inofficiosi testamenti est actio contra jus civile, quod testamentum confirmavit, l. *verbis legis* ff. *de V. S.* Est autem

moribus introducta, & paulatim cœpit admitti. Valer. Maximam. lib. 7. cap. 7. Hæc autem actio dari non poterat emancipatis, qui nihil juris habebant in hæreditate patris, & ideo nullo colore poterant rescindere ejus testamentum. Prætor igitur, ut ipsi quoque admitterentur, & considerarentur tamquam sui hæredes, cœpit dare ipsis hanc bonorum possessionem, quâ suis hæredibus pares efficiebat: d. §. *emancipari*: atque ita ipsis quoque cœpit hæc actio communicari. Cùm igitur consuetudo admiserit emancipatos solum post acceptam hanc bonorum possessionem, necessaria erat emancipatis, qui non ipso jure sunt hæredes, ut sui, sed per bonorum possessionem.

CAPUT IX.

Ad l. ei qui se 12. ff. de acquir. vel om. hered.

SUMMARIUM.

- 1 Sui hæredes sine ullo facto proprio, etiam ignorantibus & invito acquirunt hæreditatem ministris legiti. & §. 8.
- 2 Prætor volentibus solum indulget beneficium abstinendi. & 36. & seqq.
- 3 Pro hæredibus habentur, quoad commoda, non quoad incommoda. Sed contrâ d. n. §. 5. ad 59.
- 4 Facta non finguntur, nec presumuntur.
- 5 Filius ergo hæres.
- 6 Qui dixit se hæredem, pro hærede gerit.
- 7 Sui, qui dixit se hæredem non esse, probare debet se abstinuisse. & 41.
- 8 Filius si hæres eo ipso momento, quo pater moritur: & qua sua esset.
- 9 Retinet potius hæreditatem, quam acquirit.
- 11 Fit hoc vi patriæ potestatis.
- 12 Fit hæres etiam ignorans: explicatur multis exemplis.
- 13 Fit hæres etiam invitus, & hæreditati obligatur, & patrem obligat.
- 14 Fit hæres etiam sine aditione vel immixtione. & 15. 16. 17.
- 18 Creditores, qui conveniunt filium, probare tantummodo tenentur eum tempore mortis fuisse in potestate, & primum locum obtinuisse.
- 19 Hæres statim succedit in omne jus defuncti, & obligatur creditoribus hæreditariis.
- 20 Sui hæres illi obligatur etiam sine tutoris & curatoris auctoritate. & 57.
- 21 Immixtio in suo item est, ac aditio in extraneo.
- 22 Hæreditas est successio in universam juri tam quoad commoda, quam quoad incommoda.

- 23 *Serui acquirunt domino ignorantibus, & invito, excepta hereditate: & quare?* & 1. 57.
- 24 *Creditorum hereditarii non tenentur probare immixtionem.* & 2. 5. & seqq. *Patri filium supervivisse praesumitur.*
- 27 *Resoluitur sententia existimantium beneficium abstinendi filium suum sine ulla ejus fide.* & n. seqq.
- 28 *Non potest Prator effugere, ut non sit heres ille, quum lex hereditatem facit.* & 33.
- 29 *Filius est heres antequam abstinere, & etiam postea.* & 38.
- 30 *Lex non aufert juri hereditatis, qui semel heres fuit: declaratur exemplo.*
- 31 *Filius manet heres etiam postquam abstinuit: effectus hujus rei.*
- 32 *Sui heres, etiam postquam abstinuit, potest se immiscere.*
- 33 *Nec potuit, nec voluit Prator per beneficium abstinendi tollere juri sui hereditatis: sed scilicet omni non habere loco hereditatis, & quidem non in omnibus.* & 34.
- 35 *Beneficium abstinendi non obstat liberationibus, substituto pupillari, & transmissi hereditatis.* & 52.
- 36 *Extraneus non acquirit hereditatem nisi facto proprio.*
- 37 *Sui non gaudet beneficio, nisi de facto abstinuerit.*
- 38 *Abstinere, & repudiare quomodo differant.*
- 40 *Sui heres, antequam derelinqueret hereditatem, effugatur conventus.* & 58 59.
- 42 *Probenio voluntatis exigitur ab eo, qui dicit se voluisse.*
- 43 *Sui, qui dicit se nolle retinere hereditatem, non tamen abstinere.*
- 44 *Non amittit dominium bonorum paternorum, nisi facto aliquo ab eo avellatur.*
- 45 *Cur pater sui heredes praterito non possit?*
- 46 *Tam immixtio, quam abstinentia fit voluntate sui heredis.*
- 47 *Proponitur communis sententia, & explicatur.*
- 48 *Existentia sui heredis prodest tertio.* & 49. & 50. 51. & 52.
- 49 50. *Exempla, quibus heres non cogitur suscipere partem vacantem.*
- 52 *Hereditas à suo herede mortuo ante immixtionem iramissit.*
- 53 *Transmissio damnosa hereditatis est incommoda.*
- 54 *Prator impedit plerisque hereditas suavitatis in abstinentia.*
- 55 *Sinit aliquando necesse suo heredi.* & 56. 57. & seqq.
- 57 *Per hereditatem non fit melior conditio nostra.*
- 58 *Pupillus etiam post immixtionem habet beneficium abstinendi.*
- 61 *Sui abstinuit, potest intra certum tempus repetere hereditatem.*
- 62 *Quod admittitur sub conditione, sub contraria dari videtur.*
- 64 *Conditio in contradiis, non in legatis, retrahitur.*
- 65 *Revocata sub conditione obligatio pura, prior manet obligatus sub contraria conditione.*
- 66 *Beneficium abstinendi non efficit, ut sui sit heres sub conditione.*

- 66 *Acquisitio hereditatis non recipit conditionem.*
- 67 *Spei non liberat debitorem.*
- 68 *Stipulatio viros capit ab initio.*
- 69 *Non potest iudex supplere abstinentiam.*
- 70 *Beneficium abstinendi non parit exceptionem, sed à Pratore denegatur actio.*
- 71 *Beneficium abstinendi non operatur ipso jure, ut communiter creditur.*
- 72 *Prator non operatur ipso jure, maxime cum legem impugnat.*
- 73 *Stipulatio contraria stipulationi tollitur ipso jure: sed si isti in pactis: & quare?*
- 74 *Sui, qui vult abstinere, potest id facere solà voluntate, nec tenetur Pratorum adire.*
- 75 *Si suus amovet aliquid ab hereditate, vel pro herede gessit, amittit beneficium abstinendi.*
- 76 *Restitutio non datur illi, qui ipso jure manet sui.*
- 77 *Qui se non immiscuit hereditati, non indiget restitutione.*
- 78 *Novus interpretatio l. ei qui se bonis ff. de acquir. vel omittit hered.*
- 79 *In libro undecimo ad edictum Ulpiani pertraxit de restitutione in integrum, qua à Pratore datur minoribus: in libro duodecimo de eà, qua datur majoribus.*
- 81 *Veritas non desiderat verborum adminicula.*
- 82 *Potest filius abstinere hereditate patris, & retinere fratris, cui substitutus erat, hereditatem.*
- 83 *Sui, qui abstinuit hereditate patris, potest potius legatum, sibi relictum in patris testamento.*
- 84 *Emancipatus omittit hereditate patris legatum consensu potest.*

Ignoratio pratoris jurisdictionis, ejusque auctoritatis, quam in jure civili corrigendo, mitigandoque Prator habebat, multos errores inveniit in jurisprudentiam: idcirco ad ea explicanda, quæ sunt juris pratorii, non invitatus aggredior. Sui heredes ipso jure, solà legis potestate, sine ullo facto proprio, etiam ignorantes, & inviti sunt heredes. §. *sui autem Instit. rit. de hered. qual. & differ. l. in suis ff. de suis & legit. hered. l. 1. §. qui sunt in potestate ff. si quis omis. caus. testam.* Prator tamen volentibus indulget beneficium abstinendi, ut eos liberaret ab oneribus non sponte susceptis. d. §. *sui autem l. si filius 12. ff. de vulg. & pup. l. necessariis 57. ff. de acquir. vel omitt. hered. l. nam nec emancipatus 59. ff. de legat. 1.* Plerique interpretes, quorum sententia in foro recepta est, hoc ita acceperunt, ut sui heredes ab oneribus liberi sint, etiam antequam abstinere, & beneficio Pratoris utantur; & licet in iis, quæ ad eorum commodum perti-

nent, pro hæredibus habeantur, tamen quoad alia non sint hæredum loco, nec possint à creditoribus hæreditariis conveniri. Adedque, si suus hæres ab illis conveniatur, debent creditores probare eum bonis paternis se immiscuisse, alioquin suus hæres erit absolvendus; quasi beneficium Prætoris tollat jura sui hæredis, eoque fruantur etiam antequàm ipsum amplexi fuerint. Hoc falsum esse viderunt etiam nonnulli ex Pragmaticis, præ cæteris docti, & emunctæ naris interpretes. Nam, si suus hæres ipso jure, & sine ullo facto proprio statim à morte defuncti sit hæres etiam invitatus; & contra, si beneficio abstinendi non gaudet, nisi de facto abstineat; utique ipse probare debet se abstinuisse: facta enim nec finguntur, nec præsumuntur, & probanda sunt ab allegante. *l. in bello §. facti ff. de capt. & possim. l. adseveratio 10. C. de non numer. pecun.* Creditores, qui conveniunt suum hæredem, allegant eum esse hæredem. Fundatam habent intentionem suam in legis dispositione, quæ ipsum facit hæredem, sive velit, sive nolit. *d. §. sui autem Inst. tit. de hæredum qual. & differ.* Undè illud Apostoli rectè possunt usurpare: *filius, ergo hæres*. Si suus hæres contra nihil allegaverit, non poterit effugere condemnationem: eum enim à lege hæres declaratur, non potest non declarari etiam à judice, nisi velit contra leges judicare: adedque non poterit non condemnari tamquam hæres. *l. cum de lege 17. ff. de probat.* Quod si opponat se non teneri, & non posse condemnari propter Prætoris beneficium, probare debet se usum fuisse eo beneficio, & à bonis paternis abstinuisse, & à se removisse hæreditatem, quam legis ministerio consecutus erat. Itaque aut fatetur se hæredem esse, & tamquam hæres erit condemnandus, quia hoc ipso pro hærede gerit; *l. si filius 12. ff. de interr. action.* aut negat se hæredem esse, & docere debet, quomodo jam quæsitam hæreditatem à se repulerit: quod cum efficere non potuerit nisi abstinendo, utique docere debet se abstinuisse hæreditate paternâ. Qui enim dicit se abstinuisse, utique id probare debet. *l. 2. l. quærit §. 1. in exceptionibus in princ. ff. de probat.* Sed

hæc expendenda sunt accuratius, & argumentis nihil dubii relinquentibus demonstranda.

Ac primùm illud certissimum est, suum hæredem ipso jure fieri hæredem. *§. sui autem Inst. tit. de hæred. qual. & differ. l. 1. §. qui sunt in potestate ff. Si quis omis. caus. test. l. penult. §. longè ff. de bon. liberr.* Et quidem sit hæres statim, nec ullum, nec minimum quidem momentum intercedit inter mortem patris, & filii acquisitionem. *d. l. 1. §. qui sunt in potestate.* Cujus acquisitionis factæ à filio eo ipso momento, quo pater moritur, effectus scitè dignos habemus in *l. si post mortem 68. §. 1. in l. quæsitum 91. §. præfenti ff. de legat. 1. l. Julianus 86. ff. de condit. & dem. l. si optio 13. ff. de opt. legat.* Imò nec propriè acquirit hæreditatem, sed eam retinet: *l. si servum §. Prætor ff. de acquir. hered. l. sed si non alias 86. ff. de leg. 1. l. si filius 12. ff. de vulg. & pupil.* quia non tam acquirit dominium rerum paternarum, quàm in eo continuatum dominium, quod & vivo patre habere existimabatur. *l. in suis ff. de liber. & posth.* Quare dicitur suus hæres, quasi sibi ipsi succedat, non patri: *l. scripto 7. ff. unde liberi*: quod elegantius à Græcis explicatur, qui eum vocant *αὐτοκαταρκετός*: hoc est, *sui ipsius hæredem*. Nec dicitur hæres fieri per mortem patris, sed existere: *l. si quis filius 7. §. 1. ff. de acquir. hered.* quod pariter Græci elegantissimè explicant verbo *ὑπαρκτός*: hoc est, *apparere*. Apparent enim hæredes, & quodammodò emergunt, qui antè non apparebant, accipientes potius liberam bonorum administrationem, quàm percipientes hæreditatem. *d. l. in suis 11. ff. de liber. posth.*

Illud etiam certissimum est, hanc acquisitionem, seu continuationem fieri vi patriæ potestatis: *l. conditioni §. ff. de cond. & demonstr.* aded ut ad hanc acquisitionem hoc tantummodò requiratur, ut sit in potestate, si quidem ab alio non præcedatur. Quamobrem nec scientia, nec voluntas, nec ulum aliud ejus factum desideratur, ut hæres existat.

Non requiritur scientia acquirentis: nam

etiam ignorans hæres existit, §. *sui autem Inst. tit. de hered. qual. & differ.* Itaque & furiosus hæreditatem acquirit, l. *furiosus* 63. ff. *de acquir. hered.* & infans statim æ naseitur: l. *Lucius* 9. ff. *de jure psci*: qui tamen nihil scit, nihil intelligit. l. 1. §. *furiosum ff. de oblig. & act.* §. *furiosus* & §. *sed quod diximus Inst. tit. de inus. stip.* Et, qui ignorat patrem suum decessisse, nihilominus ipso jure hæres ejus existit; l. *apud hostes* 8. C. *de suis, & legit. hered.* l. *qui duos* 10. §. *cum in bello* ff. *de reb. dub.* & qui ignorat, quo jure ei delata sit hæreditas, & ex quâ parte: l. *cum quidam §. suum & l. venire praterito ff. de acquir. hered.* quod secus est in extraneis. l. *qui hæreditatem* 19. & l. *hæres institutus* 31. cum segg. ff. *de acquir. hered.* Imò, etsi putet hæreditatem ad se non pertinere, tamen eam acquirit. l. *liber homo §. ult. ff. de stipul. servor.* Ipsi enim hæreditas acquiritur, sicut nobis acquiritur, quicquid servus noster acquirit. l. *de hæreditate §. filiusfamilias ff. de castrens. pecul.* Quare, etsi filius patri hæreditatem non acquirat sine ejus jussu, l. *qui in aliena* 6. & l. *si quis mihi* 25. per tot. ff. *de acquir. hered.* tamen hanc hæreditatem ei acquirit etiam sine ejus jussu, & scientia, d. l. *qui in aliena §. interdum ff. de acquir. hered.* In hac enim acquisitione nulla ratio habetur scientiæ, cum omnia fiant necessitate legis.

Eadem de causâ non requiritur voluntas ipsius acquirentis, eum hæc acquisitio sit necessaria: æ propterea etiam invitus acquiritur. d. 6. *sui autem Inst. tit. de hered. qual. & differ.* & idem etiam infanti, & furioso acquiritur, l. *furiosus* 63. ff. *de acquir. hered.* l. *Lucius* 9. ff. *de jure psci.* quorum nulla est voluntas, l. *furiosus ff. de reg. jur.* Nec solum acquirit invitus, sed invitus hæreditari obligatur; l. *lege Cornelia ff. de testam.* sed & invitus hæreditari patrem obligat, si in eâ causâ sit hæreditas, ut patri per filium acquiritur. l. *in aliena* 6. in princ. juncto §. *interdum ff. de acquir. hered.*

Denique nullum factum additionis aut immixtionis requiritur: l. *in suis* 14 ff. *de suis* 14 & *legit.* quæ etsi nominet additionem, non

immixtionem, tamen ratio, quam asserti, convenit etiam immixtioni. Nam si idem additio non est necessaria, quia ipso jure hæredes existunt; eadem de causâ non erit necessaria immixtio. Nec immixtio differt ab additione, nisi ratione personæ, à quâ celebratur: nam, quæ in extraneis vocatur additio, in suis dicitur immixtio. l. *cum bonis* 87. ff. *de acquir. hered.*

Præterea constat ex iis, quæ hæc tenens demonstravimus, hæreditatem à suo hærede etiam ignorante acquiri; imò & ab eo, qui putat hæreditatem ad se non pertinere. Arqui ignorans non miscet se hæreditati. d. l. *cum bonis* 87. ff. *de acquir. hered.* Multò minus se autem miscet invitus: & tamen hic etiam acquirit.

Denique suus hæres acquirit hæreditatem, sicut acquirimus per servos nostros. l. *de hered. §. filiusfam. ff. de castrens. pecul.* Sed per servos nostros sine ullo facto nobis acquiritur, imò & nobis ventitibus. l. *se unus veran.* 16 te ff. *de V. O. l. numquam* 31. §. *si servus ff. de usup. & usucap. l. quemadmodum* 46. ff. *de jure dor. l. etiam invitis ff. de acquir. rer. dom. §. item vobis Instie. tit. per quas person. eniq. acquir.*

Quo factum est, ut in l. 3. C. *de jure delib.* in extraneis quidem requiratur additio, in suo autem nihil desideretur. Et l. 2. §. *si quis* 17 ex *liberis* ff. *ad S. C. Tertull.* in postumo extraneo requirit, ut agnoverit bonorum possessionem, antequam decesserit; in suo autem nihil aliud desiderat, quàm ut suus agnoscat. Hoc enim solum ei tribuit idem jus, quod extraneo petita bonorum possessio. Similis textus in l. *duos* 10. §. *cum in bello* ff. *de reb. dub.* ubi eorundem non poterat constare de immixtione filii, eum ignoraretur, ante nê, an post patrem decessisset; & ramen responsum fuit, eum hæreditatem patris acquisivisse, & ad hæredes transmississe. Similis text. in l. *apud hostes C. de suis & legit. hered.* in quo filia ignorabat patrem apud hostes decessisse, adeoque non poterat se miscere bonis paternis; l. *cum bonis ff. de acquir. hered.* & tamen sua hæres existit, & decedens quæsitam sine ullâ immixtione hæ-

reditatem transmisit ad hæredes. Similes sunt text. in *l. de hereditate §. filiusfam. ff. de castrenf. pec. in l. ex militari 11. & seqq. ff. de milit. testam.*

His probè constitutis, quæ in controversiam adduci non possunt, illud necessariò
 18 consequitur, creditores, qui conveniunt suum hæredem, hoc solum probare debere, eum conventum esse suum hæredem: hoc est, fuisse in potestate defuncti, & primum locum in successione obtinuisse: quæ duo tribuunt jus sui hæredis. Hoc enim probato satis funda-
 19 runt intentionem suam. Cùm enim non possit esse suus hæres, quin ipso jure statim defuncti hæres existat, ut demonstravimus, & hæres statim succedat in omne jus defuncti, *l. heres in omne ff. de acquir. hered.* & eadem cum defuncto persona censeatur, *auth. de jurejur. in prafat.* utique tenetur respondere creditoribus hæreditariis, *l. 2. C. de hered. vel act. vend.* & onera hæreditaria subire. *l. pælle 26. C. de pæll.* Nec possunt adstringi creditores ad probandum quicquam aliud præter suam, cùm hæc sola sufficiat ad constituendum ipsum hæredem etiam ignorantem, & invitum, eundemque hæreditati obligandum, ut demonstravimus. An enim ab eis exigetur probatio scientiæ, aut voluntatis, aut alicujus facti; si hæc ad acquirendam hæreditatem non sunt necessaria in suo hærede? Sustulit has omnes defensiones suo hæredi legis necessitas. Imò sustulit etiam pupillarum, aut minoris ætatis, aut furoris excusationem, quæ in nullâ aliâ causâ solet
 20 umquàm deficere. Nam & pupillus hæreditati obligatur sine tutoris autoritate, & furiosus. *l. move 8. ff. de acquir. hered. l. furiosus 63. ff. eod.* Nulla igitur defensio superest suo hæredi ad excludendos creditores.

At enim interpretes nostri exigunt, à creditoribus probationem immixtionis. Quo jure id exigant, ignoro. Certè hæc ratione suum hæredem redigant ad similitudinem hæredis extranei, cùm idem sit immixtio in
 21 suo hærede, quod additio in extraneo. *l. cum bonis ff. de acquir. hered.* Et sicut in extraneo exigunt probationem additionis, ita exigunt probationem immixtionis in suo hærede. Ita-

que nullus superest effectus suitatis. Neque potest defendi suos hæredes quoad commodam tantum hæredes esse, antequàm se immisceant; non quoad incommodam. Quis enim umquàm audivit, hæreditatem non esse successionem in universum jus contra text. in *l. heredit. 62. ff. de reg. jur. & in l. heres in omne ff. de acquir. hered.* aut hæreditatem damnâ & incommodam non comprehendere? *l. hereditatis ff. de V. S. l. si hæreditatem ff. mandat. l. 1. ff. de bon. poss.* Ad id ut, licet servus etiam
 23 ignorant, & invito domino acquirat; tamen ab hæc regulâ non recedere cogat natura hæreditatis, cui omnino repugnat eam acquiri solum quoad commodam, non autem, quoad incommodam: quapropter hæreditas nonnisi jubenti domino per servum acquiritur. *§. item vobis versic. sed si hæres inst. tit. per quas person. cuicque acquir. l. acquiritur 10. §. 1. versic. ideoque ff. de acquir. rer. dom. l. qui in aliena 6. in princ. & l. si quis mihi 25. §. jussim ff. de acquir. hered.* Sed hæc de re postmodum dicemus uberius: modò ad rem redeamus.

Contrà veteres Jurisconsulti hanc probationem immixtionis numquàm exegerunt. *l. qui duos 10 §. cum in bello ff. de reb. dub.* Pater & filius in acie simul mortui erant, putà in eodem prælio: & ignorabatur, quisnam prius mortuus esset. Concurrabant ad hæreditatem Agnati Patris, & Mater, Agnati Patris petebant ejus hæreditatem. Mater filii defuncti allegabat, Patris hæreditatem filio tamquàm suo hæredi quæsitam fuisse, & ideo bona illa cum hæreditate filii ad se fuisse devoluta. Ad Matrem admittendam, & excludendos Agnatos duo erant necessaria: & ut Pater præmortuus esset filio, & ut filio fuisset acquisita Patris hæreditas ante mortem. Et filium quidem Patri supervivisse præsumendum esse Divus Adrianus credidit. Non poterat tamen Mater probare immixtionem filii, quæ præsumi non poterat, cùm ambo in eodem prælio cecidissent. Verùmiamen cùm ageretur de suo hærede, qui statim ipso jure etiam ignorans hæres existit, non exegit Jurisconsultus probationem immixtionis, & admisit Matrem ad hæreditatem; quæ utique
 exclu.

excludenda esset, si probanda esset immixtio, quæ eo casu probari non poterat; imò erat omnino improbabilis, & inverisimilis. In *l. cum de hereditate §. filiusfam. ff. de cast. pecul.* filius de castrensi peculio testamentum fecit, ignorabat Patre min cujus erat potestate, ²⁵ decessisse, atque ita mortuus est. Agnati Patris vindicabant hereditatem Patris ab intestato. Heredes scripti in testamento petebant eadem bona, tamquam filio jam quæsitæ, & ad se delata cum ejus hereditate. Non poterant hi probare immixtionem filii, quia non poterat se miscuisse bonis paternis, cum ignoraret Patrem decessisse. Nihilominus tamen JC. eos admittit ad hereditatem filii simul, & patris. In *l. 2. §. si quis ex libris ff. ad S. C. Tertull.* missus fuit venter in possessionem, mox natus est posthumus, & decessit ante peritam bonorum possessionem. Quæsitum fuit, an Matrem exclusisset. Distinguit: si suus hæres agnoscitur, excludit: sin minus, non excludit. Non supponitur hic immixtio: nam si se miscuisset, utroque casu Matrem excluderet.

Sublatis hæc defensionibus superest tantummodò filio beneficium abstinendi, quo se tueri possit à creditoribus, à quibus tamquam suus hæres convenitur. Atque hoc beneficium satis tutum esse filium existimant, quia, cum sit à jure introductum, etiam sine ullo facto hominis operatur, & producit effectum. Sed hic in tres gravissimos errores incurrunt. Primò, quia beneficium hoc abstinendi, non à lege fuit introductum, quæ ipso jure efficit, quod præcipit, sed à Prætoris, qui non potuit tollere jura sui hæredis. Secundò, quia Prætor, et si potuisset, noluit tamen tollere jura suorum hæredum, proponendo hujusmodi beneficium. Tertio, quia non proposuit hoc beneficium absolute, sed pollicetur esse se daturum illud tantummodò volentibus eo uti. Singillatim hæc omnia explicemus, & confirmemus.

Non potuit Prætor tollere jus sui hæredis, seu, ut nostri aſunt, suitatatem. Cum enim hoc jus à legibus duodecim tabularum sit constitutum, §. *sui autem versic. necessarii Inst. tit. de hered. qual. & differ.* non potest

Prætor hoc jus tollere, cum non possit juri derogare. *l. 1. §. 1. ff. de feriis.* Et cum non possit Prætor hæredem facere, §. *quos autem 18 Instit. tit. de bonor. posses.* multò minus potest efficere, ut non sit hæres ille, quem ipsa lex hæredem facit. Itaque non solum hæres est filius, antequàm abstinuerit, sed etiam postquam abstinuit, & usus est beneficio Prætoris, tamen hæres manet; *l. cum quasi 30. §. 19 sed etsi suus ff. de fideicom. liberr.* & etiam, postquam abstinuit, tenetur creditoribus jure civili. *l. necessariis ff. de acquir. hered.* Atque id evenit etiam in aliis remediis. *l. ait Prætor 7. §. sed quòd Papinianus ff. de minor.* Imò nec ipsa lex aufert jus heredis ei, qui ²⁰ semel hæres extitit. Etenim lex Ælia Sentia tunc solum permittit servum, in fraudem creditorum hæredem institutum, liberum, & hæredem esse, nemo alius ex testamento hæres esse potest. *l. si is qui solvendo 57. ff. de hered. instit.* Verùm tamen, si prius servus hæres fuerit, & postea alius ex eo testamento hæres sit, non avocatur hereditatem à servo, nec desinit esse hæres, cum semel extiterit, ut in exemplo proposito in *l. ei qui solvendo 88. ff. de hered. instit.*

Neque hoc est sine effectu. Primùm enim, etiamsi filius abstinuerit hereditate, tamen non corrumpitur testamentum, in quo fuit institutus, sicut corrumpitur, alio hærede instituto repudiante. *princ. tit. Instit. de hered. qua ab int. deser.* Quamobrem & libertates eo testamento datæ debentur, *l. cum quasi §. sed etsi suus ff. de fideicom. liberr.* quæ non deberentur extraneo repudiante. *l. 1. C. de fideicom. liberr.* Et suo hærede abstinente nihilominus sustinetur & confirmatur substitutio pupillariorum, *l. Julianus & l. quasitum ff. de acquir. her. quæ evanescit non aditæ hereditate. l. 2. §. 1. ff. de vulg.* Præterea licet hereditas, semel repudiata, ampliùs adiri non possit, *l. 4. C. de repud. hered.* tamen suus hæres, etiam postquam abstinuit, potest iterùm suscipere ²¹ hereditatem, quia penitus hæres esse non desiit. *l. si quis suus ff. de jure delib. l. ult. C. de repud. hered.* Imò & pro hærede gerendo, ac miscendo se bonis, etiam postquam abstinuit, hæres sit, nisi alio animo, alioque no-

mine, ac titulo attigerit bona hereditaria. *l. 1. §. 2. C. de repud. hered. l. pro hærede §. Papiniano ff. de acquir. hered.*

Non potuit igitur Prætor tollere jus sui hæredis, nec efficere, ut suus hæres non esset, cum legis necessitate suus hæres esset. Solum potuit Prætor eum non habere hæredis loco; & sanè hæredis loco non habet, postquam se abstinit. *l. si filius 12. ff. de interrog. action.*

Sed nec voluit Prætor tollere jus sui hæredis. Voluit quidem eos non haberi hæredis loco, quantum attinet ad retinendam hæreditatem, & suscipiendam commoda, & incommoda hereditaria: non tamen voluit eos per omnia hæredis loco non esse. Quocirca noluit penitus abolere jus sui hæredis, etiam si quis admiserit eum potuisse. Itaque & patitur liberos esse servos, qui in testamento, in quo suus hæres fuit institutus, libertatem acceperunt; & eos utique pro liberis habet: nam sine ullâ exceptione dicuntur libertatem consequi in *l. sciendum ff. de manum. test. in l. cum quasi 30. §. sed etsi suus ff. de fideicom. liber.* Nec repellit substitutum pupillarem. *l. si filius 12. ff. de vulg.* Nec impedit transmissionem hereditatis, quæ fit à suo hærede etiam ignorante, *l. apud hostes C. de suis & legitim. hæred.* Denique ea omnia, quæ suprà à nobis exposita sunt de suo hærede, translata fuerunt à veteribus Jurisconsultis post introductum à Prætoribus abstinenti beneficium; ex quibus constat, quod hujusmodi beneficium non tollit jura suorum hæredum; & quod salva manet suitas etiam post inventum beneficium abstinenti.

Demum in hoc errant, quod putant beneficium abstinenti operari, & enervare vires suitatis, etiam antequam suus hæres abstineat. Neque enim hoc Prætori propositum fuit, exinere liberos ab hereditate, etiam antequam abstinerent. Fingamus igitur Prætorē habuisse supremam potestatem omnino parem legi, & potuisse convellere funditus, & penitus abolere jura suorum hæredum: tamen cum hoc non fecerit, sed solum proposuerit hoc beneficium abstinerere volentibus; non potest hujusmodi beneficium quicquam

operari, & vires suas exetere antequam suus hæres abstinerit: hoc est, voluerit hoc beneficium uti. Exemplo rem planius explicabo. Lex, quæ supremam habet potestatem, potest aliquem etiam invitum hæredem facere, ipso jure, & sine ullo ipsius facto. Et quidem hæc potestate utitur in servis, & in suis hæredibus, quos facit hæredes necessarios, & in eos transfert hereditatem etiam ignorantes, & invitos. *§. 1. & 2. Instit. tit. de hered. qual. & differ.* Contrà verò in extraneis hæc potestate non utitur, sed ipsos volentes ad hereditatem admittit, & dat ipsis jus deliberandi, & facultatem adeundi, vel repudiandi hereditatem. *§. extraneis Inst. tit. eod.* Hi autem non acquirunt hereditatem ipso jure, & sine facto proprio, sed necesse est ut eam adeant: *§. item extraneis Inst. eod.* hoc est, necesse est ut utantur facultate adeundi, quam ipsis lex concessit: nec autem consequuntur aliquod jus, quàm hereditatem adierint. *l. si jussu 44. in fin. ff. de furt.*

Eatē ratione Prætor non dedit beneficium abstinenti invitis; non eos ipso jure liberavit; non sustulit jura suorum hæredum: sed dedit hoc beneficium volentibus: hoc est, dedit facultatem abstinenti ab hereditate ipso jure quæritâ, si voluerint ab eâ abstinerere. Itaque sicut hæres extraneus non gaudet commodo hereditatis antequam adeat: ita nec suus hæres gaudet commodo hujus beneficii, antequam eo utatur: hoc est, antequam abstineat. Itaque rectè Ulpianus in *l. 1. §. qui sunt in potestate ff. si quis omis. caus. testum.* dixit: *Qui sunt in potestate, statim hæredes sunt ex testamento, nec, quod abstinerere possint, quicquam facit.* Nimirum facultas abstinenti non impedit quod minus sui hæredes antequam abstineant; & quidem si t hæredes pleno jure: nam hæredes sine re manent etiam postquam abstinuerunt. *l. cum quasi 30. §. sed etsi suus ff. de fideicom. liber.* Beneficium enim abstinenti nihil operatur, nisi volente suo hærede. Antequam is declaraverit suam voluntatem, perinde est, ac si hoc beneficium numquam fuisset introductum. Neque enim Prætor dedit suis hæredibus facultatem repudiandi hereditatem; sed

beneficium abstinendi. Beneficii nomen indicat, id non concedi nisi volentibus. *l. in-
38 vito ff. de reg. jur.* Abstinendi verbum demon-
strat, id non concedi nisi quæsitâ jam
hæreditate. Abstinere enim dicimur ab hæ-
reditate jam acquisitâ; *l. 1. §. si quis adita
ff. ad SC. Tertull. l. jam dubitari 86. §. ult.
ff. de hered. instit. l. cum hæreditate 55. & l.
pen. ff. de acquir. vel om. hered.* repudiare
autem hæreditatem jam delatam, sed non-
dum quæsitam. *l. 1. §. decretalis ff. de succes-
sionib.*

Et sanè, quod Prætor solum volentibus
hoc beneficium largiatur, tradidit Impe-
rator noster in §. *sui autem Instit. sit de
hered. qua. & differ. ibi sed his Prætor per-
mittit volentibus abstinere hæreditate.* Non
præcipit, ut abstineant: non liberat eos
ipso jure ab oneribus hæreditariis: sed ipsis
permittit, ut abstineant, & quidem permittit
39 solum volentibus. Itaque antequam velint,
nullum effectum habere potest hæc Prætoris
permissio. Qui permittit alicui ut faciat,
nihil ei tribuit antequam fecerit. Tradide-
rat & ante ipsum Cajus in *l. necessariis ff. de
acquir. vel omis. hered.* ibi *abstinendi se ab
hæreditate Proconsul potestatem facit, ut
quævis creditoribus hæreditariis jure Civili
teneantur, tamen in eos actio non datur, si
40 velint derelinquere hæreditatem.* Derelin-
quunt igitur hæreditatem, cum se abstinent,
atque id faciunt solummodo si velint. Si
derelinquunt, ergo antequam eam derelin-
querent, obtinebant. Et si non datur in eos
actio, cum dereliquerunt hæreditatem,
antequam derelinquant, in eos à Prætor
actio datur, & quidem efficax: nam & ju-
re Civili tenentur, ut ait Cajus; & tenen-
tur etiam jure Prætorio, quo in eos actio-
nem dat, & pro hæredibus habet, ante-
quam voluerint derelinquere hæreditatem;
neque enim Prætor invito removel ab hære-
ditate. *l. si Filius 12. ff. de vulg.* Antequam
igitur voluerint derelinquere hæreditatem,
non removel eos ab hæreditate: itaque pro
hæredibus eos habet: & cum polliceatur se
denegaturum actionem, cum voluerint eam
derelinquere, utique non denegat actiones

antequam velint hæreditatem derelinquere.
Tenentur igitur creditoribus tam jure Ci-
vili, quam jure Prætorio, antequam se
abstineant: neque enim hoc casu prodita
est à Prætor ulla exceptio, quâ se tueri
possint, antequam beneficio Prætoris utan-
tur.

His illud etiam consequens est, quod sui
hæredes cogi debent ad probandam abstentio-
nem. Etenim cum à Prætor eorum vo-
luntas exigatur, hanc voluntatem ipsi pro-
bare debent. Sicut enim aditio, licet nuda
voluntate fiat, §. *ult. Instit. tit. de hered. qual.
& differ. l. si avia C. de jure deliber.* proban-
da est ab eo, qui allegaverit quempiam hæ-
redem esse, ut communiter fatentur omnes,
quia facta probanda sunt ab allegante, ut
initio diximus: ita licet abstentio fieri pos-
sit nudâ voluntate, tamen probanda erit à
suo hærede, qui eam allegat, & per abstentio-
nem contendit se esse liberatum à cre-
ditoribus, quibus jure Civili tenetur. *d. l. 1.
necessariis ff. de acquir. vel om. hered.* Nam 42
& qui dicit, probare debet, *l. 2. ff. de
probat.* & hæc probatio ab eo exigitur etiam
cum agitur de probanda voluntate. *l. 3. &
l. cum quis ff. eod.*

Confirmatur quia abstentio requirit fac-
tum amovendi, ac repellendi, seu dere-
linquendi hæreditatem. Cum enim hæredi-
tas sit jam acquisita suo hæredi, non potest
ab eo amitti sine aliquo facto, quo à se
abigat hæreditatem. *l. id quod nostrum 11. ff.
de reg. jur.* Quocirca qui dicit se nolle re-
tinere hæreditatem, non tamen idcirco ab-
stinet hæreditate, eamque amittit. Sed ne-
43 cesse est ut re vera abstineat, & derelinquat
hæreditatem: adeoque, & qui dixit se nol-
le retinere hæreditatem, tamen potest pos-
tea abstinere; & si quid postea amoverit,
amittit beneficium abstinendi. *l. si servum
§. Prætor ff. de acquir. hered.* Aliud enim est
dicere se nolle retinere hæreditatem, aliud
est re vera hæreditatem derelinquere. Cum
igitur hujusmodi factum derelinquendi hæ-
reditatem sit necessarium, non potest dubi-
tari suum hæredem, qui hoc facto se tue-
tur, ipsum probare debere. Suus hæres est
F ij

in possessione fuitatis, ex quâ necessariò promanat hic effectus, ut sit hæres, qui effectus est necessariò conjunctus cum fuitate. Quapropter si dicit se non esse hæredem, nec terti credidioribus hæreditariis, ipse probare debet. Argumento text. in l. *circuss.* de probat.

Item compræbatur, quia continuatio illa dicitur in suis hæredibus, de quâ in l. *in suis ff. de liter. & post.* tolli non potest, & ab ipsis avelli, nisi aliquo facto, & certâ

44 aliquâ declaratione. Quare pater, licet haberet in liberos jus vitæ, & necis; d. l. *in suis*, licet haberet à lege xii. tab. plenissimam facultatem disponendi de rebus suis; l. *verbis legis ff. de V. S.*, tamen si filium præcreat in testamento, non valet testamentum, l. *si filius 7. l. Gallus §. in omnibus*

45 l. *inter cætera 50. ff. de lib. & post.* Non aliâ ratione, nisi quia priusquam dominium transferat in alium, debet illud à filio avocare; & filium expresse exhæredare, ut possit alium instituere. l. 1. 2. & 3. *ff. de lib. & post.* Filius igitur non potest hujusmodi dominium amittere, nisi facto aliquo ab eo adimatur, & avellatur unde efficitur, ut hoc dominium non amittat ex solâ potestate abstinendi; sed necessarium sit factum ipsum abstinendi. Hoc autem factum utique probandum est ab ipso, qui in eo fundat defensionem suam.

Denique duo sunt actus contrarii, qui fieri possunt à suo hærede: immixtio, & abstentio. Utraque desiderat voluntatem sui

46 hæredis. Non se immiscet suis hæres, nisi habeat animum se immiscendi. l. *cum bonis ff. de ac. vir. hered.* Non se abstinet suis hæres sine voluntate se abstinendi, cum beneficium abstinendi solum voluntatibus detur. §. *sui autem instit. tit. de hered. qual. & differ.* Cum suis hæres convenitur à creditoribus hæreditariis, quæritur an probanda sit immixtio, vel abstentio. Absurdum autem est exigere probationem immixtionis ab eis, pro quibus militat ratio fuitatis, quæ ipso jure hæretem facit: non autem exigere probationem abstentionis ab eo, contra quem militat eadem ratio fuitatis, &

qui semper hæres erit, nisi ab hæreditate abstinerit. Utriusque actus par est conditio. Uterque enim agentis voluntatem perficitur. Uterque desiderat probationem: cum enim in facto consistat, non præsumitur; sed immixtio non allegatur à creditoribus, qui habent intentionem fundatam in fuitate, & idè ab ipsis probanda non est. Contrà abstentio allegatur à suo hærede, qui convenitur, & se tuetur adversus necessitatem fuitatis: & idè ab eo probanda est.

His expositis progrediamur ad ea expendenda, quæ statuunt Bartolus, & Pragmatici in hac controversia. Eorum est illa distinctio. Aut agitur de commodo, & utilitate sui hæredis: & tunc habet effectum fuitas, & nihil operatur beneficium abstinendi, antequàm te verâ suus abstineat. Aut agitur de incommodo, & damno sui hæredis: & tunc beneficium abstinendi infirmat jus sui hæredis, & enervat vires fuitatis, etiam antequàm suus hæres te verâ abstineat, & declaret suam voluntatem. Aut denique agitur de te, quæ ad suum hæredem non pertinet, sed continet commodum, aut incommodum tertii: & tunc pariter nihil operatur existentia sui hæredis; per text. in l. 1. §. *ult. ff. ut in poss. legat.* & in l. *cisi 6. §. si filius ff. de bon. libert.* Hujus distinctionis prima pars verissima est: reliquas duas perpendamus: & à postremâ ordiamur.

Quodd existentia sui hæredis vires suas exerat, & effectum habeat etiam quoad tertium, satis constat ex l. *si post mortem 68. §. sed si servo ff. de legat. 1.* Ubi quidam 48 servo legavit post mortem domini. Dominus moriens cum servum testamentum manumissit. Disputat ibi Cajus, cui acquiritur legatum; utrum servo manumisso, an per servum hæreditari. Distinguit autem inter hæredem extraneum, & suum. Si testator instituit hæredem extraneum, acquiritur legatum per servum hæreditari, & hæreditati acquisitum postea pertinet ad hæredem aduentem hæreditatem. Quodd si institutus sit suus hæres, quia eodem tempore cedit dies legati, & suus existit hæres, tunc legatum ipsi servo

manumisso acquiritur. Nam suus hæres statim hæres exiit à morte testatoris, & ideo, cum statim fiat servus, sibi acquirit legatum, quod eodem tempore, ac momento cedit, quo si erratam consequitur, & capax est acquisitionis. En igitur, quod fuitas, & existentia sui hæredis vergit in commodum, & utilitatem servi, cui legatum acquiritur.

Rursus in *l. cum hereditate §. 1. ff. de acq. vel omit. hered.* status erat cohæres suo heredi. Cohæres antequàm filius abstineret, adivit hereditatem pro sua portione. Postea suus hæres abstinuit. Si esset extraneus, & repudiasset hereditatem, pars ejus coheredi etiam invito accresceret. *l. ut. §. his in C. de caduc. toll. l. qui ex duobus §. 1. ff. de acquir. hered. l. si ex pluribus ff. de suis, & legit. hered.* Sed quia tuus hæres abstinuit, qui antequàm abstineret jam hæres erat, excusatur cohæres, qui portionem suam adivit, cum sciret alteram portionem suo heredi quaesitam: nec cogitur eam portionem suscipere. *d. l. cum hereditate.* Ne tamen destruat illa regula, quâ traditum est neminem posse partem hereditatis suscipere, partem repudiare; sed aut totam agnoscere debere, aut à totâ recedere; *l. 1. §. 1. ff. de acquir. hered. l. quidam in fin. C. de jur. delib. l. sed si plures v. filio ff. de vulgar. constitutum fuit in ejus arbitrio, utrum portionem vacantem accipere velit, an omittere portionem, quam accepit.* Imò si creditores dicant se contentos parte vacante, poterit portionem suam retinere, & omittere portionem vacantem, quæ inter creditores distribuetur. Cui tamen igitur suam hærelem, ad id antequàm abstineat, hæredem existere; ut nihil objeci possit cohæredi, qui reliquam portionem adivit, cui putaverit divisam jam esse hereditatem, nec cogitaverit eam vacare posse per beneficium abstinendi. Quod pariter constitutum est in extraneo minore, qui adivit hereditatem; solum enim per restitutionem in integrum possit eam omittere; tamen quia ante restitutionem verè hæres erat, non cogitur cohæres portionem ejus vacantem beneficio

restitutionis suscipere. *l. si minor ff. de acquir. hered.* Non mirus igitur hæres existit suus hæres, antequàm se abstineat; quàm minor, qui adivit hereditatem, antequàm restituatur. Atque hoc prodest coheredi, qui non cogitur invitus suscipere partem vacantem.

Alterum exemplum, in quo fuitas, & existentia sui hæredis parit effectum quoad tertium, peti potest ex *l. qui in aliena §. 6. interdum ff. de acquir. vel omit. hered. Hæreditas delata filio, & servo non acquiritur patri, & domino, nisi eorum jussu adeatur, ne ari alieno inviti obligentur. d. l. qui in aliena in princ. l. si quis mihi 2 §. 5. jussu ff. de acquir. hered. §. item vobis Instit. tit. per quas person. cuq. acquir. l. acquiruntur 10. §. 1. igitur ff. de acquir. rer. dom.* Si tamen delata sit hereditas suo heredi, statim eam acquirit patri, non solum sine jussu ejus, sed etiam ignoranti, & invito. *d. l. qui in aliena §. interdum.*

Denique suus hæres, etsi decesserit, antequàm se misceret bonis paternis, aut abstineret; imò etsi decesserit, antequàm sciret patrem defunctum fuisse, tamen transmittit hereditatem ad hæredes ex testamento, vel ab intestato: *l. de hereditate §. filiusfam. ff. de capr. pecul. l. ex militari 11. & l. seq. de milit. testam. l. qui duos §. cum in bello ff. de reb. dub. l. Lucius 9. ff. de jure jste. l. 2. §. si quis ex liberis ff. ad S. C. Tertull. l. apud hostes C. de suis, & legit. hered.* cum contra hæres extraneus hereditatem non aditam non transmittit. *l. quoniam sororem l. si insanti §. fin. vero C. de jur. delib. l. un. §. in novissimo C. de caduc. tollen.* Suius igitur hunc operatur effectum quoad heredes, ut ad eos transmittatur hereditas, etiam si suus hæres mortuus sit, antequàm hereditati se immisceat.

Et quamvis Bartolus, & alii putent, hunc ex fuitate proficisci, quia respicit favorem, & commodum sui hæredis transmittentis, tamen eos satis doctè reprehendit doctissimus Antonius Faber de error. Pragm. decad. 31. error. 9. quia pertinet ad commodum sui hæredis solum transmissio hereditatis opus

lentæ, & lucrosæ, non hæreditatis damnosæ: & tamen quælibet hæreditas etiam damnoſa transmittitur. Incertum est igitur commodum sui hæredis: at certus est, & indubitatus effectus ſuitatis quod ad hæredes, ad quos hæreditas transmittitur.

Ex his conſtat, quod exiſtentia ſui hæredis operatur, & ſuos effectus producit etiam quoad tertios. Nec contrarium traditum eſt in legibus, quæ à Bartolo contrà afferuntur. Nam in l. 1. §. ult. ff. ut in poſſeſſ. legat. & in l. eſi 6. §. ſi filius ff. de bon. liber. agitur de hæreditate, à quâ filii abſtinuerunt. Poſtquàm ſuus hæres abſtinuit, Prætor pleroſque effectus ſuitatis impedit, quia etſi maneat hæres jure Civili, tamen à Prætoris hæredis loco non habetur. l. ſi filius ff. de interrog. alion.

Altera quoque pars diſtinctionis falſa eſt. Nam quod exiſtentia ſui hæredis vires, & effectum habeat etiam quando agitur de incommodo, damnoſque ſui hæredis, probatur evidentè ex l. ſi poſt mortem §. 1. ff. de legat. 1. quam ſuprà expoſuimus. Ibi enim legatum, quod acquireretur hæredi, ſi hæres eſſet extraneus, acquiritur ipſi ſervo, quando inſtitutus eſt ſuus hæres. Nocet igitur ipſi ſuitas, cùm amittat legatum, quod eſſet acquiſituros.

Præterea ſuus hæres acquirit hæreditatem, etiamſi furioſus ſit: l. furioſus 63. ff. de acquir. hæred. & pupillus acquirit ſine tutoris autoritate, & non ſolùm acquirit, ſed hæreditati obligatur, l. more 8. ff. de acquir. hæred. Imò etſi fuerit inſtitutus ſub conditione poteſtativâ, poteſt ſine tutoris autoritate conditionem implere licet, impletâ conditione fiat hæres neceſſarius, quia ſit hæres jure poteſtatis, non impletâ conditionis. l. conditioni §. ff. de cond. & demonſtr. hæc autem vergunt in damnum, & incommodum pupilli, & furioſi. Nam quod pupillus hæreditatem adire non poſſit ſine tutoris autoritate, in ejus favorem, & commodum conſtitutum eſt: tum ne creditoribus hæreditariis obligetur; tum ne ſuſcipiat damnoſam hæreditatem; tum ne vexationibus, inſidiis, negotiorum multitudini, offen-

ſis, invidiæ fiat obnoxius. l. quia poterat 4. in ſi. ff. ad S. C. Trebell. d. l. more 8. ff. de acquir. hæred. l. ſi hæreditatem 22. ff. mand. l. obligari 9. §. hæreditatem ff. de auctor. tutor. §. neque tamen Inſtit. tit. cod. Nam ſi acquirere hæreditatem non eſſet periculoſum, damnoſumque pupillo, poſſet etiam extraneæ hæreditatem adire ſine tutoris autoritate, princ. tit. Inſtit. de auctor. tutor. §. nunc admonendi Inſtit. tit. quibus alienar. lic. vel non §. pupillus Inſtit. tit. de innoſ. ſtipul. d. l. obligari 9. ff. de auctor. tutor. l. contrà 28. ff. de pact. l. pupillus 11. ff. de acquir. rer. dom. Quod & in furioſo, & prodigo conſtitutum eſt. l. is cui bonis. de verb. oblig. Et confirmatur, quia per ſervos noſtros melior conditio noſtra fieri poteſt, non deterior; l. melior ff. de R. J. & idèd ſervi noſtri nobis etiam ignorantibus, & invitis acquiritur; l. ſervus vetante ff. de V. O. l. acquiruntur 10. §. 1. ff. de acquir. rer. dom. §. item vobis Inſtit. tit. per quas perſon. cuique acq. hæreditatem tamen nobis non acquiritur ignorantibus, & invitis, ut ſuprà diximus: igitur per acquisitionem hæreditatis non ſit melior conditio noſtra. Et utrumque ſit de univerſitate hæreditatis, certè quod quis ari alieno obligetur, quod evenit per hæreditatem, id non reſpicit ejus favorem, nec ejus conditionem meliorem facit. l. qui in alienâ in princ. ff. de acquir. hæred. Et cùm periculoſa ſit acquiſitio hæreditatis, maximè expedit pupillo hac in re conſilium & autoritas tutoris. Hoc autem contrà utilitatem pupilli ſuitas operatur, ut hæreditati obligetur etiam ſine tutoris autoritate, l. more ff. de acquir. hæred. & obligetur etiam invitus. l. lege Cornelia ff. de teſtam.

Tertiò, quod aliquem competant creditoribus hæreditariis actiones, id vergit in ejus incommodum: ſed in ſuum hæredem competunt actiones etiam ante immixtionem, hoc eſt ſolâ poteſtate ſuitatis. l. ita tamen 27. §. ſi pater filium ff. ad S. C. Trebell. ibi: quare etſi non immiſcuerit ſe hæreditati, niſilominus actiones, quæ ei & in eum competeabant, ad Sempronium transferuntur.

Confirmatur ex l. 2. ff. de condiſ. ſum. 59

siv. ibi: conditioni ex causa furtivâ, & furtivâ, & infans obligatur, cum hæredes necessarii extiterint.

Huc iterum, & ubique sententiæ quæ opponuntur, accuratè perpendamus. Primum opponunt text. in *l. pecuniam* 36. ff. de reb. cred. ubi, si pecuniam, quam mihi purè debes, jussu meo promittas Titio sub conditione; pendente conditione frustra tecum ago: quia, cum incertum sit, an conditio adjecta stipulationi Titii sit extingua, incertum quoque est, an à te possis exigere pecuniam. E.istente enim conditione adjecta promissioni Titii, à Titio est exigenda pecunia, non à te. Interim igitur, si petam, ante tempus peto. Eâ tem ratione, quia potest suus hæres abstinere: quamdiu hoc incertum est, conveniri utiliter non potest, quia, si abstinerit, adversus eum Pactor actionem daturus non est.

Sed hoc argumentum nimis probat. Nam & pupillus, qui se immiscuit paternæ hereditati, non posset etiam post immixtionem conveniri à creditoribus hæreditariis, quia etiam post immixtionem habet beneficium abstinentiæ. *l. necessariis* ff. de acquir. hæred. Et minor non posset pariter conveniri, etiam postquam se immiscuit, quia per restitutionem in integrum ipse quoque potest uti beneficio abstinentiæ, & derelinquere hæreditatem. *d. l. necessariis* §. sed tamen. Imò quod magis est, etiam postquam suus hæres se abstinuit, creditores non possent exercere suas actiones: quia suus hæres, qui abstinuit, potest, si major sit, intra triennium re etiam hereditatem, quam dereliquit: si minor, retinet hanc facultatem repetendi hereditatem, & seque immisceri bonis paternis usque ad annum tricesimum secundum exactum. *l. si quis se vi ff. de jure d. lib. l. ult. C. de repud. hæred.* Toto igitur hoc tempore non possent creditores suas actiones exercere, quia incertum est, an suus hæres sit habiturus hereditatem. Quæ omnia oppidè sunt absurda.

Fallax igitur est argumentum: neque enim exemplum deductum ex *l. pecuniam* ff. de reb. cred. simile est rei, de qua agimus.

Qui pecuniam, quam mihi purè debet, 63 jussu meo promittit alteri sub conditione, mihi manet obligatus sub contrariâ conditione, ut notatur in *d. l. pecuniam*. Quod enim sub conditione datum videtur, sub contrariâ conditione datum videtur. *l. aliquando in fin. ff. de condit. & demonstr. l. quod purè 6. in princ. ff. quando dies leg. ced. l. si quis ita 3. in fin. ff. de statu lib. l. si post mortem 68. §. si purè ff. de legat. 1.* Atque hæc contrariâ conditio, quæ tacitè adicitur per ademptionem conditionalem, habet vim veræ conditionis, & suspendit actum in incertum eventum, & impedit legati transmissionem. *d. l. si post mortem §. si purè ff. de leg. 1. d. l. quod purè in princ. juncto. §. 1. ff. qu. dies leg. ced.* Quod multò magis obtinet in contrariis, in quibus conditio retrahitur ad tempus celebrati contractus. *l. necessariis 64 8. in princ. ff. de perie. & eom. rei vend. l. sub conditione 16. ff. de solut.* Cujus rei effectus scitu dignissimos habemus in *l. si filius fam. 78. ff. de V. O. l. qua legata 18. in fin. ff. de reg. jur. l. ult. ff. de stip. servor. l. prior. 11. §. 1. ff. qui prior. in pign. hab.* Nam in stipulationibus id tempus spectatur, quo contrahimus. *l. non omne 144. §. 1. ff. de reg. jur.* Quod non venit in legatis, in quibus spectatur tempus evenientis conditionis, nec ea retrahitur. *l. 3. §. ult. l. si usufructus 14. §. ult. ff. qu. dies leg. ced. l. si legari 18. ff. de pignor.*

Hinc constat, cur agi non possit contrâ primum promissorem, licet purè obligatum, quando ejus obligatio novata est sub conditione: quia, licet initio purè promiserit, 65 tamen per novationem conditionalem injecta est ejus promissioni contrariâ conditio, & perindè habetur, ac si sub conditione promississet. Et, si existat conditio novationis, ejus obligatio videtur precepta jam tum ab initio tempore celebratæ novationis. *l. sub conditione 16 ff. de solut.* ibi: *sub conditione debitori si acceptum fuerat, postea conditione existente intelligitur jam olim liberatus.* Quapropter permittendum non est, ut conveniatur eo tempore, quo eum debitorem non fuisse apparebit existentem conditionem.

Nihil simile est in beneficio abstinendi. Nam beneficium abstinendi non efficit, ut suus heres existat heres sub conditione, si non abstinuerit. Ut enim probavimus, antequam abtineat, ipso jure est hæres, & jam acquisivit hæreditatem. Nec acquisitio hæreditatis recipit conditionem. *l. cum qui §. 1. in fin. ff. de acquir. hered.* Et adeo verum est, beneficium abstinendi non efficere, ut ab initio hæres non sit; ut etiam, postquam se abstinet, maneat hæres jure Civil. *l. cum quasi §. sed etsi suus ff. de fideic. liberr.* Beneficium abstinendi prodest volentibus. *§. sui vers. sed his Inst. tit. de hered. qual. & differ.* Antequam velint, nihil eis prodest. in *l. pecuniam ff. de reb. cred.* Novatio facta fuerat voluntate debitoris: itaque constabat, eum voluisse liberari ab obligatione existente conditione. Si eodem modo constaret & de voluntate sui hæredis abstinere volentis, utique & ipsi prodesset contra creditores hoc beneficium: sed si non constet de hac voluntate, ipse eam probare debet: præsertim quia, & dum convenitur, abstinere potest atque ita eludere creditores, à quibus convenitur. Tunc enim creditoribus incumbit onus probandi inmixtionem, per quam amiserit beneficium abstinendi.

Neque ad rem facit, quòd spes sit futurum, ut abtineat. Neque enim spes hæc ipsum liberat, sed abstinatio: nec spes prodesse potest ei, in cujus est potestate actus, per quem consequi potest emolumentum, 67 quod per se consequi desiderat. Atqui ut spes solutionis non liberat debitorem, sed ipsa solutio; nec eo minus conveniri potest à creditoribus, quòd speretur eum soluturum: sic non spes abstinendi liberat suum heredem, sed abstinatio; nec eo minus conveniri poterit à creditoribus, quòd speretur futurum ut abtineat. Undè nemo non videt, quàm dispar sit ratio novationis initæ sub conditione: quia hic spes novandæ obligationis non est vana, & pendens à solâ potestate faciendi aliqui, quod factum non est, qualis est spes abstinendi: sed est spes innixa jam contractæ stipulatio-

ni, & novationi, quæ amplius retractari non potest, & eventiente conditione necessariò liberat debit. rem. Stipulatio vires capit ab initio, *l. usufructus 26. ff. de stipul. servor.* & in eâ spectatur initium. *l. non omne §. 1. ff. de reg. jur.* Quapropter stipulatio jam contracta præstat firmum, ac stabile fundamentum spei, quam habet debitor de liberatione. Cæterum si novata non esset obligatio, seu interposita novandæ obligationis causâ stipulatio, nihil debitori prodesset, quod novare posset, aut solvere; & spes in hac potestate fundata, inanis prorsus esset, & inutilis. Eademque ratione inanis est & inutilis spes fundata in potestate abstinendi.

Nec obstat, quòd istud beneficium abstinendi, & ejus exceptio, insit à principio cuilibet hæreditati, quæ filio defertur, & ideò possit dici pars substantialis ipsius actus, & suppleri à Judice etiam parte non opponente; argumento text. in *l. 1. §. 1. versic. nam dies ff. de edend. ut subtiliter animadvertit Gomez. variar. tom. 1. cap. 9. num. 25.*

Enimverò fateor ingenii mei tarditatem: non intelligo, quid supplere possit Judex, neque perspicio, quid probet hujusmodi argumentum. An Judex supplebit suum heredem habere beneficium abstinendi? At 69 hoc non liberat suum heredem, qui jam non obstante hoc beneficio hæres existit ipso jure, ut probavimus. An suppleat Judex suum heredem abstinuisse? At supponimus, ipsum verè non abstinuisse. Uno verbo hoc argumentum supponit id, quod queritur, & verum esse id, de quo disputatur: nam si solum beneficium, & potestas abstinendi liberat, & tueri suum heredem à creditoribus; si non est necessarius ipsi actus abstinendi, verissima sunt omnia, quæ in argumento assumuntur, & concluduntur. Sed hoc ipsum est, de quo disputamus. Enimverò cum beneficium abstinendi non operetur nisi volente suo heredem, antequam velit, non potest parere exceptionem: quia antequam velit abstinere, non vult liberaria à creditoribus. Undè igitur nascatur hæc

exceptio? Postquam autem voluit abstinere, ne tunc quidem verè parit exceptionem: sed à Prætorè non dantur actiones adversus suum hæredem, qui abstinit. *l. necessarij ff. de acquir. vel om. hered.* Itaque hæc exceptio est merum commentum nostrorum Interpretum. Quo jure igitur à iudice suppleatur? Nec illud intelligo, cujus actus dici possit pars substantialis hæc exceptio, cum in suo hærede nullus actus requiratur, ut hæres exisset, sed sit hæres ipso jure, ut luculenter initio demonstravimus.

Sed rursus opponunt, quod hoc beneficium abstinendi, cum sit à jure inductum, non requiritur, ut exprimat, vel opponatur ab homine; sed semper operatur effectum suum, nisi constet de immixtione. Confirmant autem hoc per text. in *l. ei qui se in princ. ff. de acquir. vel om. hered.*

Ad hoc satis suprà respondimus, ubi demonstravimus, quantum hæc in re differat potestas legis à potestate, & autoritate Prætoris. Lex enim ipso jure, & sine ullo facto atque operâ hominis efficit, quod vult. Prætor autem numquam ipso jure operatur, præsertim quando aliquid molitur contra jus Civile, quod potest mollire, ac mitigare, non evertere. *l. 1. §. 1. ff. de feriis.* Adedque numquam apertè legem oppugnat, sed per cuniculos; & non directò obviam ite legibus, sed per anfractus propositis quibusdam remediis, quibus subveniri miseris, & rigore juris oppressis. Sed hoc fieri non potest sine aliquo facto hominis, quod percurrenti totum jus Prætorium clarè apparebit. Imò, & cum non agitur de emendando, & oppugnando jure Civili, tamen jus Prætorium ipso jure non operatur. Quamobrem licet stipulatio contrariâ stipulatione tollatur ipso jure, quia stipulatio juris Civilis autoritate nititur, tamen pactum contrario pacto ipso jure non tollitur; sed necesse est, ut elidatur replicatione *l. si unus 27. §. pactus ff. de pact.* quia pacta nituntur Prætoris autoritate. *l. 1. l. juris Gentium 7. §. ait Prætor ff. de pact.* Ac propterea, licet secundo pacto actum sit, ut res ad terminos, & præcepta juris Ci-

vilis redigatur, tamen ipso jure non tollit prius pactum. Hoc enim proprium est solius legis, operari ipso jure. Prætor autem tantâ autoritate non pollet.

Ad textum autem in *l. ei qui se bonis ff. de acquir. vel om. hered.* facilis est, & prompta responsio. In eâ lege non quaeritur, an videatur se abstinuissè, qui se non miscuit, sed solum, an qui vult abstinere, debeat Prætorèm adire. Et ab eo impetrare beneficium abstinendi, sicut impetratur restitutio in integrum, sicut petitur bonorum possessio: & statuitur, necessarium non esse Prætorèm adire, sed solâ destinatione, & voluntate abstinendi sui posse suos hæredes hoc beneficio. Ut enim suprà diximus, eadem ratione, eodemque modo potest quis abstinere ab hæreditate, quo potest hæres extraneus adire hæreditatem. De hoc agi constat in eâ lege, quia Jurisconsultus probat hanc sententiam rescripto quodam, quo continebatur, non esse necessariam restitutionem pupillis adversus contractum avitum, si eorum pater constituerat non agnoscere paternam hæreditatem, & neque quicquam amovit, neque pro hærede gessit. Et merito: quia si constituit non agnoscere paternam hæreditatem, & declaravit se abstinere; hoc ipso abstinit; nec possunt ejus filii conveniri, sicut nec ipse conveniri potuisset. *l. necessarij ff. de acquir. vel om. hered.* Vel solum constituit non agnoscere hæreditatem, sed tamen re vici non abstinit, ut in *l. si servum §. Prætor ff. de acquir. hered.* & hoc casu si neque pro hærede gessit, neque quicquam amovit ex hæreditate; quibus modis amittitur beneficium abstinendi; *d. l. si servum §. ait Prætor l. necessarij ff. eod.* poterunt ejus filii abstinere, sicut ipse vivens abstinere potuisset; *l. si quis 7. §. si filius ff. eod.* ac propterea non indigebunt restitutione, quæ non datur illis, qui jure muniti sunt. *l. in causa 16. ff. de minor.* Sensus igitur ejus legis hic est. Ei, qui se non miscuit hæreditari, sive major, sive minor sit, semper liberum est se abstinere. Nec cogitur Prætorèm adire; neque ut ab eo restituatur in integrum: quia ei,

qui se non miscuit, in integrum restitutionem necessaria non est, sed solum ei, qui se miscuit; *l. necessariis* §. 1. ff. de acquir. hered. neque ut ab eo obtineat hoc beneficium, 77 quia hoc à Prætorè impetrare non est necesse, cùm Prætor hoc largiatur omnibus volentibus eo uti, §. *sui autem. versio. sed his. Inst. tit. de hered. qual. & differ.*

Imò, ut dicam quod sentio, & quod nostri non animadvertunt, exillimo in eà legè solum agi de restitutione in integrum, 78 & hoc tantum ab Ulpiano definiri, non esse necessarium in integrum restitutionem ei, qui se non miscuit hereditati: licet enim sit hæres ipso jure, tamen non debet à se amovere hereditatem adeundo Prætorè, & petendo ab eo restitutionem, cùm possit liberari abstinendo ab hereditate: quà de re copiosè etiam agit in *l. necessariis* ff. eod. Multa sunt; qui conjecturam hanc facio. Primum ea lex deprompta est ex libro undecimo Ulpiani ad Edictum, quo in libro Ulpianum exposuisse edictum Prætoris de restitutionibus in integrum satis 79 constat ex *l. 1. ex l. denique* §. ex *l. si tamen* §. ex *l. ait Prætor* 7. ex *l. si ex causa* 9. ex *l. verum* 11. ex *l. in causa* 13. ex *l. minor autem* 18. *Quod ab usque. l. integrum* 22. ff. de minor. in quibus copiosè, & enucleatè pertractatur materia restitutionis in integrum, quæ minoribus datur; atque omnes depromptæ sunt ex libro undecimo Ulpiani ad Edictum. Libro autem duodecimo pertractavit Ulpianus de restitutione, quæ majoribus à Prætorè datur, ut constat ex *l. 1. 3. 5. 7. 10. 12. 15. 17. 21. 23. 26. 28. ff. ex quibus caus. major.* Præterea in scripto, quod allegatur in ea lege, aperte tractabatur solummodò de restitutione in integrum. Denique, & verba illa, *non esse necesse Prætorè adire*, maxime convenienti petitioni restitutionis in integrum, *l. verum* 11. §. ex *facto l. Papinianus* 20. ff. de minor. *l. 3. C. si minor se major. dixerit.*

Non dissimile est argumentum, quod petunt ex *l. 1. C. si minor. ab hered. se abstin.* ibi: *si vos paterna hereditari non immiscuistis, & cum rei restitutio necessa-*

ria non fuit, cum fides veritatis verborum adminicula non desideret. Quid si pro herede gessistis, vel bonorum possessionem accepistis, propter aetatem, cui subveniri solet, in integrum restitutionis auxilium accipere debetis.

Non dissimilis etiam responsio. Suus hæres volebat abstinere ab hereditate. Respondent Imperatores, quod si minor est, & pro herede gessit, debet petere restitutionem in integrum, sine quâ amplius abstinere non potest. *d. l. necessariis.* Si verò pro herede non gessit, hoc est, paternæ hereditati se non immiscuit, non indiget restitutione, etiamsi non fuerit testificatus nolle se immiscere. Ut enim quis possit abstinere, sufficit eum se non miscuisse: & omnis testificatio supervacanea est, quia veritas non desiderat verborum adminicula. Quod si quis contendat, eum abstinere non potuisse; ipse, qui hoc contendit probare debet eum, antequàm abstineret, se immiscuisse, quia per immixtionem amittitur beneficium abstinendi; sufficit sola veritas, hoc est, ut verè se non immiscuerit. Quibus expositis non video, quid obitet nostræ sententiæ.

Nullius quoque momenti est alterum argumentum petitum ex *l. si filius* 12. ff. de vulg. ibi: *etiam si jus dicenti propositum est liberos oneribus hereditariis non spontè susceptis liberare, non invitò ab hereditate removere.* Etenim in ea quoque lege agit de filio volente abstinere ab hereditate paternâ. Constat id ex principio ejusdem legis, ibi: *si filius, qui patri, ac postea fratri ex secundis tabulis hæres existit, hereditatem patris recuset, fratris autem retinere malit.* Quæstio igitur ibi proposita est, an filius possit abstinere hereditate patris, & retinere hereditatem fratris: & respondet JC. posse: quia Prætori propositum est liberos oneribus hereditariis liberare, non invitò ab hereditate removere. Quos liberat oneribus hereditariis? nempe abstinentes, & recusantes hereditatem patris. Quos non removet invitò? nempe volentes retinere hereditatem. Imò retorqueri potest argumen-

rum. Nam ibi JC. promiscuè accipit filium recusare patris hæreditatem, & cum liberari oneribus hæreditariis. Cum enim quæsierat, an rectè recuset patris hæreditatem; responderet rectè recusare, quia Prætori propositum est liberos oneribus hæreditariis non spontè susceptis liberare? Ergo liberat solum recusantes. Et enim si liberaret etiam non abstinentes, absurda esset illa responsio, & aliena à quæstione proposita, nec eam solveret. Planè hoc in errore induxit interpretes nostros, quòd ea, quæ in jure nostro tradita sunt de filiis abstinentibus, acceperunt perinde ac si dicta essent de non abstinentibus.

Denique non obstat textus in *l. nam nec emancipatus* 87. ff. de leg. 1.

3 Nam & ibi agitur de filio abstinate. Proponitur in duabus legibus antecedentibus quæstio, an, si filio instituto pater legatum reliquerit, & filius abstinuerit hæreditate, possit legatum petere. Responderi possit. Sicut enim emancipatus potest omittà hæreditate

4 legatum petere; ita & suus hæres abstinens ab hæreditate, potest legatum petere: quia filiis abstinentibus tribuitur Prætor idem, ac emancipatis: hoc est idem, ac si habuissent liberum arbitrium adeundi hæreditatem. Sed hoc tribuit abstinentibus, quia, ut supra diximus, beneficium suum Prætor impetratur solummodò volentibus.

CAPUT X.

Ad l. filio praterito 17. ff. de injuss. rupt.

SUMMARY.

- 1 Filio praterito se abstinate, ex bono, & a quo voluntas testatoris est servanda.
- 2 Voluntas testatoris servari potest non solum ex testamento, sed etiam ab intestato.
- 3 Si quis omittà causâ testamenti possideat ab intestato hæreditatem, Prætor tunc desuncti voluntatem quoad legatâ.
- 4 Aliud exemplum.
- 5 Quomodò possit servari ex testamento?
- 6 Proponuntur tres sententia.
- 7 Praterito abstinate testamentum jure Civili non convalescit.
- 8 Praterito suo herede testamentum est ipsi jure nullum.
- 9 Et non potest convalescere, cum nunquam fuerit testamentum.

- 9 Desunctorum actus in suspensio esse non possunt.
- 10 Testamentum ab initio nullum, aut postea ruptum, irritumque, nunquam jure Civili convalescit: probatur exemplis.
- 11 Proponitur exceptio in casu captivitate.
- 12 Et in casu restitutionis damnatorum.
- 13 Praterito decedente ante patrem non convalescit testamentum.
- 14 Etiam si prateritis sit posthumus.
- 15 Sui est hæres, & antequàm abstineat, & postea, & 31.
- 16 Non valet hujusmodi testamentum: si filius minus viris decesserit, Titius hæres esto.
- 17 Institutio & exhereditatio liberorum sunt de formâ.
- 18 Forma hominum arbitrio mutari non potest.
- 19 Conventionio patris, & filii fieri non potest, ut liceat filium praterire. & 23.
- 20 Filius non potest institui sub conditione, qua non sit in ejus potestate.
- 21 Conditiones impossibiles, & turpes detrahuntur ab ultimis voluntatibus.
- 22 Filius non potest institui sub conditione turpi, vel impossibili.
- 23 Forma testamenti præscripta est à legibus.
- 24 Testamenti factio est juris Publici.
- 25 Jus Publicum privatorum pactis mutari non potest. & 46.
- 26 Non potest patronus liberti permittere, ut se praterat.
- 27 Patroni institutio non est de forma testamenti, & idè valet testamentum, in quo prateritis vj patronus.
- 28 Qua sunt ipso jure, etiam nobis inviti sunt: & explicatur.
- 29 Beneficium abstinenti est à Prætor.
- 30 Non potest Prætor efficere, ut valeat jure Civili, quod eo jure improbatum.
- 31 Si valet testamentum, non potest esse locus intestata successioni.
- 32 Nemo potest abstineri ab hæreditate, nisi jam quæsitâ.
- 33 Desunctus decedit intestatus, cum testamentum non valet.
- 34 Unusquisque potest renunciare suo beneficio.
- 35 Volenti non fit injuria.
- 36 Emphyteusis per non solutionem canonis recidit solum volenti domino.
- 37 Valet alienatio, facta cum consensu veneratorum, si eorum favore fuit interdicta.
- 38 Judicium convalescit, si dominus ratum habeat, quod gessit procurator.
- 39 Testamentum propter prateritionem nullum est, non propter injuriam factam filio.
- 40 Majori injuriâ afficitur exhereditatus, quàm prateritus.
- 41 Nullum pariter non est favore filiorum.
- 42 Affertur ratio, cur testamentum valuit prateritis, non exhereditatio. & u. 45.
- 43 Duo in solidum domini, aut heredes esse non possunt.
- 44 Nemo potest renunciare suo favori, quando respicit jus Publicum.

- 47 *Probatur exemplis.*
 48 *Conditiones alia sunt suspensiva, alia resolutiva : & harum exempla.*
 49 *Nullitas testamenti non pendet à conditione resolutiva.*
 50 *Non datur conditio resolutiva nullitatis.*
 51 *Jus est, quod bonum & æquum est.*
 52 *Hac descriptio convenit juri Civili in genere.*
 53 *Jus Civile in specie sæpe opponitur æquitati.*
 54 *Quod ipso jure nullum est, non rumpitur.*
 55 *Ipso jure rumpi dicitur id, quod ipso jure non valet.*
 56 *Aliud est rumpi ipso jure ; aliud ex post facto rescindi.*

Filio præterito, qui fuit in patris potestate, neque libertates competunt, neque legata præstantur, si præteritis fratribus partem hæreditatis advocavit : quod si bonis se patris abstinent, licet subtilitas juris refragari videtur, attamen voluntas testatoris ex bono, & æquo tenebitur. Constat ex hac lege, filio præterito se abstinente voluntatem testatoris tuendam esse. Potest voluntas testatoris defendi, & observari vel ex testamento, vel ab intestato. Ab intestato ; quemadmodum, cum quis omnia causa testamenti ab intestato possidet hæreditatem : tueretur enim Prætor defuncti voluntatem quoad legata, perinde ac si ex testamento hæreditatem adivisset ; *l. 1. & toto tit. ff. si quis omnia caus. testam.* quemadmodum conservantur libertates, & fideicommissa alumnæ data in *l. in testamento 38. ff. de fideicom. liber.*

Ex testamento, si aut testamentum jure Civili convalescat abstinate filio præterito, quod propter præteritionem erat ipso jure nullum ; *l. 1. ff. de injust. rupt.* aut à Prætoris sustineatur darâ bonorum possessione secundum tabulas hæredibus scriptis in testamento.

Si defenditur voluntas ab intestato, corrumpit institutio, & solummodò legata præstantur. Si convalescit jure Civili testamentum, omnia sustinentur, & hæres poterit adire hæreditatem. Si sustinetur jure Prætorio, omnia pariter subsistunt, sed non poterit ab hærede scripto hæreditas adiri, & confugere debet ad bonorum possessionem secundum tabulas. Hinc Interpretes nostri dividuntur in tres classe ; alii tum jure Civili convalescere putant testamentum, tum jure

Prætorio : alii solum jure Prætorio sustineri ; alii denique neutro jure subsistere, & ab intestato defendi voluntatem defuncti. Eam, quæ inter duas media est, opinionem probamus, quæ & communis est, & verior videtur : nempe jure Prætorio subsistere testamentum, si filius in eo præteritus bonis paternis abtineat. Primum autem probandum est, illud jure Civili nullum esse, eoque jure non convalescere, etiamsi filius præteritus abtineat hæreditate patris.

Quod jure Civili non subsistat testamentum, in quo præteritus est filius, id passim in jure nostro traditum est, & quidem sine ulla exceptione ; unde conjecturâ consequi possumus, ipsum numquam subsistere, nullo casu convalescere. *l. inter cætera 30. l. dum apud 31. ff. de liber. & post. l. si quis cum 16. in fin. ff. de vulg. l. 1. ff. de injust. rupt. l. ex facto 43. §. Lucius Titius ff. de vulg. princ. tit. Instit. de exhered. liberor. l. maximum vitium in princ. & in §. 1. C. de liber. præterit.*

Nec dici potest, quod licet testamentum sit ipso jure nullum, tamen filio abstinate ex bono, & æquo convalescat. Quod enim nunquam fuit, quod statim nullius momenti fuit, convalescere non potest. Eger potest convalescere : mortuus potest reviviscere, sed qui numquam natus est, neque convalescere potest, neque reviviscere. Testamentum autem, in quo præteritus fuit filius : qui erat in potestate, numquam fuit testamentum ; nam & ab initio nullius fuit momenti, numquam valuit, semper fuit inutile. *l. 1. ff. de injust. rupt. l. si quis 16. §. ult. l. ex facto §. Lucius ff. de vulg. princ. tit. Instit. de exhered. liber.* Quare nunquam in jure nostro traditum est, hujusmodi testamentum pendere, & in suspensio esse, sed semper inutile, & nullius momenti, quia defunctorum actus suspendi non possunt. *l. ult. in fin. ff. commun. pred.* Suspenderet autem, & penderet ab approbatione filii, si eo abstinate subsisteret, & non abstinate corrueret.

Præterea testamentum, quod jure Civili nullum est, numquam convalescit : imò etsi ab initio valuerit, si postea ruptum fuerit, amplius non reviviscit, etiamsi removeatur.

causa, quæ testamentum illud evertit. Sic prius testamentum non convalescit, etiamsi posterius, quo ruptum fuit, irritum fiat. §. *posteriore Instit. tit. quib. mod. testam. infirm.*
 10 Sic testamentum, quod per capitis diminutionem irritum factum est, etiam cessante, & sublata causa non convalescit jure Civili, sed solum jure Prætorio. §. *alio autem modo juncto §. non tamen Instit. eod. l. penult. §. 1. ff. de bonor. posess. secund. tabul. l. posthumus 12. versic. idem & circa ff. de injust. rupt.* Sic testamentum, in quo præteritus est filius, non convalescit jure Civili, etiamsi filius vivo testatore moriatur. *princ. tit. Instit. de exhered. liber. l. si filius 7. ff. de lib. & post.* Et hoc voluit significare Pomponius in *l. si primo 8. ff. de lib. & post.* illis verbis: *secundum sententiam, quæ videtur, non erit secundus heres, quasi ab initio inutiliter institutus.* Et Legislator noster in *princ. tit. Instit. de exheredat. liber.* ibi: *adeo quod dem. ut si vivo patre filius moriatur, nemo ex eo testamento heres existere possit, quid scilicet ab initio non constituitur testamentum.* Solummodo convalescit testamentum, quod fuit factum irritum per captivitatem: sed necessaria fuit lex Cornelia, & jus postliminii ad ipsum confirmandum, quibus non tam confirmatur, quàm fingitur numquam fuisse irritum: cujus exemplo idem videtur constitutum etiam in restitutione damnatorum facta à Principe. *l. si quis filio 6. §. quatenus, penult. ff. de injust. rupt.* Ergo, si jure Civili neque testamentum, quod initio fuit nullum, neque testamentum, quod postea factum est irritum, convalescit, remota, ac sublata causa, propter quam testamentum non valet; dubitari non potest, ne quidem convalescere, cum filius abstinet ab hereditate.

Confirmatur, quia, etiamsi filius ille decessisset ante patrem, à quo fuit in testamento præteritus, tamen testamentum non convalesceret. *l. si filius 7. ff. de lib. & post. princ. tit. Instit. de exhered. liber.* Imò si præteritus sit posthumus, initio, antequam nascatur, valet testamentum, & solum rumpitur nascente posthumo. §. *posthumus quoque Instit. tit. de exhered. liberor. l. 1. C. de post. hered. Instit.*

Licet autem valeat initio, licet rumpatur 14 solum nascente posthumo, tamen ejus morte non reviviscit, nec ad pristinum statum reddit *l. 2. C. eod.* Si testamentum non reviviscit morte filii, ob cujus præteritionem nullum fuit, aut ruptum; quantum miris reviviscere poterit filii abstentione; Filius, qui mortuus est vivo testatore, nec hæres est, nec esse potuit: filius, qui abstinet, & hæres esse potuit, & hæres fuit; antequàm abstineret, statim à morte testatoris ipso jure; *l. 1. §. 15 qui sunt in potestate ff. si quis unius. cum testam. l. si post mortem. §. 1. l. quæsitum 91. §. 1. sententia ff. de legat. 1. l. Julianus 86. ff. de cond. & demonst. l. si oprio 13. ff. de opt. legat. & denique hæres manet, etiam postquam abstinuit. l. cum quasi §. sed etsi suus ff. de fideic. libert.*

Confirmatur evidentius. Si quis ita testatus fuerit: *si filius meus me vivo decesserit, Titius hæres esto*; non valet hujusmodi testamentum. *l. si quis cum 16. in fin. de vulgar. & pupill.* Et tamen nullum videtur obstare impedimentum huic testamento. Nam aut filius decessit 16 vivo patre, & tunc non potest obstare heredi, qui sub eà conditione est institutus, quæ existit moriente filio. Aut non decessit, & tunc deficit institutio deficiente conditione. Itaque nec filius obstat heredi, nec hæres obstat filio; quia ex naturâ institutionis simul concurrere non possunt; adeoque nec hæres institutus excludit filium, nec filius heredem institutum. Sic igitur concludi licet. Non valet testamentum, quando hæres institutus est in eum casum, in quo filius hæres esse non potest: ergo multo minus valet testamentum, quando ventum est ad eum casum, in quo, licet filius hæres esse nolit, tamen verè hæres fuit, & concurrat cum herede instituto. Rursus probatur hæc sententia, quia institutio, & exhereditatio filiorum est de forma testamenti; *l. inter cetera ff. de lib. 17 & postum.* forma autem hominum arbitrio mutari non potest, quia mutata formâ actus 18 interit. *l. Julianus 9. §. sed si quis ff. ad exhibend.* Quamobrem hæc in re, & patris cautio inutilis est, *l. ult. ff. de suis, & legit. hered. & patris, & filii conventio. l. si quan-*

- 19 de 35. §. *Illud C. de inoff. testam.* Prævalet enim privatorum cautioni, & voluntari legum auctoritas, d. l. ult. ff. de suis, & legit. Ergo, etiamsi filius maximè voluerit testamentum subscibere, tamen non proinde testamentum convalescet, quod contra legum auctoritatem factum est.

Confirmatur ex l. *filius* 15. ff. de condi.

- 20 *infir.* Non potest institui filius sub conditione, quæ non est in ejus potestate. *l. suus* 4. ff. de hered. *infir.* *l. Lucius Titius* 33. ff. de condit. & demonstr. *l. 4. C. de infir. & substit.*
- 21 *stit.* Condicio impossibilis detrahitur à jure in institutionibus, *l. 1. ff. de condit. infir.* *l. cum in secundo, in fin. ff. de injust. rupt. l. multa* §. 1. ff. de condit. & demonstr. *l. quæ sub conditione §. mortuo ff. de cond. infir.* sicut etiam detrahitur conditio turpis: nam omnes hujus generis conditiones pro non scriptis habentur. *l. non dubitamus ff. de condit. & demonstrat. l. conditiones, & l. pen. ff. de condit. infir. l. reprehendenda C. de infir. & substit. l. si à milite* 30. §. *edilium ff. de test. milit.* Si filius fit institutus sub conditione turpi, vel impossibili, videtur dicendum valere institutionem, quia conditio illa pro non scripta habetur, eaque detracta manet
- 22 *pura* institutio. Tamen quia præteritus filius est contra formam testamenti, & filius institutus sub conditione, quæ non est in ejus potestate, pro præterito habetur, conditio illa non detrahitur, & coarctat testamentum. *d. l. filius* 45. ff. de condit. *infir.* Si igitur ad sustinendum testamentum nullum propter filii præteritionem lex ipsa non detrahit conditionem, quam detrahere solet ex aliis testamentis; ne subsistat testamentum, in quo peccatum est contra formam ipsius testamenti; quantum minus poterit id sustineri solâ voluntate filii abstinens ab hæreditate? Non videtur peccasse contra formam, qui adjecit eam conditionem, quæ habetur pro non abjecta: sed tamen eo solo, quod adjecit illam conditionem, lex improbat, & everit testamentum, & recusat detrachere conditionem, ad sustinendum testamentum. An igitur probabit testamentum, in quo filius non est institutus, sed præteritus? in quo filius

deffarii Inftit. tit. de hered. qual. & differ. Sed testamentum, in quo præteriti sunt liberi, evertitur ipfo jure: *l. maximum vitium §. 1. C. de liber. præter.* ergò evertitur etiam contra voluntatem filii. Item, quoties aliquid ipfo jure rescinditur, non attenditur factum hominis, & semper idem jus est, siue quid factum fuerit, siue non fuerit. *l. mulieri, & Titio 74. junctà l. hoc modo 64. §. 1. ff. de condit. & demonst.*

Ad alia jam progrediamur. Primum est animadvertendum, quòd in noftis: *l. filio præterito*, agitur de filio abstinente. Beneficium abstinendi est à Prætorè. *§. sui autem, verſe. sed his Inftit. tit. de hered. qual. & differ. l. necessariis ff. de acquir. vel omit. hered. l. nam nec emancipatus ff. de legat. 1.*

Quomodò autem potest Prætor efficere suo beneficio, ut jure Civili subsistat testamentum, quod ab eodem jure improbat, cum Prætor juri Civili derogare non possit: *l. 1. §. 1. ff. de feriis.* Potest quidem Prætor ipse approbare testamentum; non tamen potest cogere jus Civile ad approbandum: maxime quia Prætor heredem facere non potest. *§. quos autem Prætor Inftit. tit. de honor. posses.* Non potest igitur efficere heredem eum, qui scriptus est in testamento. Non potest autem subsistere testamentum, si hæres esse non potest. *l. 3. verſe. Calpurnius ff. de his quæ in testam. delent.*

Secundò, quòd filius, qui abstinere ab hereditate, non solum hæres est, antequàm abstineat, *l. 1. §. qui sunt in potestate ff. si quis omis. caus. testam.* sed etiam, postquàm abstinuit, hæres manet. *l. cum quasi §. sed etsi sunt ff. de fideicom. liber.* Est autem, & fuit hæres ab intestato: ex testamento enim, in quo præteritus est, hæres esse non potest. Igitur, si testamentum jure Civili convalesceret, ipse esset jure Civili hæres ab intestato; & hæres scripti in testamento eodem jure Civili essent hæres ex testamento, quod fieri non potest. *l. jus nostrum ff. de reg. jur.* Item si jus Civile facit filium heredem ab intestato; eumque, etiam postquàm abstinuit, pro hærede habet, non potest comprobare & confirmare testamentum: neque enim locus

esse potest successioni ab intestato, si valeat testamentum, & successio ex testamento deferatur. *l. quamdiu ff. de acquir. vel omit. hered.*

Tertiò, quòd filius abstinere ab hereditate; à quâ hereditate? cerè ab hereditate jam acquisitâ. Abstinemus enim ab hereditate acquisitâ. *l. 1. §. si quis adia ff. ad SC. Tertull. l. jam dubitari 86. §. ult. ff. de hered. instit. l. cum hereditate §. 5. & l. penult. ff. de acquir. hered.* Sed cujus generis hereditatem acquisivit? non testamentariam, quia ea testamento defertur: ille autem in testamento non fuit institutus. Ergo ab intestato. Defunctus igitur decessit intestatus, quia hereditas ab intestato tunc tantummodo defertur, cum defunctus intestatus decessit. *Instit. tit. de hered. quæ ab int. defer.* Defunctus autem decedit intestatus, cum testamentum non valet. *prin. tit. Instit. eod. l. 1. in prin. ff. de suis & legit. hered.*

His probò constitutis, quæ opponi possunt, argumenta consuemus. Primum autem, potest unusquisque contemnere ea, quæ pro se introducta sunt; *l. si iudex ff. de minor. & beneficium suo, suoque privilegio renunciat. l. ult. C. de pact. l. invito ff. de reg. jur.* Poterit ergo filius approbare testamentum patris, in quo præteritus est: quod enim sit nullum propter præteritionem, favore filii videtur introductum. Item propter injuriam factam filii, à lege improbetur testamentum. *Authent. ut cum. de appel. cogn. §. hac autem. in prin.* Sed volenti non fit injuria: *l. 1. §. usque adco ff. de injur. & omnis injuria remissione aboletur. l. non solum 11. §. 1. ff. de injur. §. hac actio. tit. eod. l. qui res 98. §. aream ff. de solut.*

Confirmatur exemplo emphyteusis, in qua si emphyteuta per biennium canonem non solvat, decidit ab emphyteusi: sed quia hoc respicit commodum domini, decidit solum, si Dominus voluerit. *l. 2. C. de jure emphyteut.* Item si alienatio rei, fideicommissio subiecta, sit interdicta favore fideicommissariorum, consentientibus fideicommissariis valebit alienatio. *l. quoties ab omnibus 11. C. de fideicom. l. cum præter. §. libertis ff. de leg. 1.*

privatorum pactis mutari non potest. *l. jus Publicum ff. de pact. l. ult. ff. de suis & legit. hered.* Quare licet solemnitas septem testium constituta sit favore testatoris, ne qua fraus, aut dolus obrepat; *l. ult. C. de fideicom.* tamen testator huic solemnitati renunciare non potest, nec cavere, ut sustineatur testamentum sine hac solemnitate. *l. si unus C. de testam.* Licet necessitas instituendi patronum vergat in favorem patroni; tamen hanc necessitatem patronus remittere non potest.

47 *l. Paulus 47. §. Patroni ff. de bon. libers.* Licet querela inofficiosi testamenti tendat in favorem filii exhereditati, tamen filius patri nequit hoc jus remittere. *l. si quando 35. §. illud C. de inoff. testam.* Licet jusjurandum respiciat favorem litigantium, tamen ipsorum conventionem huic renunciari non potest. *l. 2. §. sed quia veremur C. de jurejur. propri. calumn.* Et infinita in jure nostro occurrunt exempla.

Secundò opponi potest, quòd, cum non omnes conditiones suspendant actum, sed sint quædam conditiones resolutivæ, quarum eventu actus, qui initio valebat, resolvitur; *l. 2. ff. de in diem addit. l. 1. ff. de leg. commiss.* nihil impedit, quominus testamentum sit initio nullum, & postea filio abstinente resolvatur hæc nullitas, & testamentum convalescat. Sic testamentum, quod initio valet, postea resolvitur hærede non adeunte hereditatem. *l. si nemo 181. ff. de reg. jur. l. eam quam C. de fideicom.* Si legatarius à se repulerit legatum, numquam videtur ejus dominus fuisse; *l. si tibi homo 88. §. cum servus ff. de legat. 1.* licet dominium statim, & rectà viâ transeat in legatarium. *l. à Titio 64. ff. de furt.*

Respond. quòd, si filio abstinente resolveretur nullitas testamenti, non opus fuisset confugere ad æquitatem, ut sustineatur voluntas testatoris; nam si nullitas testamenti penderet à conditione resolutivâ, existente conditione nullitas resolveretur; eaque resoluta testamentum ipso jure subsisteret: ut accidit in exemplis allatis.

Præterea haud scio, an usquam detur conditio resolutiva nullitatis. Datur qui-

dem conditio resolutiva actus: sed conditio resolutiva nullitatis videtur esse suspensiva actus, præsertim cum agitur de hereditate in qua conditio, & additio tetrahitur ad 50 tempus mortis. *l. heres quandoque ff. de acquir. hered.* Nam si resolvitur ab initio nullitas, valet testamentum; si non resolvitur, numquam valet. Itaque dum incerta est hæc resolutio, in suspensio est, an valeat, vel non valeat testamentum.

Sed impugnatur responsio ex *l. filio præterito ff. de injust. rupt.* ubi dicitur sustineri testamentum ex bono, & æquo: ergo de jure Civili, quod bonum & æquum est. *l. 1. ff. de just. & jur.*

Resp. quòd in ea lege juris nomen in genere accipitur, & comprehendit jus Naturale, jus Gentium, jus Civile, jus Prætorium; adeoque non potest ita concludi: sustinetur ex bono, & æquo, ergo sustinetur jure Civili: maxime si sumamus jus Civile in specie, tamquam distinctum à jure Prætorio. Licet omne jus sit bonum, & æquum, tamen id maxime omnium convenit juri Prætorio, quia Prætor semper æquitatem sequitur: minime omnium convenit juri Civili, quod sæpenumero opponitur æquitati. *l. 2. §. quamquam ff. de aqua, & aqua pluv. Donat. in Terent. in Adelp. act. 1. sc. 1. Inter jus, & æquitatem hoc interest: jus est, quod omnia rella, & inflexibilia exigit: æquitas est, quæ de jure multum remittit. Senec. lib. 7. controv. 4. Albus 53. sius non juris fecit illam questionem, sed æquitatis. Symmach. epist. 52. lib. 10. In plerisque causis alterum jure, alterum æquitare nisi, Cic. pro Cæcin. Si contrâ verbis, & litteris, & ut dici solet, summo jure contendatur, solent hujusmodi iniquitati, æqui, & boni nomen dignitatemque opponere. Quintilian. lib. 4. Est aliquid æquum, sed prohibitum jure. Et in nostra lege filio præterito æquitas juri opponitur, ibi: licet subtilitatis juris refragari videatur.*

Possent etiam opponi text. in *l. inter cætera ff. de liber. & post.* considerando verbum illud, *rumpatur*: quod enim ipso jure nullum est, non rumpitur, nec rumpi pos-

test. l. nam etsi §. vers. post defectum ff. de injust. rupt.

Resp. quod rumpitur quidem testamentum, sed rumpitur statim, & rumpitur ipso jure: l. maximum vitium C. de liber. prae. hoc est, testamentum est nullum, est inutile. Sic enim in laudata l. inter cetera ff. de lib. & post. huius. explicatur in fine legis verbum illud *rumpatur*. Et merito: quia testamentum verè fecit testator. Cur igitur huiusmodi testamentum nullum est? cur testator decedit intestatus, perinde ac si testamentum non fuisset? nempe, quia testamentum statim rumpitur, & infringitur à lege. Quapropter in l. ex facto §. Lucius Titius ff. de vulgar. pro eodem accipit Paulus infirmari testamentum, & testamentum nullius esse momenti. In eadem significatione hæc accipiuntur in l. 1. §. 1. ff. de fer. l. juris gentium §. 7. & generaliter ff. de pact. Nam, quod ex post facto rescinditur, utique aliquando valuit: quod autem statim rumpitur, & evanescit ipso jure, & à lege, quæ non indiget tempore ad operandum, semper fuit nullum.

CAPUT XI.

Ad eandem l. filio praterito ff. de injust. rupt.

SUMMARIUM.

- 1 Ex testamento rupto nihil potest.
- 2 Testamentum aut jure Civili, aut jure Prætorio valet.
- 3 Filio praterito abstinente testamentum jure Prætorio convalescit. Probatur nn. seqq. per tot.
- 4 Verba ex bono & æquo maxime conveniunt Prætori, qui semper æquitatem spectat.
- 5 Tuendi verbum ad Prætorum refertur.
- 6 Filio praterito abstinente, Prætor dat scriptis hereditibus bonorum possessionem secundum tabulas cum re & n. 13.
- 7 Per beneficium abstinendi hæres necessarius à Præatore habetur pro voluntario.
- 8 Abstinens à Præatore non habetur pro hærede.
- 9 Prætor non potest improbare testamentum, cum dat praterito beneficium abstinendi.
- 10 Cum filius à jure pro voluntario habetur, testamentum sustinetur.

- 11 Testamentum, in quo prateritus est filius, jure Prætorio non est nullum: & quare. & n. 26.
- 12 Institutio, & exhereditatio non est de forma testamenti Prætorii.
- 13 Quod Prætor impugnatur, non est ipse jure nullum. Contraria sunt inter se juri aliquam ipso jure, & jure Prætorio.
- 14 Quævis Prætorum in pari causa sunt omnes liberi.
- 15 Filio instituto sub conditione Prætor dat bonorum possessionem secundum tabulas.
- 16 Datur hac solum rito institutus.
- 17 Successio Prætorum ex testamento duplex, secundum, & contra tabulas.
- 18 Filio exhereditato valet testamentum & quare.
- 19 Cessante bonorum possessione contra tabulas, Prætor dat ex testamento secundum tabulas.
- 20 Bonorum possessio contra tabulas datur etiam institutis, commissis per alium prateritum edicte.
- 21 Quoties testamentum solâ juris subtilitate non valet, sustinetur à Præatore. Vnde exempla numeris seqq. & n. 28.
- 22 Agnationis postumi, posteriore testamento, capitis diminutione non rumpuntur testamentum jure Prætorio.
- 23 Institutio non debet ex alieno arbitrio pendere. Et multò minus delatio hereditatis.
- 24 Distinguitur hac propositio.
- 25 Repudians, & abstinens non potest dici arbiter, & datur hereditatis, quia à lege, vel Præatore ea datur.
- 26 Exempla, quibus in alienum potestate est ipsa delatio hereditatis. & 33.
- 27 Hæres non adveniens corruis substitutione pupillaris.
- 28 Et corruis exhereditatio.
- 29 Filio praterito succeditur ab intestato per bonorum possessionem unde liberi. Distinguitur ut n. 35.
- 30 Exhereditatis non datur bonorum possessio contra tabulas.
- 31 Si prateritus petat contra tabulas, datur exhereditato querela: si verò dicat testamentum nullum, datur bonorum possessio unde liberi.
- 32 Ex testamento, in quo prateritus est suus hæres, nemo hæres esse potest.
- 33 Non potest filius abstinere ab hereditate non delata.
- 34 Non deservit ab intestato, nisi esset ex testamento.
- 35 Jus Civile non deservit hereditatem ex eo testamento, in quo prateritus est filius: socius est de jure Prætorio.
- 36 Olim in suis non erat successio.

Testamentum, in quo prateritus est suus hæres, etiam si ille abstinere hereditate, tamen jure Civili non convalescere supra demonstratum est. Constat tamen, legata, & libertates esse præstandas, & tuendam voluntatem testatoris. l. filio praterito in fin. ff. de injust. rupt. Constat etiam, ex testamento rupto nihil

te: ergo etiam, quoties suus hæres, quoad Prætorum, est hæres voluntarius, valebit jure Prætorio testamentum, & hæres institutus non repelleretur à successione prætoris, hoc est à bonorum possessione. Jure Civili suus hæres fit hæres voluntarius, quando à parente fuit hæres institutus sub conditione arbitraria. Potest enim parere conditioni, & hæres esse: potest & conditioni non parere, quo casu hæres non erit, & potius voluntate sua videbitur à se abdicasse hereditatem, quàm à patre fuisse privatus. Quapropter, si non pareat conditioni, patrem intestatum non facit, & hæres institutus admittitur. *l. finis 4. ff. de hæred. insti.* Jure Prætorio fit hæres voluntarius per beneficium abstinendi: *l. nam nec emancipatus ff. de leg. 1.* & abstinendo abdicat à se hereditatem, & à Prætoris pro hærede non habetur. *l. si filius 12. ff. d. interr. action.* Sicut igitur jure Civili hæres institutus in testamento admittitur, quando suus eo jure habetur pro voluntario, & à se abdicavit hereditatem; ita jure prætorio debet admitti, quoties suus à Prætoris habetur pro voluntario, & à se abdicavit hereditatem beneficio Prætoris. Atque id tantò magis, quia in eo concurrit solum ipsius voluntas abdicandi hereditatem: in hoc præter voluntatem ipsius concurrat etiam jurisdictio Prætoris, cujus autoritate abstinet ab hereditate. Quamobrem tenetur quodammodo Prætor approbare testamentum, quod filius Prætoris autoritate factus approbavit.

IV. Testamentum, in quo præteritus est filius, licet sit jure Civili nullum; *l. 1. ff. de injust. rupt. l. inter cetera ff. de suis & legat. hæred. l. maximum titum C. de liber. præter.* tamen jure prætorio non est ipso jure nullum, etiamsi à Prætoris improbetur, & à filio impugnatur. Ac propterea Prætor adversus hujusmodi testamentum dat bonorum possessionem contra tabulas. *§. sunt autem Insti. tit. de bonor. possess. §. emancipatus Insti. tit. de exhered. liber. l. 1. ff. de bonor. possess. contr. tab.* At bonorum possessio contra tabulas est ex testamento. *§. sunt autem Insti. tit. de bonor. possess.* Et per eam succeditur ex

testamento, non ab intestato. *l. 1. §. ita ansem ff. unde liberi. l. quis autem 6. §. hoc edictum ff. si quis omf. caus. testam.* Imò bonorum possessio contra tabulas non datur, nisi testamentum sit validum, & saltem jure Prætorio subsistat. *l. si duobus 12. in fin. versic. & ita jus habet l. quod vulgo 21. ff. de bonor. possess. contr. tab. l. 1. §. si hæres ff. si tab. testam. null. exstab.* Igitur de jure Prætorio non est ipso jure nullum testamentum, in quo præteritus est filius. Et ratio duplex est. Prima, quia Prætor in suo testamento non exigit pro forma institutionem, & exheredationem liberorum, quæ solum jure Civili exiguntur; sed sufficientia signa septem testium. *§. sed prædicta Insti. tit. de testam. ordinan. l. cum tabula & l. ut bonorum ff. de bonor. possess. contr. tabul.* Et idcirco, licet testamentum jure Civili ruptum fuerit propter præteritionem, tamen Prætor dat ex eo 13 testamentum bonorum possessionem secundum tabulas, ut ait Ulpian. *in fragment. tit. quemadmodum. testam. ruptum.* Si septem signis testium signatum sit testamentum, licet jure Civil ruptum, vel irritum factum sit, Prætor scriptis hæretibus juxta tabulas bonorum possessionem dat. Altera ratio est, quia, quod lex improbat, potest esse ipso jure nullum, & pro infecto haberi. *l. non dubium C. de legib.* Quod verò improbat, & impugnat Prætor, non fit ipso jure nullum, cum Prætoris auctoritas non habeat vim legis. Sunt enim hæc inter se contraria, fieri aliquid ipso jure, & fieri jure Prætorio, vel tuitione Prætoris. *l. 1. ff. quib. mod. usufruct. amitt. l. 1. in fin. ff. de superfic. l. 1. §. penni. ff. quod filio tutor. l. si usufructus 9. §. illud ff. usufruct. quemadmodum. cau. princ. tit. Insti. de perpet. & temp. acti.* Impugnat igitur Prætor testamentum, in quo præteritus est filius, non tamen illud rescindit, aut reddit ipso jure nullum, aut defunctum facit intestatum, ut aliàs luculentè demonstravimus.

Confirmatur, quia ratio, propter quam testamentum jure Civili nullum est præterito filio in potestate existente, tota est juris Civilis, & cessat jure Prætorio. Ratio enim,

cur testamentum ob præteritionem sit ipso jure nullum, nititur fictione juris Civilis, quod fingit filios etiam vivo patre quodammodo dominos bonorum paternorum, & continuationem domini in filios mortuo patre, *l. in suis 11. ff. de liber. & posthum.* 15 ut supra copiose exposuimus. Hæc autem fictio, hæc continuatio à Prætorè non attenditur: nam ipse in pari causa habet emancipatos, & existentes in potestate, & omnes eodem modo admittit ad successionem, §. *emancipatos Inst. tit. de exhæred. liber.* & nemo acquirit Prætoriam successionem ipso jure, sed omnes petere debent & agnoscere bonorum possessionem. Itaque, cum jus Prætorium suos hæredes non faciat; nec imponit necessitatem eos instituendi, aut exhæredandi, nec statuit, nullum esse testamentum, in quo præteriti fuerunt.

Irem confirmatur, quia jure Civili testamentum nullum est, etiam cum filius sit institutus sub conditione, quæ non est in ejus potestate: cum enim deficere possit, pro præterito habetur. *l. suis 4. ff. de hered. instit. l. Lucius 83. ff. de condit. & demonstr.* 16 *l. 4. C. de instit. & substit.* Et tamen ex hoc testamentum Prætor dat bonorum possessionem secundum tabulas: *l. 2. §. 1. ff. de bonor. posses. sec. tab.* quam bonorum possessionem dat solummodo jure scriptis hæredibus, & utiliter institutis. §. *sunt autem Instit. tit. de bonor. posses. l. hi demum 6. ff. de bonor. posses. secund. tabul.* 17

His positis, cum mortuo patre omnino deferri debeat ejus successio: necesse est ut deferatur aut successio ex testamento, aut ab intestato: neque enim ullum aliud est genus successionis, §. *ult. Instit. tit. per quas person. cuque acquiruntur.* Non potest jure Prætorio deferri successio ab intestato, quia, cum jure Prætorio subsistat testamentum, defunctus non deceßit intestatus, *princ. tit. Inst. de hered. qua ab int. l. 1. ff. de suis, & legit. hered.* Sequitur igitur ut deferatur successio ex testamento. Successio Prætorica ex testamento duplex est: contra tabulas, & 18 secundum tabulas. §. *sunt autem Instit. tit. de bonor. posses.* bonorum possessio contra ta-

bulas locum habere non potest, quia filius, cui competeat, abstinuit hæreditate. Superest igitur solummodo bonorum possessio secundum tabulas. Nec potest Prætor aliam bonorum possessionem dare, si vult aliquam bonorum possessionem dare, ut semper dat.

V. Filio exhæredato valet jure Civili testamentum; & scriptis hæredibus ex testamento defertur hæreditas, *princ. tit. Inst. de exhæred. liber. princ. tit. Instit. de inoffic. testam. l. Papinianus 8. §. si conditioni, versic. quoniam ff. de inoffic. test.* Atque id non aliâ ratione, nisi quia pater filium exhæredando advocat ab eo dominium bonorum paternorum, quod vivo patre habere fingeatur, eoque mortuo in ipsum continuatur, ut in superiore exposuimus. Atqui hæc continuatio non obtinetur jure Prætorio, sed tantum fictione juris Civilis: & per beneficium abstinendi Prætor advocat à suo hærede dominium, sicut advocat testator eum exhæredando. Ergo, sicut filio exhæredato admittitur hæres institutus ad hæreditatem, ita filio abstinente debet hæres institutus admitti ad bonorum possessionem: maxime cum Prætor admittat ad bonorum possessionem hæredem institutum, quando filius fuit exhæredatus, & ab eo avocatum dominium à patre. Quando magis eundem igitur admittere debet, quando ipse dominium illud à filio advocavit?

VI. Prætor scriptis hæredibus dat bonorum possessionem secundum tabulas, & sequitur judicium defuncti, quoties à liberis occupata non fuit bonorum possessio contra tabulas: quare, si aut tempus ejus petendæ fuerit finitum, aut eam repudiaverint, aut ante deceßerint, vel jus petendæ bonorum possessionis amiserint, tunc revertitur bonorum possessio ad scriptos. Ita Ulpianus in 10 *l. 2. in princ. ff. de bonor. posses. secund. tab.* Idem Ulpian. in *fragm. tit. de posses. dand. Secundum tabulas bonorum possessio datur scriptis hæredibus, scilicet si eorum, quibus contra tabulas competit, nemo sit, aut petere nolit.* Et in titulo *quemadmod. testam. rumpantur: Si septem signis testium signa-*

rum sit testamentum, licet jure Civili ruptum, vel irritum factum sit, Prætor scriptis hæredibus juxta tabulas bonorum possessionem dat, si testator, & civis Romanus, & sua potestatis, cum moreretur, fuit: qua bonorum possessio cum re, id est cum effectu habetur, si nemo alius jure hæres sit. Quare Imperator Alexander in l. 2. C. de bonor. posses. contra tab. ait, bonorum possessionem secundum tabulas locum habere non posse, si petita sit bonorum possessio contra tabulas: quo tacite innuit, quod, si contra tabulas petita non sit, locum habet secundum tabulas. Argumento text. in l. 1. ff. de offic. ejus, cui mand. est jurisd. Ex quibus evidentiissime constat, quod filio præterito abstinente, Prætor sequitur judicium defuncti, & dat scriptis hæredibus bonorum possessionem secundum tabulas: nam quoties filius abstinere ab hereditate, repudiat bonorum possessionem contra tabulas, & ejus petendæ jus amittit.

Imò in casu proposito in nostra *l. filio præterito ff. de injust. rupt.* in qua instituti fuerunt fratres abstinentes, habent illi bonorum possessionem contra tabulas, si velint, quia per filium præteritum committitur edictum, etiam si non petierit. *l. nonnumquam 14. & 11. seqq. ff. de leg. præst. l. si post mortem 10. §. ult. ff. de bonor. poss. contra tab.*

Denique in nostra *l. filio præterito ff. de injust. rupt.* testamentum non valet meâ juris subtilitate: ibi: *licet subtilitas juris refragari videatur*, sed quoties testamentum non valet juris subtilitate, sustinetur à Prætor per bonorum possessionem. Probatur id primò, quia si posthumus sit præteritus, & nascatur post conditum testamentum, statim rumpit testamentum, nec convalescit testamentum, etiam si posthumus vivo testatore moriatur. *l. 2. C. de post. hered. l. si à primò 8. in fin. ff. de liber. & post.* Quia tamen nimîa juris scrupulositate, ac subtilitate ruptum videtur, bonorum possessionem secundum tabulas accipere hæres scriptus potest. Sunt verba Ulpiani in *l. posthumus 12. ff. de injust. rupt.* Utrobique testamentum rumpitur præteritione sui hæredis: utrobique testamentum non valet juris subtilitate. Ex hoc testamento constat

dari bonorum possessionem secundum tabulas: cur non detur etiam ex illo?

Probatur alio exemplo. Si testamentum factum fuerit irritum capitis diminutione, licet tollatur capitis diminutio, & testator ad pristinum statum revertatur, tamen testamentum jure Civili non valet. Quoniam verò, si testator declaret se manere in pristina voluntate, & velle decedere cum eo testamento, sola juris subtilitas refragatur, Prætor tuetur voluntatem defuncti, & dat scriptis hæredibus bonorum possessionem secundum tabulas. *l. qui ex liberis §. testamento. ff. de bonor. poss. sec. tab. §. alio autem modo, juncto §. non tamen Insit. tit. quib. mod. test. infirm.*

Alterum exemplum habetur in eadem *l. qui ex liberis §. testamento*. Si quis posteriore testamento facto postremas tabulas incidisset, eâ mente, ut prius testamentum valeret; prius testamentum, licet jure Civili non valeat, ruptum à posteriore, §. *posteriore Insit. tit. quib. mod. testam. inf.* tamen sustinetur jure Prætorio, & datur à Prætor bonorum possessio secundum tabulas scriptis in primo testamento. Alterum exemplum est in *posthumus 12. versic. idem & circa in ult. ff. de injust. rupt.* Animadvertendum autem est, quod in superioribus exemplis, quantum attinet ad jus Prætorium, testamenta illa verè non rumpuntur, aut irrita fiunt; sed scriptis hæredibus petentibus bonorum possessionem secundum tabulas, aut obstat bonorum possessio contra tabulas, quam Prætor dat liberis præteritis; aut obstat exceptio mutatz voluntatis. Obstat bonorum possessio contra tabulas, quia, quando liberi præteriti fuerunt in testamento sive posthumi, sive jam nati, Prætor æquissimum ordinem sequitur dando prius bonorum possessionem contra tabulas liberis præteritis, mox secundum tabulas scriptis hæredibus, cessante contra tabulas. Quare mortuo posthumo, aut filio præterito, aut eo abstinente, non reviviscit propriè testamentum, quod jure Prætorio numquam fuit extinctum, aut ruptum; sed tollitur impedimentum bonorum possessionis contra tabulas, quæ obstat, quo minus à

Prætor daretur possessio secundum tabulas scriptis hæredibus : *l. 1. c. de bonor. possess. contr. tab. l. 2. in princ. ff. de bonor. possess. secund. tab.* in qua sunt observanda verba illa : *tunc revertitur bonorum possessio ad scriptos*. Revertitur ad scriptos, quia & ante non erant penitus exclusi, sed solum obstabat ipsis impedimentum bonorum possessionis contra tabulas, quæ præfertur, ac prævertit bonorum possessionem secundum tabulas. Sublato hoc impedimento revertitur ad eos bonorum possessio, ad quam & antea erant vocati.

Obstat exceptio, quoties aut testamentum ruptum est posteriore testamento, aut factum irritum capitis diminutione : quia jure Prætorio verè non concedit testamentum, sed scripto hæredi opponitur exceptio doli deficiente voluntate testatoris, qui primam voluntatem mutavit, cum secundum condidit testamentum, aut eum se dedit in atrogationem. *d. l. qui ex liberis §. testamento*. Quoties autem testator ad primam voluntatem regressus est, aut incidendo secundum testamentum, aut factus sui juris declarando voluntatem suam, tunc infringitur illa exceptio, & vires amittit : quia eam opponens nullum jus habet, cum opponat mutatum fuisse à testatore voluntatem, qui eum eâ voluntate decessit, & novâ voluntate primam voluntatem confirmavit. Si testamentum concedisset, nullâ voluntate revocari non posset, sed necessarium esset novum testamentum. Quia testamentum jure Prætorio non concedit, sed solum ope exceptionis infirmatur ; ad elidendam hanc exceptionem sufficit nuda voluntas testatoris. Hæc sunt, quæ breviter indicantur in *d. l. qui ex liberis*.

Ex his apparet, quid, quando testamentum non deficiat voluntate testatoris, sed sola juris subtilitas refragatur, Prætor ex eo dat bonorum possessionem secundum tabulas : quia Prætor in testamento solum requirit signa septem testium, & ut testator, cum moritur, sit civis Romanus, & suæ potestatis, ut docet Ulpianus in *fragment. loco laudato*. Illud etiam explorati juris est, ejusmodi testamenta jure Prætorio nulla atque inutilia non esse ; sed vires non habere,

quandiu ipsis obstat aliquod impedimentum vel exceptionis, vel bonorum possessionis contra tabulas ; sublato autem impedimento vires suas recuperate, & scriptos hæredes cum re bonorum possessionem obtinere.

Expandamus modò, quid contrà possit opponi. Primum autem illud est, quod non debet esse in potestate cujusquam, ad quem bona, & hæreditas alterius debeant pertinere, quia institutio ex alieno arbitrio pendere non debet. *l. illa infirmio ff. de hered. instit. & appositè ad rem nostram Justinianus in §. at hi versic. & idè Instit. tit. de hered. qua ab int.* ubi ait, quod esset iniquum in potestate patris adoptivi esse, utrum bona patris naturalis ad liberos, an ad agnatos debeant pertinere. Atqui, si filio præterito abstineret convalesceret testamentum, esset in potestate ipsius filii, utrum bona patris ad scriptos hæredes pervenire debeant, an ad hæredes ab intestato. Nam eo abstineret admitterentur scripti hæredes, quia convalesceret testamentum : eo non abstineret admitterentur hæredes ab intestato, quia testamentum corrueret. Atque addò etiam institutio ab ejus arbitrio penderet.

Sed facilis est, & prompta distinctio. Iniquum profectò est poni in potestate cujusquam extranei, qui nullum jus habet in hæreditate, utrum ea ad hunc vel ad illum pertinere debeat ; nemo enim alienæ hæreditatis, aut legati arbiter, & dator esse potest. *l. illa infirmio ff. de hered. instit. l. nonnumquam ff. de cond. & demonstr. Et de hoc casu agitur in laudato §. at hi 10. Instit. de hered. qua ab int. defer.* At verò non est iniquum, ut ille, qui vocatur ad hæreditatem, eam admittendo, vel non admittendo efficiat, ut hæreditas, quam à se rejicit, ad alium pertineat. Et ratio est, quia tunc hæres utitur jure suo. Nam si est hæres voluntarius, habet à lege jus deliberandi, & potest vel adire, vel repudiare hæreditatem pro suo arbitrio. *§. extraneis Instit. tit. de hered. qual. & differ. l. 1. ff. de jure delib.* Si est necessarius, etsi hoc jus non habeat à jure Civili, tamen habet à jure Prætorio, quo ipsi tribuitur jus abstinendi ; *§. sui autem*

Inst. de hered. qual. & differ. quo filius abstinens comparatur hæredi voluntario non adveniunt. *l. nam nec emancipatus 89. ff. de legat. 1.* Ergo tam hæres voluntarius, qui repudiat, quam suus hæres, qui abstinet, jure suo utuntur. An igitur iniquum erit quemquam jure suo uti? Pugnant hæc inter se: jure suo uti, & inique agere. Neque hæres, qui repudiat hæreditatem, arbiter ³¹ est, & datur hæreditatis. Licet enim eo repudiante fiat irritum testamentum, & hæreditas deferatur ad hæreses ab intestato, tamen illis non datur hæreditas ab ipso hærede, sed à lege. Hæres tantummodo repudiat hæreditatem, ad se pertinentem, quod cum facit, jure suo utitur; ceterum nihil disponit circa hæreditatem repudiatam: sed circa eam disponit ipsa lex. Disponit autem testamentum irritum fieri, & eoque irrito facto vocat hæreses ab intestato. *l. 1. ff. de injust. rupt. princ. Instit. tit. de hered. qua ab int.* Sicut igitur iniquum non est, hærede repudiante, deferri hæreditatem ad hæreses ab intestato; ita iniquum non est, filio præterito abstinente, deferri bonorum possessiones ad scriptos hæreses. Eo casu datur hæreditas à lege, non ab hærede repudiante: hoc casu datur bonorum possessio à Prætorio, non à filio abstinente.

Addo jam, quod non solum hæres omitendo hæreditatem, ad se delatam, potest ³² in causa esse, ut hæreditas ad alios devolvatur; sed etiam aliquando in arbitrio hæredis est, utrum hæreditas ad hunc, vel ad illum potius sit devolvenda. Primum enim, si in testamento, in quo quis hæres est institutus, datus fuerit à patre filio impuberi substitutus pupillaris; si hæres adeat, valet substitutio, & ad hæreditatem pupilli substitutus admititur; si hæres repudiet, corrumpit pupillaris substitutio, & ab hæreditate pupilli substitutus excluditur, & admittuntur hæreses ab intestato. *l. 2. §. quisquis ff. de vulg. & pupill.* ³³ Præterea, si pater, habens duos filios, alterum in potestate, alterum emancipatum; exhæredet filium in potestate, & prætereat emancipatum, & instituat hæredem extraneum; erit in potestate hujus hæredis extra-

nei, utrum velit hæreditatem totam pervenire ad emancipatum, an verò pro dimidia devolvi etiam ad filium in potestate. Nam si hæres institutus adeat hæreditatem, subsistit exhæredatio, & exclusio exhæredato emancipatus præteritus per bonorum possessionem contra tabulas auferet totam hæreditatem ab hærede instituto. Quod si hæres institutus repudiet, fit irritum testamentum, fit irrita exhæredatio, & exhæredatus pro dimidia parte succedet ab intestato. Est igitur in potestate hæredis instituti, utrum velit exhæredatum admitti, an excludi ab hæreditate. *l. filium 20. in princ. ff. de bonor. possess. contra tab.* ubi eleganter ait Tryphonius: *Eris ergo venale beneficium scripti hæredis extranei, ut, cum ipse jure hæreditatis nihil sit consecutus, adveniundo repellat filium in potestate relictum, præstetque assensum emancipato filio jure contra tabulas bonorum possessionis: si autem omiserit hæreditatem, in portionem bonorum exhæredatum effectum admittet jure factum solum suum hæredem.*

Secundum est, quod, quando præteritus est suus hæres, non succeditur ex testamento, sed solum ab intestato etiam de jure Prætorio. Datur enim à Prætorio bonorum possessio ³⁴ unde liberi. *l. ult. ff. de liber. & post. l. 1. in fine ff. Si tab. testam. null. existab.* Ea autem datur solummodo ab intestato, & cum certum est nullas tabulas existare. *l. 1. §. 1. & 2. ff. eod. l. bonorum ff. unde liberi §. sunt autem Instit. de bonor. possess.* Ergo, cum filius in testamento præteritus est, succedi non potest ex testamento.

Respondetur, leges illas ad rem nostram non pertinere, quia in illis non agitur de filio se abstinente, sed de filio se immiscente, qui vult patri succedere, improbatâ patris præteritione. Pater suum hæredem præterierat, emancipatum exhæredaverat. Exhæredatus non habet bonorum possessionem contra tabulas, quia ea non datur exhæredatis. ³⁶ *l. non putavit 8. ff. de bonor. possess. contra tab.* Præteritus autem, & potest dicere nullum testamentum jure Civili, & potest ipsum impugnare per bonorum possessionem contra tabulas jure Prætorio, si quidem velit adpi-

rare ad paternam hæreditatem. Si petat bonorum possessionem contra tabulas, quia est ex testamento, §. *sunt autem Inst. tit. de bonor. poss.* substitit exhæredario, & solum superest exhæredato querela inofficiosi testamenti, quâ potest patris testamentum impugnare. *l. si post mortem §. exhæredati ff. de bonor. poss. contra tab.* Si vero filius præteritus utatur remedio juris Civilis, & dicat testamentum nullum, tunc nullius momenti est exhæredatio, & uterque succedit ab intestato, perinde ac si pater nullas tabulas reliquisset: idè etiam Prætor dat eis bonorum possessionem *undè Liberi. d. l. 1. in fin.* Neutro autem casu possunt succedere hæredes scripti in testamento: quia filius præteritus non approbavit, sed impugnavit patris testamentum; & vel jure Civili; vel Prætorio avocavit à scriptis hæredibus hæreditatem. *l. filium 10. in princ. ff. de bon. poss. contr. tab.*

Tertium petitur ex *princ. tit. Inst. de exhæred. liber.* ubi ait legislator noster, quod ex testamento, in quo præteritus est filius, nemo hæres existere potest.

Facilis responsio. Sanè verissimum est, ex testamento, in quo præteritus est filius, neminem posse hæredem existere. Cum enim jure Civili testamentum sit nullum, non potest eodem jure Civili ex eo testamento hæreditas deferri. Imò etsi filius approbet testamentum, tamen ex eo non deferretur hæreditas, quia testamentum jure Civili non convalescit, ut supra demonstravimus. Cæterum non negat ibi Justinianus posse aliquem esse bonorum possessorem. Quamquam eo casu, de quo ibi agit Justinianus, neque hæres, neque bonorum possessor esse potest quisquam ex testamento: quia ibi filius præteritus non abstinuerat paternam hæreditatem, nec testamentum patris approbaverat, sed mortuus erat ante testatorem. Adeoque id ad rem nostram non pertinet.

Postremum, quod maximè urget, petitur ex nostra *l. filio præterito ff. de injust. rupt.* ubi supponitur filius præteritus abstinens bonis paternis. Non potest autem abstinere ab hæreditate testamentaria, quia in testamento præteritus est. Abstinet ergo ab hæreditate

ab intestato: non potest autem ab intestato ab hæreditate, antequàm ei deturatur. *l. 1. §. decretalis ff. de success. edicto l. 10. qui hæres 13. in princ. ff. de acquir. hered.* Ergò delata est filio hæreditas ab intestato: sed hæc non defertur, quamdiu locum habet successio ex testamento. *l. quamdiu ff. cod.* Ergò in casu nostræ legis locum non habet amplius successio testamentaria; ac proinde scripti hæredes non possunt ex testamento succedere.

Respondeo, hæc omnia verissima esse inspecto jure Civili. Hoc enim non defert hæreditatem ex testamento, in quo præteritus est suus hæres: nam cum jure Civili testamentum sit nullum, non potest ex eo testamento deferri hæreditas scriptis hæredibus; sed defertur filio hæreditas ab intestato. Multò aliter se res habet de jure Prætorio. Etenim cum jure Prætorio testamentum non sit nullum, ut aliàs diximus, datur à Prætore filio præterito bonorum possessio contra tabulas, quæ est ex testamento. §. *sunt autem Inst. tit. de bonor. poss.* Filius itaque bonis paternis abstinere dicitur, quando nec vult dicere testamentum nullum, & hæreditatem ab intestato de jure Civili suscipere; neque vult petere bonorum possessionem contra tabulas. Quoniam verò bonorum possessio contra tabulas est ex testamento, & idè non pugnat cum bonorum possessione secundùm tabulas; nihil impedit, quo minùs Prætor filio eam non petente det bonorum possessionem secundùm tabulas scriptis hæredibus. *l. 2. §. expellendi ff. de bonor. poss. secundùm tab.* Ulpian. in *fragm. tit. de posses. dand. Secundùm tabulas bonorum possessio datur scriptis hæredibus, scilicet, si eorum, quibus contra tabulas competit, nemo sit, aut petere nolit. & tit. quemadm. testam. rupt.* Si septem signis testium testamentum signatum sit, licet jure Civili ruptum, vel irritum factum sit Prætor scriptis hæredibus juxta tabulas bonorum possessionem dat, quæ cum re, id est, cum effectu habetur, si nemo aliis jure hæres sit.

Animadvertendum autem est, quòd olim, quando filius abstinere hæreditate patris,

nemo alius jure hæres erat : nam neque in suis, neque in agnatis jure Civili erat successio ; & hæreditas semel tantum à lege deferabatur, ac semel delata filio, non poterat alteri postea deferri. l. 1. §. sciendum 8. ff. de suis & legis. hered. l. 2. in princ. ff. eod. §. placebat autem, l. 1. tit. de legis. agnit. success. Paul. l. b. 4. sent. tit. 8. Igitur abstinente filio, nemo alius jure hæres est, & Prætor scriptis hærelibus dat bonorum possessionem juxta tabulas, & quidem cum re.

CAPUT XII.

Ad l. per procuratorem 90. ff. de acquir. vel omit. hered.

SUMMARIUM.

- 1 Bonorum possessio re ipsa & effectu non differt ab hereditate.
- 2 Bonorum possessor acquirat hereditatem honorariam.
- 3 Differt quoad modum & formam acquirendi.
- 4 Bonorum possessio per alium agnoscitur potest, etiam per feminam : & quare, n. 19.
- 5 Hereditas per alium adiri non potest.
- 6 Hereditatem cernere, & adire quid ?
- 7 Aditio est actus legitimus : qui adit, lege agit. ib. n. 9 & 22.
- 8 Actus legitimus non potest per alium explicari, & solum peragi potest apud Magistratum, penes quem legis actus est.
- 10 Aditio, & pro herede gestio equiparata sunt creationi. Actus legitimi nullo die, neque conditionem recipiant : adeoque nec aditio, & n. 22.
- 11 Olim legationes libera hereditatum adjuvandarum causa Senatores impetrabant.
- 12 Senatores & eorum filii peregrè proficisci non poterant.
- 13 Qui mandat, ut adeatur hereditas, hoc ipso eam adit & acquirit.
- 14 Hereditas pro parte adiri, pro parte repudiari non potest.
- 15 Hereditas aditur solâ animi destinatione, etiam tacitâ.
- 16 Hereditas nobis ignorantibus non acquiritur.
- 17 Ne quidem à servis & filiis nostris sine jussu nostro speciali.
- 18 Nec sufficit ratihabitus subsequens. Excipitur bonorum possessio, & restitutio ex fidei commissis.
- 19 Cur differat hereditas à bonorum possessione & restitutione, & n. 44.

- 20 Si post mandatum agnoscenda bonorum possessionis, antequam agnoscatur, hæres incidat in fideicommissum, nulla est agnitio.
- 21 Semel hæres non potest amplius desinere esse hæres.
- 22 Hæres acquirat dominiam statim ministerio legis sine ulla mora.
- 23 Bonorum possessio potest esse in suspensio, non aditio.
- 24 Homo liber nobis acquirere non potest : & multo minus hereditatem.
- 25 Hereditas civiliter acquiratur.
- 26 Tutor pro pupillo adire non potest. & 29.
- 27 Tutor facere potest pro pupillo etiam ea, qua requirunt speciale mandatum.
- 28 Pupillus, etiam infans, ipse debet adire, & 30.
- 29 Nec curator farioli adire potest.
- 30 Hereditas ne momento quidem temporis resdet in servo.
- 31 Dominus, & pater adire non possunt hereditatem, servo, & filio dilatam.
- 32 Institutio servi valet ex persona domini.
- 33 Filius & pater eadem persona censentur.
- 34 Etiam si dominus ipso pro parte sit institutus, tamen adire non potest pro parte relicta servo suo.
- 35 Adire non potest hereditas, non delata.
- 36 Qui adit, non desinit esse hæres etiam si alii acquirat hereditatem.
- 37 Procurator Caesaris potest pro eo adire opulentiam hereditatem.
- 38 Sed hoc speciale est.
- 39 Procurator Caesaris quis, & quod ejus officium, & auctoritas.
- 40 Preponitur sententia Duarenii : & consultatur in sequentibus.
- 41 Acceptilatio servi potest per procuratorem, & quomodo ?
- 42 Refertur sententia Ravardi, & resellitur.
- 43 Mancipari non poterant, nisi res propria ab ipso domino.
- 44 Hereditas ante aditionem mancipari non poterat.
- 45 Nec post aditionem.
- 46 Hereditas intestata cedi poterat etiam ante aditionem, & quare.
- 47 Opponitur testimonium Ciceronis : & explicatur n. sequ.
- 48 Cretio libera quæ ?
- 49 Dispositio hominis non potest refragari dispositione legis.
- 50 In creatione filii necessarius erat Patris jussus.
- 51 Superior sententia Ravardi admittitur quædam in casu.
- 52 Veteres circaitione utebantur, non recederent à regulis juris : & explicatur exemplis.
- 53 Car inventa fuerit Aquiliana stipularia.
- 54 Filias & servus jussu patris ac domini aduntes, non aduntes procuratoris nemine.
- 55 Mandatum generale non sufficit ad adeundam hereditatem.
- 56 Nec mandatum de hereditate viventis.
- 57 Quo casu admitti possit communis sententia : & quomodo defendi possit.

1 **E**tiā bonorum possessio re ipsā, & potestate, atque effectu non differat ab hereditate; *l. 2. ff. de bonor. poss. l. Prator in omnibus ff. de reg. jur.* quia bonorum possessor amplectitur, & acquirit, & possidet hereditatem; *l. ult. C. qui admissi l. si infanti §. parente C. de jure deliber. l. filium 60. ff. de acquir. hered.* nempe hereditatem honorariam; *l. 1. in fin. C. de secund. nupt.* quare agnoscendo bonorum possessionem fit hæres; *l. 1. C. unde liberi.* tamen agnitio bonorum possessionis omnino differt ab additione hereditatis. Inter cetera illud est multo maximum discrimen, quod bonorum possessio agnosci potest per tutorem nomine pupilli, *l. servus 7. §. impubes ff. de bonor. posses. l. bonorum 7. C. qui admissi.* per curatorem, *l. ult. §. fin autem ex alia C. de curat. furios.* per procuratorem, *l. 3. §. acquirere ff. de bonor. poss.* per alium quemlibet, etiam non habentem mandatum, *cod. §. acquirere.* & quod magis est; feminae etiam possunt pro alio petere bonorum possessionem; *l. servus 7. ff. de bonor. poss.* licet pro alio postulare non possint, *l. 1. §. secundo loco ff. de postulando.*

5 Contra verò hereditas per alium adiri non potest. Ipsa verborum significatio id satis demonstrat. Utebantur veteres verbis *cernendi* hereditatem; *adendi* hereditatem; quia hæres ipse debebat in rem præsentem venire. Hinc *adire*, & *cernere* hereditatem dicebatur. In cretione enim hæc verba solemnia pronunciabat: *cum me Mavins heredem instituerit, eam hereditatem adeo, cernoque*, ut refert Ulpianus, in *fragm. tit. qui hered. institui possint.* Vetus Glossar. *Cernere* *προσέρχεται τῇ κληρονομίᾳ.* Postquam verò Imperatores scrupulosam cretioneum solemnitatem amputarunt in *l. cretione 17. C. de jur. deliber.* mansit solummodo verbum *adendi*.

11. Id ipsum demonstrat natura additionis. Aditio hereditatis est actus legitimus. *l. 7 actus legitimi 77. ff. de reg. jur.* Actus legitimus per procuratorem expediri non poterat, *l. nemo alieno 123. ff. de reg. jur.* Nemo alieno nomine lege agere potest. Lege agere,

legis actio, actus legitimus, sibi invicem respondent. Idem actus legitimi non poterant explicari apud Magistratum, apud quem legis actio non erat. *l. 1. ff. de offic. Juridic. Alexandr. l. 4. ff. de adop. l. 3. ff. de offic. Procons.* Et lege agere dicebantur hæredes, qui adibant hereditatem. Val. Max. *l. b. 7. cap. 7.* de Terentio quodam: *Egregia*, inquit, est *C. Calpurnii Pisonis, Pratoris Urbani, constitutio.* Cum enim ad eum Terentius ex octo filiis, quos in adolescentiam perduxerat, ab uno in adoptionem dato exheredatum se, querelam dedulisset; bonorum adolescentis possessionem ei dedit, hæresque lege agere passus non est. Itaque, si adiens hereditatem lege agit, & nemo potest alieno nomine lege agere; nemo etiam poterit alieno nomine adire hereditatem.

Et, licet sola cretio propter solemnitates, quibus peragebatur, actus legitimus fuisse videatur, tamen eandem quoque vim, & naturam habet quælibet aditio, & pro hærede gestio: quia per eam, sicut per cretioneum, ipso jure fit hæres, qui adit hereditatem, §. *quos autem solus Inst. tit. de bonor. posses.* Quod fit, ut, quemadmodum actus legitimi non recipiunt diem, & conditionem; *d. l. actus legitimi 77. ff. de reg. jur.* ita non recipiat hereditatis aditio *l. eum qui duobus in fin. ff. de acquir. vel omis. hered. d. l. actus legitimi.* Nec à cretione differt pro hærede gestio, quàm cretioni æquiparavit D. Marcus Ulp. in *fragm. titulo modo laudato: si sub imperfectam cretione heres institutus sit; id est, non adjectis his verbis: si non creveris, exheres est; sed si ita: si non creveris, tunc Mavins heres esto: cernendo quidem superior inferiorem excludit; non cernendo autem, sed pro hærede gerendo in pariem admittit substitutum, sed postea D. Marcus constituit, ut & pro hærede gerendo ex asse heres fiat.*

III. Hoc idem veterum monumenta confirmant: quæ legationes liberas hereditatum adeundarum causâ Senatoribus datas fuisse restantur. Cicer. in *prima Agrar. contra Rullum*; non videtis, hæreditatum obe-

andatum causa, quibus vos legationes dedistis, qui, & privati, & privati ad negotium exierunt, non maximis opibus, neque summa auctoritate; tamen auditis profecto, quam graves eorum adventus focis vestris esse soleant. & lib. 3. de legib. Jam illud apertum profecto est, nihil esse turpius, quam quemquam legari, nisi Reip. causa. Omitto quemadmodum isti se gerant, atque gesserint, qui legatione hereditates suas, aut syngraphas persequuntur. Quid est, quod legationes hereditatum adeundarum causam impetrabant, si poterant adire per procuratorem? maxime postquam à Julio Cæsare, & Augusto fuit interdictum Senatoribus, eorumque filiis, ne peregrè proficiscerentur. Sueton. in Jul. Cæsar. cap. 41. *Nem quis Senatoris filius, nisi contubernalis, aut comes Magistratus, peregrè proficisceretur.* Percommodè Lipsius in Tacitum legit: *Nem quis Senator, Senatorisve filius.* Dio lib. 52. de Augusto: *προκαταίτι πᾶσι τοῖς βασιλεῦσι, μὴ ἐμμελεῖν ἔξω τῆς ἡμετέρας, ἀν μὴ αὐτοὶ πρὶ καλῶς, ἢ ἡ ἀπορίας ἢ τῶν ἡμετέρας εὐλαϊστὰς.* Verum omnibus Senatoribus extra Italiam peregrinari injussu, permissu suo: atque hoc etiam mandatum servatur. Suidas de Claudio: *νόμος προέβηκε, μὴ δούλους βασιλευσὶν ὑπὲρ ἐν τῇ σιμείᾳ τῶν πόλεων ἐξελθόντες τοῖς τοῦ βασιλέως ἀποπέμψαι;* legem tulit, ne cui Senatori liceret ultra septimum ab urbe lapidem proficisci injussu Imperatoris. Si potuissent aliter adire hereditates, nulla causa fuisset concedendi has legationes ad hereditatem adeundam.

IV. Demonstrat id etiam ratio evidens. Nam aut quis mandat procuratori, ut suo nomine adeat hereditatem: aut non mandato, sed is sponte sua adit sine ullo mandato. Si mandat procuratori, ut adeat, hoc ipso adit ipse hereditatem. Nec operâ, aut ministerio procuratoris amplius opus est ad adeundam hereditatem: per textum elegantissimum in l. si ergo & servus 26. ff. de acquir. vel omis. hered. ubi, si ego & servus iustituri fuimus, & mandem servo, ut adeat hereditatem, hoc ipso hereditatem acquirō pro ea portione, pro qua fui institutus. Licet enim animi mei destinatio

quoad hæreditatem adeundam videatur solum respicere partem servo relictam, non verò partem, in qua ego fui institutus; tamen cum hæreditas tota mihi acquiri debeat, tam quoad partem relictam servo, quam quoad partem mihi relictam; & hæreditas pro parte adiri, pro parte repudiari non possit: cum pro parte hæres esse destina-verim, videor adivisse hereditatem ex asse. l. si ex asse 10. ff. de acquir. vel omis. hered. Facit. text. in l. si quis mihi §. sed si mandavit. ff. eod. in l. cum hæres 52. §. ult. in l. liber homo 59. §. si ita ff. eod. in l. si quis ita 33. ff. de heredib. inst. Solâ enim animi destinatione adimus hereditatem, l. si avia C. de jure delib. §. ult. Instit. tit. de hered. qual. & differ. & sufficit etiam voluntas tacita, ut constat ex nostra lege si ego 26. & elegantissima proponuntur exempla in l. qui in aliena 6. §. sed etsi non adierit ff. de acquir. vel om. hered. in l. 4. C. de jur. delib. in l. filiusfam. 10. C. de petit. hered. Cum igitur etiam in mandato adeundi portionem alii relictam contineatur destinatio sufficiens ad adeundam portionem sibi relictam; quantum magis eâ continebitur in mandato adeundi eam ipsam portionem? Si sufficit tacita illa destinatio, quantum magis sufficiet expressa?

Quâ si hæres non mandat procuratori, ut adeat hereditatem, sed hic adeat sponte, sine ullo mandato, erit omnino inutilis aditio. Nobis enim ignorantibus, aut invitis hereditas acquiri non potest. Hoc enim interest inter hæres voluntarios, & necessarios: quod necessarii sunt hæreses ipso jure etiam ignorantes, & inviti: voluntarii verò non sunt hæreses, nisi sua voluntate. 100 tit. Instit. de hered. qual. & differ. Itaque licet servi nostri, & liberi in potestate existentes nobis acquirant etiam ignorantibus, & invitis penè ex omnibus causis, l. etiam invitis l. acquiruntur 10. §. 1. ff. de acquir. rer. dom. l. servus vesante ff. de P. S. §. item vobis Instit. tit. per quas person. nob. acquir. tamen hereditatem nobis non acquirunt, nisi jussu nostro eam adierint. l. qui in aliena 6. §. si quis mihi bona 25.

§. *jussum ff. de acquir. hered. l. acquiruntur* 10. §. 1. *ff. de acquir. rer. dom. d. §. item vobis Instit. tit. per quas person. nob. acquir.* Neque in hac re sufficit consensus patris, ac domini, sed requiritur mandatum, ac jussus præcedens ipsam aditionem. *d. l. si quis mihi bona. §. jussum.* Quare cum agitur de adeunda hereditate, semper sit mentio jussus, cujus natura est, ut actum præcedere debeat: jubemus enim quæ facienda sunt, non quæ jam facta fuerunt. *l. servus dotalis § 8. ff. solut. matrim. l. si servus 7. in fin. ff. de hered. Instit. l. si ego & servus ff. de acquir. vel omit. hered. d. l. acquiruntur 10. & 17 d. §. item vobis.* Nec sufficit jussus generalis de quacunque hereditate deferenda, sed desideratur jussus specialis de certa hereditate jam delata. *d. l. si quis mihi bona §. sed nunc, cum §. seq. ff. de acquir. hered.* His positis constat, quod cum hereditas sine nostro mandato non acquiratur, ne quidem per eas personas, quæ nobis etiam ignorantibus, & invititis acquirunt; multò minùs acquiri poterit per liberas personas, quæ nobis sine nostro consensu, aut maudato nihil possunt acquirere.

Nec illud dici potest, quod hereditas nostro nomine nobis ignorantibus adita per ratihabitionem confirmetur exemplo bonorum possessionis, *l. 3. §. acquirere ff. de bonor. posses. & restitutionis hereditatis ex si leicommisso. l. servo invito 65. ff. ad SC. Trebellian.* Etenim cum in ipso servo, & filio, qui nobis ex ipsa legis dispositione omnia acquirunt etiam ignorantibus, & invititis, requiratur præcedens mandatum; multò magis id requireretur in aliis, nec ratihabitione sufficeret. Itaque in bonorum possessione agnoscenda, & in restituenda hereditate fideicommissaria, in quibus sufficit ratihabitione subsequens, eadem ratihabitione sufficit etiam in servo, & filio. *d. l. servo invito ff. ad SC. Trebell. l. 1. C. qui admitti. l. qui in aliena 6. §. 1. ff. de acquir. hered. l. servus 7. ff. de bonor. posses. l. ult. ff. quis erde in bon. poss. serv.*

missi ad hereditatis aditionem. Primum quia illæ desiderant aliquam operam externam, quæ per alium expediri potest; non nuda voluntate acquiruntur. Bonorum possessionis petenda est à Judice: seu coram Judice agnoscenda est per testationem amplectendæ hereditatis. *l. ult. C. qui admittit.* illa testatio complectendæ hereditatis, alterius operæ, ac ministerio potest expediri. In restitutione fideicommissi necessaria est etiam voluntas restituentis, non sufficit sola voluntas fideicommissarii; itemque necessarius est actus restitutionis. Hæc exploratio voluntatis restituendi, & actus ipse restitutionis etiam per alium possunt explicari. Hos actus ab alio gestos potest hæres approbare, & ratos habere; per quàm approbationem acquirat hereditatem, & in eum transferuntur omnia commoda, & incommoda hereditaria. *l. 1. C. qui admittit.* Contrà in hereditatis aditione, quæ sit nudæ voluntate, nihil aliud requiritur, quàm voluntas ipsius hæredis. *l. si avia C. de jure delib. §. ult. Instit. tit. de hered. qual. & differ.* Supervacanea est igitur omnis opera, & ministerium alterius cujuscumque personæ. Voluntas enim residet in ipso hærede, nec ab alio præstari potest. Probatum id exemplo ipsius bonorum possessionis, in cujus acquisitione duo requiruntur: factum petitionis, & voluntas hæredis. Factum petitionis explet procurator: voluntatem præstare non potest, etiam si mandatum ab hærede acceperit. Quare si post mandatum hæres in furorem incidat, nulla est petitio procuratoris, deficiente per furorem voluntate hæredis. *l. si quis alieni 48. ff. de acquir. her.* In aditione igitur hereditatis, in qua requiritur sola voluntas hæredis, nihil est, quod præstare possit procurator. His positis, si hæres approbet aditionem factam ab alio, sit quidem hæres per hanc approbationem, sed sit hæres sua voluntate, non per actum gestum à procuratore. Imò verè nec per approbationem sit hæres, sed per voluntatem expressam in approbatione, atque in ea contentam. Nam etsi improbet aditionem ab alio factam, & declararet se ni-

hilominus hæredem esse velle, non eò minus hæres fieret.

Præterea, quia aditio hæreditatis est actus legitimus, qui neque tempore, neque conditione suspendi potest. *l. actus legitimi*

- ¹¹ 77. ff. de reg. jur. Non potest igitur expectari approbatio, seu ratihabitio hæredis: interrim enim penderet ex incerto eventu aditio, quod est contra naturam aditionis. *l. eum qui solvendo §. ult. ff. de acquir. hered.* Aditio enim aut statim perfecta est, aut statim irrita est, & nulla, nec ex postfacto potest confirmari, aut convalescere. Bonorum possessio hæredem ipso jure non facit, sicut aditio. *§. quos autem solus Inst. tit. de bon. posses.* Qui autem per aditionem factus est ipso jure hæres, non potest amplius desinere esse hæres. *l. hereditas 34. ff. de hered. instit. l. ex facto 43. §. ult. ff. de vulg. l. ait Prætor 7. §. sed Papinianus ff. de minor. l. ei qui solvendo 88. ff. de hered. instit.* Itaque hæreditatis aditio statim sine ulla mora ipso jure operatur, & quidem perfectè, & immutabiliter, & ne momento quidem suspendi potest, quod & in legatis est constitutum. *l. ult. in fin. ff. commun. pradior.* Cum enim ministerio legis dominium, & omne jus defuncti transferatur in hæredem, *l. more, & l. hæres in omne ff. de acquir. hered.* lex nullum moram patitur, & statim perficit id, quod intendit. Differt igitur hac in re aditio hæreditatis à bonorum possessionis agnitione *l. servo invito 65. in princ.*

- ²⁴ ff. ad S. C. Trebell. Non solum enim petitio bonorum possessionis sæpe numero est in suspensio, & non statim producit effectum suum, ut in *l. si servus 10. ff. de bonor. poss. sec. tab. in l. 2. §. 1. ff. eod. in l. 3. §. si sub ea conditione ff. de bonor. posses. contra tabul. l. ult. in fin. ff. de bonor. posses. sec. tab.* sed aliquando etiam non habet effectum, & dicitur possessio sine re, quia titulo tenus est bonorum possessio, cum sit sine effectu. *l. filius C. de inoff. testam. Ulpian. in fragm. tit. quemadm. testam. rumpi.* Hæreditas autem numquam est sine re: numquam ne momento quidem temporis sine effectu esse potest. Constat igitur, quod neque cum

nostro mandato, neque sine nostro mandato per alium nobis acquiri potest.

V. His accedunt leges, in quibus id disertè constitutum est. In *l. homo liber. §. 4. ff. de acquir. rer. dom. homo liber hereditatem nobis acquirere non potest.* Ratio est in promptu. Per liberam enim personam nihil nobis ¹⁵ acquiri potest. *l. 1. C. per quas person. nobis acq. §. ex his itaque Instit. tit. per quas person. cuique acquir.* Et licet ea, quæ naturaliter acquiruntur, etiam per liberam personam acquirantur; tamen ea, quæ acquiruntur civiliter per liberam personam, acquiri non possunt. *l. ea quæ civiliter ff. de acquir. rer. dom.* Constat autem, hæreditatem civiliter acquiri; cum nuda voluntate legis ministerio in nos transferat omne jus hæredis, & etiam dominium rerum hædixiarum sine ullo facto apprehensionis. *l. hæres in omne ff. de acquir. rer. dom.* Et hæreditas ipsa tota est juris Civilis: est enim persona ficta à jure Civili, personam defuncti repræsentans, seu successio in universum jus defuncti, *l. hereditas ff. de reg. jur. & nomen juris est. l. pecunia §. hereditas ff. de verb. signif.* Quod cum non probaret Seneca, irridet Jurisconsultos *lib. 6. de benef. cap. 6.* Jurisconsultorum ista acuta inepia sunt, qui hereditatem negant usucapi posse; sed ea quæ sunt in hereditate: tamquam quicquam aliud sit hereditas, quam ea, quæ in hereditate sunt. Verè autem apud Jurisconsultos aliud est hæreditas, aliud res hædixiaræ. Hæreditas enim est incorporalis, & in jure consistit, *l. 1. §. 1. ff. de rer. divis.* & est universitas quedam, quæ omnes res hædixiaræ continentur.

V. I. In *l. potius §. C. de jure deliber.* responsum fuit ab imperatoribus, ne tutorem quidem nesciente pupillo potuisset hæreditatem pro pupillo adire. Si non potest tutor, ²⁷ qui in rebus pupillaribus administrandis domini loco habetur; *l. interdum §. qui tutelam ff. de furt. l. tutor qui 27. ff. de admin. tut.* multò minus poterit procurator, qui minus juris habet, quam tutor. *l. mandato 60. ff. de proenr. junctâ d. l. interdum §. qui tutelam ff. de furt.*

Nec potest responderi, quod tutor non poterat adire, quia non habebat mandatum adeundi, quemadmodum nec procurator potest adire sine speciali mandato. Itaque par esse videtur causa tutoris, qui ad adeundum indiget voluntate pupilli; *d. l. potuit in princ.* & procuratoris, qui indiget mandato.

Primum enim animadvertendum est, quod tutor non indiget mandato, aut voluntate pupilli in administrandis ejus rebus, cum habeat jus, & facultatem ab ipsa lege, ut constat ex definitione tutelæ, quæ dicitur jure Civili data, ac permixta, §. 1. *Instit. tit. de tutel. l. 1. ff. eod.* Et ideo etiam eâ facere potest vi suæ potestatis, quæ in procuratore speciale mandatum requirunt, *l. procurator. 60. ff. de procurat. junctâ l. interdum 56. §. qui tutelam ff. de furs.* Itaque si hæreditatis aditio posset per alium expediri, utique posset à tutore.

Præterea observandum est, quod in laudata *l. potuit 5. C. de jure delib.* exigunt Imperatores, ut ipse pupillus adeat, cum exigant aut ejus voluntatem, aut pro hærede gestionem, quibus modis aditur hæreditas, §. *ult. Instit. tit. de hered. qual. & differ.*

Nec solum pupillus ipse adire debet, si intelligat id quod agit; sed etiam, si sit infans, *l. servo invito §. si pupillo. versic. sive 30 enim ff. ad SC. Trebellian.* ubi notandum est discrimen inter bonorum possessionem, & hæreditatem. Bonorum possessionem agnoscit tutor pro infante: hæreditatem adit ipse infans pro hærede gerendo autore tutore. Quid ita? quia bonorum possessio per alium agnoscitur potest: hæreditas adiri non potest. Quorsum desiderare actum, ac pro hærede gestionem infantis, qui nullum habet intellectum, §. *sed quod diximus Inst. tit. de inut. stip. l. 1. §. huic proximus ff. de oblig. & act.* nisi quia per tutorem adiri non potest hæreditas?

VII. Idem fuit constitutum in curatore furiosi, cui ne Justinianus quidem, qui omnes juris regulas insuper habuit, facultatem adeundi dare voluit, sed solum agnoscendi bonorum possessionem, *l. ult. §.*

sin autem ex alia C. de curat. furios. vel prodig. Quod à Legislatore nostro sancitum; fuit ad sedandas veterum controversas, cum quidam existimarent furioso non deferri hæreditatem, *l. 1. §. furiosus ff. de success. edict.* eumque commodum hæreditatis acquirere non posse, *l. furiosus ff. de acquir. vel om. hered.*

VIII. Cum hæreditas servo delata debeat acquiri domino, adeo ut ne momento quidem temporis consistat in servo, *l. placet 79. ff. de acquir. hered.* consentaneum omnino videretur, ut si per alium posset adiri hæreditas, utique posset adiri ab ipso domino, cui statim acquiri debet: & tamen ne dominus quidem potest adire hæreditatem servo relictam, sed ipse servus jubente domino adire debet; & si servus nolit adire, compellendus est, *l. 1. §. quid ergo ff. si quis omis. caus. testam.* Quod & in hlio constitutum est, *l. Julianus 26. ff. eod.* Nec ad acquirendam hæreditatem quicquam proficit domini iussum sine facto servi adeuntis, *l. Anisimus §. 1. ff. de acquir. vel om. hered.*

In domino duo concurrunt ad præstandam ei facultatem adeundi: & quod ipsi statim acquiri debet hæreditas, & quod institutio servi valet ex ejus persona, quæ sola inspicienda est, *l. non minus 31. ff. de 34 hered. inst. l. debitor. 82. §. ult. ff. de leg. 2.* Duo etiam concurrunt in patre: & quod ad eum perventura est hæreditas, & quod eadem persona cum filio censetur, *l. ult. in fin. C. de impub. & aliis substit. l. ne cum filio 16. ff. de furs.* Et tamen neque dominus pro servo, nec pater pro filio adire potest: & filius ipse adire debet, etiamsi sit expertus consilii, *l. more, in fin. ff. de acquir. her.* Et quod magis est, etiamsi dominus pro parte fuerit institutus, & eam partem adierit, tamen non acquirit partem relictam servo suo, sed necesse est, ut eum adire jubeat, *l. si ex sua 36. ff. de acquir. hered.* Adeo verum est, hæreditatem ab alio acquiri non posse, si ei delata non sit. Atque id merito constitutum est: ut enim quis possit adire hæreditatem, necesse est, ut

172 prius ei delata fuerit. *l. si quis extraneus 21. ff. de acquir. hered.* Quamvis minus igitur adire poterit procurator, cui neque delata est, *l. delata 151. ff. de V. S.* neque acquiri debet?

Præterquam quod si procurator adiret hereditatem, hereditas per ejus personam ad heredem transmitteretur: & licet in persona ejus nullo momento consisteret, tamen ipsum faceret heredem, quia hereditas infigitur ossibus adeuntis; & licet aliud transeat, tamen ille non desinit esse hæres. *l. 3. §. l. qui liberis §. ult. ff. de vulg.*

IX. Denique de hac sententia dubitari non sinit text. in *l. per procuratorem 90. ff. de acquir. hered.* ibi: *per procuratorem hereditatem adiri non posse.* Non poterat dici clarius. In Pandectis Florentinis legitur: *per curatorem.* Sed si non potest acquiri per curatorem, multo minus per procuratorem: tum quia plus juris habet curator, quam procurator, ut supra diximus; tum quia ille habet potestatem à lege, hic ab homine; tum quia major urgebat necessitas hanc facultatem concedendi curatori, qui administrat res furiosi, aut prodigi, qui hæc in re non habent intellectum, & furiosum exitum faciunt; *l. hi qui 12. in fin. ff. de tutor. & curat. dat.* aut minorum, quorum est infirmum, ac imbecille consilium; *l. 1. ff. de minor.* quam procuratori, qui administrat res ejus, qui sanæ mentis est, & perfecti iudicii, & ope procuratoris non indiget ad hereditatem adeundam. Quorsum enim operam procuratoris, & opem impleret, qui nudâ voluntate potest adire? Qui autem legem hanc restringunt ad casum de quo in *l. cum in una 17. in fin. ff. de appellat.* nempe ad curatorem datum pupillo, utique maximam vim faciunt legi generali, eam referentes ad unicum tantum casum, qui rarissimus est.

Enimverò, ut dicam, quod sentio, et si Pandectarum Florentinarum apud me magna sit autoritas, tamen hic magis mihi arridet lectio vulgata. Primum quia in ea lege agitur de eo, qui mandato alterius adit hereditatem, ut constet ex §. sequenti, quod

convenit procuratori, non autem curatori; præterea quia in *l. 1. §. ult. de off. Procur. Caesar.* ait J.C. *hoc præcipuum esse in procuratore Caesaris, ut miscendo se opulentæ hereditatæ Cæsarem heredem faciat:* quod demonstrat, in aliis procuratoribus aliud cautum fuisse.

Et quamvis quidam putent, hoc solum singulare esse in Procuratore Cæsaris, ut possit adire sine speciali mandato, tamen id falsum videtur, quia sine speciali mandato adire potest solummodò opulentam hereditatem: cæterum si hereditas solvendo non sit, Cæsarem consulere debet, & ejus voluntatem explorare. *l. 2. ff. de off. Procurat. Caesar.* Utrumque autem in eo præcipuum esse videtur, non solum, quod possit miscere se opulentæ hereditati sine mandato, sed etiam, quod hereditatem non opulentam adire possit cum speciali mandato. Utrumque enim continetur eadem oratione, licet in diversis legibus; adeoque ad utrumque casum pertinere illa verba: *hoc est præcipuum,* & utrumque casum complectuntur.

Nec sine causa hæc singulariter Procuratori Cæsaris concessa fuerunt. Neque enim Procurator Cæsaris erat simplex procurator, cujusmodi sunt procuratores privatorum, nullum jus habentes præter mandatum administrandi, quod privati à privato acceperunt. Procurator Cæsaris jurisdictionem habebat, & fisci jura tuebatur, & fiscales causas judicabat; *l. cum hi §. transactiones ff. de transact. l. 2. si adversus fisc. l. nec quicquam. in princ. ff. de offic. Procons. l. si hereditum C. de transact.* & adversus ejus sententiam solus Princeps restituere poterat *l. 1. C. ubi & apud quem restit. in int.* Et licet jus deportandi vel relegandi non haberet, *l. ult. ff. de offic. Procur. Caesar. l. 2. C. de pæn.* nec multæ indicendæ, *l. procuratores 2. C. de modo mulctar.* tamen Dio lib. histor. 57. videtur ipsi aliquam partem imperii tribuere. *Καπίτωα, ἡ τῶν Ἀσιας ἐπιτροπύσων, ἡ τῶν συνόδων ἐπιτομή, ἡ ἐκαστῶν αὐτῶν, ὅτε συμβόλαια ἔχουσιν, ἢ ἄλλα πρὸς αἰρεῖον ἔχειν, ἐπεστειν, ἐκφυλάσσουσιν. οὗ δὲ ἐξῆν τίνα τοῖς τὰ ἀποκεκολλημένα χρήματα ἀποδοῦναι πάλιν οὐδὲν πίνειν, ἢ τὰς νεομισματικὰς προτάσεις ἐλατύνειν.*

Sed explicatu difficile est, quomodo mancipari posset hæreditas ab hærede, antequam eam adiret, & acquireret. Erat enim mancipatio species alienationis: adeoque mancipari poterant solum ea, quæ erant in dominio mancipantis. Ulpian. *in fragm. sit. de dominiis & acquif. Mancipatio propria species alienationis est, & rerum mancipi, eaque fit certis verbis, libripende, & quinque testibus præsentibus*. Boët. *in Topic. Ciceron. Mancipatio erat species alienationis adhibitis quinque testibus, civibus Romanis puberibus, & libripende*. Eleganter Plaut. *in Curculion.*
 — Ego ne ut ab lenone quicquam.

Mancipio accipiam, quibus summi nihil est, nisi una lingua,

Qui abjurant, si quid creditum est: alienos mancipatis,

Alienos manumittitis, alienisque imperatis. Mancipatio enim transferebat dominium de jure Quiritium, nempe dominium legitimum, atque perfectum. Quod pertinet illud Pœtæ Lucretii lib. 3.

Vitaque mancipio nulli datur, omnibus usu. Unde simplis Arnob. lib. 2. *advers. gent. Usus & illis est vita, non mancipio tradita*. Eleganter Cic. lib. 7. *epist. famil. Cujus quando proprium te esse scribis mancipio, & nexu, meum autem usu, & fructu, contentus isto sum*. Curius ad Ciceronem *epist. famil. lib. 7. Ergo fructus est tuus, mancipium illius*. Horat.

Si proprium est, quod quis libra mercatur, & are.

Itaque res non poterat mancipari nisi à domino.

De eo etiam dubitari posset, an hæreditas mancipari posset. Certè ab Ulpiano *in fragm. titulo laudato*, non recensetur inter res mancipi, nec dicitur eam mancipari posse, sed solum notatur, eam in jure cedi posse: qua in re illud est animadvertendum dignum, quod hæreditas ab intestato cedi potest etiam antequam adeatur. In cessione non est necesse, ut res, quæ ceditur, mancipi sit: & ideo etiam prædia provincialia, quorum dominium legitimum haberi non poterat, cum eorum proprietas ad populum, aut Principem spectaret, cedi poterant, ut ibidem

notat Ulpianus. In mancipatione autem necesse erat, ut, qui mancipabat, plenum ac legitimum rei dominium haberet, & ideo res non mancipi non poterant mancipari. Quo in numero fuisse puto etiam res incorporales exceptis servitutibus prædiorum rusticorum. Ideo autem hæreditatem legitimam etiam non aditam cedi potuisse existimo, quia cum ad eam hæres vocetur à lege, per cessionem ejusdem legis ministerio in ejus locum subrogatur is, cui ceditur hæreditas. Hinc rectè ait Ulpianus: *Si, antequam adeatur hæreditas, in jure cessa sit, perinde hæres fit, cui cessa est, ac si ipse hæres legitimus esset*.

Quoniam in hæc incidimas, respondendum est alteri argumento, quod infirmat, ac labefactat sententiam, quam suprà constitimus, nosque in eas adigit angustias, ex quibus vix ulla patet evadendi via. Nitiur illud autoritate Ciceronis *epistol. 44. lib. 13. ad Attic. ubi ait: Ex eo cognovi cretionem* 49 C. Livii liberam testibus præsentibus sexaginta duobus. *Meinebam, ne ille arcescendus esset: nunc mittendus est, ut meo jussu cernat*. & *Epistol. 45. Idem Pollex remittendus est, ut ille cernat*.

Hotomannus ait, liberam fuisse cretionem, quia testator dederat facultatem hæredi vel per se, vel per procuratorem adeundi; legit autem: *testibus præsentibus, sexaginta diebus*. Quare non potest dici libera ratione temporis, quia certum tempus erat præscriptum. Solum igitur cretio libera erat, quia testator facultatem dederat cernendi per procuratorem.

Sed non facile admiserim, potuisse testatorem sua dispositione refragari juris dispositioni, & solemnibus actus legitimi, contra text. in l. *quod bonis 15. §. 1. ff. ad leg. Falc. in l. nemo potest ff. de legat. 1. in l. jus Publicum ff. de pass.* Nec possum omnino probare illam lectionem, licet ab aliis quoque recepta sit. Quorum enim testes nominavit Cicero, si numerum eorum non adjecit? Quis ignorat, cretionem factam fuisse præsentibus testibus, nec aliter fieri potuisse? Supervacanea igitur est illa adjectio testium,

aut dispositio circa testes, nisi numerus eorum præscribatur. Quis hæredem hodie instituit adjecta lege, ut hæreditatem adeat, vel nuda voluntate, vel pro hærede gerendo? Ridicula esset hæc dispositio. De hoc jus disponit, non testator.

Duo itaque mihi videntur esse perflugia. Alterum, quod tutissimum est, ibi institutum fuisse filium, aut filiam Ciceronis, qui 52 jussu ejus cernere debebant. Nam & in creatione jussu patris erat omnino necessarius. Extat Antonini constitutio in Codice Gregoriano his verbis: *Si in potestate patris fuisti, cum hæreditas Bassa tibi obvenit, eamque jussu patris crevisti, jure patria potestatis ei eam quesivisti*. Nec contrarium suadet illa verba Ciceronis: *nihil à nobis legavit*. Nam cum hæreditas patri statim acquiratur, *l. placet ff. de acquir. vel om. hæred.* ipse pater solvit legata.

Alterum est, quod ibi Ciceroni datus erat cohæres Titus Hordeonius, quo casu potest aliquando defendi sententia doctissimi Rævardi, quam modo impugnavimus. Potest enim quis cohæredi mandare, ut adeat totam hæreditatem, adhibitâ fiduciâ, ut sibi postea mancipet, aut cedat portionem ad se pertinentem. Illud enim mandatum continet repudiationem mandantis: quò fit, ut ejus pars accrescat cohæredi adeunti. *l. qui ex duobus §. 2. §. ult. ff. de acquir. hæred. l. unie. §. his ita C. de caduc. tollen.* Itaque partem acquisitam potest postea in jure cedere, aut alio modo transferre in cohæredem. Veteres, ne recederent à regulis juris, sæpè 54 mero his circumventionibus utebantur. Exempla sunt: primum in acceptilatione, in qua procurator prius transfert obligationem in se ipsam, deinde à creditore liberatur per acceptilationem: *l. & per jujurandum §. tutor ff. de acceptilat.* qua de re uberius supra. Alterum in veteri mancipatione, in qua venditor fundum venditur mancipabat procuratori: procurator fundum mancipio acceptum remancipabat emptori: ut docet Cicero eodem libro, 13. *ad Atticum ep. 48. Vestorius ad me scripsit, ut jubere mancipio dari*

servo suo pro mea parte Heterio cuidam fundum Brinnianum, ut ipse ei Puteolis vellet mancipio dari posset. cum servum, si tibi videbitur, ad me mittere. Ergo Cicero mancipat fundum servo, Vestorii ad se misso; servus acquirit fundum domino suo Vestorio; Vestorius mancipat emptori Puteolis. Huc etiam pertinet illud ex *epist. §. ad Attic. lib. 10. Ad me nuper, se HS. xxx. misisse: (diversorium) ut scriberem, cui vellem addici. Diem pecunia 1d. Novembr. esse scripsit.* Hoc circuitu sæpè veteres utebantur, ne recederent à regulis juris. Simile quiddam apparet in Aquiliana stipulatione. Naturæ conveniens est, unumquodque eo genere dissolvi, quo & ligatum est. *l. nihil tam naturale ff. de reg. jur.* Idcirco obligationes, quæ verbis contractæ non erant, verbis dissolvi non poterant. *l. an inutilis §. 8. acceptum ff. de acceptil. §. item per acceptilationem Instit. tit. quib. mod. toll. oblig.* Ne recederent ab 55 hac regula Jurisconsulti, statuerunt solummodo obligationes verbis contractas per acceptilationem tolli posse. Quod rectâ viâ fieri non poterat, per circumventionem assequutus est Gallus Aquilius, inventâ Aquilianâ stipulatione, per quam obligatio quocumque modo contracta transfunditur in obligationem verborum, & postea tollitur per acceptilationem. *l. & uno §. 1. ff. de accept. §. est autem. Instit. tit. quib. mod. toll. oblig.* Et in cernenda hæreditate similem quemdam circuitum usurpasse non est improbabile.

Jam verò ad alia progrediamur. Filius, & servus adeunt hæreditatem jussu mandatoque patris, ac domini. *l. qui in aliena §. l. si quis mihi §. sed quid si mandavit ff. de acquir. hæredit.* Sed qui mandato alterius aliquid gerit, procurator est. *l. 1. & toto tit. ff. de procurat.*

Facilis, & expedita distinctio. Procurator est, qui gerit aliquid mandato alterius, & ejus nomine; non verò qui gerit nomine proprio, licet id gerat, ut alicujus præceptis obtemperet. Patris, ac domini jussu est, 56 non mandatum, quale est illud procuratoris. *l. si quis mihi §. 2. ff. de acquir. hæred. l. §.*

ego & servus ff. eod. l. servus dotalis § 8. ff. solut. matrim. l. si servus 7. in fin. ff. de hered. inst. l. acquiruntur. §. 1. vers. ideoque ff. de acquir. rer. dom. §. item vobis Inst. tit. per quas person. cuique acquir. Mandatum enim procuratoris est contractus, & perficitur utriusque consensu. *toti tit. Instit. de mand. tit. ff. & C. eod.* Jussu patris, ac domini unius jubentis voluntate constat, cui filius, & servus tenentur obtemperare. Præterea filius, & servus, etsi adeant jussu patris, ac domini, tamen adeunt suo nomine, non alieno, & adeunt hereditatem sibi delatam, non hereditatem delatam patri, ac domino, quam utique adire non possunt. Procurator adit hereditatem non suo nomine, sed mandantis; & adit hereditatem non delatam sibi, sed mandanti. Uno verbo non adeunt hereditatem sibi delatam pater, ac dominus per filium ac servum; sed filius ac servus adit hereditatem, sibi delatam, jussu patris, ac domini: & ipse filius ac servus fit hæres, *l. 3. & l. liberi 8. ff. de vulg.* licet eam statim acquirat patri, ac domino, vi patris, ac dominicæ potestatis. *l. placet ff. de acquir. hered.*

Superest text. *in l. si infanti C. de jure deliber.* in qua permittitur patri, aut tutori 57 infantis adire pro eo hereditatem. Sed hoc specialiter à Justiniano constitutum est in solo infante, ut constat ex eadem *l. §. ult.* cum olim ipse infans adire deberet. *l. invito 66. §. si pupillo ff. ad SC. Trebellian.* Sed hoc ipsum demonstrat, pro alio adiri non posse.

His expostis rem in pauca contraham. Aut datus est procurator omnium bonorum: aut datus est procurator ad adeundam hereditatem. Si datus est procurator omnium bonorum, hic certe adire non potest hereditatem domino delatam: mandatum enim generale non tribuit facultatem adeundæ hereditatis, sed requiritur mandatum speciale. *l. si quis mihi bona 25. §. sed utrum ff. de acquir. hered.* Et præcipuum est in Procuratore Cæsaris, ut possit adire: *l. 1. §. ult. ff. de offic. Procur. Cæs.* quam facultatem vel ipse Cæsaris Procurator habet solum, cum hereditas est opulenta, non cum hereditas solvendo non est. *l. 2. ff. eod.*

Si verò datus sit procurator adeundæ hereditatis, rursus distinguendum est. Aut habet mandatum generale ad adeundam quamlibet hereditatem, & hujusmodi mandatum est inutile. *d. l. si quis mihi §. an nominatim ff. de acquir. hered.* Aut habet mandatum speciale ad adeundam certam hereditatem. Et, si mandatum illud continet hereditatem viventis, pariter est inutile. *d. l. si quis mihi §. an nominatim ff. de acquir. hered.*

Tota igitur quæstio eò redigitur, an possit hæres, cui jam delata est certa hereditas, mandare procuratori, ut eam adeat. Et sane si simpliciter mandet, supervacaneum est mandatum: nam eo ipso adit hereditatem, ut suprà probavimus ex *l. si ego & servus ff. de acquir. hered.* Itaque nihil superest peragendum procuratori, cum hereditas semel adita amplius adiri non possit: quia statim transfert omne jus defuncti in hæredem adeuntem. *l. hæres in omne ff. de acquir. hered.*

Solus igitur superest casus, cum hæres non mandat simpliciter, ut adeat hereditatem; sed cum hereditas in longinquo posita sit, aut multis oneribus implicata, mandat procuratori, ut diligenter expendat, & excutiat vires hereditatis; & si cognoverit eam esse lucrosam, adeat. Quo casu in foro à plerisque receptum est, adiri posse hereditatem per procuratorem: quod & Duarenus subodoratus est;

Enimverò hæc sententia non est absurda; & quoad effectum meo judicio verissima est: nam non ante hæres acquirit hereditatem, quam procurator eam adiverit. Illud tamen falsum est, quod hæredi acquiratur ex additione procuratoris. Ei enim acquiritur ex 60 sua voluntate, & ex propria additione. Licet enim mandatum sit conditionale, & non inducat additionem, quia hereditas sub conditione adiri non potest; *l. autus legitimus ff. de reg. jur. l. cum quis 51. ff. de acquir. her.* tamen cum voluntas hæredis continetur, & excurrat in illud tempus, quo aditur hereditas à procuratore; non ex facto procuratoris acquiritur, sed ex voluntate hære-

dis cūn factō procuratoris concurrente. Nam si voluntas hæredis non continuaretur, & non concurreret cūm aditione procuratoris, nulla esset aditio. *ex text. in l. qui servum* 47. & *in l. sequent. ff. de acquir. hered.* Cūm autem voluntas hæredis, ejusque destinatio sola sufficiat ad adeundum, *l. si avia C. de jur. delib. §. ult. Insbit. tit. de hered. qual.* hac sola voluntate acquirit hæreditatem, & factum procuratoris solummodo tendit ad declarandam voluntatem hæredis. Declaratio autem, etsi necessaria sit, tamen non declaratione acquiritur hæreditas, sed voluntate, de qua constat per declarationem.

CAPUT XIII.

Ad l. 2. §. sed etsi mater ff. ad SC. Tertull. & l. 1. §. qui habebat ff. de bon. poss. cont. tab.

SUMMARIUM.

- 1 Quæstio proponitur.
- 2 Jure veteri agnati vocabantur in infinitum. & n. 40.
- 3 Cognatus proximior, vel aque proximus, non excluditur à cognato remotiore, licet ille sit etiam agnatus.
- 4 Quia bonorum possessiones dantur transversalibus.
- 5 In successione non admittitur ordo subsequens, nisi deficiente penitus antecedente. & n. 29.
- 6 Non deservit bonorum possessio ei, qui est ultra gradum à jure præscriptum.
- 7 Bonorum possessio unde cognati soli proximo deservit.
- 8 Non consideratur in jure totius generis conjunctio. nis ex cognatione & agnatione compositum, ex quo successio deservitur.
- 9 Agnatus potius unde cognati non excludit cognatus proximiores, aut aquè proximis.
- 10 In bonorum possessione unde cognati sola proximior spectatur.
- 11 Nec attenditur juri agnationis.
- 12 Et agnati admittuntur ultra sextum gradum.
- 13 Agnati sunt cognati.
- 14 Aliquando eadem est conjunctio tam agnationis, quam cognationis: aliquando diversa, & quid oportet.
- 15 Non deservit bonorum possessio unde cognati, nisi deficiente unde legitimi. & n. 16.
- 16 Soror olim patri præferebatur in successione.
- 17 Mater autem patri postponebatur.
- 18 Nemo potest simul uti duplici jure in succedendo,

- 20 Incapax succedendi jure agnationis, non potest uti eo jure succedens inter cognatos.
 - 21 Non deservit successio ei, qui est ultra gradum successioni præscriptum.
 - 22 Frustrà petitur successio, quæ non est delata.
 - 23 Non potest proximitas ei, qui non est ex genere vocatorem, & explicatur exemplis.
 - 24 Ut quis admittatur ad successionem, tria requiruntur.
 - 25 Successio agnatis non deservit jure proximitatis, sed jure agnationis. & 26.
 - 26 Succedens tamquam nepos non potest uti prærogativa filii, etiam si sit filius: & contra, si velit succedere tamquam filius, non potest uti prærogativa nepotis. & 28.
 - 29 Succedens in secundo ordine non potest mutuari qualitatem tertii ordinis.
 - 30 Qualitas non potest esse sine substantia, cui coheret.
 - 31 Generatus & cognationem, & gradum simul sufficit.
 - 32 Gradus est à cognatione inseparabilis.
 - 33 Nec potest transferri de una conjunctione ad aliam.
 - 34 Duplex vinculum ultra fratrum filios non attenditur.
- Maximè si utrumque non sit ejusmodi, ut tribus juri succedendi.
- 35 Bonorum possessio unde legitimi datur solum à lege vocatis ad hereditatem.
 - 36 Proximus agnatus & à lege, & à Prætoris vocatur, & prætoris omnibus cognatis.
 - 37 Proximus dicitur etiam, qui solus est.
 - 38 Agnatio est nomen civile, & consistit in prærogativa succedendi in hereditatibus, & intestis.
 - 39 Sublata hac prærogativa tollitur agnatio: & probatur exemplis.
 - 41 Proximus est, quem nemo præcedit.
 - 42 Proximitas, quam quis habet tamquam cognatus, non constituit enim proximum agnatum.
 - 43 In fideicommissi agnati illi disjuncti potest proximitas à cognatione juxta communem Pragmaticarum sententiam.
 - 44 Successio intestata differt à testamentaria.
 - 45 Capax succedendi facilius potest proximitatem gradui mutuari quam incapax.
 - 46 Gradus non tribuit juri succedendi incapaci.
 - 47 Famina nubens in familia conservatur, & prærogat agnationem: sed refellitur hac opinio an. seqq.
 - 48 Famina per nuptias non transit in familiam viri: nec desinit esse agnata, & manet in potestate patris: & si assuet viro, non agnata.
 - 49 Filii vulgæ quæstii sunt cognati matri suæ, & inter se.
 - 50 Filii sunt patris, non matris agnati: & patris, non matris familiam sequuntur.
 - 51 Nemo potest esse agnatus illi, quibus per matrem conjungitur.
 - 52 Jure Civili sapienter dæmina nubebant in familiis: & offeruntur exempla.

Noram, & ab Interpretibus nostris hactenus non agitatam quæstionem de bonorum possessionibus aggredimur. Ex facto quæsitum fuit: Decessit Cajus ab intestato; concurrunt ad ejus successionem Titius agnatus Caji ultrà decimum gradum, ejusdemque cognatus in tertio, utpote natus ex sorore defuncti; & Sempronius cognatus Caji in secundo gradu: quis eorum præferatur in bonorum possessione. Quæstio proponi potest in genere: An cognatus remotior excludat cognatum proximiorē, vel æquē proximū, dummodò sit defuncto conjunctus etiam jure agnationis, sed ultrà gradum in successione præscriptum. Sustulit hanc controversiam jus novissimum, sublata prærogativā agnationis. Itaque hac de re disputari solummodò potest, aut secundum jus vetus, quo agnati præferebantur cognatis; aut secundum jus municipale, quo ubique ferè locorum agnati usque ad certum gradum cognatis præferuntur.

Respondi, hanc quæstionem jure veteri non fuisse definitam. Licet enim eo jure agnati cognatos excluderent, tamen nullus ulquam gradus agnatorum successionis præscriptus est, & ubique vocantur ad successionem sine ulla præfinitione. *l. 2. §. agnati & §. hæc hereditas ff. de suis & legitimis hered. l. Jurisconsultus 10. ff. de gradib. & affin. §. 1. Instit. tit. de legitimis agn. tut. §. ult. Instit. tit. de servil. cognat. §. cæterum Instit. tit. de legitimis agn. success. novell. 118. cap. 3. l. unic. C. unde vir & ux. l. 1. C. de bon. vac.* Solus Justinianus exempli causā nominavit decimum gradum in *§. hoc loco Instit. tit. de success. cogn.* Cùm igitur in jure nostro nusquam successio agnatorum intra certum ac definitum gradum cogatur, non potest in eo reperiri exemplum agnati non succedentis, eo quod sit ultrà gradum præscriptum successionis agnatorum.

Admissā tamen communi sententiā, præscribente decimum gradum agnatorum successionis, vel examinando controversiam de jure municipali, verissimum puto cognatum proximiorē, vel æquē proximū non excludi à cognato, qui sit simul agnatus

defuncti, sed ultrà gradum successionis præscriptum. Ut autem id demonstremus, duo sunt præmittenda.

Primum, quod transversalibus dux tantum competunt bonorum possessiones: Unde legitimi, & unde cognati. *§. sed eas Instit. tit. de bon. poss. l. 1. ff. quis ord. in bonor. poss. serv.* Itaque Titius remotior cognatus, & simul agnatus, aut petere debet bonorum possessionem unde legitimi, tamquam agnatus; aut unde cognati, tamquam cognatus. Neque enim ulla alia bonorum possessio ei defertur.

Secundò, quod in successione ab intestato, & præsertim in bonorum possessionibus, plures divisi sunt gradus, seu ordines succedentium: veluti de jure veteri liberorum, legitimorum, cognatorum; de jure novissimo descendendum, ascendendum, & collateralium. *l. 1. §. 1. ff. si tab. testam. null. exstab. novell. 118. cap. 1. 2. & 3.* Atque ita divisi sunt, ut, quamdiu superest persona aliqua primi ordinis, non admitatur quisquam secundi ordinis, nec ad tertium ordinem progredi possimus, nisi secundo penitus excludo, ac terminato. *l. filius qui 42. §. cum filium ff. de bon. libert. l. 1. §. sed videndum; ibi: cæteris defertur ff. de success. edit. junctā l. delata 151. ff. de V. S.* Itaque hi ordines confundi, & commisceri non possunt, quia non defertur hæreditas, & bonorum possessio ordini subsequenti, nisi deficientibus omnibus personis ordinis antecedentis. *d. l. 1. & d. l. delata.*

Hiscæ præmissis, quæ sunt exploratissimè juris, ad rem veniamus. Aut Titius petit bonorum possessionem unde legitimi, aut unde cognati: nulla enim alia ipsi deferri potest. Bonorum possessionem unde legitimi frustra petit: quia, cùm supponamus, hanc bonorum possessionem non deferri agnatis ultrà decimum gradum, à jure præscriptum successionis agnatorum; & Titium esse agnatum ultrà decimum gradum; evidens est, Titio hanc bonorum possessionem non deferri.

Frustrā etiam petit bonorum possessionem unde cognati, quia, cum hæc proximitatis

jure deferatur, excluditur à Sempronio, quem supponimus esse cognatum proximior-
rem. *princ. tit. Instit. de success. cognat. l. 1. §. si quis proximior. ff. unde cognat. l. 2. in fin. C. de successor. edit. novell. 118. §. si vero.*
7 Nulla igitur ei defertur bonorum possessio : non *unde legitimi*, tamquam agnato, quia est ultrà gradum successionis præscriptum ; non *unde cognati*, tamquam cognato, quia non est proximus.

Cùm non possit admitti ad successionem neque tamquam agnatus, neque tamquam cognatus, superest tantummodò, ut petat bonorum possessionem utroque jure simul, tam agnationis, quam cognationis : hoc est, ut conjungat agnationem cum cognatione, & simul utatur utraque prærogativa agnatorum, & cognatorum, inaudita quadam incisione agnationis & cognationis, ex qua fiat tertium quoddam genus conjunctionis ex utraque compositum ; & tertius ordo successionis cum secundo commisceatur, & confundatur. Atqui nec hi duo ordines, qui sunt inter se omnino distincti, ac separati, possunt commisceri, ut initio probavimus ; nec ulla usquam à Prætoris proposita est specialis bonorum possessio venientibus ad successionem utroque jure, cùm agnationis, tum cognationis. Ergò, si neque admittitur ad bonorum possessionem *unde legitimi*, neque ad bonorum possessionem *unde cognati* ; neque proposita est ulla alia bonorum possessio, ad quam possit admitti, utique nulla ei defertur, nulla competit bonorum possessio.

Atque hæc clarissima sunt germanam juris scientiam callentibus. Quia tamen multi hîc hærent, nec facile se possunt expedire, enucleanda sunt accuratius. Si Titius id agit, ut admittatur, & tamquam agnatus simul, & tamquam cognatus, alterutrum necessarium est : vel ut petat bonorum possessionem *unde cognati*, tamquam cognatus, & ab agnatione mutuetur jus agnationis, quo fulciat, & corroboret cognationem, per se infirmam, & incapacem successionis : vel, ut petat bonorum possessionem, *unde legitimi*, tamquam agnatus, & à cognatione

mutuetur gradus prærogativam, seu proximitatem, quâ desinitur agnatio. Utrumque autem est contra regulas, & præcepta juris ; & idèò neutrum Titio permittendum.

Non potest Titius petendo bonorum possessionem *unde cognati*, & succedens tamquam cognatus, mutuari prærogativam, & jus prælationis ab agnatione ad excludendum proximiorum cognatum. Etenim agnatus, qui petit bonorum possessionem *unde cognati*, etiamsi sit agnatus in gradu successibili, tamen non præfertur cognatis proximioribus, aut æquè proximis, sed inter cæteros æquè proximos admittitur ; *l. 1. §. sed videndum, ibi : inter cæteros ff. de success. edit. §. placebat. ibi : imperfecto jure. Instit. tit. de legit. agnas. success.* & ibi omnes Interpretes ; & est in confesso apud omnes D.D. itaque scemina agnata, quæ olim admittebatur inter cognatos, non præferebatur cognatis æquè proximis, sed succedebat secundum gradus prærogativam. *§. ceterum. vers. sed quia Instit. tit. de legit. agnat. success.*

Ratio autem duplex est. Prima, quia hæc bonorum possessio solius proximitatis nomine defertur, & idèò appellatur in jure nostro bonorum possessio *proximitatis nomine. §. eos, & §. vñgo & §. ult. Instit. tit. de success. cogn. princ. tit. Instit. de serv. cognat. l. capitis 3. l. si spiritus 4. ff. unde cognat. l. ad intestati 5. C. de legit. hered. l. item 8. ff. de suis, & legit. hered. l. qui admitti l. 1. l. 2. §. nam si quis 1. ff. de jur. & fact. ignor.* Itaque in hac bonorum possessione deferenda Prætor nihil aliud considerat, quam gradus proximitatem.

Altera ratio est, quia, qui vult frui privilegio, ac prærogativa agnationis, petere debet bonorum possessionem *unde legitimi*, quæ jure agnationis defertur. Qui petit bonorum possessionem *unde cognati*, hoc ipso declarat se nolle uti jure agnationis : nec posset uti, si vellet : quia, ut initio diximus, cum sint separati ordines succedendi, ita ut simul concurrere non possint ; qualitas, & prærogativa secundi ordinis in tertium transferri non potest, in quo sola cognationis conjunctio consideratur. Quamobrem

licet agnati in bonorum possessione *unde legitimis* admittantur etiam usque ad decimum
 12 gradum; tamen in bonorum possessione *unde cognati* non admittuntur ultra sextum; *l. c. tavi ff. unde cognat. & DD.* omnes: quia in hoc tertio ordine nulla habetur agnationis ratio.

Ex his procul dubio infertur, Titium succedentem, tamquam cognatum, per bonorum possessionem *unde cognati*, non posse excludere proximiorum cognatum, propterea, quod sit etiam agnatus. Etenim si ille, qui est agnatus, intra gradum successionis præscriptum, uti non potest prærogativam agnationis, quando succedit in tertio ordine, tamquam cognatus; multo minus ea uti poterit, qui est agnatus ultra gradum successionis præscriptum. Si illi non prodest agnatio, licet ipsa per se sit utilis ad succedendum; multo minus huic prodesse potest illa agnatio, quæ non est utilis ad succedendum, neque reddit Titium capacem successionis. Illud etiam animadvertendum est, quod, quando agnatus succedit in tertio ordine, tamquam cognatus, idem est vinculum, eademque conjunctio sanguinis, quæ constituitur & agnatus, & cognatus. Nam & agnati sunt cognati, eademque conjunctio sanguinis, quæ facit agnatum, facit etiam cognatum. §. 1. *Instit. tit. de leg. agnat. int. & §. 1. de legit. agn. success.* Itaque etsi omiserit bonorum possessionem *unde legitimis*, tamquam agnatus; & petat bonorum possessionem *unde cognati*, tamen in petenda hac bonorum possessione utitur eodem vinculo, eademque conjunctio sanguinis, quæ tribuit ipsi jura agnationis. Verum, quia venit ad successionem tamquam cognatus, non tamquam agnatus, nihilominus non potest allegare jus agnationis ad excludendum æquè proximum, aut proximiorum cognatum. Multo minus igitur id allegare poterit, quando jus agnationis non promanat ab eo vinculo, eaque conjunctio sanguinis, quæ tribuit ipsi jura successionis. Si conjungi non potest jus agnationis cum agnatione, quando utraque manet ab una, eademque conjunctio sanguinis, & nititur uno, eodem-

que vinculo consanguinitatis, quo ad successionem admittitur, quanto minus conjungi poterunt in casu nostro, in quo duæ sunt causæ distinctæ, ac separatæ, agnationis, & cognationis; duo sunt vincula; duæ conjunctiones; & conjunctio, per quam admittitur ad successionem tamquam cognatus, nihil commune habet cum conjunctione, per quam est agnatus? Primo casu idem est agnatio, & cognatio, & eatenus tantum differt, quatenus in cognatione consideratur conjunctio sanguinis in genere; in agnatione consideratur in specie, quatenus est specialis conjunctio per masculos; cæterum est una, & eadem conjunctio. In casu nostro diversa est agnatio à cognatione: diversæ enim sunt conjunctiones, diversæ personæ, ex quibus utraque oritur.

Confirmatur, quia aut Titio deferatur bonorum possessio *unde legitimis*, tamquam agnato, aut non deferatur. Neutro casu potest excludere proximiorum cognatum petendo bonorum possessionem *unde cognati*. Nam si ei deferatur bonorum possessio *unde legitimis*, utique non potest petere alteram bonorum possessionem *unde cognati*, nisi repudiet bonorum possessionem *unde legitimis*, quæ prius deferatur. Neque enim sit locus
 13 cognatis, nisi deficientibus, aut repudiantibus agnatis: neque deferatur bonorum possessio *unde cognati* personis vocatis in tertio ordine, quamdiu personæ vocatæ in secundo ordine possunt petere bonorum possessionem *unde legitimis*; quia hæc illam præcedit. *princ. tit. Instit. de success. cognat. §. fin. in fin. Instit. de servil. cognat. l. 1. ff. quis ord. in bonor. poss. servet.* Repudiata autem bonorum possessione *unde legitimis*, non potest amplius uti jure, & prærogativam agnationis ad excludendum proximiorum cognatum. Probatum id evincitur ex *l. 2. §. sed etsi ipsa mater 19. ff. ad SC. Terullian.* Species ejus
 16 legis hæc est. Antonius ex Faustina filia nepotem habebat. Eum adoptavit in locum filii. Deceffit hic filius adoptivus: quæsitum est, ad quem deferatur ejus successio, utrum ad Antonium patrem, an ad Faustinam? Faustina defuncti mater est, & soror: mater
 ratione

ratione generationis; foror jure adoptionis.
 17 Sotor olim patri præferebatur. §. *præferuntur*
Instit. tit. de SC. Tertull. d. l. 12. §. si sit con-
 18 *sanguinea ff. ad SC. Tertull.* Mater verò patri
 postponebatur. *d. §. præferuntur & d. l. 2. §.*
undecumque ff. ad SC. Tertull. Itaque Faustina
 duplici vinculo conjungitur defuncto, &
 quæ mater est, & quæ soror; & duplici jure
 potest succedere, & tamquam soror, &
 tamquam mater. Tamquam soror excludit
 patrem: tamquam mater à patre excluditur.
 Responder igitur J. C. in *d. l. 2. §. sed etsi*
ipsa mater; quod si Faustina petat hæredita-
 tem, tamquam soror, excludit patrem; si
 19 verò repudiavit jus consanguinitæ, & veniat
 tamquam mater, à patre excluditur: quia,
 quæ petit hæreditatem, tamquam mater,
 non potest uti jure sororis, licet soror sit.
 Etenim non defertur ei hæreditas, tamquam
 matri, nisi prius extincto jure succedendi,
 quod habebat tamquam soror, vel per repu-
 diationem, vel per lapsum temporis: ac
 propterea uti non potest eo jure, quod jam
 extinctum est. Ita in casu nostro Titius du-
 plici vinculo conjungitur defuncto, agna-
 tionis, & cognationis, & duplici jure po-
 test admitti ad successionem: sed si velit
 succedere, tamquam cognatus, non potest
 uti jure agnationis, quæ nullum amplius ei
 præstat jus succedendi, cum sit extinctum
 vel per repudiationem, vel per lapsum tem-
 poris.

Quod si Titio non defertur bonorum pos-
 sessio unde legitimi, sed sola bonorum posses-
 20 sio unde cognati; quia non est agnatus intra
 gradum præscriptum successionem agnatorum;
 multò minus in succedendo uti poterit jure
 agnationis ad excludendum proximiorum
 cognatum: quia hoc jus succedendi ratione
 agnationis numquam habuit. Si jus succeden-
 di ratione agnationis nobis non prodest,
 quando illud amisimus, quantum minus pro-
 desse potest, quando numquam habuimus?
 Qui repudiavit, ipse per se jure capax est
 successionis inter agnatos; hic autem nec est,
 nec umquam fuit capax successionis. Ille (ut
 à Scholis formulæ mutemur) privatur suc-
 cessione, quæ deferretur agnatis, accidenta-

liter: hic verò essentialiter. Absurdum est
 plus juris huic tribuere, quam illi: sicut
 absurdum esset plus tribuere ei, qui intesta-
 bilis est; quàm ei, qui jure fuit institutus,
 licet omiserit hæreditatem.

Hactenus demonstratum est non posse Ti-
 tium, petentem bonorum possessionem unde
 cognati, mutuari prærogativam, & jus suc-
 cedendi ab agnatione, ut excludat proximi-
 orem, vel æquè proximum cognatum. Su-
 21 perest demonstrandum, quod nec admitti
 potest ad bonorum possessionem unde legiti-
 mi, mutuando proximitatem, & gradum à
 cognatione. Si enim Titius est agnatus ultra
 gradum successionem præscriptum, & nulli
 alii sunt agnati, non defertur hujusmodi
 successio. *l. delata ff. de V. S.* Frustrà igitur
 petitur bonorum possessio unde legitimi, si ea
 non defertur: & frustrà queritur de proximi-
 tate gradus, non delatà bonorum posses-
 sione: frustrà enim petit successionem ille, 22
 cui delata non est *l. 1. §. decretalis ff. de suc-*
cess. edict. junctà l. si potest ff. de acquir. hæ-
red. l. in plurimum ff. eod. Item prius necesse
 est, ut quis sit ex genere vocatorum ad eam
 successionem; deinceps, ut sit proximus:
 nihil enim prodest gradus proximitas ei, qui
 23 non habet jus capiendæ hæreditatis. Eman-
 cipati olim, & nunc erant filii, & erant pro-
 ximi: utrumque tamen nihil eis proderat,
 quia à lege duodecim Tab. non erant vocati
 ad hæreditatem. §. *emancipati Instit. tit. de*
success. qua ab int. Mater ante Senatufc. Ter-
 tullianum erat proxima, non tamen exclu-
 debat remotiorum agnatum, quia non habebat
 jus capiendæ legitimæ hæreditatis *prine-*
tit. Instit. de SC. Tertull. In summa, ut quis
 admittatur ad successionem ab intestato, cæ-
 teris omnibus exclusis, tria concurrant ne-
 cesse est. Primum, ut delata sit hæreditas,
 & successio: deinde, ut ille sit ex genere vo-
 24 catorum ad eam successionem: denique ut
 sit omnium vocatorum proximus. Titius in
 casu nostro, etiam si posset mutuari proximi-
 tatem gradus à cognatione, tamen non
 posset succedere, quia neque delata est ag-
 natis successio, cum nulli sint intra gradum
 à lege præscriptum; neque est ex genere vo-

catorum ad bonorum possessionem unde legitimi : vocantur enim ad eam legitimi hæredes, ille autem non est hujusmodi, ut infra probabimus : & vocantur usque ad certum gradum, non ultrà ; ille autem est ultrà gradum, ac proinde non est ex numero vocatorum ; nihilque ei prodesse potest proximitas, quam à cognatione mutuatur.

Alià quæque de causâ à cognatione adscita proximitas prodesse non potest ad excludendum proximiorum cognatum, quia agnati cum cognatis concurrentes in successione eos excludunt jure agnationis, non jure proximitatis : succedunt enim agnati non jure proximitatis, sed solum jure agnationis, §. ult. vers. toties Inst. tit. de servil. cognat. l. spiritus 4. ff. und. cognat. l. ab intestati. §. C. de legit. hered. §. fin. Inst. tit. de success. cogn. & ibi Vult. n. 4. Cujac. in l. 1. §. proximus ff. unde cogn. Cum enim agnati remotiores præferantur proximioribus cognatis, utique præferri non possunt jure proximitatis : nam jure proximitatis remotior non potest excludere proximiorum, sed semper proximior præfertur. *auth. de hered. ab intest. §. si verò l. Jurisconsultus 10. in princ. ff. de gradib.* Itaque in concursu agnatorum, & cognatorum non proximitas spectatur, sed solum jus agnationis : & ideo soli cognati proximitatis nomine succedere dicuntur, non agnati, ut supra probavimus. Frustrâ igitur Titius mutuatur proximitatem à cognatione, cum non habeat jus agnationis, jus capiendæ legitimæ hæreditatis, quo solo nititur agnatorum successio, & quo sublato præferri non potest proximioribus, aut æquè proximis.

Dico jam, quod Titius ne quidem potest mutuari proximitatem à cognatione, & uti gradu proximitatis, quem habet tamquam cognatus, si velit succedere jure agnationis. Probatur id primò, quia nemo, qui aliquo
16 titulo adspirat ad successionem, uti potest qualitate, aut gradu, quem habet alio nomine ; nec cuiquam permittitur ex duabus personis, quas potest repræsentare, unam conflare, & conjungere duas qualitates ad excludendum proximiorum, vel æquè proxi-

27. mum. l. 1. §. qui habebat ff. de bonor. poss. contr. tab. Quidam habebat Cajum filium, & ex eo nepotem Sejum. Emancipavit Cajum, eumque adoptavit in locum nepotis. Quæritur, an Cajus Sejo præferatur in parentis successione. Et quidem, si potest mutuari proximitatem à se ipso, quam habet tamquam filius, utique præferendus est nepoti Sejo. Sejum enim præcedit, cum sit in primo gradu, tamquam filius defuncti, & Seji pater ; & sit in potestate propter adoptionem. Nihilominus tamen respondet JC. Cajum Sejo præferendum non esse ; ratio est, quia in potestate est, quasi nepos adoptivus, non quasi filius ; l. 1. §. si quis filium ff. si tab. test. null. extab. & quasi nepos est in pari gradu cum Sejo, nec ipsum præcedit. Et quamvis sit etiam filius, tamen cum succedat quasi nepos, uti non potest proximitate, quam habet quasi filius. Si verò velit succedere, tamquam filius, non poterit uti prærogativâ sui hæredis, quam habet, quasi nepos : quia quasi nepos est in potestate : quasi filius autem est emancipatus. Uno verbo, si petat successionem, quasi filius, quia est emancipatus, jungitur nepoti in potestate existenti. l. 1. §. si quis filium ff. si tab. testam. nulla extab. l. 1. & tot. tit. ff. de conjung. cum emanc. liber. Si verò petat, quasi nepos, est in pari gradu cum altero nepote ; nec potest eum excludere eâ de causâ, quod ipsum præcedat, quasi filius, adscitâ proximitate à persona filii. In hoc casu non agitur de adscribenda proximitate ab alio ordine succedendi, quia tam filius, quam nepos succedunt in primo ordine liberorum. Item non agitur de admittendo ad successionem eo, qui naturâ suâ sit iucapax ejus successionis, quia, si veniat quasi filius, siue quasi nepos, semper habet jus capiendæ hæreditatis. *tot. tit. Inst. de hered. qua ab int. deser.* Contrâ in casu nostro, qui successurus est in secundo ordine, tamquam agnatus, vult adscribere proximitatem à tertio ordine cognatorum ; & qui non habet jus capiendæ hæreditatis, quasi agnatus, jus illud consequi vult adscitâ proximitate cognatiâ, quæ est alterius generis, atque ideo non potest tribuere jus succedendi

inter agnatos. Quàm sint hæc absurda, nemo non videt.

Confirmatur ex *l. 2. §. sed etsi ipsa mater ff. ad SC. Tertull.* quam supra exposuimus: ubi mulier, quæ simul est mater, & soror defuncti; si veniat tamquam mater, non potest uti prærogativâ, quam habet, tamquam soror, excludendi patrem. Hic quoque neque fieri debet transitus de uno ordine ad alium; neque tribui debet jus succedendi ei, qui nullum jus habet, ut in casu nostro.

Probaturn secundò, quia suprà demonstratum est, quodd, si Titius, quasi cognatus, petat bonorum possessionem *unde cognati*, non potest uti jure agnationis, licet sit agnatus: ergò multò minus, si, quasi agnatus, petat bonorum possessionem *unde legitimi*, poterit uti prærogativâ cognitionis. Facilius enim qualitas secundi ordinis in tertium derivari potest, quàm qualitas tertii ordinis à secundo præoccupari. Ratio est, quia successio prius deferatur secundo ordini, deinceps verò tertio: itaque, cùm succedit, quasi cognatus, in tertio ordine, facile posset retinere prærogativam, quam habebat, cùm ipsi successio deferrebat in secundo ordine, quasi agnato. Contrà verò, cùm succedit in secundo ordine, quasi agnatus, non potest præoccupare qualitatem, quam habiturus est in tertio ordine, quasi cognatus, quia tertii ordinis nulla habetur ratio, quamdiu existant personæ secundi ordinis, cùm tertio ordini successio non deferatur, nisi penitus excluso, ac terminato secundo ordine. *l. filius qui 42. §. cùm filius ff. de bon. libert.*

Tertiò, quia gradus, & proximitas, cùm sint qualitates coherentes cognitioni, non possunt de cognitione in agnationem transferri, & de una conjunctione ad aliam, quia qualitas esse non potest sine substantia cui coheret. *l. si servum 4. §. si modus, & ibi Castrenf. n. 3. ff. de action. empr. Bellou. 30 conj. 2. n. 81.* Coheret autem inseparabiliter cognitioni proximitas gradus; quia generatio producit cognitionem. *l. 1. §. cognati ff. unde cognati. l. non facile 4. §. cognati ff. de gradib.* Eadem verò generatio facit simul

etiam gradum, *§. hactenus Instit. tit. de gradib. cognat.* Nec potest separari gradus à cognitione, quia nemo potest esse cognatus, quin sit in aliquo gradu cognatus: & contrà nemo potest esse in aliquo gradu conjunctus, quin sit cognatus. Multò minùs gradus, qui uni conjunctioni coheret, ad aliam transferri potest: quoniam tot sunt gradus, quot generationes, & generatio addita gradum adjicit. *d. §. hactenus Instit. tit. de grad. cognat.* Itaque si in una conjunctione tres sunt generationes, in aliâ duodecim; non possunt illi tres gradus ab illa conjunctione ad hanc transferri: quia generationes, quibus illa conjunctio connectitur, & numero, & specie diversæ sunt ab his generationibus, quibus connectitur hæc altera conjunctio. Quamobrem absurdè diceretur Titius agnatus defuncti in tertio gradu: nam cùm in conjunctione per masculos inter Titium, & defunctum intercesserint duodecim generationes, non possunt hæc constitui tres gradus, sed necesse est, ut constituent duodecim gradus. Est quidem Titius in tertio gradu cognatus: sed generationes, per quas cognatus constituitur, sunt omnino diversæ ab illis, per quas constituitur agnatus, & idèò diversi etiam sunt gradus.

Nec potest Titio prodesse duplex vinculum, agnationis, & cognitionis: tum quia tunc prodest duplex vinculum, quando utrumque est idoneum & aptum ad tribuendum jus succedendi; in casu autem nostro vinculum agnationis non est hujusmodi: tum quia duplex vinculum non consideratur ultrà fratrum filios, ut est in confesso apud omnes DD. ex *authent. post fratres C. de leg. hered.* Itaque si cum patruo concurrat alter, qui sit simul patruus & avunculus, nihil illi prodest duplex vinculum agnationis & cognitionis ad excludendum patruum, ut notat Bartol. in *l. post suos §. legitima ff. de suis, & legit. hered.* & clariùs Anton. de Rosell. *de success. ab int. n. 158.*

Denique probatur, quia bonorum possessionem *unde legitimi* Prætor dabat solum illis, qui à jure Civili vocabantur ad hæreditatem in secundo ordine agnatorum, seu

legitimorum hæredum. l. 2. §. *hæc autem l.*
 35 1. & l. 3. ff. *unde cogn.* Sed jus Civile nul-
 lam omnino rationem habebat cognatorum.
princ. tit. Instit. de SC. Tertull. l. 1. ff. unde
cogn. Ergo nec Prætor in dandâ bonorum
 possessione *unde legitimi* habet ullam ratio-
 nem cognationis: alioquin ad hanc bono-
 rum possessionem vocaret aliquem, qui à le-
 gibus non vocabatur.

His probè constitutis evidenter constat,
 Titium ad neutram bonorum possessionem
 admitti posse, ita ut excludat proximiorum
 vel æquè proximum agnatum. Jam verò,
 quid contrâ dici possit, examinemus. Doc-
 tissimi Advocati, qui contrariæ sententiæ
 patrocinium susceperunt, ejus multa ja-
 ciunt fundamenta, quæ mihi oppidò viden-
 tur infirma.

Primum fundamentum, est hujusmodi. Ti-
 tius est agnatus: Titius est proximus de-
 functo, utpote conjunctus in tertio gradu:
 36 ergo Titius est proximus agnatus. Atqui
 proximus agnatus, & ad legitimam succe-
 sionem à lege vocatur, & à Prætoris ad bo-
 norum possessionem *unde legitimi*; *princ. tit.*
Instit. de legit. agnat. success. §. ult. Instit. tit.
de success. cogn. l. Jurisconsultus 10. in princ.
ff. de grad. l. 2. ff. de suis, & legit. hæred. l.
pronunciatio 195. §. 1. ff. de V. S. & præfer-
tur omnibus cognatis; §. *ult. Instit. tit. de*
servil. cognat. l. 1. in princ. ff. quis ord. in
 37 *bonor. poss. servet.* & proximus est etiam,
 qui solus est. l. 2. §. *legitima ff. de suis, &*
legit. l. 1. §. proximus ff. unde cogn. l. prox-
imus 115. ff. de V. S. §. si plures Instit. tit. de
legit. agn. success.

Sed facilis est, & prompta responsio.
 Utrumque enim falsum est; & quod Titius
 sit agnatus, & quod sit agnatus proximus.
 38 Verè Titius non est agnatus, cum sit ultra
 gradum successionis præstitutum. Agnationis
 enim nomen non naturale est, sed civile.
l. non facile 4. §. cognationis l. Jurisconsultus
10. §. inter agnatos ff. de gradib. & affin. §.
ult. Instit. tit. de legit. agnat. int. Consistit
 autem agnatio in prærogativa successionis,
 & tutelæ, quæ à jure Civili tribuitur illi
 certæ conjunctioni sanguinis; & legistatâ hæc

prærogativâ tollitur agnatio, & superest sola
 cognatio, seu conjunctio sanguinis; ut even-
 nit per capitis diminutionem. §. *ult. Instit.*
tit. de legit. agnat. int. Quamobrem quia 39
 lex duodecim tabularum vocabat ab heredi-
 tatem non omnes liberos, sed solum suos
 hæredes; idcirco liberi, si non erant sui
 hæredes, nec erant agnati *l. scripto 6. vers.*
& alioquin ff. unde liber. Eadem de causa,
 quia lege Voconia fœminæ excluderantur
 ab hereditate, licet per masculos essent
 conjunctæ, tamen non dicebantur agnatæ.
l. 2. §. agnati ff. de suis, & legit. hæred. &
idcirco Ulpianus in definitione agnatorum sem-
per excludit fœminas: ut in fragment. tit.
de tutel. ibi: agnati sunt à patre cognati viri-
lis sexus, per virilem sexum descendentes.
& in tit. de legit. hæred. ibi: agnatos, id est,
cognatos virilis sexus, per mares descendentes
ejusdem familia. Quibus definitionibus ostendit,
 quod sicut ad substantiam agnati
 requirebatur, ut esset masculus, ita requi-
 rebatur ut esset vocatus ad successionem. De
 substantia igitur agnationis est jus succeden-
 di. Hinc doctiores Interpretes rectè putant,
 olim agnatos successisse in infinitum, atque 40
 id ex eo merito deducunt, quod in l. 2. §.
agnati ff. de suis & legit. agnati dicuntur,
 qui nascuntur per mares in infinitum. Neque
 enim dici possent agnati, nisi haberent jus
 successionis, in quo consistit agnatio. Barry
de success. lib. 18. tit. 3. n. 8. Forster. de
success. lib. 3. cap. 10. n. 1. Vinn. ad §. fin.
n. 4. de success. cogn. & ibi Timæ. Faber.

Sed ne verbi controversia nos miserè tor-
 queat; sive Titius sit verè agnatus, sive non
 sit; illud certissimum est, eum non esse
 agnatum, quoad jus succedendi, cum sit
 ultra gradum à lege præscriptum. Itaque
 falsum est, Titium esse agnatum in ea signi-
 ficatione, in qua accipitur. In hac enim
 enunciatione: *Titius est agnatus*; nomen
 agnati refertur ad jus succedendi; alioquin
 ex eo assumpto inferri non posset, Titium
 debere succedere exclusis cognatis, quem-
 admodum argumento illo concluditur. Fal-
 sum est igitur, Titium esse agnatum; quia
 non est ex eo genere agnatorum, qui vo-

cantur ad successionem, ut affirmatur in ea enunciatione. Exempli gratia: si quis enunciaret, Sirium esse canem; & ex hoc inferret Sirium esse animal; negandum utique esset Sirium esse canem in ea significatione, in qua accipitur ab enunciante: quoniam ex illatione constat, eum nomine canis non quemeumque canem in genere significare voluisse, sed canem animal; falsum autem, Sirium esse ejusmodi canem. Ita in nostro argumento, cum ex illatione constet agnati nomine significari eum agnatum, qui capax est successionis, utique negandum est, Titium esse agnatum: neque enim est ejusmodi agnatus, cujusmodi affirmatur in enunciatione.

Falsum igitur est, quod Titius sit agnatus: falsum est etiam, quod sit agnatus proximus. Nam etiam si demus eum esse agnatum, tamen proximitas ei nullâ ratione ⁴¹convenit. Non ratione agnationis, quia est ultrâ terminum successionis præscriptum, & ideo non potest in eo considerari proximitas, quoad successionem: non ratione cognationis, quia præceditur à Cajo proximior cognato: proximus autem is est, quem nemo antecedit. l. 2. §. hac hereditas & §. legitima ff. de suis, & legit. heredib. l. ex duobus 34. in princ. ff. de vulg. & pupill. l. proximus 92. ff. de V. S.

Sed demus, esse proximum cognatum; num ideoque erit proximus agnatus? minimè verò. Sunt hæc diversa, esse proximum agnatum, & esse proximum cognatum. Neque sic rectè concluditur: Titius est agnatus: Titius est proximus: ergo Titius est proximus agnatus. Est hoc sophisma puerile: hisce decipulis, ac laqueis pueros irritare solemus, eum intendimus eos esse filios canis, aut felis, quod tamen ipsis simili sophismate non possumus persuadere. Felis est tua: felis est mater: ergo felis est tua mater. Falsum est, quod inferatur, quia felis est tua ratione dominii, non ratione materitatis, ut ita dicam. Sic in casu nostro, Titius est proximus ratione cognationis, non ratione agnationis: & ideo non potest inferri, quod sit proximus agnatus. Cicero erat Poëta: Cicero

erat excellentissimus: ergo erat excellentissimus Poëta. Falsum est hoc, quod concluditur, quia erat excellentissimus in arte oratoria, non in poëtica. Aristoteles erat Geometra: Aristoteles erat summus, & omnium princeps: ergo erat summus, & omnium princeps Geometra. Est hoc falsum, quia erat summus, & omnium princeps in Philosophia, non in Geometria. Quæ verè enunciantur de uno, falsò enunciantur de alio: & ideo, si ab uno ad alium transferas, fit falsum enunciatum. De Oratore verè enunciat, quod fuerit excellentissimus: si id transferas ad Poëtam, est omnino falsum. Quod Aristoteles fuerit summus ac princeps omnium, jure enunciat de Aristotele, quatenus erat philosophus, non quatenus erat Geometra. Eodem modo, quod Titius sit proximus, verè enunciat de Titio, quatenus est cognatus, non quatenus est agnatus. Ideò falsum est, Titium esse agnatum proximum.

Non ignoro tamen, in fideicommissis ferè communiter receptum fuisse, proximitatem ⁴³desumi posse etiam à cognatione, quando vocati fuerint à testatore agnati proximi in infinitum. Miror equidem, huc impegisse summos viros, tam futili argumento deceptos. Magis tamen mirarer, si quis sententiam, tam infirmo fundamento innixam, vellet extendere ad successiones ab intestato: maximè cum hac in re sit omnino dissimilis successio testamentaria à successione ab intestato.

Primum enim in successione ab intestato certi ordines succedendi à lege præscripti fuerunt, inter se distincti, ac separati, ita ut existente aliquâ personâ ordinis antecedentis non possit considerari subsequens ordo, & ille in perpetuum à successione excludatur. Quapropter leges nullam rationem ⁴⁴ejus haberi voluerunt, & alterum eum altero confundi, & commisceri prohibuerunt, ut supra copiosè demonstravimus. Absurdum autem est, contra notissima juris principia, legumque sanctionem producere velle ad consequentia opinionem, quæ supinâ D D. oscitantia, L ij

vel consulentium avaritiâ increbuit.

Secundo loco animadvertendum est, quod in fideicommissis, in quibus vocatur agnati in infinitum, qui mutuatur proximitatem à cognatione, ex voluntate testatoris est agnatus, & est ex numero vocatorum ad successionem: & idèd habet jus succedendi, & est capax successionis, solaque proximitas ipsi deest ad alios excludendos: idèdque non est adeo absurdum, cum uti proximitate adscitâ à cognatione. At in casu nostro, in quo Titius non habet jus succedendi, tamquam agnatus, quia non est ex numero vocatorum, præter proximitatem debet mutuari etiam jus capiendæ hereditatis. Abhorret autem à jure, ut cognatio præstet jus succedendi inter agnatos: maxime quia ne quidem inter cognatos admitti potest ad successionem. Quàm absurdum igitur est, ut, qui ratione cognationis non admittitur ad successionem inter cognatos, ab ea cognatione mutuatur non solum proximitatem, sed etiam jus succedendi inter agnatos?

Argumentum deductum à fideicommissis fortasse vim aliquam habere posset, si Titius esset agnatus intra gradum præscriptum successionis agnatorum; sed cum nullum habeat jus successionis, tamquam agnatus; imò agnatio in eo vel nulla sit, vel inter mortua, non potest ope cognationis reviviscere. Si arbori aridæ furculum inferas, non germinabit, nec fructum ferre poterit: ut germinet, ut fructum ferat, necesse est ut arbori viridi inferatur. Si vivum corpus mortuo jungas, ipsum quoque morietur. Sic Mezentius infando supplicio miseris afflictebat, & ut ait Virg. lib. 8. *Æneid.*

Complexu in misero longa sic morte necabat.

Alterum fundamentum est, quod Titius nascitur ex femina agnata, nupta in familia, quæ continuat, & propagat agnationem in posteris: ac proinde, cum per matrem defuncto jungatur in tertio gradu, erit in tertio gradu agnationis; & idcirco erit proximus agnatus ratione agnationis, quam ipsi mater impertit. Licet enim per feminam constituitur cognatio, & à matre cognatio

oriri soleat, non agnatio; §. *sunt autem Inst. rit. de legit. agnat. rit.* tamen quando femina nubit in familia, conservat agnationem in liberis, ut non pauci ex pragmaticis arbitrantur: quia tunc non transfertur in alienam familiam per nuptias, nec transit in familiam viri, sicut quando nubit extraneo. l. *falsus §. Iulianus ff. quod fals. rit. l. quicumque* 10. & ibi Bartol. C. *de re milit.*

Respondetur, falsa esse omnia, quæ assumuntur. Primum falsum est, mulierem per nuptias transferri in familiam viri. Nam mulier, etiam si nupta sit extrâ familiam, tamen retinet originem, & familiam patris: l. *pater* 8. ff. *de collat. dor.* nec desinit esse agnata, ut est in confesso apud omnes: l. 3. C. *de legit. hered.* imò nec desinit esse in potestate patris, l. 1. §. 1. ff. *de agnos. liber.* l. 2. §. 1. l. *quoriet.* 29. ff. *solut. matrim. l. filia licet.* 12. C. *de collat. §. postea Inst. rit. de SC. Tertull. l. 1. §. ult. & l. 2. ff. de liber. exhib. l. patri.* 20. ff. *ad leg. Jul. de adulter. l. nec inter* 4. C. *de don. int. vir. & uxor.* & idèd est sua hæres patris, l. *pen. in princ. vers. cui enim* C. *de legit. hered. l. ult. ff. de dor. collat.* & succedit simul cum aliis filiis, l. 3. l. *filia licet* C. *de collat. l. 1. & ult. ff. de dor. collat. l. ult. ff. de suis, & legit. hered. l. 1. C. de legit. hered. l. 3. C. eod.* Nuptiæ enim non pariunt cognationem, sed affinitatem: l. *non facile §. sed quoniam* 12. fin. ff. *de grad. & affin.* & ideo non potest mulier in familiam viri per nuptias transferri, siæque ejus agnata; sed solum affinis. l. *quod Servius* 8. ff. *de condiç. caus. dar.*

Præterea falsum est, ideo mulierem non conservare suam agnationem in filiis, quia per nuptias in familiam viri transeat. Hoc enim admissio, illud etiam esset admittendum, quod filii vulgò quæriti sint agnati suæ matris; & quod fratres vulgò quæriti sint agnati inter se, quia eorum mater nullis contractis nuptiis in alienam familiam non transit. Utrumque tamen falsum est. Nam filius etiam vulgò quæritus est cognatus matri suæ: §. *vulgò quæritos Inst. de success. cogn. l. 4. §. cognationis ff. de grad. & affin. l. 2.*

ff. unde cogn. & fratres vulgè quæriti sunt inter se cognati. d. §. *vulgè quæstios Instit. de success. cogn. & d. l. 2. ff. unde cogn.*

- 49 Verilissima igitur ratio, cur mater numquam continetur, nec propaget agnationem suam in liberos, est, quia mater semper est femina. Leges enim distinxerunt conjunctionem per feminas à conjunctione per masculos: hanc vocarunt agnationem: illam cognationem. Non magis igitur fieri potest, ut mater filius agnationem impertiat, 50 quam ut mater non sit femina. A patre igitur, non à matre, agnationis jura oriuntur: *l. si spiritum 4. ff. unde cogn.* & filii patris, non matris familiam sequuntur. *l. familia §. ult. ff. de V. S. l. cum legitima ff. de stat. hom.*

Ex his sequitur, falsum quoque esse, quod mulier nupta in familia continetur, ac propaget suam agnationem in liberos. Etenim cum filii sint semper cognati matris suæ, *princ. tit. Instit. de SC. Tertull.* non potest continuari agnatio, quæ per hanc cognationem statim interrumpitur. Nam si filius ipse matri cognatus est, non potest esse agnatus illis, quibus per eandem matrem 51 conjungitur: hoc enim ipso, quod per feminam conjungitur, cognatus est, §. 1. *Instit. tit. de legit. agn. success. §. 1. Inst. tit. de legit. agnat. tut. l. Jurisconsultus §. cognati ff. de grad. & affin. l. 2. §. 1. ff. de suis & legitimis. l. sunt autem ff. de legit. tutor.* Nec usquam in jure nostro ab hac regula excipiuntur conjuncti per feminam nuptam in familia.

- Neque quisquam putet, hanc exceptionem omisam fuisse, quod rarò eveniret feminam in familia nubere: cum imò hujusmodi nuptiæ quotidie contraherentur, earumque sæpe numerò mentio fiat in jure nostro. *l. Paulo Callimacho 27. ff. de legat. 3. l. si neporem 3. ff. de ris. nupt. l. non sol. m. 67. §. 1. ff. eod. l. Lucius 78. §. filiam ff. ad SC. Trebell. l. celebrandis 19. C. de nupt. l. inter 23. ff. de cond. instit. Ulpian. in fragm. tit. §. de his qui sunt in potest.* Nam jure Romanorum nuptiæ non prohibebantur inter transverales, nisi inter fratres, & sorores: itaque patruelem licebat uxorem du-

cere: §. *inter eas, & §. duorum Instit. tit. de nuptiis*: qua de re factum fuit plebiscitum teste Plutarcho in *Question. Roman.* Imò SC. Claudiano permittum fuit etiam fratris filiam uxorem ducere: itaque Claudius Agrippinam, Domitianus Juliam, Heraclius Marcianam, fratrum filias, uxores duxerunt. *Ulp. in fragm. tit. §. Tacit. lib. 12. annal. Suet. in vita Claudii cap. 26.* Filii igitur ex his nuptiis progeniti erant matrum suarum & patruales, & filii: hoc est & agnati, & cognati. Agnati per patrem in quarto gradu: cognati per ipsam matrem in primo gradu. Sic in casu nostro Titius est defuncti cognatus, & agnatus: cognatus in tertio gradu per matrem: agnatus ultra decimum per patrem. Item & matris suæ cognatus est, & agnatus, cognatus in primo gradu tamquam filius, agnatus per patrem ultra decimum: cum enim ejus pater sit agnatus uxoris suæ, ipse quoque per patrem sit ejusdem agnatus, sed uno gradu remotior propter additam generationem.

CAPUT XIV.

Ad l. hujusmodi 84. §. qui servum ff. de legat. 1.

SUMMARIUM.

- 1 *Do ut, dans causam contractui bona fidei, reddis ipso jure nullum.*
- 2 *Secus in contractu stricti juris.*
- 3 *Exceptio comparata est ad evadendam actionem. Non habet locum exceptio, ubi nulla est actio. & in seqq.*
- 4 *Non est actio ex contractu sine obligatione.*
- 5 *Non tenet ipso jure: & ope exceptionis sunt opposita.*
- 6 *Do ut exceptio in contrahibus bona fidei.*
- 7 *Exceptio dolæ datur etiam, cum dolus non est admittus in contrahendo, si quis petat id, quod præstari æquum non est. & 12.*
- 8 *Dolus dicitur exceptio, quando actio non datur, & probatur in. seqq.*
- 9 *Marius faciens impensas in res dotales ipse jure liberatur.*
- 10 *Impensa minuitur dotem ipso jure.*
- 11 *Contractus, qui consensu constant, contrario consensu dissolvuntur, & in. seqq.*
- 12 *Exceptio aliquando pactum significat.*

- 17 *Exicipere, & recipere quid?*
- 18 *Petitis hereditatem esse actio bona fidei.*
- 19 *Paſſa neque parium actionem, neque ipsam sol-
lunt.*
- 20 *Paſſa inſiſſe contractibus, quid?*
- 21 *Abicimus invicem concurrentes quomodo consu-
mantur?*
- 22 *Opponuntur inter se fieri aliquid ipſo jure: &
jute Prætorio. & quare.*
- 23 *Ipo jure fieri quid.*
- 24 *Cur contractus bona fidei ſint ipſo jure nulli, cum
in eis inſunt exceptiones.*
- 25 *Explicatur ordo veterum judiciorum: & qua es-
ſent Prætoris partes.*
- 26 *In jure deſcriptari dicebantur, qua diſceſtabantur
apud Prætorē: & qua hac eſſent.*
- 27 *Am alit, quam exceptio, in jure petebatur à
Prætorē, & apud eum de utraque diſceſtabatur.*
- 28 *In ſtriſſis judiciis exceptio amitti à Prætorē im-
petranda.*
- 29 *Cur exceptio dicatur conditio.*
- 30 *Cur exceptio eſſet iniſſe conſeſtanda.*
- 31 *In bona fidei judiciis neceſſe non erat exceptionem
à Prætorē poſtulare: & quare.*
- 32 *Cur contractus bona fidei eſſent nulli.*
- 33 *Prætor in hic aliquando actionem denegabat.*
- 34 *Qua juris ſunt, Juxta ſupplere debet, non qua
ſunt facti.*
- 35 *Compensatio eponi debet & probari apud Judicem,
licet minus ipſi jure obligatiorem.*
- 36 *Cur eſſet nullus contractus, etiamſi à debitorē
probanda eſſet exceptio.*
- 37 *Preponi ut aliud argumentum.*
- 38 *Sine conſenſu quilibet contractus eſt nullus.*
- 39 *Actus, cui lex reſiſtit, eſt ipſo jure nullus,
etiamſi nihil deſit ejus ſubſtantia.*
- 40 *Cur in contractibus bona fidei dolus impedi-
conſenſum: non in contractibus ſtriſſis.*
- 41 *In ſtriſſis contractibus ſolum ſpectamus id, quod
linguâ nuncupatum eſt.*
- 42 *Conditioes de præſenti, ſi falſa ſint, ſtatim pe-
rimunt obligationem.*
- 43 *Quid in ſtipulationibus eſſet expreſſa conventio,
id in contractibus bona fidei eſſet officium Ju-
dicis.*

Conſtat ferè inter omnes, contractum bonæ fidei, cui dolus cauſam dedit, ipſo jure non valere; *l. & eleganter 7 in princ. verſ. aut nullam ff. de dol. mal. l. in cauſa 16. ff. de minor. l. 3. §. ult. ff. pro ſoc.* contra, contractus ſtriſſi juris valere ipſo ju- re, & actionem producere, ſed eam elidi, atque infringi exceptione doli mali. *l. §. C. de inus. ſtipul.* Et hoc eſſe præcipuum diſcri- minis inter hæc duo genera contractuum fa- tentur plerique omnes, & quamvis multa

ſint argumenta, quibus probari poteſt, etiam bonæ fidei contractus ipſo jure ſubſiſtere, ta- men ea accuratè reſutantur ab Interpretibus noſtris. Illud unum, quod ipſi leviter attingunt, fortaiſe quia parvi pendunt, nos per- pendere conſtituimus, & explicare dili- genter.

Quotieſcumque datur exceptio, contrac- tus ipſo jure valet: ſed in contractibus bonæ fidei, dolo iniſſis, datur exceptio: ergo va- lent ipſo jure. Prima propoſitio certa eſt. Nam exceptio datur ad elidendam actionem, & opponitur actioni ex contractu proficiſcen- ti. *l. 2. in princ. ff. de exception. princ. tit. Inſt. de except. l. 1. §. ult. ff. de interrog. in jure faciend.* Non poteſt autem eſſe actio, ubi nullus eſt contractus, nulla obligatio, ex qua oriatur. *l. actionum 2. §. i. princ. verſ. in perſonam ff. de oblig. & action. §. omnium Inſtit. tit. de act.* igitur nec dari poteſt exceptio, quia non poteſt elidi, atque infringi actio, quæ non eſt. Itaque per exceptionem adjuvatur ille, qui ſtriſſo jure eſt obligatus. *l. ſi quis duobus 30. ff. de conſ. pecun. nam qui ſtriſſo jure non eſt obligatus, exceptione non indiget, cum non poſſit conveniri.* Propterea opponuntur hæc inter ſe: ipſo jure non teneri: & defendi per exceptionem. *l. qui ſervum §. ſi is cui ff. de oblig. & action. l. cum quis 38. §. 1. verſ. & ideo. & l. qui de- c. m. in princ. ff. de ſolut. l. nec ex Prætorio ff. de reg. jur.*

Quod autem in contractibus bonæ fidei datur exceptio, probatur, quia tum alix exceptiones, tum exceptio doli, ineſſe dicun- tur in bonæ fidei judiciis. *l. huiusmodi 84. §. qui ſervum ff. de legat. 1. l. 3. ff. de reſcind. vendit. l. ſed etſi 21. ff. ſolut. matrim. l. juris Gentium 7. §. adeo ff. de paſſ.* Tenetur igitur contrahens ipſo jure, ſed adjuvatur per exceptionem.

Reſpondere ſolent: id eſſe intelligendum de exceptione doli, quæ oritur ex dolo inci- dente in contractum, cum ille, qui ſua ſpontè contrahit, in contrahendo decipitur, veluti ſi rem pluris emat, quam fuiſſet emp- turus. Etenim contractus valet, quia dolus non dedit cauſam contractui, nec dolo ad- ductus

ductus est ad contrahendum : ac proinde opus est exceptione ad purgandum dolum decipientis.

Sed hæc responsio vix potest convenire nostræ l. hujusmodi 84. §. qui servum ff. de legat. 1. ubi legatarius, ignorans sibi fuisse servum legatum, eum emit ab hærede. Certè hic dolo hæredis adductus est ad emendum : neque enim fuisset emprurus, si scivisset servum illum sibi legatum fuisse. Et quamquam responderi possit, hæredem quoque ignorasse servum fuisse legatum, adeoque nullum hæredis dolum in venditione intervenisse ; sed doli exceptione nihilominus repelli, quia dolo facit, cum ex vendito agit ad pretium, quod ei ex æquitate præstandum non est ; l. 2. §. circa, & §. item, & duobus seqq. ff. de dol. mal. excepti. (Exemplum peti potest ex l. si quis cum aliter 36. ff. de V. O. ex l. sed etsi ideo 21. ff. solut. matrim.) tamen dura est hæc interpretatio, nec probabile est id hæredem ignorasse ; minusque probabile, ibi de hoc solo hærede agi : præsertim quia ibi affertur ratio propria judiciorum bonæ fidei, cum tamen eo casu idem dicendum sit in strictis judiciis. d. l. si quis cum aliter 36. ff. de V. O.

Existimo ego hac ipsa de causa contractus bonæ fidei ipso jure non valere, si dulus eis causam dederit, quia exceptio doli inest bonæ fidei judiciis. Inesse enim exceptio dicitur, quia à Prætoribus non datur : nec ulla opus est ejus autoritate ad infirmandam actionem, & evolvendas vires contractus, sed actio ipsa suapte naturâ evanescit, & contractus sua sponte corrui.

Probatür id ex l. sed etsi 21. ff. solut. matrim. Air ibi J. C. quod, si maritus pro uxore impenderit, quantum ab ea dotis nomine accepit, actio dotis evanescit. Quid ita ? quia, cum doli exceptio insit de dote actioni, ut in cæteris bonæ fidei judiciis, potest dici inesse hunc sumptum actioni de dote, maxime si ex ejus voluntate factus sit. Non est dubitandum, hoc casu maritum ipso jure liberatum esse : nam compensatio etiam olim, non solum hodie, minuebat actionem ipso jure in bonæ fidei judiciis. §. in bona fidei

Inst. tit. de action. l. posteaquam 21. ff. de compensat. l. si constat 4. C. cod. Et necessariè impensæ ipso jure dotem minuunt, l. cum quis uxori, in princ. ff. de dot. præleg. Itaque rectè Jurisconsultus ait, evanescere actionem de dote in d. l. sed etsi. Ratio autem, cur evanescat actio, ea est, quia exceptio doli inest bonæ fidei judiciis. Ergo exceptio judicio inesse dicitur, cum actio evanuit, cum reus ipso jure non tenetur. Idem igitur dicendum est in casu nostro : cum dulus dedit causam contractui, ideo contrahens ipso jure non tenetur, quia exceptio doli inest bonæ fidei judiciis.

Confirmatur ex l. 3. ff. de rescind. vendit. Post contractam emptionem contrahentes contrario consensu ab emptione discesserant. Respondit Julianus, resolutum esse venditionem, & ex empto agi non posse, quia bonæ fidei judicio exceptiones pacti insunt. Ergo inesse dicitur exceptio, quando agi non potest : quando actio nulla est, & ipso jure non tenetur, qui contraxit. Quod autem ipso jure non teneantur emptor, & venditor, certum est tum ex ipsa l. 3. tum quia satis constat, contractus, qui solo consensu celebrantur, contrario consensu dissolvi §. ult. Inst. quib. mod. tollit. oblig. l. juris Gentium 7. §. adeo ff. de pact. l. 2. & §. 5. 1. ff. de rescind. vend. Atque ita dissolvuntur, ut infecti fiant, nullumque eorum vestigium superlit, quasi non præcessissent. d. l. 2. ff. de rescind. vend. ibi : potest enim conventionem nostrâ infecta fieri emptio ; & paulò post : quasi nulla emptio præcesserit. Et hoc est, quod ait Pomponius in l. nec ex Prætorio ff. de rig. jur. Obligationum causas immutari posse vel ipso jure, vel per pacti conventi exceptionem. Ipso jure immutantur in his contractibus : in aliis ope exceptionis. Licet igitur contractus sit ipso jure dissolutus, & pro infecto habeatur, tamen dicitur inesse exceptio : imò ideo dicitur nullus, & quasi infectus contractus, quia inest exceptio bonæ fidei judicio.

Similis est text. in l. juris Gentium 7. §. adeo ff. de pact. unde constat, quod exceptiones ad id insunt bonæ fidei judiciis, ut constet, in emptione aliisq. bonæ fidei judiciis, re non-

dum secum, abiri posse ab emptione, eamque dissolvi: sed in hac lege non consistit. Veris-

- 15 *simum enim est, quod Viris doctissimis placeat, in ea non agi de exceptionibus judicialibus, sed de pactis, quæ insunt bonæ fidei iudiciis. Exceptiones postea factæ, hoc est, pactiones postea factæ. Sententia enim ejus legis hæc est: pactiones, postea factas, adeo inesse bonæ fidei iudiciis, ut non solum liceat aliquid excipere, & cavere ne comprehendatur, & pro parte ab emptione recedere, sed etiam ut liceat abire in totum; quæ sententia pluribus verbis in eo §. explicatur, & in l. sed Celsus 6. §. ult. ff. de contrah. empte. & in l. pacta conventa. in princ. ff. eod.* Non tamen assentior maximis Viris, Cujacio, & Antonio Fabro: quorum alter in lib. 2. observ. cap. 15. emendat depeliones; alter in suis Rational. legit pactiones. Neque enim necesse est quicquam mutare, & erit dictio multò elegantior, si nihil immutemus.

- 16 *Exceptio est pactum, quo inter contrahentes convenit, ut aliquid obligatione non contineatur; seu quo aliquid excipiunt, & nolunt pervenire ad eum, cum quo contrahunt, & ad quem pertineret, si non fuisset exceptum. Sic usurpator in hac l. 7. §. adeo ff. de pact. & in l. pacta conventa 72. §. 1. ff. de contrah. empte. l. quæ 39. circa fin. ff. de action. empte. Flac. de condit. agror. Privata itaque via ad finisiones agrorum non pertinent, sed ad itinera eis præstanda, qua sub exceptione nominari in emptionibus agrorum solent.*

- 17 *Excipere enim significat pacisci, & cavere, ut estimatur aliquid à contractu, & obligatione, ne ad emptorem, aut alium perveniat, ad quem ex vi contractus fuisset perventurum l. qui ususfructum 36. §. stipulatus ff. de usufr. l. 2. §. apud Julianum ff. de hered. vel auct. vend. l. fundi 17. §. si ruit ff. de action. empte. l. 3. ff. de evulsion. l. qui duo 30. ff. de servit. rust. præd. l. si venditor ff. de religio. l. in lege ff. de contr. emption. l. Julianus §. penult. ff. de action. empte. l. qui quatuor 30. §. si fundum ff. de legat. 3. Varro de re rustic. In emptionibus eo jure utimur, quod lex præscripsit: alii enim plura, alii pauciora excipiunt. Idem quoque dicebant*

recipere, quasi retinere, & non transmittere ad eum, ad quem fuisset perventurum, ut explicat Gell. lib. 17. cap. 6. l. qui libertatis 67. §. sed etsi quis ff. de evulsion. l. quicquid 10. ff. commun. præd. l. qui fundum. §. fundi. & §. cum fundum ff. de contrah. empte. l. si mercedem. §. ult. ff. de action. empte. l. Seja 42. in princ. ff. de donat. caus. mort. l. qui fundum 205. ff. de verb. sign. Recipere enim, & excipere idem significant, ut constat ex l. qui duo 30. ff. de servit. rust. præd. & ex Gell. d. lib. 17. cap. 6: circa medium. Plaut. in Trinum.

Posticulum hoc recepit, eum ades vendidit.

Cic. de orator. lib. 2. Sed dicit te, cum ades paternas venderes, ne in rebus quidem, & casis solum paternum recepisse. Simile est, quod ait id. Cic. in Topic. Itaque pactio illa, quæ in hac l. 7. dicitur exceptio, dicitur receptio in l. quicquid 10. ff. commun. prædior.

Ad rem redeamus. Marcus Imperator constituit, ut in strictis iudiciis compensatio admitteretur oppositi doli mali exceptio: §. in bona fidei. Instit. tit. de action. quia dolo facit, qui petit id, quod redditurus est. l. in condemnatione 173. §. ult. ff. de regul. jur. l. dolo facit. 8. ff. de dol. mal. exc. l. qui non militabat 78. in princ. ff. de hered. instit. At verò in iudiciis bonæ fidei compensatio ipso jure minuebat actionem: l. 4. & l. posteaquam 21. ff. de compensat. l. si constet. 4. C. eod. ea de causa, quia in iudiciis bonæ fidei Iudex ex bono, & æquo æstimandi potestatem habet, ut ait Legislator noster Justinianus in §. in bona fidei. Instit. tit. de action. hoc est, quia exceptiones insunt in bonæ fidei iudiciis: hæc enim duo in idem recidunt, ut infra dicemus. Igitur actio, quæ in strictis iudiciis eluditur ope exceptionis doli, in iudiciis bonæ fidei ipso jure minuitur, & evanescit: & idè evanescit ipso jure, quia in his exceptiones insunt: ergò inesse dicuntur exceptiones, quia reus ipso jure non tenetur, & nullà opus est exceptione, sed actio sua sponte labitur.

Confirmatur id satis evidenter, quia cum 19 petitio hæreditatis sit actio bonæ fidei. l. ult.

in fin. C. de petis. heredit. §. actionum 18. *in fin. Instit. tit. de action.* nullā opus est exceptione doli ad liberandum reum, sed ipso jure, & officio Judicis tutus est. *l. planē. vers. nam nec exceptio. l. ult. in fin. ff. de petis. heredit.* Et tamen negari non potest, in hoc judicio inesse doli exceptionem, cū exceptiones insint in omnibus bonæ fidei judiciis. *l. sed etsi idē 1. ff. solut. matr. l. hujusmodi* 84. §. *qui servum ff. de legat. 1.*

Sic etiam, licet nuda pacta non pariant obligationem, & actionem, *l. 7. §. quin imò ff. de pact. l. legem C. eod. l. solent. 15. ff. de prescript. verb.* eamdemque ipso jure non tollant, sed solum pariant exceptionem, quā actio eliditur, §. *præterea Instit. tit. de except. l. juris Gentium 7. §. sed cum nulla ff. de pact. l. si unus §. si cum decem ff. eod.* tamen pacta incontinenti adjecta insunt bonæ fidei contractibus, & judiciis; & quando insunt, non amplius profunt ope exceptionis, sed formant ipsam actionem, eamque aut minuunt, aut amplificanc; & profunt ipso jure. *l. 7. §. quin imò ff. de pact. l. pacta conventa 74. in princ. ff. de contrah. empr. l. lecta. vers. dicebamus ff. de reb. cred. l. 4. l. emprori 37. l. si dictum 56. ff. de eviction. l. cum dotem 10. C. de jure dor. l. in bona fidei 13. l. petens 27. C. de pact. l. 5. & l. penult. C. de pact. int. empr.* Quomadmodum autem pacta, sic & exceptiones inesse dicuntur bonæ fidei judiciis, cū ipso jure tollunt, aut minuunt actionem, nec opus est exceptione ad repellendum actorem. Imò etiam pacta ex intervallo adjecta, si detrahant aliquid contractui, dicuntur contineri contractus, hoc est, inesse contractui. *l. pacta conventa 72. in princ. ff. de contr. empr.* sed ea solum pacta insunt, quæ legem contractui dant, & formant ipsam actionem. *l. 7. §. quin imò ff. de pact.* Ergo hæc pacta etiam ex intervallo adjecta formant actionem, eamque minuunt ipso jure. Atqui certum est, pacta ex intervallo adjecta non esse potest contractus, & solum parere exceptionem, ut modò diximus: ergo exceptiones inesse judiciis, & ipso jure liberatam esse debitotem, & diminutam aut extinctam actionem, idem significant,

Adde, quod in incurfu plurium actionum altera alteram ipso jure tollat, cū ea, quæ tollitur, est bonæ fidei: cum verò est stricta, tollitur per exceptionem; *l. pradia 28. ff. de 22 action. empr. l. qui servum 34. §. si is cui rem, ff. de oblig. & act. l. si is cui 71. ff. de furt.* non alia de causa, nisi quia exceptiones insunt bonæ fidei judiciis.

Quapropter animadvertendum est, in nostra *l. hujusmodi 84. §. qui servum ff. de legat. 1.* non repelli actorem exceptione doli mali, sed reum absolvi actione ex vendito: hoc est, venditorem recedere debere à sua actione, & emptorem dimittere. *l. si ex duabus §. 1. ff. judic. solvi. l. fulla 90. in princ. ff. de furt. l. quid enim 14. ff. de dolo mal.*

Demonstravimus, ut arbitror, satis perspicue sententiam nostram: nunc est explicandum, quā ratione id possit evenire. Op-
ponuntur hæc duò inter se, liberari aliquem, aut aliquid constitui ipso jure, & jure Prætorio *l. 1. §. ult. ff. de superfic. l. 1. §. idem Pomponius ff. quod falso tutor. l. 1. quib. mod. ususfruct. amitt. l. si ususfructus §. 1. ff. ususfruct. quemadm. cav.* Erenim ipso jure fieri dicitur, quod fit jure Civili, & jus Civile opponitur hac in re juri Prætorio: §. 1. & seqq. *Instit. de exception.* & quamvis jus Prætorium sit pars juris Civilis, §. *Prætorum Instit. tit. de jure Nar. Gent. & Civ.* tamen emphaticè jus Civile dicebatur ipsum jus, jus merum, jus strictum, jus solemne. *l. in causa ff. de minor. l. penult. ff. de constit. pecun. l. nec ex Prætorio ff. de reg. jur.* Quomodo autem dicimus contractus bonæ fidei ipso jure non valere, ipso jure tolli, aut minui actionem; id significamus, hoc totum fieri operā, atque autoritate juris Civilis, & cessare partes Prætoris, nec ejus auxilio opus esse. *l. in causa 16. in princ. & in §. 1. ff. de minor.* Hoc ipsum usu venit in contractibus bonæ fidei. Contractus, & actiones constituuntur bonæ fidei ab ipso jure Civili, *l. ult. in fin. C. de petition. heredit. §. 26 actionum. in fin. cum §. seq. Instit. tit. de action.* De natura horum contractuum, & actionum est, ut in eis insint exceptiones, hoc est, ut

non egeant auxilio Prætorio, unde extrinsecus adveniunt exceptiones ad eos infirmandos, à Prætoris concessis. *l. plani, & l. ult. ff. de petit. hered.* Hanc autem naturam à jure Civili acceperunt: igitur ipso jure non valent, ipso jure tolluntur; hoc est jure Civili. Si necessaria esset Prætoris autoritas, & exceptio à Prætoris data, ut infirmarentur, utique eliderentur & infirmarentur jure Prætorio, & ope exceptionis: sed cum neque Prætoris autoritate sit opus, neque ulla exceptio, utique nulli sunt ipso jure, & ex sua ipsorum natura, quam à jure Civili acceperunt.

Sed hæc altius repetenda sunt, & uberius explicanda. Olim Romæ Prætor causas privatas non judicabat, sed Judices petentibus dabat, dabat actiones, dabat exceptiones.

- 27 Itaque litigatores primum omnium à Prætoris postulare debebant Judicem, actionem, & exceptionem; ac proinde apud Prætorem disceptabatur non quidem de controversia, sed an is, qui petebat, agere posset; an ejus generis actio, an eo tempore, quo petebat, ei tribuenda esset; & rursus an reo danda esset exceptio, quam adversus actorem postulabat: & hæc in jure disceptari dicebantur,

- 28 nempe apud Prætorem. *l. jus pluribus. in fin. ff. de justit. & jur. l. 4. §. ult. ff. de interrog. in jur. facien. l. si feriat 6. in fin. ff. de feriis. l. 1. §. postulare & §. ait Prætor. ff. de postul. Plaur. in Menéchm. seu in jure, seu ad Judicem res est. Cornif. ad Heren. lib. 6. Ex translatione controversia nascitur, cum aut tempus differendum, aut accusatorem mutandum, aut Judices mutandos reus dicit: hæc parte constitutionis Græci in judiciis, nos in jure Civili plerumque utimur. & infra: Quaritur in translationibus primum, num aliquis ejus rei actionem, aut petitionem, aut possessionem, aut persecutionem habeat, quam non oporteat: num alio modo, tempore, loco, num alia lege, num alio quarente, aut agente. Cicet. lib. 2. de invent. Atque in nostra quidem consuetudine multis de causis fit, ut rariis incidant translationes: nam & prætoreis exceptionibus multa excluduntur actiones, & ita jus Civile habemus constitutum, ut causæ*

cadat is, qui non, quemadmodum oportet, egerit. Quare in jure plerumque versantur: ibi enim & exceptiones postulantur, & quodammodo agendi potestas datur, & omnis conceptio privatorum judiciorum constituitur. Idem in partitione. Atque etiam ante judicium de constituendo ipso judicio solet esse contentio, cum, aut sine alio illi, qui agit, aut jamne sit, aut num jam esse desierit, aut illane lege hisne verbis sit actio, quaritur. Quæ etiam si, antequam res in judicium venit, aut concertata, aut dijudicata, aut confecta non sunt, tamen in ipso judicio permagnum sæpi habere pondus, &c. Cicet. de invent. lib. 2. Postulat is, quo cum agitur, à Prætoris exceptionem. Id. in Lucull. Postulat, ut excipiantur hæc inexplicabilia. Tribunum aliquem, censeo, adeant: à me istam exceptionem numquam impetrabunt. Victorius in Cicet. de invent. Apud Prætorem, cum litis ipsius forma componeretur, ibi partes, aut excipiebant, aut simplicem actionem accipiebant. Unde in ipso jure, hoc est, apud Prætorem irallebatur exceptio. Qui volet exempla hujus discepcionis, adeat Ciceronem lib. 2. de invent. & l. 1. de orator. Igitur, & actio, & exceptio postulabatur à Prætoris, & an utraque danda esset, apud eum disceptabatur. Hinc toties in jure nostro traditum est, à Prætoris causa cognita actionem dari. *l. item si cum 14. §. 1. ff. quod met. caus. l. ait Prætor. 10. ff. que in fraud. credit. l. si quis affirmavit 9. alias l. si oleum §. ult. & seqq. ff. de dol. mal. l. item apud Labonem §. Prætor. 34. cum seqq. ff. de injur. l. sed eisdem restituitur §. sed eisdem dies ff. de judic. Causæ autem cognitio utriusque partis præsentiam, & discepcionem supponit. *l. in causa 13. in princ. ff. de minor. l. unic. C. si adversus dot. Idem ferè traditum de exceptione in l. 1. sunt qui putant ff. ne quid in sum. publ. in l. 1. §. Labeo ff. de sum. Alcon. Prædian. in 3. action. in Verr. Et tandem inquisitâ, auditâ, cognitâque utrimque causâ, in verba litis ejus componebat, quod Judici prescribere, ut secundum illud præsens controversia definitionem acciperet.**

Hoc intererat inter actionem, & exceptionem: quod actio semper à Prætoris postu-

landa erat; exceptio verò solum in strictis judiciis, ita ut reus condemnandus esset, nisi à Prætorè impetrallet exceptionem. §. 1.

30 & 2. *Inst. tit. de exception. l. 5. C. de inutil. stipulat.* Judex enim in his judiciis alligatus erat formulæ à Prætorè compositz. Formula hoc ferè modo concipiebatur. *Si paret Titium dare oportere, Mævius judex esto, cum que condemnato: nisi si dolo malo inductus promiserit.* hinc dicta est exceptio, quia Prætor reum condemnari jubebat, sed excipie-

31 bat eum casum, quo dolo inductus fuisset, aut alium quemlibet. Hinc etiam exceptio dicitur conditio in *l. exceptio 2. ff. de except.* quia Prætor jubebat reum condemnari, sub conditione, si non hoc, aut illud factum fuisset, quibus verbis conditionis proponi solebat exceptio. *l. si is qui §. pen. ff. de pignor. l. sicut §. quod si is fundus ff. quib. mod. pign. solv. l. creditor. ff. qui pot. in pign. l. itaque ff. de procurat. l. Papinianus. in fin. ff. de Publician. l. qui pendente ff. de action. empr. l. consilio §. 1. ff. de curat. furios. l. quamdiu ff. de bon. libert. l. vir uxore §. 1. ff. ad SC. Vellejan. & passim in jure nostro.* In his igitur judiciis reus ipso jure tutus non erat; sed jure Prætorio; sed ope exceptionis à Prætorè concessæ, quæ idèò initio opponenda erat, & contestanda: *l. siquidem 9. vers. nam si etiam C. de exception. l. emptor. C. de prescript. long. tempor. l. prescriptionem 8. C. de exception. l. exceptionem 19. C. de procur.* nam eà omisâ Judex omninò reum condemnare debebat: quare reus solo Prætoris auxilio à condemnatione liberabatur.

In judiciis bonæ fidei non postulabatur à Prætorè exceptio, quia inerat in ipso judicio, & ex natura ipsius actionis, atque contractus. Itaque in his judiciis Prætor certos terminos Judici non prescribebat, sed eum ex bona fide judicare jubebat: §. *in bona fidei Inst. tit. de action. & constat ex Cicerone in Topic. & alibi*, cujus verba afferre superse-

33 demus, quia ab aliis asseruntur. Quamobrem hi tractatus non auxilio Prætoris accedente infirmabantur, neque prætoria exceptione eorum actio elidebatur; sed ipsa ex se ipsa consumebatur, & propriâ naturâ

contractus erat irritus, & ipso jure munitus erat reus: hoc est, jure Civili, quod eam naturam his contractibus tribuerat, ut intestino vitio laborarent, & suapte naturâ deficerent. Itaque quod in strictis judiciis efficit exceptio, & auxilium Prætoris, id in his efficit natura ipsa contractus; ac propterea, sicut illi contractus ope Prætoris nulli, atque inutiles efficiuntur; sic hi naturâ suâ, & ipso jure nulli sunt, atque inutiles.

Ac si quis contendat Prætorè ex his contractibus, quibus dolus causam dederat, actionem non dedisse; eum non facile reprehendi posse crediderim. Ostendimus, apud Prætorè disputatum fuisse an actio danda esset: duabus de causis hæc disceptatio instituebatur. Prima erat, ut Prætor posset decernere, an ipse deberet cognoscere, an verò Judicem dare. *l. 9. in fin. ff. de offic. Pras.* Altera, ut inspiceret, an leges, an æquitas actionem dari permitterent, ut constet ex *ll. quas supra adduximus*, & ex *l. ult. ff. de alienat. mut. jud. caus. fact.* Itaque sæpenumerò traditum est in jure nostro, Prætorè causâ cognitâ actionem denegaturum. *l. Titia 34. ff. solut. matr. l. in causa 13. in princ. ff. de minor. l. 4. in princ. ff. de judic. l. si debitor 30. ff. de solution. l. veluti ff. de verb. obl. l. 1. §. ait Prætor. cum seqq. & l. eleganter §. ult. ff. de dol. mal. l. non alias 24. §. ult. ff. de judic. l. item apud Labionem §. Prætor ait. cum seq. ff. de injur. l. nihil interest §. 2. ff. de bon. libert. l. filiosam. §. ult. ff. de procurat. l. etsi 7. ff. de oper. nov. nunciat. l. si cum ff. de nox. action. l. 1. §. in operis ff. de nov. oper. nunc. l. 1. in princ. ff. de aleator. l. Parris §. 1. ff. de minor.* Quapropter, si reus poterat facile Prætori probare, se dolo adductum fuisse ad contrahendum, Prætor aëtori denegabat actionem, argum. text. in *l. nam posteaquam. in princ. ff. de jurejur. in l. necessariis in princ. ff. de acquir. vel om. hered. in l. veluti 27. ff. de verb. oblig.* Quorū enim à Prætorè daretur actio, in qua jubet reum ex bona fide condemnari, si reus ex bona fide condemnari non poterat: *l. 3.*

ramur voluntatem contrahentium. *l. sed & Celsus 6. §. 1. ff. de contrah. empt. §. in bona fidei 30. Inst. tit. de action. l. licet §. 1. ff. de jur. dot.* Non admittitur autem in contractibus stricti juris, in quibus solum spectamus id, quod lingua nuncupatum est, nec ab eorum verbis recedimus, *l. ira stipulatio 11 §. in princ. ff. de V. O. & ad rem nostram est testim. l. si ira stipulatio 126. §. Chrysogonus in fin. ff. de V. O.* Igitur deest consensus in contractibus bonæ fidei, non in strictis.

Explicabo planius. Si quis falsâ causâ adductus ad promittendum, promiserit sub conditione: *si causa illa vera sit*, stipulatio ipso jure non valetur, quia conditio falsa de præsentis ipso jure viuat contractum. *l. si ira stipulatus 20. ff. de V. O. §. conditiones Inst. eod.* sed quod efficit in stipulatione id, quod expressum est, idem efficit in contractibus bonæ fidei id, quod suppletur ex interpretatione, & officio Judicis. *l. 7. ff. de negot. gest. l. Lucius 20. ff. de positi.* ergo sicut hæc conditio expressa in stipulatione redderet nullam stipulationem deficiente consensu, ita reddit nullum contractum bonæ fidei, & tollit consensum, etiam si expressa non sit, quia suppletur interpretatione, & officio Judicis ex bono, & æquo.

- 10 *Idem olim observatus in rei vindicatione.*
- 11 *Cur dista vindicatio?*
- 12 *Vindicatio, & vindicatio quid?*
- 13 *Explicatur Cicero in oratione pro Muræna.*
- 14 *Rei præsentis nomen in judicio quid significet?*
- 15 *Qui litis se obtulit, aut dolo desit possidere, condemnatur ad puniendum ejus delatum.*
- 17 *Si alter à possessore consequatur rem vel estimationem, non potest postea convenire eum, qui dolo desit possidere: at, si prius hunc conveniret, postea possiderem convenire: & quare?*
- 18 *Possessio adversarii parit actionem in rem.*

Quamvis rerum dominia traditionibus, non nudis pactis, transferantur, *l. traditionibus C. de pacti.* tamen, quando præcessit traditio ex quacumque causa, ex qua res est in potestate alicujus, non est necessaria nova traditio, & solâ conventionem dominium transfertur in eum, qui rem ex alia causa detinet. *l. certi conditio 9. §. ult. ff. de reb. cred. l. qui negotia 34. ff. mand. l. qua ratio 2. ne §. interdum ff. de acquir. rer. domin. §. interdum Inst. tit. de rer. divis. l. absenti 10. ff. de donat. l. si servus 21. §. 1. ff. de acquir. rer. dom. l. si fur. 32. in princ. ff. de usufructu. l. si sponsalibus 58. §. 1. ff. de jur. dot.* Nam res pro tradienda habetur ex hac nova causa, idonea ad transferendum dominium. *l. si rem que apud eum esset ff. de eviction. d. l. si sponsalibus l. si autem 9. §. 1. cum, e. ff. de Publician.*

Quorsum enim traditio, nisi ut rem redigat in potestatem accipientis? Dominium enim cæpit à naturali possessione. *l. 1. §. 1. ff. de acquir. vel amitt. posses.* supervacanea igitur est traditio, quando res est in potestate ejus, qui dominium debet acquirere; & ab eo naturaliter possidetur. Superveniente enim titulo, & animo, affectuque domini, efficitur justa, & civilis possessio. *l. 3. §. Neratius ff. eod.* Neque hæc possessio solo animo acquiritur, quod fieri non potest, *l. 3. in princ. & l. quemadmodum 8. ff. eod.* sed animo, & corpore: accessit enim animus præcedenti detentioni corporali; quo fit, ut animo & corpore res possideatur, & per possessionem dominium acquiratur.

Neque in hac domini translatione necessaria est rei præsentia, cum enim ad justam

CAPUT XV.

Ad *l. hac, si res 47. ff. de rei vind.*

SUMMARIUM.

- 1 *Traditionibus, non nudis pactis, dominia rerum transferantur.*
- 2 *Sine nova traditione transfertur, cum traditio præcessit ex alia causa & quare, n. 3.*
- 3 *Dominium cæpit à naturali possessione.*
- 4 *Possessio non solo animo, sed animo & corpore acquiritur.*
- 5 *Quando non sit necessaria rei præsentia ad dominium transferendum.*
- 6 *Opponitur text. in l. ejus rei, cum seq. ff. de rei vind. & explicatur.*
- 7 *Rei vindicatio datur contra possessorem.*
- 8 *Datur etiam contra eum, qui liti se obtulit, aut dolo desit possidere.*
- 9 *Cur præsens rei dicatur, qua possidetur: absens, qua non possidetur, & n. 5.*

possessionem defuit solus animus; eo accedente statim efficitur iusta, & civilis possessio. Et cum ad dominium transferendum defuit solummodo titulus idoneus, eo per conventionem superveniente, statim dominium acquiritur. Animus enim, & titulus non desiderant rei presentiam, & etiam è longinquo operantur. Itaque nusquam Veteres in hac domini translatione presentiam rei desiderarunt.

Contrarium tamen videtur constitutum in 61. *ejus rei cum l. seq. ff. de rei vind.* ubi Paulus ait, quod, si reus, qui conveniebatur rei vindicatione, conveniret cum auctore de solvenda rei æstimatione, dominium statim ad possessorem pertinet. Subdit deinceps in *l. seq. Hac, si res presens sit; si absens, tunc, cum possessionem ejus possessor nactus sit ex voluntate auctoris.*

Qui totius legis verba paulò accuratius perpenderit, facile intelliget, presentem rem à Paulo dici, quæ est in potestate rei conventi: absentem, quæ non est in ejus potestate, sed ab alio possidetur. Demonstrant id verba, quæ subsequuntur: *Et ideo non est alienum, non aliter licet æstimari à Judice, quam si caverit auctor, quod per se non fiat, possessionem ejus rei traditum iri.* Si auctor cavere debet per se non fieri, quominus possessio reo tradatur, ergò res ab alio possidebatur, & non erat in potestate rei.

Nec obstat, quod in ea lege reus appellatur possessor, & quod rei vindicatione competit solum contra possessorem. §. 1. *Instit. tit. de action. l. officium 9. ff. de rei vindic.*

Nam respondetur, agi rei vindicatione etiam cum eo, qui aut liti se obtulit, aut defuit dolo possidere. *l. qui petitorio 36. l. quod si dolo 22. l. is qui se obtulit ff. de rei vindic. l. fin autem 27. ff. eod.* Et quia hi conveniuntur, tamquam possessores, & tamquam possessores condemnantur; *l. qui dolo 131. ff. de reg. jur.* uno verbo, pro possessoribus habentur; ideo à Paulo reus conventus possessor appellatur.

Sed quâ ratione, quave de causâ presentens res dicatur, quæ à reo detinetur, & in ejus potestate est; absens, quæ detinetur ab

alio; non explicant Interpretes nostri. Videtur autem absurda hæc loquendi forma. Atque eò magis, quod agitur de judicio. Quis autem, cum convenitur, rem petitam affert in judicium? Certè hujus rei exemplum singulare affertur in *l. qui vas argenteum ff. de furt.*

Verùm enim verò plena est reconditæ eruditionis, & antiquitatis hæc elocutio. Verba hæc accommodata sunt ad veterem judiciorum formam. Vindicabant enim rem in judicio, tamquam presentem, cum à reo possidebatur. Refert A. Gell. lib. 20. *Noct. Attic. cap. 9.* primis Reip. temporibus, cum Romanum Imperium angustis finibus concluderetur, eum, qui jurisdictioni præerat, simul cum litigantibus in rem presentem venire, atque ibi litigantes manum consensuisse, juxta leges duodecim Tabularum, in quibus scriptum erat: *Si qui in jure manuum conferunt.* Atque hinc fortasè nomen vindicationis inditum huic actioni. Ut enim ait Cicer. 2. *de inventione: Vindicatio est, per quam vii, aut injuria, aut omnino, quod obfuturum est, defendendo, aut ulciscendo propulsatur.* In hac manuum confectione vim adhibebat actor, vim propulsabat reus, & imaginarium quoddam, ac civile bellum inter eos peragebatur. Quamobrem non immerito Ennius bellum huic confectioni comparavit illis versibus:

Non ex jure manu conferimus, sed mage ferro.

Rem repetunt: Regnumque petunt: vadunt solidà vi.

Sed ad rem redeamus. Subjicit idem Gellius, quod propagatis Imperii finibus, cum Prætor gravaretur in res longinquas proficisci, institutum fuit, tacito consensu contra leges 111. *Tabul.* ut ex jure manu confertum vocarent: id est, alter alterum ex jure ad conferendam manum in rem, de qua ageretur, vocaret: atque ita profecti simul in agrum, de quo litigabatur, terræ aliquid ex eo, veluti unam glebam, in jus, in Urbem ad Prætores deferrent, & in ea gleba tamquam in toto agro vindicarent. Hanc glebam, quæ totum agrum representabat, *vindicias*, seu *vindicium*

vindicatam appellatam Festus ait, & apud eum Servius Sulpitius. Glossæ quoque, quæ Philoxeno tribuuntur, ita vindicias definiunt: *res que sunt in controversia*. Longè alia est sententia Asconii Prædiani in 3. in *Verr.* & aliorum Scriptorum. Sed hæc ad rem nostram non pertinent.

Paulatim autem obsolevit etiam solemnis illa litigantium protectio, & res redacta est ad imaginariam, fictamque protectionem, ac meram solemnitatem, ut conjecturâ allequi possumus perpendendo verba Ciceronis, irridentis Jurisconsultos in oratione pro *Muræna*. Ne sim longior, verba Ciceronis prætermittam, formulas tantum litigantium ac Prætoris inde depromam. Actor igitur his verbis in jure utebatur: *Fundum, qui est in agro, quæ Subinus vocatur, eum ego ex jure Quiritium meum esse aio: inde ego te ex jure manu conserium voco*. Tum respondebat reus: *Inde tu me ex jure manu conserium vocasti, inde ego te revoco*. His Prætor subiciebat hæc verba: *Utrisque superstitibus presentibus istam viam dico: ite viam*. Præsto erat JC. qui doceret ire viam. Tum Prætor: *redite viam*. Fingebat igitur in agrum proficisci, atque inde reverti, glebâ in jus allatâ. Atque hæc formulæ in usu erant etiam tempore A. Gellii, ut ipse testatur ibidem, qui floruit non multò ante Paulum nostrum. Quamobrem non est incredibile, etiam ejus ætate ventum fuisse in rem præsentem fictâ illâ, atque imaginariâ protectione; vel saltem mansisse nomen rei præsentis, & conservatam fuisse illam reliquam vetustatis etiam abolitâ consuetudine eundi, & redeundi: quemadmodum *vindicatæ* nomen mansit etiam sublata virgâ, & aliis solemnibus ejus manumissionis.

Rectè igitur Paulus vocat præsentem rem, quam reus possidet, quia tunc vindicatur tamquam præsens; ac præsens esse fingitur. Dicitur autem absens, cum à reo non possideretur, quia tunc agitur ad puniendum dolum rei, ac reus condemnatur ad præstandam litis æstimationem, non tam propter rem possidam, quam propter dolum, qui

pro possessione habetur. *l. qui dolo & l. parem ff. de reg. jur.* hujus rei argumento sit: quod, si actor prius convenerit possessorem, & ab eo vel rem ipsam, vel litis æstimationem sustulerit, non potest amplius convenire eum, qui dolo desit possidere. Contrâ, si prius convenerit eum, qui dolo desit possidere, & ab eo consecutus sit rei æstimationem, potest nihilominus convenire possessorem, & ab eo auferre rem, vel litis æstimationem. *l. nec ullam §. pen. in fin. ff. de petit. heredit. l. Stichum §. dolo ff. de solut. l. si is qui 7. ff. de rei vindicat.* Rario est, quia possessio parit actionem in rem. *l. un. C. de alien. mut. judic. caus.* Itaque licet consecutus sit rei æstimationem ab eo, qui dolo desit possidere, tamen extincta non est actio, quam ei parit possessio alterius, qui verè possidet. Atqui illam litis æstimationem consecutus est ex dolo adversarii, non ex ejus possessione. Quare nulla causa est, cur solutio hujus æstimationis extinguat actionem. Contrâ verò secundo casu, quia rem vel litis æstimationem à possessore auferit propter rem possidam, & ex causa possessionis, statim extinguitur actio, quæ ex ea possessione nata erat. Nec amplius haberi potest ratio doli ejus, qui desit possidere, cum actor dolo illo deceptus non sit, nec damnum sit passus re suâ recuperatâ. argum. text. in *l. is qui se obtulit 2. §. cum seq. ff. de rei vind.*

Non potest igitur fingi res præsens, quando reus non possidet, cum potius dolus, quam possessio, liti causam præbeat.

CAPUT XVI.

Ad l. Ejus qui 41. ff. de reb. cred.

SUMMARY.

- 1 Error contrarius est consensui.
- 2 Quod per errorem actum fuit, non valet.
- 3 Error in corpore rei vitiat contrahum.
- 4 Error impedit dominii translationem.
- 5 Non transfertur dominium, nisi concurrat affectus utrinque contrahentis.
- 6 Qui transfert aliud dominium, quam quod vult, nihil transfert.
- 7 Tradens voluntate, aut jussu domini, transfert dominium.

2 *Dominium non transfert, qui vult transferre dominium, quod non habet, licet sit ex alia causa dominus.*

9 *Explicatur l. servum Titii ff. mand.*

10 *Diversa sunt dominia, ex diversis causis quaesita.*

11 *Quem de eversione tenet actio, multo magis repellit exceptio.*

12 *Transfertur dominium ab eo, qui vult illud dominium transferre, etiamsi ignoret se habere.*

13 *Explicatur l. ejus qui 41. ff. de reb. credit.*

14 *Explicatur l. si pater ff. de man. vind. & qua in re differat libertas à dominio.*

15 *Iustus & mandatum morte mandantis finiuntur.*

1 **E**Rror contrarius est voluntati, & consensum, & conventionem impedit. *l. sed hoc ita 10. ff. de aqu. & aqu. pluvi. l. 2. ff. de iudic. l. si per errorem ff. de iurisdic. 2 omni. judic. hinc nihil valet, quod per errorem actum est. l. in omnibus negotiis ff. de obligat. & act.* Multi errores possunt in contrahendo, & hominum commercii intervenire. Duo sunt meo iudicio similes: error in corpore rei, de qua contrahimus: & error in dominio, quod volumus transferre. Si erratum sit in corpore rei, inutilis & irritus est contractus, ac nulla ex eo nascitur obligatio. *l. inter stipulantes 83. §. 1. l. continuis 137. §. 1. ff. de V. O. l. 9. in princ. ff. de contr. empt. §. si de alia Instit. tit. de inut. stip.*

Si erratum sit in dominio, quod transferre volumus, pariter inutilis, & irritus est actus, nec dominium transfertur. Nemo enim errans rem suam amittit. *l. si procurator 35. ff. de acquir. rer. domin. l. 3. §. subtilius ff. de cond. caus. dar. l. etsi consensus 15. §. ult. ff. de contr. empt. quemadmodum enim nullus sine conventionem potest esse contractus, *l. 1. §. adeo ff. de pact. ira* & dominium transferri non potest, nisi concurrat affectus ex utraque parte contrahentium. *l. in omnibus rebus ff. de oblig. & action.**

Sunt autem similes hi duo errores. Sicut enim non sufficit ad contrahendam obligationem, velle fundum vendere, vel alio modo contrahere, nisi fundus, quem vendimus, sit ille ipse, quem vendere volumus; ita non sufficit velle dominium transferre, nisi illud ipsum dominium transfe-

ramus, quod volumus: & sicut vendendo aliud corpus, quam quod vendere volumus, venditio nulla est, ita transferendo aliud dominium, quam quod transferre volumus, nihil agimus, & nulla est alienatio. *l. etsi consensus 15. §. ult. ff. de contr. empt.* Vendidisti mihi, vel donasti rem meam, & iussu meo alii tradidisti. Nulla videtur esse causa, cur dominium non transferatur in accipientem: nam qui rem tradit iussu, & voluntate domini, transfert dominium. *§. nihil autem interest Instit. tit. de rer. divis.* Dominus eram: habui voluntatem transferendi domini: intervenit traditio necessaria ad dominium transferendum, & tamen dominium non transferatur. Quid ita? quia volui transferre dominium, non meum, quod habeo, sed tuum, quod transferre non possum, quia non habes. *l. etsi consensus in fin.*

Idem omnino statuendum est, si voluerit transferre dominium, quod putat se habere, cum non habeat, licet sit dominus ex alia causa, & habeat dominium, quod se habere ignorat. Sicut enim, qui vult vendere, aut donare fundum Cornelianum, & vendit, aut donat Sempronianum, non contrahit obligationem, licet habeat fundum Sempronianum, deficiente voluntate; *l. in conditionibus 9. in princ. ff. de contr. empt.* ita non transfero dominium, licet illud habeam, si non eo animo sum, ut illud ipsum, quod habeo, transferam; sed aliud ab eo diversum, quod transferre non possum, quia non habeo. *l. servum Titii 49. ff. mand. 9* Servi dominus eram, cum id ignorarem. Fui hæres Sempronii, qui servum illum emerat à non domino, ac proinde dominus factus non fuit. Cum tamen crederem, Sempronium dominum fuisse, putabam dominium Sempronii in me translatum fuisse jure hæreditario: & me esse servi dominum tamquam hærelem Sempronii, cum verè multò ante dominus essem ex alia causa. Vendidi servum illum, vel alius iussu meo vendidit: non transfero dominium in emptorem. Volo enim transferre dominium in me à Sempronio translatum jure hæredita-

- rio, quod transferre non possum, quia non habeo. Dominium autem, quod habeo, non transfero, deficiente voluntate: cum enim dominium illud me habere ignorem; non possum habere voluntatem ejus transferendi. Sunt autem diversa hæc dominia. *l. si mater §. eandem causam ff. de except. rei judic.* Itaque possum servum, quem vendidi, vindicare. *d. l. servum Titii in fin. l. vindicantem ff. de evulsion.*
- 10 Repellor tamen exceptione doli mali, quia cum tenear de evulsionem, alio vindicante, dolo facio ipse vindicans, quod vendidi. *l. vindicantem ff. de evulsion.*

- Quemadmodum autem, cum non est erratum in corpore rei, nihil interest, an res sit penes eum, qui contrahit, an penes alium; & etiam si contrahens ignoret se rem habere, quam habet, tamen contrahitur obligatio: ita transfertur dominium, etiam si ille, qui vult transferre dominium, ignoret se illud habere, dum tamen velit transferre illud ipsum dominium, quod habet, licet putet dominium illud non penes se esse, sed penes alium. Quid enim refert, ipse habeat dominium illud, an alius, si & vult illud dominium transferre, & potest transferre, cum ipse habeat? Evenit id cum quis acquisivit ab aliquo dominium ignorans, quod in aliquem transferre vult, cum putet ejus esse, cujus erat, antequam in ipsum transferretur: veluti si dominium acquisiverit jure hæreditario ignorans.

- His expositis constat, verissimè ab Africano responsum fuisse in *l. ejus qui. Pers. quas vult pecunias ff. de reb. cred.* pecunias à servo creditas, pro eo parte alienatas fuisse, pro qua ipse hæres exstitisset, licet id ignoraret: quod responsum perculit omnes Interpretes. Servus fuit hæres domini ignorans: itaque dominium pecuniæ acquisivit ignorans. Pecuniam credidit, dominium transtulit in mutuatarium; non quia hæres videatur eadem persona cum defuncto, ut quidam Viri docti sunt arbitrati; nihil enim hoc ad rem pertinet. Non eadem persona id efficit, sed idem dominium. Voluit nimirum servus transferre dominium pecuniæ in mutuatarium, quod putabat esse

penes dominum suum, & erat penes se ipsum: sed tamen erat idem dominium. Nam à domino in illum translatus erat jure hæreditario. Ignoravit, quis habet illud dominium, non verò erravit in dominio: voluit enim illud ipsum dominium transferre, quod verè transferre poterat, quia ipse habebat jure hæreditario quæsitum. Itaque nulla ratio est, cur transferre non debeat. *§. per traditionem Instit. tit. de rer. div.* hinc puto veteres Interpretes rectè statuisse, quod, quando quis habet causam ab eo, quem dominum putat, tradendo dominium transfert, licet ipse ignoret se esse dominum. Etenim, cum habet causam ab eo, quem dominum putat; habet illud ipsum dominium, quod ille habebat: & cum velit transferre dominium, quod ille habebat, utique vult transferre suum dominium: est enim idem dominium ab eo in hunc translatus.

Idem constitutum est in libertate. Si quis servum suum manumittat, quem putat alienum, servus fit liber, quia verum est voluntate domini manumissum esse. *l. si pater 4. §. quoties ff. de manum. vind.* Nec obest error ignorantis suum esse servum, sicut non obest error ignorantis suum esse dominum. Illud animadvertendum, quod in libertate non quærimus, an manumissor habuerit causam ab eo, quem putabat dominum servi. Nam libertas una, & eadem est, nec errari potest in genere libertatis: nec ea ab uno ad alium transfertur simul cum servo, quemadmodum dominium; nec à domino quidem in servum transfertur, cum eum manumittit. Itaque in manumissione non potest manumissor errare, & velle servo dare libertatem, quam habet Titius, non quam ipse habet; cum libertas, quam servus ex manumissione consequitur, non fuerit penes quemquam; nec possit esse hæc vel illa libertas: neque enim existit ante manumissionem.

Contrarium videtur constitutum in eadem *l. si pater. in princ.* ubi id contingere dicitur favore libertatis. Sed non eo pertinet favor libertatis, ut manumissus liber

fiat, sed ut videatur manumissus jussu, & mandato domini, etiamsi post mortem ejus fuerit manumissus, cum in aliis causis jussus, & mandatum morte finiantur. *l. si per epistolam 50. ff. de acquir. hered. l. mandatum C. mand.* Quod si mutata fuerit voluntas, non videbitur volente patre manumissus. *l. quesitum §. Julianus ff. qui, & a quib. manum.* Itaque favor libertatis id efficit, ut, nisi constet dominum mutasse voluntatem, durare videatur etiam post mortem. *d. l. si pater.*

CAPUT XVII.

Ad l. si ego pecuniam 18. ff. de reb. credit.

SUMMARIUM.

- 1 Error in causa contrahendi vitiat utrumque contractum.
- 2 Sine conventioni nullus contractus.
- 3 Error in causa domini transferendi impedit domini translationem, si utraque causa non sit idonea.
- 4 In dominio transferendo concurrere debet voluntas utriusque.
- 5 Si utraque causa sit idonea, error non impedit domini translationem.
- 6 Cur in dominio transferendo utriusque voluntas debeat concurrere.
- 7 Conciliatur Ulpianus cum Juliano, & nn. seqq.
- 9 Nummos non fieri accipientis, & mutuum non esse contractum, idem significant.
- 10 Repenti nummos sua voluntate consumptos obstat exceptio.
- 11 Mutuum non rectè contractum consumptione conciliatur.
- 12 Voluntas dantis attenditur in domini translatione.
- 13 Nuda traditio dominium non transfert.
- 14 Ad dominium transferendum sufficit etiam causa putativa, & explicatur exemplis.
- 15 Solvens indebitum transfert dominium, & idè repetit conditione, non rei vindicatione.
- 16 Qui habet mandatum à domino, si tradat proprio nomine, dominium non transfert: & quare.

Diximus de errore in dominio transferendo: de errore in causa transferendi domini pauca subjiciamus, de quo non mirum impedita, & magnis difficultatibus involuta disputatio est. Quando erratum est

in causa domini transferendi, duz questionones occurrunt: altera de obligatione: altera de dominio.

Quantum attinet ad obligationem, constat inter omnes, hunc errorem obflare obligationi, & neutrum contractum valere. Dedi tibi pecuniam, quasi donaturus, tu quasi mutuum accepisti: nec donatio, nec mutuum contrahitur. *l. si ego pecuniam 18. ff. de reb. credit.* Non donatio, quia deficit tuus consensus, qui non ex causa donationis accepisti. Non mutuum, quia deest meus consensus, qui non habui animum mutui contrahendi. *l. in omnibus negotiis ff. de oblig. & act. sine conventioni enim non potest esse contractus. l. 1. §. conventionis ff. de pact. conventio autem non est consensus unius tantum, sed duorum in idem placitum concurrentium. d. l. 1. §. & est pactio.* Non concurrunt autem in idem placitum, cum alter donationem, alter mutuum voluerit contrahere.

Quantum autem attinet ad dominium, ita distinguendum est. Si utraque causa non sit idonea ad dominium transferendum, constat inter omnes, dominium non posse transferri. Ad dominium enim transferendum non sufficit voluntas unius, sed requiritur affectus ex utraque parte contrahentium. *l. in omnibus rebus ff. de oblig. & act.* Non potest autem concurrere affectus utriusque contrahentis, cum utraque causa non est idonea ad dominium transferendum. Dedi tibi pecuniam, quasi mutuum, tu quasi depositam, aut commodatam accepisti: non transfertur dominium, quia licet ego voluerim transferre, tu tamen acquirere noluisti, cum commodatarius dominium non acquirit. *l. rei commodatae. cum seq. ff. commod.*

Si verò utraque causa sit idonea ad dominium transferendum, putat dominium transferri Julianus in *l. cum in corpus ff. de acquir. rer. dom.* nec ait se videre, cur inefficax debeat esse traditio. Et meritò: quia traditio conjuncta cum affectu utriusque, & dantis, & accipientis, omnino dominium transfert. *l. in omnibus rebus ff. de oblig. & action. §. per traditionem. Instit. tit. de rer. div.* Qui

dedit, voluit dominium transferre: qui accepit, voluit dominium acquirere. Quid causæ est, cur ille non transferat; hic non acquirat? An non naturali æquitati consentaneum est, utriusque voluntatem servari, cum uterque de dominio transferendo consentiat? *d. §. per traditionem*. At enim dissentiant in causa transferendi. Hoc quidem pertinet ad obligationem, quæ ex illa causa nasci debet, & hic dissensus obstat obligationi; non tamen obstat dominio, quod traditione transfertur: cui traditioni idem accedere debet utriusque voluntas, ne aut invito dominium auferatur, aut invito acquiratur, quod rationi repugnat: hic autem neque invito auferatur, neque invito acquiratur; & idem nulla causa est, cur traditione transferri non debeat. Nec obstat dissensus in causis dandi, & accipiendi: *d. l. cum in corpus. in fin. ff. de acquir. rer. dom.* quia hic potius respicit obligationem, quam dominium, quod etiam ex causa non vera transfertur, ut infra probabimus. Non enim, ut causa producat obligationem, ita & transfert dominium. In obligatione causa requiritur, (liceat his verbi uti) tamquam productiva obligationis; in dominio desideratur, tamquam declarativa voluntatis. Quamobrem ex falsa causa dominium transfertur, licet ex ea non nascatur obligatio. Idcirco Julianus in hac sententia constituenda non hæsitavit, sed constare dixit transire proprietatem in te, si ego tibi pecuniam numeravero, quasi donaturus, tu quasi creditam acceperis.

Ulpianus tamen in nostra *l. si ego pecuniam ff. de reb. cred.* contrarium respondit: Si ego pecuniam tibi quasi donaturus dederò, tu quasi mutuum accipias, Julianus scribit donationem non esse. Sed an mutua sit, videndum: & puto nec mutuum esse, magisque nummos accipientis non fieri, cum alia opinione acceperis. Quare si eos consumpserit, licet conditione teneatur, tamen doli exceptione uti poterit, quia secundum voluntatem dantis nummi sunt consumpti.

Hujusmodi responsum perculit omnes Interpretes. Mirum est, quanta commenti sint,

ut Julianum cum Ulpiano componerent. Plerosque doctè refellit Melch. de Valent. in *epist. jur. exercit. exerc. 10.* quibus etsi non pauca addi possent, tamen operæ pretium non est, in re tam difficili, tamque controversa ad evitendas aliorum opiniones laborem impendere. Quamvis verò propiora à me proferre non posse confidam, liceat tamen aperire, quid sentiam.

Animadvertendum est, Ulpianum in laudata *l. si ego pecuniam*, non tractasse questionem dominii, de qua secundo loco diximus; sed questionem obligationis, quam primò loco exposuimus. Nihil enim aliud querit, quam, an valeat donatio, an valeat mutuum, & neutrum valere responder. Et rectè, ut initio probavimus. Contrà Julianus in *l. cum in corpus ff. de acquir. rer. dom.* tractat alteram questionem dominii: neque enim querit, an valeant contractus, sed an dominium transferatur, licet erratum fuerit in causa dominii transferendi. Respondet autem dominium transferri; quod & nos probavimus in secunda questione.

Hactenus igitur nullum dissidium est inter Julianum & Ulpianum. Ac, si Ulpianus non adjecisset illa verba: *Magisque nummos accipientis non fieri*; nemo posset judicare, Ulpianum à Juliano dissidere. Itaque si verba illa in ea significatione accipi possint, ut conveniant questioni obligationis, quam tractat Ulpianus, nec referantur ad questionem dominii, nulla erit inter eos dissensio. Ac, si accuratè rationem loquendi à Veteribus usurpatam expendamus, non erit ab eorum mente aliena hujusmodi interpretatio. Illi enim mutui aded proprium esse existimabant pecuniam fieri mutuatarii, ut, cum volebant significare contractum non fuisse mutuum, hac formula uterentur: pecuniam non fuisse factam accipientis; ut in *l. rogasti 11. in l. nam etsi fur. 13. in princ. in l. ejus qui 41. vers. nam etsi tibi ff. de reb. cred. l. proinde ff. eod.* vel pecuniam non fuisse alienatam. *l. ejus qui vers. quas verò pecunias ff. eod.* Itaque cum ait Ulpianus: *magisque nummos accipientis non fieri*; non recedit à questione obligationis, quam tractabat,

nec tractandam suscipit questionem dominii, quæ ad rem non pertinebat: & ideo verba illa nihil aliud significant, quam mutuum non fuisse contractum; & nummos ex causa mutui non fuisse factos accipientis, quia alia opinione acceperit: hoc est, quia causa, ex qua dati sunt, non est eadem, ac causa, ex qua accepti sunt. Quamobrem cum non convenerit inter eos in causa dandi, & accipiendi, neutra causa potest subsistere. Et cum neutra causa subsistat, nummi ad accipientem pervenerunt sine causa, & ideo repeti, & condici possunt. *l. ult. ff. de cond. sine causa.* Quia tamen secundum voluntatem dantis consumpti sunt, repetenti obstat exceptio. *d. l. si ego pecuniam.* Ex quibus constat, quod in hac lege solum tractatur questio obligationis, non dominii; & quod etiam verba illa: *magisque nummos accipientis non fieri*, ad eandem questionem obligationis sunt referenda, & ad causam dominii, non ad ipsam dominii translationem. Uno verbo: non sunt accipientis ex causa mutui: an fiant absolute & simpliciter, ibi non queritur, quia non tractatur questio dominii.

Atque ut hoc clarius pateat, duo consideranda sunt. Primum quod, cum soleat mutuum, quod traditione contractum non erat, consumptione conciliari, & nasci condictio ad mutuum repetendum; *l. rogasti l. 1. §. ult. l. nam etsi fur. in princ. & in §. 1. ff. de reb. cred. l. si quis pro eo §. si nummos ff. de fidejuss.* querit Ulpianus, an consumptis nummis condictio sit efficax ad repetendum; & respondet obstat exceptionem, quia voluntate dantis consumpti fuerunt. Unde constat, hic agi de obligatione, & actione ad repetendum, non de dominio.

Præterea notanda est particula illa: *quare*, quæ causam notat: & contineret absurdam sententiam, si suprà egisset de dominio. Ex eo enim, quod nummi non fiant accipientis, perperam deducitur, quod consumptis nummis detur exceptio adversus repetentem; cum potius contrarium deduci possit, & debeat. Effet igitur inepta illatio illa, nisi id omne, quod præcedit, referatur ad obli-

gationem. Optime autem id deducitur ex eo, quod non sit mutuum; nam si mutuum esset, non oblatet exceptio repetenti: obstat autem, quia dominium translatum est non ex causa mutui, sed sola voluntate dantis, quæ attenditur in dominio transferendo. *l. 1. qui mihi 13. ff. de donat. §. per. traditionem Instit. tit. de rer. divis.*

Sed potest opponi, quod si neutra causa subsistit, neque donatio, neque mutuum, transferri non potest dominium, quod nulla traditione non transfertur. *l. numquam nuda 31. ff. de acquir. rer. dom.*

Respondetur, non esse nudam traditionem, sed traditionem factam ex causa idonea ad dominium transferendum; & utrumque, tam dantem, quam accipientem, eo animo fuisse, ut dominium transferretur, & transferretur ex causa idonea. Quo casu etiam causa falsa sufficit ad dominium transferendum: quia causa idonea tantummodo requiritur ad fundandam voluntatem dantis, & accipientis. Itaque, & cum quis solvit indebitum, transfert dominium, nec repetit indebitum rei vindicatione, quæ domino datur, sed condictione indebiti. *l. tota sit. ff. de condit. ind.* condictio autem numquam domino datur, nisi adversus furem *§. sic itaque discretus Instit. tit. de acq.* Et cum quis dat aliquid sine causa, cum tamen veram, ac justam causam subesse putet, dominium transfert. *l. 1. in fin. l. ult. in princ. & in §. 1. ff. de condit. sine caus.* Et, si quis putet se libertatem accepisse sub conditione, *si decem Titio dederit*; cum verè libertatem purè acceperit; si decem Titio dederit, dominium transfert, quia, licet vera causa non subsistat, tamen eam subesse putat, & ideo eo animo dat, ut dominium transferat ex ea causa, quæ iusta esset & idonea, si verè subesset, sicut ipse putat. *l. 3. §. subtilius vers. quid ergo ff. de condit. caus. dat.* hic enim error non impedit voluntatem dantis, qui omnino vult dominium transferre. Quapropter & in casu nostro dominium transferri debet, quia subest causa donationis, quæ vera est ex opinione, & voluntate tradentis, licet falsa sit propter errorem accipientis, qui

aliâ opinione accepit. *d. l. si ego pecuniam.*
 16 - Nec obstat text. in *l. si tibi dederim 25. ff. de donat.* Nam ibi dominum non transferatur, deficiente jure, & autoritate tradentis. Nam qui rem tradidit, neque dominus erat, neque habebat mandatum à domino: non enim tradidit nomine mandantis, sicut ei mandatum fuerat, sed nomine suo, contra id, quod ipsi mandatum erat. Ac propterea, cum neque ipse dominus esset, neque ex mandato, & voluntate domini dederit, non potuit dominum transferre. *l. traditio 20. ff. de acquir. rer. dom. §. per traditionem & §. nihil autem interest. Instit. tit. de rer. divis.*

CAPUT XVIII.

Ad l. si quis vinum 9. ff. de vino trit. & oleo leg.

SUMMARY.

- 1 Rerum vocabula sunt immutabilia: & non ex opinionibus, sed ex usu sunt exaudienda.
- 2 Non videtur dixisse, qui suo nomine usus non est.
- 3 Error in nomine non valet institutionem, legatum, contractum, judicium.
- 4 Nomina propria mutabilia sunt.
- 5 Error in nomine appellativo valet legatum.
- 6 Legato vine quid continetur?
- 7 Legato vestis muliebris non continetur vestis muliebris, quâ testator utebatur.
- 8 Vestis muliebris solo usu differt à virili, & qualiam vestes sunt utrisque communes.
- 9 Testatoribus permittitur abusu suum loqui. Vide exempla.
- 10 Vini duo genera, naturale, & factitium. Factitia qua.
- 11 Chartarum legato libri non continentur, & quando.
- 12 An argentum legato suppellectilis continetur.
- 13 Legato vino mulsum non continetur: & quid sit.
- 14 Legato vine continetur anomeli, quid sit. an differt à mulso. Vinum Narbonense quemodo ferat. passum quid.
- 15 Hyssicum, & melampyrium passi genera.
- 16 Vinum melissae quid sit, & quemodo fiat.
- 17 Acinaticum quid, & quemodo fiat?
- 18 Legato vino defrutum non continetur.

1 **R**erum vocabula sunt immutabilia, *l. 4. ff. de leg. 1.* nec ex opinionibus, sed ex usu communi sunt exaudienda: atque

ided nemo videtur dixisse id, quod suo nomine usus non est. *l. Labco ait 7. §. Servius ff. de suppellect. leg.* Quocirca, licet error in nomine proprio nec institutionem vitiet, *l. si in nomine C. de testam.* nec legatum, *l. 4. ff. de leg. 1. §. si quis in nomine Instit. tit. de legat.* neque contractus, *l. si in nomine ff. de V. O. l. in venditionibus 9. §. si in nomine ff. de contr. empt.* neque judicium; *l. idem Pomponius 5. §. cum in rem ff. de rei vindic.* quia nomina propria mutabilia sunt, & à nostro arbitrio pendent; *d. l. 4. ff. de leg. 1.* tamen constanter veteres responderunt, inutile esse legatum, si testator erraverit in nomine appellativo. *d. l. 4. vers. quod si quis. l. Labco 7. §. Servius. cum seq. ff. de suppellect. leg. l. si alius fundum ff. de us. & usufr. leg.* Itaque si quis vestem legare volens suppellectilem legaverit; vel aurum, putans eo contineri electrum, & orichalcum; neque vestis, neque electrum, neque orichalcum debetur. Nam, ubi nulla est in verbis ambiguitas, non est admittenda voluntatis questio. *l. ille, aut ille. §. 1. ff. de leg. 3. l. non est ferendus ff. de transact. l. quicquid. in fin. ff. de V. O.*

Contrarium tamen responsum videtur in nostra *l. si quis vinum ff. de vin. trit. & oleo 6 legat.* ubi ait, quod, licet vini appellatione non contineatur zythum, camum, cervisia, hydromeli, cydoneum, defrutum; tamen legato vino hæc omnia continebuntur, si ea vini numero paterfam. habuit. Sola conjectura ducta ex usu patrisfam. efficit, ut vini nomine comprehendantur ea, quæ vina non sunt.

Nec simile est, quod responderetur in *l. inter vestem 3. ff. de anr. & arg. leg.* ubi, qui uti solet veste muliebris, non videtur hanc vestem comprehendisse legato vestis muliebris. Ideoque usus testatoris prævalet rei veritatis.

Non est, inquam, hoc simile: nam vestis virilis à muliebris solo usu differt, non substantiâ: & quædam sunt vestes utrisque communes, & communes usus facit. *l. vestis 2. §. vestimenta. cum seq. ff. cod.* At verò zythum, cervisia, & alia hujus generis potiones sub-

stantiâ differunt à vino, quam mutare non potest usus, ac voluntas testatoris.

⁹ Sed animadvertendum est, quod, licet rerum vocabula sint immutabilia, nec quicquam videtur dixisse quod non suo nomine usus est: tamen non adeo præfractè agendum est cum testatoribus, ut ad definitionem descendendum sit, nec iis negandum ut ubi libere loquantur interdum: *l. non aliter* 69. §. 1. ff. de legat. 3. *l. cogi* 16. in princ. ff. ad SC. Trebell. maxime si utantur nomine generali, quod aliquo modo possit eam speciem comprehendere, etsi minus propriè, & abusivè. Sic permittimus testatori, ut abutatur nomine usus ad significandum usufructum; *l. Divus* 21. in princ. ff. de usu, & habit. & abutatur nomine tutela ad significandam curam; *l. Pater Severinam* 101. §. conditionum ff. de condit. & dem. & pubertatem vocet minorem aetatem. *l. cum filiosam* 50. versic. ego quidem ff. de leg. 3. Idque suadet tum rerum inter se similitudo, tum generalis verbi significatio. Nam & usufructus est quedam species usus: ac licet in jure differat usus ab usufructu, tamen negari non potest, quin & fructuarius verè utatur, & habeat plenioris rei usum. Et cura species tutelæ est: quia qui curat aliquid, etiam tuetur. Et minor ætas est plenissima pubertas.

¹⁰ Quibus probè constitutis facilis est, & prompta nostræ legis explicatio. Vini duo genera sunt: naturale, & factitium. Factitium non est verè, & propriè vinum: sed tamen & habet vini similitudinem, & vinum à multis appellatur, & pro vino bibitur à multis Nationibus. Quamobrem nulla causa est, cur vini appellatione non debeat comprehendendi, si aliqua conjecturâ possimus arguere mentem testatoris, illud legato comprehendere volentis.

Primum igitur habet maximam vini similitudinem. Tacit. de moribus German. Potui humor ex hordeo, aut frumento, inquamdam similitudinem vini corruptus. Virgil. 3. Georgic. de Populis ad Septentrionem:

— — — & pocula lati.

Fermento, atque acidis imitantur viscæ sorbis.

En zythum: en cydoneum, nempe vinum ex pomis confectum. Hydromeli quoque, seu aqua mulsâ, seu aqua melle condita, ejusdem modi est. De hac Plin. lib. 12. cap. 24. Longâ tamen vetustate transit in vinum, ut constat inter omnes. Aristotel. de mirab. auscult. cujus verba Græca omittam, & Latine vertam, ne fastidium creem illis, qui Græca nesciunt. Ait igitur. Ferunt Illyriis, quos Taulantios vocant, ex melle vinum conficere. Nam ubi favos expresserint, aquâ superfusa coquunt in lebere, donec dimidium absumatur: deinde siccibus insundunt, & jam tum dulcissimum ponunt in vasis ligneis, in quibus longum tempus conservant, & evadit omninò vino simile, cetera dulce, & sincerum. Hoc idem in Græcia aliquando evenisse quidam ferunt, adeo ut à vino veteri nihil differret: sed postea eandem temperationem querentes invenire non potuisse.

Præterea hujusmodi vina factitia à veteribus Auctoribus vina appelluntur. Ita zythum definit Suidas: Ζυθος, οὗτος δὲ οὐκ ἐστὶν οἶνος. Zythum, vinum ex hordeo factum. Tacit. de morib. German. Diem noctemque continuare potando nulli probrum: crebra, ut inter vinolentos, rixæ: & deinceps; Potui humor ex hordeo, & frumento, in quamdam vini similitudinem corruptus. Athenæus, lib. 10. Deipnosophist. in fin. ait, Ægyptiis, qui ob egestatem vino carere cogebantur, excogitasse inopia solatium, & bibisse vinum ex hordeo confectum. Et narrat, Aristotelem scripsisse, eos, qui vino temulentis sunt, pronos in faciem vergere: eos autem, qui vino hordeaceo, in caput resupinari. Aristot. de mirab. auscult. Εἰς ἱλαρῶς φασὶ, τοῖς τρωαῖοις καλεῖσθαι, ἐκ τῆς μέλης τὴν οἶνον εἶναι. Ferunt apud Illyrios, qui Taulantiis vocantur, ex melle fieri vinum. Plin. lib. 14. cap. 17. Fit vinum & ex aqua, ac melle tantum &c. hoc vocatur hydromeli, & vetustate saporem vini assequitur. Et infra: Ex unguentis vina composita. Et lib. 22. cap. 24. Longâ tamen vetustate transit in vinum, ut constat inter omnes.

Denique multæ Nationes his potionibus pro vino utuntur. Dioscorid. lib. 2. cap. 110. Καὶ τὰ καλεῖσθαι κύρην, σκαυζέμεν & ἐν ᾧ κεδνή,

κευθῆ, ὃ καὶ ἀπὸ τοῦ πύματι πολλάκις χρῶνται. πύματι δὲ καὶ πυρὸν τοιαῦτα πύματι. ὥς ἐν πρὸς ἑωτέρω Ἰσχυρί, καὶ ἑωτέρω. Et quod vocatur curmi, ex hordeo fit, quâ potione multis in locis pro vino sumuntur. Funt & ex tritico hujus generis potiones, tum in Iberia, qua vergit ad Occidentem, tum in Britannia. Est autem hoc curmi id, quod in nostra l. si quis vinum ff. de vino trit. leg. appellatur cammum. Utrumque enim simile cervisix, quæ ita vocata est à Cerere, id est fruge: est enim potio ex seminibus frumenti, vario modo confecta. Ita Isidor. lib. 20. cap. 3.

D. Hieronym. in Esaiam cap. 19. Zythum genus est potionis, ex frugibus, aquaque confectum, & vulgò in Dalmatia Pannonique Provinciis gentili barbaroque sermone appellatur Sabaium: hoc maxime sumuntur Ægyptii. Utrumque verum: de nomine Ammian. Marcellin. lib. 26. Est autem Sabaium ex hordeo vel frumento in liquorem conversus pauperum in Illyrico potus. De Ægypto testatur Athen. loco supra laudato: & versus allatus à Columella:

Et Pelusiaci proritet pocula zythi. Plin. lib. 22. cap. ult. Ex iisdem frugibus sunt & potus: zythum in Ægypto: calia, & ceria in Hispania: cervisia, & plura genera in Gallia, aliisque Provinciis. Id. lib. 14. cap. ult. in fin. Est & Occidentis Populis sua ebrietas fruge madida. Pluribus modis per Gallias, Hispaniasque nominibus aliis, sed ratione eadem. Ægyptus quoque è fruge sibi potus similis excogitavit: nullaque in parte mundi cessat ebrietas. Videntur, quot Nationes his potionibus pro vino uterentur? Ægyptus, Illyricum, Dalmatia, Pannonia, Gallia, Hispania, Britannia. De Gallia testatur etiam Diodor. lib. 3. ubi ait, quod, cum ea regio propter aeris frigiditatem neque vinum, neque oleum producat, coacti fuerunt homines potum sibi ex hordeo comparare, quem zythum appellant. Vix totidem Nationes repereris, quæ vino uterentur.

His potionibus pro vino utuntur etiam hodie multæ Nationes: sed hæc scripsimus, ut ostenderemus, non aliam fuisse eorum temporum consuetudinem. Atque omnino

mirandum est, quàm in bibendo ingeniosa esset illa ætas. Plin. lib. 14. cap. ult. Quanto tamen in potu ingeniosior apparebit, ad bibendum generibus centum nonaginta quinque, si species verò astimenter, penè duplici numero excogitatis. Nos etsi Indicas potiones accenseamus, tamen ad hunc numerum non poterimus pervenire. Concludam adjecto lepidissimo epigrammate Juliani Imperatoris, quod est in libro primo Anthologia, & inscribitur: In vinum ex hordeo. In eo Bacchum alloquitur Poëta, & ait, se quidem agnoscere verum Bacchum Jovis filium; non autem hunc. Ille enim necar olet: hic autem hircum. Hunc racemorum inopiâ confecerunt ex spiciis Celtæ: quare potius Demetrium (hoc est à Cerere) appellandum esse ait, quàm Dionysum: & ex frumento genitum, & Bromum potius, quam Bromium. Est autem bromus, avena.

Τίς πῶδ' ἐν εἰς Διόνυσος; μά γ' ὃ ἀληθὲς Βακχεὼν
Οὐδ' ἐπ' ἐμυγγύλα καὶ Διὶ εἶσα μέτρον.
Καίτοι ἰκταρὶ πῶδ' αὖτις, σὺ δ' ὅ γε γινώσκεις, ἥ γὰρ σὺ Κελτῶν
τῇ περὶ βοτάνῃ πύξας ἀπ' ἀσκήσου.
Τῷ σὺ χυρὸν καλῶν Διμήτειον, σὺ Διόνυσος.
Ποροζυθὶ μάλα σὺ, καὶ Βρύμων, σὺ Βρύμων.
Unde i quis es Dionyse? satum Jove dicere Bacchum,
Par est: Tu Bacchi nomen inane geris.
Hircum tu redoles, hic nescis: spicæ Celtæ,
Vitea cum nequeam, pocula, Teque bibunt.
Non Jovis, at Cereris sobolem voco: Frugigenamque.
Te decet, atque Bromum dicere, non Bromium.

Ad legem nostram revertamur. Rectè in ea notar Ulpianus, ea omnia ex mente testatoris vini legato contineri, quæ pro hominum affectione, atque usu, vini numero habentur. Convenit his illud Plinii lib. 14. cap. 10. Non possunt jure dici vina, quæ Gracî denteria appellant. Cato: & nos loram mace-ratis aqua vinaceis; sed tamen inter vina operaria numerantur. Concurrit hic usus, & affectio testatoris cum usu, & affectione multarum Nationum: nec repugnat verbi significatio, cum plerique Auctores vini no-

men his portionibus accommodariunt, ut demonstravimus: & idem secundum usum testatoris vini nomen interpretari debemus. Plurimum enim in verbis interpretandis deferendum est usui hominum, & consuetudini quotidianæ. *l. ut Alphenus 87. ff. de P. S. Eleganter juxta ac verè Hotatius in Art. poetic.*

Multa renascentur, quæ jam cecidere, caduntque,

Quæ nunc sunt in honore vocabula, si voles usus,

Quem peres arbitrium est, & jus, & norma loquendi.

- 11 Itaque, licet chartis legatis libri non continentur, tamen si aliquâ ratione argui possit, restatorem libros etiam voluisse legare, continebuntur legato, quia in usu plerique libros chartas appellant. *l. librorum 32. §. quod tamen ff. cod. Supellectilis quoque appellatione non continetur argentum: sed quia luxus posterioris ætatis, posthabita præcæ severitate, argentum in supellectilem innoxit; hic usus, atque hic error jus facit, ut ait JC. in l. 3. §. ult. in l. legata §. 1. ff. de supellect. leg.*

- 12 Antequam eam legem dimittamus, reliqua explicemus, quæ in ea occurrunt. Mulsûm vino non continetur. Mulsûm ex vino, & melle fit, *l. adeo §. cum quis ex aliena ff. de acquir. rer. dom. §. cum ex aliena Instit. tit. de rer. divis. Plin. lib. 22. cap. ult. Dioscor. lib. 5. cap. 16. & alii. Itaque inter dulcia potius, quam inter vina numeratur. l. ult. ff. de erit. vin. & el. leg. Fir enim mulsûm duabus vini metretis, admixtâ unâ mellis. Dioscor. ibid. Itaque ex parte tertia est mel.*

- 13 Œnomeli autem vino continetur. Videtur hæc duo contraria. Nam mulsûm, & œnomeli idem esse, norunt omnes. Mulsûm Latine, œnomeli Græcè dicitur: significat enim vinum, melle mixtum. Sed non temerè Ulpianus addidit illa verba: *œnomeli, id est, dulcissimum vinum*: scil. ut intelligeremus, eum non loqui de mulsû, sed de vino dulcissimo. Mulsûm vini appellatione non continetur, quia tertiam partem mellis admiscendo fit nova species; *l. adeo 7. §. cum*

quis ex aliena ff. de acquir. rer. domin. §. cum ex aliena Instit. tit. de rer. divis. œnomeli continetur, quia vinum est, licet dulcissimum. Atque ita appellatur non à mellis mixture, sed à mellis dulcedine, ac similitudine. Hujusmodi erat vinum Narbonense dulcissimum, quod fiebat ex uva pediculo in vite intorto. Plin. lib. 14. cap. 9. Quod autem hoc genus vini significare voluerit Ulpianus, verosimile est, quia illud conjunxit cum passo. Est autem passum, ut ait Nonius, Vinum, quod ex uva passa cogitur. Fiebat autem ex uva apiana, sole adustâ, & leniter tusa, ut ait Plin. ibid. Vide & Columell. lib. 12. cap. 39. ubi latè & explicatè docet, quomodo passum fiat. Virgil. lib. 2. Georg. Pivthiam vitem passo conficiendo utilem esse ait.

Et passo Psyrhia milior. — —

Et Plin. ibid. *Psyrhium, & melampsythium 14 passi genera sunt.* Rectè igitur hujusmodi vinum comparatur ab Ulpiano cum œnomelite.

Possemus id etiam interpretari de vino, cui admixtum est modicum mel, quod retinet naturam, & appellationem vini, & à Dioscoride lib. 5. cap. 15. appellatur vinum melitites: hoc est, vinum mellitum; & sic addito mellis congio ad quinque congios austeri multi, & salis cyatho. Sane Martialis mulsû passum comparat in lemmate Passum:

Gnossia Minos genuit vindemia Creta.

Hoc tibi, quod mulsûm pauperis esse solet.

Sicut ab Ulpiano œnomeli, & passum.

Acinaticum quoque ejusdem generis est. Describitur à Cassiodoro variat. lib. 12. ep. 4. *Autumno tella de vineis in pergulis domesticis uva, resupina suspenditur. Servatur in vasis suis, rhecis naturalibus custoditur, rigescit, non liquescit ex senio: tunc farinos humores exsudans magni suavitatis dulcescit. Trahitur ad mensem Decembrem, donec fluxum ejus Hyemis tempus aperiat: miroque modo incipit esse novum, quando cellis omnibus reperitur asquum. Hyemale mustum novarum frigidus sanguis, in rigore vindemia,*

cruentus liquor, purpura potabilis, violentum mellis. &c.

Igitur hæc tria genera similia sunt, cœnomeli, passum, acinaticum: sunt enim ex uva, vel in ipsa vite, vel ad solem, vel frigore adultâ.

- 17 Desfrutum autem non continetur, quia, ut ait Plin. lib. 14. cap. 9. ingenii non natura opus est. Musco ad tertiam partem mensura decocto, sapa ad dimidiam, desfrutum vocatur: omnia in adulterium mellis excogitata.

CAPUT XIX.

Ad l. Labco libro 45. ff. de contr. empt.

SUMMARY.

- 1 Error in corpore vitiat obligationem, Secus tamen est, si error sit in pecunia numerata, aut in accessorio.
- 2 Huius interpretatio ad l. Labco 45. ff. de contr. empt. rejicitur. Aurichalcum non differt ab orichalco. Scribendum sit, aut chalcum, an orichalcum. Unde ista dictum sit. Dna species illius, Fastidium quomodo fiat. Fossils ubi reperitur. Qua de causa accipitur facile pro auro n. 4.
- 3 Error in qualitate non vitiat venditionem.
- 4 Qualitati nemini sæpè materiam significant veteris Jurisconsulti.
- 5 Error in materia vitiat venditionem; & idem, si quis emat virginem pro puero, emptio non valet: secus est si emat mulierem pro virgine, n. 6.
- 6 Error in materia non vitiat contractus; ut pignus, & stipulationem.
- 7 Error in materia non vitiat emptionem, si non emendat sit in materia erratum; ut si patetur aurum id, quod est inauratum.
- 8 Si altera alteri materia non sit admixta, sed eam copriat, error vitiat venditionem.
- 9 Cujacius in l. Labco 45. ff. de contr. empt. rejicitur. Actio ex emptio nascitur emptione invalida existente, ut consequamur id, quod nostra interpretatio invalida dici non potest, quando venditor teneret ad prestandam rem venditam, & emptor ad pretium.
- 10 Fasti species de orichalco pro auro vendito in l. Labco 45. ff. de contr. empt. proponitur, & explicatur textus.
- 11 Aurichalcum ponitur adjectivum.

- 1 Error in corpore rei vitiat obligationem, cum consensum impedit, sine quo contrahi non potest obligatio. l. inter stipu-

lantem 83. §. 1. & l. continuus 137. §. 1. ff. de V. O. l. 9. ff. de contr. empt. Error tamen in pecunia numerata non nocet: l. qua extrinsecus §. 1. ff. de V. O. quia in ea non tam corpus ipsum monetæ consideratur, quam valor, & æstimatio. l. 1. in fin. principii ff. de contr. empt. Error quoque in re, quæ accessionis loco venditur, non vitiat venditionem: l. si in emptione 34. ff. de contr. empt. quia accessorium sequitur naturam principalis. c. Accessorium de reg. jur. in 6. solus igitur error in corpore rei principalis, quæ non sit pecunia numerata, vitiat contractum.

Contrarium suadere videtur Marcianus in l. Labco 45. ff. de contr. empt. ibi: Si vas aurichalcum pro auro vendidisset ignorans, tenetur, ut aurum, quod vendidit, præstet. Multis difficilis videtur hæc lex: sed est etiam multo difficilior, quam ipsis videatur.

Respondit Hunnius, in hac lege errasse contrahentes non in corpore & substantia rei, sed in qualitate materiæ: aurichalcum enim nihil aliud est, quam aurum chalcum mixtum: ac proinde est aurum vilius, five impurum, & ære contaminatum: neque enim idem est autore Festo aurichalcum, & orichalcum.

Falsa omnia. Falsum, quod differat aurichalcum ab orichalco. Falsum, quod aurichalcum sit aurum vilius, & impurum, & ære mixtum. Falsum proinde, quod ibi erratum sit in qualitate, non in materia, & substantia.

Aurichalcum non differt ab orichalco: & scribendum esse, orichalcum, Viri docti autumant. Certè Poëtæ non aliter scribunt. Horat. in arte Poët.

Tibia non, ut nunc, orichalco vincla. —

Virgil. lib. 12. Æneid.

Iste debinc auro squalentem, alboque orichalco

Circumdat lorica humeris. —

Plaut. in Pseud.

Dii Immortales! orichalco contra non carum fuit

Meum mendacium, hic modo quod subitò commentus fui.

Idem in *Circul. scen.* Placidè:

*Auro contra cedo modestum amatorem, à
me aurum accipe,*

*Cedo mihi contra orichalco, cui ego sano
serviam.*

Idem in *Militie gloriof.*

Ego istos mores orichalco contra comparem.
Cicero etiam *lib. 3. de offic. Si quis aurum
vendens, orichalcum se putet vendere, indi-
cetne ei vir bonus, aurum illud esse?*

Non iamen is ego sum, qui, licèt purem
scribendum esse *orichalcum*, negem nusquam
reperi scriptum *aurichalcum*. Quamvis enim
vox hæc non sit composita ex voce *aurum* &
χαλκός (cùm ferè sit inauditum teste Quin-
tiliano *lib. 1. c. 9.* vocem componi ex dua-
bus vocibus, quarum una Latina sit, altera
Græca) iamen mirandum non esset, si Plau-
tus, aut aliquis eo antiquior, scripsisset *au-
richalcum*, cùm apud Veieres facile *au* in *o*,
& *o* in *au* converteretur: & *orum* diceretur
pro *aurum*, *orata* pro *aurata*, *aula* pro *olla*,
ausculor pro *osculor*. Sic ab iis dictum *candex*
& *codex*, *Clandius* & *Clodius*, *Caurus* & *Cornus*,
plastrum & *plostrum*, *auricilla* & *oricilla*,
& hujus generis non pauca. Hujus vocis si-
militudine decepti quidam putaverunt, ita
nominatum fuisse ab auro, & ære: vel quod
sit aurum ære mixtum: vel quod auri colo-
rem præ se ferat, & æris duritiem. Cate-
rùm vox hæc Græca est, *οριχαλκος*, quæ
significat *as montanum*. Hesiodi Interpres:
*οριχαλκος τὸ λεῖον χαλκῶμα, ἐν οὐρεὶ δὲ
δαιτυργίαι, ἄλλοι δὲ παρὶν, οριχαλκὸν ἵναί ὄλην
πᾶσι μεταλλῶν, χαλκοῦ πιπιυτίον.* *Orichalcum*
species æris alba, in montibus enim invenitur.
Alii vero aiunt, esse quendam materiam me-
tallicam, ære pretiosorem. Auctor *Etymolog.*
magn. *οριχαλκὸς εἶδος ὕλης ὅτι χαλκώδης,
ἥτις τοῦ οἴα δαιτυργίαι. Ἄλλοι δὲ λέγουσι, ὅτι
χρῆμας ἐστὶ χαλκὸν τὸ τοῦ δαιτυργίαι λευκοῦ
χαλκοῦ, ὅστις δὲ σκληρότατον ἵπνιται, λεῖον εἶναι.*
Hesychius definit ipsum materiam æri similem:
& Philoxenus, materiam metallicam,
ære pretiosorem. Apollonii Interpretis iia
dictum putant ab Orco inventore. Spid. *as
splendidum: as probatum.*

Constat igitur, quàm falsè it opinio illa,

quæ ex corrupti nominis errore fluxit in
vulgus, *orichalcum* esse aurum ære mixtum,
esse aurum vilius, ut ait Hunnius. Idque
præterea facillè potest hoc modo demonstrari.
Orichalci duæ recensentur species, facti-
tium, & fœsile. In *orichalco* factitium nus-
quam aurum. Fit enim ex ære, cum quo
Cadmea terra miscetur. Ipse Festus in voce
Cadmea. Cadmea terra, inquit; quæ in *as*
conjicitur, ut fiat *orichalcum*. Strabo: *Apud
Andeira lapis reperitur, qui exstans transiit in
ferri vim. Mox cum terra quadam in fornace
concoctum pseudargyrum exsudat. Dein si æri
promisceatur, fit orichalcum.* & idem *lib. 13.
Geograph.* Hanc compositionem agnoscit
etiam Auctor *Etymol. loco supra allato.*

Orichalcum verò fœsile in India reperi
scribit Diodor. *l. 3. Biblioth.* & Plin. *lib. 34.
c. 2.* *Fit & ex alio lapide, quem chalcitem vo-
cant in Cypro, ubi prima fuit æris inventio:
mox vilis præcipua reperto in aliis terris
præstantiore; maxime orichalco, quod præci-
pua bonitatem, admirationemque diu obri-
nuit, nec reperitur longo jam tempore efflata
tellure.* Idem videtur confirmare Auctor *Ety-
mol.* ut suprâ; & Hefychius in voce *οριχαλκος*.
Servius ad versum Virgilii suprâ allatum:
*Apud majores orichalcum pretiosius omnibus
metallis fuit: namque, sicut Lucretius dicit,
cum primùm homines sylvas incendiissent, nul-
larum adhuc rerum periti, terra casu fertilis
omnium desudavit metalla, inter quæ orichal-
cum pretiosius visum est, quod & auri splen-
dorem, & æris duritiem possideret. Nam pri-
mùm ex auro securis facta displicuit causâ
mollitiei. Simili ratione & argenti contemptus
est usus: mox aurichalcum placuit, donec vene-
retur ad ferrum. Unde dicuntur sacula ita
fuisse divisa.* De *orichalco* Servii commen-
tum est: aut hoc nomine significare voluit
ipsum æs, quod non crede. Certè Lucretius,
quem laudat, hæc refert de ære, non de
orichalco. Ejus carmina sunt in *lib. 5. vers.*
1242.

*Quod superest æs, atque aurum, ferrumque,
reperitum est,*

*Et simul argenti pondus, plumbique potestas,
Ignis ubi ingentes sylvas ardore crematur.*

Huic fabulæ fidem non videtur abnegare Posidonius apud Strabonem lib. 3.

Et deinceps :

Nam fuit in pretio magis æs, aurumque jacebat

Propter inutilitatem hebeti muncrone retinsum.

Nusquam orichalci mentio. Reperiri tamen orichalcum fossile negat Aristoteles apud Apollonii Scholiasten : & incerta Plinii fides, cum longo jam tempore neget reperiri, ut etiam confirmat Auctor *Etymol.*

Sed hoc non facit ad rem nostram. Do enim reperiri orichalcum fossile. Certè id erit quædam species metalli, aur quædam species æris colore aureo, aut species æris albi, ut arbitrantur Autores suprà laudati : non verò aurum æte mixtum, aurum vilius.

Falsum est igitur, errari in qualitate, quoties venditur orichalcum pro auro, ut in nostra *l. Labeo*. Utrique constat, errorem esse in materia, cum differat orichalci materia à materia auri. Poterat id Hunnius, si non ex pericia antiquitatis, saltem ex ipsa lege assequi. Si enim iu ea lege fuisset erratum in qualitate, venditor non teneretur præstare aurum, sed aurichalcum ipsum, quod vendidit; ac præterea, quanto minoris venire solet orichalcum, quam aurum. *l. Julianus, in princ. ff. de act. empt. l. si sterilis 21. §. quamvis ff. eod.* Valet enim venditio, cum in qualitate erratur, & venditor tenetur ad præstendam rem venditam. *l. aliter. & l. 4. quid tamen 14. ff. de contr. empt.* Illud tamen est animadversione-dignum, quod nomine qualitatis materiam sæpè significant Veteres Juriconsulti, ut in *d. l. sterilis 21. §. quamvis ff. de act. empt.* & probari potest confutando textum in *l. 198. ff. de V. S.* cum *l. si prædium C. de præd. minor.*

Sed quæ sit, inquiet aliquis, ut tam facile erraret inter orichalcum, & aurum, si non in sola qualitate, sed in materia differunt? Certè Cicero, ut proponat exemplum probabilis erroris, supponit vendi aurum pro orichalco : & Labeo hic vendi orichalcum pro auro. Dicam, ut res est. Facile obrepi-

hic error auri coloris causâ, quem præ se fert orichalcum teste Servio, Festo, Isidoro, & aliis. Nec solum aureum colorem habet, sed & splendidum, qualis auri esse solet. Quare Græci Ποιτæ orichalcum semper appellant splendidum. Hesiod.

— χρυμίδας χρυχάλλου φαντοῦ.

& Apollonius :

Λαμπρὴν δ' ἐν βυσσὶν ὀρεχάλλου φαντοῦ

Πάλλειν δ' ἀποδόσσεα καλοῦσ' αἶα.

Hinc fortasse Virgilius orichalcum dixit *album*, quasi splendidum : vel potius, quia color ejus albicat aliquantum, & ab Hesiodi Scholiastæ, & Auctore *Etymolog.* magnè vocatur *album æs* : & harum rerum periti aiunt, pretiosius esse orichalcum album. Est igitur simile auro orichalcum, ut in voce ὀρεχάλλου ait Hefychius, atque inde ejus valor immodicus, ut constat ex Plauti versibus suprà allatis, hinc etiam facilis error.

His præmissis facilis est responsio. Ea lex non pertinet ad quæestionem nostram : neque enim ibi agitur de errore in corpore rei, sed de errore in materia, qui longè differt.

Sed Charybdin declinantes incidimus in Scillam incauti. Pone erratum fuisse in materia : certè nihilominus emptio erit irrita. Error enim in materia vitiat emptionem. *l. in venditionibus. §. ult. l. quid tamen ff. de contr. empt. l. si sterilis. §. quamvis ff. de act. empt.* ubi legendum est, *emptionem non esse*, ne sit contraria *l. in venditionibus ff. de contr. empt.* licet in *Pandectis Florentinis* negatio delit.

Quoniam verò hoc argumento conjicimur 6 iu aliam quæestionem, de hac quoque pauca delibemus. Error in materia non vitiat contractus. *l. si id quod aurum 21. ff. de V. O. l. 1. ff. de pign. act. l. cum æs ff. de furt.* Vitiat tamen emptionem, & venditionem. *d. l. si in venditionibus*, cum aliis similibus. Ratio hæc asserri solet, quod in aliis contractibus, ut in stipulatione, in pignore, interest creditoris valere contractum, & non esse irritum. Si enim fuerit irrita stipulatio, vel pignus, nec aurum habebit creditor, cuiusmodi putabat esse illud corpus; nec æs, quod re verà est. Interest igitur ejus, potius

as habere, quam neutrum. In emptione longè aliter se res habet. In hac solvendum est à venditore pretium: propterea ejus interest emptionem non valere, ne pretio auri emat as: quo fit, ut nullum in corpore asis consensum præstitisse conjecturâ assequamur, quia aliud pretium in ære constituit. Adeo autem hic error vitiat, ut, si quis virginem pro puero emerit, emptio non valeat: licet valeat, si quis mulierem pro virgine emat: *l. aliequin §. 1. ff. de contr. empr.* quia ille error materiam comparatur, cum sit error in sexu; hic verò comparatur errori qualitatis. Mulier enim à virgine solum qualitate differt, & est paulò vilior. Imò cum virgo à vigore, vel viridior ætate dicta sit, ut putat Ili Iorus, ac Festus; & quædam nuptæ eandem ætatis viriditatem, floremque, & vigorem præ se ferant; sæpè etiam mulieres appellantur virgines. In jure nostro Ulpianus nos docet, mulieres appellari etiam virgines. *l. argumento. §. muliebri ff. de auro, arg.* Virgilius Pasiphaën virginem appellat, cum jam peperisset res filios, Phædræ, Ariadnam, & Androgeum:

Ah virgo infelix! qua te dementia cepit!
& rursus:

Ah virgo infelix! tu nunc in montibus erras.

Horatius de Clytemnestra:

— *Et in omne virgo*
Nobilis ævum.

Euripides in *Ione*: *αἰσχρὸς παῖς ἄνθρωπος* Virgo parturiens, & Terentius in *Heccyra* Philumenam post partum virginem appellat. Philo *αἰσχρὸς ἄνθρωπος* *Εὐχρηστος* *παῖς ἄνθρωπος*. *Ecce midam virginem.* & Heclychius Evam appellat primam virginem.

7 Animadvertendum tamen est, quod, etsi error in materia vitiet emptionem, valet tamen emptio, si non omnino in materia sit erratum; ut si putetur aureum id, quod est inauratum; argenteum id, quod est inargentatum: *l. quid tamen ff. de contr. empr.* cum materies illa, in qua convenitur, sit admixta atque infusa illi, in qua erratur. Illa enim quodammodo hanc ad se trahit, & hæc ejus naturam induit ac sequitur, quod potest rectè explicari exemplo confu-

sionis, tradito in *§. si duorum Inst. tit. de rer. div. Ex d. l. quid tamen ff. de contr. empr.* observandum est, quod, si orichalcum esset aurum ære mixtum, valeret emptio.

Quod si altera alteri materiam non sit ad-8 mixta, atque infusa, sed alia ab alia cooperiatur; ut, si mensa lignea cooperta sit laminâ argenteâ, & puteus ex solido argento confectus; emptio nulla erit. *l. cum ab eo §. ult. ff. de contr. empr.* Operimentum enim non est mensæ pars, sed ejus accessorium: quamobrem non potest mensam in suam naturam convertere, sed potius ipsum sequitur naturam mensæ.

His delibatis, redeamus ad nostrum ar-9 gumentum, à quo fortasse paulò longius digressi sumus. Si in *d. l. Labeo* erratum esset in materia, non valeret emptio, & tamen ibi emptio valet. Negat hoc doctissimus Cujacius: putat enim, ibi nullam esse emptionem, monetque, nos moveri non debere, quod ex ea emptione nascatur actio ex empto, etiamsi emptio nulla sit. ad *text. in l. qui officii §. 2. §. 1. ff. de contr. empr. in l. si sterilis §. quamvis ff. de act. empr.*

Ego tamen doctissimo Viro assentiri non possum. Duo sunt, quæ animum meum à sententia ejus abducunt. Primum, emptio illa comparatur cum emptione, in qua vendita erant vestimenta interpolata pro novis, quam valere nemo dubitat. Præterea quoties venditor tenetur præstare id, quod vendidit, non potest esse irrita emptio: si enim dicamus non valere emptionem, in qua venditor tenetur ad præstandam rem venditam, & emptor ad præstandum pretium, nulla emptio valebit: cum in omni emptione nullo alio modo emptor, & venditor obligentur. Planè aliquando nascitur actio ex empto, etiamsi emptio non valeat; sed idè, ut eâ actione consequi possimus id, quod nostrum interest deceptos non fuisse; non ut consequamur rem venditam, ex adductis legibus, & ex *§. ult. Inst. tit. de empr. & vendit.* At verò in *d. l. Labeo*, tenetur, & conveniri potest venditor ad præstandam rem venditam, non ad id, quod interest.

Quò accuratius eam legem perpendo, eò

magis mihi monstri instar esse videtur, quod in ea continetur. Si valet emptio, præstandum est orichalcum, non aurum; vendidit enim orichalcum pro auro; si emptio non valet, præstandum est pretium, aut quanti interest; non aurum, aut orichalcum. In ea autem lege nec orichalcum præstandum est, nec quanti interest; igitur nec valet, nec non valet emptio; quod fieri non potest. Rursus, si ibi proponitur venditum orichalcum, quomodo potest teneri venditor, ut præstet aurum, quod vendidit? Si vendidit orichalcum, non vendidit aurum; si aurum vendidit, non vendidit orichalcum pro auro. Negari non potest, pugnare inter se verba Jurisconsulti.

Dum videor huic legi inextricabilem errorem assignare, eo magis rem expedio. Fingendus est enim casus, cui conveniant hæc omnia: videlicet in quo valet emptio, & tamen venditor non teneatur præstare orichalcum, quod vendidit; ac rursus in quo vendidit orichalcum pro auro, sed tamen vendiderit etiam aurum: atque ita, ut non teneatur præstare orichalcum, sed aurum.

10 Species, quam quærimus, hæc est. Quidam habebat duo vasa ejusdem magnitudinis, figuræ, eodem artificio elaborata, alterum ex orichalco, alterum ex auro. Putabat utrumque aureum esse. Quidam cum ea vi leret, & aurea judicaret, emit unum ex his, & ut plerumque fit, non demonstravit, ac designavit, quodnam emeret, cum similia essent. Sed ita emit: *Unum ex his vas aureis mihi emptum est aureis tot.* Ubi de pretio conveniunt, venditor ei tradidit vas illud, quod factum erat ex orichalco, vel emptor ipse ultro accepit. De hac specie quæritur in *d. lege*: huic enim conveniunt ea omnia, quæ in *d. lege* supponuntur. Valet enim emptio: cum enim emptum sit vas in genere, nullus error in contrahenda emptione intervenit, qui eam vitiare possit. Si enim omnia vasa essent ex orichalco, utique non valeret emptio propter errorem in materia: sed cum inter ea vasa sit aliquod vas aureum juxta mentem contrahentium, utique emptio valet. Rursus ita valet emp-

tio, ut venditor teneatur præstare vas aureum, licet vendiderit orichalcum pro auro. Utrumque enim vas fuit in venditione, & obligatione, ut usu venire solet in omni obligatione generis: *l. Majoris. §. non idem ff. de leg. 2. l. si duo. l. 28. ff. de V. O. l. ait Prator. §. etsi sine ff. de minor. l. 3. qui & à quibus*: seu potius incertum vas erat in obligatione, *l. ubi autem. in princ. ff. de verb. oblig.* Ex solutione autem apparere deberet, quodnam ex illis vas venditum sit: ita ut, si utrumque vas esset aureum, illud venditum intelligeretur, quod traditum est. Verumtamen in nostra specie, cum mens contrahentium sit, ut vendatur vas aureum, licet aliud traditum sit, tamen re verà venditum intelligitur vas aureum, idque à venditore præstandum est. Rectè igitur ait Jurisconsultus: *Si quis vas aurichalcum pro auro vendidit.* Utique enim vendidit vas aurichalcum: qui enim vendit unum ex pluribus vas, illud censetur vendidisse, quod solvit. Postea subjicit: *teneatur, ut aurum, quod vendidit, præstet.* Et hoc etiam rectè. Nam cum in vase soluto erratum sit, & constet vas solutum non esse aureum, ut putabatur; jam constat in eo emptiorem consistere non posse: ac propterea re verà propter errorem, non vas, quod solutum est, sed alterum vas aureum venditum est, & ad illud præstandum tenetur venditor. Vas aurichalcum est in venditione, tum quia continetur in genere vendito, tum quia fuit solutum ex causa venditionis. Vas aureum est in venditione, tum quia etiam ipsum est in genere vendito, tum quia tale est, quale volebant esse contrahentes. Illud non rectè præstat, quia quoad ipsum, erratum est in materia, cum sit ex aurichalco. Hoc præstandum est, quia eventus declaravit, in hoc erratum non fuisse, cum sit aurum, cujusmodi esse debebat ex mente contrahentium.

Pro coronide notanda sunt verba Jurisconsulti: *Vas aurichalcum.* Ponitur hic adjectivè, ut sæpè à Græcis. Observare id potes apud Suid. *καὶ δὲ χρυσὸν ἀρχαλκόν. & χρυσὸν ἀρχαλκόν.*

CAPUT XX.

Ad §. est autem litus Inst. tit. de rer. divis.

SUMMARIUM.

- 1 *Litoris definitio.*
- 2 *Astus Maris quando existat maximus.*
- 3 *Hiems non solum significat anni tempus, sed etiam tempestatem Ventorum, & Maris.*
- 4 *Hibernus fluctus accipitur à Justiniano pro fluctu, qui in tempestate excitatur.*
- 5 *Arcturus maximas excitat tempestates, & quando oritur.*
- 6 *Explicatur L. Litus 112. ff. de Verb. Sign. & quid significet vox altus & castruo.*

Memoriam proditum est, Scipionem Africanum ac Lælium in litore Maris conchas, & umbilicos legentes honesto otio fuisse delectatos. Nos quoque deambulantes in litore Maris, ex amenioribus litteris aliquid decerpamus, quod nobis faciem præferat ad leges nostras explicandas, & litoris fines constituendos. A lmonemur enim à Quintiliano, ut verborum proprietatem accuratè inquiramus, cum hoc à veteribus Jurisconsultis factum sit, licet in litore definiendo translatione fuerint usi. Is lib. 5. cap. ult. ait: *Etiam ipsi Jurisconsulti, quorum summus circa proprietatem verborum labor, litus esse audens dicere, quò fluctus alludit.* Galii Aquilii est hæc definitio. Cicero, in Topic. *Litus solebat Gallus Aquilinus per translationem definire, quò fluctus elnderet.* Nostri autem Jurisconsulti hanc translationem rejecerunt, & noluerunt recedere à proprietate verborum. Celsus l. *Litus* 96. ff. de V. S. *Litus est, quousque maximus fluctus à Mari pervenit: idque M. Tullium aiunt, cum Arbitrator esset, primum constituisse.* Legislator noster Iulianus paulum mutavit hanc definitionem in §. *est autem litus Inst. tit. de rer. divis.* *Est autem litus Maris, quatenus hibernus fluctus maximus excurrit.* In hac definitione explicanda mihi non satisfaciunt Viri doctissimi, qui hibernum fluctum eum esse tradunt, qui velu reciprocante accedit, ac recedit; eum-

demque esse maximum, quia Hieme maximifiant æltus.

Numquam huic explicationi acquiescere potui, ne quidem tum, cum in scholis agebam, & elementa Juris accipiebam. Neque enim ignorabam, falsissimum esse, maximos æltus hiberno tempore contingere, nisi cum Posidonio errare velimus potius, quam cum omnibus aliis, & cum ipsa rerum natura benè sentire. Strabo lib. 3. circa fin. Gaditani Posidonium in errorem adduxerunt, qui ei renunciarunt circa Brumam, & Solstitium maximos astus fieri, minimos in duobus Æquinoctiis. Itaque maximi astus sunt in duobus Æquinoctiis, minimi Brumâ, & Solstitio. Plin. lib. 2. cap. 97. *Argentibus ea cum la solis annuis causis, duobus Æquinoctiis maxime tumentes, & autumnali amplius, quam verno; inanes verò Brumâ, & magis Solstitio.* Senec. Nat. Quest. lib. 3. cap. 27. *Ergo ut solet astus æquinoctialis sub ipsum Lunæ, Solisque cœtum omnibus aliis major undare.* Tacit. lib. 1. *Annal. Vitellius primum iter sicca humo, antè modicè adlabente astu, quietum habuit. Mox impulsu Aquilonis, simul Sidere Æquinoctii, quo maxime tumescit Oceanus, rapi, agique agmen: & opplebantur terra. Eadem freto, litori, campis facies.* Igitur verba illa definitionis ad æltum marinum referre non possumus, qui minimus est Hieme: præsertim quia in Mediterraneo maxima pars litoris æstu cætur, qui sensu percipitur, ut testatur Ricciol. *Al. mag. nov. part. poster. lib. 9. section. 4. cap. 16.* & doctissimus Galilæus noster in *dialog. 4. de system. mund.* & probabile est suam definitionem nostro Mari accommodasse Legislatorem, non Oceano.

Existimo ego, fluctum hibernum significare fluctum tempestate agitarum, nec ad Anni tempus, sed ad tempestatem Maris id esse referendum. *Hiems* non solum dicitur Anni tempestas, sed etiam tempestas imbrium, Ventorumque, & tempestas Maris irati. Plinius: *Hæc cum sereno Cælo apparere deferret, atrox hiems sequitur.* Virgil. lib. 1. *Georgic.*

Nec nocturna quidem carpentes pensa puella.

Nescire hiemem. — —

Et

Et ibid.

— ita turbine nigro

Ferret hiems culpmusque levem, stipulasque volantes.

Sic & apud Græcos vox χεῖμα non solum Anni tempus, sed & vim Ventorum, & imbrium significat. Itaque quod de apibus tradidit Aristoteles: Προπονεῖται δὲ καὶ χεῖματι, ὃ ὕδωρ, Plinius Latine reddidit: *prædovinant Ventos imbresque*. Et quod in Geopon. est χεῖμα οὐραῖς, apud Plinium est: *Ventos, & imbres præmonet*. Et Atatus sæpè utitur hac voce ad significandam vim Ventorum; & imbrium.

Præterea *hiems* dicitur tempestas procellosæ Maris. Virgil. lib. 3. *Æneid.*

Tum mihi caruleus supra caput adstitit imber,

Noctem, hiememque ferens; & inhorruit unda tenebris.

Idem lib. 1. *Æneid.*

Jam validam Ilionei navem, jam fortis Achata,

Et quæ veltus Abas, & quæ grandævus Aletes,

Vicit hiems. — — —

Et in 2. *Æneid.*

— — — *sapè illos aspera Ponti*

Interelusti hiems, & terruit Ausfer emtes.

Statius lib. 3. *Sylv.* 2.

— — — *Visis tumuerunt puppibus unda,*

Inque hominem surrexit hiems. —

Et lib. 3. *Sylv.* 5. etiam incendium erumpens ex Vesuvio vertice *hiemem* audet appellare:

*Non adeo Vesuvius apex, & flammea divi
Motis hiems trepidas exhaustit civibus
urbes.*

Hinc derivatæ sunt voces *hibernus*, *hiemans*, *hibernare*, quæ omnes de Mari tempestatibus agitato dicuntur. Pers. Satyr. 6.

— *Mihi nunc Lignis ora*

Interpet, hibernatque meum Mare. —

Interpet, & hibernat, cum ventis, & tempestatibus agitur. Cic. de natur. Deor. lib. 2. Atque etiam *Maria* agitata ventis ita tempestant, ut intelligi possit, in tantis illis humoribus inclusum esse calorem; nec enim ille

externus, & adventivus habendus est, sed ex intimis Maris partibus agitatione excitatus. Tibullus lib. 2. Eleg. 6.

*Claudius & indomitus moles Mare, lentus
ut intra*

Negligat hibernas piscis adesse minas.

Arcturus apud Plaut. in *Rudent.* in Prolog.

Increpui hibernum, & fluctus movi maritimos.

Et ne quis putet has voces in usu esse solummodo apud Poetas, Plin. lib. 9. cap. 22. Octobri ferè mense, autumnali fidere hiemante lucn. Senec. epist. 114. Dixit Sallustius aquis *hiemanibus*. Arrantius in primo belli Punici ait: *Repentè hiemavit tempestas*. Et alio loco: *Inde sexaginta onerarias leves præter militem, & necessarios nautarum, hiemante Aquilone misit*. Petron. Arbit. Satyr. *Ultimam me solum inimicus ignis hauriret, minam hibernum invaderet Mare*. Sic & apud Græcos χεῖμα & χεῖματι significat Maris tempestatem; & χεῖματις dicuntur naves tempestate fractæ, atque dispersæ, à Thucydid. lib. 3. & 8. histor.

Quemadmodum igitur Sallustius dixit: *4* *aquas hiemantes, & Petronius hibernum Mare, & Tibullus hibernas minas*; sic Justinianus noster dixit *hibernum fluctum*; nempe fluctum tempestate agitatum. Posset etiam quis id referre ad Anni tempus, quia Hieme sunt maximæ tempestates; sed minus eleganter, ac minus etiam rectè. Etenim non semper Hieme maximæ tempestates excitantur. Certè Arcturus existimatur omnium Siderum acerrimum esse ad ciendas tempestates. Sic ipse loquitur apud Plaut. in *Rudent.*

Increpui hibernum, & fluctus movi maritimos.

Namque Arcturus signum omnium sum acerrimum.

Vehemens sum exorrens, cum occido, vehementior.

Oritur autem Arcturi silus ante Æquinoctium autumnale. Plin. lib. 2. cap. 47. *Sidus Arcturi, quod exoritur undecim diebus ante Æquinoctium Autumni.* Columell. lib. 11. cap. 2. *Nonis Septembris Arcturus exoritur.*

Itaque etiam Autumno potest contingere maxima tempestas: ac propterea definitio illa nec satis apte, nec satis dilucidè aperiet naturam rei, quam definit. Sed tamen omnis interpretatio prior, & probabilior est ea, quæ communiter traditur de æstu marino.

5 Doctissimis Viris, ut opinor, imposuerunt verba Javoleni in *l. litus* 112. ff. de verb. sig. *Litus publicum est eatenus, quàm maximè fluitus exstuat*. His perspicuè videtur indicari æstus Maris. Sed non ita est. Hac voce utuntur Latini ad describendas tempestates. Virgil. lib. 3. *Georgic.*

Fluitus ut in medio caput cum albescere ponto

Longius, ex aliisque sinum trahit, neque volutus

Ad terras immane sonat per saxa, nec ipso

Mome minor procumbit: at ima exstuat unda

Vorticibus, nigramque alse subjeclat arenam.

Plin. lib. 37. cap. 2. de electo: *Oceano id exstante ad Pirenei Promontorium ejici. Exstulare & fervorem, & fragorem etiam indicat. Virgil. de Æina:*

— liquescentque saxa sub amas

Cum genitum glomerat, fundoque exstinas imo.

Utrumque autem proprium est tempestatis. Fragorem, & sonitum in tempestatibus nemo non audit. Fervor quoque tempestati tribuitur. Itaque apud Eustath. lib. 5. *Odyss.* Dorion quidam irritet ineptum Poëtam, frigidè tempestatem describentem; & ait se vidisse multò majorem tempestatem excitari in patella bulliente. Unde Græci quoque utuntur simili verbo in describendis tempestatibus. Calab. lib. 2.

— εὐπὶ ἀνέματα ἐν βερφαῶ θυλάαις

Ποῦλ' ἀπεκράδ' ὄρτα αὐλὶδ' ἔταυ αἰγυαλίστη.

Homer. *Iliad.* lib. 14.

— ἰν δὲ τῇ στυλαί

Κύματα παφλαῖζοντα πολυφύλ' ἔστο θυλάαις

Κυτὰ θαλαεινῶτα πρὸ μῦθ' ἑ' ἄλλ' αὐτὰρ ἑ' ἄλλα.

Ab utroque Poëta dicuntur ἀνέματα παφλαῖζοντα,

hoc est, *fluitus exstantes*. Et Eustath. ad hos Homeri versus observat vim, & venustatem verbi, quod non solum fervorem demonstrat, sed etiam fragorem, & strepitum Maris agitari, quod elegantissimè expressit Virgilius verbo *exstuantis*, & noster Javolenus in *d. l. litus* ff. de V. S. quàm maximè *fluctus exstuat*: quod eleganter dictum est, & non sine figura, quasi dicat: quod excurrit fluctus exstans, hoc est, tempestate agitur. Et hanc esse sententiam Jurisconsulti in *d. l. litus publicum* 112. ff. de V. S. constat ex verbis, quæ subjiciuntur: *Idemque juris est in lacu, nisi is totus privatus est*. Lacus quoddam tempestatibus agitari, certum est. Plin. lib. 9. cap. 22. *Octobri mense autumnali fidere, ut palam est, hiemante lacu. Autumnali fidere*: nempe Arcturo, qui maximas excitat tempestates, ut suprà diximus. At verò lacus æstu, accessuque ac recessu reciproco, sicut Mare, non moventur. Idem lib. 2. cap. 97. ubi de æstu marino: *Qua de causa nec lacus, nec amnes similiter moventur*. Quamobrem verba Javoleni non possunt referri ad æstum, sed solum ad tempestatem: quâ lege maximè nostra sententia confirmatur.

CAPUT XXI.

Ad §. si communi 4. Inst. tit. de injur.

SUMMARIUM.

- 1 Servus injuria non fit, sed si ea atrocior sit, domino infertur, & ipso alio injuriarum acquiritur.
- 2 Afirmationem injuria servo communi facta quisque ex dominis pro dignitate sua facit: Index vero condemnat pro portione cuiusque ex dominis. Conciliatur §. si communi 4. Inst. Tit. de Injur. cum l. sed non esse 16. ff. de Injur. & n. 3. & 4.
- 3 Afirmatio facta ab uno ex dominis, si referatur ad affirmationem alterius, non est pro portione dominii; si vero referatur ad ejusdem domini affirmationem, qua faciendâ fuisset, si in solidum dominus fuisset, ea non est facta pro majore parte, quam pro qua dominus est.
- 4 Afirmatio in l. sed non esse 16. ff. de Injur. comparatur cum affirmatione qua faciendâ esset, si esset dominus in solidum. Contrà in d. §. si communi 4. comparatur cum affirmatione alterius domini.

3 *Pon quisque aptissima est ad comparandum unum cum alio.*

6 *Si testator instituit filium nasciturum ex bello, & ex reliqua parte uxorem; si verò filia nascatur, eam instituit ex trionte, & ex reliqua parte uxorem; natus filio, & filia hereditas dividitur in septem partes, quarum una danda est filio, dua uxori, quatuor verò filia. Explicatur l. si ita scriptum 13. ff. de liber. & post.*

7 *Si testator instituit filium, qui nascitur, ex bello, & ex reliqua parte uxorem; si vero filia nascatur, instituit eam ex quadrante, & ex reliqua parte uxorem; natus filio & filia hereditas dividitur in decem partes, quarum una filia danda erit, tres uxori, & sex filio.*

8 *Regula, quā dividenda est hereditas in casibus n. 6. 7. allatis.*

Servis injuriam non fieri constat; sed si quid atrocius adversus eos tentatum sit, quod in contumeliam domini redundet, ipsi domino injuriam fieri, ipsum actionem habere ad injuriam vindicandam §. *servis autem Inst. tit. de injur. l. item apud Labeonem 15. §. pen. ff. de injur.* Quod si servus plures dominos habeat, omnibus actio injuriarum est concedenda. *d. l. item 15. §. ult.* Sed quomodo sit æstimanda injuria, an pro portione, quam quisque habet in servo, an pro dignitate cuiusque domini; in hoc nutant ferè omnes Interpretes. Videntur enim duæ leges inter se discrepare. Justin. in §. *si communi. 4. Inst. tit. de injur. si communi servo injuria facta sit, æquum est, non pro ea parte, qua dominus quisque est, æstimationem injuria fieri; sed ex dominorum persona: quia ipsi sit injuria.* Contrà Paulus in *l. sed non esse 16. ff. de injur. sed non esse æquum pro majore parte, quam pro qua dominus est, damnationem fieri. Pedius ait: & ideo officio Judicis portiones æstimanda sunt.*

Cùm puer adhuc primis Juris præceptis erudiret, & audiret has leges à doctissimis Viris omninò contrarias existimari; ab aliis multa fingi, aut inepta prorsus, aut à vero non parum abhorrentia; satis mirari non poteram eorum sollicitudinem, qui nodum in scirpo mihi quætere videbantur. Et cùm eo tempore mathematicis disciplinis sedulam operam darem, quibus me multum operæ ac temporis impendisse non pœnitet, multa ex

libris Geometrarum deprompta exempla, atque demonstrationes afferre solebam, quibus ostenderem eandem esse divisionem à Paulo, & à Justiniano factam, eandemque injuriæ æstimationem. Sed quoniam his modo supersedendum est, ne stomachum moveam Jurisconsultis nostris, nimio plus delicatis, & has artes fastidientibus, idcirco alià viâ aggrediar ad has leges explicandas.

Quantum alii laborant, ut has leges inter se concilient, tantum ego, ut intelligam, & quomodo inter se dissideant. Ait Justinianus, æstimationem injuriæ factæ servo communi faciendam ex persona dominorum, non pro parte; quā quisque dominus est. Ait Paulus, condemnationem non esse faciendam pro majore parte, quam pro qua quisque dominus est. Non sunt hæc contraria, ne quidem si velis. Æstimatio injuriæ, non est condemnatio. Injuriam æstimat, qui læsus, & injuriam passus est. §. *pæna Inst. tit. de injur. l. item apud. 15. §. itaque Prætor ff. eod.* Condemnat autem Judex. *l. ult. C. de injur. lib. 9.* Injuriam æstimat læsus, quanti voluerit: condemnat Judex, quanti ipsi visum fuerit. §. *pæna Inst. tit. de injur.* Non sunt igitur contraria hæc: dominus æstimat injuriam pro sua dignitate, non pro parte, quā dominus est: Judex condemnat reum pro parte, pro qua dominus est. Patritius, aut Senator, qui servi pro dimidia parte dominus est, æstimat injuriam servo factam mille aureis: Judex condemnat reum in quingentos, quia non totius servi dominus est, sed pro dimidia. Plebejus, qui dominus est alterius partis servi, injuriam æstimat centum aureis: Judex condemnat reum in quinquaginta, quia non totius, sed dimidii servi dominus est. Uterque rectè æstimavit, quia cùm utrique injuria facta sit, §. *si communi. in fin. Inst. h. tit.* & sua cuiusque injuria propriam æstimationem habeat, *l. cum quis. in §. si nupta ff. de injur.* uterque in æstimanda injuria suæ dignitatis debet habere rationem. *l. servo 30. cum l. seg. ff. de injur.* Sed cùm uterque æstimaverit injuriam in solidum, Judex debet æstimationem redigere ad portionem. quam

quisque habet in servo, quia non est æquum, pro majore parte damnationem fieri, quam pro qua quisque dominus est. *d. l. sed non esse 16. ff. de injur.* Et hoc in *d. l.* significat JC. cum subjicit, & ideo officio Judicis portiones æstimandæ sunt. Nempe æstimatio, quæ in solidum fieret, si Servus totus esset Separatoris, aut Plebeji, officio Judicis redigenda est ad æstimationem portionis, quam quisque habet in servo: neque enim Judex ipse re verà injuriam æstimat, sed æstimationem ab actore factam redigit ad id, quod æquum bonum ipsi videbitur. §. *pæna Inst. tit. de injur.* Cum autem æquum non sit, ut pro majore parte, quam pro qua dominus est, pœnam injuriæ consequatur, quia nulla alia de causa eam consequitur, quam quia dominus est, & jure domini pœnam percipit; Judex redigit æstimationem ad portionem domini, *d. l. sed non esse ff. de injur.* Itaque ad actorem pertinet injuriam pro sua dignitate æstimare. *d. §. si communi.* Ad officium Judicis pertinet æstimare portiones servi, & ad eas redigere æstimationem injuriæ, ab utroque actore factam. *d. l. sed non esse.* Nec video, qua ratione hæc inter se pugnare dicantur.

Sed finge jam non differre æstimationem à condemnatione, aut æstimationem cum condemnatione convenire debere, nec eam in solidum æstimandam, sed pro parte: ac propterea à Senatore debere æstimari non mille aureis, sed quingentis; & à plebeio quinquaginta, non centum; ut æstimatio congruat condemnationi. Dico, nihilominus has leges non esse contrarias. Utrumque enim verum est: & injuriam æstimandam pro dignitate, non pro parte, pro qua quisque dominus est; & non esse æstimandam pro majore parte, quam pro qua dominus est. Essent hæc contraria, si eodem referrentur: sed cum eodem non referantur, est utrumque verissimum. Si unius æstimatio referatur ad æstimationem alterius, non est facta æstimatio pro parte, pro qua quisque dominus est: quia non eadem est ratio æstimationis ad æstimationem, quæ parvis ad partem. Si verò æstimatio unius referatur ad

ejusdem æstimationem, quæ in solidum faciendæ erat, si fuisset dominus in solidum; utique æstimatio non est facta pro majore parte, quam pro qua dominus est: nam eadem est ratio æstimationis ad totam æstimationem, quæ partis ad totum servum. Dicam, si potero, ut intelligant etiam illi, qui geometræ non sunt. Senator æstimat injuriam quingentis aureis, plebeius quinquaginta. Si Senator fuisset dominus totius servi, eam æstimasset mille aureis: si verò plebeius, eam æstimasset centum. Si comparetur æstimatio Senatoris cum æstimatione plebei, profectò facta non est pro parte, pro qua quisque dominus est. Etenim Senator, & plebeius æquales partes habent in dominio servi: at verò æstimatio Senatoris non est æqualis æstimationi plebei, sed decupla; nam quinquaginta decies repetita efficiunt quingenta: igitur non est eadem proportio æstimationum, & partium. Si verò comparetur æstimatio Senatoris ad totam injuriæ æstimationem, quæ Senatori deberetur, si totius servi dominus esset; certè ea facta non est pro majore parte, quam pro qua dominus est. Etenim sicut servi dominus est pro dimidia parte, ita æstimatio ab eo facta, est dimidia totius æstimationis. Tota æstimatio esset mille aureorum; facta est autem æstimatio quingentorum. Quam rationem habent mille aurei ad quingentos, eandem habet totus servus ad dimidium.

His expostitis ad rem revertamur, in *l. sed non esse 16. ff. de injur.* Paulus non comparat inter se utriusque domini æstimationes, nam de uno tantum loquitur: itaque comparat ejus æstimationem cum æstimatione injuriæ in solidum, quæ ab eo faciendæ esset, si totius dominus esset. Quapropter verissimum est, quod ait: non esse reum condemnandum pro majore parte, quam pro qua dominus est: nempe Senatori condemnandum in quingenta, non in mille: quia quingenta sunt dimidium mille: sicut dimidium servi ejus est. Contrà Justinianus in §. *si communi Inst. tit. de injur.* de utroque, & comparat inter se utriusque æstimationes. Est igitur verissi-

num, quod æstimationes non sunt faciendæ pro parte, pro qua quisque dominus est: nam partes, quas quisque habet in servo, æquales sunt; æstimationes verò sunt valdè inæquales; quoniam Senator quingenta consequitur, plebeius verò quinquaginta. Quod autem Justinianus comparat inter se utrumque dominum, & utriusque partes, & æstimationes, satis constat ex ipsius verbis. Ait enim: *non pro ea parte, quæ quisque dominus est.* Verbum illud quisque in ea loquendi formula est aptissimum ad comparandum unum cum alio, & partem cum parte, & æstimationem cum æstimatione. Cicer. 3. in Verr. Pro se quisque, ut in quoque erat autoritatis plurimum, ad Populum loquebatur. Nempe qui cæteris comparatus, illis præstabat autoritate.

In hac explicatione non spero me Janum futurum,

— à tergo quem nulla ciconia pinxit:

Nec manus auriculas imitatur mobilis albas.

Videor enim mihi audire quosdam petulanti splene cachinnones eam risu, & cachinnis excipientes, quibus, ut risu rumpantur, objiciam alterius legis explicationem, ex penitissimis Arithmeticæ præceptis depromptam.

6 Julianus in l. si ita scriptum: 3. ff. de liber. & post. proponit hujusmodi institutionem. Si filius mihi natus fuerit, ex bessè hæres esto: ex reliqua parte uxor mea hæres esto. Si vero filia mihi nata fuerit, ex triente hæres esto: ex reliqua parte uxor hæres esto. & si filius & filia nati essent, dicendum est, assen distribuendum in septem partes, ut ex his filius quatuor, uxor duas, filia unam partem habeat. Vir doctus impietatis, & multis libris celebris, ille duas partes uxori dandas putat, quia duplici respectu, & quasi duplex mater consideratur, natis & filio, & filiâ. Est id planè ridiculum. Constat, testatorem voluisse filium ex hæreditate consequi bis tanto pluri, quam uxorem; & uxorem

bis tanto pluri, quam filiam: hæc eniui est proportio bessis ad trientem, cum bessis trientem bis contineat. Itaque inveniendus erat numerus, qui dividi posset in tres numeros, datam rationem habentes, nempe bessis ad trientem, seu quam habent 2. ad 1. Solut dividi hæreditas in duodecim uncias, sed hic numerus non potest eo modo dividi, nec dupondium quidem aut tripondium. Querendus erat alius numerus, nempe numerus minimus, qui datas partes haberet. Hujus numeri investigandi rationem docet Euclides lib. 7. propof. ult. si memini, eumque rectè invenit Julianus. Divisa enim hæreditas in septem partes, consequimur id, quod volumus: nam hic numerus continet datas partes, nec eo minor potest reperiri; quoniam componitur ex his partibus 4. 2. 1. quæ inter se habent datam rationem, quolibet enim alterius est dupla. Quamobrem quatuor partes dandæ sunt filio, duæ uxori, una filiæ; ut filius altero tanto amplius habeat, quam uxor, & uxor altero tanto amplius, quam filia. d. l. si ita scriptum 13. ff. de lib. & post.

Finge aliud non dissimile testamentum. Si filius mihi natus erit, ex bessè hæres esto: ex reliqua parte uxor mea hæres esto. Si filia nata erit, ex quadrante hæres esto, ex reliqua parte uxor hæres esto. Natis filio, & filiâ, dividenda erit hæreditas in decem partes, quarum sex filio, tres uxori, una filiæ danda erit. An hic Vir ille doctus dicet uxorem tamquam triplicem matrem esse considerandam? Infinitæ hujus generis institutiones fingi possunt. Nec difficilis erit divisio ex d. propof. ult. lib. 7. Euclid. Quod si quis 8 geometriam non calleat, id assequi poterit incipiendo ab unitate, quam filiæ assignabit; postea partem assignabit uxori secundum proportionem, quam voluit testator: ac denique assignabit filio: & has omnes partes colligendo intelliget, in quot partes dividenda sit hæreditas.

CAPUT XXII.

*Ad l. si verò §. §. 1. ff. qui
satisf. cog.*

SUMMARIUM.

- 1 Quibus casibus recusari posse Fidejussor idoneus.
- 2 Ut aliquis sit idoneus fidejussor, requiruntur fides, & facultates.
- 3 Qui paupertatis arguit eum, qui pauper non est, injuriam facit ei; & qui debitorem appellat eum, qui non est.
- 4 Pauperes non sunt idonei fidejussores; idè idoneus opponitur inopi, locuples dicitur pro idoneo, & vicissim idoneus pro locuplete.
- 5 Est de officina idonei fidejussoris, quod sit locuplet.
- 6 Inopia argui videtur fidejussor; qui tamquam non idoneus rejicitur; idè injuria ei fit; sed si vult injuriarum agere, probare debet, se tamquam pauperem, aut fide indignum rejectum esse.
- 7 Debitori non fit injuria, si rejiciatur idoneus fidejussor. Debitor oblato idoneo fidejussore liberatur ab onere dandi fidejussoris; si satisfactio sit necessaria.
- 8 Praestatione ejus, quod debetur, tollitur omnis obligatio.
- 9 Si satisfactio sit voluntaria, debitori non fit injuria, si rejiciatur fidejussor idoneus.
- 10 Nemo cogi potest ad contrahendum invidius, & univocum liberum est contrahere, quibus conditionibus visis; nam unusquisque est rei sue moderator & arbitror.
- 11 Nemini injuriam facit, qui utitur jure suo.
- 12 Creditor recusando fidejussorem idoneum injuriam non facit debitori, sed ipsum ducendo in jus. Explicatur l. si verò §. §. 1. ff. qui satisf. cog.
- 13 Creditor ex l. duodecim Tabularum cogere poterat debitorem in jus ire, & se recusaret, poterat violenter ducere, etiam oborto collo, sed antiquam in eum manus injiceret, debebat antequam, hoc est testem aliquem appellare, cui memoria causa aures tangebatur.
- 14 Ratio quare Magistratus in jus vocari non possint, & ita, quibus reverentia prestanda est, sine permisso Praetoris.
- 15 Praetor cavet, ut in jus vocati iurent, aut satisf. darent, & veniant, ut quis in jus vocatus rei excuset. Quoties quis disjunctum hoc, aut illud facere tenetur, alterutrum faciendo liberatur.
- 16 Vox quilibet in d. l. si verò significat gravem injuriam tribus modis inferitur; scilicet ladendo corpus, aut libertatem, aut existimationem; his autem omnibus modis injuriam facit, qui ducit in jus eum, qui dedit idoneum fidejussorem.
- 17 Explicatur d. l. si verò §. 1. ff. qui satisf. cog.

Quoniam attigimus quædam de injuriis, antequam aliud sermonem convertamus, de his adhuc pauca quædam delibanda. Existimant Interpretes ferè omnes, eum, qui rejicit fidejussorem idoneum sibi oblato, injuriam facere tum ipsi fidejussori, quem rejicit; tum debitori, qui fidejussorem illum obtulit. Impoluit illis incautis Caius in l. si verò §. §. 1. ff. qui satisf. cog. Verba legis hæc sunt: Qui pro rei qualitate evidentiſſimè locupletem, vel (si dubitetur) approbatum fidejussorem judicio sistendi causâ non acceperit; injuriarum actio adversus eum esse potest; quia sane non qualibet injuria est duci in jus eum, qui satis idoneum fidejussorem det. Sed & ipse fidejussor, qui non sit acceptus, tamquam de injuria sibi facta queri poterit. Hanc legem explicare constituimus paulò accuratius.

Ac primum differamus de ipso fidejussore, qui rejectus est. Fit huic injuria, ut in fine hujus legis traditur à Jurisconsulto. Verissimum id est, non tamen semper. Multæ sunt causæ rejiciendi, ac reprobandi fidejussoris. Potest recusari fidejussor, si habeat fori præscriptionem. l. si fidejussor. 7. in princ. ff. qui satisf. cogant. Potest recusari, si non sit subiectus jurisdictioni illius Judicis, ad quem vocatus est reus. l. 1. ff. si quis in jus vocat. Potest recusari, si gaudeat privilegio restitutionis, qua de causa minor probandus non est. l. de die 8. §. qui mulierem. ff. qui satisf. cogant. junctâ l. ais Praetor §. non solum ff. de minor. Potest denique recusari, si non faciliè possit conveniri. l. 2. in princ. ff. qui satisf. cogant. Si quis his de causis recusaverit fidejussorem, non puto ei injuriam facere. Quid enim refert fidejussoris, his de causis non admitti ad satisfactionem? Non læditur ejus existimatio, non ejus personæ iniuriæ ulla nota, si dicatur eum tatum esse privilegio aliquo, & ut ita dicam, vulgo exemptum; nisi quis dicat minui ejus libertatem. Sed adeò morosi esse non debemus. Nec impeditur cujusquam libertas in iis, quæ pendent ab aliena voluntate, & id omne constitutum est & inventum in utilitatem creditoris, non fidejussoris, qui non

subit onus obligationis, si respuatur, & ided commodum sentit.

² Sunt alia duo, quæ requiruntur, ut aliquis sit idoneus fidejussor: fides, & facultates. Fidejussor dandus est locuples pro rei qualitate. *l. 1. ff. in jus vocat. ut eant.* Item dandus est homo fide dignus: idoneus enim non tam patrimonio, quam fide æstimatur. *l. si quis stipulatus 112. in fin. ff. de verb. oblig.* Si his de causis rejiciatur fidejussor, sit ei injuria, quia læditur ejus existimatio. Contumeliâ, infamiâque afficitur fidejussor, si rejiciatur tamquam subdolos, vaser, vector: & ided fit ei injuria. *l. item apud 15. §. generaliter ff. de injur. princ. tit. Instit. cod.*
³ Si verò tamquam pauper rejiciatur, item fit ei injuria; nam & qui paupertatis arguit eum, qui pauper non est, injuriam ei facit: *l. si creditores 31. ff. de reb. aut. jud. possid.* aliâs de privileg. credit. & qui debitorem appellat eum, qui debitor non est. *l. item apud 15. §. si quis non debitorem ff. de injur.* Et aliæ multæ occurrunt hujus generis injuriæ.

Et de hoc agi puto in nostra *l. si verò §. 1. ff. qui satisfd. cogant.* Nam licet aliis quocumque de causis possit rejici fidejussor, tamen ex rarò occurrunt, & sæpè earum ratio non habetur: hæc autem duo in fidejussore potissimum requiruntur. *d. l. si quis stipulatus ff. de V. O. & l. 1. ff. in jus vocat. ut eant.* Maxima vero habetur cura facultatum, sine quibus nemo est idoneus fidejussor. Egeni enim non sunt idonei fidejussores: *l. 3. §. ult. ff. in possessione legat. l. si quo 43. in princ. ff. de petis. heredit.* & idoneus opponitur inopi, *l. patri 27. §. ex hoc ff. de minor.* & ei, qui facultatibus lapsus est. *l. quod si 8. ff. de dol. mal. l. 1. §. si Magistratus ff. de Magistr. conven. l. etiam 14. ff. de admin. int. l. 2. §. si eo ff. de admin. rer. ad civit. pertin.* Quapropter aliquando locuples dicitur pro idoneo, ut in *l. qui rem 166. ff. de reg. jur. junctâ l. qui proprio §. qui alium ff. de procurat.* & in *l. 2. in princ. ff. qui satisfd. cog. l. quos nos 154. §. 1. ff. de V. S.* Sæpissimè autem idoneus significat locupletem, ut in *l. 2. §. idoneus ff. ad S. C. Tertull. in l. auferuntur*

46. ff. de jure fisco. in l. qui sub conditione 111. ff. de cond. & demonstrat. l. si venditor 14. §. 1. ff. de in di. addit. l. 4. §. item ff. de appellat. & passim in jure nostro; & quoties non exigitur fidejussor locuples, qualicumque fidejussor admitti dicitur. *l. 1. ff. in jus voc. ut eant. l. 2. §. quod ait ff. qui satisfd. cog.* Ex quibus constat, falsam esse sententiam eorum, qui putant pauperem esse idoneum fidejussorem, dummodò sit probatæ spectatæque fidei. Nam de essentia idonei fidejussoris est, ut sit locuples pro rei qualitate, nempe ut habeat, unde solvat id, quod in fidejussione promittit. Neque enim alia de causa fidejussor accipitur, nisi, ut securum præster creditorem; *l. 1. ff. qui satisfd. cogant. princ. tit. Instit. de fidejussor.* & ut possit solvere, quod à principali debitore debetur, si ille facultatibus labatur. *§. ult. Instit. tit. de replec.* Itaque idoneus esse non potest, si hæc præstare non possit. Quamobrem Prætor elicto suo cavit, ut locuples fidejussor daretur. *l. 1. ff. in jus voc. ut eant.* Reliqua non expressit, quia cætera omnia sunt adminicula fidejussoris idonei: hoc unum est de substantia.

Cùm igitur substantia idonei fidejussoris posita sit in facultatibus, & patrimonio; & idoneus dicatur is, qui locuples est; idcirco rectè traditum est à Cæso in nostra lege, fieri injuriam fidejussori, qui recasatur: videtur enim inopie argui, qui rejicitur, tamquam non idoneus. Et de hoc agi in *d. l.* constat ex primis verbis: *qui pro rei qualitate evidentissimè locupletem, vel (si dubitetur) approbatum, &c.* Cæterum si alia de causa rejiciatur, ut suprà diximus, nulla erit actio injuriarum adversus rejicientem: itaque fidejussor, qui vult agere injuriarum, probare debet se aut tamquam pauperem, aut tamquam fide indignum, rejectum fuisse.

Hactenus de fidejussore: modo dicendum est de debitore. Huic vero nullam injuriam fieri contendo. Nam aut satisfactio necessaria est, aut voluntaria. Si necessaria, tenetur debitor volummodo dare idoneum fidejussorem, quo oblato liberatur ab onere dandæ fidejussoris: satisfecit enim suæ obligationi,

- l. 3. ff. de fidejuss. l. 3. §. ult. ff. ut in poss. legat.
- 8 Præstatione enim ejus, quod debetur, omnis tollitur obligatio. *princ. tit. Inst. quib. mod. toll. oblig.* Itaque nulla ei fit injuria, cum perinde liberetur, ac si fidejussor acceptus fuisset; nec cogi possit ad alium dandum.
- 9 Si verò satisfactio sit voluntaria, ejusmodi ea est, quæ exigi solet in contrahendo, non facit injuriam, qui respuit fidejussorem; quia potest dicere: tecum non contraham, nisi alium fidejussorem dederis, aut nisi dederis hunc vel illum fidejussorem; neque cogi potest ad contrahendum invitus. *l. nec onere C. de jure delib. l. invitum C. de contrab. empr.* Et unicuique liberum est contrahere illis conditionibus, quibus voluerit: *l. Imperatores ff. de contr. empr. cum unusquisque sit rei suæ moderator, & arbitet. l. in re mandata C. mandat.* Itaque vitit jure suo, qui recusat cum aliquo contrahere, nisi alius fidejussor offeratur: nemini autem facit injuriam, qui jure suo utitur.
- 11 *l. injuriarum 13. §. 1. & §. que jure potestatis. l. quod Republica 33. ff. de injur. l. & in evanibus C. de appellat. l. continet 3. §. 1. ff. quod met. caus. l. Gracchus 4. C. ad leg. Jul. de adulter.* Quamobrem ab aliis Interpretibus rectè dissentit Hering. de fidejuss. cap. 6. & ait id, quod traditur in d. l. si verò §. 1. ff. qui satisfd. cogant. speciale esse in satisfactione judicio sistendi: sed quia meo judicio rem non satis explicat, idcirco id uberius, & clarius explicabo.
- 12 Dico igitur, quod nec in aliis satisfactio-nibus, nec in ipsa satisfactione judicio sistendi fit injuria debitori, recusando fidejussorem idoneum. Fit quidem injuria debitori in nostra l. si verò §. 1. ff. qui satisfd. cogant. non tamen fit recusando fidejussorem idoneum oblatum à debitore; sed ducendo in jus ipsum debitorem. Satis evidenter id demonstrant verba legis: *quia sane non quilibet injuria est duci in jus eum, qui satis idoneum fidejussorem det.* Duo sunt facta separata, atque separata: recusatio fidejussoris, & ductio in judicium. Factum recusandi fidejussoris injuriâ afficit ipsum fidejussorem,

non verò debitorem, ut supra ostendimus. Factum ducendi in jus afficit injuriâ ipsum debitorem: Itaque si creditor recusaverit fidejussorem, & non duxerit in jus debitorem, nullam ei injuriam faciet. Contrà si non recusaverit fidejussorem, & nihilominus eum in jus duxerit, ei injuriam faciet, & quidem multò majorem. Hinc constat, quod, etsi verissimum sit, quod lex specialiter est intelligenda, quando tum ipsa, tum ejus ratio specialis est; ramen hoc solo fundamento inniti non debemus, quod etsi convelli posset, tamen subsisteret nostra sententia. Nam superiora verba legis non tam continent rationem, cur injuria fiat, quam demonstrant factum, unde injuria oriatur. Quapropter sublato illo facto, injuria quoque omnis auferatur, necesse est.

Supereft igitur ut explicemus, cur injuriâ debitor afficiatur, si in jus ducatur, cum idoneum obtulerit fidejussorem. Sciendum autem est, quodd olim creditor debitorum in jus vocabat, & cogeatur debitor statim in jus ire. Cornific. ad Heren. *Lege jus est id, quod Populi jussu sancitum est, quod genus, ut in jus eas, cum voceris.* Cic. lib. 2. de legib. *A parvis enim, Quinte, didicimus, si in jus voceris, atque eas; & ejusmodi alias leges nominare.* Ejusmodi erat lex duodecim Tabularum: *Si in jus vocet, atque eas: hoc est, si in jus vocet, statim eas.* Si debitor frustraretur, aut fugeret, poterat creditor in eum violentas manus inicere, eumque vi ducere, trahere, rapere in jus, etiam oborto collo, si reluctaretur. Constitutum id erat lege xii. Tabularum: *Si calvitur, pedemve struit, manum endo jactio.* hoc est, si frustratur, aut refugit, manum inicito. Quare nihil frequentius occurrit apud Comicos illis verbis: *in jus eas: in jus ambula: sequere ad tribunal.* Plin. in Panegy. ad Trajan. *Dicitur Procuratori tuo: in jus veni: sequere ad tribunal.* Plaut. in Aulul. *Jam quidem ad Prætozem herclè te rapiam, & tibi scribam dicam.* Et in Penul.

Sed quid ego dubito fugere hinc in malam crucem,

Prinsquam oborto collo ad Prætozem trahor?

Et

Et in Rudent.

— obsecro te, subveni mi Charmides,
Rapior oborto collo. —

Verum ne injuriam facere videretur debitori, antequam in eum manus injiceret, à lege 111. Tab. jubebatur antestari, hoc est, testem aliquem appellare, cui memorie causâ aurem tangebatur. Plin. l. 11. Cap. 45. Est in aure imâ memoria locus, quem tangeres antestantur. Plaut. in Persa: Sed ego in jus voco, D. nonne antestaris? S. tunc ego causâ, carniſex. cuiquam mortali libero aures atteram. Horat. Satyr. 9.

— casu venis obvius illi

Adversarius; & quò tu turpissime?
magna

Exclamat voce: & li. et antestari? & o
verò

Oppono auriculam; rã it in jus. —

14 Hinc intelligimus, cur vim inferre videatur, qui aliquem de domo sua in jus vocat; l. plerique ff. de in jus voc. & cur vocari non possint in jus illi, quibus reverentia præstanda est, sine permisso Prætoris; l. generaliter ff. eod. itemque prohibeantur in jus vocari Magistratus, qui imperium habent. l. 2. ff. eod. quod explicat Gell. lib. 13. cap. 23. Neque vocari, neque si venire vellet, capi, atque prehendi salvâ ipsius Magistratus maiestate possent.

15 Prætor autem ut hoc jus mitigaret, edicto suo cavit, ut in jus vocati irent, aut satis, vel cautum darent, de quo in tit. ff. in jus voc. ut eant, aut satis vel caus. dent. Non vertit Prætor rapi in jus eum, qui vocabatur. Imò aliud edictum proposuit, quo metu pœnæ compelleret eos, qui in jus vocatos vi eriperent: l. 1. in princ. ff. ne quis enim qui in jus vocat, vi eximat, eripere est de manibus auferre per raptum. l. sed eximendi 4. ff. eod. quare si punit eos, qui eximunt, aut auferunt in jus vocatos de manibus vocantis, utique permittit manus injicere in eos, qui in jus vocantur. Hoc tunc concessit Prætor in jus vocatis, ut si nolent rapi in jus, & in jus statim ire, satisfacerent, & satisfactione ab hac molestia eundi in jus in præsens liberarentur. Igitur, qui idonee ca-

ve e paratus est, in jus duci non potest: quoties enim aliquis disjunctim hoc aut illud facere, & præstare tenetur, alterutrum faciendo liberatur, §. si plures Inst. tit. de hered. instit. l. si Titio 16. ff. de legat. 2. l. si quis ita 129. ff. de V. O. l. si nms 27. §. sed si stipulatus ff. de pact. l. stipulatus sum, Damm. 105. l. ubi autem §. qui illud l. eum qui certarum 138. §. 1. ff. de verb. oblig. l. & per juriſrandum §. si is qui hominem ff. de acceptil.

En ratio nostræ legis. Qui ducit in jus 16 eum, qui satis idoneum fidejussorem dedit, facit ei injuriam, quia eum in jus ducere non potest. Olim si antestatus fuisset, non faciebat ei injuriam, quia id lege permitte faciebat, & jure publico utebatur. l. injuriam §. 1. ff. de injur. hodie ex edicto Prætoris injuria facit, si satisfacere paratus est, quia per vim eum ducit ed, quò duci non potest. Et quidem non quamlibet injuriam facit, ut ait ibi Jurisconsultus: hoc est, non molestiam, sed insignem, & gravem, l. summum 24. §. idem ait ff. de damn. infest. Plin. lib. 7. cap. 28. Bis ab Anniale capius, neque enim cum quolibet hoste res fuit. Gravis autem, & insignis injuria est, quia plures injuriæ in unam cumulantur. Infertur in aliquem injuria tribus modis, lædendo aut ejus corpus, aut ejus libertatem, aut ejus existimationem: hisque omnibus modis injuriam facit, qui in jus ducit eum, quem ducere non potest. Lædit ejus corpus, quia in ipsum injicit manus violentas. l. 1. §. injuriam ff. de injur. Lædit ejus libertatem, quia ed ire cogit, quò non vult, & quò cogi jure non potest. l. injuriarum §. ult. ff. eod. tit. l. si creditor 19. & l. si injuria 20. ff. de injur. §. 1. Inst. eod. tit. l. si creditores 31. ff. de reb. aut. jud. possid. aliàs: de privit. credit. Præter ea læditur ejus existimatio, quia hoc non fit sine

contumelia & clamore, & vociferatione populi concurrentis. Horat. Sat. 9.

— *Rapit in jus, clamor utrinque, Undique concursus* —

Quæ injuria speciali Prætoris animadversio-
ne digna fuit: *l. item apud 15. §. ait Prætor.*
17 juncto §. *convincium autem & §. fecisse ff. de injur.* ac proinde non levis injuria est, sed notabilis. *d. l. item apud §. hoc editum.*

Non est igitur dubitandum, injuriam fieri debitori, ducendo eum in jus, non respuendo fidejussores. Quapropter cautè Caius in nostra *l. si verè* non absolute dixit injuriam teneri, qui non accipit idoneos fidejussores judicio sustendi causâ datos, sed dixit: *adversus eum injuriarum actio esse potest.* Potest esse actio injuriarum: videlicet, si eum nihilominus in jus duxerit. Si autem non duxerit in jus, nulla erit actio injuriarum. Ideo verbis illis subjecit Jurisconsultus; *quia non qualibet, &c.* ut ostenderet, quando sit actio injuriarum.

menti contineret. Explicatur l. quidam 7. §. ult. ff. de Tit. Vin. & Olleg.

10 Pretium quo veniatis antiquis modius frumenti. Frumenti ab Edilibus plebi distribuebatur quantum assibus in modies, septem etiam duobus, ac non semel assibus: postea lege Cletii gratis dari cepit. Mola aqua versatiles non erant apud Romanos, sed avi manu servorum, aut jumentis agitabantur. Modimus sex modios continet.

11 Sextarius frumenti de nova onerata auferens furtum facit sextarii. Modius sextarius sexdecim continebat.

12 Amphora continebat urnas duas, sextarios quadraginta octo. Furtum sextarii vini preponitur, & quo pretio veniret.

13 Quadragesima urna vini veniatis nummis trecentis.

14 Si quis in cisterna Aqua sextarium abjulerit, furtum committit.

15 In quibusdam Regionibus aqua venditur.

16 Furtum rei minima ferebat etiam apud Græcos.

17 Solonis leges etiam furti fures puniebant; unde adagium folio dixi furti iudicium.

18 Draconis leges etiam pomi, aut lactuca furti capite puniebant.

19 Militibus apud Romanos rei minima furtum per-mittebatur, dumne nummum argenteum extor-deret.

20 Pro rei minima furti actio datur.

CAPUT XXIII.

Ad l. vulgaris 21. ff. de furs.

SUMMARY.

1 Gallinarum, & columbarum furtum fit.

2 Explicatur. §. Gallinarum Inst. tit. de Ret. divif.

3 Explicatur d. §. Gallinarum & Pomponius l. 8. §. 1. ff. fam. etc.

4 Explicatur Auth. seu Nov. ut omnes obediant vers. 69. Cap. 1. & n. 6.

5 Pretium Columbarum, Gallinarum, & Turdorum quantum antiquitus esset. Gallina altilis legibus sumptuariis interdicta erat.

6 Verba: parvum, exiguum, modicum, relativa sunt; idè Gallina est quid minimum, ut quis cogatur ire in aliam Provinciam ad eam persequendam; & furtum, de quo agitur in l. 3. §. idem referripit ff. de Bon. eor. qui ant. sent. licet modicum dicatur, in aliis casibus modicum non est. Explicatur d. l. 3.

7 Exempla furtorum rei minima referuntur, inter quæ recensetur furtum Aqua. Explicatur l. Vulgaris 21. ff. de Furtis & n. seqq.

8 Nummus pro rei minima ponitur; cum decem nummi viginti quinque Asses contineant seu viginti coratæ nostra moneta.

9 Modius pro rei minima ponitur, & quantum fru-

Subjiciamus aliquid de furtis. Rei minimæ furtum fieri fatentur ferè omnes Interpretes, sed meo judicio omittunt ea argumenta, quibus id perspicue potest demonstrari. Probant hanc sententiam §. *Gallinarum Inst. tit. de rer. divif. & acquir. ear. dom.* ubi gallinarum fit furtum; gallinam autem esse quid exiguum, tradit Justinianus Legislator noster in *auth. ut omnes obediant, vers. 69. cap. 1.* Item afferunt textum in *l. Pomponius 8. §. 1. ff. fam. ercisc.* ubi columbarum furtum fit.

Sed eludi facile potest vis horum argumentorum. Primum in §. *gallinarum* non queritur de quantitate rei, cujus furtum fieri potest; sed de natura gallinarum, an sint mansuetæ, vel mansuefactæ, vel feræ, & ejusmodi, ut occupanti concedantur, an verò ejusmodi, ut earum furtum fiat. Ait Justinianus, naturâ suâ ejusmodi esse, ut earum furtum fiat. Inde autem non consequitur fieri furtum rei minimæ. Ea est natura gallinarum, ut earum furtum fiat, dumne id impediat quantitas rei surreptæ. Ut enim aiunt in scholis, supponendi sunt semper

termini habiles. Si gallina sit adeo modice æstimatoris, ut ejus furtum non fiat, furtum quidem non committitur; non tamen quia furro repugnet natura gallinæ, sed quia repugnat modica quantitas: non quia gallina concedatur occupanti, sed quia tanti non est, ut furtum admittat.

3 Præterea miror, & hunc §. & d. l. 8. adduci ad hoc probandum. Etenim non unius gallinæ, aut columbæ furtum fieri dicitur, sed gallinarum, & columbarum; nemp̃ tor, quot sufficiant ad constituendam rem non minimam.

4 Ad *amb. ut omnes*, &c. idem responderi posset; in ea supponi furtum gallinæ domesticæ, dummodo ea tanti fuerit, ut rem minimam excedat: non enim sancitur gallinæ furtum fieri, ut inde possimus arguere fieri furtum cujuscumque gallinæ, sed obiter gallinæ furtum nominatur, tamquam furtum rei exiguæ, non minimæ.

5 His addo gallinarum, & columbarum eum olim fuisse valorem, ut non semper minima res sint judicandæ. Plin. lib. 10. cap. 37. L. *Axius Eques Romanus ante bellum civile Pompeianum denariis quadringentis singula paria* (columbarum) *vendit, ut M. Varro tradit*. Sunt quadraginta nostrorum scutorum. Varro de pullis earum lib. 3. c. 7. *Roma si sunt formosi, bono colore, integri, boni seminis, paria singula vulgò veniunt ducentis nummis: nec non eximia singulis millibus nummum, quas nuper cum mercator tanti emere vellet à L. Axio Equite Romano, minoris quadringentis denariis datum negavit*. Non mirum igitur, etiam columbatum furtum factum fuisse, cum vulgò venirent singula paria decem, aut viginri quinque scutis nostri temporis. Gallinarum quoque non modicum fuisse pretium existimo, maximè altitium, quæ legibus sumptuariis inreductæ erant. Plin. lib. 10. cap. 40. *Hoc primum antiquis canarum interdixit exceptum invenio, jam lege C. Fannii Cos. xi. annis ante tertium Punicum bellum, ne quid volucrum poneretur præter unam gallinam, quæ non esset altitilis, quod deinde caput transactum per omnes leges ambulavit. Inventumque diversiculum est in*

fraudem earum gallinaceos quoque pascendi lacte madidis cibis: multò ita gratiores approbantur. Ecquis dubiet de his? cum denariis ternis turdi venderentur, ut testatur Varro de Re Rustica, cujus verba non pigebit apponere, ut intelligant Nostri valorem avium apud Romanos: *Certe, inquit Merula, ibi vidi greges magnos Anserum, Gallinarum, Columbarum, Grunum, Pavonum, nec non Glirium, Piscium, Aprorum, cateraque venationis, ex quibus rebus Scriba librarius eius in annos singulos plus quinquaginta millium à Villa capere dicebat*. Axio admirante: *Certe nosti, inquit, Matertera mea fundum in Sabinis, qui est ad vicesimum quartum lapidem viâ Salaria, à Roma. Quid nî? inquit. Atqui in hac Villa qui est ornithon, ex eo uno quinque millia scio venisse Thrdorum denariis ternis*. Sexaginta millia ea pars reddiderit eo anno Villa, bis tantum, quam tuus fundus ducentorum jugerum Reatè reddit. *Quid sexaginta, inquit Axius? Sexaginta, sexaginta, derides? Sexaginta, inquam. Sed ut ad hunc volum pervenias, opus erit tibi, aut Epulum, aut Triumphum alicujus, ut tunc fuit Scipionis Metelli, aut Collegiorum cæna, quæ nunc innumerabiles exardesciunt annonam macelli. Reliquis annis omnibus & hanc expectabis summam: quotus enim quisque est annus, quo non videas Epulum, aut Triumphum, aut Collegia coepulari, quæ nunc innumerabiles intendunt annonam*. Plura non exscribo, sed videnda sunt cætera.

Nec obstat text. in d. Nov. ut omnes 69. 6 cap. 1. ubi gallina domestica exiguum quid dicitur. Verba, *parvum, exiguum, modicum*, referuntur ad id, de quo agitur. In hac Novella sancit Justin. neminem in aliam Provinciam ire cogi, ut conveniat debitorem suum, sed posse eum in ea Provincia conveniri, in qua deliquit. Certe gallina, non solum quid exiguum est, sed minimum, ut hac de causa quis cogatur in aliam Provinciam ire ad eam persequendam. Quis in aliam Provinciam iret, ut tam tenuem mercedem acciperet? Quare inter furta rei minimæ non recenseo furtum, de quo in l. 3. §. idem rescriptis ff. de bon. cor. qui ante sent.

licet ibi reus modici furti nominetur. Nam cum ibi agatur de eo furto, propter quod reus esset condemmandus morte, vel depotatione, & bona ejus sisco essent vindicanda, omnia furta modica sunt, propter quæ ejusmodi poena non irrogatur.

7. Exempla igitur furti minimæ rei petenda sunt ex *l. vulgaris* 21. ff. de furt. Quam nostri aut omittunt, aut stricte attingunt, cum tamen hoc ferè fundamento innitur hæc sententia. Quapropter eam copiosè explicare constituimus. Quatuor ibi referuntur exempla furtorum rei minimæ. Furtum facit, & furti se obstringit, tum qui aufert decem nummos; tum qui modium frumenti; tum qui sextarium; tum denique qui aquam. Et ne quid possit incidere dubitationis, proponitur frumentum ablatum de nave onerata, aut de horreo pleno, & aqua de cisterna.

8. Furtum decem nummorum satis modicum est. Decem nummi sunt viginti quinque asses, seu viginti caratia nostræ monetæ. Nummus pro re nihili ponitur in *l. si quis* 46. ff. locat. Cicer. pro *Q. Rosc. Comed.* Hic tu si amplius sestertio nummo petisti, quam tibi debuium est, causam perdidisti. Et ad *Attic. lib. 5. epist. 21.* Rationes conferatis; assidant: subducunt: ad nummum convenit. Catullus autem, ut rem minimam minorem significaret, *assem* dixit:

*Rumoresque senum severiorum
Omnes mihi assinemus assis.*

- 1: Martial.

Asse duos calices emit, & ipse tulit.

9. Alterum est furtum ejus, qui ex acetvo frumenti modium sustulit. *d. l. vulgaris* 21. in princ. Modius triticum admetiebantur, & hæc mensura vendi, promitti, legari solebat. *l. quod sæpe §. in his ff. de contr. emps. l. quod legatum ff. de indic. l. colonus* 61. §. navem locat. *l. ubi autem* 75. §. 1. ff. de verb. oblig. *l. si ira fideiussorem* 42. ff. de fidejuss. & alibi passim. Quantum penderet hæc mensura, tradit accuratè *Plin. lib. 18. cap. 7.* Ex his generibus, quæ Romani invehuntur, levissimum est Gallicum, atque è Chersoneso advehitum, quippe non excedant in modium

vicenæ libras, si quis gramum ipsum ponderet. Adjicit Sardum silibras, Alexandrinum & trientes: hoc & Siculi pondus. Bæoticum totam libram addit: Africanum & dodranter. In Transpadana Italia scio vicenæ quinque libras fuisse modios pendere circa Clusium, & Senam. Modius igitur frumenti vicenæ libras pendet, aut non multò plus. Quam modica res est! Hinc explicatur *l. quidam* 7. §. ult. ff. de vin. vitis. & ol. leg. Lucio Titio tritici modios centum, qui singuli pondo centum pendeant, hares dato. Osidius nihil legatum esse, quod & Labeo probat, quoniam ejusmodi triticum in verum naturam non esset, quod verum puto. Rectè: nusquam enim nascitur triticum tanti ponderis.

Atque ut appareat, quàm modica res sit frumenti modius, dicendum est aliquid de ejus pretio. Pretium certum statui non potest. Varium enim & pro fertilitate Regionis, & pro annonæ vilitate. *Polyb. lib. 2.* ubi de Gallia Cisalpina: *Σίτου τὸ ὅσον αὐτῶν ἐξεδίδαν ὑπὲρ τῆς συνθήκης καὶ τὰς τιμὰς, ὥς ἐν τοῖς καὶ νῦν καίτοι πολλὰς ταύτῶν ἀρχαῖον δεῖξαι ἵσται ὅτι παρὰ τὸ Σικελικὸν μέδοντες, τὸ δὲ καὶ τὸν δυνόν. Frumenti enim ea copia est in iis locis, ut persæpe nostris temporibus tritici medimnus Siculus veniat quatuor obolis, hordei verò duobus. Medimnus sex modios continet. Itaque ibi frumenti modius non multò plus asse venibat. Huius rem minimam! Ex oratione Demosthenis in *Phormion.* constat, ejus avo medimnum frumenti quinque drachmis Athenis aestimatum fuisse, itaque paucis assibus modius aestimabatur. Quid in Sicilia? Cicer. in *Divin. in Q. Cecil. Queritur Sicilia tota, C. Verrem ab aratoribus, cum frumentum sibi in cellam imperavisset, & cum esset tritici modius sestertius duobus, pro frumento in modios singulos duodenos sestertius exegisse.* Idem 3. in *Verr.* Fuit autem te Pratore, ut tu in multis epistolis gloriaris, sestertius duobus. Et infra: Hoc reprehendo, quod cum in Sicilia sestertius duobus tritici modius esset, ut ipsius epistola ad te missa declarat: summum sestertius ternis scio eo anno magnam fuisse annonæ vililitatem. Sed quàm minima res est duo, aut tres sestertii: hæc est, duo, aut*

tres nummi? Romæ quoque satis tenuæ frumenti pretium fuisse existimo: nam cùm olim ab Ædilibus plebi frumentum distribuere quatuor assibus in modios, sæpè etiam duobus, ac non semel etiam assibus, postea verò lege Clo llii gratis dari cœperit, non poterat immodicum esse ejus pretium. Plin. lib. 18. cap. 3. *M. Varro auctor est, cum L. Metellus in triumpho plurimos duxit Elephantos, assibus singulis farris modios fuisse.* Tacit. lib. 15. *Annal. de Nerone: Subvektiaque usensilia ab Hostia, & propinquis Municipiis, pretiumque frumenti minimum usque ad ternos nummos.* Plin. lib. 18. cap. 10. *Panes verò è modio similaginis 122. è storis modio 117. Pretium huic annona media in modios farinæ quadraginta asses.* Antè dixerat: *Similago ex tritico fit: laudatissima ex Africo: justum est è modis redire semodios, & pollinis sextarios quinque: ita autem appellant in tritico, quod florem in filigine.* Si ex modio frumenti semodius similaginis redit, summa redigetur ad viginti asses. Quod si sublatum operam farinæ in cernieulo decutiendæ, & impensam tritici in farinam molendi, pretium frumenti ad summam multò minorem redigemus. Neque enim puto hos sumptus compensari posse eum ea parte, quæ superat secretâ similagine. Item sumptum tritici molendi non modicum fuisse existimo, eum illi non uterentur molis aquâ versatilibus, sed aut trusatiles essent molæ, manu servorum agitæ, aut jumentariæ, & asinaræ, jumentorum labore circumactæ, ut satis noium est, & docetur in *l. dotia 26. §. 1. ff. de instr. vel instrum. leg.* Certè Martialis lib. 12. epig. 77. summam adeo minuit, ut ferè ad nihilum redigat:

Amphora vigessis, modius datur ere quatterro.

Vides hic quatuor assibus tritici modium æstimari. Pone triticum infimæ notæ, pone summam annonæ vilitatem, vix tamen ad hanc summam descendes: nisi fortè non de Roma, sed de alia Regione id est intelligendum. Nam Columella lib. 3. minimum pretium amphoræ vini esse ait quindécim nummorum, hoc est triginta septem

assum cum semisse; hoc autem loco Martialis amphoram viginti assibus dicit. Itaque aut de insolita ubertate anni loquitur; aut de alia Regione; aut poetice pretium minuit.

Sed jam ad tertium furtum progrediamur. Hoc verò minimo minus est. In *d. l. vulgaris §. Sed si de navi ff. de furt.* traditur eum, qui sextarium frumenti de navi onerata sustulerit, furtum sextarii facere, non totius frumenti; modius sextarios sexdecim continebat, ut nos docet Volusius Marcius in libro *de ponder.* & satis constat inter Eruditos. Divide jam in sexdecim partes pretium, quod modio frumenti tribuimus, quantula erit summa? Piget me rationem subducere: sed ut summum frumenti pretium statuam, vix tamen ad duos asses pervenies. Proponitur in eodem §. furtum ejus, qui vini sextarium abstulit. Sextarius enim, & aridorum, & liquidorum mensura communis est. Pretium ejus hoc modo assequemur. Amphora continebat urnas duas, sextarios quadraginta octo, ut docet Volus. Marcius. Amphoræ sæpè fit mentio in Jure nostro, ut in *l. 3. §. 1. ff. de vin. tris. & ol. leg. in l. quod sæpè §. in his ff. de contr. empt. l. 2. C. de peric. & com. rei vend. l. quarundam ff. de acquir. posses. l. inser stipulantem §. sacram ff. de V. O. l. ult. §. ult. ff. ad leg. Rhod. l. Vinaria 206. ff. de V. S. & passim in tris. ff. de tris. vin. & ol. leg.* Quare urna continet sextarios 24. & quadragenæ urnæ continent sextarios 960. Traditum est à Columella l. 3. quadragenas urnas, eum minimum est annonæ pretium, vñire nummis trecentis; hoc est assibus 750. Igitur sextarii 960. vñeunt assibus 750. Assis 750. sunt quadrantes 3000. Igitur sextarii vini subductâ ratione tribus quadrantibus æstimantur. En furtum, quo vix minis potest excogitari.

Sed est adhuc furtum quoddam minus. Nam & si quis ex cisterna aquæ sextarium abstulerit, furtum faciet. *d. §. sed si de navi.* Nihil vilius aquâ: solet ea concedi sine ullo pretio etiam illis, qui nobis noti non sunt. Argutè, ut solet, Plaut. in *Anul.*

Tum aquam aufugisse dicito, si quis peter.

Et infra:

Aquam heretè plorat, cum lavat, profundere.

M. Tull. lib. 2. de offic. ut rem incredibilem dicat: *At ii, qui ab hostibus obsidentur, si emere aqua sextarium minà cogerentur, hoc primò incredibile videri, omnesque mirari.*

- ¶ Non ignoro, quasdam esse Regiones, ubi aqua emitur. Ulpian. in l. 1. ff. de alim. legat. Si alimenta fuerint legata, dici potest etiam aquam legato inesse, si in ea Regione fuerint legata, ubi venditari aqua solet. & in l. Mela §. ult. ff. eod. Quidam libertis suis, ut alimenta, ita aquam quoque per fideicommissum reliquerat: consulebar de fideicommissis, cum in ea Regione Africa vel fortè Ægypti, res agi proponebatur, ubi aqua venalis est. Sed cum vini sextarium tribus quadrantibus æstimaverimus, quanti erit æstimandus aquæ sextarius? Quid si hoc intelligamus de ea Regione, ubi aqua non emitur? Elegans est hac de re Martialis Epigramma 47. lib. 6.

*Exsolvit votis hac se tibi virgine porca
Marcus, furtivam qui bibis ager
aquam.*

*Tu contenta meo jam crimine gaudia
fontis.*

Da securatui: sit mihi sana sitis.

- ¶ Videor mihi satis perspicuè probasse, etiam rei minimæ furtum fieri. Neque hoc mirum cuiquam videatur, cum & apud Græcos, quorum leges, & instituta Romani sunt imitati, rei minimæ furtum heret. Liban. in paradigmate loci communis in proditorem: *τὸς ἐπὶ πέντε δραχμὰς ἀλόγως κολλάζει. Convictos furti quinque drachmarum puniuit.* Solonis enim leges etiam fimi fuces puniebant: unde apud Græcos usurpatum est adagii loco *βόλιον δίκην, fimi iudicium*, in eos dictum, qui rei minimæ iudicium, ac poenam sustinent; ut traditum est à Scholiaste Aristophanis in Equit. & à Suida, & in Vaticana appendice centur. 1. Prover. 24.
- ¶ Draconis autem leges etiam pomi, aut lactucæ furem capite puniebant, ut sciunt om-

nes. Plutarch. in vita Solonis, & Gell. lib. 12. cap. 18.

Hoc tantum monendum superest, quod 19, quamvis apud Romanos severissima esset disciplina militaris, tamen rei minimæ furtum militibus permittebatur, dumne excederet nummum argenteum. Gell. lib. 16. cap. 4. Cum delectus antiquius fieret, & milites scriberentur, in iurjurandum eos Tribunus Militaris adigebat in verba hæc. In Magistratu C. Lallii C. filii Cos. L. Cornelii P. filii Cos. in exercitum, decemque millia passuum propè, furtum non facies dolo malo solas, neque cum pluribus, plaris nummi argentei in dies singulis. Puto id constitutum propter atrocitatem poenæ, quæ his irrogabatur. Polyb. *ἐυλοχεύονται ὃ ἂν ἐκείναι πρὸς τὸν στρατὸν*, Fuisse percutitur & is, qui furto aliquid à Castris abstulit. Suet. in Tiber. cap. 60. Is militem pratorianum ob surreptum à viridario pavonem capite puniuit. Et Spartianus testatur, Pescennium Nigrum ob unius gallinacei direptionem decem manipulones, qui raptum ab uno comederant, securi percuti iussisse.

Illud ad explicationem nostræ legis subiiciendum est: quod harum rerum minimarum non solum furtum fit; sed etiam furti tenetur, qui abstulit. In nostra l. in princ. 20. ibi in tantum eos furti actione teneri, quantum abstulerint. & in §. 1. teneri furti, decem nomine placet. Et in hac lege passim agitur de actione furti: & promiscuè dicitur furtum fieri, & furti actionem esse: ut in princ. legis. & in §. item si quis. & in §. si duo.

CAPUT XXIV.

*Ad l. si ita fideiussorem 41. ff.
de fideiussor.*

SUMMARY.

- 1 Fideiussor in maiorem summam accipi non potest.
- 2 Medius frumentum in summa annua caritate quintæ decim sestertii in Sicilia æstimatus fuit.

- 3 Fidejussor in minorem summam, & in leviores causam accipi potest.
- 4 Quibus nominantur decem, centum. *sol. feni-*
ficari decem millia HS, centum millia & prin-
da effari solent neutro genere.
- 5 Quando summam aliquam auroreum significare
volans Jurisconsulti, expriment aureos, aut
solidos.
- 6 Fidejussor in aliam obligationem accipi non po-
test, & quando in aliam obligationem accipi
dicatur?
- 7 Centenarius libertus quis dicatur, & an Tribu-
tationis in hac re deceptus sit? aureus continet
centum sestertios.
- 8 Emendatur l. Mævia 48 ff. sol. mattiam sestertium
continet mille sestertios.
- 9 Emendatur l. Pater. 38. §. fideicommissus ff. de
legat. 3. Scavola stertis sub M. Antonino;
Paulus sub Alexandro, & Scavola Fideicommissum
utatur in Jure respondendo. Aureus quando
solidi nomen acceptus & n. 20. Tremisses eudi
fusti Alexander, qui tertiam partem aurei con-
tinebant.
- 10 Aurei appellati sunt solidi etiam ante Alexan-
dram, quod multis exemplis probatur.
- 11 Emendatur l. Osidius 97. ff. de legat. 3. & l.
Tantum 88. ff. de V. S. Vtiores utebantur ad-
verbis numeralibus, & subintelligebatur cen-
tena millia, adeo ut decies sestertium significaret
decies centena millia sestertium, & huius adverbii
tamquam nominibus utebantur.
- 12 Ostenditur quod adverbium illud centies in d. l.
Osidius & d. l. Tantum non potest significare
centenos aureos, nec centies centena millia au-
reorum.
- 13 Emendatur l. Cum hæres 4. §. 1. ff. de statulib.
& explicatur & n. 14.
- 14 Latinus libertus habebat olim, qui manumittebatur
pendente condicione, sub qua ei jam data erat
libertas, non autem Civis Romanus fiebat. Ex-
plicatur l. Ultima ff. de Manum. testam.
- 15 Deportati quia Civitatem amittunt, dicuntur
libertatem amittere. Explicatur l. Cognitionum
3. §. ult. ff. de extraord. Cognit.

Quæ de frumenti pretio disputavimus, nobis facem præferunt interpretationi l. si ita 42. ff. de fidejuss. Si ita fideiinjorem accepero: quod ego decem credidi, de ea pecunia mille modios tritici jure tua esse jubet? non obligatur fidejussor, quia in aliam rem, quam qua credita est, fidejussor obligari non potest: quia non ut æstimatio rerum, qua mercis numero habentur, in pecunia numerata fieri potest; ita pecunia quoque merce æstimanda est. Æstimantur in hac lege mille modii frumenti decem. Non tamen adji-

tur, an sint decem aurei, an vero decem sestertia, hoc est decem millia sestertia. Si decem aureis æstimentur mille modii frumenti, singulorum valor erit unius nummi: si vero decem millibus HS. erit decem nummorum.

Existimo in hac lege eum, qui fidejussorem accipit, decem millia credidisse, non decem aureos: primum, quia fidejussor in majorem summam accipi non potest. §. fidejussor Infr. tit. de fidejuss. l. Gracè 8. §. illud ff. & l. hi qui 34. ff. de fidejussor. Itaque maxime verendum esset, ne fidejussor acceptus esset in duriorem causam, si frumentum tam modico pretio fuisset æstimatum. Pluris enim Romæ fuisse supra demonstravimus. Et tamen Jurisconsultus in hac lege de re non curat. Decem autem nummi in singulos modios videntur convenire juxta æstimatorem, cum in summa annonæ caritate quindecim sestertiis in Sicilia æstimatum fuisse restetur Cicero 3. in Verr. præsertim quia nihil im-
pedit, fidejussorem in minorem summam, & in leviores causam accipi. dd. ll. Itaque curandum potius est, ut de summa à reo principali detraheretur aliquid, quam adderetur. Quare in fidejussione non fuit dictum: pro ea pecunia mille modios tritici fidei tuæ esse jubet? sed, de ea pecunia, &c. ut demonstraretur, pecuniam excedere æstimatorem tritici, & fidejussorem potius in partem accipi, quam in majorem summam.

Præterea quoties in jure nostro decem, centum, &c. nominantur, solet significari decem millia HS. centum millia, &c. ut interdum adjicitur. l. illa stipulatio 67. ff. de P. O. l. duo societatem 71. ff. pro soc. Quapropter solent hæc neutro genere efferi, ut in l. lesa ff. de rob. cred. l. obligationum ferè §. si ita ff. de obligat. & act. l. ait Prætor §. per hanc ff. qua in fraud. cred. l. Si ita stipulatus 126. in princ. ff. de P. O. l. liberto 21. ff. de an. leg. l. Aurelius §. centum & §. quidam. l. legavi 25. ff. de liber. leg. l. qui testamento ff. de probat. l. talis scriptura §. quid si forte ff. de legat. 1. l. si cum præfinitione ff. quando d. leg. ced. l. Publius in princip. ff. de cond. & demonstr. l. fidejussor Magis-

tratum §. 1. ff. de fidejuss. l. ult. C. de his
 quæ sub mod. Quando autem summam ali-
 quam aureorum exprimere volunt, aut id
 ipsum exprimunt: *decem aureos, decem so-
 lidos*, ut in l. 1. §. si cui ff. de extr. cogn. in
 l. nonnulli 10. ff. de accusat. aut id indicant
 aliquâ adjunctione, unde cognosci possit eos
 loqui de aureis, ut in l. libertis 18. in princ.
 ff. de alim. leg. *mensuros decem, mensuros
 septem, annuos denos*. Cum autem simplici-
 ter efferuntur, de sestertiis, non de aureis
 sunt intelligenda, ut constat ex l. libero 26.
 ff. de bon. libert. & ex l. Si liberus 16. ff.
 de jure patron. juncto §. postea ut. d. Insti. tit.
 de success. libert. Igitur denis nummis in hac
 lege critici modius æstimatur, aut minus,
 si fortè pro parte fidejussor intercessit. Non
 tamen valet fidejussio: quia in aliam obli-
 gationem fidejussor accipi non potest. In
 aliam obligationem accipi dicitur fidejussor,
 quoties ex sua promissione debiturus est ali-
 quid, quod non debet reus principalis.
 Exempla peti possunt ex l. Gracæ 8. §. si quis
 Stichum, in fin. & ex l. si Stichum 38. ff. de
 fidejuss.

7 Nec sine causa id admonere volumus:
 nam hujus rei ignorance multi errores in
 Jus nostrum irreperunt. Non ausim dicere
 hæc in re deceptum fuisse Tribonianum,
 qui centenarium libertum statuit cum esse,
 qui centum aureos habet in bonis, legem
 Papiam interpretans in §. sed nostra Inst. tit.
 de success. libert. cum certum sit centena-
 rium fuisse libertam, qui centum millia in
 bonis habebat. §. postea, eod. tit. l. libero 26.
 ff. de bon. libert. l. si liberus 16. ff. de jure
 patron. Centum millia sestertium efficiunt
 summam mille aureorum, non centum,
 cum aureus contineat centum sestertios,
 non mille. Sed dicendum est accisis Imperii
 opibus, & privatorum facultatibus in dies
 decrefcentibus, à Justiniano summam fuisse
 diminutam.

8 Idem est error in l. Mævia 48. ff. solut.
 matrim. quem si Triboniano tribuere nolu-
 mus, Libertiis tribuere necesse est. *Mævia
 marito suo inter alias res dotis, etiam instru-
 mentum solidorum decem tradidit, quo Ora-*

*cilius eidem Mævia caverat, datumum se,
 cum nuptum ire cepisset, decem millia*. Hic
 quoque decem millia æstimantur decem so-
 lidis, seu decem aureis, cum contineant
 centum aureos. Itaque perperam adjectum
 est verbum illud, *solidorum*: quod fortasid
 ab aliquo imperito additum est, qui deceptus
 est notâ, quâ sestertii describuntur, quæ
 est hujusmodi: II. S. Si quis hoc modo le-
 gat: *Mævia marito suo inter alias res dotis
 etiam instrumentum sestertiorum decem tra-*
didit, certè constabit sententia: nam ses-
 tertium continet mille sestertios; ac proin-
 dè decem sestertia continent decem millia
 sestertia. Simile est illud Juvenalis, Satyr. 4.

— nullum sex milibus emit

Æqualem sane paribus sestertia libris.

Mullus erat sex libratum: sex millia ses-
 tertium sunt sex sestertia; itaque sestertia libris
 æquabat. Quamvis autem à Veteribus Auc-
 toribus sestertium neutro genere non dicitur,
 præterquam à Poëtis, tamen in poste-
 rioris ævi Scripto ibus id à me non semel
 observatum memini.

Item est error in l. Pater 38. §. fideicom-
 missi ff. de legas. 3. Fideicommissi ei, cui
 duo millia legavi, in hac verba: à se Pe-
 troni peto, uti ex duo millia solidorum reddas
 Collegio cujusdam Templi. Non dubito Scæ-
 volam scripsisse: uti ex duo millia II. S.
 Etenim Scævolæ temporibus aureus adhuc
 solidi nomen non acceperat. Floruit Scævo-
 la sub M. Antonino, ut refert in hujus vita
 Capitolinus: hoc est, ante Alexandrum
 Imperatorem. Quare Paulus, qui floruit
 imperante Alexandro, ejusque Consiliarius
 fuit, in Scævolam notis scripsit, eumque
 semper appellabat Scævolum nostrum, quia
 eo Auctore ac Præceptore utebatur in Jure
 respondendo, ut optimè animadvertit doc-
 tissimus Cujacius. l. si unus §. si unus ff. de
 pact. l. 6. ff. de reb. ant. Jud. l. atqui 19. §.
 1. ff. de negot. gest. l. Nescennius ff. de excus.
 tutor. l. qui p'nes 38. §. ult. ff. de vulgar. &
 pupil. substit. l. quod si minor §. Scævola ff. de
 minor. l. qui Stichum §. ult. ff. de jure dor.
 Solidi autem videntur appellati eo tempore,
 quo Alexander tremilles cudi jussit, ut
 existimat

existimat doctissimus Budæus: quia tunc dicti sunt solidi, hoc est integri aurei, cum tremisses tertium aurei partem continerent. Narrat hæc Lamprid. *in vit. Alex.* Verba ejus, à Viro incomparabili emendata, sunt hæc: *Vestigalia publica in id contraxit, ut qui decem aureos sub Helio gabalo præstiterant, tertiam partem aurei præstarent, hoc est, tricesimam partem. Tuncque primum tremisses aureorum formati sunt, cum ad tertiam partem antei vestigal defedisset: dicente Alexandro etiam quæstarios futuros, quod minus non posset. Quos quidem quæstarios jam formatos in moneta detinuit, expectans, ut si vestigal contrahere potuisset, & eosdem ederet: sed cum non potuisset per publicas necessitates, consilium eos jussit, & tremisses tantum, solidosque formari.*

10 Sed veretur, ut defendi possit hæc sententia, cum etiam multò ante Alexandrum aureos appellatos fuisse foliis reperiam. In Edicto Adilium Curulium solidi nominantur. *l. quæ vulgo 42. ff. de Adil. Edict.* In Edicto Prætoris itidem solidus nominatus reperimus. *l. si verò 5. §. Prætor ait ff. de his qui effund. ve' de ject.* Item in Rescripto Imperatorum Severi & Antonini *l. Imperatores 34. ff. de jure fisci.* Quæ omnia prodierunt, & scripta sunt multò ante Alexandrum: quod à Budæo aliisque doctissimis Viris non fuisse observatum sanè mirandum est, præsertim cum Budæus hanc sententiam confirmet etiam in annot. ad Pand. in *l. quæ vulgo ff. de Adil. Edict.* Neque probabilè est, has leges à Triboniano emendatas fuisse. Quid enim causæ esse potuit? cum etiam Justiniani tempore aureorum nomen esset in usu, §. *sed nostra Instit. tit. de success. libert. §. item is Instit. tit. de oblig. quæ ex quasi delict.* & tot aliis in legibus aureorum nomen sit relictum, ut in *l. 2. ff. in jus voc. ut eant. l. penult. ff. de in jus voc. l. si quis 7. in princ. ff. de jurisd. in l. Papinianus 8. in fin. & l. seq. ff. de inoff. testam. l. lege Cornelia 25. in princ. ff. ad SC. Silanian. l. un. §. 1. ff. ad leg. Jul. amb. l. si creditor 37. §. 1. ff. de pecul. l. 1. §. Si cui ff. de extraord. cognit. l. nonnulli 10. ff. de accusat. & alibi. Igitur defendi potest vulga-*

ta lectio in *d. l. pater 38. §. fideicommissis ff. de legat. 3.* quæ defendi non posset, si probaremus communem doctissimorum Hominum sententiam, existimantium ante Alexandri tempora solidi nomen in usu non fuisse. Sed puto nihilominus legendum: *duo millia HS.*

Sunt aliz duæ leges, quæ eadem indigent emendatione. In *l. Ofidius 57. ff. de legat. 3.* Imperator interrogavit partem legatarii, querendi causâ pone (inquit) in condito centies aureorum esse, quæ in usum sumi solerent: diceres totum, quod esset in arca, reliquum deberi? In *l. tantum 88. ff. de verb. sign.* Tantum quisque pecunia relinquit, quantum ex bonis ejus resciri potest. Sic dicimus centies aureorum habere, qui tantum in prædiis, catenisque similibus rebus habeat. In utraque lege expungendum puto verbum, *aureorum.* Nemo nescit Veteres his adverbis numeralibus usos fuisse ad describendam summam sestertium, & subintelligi, centena millia. Itaque decies, vicies, centies sestertium, significat decies centena millia sestertium, vicies centena millia sestertium, centies centena millia sestertium. Idem dicendum de reliquis. Et si autem Veteres solerent addere sestertium, aut sestertio, tamen id aliquando omittebant. Cic. *pro Sex. Rosc. Hæc bona sexagies, emuntur duobus millibus nummum.* Similis omnino loquendi forma ei, quæ utitur JC. in *l. tantum 88. ff. de V. S.* Idem Cic. *inorat. in Verr. de frum. Sic per triennium ad hanc frumenti emptionem centies & tricies erogatum est.* Liv. lib. 8. *Postius quadragies, quam ducenties litem astimatum.* Contrà centies aureorum apud probatos Auctores nusquam legisse me memini. Est quidem apud Martialis. lib. 4. *epigr. 37.* versus, quo videtur defendi posse hæc dictio:

Ex insulis, fundisque tricies solidum.
Solidus autem, & aureus idem est, ut norunt omnes. Sed aliud significat Martialis, non tricies solidum, sed solidum, hoc est integrum tricies; hoc enim adverbio utebantur, ramquam nomine. Idem Mart. lib. 1. *ep. 79. ad Calen.*

Non plenum modo vicies habebas.

Et alibi.

*Dederas, Apici, bis trecenties ventri,**Sed adhuc supererat centies tibi laxum.*

Cornel. Nepos in *vita Attici*: *Tantâque fuit moderatione, ut neque in sequestrium vicies, quod à patre acceperat, parum se splendide gesserit, neque in sequestrium centies affluentius vixerit.* Alia exempla passim occurrent legentibus Latinos Auctores: nos hæc tria selegimus, quæ ad rem nostram visa sunt maximè accommodata.

- 12 Quod si quis in adductis legibus putet agi de aureis, non video, quo pacto eas possimus interpretari. Si dicas centies aureorum significare centum aureos, absurda est, & non Latina locutio. Præterea non convenit *l. Ofidius 97. ff. de legat. 3.* in qua Imperator magnam quamdam summam exprimere voluit, ut ostenderet consentaneum non esse eam legato contineri. At centum aurei modica summa sunt. Non convenit etiam alteri legi. Quomodo enim in præliis cæterisque similibus rebus haberi possunt centum aurei? Exiguus agellus est, aut hortus, cujus æstimatio non excedat hanc summam. Si verò dicas centies aureorum significare centies centena millia aureorum, infinita planè summa est. Efficit enim viginti quinque miliones nostrorum scutorum. Quamobrem neque hæc summa convenit nostris legibus. Quis hanc summam in arca habet, ut in suum usum consumat, ut in *d. l. Ofidius*? Ex cujus bonis tanta pecuniæ summa refici potest, ut in *d. l. tantum*? Et ut fuerit olim aliquis, qui tantum haberet in bonis, tamen, cum ait JC. *Sic dicimus centies aureorum habere*, &c. ostendit id non esse insolitum, nec infrequens. Denique animadversione digna sunt illa verba: *Sic dicimus centies*, &c. ex quibus constat, ibi Jurisconsultum loqui juxta communem consuetudinem. Atqui communi loquendi consuetudine non centies aureorum, sed *centies sequestrium* aut *centies* absolutè dicebatur. Possem id sexcentis exemplis probare, sed ea trita sunt ac pervulgata, & unicuique obvia. Qui desiderat exempla Juris nostri, adeat *l. avia 77. §. ult. ff. de condit. & demonstr. l. cum de in*

rem verso §. 1. ff. de usur. l. cum hæres 4. §. 1. ff. de statu liber.

Quoniam autem aliæ agentes incidimus in *l. cum hæres 4. §. 1. ff. de statu liber.* monendum est, à quibusdam ibi legi mille, ab aliis *decem millia*. Utraque lectio falsa est. Rectè datur libertas sub hac conditione, si decem millia dederit. Ulpian. in *fragm. tit. de statu liber*. Neque enim immodica summa est. Item rectè datur sub conditione, si mille dederit. Nam si mille aureos intelligas, mediocris summa est; si mille nummos, etiam parva. Igitur legendum est *millies*: hoc est millies centena millia sequestrium: efficiunt autem summam 250000. nostrorum scutorum. Hanc summam neque servus conficere potest, neque quemquam invenire, qui pro se solvat hæredi. Quamobrem videtur adjecta conditio animo impediendæ libertatis, non dandæ: ac propterea cum dedit animus dandæ libertatis, inutile est legatum. Impediretur autem libertas, si valeret legatum, quia si ab alio manumitteretur, non fieret Civis Romanus, sed libertus Latinus. *l. un. §. sed etsi sub condit. 7. C. de Latin. libert. toll.* Itaque domini, ne servi sui possent unquam ad justam libertatem, & Civitatem Romanam pervenire, eos sub conditione penè impossibili, aut quæ in vita impleri non posset, manumittebant. Pompon. in *l. ult. ff. de manum. testam. Scio quosdam efficere volentes, ne servi sui unquam ad libertatem perveniant, hactenus scribere solitos: Stichus, cum morietur, liber esto.* Obiter notanda sunt in hac lege verba illa: *ne unquam ad libertatem perveniant*; & in *l. 4. §. 1. ff. de statu lib. quia nec animus dandæ libertatis est.* Perveniebant quidem ad libertatem, si ab alio manumitterentur, sed quia non consequebantur jura Civium Romanorum, non dicebantur pervenire ad libertatem. Sic Callistratus in *l. cognitio 15 §. §. ult. ff. de extraord. cognit.* dixit deportatis adimi libertatem: non alia certè de causa, quam quod amittunt jura Civium Romanorum, qui textus torsit, & torquet ingenia omnium Interpretum. Hoc autem obiter monuisse sufficiat.

bularum juri neſtendi debitorum confirmatum eſt.
16 Etiam in Provinciis debitorum addicebantur credito-
ribus.

CAPUT XXV.

*Ad §. Pœna furti Inſt. tit. de obligat.
qua ex delict.*

SUMMARIVM.

- 1 Pœna dupli in fures non manifeſtos deſumpta ex
Legē Solonis.
- 2 In duplum condemnabatur fur ex legē Solonis, ſi
dominus rem furtivam recepiſſet, ſin minus, in
decuplum; quod ſi ſupra quadraginta drachmas
furto quis abſtuliſſet, capite puniebatur.
- 3 Nocturnum furem, deprehenſum in furto, xii.
Tabula occidi permittebant, quod ex legē Solonis
deſumptum erat.
- 4 Fures manifeſti, ſi telo ſe defenderent, interfici
poterant ex legē xii. Tabularum; ſervi autem,
fures manifeſti, à ſaxe præcipitari poterant &
quomodo reliqui fures manifeſti puniebantur.
- 5 Fures manifeſti, qui addicebantur ei, cui furtum
fecerant, propriè ſervi nō vocabantur, ſed
nexi.
- 6 Soliteno ajus, quod debebant, libertatem conſe-
quebantur debitorum nexi, non fures manifeſti,
qui in pœnam addicti erant.
- 7 Pœna addicendi fures manifeſtos ætate Quintiliani
non erat amplius in uſu.
- 8 Fures manifeſti multis verbis puniebantur apud
Lacedæmonies, nulla vèrò pœna irrogabatur furti-
bus non manifeſtis; apud Athenienſes vèrò, nul-
lum diſcrimen erat inter manifeſtos, & non ma-
niſeſtos.
- 9 Prætor pœna furtum manifeſtorum ſubrogaviſſet qua-
druplum. Præter abrogare legem non poterat.
- 10 Anno Urbis 429. ſublata eſt lex xii. Tabularum,
quæ à Jūdice condemnatis addicebantur creditori,
ſed excepti ſunt qui noxam mornerunt & n. 15.
- 11 Solon legem Siſachthia tulit, quæ liberabantur ab
obligatione omnes debitorum, & cavebatur, ne
quis in poſterum ſuper corpus debitoris mutuari-
tur.
- 12 Eadem lex erat apud Egyptios, apud quos, ne
uſura duplum fortis excederent, ſancitum erat.
- 13 Apud Athenienſes, ſi judicatus non ſolviſſet decre-
tiſſet Magiſtratus, pignora capiebantur, & creditor
mittebatur in poſſeſſionem bonorum debitoris, quod
& Romani imitati ſunt; ac ſi debitor non haberet,
unde ſolveret, creditor ei circumſcribebat locum,
unde egredi non poterat, antequam ſolviſſet; aut
in carcerem conjiciebat.
- 14 Catenis tempora an inventa eſſet quadrupli pœna in
fures manifeſtos, & n. 17.
- 15 Anno ab Urbe condita 259. ſancitum eſt, ne quis
Civem Romanum vinculum, aut clauſum tene-
ret, & ne quis militis, donec in caſtris eſſet,
bona poſſideret; poſtea vèrò legibus duodecim Ta-

Decemviri in xii. Tabulis pœnam dupli
ſanxerunt in fures non manifeſtos.
Tranſtulerunt hanc pœnam in xii. Tabulas
ex legibus Solonis, qui, ut reſert Gell. lib.
11. cap. 18. ſua lege in fures, non, ut Draco
antea, mortis, ſed dupli pœna vindicandum
exiſtimaviſſet. Hermogen. in partiſ ſect. 4.
Νόμῳ κελδοῖς τῶν μὲν ἱερῶν τῶν ἄλλων, τῶν
καὶ τῶν δῶδε δῖδωμι. Juvēnte lege ſacrile-
gum interfici, furem vèrò duplum reddere.
In duplum tamen fur condemnabatur, ſi
dominus rem furtivam recepiſſet; ſin minus,
in decuplum: ut teſtatur Demotheſenes in
Timocratem. Quod ſi ſupra quinquaginta
drachmas furto quis abſtulſſet, capite pun-
iebatur, teſte eodem Demotheſene in lau-
data Oratione. Quò referendam eſſe arbitror
queſt. 16. ſect. 29. Prob. Ariſtot.

Multò graviore pœnā aſſecerunt Decem-
viri tum nocturnos fures, tum fures mani-
feſtos. Nocturnum furem, in furto depre-
henſum, occidi permiferunt, ut teſtatur
Gell. ibid. Et hoc deſumptum à Solonis le-
ge, quam laudat Demotheſenes in eadem
Oratione.

Fures quoque manifeſtos, ſi telo ſe defen-
diſſent, interfici permiferunt. Ex cæteris au-
tem manifeſtis furibus liberos verberari, ad-
dicique juſſerunt ei, cui furtum factum eſſet,
ſi modò id luci feciſſent, neque ſe telo de-
fendiſſent. Servos item, furti manifeſti pre-
henſos, verberibus affici, & è ſaxo præcipi-
tari; ſed pueros impuberes Prætoris arbitratu
verberari voluerunt, noxamque ab his fac-
taram ſarciri. Hæc Gellius loco laudato. Et lib.
20. cap. 1. Nifi durum eſſe legem putas, qua
furem manifeſtum ei, cui furtum factum eſt,
in ſervitutem tradit.

Non tamen erat hæc vera ſervitus, nec ſi
ſervi propriè vocabantur, ſed nexi. Varro
de Lingua Latin. lib. 6. Liber, qui ſuas ope-
ras in ſervitute pro pecunia, quam debeat,
dat, dum ſolveret, nexus vocatur, ut ab
ære obaratus. Erat igitur in ſervitate potius,
quàm ſervus. Quintil. lib. 5. Inſt. orat. cap.

10. Aliud est servum esse, aliud servire, qualis esse in addictis questio solet. Qui servus est, si manumittatur, fit libertinus: non idem addictus. Et lib. 7. cap. 3. Servus cum manumittitur, fit libertinus: addictus recepta libertate est ingenuus. Servus invito domino libertatem non consequitur. Addictus solvendo, citra voluntatem domini consequitur. Ad servum nulla lex pertinet: addictus legem habet. Propria liberi, qua nemo habet, nisi liber, prænomen, nomen, cognomen, tributum, habet hic addictus. Non poterat explicatius nobis demonstrare conditionem addictorum; & quantum differant à servis, ostendere. Illud tamen, quod de consequenda libertate per solutionem ejus, quod debetur, affirmat; tantummodo ad debitores nexos pertinere arbitrator, non ad fures manifestos, qui pecuniam non debebant, sed poenam furti corporalem; & idè non poterant solutione pecuniæ liberari citra voluntatem domini. Nec ad fures ea verba referri commodè possunt: quia ætate Quintiliani non erat amplius in usu ejusmodi poena furti.

8 Sed unde hæc inter furta manifesta, & non manifesta, distinctio? An ab institutis Lycurgi apud Lacedæmones, qui, ut Xenophontis verbis in *Rep. Lacedæmoniorum* utar, πολλὰς παραίτησεις τῷ ἀντικρίῳ, *Multis verberibus plectebat eum, qui deprehensus esset*; & cum nullam poenam interrogaret furibus non manifestis, fures manifestos severè puniebat. Sanè apud Athenienses nulum ferè vestigium apparet hujus distinctionis inter furta manifesta, & non manifesta. Solus, quod sciam, Xenophon lib. 1. *memorabil.* furis manifesti meminit: Κατὰ δὲ τὴν εἰσὴν, ἴαν περὶ φανερῶς ᾄεται κλητὸς, ἢ λοπεύων, ἢ βαλαπτηρῖον, ἢ περὶ ἑνὸς, ἢ διδωρῶν, ἢ ἱερουλῶν τέτοις δαίναις ἴσιν ἢ ἡμίαι. Nam secundum leges, si quis fuerit fur manifestus, vel balnearius, vel sacularius, vel velleclarius, vel plagiarus, vel sacrilegus, his omnibus poena mors est. Atque haud scio, an nomine furis manifesti Xenophon intelligat eum, qui furtum confessus est, non verò, ut nostri Jurisconsulti interpretantur. Ita planè Æschines videtur

explicare in *Oratione in Timarchum*: οἱ δὲ νόμοι κατὰ τὴν ἑλληνικὴν τοῦ νόμου ἡμετέρας δυνάτῃς ζῆμινῶσαι, τὴν δὲ ἀρετῆς κρίνῃσαι. *Leges precipiunt fures quidem confitentes capite plecti, negantes verò in judicium adduci.*

Utque sit, poena illa gravissima, à Decemviris in fures manifestos constituta, tempore exolevit, ejusque loco à Prætoribus subrogata est quadrupli poena. Gell. lib. 20. cap. 1. de his legibus: *Sed non levis estimator, neque aspernabilis est Populus Romanus, cui delicta quidem istæ vindicanda, poena tamen hujusmodi nimis dura esse visa sunt. Passus est enim leges istas de tam immodico supplicio, sicut atque senio emori.* Itaque non abrogavit legem Prætor, quod facere non poterat, l. 1. §. 1. ff. de feriis, sed cum ei defuetudine abrogatum esset, poenam quadrupli introduxit.

Quo tempore in usu esse desierit poena constituta à Decemviris, quo tempore introducta à Prætoribus poena quadrupli, non constat. Quæ conjecturâ assequi potui, breviter subjiciam. Anno Urbis 429. L. Papirio Mugillano, vel, ut alii putant, Cursore, & C. Petelio Balbo Coss. sublata est lex 111. *Tabularum*, quâ cavebatur, ut à Judice condemnati, ni debitum persolverent intra triginta dies, addicerentur creditori, & ab eo in netvo, ac compedibus haberentur, donec integrum debitum persolverent. Non tamen fuit sublata poena furti, ab eisdem legibus constituta. Liv. lib. 8. *Eo anno Plebi Romana veluti aliud initium libertatis fæctum est, quod ligari nexi deserunt. Mutatum autem Jus ob unius fæneratoris simul libidinem, simul crudelitatem insigne.* Et paulò post: *Justissime Consules ferre ad Populum, ne quis, nisi qui noxam meruisset, donec poenam lueret, in compedibus, aut in nervo teneretur. Pecunia credita bona debitoris, non corpus obnoxium esset. Ita nexi soluti, cænimque in posterum, ne nescerentur.* Observandum est, in hac lege excipi eos, qui noxam meruerunt. Quoad corpora debitorum, ne creditoribus obnoxia essent, consueverunt Imperatores Diocletianus, &

Maximianus in *l. ob as C. de obligas. & action.*

- 11 Hoc idem, cum usurparetur à Græcis, veritum fuit à Solone, qui legem Sisachthæ tulit, quâ & omnes, qui ante id tempus debita contraxerant, ab obligatione liberavit, cavique in posterum, ne quisquam super corpus debitoris mutaretur, ut testantur Plutarchus in *Solone*, & in *op. de vitæ. arc. alien.* & Diod. Sicul. *lib. 1.* qui etiam addit, hoc interdictum pariter fuisse apud Ægyptios, apud quos etiam lege cautum erat, ne usuræ supra duplum sortis possent ascendere.
- 12 Apud Athenienses si judicatus non solvisset, decreto Magistratûs pignora capiebantur, & mittebatur creditor in possessionem bonorum debitoris, ut refert Ulpian. & Demosthen. in *oration. in Midiam*. quod Romani postea imitari sunt. At si non haberet, unde solveret, creditor ei circumscribebat locum, unde egredi non poterat, antequam solvisset, ut refert Helych. in voce *ὑπεθήκη*, vel in carcerem conjiciebat, & in compediibus habebat, teste eodem in voce *ἑκατόντα*.

- 14 Ut ad furta, unde discessimus, revertamur, potest ad pœnam furti manifesti referri illud Catonis apud Gell. *lib. 11. cap. ult.* *Fures privatorum furtoꝝ in nervo, atque in compediibus ætatem agunt: fures publici in auro, atque in purpura.* Unde quis conjecturam capere possit, Catonis tempore nondum inventam quadrupli pœnam, nec sublatam pœnam additionis.

Nihil tamen ausim certò statuere, quia ea verba referri etiam commodè possunt ad jus nectendi debitores. Simile est, quod Plautus in *Penulo act. 1. sc. 1.* ait:

*Dupli tibi auri, & hominis fur leno fiet;
Neque id unde efficias, habet: ubi in jus veneris,
Addicet Prator familiam totam tibi.*

Et scen. ult.

Quin egomet tibi me addico. Quid Pratore opus est?

Verrum obsecro te, ut liceat simplum solvere.

Idem in *Anul.*

At ego Deos credo voluisse, ne apud te me in nervo enecem.

Si legamus apud me te in nervo enecem, expedita erit sententia: putabat enim senex, illum sibi ollam auri abstulisse.

Jus nectendi debitores apud Romanos antiquissimum, & licet multis legibus atque edictis fuisset pluries interdictum, numquam tamen florente Rep. potuit exterminari. Ante latas xii. *Tabularum* leges, anno ab Urbe condita 259. Appio Claudio, & P. Servilio Coss. quidam magno natu, qui nex crudeliter habebatur, cum prorupisset in forum, & magnas turbas excitasset, nexi vi. & solutique se undique in publicum proripuerunt, implorantes Quiritium fidem. Itaque Servilius Coss. edixit, ne quis Civem Romanum victum, aut clausum teneret, quò minus ei nominis edendi apud Coss. potestas fieret: & ne quis militis, donec in castris esset, bona possideret, liberos, ne potesque ejus moraretur. *Liv. lib. 2.* Postea confirmatum est hoc jus nectendi debitores legibus xii. *Tabularum*, ac certa forma præscripta, ut refert Gell. *lib. 20. cap. 1.* Nec quisquam ausus est eam revocare, licet hac de causa turbulentissimæ tempestates extiterint in Rep. de quibus *Liv. lib. 6.* & passim. Ipse Licinius Stolo turbulentissimus Tribunus Pleb. qui levandæ Plebis gratiâ inter Patres, ac Plebem implacabiles discordias concitavit, hoc jus Populo auferre ausus non est. Tandem anno 418. ut supra dictum est, jus hoc sublatum est lege à Consulibus lata. Sed hæc lex non fuit observata, ut testatur Quintilianus. Imò cum iterum C. Popilio rogante sublatum fuisset, tamen necti debitores non desierunt. *Varr. de Ling. Lat. lib. 6.* *Hoc C. Popilio rogante, Syllâ Dictatore, sublatum, ne fieret, & omnes qui bonam copiam jurarent ne essent nexi, dissoluti.* Quæ verba sublatum ne fieres, ostendunt non solum lege solutos fuisse, qui jam nexi erant, sed vetitum ne in posterum neccerentur, sicut priori lege cautum erat. Sed urgente avaritiâ non poruit hoc à Patribus extendi, & neutra lex fuit observata. *Gell. lib. 20. cap. 1.* *Addici namque nunc, & vinciri multos videmus, quia vinculorum pœnam deterrimi homines contemnunt.* *Tercen. in Phorm. act. 4. sc. 4.*

Cum argentum repetens, nostra causa scilicet

In nervum potius ibunt.

Quem locum non rectè Donatus interpreta-
tur. Plaut. in *Menachm.* act. 1. sc. 1.

Nam ego ad Menachmum nunc eo, cui jam diu

Sum judicatus, ultrò eo, ut me vinciat.

Idem in *Curcul. scen. ult.*

*— quia ego ex te faciam pilum cata-
pultarium*

*Atque ita te nervo torquebo, iidem mi
catapulta solent.*

*Delicatum te hodie faciam, cum catello ut
accubes*

Ferreo ego dico.

Leno autem infrà merito queritur:

— Proh Deum atque hominum fidem!

*Hocce puto indemnatum, atque inestima-
tum me abripi!*

Et rursus:

*Tu autem in nervo jam jacebis, nisi mihi
argentum redditur.*

Et paulò post:

*Ego in nervum, haud ad Prætozem, hinc
rapiam, ni argentum referes.*

Alia ad hanc rem Plauti testimonia suprà
attuli. Est & illud Nævii, quod inter ge-
nera ridiculi valdè laudat Cic. *lib. 2. de
orat.*

*Quanti addictus? mille nummum. Nihil
addo, ducas licet.*

Verba M. Tullii sunt hæc: *Ut apud Nævium
videtur esse miſericors ille, qui judicatum
duci videns percontatur ita:*

Quanti addictus? mille nummum.

*Si addidisset tantummodo, ducas licet, esset
illud genus ridiculi præter expectationem: sed
quia addidit nihil addo; ducas licet; addito
ambiguo altero genere ridiculi, fuit, ut mihi
quidem videtur, falsissimus. Fuit autem hoc
præter expectationem, quia qui occurtebat
addicto, qui ducebatur, idè solebat in-
terrogare creditorem, quanti addictus esset,
ut eum solvendo debitum liberaret. Liv. *lib.
6. de M. Manlio, occurrente Centurioni,
qui ducebatur: Inde rem creditori palam
populo solvis; librâque, & arc libertatum**

*emittit. D. Liv. de eodem M. Manlio: Ho-
mines præ quadringentos produxisse dicitur,
quibus sine sanore expensas pecunias tulisset,
quorum bona venire, quos duci addictos pro-
hibuisset.*

Nec solum Romæ, sed etiam in Provin-
ciis addicebantur debitores creditoribus suis,
quia, ut puto, Præsides vel hoc edicto
comprehendebant; vel morem & consuetu-
dinem Urbis Romæ hac in re observabant.
Cic. in *Orat. pro L. Flacco: Itaque recupera-
tores contra istam rem minimè dubiam primâ
actione judicaverunt. Cum judicatum non fa-
ceret, addictus Hermippo, & ab hoc ductus
est. Accidit hoc in Asia. Id. in L. Pison.
Nonne cum ducenta talenta tibi Apolloniata
Roma dedissent, ne pecunias creditas solve-
rent, ultrò Fusiadium Equitem Romanum homi-
nem ornatissimum creditorem debitoribus suis
addixisti?*

Ex his constat verba Catonis etiam de 17
debitoribus ex causa furti posse intelligi,
qui non ob pœnam furti, sed quia non sol-
verent id, ad quod solvendum fuerant con-
demnati, addicti forent, & in nervo, ac
compedibus haberentur. Rectius tamen de
pœna furti videtur esse intelligenda. Neque
enim cuiquam dura videri potest hæc pœna,
si perpendat, iidem vinculis fuisse victos
debitores, nullius delicti reos. Sanè Cato ibi
atrocitatem pœnæ in privatos fures exagger-
rat, ac propterea de pœna furti id interpre-
tari consentaneum est.

CAPUT XXVI.

*Ad §. Conceptum Inſtit. tit. de obligat.
qua ex delict. nasc.*

SUMMARUM.

- 1 Furtum conceptum dicebatur, quod simul cap-
tum, seu comprehensum, nam illud est, quod
apud aliquem invenitur, n. 2.
- 2 Furti concepti pœna gravissima erat; postea miti-
gata fuit, & tripli pœna constituta.
- 3 Concepti furta per lancem & licium quid esset. Hic
mos à Grecis deductus est.
- 4 Rudi furta conquirebant, ne quid clam inferrent.

licio cingebatur virginum causâ, ut partes pudendas tegerent, & hic mos observabatur à sacerdotibus, maximè in Lupercalibus.

6 *Lictores à licio, non à ligando dicti sint?*

7 *Licium erat pannus ad velandam partem corporis.*

8 *Lance quare merentur quarerentis furia,*

9 *Servi fugitivi quemodo conquirerentur, & quid esset indicium?*

10 *Legè Æbustâ sublatus est antiquus mos concipiendi furia.*

DE furto concepto est inter doctissimos Homines magna dissensio. Literator ille, Jurisque, quod profitebatur, non satis peritus apud Gellium lib. 16. cap. 10. ait furtorum quæstiones cum lance, & licio evanuisse. Nec ipse Gellius, harum rerum non indiligens, ejusmodi esset furtum, per lancem, & licium conceptum, nobis aperuit, sed ad Sabini librum de furtis nos ablegavit lib. 11. cap. 18. Sed quod sit oblatum, quod conceptum, & pleraque alia ad eam rem ex egregiis veterum moribus accepta, neque inutilia cognitum, neque injucunda, qui legere volet, inveniet Sabini librum, cui titulus est *de furtis*. Quid esset furtum conceptum: quæ ejus pœna: quando in usu esse desierit, conabor explicare.

1 *Furtum conceptum dicebatur, quasi simul captum, seu comprehensum. Sunt enim ferè ejusdem significationis concipere, & comprehendere. Cic. lib. 2. de finib. Concipere, & comprehendere animo voluptatem. Et de Natur. Deor. Concipient, & comprehendens natura. Ovid. lib. 1. Metamorph.*

Sed timuit, ne fortè sacer tot ab ignibus atber

Conciperet flammam, totusque ardesceret axis. Hoc enim à verbo capio: illud à verbo prehendo compositum est.

2 *Furtum igitur conceptum, est furtum comprehensum, seu inventum, & captum apud aliquem. Verus Glossar. Conceptum furtum dicitur, cum quis presentibus testibus rem furtivam invenit apud aliquem. Caius lib. 2. Instit. Conceptum furtum dicitur, cum apud aliquem alterum res furtiva invenitur. Paul. lib. 2. sentent. cap. 31. Concepti actione is tenetur, apud quem furtum questum, & inventum est. Secundum hæc Justinianus in*

§. conceptum Instit. 111. de oblig. qua ex delict. nasc. Conceptum furtum dicitur, cum apud aliquem testibus presentibus furtiva res questita, & inventa sit: nam in eum propria actio constituta est, quamvis fur non sit, que appellatur concepti.

Modus investigandi, & concipiendi furta constitutus à legibus xii. Tabularum: à quibus etiam gravissimâ pœnâ coercerentur furta concepta. Gell. lib. 11. cap. 18. Ea quoque furta, quæ per lancem, liciumque concepta essent, perinde ac si manifesta forent, vindicaverunt. Sed nunc à lege illa Decemvirali discessum est. Gravissima autem pœna constituta erat legibus duodecim Tabularum in fures manifestos. Gell. ibid. Ex cæteris autem manifestis furibus liberos verberari, addicque jussunt ei, cui furtum factum esset, si modo id luce fecissent, neque se telo defendissent: servos item furti manifesti prehensos verberibus affici, & saxo precipitari; sed pueros impuberes Prætoris arbitrium verberari voluerunt, noxamque ab his factam sarciri. Si cadem erat furti, per lancem, & licium concepti pœna, ut testatur Gellius, næ pœna gravissima erat. Quamobrem fuit mitigata nimia severitas posterioribus legibus, & tripli pœna constituta. Gell. ibid. Furti concepti, item oblatis, tripli pœna est.

Concipientur autem hæc furta per lancem, & licium. Quid hoc esset, disputant acriter Viri in primis eruditi. Id nos paulò diligentius, ac perquisitius exponemus. Enimverò faciem nobis præfert Festus in verbo lance, ibi: Lance, & licio dicebatur apud Antiquos, quia qui furtum ibat querere in domo aliena, licio cinctus intrabat, lancemque ante oculos tenebat propter marum familiaritas, aut virginum presentiam. Decemviri, ut pleraque omnia, sic ejusmodi morem querendi, & investigandi furta à Græcis transtulerunt, & legibus duodecim Tabularum sanxerunt. Aristophan. in Nubib.

Συ. Ἰδιὸν, κατὰ δύσιν αὐτοῦ. ΣΤΡ. Ἥτις ἀνάγης
Συ. Οὐδ' ἀλλὰ γινώσκεις ἡπίστου τομίστου
ΣΤΡ. Ἀλλ' οὐχὶ ἀνεστὼς ἄγρυπ' ἐτίβηχεναι.
So. Age nunc, deponite vestes, STR. Quid deliqui?

So. Non, sed nudos introire oportet.

Str. Atqui non furivm concepturus ingredior.

Explicatē rem totam exponit ibi Scholiastes his verbis : Έως ώς τῆς εἰσόδου εἰς οἰκίαν πᾶς ἐπὶ τὸ ἐξελθεῖν, γυναικὲς εἰσέρχονται, ἵνα μὴ ὥς τὰ ἡμαῖα κρύψαντες λάθωσι, ἢ ἵνα μὴ ὡς ἐχθρὰς λάθωσι ὑπεκαλύντες τὰ ζήλοῦ μύητον, ἢ ζήλους αἰεὶ τοῦτο γίνονται. Οἱ οὖν μέλλοντες εἰσεῖναι, ἵνα ἐπιδικῶσιν ταῖς χρεῖμας τοῦ δικοῦ, ἢ καταδικῶν, γυναικὲς εἰσέρχονται, ἵνα μὴ ἡ ἀποκρύψανται.

Mos erat, ingredientes alicujus domum ad pervestigandum, nudos introire, ne sub vestibulo aliquid occultent laterent : vel ne propter inimicitiam occulto subjicientes id quod querebant, causa essent, cur ille in panam incideret. Itaque ingressuri, vel ut publicas res inspicerent, vel ut furta perquirerent, nudi introibant, ne quid occultarent. Quod ad consuetudinem refert hic Scholiastes, legi tribuit I'æus de Philoilemonis hereditate : Αὐτοῦ τὸν ἱ ἐκείνου, ἐπὶ οὗτοι ἐξουσιάζονται εἰς οἰκίαν τοῦ ἀλλοτρίου οἰκίας, ἢ εἰσελθόντων οὐδ' ἐχθρῶν ταῦτα τοῖς ἀδικητάς τ' ὁμοῦ. Dicentibus verò illis, quod in vicinam domum se receperant, & volentibus statim his concipere secundum legem. Plato quoque id in suas leges transtulit. Sanxit enim libro XII. ποῖται δὲ αὖ ἐπὶ τῶν αἰετῶν παρ' ἑαυτοῦν, γυναικὲς, ἢ ἀνδράσιν ἵκοντες, ἀφ' ὧν, προσώσας τῆς νομίμου δι' οὗς, ἢ μὴν ἐλπίσαντες εἰσελθόντες, οὕτω ποῖται. Εἰδὲ δὲ ἡ ἐξελθεῖν βουλευσάμενος ποῖται μὴ διδῶν, διὰ τὸ ὅτι αὐτὸς ἀπεργάζεσθαι πικρὰ μύητον τὰ ἐξελθεῖν, αὐτὸς ἡ δὲ ὁδὸς, ἢ τὸ δι' ἀδικίας τοῦ πικρῶτος βλάδην ἐκτείνον. Si quis furta concipere apud quemlibet voluerit, nudus, aut tunicam solum habens, & discinctus, & jurans per patrios Deos se ad id faciendum adduci spe inveniendi, ea concipiat. Si verò quisquam inquirere volentem furivm concipere non permittat, per Judicem condemnentur ad persolvendum id, quod querebatur. Et, si non solvat, in duplum condemnationis teneatur.

Origo igitur hujus instituti à Græcis. Nudi furta conquirebant, ne quid occulte in fessent, ac supponerent. Licio cincti erant ad legendas partes pudendas, virginum, & matronarum causā. Consuetudo etiam in

sacris usurpata apud Romanos, Virgil. 3. Æneid.

Jamque Sacerdotes, primusque Potitus ibant

Pellibus in morem cincli, flammæque ferebant.

Maximè in Lupercalibus, in quibus Luperici per Urbem discurrebant nudi, succinctique, & puellas occurrentes pelliculis verberantes, Plutarchus de Luperici : Γυμνοὶ διαδύοντες ἐν περὶσφύματι. Nudi discurrentes, cum subligaculis. Ovid. 5. Faglor.

Semicaper coleris cinclivis, Faune, Luperici.

Stat. lib. 3. Sylvan.

Verbera succincti formidavere Luperici.

Hinc Lictores à licio transverso, quo cingebantur, dictos fuisse putavit Tiro Tullius apud Gellium, & Ildorus. Cinctus enim erat signum ministrantis, Sueton. in Cæso : Cæius quosdam summis honoribus functos canenti modo ad pluteum, modo ad pedes stare succinctos linteo passus est. Horat. lib. 2. ferm. 8.

— Puer altè cinctus acernam

Gausape purpureo mensam detersis —

Quare Domitius Jesus in postrema, quam habuit cum discipulis suis cæna, ministraturus ipsis posuit vestimenta sua, & linteo præcinxit se. Verius tamen fortasse est, Lictores dictos fuisse à ligando, ut Nonius Marcellus affirmat. Licium autem erat pannus ad velandam, & circumligandam partem corporis aptus. Varro : Flamines, quod licio in apice velati erant. Virg. Eclog. 8.

Terna tibi hac primum triplici diversa colore

Licia circumdo —

Eadem de causa lancem oculis investigatoris objiciebant ad tuendam honestatem fœminarum, quæ hac ratione poterant ejus aspectum declinare. Simile quiddam nos usurpamus : nam è fronte mulorum lancem suspendimus, ne libero obtutu omnia, quæ obvia incurrunt, circumspicientes perterrebant & consternerentur.

Enimverò alia fuit ratio conquirendi serenos fugitivos. Solebant enim vel libello proposito,

posito, vel per Praconem indicium promittere, hoc est, primum indicanti servum, aut conquisitores à Prætorè petere, & accipere. De hoc indicio fit mentio in l. 4. §. ult. ff. de condit. ob turp. caus. Plautus in Mercatore.

Certum est, Praconum jam quantum est conducier,

Qui illam investigent, qui inveniant. Post ad Prætorè illic

Ibo: orabo, ut conquisitores det mihi in vicis omnibus Cur. Fortunatian. lib. 1. Rhetoric. Cujus servus fugerat, libello proposito, vel per Praconem nuncios dixit, daturum se denarios mille ei, qui ad se servum perduxisset. Petron. Arbit. Dum Enmolpus cum Fargate in secreto loquitur, intrat stabulum Praeco cum servo publico, aliaque sane modica frequentia, faciemque sumosam magis, quam lucidam quasi, hac proclamavit: Puer in balneo paulo ante aberravit, annorum circa sedecim, crispus, mollis, formosus, nomine Gnythion. Si quis eum reddere, aut committere voluerit, accipiet nummos mille. Nec longe à Pracone Ascylos stabat, amictus discoloria veste, atque in lance argentea indicium, & fidem præferbat. & paulo infra: Interim Ascylos, ut pererravit omnes cum Viatore cellas, venit ad meam, & hoc quidem pleniorè spem concepit, quo diligentius oppellatas inveniret foret. Publicus vero servus insertans commissuris secures, claustrorum firmitatem laxavit. Hæc quæ de veste discoloria, & lance argentea tradit Auctor, meo iudicio ad lancem, & licium referri non possunt, cum eo tempore non esset amplius in usu modus ille concipiendi furta. Sunt igitur ea omnia referenda ad perquisitionem servorum fugitivorum, de qua in l. 3. & toto tit. ff. de fugitivis, & toto tit. C. de fugit. & de illis, qui servos alienos occultant, in l. non statim 6. ff. ad leg. Fab. in l. 1. ff. de fugit. in l. Neratius 11. §. ult. ff. de serv. corrupt. in l. si mandavero 12. §. fugitivus ff. mand. l. 3. §. si quis C. de SC Syllan. Apul. lib. 6. Tunc etiam legimus, quæ servos alienos profugos invitit dominis vetans suscipi, prohibere. Et paulo post nobis suppeditat simile

exemplum Mercurii, perquirentis Psychen ancillam Veneris fugitivam, & indicium pollicentis.

Quod attinet ad tempus, quo in usu esse desinit hæc ratio investigandi ac perquirendi furta, nihil certò statui potest. Vero simile est, lege Æbutià sublatum fuisse hunc modum concipiendi furta, constitutumque, ut testibus præsentibus res furtivæ conquirentur. Indicat hoc Gell. lib. 16. cap. 10. *Sed enim cum proletrii, & assidui, & sarnates, & vades, & subvades, & viginti quinque asses, & saliones, furtorumque questionibus cum lance, & licio evanuerint, omnisque illa XII. Tabularum antiquitas, nisi in legis actionibus Centumviralium causarum lege Æbutià lata conspiciat. Testatur Ludovicus Charondas se in fragmento quodam Romanæ antiquitatis hæc verba reperisse: Æbutius, Tribunus Plebis, vir popularis, legem tulit ad Populum, ut duodecim Tabularum capita, qua inutilia essent Reip. tollerentur: quæ lex multis contradicentibus tandem rogata est. Inter capita inutilia legis XII. Tab. fuisse videtur illud, quo statuebatur de furto per lancem liciumque concepto. Certè Plauti ætate in usu fuisse non videtur. Cum enim in Pannulo Milphio servus, & Agorastocles dominus lenoni infidias struxissent, ut is addiceretur Agorastocli, & domum lenonis Agorastocles iret, quæritum villicum suum, qui apud lenonem cum marsupio auri delitescerebat, non est usus lance, & licio, sed testes advocavit, quibus præsentibus villicum comprehendit, nec lenonem sibi addici curavit, tamquam reum furti concepti, sed tamquam debitorem, quod solvendo non esset. Versus quibus hæc iudicantur, subjiciam Alf. 1. scen. 1. ubi servus dominum instruit:*

*Rogato, servus venerine ad eum tuus:
Ille me censebis queri: continuo tibi
Negabit. Quid in dubitas quin extempulo
Dupli tibi auri, & hominis fur leno fiet?
Neque id unde efficiat habet: ubi in ius
venerit.
Addicet Praetor familiam totam tibi.
Ita decipiems fovea leporem Lycum.*

Et *act.* 3. *scen.* 1.

Ille negabit, Milphionem quari censebit suum.

Id duplicabit omne furtum: Leno addicetur tibi.

Et *scen.* ultim.

Agor. Imo haud multò post in jus veneris

Lyc. Quin egomes tibi me addico: quid Pratore opus est?

Verum obsecro te, ut liceat simplum solvere.

Ex quibus constat, ea ætate nondum fuisse constitutam tripli pœnam, quæ fortasse postea à Pratore constituta est, sicut pœna quadrupli in fures manifestos.

CAPUT XXVII.

Ad L. qui vas argenteum ff. de furt.

SUMMARIVM.

- 1 Dominus, qui rem suam propriâ autoritate aufert à possessore, rem ipsam amittit. & n. 11.
- 2 Nemo sibi ipsi jus dicere debet, aut propriâ autoritate res occupare.
- 3 Legatarius non potest occupare legatum, sed ab hærede illud petere debet.
- 4 A fure fugitivo licet propriâ autoritate rem auferre, quod observatur & in Decuriones fugientes.
- 5 Id etiam, quod alicuius & judicio consequimur, auferri dicitur.
- 6 Alicuius furti solam pœnam persequimur, non rem ipsam, & n. 8.
- 7 Res furtiva repetitur conditione furtivâ, & rei vindicatione.
- 9 In actione rei bonorum raptorum res rapta continetur.
- 10 Judex debet condemnare reum juxta naturam actionis.
- 11 Alter, qui rem suam furi abstulit, eam amittit.
- 12 Si dominus rem furto sibi sublatam à fure auferat post litem contestatam, alio judicio sur eam repetere debet.

QUod si vas argenteum perdideras, eoque nomine furti egeras, de pondere vasis controversia cum esset, & alter majus fuisse diceret, fur vas protulit: id is, cujus erat, abstulit ei, qui subripuerat, dupli nihilominus condemnatus est. Reliquissimè judicatum est:

nam in actionem pœnalem non venit ipsa res, quæ subrepta est, sive manifesti furti, sive nec manifesti agatur. Interpretes nostri in hujus legis explicatione impingunt in scopulum, quem non sine periculo naufragii prætervehuntur. Dominus enim, qui rem suam propriâ autoritate aufert à possessore, rem ipsam amittit. §. ita tamen *Instit. tit. de vi bon. rapt. §. recuperanda Instit. tit. de interd. l. si quis in tantam C. unde vi. Nemo enim sibi ipsi jus dicere debet aut propriâ autoritate res occupare. l. memineris 6. C. unde vi. l. negantes C. de oblig. & act. l. un. C. ne quis in sua causa l. qui jurisdictioni 10. ff. de jurisd. l. Julianus 17. ff. de judic.* Aded ut nec legatarius possit occupare legatum, sed ab hærede illud petere debeat. l. 1. §. & continet. *versic. etenim ff. quod legat. l. non dubium C. de legat. Qui sit igitur, ut fur in duplum condemnari debeat domino, qui rem abstulit propriâ autoritate, si dominus rem illam amittere debet?*

Quidam fingunt, ibi agi de fure fugiente à quo licet propriâ autoritate rem auferre, l. ait Prator. 10. §. si debitorem ff. qua in fraud. credit. Urget enim necessitas rei nostræ servandæ adversus fugientes, nam si fugâ semel evaserint, frustra Magistratûs auxilium implorabimus. arg. *text. in l. ult. C. in quib. caus. restit. in integ. neces. l. 1. C. quando liceat unicuique.* Quod jus & in Decuriones fugientes exercetur. l. generali 54. C. de Decurion. l. 1. C. ubi quis de curial. vel cohore. hæc autem facultas injiciendi manus in debitores fugientes innixa est legibus xii. Tabul. quibus cavebatur: si calvisur pedemve struit, manum endo jacito.

Sed huic interpretationi non possum acquiescere. Nam repugnat narrationi facti. Fur vas protulit in judicio, non cum vase aufugit.

Alii existimant, dominum abstulisse rem suam non propriâ autoritate, sed modis legitimis, nempe judicio, quasi Judex vas prolatum domino reddi jussit. Nam & id, quod actione, & judicio consequimur, auferri dicitur. l. duobus 83. ff. de legat. 1. l.

fi pro re 12. §. ult. ff. de evulsion. l. chirographis §. ult. ff. de administr. tutor. l. creditor. in princ. & l. si prior. §. si simpliciter ff. qui potior. in pignor. l. venditor 21. in fin. ff. de hered. vel action. vendit. l. cum filius 76. in princ. ff. de leg. 2.

6 Sed durissima est hæc interpretatio. Primum enim JC. non ait furem condemnatum fuisse ad rem restituendam, & ad duplum rei, sed solum ait dupli condemnatum fuisse. Præterea non poterat Judex condemnare furem ad rem restituendam, quia apud eum furti actum erat, & actio furti solam pœnam persequitur, non rem ipsam. §. furti actio Instit. tit. de obligat. qua ex delict. §. sic itaque disce Inst. tit. de action. l. si pignore 7 §. 4. §. cum furti ff. de furt. Ad repetendam enim rem competit rei vindicatio, & conditio furtiva. d. §. furti actio, & d. §. sic itaque l. ancilla 12. cum seq. C. de furt. l. si pro fure 7. in fin. cum l. seq. ff. de cond. furt. Denique quorsum narratur à JC. vas à fure prolatum fuisse in judicio, & à domino ablatum, nisi ut intelligatur, dominum rem suam arripuisse, & de manibus furis extorsisse? Certè tota illa narratio esset supervacanea, si fur à Judice condemnatus vas restituisse domino.

8 Ego, ut dicam quod sentio, non intelligo, cur in hac lege interpretanda D. D. nostri tantoperè se torqueant: cum clara sit ejus sententia. Primum enim ibi non queritur, an dominus auferens rem suam à fure, eam amittat: neque enim hac de re actum erat in judicio: nec agi potuerat, quia hoc post inchoatum judicium supervenit. l. non quemadmodum ff. de judic. l. non potest videri ff. eod. l. bovem §. si sub conditione ff. de Edil. Edict. Agitur questio ejus legis non est de amissione rei, propriâ autoritate occupatæ: sed de actione furti, quâ actum erat in judicio, & de condemnatione Judicis, qui furem dupli condemnavit. Quærebatur autem, an rectè furem dupli condemnasset, etiam si dominus pendente judicio rem suam recuperasset. Et respondit JC. rectè condemnatum fuisse, quia in actionem furti, quæ tota pœnalis est, non venit res subrepta. Ita-

que sive jure, sive injuriâ rem suam furi dominus abstulerit: & sive eam amittat, sive jure possit retinere: hoc nihil attinet ad actionem furti, in qua de re ipsa non queritur, nec queri potest, quia in actione pœnali res subrepta non continetur. d. §. furti actio Instit. tit. de obligat. qua ex delicto. cum aliis suprâ laudatis.

Si actum fuisset actione vi bonorum raptorum in quadruplum, & dominus à raptore rem abstulisset, tunc minuenda fuisset à Judice condemnatio, quia in quadruplo hujus actionis ipsa res continetur: princ. tit. Inst. vi bonor. rapt. l. 1. §. in hac actione ff. eod. cum actio vi bonorum raptorum mixta sit, & partim pœnam, partim rem ipsam persequatur. §. vi autem bonorum Inst. tit. de action. Ac propterea non deberet Judex reum condemnare ad restituendam rem domino, qui eam recuperavit. At in actione furti, quæ merè pœnalis est, non potest Judex habere rationem rei, quæ petita non fuit, cum in actione illa, quâ actum est, minime contineatur. Debet enim reum condemnare juxta naturam actionis, quæ fuit intentata. §. 1. & seqq. Instit. tit. de offic. Judic.

At enim actor, qui rem suam furi abstulit, eam amittit. l. si quis in tantam C. unde vi. §. recuperanda Instit. tit. de interd. §. ita tamen Instit. tit. vi bonorum rapt.

Utrumque sit, certè hac de re agendum est alio judicio, & novâ interpellatione, novo judicio opus est. l. Anteus §. ult. ff. de aqua, & aqua pluvi. arc. l. non potest videri 23. ff. de judic. l. de his rebus 46. ff. de recept. arbit. l. signi 7. §. ult. ff. ad exhib. l. liti contestata 37. in princ. ff. de negot. gest. Itaque rectè judicavit Judex, qui nullam rationem habuit ejus quod post litem contestatam supervenit, & quod in libello peti- tum non erit, nec conveniebat actioni, quâ apud eum actum erat. An enim sententiam diceret, non convenientem actioni intentatæ? An sententiam discrepantem à libello, & petitione actoris? An sententiam diceret de eo, quod in judicium deducum non est: sunt hæc absurda, & aliena ab officio, & potestate Judicis. l. ut fundus 18. ff. commun. divid.

Itaque si fur rem sibi ablatam restituendam esse contendat, ad eam recuperandam aget, & alio iudicio jus suum experietur. Disputabitur autem in eo iudicio, an dominus auferendo rem suam, quam fur à domino clam possidebat, incidat in pœnam amissionis per text. in l. si alius 7. §. bellissime, & in l. ult. §. si januam ff. quod vi aut clam. Quæ disputatio, cum omnino sit aliena à iudicio furti, in eo peragi non potuit.

Ac si peragi potuisset, & hac de re Iudex furti cognoscere potuisset, tamen cum hæc ad actionem furti non pertineat, sed ad aliam actionem, rectè Iudex furem dupli condemnasset, ut ait ibi JC. etiam si vicissim deberet condemnare reum ad vas ablatum restituendum. Cum enim actio furti pœnalis vas illud non contineat, dux condemnationes essent necessaræ: altera furis in duplum; altera domini actoris in restitutionem vasis ablati. Sed, ut dixi, hæc restitutio vasis ablati ad cognitionem hujus iudicis non pertinet: hic enim de furto cognoscere debet, quod folummodo in iudicium deducitur: restitutio autem vasis pendet à facto, omnino separato à facto furti, quod in hoc iudicium deductum non est.

CAPUT XXVIII.

Ad l. 3. §. si rem ff. de acquir. vel amitt. possess.

SUMMARIUM.

- 1 Possessio acquiritur solo animo sine apprehensione; quin & dominium i. cur. non & furto adimatur.
- 2 Malum interest volente, an invito domino quis possessionem acquirat.
- 3 In furto non sufficit consilium, sed factum requiritur, & ipsa contrahatio. & n. 10.
- 4 Opponuntur varia. Leges & cum hic quoque Gellii & Plauti loca.
- 5 Ficta contrahatio in furto non admittitur.
- 6 Nec inficiatione furum fit.
- 7 Exponitur fugalasim l. 1 ff. de Furt.
- 8 Vis & significatio verbi occultare; ut & abnegare.
- 9 Explicatur l. si quis uxori §. neque verbo ff. de Furt.
- 10 Item l. inficiando, in prin. ff. eod.

- 11 Daſtyliothez significatio minus nota ex Plinio.
- 12 Porro demonstratur auctoritate Veterum contrahationem desiderari, etiam si res sit in nostra potestate. & n. 18.
- 14 Detentio conjuncta animo furandi non est species contrahationis.
- 15 Exponitur l. certi conditio 9. cum l. seq. ff. de Reb. cred. & de thesauro addo n. 17.
- 16 Non sufficit contrahatio in furto, sed etiam amplius debet esse fraudulosa; præterea in ipso contrahendo actum fraudis adesse debet, nec sufficit eum postea supervenire.
- 19 Solvuntur leges obstantes. ut l. si rem mobilem 47. ff. de acquir. possell. Differentia inter res mobiles & immobiles, quoad acquirendam possessionem.
- 20 Rem invadere quid significet, occasione d. l. 47. de acquir. possell.
- 21 Responsi. ad l. si quis rem 20. ff. eod.
- 22 Furti essentia in contrahatione consistit, non in possessionis interversione. Ergo & hereditati furum fit, & alterius rei, cuius nullus est possessor.
- 23 Respondetur ad l. si alienum C. de Furt. ubi de furti & animalium contrahatione.
- 24 Item ad l. si quis uxori. §. cum creditorem ff. de Furt. Celare est amovere, adeoque & contrahare.
- 25 Porro ad l. falsus §. si is qui debitum ff. de Furt. in qua contrahatio velut longa manus.
- 26 Necnon ad l. si is qui tem 66. §. cum qui ff. de Furt.
- 27 Sicet etiam ad exemplum fugitivi.
- 28 Denique respondetur ad auctoritates Gellii & Plauti.

Hanc legem subtiliter, & copiosè, ut solet, & præter communem opinionem exposuit Juris consultissimus Celsus; adeo ut videri possit actum agere, qui in ea explicanda amplius elaboret. Sed quia tam acutas interpretationes plerique non concoquant: idcirco à nobis explicabitur pinguiter Minervâ.

Si rem apud te depositam furti faciendi causa contraxeris, desino possidere: sed si eam loco non moveris, & inficiandi animum habeas; plerique Veterum, & Sabinus & Celsus velle responderunt, possessorem me manere, quia furtum sine contrahatione fieri non potest, nec animo furtum admittitur.

Videtur regulis Juris maximè repugnare hoc Pauli responsum. Etenim possessio acquiritur etiam sine apprehensione rei, ejusve contrahatione, aut loco motione, quando res est in potestate ejus, qui vult adipisci.

possessionem : & quod magis est , acquiritur etiam dominium. *l. 1. §. si iusserim l. quod meo 18. §. si venditorem l. quarundam ff. de acquir. poss. l. si fur. 32. in princ. ff. de usuc. l. certi conditio 9. in fn. ff. de reb. cred. l. qui negotia 34. ff. mand. §. inserendum Inst. tit. de rer. divis. l. qua ratione §. interdum ff. de acquir. rer. dom. l. absenti 10. ff. de donat. l. si sponsalibus 58. ff. de jur. dot. l. si servus 21. §. si res ff. de acquir. rer. dom. Itaque qui apud horreum ejus claves accipit , mercium in horreo conditarum possessionem , & dominium acquirit , quia earum apprehendendarum potestatem nanciscitur *l. clavibus 74. ff. de contr. empt.* Et qui fundum ingreditur animo possidendi , totum fundum incipit possidere , licet cum non circumambulet *l. 3. §. 2. ff. de acquir. poss.**

2. Sed ad hæc , & hujus generis cætera est prompta responsio. Facilius acquiritur possessio vacua , & domino volente , quam intervenerat invito domino. Hæc enim avelli debet à domino , à quo retinetur : non debet autem ignoranti , ne dum invito , possessio tolli , etiamsi ab eo solo animo retineatur *l. quamvis 46. ff. de acquir. poss.* Animo enim amittitur possessio , sicut acquiritur *d. l. 1. quamvis & l. quemadmodum ff. cod.* Quando autem vacua est possessio , aut à domino ceditur , concurrit animus acquirentis cum animo amittentis : ac propterea si præcesserit factum apprehensionis , nihil aliud requiritur , & possessio transferatur necesse est. Rectè Paulus in *l. 1. §. si vir uxori ff. de acquir. poss. si vir uxori cedat possessionem donationis causâ plerique putant possidere eam , quia res facti jure civili infirmari non potest : & quid attinet dicere non possidere mulierem , cum maritus , ubi noluit possidere , protinus amiserit possessionem ?* Si ingrediar fundum voluntate domini , totius fundi possessionem illicò acquiro *l. 3. §. 2. ff. de acquir. poss.* Imò si venditor fundi in mea turre mihi demonstret fundum venditum , vacuamque possessionem se tradere dicat , non minus possidere incipio , quam si pedem finibus intulissem. *l. quod meo §. si venditorem ff. cod.* Contrà si ingrediar fundum animo occupan-

di possessionem invito domino , eam non acquiro *d. l. quod meo §. si dum in alia l. 3. §. cisi alii ff. l. clam 6. §. ult. l. si id quod 25. §. ult. l. quamvis 46. ff. cod.*

Item volente domino rei præsentis possessionem acquirimus , etiam oculis , & affectu. *l. 1. §. si iusserim ff. cod.* & possessionem mercium acquirimus acceptis clavibus in conspectu horrei , vel cellæ vinarie *l. clavibus ff. de contr. empt.* At in furto , quod fit invito domino , oculis & affectu non acquiritur possessio etiam rei præsentis : atque idè , si quis animo furandi conclave fueris ingressus , furtum non facit , si nihil abstulerit *l. vulgaris 21. §. qui furti ff. de furt.* Item si majoris ponderis quid aperuit , aut reffregit , quod tollere non potuit ; non omnium rerum fur est , sed earum tantum quas tulit *d. l. vulgaris §. item si.* Non solum igitur requiritur contrectatio , sed contrectatio cum effectu , nam si contrectetur quod tolli non potest , non tamen ejus fit furtum , aut possessio intervertitur . Et tantum abest , ut sufficiat solus animus , aut consilium quando res est in potestate : ut nec sufficiat quidem factum ipsum , & preparatio ad contrectandum . Quamobrem , si quis arcam reffegerit eo consilio ut uniones tolleret , furtum non facit arcam frangendo , sed uniones contrectando. *l. si quid fur. 22. §. si eo consilio ff. de furt.* Et idè rectè Paulus in lege nostra ait : *possessorem me manere , quia furtum sine contrectatione fieri non potest.* Cum enim furtum non fiat , nec possessio intervertitur ex causa furti : furtum autem non fit , quia deest contrectatio ; quæ adeo necessaria est , ut synonyma existimeatur : *contrectare & furtum facere. l. cum creditor 55. ff. de furt.* Non sunt igitur hæc contraria Pauli responsio : sunt tamen alia , quæ magis advertari videntur.

Primum enim Papinianus in *l. si rem mobilis 47. ff. de acquir. poss. ait* , depositario & commodatario constituentibus sibi possidere , & rem domino non reddere , confessim dominum amittere possessionem . Ergò solo animo , sine ullo facto possessio intervertitur.

Confirmat id Marcellus in *l. si quis rem* 20. ff. eod. ubi respondit dominum invitum possessione interverti à commodatario, qui recusat rem commodatam tradere emptori jubente domino, aut ipsi domino reposcenti reddere.

Præterea in *l. alienum C. de fure*, Alexander Imperator duobus modis furtum fieri respondit, aut contrahendo servum, aut illum detinendo: ibi, & si contraheret, vel apud se detinuerit, furtum facit; ergo & qui retinet, furtum facit, licet non contraheret.

In *l. si quis uxori §. eum creditorem ff. de fure*, Eum creditorem, qui post solutam pecuniam pignus non reddat, teneri furti Melan ait, si celandi animo retineat, quod verum esse arbitror. Nihil aliud hic exigitur, quam ut retineat animo furandi.

In *l. falsus 43. §. si is qui indebitum ff. eod.* Si is qui indebitum accipiebat, delegaverit solvendum, non erit furti actio, si cum eo absente solvendum sit: ceterum si presente, alia causa est, & furtum facit. Sola præsentia requiritur: nempe ut sit in potestate.

In *l. si is qui rem 66. §. eum qui ff. de fure*, Eum qui mulionem dolo malo in jus vocasset: si interea mula perierint, furti teneri Veteres responderunt.

Hic additur exemplum fugitivi. Fugitivus nemo fit solo consilio. Facto opus est, quo se propiciat è potestate domini *l. bovem §. 1. ff. de Edil. Edict.* *l. fugitivus ff. de V. S.* & tamen si quis imprudens, aut invitum domini potestate evaserit, & postea cum redire posset, mutato consilio redire noluit, solo animo fit fugitivus *l. quis sit fugitivus §. idem ait, si servus ff. de Edil. Edict.*

Accedit Sabini autoritas quem Gell. refert lib. 11. cap. ult. in fin. Hac quidem in eo, quo nunc dixi, libro Sabini scripsit de rebus furti faciendi causâ attrahatis. Sed meminisse debemus secundum ea, quæ supra scripsi: furtum sine ulla quoque attrahatione fieri posse, solâ mente atque animo, ut furtum fiat, annuente. Quocirca ne id quidem Sabini dubitare se ait, quin dominus furti sit condemnandus, qui servo suo uti furtum face-

ret, imperavit. Non dissensit Plautus in *Pænul. act.* 1. sc. 1.

— continuo tibi

Negabis, quid tu dubitas, quin extempulo

Duplo tibi auri & homini: fur leno fies?

Et act. 3. sc. 1.

Ille negabis, Milphonem quari censebit tunno.

Id duplicabit omne furtum, leno addicetur tibi.

Et sc. 4. act. 3.

Exemplo denegabis: homo furti se adstringer.

Quamquam hæc omnia magni momenti sunt, tamen adeo manifesta est Pauli sententia, ut nisi verba cavillari velimus, nullus usquam pateat evadendi locus. Neque enim illud dici potest ibi agi de ficta contrahatione, quæ fit solo animo, cum res est in nostra potestate. Ait enim Paulus, quod depositarius, qui rem loco non movet, furtum non facit, quia furtum sine contrahatione non fit, nec animo furtum admittitur. Agit igitur de contrahatione, quæ res loco movetur, non de ea, quæ fit animi destinatione. Contrahatio hic refertur ad loco motionem, & opponitur animo. Planè si depositarius solo animo furtum admitteret, absurda esset illa ratio, & cum dicto pugnaret: depositarius si rem loco non movet & animum inficiandi habeat, furtum non facit, quia animo furtum non admittitur.

Nec illud dici potest, eum, qui animum inficiandi habet, furtum non facere, quia nondum inficiatur, sed inficiabitur cum depositum reposceretur: nam qui animum faciendi habet, non facit. Speciem veri hæc haberent, si inficiatio esset furtum: tunc enim rectè diceretur, furem non esse, qui animum habet inficiandi, quia hic non inficiatur. Sed cum inficiatio non sit furtum *l. inficiando ff. de fure*, non video quid hæc ad rem pertineant. Porro si animo rem sibi habendi furtum facit depositarius; etiam animo inficiandi furtum faciet. Etenim animus inficiandi involvit animum retinendi depositum. Idcirco enim paratus est inficiari

depositum quandocumque repositur, quia jam destinavit depositum non reddere. Propterea verò nunc non inficiatur, quia nunc non repositur. Si nunc repositur, nunc inficiaretur. Habet igitur in præsens animum non restituendi depositum, sibi que habendi; & si hic animus sufficit ad furtum faciendum, utique furtum facit. Quocirca non dixit Paulus eum furtum non facere, quia furtum non admittitur animo inficiandi, aut animo furandi in futurum: sed generaliter dixit, *nec animo furtum admittitur*. Licet enim nunc non inficietur, quia nunc non repositur, tamen nunc habet animum lucri faciendi, & furandi: nihilominus ramen furtum non admittit, quia animo furtum non admittitur.

7 Et hæc est germana Pauli sententia, quam confirmat in l. 1. ff. de furt. Primum ibi docet fures à ferendo nuncupatos fuisse: hinc deducit solam cogitationem furti faciendi furem non facere, quia qui animum furandi habet, nihil aufert. Atque hoc probat exemplo depositarii, qui depositum abnegat. Animadvertendum est enim in ea lege omnia esse inter se apta atque connexa. Depositarius qui depositum abnegat, furti non tenetur, idèò quia sola cogitatio furti faciendi non facit furem: & idèò non facit furem, quia fures ab auferendo dicti sunt. Non agit hic de depositario, qui habet animum inficiandi in futurum, sed de eo qui depositum abnegat in præsens. Nec possunt hæc intelligi de sola cogitatione, secundà à de intentione rei: nam absurdè subjiceretur exemplum depositarii, qui rem detinet. Age verò perpendamus omnia verba. *Sic is qui depositum abnegat, non statim etiam furti tenetur, sed si intercepti causa occultaverit*. Hæc laudatus Auctor interpretatur de eo, qui, aut interim non potest, aut non tenetur depositum reddere juxta l. 1. §. est autem ff. de pos. qui non occultat depositum animo interceptiendi, sed differendi restitutionem, quoad veniat tempus restituendi. Sed huic interpretationi repugnat cum ratio ipsa, tum verborum significatio. Repugnat ratio ipsa: quia ibi quaeritur an furtum fiat cogitatione

furti faciendi: ergò supponendum est depositarium abnegare depositum animo furandi, non differendi restitutionem in tempus magis opportunum. Alioquin exemplum esset alienissimum à quaestione proposita. Præmittitur regula: quod solà cogitatione furtum non fit: subjicitur statim exemplum depositarii ad explicandam regulam: ergò supponitur depositarium habere animum furti faciendi.

Repugnat etiam significatio verborum. *Occultandi* verbum refertur ad factum abscondendi, non ad animum l. Fulcinius. §. quid sit autem & §. illud sciendum ff. quib. ex caus. in poss. eat. l. 1. C. de his qui laqueos vel alior. crim. reos occult.

Ovid. lib. 2. *Metamorph.*

— & arte sua sylvis occultat abactas.

Plaut. in *Trinumm.*

Neque latebrose me abs tuo

Conspicim occultabo.

Cic. pro *Leg. Manil.*

Et ita regnat, ut se non Ponto, neque Capadocia latebris occultare velit.

Et pro *Sextio.*

Corpus senile paludibus occultavit.

Cæf. de Bell. Gall. lib. 6.

Qui proximi Oceano fuerunt: ii in Insulis se occultaverunt.

Non aliter sentit Paulus in nostra lege: opponit enim eum qui occultat, illi qui solum habet animum furti faciendi. Nec illud dici potest, quod satis occultat, qui abnegat. Etenim Paulus hic distinguit eum qui abnegat, ab eo qui occultat, & præter inficiationem, requirit etiam occultationem: ergò diversa est hæc ab illa: verbum etiam *abnegandi* demonstrat hic agi de depositario, qui negat se habere depositum: non de eo, qui differt solutionem in aliud tempus: hic enim non abnegat depositum l. quod servus 11. ff. de pos. Plin. lib. 10. epist. 97. de Christianis sui temporis. *Seque sacramento non in scelus obstringere: sed ne facta, ne latrocinia, ne adulteria committerent, ne fidem fallerent, ne depositum appellati abnegarent.*

Juven. Sat. 13.

Dummodo vel cacus teneam, quos abnego, nuntios.

- 9 Accedit autoritas Ulpiani in *l. si quis uxori §. neque verbo ff. de furt.* Neque verbo, neque scripturâ quis furtum facit: hoc enim jure nitimur, ut sine contraditione furtum non fiat. Hæc verba comprehendunt etiam eum, qui rem habet in potestate: tum quia generalia sunt: tum quia magis huic conveniunt, quam ei qui rem non detinet. Quis enim tam fatuus est, ut verbis, vel scripturâ profiteatur se furtum fecisse? Aut quis dubitare possit eum non facere furtum. Quam absurdè tam manifestam sententiam confirmasset Ulpianus illis verbis: *hoc enim jure nitimur &c.* Agitur ergo ibi de illis, qui cum rem detinent, negant se accepisse, vel reddituros quod acceperunt. Hos autem negat furtum facere, quia non contradicunt, & hoc jure utimur, ut sine contraditione furtum non fiat. Merito confirmat sententiam suam hac regulâ in Jure ab omnibus receptâ, quia res habet in se difficultatem: & idè etiam Paulus in nostra *l. 3.* id confirmavit autoritate Sabini, & Cassii & plerumque Veterum, qui eadè proorsus ratione movebantur, quia furtum sine contraditione fieri non potest. Constat ergo furtum non facere eos qui verbo, vel scripturâ negant reddere quod detinent. Nec dubitari potest hîc agi de illis, qui negant animo furti faciendi: alioquin enim dixisset Ulpianus eos furtum non facere, quia sine animo furtum non fit. Absurdè confugisset ad necessitatem contraditionis, si deesset solus animus; si idè furtum non fieret, quia animus deficeret. Falsa esset & inepta ratio illa, si furto obstaret animi defectus, non defectus contraditionis.
- 11 In eandem sententiam ivit Celsus in *l. inficiando. in princ. ff. de furt.* Inficiando nemo furtum facit: neque enim furtum est ipsa inficiatio, licet propè furtum est: sed si possessionem ejus adipiscatur intervertendi causa facit furtum. Non potest dubitari in hac lege agi de depositario, qui inficiatur animo furandi. Ait quod ejus inficiatio prorè furtum est. Atqui hoc omninò falsum esset, si deesset animus furti faciendi. §. placuit Inst. tit. de oblig. que ex del. §. item si is. de usucap. l. qui injuria §. in princ. ff. de furt. Nemo igitur inficiando depositum facit furtum, etsi habeat affectum furandi. Ac ne possessionem quidem adipiscitur. Si enim hoc ipso adipiscetur possessionem, quod depositum inficiatur, ineptè, imò falsò subjecisset Celsus illa verba: *sed si possessionem adipiscatur intervertendi causa furtum facit.* Hæc omninò supponunt depositarium inficiando depositum, non adipisci possessionem, quemadmodum traditum est à Paulo in nostra *l. 3.* Ergo præter inficiationem requiritur aliquis actus, quo possessio intervertatur.
- Sed scrupulum quibusdam injiciunt verba, quæ subsequuntur. Nec refert in digito habeat annulum, an dactyliotheca, quem cum deposito teneres, habere pro suo destinavis. Sed supponendum est eum habere præ manibus, aut in crumena dactyliothecam, sicut supponitur habere in digito annulum; ut exemplum respondeat his, quæ antecedunt. Si secum habeat annulum, aut dactyliothecam, sufficit ut annulum pro suo habere destinet, quia annulum quem secum habet, contradicunt: & contradicendo intervertit possessionem, licet annulus conditus sit in dactyliotheca *l. qui saccum ff. de furt.* Quod si quis alteram lectionem præferat: nec refert in digito habeat annulum, an dactyliothecam: res erit expedita. Quam lectionem adjuvat Plinii locus lib. 37. c. 1. Gemmas plures, quod peregrino nomine appellant dactyliothecam, primus omnium habuissit privignus Sylla Scaurus. Dubitabam olim an Celsus, qui Proculianus erat, potuerit fortasse ab aliis dissentire. Certè Paulus in nostra *l. 3.* citat Sabinum, & Cassium. Cassius autem Sabini discipulus fuit *l. 2. §. ult. vers. & Sabino ff. de orig. Jur. l. qualem §. nunc videndum ff. de rec. arbitr.*
- Sed ad rem redeamus. Non sufficere solam contradicendi potestatem demonstrant Veteres, qui requirunt ipsam contradicentem etiam quocumque res est in nostra potestate: quo casu solum animum requirere deberent. In *l. si servus 14. §. bove surrepto ff. de condit. furt. Bove surrepto, & occiso, conditio & bovis, & corii, & carnis domino competit:*

- comperis : scilicet , si & corium , & caro contractata fuerint. Contractatus fuit bos : non sufficit : contractari debet & corium , & caro. In l. facienda 8. §. igitur ff. arbor. furti. cas. igitur si ceciderit , & luri faciendi causa contractaverit , etiam furti tenebitur ignorum causa. In l. 3. ff. rer. amor. Et ideo si post divortium easdem res contractat , etiam furti tenetur. In l. Marcellus 11. ff. eod. sive vir uxorem , sive uxor virum domo expulsi , & res amoverunt , rerum amotarum tenentur. In l. cum qui 14. §. Julianus ff. de furt. Non habebit furti actionem is apud quem res deposita est , quamvis periculo ejus esse coeperit , qui eam contractavit. l. ancilla 60. ff. eod. Ancilla fugitiva quemadmodum sui furtum facere intelligitur , ita portum quoque contrahendo furtum facit. Non dissimilia sunt responsa in l. 1. §. 1. ff. si is qui testam. lib. in l. servi 17. §. 1. in l. fullo 81. in princ. ff. de furt. in §. furtum Inst. tit. de oblig. qua ex del. ubi Iustinianus in depositario non solum requirit , ut contractet rem depositam : sed etiam id explicat exemplo ejus , qui re deposita utitur , ut demonstret requiri actum corporis , & veram contractionem.
- 14 Neque defendi potest detentionem conjunctam animo furandi esse speciem contractionis. Hoc enim falsum esse ipsa loquendi ratio à Veteribus semper usurpata convinxit , qui nunquam uli sunt verbo *detentionis* , semper autem *contractionis* : convinxit etiam ipsa verbi significatio ; nam *contractare* , seu *attractare* , ut Veteres dicebant , est manibus tractare , & tangere. Quocirca rectè Theophilus hanc contractionem dixit *Attractio* , indicans actum palpani , & attractandi rem manibus. Item cum Sabinus existimavit etiam rerum immobilium furtum fieri , ut refert Gell. lib. 11. c. 18. reprobata fuit ejus sententia l. quam rem 38. in fin. ff. de usucap. l. verum ff. de furt. quia res immobiles loco moveri , & contractari non possunt.
- 15 Sed omnium luculentissime Pauli sententiam confirmat distinctio tradita in l. certi conditio 9. cum l. seq. ff. de reb. cred. Deposui apud te pecuniam , postea conveni ut

eâ , tamquam mutuâ utereris : statim mutua fit. Contrâ si ab initio , cum deponerem , permisi tibi uti cum voles , non fiet mutua solâ voluntate , nec solâ voluntate dominium , & possessionem acquiris ; sed tunc cum eam loco moveris. Nimirum ad acquirendum dominium , & possessionem , non sufficit animus intus latens : sed necesse est ut erumpat in aliquem actum externum , quo animus ille declaretur : maximè cum agitur de possessione alteri auferenda. Requiritur ergo animus aut cum præsenti conventione , aut cum præsenti contractione conjunctus. Animus autem ab omni facto disjunctus nullum habet effectum. Facile enim hæc acquisitio impeditur. Quapropter licet thesaurus in meo fundo conditus sit in mea potestate ; & à nemine possideatur l. 3. §. Nerva l. Pomponius 13. l. si rem mobilem 47. ff. de acquir. poss. Tamen quia perfectè sub custodia mea non est , ejus possessionem non acquirō , nisi loco moveam l. 3. §. quidam putant ff. eod.

Quæ de mutuo tradita sunt in d. l. quod 16 si ab initio ff. de reb. cred. multò magis statuenda sunt in furto. Primum quia furtum definitur contractatio fraudulosa , l. 1. §. ult. ff. de furt. §. 1. Inst. de obl. qua ex del. adeoque de essentia autem est contractatio : eaque fraudulosa. Licet autem supponamus præcessisse apprehensionem ex causa depositi , tamen illa non est ejusmodi contractatio , cujusmodi in furto requiritur. Ea enim facta fuit bonâ fide , & justa de causa , & volente domino : ac propterea nullam fraudem habet adjunctam. Nec fraus , & mala fides superveniens retrahitur ad initium. l. un. ad fin. C. de usue. transform. l. 2. §. si defunctus ff. pro empr. §. diutina Inst. tit. de usucap. Nec fingi potest nunc facta contractatio. Si enim non fingitur in contractu d. l. quod si ab initio : quanto minus fingi debet in delicto. Est enim oiosum , nec fingi potest factum fuisse quod factum non est , & puniri qui verè non fecit. Nec eadem est ratio possessionis acquirendæ ex conventionem. Nam possessio est detentione rei : detentio autem habet tractum temporis , & tamdiu durat , quam-

diù res est in nostra potestate. Ergò quando-
cumque superveniat animus, conjungitur
cum præsentia detentione *l. 3. §. Neratius ff. de acquir. possess.* & implet quod detentioni,
& naturali possessioni debeat. *d. §. Neratius.*
Contrà in furto requiritur contractatio, quæ
non habet tractum temporis, nec diutius
durat, quàm quamdiu res attingitur. Quo-
circa fraus postea superveniens non potest
conjugi cum contractatione, quæ multò
ante præcessit. Quamobrem deest contracta-
tio fraudulosa, quia quo tempore superve-
nit fraus, res amplius non contractatur.

- 17 Præterea si requiritur motio, & attracta-
tus, ut depositum transformetur in mutuum,
hoc est in alium contractum valdè similem
*l. Lucius Titius 24. l. seq. §. 1. & l. Publicia
Mavia 26. §. 1. ff. de pos.* in contractum, in
quo singularia multa recepta sunt *l. singula-
ria ff. de reb. cred.* quantò magis eadem re-
quiritur ut depositum transformetur in deli-
ctum? Illa transformatio fit voluntate do-
mini, ac propterea facilis transferri debet
possessio, ut initio probavimus. Hæc fieri
debet invito domino, quod multò difficilius
admittitur.

Denique conventio est essentia contractus
l. 1. ff. de pact. Et licet ad mutuum contra-
hendum requiratur etiam traditio; tamen
eadem traditio requiritur etiam in deposito.
Præcessit igitur traditio, quæ in mutuo ne-
cessaria est: & quidem simul cum conven-
tione transformandi depositum in mutuum.

- 18 Et tamen hæc non sufficiunt sine nova con-
tractatione. Contrà essentia furti est contrac-
tatio. Et quamvis etiam affectus furandi re-
quiratur *§. placuit Inst. tir. de obl. que ex del.*
tamen in hoc non consistit essentia delicti:
nemo enim cogitationis pœnam pati debet.
l. cogitationis ff. de pœn. Eleganter Cato apud
Gell. lib. 7. cap. 3. *Neminem, qui male fa-
cere voluit, plecti æquum est: nisi quod fac-
tum voluit, etiam fecerit. Falsa sola censenda
esse, atque in judicium vocanda: voluntates
nudas, inanesque negligendas, nec pœ-
nis obnoxias esse.* Delictum igitur, adeoque
etiam furtum in facto consistit. Nec factum
traditionis præcedentis furtum constituere

potest: quia hujusmodi factum, nedum furto
non convenit, sed maxime repugnat. Sub-
ripi enim, & auferri res in furto debet,
non recipi à tradente. Ab invito debet au-
ferri, non à volente suscipi. *l. qui vas 48. §. qui ex voluntate ff. de furt. §. sed etsi cre-
dat 8. Inst. de obl. que ex delict.* Optimè Pa-
pinianus in *l. procurator 55. ff. mand. Pro-
curator, qui non res inclusas subtraxit, sed
sibi traditas non reddidit, judicio mandari,
non furti tenetur.* Etenim nisi contractet res
inclusas lucrandi animo, furtum non facit:
quia præcedens traditio volente domino
facta, non est idonea ad furtum faciendum.

His probè constitutis, legum, quæ initio
opponerentur, prompta, atque expedi-
ta videtur explicatio. Primum enim animad-
vertere oportet aliam quæstionem à nostra
longè diversam tractari in *l. si rem mobilem
47. & in l. si quis rem 20. ff. de acquir. pos-
sess.* In illis non adducitur in controversiam
an solo animo possessio intervenerit. Quo-
circa (ut aiant in scholis) supponendi sunt
termini habiles; hoc est, supponendum est
ibi concurrisse ea omnia quæ requiruntur ad
intervertendam possessionem: licet non ex-
primantur. In *l. si rem mobilem* proponitur
differentia inter res mobiles, & immobiles
quoad acquirendam possessionem, aut amit-
tendam. In lege præcedenti statuerat Papi-
nianus ignorantem non amittere possessionem
rei immobilis. Nam rei immobilis possessio-
nem amittimus, si aut dejecti fuimus, aut
ab occupante exclusi cum revertimur, vel si
abjicimus animum revertendi, *l. naturali-
ter ff. de usurp. & usuc. l. 1. §. interdistingui-
autem ff. de vi l. clam possidere. in fin. l. etsi
noluit. ff. de acquir. vel am. poss.* Ceterum
quandiu ignoramus possessionem ab alio oc-
cupatam fuisse, eam non amittimus. Et hoc
statuitur in *l. quamvis saltus 46. ff. cod.* quæ
præcedit hanc legem. Hoc constituto quæ-
rit deinceps Papinianus in nostra *l. si rem
47.* an idem dicendum sit de re mobili. Et
ait rei mobilis possessionem amitti etiam ab
ignorante. Itaque si depositarius aut commo-
datarius ignorante domino invadunt rem
depositam, aut commodatam, confestim in-

tervertunt possessionem. Hæc est ejus legis sententia. Licet igitur supponat Papinianus interverti possessionem statim ac illi sibi rem possidere, eamque non reddere constituerunt; tamen, ut dixi, supponendi sunt termini habiles: hoc est, eos non solo animo constituere sibi rem habere; sed accedente facto aliquo contræactionis, aut loco motionis. Neque enim ibi tractatur ea quæstio; an solo animo possessio intervertatur: sed an intervertatur ignoranti. Itaque supponendum est concurrere ea, quæ sunt necessaria ad intervertendam possessionem. Quemadmodum cum in Jure nostro enunciatum furti teneri eum qui contræctat. *l. eum qui* 14. §. *Julianus l. fulto* 82. *in princ. & passim. ff. de furt. l. si servus* §. *bove ff. de condit. furt.* supponendum est eum habere animum furandi, quia sine affectu furandi furtum non faceret §. *placuit Inst. tit. de obl. qua ex del.* Ita cum hic traditum sit interverti possessionem ignoranti, supponendum est concurrere contræactionem.

Et hac mente ea se protulisse indicat idem Papinianus in ea ipsa lege. Sic dicit enim. *Cujus rei forsitan illa ratio est, quod verum mobilium neglecta, atque ommissa custodia, quamvis eas nemo alius invaserit, veteris possessionis damnum asserre consuevit.* Hoc argumento probat verum esse, quod dixerat. Si amittit possessionem rei mobilis, qui ejus custodiam omittit, ac negligit, quamvis eam nemo alius invaserit: multò magis illam amittit, cum alius eam invadit. Supponit igitur depositarium, & commodatarium rem invasisse. Invadendi verbum demonstrat actum corporeum apprehensionis, & contræactionis, *l. 3. §. si autem ff. de vi & vi arm. l. 1. §. socius ff. de usur. l. 5. C. unde vi.* Cic. 3. *in Verr.* *Ille quod argenti placuit invaserit: qua mancipia voluit, abduxit, & in 2. Philip. In multis præterea pecunias alienissimorum hominum, ejusdem veris heredibus, tamquam heres esset, invaserit.*

Alia pariter quæstio tractatur à Marcello in *l. si quis rem* 20. *ff. de acquir. poss.* In libro 111. *Digestorum* Marcellus tractabat eam quæstionem, an illi qui rem alienam deti-

neat, eamque jussu domini non tradunt ei cui jussit; semper intervertant dominum possessione. De commodatario agit in nostra *l. si quis rem* 20. De depositario in *l. 1. §. est autem ff. de pos.* De colono in *l. colonus ff. de vi & vi arm.* Et in his omnibus distinguit. Aut nullam habebant causam non tradendi rem jussu domini, & possessionem intervertunt; aut habebant probabilem & rationabilem causam non restituendi, & eam non intervertunt. Non quæritur igitur an intervertant solo animo; sed an cum causa, vel sine causa: & idèd supponere oportet concurrere ea, quæ sunt necessaria ad intervertendum: sicut expressim adjicitur in *d. l. colonus*, ubi colonus non admittit, adeoque dejecit missum à domino.

Antequam autem aliò progrediamur, monendum est fallax esse argumentum hujusmodi. Furtum est interversio possessionis; intervertitur possessio; etgò furtum fit. Nam & omnis homo est animal; non tamen omne animal est homo. Sed hoc omitto. Primum non semper in furto possessio intervertit possessionem, [qui lucrando usus causâ contræctat; & tamen furtum facit. *l. qui jumenta* 40. *l. si pignore* 54. *in princ. l. fulto* 82. *ff. de furt. §. interdum Inst. tit. de oblig. qua ex delict. l. si sacculum* 29. *ff. de pos. l. si ut certo §. sed interdum & §. quin imo l. in rebus. l. ult. ff. commod.* Labeo & Scævola apud Gell. *lib. 7. cap. 15.* Exemplum refert Valer. Max. *lib. 8. c. 2. in fin.* Errant igitur qui de furto judicant non ex contræactione, lex ex interversione possessionis. Furti enim essentia in contræactione consistit, non in possessionis interversione. Et idèd rectè Paulus in nostra *l. 3.* à furto ducit argumentum ad possessionis interversionem, non ab interversione ad furtum; ibi *possessorem me manere, quia furtum sine contræactione fieri non potest.* Non intervertitur igitur possessio, quia furtum non fit. Neque contrarium est quod ait Scævola in *l. 1. §. Scævola ff. si is qui testam. lib.* Nam Scævola solum negat fieri furtum, ubi nullus est possessor: non verd ducit argumentum ab interversione ad furtum. Etenim etiam rei quæ sine domino est,

furtum non fit *l. ult. ff. expil. hared.* & tamen furtum non est interversio domini: imò in furto non aufertur dominium *l. si ve 10. ff. de condit. furt. l. alienum 6. C. de furt.* Præterea furtum siue contrèctatione non fieri manifesti Juris est *l. si quis uxori §. neque verbo ff. de furt. & nostra l. 3.* At verò quod furtum non fiat hæreditati, quia nullus est possessor, magna fuit inter Veteres dissensio. Quamobrem cum Trebatius inter scyphos illustrisset Ciceronem, quod hoc controversum esse dixisset: citat contrariæ sententiæ Auctores Sex. Alium, M. Manilium, M. Brurum, qui putarunt hæreditati furtum fieri. Sed Scævola sententia, quæ fuit etiam Trebatii, recepta fuit ab Ulpiano, & Paulo. Inter Recentiores etiam valdè disputatur, an aliquando fiat furtum etsi nullus sit possessor. Nam in *l. falsus §. si jactum ff. de furt.* & in *l. si homo ff. de usuc.* furtum admittitur, licet nullus videatur esse possessor. Constat igitur magis propriè convenire furto contrèctationem, quam interversionis, adeoque non rectè sentiunt, qui posthabita contrèctatione solam interversionem possessionis spectandam esse arbitrantur, ut de furto judicetur.

- 23 Ad alia jam progrediamur. In *l. alienum C. de furt.* Imp. Alexander agit de eo, qui alienat servum alienum. Hunc autem furtum facere ait, si aut alienando servum contrèctet: aut antequam alienet, apud se detineat: nempe si vel ipsum includat, vel eo utatur. Inanimata non contrèctamus nisi ea attingamus, aut loco moveamus. Servi, & animalia ipsa se loco movent, & cum vel ad nostrum nutum, vel à nobis coacta loco moventur, satis contrèctari videntur. Itaque qui aliena pecora abigit, fur est. *l. 2. ff. de abig.* Er qui servum aut sponte sequentem ducit, aut cogit invitum, aut domi detinet, fur est, quia hoc ipso contrèctat. Porro ridiculum esset existimare servi furtum non fieri, nisi cum manibus palpatur. Aufert domino servum, & qui secum ducit, aut agit, aut detinet tam volentem, quam invitum.

- 24 In *l. si quis uxori §. cum creditorum ff. de furt.* creditor pignus retinet, & celat. Ce-

lare dicitur is, qui rem amovet *l. si concubina §. 1. rer. amov. l. si stuprum ff. de injur. l. Neratius §. quamvis ff. de servo corrupti. l. non statim §. ult. ff. de leg. Fab. de plug. l. cum qui C. cod. l. adversus C. de furt.* Quod in ea lege dicitur celandi animo retineri, dicitur celandi animo contrèctari in *l. res communis 45. ff. pro soc.* Celandi actus corporeus est, & involvit ablationem, occultationem, contrèctationem *l. si de eo fundo §. servum ff. de acq. poss.*

In *l. falsus §. si is qui indebitum ff. de furt. 25* volens solvebat indebitum, adeoque ipse desinebat animo possidere, nec invito possessio auferebatur. Hoc casu possessio etiam oculis & affectu acquiritur *l. 1. §. si jussim ff. de acquir. poss.* dummodo res præsens sit, & apprehendi possit. *l. clavibus ff. de contr. empt. l. pradia ff. de acquir. poss.* Elegans in hanc rem Javoleni responsum in *l. si pecuniam 79. ff. de solut. Pecuniam quam mihi debes, aut aliam rem, si in conspectu meo ponere te jubeam, efficitur ut & tu statim libereris, & mea esse incipias: nam tum quod à nullo ejus rei possessio corporaliter detinetur, acquisita mihi, & quodammodo manu longè tradita videtur. Mihi igitur tradita videtur, & à me tangi, & contrèctari, cum in conspectu ponitur. Tacit. lib. 3. Nam quo pertinuit nudare corpus, & contrèctandum vulgi oculis permittere Gell. lib. 6. c. 8. Venit in conspectum suum deduci, ut eam ne oculis quidem suis contingeret. Et quamvis pecunia non ipsi, sed alteri solvatur, tamen cum ejus jussu solvatur, ipsi solvi videtur, & ab eo alteri tradi: & celeritate conjungendarum actionum altera occultatur: ut optimè explicat Ulp. in *l. 3. §. pen. & ult. ff. de don. int. vir.**

In *l. si is qui rem 66. §. cum qui ff. de furt. 26* qui mulionem in Jus vocavit, dolo malo furti tenetur, non quia furtum fecerit, sed quia ope, & consilio ejus furtum factum fuit. Nam mulionem dolo malo in Jus vocavit, ut interim ab alio mulæ subriperetur: adeoque furti tenetur §. interdum quoque Inst. tit. de obig. que ex delict. *l. in furti actione §. 1. & seqq. ff. de furt.*

27 Ad exemplum fugitivi facillè respondetur. Fugæ nomen non tam consilii, quam facti est, *l. bovem §. 1. ff. de Ædilit. Edict.* & fugitivus intelligitur non secundum propositionem solam, sed cum aliquo actu. *l. fugitivus 12 §. ff. de P. S.* Sed actus, qui requiritur, non est loco motio, sed mansio extra domum domini *l. quid sit fugitivus, in princ. ff. de Ædilit. Edict.* ibi quid sit fugitivus definit Oflinus. Fugitivus est, qui extra domini domum supra causâ, quo se a domino celaret, mansit. Cum igitur fugitivus definiatur is, qui manet extra domini domum: necesse est, ut qui fugæ causâ abductus est imprudens, aut invitus, si postea re cognitâ redire nolit; & fugæ causâ extra domum domini maneat, sit fugitivus. Contrâ furtum non est retentio rei alienæ, sed contrafectio.

28 Ad Gellii auctoritatem facillè respondetur. Nititur ille auctoritate Sabini, quem constat existimasse furtum non fieri sine contrafectione: ex nostra *l. 3. §. si rem.* Constat igitur Gellium agere de eo, cujus ope & consilio furtum fit; ex exemplis, quæ affert ex Sabino: & idè ait, solâ mente atque animo ut furtum fiat, annisente. Non igitur ille furtum facit, sed ope, & consilio annisente, ut ab alio furtum fiat.

Plauti autem auctoritati non est deferendum, qui putat etiam errantem, sine animo furandi, furti obstringi.

CAPUT XXIX.

Ad *l. si quis conduxerit 46. ff. Locat.*

SUMMARY.

- 1 Conductio facta uno nummo nulla est, siquidem nulla sit proportio unius nummi ad usum rei, qui in locatione conceditur, & nummus intervenit ad simulandam locationem, sicuti verò si conductio iusta merces sit nummus.
- 2 Inter virum & uxorem donationis causâ imaginariâ venditi contracti non potest.
- 3 Quando quis non desipendi causâ, sed animo donandi in iis causis, in quibus donatio non est interdicta, nummo uno conduxit aut emit, licet contractus non valeat jure locamenti, vel venditi, valet jure donationis.

- 4 Nummus pro re minima habetur, & unde dictus sit testatorius.
- 5 Donatio antiquitatis fidei nummo uno sefertio, sed hoc Justinianus sustulit.
- 6 Solemnitates, quæ adhibebantur in mancipatione, sine quibus res alienari non poterant.
- 7 Præter mancipationem inventus est alter solemnis modus abalienationis, quæ dicebatur in Jure Cassio, cujus solemnitates referuntur. Explicatur §. Aliæ autem Instit. tit. de Donat.
- 8 Per mancipationem, & imaginariam illam venditionem omnes serè alius expediebantur, nam & testamenta, & emancipationes, & adoptiones fiebant.
- 9 Locatio & venditio facta uno nummo, quare non valeat.
- 10 Rejicitur interpretatio illa, quod locatio uno nummo facta non valeat, quia merces consistere debeat in pecunia numerata, qualis non est unus nummus: quâ occasione recensentur multa, quæ minoris veniunt quàm uno nummo, & de villitate rerum, quæ antiquitatis erat. Vinum tricotylum apud Helychium est, cujus tres cotyla uno obolo veniunt.
- 11 Et si de substantia emptio sit pretium in pecunia numerata, tamen non est de ejus substantia quod pretium sit justum: idè venditio villiori pretio facta donationis causâ subsistit.
- 12 Locatio etiam valere debet, si minore mercede fiat donationis causâ, quia eadem regula locum habet in locatione, quæ in venditione.
- 13 Ut venditio aut locatio non subsistat, necesse est universam venditionem, aut locationem donationis causâ factam esse.

Ulpianus in *l. si quis conduxerit 46. ff. loc. ait: Si quis conduxerit nummo uno, conductio nulla est, quia & hoc donationis instar inducit. Idem confirmat in l. si quis ante 10. §. ult. ff. de acquir. vel am. possess. Si quis & conduxerit, & rogaverit precario non possideret: siquidem nummo uno conduxit, nulla dubitatio est quin ei precarium solum teneat, quia conductio nulla est, quæ est in uno nummo.*

Quid hoc rei est? annon potest res uno nummo conducì? Certè coquus ille apud Plautum in *Aulularia* nummo conductus erat.

Nummo sum conductus, plus jam medico mercede opus est.

Neque assentior doctissimo Lambino, qui hoc accipit de nummo aureo. Quis enim credat senem avarissimum, & pauperissimum coquum nummo aureo conduxisse ut agnum macrum coqueret: aut co-

quum seni exprobraturum se nummo aureo conductum fuisse? Pomponius quoque admittit locationem seu venditionem ususfructus uno nummo factam in l. si ususfructus 66. ff. de jure dor. §. ult.

- 1 Sed verissime dictum est ab Ulpiano, nullam esse conductionem uno nummo factam, si recte id accipiat. Neque enim hoc intelligendum est de ea conductione, cujus iusta merces sit nummus unus: sed de conductione prædii, vel domus, vel cujuslibet rei, in qua nulla sit proportio nummi unius ad usum rei, qui in locatione conceditur. Tunc enim nummus ille non est merces locationis, sed dieis gratiâ intervenit ad fingendam simulandamque locationem, ut traditum est in l. 4. ff. commodat. Præterea lex illa non debet accipi de ea locatione, quæ urgente necessitate fit, ne Juris regulæ pervertantur, cujus locationis exemplum proponitur in laudata l. si ususfructus 66. §. ult. ff. de jure dor. Est igitur id ab Ulpiano dictum de ea locatione, quæ est imaginaria, in qua nummus non mercedis causâ, nec ut satisfiat subtilitati Juris, sed simulandæ locationis causâ intervenit. Veluti si maritus uxori donaturus ei locet fundum, vel domum uno nummo l. creditor 20. C. de donat. inter vir. & uxor. Paul. lib. 2. Sentent. tit. 23. Inter virum & uxorem contemplatione donationis imaginaria venditio contrahi non potest. Vel si aliquis decipiendi causâ locatio, aut venditio sumatur. Nuda enim & imaginaria venditio pro non facta est, & idè nec alienatio ejus rei intelligitur l. nuda ff. de contrah. empt. cujus rei exempla proponuntur in l. & qui sub imagine 10. C. de distract. pignor. in l. qui pro collusionem 49. ff. de action. empt.

- 3 Quod si quis non colludendi causâ, nec cujusquam decipiendi, sed animo donandi in iis causis, in quibus donatio non est interdicta, locationem, venditionem nummo uno contraxerit, licet contractus non valeat jure locationis, vel venditionis, valebit tamen jure donationis: ut in l. 1. §. Divi Fraires ff. de quaest. & in l. cum in venditione ff. de contrah. empt. ubi Ulpianus ait, quod ille qui pretium statuit donationis

causâ non exacturus non videtur vendere: non tamen negat valere contractum jure donationis, quæ hodie solâ conventionem perficitur l. si quis argentum C. de donat. Itaque licet donationis causâ venditio, & locatio non contrahantur l. sicut emptio ff. locat. tamen nihil impedit valere donationem l. empti in fin. C. de contr. empr.

Atque hæc pertinent verba illa nostræ legis: quia & hoc donationis instar inducit. hoc est, nummus ille qui præstatur in locatione, non est loco mercedis, sed instar donationis; sicut enim locator donat conductori usum rei locatæ: sic conductor donat nummum illum locatori. Donatio tamen est ex parte locantis, non conducentis, quia nummus qui à conductore præstatur, pro nihilo est. Cie. ad Attic. lib. 5. ep. 21. Rationes conferatis assidunt, subducunt, ad nummum convenit. Et pro Q. Rosc. Comæd. Hic tu si amplius sestertio nummo peristi, quoniam tibi debitus est, causam perdidisti. Et pro Rabir. Equis est ex tanto populo qui bona C. Rabirii Posthumi nummo sestertio sibi addici velit. Semper igitur pro re minima ponitur nummus sestertius. Et merito: continebat enim duos asses cum semisse, unde dictus est sestertius quasi semis tertius.

Quamobrem Veteres cùm donationis causa aliquid concedebant, id nummo sestertio addicebant. Valer. Max. lib. 5. M. Cornutus Prætor summus Hircii, & Pansa jussu Senatûs locante, qui tunc Libitinam exercebant, tum rerum suarum usum, tum ministerium suum gratuitum polliciti sunt; quia ii pro Rep. dimicantes occiderant; perseverantique postulatione extenderunt, ut exequiarum apparatus sestertio nummo ipsi præbendis addiceretur. Sueton. in Caesar. Bello civili super alias donationes amplissima prædia nummo addidit. Vitruv. lib. 1. cap. 4. in fin. M. Hostilius rationibus doctissime quaestis secundum mare mercatus possessionem loco salubri, à Senatu Populoque Romano periit, ut liceret transferre oppidum, constituique mania, & areas divisit; nummoque sestertio singulis municipibus mancipio dedit. Vetus Inferiptio Urbis Romæ, quam affert doctissimus Cujac. lib. 10,

Observ. cap. 37. Hoc monumentum L. Titurinus Sabinus se vivo donavit L. Sanio Symphoro, mancipavitque sestertio nummo uno. Quare in donationibus etiam Justiniani tempore solebant apponi verba illa *Sestertii nummi unius, assium quatuor*: vel ut Cujac. ex Basilicis emendat *sestertio nummo uno assium quatuor*. Tunc enim sestertius erat quatuor assium, ac verba illa significabant rem addictam fuisse nummo uno. Quæ verba tamquam superflua sustulit Justinianus in l. ult. C. de donation. Superflua autem erant ea ætate, quia non amplius erant in usu solemnes illæ mancipationes in donationibus necessariæ, maximè cum donationem sola conventionione consistere constituerit idem Justinianus in l. si quis argentum C. de donat.

6 Origo igitur addicendi res donatas nummo uno, est à veteri solemnitate mancipationis, in qua imaginaria venditio interveniebat, & idèd vel assis, vel nummus erat necessarius, qui imaginem pretii repræsentaret. Cajus *Instit. tit. 6. Mancipatio autem, hoc est, manu traditio, quedam similitudo venditionis est.* Boet. in *Topic. Ciceron. Mancipatio imaginaria quedam venditio est: quod ipsum Jus proprium Romanorum est Civium.* Varr. lib. 8. de Ling. Lat. *Pro assibus nonnumquam as dicebant Amiqni, à quo dicimus, assen tenentes: hoc ære aneque libræ.* Erant hæc verba, quæ proferebat ille, qui rem accipieb. Sed nemo clarius mancipationis solemnitatem explicat Cajo nostro l. 1. *Instit. ejus verba refert Boetius in Topicis.* Ejusdem Caji lib. 1. *Instit. de nexu faciendo hæc verba sunt. Est autem mancipatio, ut & supra quoque indicavimus, imaginaria quedam venditio, quod ipsum Jus proprium Romanorum est Civium: eaque rei ita agitur. Adhibitis non minus quinque testibus Civibus Romanis puberibus, & præterea alio ejusdem conditionis, qui libram aneam teneat, qui appellatur libripens; is, qui mancipium accipit, as tenens ita dicit. hunc ego hominem ex jure Quiritium meum esse aio: isque mihi emptus est hoc ære, aneque libræ. Deinde ære percussit libram: idque as dat ei, à quo mancipium accipit, quasi pretii loco.* Cum autem

ex lege duodecim Tabularum res alienari aliter non potuerit, nisi adhibitâ hac solemnitate mancipationis, ut testatur ibidem Boëtius, hinc frequentissimus usus hujus imaginariæ venditionis nummo uno, vel uno assè. Postea inventus est alter modus solemniss, iu Jure celsio, per quam pariter fiebat abalienatio, & dominium de jure Quiritium transferebatur. Cic. in *Topic. Abalienatio est ejus rei, quæ mancipi est, aut traditio alteri nexu, aut in Jure celsio, inter quos ea Jure Civili fieri possunt.* Celsionis solemnia describit idem Boëtius. *Apud Magistratum Populi Romani, vel apud Prætorum, vel apud Præsidentem Provincia is, cui res in Jure ceditur, rem tenens, ita vindicat: hunc ego hominem ex jure Quiritium meum esse aio. Deinde postquam hic vindicaverit, Prætor interrogat eum, qui cedit, an contra vindicat: quo negante aut tacente, tunc ei qui vindicaverit, eam rem addicit: idque legis actio vocabatur.* Itaque etiam in donationibus res aut mancipabatur, aut addicebatur nummo sestertio; ut rei dominium de jure Quiritium transferretur in donatarium. Hinc Justinianus in Institutionibus donationem recenset inter modos acquirendi dominium de Jure Civili, & in §. alie autem *Instit. tit. de donat. ait & ad exemplum venditionis eas etiam in se habere necessitatem traditionis.* Sicut enim olim propter imaginariam venditionem donatio transferebat dominium de Jure Quiritium, & necessitatem continebat, quia donator nexu obligabatur: ita post sublatas imaginarias venditiones voluit Justinianus ad exemplum venditionis donationem continere necessitatem traditionis.

Porrò mancipationis, & imaginariæ illius venditionis erat apud Veteres tam assiduus usus, ut nihil propemodum expediret sine ea. Nam & testamenta per æs & libram fiebant, in quibus hæres defuncti substantiam emebat princ. tit. *Instit. de testam.* Et in emancipationibus liberorum interveniebant imaginariæ venditiones §. præterea *Instit. tit. quib. mod. jus patr. pot. solvit. l. ult. C. de emancip.* Et in adoptionibus l. ult. C. de adoption. Sueton. in *Augusto. Adoptavit &*

Lucium, & Caium domi emptos per as & libram à Patre. & denique in omni ferè alienatione rerum mancipi. Imò, & obligationes contrahebantur, & dissolvebantur. Vatro lib. 6. de Ling. Lat. Nexum Manilius Scribit, omne quod per libram, & as geritur, in quo fini mancipi. Mucius Scaevola: qua per as, & libram fiant, ut obligentur, praterquam, qua mancipo dentur. Hoc verius est, ipsum verbum ostendit de quo quaeritur. Nam idem, quod obligatur per libram, neque suum sit, inde Nexum dictum. Cic. pro Murana. Quod si in iis rebus repetendis, qua mancipi sunt, is periculum iudicii praestare debet, qui se nexu obligavit. Liv. lib. 6. de Marco Manlio, qui addictum liberavit. Inde rem creditori palam Populo solvit, libræque & ære liberatum emittit. Fest. Pomp. in voce Nexum. Nexum est, ut ait Gallus Aelius, quodcumque per as, & libram geritur; idque nelli dicitur, quo in genere sunt hæc, testamenti fallio, nexi datio, nexi liberatio. Nexum as, apud Antiquos dicebatur pecunia, qua per nexum obligatur.

Juxta hunc usum imaginariarum venditionum introductum fuit, ut qui veller aliquid donare, simularet venditionem, & locationem nummo uno factam privatim, & inter privatos; quo casu cum non haberet animum locandi, aut vendendi, & cum in venditione, & locatione non intervenirent ea, quæ sunt de earum substantia, nempe pretium, & merces, quia nummus ille dicis causâ dabatur, utique non poterant consistere contractus venditionis, & locationis: Adeoque nulla erat venditio, nulla locatio.

- 10 Ex his constat futilem esse, & subtilem potius, quam solidam rationem illam, quam quidam magni Viri excogitarunt: quod merces consistere debet in pecunia numerata, nummus autem unus non est pecunia numerata, quia unitas non constituit numerum: hac enim ratione nec nummo aureo quicquam emi, aut conducì posset: licet enim nummus aureus contineat plures denarios, tamen, & nummus argenteus plures asses continet. At hoc dicere absurdum est.

Quid? nonne assis minor est nummo sestertio? sestertius enim etiam antiquius duos asses cum semisse continebat. An igitur dicemus nullam fuisse emptionem, de qua Martialis:

Asses duos calices emit, & ipse tulit?

Quid? quàm multa sunt apud nos, quæ quadrante æstimantur, & quotidie emuntur, ut poma, olera, & pleraque alia hujus generis? An igitur dicemus harum rerum nullam esse venditionem, quia pretium debet consistere in pecunia numerata, & hoc est de substantia emptionis *l. pacta conventa ff. de contr. empt.* in quadrante autem non consistit pecunia numerata? Certe si pecunia numerata non consistit in nummo uno: multò minus consistet in uno quadrante, qui decima pars est unius nummi. Plin. lib. 18. cap. 3. *M. Varro auctor est cum L. Metellus in Triumpho plurimos duxit Elefantos assibus singulis farris modios fuisse, item vini congios, sicque sicca pondo triginta; olei pondo decem; carnis pondo duodecim.* Refert idem Plin. lib. 15. Anno Urbis conditæ 505. Appio Claudio Cæci Nepote & L. Junio Cæss. olei libras duodenas assibus venisse. Narrat & Plutarchus in Lucullo, mancipium quatuor drachmis, bovem unâ, cætera pari vilitate fuisse, cum Lucullus victo Mithridate prælas à Ponto egit. Polybius lib. 2. de fertilitate Galliæ Cisalpinæ narrat fuisse temporibus in ea Regione viatores nihil cum diversore aut hospite pacisci solitos, sed bene, & lautè habitos solvisse dimidiatum assẽm. Solonis tempore Athenis ovis unâ drachmâ vendebatur, ut refert Plutarch. in Solone: *vinum tricotylum* apud Hesychium dicitur, cujus tres corylæ obolo venibant. Num igitur harum rerum nulla erat emptio, & venditio, eâ subtili ratione, quia unitas non est numerus, sed principium numeri?

Præterea potest donationis causâ pretium minui, neque hoc repugnat substantiæ emptionis; quia et si de ejus substantia sit pretium in pecunia numerata *l. pacta conventa ff. de contr. empt.* tamen de substantia emptionis non est, ut pretium sit iustum; quantitas enim pretii omnino pender à voluntate contrahentium,

contrahentium, quorum conventionem in hoc contractu pretium definitur, quod augetur minuiturque pro affectu, commoditate & sagacitate contrahentium. *l. in causa 16. §. idem Pomponius ff. de minor. l. item si pretio 2.2. in fin. & l. seq. ff. loc. l. si voluntate 8. C. de rescind. vend.* Itaque venditio viliori pretio facta donationis causâ subsistit. *l. si quis donationis 38. ff. de contr. empt.* Eademque ratione valere debet & locatio, si minore mercede fiat donationis causâ, cum eadem regulæ locum habeant in locatione, quæ in venditione, *princ. tit. Inst. de locat.* Finge igitur aliquem solitum locare operam suam duobus, aut tribus nummis, & donationis causâ viliori mercede locare, nempe uno nummo: an non valebit locatio? Ut enim venditio seu locatio non subsistat, necesse est universam venditionem donationis causâ factam esse, ut ait Ulpianus in *d. l. si quis donationis ff. de contr. empt.* Idcirco in nostra *l. si quis conduxerit ff. locat. rectè* ait JC. quia & hoc donationis instar inducit. Nempe quia ut irrita sit locatio, necesse est ut etiam nummus ille, qui loco mercedis esse deberet, donationis instar inducatur, ut initio exposuimus. Ita enim fiet ut universa locatio donationis causâ facta sit. *Plin. lib. 18. cap. 3. Minutius Augurinus, qui Sp. Melium coarguerat, farris pretium in trinis mundinis ad assem redegit, qua de causâ statim ei extra portam Trigeminam à Populo stipite collatâ statuta est. Trebius in Ædilitate assibus Populo frumentum prestitit, quam ob causam & ei statuta in Capitolio, ac Palatio dicata sunt: ipse supremo die Populi humeris portatus in rogam est. En diminutio pretii donationis causâ. Quare eleganter idem Plin. ibid. Manius Marcius Ædilis Plebis primum frumentum Populo in modis assibus donavit.*

CAPUT XXX.

Ad princip. tit. Instit. de servit. pradior.

SUMMARY.

- 1 *Iter est jus eundi, ambulandi hominis, non etiam jumentum, vel vehiculum agendi.*

- 2 *Qui iter habet, potest non solum pedes, sed etiam equos commeari, & insuper sellâ lecticæ gestari.*
3 *Basterna apud Veteres erat ea, quam nos lecticam appellamus.*
4 *Burdonibus sunt muli ex Equo & Asina.*
5 *Basternis sola Matræna portabantur.*
6 *Lectica & sella gestatæ non à jumentis portabantur; sed à servis, eorum cervicibus imposita.*
7 *Ad sepulchrorum iter, non altius constituebatur, quia mortui ferretæ, & sandapilæ efferebantur, quibus simillima erat lectica.*
8 *Jacentes in lectica portabantur; idè lectica à lecto dicta est; & supè cubile, torus, gradatum appellatur; sedentes verò portabantur in sella gestatæ.*
9 *Servi qui lecticam aut sellam ferebant, lecticarii vocabantur.*
10 *Tot sunt stipulationes, quæ res in stipulationem deducit, sed stipulatio lecticariorum una est.*
11 *Lectica ampliores ab osto servitii portabantur, & Octophora dicebantur, quadam verò ferebantur à sex, & Hexaphora appellabantur; plerumque tamen à quatuor ferebantur; sella etiam à duobus, nam multò brevior erat.*
12 *Carrucæ dissimiles erant lecticis licet in lecticiis etiam dormirent Veteres, & Scavola mentionem faciat Carrucæ dormitoria.*
13 *Carrucæ dormitoria quomodo constructa esset.*
14 *Quanta offe debeat latitudo itineris, Adu, Via. In servitute itineris constitui potest latitudo, ut quis equo veli non possit, dummodo eâ pedes ire possit; ita pariter in servitute Adu ea latitudo, ut vehiculum eâ inire non possit, dummodo tamen jumentum agi possit.*

Iter est jus eundi, ambulandi hominis, non etiam jumentum, vel vehiculum agendi. *princ. tit. Inst. de servit. pradior. l. 1. in princ. ff. de servit. pradior. rustic.* Potest tamen ille, qui iter habet, non solum pedes, sed etiam equos commeari, *l. inter Adu 12. ff. eod. tit. &* quod magis est, etiam sellâ, lecticæ gestari, quia hic ire, non agere dicitur *l. qui sella 7. ff. eod. tit.* Explicanda sunt hæc paulò accuratius, quam à nostris Interpretibus fieri solet. Etenim apud nos lecticæ à mulis, ac burdonibus portantur; & qui lecticæ gestatur, vehiculum agit, quia nostra lectica vehiculi genus est, & à jumentis portatur. Itaque inter se pugnare videntur illæ leges, sed non ita est, ut modò demonstrabimus.

Quas nos lecticas vocamus, Veteres dicebant *Basternas*. A *basso* dictæ *Basternæ*,

baſternam enim Græci dicebant, quæquid etat ferendo, ut notavit doctiſſimus Salmaſius ad Lampridii Heliogabalum, quo nomine nos clirellas vocamus. Baſternam deſcribit vetus epigramma à Viris doctis hanc in rem prolatum.

*Aurea Matronas claudit Baſterna pudicas,
Qua radians latum geſtat utrumque
latus:*

*Hanc geminus portat duplici ſub robore
burdo,*

*Provehit, & modico pendula ſepta
gradu.*

Idſor, orig. lib. 20. cap. 12. *Baſterna*, vehiculum itineris, quaſi via ſterna mollibus ſtramentis eſt poſita, à duobus animalibus deſcripta-
tur. Ad hanc referendus eſt textus in l. item 49. in princ. ff. de legat. 3. Item legato continentur mancipia, puta læſticarii, qui ſolam matremſam portabant; item jumenta, vel 4 læſtica, vel ſella, vel Burdones. Burdones ſunt muli ex equo, & aſina, Idſor. lib. 12. cap. 2. In animantibus bigenera dicuntur, qua ex diverſis naſcuntur, ut mulus ex equa, & aſino: burdo ex equo, & aſina. Itaque burdones in ea lege iſti muli ad Baſternam. Continentur autem in legato, in quo uxori relicta ſunt ea, quæ ipſius cauſa parata ſunt, quia hoc legatum comprehendit ea omnia, quæ magis uxoris, quam communis, ac promiſcui uſus cauſa parata ſunt l. hoc legatum 5 45. ff. de legat. 3. Baſternis autem ſolæ Matronæ portabantur, ut conſtat ex ſuperiori epigrammate, & aliis Scriptoribus, apud quos naſquam mentio hominum in Baſternis, ſemper Matronarum, Ammian. Marcell. lib. 14. *Matrona complures operis capitibus, & Baſternis per latera Civitatis cuncta diſcurrunt.* Vetus Interpres Juvenalis. *Baſterna, vehiculum unde ſpeculabantur Matrona.*

6 Læſtica autem apud Veteres non à jumentis portabatur, ſed à ſervis, eorum cervicibus impoſita. Senec. epiſt. 49. *Non turba ſervorum læſticam tuam per itinera urbana, ac peregrina portant: ium, & piſt. 111. Cohors culta ſervorum læſtica formoſis impoſita caloniſibus. & lib. 3. de benefic. cap. 4. Quo tandem ab iſtis gerulis raperis, cubile iſtud tuum circumſeren-*

tibus. Plin. ad Trajan. *Illos ergò humeri, cerviceſque ſervorum ſuper ora noſtra: te fama, te gloria, te Civium pietas, te libertas ſuper ipſos Principes vehunt.* Clemens Alexandr. *Pædag. lib. 3. cap. 4. ἵ δὲ τὰ φορτὰ οἱς ὕψος αἰσούσι τὴν γυναικὸν φορεῖν βασιλεύοντι καλοῦσι παλαιά.*

Multi Germani læſticas mulierum in altum tollentes, & cum impetu bajulantes.

Sella quoque geſtatoria à ſervis portabatur eodem modo. Claud. in 4^o. Conſul. Honorii.

Portantur juvenum cervicibus aureæ ſedes. Juvenal. Satyr. 9.

— & duo fortes

De grege Maſorum, qui me cervice locatæ,

Securum jubeant clamorſo inſiſſere Circo.

Et paſſim occurrunt Poëtarum teſtimonia.

Quamobrem cum neque læſtica, neque ſella à jumentis veheretur, ſed ſervorum humeris portaretur, rectè dixit Juriconſultus in l. qui ſella 7. ff. de ſervit. ruſt. prad. cum, qui ſella, aut læſticâ velitur, ire, non agere: rectèque conſtitutum eſt, cum qui iter habet, poſſe læſticâ, ſellâve ferri: hic enim neque jumentum agit, neque vehiculum. Quare & ad ſepulchrum iter conſtitui ſolebat, 7 non Actus l. ſervientes pradiorum 14. §. 1. ff. de ſervituri. Mortui enim feretro, & ſandapilâ efferebantur, cui ſimillima erat læſtica. Itaque apud Gellium lib. 10. cap. 3. bubulcus ille, cum Legatum læſticâ ferri videret, per jocum interrogavit, num mortuum ferrent. Et argutè jocatur Martial. lib. 2. epigr. in Zoilum.

*Laxior Hexaphoris tua ſit læſtica licetis,
Dum tamen hac tua ſit, Zoile, ſandapila.*

Jacentes enim, & cubantes in læſtica portabantur. Cic. in Ferr. lib. 4. *Arragatum, & argentum in læſtica cubans ad mare infrâ Oppidum expellabat.* Læſtica enim à læſto dicta eſt, & læpè cubile, torus, grabatum vocatur. Seneca de benefic. lib. 3. cap. 4. *Quo tandem ab iſtis germis raperis, cubile iſtud tuum circumſerentibus?*

Ovid. lib. 1. de arte amandi.

Interea ſive illa toro reſupina ſeretur,

Leſticam domina diffimulanter adi.

Catull. Epigram. 10.

*Fatuum qui veteris pedem grabati
In coſto ſibi collocare poſſet.*

Et in hoc præcipue differēbat à ſella geſtatoria, quod in hac ſedentes portarentur, ut à Viris doctis eſt obſervatum, quos tamen præterfugit Senecæ locus de brev. vit. *Audio quemdam ex delicatis, cum ex balneo inter manus elatus, & in ſella poſitus eſſet, dixiſſe interrogando: jam ſedeo?*

- 9 Servi autem, qui leſticam, aut ſellam ferebant, vocabantur *leſticarii*, quorum ſæpiſſimè fit mentio à Latinis Auctoribus, & à noſtris Jurifconſultis non raro, cum de legatis agunt, ut in *l. item 49. in princ. ff. de legat. 3. in l. ſi ex 1010 §. ult. ff. de legat. 1. in l. peculium 65. in princ. ff. de legat. 2. in l. ſervus 99. §. ſervus ff. de legat. 3. in l. uxori 13. in fin. ff. de amr. & arg. legat. & in l. ſcire debemus 19. in princ. ff. de verb. obl.*

- 10 In his legibus duo ſunt animadverſione digna. Primum, quod licet tot ſint ſtipulationes, quot res in ſtipulationem deductæ, tamen ſtipulatio leſticariorum una eſt *d. l. ſcire debemus ff. de V. O.* conſiderantur enim tamquam unum corpus, ſicut quadriga.

- 11 Alterum eſt quod in *l. ſi ex 1010 §. ult. ff. de legat. 1.* proponuntur legati octo leſticarii, Et rectè; ampliores enim, & laxiores leſticæ ab octo ſervis portabantur, & *Oſtophorum* dicebatur hæc leſtica, Martial.

Oſto Syris ſuffulta datur leſtica puella.

Cicer. in Verr. *Leſticâ Oſtophoro ferebatur, in qua eras pulvinus pellucidus Melitenſis roſâ ſarilis.* Sueton. in Calig. *Iter confecit modò ſeſtinam, & rapidè, interdum adeò ſegniter & delicatè, ut Oſtophoro veheretur.* Pleni ſunt Poëtarum libri. Aliquando ferebatur à ſex ſervis, & dicebatur *Hexaphorum*; plenius à quatuor: ſella etiã à duobus, nam multò brevior erat. Juven. Satyr. 9.

— & duo ſortes

*De grege Maſorum, qui me ſervice locatâ,
Securum jubeant clamoſo inſiſtere Circo.*

- 12 Leſticis ſimiles fuiſſe *Carrucas* exiſtimare quis poſſit. Etenim in *l. in commodato 17. §. duobus ff. commod.* nominantur leſticæ &

Carrucæ, & in l. uxori 13. in princ. ff. de amr. & arg. leg. Scævola mentionem facit *Carrucæ* dormitoriaræ: atque in leſticis quoque dormiſſe Veteres certum eſt. Juven. Sat. 3.

Namque facis ſomnum clauſâ leſtica ſeſtrâ.

Et Satyr. 1.

Profer Gallâ caput; noli vexare, quieſcit.

Et Satyr. 3.

— *ingenti curvet ſuper ora liburno,
Atque obiter leget, aut ſcribet, vel dormiet inus.*

Sed non ita ſe res habet. Leſtica enim ſervorum humeris ferebatur, ut diximus, *Carruca* à mulis vel mulabus; ut conſtat ex *d. l. uxori 13. Paul. lib. 3. ſentent. tit. 7. Carruca cum junctura legata, mula quoque legata, nec non mulio videitur, propter quoidianam loquendi conſuetudinem.* hinc mulæ *carrucaræ*, apud Ulpianum in *l. Aediles 38. §. quaſiſum ff. de Aedil. Ed. cl. & muliones in urbano miniſterio eſſe dicuntur à Paulo in l. ſervus 99. §. muliones ff. de legat. 3. & in d. lib. 3. ſentent. cap. 7. Præterea leſticæ portabantur, *Carrucæ* quatuor rotas habebant, ac denique in leſtica cubabant, ut diximus, in *Carruca* ſedebant. Capitol. in *M. xim. Per publicum veniente vehicu'o Antonini Caracalli quod vacuum erat, conſcendis, & ſedit, & vix agrèque à mulionibus carrucariis deturbatus eſt.**

Dormitorium igitur *Cartucam* apud Scævola in *d. l. uxori.* non diſſimilem aliis fuiſſe exiſtimo, ſed tamen ita conſtructam, ut ſublata ſellâ jacere in ea, & cubare poſſet, qui vehebatur, ut fieri ſolet in noſtris leſticis, in quibus geſtamur ſedentes; ſunt tamen quædam, in quibus ad deferendos ægrotos utimur, in quibus jacemus ſublata utrimque ſellâ.

Ad leſticas, & ad ſervitutem Itineris re-
vertamur, de qua id tantum ſubjungam, Iter anguſtius, quàm par eſt, à quibuſdam deſignari, itemque Actum. Feſt. *Alus, Iter inter vicinos quatuor pedes latum.* Si Vix latitudo eſt octo pedum, *l. Via 8. ff. de ſervit. ruſt. præd.* Actus autem latitudo eſt quatuor pedum; utique latitudo Itineris ſubductâ ra-

tione erit duorum pedum, quâ vix pedes ire potest, nedum equo, aut lecticâ, sellâve gestari. Lecticam enim gestabant servi asseribus in transversum insertis, ac proinde semitæ angustius fuissent impediti, Marcial. lib. 4. epigr. in Cecilian.

Ingeni latè velus es Hexaphoro


Et lib. 2. epigr. in Zoilum.

Laxior Hexaphoris tua sit lectica licebit.

Magnam hæ sellæ lecticæque desiderant Viæ latitudinem ut transferri possint. Itaque rectè Jurisconsulti nostri nullam certam latitudinem Actui, atque Itineri præscripserunt l. certo generi 13. §. latitudo ff. de servit. præd. rustic. Et Varro multò rectius, quàm Festus id definivit. *Actus finis minimus constituitur in latitudinem pedes quatuor, quod ex quadrupes agitur.* rectè dixit, *finem minimum*: potest enim latior constitui, non minor. Potest enim in Actu constituendo tam angustus loci demonstratio fieri, ut eâ vehiculum inire non possit, dum tamen jumentum eâ duci possit, l. si tam angusti 13. ff. de servit. Veluti si fiat demonstratio quatuor pedum, quâ jumentum agi poterit, non autem vehicu-

lum, ut innuit Varro d. loco. Est autem hic finis minimus, quia si angustior locus designaretur, per eum agi non posset jumentum, & servitus Itineris, non Actus esset, constituta d. l. si tam angusti. Quod de actu dixi, de Itinere dicendum est. Non poterit in Itinere angustior locus duorum pedum definiri, quia nec pedes posset per eum ambulare. Loco autem tam angusto designato rectè constituta erit servitus Itineris, etsi neque equo, neque lecticâ, aut sellâ possit commovere argum. d. l. si tam angusti & l. Via 13. in princ. ff. de servit. præd. rustic. At si nihil in constituenda servitute sit definitum, ab Arbitro loci latitudo præscribenda erit l. certo generi §. latitudo ff. de servit. rustic. præd. & quidem, ut arbitror, tanta, ut eâ possimus lecticâ etiam, ac sellâ ferri, cum hoc jus habeamus Itineris servitute constitutâ, l. qui sella ff. eod. Non tamen tanta, ut Hexaphoro, aut Octophoro feramur, servitute enim civiliter uti debemus l. si cui simplicius 9 ff. de servit. Norabamur autem à Veteribus tamquam molles, ac delicati, quâ Hexaphoro, vel Octophoro gestabantur.

FINIS.



JOSEPHI AVERANII,

Jurisconsulti & Antecessoris,

INTERPRETATIONUM JURIS

LIBER SECUNDUS.

CAPUT PRIMUM.

AD LEG. CONSUETUDINIS II.

C. que sit longa consuet.

SUMMARIUM.

- 1 Consuetudo tam apud Athenienses, quàm apud Veteres Romanos semper legi derogavit. Probatur id Veterum Scriptum testimonio, & exemplis.
- 2 Confirmatur ex frequentis legum tam confirmatione, tùm revocatione.
- 3 Explicatur l. 2. C. que sit longa consuet. & nova offertur interpretatio; addo num. 9.
- 4 Tam consuetudo, quàm lex priorem legem abrogat,

- non quod potentior sit, sed quia posterior.
- 5 In hypotheca plurimum datum tempus attenditur.
- 6 Item in testamentis, in quibus posteriori praevalet.
- 7 Item in datione tutorum; in legatis; in conditionibus: excipitur tamen quoad conditionem institutio, & legatum libertatis.
- 8 Posteriora derogant prioribus. Probatur id pluribus exemplis, & quid Juris in contractibus.

CONSUETUDINE posteriore priorem legem abrogari dubitandum non est. Nam præter argumenta, quibus id ab Interpretibus nostris demonstratur, constat apud Romanos numquam aliter observatum fuisse. Origo Juris Romani præcipue ducta est ab Atheniensibus, apud quos consuetudine leges abrogabantur. Gell. lib. 11. cap. 18. Ejus igitur leges quoniam videbantur impendio acerbiores, non decreto jussio-

que; sed tacito, illiteratoque Atheniensium consensu obliterata sunt. Itaque, & apud Romanos eadem erat consuetudinis auctoritas. Liv. lib. 45. quas ne usus quidem longo tempore (qui unus est legum corveller) experiendo argueret. Gell. lib. 20. cap. 1. Passus est enim (Pop. Romanus) leges istas de tam immodico supplicio sita, atque senio emori; & lib. 2. cap. 24. Postea L. Sylla Dillator, cum legibus istis senio, atque situ obliteratis plerique in patrimonium hellenarentur &c. Quintil.

lib. 3. cap. 6. *Ut in duodecim Tabulis debito-
ris corpus inter creditores dividi licuit, quam
legem mos publicus repudiavit.* Tacit. lib. 6.
*Annal. Interea magna vis a. c. satorum in eos
irruptis, qui pecunias fœnore auclitabant ad-
versum legem Dictatoris Cæsaris, quâ de mo-
do credendi, possidendique intra Italiam ca-
vetur, omissam olim, quia privato usui bo-
num publicum postponitur.* Macrob. lib. 3. cap.
17. *Dehinc paucis interjectis annis, alia lex
pervenit ad Populum favente Antio Restione,
quam legem, quamvis esset optima, obstina-
tio tamen luxuria, & vitiorum firma concor-
dia nullo obrogante irritam fecit.* Quamobrem
2 de eadem rem multas leges variis temporibus
rogatas fuisse accepimus, non alia de causâ,
quàm propter consuetudinem, quâ priori
legi fuerat derogatum, ut novâ lege opus
esset ad tollendam consuetudinem, revocandam-
que legem contrariâ consuetudine sub-
latam. Macrob. d. lib. 3. *Saturn. cap. 17. In
ea enim ferenda quasitum est nova legis autoritas,
exollescente metu legis antiquioris. Ita hercu-
les, ut de duodecim Tabulis factum est, qua-
rum ubi contemni antiquitas cepit, eadem
illa, qua illis legibus cavebantur in alia La-
torum nomina transferunt.* Itaque cùm Lex
duodecim Tabularum, quâ sancitum erat,
ne quis unciario fœnore amplius exerceret,
consuetudine fuisset abrogata, novâ lege
opus fuit ad ipsam revocandam anno Urbis
398. & de hac rem actum sepius à Plebe,
cùm nulla tam firma lex esset, quæ contra-
riâ consuetudine non abrogaretur. Livius
lib. 7. Corn. Tacit. lib. 6. *Annal. & copiose
Appian. lib. 1. Bell. Civil.* sic etiam Ti. Sem-
pronius Gracchus anno Urbis 520. renovavit
legem C. Licinii Stolonis latam anno 377.
quâ cavebatur, ne quis plus quingentis agri
jugeribus possideret. Sic lex Sempronia pri-
mum à Ti. Sempronio Graccho Trib. Pleb.
lata, deinde renovata est à Cornelio Sulla
Dictatore, & postmodum à C. Julio Cæsare,
quâ cautum erat, ut per æquarios limites
populo jus eundi esset, sicut per viam pu-
blicam. Plura exempla præ-ermitto, ex his
enim satis constare arbitror, apud Romanos
tantam vim fuisse consuetudinis, ut & prio-

rem legem tolleret, & ipsa nonnisi posteriore
lege tolleretur.

Contrarium tamen videtur constitutum in
1. consuetudinis 2. *que sit longi consuet.* Con-
suetudinis, usque longevi non vilis autoritas
est, verum non usque adeo sui vâlitura momento,
ut aut rationem vincat, aut legem. Sed non 3
est ita, si verba legis accuratè perpendantur.
Observanda sunt illa verba, *sui momento*,
quæ non temerè ab Imperatore sunt adjecta
Constitutioni. Consuetudo abrogat priorem
legem; non tamen eam vincit *sui momento*,
suis viribus, propriâ naturâ. Utrunque ve-
rissimum est; neque sunt hæc contraria.
Consuetudo naturâ suâ, suisque viribus, &
proprio momento non est potentior lege, 4
sed omnino par; itaque eam non vincit,
sed tamen ipsi derogat, ipsamque tollit. Sed
quomodò eam tollit? non quia sit poten-
tior, suoque momento eam vincat; sed
quia est posterior. Lex vincit legem non pro-
priis viribus, non ratione sui momenti; sed
ratione temporis, & mutationis voluntatis.
Modestini, in l. ult. ff. de Constit. Princ. ad
παρρησιασμένην νόμον ἐν ἰσχυρίῳ τῆς τοῦ νόμου
ἀλλοίω. Posteriores constitutiones potiores sunt
his, quæ eas præcesserunt. Cicet. de Invent.
lib. 2. *Deinde considerando nova lex posterior
lata sit: nam postrema quæque gravissima.* Liv.
lib. 9. *Ubi duæ contrarie leges sunt, semper
antiquam abrogat nova.* Quomodo modum igitur
in legibus non est considerandum proprium
ipsarum momentum, ut sciamus utra alte-
ram abroget, quia omnes eamdem vim ha-
bent, cùm eadem autoritate sanctæ sint; sed
considerandum est utra sit posterior: sic
quando lex pugnat cum consuetudine, con-
siderandum est, utra posterior sit, nam cùm
idem sit utriusque momentum, nec altera
alteram vincere possit vi propriâ, potior, &
gravior erit posterior. Quamobrem si lex pos-
terior sit consuetudine, lex tollit consuetu-
dinem: contrâ si consuetudo posterior sit,
legem tollit, non suo momento, sed ratione
temporis.

Exemplis rem explicabo. Uxori concessa
est hypotheca pro dote cum privilegio præla-
tionis l. *affiduis C. qui pot. in pign.* Finge

concurrere duas uxores in repetenda dote, ut in *Auth. ut exat. instans. 91.* utraque uxor par habet privilegium, æquale est utriusque robor, neque vi argue momento sui privilegii altera alteram vincere potest, ut ait Iustin, in d. *Auth. cap. 1. vers. & dotem &c. non potest dotem præponere doti, nec hypothecam hypothecæ.* Sed tamen prior uxor præfertur posteriori d. *Auth.* Qua de causa præfertur? non vi, & momento sui privilegii, sed ratione solius temporis d. *Auth. & Auth. de aequal. dot. 97. cap. 3. vers. si qua mulier.*

Aliud sit exemplum in testamentis. Testamentum naturâ suâ non est potentius alio testamento, cum iisdem solemnitatibus utrumque perfectum sit. Prius tamen testamentum posteriori rumpitur q. posteriore *Instit. tit. quib. mod. testam. infirm. l. 2. l. cum in secundo. ff. de injust. rupt. l. hac consultissima. §. si quis autem & l. sancimus C. de testam. non quia hoc sui momento vincat prius, eo-que sit naturâ suâ potentius; sed quia posterius est. Itaque si duo extent testamenta, nec constare possit utrum sit prius aut posterius, aut utrumque valebit, aut, quod verius videtur, neutrum subsistet. Sublatâ enim ratione temporis, quâ sit, ut posterius prævaleat priori, utrumque habet æquales vires, utrumque æqualia momenta, ac proinde alterum ab altero vinci non potest, & vel utrumque valere debet, vel neutrum, argumento text. in l. *duo sunt Titii. & ibi gloss. ff. de testam. tur. l. cum qui § 1. in princ. ff. de acquir. vel om. bar. & ibi gloss. & passim DD.* eadem est ratio legatotum & fideicommissorum l. *clari C. de fideicom. l. si mihi 12. §. in legatis ff. de legat. 1. & dationis tutorem l. si hæreditas §. 1. ff. de testam. tut. item conditionum adjectarum; novissima enim prævalet priori, præterquam in institutione hæredis, & in legato libertatis l. *tutor datus §. ult. ff. de testam. tut. l. quod traditum 87. cum duob. seq. l. sub diversis, & l. levissima ff. de condit. & dem. imò & in legato libertatis datæ per fideicommissum posterior scriptura servanda est l. per fideicommissum 90.***

ff. eod. hæc autem non alia de causa constituta sunt, nisi quia posteriora derogant prioribus l. *Divi 6 §. licet ff. de jure codicill. d. l. per fideicommissum 90. ff. de condit. & dem.* Neque enim prævalent prioribus sui momento, quod majori solemnitate confecta sunt, sed ratione solius temporis, & mutata voluntatis. Eadem de causa etiam pacta novissima derogant prioribus l. *pacta novissima 12. C. de pact. l. si unus §. pactis ne peteret ff. de pact. Item contractus l. si quis ante 10. in princ. ff. de acquir. vel amitt. possess. l. pacta conventa 72. ff. de contrah. empt.* Alia exempli possunt ex l. *quod iussit ff. de re judic. ex l. si quis cum procuratorio § 1. §. ult. ff. de procurator. ex l. in duobus §. ult. ff. de iurejurat. ex c. ceterum, de rescript. l. si mater C. ne de statu defuncti. ex l. illud sciendum ff. de peric. & com. rei vend. & l. si servum § 1. §. sequitur ff. de V. O.*

Ex his constat quid de consuetudine sit existimandum. Si consuetudinem suo momento velimus ponderare, legem non vincet, sicut nec à lege vincetur: paria enim sunt momenta legis, & consuetudinis l. *de quibus §. inveterata ff. de legibus.* Derogat tamen legi si posterior sit; quia quoties duo sunt actus pendentes à voluntate alicujus, ejusdem momenti, ac roboris, si uterque valere non possit, posterior derogat priori, ut constat ex his, quæ diximus. In contractibus tamen in quibus utriusque contrahentis consensus est necessarius, utriusque paritet consensus requiritur, ut posterior priori præferatur §. *ult. Inst. tit. quib. mod. toll. oblig. d. l. pacta conventa.* alioqui prior posteriori præferetur, non tamen ratione temporis, sed suo ipsius momento. Qua propter huic sententiæ de consuetudine legem abrogante non repugnat d. l. 2. *C. qua sit longa consuet.* quia ibi solum agitur de vi propria, proprioque momento consuetudinis, quod si consuetudo legem vinceret, non solum tolleretur prior legem, sed etiam posteriorem: itaque in ea lege rectè negatur consuetudinem aded sui momento valitatem, ut vincat legem.

CAPUT II.

AD L. SI IN EMPTIONE XXXIV.

In princ. ff. de contr. empt.

SUMMARIUM.

- 1 Error in re de qua contrahitur, vitiat omnem contractum.
- 2 Error contrarius consensui.
- 3 Error in accessione non vitiat contractum in re principali.
- 4 Nec in ipsa accessione.
- 5 Loca Sacra per accessionem vendi possunt.
- 6 Contractus quoad formam sunt indivisui.
- 7 Ambigua pacta contra quem interpretanda? & n. 10.
- 8 Quid sit ambiguum? & n. 15, 16. & 17.
- 9 Cujus emendatio.
- 10 Communis Pragmaticorum sententia. Rejicitur n. 11. & seqq.
- 11 Cur ambigua pacta nocent venditori.
- 12 Ex pactis venditionis adjectis sapè venditor obligatur.
- 13 Contra venditorem fit interpretatio, etiamsi ipse ex pacto obligetur.
- 14 Proponitur ac refellitur communis Eruditorum interpretatio.
- 15 Pacta venditionis à venditore adiciuntur.
- 16 Aliquando ab emptore, sed hic interponebat stipulationem.
- 17 In stipulatione verba ambigua contra stipulatorem interpretantur.
- 18 Pactum de accessione rei interponebatur à venditori.
- 19 Revardi conjectura proponitur, ac rejicitur.
- 20 Emptionis & venditionis nominibus premiscendū Veteris utebantur.
- 21 Tam nomen emptionis quam nomen venditionis totum contractum significat.
- 22 Aditus empti, & venditi in Jure vestre sapè confunduntur, & altera pro altera accipiunt.
- 23 Modus fundi venditi à venditore dicitur.
- 24 Error ad ambigui controversiam non pertinet, & aliud est error, aliud ambiguum.
- 25 Error vitiat contractum, non ambiguum.
- 26 Non est ambiguum ubi apparet voluntas contrahentium.
- 27 In obligatione generis, vel alternativa debitoris est electio.
- 28 Explicatur l. comprehensum ff. de contr. empt.
- 29 Affertur ratio cur præstandus sit Stichus, quem venditor intellexit, non quem eligit.

Paulus ait. Si in emptione fundi dictum sit, accedere Stichum servum, neque intelligatur, quis ex pluribus accesserit, cum de alio

emptor, de alio venditor senserit: nihilominus fundi venditionem valere constat. Sed La-
beo ait, eum Stichum deberi, quem venditor intellexerit. Duo sunt in hac lege explicanda. Primum cur valeat venditio. Præterea cur potius præstandus sit ille Stichus, quem venditor intellexerit, quam ille, quem intellexerit emptor.

Primum igitur dubitari potest, cur valeat venditio. Etenim satis constat inter omnes errorem in re, de qua contrahitur, vitiare tunc emptionem l. in venditionibus 9. in princ. ff. b. t. cum stipulationem l. inter 83. §. 1. l. continuis 137. §. 1. ff. de V. O. tunc omnes alios contractus l. in omnibus rebus 55. ff. de oblig. & act. Quia nullus potest esse contractus sine conventionne, & consensu utriusque d. l. in omnibus, & l. 1. §. conventionis ff. de pact. error autem consensui contrarius est l. si per errorem 15. ff. de jurisd. om. Jud. l. 2. ff. de judic. l. sed hoc ita 20. ff. de ag. & ag. pluv. arc. l. regula 9. ff. de Jur. & fact. ignor. Hinc erroris fidejussionem nullam esse respondit Paulus in l. si quis postquam. in fin. ff. de fidejuss.

Sed tamen verissima est Pauli sententia in hac lege, & communis omnium interpretatio. Si erratum fuisset in fundo, qui principaliter venibat, venditio non valeret, quia error eam vitiaret; sed de fundo convenit, & fuit erratum in Sticho, qui vendebatur per accessionem. Itaque valere debet tunc emptio fundi, cum emptio Stichi. Valet emptio fundi, quia in fundo consensum est: nec potest infirmari emptio fundi per errorem, quo erratum est in accessione. Sicut enim per accessionem non confirmatur principale, l. quod per manus ff. de jure cod. l. sed si paterfam. in princ. ff. de Senatuf. Maced. ita nec infirmari potest. Neque consentaneum est, ut accessio, que vires capit à re principali, vires ejus infringat, & labefactet. Cum igitur valeat emptio fundi, valet etiam emptio Stichi. Accessio enim cedit rei principali, ejusque naturam, & robur induit l. nihil dolo 129. §. 1. l. cum principalis 178. ff. de Reg. Jur. c. accessorium. de Reg. Jur. in 6. l. cum aurum 19. aliis l. etsi §. per veniamus

veniamus l. v. ff. 23. §. vestimentorum ff. de aur. & arg. leg. Et licet quando non subsistit amplius causa principalis, nec accessio locum habet *d. l. cum principalis, & l. eos 26. in princ. C. de usur. l. 4. C. de pof. l. 6. §. 1. ff. de leg. commiss. l. proinde 33. §. ult. ff. de Edil. Edict.* ita quoties debetur res principalis, debetur etiam id, quod rei principali accessit: *d. l. proinde §. ult. ff. de Edil. Edict. l. quod si nolis. §. illud plane ff. eod. l. cum autum §. perveniamus ff. de aur. & arg.* Nam omnia, quæ dicuntur de venditione rei principalis, dicenda sunt etiam de ea re, quæ venit per accessionem *l. ex empto 11. alias l. emptorem 12. §. si quis rem ff. de act. empt.* quoniam res principalis rapit secum accessionem *l. 4. in princ. ff. de pen. legat.* Itaque non solum vitium accessionis non influit in rem principalem; sed ab ipsa quodammodo purgatur, atque diluitur. Exemplum esto. Loca Sacra, ac Religiosa cum nullius sint in bonis §. nullius Inst. tit. de rer. divis. emi vendique non possunt §. loca sacra Inst. tit. de contr. empt. l. si in emptione 34. §. 1. & l. hanc legem 22. in fin. ff. de contr. empt. Verum tamen si non specialiter vendantur, sed emptioni alterius rei accedant, valet eorum venditio, & ad eas petendas emptori datur actio ex empto *l. hanc legem 22. cum duabus seqq. ff. de contrab. empt.* Et errat Ant. Fab. qui contrà sentit. Tacit. lib. 1. Annal. propè fin. Falanio obiciebat accusator, quod vendidit hortis, statum Augusti simul mancipasset &c. Qua ubi Tiberio notuere, scripsit Consulibus &c. Nec contra religiones fieri, quod Effigies ejus, ut alia Numinum simulacra, venationibus hortorum, & domum accedant. Aliter rem narrat Dio lib. 57. in fin. Vide l. non contrahis 5. in fin. cum l. seq. ff. ad leg. Jul. majest. Hoc autem multò magis statuendum est in specie, de qua agimus. Etenim cum rei principalis, & accessionis una sit venditio *l. quod si nolis 31. §. ult. ff. de Edil. Edict.* non potest venditio esse partim utilis, partim inutilis, ea de causa, quod desit consensus in accessione; quia consensus est de forma emptionis Inst. tit. de oblig. ex consens. cum si-

milibus: Contractus autem quoad formam 6 sunt individui l. 1. §. 1. & l. continuus 137. in princ. ff. de V. O. itaque non potest partim habere formam, partim eam non habere; partim esse, & partim non esse, argum. text. in l. si ita 39. §. ult. ff. de oper. libers. l. pro parte 11. in fin. ff. de servit. l. una est 18. ff. de servit. rustic. pradior. Est igitur jure responsum valere non solum fundi venditionem, sed etiam Stichum, qui accessit venditioni fundi.

Illud omnium, qui umquam fuerunt, interpretum torfit ingenia, quod secundo loco in ea lege traditur, cum Stichum deberi, quem venditor intellexerit. Videtur enim potius deberi Stichus, quem emptor intellexerit. Ambigua, atque obscura pacta venditori nocere, toties à Veteribus traditum, ut dubitari ea de re non possit. *l. Veteribus 39. ff. de pact. l. cum in lege 33. ff. de contr. empt. l. in contrabenda ff. de Reg. Jur. Prodest autem venditori, non noceret; si dare posset eum, quem ipse intellexit, argum. text. in l. gratè 8. §. idem Julianus. cum seq. ff. de fidejuss. & noceret emptori, qui cogebatur accipere eum Stichum, quem emere volebat. Nec dubitari potest ambiguum esse venditionem Stichum, cum plures essent Stichum, & singuli possent eo nomine comprehendì, nec intelligatur quis sit venditus. Isidor. lib. 2. 8 cap. 5. Ambiguitas est, cum id quod scriptum est, duas aut plures res significare videtur. Felt. in voce ambiguum. Ambiguum est, quod in ambas agi partes animo potest. Facit text. in l. cum Stichus 29. ff. de Jul. l. ubi est verborum 21. ff. de reb. dub. Et Quinil. lib. 7. Inst. orat. cap. 9. hoc primum ambigui genus ponit, quod inordinatum dicitur, cum singula verba afferunt errorem, cum pluribus rebus, aut etiam hominibus eadem appellatio est, ut Gallus; utrum enim avem, an gentem, an nomen, an fortunam corporis signi cet, incertum est; & Ajax, Telamonis, an Oj ei filium. Et paulò post. Unde fere lites, præcipue ex testamentis, cum de libertate, aut etiam de hereditate contendunt ii, quibus idem nomen est: aut quid sit legatum, queritur. Facit ad hanc rem text. in l. si fuerit 10.*

ff. de reb. dub. ubi hæc luculenter explicantur.

Cujacius Interpretum nostrorum eruditione, doctrinâque, & rerum copiâ facile princeps, unius voculæ mutatione scopulum hunc alacriter est prætervectus. Etenim in
9 *explicatione l. Veteribus ff. de pact. l. quicquid* ita legendum esse: *cum Stichum præstandum, quem emptor intellexerit.* Sed neque possum, si velim; nec vellem, si possem, hanc legem emendare.

Alii verò, inter quos Pragmatici plerique omnes, hoc modo rem expellunt. In ambiguis interpretatio fieri debet contra eum, qui ex obscura conventionē aliquid petit, & ex ea sibi aliquem obligatum esse contendit: quoniam ille, qui petit, & conventioni innititur, probare debet sibi deberi id, quod petit; nam actore non probante reus absolvitur *l. 2. ff. de probat. l. 4. C. de edend. l. siquidem 9. C. de except. l. negantes 9. C. de oblig. & act.* Nec satis probat, qui nititur obscurâ, & ambigüâ conventionē, *c. in præsentia de probat. l. non nudis C. de probat.* Quamobrem in nostra lege fit interpretatio contra emptorem, quia cum ipse Stichum petat, probare non potest, quis Stichus sibi debeatur.

Sed vereor non defendi possit hæc sententia: ac multa concurrunt simul, quæ de
11 ea dubitem. Primum quia nusquam in Jure nostro traditum est, idem pacti ambigua nocere venditori, quia venditor ipse sit actor, & probare debeat, quod probare non potest propter obscuritatem pacti: Sed nocere venditori, quia debuit perspicue, ac luculenter, non obscure dicere, *l. Labeo 21. ff. de contr. empt. l. Veteribus ff. de pact. l. quicquid 99. ff. de P. O.* tùm quia nihil dicere videtur qui obscure, & persulorise loquitur *l. de etate 5. nihil ff. de inter. act. l. aut qui aliter 5. 1. ff. quod vi aut clam.* tùm quia plerumque dolo non caret, qui ambigüâ, obscurâque utitur oratione. *l. ea qua 5. ult. ff. de contr. empt. l. qui libertatis 5. sed et si quis ff. de evict.* Et sanè nulla non ratio suadet, ambigua, & obscura verba nocere debere ei, qui protulit; est enim eut id sibi imputet, cum posset apertius dicere.

Præterea semper Veteres Jurisconsulti nos monent, ut ambigua pacta contra venditorem interpretemur. *l. Veteribus ff. de pact. l. Labeo 21. l. cum in lege 33. ff. de contr. empt. l. in contrahenda ff. de Reg. Jur.* At si superiorem regulam à Pragmaticis traditam sequi volumus, sæpissimè ambigua, & obscura pacta contra emptorem pro venditore debemus interpretari: quia sæpissimè ex pacto adjecto venditioni venditor ipse obligatur, & reus est, non actor ut in *l. quod si nolit 31. 5. 1. ff. de Edict. Edict. l. qui fundum 40. in princip. & in 5. 1. & 5. dolia l. cum venderes 59. l. si cum fundum 68. in princip. ff. de contr. empt. l. teneretur 6. 5. si vas, & 5. sed si fundum. l. Julianus 5. idem Julianus l. si venditor. 38. in princip. ff. de action. empt. l. quid sit fugitivus 17. 5. ult. & l. seq. & toto ferè tit. ff. de Edict. Edict. l. si distum 56. l. quod ad servitutes, & toto tit. ff. de evict. l. si ex plagis 5. quidam ff. ad Leg. Aquil. l. traditio ff. de acquir. rer. dom. l. non tantum ff. de Verb. sign. l. si qui duo 19. ff. de servit. prad. rustic. & ubique passim. In his omnibus adjectum erat à venditore pactum, quo ipse venditor obligabatur: itaque aut falsa est illa regula, quæ nos monent Veteres interpretationem faciendam esse contra venditorem, qui dixit: aut falsa est Pragmaticorum regula, quæ docemur interpretanda esse verba contra actorem, pro eo, qui est obligatus.*

Denique ut nullus pateat evadendi locus, rem paucis conficiam. Si in venditione sit adjectum hujuscemodi pactum: *Stillicidia tui nunc sunt, ut ita sint:* obligatur hoc pacto venditor emptori, quia hæc verba significant rei venditæ servitutem deberi, ut ait
13 Ulpian. in *l. si arborum 17. 5. hac lex. ff. de servit. prad. urban.* Et tamen si non appareat de quibus stillicidiis actum sit, ambigua hæc oratio venditori nocet. *l. cum in lege 33. ff. de contrab. empt.* ergo etiam si ex ambiguo pacto venditor obligetur, tamen contra ipsum fit interpretatio.

Respondent postremo loco, ut omnium opiniones refellam, se id omnes politionis literaturæ Interpretes: Ambigua verba inter-

pretanda esse contra eum, qui obscure dixit, cum posset dilucidè voluntatem suam explicare. Quid sit, ut cum venditionis pacta plerumque adjiciantur à venditore, noceant ipsi venditori, qui ambiguit locutus est. Atqui in nostra lege, idèd verba ambigua noceant emptori, non venditori; quia verba illa protulerat emptor, non venditor: & emptioni Stichum accessurum emptor ipse dixerat; suæque stupiditati, vel negligentiae, ferat acceptum, si non habet servum, quem voluit. Ac si possent probare pactum illud ab emptore adjectum fuisse, nihil jam mutare auderem. Sed cum nullam afferant conjecturam, divinare mihi videntur, & hariolari.

Imò vero ego contrà existimo probari posse satis evidenter, pactum illud à venditore adjectum fuisse. Primum quia pacta à venditore semper adjiciuntur, ut observare poterit, quicumque nostrum Jus Civile diligenter evolverit. Et ratio est, quia nemo cogitur ad vendendum invitatus *l. nec quasi publicianam 70. ff. de rei vindic. l. non aequum ff. verum amoi. l. invictum 11. l. dudum 14. C. de contr. empt. ac propterea rei suæ, quam vendit, legem dicere debet, quam voluerit l. legem C. de pact. est enim rei suæ moderator, & arbitri l. in re mandata C. mand.* Eleganter Plaut. in *Capriov. act. 1. scen. 2.*

Quasi fundum vendam, me meis addicam legibus.

Et in *Epidic. act. 3. scen. 4.*
Estne empti mihi hac? Periph. istis legibus habeas licet.

Imò ipse venditor pretium indicabat. Idem in *Perf. act. 4. scen. 4.*

S. Indica, fac pretium. D. tua merx est, tua indicatio.

Respondent quidem illi, quodd licet pacta plerumque à venditore adjiciantur; aliquando tamen adjiciuntur etiam ab emptore *l. hac venditio 7. §. 1. l. pacta conventa 71. l. cum manus 80. §. 1. ff. de contr. empt.* Sed nemo non videt has leges ad rem non pertinere. Non tamen constanter negaverim aliquando ab emptore pacta adjecta fuisse, sed fortasse emptor, quantum conjecturâ assequi possum, de pactis à se adjectis interponebat

stipulationem, ut in *l. cum ab eo 41. in princ. ff. de contr. empt. l. evicta re §. ult. l. si ita quis ff. de evict. l. Laber. §. 1. ff. de Edil. Edict. & alibi passim. Vatro de re rustic. lib. 2. cap. 1. In emptione alias stipulandum esse è valerudinario, alias è sano pecore, alias è nervo. & eod. lib. cap. 2. Emptor stipulatur priscâ formulâ sic: illasce oves, quæ de re agitur, sanas recte esse, uti pecus ovillam, quod recte sanum est, extra surdam, luscum, minam, id est, venire glabro, neque de pecore morbofo esse, habereque licere; hac sic recte fieri spondes? Et cap. 3. Illas capras hodiè recte esse, & bibere posse, habereque recte licere, hæc spondes? Et similes stipulationes proponit capitibus, quæ subsequuntur: & cap. 10. In pastorum emptione solet accedere peculium, aut si excipiet, stipulatio intercedere, sanum enim esse, furtis, noxisque solutum. Harum autem stipulationum formulas composuerat Manilius Jurisconsultus, unus ex iis, qui Jus Civile fundasse dicuntur à Pomponio in *l. 2. §. post hos 39. ff. de Orig. Jur.* à quo dicebantur actiones Manilianæ. Vatro de re rust. lib. 2. cap. 3. & §. 5. & 7. vel leges Manilianæ Cic. lib. 1. de orat. Nec quisquam est eorum, qui, si sit addiscendum sibi aliquid, non Tencrum Pacuvii malit, quam Manilianas venulium vendendorum leges ediscere. Sed ad rem redeamus. Aliquando etiam stipulatio necessaria erat, ut in *l. quod si locus ff. de relig. & sumpt. fun.* Itaque cum emptor stipularetur ea, quæ volebat adjicere, ut de sanitate, de dupla, de evictione; utique contra ipsum emptorem fiebat interpretatio, quia in stipulationibus ambigua, & obscura verba nocent stipulatori. *l. quicquid adstringende ff. de V. O. l. stipulatio ista 38. §. in stipulationibus ff. eod. l. cum quaritur ff. de reb. dub.* Pacta igitur à venditore adjiciebantur, quoniam venditor de iis non stipulabatur, & quicquid adjiciebat rei suæ, & venditioni legem dicens, pactum à venditore adjectum dicebatur.*

Sed ut ad rem propius accedam, animadverto in nostra lege agi de eo pacto, quo convenit inter contrahentes, ut servus accederet venditioni suad: hujusmodi autem

18 pacta, quibus cavebatur, ut aliquid accederet venditioni rei principalis, semper adiciebantur à venditore, ut in *l. qui fundum §. 1. & §. dolia ff. de contr. empt.* observando quod omnia verba ejus legis referuntur ad initium legis, & reguntur à casu recto, venditor, qui initio positus est: item in *l. si cum fundum 68. in princ. ff. de contr. empt. l. tenetur 6. §. sed si fundum ff. de ali. empt. in l. ex emptio 11. §. si quis rem, alias l. emptorem 2. ff. eod. l. si quis cum fundum 26. l. quicquid venditor 27. l. si mercedem 33. ff. eod. l. insulam 38 in princ. ff. locat. l. proinde 33. ff. de Ed. Edict. l. servi. §. ff. de evict. l. quod ad servitutes ff. eod. l. Insulam ff. qui pos. in pign. habeant. Nusquam autem in Jure nostro reperiri arbitror, ejusmodi pactum ab emptore adjectum fuisse. Imò & quod pretio accedere debebat, venditor dicebat. Rectè venditor apud Plaut. in *Perf. alt. 4. sc. 4.**

Hæc tu, etiam pro vestimentis huc decem accedam mina.

Quis igitur tam perficitæ frontis erit, ut sine exemplo, sine conjectura audeat affirmare in nostra lege illud ab emptore adjectum fuisse, seque nobis id putet posse persuadere?

Doctissimus Rævardus, & quidam alii sagaciores, & emunctæ naris Interpretes, ut qualemcumque conjecturam adducant, observant verba illa legis: *Si in emptione fundi dictum sit &c.* Si dictum fuit in emptione, utique dictum fuit ab emptore: quia emptio ad emptorem refertur, & ab emptore contrahitur, sicut venditio refertur ad venditorem, & à venditore contrahitur.

Sed nihili est hæc observatio, nam paucis verbis interpositis, *venditionem* appellat Jurisconsultus, quam modo *emptionem* nominaverat: ibi, *nihilominus fundi venditionem valere.* Veteres enim in emptione, ac venditione appellationibus promiscuè utebantur, ut ait Gajus in *l. Petres 19. ff. de act. empt.* Quamobrem id à iis frequenter usurpatur, ut quod modò emptionem dixerant, paulò post venditionem nuncupent, ut in *l. 2. §. 1. in l. hæc venditio 7. §. hujusmodi. cum seqq. in l. nec emptio 8. §. aliquan-*

do in l. in venditionibus 9. in fin. junctâ l. seq. in l. & si 15. in princ. in l. quod scilicet 33. §. in his. l. si duos 44. l. res 54. l. Julianus 64. ff. de contr. empt. l. cum autem §. 1. ff. de Edict. l. quod si nolitis. 31. §. ult. ff. eod. Et ratio est, quia qui emptionem dicit, complectitur etiam venditionem: & contrà qui nominat venditionem, comprehendit etiam emptionem. Nam & nomen emptionis totum contractum significat *l. 1. in fin. l. 2. in princ. l. 3. & 4. 21 l. in venditionibus 9. & alibi passim ff. de contr. empt.* & nomen quoque venditionis de toto contractu dicitur *l. 2. §. 1. l. 7. in princ. & ubique ff. eod.* quia nec emptio sine venditione, nec venditio sine emptione esse potest. Hinc nomen venditionis aliquando ad emptorem refertur, & emptor dicitur adimplere venditionem *l. domum 37. in fine principii ff. de contr. empt. l. si ita 25. & l. si duos 44. ff. eod.* Imò cum ex hoc contractu dux nascantur actiones empti, & venditi inter se separata, atque dissimiles (nam actio empti datur emptori ad consequendam rem venditam *l. ex emptio 11. in princ. ff. de act. empt.* contrà actio venditi datur venditori ad consequendum pretium *l. Julianus 13. §. ex vendito ff. eod. l. 1. ff. de rer. perm. &* tamen aliquando actio empti nuncupatur à Veteribus actio venditi, ut in *l. sed hoc nomina 26. & in l. si cum venditor 66. §. 2. ff. de evict. in l. ex conventionem C. de pact. in l. 1. C. sine censu vel reliq.* Contrà verò actio venditi vocatur actio empti *l. un. C. si servus extero se emi mand. l. Julianus 13. §. si procurator 25. ff. de action. empt.* Sed harum actionum nomina rarò admodum confunduntur, quia altera cum altera nihil commune habet: at in appellationibus emptionis, & venditionis nulla regula observatur: quia nulla causa est cur hunc contractum venditionem potius appellemus, quàm emptionem. Itaque quod in nostra lege ita enuntiatur: *si in emptione fundi dictum sit accedere Stichum* in *l. proinde 33. ff. de Edict. Edict.* aliter hoc modo dicitur: *quod in venditione accessurum esse dictum est.* Et in *l. quod si nolitis 31. §. ult. ff. eod.* *Quod emptioni accedit, parsem esse venditionis Prudentibus visum est.* & alibi venditioni

accedere aliquid dicitur ut in l. 1. §. 1. *vers.*

Instit. tit. de inus. stipul. Plaut. in *Amphitr.*

¶ *Si q. id aliud ff. cod. l. cum autem 23. §. 1. l. quot si nolit 31. §. restitui 19. ff. cod. l. itaque 32. in fin. l. seq. in princ. l. iustissime. in princ. ff. de Aedil. Edict. l. venditi in fin. C. de ass. empr.* Alio verum est ex his verbis nullam satis idoneam duci posse conjecturam. Et sanè quod emptio nominetur, etiam ubi aliquid à venditore dictum est, satis constat: quia in agro, fundoque vendendo modus à venditore dicitur. l. si in

qualitate 22. l. si duorum 42. ff. de ass. empr. l. qui fundum §. qui agrum ff. de contr. empr. absurdum enim esset modum rei venditæ ab emptore dici, cui eà tantum de causâ dicitur, ut sciat quantum agri emat: & tamen, licet modus à venditore dicatur, sæpè Vereres modum fundi venditi in emptione dictum ajunt. l. si in emptione 2. ff. de ass. empr. & l. Julianus §. si Titius ff. cod. Plura omitto: neminem enim futurum arbitror, qui de his possit dubitare.

His expositis constat, quam variæ sint hac de re Interpretum nostrorum sententiæ. Ac mihi quidem, ut dicam quod sentio, nodum in scirpo querere videntur. Existimo enim hanc legem ad ambigui controversiam non pertinere. Duo igitur sunt explicanda. Primum, quod hæc lex perperam allegatur, ubi ambigui interpretatione disputatur. Deinde, cur præstandus sit ille Stichus, quem venditor intellexerit.

Non pertinet hæc lex ad ambigui controversiam: quia in ea erravisse contrahentes supponit Paulus; supponit enim de alio servo emptorem, de alio sensisse venditorem. Aliud est errare: aliud ambigüe pacisci. Distinguuntur hæc in l. heredes 21. §. 1. ff. qui test. fac. poss. Errant in re contrahentes; quoties in eadem re non conveniunt; sed aliquis eorum de una re, alter de alia sentit, seque contrahere putat: erratur enim quoties aliud pro alio accipitur. l. si per errorem 15. ff. de jurisd. om. Jud. l. 2. in princ. *vers.* aut si putaverunt ff. de jud. l. 9. in princ. ff. de contr. empr. l. inter stipulantem 83. §. 1. l. continui 137. §. 1. ff. de verb. obi. §. si de alia.

Qui me Amphitrionem rentur esse, errant probe.

Itaque in nostra lege errarunt contrahentes, cum de alio emptor, de alio venditor senserit, & uterque putaverit se de eodem sensisse. Quocirca querit ibi Paulus an valeat venditio. Absurdè hoc quereretur si ibi ageretur de ambiguo. Hoc enim non vitiat contractum. Ambigüe verò pacisci dicuntur contrahentes, quoties non satis constat quid senserint contrahentes, nec apparet quid actum sit: ac propterea confugiendum est ad interpretationem verborum. Quamobrem error vitiat omnes contractus, quia quandoque constat de errore, constat etiam de dissensu contrahentium ex dd. ll. Ambiguitas autem, & obscuritas non vitiat, quia non constat dissensisse contrahentes, & interpretatione res expeditur l. in contrahenda 172. ff. de Reg. Jur. cum similibus. Quod si constet quid actum sit, & appareat quid senserit ille, qui ambigua verba protulit, non amplius dubia, obscura, incerta res est, cum in conventionibus voluntas potius, quam verba spectentur. l. in conventionibus ff. de V. S. Eleganter ad rem nostram. Cic. lib. 2. de Invent. Ex ambiguo autem nascitur controversia, cum quid senserit scriptor, obscurum est. Auct. ad Heren. lib. 2. Nec esse ambigüe scriptum, cum intelligatur utra sententia vera sit. Quintil. lib. 7. *Instit. cap. 9.* Ideoque frustra præcipitur, ut in hoc statu vocem ipsam ad nostram partem conemur vertere, nam si id fieri potest, amphibolia non est. Pomponius in l. cum in lege 33. ff. de contr. empr. primum spectari oportet quid actum sit: si non id appareat, tunc id accipitur, quod venditori nocet, quia ambigua oratio est. Igitur ambigua oratio est, quæ venditori nocet, cum non apparet, quid actum sit, cum incidit voluntatis questio, cum queritur de voluntate l. cum queritur. 26. ff. de reb. dub. l. cogi. 16. in princ. ff. ad S. C. Trebell. l. si peculium 10. §. ult. ff. de man. test. l. evicta 16. §. si servus. *vers.* sameisi ff. de evict. Itaque in Jure nostro opponuntur

hæc inter se : apparet quid actum sit ; & res est in obscuro. *l. cum manu* 80. §. *syloa ff. de contr. empt. l. si quis vina* 4. *in princ. ff. de peric. & com. rei vend. l. Titius* 48. *ff. de act. empt.* Id enim , de quo constat , est exploratum , & non dubium , non ambiguum ; hoc est , ambiguo contrarium. Hinc quæ in Jure certa sunt , non ambigui Juris esse dicuntur *l. curatorem* 10. *C. qui dar. int. poss. l. ult. C. de crim. expil. hered. l. ult. C. de fidejuss. tur. l. 9. C. de collat.* Quæ aliter dicuntur , Juris explorati *l. 7. C. de usufr. l. 7. C. de rei vind. l. 7. C. de cond. ind. l. 1. C. si cert. per. l. 8. C. quod cum eo l. 6. C. de pass. conv. & passim.*

Cùm igitur in nostra lege supponat Paulus de alio Stichum emptorem , de alio sensisse venditorem , certum est pactum , & non ambiguum , ac nulla incidit voluntatis quaestio ; quare nec conjecturis opus est ad indagandam contrahentium voluntatem , nec admittitur interpretatio. *l. continui* §. *cum ita. in fin. ff. de verb. oblig. l. pediculis* §. *argento ff. de auro , & arg. leg. l. in lege* 77. *ff. de contr. empt. l. cum manu* 80. §. *syloa ff. eod. l. cum in lege* 33. *in fin. ff. eod.* In ambiguis enim , & obscuris , & in quibus incertum est quid acti sit , desideratur interpretatio. *l. in ambiguis , & l. in contrahenda* 172. *ff. de Reg. Jur. l. rapienda* 168. §. 1. *l. ea qua* 192. §. 1. *ff. eod. l. nepos* 125. *ff. de V. S. l. stipulatio ista* 38. §. *in stipulationibus ff. de V. O. l. cum in testamento* 24. *ff. de reb. dub. l. in Prætoris* 9. *ff. de Præst. stipul. Cic. lib. 2. de Invent.* Cùm lex contrahens aperte scripta est , *Judex ei parere debet , non interpretari.*

Sed , inquiet aliquis , Stichi nomen , quod est sunt contrahentes , ambiguum est , *l. ubi ff. de reb. dub.* Est utique ambiguum : non hoc negamus. Atqui nullum ferè verbum ambiguum non est , ut ait Cicero : sed cùm constet quid senserint contrahentes , non est amplius ambiguum , nam id solum significat , quod voluerunt contrahentes , non utrumque *l. 3. ff. de reb. dub. l. nepos* 125. *ff. de V. S. l. in ambiguis* 96. *ff. de Reg. Jur.* quia voluntas potius , quam verba spectan-

tur *l. in conventionibus ff. de V. S. Auð. ad Heren. lib. 4. per ambiguum , cum verbum potest in duas pluresve sententias accipi , accipitur in eam partem , quam vult is , qui dixit.* Sed rursus opponet aliquis. In nostra lege ita Paulus : *Si in emptione fundi dictum sit accedere Stichum servum , nec intelligatur , quis ex pluribus accesserit.* Ambiguum igitur , quia non intelligitur quis ex pluribus accesserit. Non ita est. Aliud est , quod non intelligatur , quid senserint contrahentes : aliud , quod non intelligatur , quis accesserit. In nostra lege intelligitur quid senserint contrahentes , quia de alio emptor , de alio venditor sensit : non tamen intelligatur , quis accesserit venditioni , quia in eodem servo non conveniunt contrahentes : & nisi hoc à Jure statuatur , id neque ex verbis , neque ex mente contrahentium potest intelligi ; quia tam verba , quam voluntas utrumque Stichum comprehendunt , cùm tamen unus tantummodò debeat accedere. Idemque accidit in omni errore : nam licet constet non convenisse contrahentes , non tamen intelligitur utra res in contractum deducta sit ; cùm hic de illà , ille de alià re senserit , atque contraxerit.

Veniamus ad id , quod secundo loco proposuimus explicandum. Cùm non sit ambiguum pactum , non est interpretandum contra venditorem , quia nullà opus est interpretatione. Imò servus ille præstandus est , quem venditor intellexerit. Quid ita ? quia cùm contrahentes erraverint , si quidem servus non esset venditus per accessionem , non valeret emptio : sed cùm valeat emptio , quia per accessionem venditus est , ut initio exposuimus , nulla causa est , cur dicamus hunc potius , quam illum fuisse venditum. Emptor probat se de hoc sensisse : contra venditor probat se sensisse de alio : uterque videtur in obligationem deductus , non quod uterque sit præstandus , sed quod alteruter ex his duobus sit præstandus. Eò itaque res redit , ut videatur venditus Stichus , vel in genere unus ex illis duobus , quos habebat venditor ; vel alternativè , hic , aut ille Stichus : utroque enim modo

res eodem recidit. Atqui si venditus esset Stichus in genere, vel alternativè, præstandus esset ille, quem venditor intellexit, & elegit. *l. si ira 25. & eadem l. si in emptione 34. §. pen. ff. de contr. empt.* Nam in contractibus quoties plures res in genere, aut alternativè deducuntur in obligationem, debitoris est electio *l. qui ex pluribus 106. ff. de verb. obl. l. plerumque 10. in fin. ff. de jur. dos. l. 2. §. Scavola ff. de eo quod cert. loc. §. si quis agens 33. verj. hinc autem. Inst. tit. de act.* Et hanc sententiam mirificè probat text. in *l. comprehensum 60. ff. de contr. empt.*

29 ibi: *comprehensum erat in lege venditionis doli sexaginta emptori accessura, cum essent centum: in venditoris fore potestate responsum est, qua vellet dare:* (ac ne possint hic Interpretes captare verbum *emptionis* ut in nostra lege; observandum hic nominari venditionem) sic in nostra lege dictum erat accessurum Stichum, cum duo essent Stichi servi, utique in potestate venditoris est, quem vellet dare; nempe quem probat 30 se voluisse accedere. Similis est text. in *l. si servus. penult. §. ult. ff. de act. empt.* in qua est observandum, quod continetur ejusdem Labeonis sententia à Paulo confirmata, quemadmodum in nostra lege *si in emptione 34. ff. de contr. empt.*

Postremò ad explicationem ejus legis animadvertendum est, quod ait Paulus, *eum servum præstandum, quem venditor intellexerit:* non verò quem venditor elegerit, quia, cum non possit constare de alio sensisse venditorem, nisi id ipse probet: utique eum ipsum dare vult; frustra enim contenderet cum emptore, si vellet ei dare servum illum, quem emptor desiderat, ac voluit accedere venditioni. Itaque hunc ipsum venditor elegit, quem intellexit, & quem accedere voluit; nam si hunc non eligeret, emptori daret eum quem petit, nec contenderet se de alio sensisse. Nec æquum est, ut, cum volueris unum vendere, atque eo animo contraxerit, mutet modò voluntatem, & alium eligat, neque enim in contrahendo reservavit sibi electionem, aut eo animo contraxit, ut postea eligere posset,

ut evenit in eo qui contrahit de re in genere, vel disjunctim: sed contraxit eà mente ut se obligaret ad dandum Stichum, quem tunc intellexit, adeoque non potest mutare electionem.

CAPUT III.

AD L. GRÆCE 8. §. ILLUD commune ff. de fidejuss.

SUMMARY.

- 1 Explicatur *l. Græce 8. §. illud commune ff. de fidejuss.*
- 2 Quid significet verbum omnino, & omnino non, tam apud Veteres Scriptores, quam apud Petros Jurisconsultos.
- 3 Qui de universis loquitur, nihil excipit.
- 4 Fidejussor in duriores causas adhibetur quatuor modis.
- 5 Verba, non in solidum, convenire non possunt fidejussoribus, qui loco, tempore, aut causa plus promittunt.
- 6 Hi nullo modo, nullaque ex parte obligantur.
- 7 Generaliter & sine ulla exceptione semper traditum est, fidejussorem in duriores causas accipi non posse.
- 8 Fidejussor non solum obligari, sed etiam accipi, & adhiberi in duriores causas prohibetur.
- 9 Aliud est accipere fidejussorem: aliud cum obligari.
- 10 Vitium in forma vitiat actum. Forma non potest suppleri, neque actus redigi potest ad formam Juris.
- 11 Utile per inutile non vitatur.
- 12 Hac regula non habet locum cum vitium est in forma actus.
- 13 Fidejussor plus promittens in aliam obligationem accipi videtur.

Nescio, quo fato factum fuerit, ut, cum & à Veteribus Jurisconsultis traditum sit, & ab Antiquis Interpretibus constanter approbatum, fidejussorem promittentem majorem quantitatem, quam debeat reus principalis, non obligari: postea repente ab Interpretibus nostris in contrariam sententiam ium fuerit, ad quam tuendam perverſa interpretatione coguntur detorque Ulpiani verba in *l. græce 8. §. illud commune ff. de fidejuss.* Ait Ulpianus: *Illud commune*

est in universis, qui pro aliis obligantur, quod si fuerint in duriorē causam adhibiti, placeat eos omnino non obligari. Verbum illud omnino interpretantur, in solidum: quasi dixerit Ulpianus, eos quidem in solidum non obligari, sed pro parte, videlicet pro ea parte, pro qua tenetur reus principalis. Sed hæc interpretatio & est contra rectam rationem Latini sermonis; & est planè absurda; & falsam sententiam continet.

Est contra rectam rationem Latini sermonis, quia verbum omnino nunquam significat in solidum, sed prorsus, funditus, planè, utique. Cic. Tuscul. 1. omnino, aut magna ex parte liberatus. Opponuntur hæc omnino, & magna ex parte. Id. pro Cornel. Balb. Qua labore hujus aut omnino, aut cerè facilius consequuntur. Idque præsertim postpositâ adjectione negante, omnino non, omnino nunquam, & similibus. Cic. lib. 2. Orat. Poetas omnino, quasi alienâ quadam lingua loquuntur, non conor attingere. & lib. 3. ad Attic. epist. 23. Se enim Clodium sanxisse, ut vix, aut omnino non posset, nec per Senatam, nec per Populum infirmari sua lex. Opponuntur vix, & omnino non. Id. lib. 2. de Orat. Theopompus, & Ephorus hocrate Magistro impulsî ad industriam se conulerunt: causas omnino nunquam attigerunt. & de Amicit. omnino nusquam reperiri. & alibi: omnino nequaquam par, & alio loco: ut non mutum, aut nihil omnino Græcis cedamus. & lib. 1. ad Lentulum. epist. 7. eaque, quæ de ea scripta est auctoritas, cui scis intercessum esse, ut ne quis omnino Regem reduceret. Horat. Sermon. lib. 2. Sat. 8.

— — — Ut nihil omnino gustaremus.
Terent. in Andria.

Nempè huic prorsus illam non dat.

Id. in Eunuch. Illum liquet mihi degerare his mensibus, sex, vel septem prorsus non vidiſſe proximis.

Nec aliorum in Jure nostro usurpantur hæc verba. In l. 1. §. ult. ff. de oblig. & action. Non de eo nos loqui, qui tardius exaudit, sed qui omnino non exaudit. In l. continens 157. §. cum quis ff. de V. O. Cum quis sub hac conditione stipulatus sit, si rem

sacram Titius vendiderit, ubi conditio Jure impleri omnino non potest. In l. 1. §. sed utrum ff. de eo, qui pro tutor. & si quidem omnino non attingit tutelam, non tenebitur. In §. item surdus Instit. tit. quib. non est permis. fac. testam. Utique autem de eo surdus loquimur, qui omnino non exaudit, non de eo, qui tardius exaudit. In §. minus Instit. tit. de inue. stipul. unde apparet non de eo nos loqui, qui tardius exaudit, sed de eo, qui omnino non audit. Est etiam absurda hæc interpretatio, absurdam enim sententiam affingit Ulpiano. Quod ut demonstremus, duo præmittenda. Primum, quod hic agit Ulpianus de omnibus fidejussoribus, qui in duriorē causam adhibentur. Illud commune est in universis. 3. Cic. 4. Acad. quest. Hac loquor de universis. nihil excipit, de quo non profiteatur, quid enim esse potest extra universa? Non tamen hoc ita accipiendum est, ut comprehendat etiam mandatores, & reos constitutæ pecuniæ, tum quia in hac longissima lege non agitur nisi de fidejussoribus, & regula proposita explicatur solummodo exemplis fidejussorum: tum quia verba illa, qui pro aliis obligantur, propriè conveniunt fidejussoribus, qui semper pro aliis obligantur, & iteō fidejussores per antonomasiam dicuntur illi, qui pro aliis obligantur: nam mandatores, & rei constitutæ pecuniæ plerumque pro se ipsis, non pro aliis obligantur: tum denique quia falsa esset sententia, si comprehenderet hos omnes. Etenim reus constitutæ pecuniæ in duriorē causam rectè accipitur l. 1. §. an pot. ff. l. 4. l. cum qui §. l. id, quod 19. ff. de const. pecun. Loquitur igitur Ulpianus de solis fidejussoribus: sed tamen de universis fidejussoribus, qui in duriorē causam adhibentur.

Secundò præmittendum est, quod quatuor modis in duriorē causam fidejussor adhibetur, vel ratione loci, vel ratione temporis, vel ratione causæ, vel ratione quantitatis. Ratione loci, si aut certo loco, aut alio loco minus commođo promittat l. ff. fidejussor. 16. §. 1. & 2. ff. de fidejuss. ratione temporis, si id agatur, ut fidejussor vel obligetur, vel conveniri possit ante

reum

teum principale: ejus rei exempla prop-
nuntur in hoc nostro §. *illud commune*.
versic. item. in l. fidejussor. 16. §. pen. in l. si
à reo 70. in princ. & §. 1. ff. de fidejuss.
ratione causæ in obligationibus disjunctum
contractis, quoties, aut fidejussor non habet
electionem, quam reus principalis, aut
caret spe liberationis, quam habet princi-
palis, ut in nostra *lege græci* §. *si quis*
Stichum, & §. *seq. in l. hi, qui 34. ff. de*
fidejuss. ratione quantitatæ, si plus promittat.
§. fidejussores Instit. tit. de fidejuss. & nostro
§. illud commune.

His præmissis constar, quam absurdam
locationem affingant Ulpiano, qui verba
illa *omnino non*, interpretantur, *non in so-*
lidum. cum enim hæc verba referantur ne-
cessariò ad quantitatem, non possunt ullo
modo convenire illis fidejussoribus, quæ vel
ratione loci, vel temporis, vel causæ in
duriorem causam adhibentur, & tamen de
his maximè agit Ulpianus in laudata lege.
Quis enim dixerit, eum qui loco minùs
commodo promittit, aut citiore die, aut
purè pro reo sub conditione obligato, & his
similes *le jussures in solidum non obligari*?
Ne Barbari quidem ita loquuntur. Quid
enim attinent ad locum, ad tempus, ad
causam, verba, *in solidum*? Ridenda in-
sultitas est, hoc modo leges interpretari.

Nec solùm insulsam locutionem, sed
etiam falsam sententiam affingunt Ulpiano,
perverrà hac interpretatione. Falsum est
enim, quod illi qui adhibentur in duriorem
causam tribus illis modis, quos primò recen-
suimus, in solidum non obligantur. Certum
est enim eos nullo modo, nulla ex parte
obligari, ut constat ex legibus suprà lauda-
tis. Qui autem dicit aliquem in solidum
non obligari, supponit eum aliquo modo,
aliqua ex parte obligari. Itaque illa locutio
& convenit solis fidejussoribus plus quanti-
tate promittentibus, & in his solummodò
vera est: in cæteris, & absurda est, & fal-
sam continet sententiam, & tamen de his
potius agitur, quàm de illis, ut demonstrant
exempla, quæ ibi subjiciuntur.

Et sanè semper in Jure nostro traditum

est, fidejussores in duriorem causam accipi
non posse, eos non obligari, plus esse non
posse in accessione, quàm in re principali
l. græci §. *illud commune l. hi, qui 34. ff. 7*
de fidejuss. §. fidejussores Instit. tit. de fidejuss.
Nec usquam excipiuntur fidejussores, qui
majorem quantitatem promiserunt. Cum
enim omnes alii nullo modo obligentur,
utique necessariò debbant nos admonere
Veteres Jurisconsulti, hos illis esse dissimi-
les, & in summa à reo principali debita
obligari.

Ac si prohibitum solummodò esset à lege
fidejussores non obligari in duriorem condi-
tionem; admitti fortassè posset communis
sententia, juxta quam fidejussor in majorem
summam non obligatur. Licet enim majore
summam promiserit, ac propterea fuerit
acceptus in duriorem causam, tamen de-
trahitur à promissione summa excedens, &
in ea inutilis est promissio: valet autem in
summa à reo debira, & in ea fidejussor
obligatur. Quapropter in majorem summam
non obligatur, ut ipsi aiunt. Equidem si à
lege solummodò prohiberetur obligatio in
majorem summam, & in duriorem causam;
hæc fortassè viderentur habere rationem. Sed
animadvertere oportet, quod non prohibe-
tur fidejussor obligari solum, sed etiam ac-
cipi, & adhiberi in duriorem causam. Ul-
pianus in nostro §. *illud commune: si fuerint*
in duriorem causam adhibiti. & rursus: *in*
leviorem planè causam accipi possunt: propter
quod in minore summam rectè fidejussor acci-
pitur. Paulus in *l. hi qui, 34. ff. de fidejuss.*
hi, qui accessionis loco promittunt, in duri-
orem causam accipi non possunt. Papinianus
in l. si testamento. in fine eod. ne in duriorem
causam, contra Juris formam acceptus intel-
ligatur. Julianus in *l. fidejussor 16. §. pen. ff.*
de fidejuss. stipulatione in diem concepta si fide-
jussor sub conditione accipitur. Hoc ipsum
igitur est contra legem, accipere, & adhi-
bere fidejussorem in duriorem causam: adeo-
que ut sit inutilis fidejussio, & pro infecta
habeatur, sufficit fidejussorem acceptum
fuisse in duriorem causam *l. non dubium C.*
de legib. frustra igitur conantur redigere ad

formam Juris obligationem, eam amputando, & circumcidendo, cum ipsa acceptio fuerit contra formam Juris. Aliud enim est accipere fidejussorem in duriorum causam, aliud eum obligari d. §. *illud commune*, ibi: *9 si fuerint in duriorum causam adhiberi, placuit, eos non obligari*; & infra, *si reus sub conditione fuerit acceptus, fidejussor pure, non obligabitur*. Et passim in tota illa lege distinguuntur inter se, accipi fidejussorem, & obligari. & in l. *fidejussor* 16. §. *qui certo loco*, & §. *fidejussor ff. de fid. juss.* Præcedit enim acceptio, sublequitur obligatio, & licet acceptus, & adhibitus fuerit fidejussor, tamen sæpenumero non obligatur, ut in laudatis legibus. Licet igitur dicamus fidejussorem promittentem majorem summam obligari solum in summa debita, tamen non ideo minus verum erit, eum acceptum fuisse in duriorum causam, hoc est, contra Juris formam, adeoque actum accipiendi fidejussorem inutilem fuisse, & nullam ex eo oriri potuisse obligationem. Accipitur enim in duriorum causam fidejussor, cum id agitur inter contrahentes, ut ipse plus debeat, quam principalis. Non potest autem negari, actum fuisse inter contrahentes, ut plus d. beat fidejussor, quam principalis, quoties majorem summam promittit.

Præterquam quod etiam si contra formam Juris peccaretur solum, quando fidejussor esset in majorem summam obligatus: non verò quando majorem summam promittit, quod falsum esse demonstravimus: tamen obligatio contra formam Juris contracta non posset ad formam Juris redigi, amputando summam excedentem. Nam illud omnibus commune est Philosophis, Theologis, Jurisconsultis; vitium in forma vitare omnem actum, nec formam suppleri posse: & ad rem nostram accommodatum exemplum suppeditat nobis Papinianus in l. *filius* 15. ff. *de condit. instit.* Filius in potestate non potest à Patre institui sub conditione, nisi ea sit in ipsius potestate. Hæc est forma Jure præscripta. l. *suus* 4. in princ. ff. *de hered. instit.* l. *Lucius* 83. ff. *de condit. & demonstr.* l. *si pater C. de inst. & subst.*

Quidam filium instituit sub conditione impossibili & à legibus improbata. Non est hæc in potestate filii d. l. *filius* 15. videbatur nihilominus dicendum valere institutionem: quia cum ab ultimis voluntatibus detraharur conditio, & pro non adjecta habeatur, pure videtur filius institutus l. *obtinuit ff. de cond. & dem.* l. 1. ff. *de cond. instit.* §. *impossibilis inst. tit. de hered. instit.* l. *conditiones* 14. ff. *de cond. inst.* l. *non dubitamus ff. de cond. & demonstr.* l. *un. C. de his, qui pona nom.* & tamen ait Papinianus non valere institutionem: licet enim hujus generis conditio semper ab institutione detraharur, & pro non scripta habeatur: non detrahitur tamen ab institutione filii repugnante Juris formæ. Quanto minus detraheretur quantitas excedens contra formam Juris. Ac si liceret ex fidejussione detrahare id, quod efficitur duriorum conditionem fidejussoris, omnes propè fidejussiones ad formam Juris redigi possent, adeoque valerent. Detrahe locum ex fidejussione, de qua in l. *fidejussor* 16. §. *qui certo ff. de fidejuss.* & non obligabitur in duriorum causam. Detrahe decem ex fidejussione, de qua in l. *græcæ*. §. *si quis Strichum ff. eod.* & non erit durior conditio fidejussoris.

Neque in hac causa locum habet regula, quod utile per inutile non vitiatur, & quod vitium in excessu quantitatis non vitiat totum actum c. *mile de Reg. Jur. in 6* l. 5. §. 12 generaliter l. *sed si vir*. §. *si vir uxori ff. de don. int. vir. & uxor* l. *placuit* 29. de usur. l. 1. §. *Trebatius ff. de aqua quotid.*

Hæc enim regula obtinet, cum lex statuit certam quantitatem, quam excedere non licet: tunc enim vitiatur solus excessus, quia vitium est solummodo in excessu. Contra verò quando lex statuit aliquid de natura actus, eique formam præscribit, tunc quia vitium est in ipsa natura, formaque actus, necesse est, ut totus actus corruat. Hujus accessionis natura, & forma à Jure præscripta est; ut in ea plus esse non possit, quam in principali obligatione §. *fidejussores inst. tit. de fidejuss.* ut non possit fidejussor accipi in deteriore conditionem, l. *si*

testamento 49. in fin. ff. de fidejuss. adeoque vitium inest naturæ, formæque fidejussionis, totamque subvertit: actus enim est individuus l. 1. §. 1. l. continens ff. de V. O. itaque non potest esse pro parte secundum Juris formam, & pro alia parte contra formam Juris. Exempla in l. in hoc judicio 27. ff. famil. hercis. in l. Pedius §. 1. ff. de recept. arbit. in c. cum de non sacerdotali. de prob. in 6. in c. ad audientiam, ubi DD. de reb. Eccles. alien.

His omnibus accedit, quod cum fidejussor majorem summam promittit, in aliam obligationem accipi videtur. Toties enim in aliam obligationem accipi dicitur fidejussor, quoties in contrahenda fidejussione agitur, ut fidejussor aliquid debeat, quod non debet reus principalis, ut infra probabimus. Itaque alio etiam de nomine inutilis est fidejussio lege si ita 42. & l. græcè. §. 1. ff. quis Stichum ff. de fidejuss.

Argumenta, quibus contraria sententia prebatur, non magnam vim habent ad persuadendum.

CAPUT IV.

AD L. GRÆCE 8. §. SI QUIS
Stichum, & in l. si ita 42. ff.
de Fidejuss.

SUMMARIUM.

- 1 Fidejussor pro eo, qui non est obligatus, obligari non potest.
- 2 Item accipi debet in eadem obligationem.
- 3 Quando in aliam obligationem acceptus intelligatur.
- 4 Pro eo qui Stichum debet, non potest promittere Stichum aut decem.
- 5 Nec pro eo qui decem debet, promittere potest decem, aut Stichum.
- 6 Pro eo qui Stichum & Pamphilum debet, promittere potest Stichum, aut Pamphilum.
- 7 Pro eo qui debet Stichum, aut Pamphilum, utrum ipse voluerit, non potest promittere Stichum, aut Pamphilum, utrum ipse voluerit.
- 8 Pro eo qui debet Stichum, aut Pamphilum, utrum crediderit voverit, potest promittere Stichum, aut Pamphilum, utrum ipse voluerit.

- 9 Explicatur & conciliatur l. si Stichum 38. ff. de fidejuss.
- 10 Explicatur & conciliatur l. hi qui accessionis 34. ff. eod.
- 11 Quando propter fatalitatem eligendi vitietur, aut non vitietur fidejussio.
- 12 Aliud est merx, aliud estimatio: & merx pecuniæ estimatur, non pecunia merces.
- 13 Pro merces estimata fidejussor reusd promittit estimationem.
- 14 Pro fundo debite potest promittere usumfructum.
- 15 Ususfructus separatus à proprietate est sui fundi: conjunctus est portio fundi: & quomodo id accipiendum?
- 16 Fidejussor potest promittere factum rei principalis.
- 17 Factum alienum non reusd promittitur nisi sub pana.
- 18 Differentia inter fidejussorem, & reum constituta pecunia.

Cum fidejussio sit accessio principalis obligationis §. fidejussores Instit. tit. de fidejussor. non potest obligari fidejussor pro eo, qui non est obligatus l. fidejussor 16. ff. de fidejuss. & si nulla subit principalis obligatio, inutilis est etiam fidejussio l. si mihi l. qui contra. l. si sub impossibili l. si quis pro eo. in princ. & in §. si nullo. l. si a reo. in fin. l. si debitori ff. de fidejuss. Cum autem fidejussor omnino debeat accedere principali obligationi, & promittere pro eo, qui est obligatus; debet etiam accipi in eadem obligationem, & promittere id ipsum, quod debet reus principalis. Si in aliam obligationem accipiat, non valet fidejussio, ut respondet Ulpianus ex sententia Marcelli in l. græcè 8. §. si quis Stichum. vers. Marcellus ff. de fidejuss. & si promittat id, quod reus principalis non debet, non obligatur l. si ita 42. ff. eod.

In aliam obligationem accipi dicitur fidejussor, quoties id agitur in contrahenda fidejussione, ut ipse aliquid debeat, quod reus principalis non debet. Exemplum proponitur in laudata l. si ita ff. de fidejuss. Reus debebat decem, fidejussor promittit mille modios tritici: non obligatur. Facit ad rem text. in l. si a reo 70. §. si reo ff. de fidejuss. ibi, an non obligetur, quasi in aliud.

Alterum exemplum proponitur in nostra lege græcè 8. §. si quis Stichum ff. de fidejuss.

4 Reus Stichum debet, fidejussor promittit Stichum, aut decem: non obligatur, tùm quia durior est ejus conditio, tùm quia alia est ejus obligatio.

Tertium proponitur in eodem §. *versic.* 5 *denique*. Reus debebat decem: fidejussor promittit decem, aut Stichum: non obligatur, licet levior sit ejus conditio: levior est conditio fidejussoris, quia habet electionem, utrum velit solvere decem, an Stichum *l. plerumque 10. ff. de jure dotium §. si quis. versic. huic autem Insit. tit. de action.* In superiore exemplo durior erat conditio fidejussoris, quia reus per mortem Stichi poterat ab obligatione liberari, fidejussor non poterat *l. hi, qui accessionis 34. ff. de fidejuss.* est igitur in postremo exemplo levior conditio fidejussoris; sed tamen non tenetur, quia in aliam obligationem acceptus est. Etenim in obligatione fidejussoris est Stichus, qui non est in obligatione rei principalis.

Hic autem duo oportet animadvertere ad hujus legis explicationem. Primum, quod alia est obligatio, etiam si in obligatione sit etiam id, quod reus debet. In utraque enim obligatione sunt decem: sed quia in obligatione fidejussoris est etiam Stichus, idcirco in aliam obligationem acceptus intelligitur: vel saltem est in ejus promissione, quod verius est. Sufficit igitur eum promisisse aliquid, quod reus non debet.

Præterea, quod non idcirco alia dicitur fidejussoris obligatio, quod disjunctim concepta sit, quasi hac de causa ab alia differat, & impediat, quominus fidejussor obligetur. Nam si reus debeat Stichum, & Pamphilum, 6 fidejussor autem promittat Stichum, aut Pamphilum: licet hæc disjunctim, illa conjunctim concepta sit; tamen fidejussor tenetur, laudata *l. græcæ §. penult. ff. de fidejuss.* quia nihil promittit, quod non debeat reus, nec quicquam debere potest, quod ab illo non debeat. Contrà etsi utraque promissio disjunctim concipiatur, fieri potest, ut fidejussor non obligetur, tamquam in aliam obligationem acceptus. Reus debet Stichum, aut Pamphilum utrum ipse voluerit. Fidejussor promittit Stichum, aut Pamphilum,

utrum ipse voluerit. Videntur omnino similes hæc duæ obligationes. Fidejussor tamen 7 non tenetur, quia in potestate ejus est alium velle, quàm reus voluisset *l. si Stichum 38. ff. de fidejuss.*

Contrarium tamen videtur respondisse Ulpianus in nostra *l. græcæ §. contra*. Reus promissit Stichum, aut Pamphilum, quem creditor voluerit: Fidejussor promittit Stichum, aut Pamphilum, quem ipse voluerit. Obligatur fidejussor: & tamen videtur in aliam obligationem acceptus, sicut in superiori exemplo.

Sed similia non sunt hæc duo exempla. In superiori exemplo petito ex *l. si Stichum 38. 9 ff. de fidejuss.* est in potestate ipsius fidejussoris alium velle, & idem præsumitur ipsam velle alium, ne teneatur, argumento text. in *l. si ita stipulatus 12. ff. de V. O. l. sub hac ff. de oblig. & act.* Quoties enim ad impediendam, vel minuendam obligationem, sufficit voluntas debitoris, ea non expectatur, & etiam sine ulla declaratione præsumitur à Lege statim voluisse. Contrà verò in altero exemplo, eùm id pendeat à voluntate creditoris, cujus est electio, non præsumitur alium velle, quam fidejussor ipse velit, ne corrumpat ejus obligatio. Eadem enim ratione, quæ præsumitur debitorem nolle tenere, præsumitur creditorem velle eum obligari. Si enim nolisset eum obligari, non accepisset fidejussorem. Igitur creditor aut reum prius conveniet, & eo solvente fidejussor liberabitur. Aut conveniet prius fidejussorem, & petet ab eo Stichum, aut Pamphilum: nec enim aliter agere potest §. *si quis agens Insit. tit. de act.* Satis est autem prius convenire fidejussorem: ne si convenerit reum, atque ita elegerit, eo non solvente fidejussor liberetur alium eligendo; sed cùm hæc omnia posita sint in potestate creditoris, cujus interest habere fidejussorem obligatum, non obstant ejus obligationi, nec potest præsumi alium velle, quam velit ipse fidejussor.

Contrarium quoque videtur respondisse Paulus in *l. hi, qui accessionis 34. ff. de fidejussor.* Reus debebat Stichum, aut Pamphilum; fidejussor promittit Stichum: levior est

ejus obligatio; quia mortuo Stichum libera-
tur. Adeoque recte contracta est fidejussio.
Est hic in potestate debitoris alium velle,
quam debeat fidejussor; nec ejus interest
obligari fidejussorem, vel saltem magis ei
expedit, habere liberam electionem, quam
fidejussorem esse obligatum.

Animadvertendum est in hac lege nihil à
Paulo definiri quoad obligationem fidejussori-
is, sed solum ab eo in controversiam adduci,
ac definiri leviores esse fidejussoris condi-
tionem. Puto igitur valere quidem fidejuf-
sionem, sed hæcenus pendere, quamdiu de-
bitor elegerit, quemadmodum cum futuræ,
aut conditionali obligationi accedit. Sed
hæc quæstio pendet ab altera quæstione, an
in promissione disjunctiva, utraque res sit
affecta obligatione, an verò debeatur quid
incertum, quod solutione certum fiat. Si
primum, non erit in pendent obligatio fi-
dejussoris, quia debebit Stichum, quem de-
bet etiam reus principalis. Si secundum,
erit in pendent obligatio quamdiu constat,
an Stichus, vel Pamphilus debeatur. Hoc
autem videtur multò rectius: nam si primum
admittamus, & illud probandum erit in *l. si
Stichum* 38 ff. de fidejuss. obligari fidejussori-
rem, quod falsum est.

His positis hæc regula statuenda videtur.
Quoties electio est fidejussoris, inutilis est
1 fidejussio. Si Stichum 38. ff. de fidejussor.
quia præsumitur alium velle. Quoties autem
electio est creditoris, initio valet fidejussio:
quia præsumitur in eodem concurrere. *l. gra-
ce. §. contra ff. de fidejuss.* Denique quando
electio est debitoris, quia incertum est, quem
sit electurus, in pendent est obligatio fi-
dejussoris. Atque ita exponendum puto rextum
in laudata lege. *Hi, qui accessionis* 34. in fine
ff. de fidejuss.

Sed iterum obstat text. in nostra lege *si ita*
42. in fine ff. de fidejuss. ubi Javolenus ait,
quod si reus debeat decem, fidejussor non
potest promittere mille modios tritici. Subdit
2 hanc rationem; quia non potest pecunia æsti-
mari merce, sicut merx æstimatur pecuniâ.
Quibus verbis indicat, quod si reus deberet
mille modios tritici, fidejussor posset pro-

mittere decem; tunc enim merx pecuniâ æsti-
maretur. Atqui aliud est merx, aliud ejus
pretium, & æstimatio *l. 1. ff. de rev. permut.*
*l. 1. §. 1. in fin. ff. de contr. empt. §. si res
aliena Inst. tit. de legat.*

Respond. Quod Jurisconsultus non statuit,
fidejussorem promittere posse æstimationem
rei debitæ à principali debitore: sed quod
non potest promittere mercem pro pecunia
debita, quia pecunia merce non æstimatur,
sicut merx æstimatur pecuniâ. Ex hoc illud 13
rectè deducitur, quod numquam fidejussor
potest pro pecunia mercem promittere; po-
terit tamen pecuniam pro merce promittere:
cum merx pecuniâ fuerit æstimata. Et hoc
verissimum est. Si reus principalis debeat
mercem pecuniâ æstimatam, potest fidejuf-
sor pecuniam illam, hoc est æstimationem
promittere. Ratio est in promptu, quia &
ipse reus principalis debet eandem æstima-
tionem *l. quoties ff. de jure dotium*, quare non
accipitur in aliam obligationem. Posset etiam
tentari, quod cum ibi agatur de mutuo, in
quo juxta communem sententiam creditor
post moram eligere potest utrum velit, rem,
an æstimationem per text. in celebri *l. vinum*
12. ff. de reb. cred. fidejussor obligari possit
in æstimationem, quam commisit à morâ utri-
que electurus est creditor, ut fidejussorem
habeat obligatum secundum ea, quæ suprà
diximus. Quod non valde probo, cum In-
terpretum nostrorum commentum putem il-
lam electionem.

Opponi etiam potest, quod si reus fundum
debeat, potest fidejussor usufructum pro-
mittere *l. si à reo* 70. §. si reo ff. de fidejuss.
sed aliud est fundus, aliud ejus usufructus 14
l. restè 25. ff. de V. S. l. & per jurjurandum
13. §. illud ff. de acceptil.

Respondetur, quod fidejussor, qui pro-
mittit usufructum pro eo, qui debet fun-
dum, similis est ei, qui promittit partem
pro eo, qui totum debet, *l. qui usufructum* 15
58. ff. de V. O. Licet enim usufructus à pro-
prietate separatus, non sit pars fundi, sed fun-
di jus, ac servitus *l. Mævius §. fundo legatus
ff. de legat. 2. l. restè ff. de V. S.* tamen con-
junctus cum proprietate portionis instat est

d. l. *quis usufructum ff. de V. O. l. si ab emptore ff. de eviction.* Et hunc usufructum promittit fidejussor. Ac si à reo principali solutus fuerit fundus deducto usufructu: sicut creditor potest à reo principali usufructum petere l. *cum qui ita* § 6. §. *si à reo ff. de V. O.* ita poterit eundem usufructum petere à fidejussore. Et quamvis eo casu jus fundi sit, tamen incivile est fidejussorem non teneri l. *si à reo* 70. §. *si reo ff. de fidejuss.* Emolumentum enim rei continet l. *Mevius* 66. §. *junao legato ff. de leg. 2.* & sicut peti potest à debitore principali, ita & à fidejussore. Neque enim petitur tamquam jus, sed tamquam pars avulsa à proprietate, quia quoad eum, cui fundus debetur, partis instar obtinet, l. *cum filius* 76. §. *dominus ff. de leg. 2.* licet quoad fructuarium sit jus distinctum, & diversum ab ipso fundo.

Possit etiam alicui scrupulum injicere, quod fidejussor promittere potest factum rei principalis l. *cum filius* 49. ff. *de fidejuss.* Hoc autem cum sit factum alienum promitti non potest, nisi sub pena l. *stipulatio ista* 38. §. *at si quis ff. de V. O. l. sicut* 65. ff. *de fidejuss.* Potest igitur promittere quod non debet reus principalis.

Respondetur, quod ipse reus principalis si non fecerit, tenetur vel ad penam, vel in id, quod interest l. *si quis* 13. in princ. & in fin. ff. *de re judic.*

Qui putant fidejussorem similem esse reo constitutæ pecuniæ, possent ab hoc ad fidejussorem ducere argumentum, & concludere, quod sicut aliud pro alio constitui potest l. 1. §. *an potest ff. de const. pec.* ita & aliud pro alio possit à fidejussore promitti.

Sed non sunt similes fidejussores, & rei constitutæ pecuniæ. Reus constitutæ pecuniæ potest plus promittere l. *hastenns* §. 1. ff. *de const. pecun.* potest promitti ei, qui non est creditor l. *cum, qui* §. *quod exigimus ff. cod.* potest constitui frumentum pro pecunia l. 1. §. *an potest ff. cod.* potest constitui citiorie die l. 4. ff. *cod.* & potest purè, vel certo die constitui id, quod sub conditione debetur, & eadem conditione suspenditur l. *id, quod sub conditione* 19. ff. *cod.* & potest constitui

alio loco l. *cum, qui* §. ff. *cod.* Quæ omnia in fidejussione sunt improbata l. *gracè* 8. §. *illud commune, cum seqq. l. fidejussor. 16. in princ. §. 1. & seq. l. bi, qui* 34. l. *si à reo* 70. ff. *de fidejuss.* §. *fidejussores Inst. tit. cod.* Constituta enim solâ æquitate nituntur l. 1. ff. *de const. pec.* In fidejussione autem strictam Juris rationem sequimur l. *quicquid adstringenda ff. de V. O.*

CAPUT V.

AD L. ULT. §. SI MULIER

Pen. ff. ad S. C. Vellejan.

SUMMARIUM.

- 1 Mulier non possit renuntiare S. C. Vellejanæ.
- 2 Causa cur mulieribus interdicitur intercessio.
- 3 Civilin officin interditi sunt faminis: & qua on sint.
- 4 Ad civilin officia non admittitur mulier etiam si renuntiet.
- 5 Famina cur necentur à tutela.
- 6 Beneficia ne privilegia, qua dantur ob meritum, non dantur invidis: contra, qua dantur ob imbecillitatem, dantur etiam invidis.
- 7 In fraudem Senatusconsul. exceptata rata non sunt.
- 8 Renuntiatio est in fraudem Legis.
- 9 Renuntiatio Legis Falcidia est in fraudem Legis.
- 10 Renunciatio post biennium tenetur.
- 11 Cur mulier obligetur si post biennium confirmet obligationem.
- 12 Mulier post biennium potest consentire alienationi rerum propter nuptias donatarum.
- 13 Si mulier debitorem liberet, nullo creditori restituitur.
- 14 Quis dicatur verus debitor?
- 15 Mulier tuta est, etiam si non opposita exceptio fuerit condemnata.
- 16 Vellejanum non succurrit mulieri exherenti liberalitatem suam.
- 17 Non decipitur mulier in casu proposito in l. ult. ff. ad Senatusconsultum Vellej.
- 18 Mulier etiam renuncians decipitur.
- 19 Cur mulier intercedende decipiat.
- 20 Pupillarum causa favorabilior quam mulierum.

Opponimus aut. Si mulier pro eo, pro quo intercessit, judicium parata sit accipere, ut non in veterem debitorem alio deus: Quoniam Senatusconsulti exceptionem opponere potest, cavere debet exceptione se non usuram,

1 & sic ad Judicem ire. Ex hac lege id effici
 putant Interpretes nostri, mulierem posse renun-
 ciare Senatusconsulti Vellejani beneficio. Atque id confirmant, cum quia quilibet
 potest privilegio suo, ac beneficio renun-
 ciare l. si Judex ff. de minor. l. pen. C. de
 pass. l. invito ff. de Reg. Jur. tum, quia mul-
 tier certior facta de Senatusconsulto eique
 renunciatis, non meretur ejus auxilium,
 cum non decipiatur, imò ipsa decipiat cre-
 ditorem l. 1. §. 2. & 3. l. si decipiendi 30. ff.
 ad S. C. Vellejan. tum denique, quia id mul-
 lieri promitti videtur tum in Nov. 118. c.
 5. tum in l. si mulier perfecta C. ad S. C.
 Vellejan.

Ego tamen, ut contra sentiam, moveor
 2 his argumentis. Primum, quia potissima
 causa removendi mulieres ab intercessione,
 fuit, quia pro alio intercedere est officium
 virile, ac civile. Officia autem virilia, ac
 civilia dempta sunt feminis: adeoque multò
 magis adimendum eis fuit id officium, in
 quo non sola opera, nullumque ministerium
 earum versaretur, sed etiam periculum rei
 familiaris. Hæc est unica ratio, quâ nititur
 Senatusconsultum Vellejanum, tum à Paulo
 exposita in l. 1. §. 1. ad S. C. Vellejan. tum
 in ipso Senatusconsulto expressa, cujus verba
 relata sunt in l. 1. §. 1. ff. eod. Quis autem
 dixerit mulierem, quæ obeundis virilibus
 officiis non est idonea, idoneam effici suâ ip-
 sius voluntate, ac renunciatione, contra
 expressam Senatusconsulti prohibitionem ?
 3 repugnat constitutio l. non dubium C. de legib.
 Civilia, ac virilia officia sunt: Judicem esse:
 Magistratum gerere: postulare: procurato-
 rem existere: & pro alio intervenire: & ab
 omnibus remotæ sunt feminæ l. 2. ff. de Reg.
 Jur. l. cum Praetor 12. §. fin. ff. de judic. l.
 ult. C. de recept. l. 1. §. secundo loco ff. de pos-
 tul. l. neque femina 54. ff. de procur. Quis
 dixerit, feminam renunciantem his legibus,
 quibus arcetur ab hujusmodi officiis virili-
 bus, posse aut Judicem, aut procuratorem
 existere, aut Magistratum gerere, aut postu-
 lare ? Si non prodest mulieri renuntiatio, ut
 4 ad hæc officia admittatur: multò minus pro-
 desse potest, ut admittatur ad interceden-

dum, cum ab hoc officio multò magis ar-
 ceatur, quam ab aliis: quia in hoc non sola
 opera, nullumque ministerium mulieris ver-
 satur, sed etiam periculum rei familiaris l.
 1. §. 1. ff. ad S. C. Vellej. Præterquam quod
 alia officia mulieribus interdicta sunt mori-
 bus d. l. 1. §. 1. Hoc autem, & moribus,
 & Senatusconsulto, ut indicant illa verba
 Senatusconsulti: Tametsi antè videatur ita Jus
 dictum esse.

Hic autem monendum est perverse admo-
 dum Interpretes nostros, ex quo periculum
 rei familiaris versatur in intercessione, sta-
 tuere mulierem posse intercedere cum renun-
 ciatione. Hoc enim efficitur, ut multò ma-
 5 gis arcendæ sint feminæ ab intercessione,
 non ut ad eam facilius admittantur. l. 1. §.
 1. ff. ad S. C. Vell. Tutela quoque est officium
 virile, ac propterea arcetur ab ea feminæ
 l. tutela 16. & l. ult. ff. de tutel. l. 1. C. quan-
 do mul. tut. efficitur. Ipsa quoque est onus, &
 quidem grave: in ea quoque versatur peri-
 culum rei familiaris. Inst. tit. de legis. Par.
 tut. l. 3. & passim ff. de tutel. toto tit. ff. de
 admin. & peric. tut. Et tamen non potest mul-
 lier, etiam si maximè vellet hujusmodi pericu-
 lum subire, etiam si huic beneficio renunci-
 ad tutelam admitti. Novel. 118. cap. 5. §. hoc
 autem l. ult. ff. de tutel. Neque enim per ren-
 unciationem effici possunt idoneæ ad subeun-
 dum inonus, quod proprium est masculorum
 d. l. ult. sublata enim causâ periculi, superest
 alia causa, quæ per renunciationem non tol-
 litur. Maritus quoque non potest renunciare
 privilegio, ne condemnatur ultra id, quod
 facere potest. l. alia 14. §. 1. ff. solut. ma-
 trim. est enim hoc contra reverentiam mari-
 tis debitam, quæ causa per renunciationem
 tolli non potest.

Confirmatur, quia etiam si mulieres arce-
 rentur ab intercessione ob solum periculum
 rei familiaris, tamen non possent huic bene-
 ficio renunciare. Beneficia non ejusdem modi
 sunt omnia. Quædam conceduntur ob meri-
 tum, virtutemque, & industriam personæ,
 aut ob commiserationem, ut sunt privilegia
 Militum, Doctorum, miserabilium persona-
 rum, & hujus generis cætera. Quædam tri-

buuntur ob imbecillitatem, imperitiam, & imprudentiam, ut consulatur quibusdam personis, quæ ipsæ per se sibi satis prospicere non possunt, ut sunt pupilli, minores, prodigi, furiosi, mulieres. Illa indulgentur concedendo aliquid, quod non haberet, aut facere non posset is, cui concederetur. Hæc tribuuntur prohibendo id, quod aliàs facere possent. Illa non essent beneficia, si tribuerentur invitis: nam ut ait Plautus in Trinummio: *nullum beneficium esse duco id, quod, cui facias, non placet.* & de illis agit in *l. pen. C. de pact. in l. invito ff. de Reg. Jur.* Hæc autem contrà non essent beneficia, si non tribuerentur etiam invitis: prohibitio enim non volentes afficit, sed invitos. Finge furiosum sibi violentas manus inferentem: nullum ipsi confers beneficium, nisi gladium vult manibus eripias. Rectè Seneca *de benefic. l. 2. cap. 14. Sunt quadam nocitura impetrantibus, quæ non dare, sed negare beneficium est: & infra: Ut frigidam agris negamus, & ingeniis, ac sibi iratis ferrum, aut amantibus, quicquid contra se usurus ardor petit: sic ea quæ nocitura sunt, impensè & submisit, nonnumquam etiam miserabiliter rogantibus, perseverabimus non dare; & rursus: Exorari in perniciem rogantium sæva bonitas est. Quemadmodum pulcherrimum opus est, etiam invitos, nolentesque servare; ita rogantibus pestifera largiri blandum & assabile odium est.* Servat nolentes, & invitos Jus Civile, pupillos, minores, furiosos, prodigos, mulieres, cum prohibet eos obligari, & idè non possunt huic beneficio renunciare, nam hoc ipso circumveniuntur *l. doli exceptio. versic. diversum est ff. de novat.* De pupillo, minore, & prodigo, aut furioso, nemo dubitat; quid causæ est, cur de muliere dubitare debeamus, cujus est par ratio? nimis verò incassum mulieribus prospexisset Senatusconsultum, si permitteret eis renunciare. Voluit Senatus prospicere mulieribus, quia facilè circumveniuntur, ac seducuntur à callidis hominibus, non prævidentes damnum, quod imminet ex intercessione. Profectò, mulier, quæ non prævidet damnum imminens ex intercessione, nec prævidet

damnum imminens ex renunciatione. Nullum enim aliud damnum potest pati propter renunciationem, quod non pateretur ex sola intercessione ante hoc Senatusconsultum. Hæc mulier facilè adducitur ad intercedendum, quia sperat debitorem soluturum, aut restitutum quicquid ipsa pro eo solverit, ac propterea nullum se damnum passuram ex intercessione. Quæ ita animata est, quæ hoc certo sperat, promptissima erit, & paratissima ad renunciandum. Quid enim potest ei obesse renunciatio?

Quamobrem hæc perpendentes Veteres Jurisconsulti responderunt, ea, quæ in fraudem Senatusconsulti excogitata probari possunt, rata haberi non oportere *l. quidam 29. in fin. ff. ad S. C. Vellejan.* Quod autem renunciatario in fraudem Senatusconsulti sit excogitata, dubitari non potest, per text. in *l. Sejus, & Agerius 27. ff. ad Leg. Falcid.* Lex Falcidia lata fuit tum in gratiam ipsorum testatorum, ne intestati decederent, *princ. tit. Inst. vers. idque ipsorum. de Leg. Falcid.* tum ipsorum hæredum, ut ex hæreditate perciperent emolumentum *l. potest heres 71. ff. ad Leg. Falcid.* Ex tamen huic beneficio renunciare non possunt neque testatores, neque hæredes: & etiam si concurrat simul voluntas testatoris, hæredis, & legatarii, tamen inutilis est renunciatio quantumvis stipulatione vallata *l. quod bonis 15. §. frater ff. ad Leg. Falcid.* tamquam initia contra Jus Publicum, & in fraudem legis *d. l. quod bonis 15. & d. l. Sejus 27. ff. ad Leg. Falcid.* Iudè etsi hæres instituitur sub hac conditione renunciationis, & sub eadem conditione ei datus fuerit substitutus, tamen non impletur conditio, potest hæreditatem adire, & excludere substitutum perindè, ac si conditio illa adscripta non fuisset *d. l. Sejus, & Agerius ff. ad Leg. Falcid.* Nam conditio in fraudem legis adscripta remittitur *l. si quis sub condicione ff. de condit. instit. d. l. Sejus, in fine.* Quamò magis igitur in fraudem Senatusconsulti, & inutilis erit renunciatio mulieris, cui interdictum est intercessione, tum ne virilibus officiis fungatur, tum ne periclitetur de te familiari *l. 1. ff. ad S. C. Vellejan.* quod

quod periculum non declinat renunciando. Quin imò inventa est renunciatio, ut periculum certius incurrat, & eludatur dispositio Senatusconsulti mulieri propicientis.

Ut his fraudibus occurreret Justinianus in *l. si mulier* 22. C. ad S. C. *Vellejan.* statuit mulierem non teneri, si intra biennium confirmaverit intercessionem suam; quia ex consequentia sua fragilitatis in secundam jacturam incidit, teneri autem, si post biennium confirmaverit intercessionem suam. Renunciatio est confirmatio intercessionis: itaque nisi post biennium renunciet, non tenetur.

Nec dici potest, nos supponere mulierem renunciassse postquam fuit certior facta de Senatusconsulti auxilio: contra verò in laudata lege non supponi mulierem certioram factam fuisse de Senatusconsulto, & idè ei dari biennium, ut possit de Senatusconsulto certior fieri, ibi: *si quod sæpius cogitare potuit, & evitare, non fecit, sed ultro firmavit.* Primum enim id generaliter constitutum est in omnibus mulieribus: nec distinguitur inter eas, quæ sciebant se esse munitas auxilio Senatusconsulti, easque, quæ id ignorabant. Neque in ea lege habetur ratio scientiæ, vel ignorantæ, sed solius prolixitatis temporis, ibi: *videtur enim ex hujusmodi temporis prolixitate, non pro aliena obligatione se illigare, sed pro sua causa aliquid agere.* In his verbis oportet animadvertere, quodd Justinianus ex prolixitate temporis non deducit conjecturam scientiæ, quæ esset multò verosimilior. Sed confugit ad conjecturam remotissimam, & alienam à verisimilitudine, quodd mulier videatur in rem suam se obligare; ad quam utique non confugisset, si sola scientia, & notitia Senatusconsulti sufficeret ad obligandam mulierem confirmantem intercessionem suam.

Præterea mulier post biennium confirmans intercessionem suam, idè tenetur, quia sæpius potuit de sua intercessione cogitare, ac propterea non labitur in secundam jacturam ex consequentia suæ fragilitatis: sed ultro firmat, quod potuit evitare: ut in laudata lege monet Justinianus. Tam longo tempore potuit sæpius cogitare, hoc est, explorare

fidem debitoris, pro quo intercessit: explorare ejus facultates: accuratè expendere periculum imminens, aliarum exemplo, & adversis casibus admoneri, quàm periculosum sit pro alio intercedere. Hæc omnia ut sedulo mulier possit expendere, & sæpius cogitare de sua intercessione, tribuit ipsi tam longum temporis spatium Justinianus. Ergò si ante lapsum biennii, quomodocumque confirmet intercessionem suam, non obligatur, quia non potuit sæpius cogitare, nec tantum temporis effluxit, quantum præscriptum est ad cogitandum Imperator. Multò minùs obligabitur, si renunciando confirmet obligationem suam in ipso contractu intercessionis.

Quæ sine ullà dubitatione confirmantur ejusdem Imperatoris autoritate in *Authent. 10* *Ut immob. ante nupt. donat. cap. 1. §. 1. & 2.* ubi comparat mulierem intercedentem mulieri consentienti alienationi, vel hypothecæ rerum subjectarum donationi propter nuptias: & huic indulget idem biennii tempus ad confirmandum consensum semel præstitum alienationi, ad exemplum mulieris intercedentis. Rationem concedendi tam longum tempus ad cogitandum, tam mulieri intercedenti, quàm consentienti alienationi, eam affert: *quia multa primo audiri facile peccari possunt, & facile mulier seduci potest: cum vero in plurimo tempore cogitaverit pro negotio, fiet forsitan cautior.* Animadvertendum est, hic agi de mulieribus, quæ sciebant sibi competere jus, eique renunciabant, & tamen non valet renunciatio, nisi eam confirmaverint post biennium. Item improbat in hac Constitutione quælibet via, quodlibet artificium, excogitatum, & institutum ad privandam mulierem jure suo, adeoque improbat, tùm renunciatio, tùm omnis promissio mulieris, ut nullà ratione possit amittere jus suum, nisi post elapsum biennium: & hoc exemplo mulieris intercedentis.

His probè constitutis non obstat text. in *13* nostra *l. ult. §. si mulier ff. ad S. C. Vellejan.* Ad hujus legis explicationem operæ pretium est animadvertere in ea agi de muliere ex promittente, quæ alienam obligationem, li-

berato debitore, in se transulerat: quo casu ita mulieri succurritur, ut in veterem debitorem actio restituitur *l. 1. §. 1. ff. ad S. C. Vellejan. l. quamvis §. quoties, cum seq. l. aliquando, in fin. cum leg. seq. l. si pro uno 20. l. debitor 24. §. si pro eo l. quidam 29. ff. eod. l. si mulier 16. C. eod.* De hoc genere intercessionis agi in nostra lege demonstrant illa verba, *ut non in veterem debitorem actio*
 24 *detur.* Vetus debitor appellatur is, qui à muliere liberatus est, in quem, subducta ab obligatione muliere, datur actio restitutoria, hoc est, restituitur actio, perinde ac si mulier eum non liberasset. *l. quamvis §. plane l. si mulier 14. ff. ad S. C. Vellejan. l. un. C. de reputat. que sunt in judic. in integ. restituit.* Ergo mulier transulerat in se debitorem cuiusdam obligationem. Creditor, cum intellexeret mulierem tutam esse Senatusconsulto Vellejano, Prætoris adivit, ut sibi restitueret actionem adversus veterem debitorem, quod utique ei negare non poterat *l. 1. ff. ad S. C. Vellejan. l. un. C. de reputat. que sunt in jud. restit. in integ.* Rem actam fuisse apud Prætoris demonstrant illa verba: *debes cavere exceptione se non usuram, & sic ad Judicem ire.* Cum Prætor paratus esset dare restitutoriam creditori, mulier intervenit impeditura, ne in veterem debitorem actio daretur, dixitque, se pro eo paratam esse judicium accipere. Maluit ipsa ex sua intercessione conveniri, quàm permittere, ut in veterem debitorem actio restitueretur. Ut autem conveniri posset, utiliter cavuit
 25 Prætori se non usuram exceptione. Poterat Prætor exceptionem non dare; sed quia mulier etiam non opposita exceptione tuta est, etiam si fuerit condemnata *l. tamen si ff. de Senatusconsulto. Macedon.* idcirco à muliere exigit, ut caveret exceptione se non usuram.

Ex hac facti serie liquidò constat, mulierem illam voluisse liberalitatem suam exercere erga debitorem, ne propter solutionem vexaretur. Senatusconsultum autem succurrit quidem oneribus mulierum, non tamen impedit, quominus liberalitatem suam exerceant, & liberent alicquem à vexatione cre-

ditoris *l. si pro aliquo §. 1. ff. ad S. C. Vellejan.* Non potest dubitari, quin hæc mulier velit pro debitore solvere, velit ei donare. Cur enim prohibet restitui actionem adversus veterem debitorem? Cur ipsa vult conveniri, ne ille conveniatur, & cogatur ad solvendum? Cur renunciat exceptioni, ut efficaciter conveniatur? Non jam est incertum, aut remotum periculum, sed certum, ac præsens, quod ipsa spontè subire vult, etiam contra voluntatem creditoris, qui ipsi ad evadendum viam patefecerat. Donanti autem, & pro debitore solventi mulieri Senatusconsultum non auxilium *l. 4. §. 3. ff. ad S. C. Vellejan. l. 4. C. eod.* Saltem est ad- 17
 modum probabilis præsumptio, quam probat Justinianus, ac deducit ex confirmatione intercessionis facta post biennium in *l. si mulier 22. C. ad S. C. Vellejan.* Videlicet, quòd videatur mulier in rem suam intercessisse. Non constat in nostra lege renunciationem factam fuisse post lapsum biennii. Sed tamen multò plura concurrunt, qui conjecturam hanc facere possimus. Etenim mulier renunciat, postquam videt advenisse tempus solutionis, & creditorem exigere velle pecuniam sibi debitam. Impedit, ne pecunia exigatur ab eo, pro quo intercessit; imò impedit etiam ne conveniri possit. Ipsa conveniri vult, ne ille conveniatur, & ut efficaciter conveniri possit, renunciat exceptioni. Hæc certè, aut pro eo vult solvere, aut scit, se proprium negotium agere, & in rem suam intercessisse. Accedit auctoritas Prætoris, apud quem cavet exceptione se non usuram, quæ actus alioquin irritos solet confirmare, præsertim cum actus à Lege improbatum ob periculum, quod imminet, ne quis, aut propter imbecillitatem animi decipiatur, aut objecta aliqua spe seducatur *l. 1. & vero tit. ff. de reb. eor. qui sub tur. l. cum hi, quibus §. ff. de transact.* Certè hæc mulier non decipitur; deceptis autem Senatusconsultum opitulatur *l. 2. §. verba ff. ad S. C. Vellejan.*

His expositis ad reliqua facilis est, & prompta responsio. Non decipit mulier, quæ renunciat: sed decipitur. Scit quidem se non

18 teneri: sed idem renunciatur, ut teneatur, adeoque tantum abest, ut velit decipere creditorem, ut potius renunciaret, ne ipsum decipiat. Decipitur autem ipsa renunciando, licet certior fiat de Senatusconsulto. Neque enim mulieres decipiuntur ob ignoratorem Senatusconsulti. An non enim factum fuit Senatusconsultum, ne deciperentur? Ergo ante Senatusconsultum decipiebantur, & tamen non poterant decipi propter ignoratorem Senatusconsulti, quod nondum factum erat. Decipiuntur igitur, quia sibi facile blandiuntur, & spondent de fide debitoris, neque in animum inducere possunt, eum permitturum ipsas vexari, & ad solutionem compelli. Decipiuntur igitur, imò magis circumveniuntur renunciantes, quam non renunciantes. Nec permittitur renunciatio, in *l. si mulier* 2. *C. ad S. C. Vellejani*; aut in *Nov. 118. cap. 5.* Nam in *l. si mulier* permittitur solum post biennium: quæ de re jam latè diximus. In *Nov. 118.* non permittitur, aut approbatur solum renunciatio; 20 sed præcipitur. Præcipitur favore pupillorum, quorum causa favorabilior est, quam mulierum *l. si apud minores ff. de minorib. l. ult. C. si mater indemnitas*. Mulieres non minus arcentur à tutela, quam ab intercessione: utrumque enim virile munus est. *l. ult. ff. de tutel. l. 2. ff. de Reg. Jur. l. 1. ff. ad S. C. Vellejani*. Justinianus in favorem pupillorum admisit ad tutelam matrem, & aviam propter charitatem erga liberos. Ne hic favor in perniciem pupillorum redundaret contra text. in *l. nulla ratio ff. de legibus* necesse erat ipsis præcipere, ut renunciarent S. C. ut possent pro pupillis obligari.

CAPUT VI.

AD L. IN HIS 5. §. SI DUOS
ff. de solut.

SUMMARIUM.

- 1 Debitor potest ita solvere, ut unum ex fidejussoribus liberet.
- 2 Non potest tamen liberare quem voluerit.

- 3 Quid requiratur, ut unus tantum liberetur, & 8. & seqq.
- 4 Qui non solvit nomine unius fidejussoris eum solum non liberat.
- 5 Debitor partem solvens liberat omnes fidejussores pro rata.
- 6 Qui solvit nomine unius fidejussoris, ipsum liberat.
- 7 Potest quislibet pro debitoribus solvere etiam ignorans, & invito.
- 8 Uno ex duobus reis solvente ceteri liberantur.
- 9 Debitor solvens id, quod minus tantum fidejussor debet, ipsum liberat.
- 10 Solutio in quam causam cedat, & quem liberet.
- 11 Non liberat eum fidejussorem, nisi solvas id quod ille debet.
- 12 Si fidejussor sit hæres rei principalis, pro ea parte, pro qua est hæres, liberatur ab obligatione fidejussoria: & quid Juris sit in pluribus fidejussoribus rei succedentibus.
- 13 Naturalis obligatio rei principalis non confunditur eum fidejussoria: & qua de causa.
- 14 Quid Juris sit in fidejussoribus, qui non tenentur in solidum.
- 15 Quo casu solvens tamquam principalis, se ipsum liberet etiam ab obligatione fidejussoria.
- 16 Fidejussoria obligatio per consensum non tollit alteram obligationem fidejussoriam, & qua sit ratio?

EX facto quæsitum fuit. Qui centum debebat, Cajum, & Mævium fidejussores dederat, & cedens utrumque ex æquo hæredem instituerat. Cajus à creditore conveniebatur; offerebat quinquaginta, quæ debebat tamquam hæres principalis debitoris; & hac solutione volebat liberari à tota obligatione. Licet enim deberet alia quinquaginta, tamquam fidejussor; tamen cum principalis solvendo possit liberare fidejussorem quemcumque voluerit, Cajus solvens quinquaginta tamquam principalis, declarabat, se velle liberare se ipsum tamquam fidejussorem, auctoritate Ulpiani in *l. in his vero* 5. §. si duos ff. de solut. Si duos quis dederit fidejussores, potest ita solvere, ut unum liberet. Mirum quantum se torserint principes nostræ civitatis Advocati, ut ab hoc laqueo se expedirent. Interrogatus à Judice respondi, non posse Cajum solventem quinquaginta liberari à tota obligatione: atque ita judicatum fuit.

Non potest debitor, qui solvit partem debiti liberare fidejussorem, quem voluerit, & neque hoc dixit Ulpianus in laudata *l. 5. §.*

fi duos ff. de solut. Est enim falsissimum, cum hoc non pendeat ab arbitrio debitoris. Potest tamen ita solvere, ut unum liberet. Ergo si velit unum liberare, debet eo modo solvere, quo possit ille liberari. Si solvat totum id, quod debet, utique omnes fidejussores liberantur *l. in omnibus 43. ff. de solut.* si partem debiti solvat, omnes pro rata liberantur. Potest tamen ita solvere, ut unus liberetur, alter maneat obligatus. Sed hoc omnino necessarium est, ut solvat nomine ejus fidejussoris, quem vult liberare: & solvat id, quod ille debet.

Primum igitur necesse est, ut solvat nomine ejus, quem vult liberare. Innuit hoc Julianus in *l. quoties 37. ff. de solut.* ubi ait, quod reus liberat unum ex fidejussoribus: si non ex sorte deccdat id, quod solvit, & solvat nomine ejus fidejussoris, cujus debitum solvit. Quamobrem si ex sorte deccdat id, quod solvit, hoc est, si ex causa proprii debiti solvatur à reo principali, non verò nomine fidejussoris: non poterit fidejussorem illum liberare.

Atque id ratio suadet evidenter. Obligatio fidejussoris est quædam accessio principalis obligationis §. *fidejussores Inst. tit. de fidejussor. l. hi, qui 34. ff. eod.* ad idque sequitur principalem obligationem: & sicut non potest contrahi fidejussoris obligatio, nisi subsit obligatio principalis, cui applicatur *l. fidejussor 16. in princ. & §. fidejussor ff. de fidejuss.* ita corruente, & extincta principali obligatione corrui, ac tollitur obligatio fidejussoris in *l. in omnibus ff. de solut.* secundum naturam accessionis *l. nihil dolo. in fine, & l. cum principalis ff. de Reg. Jur.* Si igitur duo, pluresve fidejussores eidem obligationi accesserint, sublata per solutionem principali obligatione, omnes liberentur necesse est. Et si principalis obligatio pro parte solvatur, pro rata parte quoque corrui omnium fidejussorum obligatio necesse est: cum enim omnes illæ obligationes pares sint, & ejusdem conditionis, & eidem obligationi innitantur, subtrahito fundamento, cui insisterant, nulla ratio est, cur non omnes ex æquo debeant intercidere. Cujuscumque obligatio-

nis fidejussoriæ pars, quæ adhærebat parti illi principalis obligationis, quæ dissoluta est per solutionem, amplius subsistere non potest sublato fulcimento, à quo sustinebatur. Quemadmodum si eidem fundamento plures muri superstruuntur, subducta pars fundamenti corrui pars omnium murorum, quæ parti illi fundamenti erat superædificata.

In proposita specie, si debitor solvisset quinquaginta proprio nomine, extincta fuisset ejus obligatio in quinquaginta, nempe pro dimidia parte; & quia huic parti jam extinctæ obligationis adhærebat dimidia pars obligationis tam Caji, quam Mævii, utraque pro dimidia fuisset extincta, & tam Cajus, quam Mævius pro dimidia parte liberati: quapropter ut solus Cajus liberetur, necesse est, ut debitor solvat nomine ipsius Caji; tunc enim Cajus liberatur perinde, 7 ac si ipse solvisset. *l. quoties. in princ. ff. de solut.* Potest enim quilibet pro alio solvere, eumque vel ignorantem, & invitum ab obligatione liberare *l. solutione 23. l. solvere 53. l. si pro me 40. ff. de solut. l. solvendo ff. de negot. gest. l. manifesti C. de solut.*

Verum tamen si Cajus, & Mævius in solidum essent obligati, ut solent fidejussores, debitor solvendo quinquaginta nomine Caji, liberaret etiam Mævium in quinquaginta, nam Cajus solvendo liberat etiam Mævium *l. amissi. in fin. ff. de fidejuss.* Nam in duobus reis uno solvente cæteri liberantur §. *ex hujusmodi Inst. tit. de duobus reis. l. 2. & l. 3. §. 2. ff. de duobus reis.* Et cum Cajo partem solvente liberetur pro ea parte debitor principalis, pro eadem parte reliqui omnes fidejussores liberentur necesse est, extincta principali obligatione.

Non sufficit igitur debitorem principalem solvere id, quod debet unus ex fidejussoribus, nisi etiam solvat ejus nomine. Ut putà, si Cajus, & Mævius fidejusserint non in solidum, sed singuli in quinquaginta; solvit quidem id, quod debet Cajus, non tamen liberat solum Cajum, nisi solvat ejus nomine; sed uterque, ut diximus, pro rata liberatur.

Aliquando tamen solvendo id, quod unus debet, cum solum liberat, etiam si ejus nomine non solvat. Accidit id cum singuli fidejussores diversas res debent. Reus principalis debebat Stichum, & Pamphilum: de Sticho fidejussor est Cajus, de Pamphilo Mævius. Si reus principalis Stichum solvat, urique solum Cajum liberat. Mævium autem liberare non potest, cum non solvat id, quod ipse debet *l. cum quis* 38. §. *qui hominem l. si quis aliam ff. de solut. l. si cum auro ff. cod.* Item si debet pecuniam, quam in arca habet, & pecuniam, quam habet in vidulo; & pro pecunia, quam habet in arca, fidejussor sit Cajus, pro alia Mævius. Solvendo pecuniam, quam habet in arca, solum Cajum liberat, etiam si non solvat ejus nomine. Idem dicendum de reo, qui ex pluribus causis debeat. Nam solvens ex una causa liberat solum fidejussorem, qui pro ea causa intercessit; & si non declaret, ex qua solvat, liberabit fidejussorem, qui accessit duriori causæ, quia in duriorē causam solum videtur *l. 1. 2. 3. 4. 5. & seq. ff. de solut.* si pares causæ sint, cum, qui pro antiquiori debito fidejussit, quia antiquius in pari causa gravius est *l. 5. in princ. ff. de solut.* & facit ad rem text. in *l. ubi fidejussor* 24. ff. *de solut.* in qua licet agatur de solutione facta à fidejussore duorum debitorum, tamen dubitari non potest, idem dicendum de solutione facta à debitore ex pluribus causis habente plures fidejussores, argumento *l. quoties ff. cod.* Quod si plures causæ, & æque pares sint, & æque antiquæ, uterque fidejussor pro rata liberabitur: solutio enim cedit in utramque causam pro rata *l. illud* 8. ff. *de solut.* Multo magis igitur uterque fidejussor pro rata portione liberabitur, si ex unica causa debeat, & solvat nomine proprio; & non declaret se solvere nomine fidejussoris, semper enim pro semetipso solvere præsumitur *l. cum ex pluribus ff. de solut.*

Non sufficit reum solvere nomine fidejussoris, ut cum liberet ab obligatione. Illud etiam necessarium requiritur, ut solvat id, quod debet ille fidejussor, quem vult libe-

rare: si enim aliud solvat, etiam si solvat ejus nomine, illum non liberabit: itaque nec si ipse fidejussor id solveret, liberaretur *l. si quis aliam, & l. si cum auro ff. de solut.* Solutione enim ejus, quod debetur, tollitur obligatio. *princ. tit. Inst. de fidejuss.* Itaque si debeat Stichum, & Pamphilum, solvendo Stichum, non potest liberare eum, qui pro Pamphilo fidejussit, licet ejus nomine solvatur: & hoc est Juris explorati.

His expōitis facillè quivis intelligit, cur Cajus solvendo quinquaginta non possit à tota obligatione liberari. Cajus, & Mævius fidejussores in solidum succedunt reo principali, qui debebat centum. Uterque incipit debere quinquaginta tamquam hæres, & reus principalis, & hæc amplius non debet tamquam fidejussor, quia per confusionem tollitur, & extinguitur obligatio fidejussoria, quæ absorbetur à principali *l. generaliter. in princ. ff. de fidejuss. l. cum quis* §. ult. & *l. si duo* 93. §. *penult. l. Stichum* 95. §. *quod vulgo ff. de solut.* non potest enim ea debere simul & tamquam principalis, & tamquam fidejussor, cum nemo possit esse fidejussor sui ipsius *l. hæres* 21. §. *servo tuo ff. de fidejuss.* Cajus igitur debet quinquaginta tamquam reus principalis, quia est hæres debitoris: & debet alia quinquaginta tamquam fidejussor Mævii, in quem translatā est obligatio debitoris defuncti pro reliqua parte, pro qua ipse erat fidejussor defuncti. Etenim pro hac parte obligationis, quæ in Mævium translatā est, Cajus manet obligatus tamquam fidejussor, cum pro hac parte non sit sublata per confusionem obligatio fidejussoria. Eadem ratione Mævius debet quinquaginta, tamquam principalis, cum sit hæres defuncti debitoris, pro quibus est fidejussor Cajus. Debet & alia quinquaginta tamquam fidejussor eorum quinquaginta, quæ à Cajo principaliter debentur. Itaque uterque est debitor principalis, & fidejussor: Cajus est fidejussor Mævii, & Mævius fidejussor Caji. Supponimus autem defunctum fuisse verum debitorem, nam si naturaliter tantum fuisset obligatus, non tolleretur per confusionem obligatio fidejussoria. *l. hæres*

§. *servo tuo ff. de fidejuss.* Quia neque principalis obligatio potest perimere fidejussoriam, cum sit imbecillior, & infirmior *l. Stichum. §. quod vulgo ff. de solut.* neque fidejussoria potest perimere principalem, cum ei accedat, eamque sequatur. *c. accessorium de Reg. Jur. in 6.*

Progrediamur ad solutionem Caj. Cajus solvit quinquaginta: aut ea solvit tamquam principalis, & hæres defuncti, aut ea solvit tamquam fidejussor; si solvit ea quinquaginta, quæ debet tamquam principalis, non potest liberari in iis quinquaginta, quæ debet tamquam fidejussor, quia illa non solvit. Summa enim, quam debet tamquam principalis, diversa est à summa, quam debet tamquam fidejussor: cum non possit eandem summam debere simul & tamquam principalis, & tamquam fidejussor, ut diximus. Non liberat autem fidejussorem, quem vult, qui non solvit summam ab eo debitam, ut probavimus. Præsertim quia si solvit tamquam principalis, non solvit nomine fidejussorio. Itaque solvendo quinquaginta, quæ debet nomine hæreditario, & tamquam principalis, liberat Mævium ab obligatione fidejussoriâ: quia pro ea summa fidejussor est Mævius. Eandem enim summam, quam debet Cajus, tamquam principalis, debet Mævius tamquam fidejussor, eamque summam, quam Cajus debet tamquam fidejussor, debet Mævius tamquam principalis.

Quod si Cajus solvat tamquam fidejussor, liberatur quidem ab obligatione fidejussoriâ, non verò à principali. A principali enim obligatione liberat Mævium, cum solvat eam summam, quam debet Mævius tamquam principalis: *princ. Inst. tit. quib. mod. tollit. oblig.*

Fingamus jam Cajum, & Mævium non fuisse fidejussores in solidum, sed utrumque pro æquis partibus, cum succedat uterque reo pro æquis partibus, pro dimidia parte pro confusione tollitur obligatio *l. r. & l. 14 pen. c. de heredit. action.* itaque uterque debet quinquaginta tamquam hæres, hoc est, tamquam reus principalis: & alia viginti-

quinque tamquam fidejussor. In reliquis enim per confusionem sublata est obligatio. Quamobrem si Cajus solvat quinquaginta, quæ debet tamquam hæres defuncti debitoris, liberat Mævium pro summa eorum vigintiquinque, quæ debet tamquam fidejussor. Quod si solvat 25. quæ debet tamquam fidejussor, liberat Mævium in pari summa, hoc est in dimidio ejus, quod debet tamquam principalis.

Proponamus modò speciem, in qua Cajus solvens tamquam principalis, se ipsum liberet ab obligatione fidejussoriâ. Fingamus, 15 duos reos debendi sibi invicem in solidum esse fidejussores, & præterea utrique fidejussorem in solidum esse Cajum. Moritur unus ex duobus reis, eique succedit Cajus ex asse. Per confusionem tollitur obligatio fidejussoria, quâ antea obstrictus erat pro defuncto, cui successit. Manet tamen obstrictus tribus obligationibus. Prima est principalis, quâ tenetur tamquam hæres defuncti. Aliæ duæ sunt fidejussoriæ: altera, quâ & antea tenebatur, & nunc etiam tenetur pro reo superstiti: altera, quæ in eum translata est, per hæreditatem, quâ defunctus erat obstrictus tamquam fidejussor correi. Neutra enim ex his duabus obligationibus alteram exinguit, cum ambæ pares sint, nec ulla potentior alterâ *l. generaliter ff. de fidejuss. l. si reus promittendi 13. ff. de duob. reis l. non est novum 10. ff. de act. empt. & nominatim in l. heres 21. §. 1. ff. de fidejuss.* Si Cajus, 16 qui tribus hæc obligationibus obstrictus erat, aliquid solvat tamquam debitor principalis, pro parte solutâ liberatur, & ab obligatione principali, & ab utraque obligatione fidejussoriâ: quia ex qua parte liberatur à principali obligatione, liberat & correum suum *l. 2. & 3. §. 1. ff. de duobus reis §. 1. Inst. tit. eod.* liberato autem correo, ejus ipse est fidejussor, necesse est, ut etiam ipse liberetur ex causa fidejussionis *l. in omnibus ff. de solution.* & quidem ex utraque causa, ex utraque obligatione, cum harum obligationum ea natura sit, ut non solum per solutionem utraque tollatur, sed etiam, ut alterâ in judicium deductâ, altera con-

sumatur l. generaliter. n. sine ff. de fidejuss.

Si quid simile acciderit, facillè poterit definiri, dum illud semper teneamus, non esse in arbitrio debitoris solventis liberare fidejussorem, quem voluerit, sed posse solummodò liberare eum fidejussorem, cujus nomine solvit, aut cujus debitum solvit, ut initio exposuimus. Neque in his controversiis dicimendis poterit quisquam errare, si accuratè expenderit, quæ summa solvatur, & quæ debeatur à fidejussore, qui liberandus est.

CAPUT VII.

AD L. MARCELLUS 25.
ff. de fidejuss.

SUMMARY.

- 1 Proponuntur verba Legis; & quorundam de ea sententia.
- 2 Fidejussor pupilli tenetur: & quare.
- 3 Fidejussor prodigi, & furiosi non tenetur: & quare.
- 4 Fidejussori non debet esse damnosum officium suum.
- 5 Quibus ex causis pupillus, furiosus, prodigus obligantur sine tutoris & curatoris auctoritate.
- 6 Fidejubeas pro pupillo, furioso, & prodigo obligatus potest ab iis repetere quod solvit: & quâ actione.
- 7 Solvente fidejussore pupillus, prodigus, & furiosus sunt locupletiores.
- 8 In hac Lege agitur de restitutione in integrum.
- 9 Subveniendi verbum refertur ad restitutionem.
- 10 Restitutio in integrum non predest fidejussoribus.
- 11 Fidejussor liberatur quoties habuit effectus regressum adversus eum jam liberatum.

Hanc Legem aggressi sunt ferè omnes magni nominis Interpretes: quam prospero successu, alii judicent. Ego eam ita explicabo, ut nulla possit esse amplius controversia apud Viros Doctos, & non-refractarios: neque tamen illam aut emendare ausim cum multis, aut ex Jure Civili expungere, quasi in ea proponatur Marcelli sententia non tamen probetur, ut alii sunt arbitrati. Legis verba sunt hæc. *Marcellus scribit: Si quis pro pupillo sine tutoris auctoritate obligato, prodigove, vel furioso fide-*

jussor, magis esse ut ei non subveniatur, quoniam mandati actio non competit.

Duo occurrunt in hac Lege, quæ homini etiam in Jure Civili exercitatio scrupulum injicere possint. Primum, quod putaverit Marcellus teneri fidejussorem furiosi, & prodigi. Quod teneatur fidejussor pupilli sine tutoris auctoritate contrahentis in confesso est, dum ille sit proximus pubertati l. si pupillus 127. ff. de V. O. l. si pupillus 35. ff. de recept. arb. Et ratio est in promptu: quia pupillus pubertati proximus contrahens sine tutoris auctoritate naturaliter obligatur l. 1. in fin. ff. de novat. l. cum illud 25. §. 1. ff. quando dies leg. ced. l. si pupillus 21. in princ. ff. ad Leg. Falc. l. ult. in princ. ff. de jurejur. l. Stichum 95. §. aditio & §. naturalis ff. de solut. Atqui naturali obligationi accedere posse fidejussorem non dubitatur l. fidejussor 16. §. fidejussor ff. de fidejuss. §. in omnibus Inst. eod. Sed ut hoc verissimum est, ita falsissimum est, teneri fidejussorem prodigi, aut furiosi sine consensu curatoris contrahentium l. si a reo 70. §. si à furioso ff. de fidejuss. Et ne quis putet fortasè hæc de re fuisse controversiam inter Veteres Jurisconsultos; idem Ulpianus, qui Auctor est Legis, quam explicamus, disertè monet fidejussorem prodigi, & furiosi non teneri, in l. is cui bonis 6. ff. de Verb. obl. Et meritò: nam qui nullo modo est obligatus, nec naturaliter, nec civiliter, frustrà dat fidejussorem l. fidejussor 16. in princ. ff. de fidejuss. at prodigus, & furiosus sine curatore nec naturaliter, nec civiliter obligantur, cum consensu destituantur, & si quid egerint, nihil egisse intelligantur l. 2. ff. de jur. eod. l. 5. ff. de Reg. Jur. l. si à reo §. si à furioso ff. de fid. l. is cui bonis 6. ff. de V. O. l. furiosi 40. ff. de Reg. Jur.

Secundum est, quòd inepta videtur ratio adjecta in Lege nostrâ, cum potius videatur subveniendum fidejussori, quoniam mandati actionem non habet, ne ei. damnosum sit officium suum. l. si servus 61. §. quod verò 4. §. vers. multò æquius ff. de furt. l. sed si quis 7. ff. testam. quem aper. l. cum quadam 26. C. de admin. tut.

Hæc sunt, quæ videntur contra rationem Juris ab Ulpiano, & Marcello prodita in *d. l. Marcellus*. Sed re ipsâ ejusmodi non sunt, ut videntur. Ac primum omnium observandum est, ibi agi de furioso, & prodigo, pupilloque obligatis sine auctoritate tutoris: verba Legis sunt: *Si quis pro pupillo sine tutoris auctoritate obligatus, &c.* Supponuntur igitur pupillus, furiosus, & prodigus obligati: ac propterea mirum non est, si obligetur, ac teneatur etiam eorum fidejussor. Non obligantur quidem pupillus, furiosus, & prodigus contrahendo, nisi tutoris, & curatoris auctoritas interveniat, sed tamen etiam sine ullius auctoritate obligantur, quoties ex re actio venit; quoties scilicet obligatio non ex consensu nascitur, sed ex factu aliquo; ut si habeant fundum communem cum aliquo; & is aliquid in eum fundum impenderit, certe obligatur pupillus, furiosus, & prodigus ad refundendas impensas *l. furiosus 46. ff. de oblig. & act.* & quicumque alicujus ex his negotia gerit, eos sibi obligat, etiam tutore, & curatore ignorantibus *l. 3. §. pupillus. cum seq. ff. de negot. gest.* atque eadem de causa ipsi obligantur tutoribus, & curatoribus suis, & tenentur actione tutelæ contrariâ *l. 1. §. 1. & 2. ff. de contr. tut. act. & iis, qui pro tutore, vel curatore negotia gesserint l. ult. ff. de eo qui pro tut.* Uno verbo, in obligationibus, quæ sine consensu consistere non possunt, hi non tenentur sine tutoris, & curatoris auctoritate propter judicii imbecillitatem: at verò adstringuntur obligationibus illis, quæ sine consensu contrahuntur, quia in his nullum obstat impedimentum, quo fiat ut obligari non possint. Eum autem, qui fidejussit pro pupillo, furioso, prodigove his modis obligatis, teneri non ambigitur, cum omni obligationi possit accedere fidejussor *l. 1. l. grati 8. §. 1. cum seq. ff. de fidejuss.*

Atque hæc suboluerunt etiam eloquentissimo Donello: sed tamen rem non potuit expungere. Hoc enim constituto non solum inoperta est ratio, quæ adjicitur in nostra Lege, sed omnino falsa. At enim Marcellus fide-

jussorem teneri, quia mandati actio non competit. Atqui si fingimus ibi fidejussorem intercessisse pro furioso, & prodigo obligatis, habebit fidejussor, si non mandati actionem, saltem actionem negotiorum gestorum *l. 3. §. pupillus. cum seq. ff. de negot. gest.* gerit enim eorum negotium utiliter fidejussor, cum pro illis Jure obligatis solvit, eosque liberat ab obligatione *l. sed videamus 4. ff. de negot. gest.* neque eò confugere licet, quod fortasse illi, pro quibus fidejussor solverat, locupletiores facti non erant, cum hoc æstimandum sit tempore litis contestatæ *l. litis 37. in pr. ff. de negot. gest.* nam primum in nostra Lege generaliter negatur actio fidejussori, cum tamen vix possit accidere, ut ex illa solutione prodigus, & furiosus non sint facti locupletiores, cum liberati sint ab obligatione. Præterea semper illi sunt locupletiores hoc ipso, quod non sunt facti pauperiores, quia non sunt coactiolvere propter fidejussorem, qui suscepit onus solutionis *l. in pupillo §. 1. ff. de solut.* Quamobrem scopulum declinantes in Syrtis impingimus, sed has etiam præverteci feliciter evagabimus.

Animadvertendum igitur est, in ea Lege pertractari de pupillo, furioso, & prodigo Jure obligatis, ut diximus, & in integrum restitutis. Nulla in ea Lege mentio est restitutionis, sed tamen conjecturâ ibi faciliè assequi possumus. Primum enim Lex illa deprompta est ex libro undecimo Ulpiani ad 8 Edictum: quo in libro certum est Ulpianum pertractasse de restitutione in integrum, quæ minoribus à Prætoris conceditur, ut constat ex titulo, *ff. de minoribus*, in quo sunt undecim, eaque longissime leges depromptæ ex libro 11. Ulpiani ad Edictum, in quibus de hac restitutione agitur: & in *l. 1. ff. de min.* quæ ex eod. libro deprompta est, Ulpiani proponit Edictum Prætoris de restitutione, ejusque explicationem exorditur, quam prosequitur in leg. bus subsequenter. Ac si divinare licet, præponenda erat hæc lex legi in causa 13 *ff. de min.* sed quia in ea idem copiosius explicatur, hoc fragmentum absciderunt compilatores, & in locum hunc rejecerunt,

cerunt, cum in illa *l. in causa 13.* nihilominus satis explicetur quid Juris sit de fidejussore minoris restituti, & in hac de minoribus non pertractatur, quod in eo titulo propositum est; sed de pupillo, furioso, & prodigo.

Præterea observanda sunt verba illa nostræ legis: *magis esse ut ei non subveniatur*: quæ ut propria sunt restitutioni; ita minimè conveniunt, si generaliter legem accipiamus. *Subvenire* enim alicui dicimur, quoties ille tenetur ipso Jure, sed ei aliquid indulgemus auxilium, quo id consequatur, ut cogi non possit ad solvendum: quod minimè convenit fidejussori obligato, de quo ineptè quis dixerit ei non subveniri, cum nullus suppetat modus quo ei subveniri possit. Sunt autem hæc verba aptissima ad indicandam restitutionem: subveniri enim ei dicitur, cui porrigitur auxilium restitutionis, *l. minoribus 6. l. ait Prator 7. §. sed etsi 2. & §. sed etsi 5. l. si ex causa §. nunc videndum, cum seq. l. verum §. quid si ff. de min. & passim in eo titulo.* Et aptissimè idem Ulpian. in *l. in causa 13. in princ. ff. de min.* Non est æquum fidejussori in necem meam subveniri, sed potius ipsi deneganda erit mandati actio: in summa perpendendum erit Pratori, cui potius subveniat, utrum creditori, an fidejussori: nam minor capere neutri tenebitur. En eadem sententia, iisdemque ferè verbis expressa. Et in *l. minor 51. ff. de procur. Minor viginti quinque annis defensor idoneus non est: quia & ipsi, & fidejussoribus ejus per in integrum restitutionem succurritur.* Et in *l. si pupillus 89. ff. de acquir. vel om. har. Si pupillus habere se absteineat, succurrendum est & fidejussoribus ab eo datis.* Quamquam hic fortasse non agitur de restitutione, ut putant Interpretes.

His positis, nihil est in nostra lege, quod abhorreat. Finge enim pupillum, furiosum, aut prodigum jure obligatos sine tutore, aut curatore, quamquam furiosum, & prodigum, etiam cum curatore obligatos supponere possumus, cum in nostra lege contraarium non sit expressum. Ac si placet, finge speciem propositam in *l. si ex causa §. si in commissum ff. de min.* aut in *l. 1. C. si advers.*

delict. quæ tamen furioso convenire non potest. Hos autem ita obligatos proponere fuisse in integrum restitutos: quæritur an hæc restitutio prosit etiam eorum fidejussoribus: seu an per restitutionem ipsis solummodò subveniatur, an etiam eorum fidejussoribus. Controversia adeo obicula, ut in ea nemo non cæcutiat: sed & huic nos lucem non modicam attulimus. Hac de re sæpè etiam Veteres quæsiere, ac præsertim Ulpianus tum in *l. 3. §. sed utrum. vers. sed an hoc*: tum in *l. in causa 13. in princ. ff. de min.* Hæc eadem controversia ab eodem Ulpiano proponitur in hac lege: & ex sententia Marcelli responderet, fidejussori non subveniri, sicut respondit etiam in *d. l. in causa 13. in princ. ff. de min.* Addit hanc rationem: *quoniam mandati actio non competit.* Ac merito quidem: quia si fidejussor haberet actionem mandati adversus restitutos, necesse esset subvenire etiam fidejussori, ne foret inutilis restitutio iis, qui fuerant restituti, cum parùm eorum intersit an à principali, an à fidejussore conveniantur. Idcirco quoties fidejussor habiturus est regressum adversus principalem, liberatur etiam fidejussor, ne principalis frustra sit liberatus, *l. ult. in fin. C. de usur. rei jud. l. quod dictum ff. de pact. l. sed si pater familias §. non solum ff. de S. C. Maced. l. cum lex. 46. ff. de fid. l. 1. §. exceptionem in fin. ff. quar. rer. alt.* Quamobrem idem Ulpianus etiam in *l. in causa 13. ff. de min.* monet, fidejussorem minoris restituti in integrum non habiturum mandati actionem. Quorum enim restitutio, si possit minor à fidejussore conveniri? De his, quæ diximus, credo non dubitabit, qui hanc cum illa lege contulerit, & utramque accuratè perpenderit.

CAPUT VIII.

AD L. SI PUPILLUS 89. ff. de acquir. vel om. hered.

SUMMARIUM.

1 Restitutio concessa minori non præstat pænesort.

A 4

- 2 Minor adiens hereditatem indiget restitutione, ne possit abstinere; secus in pupillo.
- 3 Quando restitutio minoris prodest fidejussori.
- 4 Deficiente causa obligationis debitor non tenetur, & potest se suari exceptione doli.
- 5 Restitutio adversus incensibilem aditam hereditatem prodest etiam fidejussoribus; & quare?
- 6 Exceptio doli transit ad fidejussorem.
- 7 Minor restitutus adversus aditam hereditatem nec naturaliter, nec civiliter manet obligatus.
- 8 Explicatur l. si quis pro eo § 6. ff. de fidejuss.
- 9 Ubi naturalis manet obligatio, fidejussor non liberatur; secus si nec civilis, nec naturalis obligatio subsistat.
- 10 Naturales obligationes nec Præter solitis, neque Jus Civile: & quare?

Quoniam incidimus in restitutionem in integrum, explicemus duas alias leges, quæ eodem pertinent, Interpretibus nostris plus nimio molestas. Farentur plerique omnes, restitutionem in integrum non prodesse fidejussori minoris, ita ut licet minor ipse per restitutionem liberetur, atque eximatur ab obligatione, tamen fidejussorem ejus maneat obligati, ad text. in l. 1. & 2. C. de fid. min. cum aliis. Dux sunt tamen leges in quibus contrarium videtur affirmari. Prima est, quam modò explicamus, l. si pupillus § 9. ff. de acquir. vel om. her. verba legis hæc sunt: Si pupillus se hereditate abstinuit, succurrendum est, & fidejussoribus ab eo datis, si ex hereditario contractu convenirentur. Idem confirmatur totidem ferè verbis in l. 2. in fin. ff. de adm. & peric. tut. Si satisdedit tutor, mox abstinuit pupillus, fidejussoribus quoque ejus debet subveniri.

In his legibus agi putant Interpretes de restitutione in integrum, quia agitur de pupillo, qui jam adiit hereditatem, & ut postea se abstineat, in integrum restituendus est. Ego contra sentio. Animadvertendum est, in utraque lege agi de pupillo, non de minore. Hoc autem minor, ac pupillus interest; quod minor, si se immiscuerit hereditati, non potest se ab ea abstinere, nisi fuerit restitutus in integrum: pupillus verò etiam sine ulla restitutione potest se abstinere, etiam si se immiscuerit l. impuberibus. 11. & l. necessariis § 7. ff. de acquir. vel om. hered.

Atque ita facile eluditur argumentum. Sed hic non hæreo: quæ sit enim, ut pupillo se abstinente sine restitutione potius liberetur fidejussor, quàm si restitutionem in integrum impetraverit, eaque impetratâ se abstinerit? Dico igitur liberari fidejussorem, etiam si minore se abstinerit, cui certè necessaria est restitutio. Ulpianus in l. denique § 4. ff. de min. ait restitutionem interdum prodesse fidejussoribus. Hanc unam esse speciem, in qua prodest restitutio fidejussoribus, nullus dubito. Causam paucis aperiā. Quotiescumque quis aliquâ causâ adducitur ad promittendum, si causa illa falsa sit, aut ex post facto evanescat, non tenetur. Obligatur quidem ipso Jure, & conveniri potest: sed frustra convenitur, quia repellere potest actorem exceptione doli mali. l. 1. §. circa ff. de dol. mal. & met. except. l. Julianus § 7. ff. cod. l. si quis cum aliter ff. de verb. obl. Datur hæc exceptio ex æquitate naturali, quia æquum non est, ut cogatur ad solvendum debitor deficiente causâ illâ, sine quâ promissurus non fuisset § 1. Inst. tit. de except. Si igitur aliquis putans se debere centum Titio, ea centum ipsi promittat per stipulationem, licet summo Jure teneatur, & conveniri possit, tamen exceptione doli defenditur d. l. 1. §. circa. vers. proinde. & l. Julianus § 7. ff. de dol. mal. exc. uno verbo, tenetur civiliter, non naturaliter. Imò perinde est, ac si nulla esset ejus stipulatio l. si dari § 2. in fin. ff. de V. O. Et eleganter Paulus in l. qui pecuniam § 30. ff. de reb. cred. Qui pecuniam accepturus spondit creditori futuro, in potestate habet, ne accipiendo se ei obstringat. Nimirum quia deest causa, quâ adductus fuerat ad promittendum.

Veniamus ad rem nostram. Minor, qui aditâ hereditate spondet creditoribus hereditariis se soluturum id, quod ipsis à defuncto debebatur, eisque dat fidejussorem, utique idèò promittit, quia putat se ipsis debere, quod promittit; videlicet quia adeundo hereditatem cum ipsis obligationem contraxit, aut potius in defuncti obligationem successit, §. ult. Inst. per quas person.

enique acquiritur, cum similibus. Quando autem minor restituitur in integrum (et si eo tempore quo promissit, iustam causam habuit promittendi) tamen nunc nullam idoneam causam habet, cum hæres non sit, nec in eum transmissa sit obligatio defuncti. Tutus igitur esse debet saltem exceptione doli mali, si conveniatur ex sua stipulatione *l. 2. §. circa. vers. et si. l. Julianus 7. ff. de dol. mal. exc. l. 6 qui pecuniam 30. ff. de reb. cred.* Atqui exceptio doli mali transit etiam ad fidejussores, cum rei, causæque cohæreat, non personæ. *l. exceptiones 7. §. 1. ff. de except.* Et ad rem nostram accommodatè Julianus in *l. si stipulatus 15. in princ. ff. de fidejuss. Si stipulatus esset à me sine causa, & fidejussorem dedissem; fidejussori etiam invito me exceptio dari debet.* Creditores hæreditarii stipulati sunt à minore sine causa, quia per restitutionem factum est, ut ipse non sit hæres, nec illi sint ejus creditores. Igitur omnino danda est exceptio fidejussoribus. Idcirco in legibus, quas explicamus, statuitur succurrendum, ac subveniendum esse etiam fidejussoribus.

Sed progrediar etiam longius. Dixi cum, qui falsâ causâ adducitur ad promittendum, teneri summo Jure, teneri civiliter; non teneri naturaliter. Minor igitur, cum per restitutionem evanescat causâ promissionis, naturaliter non est obligatus. Dico præterea, nec civiliter quidem obligatum esse. Restitutio enim rescindit ipsam stipulationem, unde oriri posset illa obligatio merè civilis, illa obligatio inutilis, & quasi nulla: nam restitutione fieri solet irritus actus, unde minor læditur *l. quod si §. 1. & §. restitutio. l. non omnia ff. de minor.* vel saltem inutilem prorsus efficit eam ipsam obligationem merè civilem, quia actionem denegat *l. patri §. si pecuniam ff. de minor.* Cum igitur minor nec naturaliter, nec civiliter amplius teneatur, fidejussores liberentur necesse est. *l. in omnibus ff. de solut.* Utar exemplo ad id, quod dicimus, confirmandum accommodato, quod mihi suppeditat Paulus in *l. si quis 8 pro eo 56. in princ. ff. de fidejuss.* Species ejus legis hæc est, ut ego arbitror. Quidam, cum putaret se libertum esse, juravit se

præstiturum operas ei, quem patronum suum credebatur, eique dedit fidejussorem: non tenentur fidejussores dati; ratio est in promptu. Non possunt fidejussores obligari, nisi principalis, aut civiliter, aut naturaliter saltem sit obligatus. *l. fidejussor 16. §. fidejussor. ff. de fidejuss.* In hac specie principalis non est obligatus civiliter, quia juramentum civiliter, & efficaciter obligat solos liberos libertatis causâ jurantes *l. ut jurisjurandi. in princ. ff. de oper. libert.* Non est obligatus naturaliter, quia promissit, quod putabat se libertum esse, non promissurus, si scivisset se libertum non esse: ac propterea cum errore lapsus sit, naturaliter æquum non est eum obstringi *§. 1. Inst. tit. de except.* Quo fit, ut fidejussores ab eo frustra dati sint. Eadem ratio in re, de qua agimus. Minor non tenetur naturaliter, quia promissurus non erat, si scivisset se nihil debere creditoribus defuncti, se hæredem non esse. Non tenetur civiliter, quia obligatio etiam civilis irrita facta est per restitutionem in integrum. Eo igitur omnino liberato, liberantur etiam fidejussores *l. in omnibus ff. de solut.*

Atque hic animadvertendum est, cur in hac specie fidejussores liberentur, non verò in aliis. Nimirum hic minor ita contraxit, ut contrahendo non obligaretur naturaliter: quamobrem infirmatâ civili obligatione per restitutionem, nulla superest obligatio principalis, cui inniti possit, atque adhærere obligatio fidejussoris. At verò cum minor contrahendo naturaliter obligatur, per restitutionem non liberantur fidejussores: quia minor manet obligatus naturaliter; & quando principalis naturaliter obligatus manet, fidejussores non liberantur *l. ubicumque ff. de fidejuss.* Quod eo fit, quia tunc naturalis obligatio, tunc quicquid à Jure Naturali promanat, mutari non potest, aut tolli à prætore, vel Jure Civili *l. eas obligationes ff. de cap. min. l. 2. §. 1. ff. de usufr. ear. rer. l. ubi pugnantia 88. §. 1. ff. de Reg. Jur. §. pen. Inst. tit. de Jur. Nat. Gen. & Civ. Inst. tit. de leg. agn. tut. in fin.* nascitur enim obligatio naturalis ex fide, quam minor præstitit, *l. cum amplius §. 1. ff. de Reg. Jur.*

nec efficere potest Prætor, ut sit infectum, quod factum est *l. in bello l. facti ff. de capiv.* aut non conveniisse de eo, quod convenit.

CAPUT IX.

AD L. MINOR 51. ff. de Procurat.

SUMMARIUM.

- 1 Proponeitur alius casus, in quo restitutio prodest fidejussoribus minoris.
- 2 Aliena litis homo est idoneus defensor sine satisfactione.
- 3 Minor non est idoneus defensor: & quare?
- 4 In omni judicio tres persone sunt necessariae, Actor, Reus, & Judex.
- 5 Subductio rei iudicium corrumpit.
- 6 Infirmato judicio coram satisfactione judicialis.
- 7 Satisfactio iudicatum solvi quid contineat.
- 8 Cur liberentur fidejussores defensoris in integrum restituito.
- 9 Rescissa causa satisfactionis rescinditur ipso satisfactio, & fidejussores liberantur.
- 10 Multo magis rescisso judicio rescinditur satisfactio judicialis.
- 11 Satisfactio judicialis erronea, nulla est.
- 12 Exceptio, qua competit capite minui, non extenditur ad fidejussores, nisi in satisfactione judiciali.
- 13 Lite mortua, non tenentur fidejussores iudicatum solvi.
- 14 Mutata conditio rei conveni fidejussores ejus liberantur.
- 15 Justitio in dominum translatæ, liberantur fidejussores dati à defensore.
- 16 Petens restitutionem non impugnatur, nec committitur stipulationem de rato.
- 17 Reprehenditur eorum sententia, qui putant liberari fidejussorem, quod principalis mutat qualitatem.

IAm verò ad aliam legem, superiori propè similem explicandam aggrediamur. Ulpianus in *l. minor 51. in princ. ff. de Procur.* disertè affirmat restitutionem in integrum prodest etiam fidejussori, his verbis, *Minor viginti quinque annis, si defensor existat, ex quibus causis in integrum restitui possit, defensor idoneus non est: quia & ipsi, & fidejussoribus ejus per in integrum restitutionem succurritur.* Dubitandum non est, hùc etiam pertinere id, quod indicatur in *l. 3. §. sed*

utrum. vers. sed an hoc ff. de min. restitutio- nem interdum prodest fidejussoribus: cùm utraque lex sit ejusdem Ulpiani. Cur autem prosit in specie hujus legis, non in aliis, explicandum est.

Primum omnium observandum est, in hac lege agi de minore, qui volebat reum in judicio defendere. Nemo autem alienæ litis idoneus defensor est sine satisfactione *l. qui proprio §. qui alium ff. de proc. l. si ad defendendum 10. ff. de jud. solvi. l. un. in fin. C. de satisf. §. si verò & §. ult. Instit. eod.* non potest igitur ad defensionem minor admitteri sine satisfactione: atqui minor frustrà; satisfat, cùm possit in integrum restitui, ac non solum ipse, sed etiam fidejussores in satisfactione adhibiti liberari *d. l. minor.* Quo fit ut idoneus defensor non sit.

Sed hoc ipsum quaeritur cur fidejussores liberentur. Meo quidem judicio ita se res habet. In omni judicio tres persone concurrant necesse est: Actor, Reus, & Judex *l. ea qua C. de crimin. & ep. l. ult. C. quomodo, & quando jud.* Ac si desit aut Judex, aut Actor, aut Reus, nullum est judicium: est enim omne judicium de re controversa, cui Judex sententià suâ finem debet imponere *l. 1. ff. de re jud.* non potest autem ulla esse controversia nisi inter duos, quorum alter dicat, alter neget. Qui dicit, actor est; qui negat reus; qui finem controversiæ imponit, Judex. Veniamus ad rem nostram. Minor qui alium in judicio defendit, rei vicem gerit: rei personam sustinet *l. minor. §. 1. ff. de proc. l. Titius 76. ff. eod.* per restitutionem subtrahitur minor à judicio: confestim evertitur judicium, atque infirmatur, subtracto reo, sine quo judicium non potest consistere. Infirmato judicio fit irrita omnis satisfactio, quæ propter judicium fuerat interposita, deficiente scilicet causâ cui satisfactio innitebatur. Quid enim promittit defensor, ejusque fidejussores? promittunt iudicatum solvi. Hæc stipulatio tres clausulas in unum collatas habet: de re judicata, de re defendenda, & de dolo malo. *l. iudicatum 6. ff. jud. solvi.* Atqui non possunt teneri ex prima clausula ad solvendum iudicatum: quid enim sol-

vant, si nulla est res judicata; nullum judicium; non tenentur ex secunda clausula ad defendendum, & propter rem non defensam, quia indefensa non est res, de qua
 8 Prætor judicium accipere non cogit *l. vir bonus* 18. ff. *jud. solvi*: Est autem ipse Prætor, qui restituit in integrum, *l. 1. ff. de minor.* & restituendo, non solum non cogit, sed etiam vetat judicium à minore accipi. Denique non possunt teneri de dolo ex tertia clausula, cum nullus dolus intervenerit, & minor Jure permittente à judicio sit exemptus, & bonus vir non arbitretur rem indefensam esse *d. l. vir bonus* 18. ff. *jud. sol.* non potest igitur committi stipulatio judicatum solvi.

Sed explicemus hæc uberius, & si fieri potest, etiam planius. Quoties rescinditur causa, propter quam fuerat interposita satisfactio, infirmatur quoque ipsa satisfactio, &
 9 liberantur fidejussores. Exemplum nobis sup-
 pediat Paulus in *l. 3. ff. de rescind. vend.* Celebrata erat venditio, & propter venditionem interposita satisfactio. Contrahentes à venditione recesserunt contrario consensu: respondit Paulus fidejussores liberatos esse. Obtenit hoc in contractibus, multò magis in judiciis, in quibus sola mutatio personæ satisfactionem irritam reddit. Exemplis hæc
 10 illustro. Qui injuriarum acturus erat, mortuus est: eo mortuo finitur judicium, quia actio injuriarum ad hæredes non transit, *§. non autem Inst. tit. de perper. & temp. act.* cum igitur nullum sit judicium, nulla causa, cui accessit satisfactio, licet hæc stipulatio suam naturam ad hæredem transeat, tamen in hac causa sit irrita, & fidejussores liberantur, rescissa causa, cui innitebatur satisfactio *l. si eant. §. qui injuriarum ff. si quis caut. in jud. sist.* Rursus, si quis cum non teneretur satisfacere, per errorem satisfecerit, fidejussoribus danda est exceptio *l. 4. §. item quaritur ff. cod.* Rursus, si quis his personis, quæ agere non potuerunt fidejussorem dederit, frustrà erit datio *l. fidejussor 2. §. 1. ff. qui satisd. cog.* cur frustrà datur fidejussor ei, qui agere non potest? nimirum quia judicium ipsum est irritum, cum desit in judicio

idonea persona actoris. Sic frustrà datus est fidejussor à minore defensore, si postea restituitur, cum desit idonea persona rei. Quo
 12 fit, ut licet exceptiones, quæ competunt capite minutis, non extendantur ad fidejussores, argum. text. in *l. defensiones 11. C. de except.* tamen in satisfatione judiciali contrarium sit constitutum *l. 4. in princ. ff. si quis cautum.*

Eriam propius ad rem accedamus. Paulus in *l. 2. ff. judic. solvi.* Cum lite mortua nulla rei sit, ideo constas fidejussores ex stipulatu judicatum solvi non teneri. Nihil clarius. Quo-
 13 ties lis est mortua, quoties judicium est nullum, ut sit, cum à judicio subducitur reus per restitutionem, non tenentur fidejussores. Etiam amplius. Non solum si à judicio subtrahatur persona rei, fidejussores liberantur, sed etiam si mutetur conditio personæ,
 14 licet eadem judicium prosequatur; tamen fidejussores liberantur. Veluti si quis defendens absentem sine ejus mandato, satisfecerit; & postea mandato ejus procurator sit factus, aut ei hæres extiterit: quia non est eadem causa personæ, fidejussores non tenentur *l. si ante acceptum 7. ff. cod.* Hoc eò magis dicendum in specie, quæ de agimus, in qua non solum mutatur conditio, & causa
 15 minoris per restitutionem, sed etiam minor omnino eximitur à judicio, & judicium amplius non prosequitur, ac proinde judicium in dominum, quem defendebat, transferebatur: judicio autem in dominum translato, non tenentur fidejussores, quos defensor dedit *l. 1. in fin. ff. quib. mod. pig. vel hyp. solvi.* Præsertim cum minore petere restitutionem, non solum non committatur stipulatio judicatum solvi, sed nec ipsa quidem stipulatio de rato, quia petendo restitutionem non videtur impugnare stipulationem
 16 *l. 3. in princ. ff. rem rat. hab.* confugit enim ad auxilium commune, sibi quæ à Jure tributum, ac propterea deficit conditio stipulationis *d. l. 3. §. falsus ff. rem rat. hab.*

Hoc tantum moneo, falsum videri, quod plerique Docti Viri respondent: quòd fidejussor, qui intercedit pro minore certæ personæ qualitatem inducente, liberatur per res-

riutionem, quia fidejubendo videtur id egisse, ut ne teneretur, si minor eam qualitatem deponeret, quam reverà deponit cùm restituitur. Nam, ut omittam cætera, ex *d. l. si ante acceptum. in princ. ff. jud. solvi*, constat eum fidejussorem, qui interest pro procuratore, teneri, etiamsi ille destinat esse procurator, domino mandatum revocante. Nec liberatur fidejussor, etiamsi principalis deponat qualitatem procuratoris.

21 *Prætor defensionem, & tutelam minorum suscepit.*
22 *Ius Civile impedit effectus naturalis obligationis quoad personam pupilli, non quoad accessiones.*

23 *Minor intercedendo naturaliter obligatur.*

24 *Pro ea fidejussor obligatur, licet ejus obligatio im-
probetur S. C. Vilejano.*

25 *Minor restituitur etiamsi sit Decurio, aut Consilia-
rius.*

*Item quomodo gesserit actum cum consensu curatoris,
& auctoritate judicis.*

26 *In restitutione spectatur factum læsonis, non peri-
tia, aut diligentia in actum gerenda.*

CAPUT X.

AD L. IN OMNIBUS 43.

ff. de solutione.

SUMMARIUM.

- 1 *Restitutio in integrum minor liberatur ab obliga-
tione: & quare?*
- 2 *Liberato reo principali semper liberatur fidejussor.*
- 3 *Quando non liberatur.*
- 4 *Restitutio vim actionis obtinet, non exceptionis:
insolenter probatur.*
- 5 *Restitutio, qua datur creditori adversus veterem
debitorem à muliere liberatum, dicitur actio res-
tutoria, aut rescissoria.*
- 6 *Explicatur l. quod si minor ff. de minor.*
- 7 *Persecutiones actionis instar obtinent.*
- 8 *Exceptiones omnes, præter personales, transiunt ad
fidejussores.*
- 9 *Si reus excimatur ab obligatione, fidejussor non libe-
ratur.*
- 10 *Non potest subsistere obligatio, si reus ab obligatione
excimatur: & quare?*
- 11 *Non potest esse servitus sine re, vel personâ, qua
serviatur.*
- 12 *Quando possit exempte debitor subsistere obligatio.*
- 13 *Fidejussor debitoris hereditarij non liberatur res-
titutâ hereditate.*
- 14 *Fidejussor non liberatur per deportationem debi-
toris.*
- 15 *Item non liberatur cùm altero exempto alter ex duo-
bus rei manet obligatus.*
- 16 *Explicatur l. Uranius 71. ff. de fidejuss.*
- 17 *Afferitur ratio cur restitutio non præsit fidejussori-
bus.*
- 18 *Fidejussor non liberatur, quoties reus omnino non
liberatur. Minor per restitutionem non liberatur
à naturali obligatione.*
- 19 *Naturalis obligatio nascitur aequitate: item & in
integrum restitutio.*
- 20 *Naturalis aequitas non eodem modo semper stî-
matur.*

ANtequàm aliò divertam, adhuc pauca subjiciam de restitutione in integrum. Hactenus refutavimus, & infirmavimus duo argumenta, quibus probari videtur restitu- tionem in integrum prodesse fidejussoribus. Superest tertium, idque gravissimum, atque firmissimum. Restitutio in integrum libe- ratur minor ab obligatione, sed liberato reo principali semper liberatur fidejussor. Ergò restitutione in integrum minoris liberatur fi- dejussor. Quod restitutione in integrum libe- retur minor ab obligatione, dubitandum non est; nam restitutione in integrum rescindi- tur, & fit irritus actus ille, quo minor fuit obligatus *l. quod si §. 1. & §. restitutio l. non omnia ff. de minor. l. 1. C. si advers. trans.* & restituitur minor in eum statum, in quo erat antequàm obligaretur *l. 2. C. in quibus caus. in integr. rest. necess. non est.* Illud quoque certissimum est, quod à liberato minore, hoc est, reo principali, liberatur etiam fidejussor *2 l. in omnibus 43. ff. de solut.* Verba legis hæc sunt: *In omnibus speciebus liberationum, etiam accessiones liberantur, puta adpromisso- res, hypothece, pignora.* Omnes species libera- tionum comprehendit Ulpianus; quod ta- men intelligendum non est de liberationi- bus, quæ contingunt ope exceptionis: nam in his fidejussor non liberatur, si exceptio personalis sit *l. exceptiones 7. ff. de exception. l. si reus 12. ff. judic. solvi §. ult. Inst. tit. de replicat. l. etsi 24. ff. de re judic.* In aliis au- tem liberationibus una tantùm causa est, in qua liberato reo principali, fidejussor non liberatur: videlicet cùm ipsius fidejussoris culpa perpetua sit obligatio, nempe cùm ipse rem debitam corrumpit, & interimit *l. mora 88. in fin. ff. de verb. obl.*

Neque dici potest restitutionem in integrum liberare minorem ope exceptionis, & idem hanc liberationem non pertinere ad eas, de quibus agitur in *d. l. in omnibus ff. de solutione*, nam restitutio in integrum non exceptionis, sed actionis instar obtinet. Paulus lib. 1. *Recept. Sent. Tit. de in integr. restit.* eam definit, *redintegranda rei, vel causa actionem*. Actio appellatur ab Ulpiano in *l. non solum §. est & casus ff. de procurat. & in l. etiam §. ult. ff. de minor. ibi: ad agendum evocato*. Et omnia obtinet, quæ sunt propria actionum: agit enim minor læsus: agit cum eo, ad quem res amissa pervenit: agit de re amissa, ut rescindatur actus *l. in causa 13. §. 1. ff. de minor. l. 1. C. si advers. det.* potest agere per procuratorem, qui debet satisfacere de rato, nisi habeat speciale mandatum: potest reus per alium se defendere, & defensor satisfacere debet judicatum solvi *l. il'ud 25. §. ult. cum l. seq. ff. de minor. transit ad hæredes, sicut cæteræ actiones l. non solum 6. ff. de in integr. restit. l. 3. §. Pomponius l. minor 18. §. ult. ff. de minor. l. Stichum 95. §. quod vult §. de solutione*. Denique sicut actiones cedi possunt *l. hic in factum 14. ff. quæ in fraud. credit. sic cedi potest restitutio in integrum l. quod si minor. 24. ff. de minor. l. alterius 20. §. 1. in fin. ff. tutela & ration. distr.* Est igitur restitutio quædam species actionis rescissoriæ, quæ rescinditur actus à minore gestus *l. 1. §. 1. ff. ex quibus caus. major. in integr. restit.* sicut restitutio, quæ datur creditori, ut ei restituatur actio adversus debitorem mulieris intercessione liberatum, semper dicitur actio restitutoria *l. quamvis §. Marcellus & §. si mulier. cum seq. & l. aliquando §. ult. ff. ad S. C. Vellejan. l. 3. §. 1. ff. de eo per quem fact. erit.* seu actio rescissoria *l. si paternam 8. C. ad S. C. Vellejan.* Nec contrarium est, quod traditur in *l. quod si minor 24. ff. de minor. ex hoc edito nulla propria actio, vel cautio prefiscitur, totum enim hoc pendet ex Prætoris cognitione*. Nam idem non dicitur propria actio, quia Prætor non dat Judicem, sicut in aliis actionibus, sed ipse de causa cognoscit, sicut cognoscit de salariis, & ho-

norariis Professorum *l. 1. C. mand. l. 1. ff. de extraord. cognit. de transactione alimentorum l. cum hi, quibus 8. §. si Prætor. 17. cum seq. ff. de transact. de fideicommissis l. pecunia 178. ff. de verb. sig.* Hæ omnes etsi propriæ sint extraordinariæ persecutiones, quia ad cognitionem Prætoriam pertinent, & propriæ appellantur persecutiones, tamen actionis instar obtinent, & generali actionis appellatione continentur *d. l. pecunia §. actionis ff. de V. S. l. actionis 37. ff. de oblig. & action.*

Neque illud est omitendum, quod si restitutio esset exceptio, eò magis fidejussoribus prolesse deberet. Enim etsi exceptiones personales non prosunt fidejussoribus, reales certè prosunt, omnesque aliæ præter personales *l. exceptiones 7. ff. de exception. l. ex persona 32. ff. de fidejuss.* At restitutio non esset exceptio personalis, nam exceptiones personales ad hæredes non transeunt *l. maritum. cum seq. ff. solut. matrim.* Restitutio autem transit ad hæredes, ut diximus.

Itaque ad argumentum respondent Viri eruditissimi; quod licet restitutione in integrum minor liberetur, tamen ejus obligatio non extinguitur, quia minor eximitur ab obligatione, manente ipsâ obligatione, ut accidit in *l. ult. ff. de duob. reis, & in l. Uranius 71. ff. de fidejuss.* Quoties reus ita liberatur, ut ejus quoque obligatio intererit, utique liberantur etiam fidejussores, quia sublata principali obligatione, subsistere non potest accessoria *d. l. in omnibus ff. de solut. 9* At verò quoties reus principalis eximitur ab obligatione, & adhuc durat ejus obligatio, non liberantur fidejussores, quia horum obligatio adhæret obligationi principali, quæ adhuc subsistit, licet exemptus sit, atque subductus reus principalis *d. l. ult. & d. l. Uranius ff. de fidejuss.*

Dicam quod sentio, fatebor tarditatem meam. Non intelligo, qui fieri possit, ut eximatur debitor ab obligatione, & subsistat ejus obligatio. Neque enim potest esse obligatio, ubi nulla est persona, quæ sit obligata *l. quoties 14. in fin. ff. de novat.* Annon obligationum substantia in eo consistit, ut

aliquem nobis obstringat ad dandum, vel faciendum? *l. obligationum substantia in princ. ff. de oblig. & action.* Ergo si nemo sit obstrictus deficiet substantia obligationis, ac propterea etiam ipsa obligatio. Annon obligatio est Juris vinculum, quo necessitate quis adstringitur? *princ. tit. Inst. de oblig.* potestne fieri, ut superfit vinculum, quo quis adstrictus sit, si ille non sit adstrictus? at hæc sunt ætiam, & negantia. Quid? quod, ut Philosophi omnes docent, non potest esse qualitas sine subjecto, cui inhæreat. An potest esse servitus, nisi sit aliqua res, vel persona quæ serviat, cuique servitus inhæreat, atque affixa sit? minimè verò. sublato corpore necesse est tolli Jus, quod ipsi inhærebat *l. 2. ff. de usufr. l. 3. C. eod. l. 8. §. 3. ff. de liber. leg. §. 3. Insti. tit. de servitut.* An potest esse dominium alicujus rei, nisi sit aliquis ejus dominus? Ne hoc quidem. Igitur nec obligatio potest subsistere, nisi aliquis sit obligatus.

Neque confirmat eorum sententiam *d. l. ult. ff. de duob. reis.* Neque enim ignoro aliquando eximi debitorem ab obligatione, licet obligatio ipsa non intereat: sed id solummodò potest evenire quando exempto, subductoque debitore, alia subest persona, cui possit coherere, atque inniti obligatio. Accidit id duabus in causis. Prima est, quando alius debitor succedit, & substituitur in locum debitoris exempti. Exempla sunt hæc. Hæres fidejussorem accipit à debitore hæreditario, postea restituit hæreditatem fideicommissario: eximitur ab obligatione hæres, sed quia in ejus locum substituitur fideicommissarius, ideo non perit ejus obligatio, nec fidejussores liberantur *l. hæres 21. in princ. ff. de fidejuss.* Alterum sit hujusmodi. Debitor principalis deportatus est, ejusque bona fisco occupavit. Deportatus eximitur ab obligatione *l. 2. & 3. ff. de sent. pass. l. servus 30. ff. de oblig. & action. l. tutelæ 7. §. ult. ff. de capis. minor.* Sed tamen non extinguatur ejus obligatio, nec fidejussores liberantur *l. 1. & l. sententia 10. C. de fidejuss.* quia in ejus locum subrogatur fiscus, qui successoris loco habetur, ejusque obligatio-

tionibus obstringitur. *l. 1. C. ad leg. Jul. de vi publ. l. si ut proponis. §. C. de bon. proscript. l. si ad: mpris §. C. de sentent. pass. l. si marito 31. in princ. ff. solut. matrim. l. 2. C. eod. l. si tutor. 9. §. sed etsi fueris ff. de tutel. & ration. distr. l. 2. §. ult. ff. de alim legat. l. in factis 60. in fin. ff. de condit. & dem.*

Secunda causa est, quando plures sunt debitores ejusdem rei: tunc enim unus ex illis ab obligatione eximi potest non extincta ipsa obligatione, manet enim alter obligatus, & ideo subest persona, cui inhæreere possit obligatio: quemadmodum accidit in adducta *l. ult. ff. de duob. reis.* Ibi duo erant rei: si alter ex his deportetur; non extinguatur obligatio, quia subsistit in altero reo, & solus eximitur atque subducitur ab obligatione deportatus. Quapropter obligatus est etiam fidejussor, non quidem pro deportato *l. si debitori 47. in princ. ff. de fidejuss.* sed pro altero reo, qui manet obligatus, & in quo subsistit pristina obligatio, est enim duorum reorum una tantum obligatio *l. in duobus 3. in fin. ff. de duobus reis.*

At verò in casu nostro, in quo unus dumtaxat est reus, non potest ipse eximi ab obligatione, quin ipsa obligatio extinguatur: neque enim superest ulla persona, cui possit inhæreere. Et hanc differentiam indicat Paulus in *l. Uranius 71. ff. de fidejuss.* ubi ait, quod si unus sit debitor principalis, eique succedat creditor, non est dubitandum tolli obligationem principalem, & cum ea etiam fidejussoriam: at verò quando duo sunt debitores, & creditor uni succedit, eximitur ab obligatione ejus persona, & subsistit obligatio in altero reo, & ideo nec fidejussor liberatur. Perperam igitur ex *d. l. ult. ff. de duob. reis* deducitur argumentum, quia ibi duo sunt rei, cum in casu nostro sit unus. His animadversis facile posset definiti, quandonam confusio debitorem eximat ab obligatione, quando ipsum liberet solutionis potestate, in qua questione mirum in modum se torquent Interpretes nostri. Sed de hac fortasse aliàs opportunius: ad argumentum propositum revertamur. Puto verissimum esse quod quidam existimarunt, restitutione-

nem in integrum non prodesse fidejussoribus, quia non omnino liberat minorem ab obligatione. Quoties reus principalis aliquo modo manet obligatus, vel solum naturaliter, 18 non liberatur fidejussor *l. ubicumque 60. ff. de fidejuss.* nam etiam ab initio naturali obligationi potest accedere fidejussor. *l. stipulatus 6. in fin. & seq. ff. eod. tit.* igitur fidejussor etiam post restitutionem minoris manet obligatus, quia minor per restitutionem non liberatur ab obligatione naturali. Restitutionem enim concedit Prætor, qui naturales obligationes tollere non potest *l. eas obligationes 8. ff. de capit. min.* cum Naturalia Jura mutari, subvertique non possint *§. pen. Inst. tit. de Jure Nat. Gent. & Civil. Inst. tit. de legit. agnat. tut. in fin. l. ubi pugnancia 188. §. 1. de Reg. Jur. l. 1. §. 1. ff. de usufr. ear. rer.* & cum naturalis obligatio nascatur ex fide, quam præstitit minor in contrahendo, *l. cum amplius §. 1. ff. de Reg. Jur.* non potest Prætor efficere, ut præstita non sit fides, quæ verè præstita est *l. in bello §. facti ff. de capt. & possim.*

Sed videntur hæc omnia facile convelli posse hoc argumento. Naturalis obligatio 19 æquitate nititur *l. Stichum 95. §. naturalis ff. de solut.* sed restitutio à Prætorè conceditur ex æquitate *l. 1. in princ. ff. de minor. l. Divus Antoninus 7. ff. de in integ. restit.* ergò vinculum, quo minor obstringitur, caret naturali æquitate, ac proinde etiam naturali obligatione. Neque enim naturalis æquitas contraria potest inadere, & ut sit obligatus, & ut non sit obligatus.

Ad hoc respondetur, quòd etsi una sit, atque eadem naturalis æquitas, tamen non semper eodem modo æstimatur, & ideo aliud, atque aliud potest suadere. Aliquando æquitas æstimatur ad merum Jus Gentium; interdum cum præceptis Civilibus, & Prætoris, neque idem suadet hoc vel illo modo æstimata: ut optimè ad rem nostram 20 notat Tryphoninus in *l. bona fides ff. de pos.* si naturalem æquitatem æstimemus ad Jus Gentium, utique minor est naturaliter obligatus, cum fidem dederit intelligens id, quod agit, neque ab adversario deceptus sit

l. cum amplius §. 1. ff. de Reg. Jur. l. 1. ff. de pact. l. 1. ff. de constit. pecun. si verò naturalem æquitatem æstimemus cum præceptis Civilibus, & Prætoris, suadet restitutionem in integrum, cum & Jus Civile, & multò magis Prætor tutelam minorum susceperit, & misceatur eorum imbecillitatis, quæ multis captionibus est obnoxia. *d. l. 1. in princ. ff. de minor.* Sed hoc non impedit, quominus minor naturaliter maneat obligatus: nam æquitas illa accommodata Regulis Civilibus, ac Prætoris, hoc solum suadet, ut Prætor openi ferat læsis, quorum tutelam susceperit, ut eos à damno eximat, & reddat immunes, quod efficitur restitutione in integrum, etiam si minor maneat naturaliter obligatus, cum hæc obligatio ipsi non noceat. Cum autem Prætor tutelam minorum susceperit, non fidejussorum: idcirco de eorum fidejussoribus non curat, dummodo non noceat ipsis minoribus. Non multò dissimilis est ratio pupillorum. Pupillus libertati proximus, hoc est, doli capax, contrahendo sine tutoris auctoritate naturaliter obligatur *l. hoc jure 19. §. si quis servo ff. de donat. l. si pupillus 21. in princ. ff. ad Leg. Falc. l. si ejus 64. in princ. ff. ad S. C. Trebell. l. cum illud 25. §. 1. ff. quan. dies legat. ced. l. ult. in princ. vers. nam si ff. de jurejur. l. Stichum 95. §. aditio ff. de solut.* Verùm quia Jure Civili constitutum est, ne pupillus sine tutoris auctoritate conditionem suam facere possit deteriorem *princ. tit. Inst. de auct. tutor.* idcirco Jus Civile impedit omnes effectus hujus obligationis, qui afficerent personam ipsius pupilli, eique nocerent, cujusmodi sunt retentio, & compensatio. Quò factum est, ut cum hæc obligatio personam pupilli non efficiat, & quoad eam sit prorsus inutilis, aliquando dicatur pupillus nec naturaliter quidem obligatus *l. quod pupillus 41. ff. de condi. indeb. l. pupillus ff. de obligat. & action.* non impedit tamen Jus Civile quominus hæc obligatio noceat accessibus, noceat fidejussoribus *l. Stichum 95. §. aditio ff. de solut. l. 1. in fin. ff. de novat. l. si pupillus 127. ff. de verb. obl.* Quapropter pupillo ab omni periculo subactio

fidejussor ejus rectè obligatur *d. l. si pupillus*. sic Prætori satis fuit per restitutionem in integrum à periculo damnoque obligationis subtrahere minorem, cujus tutelam susceperat: cæterùm de fidejussoribus ejus non curat *l. in causa 13. vers. in summa ff. de minorib.* & idèd obligatio naturalis minoris etsi vires suas non exerat contra personam minoris impediènte Prætorè; exerit tamen contra ejus fideflores, & accessiones.

- Hæc omnia confirmamus exemplo mulieris. Mulieribus intercedentibus subvenit S. C. Vellejanum eadem de causa, quâ Prætor subvenit minoribus, hoc est propter earum imbecillitatem, quia multis calibus suppositæ sunt *l. 2. §. verba ff. ad S. C. Vell. junctâ l. 1. in princ. ff. de minor.* & eadem æquitate suadente *d. l. 2. §. 1. ibi, & ejus generis obligationibus obstringi non sit æquum*. Atqui certum est mulierem intercedendo naturaliter obligari, nam & novat obligationem *l. 1. §. ult. l. si mulier 14. & l. ult. §. pen. ff. eod.* & pro ea fidejussores obligantur, licet eorum quoque obligatio improbetur *l. si mulier 16. §. ult. ff. eod.* Igitur si naturalis æquitas, quâ mulieris obligatio improbat, non impedit quin mulier naturaliter obligetur: nec impedire debet quin obligati sint naturaliter minores, licet naturali æquitate restituantur.

- Et sane cum minor restituatur, etiãsi in rebus gerendis sit navus, & industrius, etiãsi sit Decurio, sit Consiliarius *l. 2. C. de in integr. rest. min. l. 1. C. qui & advers. quos*: etiãsi ad confirmandum ejus actum accesserit curatorum consensus, decretum
- 25 Judicis, Magistratûs auctoritas *l. 1. & 4. C. si advers. rem jud. l. 2. C. de fidejuss. min. l. 1. & toto tit. C. si tut. vel curat. l. ult. C. de fil. fam. min.* quis possit dubitare minorem tam expertum, ex actu tanto consilio, tanta auctoritate gesto naturaliter obligari? An dicemus hunc non intellexisse id, quod ageret? Itaque in hac restitutione constat potius
- 26 factum læsionis spectari, quam facti rationem, & diligentiam, & experientiam minoris *l. 1. C. qui & advers. quos l. 1. §. apparet. cum seq. ff. de minor.*

CAPUT XI.

AD L. DEBITOR. 59. IN PRINC.
ff. ad S. C. Trebell. & l. cum quis
 38. §. ult. *ff. de solution.*

SUMMARIUM.

- 1 Quando confusio tollatur obligatio.
- 2 Debitoris & creditoris, item debitoris, & fidejussoris persona distincta esse debent.
- 3 Quando confusio habeat vim solutionis: aut solum eximat ab obligatione debitorem, & non seqq.
- 4 Explicatur l. hæres 21. in fine ff. de fidejuss.
- 5 Cum unus tantum est debitor, confusio habet vim solutionis.
- 6 Confusio non habet vim solutionis ex æquitate, sed ex quadam necessitate.
- 7 Confusio tollit obligationem etiã quoad pignus.
- 8 In omnibus speciebus liberationum pignus tollitur, sive ipso jure, sive ex exceptionis debitor liberetur.
- 9 Pignus manet obligatum quando superest naturalis obligatio.
- 10 Cum creditor causâ cecidit plus petendo, vel lapsu temporis actione submissus est, pignus non liberatur.
- 11 Confusio tollitur etiã naturalis obligatio.
- 12 Qui cogitur adire, totam restituit hereditatem.
- 13 Semel hæres semper hæres.
- 14 Quando remaneat obligatio naturalis non obstante confusione.
- 15 Substituto Juris tollitur confusio obligatio fidejussoria.
- 16 Prætor dat separationem bonorum fidejussoris non obstante confusione.
- 17 Obligatio pignoris trahitur de casu ad casum: explicantur exemplis.

O Stendimus suprà quando debitor eximi possit ab obligatione, non sublatâ ipsâ obligatione. Ea quæ ibi diximus, lucem præferre possunt obscuræ quæstioni de confusione obligationum. Confusione tollitur obligatio, cum dux personæ, quas in obligatione distinctas esse oportet, in unam coeunt per successionem. Itaque cum debitor, & creditor distincti esse debeant, nec possit quisquam sui ipsius debitor, aut creditor esse *l. si ei cui. in princ. ff. de evict. l. cum filiofam. 11. vers. ipsi vero ff. de legat. 1.* si per successionem concurrat in eandem per-

sonam utriusque persona, confusione tollitur obligatio *l. sicut 75. l. Stichum 95. §. aditio ff. de solut.* & alibi passim. Item cum distinctæ esse debeant personæ debitoris ac fidejussoris, ac nemo pro se ipso fidejussor esse possit *l. hæres 21. §. servo tuo. in fin. §. de fidejuss.*

2. idem si per successionem hæ duæ personæ in unam coeant, tollitur obligatio fidejussoria, quoties plenior est obligatio principalis *l. si duo 93. in fin. l. Stichum 95. §. aditio ff. de solut. l. debitori 50. in fin. ff. de fidejuss. l. hæres 21. §. servo tuo ff. de fidejuss.*

Quæritur autem quandam hæ confusio solutionis habeat potestatem. Aliquando enim hæ confusio debitorem eximit ab obligatione, aliquando solutionis potestate tollit omnem obligationem. Equidem sic existimo: confusione eximi debitorem ab obligatione, neque enim alia de causa tollitur obligatio, nisi quia deficit persona debitoris, cum idem homo, & creditoris, & debitoris personam gerere non possit, & sui ipsius esse debitor. Quia verò exempto debitore aliquando permanet obligatio, aliquando verò omnino extinguitur: primo casu manente obligatione solum reus eximitur, atque subtrahitur, nec habet potestatem solutionis confusio; secundo casu potestatem solutionis habet, quia tollitur omnis obligatio, sicut tollitur solutione. *princ. tit. Inst. quib. mod. toll. oblig.* Itaque quod habeat, vel non habeat vim, & potestatem solutionis ex eo pendet, num potuerit eximi reus manente obligatione, vel non potuerit. Et hoc indicat *J. C. in l. hæres. 21. in fin. ff. de fidejuss.* ubi ait, quod cum post confusionem factam inter creditorem, & fidejussorem maneat debitor principalis obligatus, non potest dici solutionis potestate sublatam obligationem. Potest autem, ut supra diximus, quoties plures sint debitores ejusdem rei. Quando verò unus est tantummodo debitor, eo exempto necesse est tolli totam obligationem, quia nulla superest persona, in qua consistere possit obligatio. Quo fit, ut si plures sint debitores ejusdem rei, confusio non habeat vim solutionis, quia uno exempto cæteri manent obligati. Ac propterea si duo sint rei debentes

di, & creditor uni ex illis succedat, eximitur ille reus ab obligatione, non solutionis potestate tollitur obligatio *l. Uranius 71. vers. sed cum duo rei ff. de fidejuss.* Item si fidejussor debitori hæres existat, confusio non habet vim solutionis, manet enim obligatus tamquam principalis *l. si duo 93. in fin. ff. de solut.* cum aliis, quas supra adduximus. Imò si duo erant debitores, manet etiam obligatus tamquam fidejussor alterius, cui non successit *l. hæres §. cum tu ff. de fidejuss.* Denique si fidejussor creditori succedat, eximitur ab obligatione fidejussor, sed reus principalis manet obligatus *l. Uranius 71. vers. quod si creditor. l. hæres 21. §. quod si, & §. ult. ff. de fidejussor.* his igitur in causis non habet potestatem solutionis confusio, quia plures erant debitores ejusdem rei, & potest unus ita eximi, ut non extinguatur omnis omnino obligatio. Atque idem dicendum, quando alius in locum exempti debitoris potest subrogari. Nam, ut supra diximus, etiam si unus sit debitor, potest tamen eximi ab obligatione, si alius in ejus locum substituitur, ac subrogetur, in quo consistere possit obligatio, ut accidit *in l. 2. §. cum quis, & in l. si hereditatem ff. de hered. vel act. vend. & in l. quod bonis §. quod avus ff. ad Leg. Falcid.*

At verò quando unus tantummodo debitor est, cum eo deficiente, nemo supersit, in cujus persona subsistat obligatio, utrique ea funditus tollitur, quemadmodum tollitur solutione, aut compensatione, ut in *l. qua dotis 33. ff. solut. matrim. in l. debitori 50. ff. de fidejuss. l. sicut 75. ff. de solut. l. si id quod 21. §. 1. ff. de liberat. legat.* Et ita nos monet Paulus in *l. Uranius ff. de fidejuss.* ubi ait, quod si unus tantum sit debitor, eique successerit creditor jure solutionis, tollitur obligatio, secus autem si duo fuerint debitores. Nec obstat, quod jure solutionis tollatur etiam si intercesserint fidejussores, ac mandatores, & proinde plures sint debitores ejusdem pecuniæ *l. Uranius & l. hæres 21. §. quod si, & l. si Stichum 38. ff. eod. tit.* Nam facillè responderetur, quod licet plures sint debitores, tamen cum non possit

eximi debitor principalis, quin liberentur etiam fidejussores *l. in omnibus ff. de soluc.* perinde est, ac si unus esset debitor, quia hoc exempto ab obligatione necesse est, ut tota extinguatur obligatio, ac proinde solutionis vim obtinet exemptio, atque confusio. Unde nostra sententia potius confirmatur. Ex his constat confusionem habere vim solutionis non ex aequitate, sed quadam necessitate: quia cum unus est debitor, eo subtrac- to, necesse est omnino tolli obligationem: quemadmodum tollitur solutione.

His præmissis examinemus oportet, quod putant Viri doctissimi, confusionem vim solutionis non habere quoad pignus, cum per confusionem principalis obligationis pignus non liberetur, sicut liberatur fidejussor. *l. debitor. 59. in princ. ff. ad S. C. Trebell. l. cum quis 38. ff. de solut.* quia pignoris causa continet hanc conditionem, ut non liberetur, nisi pecunia soluta sit, aut alio modo satisfactum creditori *l. grege 13. §. etiam ff. de pignor. facit text. in l. ex sextante. pen. in fin. ff. de except. rei judic.*

Ego verò numquam adduci potui, ut crederem, extinctâ penitus principali obligatione durare obligationem pignoris, cum contrarium nominatim traditum sit in *l. in omnibus 43. ff. de solut.* & hac in re comparatur pignus fidejussori *d. l. in omnibus. §. Præterea certum est omnibus speciebus liberationum pignus extinguí, sive ipso jure liberetur debitor, sive ope exceptionis. Non dico de solutione, & compensatione, de quibus nemo potest dubitare: sed & novatione pignora tolluntur l. novatione 18. ff. de novation. l. solum 11. §. si quasi ff. de pign. act. item acceptilatione d. l. solum. pacto de non petendo l. si tibi §. de pignore ff. de pact. l. 5. §. 1. ff. de pign. jurejurando, & re judicata l. si deferente. in princ. & in fin. ff. quib. mod. pign. vel hyp. solv. licet in plerisque causis nulla sit satisfactio creditoris. Denique, si posset pignus sine ulla principali obligatione subsistere, cur tam sollicitè quaereret de naturali obligatione Paulus in *l. debitor 59. ff. ad S. C. Trebell.* Aliis argumentis hæc sententia perspicuè posset*

demonstrari, sed non est hic locus opportunus.

Veniamus ad *d. l. debitor 59. in princ. ff. ad S. C. Trebell.* Dico pignoris obligationem in eâ lege non tolli, quia superest naturalis obligatio, cui adhæret: ut ostendit J. C. illis verbis *remaneat ergo propter pignus naturalis obligatio*, quæ modò explicabimus. Idem ostendit J. C. exemplo illo, *quemadmodum cum amissa est actio propter exceptionem*: quo casu dubitandum non est superesse naturalem obligationem; hæc enim verba referri non possunt ad eum, qui turus sit aliquâ ex illis exceptionibus, quas suprà numeravimus, hic enim turus est eadem exceptione etiam quoad pignus, ut diximus. Referuntur igitur ad eum, qui plus petendo causa cecidit *§. si quis 33. Inst. tit. de action.* quo casu pignus perseverat. *l. servum 27. ff. de pign.* aut qui tempore actionem amittit *l. qui occidit 30. §. 1. ff. ad Leg. Aquil.* Quò referenda etiam fortasse est *l. 2. C. de luit. pign.* nam & in hac agitur de actione submotâ, quod accidit, quoties quis definit esse obligatus civiliter, manet tamen obligatus naturaliter, tunc enim verè submoveretur actio, non tollitur penitus obligatio. Cum igitur illis casibus debitor subtilitate Juris liberatus maneat obligatus naturaliter, etiam in casu *d. l. debitor*, manebit naturaliter obligatus, cum easus hic dicatur esse similis illis. Adde quòd in *d. l. solum* repeti non potest, quod certissimum est argumentum naturalis obligationis *l. naturales 10. ff. de oblig. & act. l. quia naturalis ff. ad S. C. Maced. l. si non sortem 26. §. libertus l. si quod 64. ff. de condit. indeb.* Cum igitur hæres maneat naturaliter obligatus, pignus debet perseverare *l. quæsum 14. §. 1. ff. de pignor.*

Non extinguatur autem naturalis obligatio in *d. l. debitor*, quia licet confusione soleat extinguí etiam obligatio naturalis, ut probari potest ex *l. frater à fratre 38. ff. de condit. indeb. & ex l. hæres 21. §. quòd si ff. de fidejuss.* tamen in *d. l.* non extinguitur, quia coactus hæres adiit hæreditatem; ac proinde statim totam restituere cogitur *l. 4. 12. l. nam quod 14. §. qui compulsus l. ita tamen*

27. §. *qui suspectam*, & §. *si preceptis l. si patroni* § 5. §. *quid ergo ff. ad SC. Trebell.* Non est autem æquum, ut amittat jus suum, qui hæreditatem accepit invitus, ut statim restitueret: neque enim videtur capere, qui cogitur alii restituere *l. non videtur capere ff. de Reg. jur.* obligatio autem naturalis solâ
 13 æquitate nititur *l. Stichum* 95. §. *naturalis ff. de solut.* Et licet, qui semel fuit hæres, sit semper hæres §. *restituta* 3. *l. sit. tit. de fideic. hered. l. ei qui* 88. *in fin. ff. de hered. instir.* tamen hoc inductum est ratione Juris Civilis, quæ naturalem non tollit obligationem.

Observanda autem sunt illa verba Juris-
 consulti: *remanet ergo propter pignus natu-*
ralis obligatio. Nam licet hæc obligatio
 naturalis in quibusdam casibus à Jure Civili non
 consideretur, & sit inutilis; tamen quoad
 14 causam pignoris remanet, & utilis est: cum
 pignus nitatur æquitate prætoriâ, à qua
 actionem obtinet §. *item Serviana Instir. tit. de action.* & passim. Prætor autem subtilita-
 tem Juris insuper habet, & solam æquitatem
 spectat. Exemplis afferendis supersecedemus,
 sunt enim trita ac pervulgata: unum tamen
 omittere non possum. Prætor ex æquitate
 concedit creditoribus separationem bonorum.
l. 1. ff. de separat. si debitor fidejussori suo
 hæres existat, confunditur obligatio, &
 fidejussoria tollitur à principali, ut initio
 diximus. Sed hoc fit subtilitate Juris, quod
 major minore tollat, *l. 3. in princ. ff. de*
 15 *separat.* Neque enim naturaliter repugnat
 eundem teneri, & principali, & fidejussori-
 â obligatione *l. hæres* 21. §. *servo tuo ff. de*
fidejuss. l. Stichum 95. §. *aditio ff. de solut.*
 16 Igitur cum solâ Juris Civilis ratione sit consti-
 tutum *d. l. 3.* manet naturalis obligatio fide-
 jussoria, quæ etsi à Jure Civili non conside-
 retur, & pro nulla habeatur, tamen consi-
 deratur à Prætore, qui solam æquitatem in-
 tuetur, & dat separationem bonorum fide-
 jussoris, quemadmodum, si non esset su-

blata fidejussoris obligatio *d. l. 3. in princ.*
 Non aliter in casu nostro manet naturalis
 obligatio propter pignus, quia obligatio-
 nem naturalem Prætor tuetur dando actionem
 hypothecariam, quæ obligatio alioquin
 à Jure Civili nihili penderetur.

Supereft text. *in l. cum quis* 38. §. *ult. ff. 17*
de solut. Observandum est quod licet fide-
 jussoris obligatio, quæ stricti Juris est, non
 trahatur, ut aiunt, de casu ad casum,
 trahitur tamen obligatio pignoris. Itaque
 quoties pignus accessit alicui obligationi,
 quæ contracta sit alterius obligationis gratiâ,
 pignus tenetur etiam pro hac obligatione,
 licet huic non accesserit. Elegantissimum
 exemplum proponitur in *l. ult. ff. in quib.*
caus. pign. tac. contrah. Aliud exemplum est
 in *l. solummodo* 11. §. *solutam. vers. planè ff. de*
pign. action. ubi invecita & illata à secundo
 conductore tenentur pignori etiam pro obli-
 gatione primi conductoris, quatenus tamen
 secundus conductor conduxit. Constat autem
 ibi teneri etiam pro obligatione primi con-
 ductoris, quia perperam dubitaret, & con-
 jecturis probaret Jurisconsultus non teneri in
 universam pensionem, si tenerentur solùm
 pro conductione secundi conductoris, qui
 solùm partem conduxit. Simile est exem-
 plum, quod proponitur in *d. l. cum quis* 38.
 §. *ult. ff. de solut.* Etenim cum, & obligatio
 fidejussoria, & obligatio pignoris à fidejuss-
 ore constituti contractæ sint contemplatione
 principalis obligationis, & ad eam magis,
 ac magis confirmandam, licet pignus non
 accesserit obligationi principali, sed fidejuss-
 orie, tamen sublata obligatione fidejussoriâ
 ex sola Juris subtilitate, tenetur pro obliga-
 tione principali.

Posset etiam responderi eodem modo, quo
 ad superiorem legem. Nam cum inter hos con-
 fundatur obligatio solâ ratione Juris Civilis
l. 3. ff. de separat. remanet naturalis obligatio,
 quæ licet nihili fiat à Jure Civili, considera-
 tur tamen à Prætore in pignore, ut diximus.

CAPUT XII.

AD L. 1. ff. QUI POTIOR. IN
pign. & l. 2. C. de luit. pign. & alias.

SUMMARIUM.

- 1 Pignoris obligatio non nascitur sine principalis obligatione: laud probatur.
- 2 Hypotheca liberorum in bonis patris incipit à die susceptæ administrationis: & quare nn. seqq.
- 3 Referuntur variae sententiae, & reselluntur.
- 4 Unica est patris administrantis obligatio: eaque ab initio.
- 5 Cujusmodi sit hac obligatio.
- 6 Futura & condicionali obligationi rectè pignus accedit, & quare?
- 7 Similia exempla afferuntur.
- 8 Pignus pro dote restituenda tenetur etiam ante numerationem, & quare?
- 9 Pignoris obligatio retrahitur simul cum principali obligatione.
- 10 Condicio quando retrahatur, vel non?
- 11 Differt de ab aliis contractibus quoad retrahendam conditionem numerationis.
- 12 Mulieris interfecti dotem marito numerari.
- 13 In legatis conditio non retrahitur.
- 14 Hæret satisfactio in legatis conditionalibus.
- 15 Si legatum corrumpat, evanescit satisfactio, & ipsum sequitur, & quomodo.
- 16 Simul cedit dies legati, & satisfactionis, & quando id accidat.
- 17 Explicatur l. 2. C. de luit. pignor. & nn. seqq.
- 18 Pignoris causa est individua.
- 19 Pignus durat submotà actione personali, non extinctà obligatione.
- 20 Submotà actione per lapsum temporis durat pignus, & quare?
- 21 Imo potest etiam de novo constitui.
- 22 Explicatur l. solutum §. solutam ff. de pign. act.
- 23 Inventa à secundo conductore tenentur pro obligatione primi conductoris, & quare?
- 24 Explicatur l. si rem §. 1. ff. de pign. act.
- 25 An, & cur pignus possit dari pro iis, quæ præstantur officio Judicis. Explicatur id variis exemplis.
- 26 An cedi possit hypotheca sine principali obligatione.

DIximus aliàs neque obligationem fidejussoris, neque obligationem pignoris sustineri posse, sublatà penitus, & extinctà principali obligatione. Sicut enim ruunt ædificia, subductis fundamentis, & vites

decidunt, subtractis pedamentis; ita corruunt hæ obligationes, sublatà principali obligatione, cui innitebantur. Sunt hæ obligationes hederæ similes: principalem obligationem sequuntur; ipsi tenaciter hærent; eà fulciuntur; eà subductà confestim intercidunt. *l. cum principalis ff. de R. J.* Quo fit, ut nec possint contrahi sine principali obligatione, à qua sustineantur. Frustrà igitur pignus contrahitur, si nulla subest principalis obligatio, cui innitatur. Itaque si spe future numerationis, cautionem emisero, & pignus dederò; pignus non obligatur, si postea numeratio pecuniæ non intervenierit. *l. 1. & 2. C. si pign. convent. num. pecun.* Si pater ab hærede pignus accepit ex causa legati conditionalis filio relicti; pignus non tenetur, si conditio legati existat, postquam filius à patria potestate liberatus est. *l. si legati 28. ff. de pign.* quia pignus patri datum est, cui nulla principalis obligatio per filium acquiritur, qui non est sub patri potestate eo tempore, quo conditio existit, hoc est, quo nascitur obligatio: nam in legatis conditio non retrahitur, sed spectatur tempus existentis conditionis, quo tempore dies legati cedit. *l. si post diem 5. §. ult. l. si usufructus 14. §. ult. ff. quando dies leg. ced.* secus esset in contractibus, argum. text. in *l. potior §. 1. ff. qui potior. in pignor.* quia obligatio ex contractu patri acquiritur, etiam si conditio existat eo tempore, quo filius liberatus est à patria potestate, *l. si filiusfam. 78. ff. de V. O. l. qua legata 18. in fin. ff. de Reg. Jur.* quia in contractibus spectatur tempus contractus, non existentis conditionis *l. non omne 144. ff. de R. J.* Item si quis promiserit se daturum mihi, aut Titio, nihil agit dando pignus Titio, cui non est obligatus. *l. sed etsi §. 1. ff. de conf. pecun. l. eum, qui ita 56. §. qui sibi ff. de V. O.* Quamobrem in pignore rectè contrahendo hoc primùm oportet observare, an subest aliqua principalis obligatio, cui possit pignus accedere, eaque quasi quodam fulcimento sustineri.

Vernitamen sepenumerò occurrunt in Jure nostro pignorum obligationes, quæ vi-

dentur contracte sine ulla principali obligatione, cui possint inniti, de quibus accurate differendum est. Ac primum cum liberi in bonis parentis, administrantis eorum bona adventitia, tacitam habent hypothecam, & dubitaretur, quo tempore incipiat hæc tacita hypotheca; statuit Justinianus incipere à die susceptæ administrationis *l. cum oportet §. ult. C. de bon. qua liber.* & tamen principalis obligatio nasci non videtur nisi à die damni dati, eoque tempore, quo pater malè rem gessit. Quare bona patris jure pignoris obligata sunt eo tempore, quo nondum nata est principalis obligatio.

Sed ego puto falsum esse, quod assumitur: ac verisimilimum existimo principalem obligationem initio nasci à die susceptæ administrationis. Enimverò hac de re inter doctissimos homines est magna dissensio. Bartholus enim, & cum eo plerique putant obligationem nasci tempore rei malè gestæ, sed tamen cum pater administrationem suscipiendo quasi contrahat §. 1. *Inst. tit. de oblig. qua quasi ex contr. l. ait Prator ff. de negot. gestis*, statim nascitur obligatio pignoris, quæ etsi nasci non possit, antequam celebretur contractus principalis obligationis, tamen nasci potest antequam oriatur principalis obligatio.

Baldus autem, & Salicetus duas constituunt obligationes, quibus filio pater obstringitur: alteram primævam, & generalem, quæ incipit à die susceptæ administrationis: alteram secundariam, ac specialem, quæ pater obstringitur ex mala administratione.

Ego verò contra sentio, unicam esse obligationem, eamque nasci initio à die susceptæ administrationis. Nemo enim ignorat, eos qui aliena negotia suscipiunt administranda, obligari illis, quorum negotia administrant, & hanc obligationem, ex quasi contractu nasci, si nullum mandatum intervenierit. §. 1. *Instit. tit. de oblig. qua quas. ex contr. l. §. in princ. ff. de obl. & act. l. 3. & tot. tit. ff. de negot. gest.* Hæc autem obligatio initio nascitur, cum quasi con-

tractus similis sit contractui; & sæpenumerò in Jure nostro contractus appelletur *l. sed & cum aliquis 16. ff. de negot. gest. l. contractus 23. ff. de Reg. Jur.* & in hoc quasi contractu spectandum sit initium, quemadmodum spectatur in contractibus *l. Pomponius 15. l. sed & cum aliquis 16. ff. de negot. gest.* Consequens est igitur, ut initio etiam pignus obligetur.

Aque, ut hoc apertius demonstremus, naturam hujus obligationis attentius inspicimus. Omnis obligatio, aut in dando consistit, aut in faciendo. *l. stipulationum. in princ. l. obligationum substantia 3. in princ. ff. de oblig. & act. §. ult. Inst. tit. de V. O.* His additur obligatio mixta, quæ partim in dando, partim in faciendo consistit *l. veteris C. de contr. & commit. stip.* In obligationibus dandi statim debitor tenetur ad dandum: in obligationibus faciendi statim tenetur ad faciendum. Illud in his est singulare, quod si non fecerit elapso tempore, quo facere potuit, tenetur in pecuniam numeratam: hoc est, in id, quod creditoris interest, eum non fecisse, quod facere debebat. *l. si quis ab alio §. ult. ff. de re judic. l. si penam. l. quoties quis. l. stipulationes non dividuntur. l. si quis stipulatus 112. ff. de V. O. l. 1. ff. de act. empti. l. ult. ff. si quis in jus voc. non ier.* Hujus generis est obligatio, de qua agimus, videlicet obligatio faciendi, aut mixta. Qui aliena negotia suscipit administranda, confestim obligatur ad faciendum omne id, quod in utilitatem Domini geri potest: obligatur ad administrandum diligenter, & ex bona fide. Quamobrem non solum tenetur si damnum dederit gerendo id, quod geri non debebat, sed etiam si omiserit id, quod geri potuit *l. si pupilli 6. §. ult. ff. de negot. gest.* Quid ita? quia ad id faciendum erat obligatus: omnia enim facere debet, quæ vergunt in utilitatem, & commodum ejus, cujus negotia suscepit: propterea tenetur etiam de omissione, & condemnatur in pecuniam numeratam, nempe in omnem utilitatem, quæ ex facto percipi potuit, ut in aliis faciendi obligationibus *l. si pecuniam. pen. ff.*

si quis caution. l. si quis ab alio. in fin. ff. de re judic. §. 1. Inst. tit. de obligat. qua quasi ex contr. Ex his apparet, qui fiat cur tutor, & administrator non reneantur, nec adstringi possint ad solvendum, si recte administraverint. Hoc enim non ideo fit, quod initio non essent obligari, vel quod solum ex mala administratione nascatur obligatio; sed quia recte administrando satisfecerunt obligationi, & ab ea liberati sunt. Qui enim obligatus est ad dandum, ab obligatione liberatur dando, quod debet: & qui obligatus est ad faciendum, liberatur faciendo id, quod facere debebat, cum solutione ejus, quod debetur, omnis tollatur obligatio *princ. tit. Inst. quibus mod. toll. obl. l. si fidejussor ff. de condit. ind. l. si pupillus 21. in fin. ff. ad leg. Falc. l. in omnibus, cum seq. ff. de solut. l. creditor 5. C. de pact.* nec aliud sit solutio, quam præstatio ejus, quod debetur. *l. solutionem 49. ff. de solut.*

Obligatur igitur pater à die susceptæ administrationis, non à die damni dati: & ideo à die susceptæ administrationis bona ejus sunt liberis obligata.

Alterum exemplum pignoris contracti sine principali obligatione proponi videtur *in l. 5. 6. vers. & sine ff. de pignor.* ubi ait Juriscons. quod etiam futuræ obligationi potest pignus accedere: & in *l. grege 13. §. si sub conditione ff. eod.* ubi conditionali obligationi recte pignus accedit.

Sed facilis est, & expedita distinctio. Accedit pignus, & futuræ, & conditionali obligationi: ita tamen, ut non ante pignus obligetur, quam principalis obligatio nascatur. De conditionali obligatione perspicue doceatur in laudata *l. 5. & in l. grege 13. §. si sub conditione ff. de pign.* De futura obligatione testatur Paulus in *l. 4. ff. qua res pign. oblig. poss.* ubi hujus rei proponit elegantissimum exemplum. Est autem hoc perpetuum in Jure nostro. Fidejussor obligari non potest, nisi principalis debitor sit obligatus. *l. fidejussor obligari 16. ff. de fidejuss. l. qui contra. 11. & l. si mihi. 23. ff. eod.* nihilominus potest accedere, & futuræ & conditionali obligationi *l. 6. §. ult. ff. de fidejuss.* quia

suspenditur ejus obligatio, quamdiu suspenditur obligatio principalis *l. si debitor 47. §. ult. & l. fidejussor 37. ff. de fidejuss.* Novatio fieri non potest, nisi præcedat obligatio, quæ novatur *l. 1. ff. de novat. §. præterea Inst. quib. mod. toll. oblig.* & tamen novari potest futura, & conditionalis obligatio *l. si Stichum §. 1. l. quoties 14. in princ. ff. de novat.* quia pendet novatio, donec principalis obligatio nascatur, quæ per novationem extinguatur eodem momento, quo nascitur *d. l. si Stichum §. 1. & d. l. quoties. in princ. ff. de novat.* Constitui non potest, nisi id, quod debetur. *l. 1. §. 1. l. cum qui §. quod exigimus. l. hactenus. l. item §. quod adicitur ff. de const. pecun.* Potest tamen constitui debitum conditionale, quia eadem conditione suspenditur *l. id, quod sub conditione ff. eodem.* Acceptilatio pariter fieri non potest nisi de eo, quod per stipulationem debetur. *§. item per acceptilationem Inst. tit. quib. mod. toll. oblig. l. an inutilis §. acceptum ff. de acceptil.* potest tamen accepto ferri etiam debitum conditionale, quia suspenditur acceptilatio, quamdiu pendet conditio: eâ verò existente, debitor jam olim ab initio simul, & obligatus, & liberatus fuisse videtur. *l. si sub conditione 21. ff. de acceptil. l. sub conditione 16. ff. de solutionib.* Eadem ratione pignus accedit, & futuræ, & conditionali obligationi, etiam si non possit sine principali obligatione subsistere.

Sed opponi potest, quod pignus accedens futuræ obligationi, statim obligatur, etiam si antequam nascatur principalis obligatio. Probatur id auctoritate *l. 1. ff. qui pot. in 8 pign. hab.* ubi pignus à marito datum, pro securitate dotis restituendæ, renetur statim etiam antequam dos marito fuerit numerata. Et tamen maritus non obligatur ad restituendam dotem, nisi post numerationem *l. si ex cautione 3. C. de non numer. pecun.* cum obligari ad restituendum non possit ille, qui non accepit *l. qui pecuniam 30. ff. de reb. cred. l. cum ultra C. de non numer. pecun.*

Sed nullius momenti est hujusmodi argumentum. Non nascitur ibi obligatio pignoris ante principalem obligationem. Licet enim promissio

promissio restituendæ dotis non obliget ante numerationem, & pendeat à tacita conditione numerationis: tamen existente conditione numerationis retrahitur obligatio ad tempus promissionis, perinde ac si eo tempore conditio extitisset *l. necessario. 8. in princ. ff. de peric. & comm. rei vend.* In contractibus enim id tempus spectamus, quo contrahimus *l. non omne 144. §. 1. ff. de Reg. Jur.* Itaque pignoris obligatio retrahitur, & initio nata fingitur, cum principalem sequatur obligationem *l. qui balneum §. 1. & l. porior 11. §. 1. ff. qui por. in pign. hab.* quod & de acceptilatione traditum est in *l. sub conditione 16. ff. de solut.*

Sed obstat, quod licet conditio fortuita, quæ à casu pendet, retrahatur ad tempus initii contractus, tamen conditio arbitraria, quæ pendet à potestate debitoris, non retrahitur *l. qui balneum 9. §. 1. ff. qui por. in pign. hab. l. 4. ff. qua res pign.* Atqui in potestate mariti est dotem non accipere, & non accipiendo se ex præstita cautione non obligare *l. qui pecuniam 30. ff. de reb. credit. l. Titius 4. ff. qua res pign. vel hypoth.*

Resp. multum interesse inter dotem, & mutuum, aliosque contractus. In mutuo & aliis contractibus conditio numerationis est arbitraria. Potest enim, qui promissit creditori futuro se restitutum pecuniam, eam postea non accipere, cæque non accepta inutilem reddere promissionem *d. l. qui pecuniam 30. ff. de reb. cred.* Nemini enim facit injuriam, sed oblatio beneficio non utitur: quod omnino est in nostra potestate *l. si Judex ff. de minor. l. invito ff. de Reg. Jur.* quapropter in mutuo pignoris obligatio non retrahitur ad tempus promissionis, sed tunc nascitur, cum pecunia numeratur, quia conditio numerationis est in potestate debitoris *l. Titius 4. ff. qua res pignor.* Non ita res se habet in dote. In hæc conditio numerationis non est arbitraria: neque enim est in potestate mariti dotem non accipere, & mulierem indotatam efficere; quoniam mulieres esse dotatæ, & ipsarum mulierum, & Reip. interest *l. 2. ff. de jur. dot.* Itaque

si maritus aut dotem non exegerit, aut promissorem liberaverit, ipse tenetur *l. vir ab eo ff. de jur. dot. l. penult. §. si vir socero ff. solut. matrim.* Quamobrem cum non sit in potestate mariti dotem non accipere, conditio numerationis non pendet ab ejus potestate, & propterea retrahitur ad tempus promissionis.

Hujusmodi discrimen inter dotem, & mutuum indicavit Papinianus in laudata *l. 1. ff. qui por. in pign. hab.* ubi ait, quod non probe dici potest esse in potestate mariti, ne pecuniam reddat, ut minus dotata mulier esse videatur. Quibus significat, quod cum in potestate mariti non sit pecuniam non accipiendo efficere, ne teneatur ad eam restituendam, observandum est tempus promissionis, non numerationis. Non est autem in potestate mariti non accipere, ne mulier minus dotata esse videatur. Ita rectè meo judicio verba illa interpretatur Accursius: à vero aberrat Cujacius, quia ea aliorum accipit. Subdit deinde Papinianus: *Alia causa est ejus, qui pignus accepit ad eam summam, quam intra certam diem numerasset, & fortè prius, quam numeraret, alii res pignori data est.* En mutuum, in quo pignus non obligatur ante numerationem, quia fuit in potestate debitoris pecuniam non accipere, & impedire conditionis eventum, ut perspicuè explicat Paulus in *l. Titine 4. ff. qua res pignor.*

Nec refragatur his, quæ diximus, quod in laudata *l. 1. ff. qui por. in pig.* promissor dotis eam sibi reddi stipulatus erat; adeoque non intererat mulieris dotem à marito non accipi. Etenim plurimum nihilominus poterat mulieris interesse dotem marito numerari. Quid enim, si promissor cavisset dotem sibi reddi solum in aliquem casum, ut sæpenumerò solet evenire? Quid? quod mulieres indotatæ à maritis facillè contemnuntur, ac dimittuntur, *l. ult. C. ad S. C. Vellej.* Quid? quod soluto matrimonio potuit iterum eandem dotem promissori restitutam obtinere pro secundis nuptiis.

Sed rursus opponi potest, quod in legatis conditio non retrahitur ad tempus mortis

1. is, cui 42. ff. de obl. & act. l. si mater §. 1.
 13 eadem. in fin. ff. de except. rei judic. l. 1.
 §. servi appellatio ff. ad S. C. Syllanian. l. si
 usufructus 14. in fin. ff. qu. dies leg. ced. l. si
 legatari 28. ff. de pignor. & tamen pignoris
 obligatio statim nascitur, etiam antequam
 existat conditio, hoc est, antequam prin-
 cipalis obligatio nascatur l. qui balneum §.
 sed & si ff. qui pot. in pign. hab.

Animadvertendum tamen est, in ea lege
 non agi de obligatione legati, sed de obli-
 gatione conventionali. Neque ibi pignus
 accessit legato, sed stipulationi conditionali.
 In legatis enim conditionalibus hæres tenetur
 satisficere legatario: hoc est legatario pro-
 mittere per stipulationem datis pignori-
 bus, vel fidejussoribus l. 1. in princ. & in
 14 §. 1. & toto tit. ff. ut legat. vel fideicom.
 nom. caveat. & si hæres nolit satisfacere, mit-
 titur legatarius in possessionem bonorum hæ-
 redis l. 1. §. 1. & toto tit. ff. ut in posses-
 sionem legator. Supponitur in laudata lege legatum
 conditionale: supponitur conventio pigno-
 ris: undè consequens est, ibi agi de satis-
 ficatione legatario præstita ab hærede. Inter-
 cessit igitur stipulatio, & stipulationi pignus
 accessit: & retrahitur ad tempus celebrati
 contractus. Quamobrem non supponit Juris-
 consultus teneri pignus à morte testatoris,
 quemadmodum eveniret, si retraheretur,
 quemadmodum obligatione legati: sed teneri
 à die conventionis: supponit enim pignus
 alteri traditum fuisse post initam conventio-
 nem cum legatario, & statuit legatarium
 esse potius, licet conditio postea exi-
 terit.

Sed obstat text. in l. 1. §. si quis sub condi-
 15 tione ff. ut legat. nom. cav. ubi evanescit sti-
 pulatio, si pendente conditione decedat
 legatarius, quia legatum non transmittitur.
 Ergo stipulatio sequitur naturam, & condi-
 tionem legati. Item si legatum fuerit filio
 fam. Sub conditione satisfaciendum est patri,
 sed si existat conditio legati eo tempore,
 quo legatarius factus est sui juris, evanescit
 satisfactio l. 1. in fin. ff. ut legat. vel fideicom.
 caus. cav. l. si legatari ff. de pign. Non potest
 enim in persona filii consistere satisfactio,

quia ei præstita non est. Non in persona
 patris, quia ei legatum non acquiritur,
 sed filio l. si usufructus 14. in fin. ff. quando
 dies leg. ced. Atqui si stipulatio non seque-
 retur naturam legati, & conditio retraheretur
 ad tempus præstitæ satisfactio-
 nis, patri acquireretur obligatio l. qua le-
 gata 18. ff. de Reg. Jur. l. si filiusfam. 78. ff.
 de V. O.

Respondetur, quod utique, si legatum
 non debeatur, aut non debeatur ei, cui
 præstita est satisfactio, necesse est, ut cor-
 ruat ipsa satisfactio. Etenim hæc satisfactio
 tacite in se continet hanc conditionem,
 si legatum debeatur. Præstat enim pro
 securitate legatarii, non ut aliquid ex ea
 legatarius acquirat. Iniquum autem est,
 cautum esse ei, cui nihil debetur l. 1. §. ult.
 vers. iniquum ff. ut legator. caus. cav. Quam-
 obrem omnes exceptiones, quæ obstant le-
 gato, obstant etiam stipulationi d. l. 1. §. si
 quis sub conditione. in fin. ff. ut legat. Quam-
 vis autem corruebat legatio evanescat satis-
 factio, quæ tuendi legati causa præstita fue-
 rat: nihil impedit, quominus subsistente
 legato, possit satisfactio vires suas exercere
 à die, quo præstita fuerat. Fingamus debi-
 torem pignori obligasse rem alienam, &
 postea dominum rei ratum habuisse, non
 dubitari subsistente pignore rati habitationem
 retrahitur ad tempus contracti pignoris l. si
 fundus 16. §. 1. ff. de pignor. Corruebat ta-
 men obligatione pignoris, vel quia con-
 tracta erat sub conditione, & conditio de-
 fecit, vel quia ille, qui pignus dedit,
 nihil debebat; utique corrui, & rati habi-
 tio domini, & inutilis est. Sic inutilis est
 satisfactio corruebat legato: eo autem sub-
 sistente retrahitur. Sed contrarium viden-
 tur respondisse Ulpianus in l. cum legatorum
 8. ff. ut legat. causa cav. Cum legatorum no-
 mine satisfactum est, simul dies legatorum
 cessit, proximis iisdem diebus, etiam ex stipu-
 latione debentur.

Respondetur, in hac lege agi de legatis
 in diem, ut constat ex lege sequenti quæ
 hujus explicandæ causæ subiecta est: ibi,
 non tamen ut statim peti possint: debent enim

dicimus, & quod die certâ præstari oportet, licet dies nondum venerit. Cessit dies legati, debetur legatum: sed peti non potest: necdum venit dies legati. Hæc omnia propria sunt legati in diem, nec possunt convenire legato conditionali, *l. cedere diem ff. de V. S. l. si post diem §. & toto tit. ff. quan. dies legat. ced.*

Quod si quis velit eam legem latius interpretari, ut comprehendat etiam legata conditionalia, animadvertat, oportet, nihil aliud in ea lege statui, ac definiri, quàm quod stipulatio, & satisfactio legatorum causa præstita tacite continet eandem conditionem, idemque tempus, quod continent ipsa legata, ut responsum est de obligatione constitutæ pecuniæ in *l. id, quod sub conditione. in princ. ff. de confis. pecun.* Hoc enim significant verba illa, *iisdem diebus debentur*: hoc est, quod si legatum debebatur sub conditione, sub eadem conditione debetur etiam ex stipulatione, quamvis in stipulatione conditionis mentio facta non fuerit: si verò debebatur in diem, debetur idem eodem die, etiam ex stipulatione. Diei enim nomen, & diem certum, & diem incertum, & conditionem comprehendit, ut in *l. talis scriptura ff. de leg. 1. in l. si quis legata §. 4. ff. de cond. & dem.* Quæ omnia utique verissima sunt, sed non impediunt, quominus existens conditio retrorahatur. Debetur quidem ex stipulatione legatum iisdem diebus, & sub eadem conditione, sed tamen existente conditione spectatur tempus celebrati contractus, ut in quacumque stipulatione usu venit *l. si filius famil. 78. ff. de V. O.*

Ad alia jam progrediamur. Pignus subsistere sine principali obligatione traditum est in *l. 2. C. de luit. pign.* Intelligere debes vincula pignoris durare principali actione submotâ. Si durant vincula pignoris sine principali obligatione, possunt etiam colligari *l. nihil tam naturale. l. omnia l. ferè quibuscumq. ff. de Reg. Jur.*

Doctissimus Cujacius putat, hanc legem referendam esse ad legem primam ejusdem tituli, idemque factum in ea supponi. Si

plures sint ejusdem debitoris hæredes, & unus ex eis solvat creditori pro portione hæreditaria, liberatur quidem ab obligatione, & submovetur, & extinguitur actio personalis, quâ poterat conveniri: durant tamen vincula pignoris, etiam pro ea portione, quæ ad ipsum pertinet, quia pignoris causa est indivisa *l. rem hæreditariam §. 5. ff. de viciis.* solutâ enim parte debiti totum pignus nihilominus manet obligatum: nam licet res pignori subjacet divisionem patiantur, pignus tamen ipsum est individuum, nec pro uila parte debitor liberatur, quamdiu totum debitum non fuerit exsolutum *d. l. 1. C. de luit. pign. l. qui pignori §. 1. ff. de pignor. l. solum §. 1. §. si in sortem ff. de pignor. act. l. si rem §. omnis ff. eod.* Quo facto supposito rectè ait Imperator durare vincula pignoris submotâ actione personali.

Si quis haic interpretationi non acquiescat, vel quia diversa sunt Rescripta diversorum Imperatorum; vel quia id satis luculenter in prima lege fuerat explicatum, addè ut supervacaneum videri possit, id multò obscurius repetere in secunda lege, & generaliter enunciare, quod generaliter verum non est; is animadvertat in hac lege non statui vincula pignoris durare extinctâ principali obligatione, sed submotâ personali actione. Submoveri enim potest actio, etiam si non sit sublata principalis obligatio. Quoties enim subtilitate Juris Civilis tollitur obligatio, durant vincula pignoris, ut in *l. debitor §. 9. in princ. ff. ad S. C. Trebellian. in l. ex sextante. in fin. ff. de except. rei judic.* ratio enim non patitur, ut pignore fraudetur ille, cui satisfactum non est *d. l. ex sextante.* Et idè Prætor, cujus auctoritate nititur actio hypothecaria §. item Serviana Instit. tit. de action. non denegat hanc actionem, quæ ex pacto descendit *l. contrahitur §. 4. ff. de pignor. & hypoth. l. 1. ff. de pignor. act.* & idcirco ex naturali ratione, & æquitate proficiscitur *l. 1. ff. de pass. l. 1. ff. de conf. pec.* Neque pignus durat sublata penitus obligatione principali. Nam ratio & æquitas naturalis id efficit, ut perseveret naturalis

obligatio, quæ solo æquitatis vinculo sustinetur *l. Stichum 95. §. naturalis ff. de solut.* Perseverante autem naturali obligatione perseverat & pignus, licet sublata sit civilis obligatio *l. quesitum §. 1. ff. de pignor.* Nec Prætor obsecundat Juri Civili in illis, quæ ab eo subtiliter sunt introducta, ut observat etiam in separatione bonorum *l. debitor. 3. ff. de separ.*

Exitimo tamen laudatam *l. 2. C. de luit. pign.* referendam esse ad præscriptionem actionis. Hoc enim casu proprie dicitur actio submoveri *l. empti actio 21. C. de evict.* Submota autem actione per lapsum temporis ¹⁰durant vincula pignoris. *l. debitor 59. in princ. versic. quemadmodum ff. ad SC. Trebell. l. qui occidit 30. ff. ad L. Aquil. l. 3. junctâ l. 7. §. 1. C. de præscrip. triginta, vel quadraginta annor.* quia per lapsum temporis non omnino extinguitur obligatio, cum tempus non sit modus finiendæ obligationis *l. obligationum ferè ff. de oblig. & alien.* submovebatur etiam actio, quando creditor plus petens causâ cadebat *§. si quis 23. Inst. tit. de alien.* Nemo autem dixerit, hoc casu penitus sublatam fuisse obligationem, saltem naturalem, durante æquitate, quâ sustinebatur. Ac propterea durant vincula pignoris *l. servum 27. in fin. ff. de pignor.* Atque ad hos duos modos commodissime referri potest Rescriptum Imperat. in laudata *l. 2. C. de luit. pign.*

Illud postremo est animadvertendum, quod non solum durant vincula pignoris, submota actione principali, sed etiam de novo constitui possunt. Exemplum suppeditat nobis Sævola in *l. ult. ff. in quibus caus. pign. tac. cont.* ubi factâ transactione, & solutâ majori parte pecuniæ, debitor in residuam quantitatem pignus obligavit creditori; teneatur pignus etiam pro veteri contractu. Submota enim est actio, ex veteri contractu per transactionem; tamen si transactio postea rescindatur vel propter dolum, vel propter errorem, vel alia simili causa; apparet naturalem obligationem sublatam non fuisse, & residuam quantitatem, in quam pignus fuit obligatum, non esse solam

quantitatem debitam ex transactione, sed etiam eam, quæ debebatur ex veteri contractu, pro qua non quidem expressim, sed tacite pignus obligatur. Planè hos etiam casus ea generali lege comprehendi nullus dubito.

Opponi etiam potest text. in *l. solutum 11. §. solutam ff. de pignor. act.* Dominus locavit domum suam Titio; Titius ejus partem Cajo locavit. Cajo secundus conductor, in domum conductam res suas intulit. Eæ res pignori obligantur domino domus. Et ¹²tamen Cajo secundus conductor domino domus non est obligatus, neque enim cum eo contraxit. Nec potest per Titium primum conductorem acquiri obligatio domino *d. l. solutum §. per liberum ff. de pignor. act.* contrahitur igitur pignoris obligatio, & domino acquiritur sine ulla principali obligatione, cui innitatur.

Responderetur, quod res investæ, & illatæ à secundo conductore pignori obligantur domino, & accedunt obligationi primi conductoris, quâ ipse domino obstringitur; non verò obligationi Caji, secundi conductoris, quâ ipse domino non est obstrictus; adeoque non contrahitur obligatio pignoris sine principali obligatione. Quod autem pignus teneatur pro obligatione Titii, non Caji, constat, quia frustra nos admoneret Ulpianus pignus teneri solummodo in eam summam, in quam cenaculum Cajo conduxit, non verò in universam pensionem; quoniam credibile non est, Cajum voluisse in universam pensionem frivola sua obligare. Absurda esset questio, si investæ, & illatæ obligarentur pro pensione Caji; & multo magis absurda esset ratio petiti à præemptione voluntatis, & à verisimilitudine. Eadem de causa ineptum esset etiam, quod admonet Marcianus ex Pomponio in *l. 3. in princ. ff. in quib. caus. pign.* quod si conductor mihi gratuitam habitationem concesserit, investæ à me tenentur domino. Quis enim de his posset dubitare, si pignus accederet obligationi secundi, non primi conductoris; præsertim hoc casu, quo secundus nullam contrahit obligationem solvendæ pensionis.

Idem autem inuenta, & illata à secundo conductore pignori obligantur domino ædium pro obligatione primi conductoris, quia utraque obligatio tam primi, quam secundi conductoris respicit personam domini: & idem, qui infert, & invehit res in domum conductam, videtur tacite convenire cum domino domus, eas res ipsi obligatas esse pro pensione, quæ ipsi debetur. Debetur autem domino pensio à primo conductore: ibi, *videtur tacite & eum domino adium hoc convenisse, ut non pactio eanacularii proficiat domino, sed sua propria*. Accedit igitur pignus alienæ obligationi, quod fieri posse non dubitatur *l. alienares ff. de pignor. act.* & idem accedit alienæ obligationi, quia obligatio propria secundi conductoris pendet ab obligatione primi, & cum ea conjuncta est, atque connexa; adeo ut licet nemo solvens creditori sui creditoris, ipso Jure liberetur *l. si opera 6. ff. de d. l. mal. except.* tamen secundus conductor rectè solvat domino ædium, hoc est creditori sui creditoris *d. l. solutum §. solutum ff. de pignor. act.* Non admodum dissimile exemplum proponitur in *l. cum quis fili 38. §. ult. ff. de solut.* Titius pro me fidejussit apud Cajum creditorem meum, & in suam obligationem Cajo pignus dedit. Moritur Titius, & me hæredem instituit. Alio hæreditatem: confusionem tollitur obligatio fidejussoria *l. Stichum 95. §. quod vulgò ff. de solut. d. l. cum quis 38. §. ult.* nemo enim pro se ipso fidejussor esse potest *l. heres 21. §. quod si ff. de fidejuss.* extincta fidejussoria obligatione, pignus quoque, quod ei accesserat, extinguere deberet. Respondit tamen J. C. pignus durare: manet enim obligatio principalis, cujus contemplatione tam obligatio fidejussoria, quam obligatio pignoris contracta fuerat.

Opponi præterea potest text. in *l. si rem 9. §. 1. ff. de pign. act.* *Non tantum autem ob pecuniam, sed & ob aliam causam pignus dari potest. Velut: si quis pignus alieni dederit, ut pro se fidejubeat.* Nulla hic videtur subesse principalis obligatio, cui pignus accedat; Nemo enim alteri obligatus est, ut pro se fidejubeat.

Sed non ita est. Qui dat alicui pignus, ut pro se fidejubeat, ei mandat, ut fidejubeat: eoque fidejubeant mandati obligatur *l. semper 60. ff. de Reg. Jur. l. indebitum 47. ff. de condit. indeb. l. si remunerandi 6. §. si passus ff. mandat.* Huic obligationi mandati pignus accedit.

Denique duci rectè potest argumentum à fidejussione ad pignus *l. 2. ff. quæ res pign. dari poss. l. si legat 28. in fin. ff. de pign.* imo duci potest, ut aiunt Logici, à fortiori *l. cum quis 38. in fin. ff. de solut. & l. si quis posteaquam 37. ff. de fidejuss. junctâ l. 2. C. de luit. pignor.* Aquis fidejussoris obligatio interdum sine principali obligatione contrahitur, aut sustinetur. Exemplum proponitur in *l. ult. in fin. ff. de duob. reis.* Alterum in *l. morino ff. de fidejuss.* Tertium in fidejussore, qui accedit officio Judicis, quod nullam supponit obligationem.

Sed falsa sunt omnia. Neque enim in laudatis exemplis fidejussor obligatur sine principali obligatione. De primo exemplo id demonstravimus alio loco, ubi luculenter exposuimus *l. ult. ff. de duob. reis.*

Ad *l. morino ff. de fidejuss.* facilis est responsio. Mortuo reo promittendi non extinguitur obligatio, sed residet in hæreditate, quæ defunctum repræsentat *§. servus Inst. tit. 25 de hered. instit. l. non minus 31. §. ult. ff. eod. & domini locum obtinet l. denique §. quasitum ff. quod vi, aut elam. l. si ante 15. ff. de interrog. act.* imo domina est *l. liber homo 13. §. si servus ff. ad Leg. Aquil.* & idem pro ea obligatio, quæ in hæreditate est, fidejussor obligatur.

Ad tertium respondetur in omnibus iis, quæ præstantur officio Judicis, & quibus accedere potest, vel fidejussor, vel hypotheca, subesse aliquam obligationem, cui potest adhærere obligatio accessoria. Doctores nostri primum id, robant exemplo fideicommissorum, quæ olim, ut ipsi putant, officio Judicis præstabantur, & eorum servandorum causa fidejussor dari poterat *res. tit. ff. ut legat. seu fideic. nom. cav.* & interdum etiam pignus *l. filio ff. eod.* sed utrumque falsum est, & quod præstarentur officio Ju-

dicis, nam extraordinaria dabatur persecutio ad ea persequenda, quæ actionis quædam species erat *l. pecunia verbum §. actionis ff. de V. S.* & quod nulla subesset obligatio, cui fidejussor, aut pignus posset accedere. Nam persecutio illa supposebat debitum, & obligationem *l. pecunia verbum §. ult. ff. de V. S.* & licet stricto Jure nulla actione teneretur hæres, tamen cum compelleretur auctoritate Magistratus *l. hereditas 50. in fin. ff. de petit. hered.* erat obligatus ad solvendum *l. obligationum substantia ff. de oblig.* & quasi debitum ab eo exigebatur *l. 3. ff. de pollicit.* Et quis poterit dubitare hæredem saltem naturaliter obligatum fuisse? cum & fideicommissa inutiliter relicta naturaliter debeantur, & soluta repeti non possint, quia ex conscientia satisfactum est voluntati defuncti *l. 2. C. de fideicom.* Et quæ fuit causa mandandi jurisdictionem fideicommissorum Magistratibus, & creandi Prætores fideicommissarios, qui hæredes cogerent præstare fideicommissa, nisi summa æquitas obtemperandi supremæ voluntati? Illud etiam operæ pretium est animadvertere, fidejussores, & pignora, quæ dantur fideicommissorum servandorum causâ, verè non accedere obligationi fideicommissi, sed obligationi stipulationis, quæ vera est, & justa obligatio: præstanda enim est ab hærede satisfactio fideicommissario *l. 1. ff. ut legat.* quæ satisfactio per stipulationem fit *l. hæc stipulatio 14. ff. eod.* & stipulationi accedunt fidejussores *l. pratoria 7. ff. de præstip.* igitur fidejussores accedunt verè, & civili obligationi.

Probant id etiam exemplo legatorum, quæ præstantur officio Judicis, ut in *l. servos, 17. ff. de olim. legat. l. hereditas 50. in fin. ff. de hered. pet.* Pro legatis autem competit tacita hypotheca *l. 1. C. commun. de legat.* Sed quis non videt hæc legata deberi, & hæredem ad ea præstanda obligatum esse, saltem naturali obligatione, cum non minus æquum sit præstari hujusmodi legata, quàm cætera omnia? Posset etiam in controversiam adduci, an pro his legatis competat tacita hypotheca, cum hæc detur solum quate-

nus competit actio personalis *l. 1. in fin. C. commun. de legat.* Sed hæc non sunt hujus loci.

Affertur etiam ad hoc probandum text. in *17 l. cum quis 38. §. si quis ff. de solut.* fide satis suprâ responsum est. Planè nemo negabit, eum, qui tempore liberatus est sine culpa, & negligentia creditoris, subtilitate quidem Juris Civilis, non posse conveniri, sed tamen secundum æquitatem, & naturalem rationem manere debitorem *l. 1. ff. ex quib. caus. maior.* eaque suadente dari restitutionem creditori, ut cogi possit ad solvendum. *l. Divus 7. in princ. & in §. 1. ff. de in integr. restitut.*

Nullius momenti sunt argumenta perita ex *l. centum Capua. & l. ult. ff. de eo, quod certo loco. & ex l. quæro ff. loc.* Nam ibi una est stipulatio, una obligatio fortis principalis, quæ tenetur tam reus principalis, quàm fidejussor. *d. l. centum Capua. versic. una stipulatio ff. de eo, quod cert. loc.* adedq. subest principalis obligatio, cui adhæret obligatio fidejussoris. Cæterum, quia reus principalis, præter id, quod est in obligatione, condemnatur officio Judicis etiam ad solvendum id, quod interest, vel fortis usuras: idcirco eodem officio Judicis condemnatur etiam fidejussor, cum æquum sit, ipsum quoque idem onus agnoscere. *d. l. quæro ff. loc.* Non magis igitur tenetur fidejussor, quàm principalis.

Ut ad pignus revertamur; opponi possit, hypothecam cedi posse sine personali actione, ut ferè à Pragmaticis receptum est: adedque sustineri sine principali obligatione.

Hanc sententiam falsissimam esse alii de *28* monstraverunt. Ea tamen admittenda, falsum nihilominus est, hypothecam sine principali obligatione sustineri: neque enim extincta est principalis obligatio, à qua sustineri possit. Ac verè etiam juxta eorum sententiam à principali obligatione sustineri constat, quia ipsi quoque fatentur, extinctâ per solutionem principali obligatione hypothecam intercedere, & extinguui.

CAPUT XIII.

AD L. I. FF. IN QUIBUS CAUS.

Pign. tac. contrahatur.

SUMMARIVM.

- 1 Privilegium exigendi, & prelatis in pignore quantum differant.
- 2 Qui pecuniam mutuatur ad rem restituendam, vel emendam, in pari causa potior est aliis.
- 3 Privilegium ejus, qui mutuatur ad aedes restituendas, an extendatur ad omnia, qui mutuatur ad restituendas naves.
- 4 Publici interest naves non retineri.
- 5 Instrumenta rustica non possunt pignori: nec arma militum.
- 6 Cur concessum privilegium mutuantibus ad aedes restituendas.
- 7 Privilegia aedificiorum numerantur.
- 8 Non eadem Romanis cura navium, & aedificiorum.
- 9 Mercatura à Romanis petiti coercita, quàm privilegii promota.
- 10 Mercatura Romanis perniciofa: & quare. n. 12.
- 11 Mercatu ra quare nulli Republica.
- 12 Qua arte Romanis Civitatem auferant.
- 13 Præmia à Romanis precepta mercatoribus: & quare. n. 13.
- 14 Quanta cura annona præviderint Romani. & n. 15. & 16.
- 17 De frumentatione pauca delibata.

Senatusconsulto, quod factum est Marco Imperante, tribuitur jus taciti pignoris illis, qui ad aedes restituendas pecuniam mutantur. Hoc privilegium Pragmatici produxerunt ad omnes alios, qui in aliam rem quamlibet reficiendam, restituendamve pecuniam mutantur. Non rectè, meo judicio. Duo sunt privilegia: jus exigendi, & jus taciti pignoris. Privilegium exigendi à Plinio in epistola ad Trajanum appellatur *πρωτοεξέσις*, quasi dicas, *Jus, quo quis aliis creditoribus in exigendo præferatur*. Conceditur hoc solis creditoribus chirographariis; & de hoc agitur in toto tit. ff. de privilegiis creditorum; quod est observandum, quia perperam Nostri abutuntur ejus tituli legibus, ut demonstrent qui sint potiores in pignore: qua de re ibi nusquam agitur, cum

de ea sit proprius titulus *qui pot. in pign. hab.* Jus taciti pignoris aliquando conceditur simul cum alio privilegio, quo creditor aliis creditoribus hypothecariis potior est in pignore. Animadvertendum autem est, quòd Veteres Jurisconsulti privilegium exigendi inter chirographarios facili concedebant: itemque inter hypothecarios, ut alter altero potior esset: at verò ut, qui ex vi suæ obligationis, & natura sua chirographarius est, præferatur hypothecariis, ferè numquam concedebant; huic enim duo concedenda sunt, & jus taciti pignoris, quod rarè Veteres tribuebant, & jus prelacionis in pignore, ut Nostri aiunt. Præterea, quia jus pignoris unusquisque potest suâ conventionem sibi acquirere, neque indiget in hoc legis privilegio, neque æquum est, ut qui negligens fuit in pignoris obligatione sibi constituenda, præferatur his, qui eam expressè sibi constituerunt. *Arg. text. in l. pupillus ff. qua in fraud. cred. Rectè Varr. de re rust. lib. 1. Dii facientes adjuvant.*

Hoc igitur ratum sit. In pari causa, qui pecuniam mutuatus est ad rem reficiendam, restituendam, emendam, præferatur aliis. Hoc est, si de pignore sibi non caverit, cum ipse sit chirographarius, præferatur chirographariis, cum sint in pari causa *l. qui in navem 26. l. quod quis 34. ff. de reb. ant. Jud. alias, de privileg. creditor. l. si ventri §. 1. ff. eod. l. creditor 25. ff. de reb. cred.* si verò pignus expressè sibi constituerit, cum sit hypothecarius, præferatur aliis hypothecariis, cum sint in pari causa: & ita sunt intelligendæ *ll. 5. & 6. ff. qui pot. in pign. hab. Ansb. de equal. dor. c. 3.* Et hoc demonstrare possem satis evidenter: sed hic non libet hanc questionem penitus examinare.

Solum hinc quærimus de navi. Qui pecuniam credit ad restituendas aedes habet jus tacite hypothecæ *l. 1. ff. in quib. caus. pign. tac. contrah.* & quidem ita, ut aliis sit potior *l. 5. & 6. ff. qui pot. in pign. hab.* Videtur id constitutum publicæ utilitatis causâ, ut infra dicemus. Atqui multò major in Remp. utilitas redundat ex navium, quam ex ædium ædificatione, propter mercaturam, cum ad

summam Reip. pertineat exercitio navium l. 1. §. licet 20. ff. de exercit. assl. Non potest igitur dubitari, quin privilegium dictæ legis primæ, si non ad alia, certè ad naves pertineat.

Dicam, quod multis videbitur fortasse *παράδοξον*. Ob id ipsum, non potest privilegium illud ad naves pertinere, quia navium exercitio ad summam Reip. pertinet. Observandum enim est, quod si naves tacite pignori obligentur omnibus, qui vel ad naves fabricandas, vel reficiendas, vel armandas, vel emenda nautis cibaria pecuniam crediderunt, facile eveniet, ut à creditoribus detineantur; atque idcò liberè navigare non poterunt commercii causâ, ac maximum mercaturæ afferretur impedimentum. Constantinus Imperator tribus Constitutionibus vetuit naves alicubi retineri, aut ullo genere incommodi affici, quo minus progredi, & celeriter eò, quod cursum dirigunt, possim pervenire. Extant hæc tres Constitutiones in Codice Theodosiano in tit. de naviculis l. 4. 8. & 9. quarum una tantum relata est in Codicem Justiniani sub eodem titulo. Rectè etiam Athenienses lege caverant, ut iudicia mercatorum Athenis peragerentur à mense Boëdromione, ad Munychionem; hoc est sex illis mensibus, quibus navigari non potest, ne tempore ad navigandum opportuno iudiciorum impedimentis distingerentur: teste Demosthene in *Orat. πρὸς Απαύδειον*. Et Xenophon omnium rerum peritissimus in *lib. de redditibus*, ait, Præfecto mercaturæ proponenda esse præmia, quicumque æquissimè, celerissimèque judicaverit, ne impediantur illi, qui navigare volunt, & ut plures, sique libentius negotienitur, pertinet igitur ad mercaturæ utilitatem non impediri navigationem, nullaue de causa naves detineri, quod eveniret navibus pignori obligatis.

Exemplum peti potest ab agricultura. Pertinet ad summam Reip. ne agrorum cultura turbetur; nihil eà conductibilis, & in privilegiis par est ædificiis l. 1. ff. de tign. junct. Quil autem in ea est constitutum? Tantum abest, ut aliquod jus tacitæ hypothecæ tri-

buatur ejus favore: quin potius instrumenta rustica, quibus opera rustica exercentur, prohibentur oppignerari, & in quadruplum condemnatur, quicumque ea jure pignoris ausus fuerit auferre l. executiones 7. & l. seq. cum *Auth. agricultores C. qua res pign.* Idemque dicendum est de armis militum, argum. text. in l. qui committitur §. 1. ff. de re milit. junctâ l. 9. ff. de pignor. rectè Diodor. Sic. lib. 1. *Biblioth. μίμνησται δι πνευ δὲ αλῆγας τοῖς πλείοις τῶν παρὰ τοῖς ἑλλήσι νομοθετῶν, διπλῆς ὅσα μὲν, ἐν ἀροτρῶν, ἐν ἄλλῃ τῶν ἀναγκασιότατων ἐπολεῖν ἰνὺνχευ λαμβάνειν, π. δε δέκισιν, τοῖς δὲ ὅ πόντις χρησιμῶν συντρέφεται ἀγρογίμῃς ἵται.* Quemadmodum igitur, ne pignoris causâ turbetur agrorum cultura, prohibentur obligari instrumenta, quibus ea exercetur: ita ne turbetur negotiatorum navigatio, potius interdicenda est obligatio navium, & armamentorum, quibus navigatio exercetur, quàm concedenda tacita hypotheca.

Sed hic non consistimus. Præterea animadvertendum est, alia de causa non posse deduci argumentum ab ædificiis ad naves de Jure Romanorum. Ei, qui pecuniam credit ad restituendas æles tributum est jus taciti pignoris ob publicam utilitatem, sed eam utilitatem, quæ respicit decorem, ornatumque, & magnificentiam Urbis, quod 6 navium ædificationi non convenit. Præsertim cùm Romani nulla de re tam accuratè caverint, quàm ne ruinis Urbis aspectus deformaretur, & incredibili diligentia Urbis decori, atque amplitudini providerint: quo factum est, ut universa Roma diceretur esse *miraculum*, teste Cassiodoro, eique

Par esset nihil, & nihil secundum. Mart. Primum enim ab ipsis ferè Urbis nascens, & legum incunabulis, in duodecim Tabulas relata est à Decemviris lex illa: *Ut ædificia in Urbe ita fierent, ut sefferius pes inter ades vicinas ambitus causâ relinqueretur*. Hinc 7 Romæ omnes ferè erant insulæ, raræ admodum domus. Item illa alia: *Tignum junctum adibus ne solvito*. Volverunt enim potius dominum, contra omnes Juris Regulas, suo tigno privari, quàm dirui ædificium, ac Urbem

Urbem ruinis deturpari *l. 1. ff. de signo juve. l. gemma 6. ff. ad exhib. l. de eo 63. ff. de donat. int. vir. & uxor. l. qui res suas 98. in fin. ff. de solut. l. 7. §. 7. ff. de acquir. rer. dom. §. cum in suo Inst. tit. de rer. divis. Quod privilegium nec navi, nec aliis rebus tributum est *l. gemma 6. ff. ad exhib. l. in rem actio §. 5. & 6. ff. de rei vindic. Plin. lib. 35. cap. 14. & Vitruvius lib. 2. cap. 8. meminerunt alterius legis, quā cavebatur, ne parietes communes crassiores sesquipedalibus constituerentur. Augustus ad impediendos, ut ait Juvenalis, lapsus Tectorum assiduos, & mille pericula seve Urbis, vetuit, ne supra septuaginta pedes domus attollerentur, teste Strabone: & Nero etiam, teste Tacito, cohibuit altitudinem ædificiorum. Denique Trajanus modum ædificiis statuit, pedes sexaginta. Vespasiano imperante decretum est Senatufconsulto, ne marmora negotiandi causā detraherentur ex ædibus, aut ædificia diruerentur, materie in aliam domum exportandæ causā. Hoc Senatufconsultum ab Adriano Imperatore confirmatum est, ut refert Spartian. in eius vita. Eo continebatur, ne ea, quæ ædibus juncta sunt, tollere negotiationis, aut commercii causā liceret, neve vendere, emere, legare, poenā dupli constitutā in eum, qui sultasset, in ærarium inferenda. Factum est hoc Aviola, & Pansā Coss. circa annum Nostræ Salutis 125. & confirmatum ab Alexandro Severo in *l. 2. C. de adif. priv.* ejusque frequens mentio in Jure nostro, ut in *l. Senatus 52. ff. de const. empr. in l. cetera 41. §. sed ea 1. ff. de leg. 1. in l. ult. ff. de dam. inf. in l. Marcellus 45. ff. de don. int. vir. & ux. in l. fideicommissa 11 §. si quis illiciti 14. & in l. nusu 21. §. ult. ff. de legat. 3. Rursus Ulp. in *l. Prasfes 7. ff. de off. Prasfid. Prasfes Provincia inspectis adficiis dominos eorum causā cognita rescire ea compellat, & adversus detractantem competentia remedia deformitari auxilium ferat.* Consonat text. in *l. ad curatoris 46. ff. de dam. inf.* Quid dicam de privilegio illo, quod concessit Philippus Imperator in *l. 4. C. de adif. priv.* ut si unus ex sociis communem ædem restituisset, & alter intra quatuor***

menses partem sumptus non restituisset cum usuris centesimis, pars ejus domus accretesceret ei, qui restituisset? Fuerat hoc & antea à D. Marco constitutum *l. cum duobus, alias l. fratres. §. idem respondit 10. ff. pro soc. à quo & jus taciti pignoris fuit concessum in l. 1. ff. in quib. caus. pign. tac.* Simile est privilegium jam olim à Vespasiano concessum, de quo Sueton. in ejus. vitā cap. 8. *Vacuas arces occupare, & edificare, si possesores cessarent, cuicumque permittit.* Simile quid Adrianus etiam videtur edixisse, cujus Edicti mentio fit in *l. 5. C. de adif. priv.* Alsed nihil est tam alienum à Regulis Juris, quod ædium causā non sit constitutum. Ac laudè prælagisse videtur Philippus: paucis enim diebus post legem latam, orto Romæ incendio, multa ædificia sunt consumpta, quibus restituendis multum contulit lex paulo ante lata. Plura non addo: hoc tantum dico, nulla ferè de re frequentius à Romanis cautum, quam de fartis tectis tuendis, ne ædificia essent casta, ac ruinosa, qua in re posita est dignitas Urbis, & ornamentum, eoque pertinent textus in *l. 2. §. si quis 17. & in l. ult. ff. ne quid in loc. publ. in l. prescriptio C. de oper. publ. in l. Prasfes ff. de off. Prasfid. & alibi passim. Inter hæc autem multa sunt contra Juris Regulas constituta, quæ si quis ad naves, & alia velit producere, totum Jus Civile pessumdabit.*

Videamus igitur an apud Romanos simile quid fuerit de navibus constitutum. Ac certè non eam curam navium habuisse Romanos, quàm ædificiorum, conjecturā assequi possumus, cum ædificiis fartis tectis tuendis Magistratum præfecerint, Ædiles: navibus verò custodiendis, aut negotiationi amplificandæ nullus præficeret Magistratus. Sed conjecturis opus non est. Cum tot legibus Urbis decori, & ædium reparationi provisum esset: nullā lege consultum fuisse negotiationi, præsertim stante Republica, reperimus. Imò multis legibus mercimonia coëcebantur. Primum Auctor est Livius *lib. 21. prope fin. & Cic. Ferr. 7. Q. Claudium Tribunum Plebis anno Urbis 335. P. Cornelio, & Ti. Sempronio Coss. legem tulisse: Ne quis Sena-*

9. *tor, quive Senatoris pater fuisset, maritimam navem, qua plus quam trecentarum amphorarum esset, haberet. Id satis habitum ad fructus ex agris velandos: quastus omnis Patribus indecorum visus est.* Fuit hoc postea à Julio Cæsare Dictatore confirmatum lege Juliâ repetundarum l. 3. ff. *de vacat. & exen.* Thebani quoque ad munera publica accedere prohibebantur, nisi decem annis destitissent à mercimoniis exercendis, ut refert Arist. lib. 3. *Polit. c. 5.* Longius etiam progressi sunt Romani, cum nobiles omnes negotiationem exercere prohiberentur l. *nobiliores 3. C. de commerc. & mercat.* Rectè Cic. *de offic. Mercatura, si tenuis est, sordida putanda est: si magna, & copiosa, multa undique apportans, multisque sine vanitate imperiens, non est admodum vituperanda: atque etiam si satiata questu, vel contenta potius, ut sæpe ex alto in portum ex portu ipso se in agros possessioneque contulerit, videri jure optimo posse laudari.* Imò aliquando ipsi mercatores in pecunâ negotiatione abstinere cogebantur, cum tamen nemo ad exercendam negotiationem cogi posset l. 9. ff. *sunt autem. & alia; cum §. seq. ff. de pen.* licet plerumque id fieri non debeat l. *illicitas 6. §. neque ff. de offic. Praesid. l. 2. ff. de jur. patron.* Pantapolis interdictum, ne Romæ essent. Id postmodum eis concessum est Valentiniani novellâ Constitutione circa annum Salutis Nostræ 440. *Pantapola* sunt negotiatores, qui omnia vendunt: & locus, ubi vendunt, *Pantapoliom* appellatur, ut ait Pollux lib. 7. *cap. 3.* Præterea prohibebantur Romani mercaturæ causâ ultra Nisibin, Callinicum, & Artaxatam proficisci l. 4. *C. de comm. & merc.* & pœna proferri, tionis bonorum, & perennis exilii constituitur, si contra fecerint l. *ut. C. eod.* Interdictum etiam erat mercatoribus, ne mercimonii causâ Barbaris aurum præberent. l. 2. *C. eod.*

Sed quorsum hæc? Nimirum perniciosum erat Romanæ Reip. mercimonium, non utile, præsertim in illa vetere disciplina. Videbatur hoc inauditum; sed certè perniciosum Urbis mercimonium dicitur in l. *nobiliores 3. C. de commerc. & merc.* Causam ego deinde

ceps aperiam. Est utilis civitatibus multis de 10 causis negotiatio. Primum eam comparandis Regum amicitii, & conciliandis Barbarorum animis utilem esse testatur Plutarchus. Præterea publica vectigalia mirum in modum auget, & Reip. proveniunt, & quo plures in Urbem confluant mercatores, *ἄλλοι μισθοφοῖται, & πλεονεκτήται: πῦς mercedis, ac tributi redigitur*, ut ait eleganter Xenophon in lib. *de rediv. in prine.* Denique hæc de causa, & omnium rerum copiâ, & opum affluentia, & hominum multitudine florent civitates. Apud Diod. Sicul. lib. 11. *Biblioth.* Themistocles ὡπλιστὴν τῶν δῆμων καὶ ἑκάστον ἑκατὸν πέντε ταῖς ὑπάρχουσας ταυτῶν, ἕτερον ἑκάστης ἀποσκευάζοντο, & τοὺς μετρίους, & τοὺς πυχραίους ἀπὸ τοῦ πλείου, ὥστε ἔχουσιν πολεῖς εἰς τὸν πόλεον παρὰ πλεον κατὰ δὴ, & ὁπλίους τίχνας κατασκευάζοντες ὑπὸ χειρὸς ἀμύνεσθαι δὲ πούτα χρησιμώτατα πρὸς ταυτῶν ἀντάμωσιν κατασκευὰς ὑπάρχουσιν. Persuasi etiam Populo, ut præter naves, quas haberent, viginti triremes quotannis edificarent, ut ingulinos, & artifices immunitate donarent, ut & magna undequaque multitudo in Urbem conflueret, & magnam artificiorum varietatem facili compararent; utrumque enim ad augendum, constituendamque in mari potentiam uti issimum judicabatur. Et quidem Athenis immunitas mercatoribus erat tributa. Interpr. Aristoph. in Pluto: πῖς 7 πωλῆται, ὅσα χρημάτων ἔν ἑσσορᾷ πρὸς τὸ πᾶν, & ἡμπορίας ὑποσχεῖσθαι, & ἑσσορᾷ βυλλόμενοι οὐκ οὔτ. Ἀλλ' οὐκ ἔδωκεν δὲ τὸν ἀνίστην (ὅς φησι "Ευφρόνης) ὡς & πᾶν ἀνελόντες ποιεῖν διὰ τῆς αὐτῶν ὑποσχείας. Ex civibus quidam cum facultatum suarum Civitatis tributum pendere deberent, ut illud vitarent, negotiationem suam cansabantur. Immunitate enim gaudebant mercatores, quippe qui suâ negotiatione plurimum Civitati prodesent.

Verumtamen hæc ad Romanos non pertinent, qui alia via aggressi sunt. Ipsi tunc benignitate, tunc metu, tunc potentia Barbaros continere: victoriis, prælâ, triumphis, vectigalibus, & tributis devictarum Gentium opes Civitatis amplificare: augere Populi frequentiam, & Nationes omnes allicere

splendore Urbis, ludorum, & spectaculo-
rum magnificentiâ, frumentatione, manu-
missionibus. An verò ulla alia ratio adscif-
cendæ multitudinis à Romanis erat exqui-
renda, à quibus ad exhauriendam Civitatem
supra centum & sexaginta colonie deductæ
in solam Italiam numerantur, cùm, quasi
superfluentem sanguinem, multitudinem
emittere cogerentur? Quicumque inquirere
vulerit in census-habitos Luculli, Augusti,
Claudii temporibus, eertè non desiderabit
negotiationem ad augendam Populi frequen-
tiam. Juv. *Jampriidem Syrus in Tyberim deflavit*
Oromes. Nec mercatorum industriam re-
quireret ad opes Civitatis amplificandas, qui-
cumque noverit civium Romanorum opulen-
tiam ferè incredibilem. Nota est illa vox
Crassi negantis divitem esse, qui exercitum
suis fructibus alere non posset. Latissimè pa-
tet hic campus. Ego non progrediar longius.
Hoc tantum moneo ex Olympiodoro apud
Photium. Rebus Romanis jam afflictis sub
Honorio, & Areadio multas domus Ro-
manorum annui redditus cogerisse quatuor
millia auri pondo ex possessionibus, ac
tertiam præterea partem ex tritico, vino,
& aliis rebus redigere potuisse, si vendi-
dissent.

Quid posuit tantis opibus addere negocia-
tio? imò verò multum detrahebat, qua de
causa perniciofa habebatur. Luculentissimus
testis esto Plinius, qui *lib. 12. c. 18.* queri-
tur, annis omnibus ab India, atque Arabia
millies festertium Imperio Romano adimi.
Idem *l. 6. c. 13.* *Indigna res, nullo anno im-*
perii nostri minus festertium quingenties ex-
hauriente India, & merces remittente, qua
apud nos centuplicato veneant. Immenfa pro-
pemodum est hæc summa in res Indicas con-
sumpta: conficit enim nostrorum aureorum
centum & viginti quinque milliones. Incre-
dibilis planè res; itaque puto Romæ ven-
ditas fuisse quingenties, non in India, hoc
est aureis nostris 1250000. Adde jam mer-
ces ex Arabia advectas, advectas ex tot aliis
Provinciis, ex quibus quicquid erat eximium
Romam advehebatur. Præclare Sidon. *Apol-*
lin. Carm. 5.

— *tum quaque suos Provincia fructus*
Exposuit, fere Indus elux, Chaldaus amo-
num,
Affyrus gemmas, Scy velleræ, thura Sa-
bæus,
Arabis mel, Phœnix palmas, Lacedæmon
olivum,
Argos equos, Epirus equas, pecunaria
Gallus,
Arma Chalybs, frumenta Libes, Campa-
nus Jacchum,
Aurum Lydus, Arabs guttam, Panchæia
myrrham,
Pontus castorea, blattam Syrus, ara Co-
rinthus.

Hæc omnia auro, atque argento commuta-
bantur: Romæ enim nihil asportabatur ad
exteros, unde possent merces eum meseibus
commutare. Atheniensibus proderat nego-
tiatio, quia, ut ait Xenophon, maxima
rerum erat ad exportandum copiam. Romanis
nocebat, quia Cives auro, atque argento
emungebat. Hinc ab Imperatoribus prohibi-
tum est aurum Barbaris præberi in *l. 2. c. de*
com. & merc. Quod & multo ante fuerat
constitutum. Cic. *pro L. Flacco. Exportari*
aurum non oportere, tum sæpe ante Senatus,
tum me Consule gravissimè judicavit. Quid?
quod ea luxum invexit, pestem virtutum,
perniciem Reipubl. excidium Imperii. Juv.

— *Savior armis*
Luxuria incubuit, victumque ulciscitur
Orbem.

Incubuit post domitam Asiam, unde omnes
delicæ in Urbem confluebant, & Impe-
rium, quod æternum forè videbatur enerv-
avit, dissipavit, evertit. Itaque benè, ac
sapienter veteres Romani negotiationem pri-
vilegiis non fovebant, quem morem posterì
etiam diu retinuerunt.

Enim verò non ignoro, multa tùm in Jure
nostro, tum apud Veteres rerum gestarum
Scriptores reperiri in favorem mercatorum
constituta. Legimus apud Suetonium in *15.*
Claudio c. 18. & 19. proposuisse fabricantibus

Dd ij

naves mercatura causâ magna commoda, magna lucra negotiatoribus, susceptio in se damno, si cui quid per tempestates accidisset. Legimus in Tacito *Ann. lib. 13.* à Nerone constitutum, ne censibus negotiatorum naves adscriberentur, tributumque pro illis penderetur. Apud Lampridium in *vita Alexandri Imperatoris*, ab eo concessam negotiatoribus immunitatem. Ulpian. in l. 1. §. licet 20. ff. de exercit. allion. Ideo autem ex voluntate in solidum tenentur, quia ad summam Remp. navium exercitio pertinet. Cætera omitto, mox enim referemus opportuniùs.

Verùm tamen animadvertendum est, hæc omnia referenda esse ad negotiatores frumentarios, qui suis navibus, industriâ, vigiliis, Urbis annonæ providebant. Magna, ac certa lucra proposuit Claudius negotiatoribus: nimirum quia: *Cum in summa annonæ caritate à turba decensus in foro, conviciisq; ac simul fragminibus panis ita instratus esset, ut agrè, ac nisi postico posset evadere, nihil non ex eo cogitavit ad invadendum etiam in tempore hyberno commatus.* Idem Claudius tribuit Civitatem Romanam ei, qui navem fabricasset capace[m] decem millium modiorum frumenti, & Romam sex annis frumentum portasset, ut refert Ulpianus noster in fragmentis *Inst. tit. 3. de Latinis.* Huc etiam pertinet l. 3. §. Senatusc. ff. de inc. ruin. naufrag.

Nero negotiatores immunitate donavit, Ad quos pertineat hoc privilegium nos docet Scævola in l. 3. ff. de vacat. & exc. His, qui naves marinas fabricaverunt, & ad annonam Populi Romani præbuerunt, non minores quinquaginta millium modiorum, aut plures singulas non minores decem millium modiorum, donec hæc naves navigant, aut alia in eorum locum, muneris publici vacatio præstatur ob navem. Possunt hæc referri ad Marcum Antoninum, qui Scævola valdè usus est, & rei frumentariæ graviter provixit: sed non sine causa quis hæc ad Neronem referat, nam Marcus magis *Jus vetus restituit, quam novum seie.* Capitol. in ejus vit. Ut ut sit, constat Neronis privilegium ad nego-

tiatores frumentarios solummodò pertinere. Tacit. lib. 13. *Annal. Temperata apud transmarinas Provincias frumenti subvectio: & ne censibus negotiatorum naves ascriberentur, tributumque pro illis penderent, constitutum.* Hujus constitutionis occasionem petere possumus à Sueton. in Nerone c. 45. *Ex annonæ quoque caritate. Luctantium accrevit invidia, Nam & foret accidie, ut in publica fame Alexandrina navis nuntiaretur pulverem luctatoribus aulicis advexisse. Quare omnium in se odio concitato, nihil contumeliarum desuit, quin subiret.* Aurelianus quoque Imperator apud Vopisc. ita gloriatur. *Inter cætera, quibus Diis faventibus Romanam Remp. juvimus, nihil mihi est magnificentius, quam quod ad dicitamento unica omne annonarum urbicarum genus jovi; quod ut esset perpetuum, navicularios Niliacos apud Ægyptum novos, & Roma amicos posui, Tiberinas extruxi ripas.*

Eodem referenda est etiam immunitas concessa negotiatoribus ab Alexandro Severo. Lamprid. in ejus vita. *Commeatum Populi Romani sic adjuxit, ut cum frumenta Helio-gabalus evertisset, vicem de propria pecunia loco suo reponeret. Negotiatoribus, ut Romam volentes concurrerent, maximam immunitatem dedit.* Rectè hunc locum interpretari possumus ex Callistrato, qui sub hoc Imperatore floruit. Hic in l. 5. §. negotiatores ff. 16 de jure immun. Negotiatores, qui annonam Urbis adjuvant, item navicularii, qui annonæ Urbis servant, immunitatem à muneribus publicis consequuntur, quamvis in hujusmodi alii sunt. Et Paulus cujus consilio Alexander utebatur in l. 9. §. ult. ff. de vacat. Paulus respondit, privilegium frumentariis negotiatoribus concessum etiam ad honores excusandos pertinere. Quamobrem dubitandum non est, eodem pertinere l. 1. §. licet 20. ff. de exercit. all. quæ est Ulpiani, cujus etiam consilio utebatur Alexander Imperator. Habebant quoque navicularii corpus, quod immunitate gaudebat l. 1. ff. quod cujusque univers. sed ut immunitate gauderent, aut navigare debebant, aut majorem substantiæ partem ad subvehendam annonam in mercatura habere l. semper 5. §. licet 6. ff. de jur.

immun. Quo referenda etiam est *l. Severus* 9. §. 1. ff. de Decur. ubi navicularii Decuriones fieri prohibentur.

Eadem immunitas ab omnibus oneribus, & muneribus tributa est naviculariis à Constantino Imperatore in *l. 5. §. 1. Cod. Theod. de navic.* sed & hæc ad juvandam annonam Urbis Constantinopolitanæ, quam quadriennio antè ædificaverat, ac dedicaverat, videtur constituta *l. pro commoditate* 7. & *l. provideatur* 28. *Cod. Theod. de navicular.*

Ex his constat, privilegia omnia negotiatoribus concessa ad rem frumentariam pertinere. Sed quorsum tanta frumenti advehendi cura? Nimirum Romanus ager alendæ tantæ multitudini impar erat, & ad sedandam famem frumentum ex Sardinia, Sicilia, Africa, Hispania advehendum. Tacit. *lib. 12. Annal.* Nec nunc infœcunditate laboratur, sed Africam posui, & Ægyptum exercemus, navibusque, & casibus viæ Populi Romani permixta est. Plin. in Paneg. Percrebuerat antiquitus, Urbem nostram, nisi opibus Ægypti ali, sustentarique non posse. Cæpit & Populo distribui frumentum ab Ælilibus primum pretio minimo, mox etiam gratis. Manius Marcius Ælilis primus frumentum assibus in modios Plebi divisit: ut refert Plin. *lib. 18. C.* Gracchus semissè & triente, Clodius legem annonariam tulit, ut frumentum gratis populo daretur. Nec parva ea summa. Impensa in eam rem Catonis tempore, ut refert Plutarchus, mille ducenta, & quinquaginta talenta. Julius Cæsar captâ Africâ viginti myriades medimnorum Plebi alendæ Romam intulit: sunt duodecies centena millia modium. Modius pendebat supra viginti libras, plus minus viginti quinque. Refert P. Victor, Augustum ex Ægypto annua ducenties centena millia modium advexisse. Daplum ex Africa advehebatur, ut refert Josephus. Non assentior Lipsio, qui summam minuentiam potat. Licet enim ea summa Populo non distribueretur, tamen curandum erat, ne & reliqua multo lo fame premeretur, & frumento indigeret. Severus reliquit canonem frumentarium septem

annorum, ita ut quotidiana septuagena quina millia modium expendi possent. Hoc ià septem annos ali commodè poterant sexcenta millia hominum. Justiniano nostro imperante ex Ægypto Constantinopolin advehebant octogies centena millia modiorum. Edikt. Justin. 13. cap. 8. Tanta autem erat hujus frumentationis cura, ut Augustus tridui frumento in horreis viso, statuerit veneno mori, si è Provinciis interea classes non venissent. Consule *l. un. C. de Nili agger.* *l. 1. §. 2. C. de nav. non excus.* *l. un. C. ne quid on. publ. l. provideatur* 28. *C. Theod. de navic.* *l. 4. §. 8. & 9. C. eod.*

CAPUT XIV.

AD L. QUOD PUPILLUS ff. de cond. ind. & l. pupillus ff. de oblig.

SUMMARIUM.

- 1 Pupillaris ætas in tres distincta.
- 2 Pupillus pueritatis proximus naturaliter obligatur. & n. 4.
- 3 Etiam hoc quod aliquis actus nullum animi iudicium habere dicitur.
5. 6. Naturalis obligationis effectus.
- 7 Quæ effectus parit in personam pupilli.
- 8 Novatio facta à pupillo, quando valeat? & n. 9.
- 10 Obligatio naturalis pupilli in alterum persona omnes parit effectus.
- 11 Explicantur *l. pupillus* ff. de obl. & act. *l. quod pupillus* ff. de cond. indeb.
- 12 Novatio à pupillo facta valet in persona debitoris, & creditoris, sed in persona pupilli.
- 13 Quæ non habent effectum, nulla dantur in iure nostre.
- 14 Impedimentum extrinsecum solis effectum, non destruit substantiam.
- 15 Quando pupillus solvens repetere non possit.

Pupillus aut est infans, aut infantie proximus: in tres enim partes dividitur ætas in pupillaris. Infans est minor septem annis *l. si in anti C. de jur. delib. l. 1. §. sufficit.* ff. de admin. tut. Infantie proximus à proximo pubertate distinguitur non tam ætate, quàm ingenio, calliditate, malitiâ. Certissimo argumento esse potest, quod Veteres in his distinguendis numquam ætatis, semper in-

D d iij

tellectus, & malitiæ meminerant, & pupillos non infantes, alios habere intellectum dixerunt, alios non habere: item aut esse doli ac delicti capaces, aut non esse *l. pupillum 111. ff. de Reg. Jur. §. sed quod diximus Instit. tit. de inuol. stip. l. excipiuntur ff. ad S. C. Silan. l. 1. §. an in pupillum ff. depos.* Quoniam verò ingenii vis in aliis citius, in aliis serius perficitur: idcirco à Veteribus nulla certa ætas est definita. Quamobrem existimaverim verosimillimam esse sententiam eorum, qui putant id totum arbitrio Judicis committendum *l. 1. §. ult. ff. de jur. delib.*

Pupillus pubertati proximus cum intelligat id quod agit, sit doli capax, ex delicto obligetur, ut constat ex modò laudatis legibus, utique & ex conventionione sua poterit obligari sine tutoris auctoritate, non quidem civiliter *l. obligari 9. ff. de auctor. tut. princ. tit. Instit. eod. nisi quaterdus factas fuerit locupletior l. 1. in princ. l. 1. in princ. ff. de auctor. tut. l. 1. §. an in pupillum ff. depos. l. 3. §. pupillus. l. si pupilli 6. in princ. l. Nescimus 34. ff. de negot. gest. sed naturaliter. Naturalis enim obligatio æquitatis vinculo sustinetur *l. Stichum 95. §. naturalis ff. de solut. æquitas autem naturalis pacta servari suadet l. 1. ff. de pact. l. 1. ff. de const. pecun.* Hujusmodi pupillus, & intelligit, id quod agit, & id agit, ut obligetur: naturâ igitur æquum est eum obligari: nec Jus Civile tollit naturales obligationes *l. eas obligationes 8. in fin. ff. de cap. min. l. ubi pugnancia 183. §. 1. ff. de Reg. Jur. §. sed naturalia Instit. tit. de Jure Nat.**

Porro sunt quidam actus, qui non solum intellectum, sed stabilis, & constantis judicii maturitatem requirunt. Quoad hos actus etiam pupillus proximus pubertati nullum judicium habere dicitur, quia ejusmodi judicium non habet, cujusmodi requiritur in his actibus celebrandis: ut cum agitur de condendo testamentum *§. 1. Instit. tit. quib. non est permiff. fac. test. de judicando l. cum Prator §. non autem ff. de judic. de deferendo reos falsam monetam euentes l. 1. C. de fals. monet. de sustinenda persona procura-*

toris *§. iusta Instit. tit. quib. ex caus. man. non lic. l. si collectaneum 13. ff. de manum. vind.*

Caret igitur pupillus etiam pubertati proximus eo iudicio, quod desideratur ad celebrandos hos actus: non caret eâ intelligentia, quæ requiritur, ut intelligat id quod agit in contrahendo, vel in delinquendo, & quæ desideratur ut naturaliter obligetur. Itaque eum naturaliter obligari constat ex *l. hoc jure 19. §. si quis servo ff. de donat. l. ult. in princ. ff. de jurejur. l. cum illud 25. §. 1. ff. quan. dies leg. ced. l. si ejus pupilli 64. in princ. ff. ad S. C. Trebell. l. si pupillus 21. in princ. ff. ad L. Falcid. l. 1. in fin. ff. de novat. l. Stichum 95. §. aditio ff. de solut. l. si pupillus 127. ff. de V. O. junctâ *l. fidejussor. in princ. & in §. fidejussor ff. de fidejuss.**

Contrarium tamen diserte traditum est in *l. pupillus ff. de oblig. & action. in l. quod pupillus ff. de condit. indeb.* quæ toserunt ingenia omnium Interpretum. Ego verissimam esse puto interpretationem Donelli in *l. si pupillus 127. ff. de V. O.* quam confirmare conabor, eademque opera vim naturalis obligationis à pupillo contractæ luculentius, quàm hæcenus alii præstiterint, explicare.

Vis naturalis obligationis spectatur in effectis, quæ non repugnante, imo permitte, & approbante Jure Civili, ab ea promanant. Effectus naturalis obligationis sunt partim per accessionem, partim principales. Per accessionem, veluti quod ei 6 obligationi potest accedere fidejussor *l. stipulatus 6. in fin. l. fidejussor 16. §. fidejussor. ff. de fidejuss. §. 1. Instit. tit. de fidejuss.* quod potest accedere pignus *l. res hypotheca 5. ff. de pignor.* quod naturale debitum potest constitui *l. 1. §. debitum ff. de constit. pecun. quod hæc obligatio potest novari l. 1. in princ. ff. de novat. & quod novatio fit, etiam si civilis obligatio in naturalem obligationem transfundatur d. l. 1. §. 1.*

Effectus principales sunt ferè duo, compensatio, & retentio. Naturale debitum etiam cum civili potest compensari *l. etiam 6. ff. de compens.* Potest etiam retineri à na-

turali creditore, si ad eum pervenerit id, quod ipsi naturaliter debebatur. Itaque si ei solutum fuerit, ab eo repeti non potest, nec cogi ad restituendum *l. naturales. 10. ff. de oblig. & act. l. naturaliter 13. l. si pona 19. l. si non sortem §. libertus ff. de condict. indeb.* Item si creditor succedat debitori, retinere potest quod sibi naturaliter debebatur *l. Stichum §. aditio ff. de solut.* Transiit enim etiam obligatio naturalis in heredem, & ab hærede in fideicommissarium *l. quamvis 40. in princ. ff. ad S. C. Trebell.* & si debitor solverit hæredi creditoris, hæres hoc quoque tenetur restituere fideicommissario *l. si heredi 47. ff. eod.* Quod si Falcidia detrahenda sit, sicut hæres deducere potest id, quod sibi civiliter debebatur *l. in imponenda C. ad. Leg. Falc. l. qui fundum 87. §. si quis heredem ff. eod.* ita deducere potest, ac retinere id, quod naturaliter ei debebatur *d. l. Stichum §. aditio.*

Verumtamen non omnium obligationum naturalium eadem vis est. Quantum attinet ad pupilli obligationem, de ea ita habendum. Aut obligatio pupilli consideratur in persona ipsius pupilli, aut in persona aliorum. Quoad personam pupilli, non immerito nulla dicitur, quia contra pupillum nullam vim habet. Quid ita? quia contracta est sine tutoris auctoritate, sine qua pupillus conditionem suam deteriorem facere non potest, *princ. tit. Instit. de auctor. tutor.* hæc certissima Juris Civilis regula vim omnem naturalis obligationis enervat, cum ea exerceri debet contra ipsum pupillum. Itaque si pupillus solvat id, quod debet, sine tutoris auctoritate, repetere potest, *l. quod pupillus ff. de condict. indeb.* non quia id naturaliter non debeatur, sed quia persona pupilli, ejusque privilegium facit locum repetitioni *l. interdum ff. eod.* Quod si ea obligatio in alium transferatur, veluti in heredem ipsius pupilli, & hic solverit, repetere non poterit *l. si ejus pupilli. in princ. ff. ad S. C. Trebell.* Retentionem quoque, quam non parit hæc obligatio vivente pupillo, parit eo mortuo *l. Stichum §. aditio ff. de solution.* Ergo naturalis obligatio pupilli nullam vim habet

adversus pupillum, non quia ipsa sit hebes, & infirma per se & nulla; sed quia impetrabilis est persona pupilli, & auctoritate Juris Civilis defensa. Atque eadem ratione, nec compensatio admittetur in persona pupilli, nam & ipsa quedam species est retentionis, ipsa quoque pupillo noceret.

Idem ferè constitutum est in novatione. Docet nos Justinianus pupillum sine tutoris auctoritate stipulari posse, promittere autem non posse, *princ. tit. Instit. de auctor. tutor.* In novatione contrarium est constitutum. Fit novatio promittente pupillo: non fit novatio pupillo stipulante. Nihil enim nocet pupillo novatio cum promittit; quia ipse naturaliter solum obligatur; quæ obligatio pupillum non lædit, ut diximus. Habet suum effectum hæc obligatio naturalis, per eam enim sustinetur novatio *l. 1. in fin. ff. de novation.* Nocet etiam hæc obligatio: non tamen personæ pupilli, sed personæ creditoris, qui rem amittit: prior enim debitor liberatur, & pupillus, in quem transfunditur obligatio prioris debitoris, est omnino immunis §. *præterea Instit. tit. quib. mod. toll. oblig.* Idem dicendum si pupillus promittat, ut novet suam obligationem: ipse liberabitur à priori obligatione civili & efficaci, & tenebitur solum obligatione naturali, quæ quoad ejus personam erit inutilis, & nulla *l. 1. in fin. ff. de novat.* Utrouque igitur casu valet novatio promittente pupillo: primò quia novatio pupillo non nocet: secundò quia prodest. Meliorem autem conditionem suam facere potest pupillus sine tutoris auctoritate *princ. tit. Instit. de auctor. tutor.*

Contrà verò si pupillus stipuletur, non fiet novatio. Et hoc est quod traditur à Paulo in *l. novare 20. §. 1. ff. de novat.* *Pupillus sine tutoris auctoritate non potest novare; tutor potest, si hoc pupillo expediat.* Novat enim qui stipulatur. Is potest novare, cui rectè solvitur *l. cui rectè ff. de novat.* Pupillo non rectè solvitur, & idèd novare non potest *l. pupillo 15. ff. de solution.* Nocet enim novatio pupillo, quia liberat debitorem ab obligatione, & obligationem à se alienat,

quam alienare non potest *d. l. pupillo*, etiam si ei soluta sit pecunia debita §. *nunc admonendi Instit. tit. quib. alien. lic. vel non*. Quamvis enim loco debitoris liberati alium debitorem accipiat, qui fortasse potest esse magis idoneus, ac propterea possit expedire pupillo novatio *d. l. pupillo*: tamen quatenus liberat priorem debitorem, novatio ei nocet, & ideo est irrita. Est enim hoc damnum certum, utilitas autem incerta, quam expendere pupilli non est. Itaque quod sibi à Titio debetur, non potest pupillus à Cajo stipulari novationis causa, ut Titium dimittat. Sed nec delegare potest debitorem suum creditori *d. l. pupillo*. Quia delegando eum dimittit, & alienat obligationem. Alium tamen, qui debitor non est, & pro pupillo promitteret animo donandi, potest delegare, quia hæc delegatio non posset nocere pupillo, nec quicquam alienaret.

Ex his constat, naturalem obligationem pupilli in ejus persona consideratam nullam vim habere. Quod si consideretur in persona aliorum, tunc omnes vires suas exerit, neque enim ipsam infringit personæ conditio. Ideo parit omnes effectus per accessionem, qui ad aliorum personam referri solent. Si pupillus promittat novationis causa, contingit novatio, ut diximus, & prior debitor liberatur *l. 1. in fin. ff. de novat. §. præterea Instit. tit. quib. mod. toll. oblig.* Si pro pupillo quis fidejussit, tenetur fidejussor *l. si pupillus 127. ff. de fidejuss.* Quod de fidejussore traditum est, obtinere in pignore, siquidem non ipse pupillus, sed alius ejus nomine rem suam pignori dederit, ambigendum non est *l. res hypotheca §. ff. de pignor. l. etsi is 9. C. de præd. minor.* Item quod de novatione diximus, idem de obligatione constituitur pecuniæ dicendum est, si quis constituat, se soluturum quod à pupillo debetur *l. 1. §. debitum ff. de constit. pecun.* Effectus quoque principales habet in persona aliorum, siquidem ad eos transita sit obligatio pupilli, ut paulo ante diximus: neque enim tunc quicquam ei obstat, quominus omnem vim suam exerat naturalis obligatio. Semotà enim pupilli personā nihil

est ei impedimento, quominus se explicet; & vires omnes effundat.

His probè constitutis, quæ verissima sunt, mirari non debemus, si Veteres considerantes hanc obligationem quoad personam pupilli, statuerunt eam nullam esse, pupillum nec naturā debere, nec Naturali Jure obligatum esse, *l. pupillus ff. de oblig. & action. l. quod pupillus ff. de condict. indeb.* Quid enim debet pupillus, aut quorsum est obligatus, si adversus illum nullam vim habet obligatio? Obligationum substantia in eo consistit, ut nos obstringat ad dandum, vel faciendum *l. obligationum substantia ff. de oblig. & action.* Majori necessitate nos obstringit obligatio civilis, minori naturalis. Utraque tamen vineulum est *l. Sticoum 95. §. aditio ff. de solution. princ. tit. Instit. de obligat.* Atqui in persona pupilli nullum est ejusmodi vineulum, quod habeat ullam vim ejus adstringendi, aut habeat ullum effectum: vim enim omnem retundit Jus Civile, & omnem effectum tollit.

Hinc rectè Justinianus noster in §. *præterea Instit. tit. quib. mod. toll. oblig.* Si id quod tu Titio debes, à pupillo stipulatum fuerit sine tutoris auctoritate, res amittitur, nam & prior debitor liberatur, & posterior obligatio nulla est. Videtur hoc planè absurdum. Si posterior obligatio nulla est, non potest liberari prior debitor: non potest enim tolli prior obligatio nisi nova nascatur *d. §. præterea, & l. 1. in princ. ff. de novation.* Nec potest dici nulla obligatio, per quam sit novatio, per quam contingit liberatio debitoris, præsertim quia non alia de causa fuit instituta: habet igitur effectum, quem voluerunt contrahentes, qui novandi animo contraxerunt. Videtur igitur pugnantia loqui Imperator noster. Estne hoc ita? minime verò. Eadem ratione qua J. C. in *l. pupillus ff. de oblig. & action. & in l. quod pupillus ff. de condict. ind.* dixerunt pupillum nec natura debere, nec naturaliter obligari, dixit & Imperator pupilli nullam esse obligationem. Nimirum quando consideravit personam creditoris, qui rem amittit, personam debitoris, qui liberatur, agnovit vim

vim naturalis obligationis: sed quando consideravit personam pupilli, dixit nullam esse obligationem, cum enim ea vim suam exercere non possit adversus pupillum, creditor rem amittit, à pupillo nihil sperare potest.

Neque novum est, obligationem nullam dici, considerato impedimento, quod ipsi resistit, licet per se ipsa subsistat, & naturam suam sit efficax. Obligatio merè civilis dicitur
13 efficax in §. *præterea Instit. tit. de exception.* eadem dicitur nulla in *l. si dari 25. ff. de V. O.* Nimirum Imperator in *d. §. præterea* consideravit actionem, quam parit hæc obligatio. Pomponius contra in *l. si dari* consideravit exceptionem, qua eliditur, & infringitur actio. Obligatio in diem statim nascitur, & in diem differtur solutio *l. centesimis 46. ff. de V. O. §. omnis Instit. eod. l. cedere diem ff. de V. S.* dicitur tamen nasci ex die *l. obligationum ferè §. 1. ff. de oblig. & act.* & non dicitur deberi statim, sed post diem, & futura dicitur obligatio *l. cum qui Calendis §. 1. l. si stipulatus 76. §. 2. ff. de V. O. l. 1. §. 1. l. si in annos ff. de cond. & demonstr.* Quid ita? quia licet statim debeatur, statim nata sit obligatio, tamen impeditur effectus exactionis *l. nihil peti ff. de Reg. Jur. l. centesimis ff. de V. O.* Est & cognatio servilis, quæ in nuptiis consideratur §. *illud certum, Instit. tit. de nupt. princ. tit. Instit. de servil. cognat.* quia tamen nullus est ejus effectus in servitute, idè nulla cognatio in servis esse dicitur *l. 1. §. 2. ff. unde cogn. l. ult. §. non parimus ff. de gradib. & affin.*

Illud tamen doctis quibusdam Viris absurdum videtur, quod obligatio naturalis consistat in persona pupilli, eaque sit sine effectu, cum posita causa effectus necessariò consequatur, eoque deficiente ipsa quoque causa deficiat.

Sed nullius momenti est hujusmodi argumentum: hæc enim vera sunt solummodo, cum effectus deficit propter impedimentum, ac vitium intrinsecum cause: videlicet cum causa ipsa per se non est idonea ad producendum effectum. Cæterum cum causa non

producit effectum propter impedimentum extrinsecus obveniens, potest esse causa sine effectu. Homo dormiens, homo delirus,¹⁴ aut furiosus, non èd minus est animal rationale, quod in eo ratio sit sine effectu, Gladius non èd minus est acutus, & per se aptus ad feriendum, quod vagina sit inclusus. Remove vaginam, & experire. Si novacula impingas adamanti, non cædet; hoc fit adamantis duritie, non novaculae hebetudine. Remove personam pupilli, quæ retundit aciem naturalis obligationis, & non erit sine effectu. Persona pupilli refringit vires obligationis *l. interdum ff. de condit. indeb.* non imbecillitas obligationis. Itaque vires suas exerit contra alios, non contra pupillum. Pupilli non possunt de rebus suis disponere, neque eas alienando *l. pupillus 11. ff. de acquir. ver. dom. l. obligari. 9. §. pupillus ff. de auctor. tutor.* neque de illis testando §. *præterea Instit. tit. quib. non est perm. fac. testam.* Num ideo dñi non sunt? salum §. *nunc admonendi Instit. tit. quib. alien. lic.* Libertas est facultas faciendi quod libet §. & *libertas Instit. tit. de jure person. l. 4. ff. de statu homin.* Capti à latronibus non possunt facere quod libet, & tamen liberi sunt *l. hostes ff. de capt. & postlim.* Nimirum non deest facultas naturalis, sed vi externà impeditur. Obligationum præcipuus effectus est, ut pariant actionem *l. licet §. ea obligatio ff. de procur. l. actionum ff. de oblig. & action.* qua debitor adstringatur, & cogatur ad dandum *l. obligationum substantia ff. de oblig. & action.* Stipulatio in diem statim parit obligationem. *l. cedere diem ff. de V. S. l. centesimis ff. de V. O. §. omnis Instit. eod. & tamen ante diem nihil peti, nihil exigi potest l. nihil peti 186. ff. de Reg. Jur. l. certi. 9. ff. de reb. credit.* Non deficit obligatio, sed adjectio diei impedit, ac differt ejus effectum *d. §. omnis Instit. tit. de V. O.* Obligatio, cui obstat exceptio aliqua perpetua, est vera obligatio, & producit actionem, sed tamen neque ex ea obligatione promanat effectus, qui ex aliis obligationibus solet provenire obstante exceptione §. 1. *Instit. tit. de excepte.*

Illud quoque falsum est, esse sine effectu naturalem obligationem pupilli, cum vires suas exerceat tum in accessionibus, tum adversus eos, in quos translata fuit obligatio, ut paulo ante demonstravimus. Imò & adversus ipsum pupillum, quoties non repugnat regula illa, quâ statuitur pupillum sine tutoris auctoritate conditionem suam non posse facere detentorem. Itaque si pupillus cum auctoritate tutoris promittat id, quod naturaliter debebat, obligabitur, neque enim hæc promissio erit donatio, sed debiti solutio *l. hoc jure §. si quis servo ff. de donat.* Unde intelligimus, quod etsi tutore auctore solverit, quod naturaliter debebat, non poterit repetere, cum sit debiti solutio *d. l. hoc jure.* Itemque si pubes factus solverit, non repetet, agnovit enim naturalem obligationem, postquam persona ejus amplius non facit locum repetitioni, argum. text. in *l. item si §. penult. & ult. ff. ad S. C. Maced. l. 2. C. cod. l. 2. C. de fideicom.*

16 Et de hoc pupillo arbitro intelligenda Jurisconsultorum responsa in *l. si ejus pupilli 64. in princ. ff. ad S. C. Trebell.* ubi agitur de pupillo pubere facto, cum testamentum condiderit: add. *§. præterea Instit. tit. quib. non est permiff. fac. test.* De eodem agi puto in *l. si pupillus 21. in princ. ff. ad Leg. Falcid.* cum ibi legati repudiati mentio fiat, ac proinde vel supponatur pupillus pubes factus, vel adhibita tutoris auctoritas.

CAPUT XV.

AD §. PRÆTEREA INSTIT.
tit. quib. mod. toll. oblig.

SUMMARIUM.

- 1 Expromissor unde dictus, & quis sit?
- 2 Quando quis expromittere dicatur.
- 3 Expromittente pupillo sit novatio.
- 4 § Nec restituitur actio adversus veterem debitorem.
- 6 Expromittente muliere actio restituitur: & quare? n. 14. & 15.

- 7 Actio omnino restituitur, quando quis facti ignorantia decipitur.
- 8 9 Expromittente minere actio restituitur: & quare? n. 22.
- 10 Quando actio restituitur plura exempla proponuntur a quoque ad n. 24.
- 14 Beneficia sine cuiusquam injuria sunt concedenda.
- 15 Hereditas aen adita non transmittitur. Fallit in casu S. C. Silaniani.
- 16 Muliere impubere expromittente actio non restituitur.
- 17 Restitutio in integrum ita conceditur, ut quam minimam fieri possit alter ledatur.
- 19 In contrariis mea excusat ignorantia facti.
- 20 In contraria pupilli locum non habet regula correlative.
- 23 Datur restitutio etiam adversus naturalem obligationem.
- 24 Contrarium probatur.
- 25 Alienum factum nobis nocere non debet.
- 26 Cessat beneficium divisenis, si alter fideiussor solvendo non sit.

NOVARE, & novationem dixerunt Veteres Jurisconsulti: novatorem non dixerunt, quamvis hoc nomen Latinum sit, & maxime accommodatum ad explicandum eum, qui novat obligationem. Hic enim aliam ex alia obligationem facit, *l. 4. §. ait Prætor ff. de re judic.* Ac propterea novatoris nomen ei maxime convenit. Ovid, in Metamorphos.

— *Rerumque novatrix
Ex aliis alias reddit natura figurat.*

Nostri tamen Jurisconsulti magis placuit nomen expromissoris, quam novatoris, fortasse quia hoc multò latius patet, quam illud. Hoc nomen explicabimus paulò accuratius, quam à Nostri factum sit, cum peritque vim ejus nominis non sint assecuti.

Expromissor dicitur is, qui pro alio promittit ea conditione, ut ab eo mox liberaretur, in *l. & eleganter §. servus ff. de dol. mal.* Et rectè quidem meo judicio. Apud Historiæ Augustæ Scriptores, ex Consulibus dicitur, qui Consul fuit: ex Ducibus, qui fuit dux: ex Tribunis, qui fuit Tribunus: ex Præfetto Urbis, qui fuit Præfectus Urbis. Apud veterem Juvenalis Interpretem ex-

gladiatore dicitur, qui gladiator fuit. Ab Arnobio castrati dicuntur *ex maribus*: quasi mates fuerint, jam non sint. Hujusmodi autem nomina passim occurrunt in Codice Theodosiano: & in Cod. Justiniano invenimus *ex Quastore*, *ex Consule*, *ex Prasfello* Pretorio §. 1. *de nov. Cod. fac. & §. ad istum. de Justin. Cod. confir.* Quemadmodum autem Veteres ex duobus verbis *pro Consule*, & *pro Praetore*, & similibus, unam vocem composuerunt, dixeruntque *Proconsulem*, & *Propraetorem*: sic illi ex duabus vocibus unam fecerunt, ac dixerunt *Exconsulem*, *Exquastorem*, *Exeubicularium*, *Ilidor. lib. 9. Erym. cap. 3. Justin. in prefat. Cod. l. maximum 12. C. de exens. mun. lib. 10.* Sic *ex promissore* factum est *expromissor*: isque ille est qui promissit, & fuit obligatus *d. l. & eleganter §. servus ff. de dol. mal.* Quoniam verò aliquando *expromittere*, significat idem, ac *promittere*, ut in *l. si noxali §. 1. ff. de pecul. l. cum dotis §. 5. ff. de jure dot.* vel potius quia, qui novat alicujus obligationem, succedit in locum ejus, idcirco *expromissor* dici coepit, etiam is, qui novat, aut suam, aut alienam obligationem, & *expromitti* dicitur, quoties promittitur id, quod antea debebatur, quare hoc verbum ad novationem pertinet *l. ult. ff. de S. C. Macedon.*

Itaque si quis, cum antea civiliter non teneretur, idem postea creditori suo promittat per stipulationem, *expromittere* dicitur *l. ult. ff. de S. C. Macedon. l. hoc jure 15. §. si quis servo ff. de donat.* Item si mutetur persona creditoris, & qui Titio debebat, Cajo promittat à creditore suo delegatus, dicitur *expromittere l. debitor 36. ff. de jur. dot. l. si mandatu 45. §. sed si mandavero ff. mandat. l. mortis 31. §. si jufferis ff. de mors. caus. donat.* Denique, & mutata personâ debitoris *expromissor* is dicitur, qui promittit id, quod ab alio debetur, ejusque in se transfert obligationem *l. si noxali §. 1. ff. de pecul. l. quod servus 56. ff. cod. l. 4. §. ait Praetor ff. de re judic. l. quod si non solvere 10. ff. de pignor. action. l. si quis 4. ff. de cond. caus. dat. l. quamvis 8. §. si convenerit ff. ad S. C. Vellejan. l. & eleganter §. servus ff. de dol.*

mal. l. qui libertinus 37. §. ult. ff. de operis libert. *Expromittere* autem dicuntur etiam servus, & mulier, licet *expromittendo* non obligentur *l. si noxali §. 1. l. quod servus 56. ff. de pecul. l. quamvis §. si convenerit ff. ad S. C. Vellejan.*

Ad rem nostram veniamus. Si pro aliquo debitore pupillus *expromittat* sine tutoris auctoritate, liberat eum debitorem §. *præterea Inst. tit. quib. mod. toll. oblig.* Licet enim pupillus sine tutoris auctoritate non obligetur civiliter; obligatur tamen naturaliter *l. si pupillus 21. in princ. ff. ad Leg. Falcid. l. si ejus 64. in princ. ff. ad S. C. Trebelliani. l. cum illud 25. ff. quando dies leg. ced. l. Stichum 95. §. additio ff. de solut. l. ult. in princ. vers. nam si ff. de jurejur. l. si pupillus 127. ff. de verb. obligat. l. hoc jure 19. §. servus ff. de donat.* Naturalis autem obligatio sufficit, ut novetur præcedens obligatio *l. 1. §. 1. de novat.* Dubitari tamen potest, an creditori ex æquitate restituenda sit actio adversus veterem debitorem à pupillo *expromittente* liberatum. Etenim si ei non restituitur actio, nihil amplius consequi poterit, non à veteri debitore, quia liberatus est: non à pupillo quia civiliter non est obligatus. Queritur autem an in hac causa restituenda sit actio amissa, quia plerisque in causis ea restituitur, ut infra demonstrabimus: & actio quæ restituitur, vocatur *actio restitutoria l. quamvis 8. §. Marcellus & §. si mulieri & §. plane l. aliquando §. ult. ff. ad S. C. Vellejan. l. 8. C. cod. l. 3. §. 1. ff. de eo per quem fact. erit.* Hæc eadem vocatur *actio rescissoria* in *l. si paternam 8. & in l. si mulier 16. C. ad S. C. Vellejan.* quia rescisâ intercessione, ac novatione restituitur actio adversus veterem debitorem *l. ult. in fin. ff. ad S. C. Vellejan.* quemadmodum rescissoria vocatur actio illa, qua rescisâ usucapione, vel aliâ liberatione, res nostras recuperamus *l. ab hostibus 18. C. de possim. reverb. l. necnon §. pen. & ult. ff. ex quib. caus. major. §. rursus ex diverso. Instit. tit. de action.*

Hac autem de re gratias habere oportet Imperatori nostro Justiniano, qui in *d. §.* nos docuit actionem non esse restituendam.

Ait enim in d. §. *præterea*: Interdum licet posterior stipulatio inutilis sit, tamen prima novationi jure tollitur: veluti si id, quod tu Titio debes, à pupillo sine tutoris auctoritate stipulatum fuerit: quo casu res amittitur, nam & prior debitor liberatur, & posterior obligatio nulla est. Res amittitur expromittente pupillo: non amitteretur autem, si creditor posset actionem recuperare: ei enim integra causa pristina restitueretur l. si mulier contra 14. & l. quidam 29. ff. ad S. C. Vellejan. & posset convenire debitorem suum, perinde ac si novatio facta non fuisset l. si paternum 8. C. cod. Is cui à Prætoribus succurritur, rem non amittit, sed amissus esset, nisi succurreretur l. in omnibus prætoriis 5. ff. de prat. stipulat. & amitti, aut perire res dicitur, quando omnino redditur inutilis obligatio, & actio, vel ipso jure, vel ope exceptionis l. si debitor 91. ff. de solut. quando autem quis habiturus est actionem, aut exceptionem, res servari dicitur, non amitti l. 2. §. si Titius ff. de hered. vel action. vend. l. & hæc distictio §. cum fundum ff. locat. l. cum vir. 10. ff. de except. dol. mal. nam qui actionem habet ad rem recuperandam, rem ipsam habere videtur l. id apud 143. ff. de Verb. Sign. l. qui 15. ff. de Reg. Jur.

Nec obstat text. in l. Divus in princ. ff. de rest. in iur. ubi rem amissus dicitur ille, qui in integrum restituendus est. Nam ibi res significat litem, quemadmodum & in l. sine Judice §. Marcellus ff. rem rat. hab. Nec quicquam impedit, quominus litem amissus dicatur, qui petere potest restitutionem in integrum.

Sit igitur hoc constitutum, expromittente pupillo sine tutoris auctoritate non solum liberari directè actione debitorem, sed etiam rem amitti, nec esse restituendam actionem creditori. Multis tamen & legibus, & argumentis contrarium probari posset, de quibus est à nobis accurate differendum.

Primum satis constat, quod expromittente muliere restituitur actio adversus veterem debitorem, quia mulier Vellejano Senatufconsulto adjuvatur l. si mulier 16. C. ad S. C. Vellejan. l. 1. §. ult. l. quavis §. quoties. cum

mult. seqq. l. aliquando §. ult. l. si mulier 14. l. si pro uno 20. l. debitor 24. §. 2. & 3. l. 6. quidam 29. ff. ad S. C. Vell. Imò si ille, pro quo mulier se obligavit, non sit obligatus, quia mulier ipsa loco ejus contraxerit: nihilominus adversus eum datur actio, tamquam si ipse contraxisset l. quavis 8. §. si cum essem ff. cod. Ergo actio restitui d. bet etiam expromittente pupillo.

In d. multo magis restitui debet, cum pupillus expromittit, quàm cum expromittit mulier. Etenim quando quis deceptus est ignoracione facti, & actionem amittit, redditur ei actio amissa: non redditur autem, quando sciens id fecit, quo actionem amitteret l. heredem 17. ff. de his qua ut indign. Qui autem accipit mulierem expromissorem, non potest facti ignoracionem prætere l. quamquam 7. ff. ad S. C. Vellejan. At qui accipit pupillum, potest ignoracione facti decipi propter incertum ætati, ut constat ex toto tit. C. si minor se major. dixer. Et ad rem nostram pertinet l. si Titius & Seja 48. ff. de fidejuss. ubi si quis fidejussit simul cum muliere, non habet beneficium divisionis, quia scire potuit, aut ignorare non debuit, mulierem frustra intercedere. Contrà verò si quis fidejussit simul cum minore, habet beneficium divisionis, propter incertum ætatis. Igitur cum excusetur ille, qui erravit in ætate minoris, aut pupilli: non autem excusetur, qui erravit in sexu mulieris: æquius est, ut restituitur actio ei, qui accipit pupillum expromissorem, quam ei, qui accipit mulierem d. l. heredem. & confirmatur exemplo filii-familias. Si quis mutuum pecuniam crediderit ei, quem patremfam. putabat non vanà simplicitate deceptus, pecuniam non amittit, & cessat Senatufcons. Macedonianum, l. 3. in princ. ff. ad S. C. Maced. At verò adversus mulierem hanc facti ignoracionem prætere non possumus l. quamquam 7. ff. ad S. C. Vellejan. In pupillo autem eadem videtur esse ratio, ac in filiofamilias.

Secundò, pupilli, & minores semper in jure nostro comparantur: sed expromittente minore restituitur actio adversus veterem debitorem l. un. §. 1. C. de repuat. qua sunt 8:

in jud. restit. in int. l. ult. ff. de minor. l. alterius ff. de tuel. & pater. astrab. Ergò & expromittente pupillo.

Tertio, consumatur ex *l. si Titius, & Seja 48. in fin. ff. de fidejuss.* ubi si quis minorem dolo adduxerit ad expromittendum, frustra desiderat, ut sibi actio restituatur adversus veterem debitorem à minore liberatum. Ergò à contrario, si creditor minorem non circumvenit, rectè peter actionem sibi restitui: est autem hoc argumentum fortissimum *l. 1. in princ. ff. de off. ejus cui mand. est jurisd.* Idem autem quod de minore dicitur, de pupillo dicendum videtur.

Quarto, consideranda est *l. ex hoc 3. §. 10 planè ff. de eo per quem fact. erit.* Quidam prohibuit, ne in judicio sisteret reus, interim reus elapso tempore liberatus est actione illà, quà conveniri poterat. Tenetur is, qui venit, ne in judicio sisteret reus: verumtamen si hic solvendo non sit, æquum est restitui actionem adversus veterem debitorem liberatum. Ergò multò magis restituenda est, quando debitor liberatur à pupillo, qui nec tenetur, nec potest conveniri. Ille potest sperare cum ad pinguiores fortunam perventurum: potest, si non totam summam, saltem aliquam partem ab eo exprimere, atque emungere. Huic nulla spes est reliqua, cum pupillus conveniri non possit. *Quedam nomina bona, lentus, ac sapiens creditor fecit, qui sustinuit, ac mora fovit:* ut ait Senec. *de benefic. lib. 7. cap. 19.* At hic bonum nomen facere non potest, cum pupillus non sit obligatus.

Quinto, si servus noxæ deditur ei, cui damnum dedit, cum à domino absente non defendatur, & reversus dominus petat, ut sibi servus restituatur; restituitur etiam actio creditori adversus ipsum dominum *l. 1. in fin. ff. si ex noxal. caus. agat.* Ergò creditor non debet privari emolumento, & eo, quod sibi debebatur; & si privetur, ei actio pristina restituenda est.

Sextò, si duo pro eodem fidejusserint, alter purè, alter sub conditione: & qui purè acceptus est pro virili condemnationis fuerit; restituenda est adversus eum actio, si alter

non sit solvendo eo tempore, quo conditio existit. *l. si plures 17. ff. de fidejussor.* Igitur restituitur actio creditori adversus veterem debitorem, quoties ille liberatus est factò ejus, qui solvendo non est. Ergò multò magis restituenda est, si liberatus sit factò ejus, qui se non potest obligare.

Denique, si minor acceperit expromissorem inopem, restituitur ei actio adversus veterem debitorem *l. patri §. ex hoc ff. de minor. 13.* Ergò multò magis restituenda est, quando expromissor est pupillus, qui non obligatur.

Ne quem turbent hæc argumenta, singula refutabimus. Ad primum respondeo, non eandem esse causam mulieris, & pupilli. Mulier naturà suà se potest obligare, & ex omnibus aliis causis obligatur, quia & habet animi judicium, & rerum suarum administrationem. Verum Senatusconsultum Vellejanum, ut auxiliaretur infirmitati, atque imbecillitati mulierum, novum hoc ipsis beneficium indulsit, quo factum est, ut fecminæ ex sua intercessione non teneantur. Æquum autem Prætori visum fuit succurrere etiam creditori, qui factò mulieris actionem amisit, eam ipsi restituendo *l. 1. in fin. ff. 14 ad S. C. Vell.* Et meritò: beneficia enim sine cujusquam injuria, damnove sunt concedenda *l. nec avus C. de emancip. l. 2. §. merito ff. ne quid in l. c. publici. l. impuberi ff. de administr. tut. l. sciendum ff. ex quibus caus. major. l. quoties 2. & l. rescripta 7. C. de precib. Imperat. off. r. l. 2. §. si quis à Principe ff. ne quid in loc. pub. l. si quis sepulcrum. in princ. ff. de religio. & sumpt. fun.* Et ne pupillis quidem nova beneficia cum alterius injuria sunt impertienda *l. sed cum ab hærede ff. ad S. C. Trebelian.* Quod mulieres non teneantur intercessione, id obtinuerunt, non quia non sint idoneæ ad contrahendam obligationem, sed beneficii Senatusconsulti: sic appellatur in *l. debitor §. si Senatusconsulti ff. ad S. C. Vell. an. in l. quamvis 9. in l. si adversarius 10. in l. si dotare 12. C. eod. seu ejusdem Senatusconsulti auxilio: ut vocatur in *l. si mulier 26. ff. ad S. C. Vell. in l. Senatusconsultum, in l. si sine, in l. si mater, in**

l. si sciens, in l. si uxor C. cod. Igitur, quantum fieri poterat, hoc beneficium, & auxilium sine injuria creditoris concedendum fuit, Cessat in pupillis hæc regula. Illi enim nullo beneficio, nullo auxilio indigent, ut expromittendo non obligentur, quia nulla ex causa obligantur sine tutoris auctoritate *l. obligari ff. de oblig. & action. princ. tit. Inst. de auct. tut.* Non obligantur autem, quia non sunt idonei ad contrahendam obligationem, cum nec habeant animi iudicium *l. pupillus 189. ff. de Reg. Jur. §. præterea Inst. tit. quib. non est permiff. fac. test.* nec ipsis concessa sit rerum suarum administratio *§. 2. Inst. tit. quib. alien. lic. & tutores domini loco habeantur in rebus pupilli l. qui fundum 7. §. si tutor ff. pro empt. l. interdum § 6. §. qui intelam 4. ff. de furt.*

Exemplis rem explicio. Non transmittitur ad successores hæreditas, nisi adita sit *l. un. §. in novissimo C. de caduc. tollend.* Vetuit Senatusconsultum Silanianum adire hæreditatem ejus, qui occisus est, antequam questio de familia habeatur, sed tamen hoc sine injuria hæredis statuendum fuit: itaque si interea moriatur hæres, transmittit actiones utiles ad suos successores: sed ita tamen, si hoc solo impedimento terreatur, ne adeat: si alia de causa non adierit, aut aliud impedimentum obtulerit, non prodest Senatusconsultum *l. 3. §. non tantum, cum seq. & §. ult. ff. ad S. C. Silanian.* Hinc intelligimus, non solum, cur expromittente pupillo non sit actio restituenda: sed etiam, quod si femina impubes expromiserit sine tutoris auctoritate, actio restituenda non erit. Neque enim creditori proderit sexus expromittentis, cum obstat aliud impedimentum ætatis *d. l. 3. §. ult. ff. ad S. C. Silanian.*

Aliud exemplum sit in minoribus. Minores si curatorem non habeant, aut si habeant, cum ejus consensu rectè contrahunt. Prætor tamen, si suâ facilitate læsi, captive fuerint, concedit ipsis restitutionem in integrum, & quidem eadem de causa, quâ Senatusconsultum feminis succurrit *l. 1. ff. de minor. l. §. in fin. C. de in integr. restit. l. ait Prætor §. non solum ff. de minor.* Ita tamen eam

concedit, ut quàm minimum lædatur, qui cum minore contraxit, & idèd omnia redigit ad pristinum statum *l. quod si minor §. restitutio ff. de minor. l. 1. §. plane ff. de collat. l. 1. & 2. C. si advers. transact. & expromittente minore restituit actionem adversus veterem debitorem l. un. §. 1. C. de repus. l. ult. ff. de minor. l. alterius ff. de tutel. & rationibus distrahendis.* Est enim hoc auxilium extraordinarium *l. in causæ 16. ff. de minor. & beneficium l. Prætor ff. cod. l. un. C. si advers. rem judic. l. ult. C. si minor se major. dixer. l. 1. C. de flosf. minor. & idèd sine cujusquam injuria concedendum est, ut diximus: idemque servandum in muliere.*

Præterea additur his alia ratio. Senatusconsultum Vellejanum factum est, ut subveniretur mulieribus deceptis, & prospicere-ntur ne in posterum deciperentur *l. 2. §. verba & §. seq. ff. ad S. C. Vellejan. l. si sine §. C. cod.* At verò cum mulier expromittit, magis decipitur à debitore, qui eam adducit ad expromittendum, quam à creditore, qui eam accipit expromissorem: atque idèd veniam non meretur debitor, nec ei prodesse debet Senatusconsultum, cum fecerit id, quod ne fieret, cavet Senatusconsultum. Et hoc est, quod traditur in *l. 1. in fin. ff. ad S. C. Vellejan.* Etenim si nec ipsa mulier ullum commodum sentit ex Senatusconsul. cum decipiendi animo intercedit *l. 2. §. sed ita. l. si decipiendi. in princ. ff. ad S. C. Vellejan. l. si sine C. cod.* quanto minùs debet sentire commodum ex intercessione, qui mulierem ipsam decepit, quod fieri vetat Senatusconsultum. Quod autem debitor ipse mulierem deceperit, idèd præsumitur, quia ad ipsum pervenit emolumentum, cum liberetur ab obligatione. Notus est ille communis Oratorum locus, cum præsumi deliquisse, qui ex delicto commodum sentit. Notum & illud Castianum, cui homo fuisset. Non ita se res habet in pupillis. Etenim pupilli contrahere prohibentur, non ad evitandas fraudes contrahentium, sed quia non sunt idonei ad contrahendam obligationem, seque nulla ex causa possunt obligare sine tutoris auctoritate, etiam si damnum ex contractu non patiantur.

Ad ea autem, quæ adijungebantur confirmandi argumenti causâ respondetur, quod veniam meretur, nec puiſi debet ignorantia facti *l. genero 8. ff. de his qui nor. inf. l. ult. ff. de decret. ab ord. fac. & idem in d. l. heredem 17. ff. de his quæ ut indign. 19 actio restituiur. At in casu nostro, in quo agimus de contractu, non faciliè excusatur ignorantia, quia nemo ignarus esse debet conditionis ejus, cum quo contrahit *l. qui cum alio 19. ff. de Reg. Jur. Et qui cum pupillo contrahit sibi imputare debet, nec excusatur, aded ut ipse obligetur, licet pupillus vicissim non obligetur princ. rit. Instit. de auct. rit. l. si id quod 7. §. 1. ff. de resc. vend. l. Julianus 13. §. si quis à pupillo 19. ff. de action. empt. Nec observatur illa regula pervulgata: quod in uno ex correlativis obtinet, id etiam in altero obtinere debere *l. ult. ff. de acceptil. l. cum emptor. §. in princ. ff. de rescind. vendit.***

Ad text. in *l. si Titius, & Seja ff. de fidejuss.* dico, multa ibi concurrere, quo fidejussor excusetur, qui simul cum minore fidejussit. Primum ibi fidejussor non contrahit cum minore, itaque non debet ei imputari, si non exploravit ejus conditionem, & ætatem. Præterea non solum excusatur propter incertum ætatis, sed etiam propter incertum restitutionis; ibi: *propter incertum ætatis, & restitutionis.* Item ibi agitur de minore, non de pupillo. Facilius cognoscitur pupillus, quam minor: pupillus enim tutorem habere debet §. impuberes Instit. rit. de Attil. tutor. minor autem potest non habere curatorem, cum invitis curator non detur. §. item inviti Instit. rit. de curator. l. si impuberi 13. §. ult. ff. de tut. & curat. l. minus 43. §. is qui 3. ff. de procurat. l. matris 6. C. qui per. rit. l. 3. in fin. C. de in integr. restitut. Potest minor se majorem fingere, & adversarium decipere *l. 1. & seqq. C. si min. se major. dixer.* pupillus non potest se majorem fingere: nemo enim tam bardus est, qui non dignoscat impuberem à majori viginti quinque annis. Quod si pupillus dicat se excessisse papillarem ætatem, id ei nihil profuturum est, quia qui cum eo

contrahit, exigere debet curatoris auctoritatem, sine qua non obligaretur, si minor esset *l. 3. in princ. C. de in integr. rest.* Itaque qui cum pupillo contrahit, sine magna sua culpa & incogitantia decipi non potest. Denique animadvertendum est, quod in *d. l. si Titius, & Seja ff. de fidejuss.* agitur de minore, qui curatorem non habebat, ac propterea excusatur fidejussor, si eum majorem esse existimavit, quia minores solent habere curatorem *l. 3. ff. de minor.* Quod ibi agatur de minore curatorem non habente, probatur hoc modo. Ibi minor petit, & impetravit restitutionem in integrum, quæ utique datur curatorem non habenti *l. 3. in fin. C. de in integr. restitut.* Quod si dicamus eum habuisse curatorem; aut fidejussit sine ejus auctoritate, aut adhibita ejus auctoritate. Si fidejussit cum ejus auctoritate, non poterit esse incerta ejus ætas, ut ibi supponitur: nam qui in contractu videt adhiberi curatoris auctoritatem, hoc ipso debet intelligere eum esse minorem. Si fidejussit sine curatoris auctoritate, non datur ei in integrum restitutio, sicut non datur pupillo sine tutoris auctoritate contrahenti *l. in causa 16. in princ. ff. de minor.* quia contractus ipso Jure non valet *l. 3. C. de in integr. restit.* & quando contractus non valet, restitutio non datur, quia ipso Jure munitus est *d. l. in causa. 16. §. & generaliter ff. de minor. l. in dubium C. de tutor. vel cur. qui satis non ded. l. si tutor 4. C. in quib. caus. in integr. restit. necess. non est.* Ibi autem supponitur impetrata restitutio: ergo falsum est fidejussisse sine curatore. Superest igitur, ut non habuerit curatorem.

Ad text. in *l. 3. in princ. ff. ad S. C. Macedon.* respondetur, quod cum exceptio Senatusconsulti Macedoniani deitur in odium creditoris *l. qui exceptionem 40. ff. de condit. indeb.* non debet exceptio nocere ei, qui iusta facti ignorantia est deceptus *l. genero 8. ff. de his qui nor. infam. l. ult. ff. de decret. ab ord. faciend.* Iusta autem est ignorantia facti ejus, qui existimat paternam, illum, qui in omnibus se gerit pro paternam, & quib. communiter ejusmodi existimatur. *De rebus,*

de qua agimus, nec iusta est ignorantia, nec denegatur actionis restitutio propter odium creditoris, sed quia sibi imputare debet, qui pupillum expromissorem accepit, & non adhibuit tutoris auctoritatem, cum eam posset exigere.

Venio ad secundum argumentum, & dico, dissimilem esse causam minorum, & pupillorum. Probavimus modò, quòd minor, qui impetravit restitutionem, aut curatorem non habebat, aut contraxit cum auctoritate curatoris. Qui curatorem non habet, non est similis pupillo, quia civiliter obligatur l. 3. in fin. C. de in im. rest. Qui curatorem habet, & cum ejus auctoritate contrahit, non est similis pupillo contrahenti sine tutoris auctoritate: ille enim obligatur, hic autem non obligatur. In illis legibus agitur de minore, qui impetraverat restitutionem in integrum: igitur aut agitur de minore curatorem non habente, aut de minore contrahente cum auctoritate curatoris: neuter autem similis est pupillo. Non potest igitur duci argumentum ab eo minore ad pupillum. Ratio autem, cur expromittente minore, & in integrum restituto, restituatur etiam actio creditori adversus veterem debitorem, in promptu est. Restitutio in integrum est amissæ causæ redintegratio l. 2. C. in quib. caus. in integr. restit. necess. non est. Hoc est, impetratâ restitutione restituuntur omnia in eum statum, in quo erant, antequam minor obligaretur, dum ne quid damni minor patiatur l. quod si minor. §. restitutio ff. de minor. l. un. C. de repuar. l. 1. & 2. C. si advers. transact. l. 1. §. planè ff. de collat. Quare restituenta est etiam actio creditori, cum haberet illam antequam minor expromitteret.

Nec obstat, quod restitutio detur etiam adversus naturalem obligationem l. 2. C. si advers. solut. l. illud ff. de minor. Sed pupillus sine tutoris auctoritate naturaliter obligatur, ut suprâ probavimus: ergò indiget restitutione, ac propterea etiam expromittente pupillo restitui debet actio.

Respond. In illis legibus dari restitutionem adversus solutionem, non adversus na-

turalem obligationem. Nec pupillus sine tutoris auctoritate contrahens petere potest restitutionem l. in causa 16. in princ. ff. de minor. quia eam petere non potest, qui ipso Jure munitus est, ut ostendimus: pupillus autem contrahens sine tutoris auctoritate ipso Jure munitus est, cum non possit fieri conditionem suam deterioiorem princ. tit. Inst. de auctor. tut. & idem in nostro §. præterea Inst. tit. quib. mod. sol. oblig. dicitur nulla obligatio pupilli: & in l. pupillus ff. de oblig. & action. & in l. quod pupillus ff. de cond. ind. dicitur pupillum nec naturaliter obligari: quia in his quæ afficiunt personam pupilli, nulla est, & sine effectu naturalis obligatio, ne conditionem suam sine tutoris auctoritate faciat deterioiorem.

Ad tertium eadem est responsio: nam & ibi agitur de minore in integrum restituto.

Ad quartum respondeo, dari actionem restitutoriam, ne propter dolum alienum reus lucrum faciat, & actor damno afficiatur d. l. 3. §. planè ff. de eo per quem fact. erit. Non potest adscribi culpæ, aut negligentie creditoris, quòd debitor sit liberatus, cum eum vocaverit in iudicium antequam liberaretur. Igitur liberatus est alieno facto, quod creditori nocere non debet l. 1. ff. de alien. mut. jud. caus. fact. l. factum ff. de Reg. Jur. præsertim cum possit subesse dolus ipsius debitoris, & cum pacto rem egisse. In casu nostro liberatus est debitor facto ipsius creditoris, qui accepit expromissorem pupillum.

Ad quintum respond. ibi quoque agi de restitutione in integrum, non quidem de ea, quæ minoribus datur; sed de ea, quæ datur majoribus l. 1. §. verba. & ll. seqq. ff. ex quib. caus. major. Et iniquum esset restitui servum domino, & non restitui actionem creditori, eumque rem amittere sine sua culpa, sine suo facto.

Ad sextum facilis est responsio. Beneficium divisionis fidejussoribus non datur, si alii solvendo non sint. l. inter 26. ff. de fidejussor. Ibi divisio facta erat, quia non constabat an alter fidejussor solvendo futurus esset: sed

sed quia adveniente tempore solutionis constat cum solvendo non esse, idcirco recedendum est à divisione factâ, & alter non potest gaudere hoc beneficio cum damno creditoris. Nihil simile in casu nostro.

Ad ultimum respondetur, quod minori restituitur actio adversus veterem debitorem liberatum, quia à Prætorè semper in integrum restituitur, quoties suâ facilitate læsus est l. 1. & toto tit. ff. de minor. Itaque & pupillo restitueretur, si cum auctoritate tutoris expromissorem inopem acceperit.

Non me pœnitet hæc uberius explicasse, quibus tota ratio restituendæ actionis est patefacta. Illud moneo, quod si pupillus expromittat cum auctoritate tutoris, & restituatur in integrum, restituenda quoque erit actio creditori adversus veterem debitorem, sicut restituitur expromittente minore. Vide text. in l. sed revocata 20. cum duab. antec. ff. de jur. fisc.

CAPUT XVI.

AD L. 1. ff. DE CONDIT. & demonst.

SUMMARY.

- 1 Dies certus petitionem, non obligationem differt.
- 2 Legatum in diem aliquando purum, aliquando præsumitur.
- 3 Dies incertus duplex: & quando faciat conditionem?
- 4 Momentum, quo morimur, vita tribuitur, non mori.
- 5 Differentia inter contrahens, & legata, quas diem incertum: a quoque ratio.
- 6 Dies omnino incertus conditionem facit tam in contrahentibus, quam in testamentis.
- 7 Certa aetas gravari non facit conditionem favore libertatis, & alimentorum.
- 8 Nec aetas extranei: idem in usufructu.
- 9 Dies adjectus ad accelerandam solutionem non facit conditionem.
- 10 Item exonerandi heredis causa.
- 11 Item dies adjectus solutioni.
- 12 Item adjectus favore legatarii.
- 13 Quando presumatur adjectus favore legatarii.
- 14 Expensur l. si ita relicta 43. §. Pegasus ff. de legat. 2.

- 15 Effectus diei incerti legatæ adjectæ.
- 16 Expensur l. post mortem C. de fideic. & l. patroni ff. quæ in fraud. cred.
- 17 Quis sit dies certus, & qui ejus effectus?
- 18 Si dies sit adjectus gratiâ creditoris, ante diem solvi non potest.
- 19 Contrâ, si adjectus sit gratiâ debitoris.
- 20 Legatum in diem nec agnosci, nec repudiari potest ante diem: sed vide in seqq.
- 21 Discrimen hac in re inter hereditatem, & legatum.
- 22 Legatarius non acquirit eodem tempore obligationem, & dominium.
- 23 Legatum in diem nec repudiari, nec acquiri potest ante diem: & quare?
- 24 Auto diem legatum agnosci potest, ita ut incipias debere.
- 25 Ratio offertur, cur ante diem nascatur obligatio, non transeat dominium: & quid differat legatum ab hereditate.
- 26 Legatarius quomodo possit rejicere solutionem ante diem.

Dies aut certus est, aut incertus. Dies certus, etsi differat petitionem & exactionem, non tamen differt, aut suspendit obligationem §. omnis Inst. tit. de P. O. l. centesimis 46. ff. de P. O. l. cedere diem ff. de P. S. l. in diem 10. ff. de cond. indeb. l. §. §. 1. & l. si dies 21. ff. quando dies leg. cod. l. un. §. 1. C. de caduc. toll. Quod sit, ut legatum in diem dicatur aliquando purum, ut in l. hæres meus 79. in princ. ff. de cond. & demonst. & præsens legatum in l. 1. in princ. ff. eod. tit. quam suscepimus explicandam. Dies autem incertus non solum differt solutionem, sed etiam suspendit obligationem, quia dies incertus conditionem facit l. dies incertus ff. de cond. & dem.

Hujus diei duo sunt genera. Etenim aut incertum est, an dies ille sit umquam extiturus, ut dies certæ ætatis, dies nuptiarum, dies consulatus. Incertum enim omnino est, an ille sit ad eam ætatem perventurus, sit contrahatur nuptias, sit futurus Consul. Aut certum est cum diem extitutum, sed incertum est, quando sit extiturus; cuiusmodi est dies mortis. Hic secundus dies in contrahentibus conditionem non facit l. sub conditione 16. cum ll. seqq. ff. de condit. indeb. junctâ l. in diem 10. ff. eod. In legatis vero interdum conditionem facit, interdum non

F f

facit. Si certò sit exiturus vivo legatario, non facit conditionem. Itaque dies mortis ipsius legatarii conditionem non facit *l. haeres meus* 79. in princ. ff. de cond. & dem. 4. l. 4. in fin. ff. qu. di. leg. ced. quia non potest existere post mortem legatarii; viri enim moriuntur, non mortui, & momentum, quo morimur, vitæ tribuitur non morti *l. qui duos* §. 1. ff. de manum. testam. l. si à pluribus 107. §. 1. ff. de legat. 1. quamquam Plato nec vitæ, nec mortui tribuendum esse censeat. Si verò dies adjectus possit existere post mortem legatarii, conditionale legatum est, ut si legato sit adscripta mors hæredis: nostra *l. 1. §. dies autem* ff. de condit. & dem. l. haeres meus 79. §. 1. ff. eod. tit. l. hujusmodi 13. ff. quan. dies leg. ced. l. si cum hæres 4. ff. eod. Ratio est, quia in contractibus nihil refert, quando conditio existat, ante, vel post mortem creditoris; quia creditor decedens transmittit spem ad hæredes §. sub conditione Inst. tit. de V. O. Transmittit autem spem, quia qui contrahit, tunc sibi, tunc hæredibus suis consulere voluisse videtur *l. si pactum* 9. ff. de probat. Et ideo in contractibus initium spectamus *l. non omne* §. 1. ff. de Reg. Jur. l. si filiusfam. 78. ff. de V. O. & ex præsentī vires capiunt *l. usufructus* 26. ff. de stip. serv. In legatis multò aliter se res habet. Testator qui legat, vult honorare ipsum legatarium, non ejus hæredes, ipsique aliquod ob meritum relinquere *l. nec adiecit* 9. ff. pro soc. non hæredibus legatarii, qui de testatore benè meriti non sunt, quemadmodum legatarius: Itaque si legatarius moriatur ante eventum conditionis, legatum prorsus exinguitur, nam ad hæredes legatarii non potest transmitti, neque ex voluntate testatoris, qui eos noluit honorare, neque ex persona legatarii, quia ipse mortuus est, antequam cederet dies legati; antequam, aut legatum ipsum, aut obligationem acquireret *l. §. sed si sub conditione* ff. quan. di. leg. ced. l. intercidit ff. de cond. & dem. Igitur cum dies hic, de quo agimus, possit existere post mortem legatarii, suspendi legatum in incertum eventum, ac proinde legatum est conditionale, quia hoc pro-

prium est conditionis, ut in casum differat obligationem §. omnis Inst. tit. de V. O.

Veniamus ad alium diem incertum. Si sit incertum, an dies adscriptus sit umquam exiturus, semper facit conditionem, tam in contractibus *l. quodcumque* 45. §. non solum ff. de V. O. quam in testamentis *l. si Titio* 22. in princ. ff. qu. di. leg. ced. l. si ita sit scriptum 45. §. ult. ff. de leg. 2. l. cum vir, & l. Publius ff. de cond. & demonstr.

Aliquando tamen hic dies conditionem non facit, vel ob privilegium, vel quia alia de causa dies hic fuit adjectus, non ad suspendendam obligationem. Ob privilegium libertatis, & alimentorum conditionem non facit certa ætas ejus, qui gravatus est præstare vel libertatem, vel alimenta. Debentur enim, etiamsi ille ad eam ætatem non perveniat. De libertate traditum est id in *l. fideicommissaria* 23. §. etiam ff. de fideic. libert. l. Thais 41. §. libertatem ff. eod. l. fideicommissaria 10. C. eod. tit. De alimentis idem concipere possumus ex *l. liberis* §. ab hæredibus ff. de alim. leg. quam legem uberiùs aliàs explicabimus, & ex *l. Cajo* §. 1. ff. eod. & ex *l. 1. C. de legat.*

Præterea in his legatis nec ætas quidem alicujus extranei conditionem facit *l. si ita* 8. scriptum 16. ff. de manum. testam. l. si servus 19. ff. de statu lib. Imò etiam cum agitur de usufructu, ut est constitutum in *l. ambiguitatem* C. de usufr.

Quando verò dies incertus alia quacumque de causa adjectur, non eo animo ut suspendat obligationem, numquam facit conditionem: quia in conditionibus voluntas dominatur *l. in conditionibus* ff. de cond. & dem. Adjicitur aliquando dies ad accelerandam solutionem, & tunc purè contrahitur obligatio, non sub conditione, vel in diem: ut si quis stipuletur: decem, cum petiero, dabis *l. si decem* 48. ff. de V. O. l. Teria 85. de cond. & dem.

Aliquando dies incertus adjicitur hæredis exonerandi causa, non suspendendæ obligationis, & ideo non facit conditionem. In legatis annuis primum solummodo purum est: legata sequentium annorum tacitè continent

illam conditionem : *Si initio ejus anni vivet legatarius* : itaque si non vivat, legatum amplius non debetur *l. si in singulos 4. & l. Gajus, in fin. ff. de ann. legat. l. nec semel, in princ. & in §. 1. ff. quan. di. leg. ced.* Verumtamen si testator hæredis exonerandi causâ, ne statim urgeatur ad solutionem totius summx, eam dividerit in plures pensiones annuas, nulla inest conditio, & omnium annorum unum est legatum, cujus statim dies cedit. *l. nec semel, §. sed etsi, l. si cum prescriptione, vers. si verò ff. quando di. leg. ced.*

Item dies incertus aliquando non legato, non obligationi ejus adjicitur, sed solutioni : itaque non suspendit obligationem, cui non fuit adjunctus ; sed solum differt solutionem : quia testator nolit legatum sub conditione relinquere, sed in illud tempus differte solutionem. Exempla nobis suppeditant *l. ex his C. quando di. leg. ced. l. Sejus Saturninus, l. à filia §. alumno ff. ad S. C. Trebell.* nisi tempus sit adjunctum per verba conditionis ut in *l. quibus diebus §. quidam Titio ff. de cond. & demon.*

Denique si testator diem incertum adjecerit favore ipsius legatarii, non facit conditionem : quia diem illum adiecit, ut provideat legatario, non ut ipsum priveret legato tempore illo non adveniente. Exempla habemus in *l. Firmio §. 1. ff. quan. di. leg. ced. in l. à filia §. alumno ff. ad S. C. Trebell. in l. cum pater 77. §. curatoris ff. de leg. 2. in l. liberio 21. §. 2. ff. de ann. legat.*

Hanc autem voluntatem testatoris diem adjucentis favore legatarii multis conjecturis assequi possumus. Prima est, si testator deelararet, se velle consulere infirmitati legatarii, ne pecuniam dissipet, atque disperdat, ut in *l. liberio §. filium ff. de ann. legat.* Altera, si deelararet se nolle committere rei legatæ administrationem tutoribus legatarii, ut in *l. 3. §. cum Pollidius ff. de usur.* Tertia, si velit solvi legatario fructus, & usuras medii temporis, ut in *l. à filia §. alumno ff. ad S. C. Trebell. & in l. Firmio §. 1. ff. quando di. leg. ced.* Nam fructus eo casu debentur, quo dies gratiæ creditoris adjeicitur. *l. si ita relictum 43. §. Pegasus ff. de legat. 2.*

Minor autem, seu pupillaris ætas non est idonea conjectura, nisi simul concurrant ea omnia, quæ proponuntur in *l. Sejus Saturninus ff. ad S. C. Trebell.* videlicet, & quodd agatur de filio, & quodd agatur de restituenda paterna hæreditate, quæ filio ipsi debita erat, & relicta cuidam amico, ut eam custodiret, donec filius judicii maturitatem assequeretur. His non concurrentibus dies facit conditionem : nam etiam legatum filio impuberi relictum, cum ad pubertatem pervenerit, conditionale est *l. si cui legetur 14. 49. §. 1. cum duob. segg. ff. de legat. 1.* Quamobrem quod traditur in *l. si ita relictum §. Pegasus ff. de legat. 2.* id ita esse intelligendum est, si aliunde constet, tempus pubertatis adjunctum fuisse gratiæ impuberis legatarii, ut supponitur initio ejus paragraphi. His expositis constat, quis sit dies incertus, & quando conditionem faciat. Si fuerit adscriptus ejusmodi dies incertus, qui conditionem faciat, id quod debetur, non rectè solvitur antequam dies veniat, & si per errorem solutum fuerit repeti potest, antequam dies veniat, veniente die non repetitur *l. sub 15. conditione 16. ff. de cond. ind.* Imò si legatarius fundum legatum forte fortuna possideat, potest ab hærede vindicari simul cum fructu *l. omnia 32. §. fundum ff. de legat. 2.* Quare neque hoc legatum delegari potest, cum nihil hæctenus debeatur *l. legata 41. ff. de cond. & dem.* nec potest eligi res legata *l. cum illud 25. ff. quan. di. leg. ced.* Et si rogatus sit aliquis, ut restituat hæreditatem cui voluerit ex liberis suis, cum morietur, non potest in vita restituere *l. cum pater 77. §. à filia ff. de leg. 2.* quia adhuc non habet electionem, ne forte restituat ei, qui ante ipsum sit moriturus.

Fideicommissum tamen & ante mortem restituere potest is, qui post mortem suam rogatus est restituere, *l. post mortem 12. C. de fideic.* quia videtur donare id, quod pluris est in præmatura restitutione, & veniente morte cedit in solum *l. sub conditione 16. ff. de solut.* Quod si præmaturâ solutione alteri iniqua conditio inferatur non rectè restituitur. Neque contrarium est quod traditur

in *l. patrem* 19. ff. *que in fraud. cred.* ubi non fraudat creditores, qui restituit ante mortem id, quod post mortem restituere rogatus erat. Etenim ibi pater non restituit hæreditatem filio ante conditionis eventum, licet in vita restituat. Rogatus erat restituere filio post mortem suam; vel, cum filius morte patris fuisset effectus sui juris. Hæc conditio non solum existit per mortem patris, sed etiam per emancipationem, quia ea mens est testatoris, ut filius sibi acquirat hæreditatem, quod consequitur, quomodo-cumque sui juris effectus fuerit *l. mulier* 21. in princ. ff. *ad S. C. Trebell.* *l. si ita* 15. ff. *quon. di. leg. ced.* itaque cum pater restituere filio emancipato, recte restituit, & non fraudat creditores, quia restituit post eventum conditionis.

Hactenus de die incerto. Ex his intelligi volumus quis sit dies certus, etenim diem certum dicimus non solum eum, qui certo esse exiturus, sed omnem, qui conditionem non facit: quia cum non suspendat obligationem, nec eam in incertum differat, certus meritis potest appellari. Differt hic dies solutionem, & exactionem: obligatio autem statim nascitur: statim tenetur debitor, sed consociendæ pecuniæ tempus ei conceditur §. *omnis* *Lust. tit. de V. O. l. centesima* 46 ff. *cod. tit. l. in diem* 10. ff. *de cond. ind. l. cedere diem* ff. *de V. S. l. 5. §. 1. & l. si dies* 21. in princ. ff. *quando dies leg. vel fidei. ced.* Verumtamen quia ante diem exigere pecunia non potest, & quoad exactionem sine effectus est, & inutilis obligatio; ideoque in nostra *l. 1. §. cum dies certus* ff. *de cond. & dem.* ait J. C. *quia certum est ea debitum iri.* Nam quantum attinet ad exigendi facultatem, adhuc non debentur, nec videtur cepisse obligatio *l. obligationum* 44 §. 1. ff. *de oblig. & act. l. cum qui* §. 1. ff. *de V. O. l. si in annos* 49. ff. *de cond. & dem. l. si ita sit scriptum* 45. §. 1. in fin. ff. *de leg. 2. quia* verè debitor is est, à quo invito exigere pecunia potest *l. debitor* 18. ff. *de V. S.* Cæterum cum de aliis effectibus obligationis quaritur, non dubitatur eum, qui in diem debet, verè debitorem esse, itaque si solverit ante

diem repetere non potest *l. in diem* 10. ff. *de cond. ind. l. nam si* 17. ff. *cod.*

An autem debitor invito creditori possit ante diem solvere id, quod in diem debet, inter doctissimos Homines est magna dissensio. Adjicitur dies, aut debitoris, aut creditoris causa. Plurimque debitoris causa adjicitur *l. cum tempus* ff. *de Reg. Jur. l. cum qui calendis* ff. *de verb. obl.* Aliquando tamen adjicitur etiam creditoris causa *l. si ita relictum* 23. §. *Pegasus* ff. *de legat. 2.* Quibus conjecturis id consequamur supra diximus, & mille alias ad earum similitudinem fingere possumus: veluti, si quis cum certo tempore indigeret aliqua quacumque re, quæ facile corrumpitur, aut non facile custoditur, stipulatus sit eam sibi dari eo tempore, quo ipsa uti debet. Si dies sit adjectus creditoris causa, constat invito creditori ante diem solvi non posse *l. Javolenus* 15 ff. *de annis legat.*

Si verò dies sit adjectus causa debitoris, etiam invito creditori potest ante diem solvi 19 ut traditur in *d. l. Javolenus* 15. ff. *de ann. leg. in l. stipulatio ista* 38. §. *inter* 16. ff. *de verb. oblig. in l. continuus* §. 2. *vers. nam & quod in* ff. *cod. l. quod certa* 70. ff. *de solut. in l. quod quis* 50. ff. *de oblig. & act.* Quamquam & hoc à multis magni nominis Viris negatur, & cum Carthaginienses stipendium, quod pluribus pensionibus in multos annos debebant, se præsens omne daturos pollicerentur: à Romanis responsum est, nullam pecuniam se ante diem accepturos. Nimirum illi cum Carthagenensibus, tamquam victores cum victis agebant, & magnificè oblatum beneficium repudiarent. Existimo enim verissimum esse, quod toties à nostris traditum est, totum medium tempus ad solvendum relinquere liberum promissori. Confirmat hoc etiam Pomponius in nostra *l. 1. §. cum dies certus.* Verba legis hæc sunt: *Cum dies certus adscriptus est, quamvis dies nondum venerit, solvi tamen possunt; quia certum est ea debitum iri.*

Non liber hoc loco controversiam omnem exponere, cum id ab aliis, & illicet, & accuratè factum sit. Solum explicabo legem quamdam, quæ & huic sententiæ, & nostræ

legi videtur esse contraria, & ab aliis in hac controversia non perpenditur. In nostra l. 1. §. cum dies certus ff. de cond. & dem. ait Pomponius *legatum cui dies certus adscriptus est, ante diem solvi posse*. Falsum hoc videri potest, quia legatum in diem non potest ante diem repudiari l. si ita sit scriptum 45. §. si sub conditione ff. de legat. 2. sed quod repudiari non potest, agnosci non potest l. is potest 18. ff. de acquir. vel om. hered. l. is qui heres 13. & l. nolle ff. eod. l. ejus est nolle ff. de Reg. Jur. Legatum igitur in diem relictum ante diem agnosci non potest; ergo nec ante diem solvi potest, quia hactenus incertum est, an legatarius sit repudiaturus legatum. Primum igitur falsum est quod ait Pomponius, certum esse ea debitum iri, quia cum ante diem neque agnoverit, neque repudiaverit legatum, incertum est an legatum debeat, vel futurum sit, ut ei debeat. Præterea falsum est legatum solvi posse; quia sicut solvi non potest legatum conditionale propter incertum conditionis, ita solvi non poterit hoc legatum propter incertum repudiationis, quâ tamquam conditione legatum suspenditur. l. si tibi homo 36. §. cum servus ff. de legat. 1. l. Cornelius 69. ff. de hered. inst.

Primum omnium animadvertendum est non eandem esse rationem hæreditatis, & legati. Legatum in diem certum relinqui potest: hæres ex die certo non potest institui l. hæreditas ff. de hered. inst. §. hæres Inst. eod. cum igitur hæreditas solum sub conditione relinqui possit, verissimum est, quod hæreditas, quæ repudiari non potest, adiri & acquiri non potest; quod obtrinet etiam in legato conditionali, nam & hoc ante conditionis eventum nec repudiari, nec agnosci, nec solvi potest. At in legatis quibus adscriptus est dies certus, non ulquequaque verum est quod agnosci non possint: licet verum sit ea repudiari non posse d. l. si ita sit scriptum 45. §. si sub conditione ff. de leg. 2. ut mox explicabimus.

Præterea in hæreditate non differt dominium ab obligatione. Hæreditatis nemo debitor est, cum eam hæres accipiat a defuncto.

Itaque adeundo hæreditatem statim dominium rerum hæreditariarum acquirimus l. heres 37. ff. de acquir. vel om. hered. Non ita se res habet in legatis. In his distincta sunt dominium, & obligatio. Legatarius duo acquirit; obligationem legati, quâ ipsi hæres obstringitur; & dominium rei legatæ. Neque hæc duo acquirit eodem tempore. Obligatio acquiritur legatario, cum testator moritur: statim enim dies legati cedit l. si post diem 5. §. 1. ff. quand. di. leg. ced. l. un. §. 1. C. de cad. toll. Dominium verò rei legatæ transit ad legatarium à die aditæ hæreditatis l. servum. 44. §. 1. servo legato 69. l. si tibi homo 20. §. cum servus ff. de legat. 1. l. legatum 20. ff. de legat. 2. l. à Titio ff. de furt.

Veniamus ad rem nostram. Legatum ante diem repudiari non potest d. l. si ita sit scriptum 45. §. si sub conditione ff. de leg. 2. Potest tamen ante diem agnosci, non quidem ita ut acquiramus dominium rei legatæ; sed ita ut legatum nobis debeat, ut dies ejus cedat. In legatis in diem legatarius ante diem non acquirit dominium rei legatæ l. Sempronius Attalus ff. de usufr. legat. Itaque non potest repudiare legatum, quia legatum ad ipsum adhuc non pertinet, ut ait J. C. in d. l. si ita sit scriptum. hoc est, quia ad ipsum non pertinet dominium rei legatæ: repudiando autem id agimus, ut à nobis dominium abiciamus, imò ut res legata numquam in dominio nostro fuerit, sed semper in dominio hæredis l. servum. 44. §. 1. ff. de leg. 1. l. si tibi homo 20. §. cum servus ff. de legat. 1. Animadvertendum est verbum, ad nos non pertinet per textum in l. si dies 21. ff. qu. di. leg. ced. in l. verbum illud 181. ff. de V. S. ad quem dominum rei non pertinet. Frustrâ enim conatur abicere id, quod non habet. Eadem de causa nec possumus agnoscere legatum, ita ut dominium ejus acquiramus, quia hoc acquiri non potest antequam veniat dies adscriptus d. l. Sempronius Attalus ff. de usufr. legat. Quare animadvertendum est, quod in l. is potest ff. de acquir. her. d. ait J. C. is potest repudiare, qui & potest acquirere. Non ait, qui potest agnos-

- 14 Militia Prætoris qua, & quotuplex?
- 15 Apponores, Scriba, qui & qua eorum militia.
- 16 De pecunia, qua pro militia introitu solvabatur.
- 17 Qua dicerentur comoda militia.
- 18 Sportula data ab iis, qui magistratus suscipiebant: & quid differens à pecunia pro introitu militia?
- 19 Militia qua erant in commercio.
- 20 Ea transmissabantur ad heredes.
- 21 Militia ex casu qua, & quid esset casus. & n. 23.
- 22 Ad quos pertineret pecunia militia ex casu.
- 23 Quanta esset.
- 24 Cur legata militiæ, videntur legata æstimatione.
- 25 Militium salarium quod?
- 26 Annona præstari solita Magistratibus, & eorum militibus: & quid sint annona.

Promissum impleamus, & fidem capitis antecedentis exsolvamus. In *l. libertis* §. *ab heredibus* ff. *de alim. vel cib. legat.* proponitur hæc species. Titius rogavit heredes suos, ut Stichum manumitterent, eique manumisso alimenta præstari voluit à Sejo, si cum eodem Sejo moraretur; & deinde adjecit hæc verba: *At te autem, Seji, peto, ut cum ad viceſimum quintum annum perveneris, militiam ei compares, si tamen te ante non reliquerit.* Sejus mortuus est ante annum viceſimum quintum: quæſtum est an liberto militia comparanda sit, & quando sit comparanda? Respondit Scævola militiam comparandam esse eo tempore, quo Sejus pervenisset ad annum viceſimum quintum, si vixisset.

Huic legato militiæ videntur adjectæ duæ conditiones. Altera est, si libertus Sejum non reliquerit. Hæc conditio impleta est, quia libertus Sejum non reliquit, & licet cum eo moratus non sit usque ad annum viceſimum quintum; tamen cum per Sejum steterit, quominus cum eo moraretur, conditio pro impleta habetur *l. in jure* 161. ff. *de Reg. Jur. l. jure* 24. ff. *de cond. & dem. l. heres* 66. *in fin. l. Julianus* 45. ff. *ead.* Altera conditio est: cum Sejus ad viceſimum quintum annum pervenerit. Hæc vera conditio est; nam certa ætas ejus, qui legatum debet, adscripta legato conditionem facit. *l. si ita scriptum* 16. ff. *de man. testam. l. si servus liber.* 19. ff. *de statu lib. l. fideicommissaria* 23. §. *etiam* ff. *de fideicommiss. libert.*

Itaque cum Sejus non pervenerit ad annum viceſimum quintum, conditio deficit, & legatum militiæ non debetur *d. l. si ita scriptum, cum duabus aliis modis adductis.* Et tamen Scævola respondit militiam esse comparandam, cum cessisset id tempus: quasi legatum militiæ sit in diem, non sub conditione.

Neque videtur admitti posse Scævole responsum propter favorem alimentorum. Nam licet non negemus, certam ætatem non facere conditionem favore alimentorum; tamen hic militia non erat legata pro alimentis, cum præter militiam eidem legata essent alimenta *l. Firmio* §. 2. ff. *quand. di. leg. ced.* Atque hæc alimenta liberto præstatis sunt, & etiam si Sejus mortuus sit *l. Gajo* §. *Imperator* ff. *de alim. vel. cib. leg. l. 1. C. de leg.* Cum igitur liberto debeantur alimenta, non potest militia legata esse pro alimentis *d. l. Firmio* §. 2. ff. *qu. dies leg. ced.*

Doctissimi Interpretes Jafon, & Duarenus putant in hoc legato certam ætatem non facere conditionem, quia militia legata erat ad remunerandum libertum propter onus, quod eidem fuerat adjunctum, morandi cum Sejo usque ad certam illam ætatem. Statuunt igitur certam ætatem non facere conditionem in legato, cui onus adjunctum est.

Vix potest defendi hæc sententia: contrarium enim constitui videtur in *l. Thais* §. *libertatem* ff. *de fideic. libert.* Ibi testator Cupitum servum suam manumitti voluit, cum Marcius filius sexdecim annos implevisset, si rationes reddidisset. Huic legato libertatis adscripta est certa ætas filii hæredis, & est conjunctum: onus reddendarum rationum: & tamen certa ætas conditionem facit, ut constat ex illis verbis legis: *nam alteram conditionem.* Et licet libertas debeatur, quamvis filius non pervenerit ad decimum sextum annum; tamen id receptam est favore libertatis: ibi, *humaniore interpretatione:* & si alterius generis legatum esset; non deberetur *l. si ita scriptum* 16. ff. *de man. test. l. si servus liber.* 19. ff. *de statu lib. l. fideicommissaria* 23. §. *etiam* ff. *de fideic. libert.*

in plures partes dividebatur : comprehendebat enim officia omnia , ac munia , omnesque qui aut Imperatori ministrabant , aut Magistratibus.

Imperatorum duplex erat militia , Palatina , & Sacrorum Scriniiorum. De militia
1. Palatina agit in *tit. C. de palatin.* in *tit. C. Theodosian. & Justinian. de privileg. eor. qui in sacr. palat. milit.* in *tit. utrinque C. de Castrensiarum.* & aliis multis. *Sidon. lib. 1. epist. ad Eutrop.* *Scribendi causa vel sola, vel maxima, qua se scilicet à profundo domestica quietis extraxerunt ad capeffendam militiæ palatine munia vocem.* *D. Hieronym. in epitaph. Neporiani :* *Referret alius, quod in palatii militiæ sub chlamyde, & candenti lino corpus ejus cilicio trinum sit.* Hæc appellatur militia domestica à *Castiodoro lib. 11. form. 6.* & palatini appellantur milites sedis nostræ ab Imperatore apud *Castiod. lib. 12. form. 16.* Comprehendebat hæc militia omnes , qui aliqua munia obibant , ut Comes palatinos , Comitantes , Domesticos , Largitionales , Privatianos , Mittendarios , & cæteros omnes , qui in palatio munus aliquod , aut officium exercebant. Erant præterea scholæ palatinæ , quarum decem numerantur in *Notitia utriusque Imperii* , unde imò verò fuisse testatur Imperator Justinian. in *l. ult. C. de locat.* Sed hoc militiæ genus ad armatam potius referendum est , quam ad urbanam , sicut refertur à Justiniano in *d. l. ult. C. de locat.* cùm stiparent ac custodirent Principem , eique domi forisq; securitatem præstarent , paucis tantum exceptis.

Militia sacrorum Scriniiorum multiplex erat : etenim in *Notitia utriusque Imperii* quatuor scrinia sacri palatii recensentur :
2. Scrinium memorię , scrinium epistoliarum , scrinium libellorum , scrinium dispositionum. Horum varia officia , ac nomina : Exceptores , Amanuenses Librarii , Memoriales , Cornicularii , Laterculenses ; & , qui dignitate præcellerant , Proximi scriniiorum , Comes dispositionum , & Magistri scriniiorum. De quibus agit in *tit. C. de magistr. sacr. scrin.* & in *tit. de prox. sacr. scrin.* & passim in libro Codicis duodecimo. Ad hoc militiæ

genus pertinere potest etiam Quæstor sacri palatii. Horum militia appellatur litterata in *l. 8. C. de prox. sacr. scrin.* *Symmach. epist. 124. lib. 7. fungitur militia in scriniis litterarum.* Ad hos enim cura libellorum Principi oblatorum , epistoliarum , constitutionum , decretorum , aliarumque hujus generis rerum attinebat. Scriniiorum Magister fuit Papinianus noster. *Aurel. Viçr. de Papiniano :* *Terunt illo tempore Bassiani scrinia curavisse.* Existimo eum fuisse Magistrum scrinii libellorum. *Tryphoninus in l. rescriptum 12. in princ. ff. de distr. pign.* *Rescriptum est ab Imperatore libellos agente Papiniano, creditorem a debitore pignus emere posse.* Doctissimus 3. Salmasius putat eum fuisse Magistrum omnium scriniiorum , quia principes singulorum scriniiorum vocabantur *Proximi* cuiusque scrinii , nec à magistris ejus scrinii distinguebantur. Quæ opinio non videtur vera , cùm in nostro Codice separati sint tituli *de Magistris Sacrorum scriniiorum, & de proximis scriniiorum.* Sed ad hoc nostrum institutum non pertinet hæc diligentius , & perquisitius examinare. *Ulpianum* quoque nostrum Magistru Scriniiorum fuisse constat. De hoc *Fest. Ruf. hic Alexander Scriniiorum Magistrum habuit Ulpianum;* idemque testatur *Lampridius.*

In Prætorio quoque sicut in Palatio , duplex erat militia , forensis , & Apparitorum. Forensi militiæ adscribebantur advocati. *Castiod. lib. 5. form. 4. Advocati tibi militant eruditi.* *Imp. Leo & Anthemius in l. advocati 14. C. de advoc. div. judicior.* Nec enim solum nostro Imperio militare credimus illos , qui gladiis , clypeis , & thoracibus nituntur , sed etiam advocatos : militant namque causarum patroni , qui gloriosa vocis conspectu munimur ne , laborantium spem , vitam , & posteros defendunt.

Apparitores quoque militare dicuntur *l. 4. §. 9. C. de divers. off. & apparit. & toto tit. C. Theod. de div. of. & apparit.* *Alcon. in 3. Ferr. Accensius nomen est ordinis, & promotionis in militia.* *Castiod. lib. 6. form. 25. Omnes Apparitores decet habere Judices suos, nam cui Præsul admittitur, & militiæ*

15 denegatur. Et lib. 7. form. 28. Si Praefulem ademeris, militem non relinquis: apparatus enim tollitur, quæties qui jubere poterat, abrogatur. Ingens horum numerus: comprehendit enim omnes, qui Magistratibus ministrabant, Lictores, Accusos, Præcones, Interpretes, Scribas, & hujus generis ceteros. Cicero, in Orat. pro Cluent. Quid sibi autem illi scriba, quid lictores, quid ceteri, quos apparere huic quaestioni video, volunt? Liv. lib. 9. de Flavio scriba. Invenio in quibusdam annalibus, cum appareret Aedilibus. Corn. Nepos de Eumene, qui Philippi scriba fuerat: Eumenes annorum quinque & quadraginta, cum ab anno vicesimo septem annos Philippo apparuisset. & Fest. lib. 12. Navalem scribam definit eum esse, qui in nave apparebat. Igitur Apparitores dicebantur ii omnes, qui præsto erant ad obsequium Magistratus: ut ait Servius ad illud Virgilii 12. Aeneid. Sæpique in limine regis apparent. Magistri militum trecenti erant Apparitores, præter supernumerarios. Comes Orientis sexcentos Apparitores habere poterat. l. un. C. de apparit. Comit. Orient. Proconsul, & Legatus quadringentos l. 2. C. de apparit. Procons.

Ex his, quæ diximus, facillè quilibet intelliget, quid essent hæ militiæ, & quam magnus earum numerus. Cogita enim omnes palatino, omnes Magistratus urbanos, omnes dignitates, quosdam Magistratus municipales; & immensam propemodum summam eorum militum, quorum officio, & opera utebantur, colliges.

Qui has militias consequiebantur, solebant certam pecuniæ summam pro introitu dare. Scævola in l. his verbis. pen. §. alumno ff. de legat. 3. Alumno præcipit militiam his verbis. Sempronio alumno meo illud, & illud: & cum per aetatem licebit, militiam illam, cum introitu comparari volo. Quæsum est, si Sempronius eam militiam sibi comparaverit, an pretium ejus, sed & id, quod pro introitu erogari solet, ex causa fideicommissi ab heredibus consequi possit. Et in §. ult. ejusd. legis. idem testator liberto militiam his verbis legavit. Sejo liberto meo militiam do, lego illam,

quam militiam, & testator habuit. Quæsum est, an onera omnia, & introitus militiæ ab heredibus sint danda: respondit danda. Adjuto- 16 res Quæstoris solvebant pro introitu centum solidos Ansh. de adjut. Quæst. 35. Qui in sacris scriniis militabant, solvebant pro introitu 250. solidos Proximo, & præterea viginti, aut quindecim solidos Melloproximo, seu Adjutori, pro consuetudine uniuscujusque scrinii l. unicuique 7. C. de prox. sacr. scrin. Qui domesticorum Præfentialium militiæ adscribebantur, duo millia solidorum Comiti Domesticorum pro introitu solvebant, ut conjecturâ assequi licet ex l. restituenda 6. §. licentiam C. de advoc. divers. Judicium. Qui in Scholam Protectorum Domesticorum recipiebantur, si propter labores & merita ad eam militiam fuissent evecti, denos quinos solidos sportularum nomineolvere debebant, qui Primaribus distribuiebantur; si gratiâ, vel potentiâ, quinquagenos solidos l. sicuti 3. C. Theod. de Domest. & protect. Consules centum pondo auri l. 2. C. de Consul. Contrâ patronus fisci nihil pro introitu solvisse videtur l. petitionem 13. vers. quando C. de advoc. divers. judicior. Cum autem hæc pecuniæ summa pertineret ad eos, qui erant ejusdem militiæ, idcirco J. C. in l. Lucius Titius 22. ff. de leg. 2. ait. Lucius Titius in testamento suo Publio Mavio militiam suam reliquit, siue pecuniam ejus, quacumque redigi ex venditione ejus potueris, cum suis commodis. Hæc erant 17 commoda militiæ: nisi quis malit hæc interpretari de salariis, quæ militibus à privatis consequiebantur, de quibus in l. creditor 52. §. inter. ff. de act. emp. cujusmodi erant sportulæ, quas Apparitores à litigantibus consequiebantur l. omnes 33. §. executoribus C. de Episc. & Cleric. l. 1. & tot. tit. C. de sportul. §. tripli Inst. de action. Ad hæc eadem onera, summamque pecuniæ, quæ pro introitu solvebatur, alludere videntur Jurisconsulti in l. qua utiliter. in princ. ff. de negot. gest. in l. 1. §. sed an id 16. ff. de collat. in l. Publius Mavius 36. in princ. ff. de condit. & demonstr. l. 6. §. 1. ff. de decurion. in l. si sponsus 5. §. si mulier 17. de don.

int. vir. & uxor. in l. uli. ff. de pet. hered. Qui enim aliquid Magillratum inibant, aut Sacerdotium suscipiebant, sportulas dare solebant. Plin. ad Trajan. ep. 113. 114. & ep. 117. Qui virilem togam sumunt, vel nuptias faciunt, vel inuenti Magillratum, vel opus publicum dedicant, soli totam bu-
18 len, atque etiam à Plebe non exiguum numerum vocare, binosque denarios, vel singulos dare. Sidon. epist. 6. lib. 8. de Consule Astorio, consulum suscipiente: Itaque ut primum brevi peracta, nec brevis sportula, datique fasti. &c. Sed cum hæ pecuniæ spargerentur in vulgus à Consulibus, constitutum est, ut ab illis centum pondo auri præstarentur pro introitu ad inlaurationem aquæ ductum l. 2. C. de Consul. Quod & aliàs factum est, ut hæ pecuniæ alicui operi publico destinarentur. Plin. ad Trajan. epist. 48. lib. 10. Claudopolitani quoque in depresso loco, imminente etiam monte, ingens balneum defodiunt magis, quam adificunt, & quidem ex ea pecunia, quam balneum addunt beneficio tuo, aut jam obtulerunt ob introitum. Illud animadversione dignum est, quod militiæ acquisita pecuniâ patris confertur à liberis l. illud. penult. C. de collat. Nam & ea imputatur in legitimam, exceptâ militiâ Silentiariorum l. omnimodò 30. §. ult. C. de inoff. testam. At verò id, quod pater dedit nomine dignitatis, hoc est, ob introitum & impensas, quæ sunt in dignitate suscipienda, non confertur: hoc enim propter onera dignitatis præcipuum haberi oportet l. 1. §. sed an id. 16. ff. de collatione.

Ex his militiis multæ erant in commercio: nam & vendi poterant, & pignori obligati, & legari, atque in hæredes transmitti l. 5. vers. manente C. qui milit. poss. l. omnimodò 30. §. ult. C. de inoff. testam. l. ult. C. de pignor. Anth. de exhib. vel introd. reis. 53. cap. 5. Anth. de aqualit. dor. 97. cap. 4.
19 Hinc toties in Jure nostro mentio militiæ aut venditæ, aut legatæ l. creditor 52. §. inter venditorem ff. de act. empt. l. Lucius Titius 22. l. mortuo bove 49. §. 1. ff. de leg. 2. l. fideicommissa 11. §. si servo ff. de legat. 3. l. 3. §. si quid minori ff. de minor. & nostra l.

libertis §. ab hæredibus ff. de alim. vel cib. leg. Ut puta, militiæ Adjuutorum Quæstoris veniri poterat centum solidis, ita tamen ut is, qui militiam emebat, & subrogaba-ur in locum venditoris, electione Quæstoris fieret Adjuutor Anth. de adjutor. Quæstor. 35. Militiæ quoque Silentiariorum sacri palatii vendebatur, ut constat ex l. omnimodò, in fin. C. de inoff. testam. Procop. in Histor. arcana: Sumi in Imperatoria domo dignioris plane ordinis milititer alii, quibus quò majori pretio militiæ nomina sibi comparant, eo major ab erario publico solvitur pensio. Cum autem venales essent hæ militiæ, quæ dignissimæ erant, dubitandum non est multò magis venales fuisse militiæ Apparitorum, Scribarum Militiæ etiam Ciceronis tempore vendi cœperant. Id ipse testatur in quinta in Verr. Ad eos me scribas revoca, si placet: noli hos colligere, qui nummulis corrogatis de nepotum bonis, ac de scenicorum corollariis, cum decuriam emerunt ex primo ordine expulsum in secundum ordinem Civitatis se venisse dicunt. Et paulò post: Mirabimur turpes aliquos esse in eo ordine, quo civis pretio licet pervenire? Scribæ autem erant digniores cæteris Apparitoribus. Igitur multò magis venales erant militiæ aliorum Apparitorum. Quapropter in lege, quam explicamus, jubetur liberto comparati militiæ, nempe militiæ Accensorum, Præconum, Viatorum, & aliorum Apparitorum, cui ferè solebant adscribi libertini. Tacit. de libertinorum ordine lib. 13. Hinc plerumque tribus, decurias, ministeria Magistratibus, & Sacerdotibus, cohortes etiam in Urbe conscriptas, & plurimis Equitum, plerisque Senatoribus non aliunde originem trahi. M. Tullius ep. ad Q. Fratrem. Accensus sit eo etiam numero, quo cum Majores nostri esse voluerunt, qui hoc non in beneficii loco, sed in laboris, & muneris, non temerè nisi libertis suis deferebant; quibus illi quidem non multò secus, ac servis suis imperabant. Idem in Orat. pro Cornel. Cajum Publicum Menandram, libertinum hominem, apud majores Legatos in Graciam proficiscentes interpres secum habere voluisse.

Reliqua jam prosequamur. Hæ militiæ in

liberos, & hæredes transferebantur. Neque enim assentior doctissimo Connano, qui putat plerasque militias ad hæredes non potuisse transmitti, licet vendi possent, & obligari. Id enim, quod sciam, nusquam traditum
 10 est: imò semper in Jure nostro conjunguntur venditio, & legatum, seu transmissio ad hæredes *l. Lucius Titius 22. l. mortuo 49. §. 2. de legat. 2. l. fideicommissa 11. §. si servo ff. de leg. 3. l. omnimodò 30. §. ult. C. de inoff. test. Novell. 35. de adjut. Quest. Nov. 53. de exhibend. reis cap. 5. Nov. 77. de aqual. dot. cap. 4. l. 7. junctâ l. 11. C. de prox. sacror. scrip. Neque cuiquam scrupulum injiciat, quod bis hæc duo disjunguntur in *l. ult. C. de pignor. ibi: Eam tamen, qua vendi, vel ad hæredes sub certa definitione transmitti potest.* & infra: *Militiam, qua vendi, vel ad hæredes transmitti potest.* Disjunctio illa videtur significare diversas fuisse militias, quæ vendebantur, à militiis, quæ ad hæredes transmittuntur. Sed non ita est: id enim significatur illis verbis: *militia qua vendi possunt, vel si non sint vendita à vivo militante, ad hæredes ejus transmittuntur.* Ita explicat Justinianus in *l. omnimodò §. ult. C. de inoff. testam. ibi: Eo quod talis sit militia ut vendatur; vel mortuo militante certa pecunia ad ejus hæredes perveniat.* Hæc sola lege evinci potest militias, quæ vendebantur, ad hæredes transiisse. Præsertim quia hæc transmissio plerumque species quædam erat venditionis, ut modò explicabimus.*

Doctissimo Viro, ut arbitror, imposuit, quod putavit militias ex casu ad hæredes non potuisse transmitti, quod falsum puro. Nam hæc ipse erant, quæ ad hæredes transibant. Rem totam, ut potero, paucis
 11 explicabo. Militiæ quæ vendi poterant, ad hæredes, & liberos transferebantur: sed quia hæ militiæ desiderabant operam, & ministerium militantis, & ideo personæ coherere dicuntur in *l. 3. §. si quid minori ff. de minor. & huic ministerio non semper hæretes erant idoneus, idcirco loco hæredis minus idonei alius erat subrogandus idoneus: hic autem qui subrogabatur defuncto vice hæ-*

redis, aut liberorum, solvebat hæredi certam pecuniæ summam, quæ vocabatur *casus militia.* Constitutum id in *l. si quis in sacris C. de prox. sacror. scrip.* & consuit ex *l. omnimodò §. ult. C. de inoff. testam. & ex Novell. 97. de aqualit. dot. cap. 4. ibi: Et in hoc fiat pactum, ut casu proveniente prior sit solus, qui ad hoc pecuniam credidit, huic solo casui cedere mulierem.* Casus hic, erat illa pecunia, quam modò dicebamus. Et hoc significat Justinianus in *l. ult. C. de pignor. ibi: Eam tamen, qua vendi, vel ad hæredes sub certa definitione transmitti potest.* Sub certa definitione transmitterebatur, quia si hæredes essent idonei, & vellent militiæ adscribi, ad ipsos pertinebat: si minus, casum, seu certam illam pecuniæ summam percipiebant. Et infra in *ead. l. & post mortem eorum exigere, quod pro ipsa militis pro tenore communis militantium placiti, vel divina sanctionis tale præstavit beneficium, dari solet.* Excipiebatur hîc patronus, quo mortuo, is qui subrogabatur, nihil solvebat liberis defuncti *l. petitionem 13. vers. quando C. de advocat. divers. judicior.*

Duo sunt animadversione digna. Primum, quod hæc pecunia ad liberos primum perveniebat etiam si hæreditatem non adissent, non quidem titulo hæreditatis, sed privilegii, itemque ad uxorem defuncti, postea
 22 verò ad eum creditorem, qui ad emendam militiam pecuniam de lerat, ac denique ad alios creditores, quibus militia erat pignori obligata. *Novell. 53. de exhib. reis cap. 5. Nov. 35. de adjutor. Questor. l. si quis in sacris 11. C. de prox. sacror. scripior.*

Alterum est, quod hæc pecuniæ summa tanta erat, quanta pro introitu danti solebat *l. si quis in sacris 11. junctâ l. uniusque 7. C. de prox. sacror. scripior.* observando quod hæc ad illam refertur. Hæc autem tantæ erat,
 23 quanta vendi poterat militis, *Novell. de adjut. Questor. 35.* Itaque ad hæredes pervenire solebat æstimatio ipsius militiæ, quæ ex casu dicebatur, quia quies substituebatur alius in locum alterius, ille loco cadere dicebatur. *d. Novell. 35.* Itaque casus dice-

batur pecunia, quæ dabatur his, qui loco ceciderant, ea ipsa de causa, quod ceciderant.

His expositis facilius possunt explicari *l. mortuo bove 49. §. 1. in fin. ff. de legat. 2. l. fideicommissa 11. §. si servo ff. de legat. 3.* ex quibus constat, legatâ militiâ videri legatam
24 ejus æstimationem. Nam cùm legatario persolvenda esset æstimatio, si non esset idoneus, aut nollet militare, ut sæpè evenire solebat, æstimatio ipsa legata videbatur. Et idè in *l. Lucius Titius 22. ff. de legat. 2.* accuratus admodum fuit testator, qui militiam legavit, aut pecuniam, quæ ex venditione ejus redigi posset.

Hinc etiam intelligimus cur in *l. libertis §. ab heredibus ff. de alim. legat.* quam explicamus, testator non legaverit libertum militiam, sed voluerit ei militiam comparari. Nam cùm vellet libertum ex militia alimenta suscipere, noluit ei persolvi æstimationem militiæ, sed rogavit Scjum, ut ei militiam emeret, nempe eam, cui esset idoneus, ut indè posset alimenta percipere, in quorum locum ibi militia subrogatur.

Atque ut apertius hoc fit, câ lemque operâ plenam, atque perfectam harum militiarum cognitionem assequamur, adhuc pauca
25 de his subiicienda sunt. His omnibus militibus certum salarium erat constitutum, quod ipsi de publico solvebatur. *Plin. lib. 31. cap. 7. Sal honoribus etiam, militiæque interponitur: salaris indè distis, magna apud Antiquos auctoritate, laborumque requies non alio magis vocabulo constat.* Veteres glossæ *annonam, salarium* interpretantur. Constat enim salarium frumento, vino, oleo, carne, rebasque omnibus, quæ alii homini sunt necessaria. Epistola Valeriani de salario Claudii Tribuni: *Hinc salarium de nostro privato arario dabis annos frumenti modios tria millia. Vini veteris sextarios tria millia quingentos. Olei boni sextarios centum quinquaginta &c.* Alia epist. ejusd. de salario Probi Tribuni: *Hinc dari iubetis in salario diurno tubula pondo, peryæ pondo sex, caprina pondo decem &c.* Et de salario Aureliani: *Sinceritas una sup addito vino efficit,*

quandiu Rome fuerit, panes militares quadraginta: vini mensalis sextarios quadraginta: porcellum dimidium: gallinacos duos &c.

Qui cùm potestate, aut legatione in Provinciis proficiscebantur, salarium hoc accipiebant. *Cicer. in Ferr. lib. 4. in princ. Neminem, qui cum potestate, aut legatione in Provinciam esset profectus, tam amentem fore putarunt, ut emeret argentum; dabatur enim de publico: ut vestem & præbatur enim legibus. Mancipium putaverunt; quo & omnes 26 utimur, & non præbetur à Populo. Sanxerunt ne quis emeret mancipium, nisi in demortui locum.* *Ascon. in Divinat.* eia Ciceronis verba: *frumentum in cellam:* interpretatur frumentum in usus cellæ: hoc est, annonam Prætoris, quæ in frumenti certo numero præbatur à provincialibus. Ex hac annona Prætor salarium solvebat suis Apparitoribus, nec supra eam aliqui à provincialibus exigere poterat. *l. dei operam 3. C. Theod. de offic. judic. omn.* Nec solum Apparitoribus, & Dignitatoribus, sed & cæteris adminiculis cunctarum dignitatum, & iis qui in sacro palatio, & sacris scriniis militabant, annona præstatur. *l. annonas omnes 35. C. Theod. de erogat. milit. ann. l. annonas 15. C. Justin. de erogat. milit. ann. l. scriniis 7. & l. & olim 11. C. Theod. de palatin. Ammian. Marcellin. lib. 12. Evenerat isdem diebus, ut ad demendum Imperatoris capillum sonare venire precepsus, invires quidam ambitiosè vestitus. Quo viso Julianus obstupuit. Ego, inquit, non rationalem jussi, sed tonsorem acciri. Interrogatus tamen ille, quid haberet ex arte compendii: vicenas diurnas, respondit, annonas, totidemque pabula iumentorum, quæ vulgò distillant capita, & annum stipendium grave, absque fructuosis petitionibus multis. Unde motus, omnes hujusmodi cum cocis, similibusque aliis eadem accipere penè consueos, ut parum sibi necessarios, data, quod velint, evendi potestate, projecit. *Lampid. in Alex. Aulicum ministerium in id contraxit, ne essent tot homines in singulis officiis, quot necessitas postularet: ita ut annonas, non dignitates acciperent: fallones, & vestitores, & pistores,**

& pincerna, omnes castrenses ministri, quemadmodum pestis illa infirmerat; sed annonas singulas, vel binas. Et paulò post: *Medicus sub eo unni palatinus salarium accepit, ceteri omnes, qui usque ad sex fuerunt, annonas binas, aut ternas accipiebant, ita ut mundas singulas consequerentur, alias aliter.* Annonas, id est, panes, ut rectè interpretatur doctissimus Salmasius: nam annona in numero singulari significat frumentum, vinum, oleum, carnem, & alias ejusmodi cellarienses species; in numero verò multitudinis significat panes. Et ideo hic opponuntur salarium, & annonæ. Quamquam etiam in numero multitudinis videntur aliquando continere omnes species annonarias, ut in *l. 10. 12. 13. 17. 19. 20. 22. 27. 28. 29. 31. 32. 34. 35. & ult. C. Theodof. de erog. milit. ann.* Antiquarii etiam ad componendos, reparandosque Bibliothecæ Codices Valens Imperator annonas populares caducas jubet impertiri *l. 2. C. Theodof. de Stud. liberal. Urb. Rom. & Magistris liberalium artium, Grammaticos, Oratores, Jurisconsultos, annonas accepisse testatur Cassiod. lib. 9. form. 21. faciunt ad rem quæ idem tradit lib. 6. form. 22. & lib. 12. form. 15.*

Hæc perspicuè scribere, atque enodata diligenter exponere de re obscura, atque difficili, & in vulgus non pervulgata, operæ pretium duximus ad explicationem nostræ legis, in qua de militia agitur liberto comparanda. Nunc ad propositum revertamur: totum illi conclusioni sic licet. Multa concurrunt simul, quæ conjecturam hanc facere possimus, ibi militiam pro alimentis legatam fuisse. Libertis à patrono relinqui solebant alimenta. Militia comparanda erat ex eo tempore, cum amplius non deberet morari cum Sejo. Militia legatis annuis comparatur, cum sit ejus annum stipendium: legata autem annua videntur relicta pro alimentis. Ex militia libertus consequitur salarium, annonam, hoc est, ea quæ ad ipsum alendum requiruntur. Nam licet in *l. annonas 15. C. de erog. milit. ann.* jubeantur adzari annonæ, tamen olim in frumento, vino, oleo, &c. solvebantur, ut probavi-

mus. Dubitandum igitur non est, ibi legato militæ contineri alimenta, & favore alimentorum certam ætatem non facere conditionem. Quod demonstrandum proposuimus.

CAPUT XVIII.

AD L. SED ET SI SUSCEPIT

§ 1. ff. de judic.

SUMMARIUM.

- 1 Legatum ubi præstandum?
- 2 Quantitas certo loco circumscripta vicem gerit certi corporis.
- 3 Legatæ tesseræ frumentariæ videntur legata æstimatio. C. n. 9.
- 4 Frumentum Populo distributum, & qui præstent frumentationem.
- 5 Panis distributio: quæ loci, & quibus fieret?
- 6 Tesseræ frumentariæ quid: & quæ de causa instituta?
- 7 Panis quotidie accipiebatur: frumentum singulis mensibus.
- 8 Tesseræ extraordinariæ quæ, & quando dantur?
- 9 Tesseræ in commercio erant.
- 10 Tesseræ legatum non extinguunt, si quis tesseram consequatur sive lucratur: & quare.
- 11 Tempore Veterum Jurisconsultorum Roma solummodo frumentatio.
- 12 Postea etiam alibi.

Ulpianus in *l. sed & si suscepit §. 1. ff. de judic.* ait: *Si libertis suis tesseræ frumentariæ emi vuleris: quamvis major pars hereditatis in Provincia sit, tamen Roma debere fideicommissum solvi dicendum est, cum apparet id testatorem sensisse ex genere comparationis.* Diximus suprà de miliitiis, nunc aliquid dicendum de tesseris frumentariis, ut & aliis multis Juris nostri legibus, & huic præsertim aliquam lucem afferamus, in qua explicanda nihil omnino viderunt veteres Juris Interpretes, Jurisprudentiæ antesignani.

Cum quæritur ubi præstandum sit legatum, hoc primum constituitur, ibi præstandum esse, ubi testator voluit *l. cum res 47. ff. de leg. 1.* Quod si non constet de voluntate testatoris distinguitur hoc modo. Si lega-

ta sit certa species, veluti certus equus, Sciehus, Aretula; legatum præstandum est ubi sita est illa certa species, nisi dolo hæredis aliò translata sit. *l. quod legatur. 38. in princ. ff. de judic. l. sed & si §. si ea res ff. eod. l. cum res legata 47. in princ. ff. de legat. 1.* Idemque dicendum si legata sit quantitas certo loco circumscripta *d. l. quod legatur. vers. si adjellam ff. de judic. l. cum res §. 1. ff. de legat. 1.* nam quantitas certo loco circumscripta consideratur tamquam certum corpus *l. sed si certus §. 1. ff. de legat. 1. l. plane §. sed si non corpus. cum seq. ff. eod. l. in ratione 30. §. certis ff. ad Leg. Falcid.* Quòd si quantitas legata sit, hoc est, res numero, pondere, mensurave constans, nullo loco circumscripta, aut genus aliquod, præstandum est legatario ubi est hæreditas, vel major ejus pars *d. l. quod legatur 38. junct. l. si fideicommissum 50. ff. de judic. l. cum res 47. §. 1. ff. de legat. 1. l. un. C. ubi fideic. per. oport.*

Legatum tesseræ frumentariæ, magis in quantitate, quam in corpore consistit *l. Titia Sejo. in princ. ff. de legat. 2. & cui tessera legatur, æstimatio legata videtur l. mortuo bove 49. §. 1. ff. de legat. 2.* Itaque hoc legatum videretur præstandum ubi est major pars hereditatis. Contrarium tamen respondit JCtus in nostra lege: ait enim hoc legatum Romæ præstandum, etiamsi major pars hæreditatis sit in Provincia: quia apparet id sensisse testatorem ex genere comparationis. Quorsum hæc pertineant, explicandum est, ne cum veteribus Juris Interpretibus existimemus tesseram frumentariam esse genus vasiss, quod Romæ solum in usu esset.

Institutum Romæ vetus fuit, ut ad infimam Plebem alendam frumentum publico sumptu distribuere, quemadmodum aliàs diximus: quò alludit text. in *l. 2. in princ. ff. de nudin. & in l. 1. §. 1. in fin. ff. de mun. & honor.* Cogitavit aliquando Augustus has publicas frumentationes in perpetuum abolere, quod earum fiducia cultura agrorum cessaret, non tamen perfecit, quia certum habebat, posse per ambitionem quandoque restitui, teste Sueton. in *August. cap. 42.*

Stante adhuc Republicâ ab Ædilibus frumentum distribuebatur. Cæsar duos Ædiles Cereales constituit, qui frumento dividendo præsentent *l. 2. §. capta 32. ff. de Origin. Jur.* Augustus Præfecturam annonæ suscepit, & Duumviros frumenti dividendi creavit, ut refert Dio Cass. lib. 54. & Sueton. in *August. cap. 37.* Præfectus annonæ etiam ante interitum Reip. creatus fuerat, sed non nisi extra ordinem urgente annonæ caritate; quare à Pomponio dicitur, cum non esse Magistratum, sed extra ordinem constitutum in *l. 2. §. & lac omnia 33. ff. de Orig. Jur.* Frequens ejus in Jure nostro mentio, ut in *l. 1. §. sed ex contrario ff. de exercit. action. l. ali. ff. quod cum eo qui in alien. pot. est. l. mulierem ff. de accusat. l. ult. ff. ad Leg. Jul. de annon.* Ejusdem meminit Justinianus in *Novell. 88. de deposit. cap. 2.* Erant & Curatores annonæ *l. Imperatores §. in locum ff. de appellat.* Nisi fortè ibi Curator annonæ dicitur ipse Præfectus annonæ, cum ibi constet unicui fuisse, Curatores autem annonæ videntur fuisse, qui ad cõmendum frumentum, & alias species mittebantur *l. ult. §. cura ff. de mun. & honor. l. Lucius 21. ff. ad municipal. l. ex factis 50. ff. de negot. gest.* Frumentarii verò erant, qui Populo frumentum admetiebantur. Extat illud Lucillii

Frumentarius est, modium hic secum, atque utellum

Unum habes.

Et quia opus hoc plenum laboris erat, idcirco Marcus, & Commodus Imperatores rescripserunt hos à tutelis excusari *l. mensores 26. ff. de excusat.*

Aurelianus Imperator pro frumento panes dividere cepit. Vopisc. in *Aurel. Aurelianus eo tempore, quo proficiscebatur ad bellum Orientale, bilibras coronas Populo promississe, si villor rediret. Et cum aureas Populus speraret, neque Aurelianus aut posset, aut vellet, coronas enim fecisse de panibus, qui nunc siliginet vocantur, & singulis quibusque donasse, ita ut siliginem suam quotidie toto avo suo, & unusquisque reciperet, & posteris suis dimitteret. Nam idem Aurelianus &*

bus, unde à Græcis, & Latinis panis, ac
cibus diurnus appellabatur, & quidem primo
manè: quare à Themistio in d. Orat. 4.
dicuntur matutini tesseras ferre, qui panem
accipiebant. At verò frumentum singulis
mensibus dividebatur, & tessera dabatur.
Sueton. in August. cap. 40. *Ac ne pl. b. frum-*
mentationum causa frequentius à negotiis avo-
caretur, ter in annum quaternum mensium
tesseras dare destinavit, sed desideranti con-
suetudinem veterem concessit rursus, ut sui
quisque mensis acciperet. At Valentinianus,
& Valens Imperatores tesseras sustulerunt,
& constituerunt ut pro tesseri titulus æneus
in gradibus figeretur, in quo nomen percipi-
entis, & panis modus incidetur. l. Cives
Romanos §. in fin. C. Theodof. de annon. civic.
& pan. gradil.

Illud etiam monendum est, hæc tesseras
aut ordinarias fuisse, aut extra ordinem.
Ordinarias appello eas, quæ dabantur illis,
qui in tabulis publicis incisæ erant, & ad-
scripti in numerum accipientium frumentum,
& de quibus hæcenus diximus. Extra ordinem
appello eas, quæ inter missilia à Consulibus,
& Imperatoribus conciebantur in vulgus.
Sueton. in Neron. cap. 11. *Sparsa & Populo*
missilia omnium rerum per omnes dies: singula
quotidiè millia avium cujusque generis, mul-
tiplex pennæ, tessera frumentaria, vestis, an-
rum, argentum, gemma, margarita, tabu-
la pille, mancipia, jumenta, atque etiam
mansueta fera, novissimè naves, insula, agri.
Immanis hæc Neronis prodigientia. Sparge-
bant & Consules missilia in vulgus §. hoc ampli-
us Inst. tit. de rer. divis. l. qua ratione §.
hoc amplius ff. de acquir. rer. dom. l. nec emp-
tio §. aliquando ff. de contr. empti. & in his
tesseras omnis generis. Sustulit hanc sparsio-
nem Marcianus Imperator in l. 2. C. de Con-
sul. Restituit eam Justinian. Nov. 105. de
Consul. cap. 2. Sustulit eam Leo Imperator
Novell. 94. Constantinus Magnus in suo
Consulatu tesseras projecit, quibus Populo
diurnos panes per singulos annos, & vinum,
& oleum, & carnem largitus est, quibus
multis annis Populo frui datum est, teste Co-
dino, & Suida. Aliquando etiam Impera-

tores congiarii nomine frumentum Populo
dividebant. Sueton. in Cesar. cap. 38. *Populo*
præter frumenti denos modios, ac totidem olei
libras, trecentos quoque nummos, quos polli-
citus olim, viritum divisi, & hoc amplius
centenos pro mora. 11. in August. cap. 41.
Frumentum quoque in annonæ difficultate sæpè
levissimo, interdum nullo pretio viritum ad-
mensus est, tesserasque nummarias duplicavit;
fortasse, frumentarias.

Tessera frumentariæ vendi poterant, ut
testatur Juvenalis illo versu:

Summula ne pereat, qua vilis tessera venit
Frumenti.

Et annonas vendi potuisse constat ex l. hæc
edictali §. illud C. de sec. nupt. ex l. 1. C. de
annon. civil. Itaque in nostra l. sed & si sus-
cepit §. 2. §. 1. ff. de judic. testator libercis
suis tesseram frumentariam emi voluit. Quo-
niam verò in tessera non consideratur orbi-
culus ille ligneus, cujus nullus est valor, si
ex se consideretur; sed frumentum, quod
tessera illà consequi possumus, seu æstimatio
ejus, idcirco tessera hæcidei commissum non tam
in corpore, quàm in quantitate consistit l.
Titia Sejo §. 7. in princ. ff. de leg. 2. & tessera
legatà, ejus æstimatio videtur legata l. mor-
tuo bove 49. §. 1. ff. eod. tit. Quamobrem li-
cèt legatum extinguatur, quoties legatarius
ex causa lucrativa rem legatam consequitur
§. si res aliena Inst. tit. de legat. l. nudi §. 1.
ff. de legat. 3. l. si servus 108. §. Stichum 4.
ff. de legat. 1. l. omnes 17. ff. de oblig. & act.
hoc tamen legatum non extinguatur, si le-
gatarius tesseram frumentariam ex causa lu-
crativa habere cœperit l. Titia Sejo §. 7.
in princ. ff. de legat. 2. Est enim diversa ratio
speciei, & quantitatis. Species certa est, &
semel tantum præstari potest, & iniquum est
eam nec petere, quam sine ullo tuo incom-
modo jam obtinuisti. Quantitas totum ge-
nus comprehendit, & bis præstari potest,
& petitur alia quantitas, non ea, quam quis
est consecutus l. planè §. 34. §. sed si non cor-
pus ff. de legat. 1. l. Mevius ff. de legat. 2.
Itaque rectè concurrunt duæ causæ lucrativæ.

quia non concurrunt in eandem rem: non est enim corpus idem, non eadem species, licet sit eadem quantitas.

Superest ut explicemus cur hoc legatum sit Romæ præstandum. Legatum præstandum est ubi testator voluit *l. cum res* 47. ff. de legat. 1. vel ubi verisimile est eum voluisse *d. l. cum res*. Qui legat tessera frumentariam, vult Romæ præstari legatum. Apparet id sensisse testatorem ex genere comparationis *d. l. sed & si suscepit §. 1. ff. de judic.* Quid ita? Quia tessera frumentaria Romæ solummodò comparari potest, quia Romæ solummodò frumentatio. Rectè Appian. τὸ ἀντικεινὸν τῷ μέτρῳ τῆς Πάσης αἰτίας τῆς ἀπορίας, *frumenti distributio solum Romæ pauperibus fiebat*. Non ignoro Trajanum multa largitum fuisse ad alendos liberos etiam in Italia. Refert enim Dio eum multa gratificatum fuisse Civitatibus in Italia ad liberorum educationem. Et Spartianus memorie prodidit Julianum alimentorum curam in Italia meruisse. Et Capitolin. in *Persin*. Post in *Mafia* rexit alam, deinde alimentis dividendis in *vias Æmilia* procuravit. Sed hæc in Italia præstabantur, non in Provinciis, & puerorum alendorum gratiâ, quod etiam postea est à Constantino, qui parentibus egenis ad filios alendos ubique publica alimenta præstari iussit *l. 1. & 2. C. Theod. de aliment. qua inop. parent.*

Hæc autem obtinebant tempore veterum Jurisconsultorum. Etenim Constantinus edificatâ Constantinopoli frumentationem ibi instituit, & ad Urbem amplificandam ædibus annonas assignavit, quæ ædes sequebantur *l. 1. l. annonas 11. l. si quæ spectantur, 12. cum seqq. C. Theodof. de annon. civic. & pane gradil.* Præterea in suo Consûlato tesseras sparsit, ut suprà diximus. Et de annonis, quæ hominibus debebantur, agitur in *l. 8. C. Theod. de annon. civic.* Itaque Socrates refert Constantinum Constantinopoli ætroginta millia modiorum quotidie distribuissè, quæ Constantinus ejus filius ad quadraginta millia redegit, iratus propter Hermogenis necem Socrat. *lib. 1. hist.* Immensa profecto summa frumenti, nisi eam de paubus

interpretari malimus: non tamen id est incredibile, cum paulò minor summa referatur ab Alio Spartiano in *vita Severi*. *Moriens septem annorum canonem, ita ut quoridiana septuaginta quinque millia modiorum expendi possent, reliquit.* Idem Constantinus Alexandria etiam frumentationem instituit, ut refert Id. Socrat. Et Julianus frumenti modum assignavit Antiochenis, ut ipse testatur in *Misopog.* Omitto, quod Puteolanis quæque ad alendos pauperes annua centum, & quinquaginta millia modiorum erant assignata. Itaque his temporibus ex genere comparationis non potuissent apparere, testatorem voluisse legatum tessera Romæ præstari, quemadmodum constabat tempore Ulpiani Jurisconsulti ex *d. l. sed & si §. 1. ff. de judic.*

CAPUT XIX:

AD L. PATRONUS 35. in princ.
ff. de legat. 3.

SUMMARIUM.

- 1 Quid sit amera tribus?
- 2 Tribus, & tribulus quis?
- 3 Cur tesores homines tribus nomine vocentur?
- 4 Tribus nomen quomodo accipitur: & quomodo hic accipiendum.
- 5 Cur Patroni libertis tribus compararent.
- 6 Quæ essent emenda tribus.
- 7 Quæ Principum liberalitates. Congiarium Populi datum.
- 8 Legata Principum.
- 9 Eorundem donationes.
- 10 Clarissimi sunt Senatores.
- 11 Quando legatum dicitur quod quis capere non potest.
- 12 Legatâ tribu videtur legata affirmatio: & quare?

Alia semper ex aliis occurrunt. Dictum de tessera frumentariis: dicendum aliqui de tribu, ad explicationem *l. patronus 35. in princ. ff. de legat. 3.* in qua exponenda meras rugas garrant Veteres Interpretes, non quidem iudicâ, sed sæculi culpâ. Quis enim eorum scietiam, aique doctrinam assiqui se posse confidat? Verba legis

hæc sunt : Patronus liberis statim tribum emi petierat. Libertus diu moram ab hærede patroni p[er] se est, & decedens hæredem reliquit clarissimum Virum. Quesitum est, an tribus æstimatio hæredi ejus debeatur. Respondit, deberi. Idem quæsit, an & commoda, & principales liberalitates, quas libertus ex eadem tribu usque in diem mortis sua consecutus fuisset, si ei ea tribus secundum voluntatem patroni sui tunc comparata esset ; an verò usu æ estimationis hæredi ejus debeantur. Respondi, quicquid ipse consecutus esset, id ad hæredem suum transmitti. Tria hic explicanda. Quid sit tribum emere : quæ sint commoda, & principales liberalitates : cur proponatur institutus Vir clarissimus.

A primo ordiamur. Tribus empras fuisse, quantum ordinem, apud Latinos Auctores nusquam legi. Itaque quod potui conjecturâ consequi, id exponam, & opinionem meam Doctorem judicio subjiciam, non ut eos in meum sententiam traham, sed ut incitem ad indagandam veritatem. Existimo igitur emere tribum eadem significatione dici, quâ emere decuriam dixit Cicero, 3. in Verrem. Verba Ciceronis sunt : *Ad eos me scribas revoca. Noli hos colligere, qui nummulis corollariis cum decuriam emerunt, ex primo ordine explosorum, in secundum ordinem Civitatis se venisse dicunt.* Primus ordo explosorum, tribus ; secundus ordo Civitatis, decuriæ scribarum. Sueton. in August. cap. 57. *Veterani, decuriæ, tribus, atque etiam singulatim è cætero genere hominum libentes, ac pro facultate quisque pecunias contulerunt.* Tacit. lib. 13. *Annal. Hinc plerumque tribus, decurias, ministeria Magistratibus, &c.* Loquitur autem de libertinis. Erant enim scribæ in decurias divisi. Sueton. in Claud. cap. 1. *Corpus ejus per Municipiorum, Coloniarumque Primores, suscipientibus obviis scribarum decuriis, ad Urbem deductum.* De his decuriis mentio fit in l. mortuo ff. de fidejuss. in l. 2. §. à municipibus ff. de honor. poss. in l. si quis mihi 29. §. 1. ff. de acquir. vel om. hæred. Quemadmodum igitur decuriam emere dicebantur,

qui pretio adscribebantur decuriis scribarum : ita tribum emere dicebantur ; qui pretio adscribebantur tribubus ; hoc est, recenscebantur inter Cives frumentum de publico accipientes, & inferbantur numero Civium, quibus publica alimenta ministrabantur.

Tribus nomen etsi ad omnes pertineret, sæpè tamen ad demonstrandam infimam Plebem, & eos, qui publicâ liberalitate sustentabantur, Veteres usurpabant, & à Populo distinguebant. Sueton. in August. cap. 101. *Legavit Populo Rom. quadringentes, tribubus trices quingies II. S.* Non ignoro Lipsium in Elect. cap. 12. lib. 1. emendare tribubus. Sed necesse non est : nam & Plin in panegy. distinguit. *Nisi verò leviter attingi placeat locupletas tribus, datumque congiarium Populo.* Martial. lib. 8. ep. 15.

*Dat Populus, dat gravis Eques, dat thura
Senatus,
Et libant Latæ tertia dona tribus.*

Claudian. in vi. Consul. Honor.

— tecum prælargi vocavis.
Ditandas ad dona tribus.

Plin. in Panegy. de pueris frumentationi adscriptis. *Ex his castra, ex his tribus replebuntur, ex his quandoque nescientur, quibus alimentis opus non sit.* Alcon. in Milon. de Milone Consulatum petente : *Apertè quoque tributum in singulos millia assium dedit.* Hinc sæpè dicuntur tribules pauperes homines. Horat.

Ut cum pileolo soleas conviva tribulis.

Martial. lib. 9. ep. 50. de toga lacera, ac detrita :

*Nunc anus, & tremulo vix accipienda
tribuli.*

Et alibi :

Nec pallens toga mortui tribulis.

Qua de causa id sæclum existimem, paucis aperiam. Erant tribus urbane, erant & tribus rusticæ. Urbane tribus erant Suburana,

Elquilina, Collina, Palatina. Urbanae tribus per excellentiam tribus appellabantur: tum quia erant partes ipsius Urbis, rusticae verò partes agri Romani: tum quia initio nobiliores erant, & in illis adscripti, qui Urbem incolerant. Cum autem postea nobiles homines in tribus rusticis transcriberentur, & Fabius Censor omnem forensis turbam excretam in quatuor tribus urbanas coniecisset, cepit ignominiae, ac probro esse in his tribubus censeretur: in his enim solummodò humiles homines, ac pauperes, & libertini censebantur, ut constat ex historia Romana. Quo factum, ut tribus nomine id genus hominum saepe significaretur: maxime quia haec turba dicebatur *sine nomine*. Eleganter Manil. *Astron. lib. 5. sub finem*: Populum Romanum dividens primum nominat Patres, secundò Equestrem Ordinem, tertio Populum: atque his addit vulgus iners, & sine nomine turbam, quae idè generali nomine tribus appellabatur. Quare etiam Plebs, aut Plebs urbana appellabatur, licet Plebis nomen omnes comprehenderet praeter Patritios, & Senatores. Saepe eam sic appellat Cicero, veluti pro *Milon. & in Rull. & Sallustius in conjurat.* & saepissime Tacitus.

Cetera prosequamur. Appositè Gellius nos monet *lib. 18. cap. 7.* tribum, & pro loco, & pro jure, & pro hominibus dici. Pro jure certe accipitur in nostra lege, quam explicamus. Et quod jus erat tempore Scævole Jurisconsulti, quo tempore Populus suffragium amplius non ferebat: nullum certe aliud, quam percipiendi publica alimenta, & commoda, & Principum liberalitates, ut indicat in *d. l. Jurisconsultus*. Itaque sic concludi licet. Tribus nomen præcipue conveniebat tenui, atque humili turbae, quae publicâ liberalitate pasciebatur. Tribus nomen significat jus illud, quod in tribus descripti obtinebant. Nullum ferè aliud jus tribuum erat eo tempore, quàm percipiendi publica alimenta. Ergò tribum emere significat inseri numero Civium, qui publica liberalitate fruebantur: seu emere jus illud percipiendi publica emolumenta.

Neque enim omnes Cives haec percipiebant, sed illi solum, qui in tabulis publicis incisi erant.

Curabant autem Patroni, ut liberti sui hoc jus consequerentur, vel ut ipsi perciperent emolumentum, vel ut liberti alimenta. Tacit. *lib. 13. Annal. de libertinis. Quippe late fustum id corpus: hinc plerumque tribus, decurias, ministeria Magistratibus, & Sacerdotibus, cohortes etiam in Urbe conscriptas*. Itaque notat Dionys. Halicarn. *lib. 4.* multos hac de causa manumissos fuisse, ut frumentum mensuram publicè distributum, & Principum liberalitates consequerentur, idque totum patroni lucrarentur. Et Sueton. in *August. cap. 41.* *Cum proposito congiario multos manumissos, inter seque Civium numero comperisset, negavit acceptuiros, quibus promissum non esset*. Observa, non solum manumissos, sed etiam insertos Civium numero: eorum scilicet, qui congiarium erant accepturi. Antoninus autem Philosophus etiam pueros, & puellas libertinorum inseruit. Sic enim interpretor verba Capitol. in *ejus vita*: *Ob hanc conjunctionem pueros, & puellas novorum hominum frumentaria perceptioni adscribi praeceperunt*. Novos homines eleganter appellat libertinos: nam antequam manumitterentur homines non erant: certè tamquam homines non considerabantur cum servi essent, qui pro nullis habentur: *quod attinet ff. de Reg. Jur. l. 1. ff. de jure deliber. l. nullo 7. ff. ad Leg. Corn. de fals. l. intercidit 59. in fin. ff. de cond. & dem.* Antea Trajanus pueros frumentariae perceptioni adscribi jusserat, sed solum purioris sanguinis, & ex quibus aliquando nasci possent, qui alimentis non indigerent, ut refert Plinius. Antoninus autem etiam pueros, & puellas libertinorum adscribi jussit. Non ignoro magnam esse inter Doctissimos Homines disensionem, & à plerisque hunc locum emendari, idè meam sententiam exposui. Ad rem redeo. Libertinos accepisse frumentum ostendit illud Persii:

Libertate opus est, non hac, ut quisque Volina

Publii emeritis, scabiosum tessera far Possidet.

Non ante tamen accipiebant, quàm in aliquam tribum relati essent. Quare non sine causa Persius addidit *Velina*, quod est nomen tribus; & eadem de causa patronus in nostra lege tribum liberto comparari jubet.

Veniamus jam ad id, quod secundo loco proposuimus explicandum. Cummoda tribus erant frumentum, oleum, caro, quæ ex publica liberalitate percipiebant infima Plebs, ut exposuimus capite superiore.

Inter Principum liberalitates primum recensere congiarium, quod frequenter à Principibus Populo dabatur. Sueton. in *Cesar. Cap. 38. Populo præter frumenti denos modios, ac totidem olei libras, trecentos quoque nummos, quos pollicitus olim, divisi: & hoc amplius, centenos pro mora. Id. in Aug. cap. 41. Congiaria Populo frequenter dedit, sed diversa sæpe summa: modo quadringenos, modo vicenos, nonnumquam ducentos, quinquagenosque nummos. Spartian. in *Hadrian. Ad comprimentam de se famam congiarium duplex præfens: Populo dedit: ternis jam per singulos aureis se absente divisit. Lamprid. in Alex. Sever. Congiarium Populo ter dedit: donatum militibus ter: cornem Populo addidit. De eodem testatur Dio, eum, cum decennalia imperii celebraret, prætorianis militibus, & Populo, frumentum accipienti, decem aureos viritum divisisse. Lamprid. in *Cummod. Congiarium dedit Populo, singulis denarios septingenos vicenos quinos. Hæc exempli causâ decerpimus, sed his plena est Historia.***

Secundo recensere legata Principum. Sueton. in *Ces. cap. 83. Populo hortos circa Tiberim publice, & viritum trecentos sesterrios legavit. Id. in Aug. cap. 101. Legavit Populo Rom. quadringentes, tribus viricis quinquies H. S. Id. in *Tiber. cap. ult. Dedit & legata plerisque, inter quos Virginibus Vestalibus, ac militibus universis, Plebique Romæ viritum, atque separatim vicorum Magistris.**

Denique erant & quædam donationes extra ordinem. Suet. in *Aug. cap. 40. Comitiorum quoque prælium jus reduxit, ac multiplici penâ coercito ambius Fabianus, & Scaptiensibus, irritulis suis, die comitiorum, ne quid à quoquam candidato desiderarent, singula millia nummum à se dividebat.*

Supereft id, quod tertio loco proposuimus. Puto J. C. declarasse à liberto institutum clarissimum Virum, quia hoc poterat alicui contrarium suadere. Clarissimi Viri erant Senatores, ut constat ex historicis, & ex l. 1. §. *sed Senatores C. de his qui ven. ar. imper. ex l. famina ff. de Senator. ex l. n. C. de Equestr. dign. lib. 12.* Senatori tribus comparari non potest: itaque videbatur intercidisse legatum argum. text. in l. *mortuo bove §. Labeo ff. de legat. 2. l. multum inereit 34. ff. de V. O. l. cum servus 39. §. ult. ff. de legat. 1.* Nihilominus respondit Scævola deberi æstimationem tribus. Dux autem sunt rationes. Prima, quia licet Senator tribum consequi non possit, aut nolit, tamen est in ejus commercio, eamque solum capere non potest propter suam conditionem, quo casu debetur æstimatio l. *filiusfam. 114. §. si quid alicui ff. de leg. 1. l. sed si res aliena 40. ff. de legat. 1.* Alia ratio est, quia ex iis, quæ diximus, 1^æ legatum tribus simile est legato militiæ, vel tessere frumentariæ. Atqui his legatis æstimatio continetur l. *mortuo bove 49. §. 1. ff. de legat. 2.* & etiam si incapaci relicta sint, 12^æ tamen legatum sustinetur l. *fideicommissa 11. §. si servo ff. de legat. 3.*

CAPUT XX.

AD L. IN ILLA STIPULATIONE. 8. ff. de Verb. obligat.

SUMMARIUM.

- 1^o Dies adjectus conditioni an differat executionem?
- 2^o Conditionum quos genera, & quod earum discretum.

HN iii)

- 3 *Dies adjectus conditioni promiscua differt solutionem.*
- 4 *In stipulatione facti nihil peti potest ante diem adjectum : nec ante committitur stipulatio.*
- 5 *Afferitur ratio.*
6. 7 *Exponitur text. in l. si in lege 24. §. si domus, & in l. dominus ff. loc.*
- 8 *Cum in locatione exigi possit pensio totius temporis, etiam ante lapsum temporis, si conditor re amplius uti nolit.*
- 9 *Exponitur l. 2. §. qui ita stipulatur ff. de eo quod certo loc.*
- 10 *Exponitur l. si in lege 24. §. colonus ff. loc.*
- 11 *Locatur statim tenetur si non patiatur sui conductorem.*
- 12 *Exponitur l. si ita fuerit 41. §. si ff. de man. test.*
- 13 *Exponitur l. si quis hæres 72. ff. de acquir. vel o. n. hæred.*
- 14 *Exponitur text. in l. cum stipulatus 113. & in l. ita stipulatus 115. §. 1. ff. de V. O.*
Pæni quando committi dicuntur?

Diximus de die, qui adjectus dispositioni ad differendam solutionem. Dicendum est modo de die, qui adjectus conditioni. Dies conditioni adjectus, cum præscribitur certum tempus, quo existere debeat conditio adjecta dispositioni. Ut puta : *lego Titio centum, si intra biennium navis ab Asia venerit. Si Calendis Stichum non dederis, decem dare spondis?* Diem adjectum dispositioni differre actionem non dubitatur, ut aliàs diximus l. si in annos 49. ff. de cond. & dem. l. si dies ff. quan. di. leg. ced. §. omnis l. sit. tit. de V. O. l. qui hoc anno 42. ff. eod. Potest igitur dubitari an etiam dies adjectus conditioni differat executionem, & solutionem : hoc est, an, si conditio ante diem existat, statim peti possit id, quod debetur, an verò dies nihilominus sit expectandus. Finge navem venire ex Asia ante biennium : queritur an statim peti possint centum, an post lapsum biennii. Finge Stichum ante Calendas mortuum esse : queritur an statim peti possint decem, an Calendæ sint expectandæ. Hac de re agitur in l. in illa 8. & in l. hoc jure 19. ff. de verb. obl. Utramque explicare constituimus.

Interpretēs nostri statuunt tria esse genera conditionum, casuales, potestativas, & mixtas. Paulus in l. si jam facta 11. §. 1. ff. de cond. & dem. duo genera recenset : pro-

miscuas, & non promiscuas. Promiscuæ sunt, 2 quæ à Nostreis potestativæ appellantur, quasi obviæ, & quæ passim, & faciliè possunt impleri ; non promiscuæ sunt casuales, & mixtæ, quas omnes Veteres uno genero comprehendebant, quia omnes in casum collatæ sunt. Si conditio sit promiscua, hoc est in potestate, impletâ conditione ante diem nihilominus dies est expectandus l. in illa stipulatione 8. §. de V. O. si non sit promiscua, hoc est, in casu consistat, impletâ conditione dies non est expectandus l. hoc jure 10. ff. de V. O.

Dicamus primum de conditione promiscua. Etiam si ante diem impleatur hæc conditio, tamen nihil ante diem peti posse constat ex nostra l. in illa stipulatione 8. de V. O. Ibi quidam promiserat se daturum decem, si Calendis Stichum non dedisset. Stichus ante Calendas mortuus est. Constat 3 promissorem non daturum Stichum Calendis : & tamen ante Calendas nihil peti potest. Nam licet quoddam conditionem committi videatur stipulatio statim à morte Stich. l. ita stipulatus 115. §. 1. ff. eod. superest tamen dies, qui omnino est expectandus.

Confirmatur hæc sententia in l. insulam ff. eod. tit. Quidam promiserat se ædificaturum insulam intra biennium. Quamvis teneatur in id, quod interest, si non ædificaverit. l. si pœnam 18. l. stipulationes non dividuntur 72. in princ. vers. Celsus. l. si quis stipulatus 112. §. ult. l. si fundum 114. ff. de verb. oblig. l. 1. ff. de alion. empt. l. si quis ab alio 13. in princ. ff. de re judic. Tamen ante 4 biennium nihil peti potest, quamvis tantum residui temporis superis, quo certum sit ædificium amplius ædificari non posse.

Item in l. si eum §. 1. ff. si quis cautio, ibi : *Homo sibi promi. n. ante diem dolo promissoris petiit : certo jure nimir, non ante pœnam peti posse, quam dies venerit : tota enim stipulatio in diem collata videtur.*

Item in l. item queritur 13. §. si lege ff. locat. ibi : *Si lege operis locandi comprehensum esset, ut, si ad diem effectum non esset, vel o. cara liceret : non ante velocari id potest, quam dies efficiendi præterisset.*

Possent etiam confirmari ex *l. stipulationes* 72. §. 1. ff. de verb. oblig. sed ibi adjecta erat particula *tum*, quæ temporis executionem significat *l. 4. §. 1. ff. de condit. & demonst.*

Ratio autem ea est, quod tota obligatio sub conditione, & in diem collata est, & impletâ conditione dies tamen superest *l. in illa 8. ff. de verb. oblig.* Nam cum creditor voluerit debitori tempus concedere, ut possit parere conditioni, eidem voluit concedere idem tempus ad solvendum: itaque dies non solum respicit conditionem, sed etiam solutionem. Ut puta, in hac stipulatione: *si Calendis Stichum non dederis, decem dabis?* creditor, qui largitur debitori tempus ad dandum Stichum, multò magis idem tempus largitur ad danda decem: noluit enim dari decem dato Stichò, Stichum autem Calendis dari voluit: ergò iisdem Calendis voluit dari decem.

Mulæ tamen sunt leges, quibus contrarium videtur posse suaderi. Primum, in *l. si in lege 24. §. si domus ff. locat.* & in *l. 6. dominus 55. §. 2. ff. eod.* traditum est, cum, qui conduxit domum, vel fundum in quinquennium, si ante quinquennium deferuerit habitationem, vel cultum, statim conveniri posse, ut solvat pensiones totius quinquennii. Ergò tempus non est expectandum. Neque responderi potest cum Bartolo, hoc constitutum esse in contractibus bonæ fidei. Etenim etiam in *l. item quaritur ff. locat.* quam pro alia sententiâ suprâ adduximus, agitur de contractu bonæ fidei, imò de eadem locatione, & tamen tempus expectatur.

Secundò, in *l. si ita fuerit 41. §. sed si ff. de manum. testum.* servo legata erat libertas hoc modo: *Si heredi meo mille nummos anno, biennio, triennio solverit, postquam ero mortuus, liber esto.* Servus statim solvit mille nummos, statim liber est, non expectato triennii lapsu.

Tertiò, in *l. si quis heres 72. de acquir. vel omitt. her.* testator heredi præceperat, ut intra certum tempus adiret hæreditatem, & si non adisset, alium ei substituerat,

Hæres ante tempus illud præscriptum decussit non aditâ hereditate. Respondum est, substitutum non debere expectare ultimum diem aditionis heredi præscriptum; seu statim adire posse.

Denique, in *l. cum stipulatus 113. & in l. ita stipulatus 115. §. 1. ff. de V. O.* quidam stipulatus fuerat sibi penam, si opus arbitratus suo ante Calendas perfectum non fuisset. Statim ac constat ante Calendas opus amplius perfici non posse, pœna committitur. Sed pœna, & stipulatio committi dicitur, cum fieri potest *l. ad diem 77. ff. de V. O. l. Juræ Civili 24. in fin. ff. de cond. & demonst.*

Ad primum respondetur, in ea *l.* non agi de die adjecto conditioni; sed de die adjecto solutioni, seu potius de die, qui tacite inest ex natura obligationis. Etenim eum merces sit quasi pretium usus, & solvatur ad compensandum rei usum, ex natura merecedis est, ut post usum solvatur. Itaque solutioni mercedis tacite inest ille dies, postquam conductor usus fuerit re conductâ. Igitur hic dies non conditioni adjectus est, sed solutioni mercedis, quapropter ad rem nostram non pertinet. Imò animadvertendum est, quod in hoc contractu nulla adest conditio, saltem promiscua. Nam si qua conditio inest in contractu locationis, ea est: si locator passus fuerit conductorem uti re conductâ. Videtur enim deberi merces à conductore hac conditione, si locator eum uti patiatur. Nam si locator eum expellat, non solum ipse nihil debet, sed obligatur ipsi locator quanti ejus interest *l. si in lege 24. §. colonus ff. de locat.* At hæc conditio non est promiscua; fortuita est quoad conductorem, neque enim in ejus potestate est eam implere, sed in potestate locatoris. Ex quibus eò magis apparet diem non esse adjectum conditioni: nam dies respicit personam conductoris, qui non nisi præscripto die cogi potest ad solvendam mercedem, conditio verò respicit personam locatoris, à quo est implenda.

Sed, inquit aliquis, si dies adjectus esset solutioni, non conditioni, utique esset

expectandus : nam quod in diem debetur , ante diem non rectè petitur *l. si in annos 49. ff. de cond. & dem. l. si dies ff. quando di. leg. ced. l. qui hoc anno 42. ff. de verb. obl. §. omnis Inst. tit. eod.*

Respondetur , quòd cùm dies insit ex natura ipsius mercedis , quæ solvenda est ad pensandum rei usum , qui usus requirit certum tempus , hoc tempus amplius non est expectandum , cùm conductor amplius re uti nolit. Et locator id , quod exigit , non petit tamquam mercedem usus , sed potius ratione ejus quod suà interest *l. dominus 55. in fin. ff. locat.* Itaque sublata causâ dilationis , nulla causa superest cur impediatur locator statim petere id , quod suà interest , argum. text. in *l. cum tale §. Maria ff. de condit. & demonstr.* ubi legatum erat Mariæ , si non nupserit , cùm morietur : quoniam detrahitur conditio illa , si non nupserit. *l. quoties 12. l. sed si hoc 62. §. ult. & l. seq. l. Titio 71. §. 1. ff. de condit. & demonstr.* idèò detrahitur conditio , cujus causâ fuerat adjectus dies mortis , detrahitur etiam dies mortis , & legatum statim præstandum est.

At potest opponi , quòd adjecto loco , quò solvi pecunia debeat , inest stipulationi dies , quo possit debitor in locum adjectum pervenire *l. interdum ff. de verb. oblig. §. loca Inst. tit. eod. l. 2. aliàs l. 3. §. qui ita stipulatur ff. de eo quòd certo loc.* Atque adcò dies inest ex natura loci adjecti : ut si quis Romæ stipuletur , hodiè tibi dari Carthagine , inutilis sit stipulatio *d. l. 2. §. qui ita stipulatur.* Ac locus quidem mutari potest , nam qui certo loco se daturum promissit , potest etiam alio loco conveniri *l. 1. ff. eod.* Itaque si Romæ conveniatur , qui Romæ promittit , tollitur omnis causa dilationis : quid enim causæ est , cur expectemus tempus , quo possit Carthaginem pervenire , si Romæ solvere debet ? Et tamen in *d. l. 2. §. qui ita.* generaliter traditum est , diem expectandum esse. Ergò etiam sublata causâ propter quam dies inest , nihilominus dies est expectandus.

Respondetur , quod idèò in hac specie dies est expectandus , quia causa cui cohæ-

ret dies , non ante tolli potest , quàm dies præterierit : quia non debet reo adimi facultas solvendi Carthagine , quam facultatem stipulando sibi quæsit *l. verò §. alia ff. de solut.* Transacto autem tempore , quo potuit solvere Carthagine , si eà facultate usus non sit , creditori à lege conceditur ut alio loco possit debitorem convenire , ne aliquin sit in potestate debitoris actionem evitare , & eludere creditorem numquam eundo Carthaginem *l. 1. ff. de eo quòd certo loc.* Hanc autem facultatem conveniendi debitorem alio loco , cùm lex concedat ex necessitate , solum concedit urgente illà necessitate : atqui nulla urget necessitas ante diem , neque enim creditor queri potest de dilatione , cùm ipse sibi hanc legem imposuerit in contrahendo. Quare cùm locus mutari non possit ante diem transactum , nec ipse detrahitur.

Sed ut cò revertamur unde discelsimus. Quod diximus , de conditione quæ inest obligationi solvendæ mercedis , eam non esse promiscuam , sed fortuitam , quia pendet à potestate locatoris , non conductoris , nodum solvere non videtur. Etenim in *d. l. si in lege 24. §. colonus ff. locat.* aliud exemplum proponitur , cui non convenit hæc responsio. Locator ante quinquennium expulit colonum : colonus totius quinquennii nomine rectè ager , statim ac fuerit expulsus. Tenetur locator colono , sub conditione : *si ipsum expulerit.* hæc conditio promiscua est , hoc est , in potestate ipsius locatoris , qui impletâ conditione futurus est debitor & tamen lapsus quinquennii non expectatur.

Verissimum igitur , hanc conditionem esse in potestate debitoris , sed idèò dies non expectatur , quia nullus dies est adjectus , aut tacitè inest. Nam locator se obligat , si non pariatu conductorum frui te conductâ , nec ullus est dies qui possit expectari , & in quem solutio differri possit : nam conveniri potest statim , ac fecerit contra legem locationis ; & cùm præstare teneatur frui conductori , statim ac id non præstat , conveniri potest , etiam si nulla ejus culpa intercesserit *l. si sibi alienam 7. cum duob. ll. segg. l. ex conducto*

15. in princ. & in §. 1. l. si fundus. 33. ff. locat. In mercede autem idem dies inest, quia aut adjicitur à contrahentibus, aut solvenda est post usum, atque operam.

Ad secundum respondeo, duabus de causis triennii lapsum non esse expectandum. Prima traditur in ipsa l. si ita fuerit 41. §. sed si ff. de manum. testam. ibi: *Compensanda etenim est heredi celeritas libertatis promissionis pecuniarum solutioni.* Equum igitur non est heredem & servo uti, & pecunià à servo solutà, contra voluntatem testatoris, qui voluit servum solutà totà summà ad libertatem pervenire. Eadem confirmatur in l. statuliberis 3. §. quid si servus 14. ff. de statulib. ibi: *Benignius est cum in libertatem pervenire, cum utriusque providentia infertur, & servi, quatenus maturius in libertatem perveniat, & heredis, quatenus dilatione interempta, illico accipias, quod post tempus consequi poterit.* Altera causa indicatur in hac eadem lege: nempe favor libertatis. Observandum est verbum illud *benignius*, quod ad favorem libertatis referri videtur: nam favor libertatis benigniores sententias exprimit l. penales 32. §. ult. ff. ad Leg. Falcid. & benignius receptum dicitur, quod favore libertatis est constitutum l. 4. §. ergo ff. de manumission. l. si statim libera 6. §. plane ff. de statulib. l. 2. C. de necessar. serv. Posset etiam dici diem in ea lege additum fuisse favore legatarii, & summam in plures pensiones divisam ejus exonerandi causà l. si cum praesentatione 20. ff. quand. dies leg. ced. ac propterea à servo posse etiam ante diem solvi l. Jabolenus 15. ff. de annis legat. l. stipulatio ista 38. §. inter 16. ff. de V. O. cum similibus. Ne autem hæres fruatur simul & pecunià, & servo, benignius receptum esse servum liberum statim fieri: videlicet ex benigna interpretatione voluntatis testatoris, qui si putasset servum statim posse solvere integram summam, non distulisset libertatem in triennium.

Ad tertium respondeo, diem non esse expectandum, quia ab hæredis institutione dies

detrahitur, etiam si nominatim fuerit adjectus §. hæres Inst. tit. de hered. inst. l. hereditas ff. cod. tit. Præterea substitutio facta erat sub conditione, si intra certum tempus hæres non adisset hereditatem. Hæc conditio quoad substitutum fortuita est, pender enim à facto alterius l. si quis instituitur. §. item si ff. de hered. instit. quoad heredem promiscua est, pender enim ab ejus potestate: sed hæres non est debitor hereditatis nec substituta us accipit hereditatem ab hærede, sed à defuncto. Itaque cum in hac specie nemo sit debitor, cessat ratio, cur dies sit expectandus, neque enim videri potest dies adjectus, ut concedatur debitori tempus ad solvendum, quod tributum erat ad implendam conditionem.

Ad ultimum responderetur; quod ibi poena commissa dicitur, non quia statim peti possit, sed quia jam constat promissorem in poenam incidisse. Neque enim ibi queritur quando poena peti possit; sed an promissor 14 in poenam incidit, etiam si à stipulatore tempus ei sit prorogatum. Sic & in l. 14 illa 8. ff. de verb. oblig. stipulatio ad conditionem committi dicitur, licet dies super sit, quia cum conditio impleta sit, certum est reum in poenam incidisse. Ita & in d. l. cum stipulatus 113. ff. cod. poena commissa dicitur, nempe impleta conditione, sub qua promissa fuit: superest tamen dies d. l. 8. Neque obstat, quod poena committi dicitur cum peti potest; nam tunc committitur cum effectu: ut verò quando peti non potest, committi quidem dicitur, licet hætenus sit sine effectu. Sic deberi dicitur id, quod nondum debetur cum effectu, quia nondum peti potest §. omnis Instit. tit. de V. O. l. qui hoc anno 42. ff. cod. alibi verò dicitur non deberi quia non debetur cum effectu, cum peti non possit l. 1. §. 1. ff. de condit. & demonst. l. si in annos 49. ff. cod. l. un. ff. quand. dies usque leg. ced. l. si Titio §. quodam. l. si dies §. ult. ff. quand. dies leg. ced. l. interdum 73. ff. de V. O.

CAPUT XXI.

AD L. HOC JURE 10. ff. de
verb. oblig.

SUMMARIUM.

- 1 Dies adjectus conditioni non promiscua positionem non differt.
- 2 Afferitur ratio discriminis inter utrumque genus conditionis.
- 3 Exponitur l. si ita legatum 103. ff. de cond. & dem.
- 4 Quando dies non conditioni, sed legato adjectus est, expellari debet.
- 5 Exponitur l. 4. §. 1. ff. de cond. & dem.
- 6 Particula tum denotat extremitatem imperis.
- 7 Exponitur l. cum habes 4. §. servit ff. de statulib. & n. 8. Dies qui necessariò collatur conditioni, expectandus est.
- 8 Melioris conditionis esse non debet, qui conditionem non implevit, quam si implevisset.
- 9 Exponitur text. in l. 3. §. pen. ff. de statulib. Conditio parandi non includit necessariò tempus.
- 10 Ceditio formata casu deficiens non favore libertatis habetur pro impleta.
- 11 Cetera atque non facit conditionem favore libertatis.
- 12 Exponitur text. in l. libertis §. ab hæredibus ff. de alim. leg.
- 13 Legatum alimentarium non extinguitur morte ejus, cum quo quis morari debebat.
- 14 Exponitur text. in l. pen. C. quan dies leg. ced.
- 15 Dies incertus adjectus filienti non facit conditionem.
- 16 Exponitur text. in l. uxori 35. ff. de u'su leg.
- 17 Dies incertus demonstrationi causa adjectus non facit conditionem.
- 18 Exponitur l. cum tale 72. §. Mæviz ff. de cond. & dem.
- 19 Exponitur text. in l. Publius 36. §. 1. ff. de cond. & dem.
- 20 Filium quis diligit magis quam alios. Et magis primo loco vocatum, quam secundo.
- 21 Quid sit representare fideicommissum?
- 22 Voluntas verbis præferitur.
- 23 Exponitur text. in l. si filia 61. §. alumno ff. ad S. C. Trebell.
- 24 Si dies adjectus sit favore legatarii, eo deficiente statim solvendum est substitutus.
- 25 Exponitur text. in l. fideicommissa 12. §. si cui ff. de leg. 3.
- 26 Mors legatarii non facit conditionem: sed mors alterius.
- 27 Duabus conditionibus adjectis, utriusque parandum.
- 28 Particula quasi denotat improprietatem: sed non semper, ut n. 32.

29 Censilio, Si morte patris sui juris effectus fuerit, per emancipationem impletur.

30 Non deficere conditio dicitur, cum existit sed vide n. 32.

31 Proponuntur septem exceptiones, regula proposita: quod dies adjectus conditioni non promiscua expectandus non sit.

VEniamus ad conditionem non promiscuam, hoc est, mixtam, & causalem, seu fortuitam. In hac contrarium traditum est à Veteribus: videlicet impletà conditione statim peti posse quod deberetur, nec expectandum diem conditioni adjectum l. hoc jure 10. ff. de V. O. Hoc jure utimur, ut ex hac stipulatione, si Lucius Titius ante Calendas Maias in Italiam non venerit, decem dare spondes? non ante peti quicquam possit, quam exploratum sit, ante eam diem in Italiam venire Titium non posse, neque venisse, siue vivo, siue mortuo id acciderit.

Ac meo quidem judicio differentie ratio ea est, quod quando conditio confertur in potestatem debitoris, eique tempus adjicitur, tempus illud non solum respicit conditionem, sed etiam obligationem: nam qui largitur tempus ad implendam conditionem, quam posset multò citius implere, largitur etiam tempus ad solvendum, cum nolit eum cogere ad solvendum, nisi impletà conditione. Contrà verò cum conditio in eventum, & casum confertur, eique dies adjicitur, is respicit solum conditionem. Nempe idèd adjicitur, ut eò magis in incertum suspendatur obligatio, quò difficilius est existere conditionem, quam non sufficit existere quandoque; sed necesse est existere tempore præscripto, ut nascatur obligatio. Ut puta, in hac conditione, Si intra Calendas Maias Titius in Italiam venerit, adjectus est dies Calendarum, quo fit, ut conditio sit magis incerta, magis in casum, ac dubium eventum collata, quia, ut impleatur conditio, non sufficit Titium in Italiam venire quodcumque, sed necesse est veniat intra Calendas Maias. In exemplo autem l. hoc jure 10. ff. de V. O. quia conditio negativa est, à stipulatore dies est adjectus, ut facilius existat conditio: quia non adjecto die deficeret

conditio veniente Lucio Titio etiam post Calendas; adjecto autem die Calendarum conditio existit, etiamsi Titius in Italiam venerit post Calendas. Igitur dies adjectus respicit solam conditionem, & additus est vel ad eam restringendam, vel ad eam laxandam: ac propterea existente conditione tempore præscripto satisfactum est voluntati ejus, qui conditionem, & diem adjecit, cum extiterit conditio eo modo, quo voluit existere: nec ulla causa est, cur diem expectemus, qui non fuit adjectus ad differendam solutionem, quam differre non potest, nisi adjiciatur eo animo, ut eo die pecunia solvatur. §. *omnis Instit. tit. de V. O.*

Verum quia multe sunt causæ, ex quibus contrarium observatur, idcirco multe sunt leges, in quibus contrarium videtur constitutum, quas omnes ut explicemus, tamquam contrarias huic legi opponemus.

Primum afferri potest text. in *l. si ita legatum* 103. ff. *de condit. & dem. Si ita legatum sit: Titio post decem annos dato, si satis ab hærede non exegerit; & Titius intra decimum annum decesserit, ad hæredem suum transmittit legatum, quia moriente eo conditio existit.*

In hac lege licet J. C. non decernat, an ab hæredibus statim solvendum sit legatum, an verò transacto decennio, non dubito tamen solvendum esse post lapsum decennii. Etenim tempus non conditioni adjectum est, sed legato: ait enim testator: *Titio post decem annos dato*. Adjectus est dies, quo pecunia solvatur, igitur ante hunc diem solvi non debet §. *omnis Instit. tit. de V. O. l. si dies ff. quan. di. leg. ced.* Conditio autem, *Si ab hærede non exegerit satisfactionem*, adjecta est, ut legatarius ab exigenda satisfactione deterreatur metu pœnæ, & amissionis legati, quam satisfactionem potuisset exigere cum legatum sit in diem *l. 1. in princ. l. postquam §. §. si dies. l. hac stipulatio 14. ff. ut legat. nom. caveat*. Quamobrem potius conditio adjecta est propter diem, quam dies propter conditionem. Imò defendi posset, nullam huic legato conditionem inesse, cum enim possit à testatore prohiberi satisfactio,

ea frustrà petetur, eaque petitâ non deficitur conditione legatarius *l. licet. 12. ff. ut legat. nom. caveat*. nisi testator nec de factò quidem peti voluerit. Sed illuc redeo. Quando non conditioni, sed legato adjicitur, non debet solvi legatum ante diem: nam cum & conditio, & dies legato sit adjectus, conditio suspendit legatum in incertum eventum, dies verò differt solutionem. Ut si quis dicat: *Si navis ex Asia venerit, dato Titio post decem annos*. Etiam si navis ex Asia statim veniat, tamen post decem annos dandum est legatum, quia petitio in hoc tempus dilata est, *l. ex his verbis Quando dies leg. ced.* At si dicat: *Si navis ex Asia venerit intra decem annos, Titio dato*: solvendum est legatum statim ac navis ex Asia venerit, quia decennium adjectum est conditioni. Nempe testator præscripsit tempus, intra quod existere conditio debet. Cum autem intra illud tempus extiterit, nihil est cur differamus legatum.

Secundò opponi potest text. in *l. 4. §. 1. ff. de condit. & dem.* ibi: *Si ita scriptum sit: si in quinquennio proximo Titio filius natus non erit, tum decem Seja hæres dato. Si Titius ante mortuus sit, non statim Seja decem deberi.*

In hac lege dies quidem est adjectus conditioni, sed differri solutio legati, quia idem dies adjectus est etiam legato. Particula *6* illa *tum* extremitatem temporis, & ultimum articulum quinquennii significat *d. l. 4. §. 1. in fin. l. cum quidam. in princ. ff. de usur. l. pen. ff. de testam. tut.* Itaque diem adjectum conditioni repetit in legato; perindeque est ac si dixisset: *Si in quinquennio proximo Titio filius natus non erit, post quinquennium Seja decem hæres dato*. Igitur solutio legati differtur non vi ejus diei, qui adjectus est conditioni, sed vi ejus diei, qui per particulam *tum* repetitus est in datione legati.

Tertidò contrarius videtur textus in *l. cum hæres 4. §. servit ff. de statu lib.* ubi qui jussus erat servire anno Titio, & sic liber esse, non fit liber ante annum, etiamsi Titius ante annum moriatur, & conditio pro impleta habeatur, quia per Titium stetit, quomi-

nus impleteretur. Similes sunt text. in *l. servus* 34. §. 1. *vers. quid enim ff. eod. in l. peculium* 20. §. *quadam ff. eod. in l. Thias §. Spendorum*, & §. *libertatem ff. de fideicommiss. libertat.*

Ad has omnes leges duo sunt animadvertenda. Primum, quod quoties dies ita cohæret conditioni, ut conditio ante eum diem impleri non possit, dies utique semper est expectandus. Hujus generis est hæc conditio: est enim omnino impossibile, ut serviat anno, antequam annus effluat. Qui adjicit hanc conditionem, non solum vult impleri conditionem, sed etiam vult expectari tempus, quod illi conditioni ita cohæret, ut separati non possit. Est enim vulgi ore tritum illud, *Qui vult consequens, vult etiam antecedens*, quod ab eo se jungi non potest: & qui non vult solvi legatum ante expletam conditionem, non vult solvi ante transactum tempus, quod ad eam implendam est omnino necessarium, & quod ipse suâ voluntate inferuit conditioni. Multo aliter se res habet in hac conditione: *Si intra biennium navis ex Asia venerit*; quia potest navis multo ante biennium venire, & statim satisfactum est voluntati testatoris. Et hoc est, quod admonet Paul. in *l. si peculium* 20. §. *quadam* 5. *ff. de statu lib.* illis verbis: *Quadam conditiones naturâ sui nec possunt eodem tempore impleri, sed necessariam habens temporis divisionem: velut cum decem operas jussus est dare: quia opera per singulos dies dantur. Igitur & si singulos aureos dei statu liber, potest dici cum implere conditionem. Alia causa est operarum, quia hæc necessario singula edenda sunt. Sed etsi hæres accipere noluerit, non statim liber fiet, sed cum tempus transierit. per quod operarum quantitas consumatur. Idem dicendum est; si jussus Capuam ire, & liberum esse, hæres prohibeat ire: tunc enim erit liber, cum pervenire Capuam potuisset. Hæc enim videtur tempus, tam operarum prastationi, quam itineri. Idem serè trahitur in *l. servus* 34. §. 1. *vers. quid enim ff. de statu lib.**

Præterea animadvertendum est, quod i melioris conditionis esse non debet legatarius,

qui non implet conditionem, quàm esset, si eam implevisset. Licet enim à Jure pro impleta habeatur, tamen majorem vim habere æquum non est, quàm haberet, si revera fuisset impleta: nec plus operari debet fictio in casu ficto, quàm veritas in casu vero. Rectè ad rem nostram Papinianus in *l. mulieri & Titio ff. de condit. & demonstr.* ait: *Tantum enim beneficio legis ex legato concessum esse mulieri intelligendum est, quantum haberet, si conditioni paruisset.* Quare si quis mulieri legaverit centum sub conditione, *Si non nupserit intra decem annos dato*: licet conditio, si non nupserit, detrahatur, tempus tamen expectatur. Veniamus ad legem nostram. Servus jussus est servire anno Titio, & sic liber esse. Si servisset anno, & conditionem implevisset, non potuisset esse liber ante annum transactum. Mortuo Titio ante annum, servire non potuit: conditio habetur pro impleta, sed tamen ita, ut non ante consequatur libertatem, quàm fuisset consecutus, si conditionem implevisset. Et hæc ratio redditur in ipsa lege: ibi, *Etenim absurdum est, maturius cum liberum fieri cum conditionem non implet, quàm futurus foret, si eam impleteret.*

Quartò contra id, quod primo loco observavimus, potest urgeri in *l. 3. §. penult. ff. de statu lib.* Ancillæ libertas data erat sub conditione, si tres liberos peperisset: hæres ei medicamentum dedit, ne pareret. Statim libera fit. Et tamen conditioni cohæret necessariò tempus gestationis, ut parere possit.

Facilis est, & prompta responsio. Non potest ancilla parere tres liberos, antequam eos in utero gestet. Sed tamen potest eos parere statim à morte testatoris: potuit enim eos multò ante concepisse. Sic, licet non modicum tempus necessarium sit, ut navis ex Asia veniat; tamen potest venire statim mortuo testatore, si multo ante ex Asia solverit: imò, & ante mortem testatoris *l. 2. in prin. ff. de cond. & dem.* quin etiam ante factum testamentum *l. hac conditio* 10. *in fin. ff. eod.* Itaque hæc conditiones naturâ suâ tempus non continent. At conditio, de qua suprâ agebamus, omnino tempus includit:

Nam qui servire jussus est anno Titio hæredi, non potest ei servire vivo testatore, sed computatur annus à die aditæ hæreditatis *l. si in diem 46. ff. de cond. & dem. l. 3. §. si quis hæredi ff. de statu lib.* igitur omnino est expectandus annus post aditam hæreditatem. Quapropter non temerè in *l. 3. §. penult. ff. de statu lib.* notavit. J. C. ancillam, etiam uno partu potuisse tres edere, ut ostenderet, huic conditioni necessariò non inesse tempus trium gestationum.

Quintò opponi potest text. in *l. si ita scriptum 16. ff. de man. testam.* Quidam legaverat servo suo libertatem, cùm Titius ad tricesimum annum pervenisset. Titius mortuus est ante tricesimum annum. Licet conditio, favore libertatis habeatur pro impleta; tamen servus non statim fit liber, sed expectare debet tempus, quo Titius ad tricesimum annum perveniret, si viveret. Ergò conditione fortuita à ante tempus impleta, tempus est expectandum. Respondetur, falsum esse conditionem haberi pro impleta: nam conditio fortuita casu deficiens numquam pro impleta habetur, etiamsi fuerit adscripta libertati *l. cum hæres 4. §. ita liber ff. de statu lib.* Igitur favor libertatis non potest efficere, ut pro impleta habeatur illa conditio; hoc efficit favor libertatis, ut dies ille incertus, qui in aliis legatis conditionem faceret *l. dies incertus ff. de cond. & dem.* in legato libertatis conditionem non faciat. Certæ ætas alicujus adscripta conditionem facit *l. si cui legetur §. 1. cum duob. seji. ff. de legat. 1. l. Publius §. 1. ff. de cond. & dem.* incertum est enim an ille sit perventurus ad ætatem legato adscriptam. Favore autem libertatis constitutum est, ut in legato libertatis dies certæ ætatis conditionem non faciat, ut libertas debeatur, etiamsi ille, cujus ætas adscripta est, ad ætatem illam non perveniat *l. si servus 12. ff. de statu lib. l. fideicommissaria §. etiam ff. de fideicommiss. libert. l. fideicommissaria 10. C. eod. tit.* Legatum igitur, de quo agitur in adducta *l. in diem* est, non sub conditione, & idcò debetur libertas, etiamsi Titius moriatur ante tricesimum annum. Cùm autem sit in diem, non ante

potest exigi, quàm venerit dies adscriptus *l. si dies ff. quand. dies leg. c. d. l. si in annos ff. de cond. & dem.* & idcò servus non ante consequitur libertatem, quàm veniat dies, quo Titius ad tricesimum annum fuisset perventurus.

Quamquàm dies ille faceret conditionem, & conditio haberetur pro impleta, tamen ante illud tempus non posset consequi libertatem, ne maturius ad libertatem perveniat deficiente conditione, quàm perveniret eà existente *l. cum hæres 4. §. servus ff. de statu lib. l. mulieri & Titio 74. ff. de cond. & demonstr.* & nos suprà expotimus.

Secundò, similis est textus in *l. libertis 18. §. ab heredibus ff. de alim. vel cib. legat.* in qua non agitur de legato libertatis, sed ex de legato militia, & tamen idem est constitutum. Testator enim post libertatem servo relictam, rogavit Sejum, ut eidem cibaria, & vestiaria præstaret, & cùm ad viciesimum quintum annum pervenisset, militiam ei compararet, si eum ante non reliquisset. Sejus mortuus est ante viciesimum quintum annum. Respondit Scævola militiam nihilominus ei comparandam, sed expectandum tempus, quo Sejus, si viveret, ad viciesimum quintum annum perveniret.

Eadem responsio. Ibi agitur de legato alimentorum, ut copiosè exposuimus aliàs ad hujus legis explicationem. Militia enim, hoc est annuus redditus, quem percepturus est ex militia, ei relinquitur, ut possit inde se alere, ut ibi diximus. Quapropter licet adjecta sit illa conditio, si eum ante non reliquerit, tamen non deficit hæc conditio per mortem Seji. Nam si quis alicui relinquat alimenta, quamdiu cum Sejo morabitur, non extinguitur legatum per mortem Seji *l. Cajo §. Imperator ff. de alim. vel cib. leg. l. annua in princ. ff. de ann. legat. l. 1. C. de legat.* In legato autem alimentorum, si per eum steterit, qui præstare debebat alimenta, quodminus legatarius cum eo moretur, etiamsi id acciderit per mortem, tamen conditio pro impleta habetur *ex dd. li.* adeoque legatum non ante præstandum est, quàm præstaretur, si verè impleta fuisset, ut suprà diximus.

Accedit & alia ratio. Testator voluit subrogare militiam in locum alimentorum. Alimenta debentur liberto donec Sejus perveniat ad vicessimum quintum annum, & usque ad hoc tempus debentur, etiamsi Sejus antè sit mortuus. Igitur si militia deberet ei comparari statim ac moritur Sejus, utrumque libertus haberet eodem tempore, & militiam, & alimenta, quod est contra mentem testatoris. Sed hæc pluribus exposuimus ad hujus legis explicationem. Posset etiam considerari hanc conditionem esse ex genere earum, quibus necessarium inest, & cohereret tempus, quâ de re suprâ diximus.

Septimò, non est omittendus text. in *l. penult. C. quand. dies legat. ced.* ibi: *Ex his verbis: do, lego, Ælia Severina, & Secunda decem, que legata accipere debebit, cum ad legitimum statum pervenerit. Si Ælia Severina, cui legatum relictum est, die legati cedente, vita functa est, ad heredem suum actionem transmittit: scilicet ut eo tempore solutio fiat, quo Severina, si rebus humanis subacta non fuisset, vicessimum quintum annum ætatis impleisset.* Non agitur hic de legato libertatis: adjecta est conditio illa, cum ad legitimum statum pervenerit; & tamen tempus est expectandum.

Etiâ non agatur de legato libertatis, tamen hoc quoque legatum in diem est, non sub conditione, & verba illa, cum ad legitimum statum pervenerit, non conditionem faciunt, sed diem solummodò continent. Id autem ex ipsâ lege probari potest. Supponitur legatarius defunctam esse, antequam ad legitimum statum perveniat: & nihilominus cã vivâ cessasse diem legati. Atqui dies legati conditionalis non cedit ante conditionis eventum; nec legatum ad heredem transmittitur *l. si post diem §. §. sed si sub conditione ff. quand. di. leg. ced. l. 3. C. eod. l. intercidit. in princ. ff. de cond. & dem.* Idèd autem hoc legatum non est conditionale, sed in diem, quia certa ætas non est adjecta legato, sed ejus solutioni. Neque enim testator ita legavit: *Ælia Severina, cum ad legitimum statum pervenerit, decem lego*; sed ita: *Ælia Severina decem lego, quod lega-*

tum accipere debebit, cum ad legitimum statum pervenerit.

Dies autem solutioni adjectus potest quidem suspendere solutionem, cui adjectus est: non potest tamen suspendere legatum, & obligationem, cui adjectus non est; itaque non efficit legatum conditionale, sed in diem. Similia exempla sunt in *l. Sejus Saturninus ff. ad S. C. Trebellian. in l. à filia §. alumno ff. eod.*

Octavò, opponi potest *l. uxori 35. ff. de usufr. leg.* Vir uxori legavit usumfructum fundi in quinquennium à die mortis suæ, & peracto quinquennio, cum ejus usufructus esse desisset, tunc fundum legavit libertis suis. Huic legato adscriptus est dies quinquennii: adscripta est etiam conditio illa, cum usufructus ejus esse desisset: mortua est uxor ante quinquennium, cujus morte impleta est conditio, quia usufructus extinguitur §. finitur *Instit. tit. de usufr. l. 3. §. ult. ff. quib. mod. usufruct. amitt. l. 3. l. si domina 10. l. ambiguitatem 12. & l. corruptionem 16. C. de usufr.* Quæsitum est, an statim fundus libertis reddi debeat, an expectare debeant finem quinquennii. Respondum est, reddi non debere ante finem quinquennii.

Respondetur, ibi legato fuisse adjectum solum diem, ac tempus quinquennii, nullam autem conditionem, & idèd tamquàm legatum in diem ante diem peti non potest *l. si dies ff. quando dies leg. ced. l. si in annos 49. ff. de cond. & demonstr. §. omnis Instit. tit. de verb. oblig.* Neque enim conditionem faciunt illa verba: cum ejus usufructus esse desisset. Etenim hæc verba referuntur ad quinquennium peractum, quo tempore usufructus uxoris esse desinet. Igitur ea verba sunt adjecta demonstrativè, non ad inferendam conditionem. Et hoc significant: peracto quinquennio, quo tempore uxoris esse desinet usufructus. hæc demonstratio nihil efficit, nam quod rei satis demonstratæ adjicitur frustra est *l. 1. §. si quis ff. de dor. pral.* Quapropter verba illa vim solius demonstrationis habent, non conditionis.

Similis est textus in *l. cum tale §. Marcia*

ff. de condit. & dem. ibi: *Mavia*, si non nupserit, cum morietur lego. Potest dici eam, etsi nupserit, confestim ad legatum admitti. Non idem probatur, si certus dies, incertusve alius legato fuerit adscriptus. Quod delictum est inter diem mortis, & alios dies? Illud nimirum, quod modò indicabimus. Dies mortis in hoc legato habet vim solius demonstrationis, & frustra adjectus est, & idè non est expectandus. Etenim conditio illa, si non nupserit, cum posita sit in non faciendo, solum per mortem impletur, quia quamdiu quis vivit, facere potest, quod prohibetur est. *l. si ita 103. l. Titio fundus ff. de cond. & dem. l. ult. ff. de cond. inst. l. si in personam C. de fideicom. l. ita stipulatus 115. §. 1. & §. item si quis ff. de V. O. §. sub conditione Inst. tit. eod.* Quapropter testator verba illa, cum morietur, non adiecit animo diei adscribendi legato, sed ut declararet tempus, quo impleri poterat conditio, si non nupserit. Detracta igitur conditione, si non nupserit, cujus causa adjecta erant illa verba, ea sunt omninò supervacua, nec differunt legatum in tempus mortis.

Præterea in *d. l. uxori 35. ff. de usufr. legat.* adjecta erat particula *tunc*, quæ ultimum articulum temporis significat *l. 4. §. 1. ff. de cond. & dem. l. cum quidam. in princ. §. de usufr. l. pen. ff. de testam. inst.* Idque uberius exposuimus, cum ad secundum argumentum respondimus.

Nonò, opponi potest *l. Publius 36. §. 1. ff. de cond. & dem.* Ibi mulier filium habens legavit quædam prædia Septiciz, eamque rogavit, ut cum filius ad sexdecim annos pervenisset, prædia illa ipsi restitueret, & si filius sexdecim annos non implevit, ea redderet Publio Mævio, & Cajo Cornelio. Filius sexdecim annos non implevit: quaesitum est an prædia statim restituenda essent; an eo tempore, quo filius fuisset perventurus ad decimum sextum annum. Respondit Marcellus, restitutionem in hoc tempus prorogandam. Ergò licet conditio sit impleta; tamen quia tempus continet, tempus illud est expectandum.

In promptu est responsio, eaque nobis

ab ipsa lege suppeditatur. In conditionibus primum locum obtinet voluntas testatoris, eaque regit conditiones *l. in conditionibus. 19. in princ. ff. de cond. & dem.* Testatrix in hac lege voluit prædia illa ad Septiciam pertinere usque ad illud tempus, quo filius fuisset perventurus ad sexdecim annos: ergò si ea restituenda essent filio, si ve Publio Mævio, & Cajo Cornelio, voluit roto illo tempore Septiciam frui prædiis illis. Imò tantò minùs præsumitur voluisse restitui secundis subtitutis ante illud tempus, quantò quisque magis diligit filium, quàm alios: & magis diligit eos, quos vocat in priori gradu, quàm eos, quos vocat in gradu sequenti *l. quoties ff. de usufruct.* Testatrix toto illo tempore præposuit Septiciam ipsi filio, & filio, quem primo loco vocaverat in substitutione: ergò multò magis præposuit aliis, qui filii non erant; aliis, quos post filium vocaverat, quos filio postposuerat. Qui præfertur illi, qui alium præcedit, multò magis præfertur alteri, qui præceditur. Et hoc significat J. C. illis verbis: *Etenim videri contra voluntatem testatrix, representationem fideicommissi desiderari, ut amplius ad subsistentes perveniat, quam ad puerum pervenire potuisset. Et verba quidem videntur representare fideicommissum: sed non est verisimile, ut maturius vulneris testatrix ad subsistentes id transferre.*

His verbis rectè perpenſis impugnari potius, quàm confirmari videretur sententia adversatiorum. Ait J. C. & verba quidem videntur representare fideicommissum. Repræsentare fideicommissum est præsens, & ad manum dare, non differre in diem solutionem. *l. cum hi 8. §. eam transfusionem ff. de transf. l. si purè 37. & l. Thais 41. §. 1. ff. de fideicom. libertas. l. si constante 24. §. quoties ff. solus. marim. l. 1. §. & verum. l. cum quis. in princ. ff. de dot. præleg.* Sueton. in Calig. Legata ex testamento Tiberii, quamquam abſolito, sed & Livia Augusta, quod Tiberius suppreſſerat, cum fide, ac sine calumnia representata perſolvit. Et in Claudio: Representans pro opera dignam cuique mercedem. Igitur si verba testatrix essent

attendenda, dies non esset expectandus, sed præsens, & ad manum solvi deberet fideicommissum. Ac proinde in aliis causis, in quibus non repugnat voluntas testatoris, 12 dies non expectatur. Voluntas autem verbis præfertur *l. in conditionibus 19. l. pater Severinum 101. in princ. ff. de cond. & dem. l. heredes mei §. 1. ff. ad S. C. Trebell.* & idèd hoc contra naturam conditionis expectatur.

Sed impugnari posset hæc responsio per text. in *l. à filia §. alumno ff. ad S. C. Trebell.* Ibi quidam legavit alumno certam pecuniam, eamque recipi à Sempronio mandavit, & solvi alumno certas usuras usque ad vicessimum annum, deinde alumni fidei commisit, ut si sine liberis decederet, partem restitueret Sempronio, partem Septiciz. 13 Alumnum mortuus est intra annum vicessimum. Respondit Scævola, statim peti posse fideicommissum. Ergò non est absurdum maturius pervenire fideicommissum ad substitutum, quàm ad primo loco vocatum. Ad alumnum non pervenisset, nisi transacto tempore certæ illius ætatis: ad substitutos pervenit statim.

Animadvertendum est, quod in hac lege dies non fuerat adjectus favore debitoris, sed favore legatarii creditoris. Neque enim testator distulit solutionem pecuniæ in commodum, & favorem debitoris, cum ab eo voluerit solvi usuras pecuniæ alumno creditori: sed distulit in favorem ipsius alumni, à quo in illa tenera ætate noluit pecuniam 14 disperdi ac dissipari. Similia exempla proponuntur in *l. Firmio Heliodoro §. 1. ff. quand. dies leg. ced. in l. Sejus Sabinus ff. ad S. C. Trebellian. in l. cum pater 77. §. curatoris ff. de legat. 2.* Si dies adjectus esset in favorem debitoris, solvi ante diem illum nec substitutis quidem deberet, ut diximus ex *l. Publius 36. §. 1. ff. de condit. & demonstr.* Cum verò sit adjectus in favorem alumni creditoris, statim est restituendum substitutis: tum quia locum non habet argumentum prædilectionis, quo supra usus sumus: tum quia respicit personam ipsius alumni, ejusque personæ coheret hic favor:

adeoque ejus personam non egreditur *l. quia tale ff. solut. matrim. l. legatum 95. ff. de cond. & dem.* tum quia substituti sunt ejus ætatis, ut possint pecuniam rectè administrare: deficiente autem causâ, propter quam dies fuerat adjectus, dies quoque detrahitur, ut capite superiore demonstravimus luculentè.

Decimò opponi potest *l. fideicommissa §. si cni ff. de legat. 3.* Si cni ita fuerit fideicommissum relictum, si morte patris, sui juris fuerit ejus: & emancipatione sui juris factus sit, non videri defecisse conditionem. Sed & cum mors patri contingat, quasi exis- 25 tante conditione ad fideicommissum admittitur. Condicio igitur existit per emancipationem filii: sed tamen quia conditioni tempus erat adjectum, nempe mors patris, nondum debetur fideicommissum, sed mors patris est expectanda, ut ad fideicommissum admittatur.

Est plena difficultatis hæc lex; atque idèd paulò uberius est explicanda. Videntur proposito fideicommissum quodammodo adjectæ duæ conditiones. Altera continetur, ut filius sui juris efficiatur; altera, ut pater moriatur. Mors patris conditionem facit. Licet enim mors legatarii non efficiat legatum conditionale, quia non potest existere post mortem ipsius legatarii *l. heres meus. 16 in princ. ff. de condit. & dem.* tamen aliorum mors adjecta legato conditionem facit *l. heres meus 79. §. 1. ff. eod. l. hujusmodi 13. in fin. ff. quand. dies leg. ced.* quia incertum est an vivo legatario moriturus sit, an post ejus mortem. Cum autem duæ conditiones ad- 17 jectæ sunt, utrique parendum est, & nisi utraque extiterit, non possumus legatum consequi *l. si heredi §. ff. de condit. Instit.* In hac nostra lege prima conditio impletur emancipatione, quia emancipatione fit sui juris. Et idèd rectè ait Jurisconsultus: non videri defecisse conditionem filio emancipato. Non quidem extitit omnino conditio, quia pater nondum mortuus est, sed tamen non defecit, quia partim extitit, partim existet morte patris. Cum verò pater morietur, tunc quasi existente conditione filius admit-
tetur

tetur ad fideicommissum. Non existit morte patris conditio, quia morte patris non sit sui juris filius, cum jam sui juris esset: sed quasi existit, hoc est, completur eventus conditionis, atque pericitur. Nam si ve dux erant conditiones, si ve potius una conditio duas partes, & duo facta continens, cœpit conditio existere cum filius emancipatus est, expleta autem est morte patris. Dubitari poterat an hæc conditio per partes impleri posset, & an filio emancipato defecisset conditio: quia non poterat filius sui juris effici morte patris. Mens Ulpiani est, eam posse per partes impleri: & idem emancipato filio non dixit existisse conditionem, sed eam non defecisse: supererat enim alia pars implenda. Moriente autem patre non dixit existisse conditionem, quia verè tunc non extitit, sed absoluta est, atque perfecta: sed dixit, *quasi extitisse*: particula *quasi* im-

28 proprietatem indicat l. 2. ff. de inoff. testam. §. constituitur, vers. ergo Instit. tit. de usufr. l. 2. ff. de usufr. ear. rer. l. si serva 39. in princ. ff. de jure dot.

Hæc explicatio videtur maximè convenire verbis Ulpiani. Mihi tamen non satisfacio, quia repugnat sententiæ ejusdem Ulpiani, quam aliis locis luculenter exposuit. Idem Ulpianus tam in l. si ita 15. ff. quand. dies leg. ced. quàm in l. mulier 22. in princ. ff. ad S. C. Trebell. proponit fideicommissum relictum sub hac ipsa conditione, & respondet filiis emancipatis statim deberi, quia eman-

29 cipatione conditio extitit. Et in l. mulier allegat super hac re decretum Divi Marci. Et ratio est, quia verba illa, *morte patris*, adjiciuntur à testatore, qui non sperat patrem emancipaturum filios: cæterum si hoc sperasset, ea verba non adjecisset d. l. mulier 22. Etenim testator qui legat filiofamilias, idem apponit illam conditionem, ut filius legatum sibi acquirat, non patri l. duos 70. ff. de cond. & dem. Quocumque autem modo fiat sui juris filius, legatum sibi acquirit pleno jure: ac propterea impletur voluntas testatoris concedendo legatum filio cum emancipatur. Igitur licet verba testatoris aliud significare videantur, tamen voluntas

potius, quàm verba sunt consideranda l. pater Severinam 101. in princ. ff. de cond. & dem. Suprà quoque, ut responderemus octavo argumento, ostendimus, quòd tempus adjectum conditioni, aut conditio adjecta temporis, rei declarandæ causâ, nullam vim habet, & frustra adjicitur. Verba illa, *morte patris*, adjiciuntur, ut declaretur quando filius sui juris efficiatur: ac propterea nullam vim habent.

His animadversis, ne dicamus Ulpianum pugnantia inter se scripsisse, & tam bardum fuisse, ut à se ipso dissenferit, dissenferit à decreto D. Marci; affirmandum est emancipatione conditionem illam extitisse: idque traditum etiam in nostra l. fideicommissa 11. §. si cui ff. de leg. 3. Nec verba legis repugnant: ait enim, non *videri conditionem defecisse*: hoc est, conditionem *videri* extitisse. Sic enim accipiuntur passim in Jure nostro l. multa 6. §. 1. ff. de cond. & dem. l. *quis sub conditione*. §. *mortuo* ff. de condit. Inst. nam conditio, quæ non defecit, extitit: cum deficere, & existere advenferentur l. Titio 21. ff. de usufr. leg.

Expendamus jam verba, quæ subsequuntur: *Sed & cum mors patri contingat, quasi existente conditione ad fideicommissum admittetur*. Observandæ sunt particule illæ, *sed &*; quæ significant, *sed etiam, quin etiam*. Particula *&* sæpè significat etiam. l. 1. C. de novat. l. 1. C. de compens. l. *quod diximus*. in fin. ff. *quod met. caus.*

Virgil. lib. 2. divini operis:

— quorum Iphitus avo

Jam gravior, Pelias & vulnere tardus
Ulyssi.

Idem alibi:

Natus & ipse Dea.

Quintil. Tamen si quid adversus te commissit
adolescens, sit hostis & meus. Plin. lib. 7.
cap. 30. Sed & nostrorum gloriam percontem-
mus. Igitur *sed &* significat *sed etiam*, ut in

l. 1. in fin. ff. ne quis enim, qui in jus vocat. Quamobrem hoc docemus in adducta lege, quoddam solum conditio illa existit emancipatione, sed etiam morte patris. Rectè Bartol. in *l. parri n. 2. ff. de vulg. & pupill.* ait, particularis sed & significare diversitatem facti, & identitatem Juris. Utrovis igitur modo sit impleta conditio, sive emancipatione, sive morte patris, filius ad fideicommissum admittitur, nec post emancipationem mors patris est expectanda *l. mulier 22. ff. ad S. C. Trebell. l. si ira 35. ff. quand. di. leg. ced.*

Nec obstat, quod dixerit Ulpianus: *quasi existente conditio*: cum revera non improprie existat conditio, si morte patris filius efficiatur sui juris. Etenim licet vox illa, *quasi*, aliquando improprietatem notet: tamen sæpenumero in Jure nostro adicitur, cum traditur ratio, cur aliqua in re ita sit constitutum. Quapropter verba illa, *quasi existente conditio*, continent rationem, cur etiam morte patris admittatur ad fideicommissum filius: nempe, quia existit conditio. In eadem significatione vox hæc usurpatur in *l. verum est 65. §. si cum tres ff. pro soc. in l. consuetudinibus. 33. ff. de oblig. & act. in l. si vero 5. §. hæc autem. vers. quippe ff. de his qui assid. vel dejec. in l. si debitori 47. in princ. ff. de fidejuss.* Imò adicitur etiam particula *quasi* cum res consideratur, quæ talis est. Sic alicui quasi liberto legari dicitur, cum ei legatur, quæ libertus est: hoc est, cum testator idem ei legat, quia libertus est, & quatenus libertus est *l. falsa §. sed si cui ff. de condit. & dem.* Et liberari dicitur quasi fidejussor, qui liberatur quæ fidejussor est: videlicet tamquam fidejussorio nomine obligatus, non tamquam obligatus alia de causa *l. 5. §. ult. ff. de liber. legat.* Igitur *quasi existente conditio*, potest significare, quoddam conditio extiterit, quæ talis est, & quatenus, & quomodo adjecta fuit à testatore. Cum filius emancipatur, conditio quidem non deficit, quia interpretamur voluisse testatorem etiam in hunc casum filiosam legare: sed tamen non existit eo modo, & quatenus adjecta fuit à testatore.

Et idèd hoc casu non dixit Ulpianus extitisse conditionem, sed eam non defecisse: quæ formula uti solent Jurisconsulti, cum conditio quidem non deficit, & debetur legatum, sed tamen non est impleta eo modo, quo eam testator adscripsit *l. quæ sub conditio 32. §. mortuo ff. de cond. Inst. l. multa ff. de cond. & dem.* Cum verò filius sui juris efficitur morte patris, tunc verè conditio existit, quasi conditio, quia existit ad amissum, sicut à testatore fuit adscripta.

His expostitis, constat verissimum esse, quod in conditione non promiscua, cui dies adjectus est, eà impletà, dies non est expectandus, Argumenta autem omnia, quæ attulimus, referuntur ad quasdam exceptiones hujus regulæ, quas Pragmatici limitationes appellant, quas modò breviter perscringemus.

Prima igitur est, si dies verè non sit adjectus conditioni, sed ipsi legato & obligationi: tunc enim omnino est expectandus, ut in *l. uxori 35. ff. de usufr. legat. 33 in l. si ita legatum 103. ff. de cond. & demonstr.*

Aliæ est, si legati solutioni adjecta sit aliqua particula extremum temporis articulum denotans, veluti *tum, tunc dato*, ut in *l. 4. §. 1. ff. de cond. & dem. in l. uxori 35. ff. de usufr. legat.*

Tertia est, si legatum verè sit in diem, non sub conditione, vel favore libertatis, & alimentorum vel quia dies incertus sit adjectus solutioni legati, ut in *l. si ita scriptum 16. ff. de man. test. in l. pen. C. quando di. leg. ced.*

Quarta est, si non dies conditioni sit adjectus, sed conditio propter diem adscripta, ejus declarandi causa, ut in *l. si ita legatum 103. ff. de cond. & dem. in l. uxori 35. ff. de usufr. leg. & in l. fideicommissa 11. §. si cui ff. de legat. 3.*

Quinta est, si dies ita cohereat conditioni, ut sine illo conditio impleri non possit, ut in *l. cum hæres 4. §. servire ff. de statu lib. in l. servus 34. §. 1. vers. quid enim l. si peculium 20. ff. eod. in l. Thais §. Spendophorni, & §. libertatem ff. de fidej. lib.*

Sexta est, si conditio verè impleta non sit, sed à Jure pro impleta habeatur, quæ cohæret eum superiore: nam tunc locum habet hæc exceptio, cùm conditio desiderabat certum tempus, & ante illud tempus defecit, sed à Jure pro impleta habetur, ut in *d. l. cùm hæres* 4. §. *servire ff. de statu lib. cum similibus*, & in *l. libertis* 18. §. *ab hæreditibus ff. de alim. leg. l. si ita scriptum* 16. ff. *de manum. testam.*

Septima est, si aliquâ conjecturâ possimus assequi eam fuisse mentem testatoris, ne ante diem legatum præstetur, ut in *l. Publius* 36 §. 1. ff. *de cond. & dem. & l. libertis* §. *ab hæreditibus ff. de alim. vel cibar. legat.*

CAPUT XXII.

AD L. I. ff. de legat. 1.

SUMMARIUM.

- 1 An legatum & institutio conferri possint in alienam voluntatem?
- 2 Modestinus Ulpiani discipulus.
- 3 Legatum conferri posse in alterius arbitrium veluti conditionem, significat solum tacitè conferri posse.
- 4 Conditio semper tacitè confertur in alienam voluntatem, & n. 6.
- 5 Aliud est, conferre in alienam voluntatem conditionem: aliud, legatum.
- 6 Legatum aliquando tacitè, aliquando expressè confertur in alienam voluntatem.
- 7 Magis repugnat legatum conferri in voluntatem hæreditis, quàm tertii. Legatum tacitè, & in voluntatem tertii, & hærediti conferri potest.
- 8 Exponitur *l. nonnumquam ff. de cond. & dem.* & conciliatur cum *l. i. ff. de leg. 1.*
- 9 Quantum inter se differant conditiones: si voluerit, & si adscenderit, & non adscenderit.
- 10 Conditio: si adscenderit, implenda est ubi primùm potest impleri.
- 11 Utraque conditio continet voluntatem Titii: non utraque validum facit legatum.
- 12 Libertas fideicommissaria committi potest voluntati hæreditis.
- 13 An & voluntati extranei?

Modestinus in *l. nonnumquam ff. de cond. & dem.* nos docet in alienam voluntatem conferri legatum non posse, & inuti-

liter hoc modo legari: *Si Mævius voluerit, Titio decem do.* Item de hæreditis institutione responsum est à Pomponio in *l. si quis Sempronium* 68. ff. *de hered. instit.* Ratio est, quia testamentorum jura ipsa per se firma esse oportet, non ex alieno arbitrio pendere *l. illa institutio. in princ. ff. eod. tit.*

Contrà Ulpianus in *l. 1. in princ. ff. de legat. 1.* ait legatum conferri poss: in alterius arbitrium, & voluntatem. Verba legis hæc sunt: *In arbitrium alterius conferri legatum, veluti conditio, potest: quid enim interest, si Titius in Capitolium adscenderit, tibi legatur, an, si voluerit?* Multi Interpretes, & quidem acutissimi, has leges omnino contrarias esse arbitrantur, & Ulpianum ab aliis Jurisconsultis dissensisse. Ego contrà existimo omnes idem sensisse, idem dixisse: ac Modestinum in *l. nonnumquam ff. de cond. & dem.* sententiam Ulpiani in hæc nostra lege significatam paulò obscurius, explicare perquisitus, ac diligentius voluisse. Fuit enim Ulpiani discipulus Modestinus *l. si quis uxori* 32. §. *si quis asinum ff. de 2 furt.*

Ait Ulpianus: *In arbitrium alterius conferri legatum, veluti conditio, potest.* Quid significant hæc verba? Nempe hoc: quodd legatum conferri potest in alterius arbitrium, eodem modo, quo confertur, aut conferri potest conditio. Nec aliter, salvâ ratione Latini sermonis, hæc verba possumus interpretari. *Quo ex judicio, velut ex incendio, nudus effugit*, dixit olim Cicero in Clodium. Et Horatius:

*Crescit, occulto velut arbor avo,
Fama Marcelli.*

Sed frustra tam perspicuæ interpretationi majorem lucem conamur asserre. Quoniam igitur legatum conferri potest in alterius arbitrium eodem modo, quo confertur conditio, videndum est, quomodo conferatur conditio in alienam voluntatem: nam eodem modo conferri poterit etiam legatum. Dico igitur, quod conditio numquam nominatim & expressè confertur in alienam

K k ij

3 voluntatem, sed semper tacite: imò, quod repugnat natura ipsa, & formula conditionis, quæ non patitur, ut expressè in alienam voluntatem conferatur. Itaque cùm in hac lege Ulpianus nos doceat, quod legatum conferri potest in alterius arbitrium, eodem modo, quo conditio, id ipsum nos docet, quod Modestinus in *d. l. nonnumquam*: videlicet, quòd legatum tacite, non expressè conferri potest in alienam voluntatem.

4 Demonstrandum est igitur, conditionem semper tacite conferri in alterius voluntatem, numquam expressè: imò nec expressè conferri posse naturâ ipsius conditionis repugnante.

Separatum quiddam est à conditione legatum. Legatum continet id, quod est à testatore relictum. Conditio continet factum, quo suspenditur id, quod est relictum à testatore. Itaque aliud est, in alienam voluntatem conferre legatum: aliud, conferre ipsam conditionem. Quapropter rectè Ulpianus in hac lege separat, atque distinguit legatum collatum in alterius arbitrium à conditione in ejusdem arbitrium collata. Legatum confertur in alterius arbitrium, cùm legatum ipsum immediatè (ut ita dicam) pendet ab alterius voluntate. Conditio verò in alterius arbitrium confertur, cùm factum illud, quo legatum suspenditur, ab aliena voluntate pendet. Dicam planius, si poterò.

Legō Titio centum, si Cajus in Capitolium ascenderit: Hic ipsa conditio collata est in voluntatem Cajii. Conditio est factum ascendendi: factum ascendendi pendet à voluntate Cajii. Igitur conditio ipsa pendet à voluntate Cajii, in ejus voluntatem est collata. Rursus ponamus hoc modo legatum fuisse: *Legō Titio centum, si Cajus voluerit*. Hic legatum ipsum collatum est in voluntatem Cajii, non verò conditio. Etenim id ipsum, quod relinquitur à testatore, committitur voluntati Cajii. Conditio verò non est collata in voluntatem Cajii: nam in conditione nullum factum positum est distinctum, ac separatam à voluntate Cajii, à qua pendere debeat. Voluntas Cajii est ipsa conditio. Nihil autem refertur ad se ipsum, sed unum-

quodque refertur ad aliud, quod sit ab ipso distinctum. Itaque non potest dici in voluntatem Cajii conditio; sed legatum ipsum. Legatum enim conditionale confertur in eventum conditionis adjectæ: atqui eventus adjectæ conditionis est voluntas Cajii: igitur legatum ipsum collatum est in Cajii voluntatem, non conditio. Scio non semper hæc in Jure nostro distingui; quare conditio illa, in qua nominatim exprimitur voluntas aliena, aliquando dicitur collata in alienam voluntatem, licet revera non ipsa conditio, sed legatum sit collatum, aut obligatio, ut in *l. stipulatio 17. ff. de V. O. l. in venditis C. de contrab. empr. l. in personam. 12. §. generaliter ff. de Reg. Jur.* Plerumque tamen hoc modo in alterius voluntatem conferri dicitur legatum ipsum; ipsa obligatio; seu, quod idem est, alienæ voluntati committi. *l. illa institutio 32. in princ. ff. de hered. Instit. l. nonnumquam in fine ff. de cond. & dem. l. Senatus 43. §. legatum ff. de leg. 1. l. fideicommissa 46. §. quamquam ff. de fideicom. liberi. l. fideicommissa 11. §. quamquam in fin. ff. de leg. 3. l. hac venditio 7. l. si in emptione 34. §. si emptio ff. de contr. empr. l. 2. §. non utique, alias l. 3. ff. de eo quod certo lo.* Præterea cùm in nostra *l. 1.* Ulpianus distinguat legatum collatum in alterius arbitrium à conditione in alterius arbitrium collata, utique nulla alia inter hæc duo potest excogitari differentia.

Quibus constitutis, satis constat conditionem semper tacite conferri in alienam voluntatem: expressè autem nullo modo posse. Nam aut in conditione est expressa voluntas, aut non est expressa. Si non est expressa voluntas, ut in hoc legato? *Legō Titio centum. 6* *si Cajus in Capitolium ascenderit*: tacite conditio collata est in voluntatem Cajii *l. si quis Sempronium 68. ff. de hered. Instit. l. nonnumquam in princ. ff. de cond. & dem.* Si verò sit nominatim expressa voluntas in conditione, legatum ipsum collatum erit in voluntatem Cajii, non conditio; ut supra probavimus, & constat ex *d. l. nonnumquam in fin. & ex l. illa institutio in princ. ff. de hered. Instit.* Venissimum est igitur eam esse

naturam, &, ut ita dicam, conditionem conditionis, ut solum tacite conferri possit in voluntatem alienam.

Progrediamur ultrà. Conditio solum tacite confertur in alienam voluntatem: legatum aliquando confertur expresse, aliquando tacite. Expresse confertur hoc modo: *Lego Titio centum, si Cajus voluerit*. Tacite confertur hoc modo: *Lego Titio centum, nisi Cajus noluerit*, argumento textus in *l. fideicommissa* 11. §. *si fideicommissum ff. de leg. 3.* Nam verba illa: *nisi Cajus noluerit*, sic interpretatur, *si Cajus non repugnauerit, non contradixerit, cum primum poteris d. l. v. f. & primam*. Item tacite confertur legatum in alienam voluntatem hoc modo: *Lego Titio centum, cum Cajus voluerit*. In hoc enim legato tempus exprimitur, & tacite subest conditio voluntatis *l. si Titio* 12. in princ. vers. *nec interest. ff. quan. dies leg. ced.* Sciendum igitur est, quod legatum est inutile, si in alienam voluntatem conferatur expresse *l. nonnumquam. in fin. ff. de cond. & dem.* si verò collatum sit in alienam voluntatem tacite, illis modis, quos nunc proposui nus, valebit legatum. Etenim illis modis conferri potest legatum etiam in voluntatem ipsius hæredis *l. fideicommissa* 11. §. *si. ff. de leg. 3.* & §. *hoc autem* 6. *in fin. legis. l. fideicommissa* 46. §. *quamquam ff. de fideic. libert.* §. *l. uxorem* 41. §. *pen. ff. de leg. 3.* magis autem repugnat legato voluntas hæredis adjecta, quàm extranei *l. Senatus §. legatum ff. de leg. 1.* quia nulla obligatio conferri potest in voluntatem debitoris *l. sub hac* 8. *ff. de oblig. & act. l. stipulatio* 17. *l. à Titio* 108. §. 1. *l. centesimis* 46. in fin. *ff. de V. O. l. 7. ff. de conr. empt. l. in venditis* 13. *C. ord. l. 2. §. non utique ff. de eo quod ced. loc.* cum hoc repugnet naturæ ipsius obligationis, quæ necessitate debet adstringere debitorem princ. tit. *Inst. de oblig. l. 3. ff. de oblig. & act.*

His expositis, facilis est nostræ legis interpretatio. In alterius arbitrium conferri legatum, veluti conditio potest. Conditio confertur in alterius arbitrium solum tacite, ut probavimus: ergo si legatum conferri potest in alterius arbitrium, sicut conditio,

ipsum quoque legatum conferri poterit solum tacite. Nempe dicta erant paulò brevius, atque obcurius, idcirco Modestinus ejus studiosus eadem hæc dilatavit, & describere, ac luculenter digessit in *l. nonnumquam ff. de cond. & dem.* Ac primum proposuit exemplum conditionis collatæ in alienam voluntatem, docuitque legatum utile esse: quia licet pendeat ab aliena voluntate; tamen voluntas in conditione non est expressa nominatim, uno verbo, quia conditio, non legatum erat collatum in alienam voluntatem. Deinceps subjicit exemplum legati collati in alienam voluntatem, & hoc inutile esse docet ea de causa, quia legatum in alienam voluntatem conferri non potest: ut nos doceat, quod in superiori exemplo erat utile legatum, quia non ipsum legatum erat collatum in alienam voluntatem, sed conditio legati. Denique subjicit regulam illam, quam & initio constituerat, quod expressa nocent, non expressa non nocent, ut intelligamus etiam legatum ipsum tacite conferri posse in alienam voluntatem.

Nunc reliqua deinceps legis verba sunt explicanda. At Ulpianus: *Quid enim interest, si Titius in Capitolium ascenderit, mihi legatur, an, si voluerit?* Hæc verba, si referamus ad legatum, & generaliter interpretemur, nihil interesse inter has formulas, & adjectiones: *Si volueris*, & *si in Capitolium ascenderit*, falsam omnino sententiam continent. Multum enim interest inter has duas condiciones. Si centum promittis sub hac conditione, *si volueris*, nulla contrahetur obligatio *l. sub hac* 8. *ff. de oblig. & act. l. centesimis in fin. ff. de V. O.* Si verò promittas sub hac conditione, *si in Capitolium ascenderit*, contrahetur obligatio, cum contrahatur etiam sub conditione, *si non ascenderit* *l. veluti* 12. §. 1. *l. quicquid* 99. §. 1. *l. ita stipulatus* 115. §. 1. *ff. de V. O.* Rursus, si instituas hæredem sub conditione, *si Titius voluerit*, nulla erit institutio: at si

instituas sub conditione, si Titius in Capitolium ascenderit, utilis erit institutio l. si quis Sempronium 68. ff. de hered. inst. Neque verò existimandum est, tam bardum fuisse Ulpianum, ut non intelligeret, quantum hæc duo inter se differant. Legatum confertur in eventum conditionis: in illa, conditionis eventus est ipsa voluntas Titii; in hac, est factum ascendendi, non voluntas: in illa, statim ac Titius voluerit, legatum debetur; in hac, etiamsi maximè velit legatum deberi, tamen non debetur, nisi in Capitolium ascendat. Atqui ne ascendat multa in causa esse possunt. Potest morbo impediri, distineri negotiis, vel, dum piget illum ascendere, & procrastinat, mori, quod evenisse proponitur in l. ult. vers. quod si non ascendisset ff. de cond. instit. Finge etiam Titio legatum ab alio relictum fuisse sub conditione, si in Capitolium non ascendere, ut in l. 3. ff. de leg. 2. utique in Capitolium non ascendat, ut sibi legatum debeatur. Etenim etiamsi vellet alteri quoque legatum deberi, tamen mavult alium legatum amittere, quam se ipsum. Finge mille alias causas: nam ut Titius in Capitolium ascendat, sine ejus incommodo fieri non potest, præsertim quia hæc conditio implenda est statim, ac potest impleri l. hac conditio 29. ff. de cond. & demonstr. At verò ut Titius velit, sine ullo ejus incommodo fit: itaque adjuncta hac conditione ipse omnino arbiter est, & quasi dator legati, quod est contra naturam ultimarum voluntatum l. illa institutio ff. de hered. instit. Præterea multò magis pendet à voluntate conditio illa, si in Capitolium non ascendere, quàm hæc, si in Capitolium ascendere: facilius est enim non ascendere, quàm ascendere; & tamen etiam illa conditio multum differt à conditione, si voluerit, nam si quis promittat sub conditione, si voluerit, non obligatur; obligatur autem si promittat sub conditione, si non ascendere in Capitolium: ut modo probavimus.

Alia igitur horum verborum investiganda est interpretatio. Ea verba, quantum arbitror, ab Ulpiano videntur adjuncta ad ex-

plicandum id quod ante dixerat subobscure. Dixerat legatum conferri posse in alterius arbitrium, eodem modo, quo confertur conditio. Dubitari poterat quomodo conditio conferatur in alterius voluntatem, ita ut differat, & distinguatur ab ipso legato in alterius voluntatem collato. Quod quia non est ita perspicuum, nos pluribus suprà explicavimus, cum id nemo, quòd sciam, animadverterit. Ulpianus autem more veterum Jurisconsultorum paucis verbis idem indicavit. Proposuit enim exemplum conditionis collatæ in alterius arbitrium, cujusmodi est illa: si Titius in Capitolium ascendere; quod proponitur etiam à Modestino in l. nonnumquam. in princ. ff. de cond. & dem. Ut autem ostenderet hanc conditionem collatam esse in voluntatem Titii, dixit: nihil interesse, si Titius in Capitolium ascendere, mihi legetur, an, si voluerit. Nihil interest quoad comprehendendam voluntatem Titii, & efficiendum, ut utraque conditio contineat Titii voluntatem: sed quòd valeat legatum, multum interest. In illa voluntas est expressa; in hac voluntas non est expressa; sed tamen & ipsa voluntatem continet, quia tacite inest. Sic in l. quodcumque 45. §. non solum ff. de V. O. Idem Ulpianus ait: quod nihil interest, dicat quis, cum veneris, an si veneris; cum morieris, an si morieris: quia in hac formula conditio est expressa: in illa verò tacite inest l. si Titio 22. in princ. ff. quan. dies leg. ced. Cæterum quoad actum, cui adjiungitur, multum interest inter has duas particulas, cum, & si. Etenim si promittam sub conditione, si volueris, inutile est stipulatio: si verò promittam, cum volueris, valet stipulatio l. centesimo §. si ita. cum seq. ff. de V. O. Sic in nostra lege 1. nihil interest inter utramque conditionem, quoad voluntatem Titii, quæ utraque conditione continetur; non quòd utrumque legatum valeat. Nam hoc legatum, si Titius voluerit, inutile esse putabat etiam Ulpianus. Conjecturà id assequi possumus considerando sententiam ejusdem Ulpiani in l. fideicommissa 46. ff. de fideicommiss. libers. Nulla res est tanto favore

digna, quanto est libertas: itaque licet nulum legatum possit conferri in voluntatem, & nutum hæredis, ramen conferri potest libertas fideicommissaria, ut ait Ulpianus in *d. l. in princ.* Deinde quærit, an eodem modo libertas fideicommissaria conferri possit in voluntatem extranei, & in hoc videtur hæsitare, ac titubare: respondet enim his verbis: *mibi videtur posse dici valere libertatem, quia conditio potius est.* Quæ dubitatio, quanta hæsitatio, tractusque verborum? Proinde quasi non sufficiat favor libertatis, quærit adminicula, quibus fulciat sententiam suam, videlicet, quod voluntas aliena sit adjecta tamquam conditio, tamquam aliquis eventus, tamquam aliquod factum. Quibus animadversis, constat Ulpianum in alio legato multo aliter responsurum fuisse. Nam si alia quoque legata rectè conferrentur in alienam voluntatem, quis de libertate posset dubitare? Quæ amentia esset, si hæsitaret in legato libertatis ille, qui in aliis legatis sine hæsitatione responderet, posse in alterius arbitrium conferri? Præsertim cum ille ipse Ulpianus paulo ante dixerit, libertatem conferri posse in voluntatem hæredis, in quam nullum aliud legatum conferri potest. Hæc sunt, quæ ad explicationem hujus legis, si non ad mentem Ulpiani, saltem dilucidè, quantum natura rei ferebat, à nobis exponenda esse duximus.

CAPUT XXIII.

AD L. SUB HAC 8. ff. de oblig. & act.

SUMMARIUM.

- 1 Sub condicione, si volam, nulla contrahitur obligatio.
- 2 Contractus non ante perficitur, quam sit impleta conditio.
- 3 Giphanius reprehenditur.
- 4 Harpachii sententia reprobat.
- 5 Ex contractu conditionalis fingitur initio nata obligatio.
- 6 Cujacius reprehenditur.
- 7 Quia in re differant hæc duo conditiones: si volam, & si volucro.

- 8 Qui contrahunt sub his conditionibus non habent animum obligandi.
- 9 Contractus simulati nullam vim habent.
- 10 Conditiones in præsens, vel in præteritum collata statim perimunt obligationem, si falsa sint.
- 11 Conditio, qua semel defecit, amplius impleri non potest.
- 12 Conditio, qua persona coheret, ab alio impleri non potest.
- 13 Conditiones prædictæ coherere persona premissoris.
- 14 Quantum hæc in re differant contractus à legatis.

Quoniam suprà diximus obligationem conferri non posse in voluntatem debitoris, quæ sententia cum stabiliri, tum infirmari videtur *l. sub hac 8. ff. de oblig. & act.* idcirco eam explicatè operæ pretium esse ducimus. Est autem multò difficilior, quàm plerique opinantur, & multò aliter exponenda, quàm Doctissimi Viri arbitrantur.

Ait Pomponius: *Sub hac conditione, si volam, nulla contrahitur obligatio: pro non dicto enim est, quod dare, nisi velis, cogi non possis.* Hactenus rectè: & consentit cum aliis Jurisconsultis in *l. stipulatio 17. ff. de V. O. in l. centesimo 46. in fin. in l. à Titio 108. §. 1. ff. eod. in l. 2. §. non nique ff. de eo quod. cert. loc. in l. 7. ff. de contr. empt. in l. in venditis 13. C. eod. tit. in l. Senatus §. legatum ff. de leg. 1. sed verba, quæ sequuntur, non solum aliorum sententiæ videntur esse contraria, sed etiam cum ipsius Pomponii sententia diffidere. Ait enim: *Nam nec hæres promissoris ejus, qui numquam dare voluerit, tenetur: quia hæc conditio in ipsum promissorem numquam exitit.* Idèd non tenetur hæres promissoris, quia conditio defecit, quia promissor numquam dare voluit: ergo si non defecisset conditio, si promissor dare voluisset, teneretur hæres, & contracta fuisset obligatio. Est hoc fortissimum argumentum *l. 1. in princ. ff. de officio ejus cui mand.* Est hoc commune omnibus conditionibus. Idèd enim non nascitur obligatio ex contractu, cui adjecta est cujusquemodi conditio, quia conditio non exitit *l. si quis 37. in fin. ff. de contr. empt.* nam contractus non ante perficitur, quàm sit impleta conditio *l. 7. in princ. ff. eod. tit.* Non differt igitur hæc conditio à aliis conditionibus: sed aliæ conditiones*

contractibus rectè adjiungitur §. *omnis, cum duobus* legg. *Inst. tit. de V. O.* ergo non minus rectè adjiungitur hæc conditio. Quid igitur est, quod ait J. C. *initio legis*: sub hac conditione nullam contrahi obligationem.

Giphanius putat in hac secunda legis parte Pomponium tractare de eo, qui promittit sub conditione, *cum voluerit*, quæ conditio non infirmat stipulationem, deficit tamen moriente promissore, antequam velit l. *centesimis* §. *si ita* ff. de V. O. Hoc quia perspicuè falsum est, non attinet refutari. Numquam ei, qui verba legi accuratè consideraverit, hoc poterit persuaderi.

Harpiechrus, Vir in primis copiosus, & doctus, ait, inutilem esse stipulationem; sed si promissor voluerit, existente conditione convalescere. Omitto pervulgatam illam regulam: *Quod initio non valet, tractu temporis non convalescit*. Absurdum videtur, ut conditio illa, quæ adjecta omnino infirmat stipulationem, eamdem confirmet existens. Si existente conditione nascitur obligatio, falsum est, quod dixit J. C. *Sub hac conditione nullam contrahi obligationem*. Omnis conditio suspendit obligationem, donec existat l. *cedere diem* ff. de V. S. l. *legata* 41. ff. de cond. & dem. sed cum retrahatur in contractibus ad tempus celebrati contractus, initio contracta videtur obligatio l. *necessario* 8. in princ. ff. de peric. & comm. rei vend. l. *sub conditione* 16. ff. de solut. l. *filiusfam.* 78. ff. de V. O. l. *potior* 11. §. 1. ff. *qui pot. in pig. hab.* spectamus enim id tempus, quo contrahimus l. *non omne* 144. §. 1. ff. de Reg. Jur. Falsum est igitur nullam contrahi obligationem, cum vel ab initio contracta videatur. Exemplum autem ab Harpiecho allatum ad rem non pertinet vel exci videant.

Doctissimus Cujacius docet hanc stipulationem inutilem non esse. Discrepant enim inter se hæc duæ conditiones *si volam*, & *si voluero*, hæc semper infirmat stipulationem, cui adjiungitur: illa non infirmat stipulationem, si existat ante mortem promissoris, nec obstat obligationi.

Si hæc approbamus, qua ratione tuebimur, ac defendemus Pomponium, qui ini-

tio legis affirmat nullam contrahi obligationem, & pro infecta haberi stipulationem? Quid? an pro infecta haberi clamant, in voluntatem debitoris conferri non posse obligationem; an debeat, in voluntate debitoris poni non posse; non posse à voluntate debitoris statim capere promissionem l. *stipulatio* 17. ff. de V. O. l. *in vendentis* 13. C. de contr. empt. l. 7. in princ. ff. eod. l. 2. §. *non utique* ff. de eo quod cert. loc. l. à Titio 108. §. 1. ff. de V. O. Discrepant quidem quoad electionem hæc duæ conditiones: *si volam*, & *si voluero*. Illa tractum quemdam habet, & infinitum tempus comprehendit: hæc momento temporis consumitur, & primam voluntatem demonstrat, quia quiddam præteriti temporis habet admixtum. Itaque qui promittit se daturum servum, quem *volet*, potest semper mutare electionem, donec aliquem servum dederit. At qui promittit se daturum servum, quem *voluerit*, electionem mutare non potest, & tenetur eum dare, quem semel elegerit: quia jam voluit, & solus actus voluntatis stipulatione continetur sine tractu temporis infiniti, quo actu perfectio, iterum velle non potest l. *si quis* 112. ff. de V. O. Sed hæc nostræ legi non possunt accommodari. Neque enim minus repugnat naturæ, & necessitati obligationis hæc, quam illa conditio. Non quærimus an mutari possit voluntas; sed an posita sit in voluntate debitoris obligatio. Conditio illa, *si volam*, eò magis in mea voluntate ponit obligationem, quò magis liberam continet voluntatem: possum enim semper eam mutare, & adhuc liber sum, etiam postquam voluero.

Dicam ego quod sentio, ita tamen, ut meam sententiam nulli prælatam velim. Duo sunt, quæ, meo judicio, docere nos voluit Pomponius in hac lege. Primum est, quod adjecta hac conditione, contrahi non potest obligatio, non solum quia hæc conditio repugnat naturæ obligationis, sed etiam quia contrahentes nolunt contrahere obligationem. Nam neque ille qui stipulatur sub conditione, *si debitor voluerit*, habet animum obligandi promissoris, neque promissor ha-

bet

bet animum se obligandi, qui promittit se daturum, *si voluerit*. Ludunt, & jocantur contrahentes, non revera contrahunt: nam sine animo, & proposito contrahendi obligatio non contrahitur l. 3. §. ult. ff. de oblig. & alt. l. nuda ff. de contr. empt. Itaque nec
9 contractus imaginarii, & simulati ullam vim habent d. l. nuda, & l. 1. §. Divi fratres ff. de quest. l. creditor. 20. C. de don. inter vir. & uxor. l. cum ea C. de transact. l. si ex pretio C. si cert. per. l. si obligatum C. de solut. Varro lib. 5. de Ling. Lat. Non spondet statim, qui dixit, spondeo, si jocandi causa dixit: neque agi potest cum eo ex sponsu. Simile quid de conditione impossibili Mæcianus respondit in l. non solum ff. de obligat. & alt. Adfectu conditione impossibili contrahentes non obligantur: quia procul dubio ejusmodi est eorum cogitatio, ut nihil agi existiment, appositâ eâ conditione, quam sciant esse impossibilem. Sic appositâ conditione; *si volueris*, aut, *si voles*, nihil agi existimant contrahentes, & nolunt contrahere obligationem. Quamobrem hæc conditio statim deficit, quia statim certum est nolle obligari promissorem, & proinde statim quoque nulla est stipulatio, ut accedit in conditionibus in
10 præsens, vel in præteritum tempus collatis, quæ, si falsæ sint, statim perimunt obligationem §. condiciones Inst. tit. de V. O. l. conditio 100. ff. de V. O. l. cum ad præsens 37. cum seqq. ff. de reb. cred. Hæc voluit significare Pomponius in nostra lege, cum ait: *pro non dicto enim est, quod dare, nisi velis, cogi non possit*. Videlicet pro infecto habetur contractus, cum desit animus se obligandi, sicut pro infectis habentur, quæ simulantur l. cum ea C. de transact. l. si ex pretio C. si cert. per. Deinde subdit, quod hæc conditio in ipsum promissorem numquam extitit, qui numquam dare voluit: quibus explicat, promissorem non habuisse animum se obligandi, numquam dare voluisse, statim defecisse conditionem: quia dare non vult, qui ita promittit.

Atque hæc referendum esse puto, quod traditur de fidejussoribus. Fidejussor in alienam obligationem accipi non potest, non

potest debere id, quod non debet principalis debitor l. si ita 42. l. 8. §. si quis Stichum ff. de fidejuss. Itaque si reus principalis promiserit Stichum, aut Pamphilum, fidejussor autem promittat Stichum, utilis erit fidejussio l. hi qui 34. & l. 8. §. contra ff. de fidejuss. Ita tamen, ut pendeat fidejussio; nam si reus principalis voluerit solvere Pamphilum, quem non promissit fidejussor, non erit obligatus fidejussor. Contrâ verò si reus principalis promiserit decem, & fidejussor promiserit decem, aut Stichum, statim est inutilis fidejussio d. l. 8. §. si quis Stichum, & l. si Stichum 18. ff. de fidejuss. Non expectatur hic, ut fidejussor eligat Stichum, quem non debet principalis: quia initio præsumitur hunc elegisse, & noluisse se obligare, qui hoc modo contraxit. Sic in eo, qui promissit se daturum, *si voles*, non expectatur ut velit, statim nolle præsumitur; statim deficit conditio; & cum semel defecerit, amplius impleri non potest l. Thais 41. §. infra ff. de fideic. lib. l. papillorum C. de adm. tut.

Est & aliud quiddam, quod nos voluit docere Pomponius in hac lege, ut proposuimus; videlicet, hanc conditionem injunctam esse personæ promissoris, eique coherere, ita ut ab alio impleri non possit, nec ab ipso ejus hærede. Promissor non tenetur iis de causis, quas modò diximus. Hæres
12 autem promissoris alia quoque de causa non tenetur, quia conditio personæ promissoris erat injuncta, & cum in ipsum non extiterit, ab ejus hærede non potest impleri. Itaque etsi stipulatio naturâ suâ esset utilis, tamen non teneretur, quia morte promissoris deficeret conditio l. si ita expressum 69. ff. de
13 cond. & dem. Explicat hanc Pomponii sententiam Paulus in l. censefimis §. si ita ff. de V. O. ubi ait, quod si quis ita stipuletur: *cum volueris, dabis*, quidam putarunt utilem esse stipulationem: sed evanescere, si moriaris, antequam te velle constituas: idque verum esse. Est utilis hæc stipulatio, & tamen hæres promissoris non tenetur, quia ipse conditionem implere non potest. Et hoc est, quod monere voluit Pomponius in secunda parte legis nostræ: nempe, quod hæ-

res multò minus tenetur, quàm promissor : nam etsi conditio illa non corrumpet stipulationem, tamen hæres ejus promissoris, qui numquam voluit, non potest obligari, quia conditio injuncta est personæ promissoris.

Neque hoc temerè admonuit. Sed primum, ut intelligamus, etiam in casu, quo valit similis stipulatio, tamen heredem non teneri, si promissor numquam voluit : qui casus refertur à Paulo in *d. l. centesimis*.

Præterea, ut ostenderet quantum contractus differret à legatis. In his enim si debitor, antequam moriatur, non constituit se velle solvere fideicommissum, hæres ejus statim tenetur ad solvendum *l. fideicommissa* 11. §. *hoc autem*. & *l. uxorem* §. *Scævola ff. de leg. 3.* Itaque in contractibus morte debitoris deficit conditio : contra in fideicommissis morte debitoris extirrit.

CAPUT XXIV.

AD L. OBTINUIT 3. ff. de
cond. & dem.

SUMMARIUM.

- 1 Conditionum impossibilium generum.
- 2 Conditioque naturæ impossibiles quæ : & an detrahantur?
- 3 Conditio impossibilis naturæ vitiat contractus : & quare? n. 4.
- 4 Differentia inter contractus, & ultimas voluntates.
- 5 Testatoris maximè interese suam voluntatem exitum habere.
- 6 Juri Civile vigilantibus scriptum est.
- 7 Juri Civile favore testatorum aliquando inducit aliquid contra eorum mentem.
- 8 Lex Falcidia favore testatorum, & hæredum luta.
- 9 Longissimum tempus, quo quis vivere non possit, detrahatur.
- 10 Statu liber ubi alio manu missus non Romanam, sed Latinam libertatem constituatur.
- 11 Quidam dabant libertatem in tempus mortis, ut servum unquam posses ad libertatem pervenire.
- 12 Milites quanta summu : & an faciam impossibilium conditionem.
- 13 Reprehenditur Celsi expressio.
- 14 Falsa conditiones quæ, & earum genera.

- 15 Conditiones, quæ semper falsa fuerunt, detrahuntur.
- 16 Item, quæ falsa facta sunt, aut ante conditam, & testamentum, aut per hæredis institutionem.
- 18 Detrahuntur etiam conditiones, quæ testator falsus esse ignoravit.
- 19 Auferitur legatum, & donatio manu missæ, qui naturales repetitis.
- 21 Conditio reddendi tubulus vi ipsa continet liberationem.
- 23 Conditio hæc non est impossibilis, etiam tabulis non existentibus, nisi cum hæres debitor non est.
- 24 Conditio, quæ falsa esse incipit post conditum testamentum, non detrahatur.
- 25 Aliud est detrahi conditionem : aliud eam non deicere, ut pro impletu haberi.
- 26 Conditio restituendi rei in datam datat impletur resistendo quicquid superest.
- 27 Periculum rei cum datatum æstimatum periculosum ad maritum : & quare, n. 28.
- 29 Conditio juri jurandi remittitur, & resolvitur in modum, adeo ut legatum non sit umplius conditionale, & factum implendum sit solum, si potest.
- 31 Viventis nulla est hereditas : nec recipit æstimationem.
- 32 Æstimatio, quævis, plurimi, respicit tempus præteritum, non futurum.
- 33 An conditio pro impletu habetur, cum per legatarium non sit, quominus impletur.
- 34 Si conditio post mortem testatoris sit falsa, non detrahatur, sed aliquando pro impleta habetur.
- 35 Conditiones à Jure improbatæ sunt impossibiles : quot earum species : detrahuntur etiam ex testamentis militis.
- 36 Aliquando improbatæ à Jure conditio : aliquando ipsa dispositio.
- 37 Cum improbatæ dispositio, ipsa corrumpit : vido exemplum.
- 38 Visus, & impossibilis dispositio valere non potest : & quando sit ejusmodi.
- 39 Cur non valeat dispositio cupatoria, perplexu, & in aliorum voluntatem collata.
- 40 Dies aliquando reddit dispositionem impossibilem.
- 41 Imò potius reddit impossibilem solutionem, quia dies non sufficit substantiam dispositionis.
- 42 Cum habetur pro non scripta scientio præcepta à testatore, succedit necessitas solvendi juxta unicam obligationem.
- 43 Angustia temporis reddunt nullum contractum non quare?
- 45 Conditiones turpes, quæ neque legibus, neque bonis moribus repugnant, non remittuntur.

Obtinuit impossibiles conditiones testamento adscriptas pro nullis habendas. Brevis, & clara lex, sed magnis controversiis implicata : propterea perpicue est explicanda. Conditiones, quæ pro nullis habentur

1 tur, aut impossibiles sunt: aut falsæ: aut contra jus: vel, ut cum nostris loquar, quædam sunt impossibiles naturæ: quædam ex suppositione: quædam Jure.

2 Impossibiles naturæ sunt, quibus naturæ impedimento est, quominus possint existere §. *si impossibilis Inst. tit. de inutil. stipul.* Harum hujusmodi exemplum in Jure nostro proponitur: si digito cælum tetigeris: ut in d. §. *si impossibilis*, & in l. *cum in secundo. in fin. ff. de injust. rupt.* Veteres Scriptores digito cælum attingere dicebant eos, qui ad summum insolitiæ felicitatis fastigium videbantur evecti. Eleganter Cicero ad Atticum: *Nostrum autem Principes digito se cælum putant attingere, si nulli barbari in piscinis sunt, qui ad manus accedant.* Horat.

— *Sublimi feriam sidera vertice.*

Lyfimachus devictâ Thraciâ, cum ad eum Byzantio legati venissent, dixisse fertur: *Nunc ad me veniunt Byzantii, cum hasta cælum tango.* Argutè respondit Palsides: *Abeamus hinc, ne cuspidè cælum perforet.*

Nostrî verò Juris Conditores hæc verba naturaliter acceperunt, & impossibilem conditionem continere statuerunt d. §. *si impossibilis*, & d. l. *cum in secundo*: & idèd pro non scriptis habenda esse in testamentis, cum impossibiles conditiones detrahantur ab ultimis voluntatibus, & pro non adjectis habeantur l. *obtinuit* 3. ff. de cond. & demonstr. l. 1. ff. de cond. inst. §. *impossibilis Inst. tit. de hered. inst.*

3 Duo tamen occurrunt, quæ homines etiam in Jure exercitatos impediunt, & nutare cogunt in hac sententia defendenda. Primum, exemplum contractuum, quos inutiles esse adjectâ impossibili conditione certo certius est l. *non solum* ff. de oblig. & act. l. *impossibilis* 7. ff. de V. O. §. *si impossibilis Inst. tit. de inn. stip. l. si sub impossibili* 29. ff. de si de juss.

4 Sed hunc nodum dissolvit Mæcianus in l. *non solum* ff. de oblig. & act. ubi discrimen inter contractus, & ultimas voluntates nobis indicat his verbis: *Quia in ea re, qua ex*

duorum, pluriumve consensu agitur, omnium voluntas spectetur: quorum procul dubio in hujusmodi actu talis cogitatio est, ut nihil agi existiment, appositâ eâ conditione, quam scientes esse impossibilem. Hæc ratio non convenit ultimis voluntatibus, quæ solius disponentis voluntate constant, non duorum, pluriumve consensu. In ultimis voluntatibus ille, cujus maxime interest valere dispositionem, videlicet hæres, aut legatarius, non intervenit dispositioni, ut possit impedire, ne testator adjiciat impossibilem conditionem: & quamvis interveniret, id impedire non posset, quia in ultima dispositione ejus voluntas non spectatur. In contractibus maxime interest ejus, qui se obligat, ne contractus valeat: adeoque facile præsumitur, eum obligari noluisse. In altero contrahente facile etiam admittitur præsumptio, eum nihil agere voluisse: ea de causa quia consensit adjectioni conditionis impossibilis, quam sciebat existere non posse. In defunctorum dispositionibus contraria omnia. Testatoris maxime interest voluntatem suam exitum habere l. & quia ff. de interr. act. §. *licet Inst. tit. quib. manum. non lic. princ. tit. Inst. de Leg. Falcid.* adeoque præsumi non potest, eum inutiliter disponere voluisse. Maxime quoque interest ejus, cui aliquid in testamento relinquatur l. *potest hæres* ff. ad Leg. Falc. sed non potest ei imputari, cur consenserit conditioni impossibili, quia nec intervenit, nec spectatur ejus voluntas in ultima dispositione.

Concurrit etiam favor ultimæ voluntatis. Neque enim is sum, qui hac in re Bartolum, & alios reprehendam. Poterat enim lex improbare dispositionem, tamquam ab homine non sanæ mentis factam l. 2. & l. 5. in fin. ff. de ineffic. testam. princ. tit. Inst. eod. Eleganter Terentius in *Heautont. act. 2. scen. 3.*

Siquidem id sapere est, velle te id, quod non potest contingere.

Maluit autem præsumere conditionem incautè excidisse. Poterat nihilominus, etiam admittâ hac præsumptione, non approbare

dispositionem. Sibi enim imputet testator, si incautè, & inconsultò disposuit: nam Jus Civile vigilantibus scriptum est, *l. pupillus 24. ff. quæ in fraud. credit.* Hæc omnia insuper habuerunt Jurisconsulti Veteres, ut faverent, tum testatoribus, tum hæredibus, & aliis, quibus aliquid sub hujusmodi conditione fuerat in testamento relictum. Animadvertēbant enim legem ipsam, aliquando favore tam testatorum, quam hæredum, aliquid statuere contra voluntatem defuncti. Exemplo sit Lex Falcidia, quæ inducta est contra sententiam testatorum *l. Titia 86. in 8 fin. ff. ad Leg. Falcid.* favore tamen eorumdem testatorum *princ. tit. Inst. de Leg. Falcid.* & etiam hæredum *l. potest ff. eod.* Quantò magis igitur ad servandam ultimam voluntatem præsumi debet, conditionem incauto testatori, & turbato cogitatione mortalitatis excidisse: eique venia danda est: nec ejus incogitantiz imputandum est, quòd sibi consultius non providerit.

Alit. um est Pauli responsum in *l. cum heres 5. non est statim liber ff. de statu lib.* Non est statim liber, cui libertas in tam longum tempus collata est, ut eo tempore, qui manumissus est, vivere non possit: aut si tam difficilem, imò penè impossibilem conditionem adjecerit, ut aliunde ea libertas obtingere non possit: veluti si hæredi millies dedisset, aut cum moveretur liberum esse jussisset: sic enim libertas inutiliter datur: & ita Julianus scribit: quia nec animus dandæ libertatis est. Dux hic conditiones impossibiles proponuntur. Longissimum tempus, quo vivere non possit is, qui manumissus est. Hujusmodi tempus detrahi solet *l. si mihi 12. §. si quis servos ff. de leg. 1.* sed hæc viriat legatum libertatis, quo nullum est favorabilius. Altera est conditio: si millies dederit: quam penè impossibilem dicit Jurisconsultus, conficit enim vices quinquies centena millia nostrorum scutorum. Hic autem mpendum, quod & aliàs indicavimus, perperam quosdam legere *milite, aut decem millia*: nam sub hac conditione libertas rectè datur, ut videre est apud Ulpianum in *fragm. tit. de statu lib. §. sub hac conditione.*

Hæc omnia, quæ libertati obflare videntur, favore ipsius libertatis sunt introducta. Atque ut hoc demonstremus, duo sunt præmittenda. Primum, quod si statu liber ab alio manumitteretur, non Romanam, sed Latinam libertatem consequeretur *l. un. §. sed etsi sub conditione C. de Latin. libert. toll.* Fiebat enim Latinus, non Civis Romanus, & quamvis viveret tamquam liber, tamen ultimo vitæ momento in servitutem redigebatur, & patronus, tamquam dominus, omnia ejus bona occupabat *d. l. un. in princ. & §. sed scimus, & §. sed & qui, & §. illud etiam, & §. similique modo.* Præterea præmittendum est, quòd olim introductum fuerat dare libertatem servis in tempus mortis, ne illi possent usquam ad Romanam, & veram libertatem pervenire: nam si in vita ab alio fuissent manumissi, Latinam solum libertatem consequerantur, hoc est, quodammodo in pristina servitute remanebant, ut ait Justinianus in *l. un. §. sed & qui domini C. de Lat. libert. toll.* adeoque solebant domini hoc modo libertatem dare, non animandæ libertatis, sed potius ejus impediendæ, ne servi umquam ad libertatem pervenirent. Hæc luculenter explicat Pomponius in *l. ult. ff. de manum. testam.* ubi etiam hunc modum dandæ libertatis comparat illi, cùm testator hæredi interdicit, ne pendeute conditione servum manumittat.

His probè constitutis, facilis est expositio laudatæ legis. Vitiosum est legatum, nec valet datio libertatis, quia testator non habet animum dandæ libertatis, ibi: quia nec animus dandæ libertatis est: dat enim libertatem sub ea conditione, quam scit vivo servo non exituram. Habet igitur animum impediendæ libertatis: hæc enim conditio efficit, ne umquam ad veram libertatem possit pervenire, etiam si ab alio manumittatur, ibi: ut aliunde ei libertas obtingere non possit. Cessante animo, & voluntate testatoris non potest consequi libertatem: & idèd non detrahitur conditio. Favore autem libertatis constitutum est inutile esse legatum, ne libertas impediatur, & aliunde possit obtingere.

Animadvertendum autem est, eas conditiones non esse impossibiles. In primo legato potius impossibile est ipsum legatum, quam conditio. Tempus enim extitutum est, sed tunc libertas obtingere non poterit. Sed de hoc infra dicemus. In secundo legato conditio est quidem difficilis, ac penè impossibilis, non tamen verè impossibilis, ad
 12 eoque non est ejus generis conditio, quæ detrahi debeat. Difficile est *millies* dare, non impossibile. Senec. lib. 1. *natural. quest.* de quodam Hostio: *Hunc divitem avarum, sesterium millies servum, Divus Augustus indignum vindictâ judicavit, cum à servis occisus esset, & tamen non pronuntiavit jure casum videri.* Id. lib. 2. *de benefic. cap. 27.* Cn. Lentulus Angur, divitiarum maximum exemplum, antequam illum libertini pauperem facerent: hic quater millies sesterium suum vidit. Deinceps subdit: *Hic cum omnia incrementa sua D. Augustus deberet, ad quem attulerat pauperem, sub aere nobilitatis laborantem, Princeps jam Civitatis pecunia, & gratia, subinde Augusto solebat queri, dicens, se à studiis abductum. Nihil tantum in se congestum esse, quantum perdidisset reliquâ eloquentiâ.* Qui possedit quater millies, & à libertinis factus est pauper, potuit servo millies dare, ut libertatem sequeretur. Plin. lib. 33. cap. 10. *M. Crassus negabat locupletem esse, nisi qui redditu annuo legionem tueri posset. In agris suis sesterium bis millies possedit. Quirinus post Syllam divitissimus. Multos postea cognovimus, servitute liberatos, opulentes, pariterque tres Claudii principatu, Pallantem, Callistum, & Narcissum; Idem Plin. lib. 36. cap. 15. de M. Scauro: Sed & reliquis apparuit tantus Atticâ veste, tabulis pictis, cæteroque choragio fuit, ut in Tusculanam villam reportatis, quæ superfluerant, quotidiani usus delictis, incensâ villâ ab iratis servis, concremarentur ad bis millies. Nemo Tiridati abeunti millies domo dedit. Mitto reliqua. Hoc tantum addo, falli doctissimum Virum, qui putat hæc*
 13 legata relinquî potius animo impeliendæ, quam dandæ libertatis, quia nemo manumissurus sit eum servum, qui existente con-

ditione futurus est libertus orcinus l. 2. in princ. ff. *de statu lib.* Etenim nemo vereri potest, ne existat conditio penè impossibilis. Quis enim futurus est tam liberalis, ut velit pro servo millies solvere? aut qua ratione poterit ipse immensam pecuniam summam conficere? Demus eam confecisse. Quæ causa poterit ipsum impellere ad implendam conditionem, solvendamque tam ingentem pecuniam summam, si jam ab alio libertatem est consecutus? quàm facile poterit declinare solvendi necessitatem? Multò minus vereri potest, ne vivo servo dies existat, si servus in tam longum tempus manumissus est, ut eo tempore vivere non possit. Neminem retrahere potest à manumittendo periculum remotissimum; imò, aut omnino, aut penè impossibile.

Progrediamur ad alterum genus conditionum impossibilium, quæ falsæ dicuntur in l. cum tale §. *falsam conditionem* ff. *de cond. & demonst.* Dialectici dicentur esse de subiecto non supponente: Nostri dicunt impossibiles ex suppositione, vel per accidens. Quoad has conditiones, tria tempora sunt consideranda, quæ cum non separant, atque distinguant Interpretes nostri, & omnem docendi rationem perturbant, & quæstionem per se obscuram densissimis tenebris involvunt. Tempus ante conditum testamentum: tempus post conditum testamentum: & tempus post mortem testatoris. Sunt enim quædam conditiones, quæ semper fuerunt impossibiles, etiam ante conditum testamentum: aliz factæ sunt impossibiles post conditum testamentum, sed in vita testatoris: aliz post ejus mortem.

Separatis hisce temporibus illud statuendum est: eas solas conditiones detrahi, tamquam impossibiles, & pro non scriptis haberi, quæ aut semper fuerunt impossibiles: aut saltem erant impossibiles, tempore conditi testamenti. In l. si *Mavia* 45. ff. *de hered. inst.* testator instituerat Lucium Titium heredem sub conditione: *si filia mea viveret.* Filiam numquam habuerat. Respondit J. C. Titium heredem fore, quia id, quod impossibile in testamento scriptum esset, nul-

lam vim haberet. In *l. libertate* 16. in fin. ff. de statu lib. Servus iustus redditâ ratione ad libertatem pervenire; licet nullam administraverit rationem, nihilominus liber erit. In *l. cum tale* §. falsam conditionem ff. de condit. & dem. Falsam conditionem Cassius, & Celsus Sabinus impossibilem esse dixerunt: veluti; Pamphilus, si quod Titio debeo, solveris, liber esto, si modo nihil Titio fuit debitum.

- 16 De conditionibus, quæ non fuerunt semper impossibiles, sed tamen factæ sunt impossibiles ante testamentum conditum, exempla proponuntur in *l. multa* §. 1. ff. de cond. & demonstr. ubi filia, quæ in conditione viva supponebatur à testatore, mortua erat ante testamentum: in *l. ab omnibus* §. in testamento ff. de leg. 1.

Idem dicendum, si per ipsam institutionem conditio fiat impossibilis. In *l. si qui ira* 4. ff. de condit. insti. quidam hæredem instituerat sub conditione, si servum hæreditarium non alienaverit. Si solus hæres institutus sit, impossibilis est conditio, quia nemo alius hæres est, cui cavere possit, se non alienaturum. In *l. mulier* 20. ff. eod. mulier, quæ viro suo ex dote promissam pecuniam debebat, virum hæredem ita instituit: Si eam pecuniam, quam doti promississet, neque petisset, exegisset. Si vir solus hæres institutus sit, impossibilis est conditio, & pro non scripta accipienda est. Nemo enim est, à quo possit exigere, aut cui possit acceptum facere, & per confusionem tollitur obligatio *l. Stichum* §. addito ff. de solut. Has conditiones ipse testator reddit impossibiles, unicum hæredem instituendo.

Antequam progrediamur ad tempus post testamentum conditum, explicandæ sunt nonnullæ leges, quæ his, quæ hæcenus constitutum, videntur esse contrariæ. Primum autem contrarium respondetur in *l. servo* §. 8. ff. de condit. indeb. Testator legaverat servo suo centum, si ex testamento ad libertatem pervenisset: servus postea ingenuus pronuntiatus est. Respondit Papinianus, legatum non deberi, & solum repeti posse. Hæc conditio semper fuit impossi-

lis: non potest enim ad libertatem ingenuus pervenire §. ult. Inst. tit. de ingen. l. 1. & 2. C. de ingen. manum. & tamen vitiari legatum, adeo ut etiam, si solum fuerit, repeti possit.

Perterruit omnes veteres Interpretes hujus argumenti vis: atque ut eam eluderent, novo commento totam rationem detrahendi conditiones impossibiles perveterunt. Invaluit itaque opinio falsissima, & nullâ lege suffulta, conditiones, quas testator falsas esse ignorabat, non detrahi, sed vitiare ultimas voluntates: cum tamen hæc tantò magis detrahendæ sint, quantò certius est, eas ineauto testatori excidisse, Sed hanc sententiam alii confutarunt.

Verissima est Sarmienti interpretatio. Qui ad libertatem proclamabat, & ingenuus pronuntiabatur, agnitis natalibus, cogebatur restituere manumissori, quæcumque ab eo concessa, donata, legata acceperat, quæque ex re ejus acquisierat; idque Senatûconsulto cautum erat, de quo mentio fit in *l. 1. C. de ingen. manum.* & in *l. 3. ff. si ingen. esse dicetur.* Itaque in laudata lege aufertur legatum servo, non quia inutiliter legatum fuerit, adjectâ impossibili conditione; sed quia legatarius originem repetiit, agnitis natalibus; quod ei auferretur, etiam si conditio illa adjecta non fuisset.

Præterea contrarium respondit Neratius in *l. multa* §. si servus ff. de cond. & demonstr. Si servos certos quis manumississet, hæres esse iustus erat: quibusdam ex his antea mortuis, Neratius respondit, desici eum conditione: nec aestimabat, pareri posset conditioni, nec ne.

Quidam Viri apprime docti in hujus legis interpretatione magnas turbas cient, & ut est in veteri proverbio, *stultus in sumptibus excitant.* Sed non est ambigendum in hac lege referri Neratii sententiam, sed non probari; imò statim improbari auctoritate Servii, Labeonis, Sabinii, Cassii. Primum enim indicat Pomponius se non acquiescere Neratii sententiæ, illis verbis: *nec aestimabat, &c.*

Deindè statim ei opponit sententiam Ser-

vii; ibi: *sed Servius, &c.* & Servii sententiam confirmat auctoritate Labeonis. Addit deinceps auctoritatem Sabini, & Cassii, qui eas condiciones, quasi impossibiles, pro non scriptis habendas existimant. Observa: *eas condiciones.* Comprehendunt hæc verba tam conditionem propositam à Servio, quam propositam à Neratio. Denique ita statuit: *qua sententia admittenda est.* Neratius probabat sententiam Trebatii, cujus nulla ratio haberetur in *l. Stichum 39. §. si Stichus ff. de statu lib.* Qui hæc non vident, in luce meridiana cæcitant.

Idem prope videtur respondisse Julianus in *l. hujusmodi 84. §. si ita cui legatum esset* 11 ff. de legat. 1. *Si ita cui legatum esset, si tabulas chirographi mei heredi meo reddiderit, hæres meus ei decem dato: si tabula in rerum natura non fuerint, astimabitur implese conditionem, si heredem liberaveris, nec ad rem pertinebit, an tunc, cum testamentum fiebat, tabula intercederint, an postea, vel mortuo testatore.* Hic conditio impossibilis non detrahitur, sed implenda est saltem per æquipollens, alioqui deficit. Agitur autem hic de conditione, quæ erat impossibilis, etiam tempore conditi testamenti. Idem tamen Julianus contrarium notat in *l. ab omnibus §. in testamento. versic. Julianus notat ff. de legat. 1.*

Respond. conditio reddendi tabulas hæredi vi ipsa continet ejusdem hæredis liberationem. Itaque impletur hæc conditio hæredem liberando, adeoque etsi tabulæ non extent, tamen non est impossibilis conditio, sed hæres liberandus est. *d. l. hujusmodi §. si ita cui ff. de legat. 1.* Si conditio contineret solummodò factum reddendi tabulas, iis non extantibus, conditio esset impossibilis; sed quia continet liberationem, possibilis 23 est, etiam tabulis non extantibus: quia cum possit existere debitum sine tabulis, nec debitum intercadit, intercedentibus tabulis, potest liberari hæres, etiamsi tabulæ intercederint, quandocumque illæ intercederint. Tunc conditio esset impossibilis, si nihil hæres deberet *l. cum tale §. falsam ff. de cond. & demonstr.* quia non potest libera-

ri, qui non est debitor: & idèd si legem Titio centum, quæ mihi debet, inutile est legatum, si nihil mihi debeat *l. si sic legatum. §. quod si, in princ. ff. de leg. 1. l. legavi. versic. quod si sic dixit. ff. de liberis, legat.* quia legata est liberatio *d. l. legavi*, ea autem est impossibilis, si Titius non sit debitor. Et de hac conditione agitur in laudata lege *ab omnibus §. in testamento ff. de leg. 1.* Nempe, non intercederant tabulæ, ut in *l. hujusmodi ff. eod.* sed nullæ fuerunt, quia hæres numquam debitor fuerat: & hoc casu conditio est impossibilis. Hic obiter animadvertendum Labeonem, & Julianum, secutam Latini sermonis rationem religiosè servantes non impossibile, sed aditiam Græcè dixisse.

Veniamus ad tempus post conditum testamentum. Si post conditum testamentum aliquid evenerit, quo conditio impleri non possit, conditio defecisse dicitur, non verò detrahitur, tamquam impossibilis. In *l. cum 24 tale §. falsam conditionem ff. de condit. & demonstr.* *Quod si post testamentum falsum testator pecuniam exsolvit, defecisse conditionem intelligi.* In *l. qua sub conditione. §. mortuo ff. de cond. instit.* Nam mortuo Stichos, nemo dicit submovendum eum: non videtur enim defecisse conditio, si parera conditioni non possit. Et idèd in *l. ab omnibus §. in testamento ff. de legat. 1.* ut conditio sit impossibilis, & pro non scripta habeatur, exigit Julianus, ut tabulæ nullæ fuerint testamenti tempore. Et in *l. turpia §. 2. ff. de legat. 1.* responsum est, deberi legatum, si servi mors impedisset manumissionem, non quia conditio tamquam impossibilis detrahitur; sed quia per legatarium non stat, quominus servus ad libertatem perveniat. Sunt autem hæc inter se longè diversa, *deficere*, aut 25 *non deficere conditionem*; & *conditionem detrahi*, vel non *detrabi*, quasi impossibilem *l. multa, in fin. ff. de cond. & demonstr.* ubi Pomponius refert opinionem Servii, & Labeonis, qui dicebant, eum non defici conditione: deinceps addit opinionem Sabini, & Cassii, qui putabant conditionem, quasi impossibilem detrahi, & horum sententiam

admittit. Plus est detrahi conditionem, & pro non scripta haberi, quam eam non deficere, & haberi pro impleta: quæ detrahitur, nec deficit, nec impletur: perinde enim est ac si adjecta non fuisset.

Sed contrarium respondisse videtur Scævola in *l. qui dotem 12. ff. de dot. præg.* ibi: *Quæritur, si res in dotem data plures ipso usu finita essent: an quasi sub impossibili*
 26 *condicione legatum datum debeatur? Respondi, videri conditioni paritum, si quod ex rebus in dotem datis supererit, in potestatem hæredis pervenerit.* In hac lege agitur etiam de rebus consumptis post conditum testamentum, cum comprehendantur res omnes vivo marito consumptæ: adeoque conditio illa detrahitur, licet facta sit impossibilis post conditum testamentum.

Respond. quodd conditio illa non detrabitur, tamquam impossibilis: sed impletur ab uxore, per restitutionem rerum, quæ supersunt; idque ex voluntate ipsius testatoris. Supponitur in ea lege in dotem datas fuisse res æstimates: ac propterea maritus, non tenebatur restituere uxori, res in dotem acceptas, sed earum æstimationem *l. quovis 5. C. de jur. dot.* Legavit maritus hanc summam, hanc æstimationem uxori, quam ei restituere debebat, sub hac conditione, si hæredi restituisset res omnes, quæ tabulis dotalibus continebantur, quas restituere deberet, etiam hac conditione non adjecta. Non autem alio animo videtur maritus hanc conditionem adjecisse, nisi ut restitueret res illas, si superessent. Neque enim potuit gravare uxorem ad restituendas res consumptas: cum enim per æstimationem contracta fuerit emptio *l. plerumque 10. §. si*
 27 *ante. l. si rem æstimatam 14. cum seqq. ff. de jure dot.* periculum pertinet ad ipsum maritum §. *cum autem emptio Insist. tit. de empr. & vend. l. id, quod post 7. l. necessario 8. l. si vendita 11. ff. de peric. & comm. rei vend. l. quod sæpi 35. §. si res ff. de contr. empt. l. 4. & 5. C. de peric. & comm. rei vend. l. fructus, & l. pen. C. de action. empti.* Quamobrem non restituendo res consumptas nihil facit contra voluntatem testatoris, & parere

videtur conditioni. Propterea Scævola non respondit uxorem legatum obtinere, quia sit impossibile restituere res consumptas, & quod impossibile scriptum est in testamento nullam vim habere: sed respondit uxorem obtinere legatum, quia parit conditioni. Conditioni impossibili pareri non potest. Quærit an legatum debeatur, quasi datum sit sub conditione impossibili: & respondet deberi, quia paritum est conditioni: ergo respondet, non esse datum sub conditione impossibili. Legatum datum sub conditione impossibili debetur, quia conditio pro non scripta habetur, non quia conditioni pareatur, cui pareri non potest.

Possent etiam opponi, quæ tradita sunt ab Ulpiano in *l. qua sub conditione §. mortuo 18 ff. de condit. instist.* ubi si quis hæres institutus sit, sub conditione, si jurasset se Stichum manumitturum, & Stichus mortuus sit, vel manumissus, vivo testatore, non videtur defectus conditione hæres: *Quia implenda est voluntas testatoris, si potest: nec videtur conditio defectus, qui non potuit parere conditioni.* Si conditio illa non detraheretur, quasi impossibilis, hæres defectus conditione videretur.

Respond. quod cum conditio jurisjurandi à Prætorè remittatur *l. non dubitamus ff. de condit. & demonstr. & d. l. qua sub condicione. in princ. ff. de cond. inst.* ita tamen, ut ille
 29 teneatur facere id, quod conditione continebatur *l. hac scriptura ff. de cond. & dem. d. l. qua sub condicione §. quovis, & l. si quis libertatem 11. ff. de manum. testam.* conditio illa resolvitur in modum, perinde ac si hæres institutus fuisset, ut Stichum manumitteret. Modus autem nunquam implendus est, cum non potest impleri *l. 1. C. de legat. l. si fundum per fideicommissum 12. §. Julianus ff. de leg. 1.* detracta enim conditione jurisjurandi Prætor compellit ad faciendum *l. hac scriptura ff. de cond. & dem.* sed non potest compellere ad faciendum id, quod fieri non potest *l. impossibile ff. de R. J.*
 Non

Non subrogat Prætor conditionem faciendi in locum conditionis jurisjurandi : sed remissa hac conditione, legatum non est amplius conditionale ; & ideo statim cedit legatus dies *l. si post diem §. §. sed si ea ff. quan. dies legat. eod.* & ad hæredes legatum transmittitur *l. que sub conditione §. ult. ff. de cond. inst.* & hæres sub hac conditione institutus submoveretur à bonorum possessione contra tabulas, quia jam hæres factus est ; nec ulla conditione suspenditur institutio *l. liberis 20. in princ. ff. de bon. liberis*. Quamobrem Ulpianus eum, cui legatum est sub hac conditione, comparat legatario sub modo, in laudata *l. que sub conditione §. mortuo ff. de cond. inst.*

Potest etiam opponi Juliani responsum in *l. inde Neratius §. idem Julianus 2. ff. ad Leg. Aquil.* ubi cum quis institutus fuisset sub conditione, *si Stichum manumississet* : qui Stichum occidit, tenetur etiam in æstimationem hæreditatis, si illum occidit mortuo testatore, quia hæres damnum hæreditatis patitur deficiente conditione : si verò occidit vivo testatore, non tenetur, quasi eo casu conditio non defecerit.

Ad hoc argumentum respondet ipse Julianus, qui ait cessare æstimationem hæreditatis, non quia eo casu conditio sit impossibilis, & pro non scripta habeatur : *sed quia retrorsum, quanti plurimi fuit, inspicitur.*
 Non potest igitur haberi ratio hæreditatis, quæ nulla fuit, vivente testatore *l. 1. ff. de hered. vel æst. vend. l. 1. ff. pro hered.* Quid enim æstimetur ? an hæreditas, quæ nulla fuit ? an bona, quæ eo tempore defunctus habebat ? At hæc ad hæredem non poterant pertinere ; sed solum ea, quæ defunctus habiturus erat tempore mortis. Hoc autem tempore non potest æstimari servus quanti plurimi sit, cum jam sit occisus, & in æstimatione quanti plurimi tempus præteritum inspicitur, non futurum : hoc est, tempus, quod præcedit damnum datum, non quod subsequitur *l. ait lex §. 1. ff. ad Leg. Aquil.* An æstimetur jus, quod habet hæres vivo testatore ? At hoc æstimari non potest, cum incertum sit, cum ratione patrimonii,

quod augeri minuive potest, tum quia neque delatum est, neque quæsitum, & facile evenire potest, ut nequæ deferatur, neque possit acquiri, vel hærede moriente ante testatorem, vel testatore mutante voluntatem. Quamobrem nulla fieri potest æstimationis hæreditatis, si vivo testatore servus sit occisus : hujus enim temporis nulla est æstimationis.

Sunt & aliæ leges, in quibus respondetur legatum deberi, etiamsi conditio facta fuerit impossibilis vivo testatore, ut in *l. Stichum 39. §. si Stichus ff. de statu lib.* in *l. turpia §. 1. ff. de legat. 1.* sed hæc leges non pertinent ad questionem de conditione impossibili ; sed ad alteram longè diversam : an conditio pro impleta habeatur, quoties per legatarium non stetit, quominus impleat conditionem : de qua agitur in *l. Jure Civili 14. & l. Julius 81. in fin. ff. de cond. & dem.* in *l. in ju e 161. ff. de Reg. Jur.* in *l. si peculium 20. §. is, cui ff. de statu lib.* *l. quæsitum 37. l. cum ita datur 94. ff. de cond. & dem. l. ult. C. de cond. insert. l. §. §. item si ff. quan. dies legat. eod. l. 1. C. de inst. & sub. & passim.* Non ignoro responsum Pomponii in laudata *l. turpia §. 1. ff. de leg. 1.* non videri convenire regulis, quæ traditæ sunt de conditione, quæ pro impleta habeatur : sed ad nostrum institutum non pertinet hanc controversiam diiungere.

De tertio tempore post mortem testatoris jam disseramus. De hoc nulla controversia est, quin conditio numquam detraheratur, sed deficiat, & legatum corruat, aut institutio *l. inde Neratius §. idem Julianus ff. ad Leg. Aquil. l. in testamento 31. in princ. l. cum ita datur 94. in princ. vers. diversa l. pen. §. item si ff. de cond. & demonstr. l. si peculium 20. §. is, cui ff. de statu lib. l. legatum C. de cond. insert.* nisi conditio pro impleta habeatur, quo casu sustinetur dispositio, licet conditio verè defecerit, ut in *l. quæsitum ff. de cond. & dem.* in *l. si peculium §. is, cui ff. de statu lib. l. si ita scriptum ff. de manu. testam.*

Superest tertium genus conditionum impossibilium, hoc est, earum, quæ à jure

sunt improbatæ. Hæ quoque sunt impossibiles.
 35 *l. filius ff. de cond. insti.* Hæ quoque detrahuntur ab ultimis voluntatibus *l. conditiones 14. ff. de cond. insti.* sive turpes sint, & contra bonos mores *l. non dubitamus ff. de cond. & demonstr. l. reprehendenda C. de inst. & subst. l. un. C. de his, quæ pæn. nom. l. pen. ff. de cond. inst.* sive sint contra leges *l. si quis sub conditione ff. de cond. insti. l. non dubitamus ff. de cond. & demonstr.* sive sint in fraudem legis *l. Sejus & Agerius 27. ff. ad Leg. Falcid.* sive sint contra Rempublicam *l. Imperatores §. 1. ff. de pollic.* sive contra publicam utilitatem, nuptias impediētes *l. servo 65. §. 1. ff. ad Trebell. l. Titia 100. ff. de cond. & dem.* sive contra Edictum Prætoris, ut conditio jurisjurandi *l. non dubitamus ff. de condit. & dem. l. qua sub conditione ff. de cond. insti.* sive sint conditiones derisorix *l. conditiones contra 14. ff. de cond. insti.* Atque hæ conditiones detrahuntur etiam in testamento militis *l. si à milite 29. §. edictum ff. de testam. milit.*

Sed ne quis hac in re decipiatur, animadvertendum est, quod aliquando improbatæ à Jure conditio, aliquando ipsa dispositio. Quoties improbatæ ipsa conditio, ea detrahitur, & pro non scripta habetur: detracta autem conditione, salva manet dispositio, purgato vitio conditionis, ut in superioribus exemplis. Quoties autem improbatæ ipsa dispositio, ea sit inutilis necesse est *l. non dubium C. de legib.* Exemplis rem explico. Captatorias dispositiones Senatus improbat *l. captatorias ff. de hered. inst.* & idcirco captatoriæ dispositiones non valent *l. captatorie 64. ff. de leg. 1. l. captatorias C. de testam. milit. l. ille autem §. 1. ff. de hered. inst.* Leges improbant ultimam voluntatem in alienum arbitrium expressè collatam, quia testamentorum jura per se firma esse debent, non ex alieno arbitrio pendere: & idcirco hujusmodi dispositiones nullæ sunt *l. si quis Sempronium 68. & l. ista institutio ff. de hered. inst. l. nonnumquam ff. de cond. & dem.* Ejusdem generis sunt perplexæ dispositiones, quæ à Jure improbatæ,

tamquam inexplicabiles *l. si Titius hæres 16. ff. de cond. inst.*

Non temerè autem hoc à Jure Civili constitutum est. Idem enim aliquando improbat, ac rejicit solam conditionem, quia vitium est in solâ conditione: improbat autem, ac rejicit dispositionem, quando vitium est in dispositione, quia per conditionem insuit in dispositionem. In testamentis enim nullam vim habet, quod impossibile, ac vitiosum scriptum est *l. si Marcia 45. ff. de hered. insti.* Quapropter si vitiosa est, & impossibilis conditio, ipsa rejicitur, & pro non scripta habetur. Si vitiosa est, & impossibilis dispositio, ipsa reprobanda est, ita ut nullam vim habeat. Quocirca non valent dispositiones, tamquam impossibiles, de quibus in *l. quidam §. Lucio Titio ff. de vitio. vin. & ol. leg. in l. cum servus 39. aliàs l. apud Julianum. §. constat. l. turpia. in princ. l. si quis inquilinos. §. ult. ff. de legat. 1.* Dicam explicatius. In hoc legato: lego Titio centum, si homicidium fecerit, si juraverit, si nomen vispellionis sibi imposuerit: nullum est vitium, nulla turpitudine in legato, sed in ipsa conditione, adeoque legatum sustinetur: rejicitur autem conditio, quæ turpis est. Contrà verò, si ita legem: lego Titio centum, si me heredem instituerit: ipsum legatum vitiosum est, & turpe, quo Titius allicitur spe lucri ad heredem instituendum: legatarium. Turpe est, quia turpissimum esse Senatus censuit captare, & aucupari alienas successiones. Vitiosum est, quia admittit liberam testandi facultatem. Rursus, si ita legem: lego Titio centum, si Cajus voluerit: ipsum legatum vitiosum est, cum pendeat à voluntate Caji, nec sit ipsum per se firmum, ut Veteres decreverunt *l. illa institutio 32. ff. de hered. inst.* Conditio ipsa per se non est illicita, inhonesta, vitiosa. *l. si quis arbitrum 43. ff. de K. O.* sed adjecta legato, aut institutioni reddit ipsam vitiosam. Non dissimile est exemplum perplexæ, & inexplicabilis institutionis: *Si Sejus heres erit, Cajus hæres esto: si Cajus heres erit, Sejus hæres esto.* Si per se considerentur conditiones, non sunt illicitæ, aut impossibiles:

sed ipsa institutio est *donatus inexplicabilis*; cum non possit Sejus hæres esse, nisi prius sit hæres Cajus, & Cajus hæres esse non possit, nisi prius sit hæres Sejus; adeoque neuter hæres esse possit. Rectissime igitur constitutum est, non valere institutionem *l. ubi pugnantia ff. de Reg. Jur.* & generaliter, præceptum testatoris vel legibus interdictum, vel probrosum, vel impossibile non valet *l. un. in fin. C. de his, quæ pæn. nom.*

Sed obstat difficillimus text, in *l. si mihi*
 40 12. §. *si quis servos ff. de leg. 1. Si quis servos, quos Gadibus haberet, eo testamento, quod Roma moriens fecerit, triduo, quo mortuus fuerit, heredem dare mihi damnaverit: ratum esse legatum, & angustias temporis nihil legato nocere.* Hujusmodi legatum est impossibile: adjectio enim dici reddit impossibile dationem servorum, & præceptum testatoris §. *loc. in fin. Inst. tit. de P. O. l. ult. §. si inter eos ff. de P. O.* & tamen valet legatum detracto die.

Respondetur, aliam esse rationem dici, aliam conditionis adjectæ. Condicio afficit ipsam dispositionem, ipsam substantiam legati: cum suspendat dispositionem ipsam, & obligationem §. *omnis Instit. tit. de P. O. l. 1. ordinare diem ff. de P. S. l. multum 21. & l. legata 41. ff. de cond. & demonstr.* & idco aliquando conditio influit, & infundit vitium in ipsam dispositionem. Contrà dies, ac tempus non afficit ipsam dispositionem, nec differt obligationem, sed solutionem *d. §. omnis Instit. tit. de P. O. l. centesimis 46. ff. de P. O.* & idco, qui Stichum promittit, statim tenetur, licet Stichus Gadibus sit, adeoque statim dari non possit: hoc enim ad facultatem dandi pertinet, & respicit commodum incommodumque personæ, non substantiam obligationis *l. continuus §. illud ff. de P. O.* Quocirca triduum adjectum illi legato reddit quidem impossibilem solutionem legati, non tamen reddit impossibile legatum: Nam legatum statim debetur, siue servi legati Romæ sint, siue Gadibus *d. l. continuus §. illud ff. de P. O.* Solutio autem videtur dilata in tempus, quo

servi Romam commodè possint pervenire *l. interdum 73. l. continuus §. cum ita ff. de P. O.* Propterea, qui triduum præscribit, quo servi à Gadibus Romam pervenire non possunt, is reddit quidem impossibilem solutionem; cæterum obligationi nullum affert impedimentum: quia ea statim nata fuit, sicut statim nata fuisset, si tempus illud adjectum non fuisset. Ut puta, hæredi constitenti se debere ex causa legati pecuniam, Prætor debet indulgere modicum tempus ad solvendum *l. si domus in pecunia ff. de legat. 1.* hujusmodi tempus indulgendo non tollit, aut mutat naturam obligationis: sed solum differt solutionem. Non dissimile est, quod traditur in §. *ult. Inst. tit. de inut. stipul.* Sola igitur solutio impossibilis est eo modo, quo præcipitur à testatore, & tamquam impossibilis, pro non scripta habetur.

Hinc facile dissolvitur nodus, quem à nemine expediri scripsit Duarenus. In *l. si quis ita 6. ff. de cond. inst.* institutus erat hæres, sub conditione, si in triduo, post mortem testatoris, ei monumentum fecisset. Cum hujusmodi monumentum in triduo effici non posset, respondit conditionem evanescere, tamquam impossibilem. Non detrahitur ibi adjectio temporis, adeo ut hæres cogatur monumentum ædificare intra tempus moderatum, quo commodè possit ædificari: sed evanescit ipsa conditio. Ratio est in promptu: vitium temporis afficit ipsam conditionem, ipsam monumenti constructionem, eamque reddit impossibilem, adeoque ipsa conditio, ipsa constructio pro non scripta habetur; quia id, quod impossibile in testamenti scriptum est, nullam vim habet *l. si Mevia 45. ff. de hered. inst.* Quapropter si legatum ipsum sit impossibile, aut contra leges, ipsum legatum non valet, & pro non scripto habetur. Si sit impossibilis solutio, ipsa detrahitur. Si sit impossibilis conditio, seu factum in conditione positum, ipsa conditio pro non scripta habetur.

Neque cuiquam scrupulum incipiat, quod non videatur haberi pro non scripta solutio, sed solum tempus, quod eam reddit impossibilem. Nam hæres licet non teneatur solvere

servos in triduo, à die mortis: tenetur tamen eos solvere tempore opportuno, quo Romam perducere poterunt. Facile respondetur. Solutio facienda in triduo, quam præcipit testator, pro non scripta habetur, tamquam impossibilis. Eâ detractâ succedit necessitas solvendi ex vi obligationis, cujus substantia in eo consistit, ut aliquem nobis adstringat ad dandum, vel faciendum *l. obligationum substantia ff. de oblig. & act.* Itaque hæres non solvit ex præcepto testatoris, quod non valet, sed ex natura obligationis, & idè tenetur solum ad solvendum eo tempore, quo id exigit obligatio legati. §. ult. *Inst. tit. de inns. stipul. §. loca Inst. tit. de P. O. l. interdum 73. l. continuus §. cum ita ff. eod.*

Nec obstat, quòd si angustia temporis afficeret tantummodò solutionem, non obligationem, & solutio tantum pro non scripta haberetur, angustia temporis non vitarentur contractus, quod falsum est *l. 2. §. qui ita ff. de eo, quod cert. loc. l. quoties 24. ff. de oper. libert. §. loca Inst. de P. O.*

Nam respondetur, eadem de causa non valere hujusmodi stipulationes, quæ non valent contractus appositâ impossibili conditione. Contrahentium enim videtur esse talis cogitatio, ut nihil agi existiment appositâ conditione, quam sciant esse impossibilem *l. non solum ff. de oblig. & action.* Id maxime convenit etiam superioribus stipulationibus, atque eò magis, quòd nemo ignorare potest, impossibile esse id, quod stipulatur. Quamobrem procul dubio nihil agi existimant contrahentes in hac stipulatione: *Centum operas pistrinas hodie dare spondes?* vel in hac: *Carthagini hodie dare spondes?* Nisi fortè tam stipulator, quam promissor antea mandassent, hic, ut hodie solveret, ille, ut pecuniam exciperet, quo casu valeret stipulatio *l. ult. §. si inter ff. de P. O.*

Verum quòd etiam illæ conditiones, quæ non reddunt impossibilem dispositionem, non detrahantur, & pro non scriptis habeantur, 44 probari videtur ex *l. sed sciendum 7. & ex l. falsa 63. §. si sub conditione ff. ad S. C. Trebell.*

Sed ibi agitur non de conditione impossibili, aut contra leges, aut contra bonos mores: sed de conditione turpi, quæ neque legibus repugnat, neque bonis moribus: veluti si quis hæres instituitur sub conditione, si nomen testatoris sibi imposuerit, cum testator esset vilis persona, ut puta, Vespillo. Vespillo erat, qui cadavera exportabat. 45 Sueton. in Domit. c. 17. *Cadaver ejus populari sandapila per vespillones exportatum.* Martial.

Nuper erat medicus, nunc est vespilla Dianlus.

Has autem personas turpes habitas fuisse, etiam si servi essent, satis apparet ex *l. qui decem 72. §. qui hominem ff. de solut. & ex l. si ita quis 31. ff. de evictio.* Hæc conditio comparatur conditioni difficili: & sicut difficilis conditio non habetur pro non scripta, ut diximus supra, ita & hæc. Nec pugnant verbalaudacæ *l. falsa §. si sub conditione ff. ad S. C. Trebell.* ibi: *sed & remitti eam ab initio visum est:* intellige iniquum, quod verbis antecedentibus continetur: alioquin ratio subiecta pugnaret, nec esset his consentanea. Non cogit quidem prætor eam implere *d. l. §. si verò nominis:* hoc enim esset iniquum: sed & iniquum visum est, eam ab initio remittere contra voluntatem testatoris, & pro non scripta haberi.

CAPUT XXV.

AD L. SI TITIUS, ET SEJUS. 9. ff. de P. O.

SUMMARIUM.

- 1 Quando existat conditio posita in non faciendo: & in specie conditio, si alteri non dedetis. & n. 5. 6.
- 2 Et quando nascatur alio. & n. 8. 11.
- 3 Quoties alio nasciturum est per litem contestationem, quodcumque agi potest. & n. 8.
- 4 Simo actione nemo potest experiri.
- 6 In judiciis aequitatem potius sequi debemus, quàm juris strictum.

- 7 Judicium sufficitur, si actio nascatur inter moras judicii.
- 9 Repugnat aequitati Praetorem denegare judicium ei, cui actio nascitura est in ipso limine judicii.
- 10 Praetor aliquando denegat actionem habenti: aliquando dat non habenti.
- 11 Particula quoad non semper continuum tempus demonstrat.
- 12 Quod tempus comprehendat conditio non faciendo: & differentia inter contractus, & ultimas voluntates.
- 14 Hoc in re sp. standi voluntas contrahentium.
- 15 Conditio, si illi non solvetis, quid continet?
- 16 Stipulatio dijunctiva qua in re differat a condicionali.
- 17 Quantum differat dijunctio rerum a dijunctione personarum? sed vide n. seq.
- 19 Si exprimitur conditio, qua tacite inest, non fit actus condicionalis.
- 20 Conditio, qua tacite inest, impedit actionem. sed vide n. 21.
- 21 Superfluum est adicere, quod tacite inest.
- 22 Quando scius: & quando expressa faciant actum conditionalem, licet tacite inest. Conditiones dandi, solvendi, & similes persona, coherant.
- 23 Verba conditionis non faciunt conditionem, si alia mente prolata fuerint & n. 24.
- 24 Possunt constitui duo rei etiam per stipulationes separatas & n. 25.
- 25 Quae propria sint duorum rerum.

ff. de V. S. §. sub conditione Inst. tit. de V. O. In proposita stipulatione quaeritur, quando existat conditio: quando nascatur actio. Quoad conditionem J. C. respondit, eam impleri per litem contestationem, ibi: *finem dandi alteri fore quoad judicium acciperetur.* Si post judicium acceptum cum Titio non potest Sempronius promissor amplius Sejo dare: ergo extitit conditio adjecta stipulationi Titii: *si Sejo non dederis.* Etenim conditiones in non faciendo posita, tunc existunt, cum amplius fieri non potest, quod in conditione positum est *l. ita stipulatus* 11 §. ff. de V. O.

Quoad actionem vero respondit, eam quandocumque dari; ibi: *& ideo occupantis fore actionem.* Est hoc plane absurdum: actionem nasci ante eventum conditionis. Et 2. eo magis videtur absurda sententia Jurisconsulti, quia ex eo, quod conditio existat per litem contestationem; deducit occupantis fore actionem: quasi dixerit, ideo datur actio occupanti, quia actio nondum nata est, sed est nascitura. Pugnant haec inter se.

Accursus interpretatio maxime convenit sententiae Jurisconsulti. Ait enim, ideo actionem dari, non quia nascitura est quandoque, hoc enim esset absurdum, sed quia nascitura est in ipsa litem contestatione, hoc est, in ipso limine judicii: ita ut nullum periculum imminet, ne ille sine actione egisse videatur. Non est haec conditio similis aliis conditionibus. In illis judicium suscipi non potest, nec potest concedi actio ne judicium sit irritum, & sine actione suscipiatur. In hac conditione datur actio, quia judicium irritum esse non potest, quasi ceptum sine actione; quia simul ac judicium suscipiatur, necessario existet conditio, & actio nascetur. Hinc recte statuit Bartolus, quod agi potest, quoties actio nascitura est in ipsa litem contestatione.

Sed haec sententia incurrit in reprehensionem doctissimorum Virorum. Duo autem sunt, qui opponunt. Primum, quod ante eventum conditionis non nascitur obligatio, non nascitur actio, ut diximus: sine actione autem nemo potest experiri *l. si pupilli, in*

Nescio quo fato factum fuerit, ut in hac lege interpretanda fuerint adeo discordes Interpretum nostrorum opiniones, ut nemo ferè alterius interpretationem omnino probavit. Omnium hac potissima curae fuisse videtur, ut alios reprehenderent. Apud recentiores malè audit Accursus noster, cujus interpretationem neque ridiculam, neque absurdam puto. Itaque civis mei sententiam tutebor, quam & Bartolus planè non improbat.

Titius stipulatus fuit à Sempronio fundum sub conditione, *si Sejo non dedisset.* Sejus eundem fundum separatim stipulatus est ab eodem Sempronio sub conditione, *si Titio non dedisset.* Utrique idem fundus debetur tam Titio, quam Sejo. Utrique debetur sub conditione posita in non faciendo; nempe, *si alteri datus non fuerit.* Ex stipulatione condicionali neque obligatio, neque actio nascitur ante eventum conditionis *l. cedere diem*

fin. ff. de negot. gest. l. quovis 9. §. & generaliter ff. de admin. tut. Idcirco quamdiu debitor potest alteri fundum dare, non potest à creditore conveniri: quare non poterit creditor cum eo litem contestari, & efficere, ut conditio existat.

Alterum, quod conditio posita in non faciendo per litem contestationem non impletur, sed tunc existit cum amplius fieri non potest, quod in conditione ponitur *l. in stipulatus 115. §. 1. & 2. ff. de P. O.* Utrumque igitur falsum est; & quoddam conditio impletur per litem contestationem: & quoddam dari debeat actio, cum in litem contestatione conditio est exitura. De utroque accuratè differendum, ac demonstrandum Juri nostro neutrum repugnare.

Ac si strictum Jus sequi velimus, & malitiis hominum indulgere, actio danda non erit: Si verò id, quod æquitas suggerit, nullà ratione poterit negari. At in judiciis, æquitatis potius habenda ratio, quàm stricti Juris *l. placuit 8. C. de judic.* nec malitiis hominum est indulgendum *l. in fundo 38. ff. 6. de rei vind.* ac semper cavendum, ne sub auctoritate Juris scientiæ perniciosè erremus *l. si servum 91. §. sequitur ff. de P. O.* Qui nondum creditor est, agere non potest: sed tamen si egerit, & pendente judicio creditor esse coeperit, judicium sustinebitur *l. si 7 mandavero 17. ff. mand.* Si strictum Jus sequi velimus, nihil valebit eorum, quæ acta sunt ab eo, qui actionem non habebat. Creditor quoque conditionalis si egerit in judicio ante conditionis evenum, nihil agit, nondum enim ipsi competit actio; sed tamen si pendente judicio existat conditio, reus est condemnandus, perinde ac si actionem initio habuisset, & judicium rectè fuisset institutum. *l. si rem alienam 9. §. ult. ff. de pignor. act.* Si judicium sustinetur conditione existente post cœptum judicium, quanto magis sustineri debet quando conditio exitura est, & actio nascitura eodem momento, quo incipit judicium?

At enim Prætor actionem dare non debet: Neque enim dare debet actionem cuiquam, qui eam non habet: nec habet actionem cre-

ditor pendente conditione. Sed quo jure, quæve æquitate Prætor actionem denegabit? Utrumne quia repugnat voluntas contrahentium? At hanc non repugnare deinceps ostendemus. Nec Prætor denegando judicium impedimento esse debet, ne conditio existat, quæ in contestatione litis est exitura. An 8 verò eam denegare debet, ne judicium sit irritum? At ne hoc quidem potest evenire, cum certum sit non ante futurum, ut judicium incipiat, quam ut actio nascatur. Imò actio ipsa præcedit judicium non tempore, sed naturâ, quemadmodum causa suum effectum. Ut enim Sol non præcedit lucem tempore, sed naturâ: sic actio illa licet nascatur simul cum judicio, naturâ tamen judicium præcedere potest, & efficere ut à se ipsa pendeat, ac promauet judicium. Actio est jus persequendi in judicio *§. 1. Instit. tit. de action. l. nihil aliud ff. de oblig. & action.* Quid igitur causæ est, cur exigamus actionem natam esse ante judicium? An non satis est eam nasci tunc, cum judicium accipitur, cum ea omnes vires, omnem potestatem exerat in ipso judicio, & sine judicio sit inutilis, & infructuosa?

At enim Prætor dare non debet actionem, quæ nondum competit, nec permittere, judicio agat is, qui actionem non habet. Verissimè id quidem diceretur, si permitterer cuiquam actionem exercere, antequam ea nascatur. Sed in casu nostro cum Prætor petenti creditori judicium dat, non dat facultatem exercendæ actionis, antequam ea nascitur sit: exercetur enim actio in judicio *d. l. nihil aliud ff. de oblig.* & simul cum judicio nascetur actio, ac prout non exercetur antequam nascatur. Repugnat quemquam exercere actionem quam non habet: non repugnat judicium à Prætorè dari actionem omnino habituro, statim ac erit exercenda. Illud verò maximè repugnaret æquitati prætoris, si Prætor impediret quominus nasceretur actio; conditio existeret; stipulator consequi posset id, quod sibi promissum fuit.

Atque hæc certissima erunt consideranti hanc dandæ denegandæque actionis subtili-

tatem æquitate prætoriam temperari. Itaque
 30 Prætor aliquando actionem habenti debet de-
 negare, ut in *l. si debitor* 30. ff. de solut. l. 1. §. 1.
in operis, l. & si satisfactionem ff. de oper. nov.
nunciat. l. nihil interest §. 10. §. sed numquid ff.
de bon. libert. l. 1. §. idem ff. de dol. mal. l.
patri 27. §. 1. ff. de minor. Aliquando con-
 traria datur actio ei, qui vel summo jure eam
 non habet adversus eum, qui convenitur,
 ut in *l. dominus* 53. ff. de condit. ind. in *l.*
si absente C. si certum per. vel datur ante
 tempus, ut in *l. si indebitum* ff. rem rat. haber.
l. in lege ff. ad Leg. Aquil. l. quidam. 32. §.
 1. ff. de furt. l. quicumque ff. de pignor. Quan-
 to magis actionem daturus est Prætor in casu
 nostro, in quo nullum imminet periculum
 ne actio exerceatur antequam competat, an-
 tequam nascatur l. aliquando 13. §. ult. ff. ad
 S. C. Vellejan. ibi: Quo enim bono expectare
 conditionem, cum in ea causa sit debitor ut
 omnimodo excipere debeat actionem. Prætor
 enim cum petentibus actionem concedebat,
 nihil aliud tribuebat, quam agendi potesta-
 tem. Cic. de invent. lib. 2. Quare in jure
 plerumque versantur: ibi enim & exceptiones
 postulamus; & quodammodo agendi potestas
 datur, & omnis conceptio privatorum judi-
 ciorum constituitur. Quidni verò det agendi
 potestatem ei, cui nascitura est actio, simul
 ac eam in judicio ceperit exercere? Ellset
 hoc malitiam hominum indulgere.

Res igitur eò redit, ut nihil absurdi sit in
 hac sententia, atque interpretatione, liqui-
 dem verum sit, conditionem existere per
 liris contestationem, seu cum judicium acci-
 pitur, eodemque tempore actionem nasci.
 Sed in hoc non est cur Accursius reprehendat.
 Diserte id traditum in nostra lege:
finem dandi alteri fore, quoad judicium acci-
 21 *peretur*. Si hic est finis dandi alteri, ergò
 existit conditio: si existit conditio, ergò
 nascitur actio l. ita stipulatus 115. §. 1. & 2.
 ff. de V. O. Itaque non potest reprehendi
 Accursius, quin reprehendatur Pomponius
 Auctor legis. Explicandum tamen est, qui
 fiat, ut actio nascatur in liris contestatione,
 & post judicium acceptum alteri amplius
 dari non possit. Sed antea evellendus est scru-

pulus, qui Donellum malè habuit, in quem,
 tamquam in scopulum, Vir doctissimus im-
 pegit. Hunc ut prætervehatur, putat ex-
 pungendam particulam *quoad*, & reponen-
 dam particulam *cum*. Sed non est cur de hoc 12
 laboremus. Non semper particula *quoad* con-
 tinuum tempus demonstrat, protractum us-
 que ad aliquem terminum; aliquando enim
 significat extremitatem temporis. Cæsar lib.
 5. de Bell. Gallic. Neque finem insequendi fe-
 cerunt, quoad subsidio consili equites præcipientes
 hostes egerunt. Terent. in Phorm. act. 1. scen.
 2. in fin.

D. quid? Seneca

Quoad expectatis vestrum? G. non certum
 scio, sed epistolam ab eo allatam audivi
 modo.

Sed hæc obiter. Ad rem veniamus; Con-
 ditio in non faciendo concepta, ambigua est;
 potest enim & comprehendere totum tem-
 pus, quo fieri potest; & potest compren-
 dere solummodo primum illud tempus, quo
 fieri potuit, aut debuit l. quicquid stringen-
 da §. ult. ff. de V. O. Itaque in libertate data
 sub conditione, si in Capitolium non adscen-
 deris; conditio existit, si servus cum pri-
 mum potuit ascendere, non ascendit l. li-
 bertas 17. §. 1. ff. de manum. testam. In le-
 gatis autem, & hæreditatibus cautione Mu-
 tianâ occurrit, quâ præstita legatum, hæ-
 reditatemque consequimur, perinde ac si
 conditio extitisset l. Mutiana 7. ff. de condit.
 & demonstr. In contrahibus tamen placuit
 ultimum tempus expectari, quo non possit
 amplius fieri, quod per conditionem vetitum
 fuit l. ita stipulatus 115. §. 1. ff. de V. O. sed
 tamen & in his fuit inter Veteres controver-
 sia: nam Sabinus ex Mutii Scævola senten-
 tia putabat tamdiu solum pendere conditio-
 nem, quamdiu per promissorem non stetit
 quominus daret, & cum primum dare po-
 tuit, & non dedit, statim agi posse; atque
 ita statuendum tum ex voluntate contrahen-
 tium; tum ex natura rei d. l. ita stipulatus §.
 item si ff. de V. O.

Quàmobrem in hujusmodi stipulationibus expendendum est, quid actum sit inter contrahentes; verba enim conditionis in utramque partem accipi possunt, & in conditionibus maximè voluntas spectanda est *l. pater Severinam, in princ. & in §. conditionum. l. in conditionibus ff. de condit. & demonstr.* Quo fit, ut conditio illa: *si non solveris*, non infinitum tempus comprehendat, sed referatur ad primum quodque tempus, ex verisimili mente contrahentium, quos probabile non est tamdiù voluisse solutionem expectare, donec amplius solvi non possit, donec ille moriatur. Julianus in *l. fidejussor 16. §. ult. ff. de fidejuss.* Cùm fidejussor hoc modo acceptus esset, *si reus non solveris, fide sua esse jubet* verisimile est, id altum, ut cùm appellatus reus non solvisses, fidejussor teneretur.

His positis constat, cur in casu nostro conditio illa: *si Titio non solveris: si Sejo non solveris*, contineat solummodò tempus usque ad litem contestatam. Nimirum, contrahentes adjunctione hujus conditionis noluerunt differre solutionem in tempus mortis alterius stipulantis: sed voluerunt tribuere facultatem debitori solvendi alterum, cui libuerit. Quid enim interest, dicat quis: *si Titio non solveris, mihi dare spondes*? an ita: *mihi, aut Titio dare spondes*? Utrouque casu ea mente stipulatur, ut tribuat facultatem debitori, & electionem utri velit solvere *l. 3. ff. qui, & à quib. manum.* At cùm tribuitur debitori facultas, & electio solvendi, hæc terminatur, & expirat per litis contestationem *l. si quis stipulatus fuerit decem 57. §. 1. ff. de solut. l. fidejussor. 16. in princ. ff. de fidejuss.*

Sed opponi potest, quòd qui disjunctim stipulatur, non est similis ei, qui stipulatur sub conditione. Nam si quis stipuletur Stichum, aut decem, statim agere potest, & petere debet Stichum, aut decem disjunctim, sicut stipulatus est; non verò alterum tantum petere potest *§. si quis agens 33. versic. huic autem proximus Instit. tit. de action.* At qui stipulatur sub conditione, hoc modo: *si Stichum non dederis, decem dare spondes*; nec statim petere potest, nec potest petere Stichum *l. ita stipulatus 11 §. ult. ff. de P. O.*

l. 1. §. item si ita. versic. idemque ff. ad L. Falcid. l. obligationum ferè §. si ita ff. de oblig. & act. l. duo societatem. in princ. ff. pro soc. Ergò stipulatio disjunctiva differt à conditionali.

Respondeo, non posse duci argumentum à rebus ad personas. Cùm duas res disjunctim stipulamur, Stichum, aut decem, utraque res ponitur ad obligationem *l. si duo 128. ff. de P. O.* Cùm verò stipulamur sub conditione, *si Stichum non dederis, decem dare spondes*; sola decem sunt in obligatione; Stichus autem est solummodò in solutione *l. obligationum ferè §. si ita ff. de oblig. & action. l. 1. §. item si ita. in fin. ff. ad Leg. Falc.* Itaque similes esse non possunt illæ duæ stipulationes, nec eandem vim habere. Non ita se res habet in personis. In utraque enim stipulatione persona adjicitur solutionis causa. Si stipulor hoc modo: *si Sejo non dederis, mihi dare spondes*; tu mihi soli obligaris: Sejo solvere potes etiam me invito, eique solvendo à me liberaris. Item si stipulor: *mihi, aut Sejo dari*: soli mihi obligaris, Sejo autem solvere potes etiam me invito, eique solvendo à me liberaris *§. si quis alii Instit. tit. de inutil. stipul. l. sed etsi 7. §. ult. ff. de constit. pecun. l. eum qui 16. §. qui sibi ff. de P. O. l. Stichum 95. §. questum ff. de solution.* Itaque in utraque stipulatione ideò adjicitur persona Seji, ut ei solvi possit, in neutra autem stipulatione persona Seji ponitur ad obligationem, sed ut debitori detur electio, & facultas solvendi Sejo, quæ extinguitur per litis contestationem. Igitur ex mente contrahentium conditio illa per litis contestationem impletur; pendet enim conditio quamdiù durat in debitore facultas eligendi.

Imò si rem paulò accuratius, ac subtilius expendamus, in stipulationibus propositis in *l. si Titius ff. de P. O.* non solum ex mente contrahentium, sed etiam ex Juris nostri regulis, dicendum est, conditionem per litis contestationem impleri. Animadvertendum enim est, quòd etiam in rebus, quando res, quæ ponitur in conditione, posita est etiam in obligatione, statim agi potest. Si quis ita stipulatur;

stipulatur: *penum dabis*, & si *penum non dederis*, *decem dabis*: In hac stipulatione *penus* non solum posita est in conditione, sed etiam deducta in stipulationem, & obligationem. In hac stipulatione si per promissorem steterit, quominus *penum* daret, statim agi potest ad *decem l. ita stipulatus 115. §. ult. ff. de P. O. l. 1. §. item ff. ad Leg. Falcid.* & conditio hæc post mortem litem existit *l. nuda C. de contr. stipul.* Non aliter in casu nostro, in quo propter duplicem stipulationem Titii, & Seji, utrique debitor est obligatus, & statim agi potest, & per litem contestationem conditio impletur. Non solum enim Sejus ponitur in conditione, & ponitur ad solutionem: sed etiam ponitur in stipulatione, & obligatione. Nec solum Sejo solvi potest, sed etiam Sejus fundum deduxit in stipulationem. Sicut igitur in superiori stipulatione, in qua non solum res posita est ad solutionem, sed etiam deducta in stipulationem, conditio post mortem litem existit: ita & in casu nostro.

Defensa Accursii interpretatione, quid sentiam de interpretatione Petri de Bellaperica paucis aperiam. Existimavit ille statim 19 agi posse ex his stipulationibus, quia non sunt conditionales: idcirco autem conditionales non sunt, quia contrahentes expresse-
runt conditionem, quæ tacite inerat. Quoties autem exprimitur conditio, quæ tacite inest, non fit actus conditionalis *l. 3. ff. de legat. 1. l. in conditionibus 19. §. 1. l. aliquando 107. ff. de cond. & demonstr.* Enimvero in his stipulationibus videtur expressa conditio, quæ tacite inest: cum enim id actum esse inter contrahentes, ut essent duo rei credendi; semper in duobus reis tacite ex natura actus conditio illa, *si alteri non solverit*: nam alteri solvendo ab altero etiam liberatur *§. 1. Inst. tit. de duobus reis.* Et hæc facultas alteri solvendi durat usque ad litem contestatam *l. 2. l. ex duobus ff. de duobus reis.* Et hanc interpretationem probat subtilissimus Bartolomeus Chesus lib. 2. *In e.p. cap. 24.*

Sed opponit Bartolus, conditionem, quæ tacite inest, impedire actionem *l. item quia §. hujus rei ff. de pass.* Quid responderit Che-

sus, non satis intelligo. Nam *l. si dies §. ult. ff. quan. dies leg. eod.* probat potius sententiam Bartoli, quia licet legatum illud conditionale non sit, tamen peti non potest ante existentem conditionem, & ante datam hæreditatem. *l. hæc est actio ff. eod.* Igitur & in casu nostro licet stipulatio non sit verè conditionalis, tamen actio erit differenda quamdiu alteri solvi potest, nec sufficiet namque esse obligationem *l. cum illud 25. §. 1. ff. quan. dies leg.*

Putarem igitur responderi posse, distinguendum esse. Aut exprimitur id, quod etiam non exprimeretur, tamen differret actionem, quamvis tacite inesset: & tunc expressum differt actionem, sicut eam differt, cum tacite inest: ut in laudaris legibus. Neque enim expressum minorem vim habere debet, quam haberet tacitum. Aut exprimitur id, 11 quod non differebat actionem, cum tacite inerat: & tunc neque expressum differt. Et ratio est, quia expressum nihil operatur, cum supervacuum sit adicere id, quod inest etiam si non adjiciatur *l. Cornelius 69. ff. de hered. inst. l. si in diem 46. l. servo §. de cond. & demonstr.* In casu nostro quilibet ex duobus reis statim agere potest, licet debitor possit alteri solvere; & idcirco cum non differat actionem id, quod tacite inest, nec expressum eam differe debet.

Ego porius opponerem, quod hujusmodi conditiones dandi, solvendi, & similes, si exprimantur, personæ cohererent *l. qui heredi. in princ. & in §. seqq. l. si ita expressum ff. de cond. & demonstr.* Et idcirco aliam vim habent expressæ, aliam tacitæ *l. cum qui certarum 138. §. 1. ff. de P. O. l. si ita legatum 65. §. 1. ff. de leg. 1.* Neque enim poterit dare ejus actum conditionalem, tamen conditionalem faciunt, si exprimantur. *l. si ita expressum ff. de cond. & dem. l. si ita legatum 65. §. 1. ff. de leg. 1.* Neque enim poterit dare ejus hæredi, neque domino, aut servo *l. sub diversis. in fin. l. qui heredi ff. de cond. & dem.* Quo fit, ut actus sit conditionalis *d. l. sub diversis.*

Crediderim tamen alia ratione tentari posse eas stipulationes non esse conditionales.
Nn.

les : non quia fuerit expressa conditio, quæ tacite inerat. Nam ut dixi, quando conditio expressa non habet eandem vim, ac tacita, facit actum conditionalem; sed ex mente contrahentium. Tamen si quis protulerit verba conditionis, ea non faciunt conditionem, si alia mente protuli: *l. muro ff. de tutel. l. avia 77. §. ult. ff. de cond. & dem.*

23) Ierit verba conditionis, ea non faciunt conditionem, si alia mente protuli: *l. muro ff. de tutel. l. avia 77. §. ult. ff. de cond. & dem.* In casu nostro contrahentes adiecerunt illa verba: *si alteri non dederis*: non animo adiciens conditionem, sed ut ostenderent, se constituere velle duos reos credendi. Possunt duo rei constitui etiam per stipulationes separatim: sed ita demum, si hoc actum sit,

24) ut duo rei constituantur *l. 3. ff. de duob. reis.* In nostra proponuntur duo separatim stipulari: si simpliciter stipulati essent sine aliqua adjunctione, non essent duo rei stipulandi *l. reos §. 1. ff. de duob. reis. princ. Instit. tit. de duob. reis. vers. nam si.* Itaque exprimendum erat aliquid, quo constaret id inter eos actum fuisse, ut duo rei constituerentur. Quare contrahentes expresserunt ea, quæ propria

25) sunt duorum reorum. Ea duo sunt: ut debitor utrique in solidum teneretur *§. 1. Instit. de duob. reis. l. 2. ff. eod.* & ut debitor uni solvens ab utroque liberetur *d. §. 1. & d. l. 2.* Hæc autem duo expresserunt, reciprocam illam conditionem: *si alteri non dederis*: quam adiecerunt, non ut suspenderent obligationem, & actionem; sed ut admonerent debitorem eum ita utrique in solidum teneri, ut tamen una solutione posset ab utroque liberari, argumento text. in *l. muro ff. de tutel.* ibi: *non conditionem in se habere, sed admonitionem, non aliter ei tutelam committi, quam si satis dederit.* Si simul stipulati fuissent, utique essent duo rei, & juxta naturam duorum reorum sine alia adjunctione debitor alteri solvere teneretur, si alteri non solvisset. Cum autem separatim stipulati essent, non poterat constare an essent duo rei, nisi hoc, aut simili modo voluntatem suam declarassent. Itaque hæc declaratio ex eorum mente habet vim constituendi duos reos, non inducens conditionem. Vide text. in *l. cum ita legatur 9. ff. de opt. leg. ubi similis conditio resolvitur in alternativam. In casu*

nostro cum uterque sit stipulatus, & quidem separatim, utrique promissus est obligatus, ut sit in duobus reis: & conditio quoad solutionem, resolvitur in alternativam: hoc est, uni, cuicumque volet, solvendo liberatur ab altero.

CAPUT XXVI.

AD L. CUM DUOBUS §. 2. §. *damna ff. pro socio.*

SUMMARIUM.

- 1 Casus fortuitus quomodo appellatur in Jure.
- 2 Ejus descriptio.
- 3 Quid sit imprudentibus accidere, & quid significet, imprudens.
- 4 Explicatur Vergilii locus.
- 5 Factum Principis est casus fortuitus.
- 6 Quid sit casus fortuitus. & n. 16.
- 7 Exponitur l. quæ fortuitus C. de pign. act. & quid sit casus fortuitus præsertim non posse. & n. 16.
- 8 Naufragium, & Piratarum incursum, sunt casus fortuiti: & quare.
- 9 Ruina, & incendia licet Roma frequentissima, sunt casus fortuiti.
- 10 Mortes animalium, & fuga servorum, casus fortuiti.
- 11 Item grandines, aquarum magnitudines, fluminum inundationes, urædines, graculi, siurni.
- 12 Item debitoris deceditio.
- 13 Qua sint propria casus fortuiti.
- 14 Rapina est casus fortuitus, non furtum, & quare.
- 15 Quid sit providere, ad explicationem l. 2. §. li eo tempore ff. de adm. rer. ad civ. pertinet.
- 16 Casus fortuiti alii soliti, alii insoliti. Defenditur latè hæc DD. distinctio. & n. 14. q. 9.
- 17 Chasma, labes, frigus immoderatum, sunt casus inopinati.
- 18 Opera Naturæ non sunt casus fortuiti, nisi sint præter consuetudinem, & immoderata: ut frigus, æstus, pluvia, ventus.

CASUS fortuitus appellatur vis major, vis divina, fatum, damnum fatale, detrimentum fatale, fatalitas, *l. si merces 23. §. vis major. l. si fundus 33. in fin. ff. locat. l. verum 11. §. si locupletati ff. de minor. l. si ut certo §. quod verò ff. commod. l. 1. §. & ille quidem ff. de oblig. & act. l. fluminum 24. §. Servius ff. de damn. infect. l. 3. §. 1. ff. nauta, campon. stabul. l. 3. ff. de instr.*

vel instrumentum. leg. l. 1. C. de jure emphyteut. l. cum duobus §. damna ff. pro soc. Ipsum autem his descriptionibus Veteres explicarunt: Qui praevideri non potuit: quem nullum humanum consilium providere potest; l. quae forisitis C. de pignorat. act. l. 2. §. si eo tempore ff. de admin. rer. ad civitat. pertinet. His tamen non videtur esse consentanea Ulpiani descriptio in l. cum duobus §. damna ff. pro soc. Damna, quae imprudentibus accidunt, hoc est, damna fatalia.

Emendat hanc legem Hotomannus observ. lib. 4. cap. 16. damna, quae prudentibus accidunt. Enimvero Latini sermonis elegantiam Ulpiano videtur invidisse. Damna, quae imprudentibus accidunt, sunt damna, quae nobis nihil tale cogitantibus accidunt, quia accidunt praeter opinionem, atque expectationem, quia provideri, ac praecaveri non possunt. Imprudens enim septenarius dicitur, non qui imprudentiae, & oscitantiae vitio laborat, sed insciens, & ignarus; qui etiam sine ulla culpa, vel factum praeteritum ignorat, vel futurum non providet. Facta etiam prudentissimos fallunt l. 1. ff. de Jur. & facti ignor. Futura autem nemo omnia potest providere: nisi Homericus ille vates,

Ὅτι δὲ καὶ τὰς ἰστίαν, καὶ τὰς ἐσπεύοντες ἰστίαν.

Nemo tam prudens est, cui non aliquid accidat praeter opinionem. Hic autem in re, quae praeter opinionem, expectationemque accidit, imprudens dicitur, quia id non providit, non quia imprudenter, aut oscitanter se gesserit: nimirum eo verbo factum potius demonstramus, quam animi vitium. Recte Terentius in Adelphis act. 5. sc. 4. Numquam ita quisquam bene subdulla ratione ad vitam fuit; quin res, atas, usus aliquid apporet novi, aliquid moneat. Et in hac significatione passim usurpatur hoc verbum tum à Veteribus Jurisconsultis, tum à Latinis Scriptoribus. A Jurisconsultis in l. cum ab eo §. ult. ff. de contr. empt. in l. in his rebus §. mulier ff. solut. matrim. ibi: Sive prudens mulier plus esset stipulata, sive imprudens. l. si servus 24. §. servum ff. de alien. empt. l.

aqui 19. ff. de negot. g. st. l. cum fundus 31. §. servum ff. de reb. credit. l. in fundo 38. in princ. ff. de rei vindic. A Veteribus Scriptoribus, ut à Cicet. pro Roscio Amer. Hac omnia, Judices, imprudente L. Sylla facta esse certo scio. Terent. in Hecyr. Plus hodie boni feci imprudens, quam si scis ante hunc diem unquam, & in Andr. act. 1. sc. 3. in fine. At ego hinc me ad forum, ut conveniam Pamphilum, ne de hac re pater imprudentem opprimat. Cic. pro Sextio, à quo Consul dicitur imprudens impendentium malorum.

Virgil. Georg. lib. 1.

— Numquam imprudentibus imber Obsuit. 4

Miror in hujus carminis interpretatione haerere doctissimos. Hoc nimirum voluit demonstrare Virgilius, tot, ac tam manifesta esse signa imbris impendentis, ut à quolibet praevideri possit: & quamvis noceat agricolis, quia declinari non potest, non tamen nocet iis imprudentibus, sed praevidentibus. Hotomannus tentat emendare duobus modis hunc locum: numquam prudentibus. Sed haec emendatio falsam sententiam asserit Virgilio: nam tempestas, & imber nocet etiam prudentibus: vel enim vis major, cui resisti non potest. Est putat corrigendum, affuit. Sed hoc multò languidius est, & à Virgilio majestatem alienum. Post illos versus:

At Boreae de parte trunci cum fulminat:
& cum
Enrique, Zephyrique sonat domus: omnia
plenis
Rura natant fassis, atque omnis navita
ponto
Humida vela legit:

Quam languide subjicitur: imber affuit: Obsuit plenius est, & vehementius: & explicatius describit vim imbris, qui nocet etiam si praevideatur. Et sane imber ille, quem versibus praecedentibus describit, non adest, sed obest. Idem Virgil. 2. Georg.

N n ij

— *Nec metuis surgentes pampinus Aus-
tros ,
Aut alium cælo magnis Aquilonibus im-
brem.*

Sed ad rem redeamus. Sunt igitur damna fatalia, quæ imprudentibus accidunt; accidunt enim præter opinionem; atque expectationem nostram nobis non providentibus; quia provideri humano consilio non possunt *l. 1. §. si eo tempore ff. de admin. rer. ad civit. pert. l. que fortuitis C. de pignor. act.*

Cavendum tamen est, ne nobis imponat perversa harum legum interpretatio, quæ in errorem induxit quosdam primæ classis Pragmaticos, qui primas in foro tenebant. Existimant illi nullum esse casum fortuitum, nisi qui sit omnino insolitus, & inopinatus. Itaque licet factum Principis referatur inter casus fortuitos, quia ei resisti non potest *l. si fundus 3. §. ff. loc. si à Principe minuantur reus locorum, montium*, id inter casus fortuitos non putant esse recensendum, quia poterat prævideri Principem posse illos resistere minuire.

Ut evellamus hunc errorem, luculentius exponendæ sunt superiores leges; & natura 6 casus fortuiti accuratius explicanda. Casus fortuitus est, cui humana infirmitas resistere non potest *l. 1. §. & ille quidem ff. de oblig. & act. l. ex conducto §. si vis ff. locat. l. in rebus in princ. ff. commod. l. in iudicio 28. C. de locato*. & idè vis major, vis divina, fatum appellatur, ut initio diximus. Quocirca etiam si prævideatur, tamen declinari non potest: ut imber ille Virgilianus, qui nocet, etiam si eum manifesta signa præcesserint significantia futurum imbrem. Est quidem incertus casus fortuitus, cum à fortuna, fatoque pen leat: & idè rectè dictum est, ea quæ fortuitis casibus accidunt, prævideri non posse in *l. que fortuitis C. de pignor. act.* 7 Hoc tamen non ita accipiendum est, quod nemo possit prævidere, generatim accidere posse aliquem casum fortuitum. Nemo quidem divinare, ac præsciscere potest an sit eventurus, an non, aliquis casus fortuitus

ac proinde non potest culpæ cuiusquam ascribi, quod non præcaverit casum, quem ignorabat exiturum. Nemo tamen ignorat fieri posse, ut casus aliquis accidat: impendent enim semper mille casus nobis occulti, qui etsi à nobis non prævideantur, scimus tamen evenire posse. Sed hoc non impedit quominus sint casus fortuiti. Dixi fortasse paulò obscurius; sed exemplis luculentius id explicabo.

Qui rem commodat Titio ut trans mare ferat, utique prævidere potest tam ipse, quàm Titius, fieri posse ut naufragium faciat, ut in Piratas incurrat. Et tamen tam naufragium, quàm Piratarum incursum casibus fortuitis ascribuntur *l. in rebus 8. ff. commod.* Nimirum quia hæc incerta sunt, & à casu pendent, nec præcaveri, ac declinari possunt.

Nemo ignorat evenire posse, ut ædes vel incendio absumantur, vel corruant. Frequentissima erant incendia Romæ, frequentissima ruinæ. Juven. Sat. 3.

*Nam quid tam miserum, & tam solum
vidimus, ut non
Detur credas horrere incendia, lapsus
Tellurum effiduos.*

Senec. lib. 2. Controv. Tanta altitudo est edificiorum, tantæque viarum angustia, ut neque adversus ignem præsidium, neque ex ruinis ullum ullam in partem effugium sit. Hinc sæpè cohibita edificiorum altitudo, ut crebris minis occurreretur. Hinc ab Augusto institutæ Vigiliæ cohortes ad extinguenda incendia, qui non alium ei rei sufficere, quam Cæsarem credidit. *l. 1. 2. §. 3. ff. de off. Pref. Vigil.* Cui igitur non veniet in mentem, vel ruinam, vel incendium existeri posse? Nihilominus tamen, quia hæc sunt incerta, sunt à casu, evitari non possunt, inter casus fortuitos recensentur in *l. 1. §. & ille quidem ff. de oblig. & act. §. item is cui Inst. tit. quib. mod. re contrah. oblig. l. contractus ff. de Reg. Jur. l. in ratione 30. in princ. ff. ad Leg. Falc.*

Quid mortes animalium? Non adeò raro accidunt, ut conductor gregis non possit 10

prævidere, ac suspicari eas existere posse, Virgil. 3. Georg.

Non tam creber agens hyemem ruit aquore turbo,

Quam multa pecudum pestes:

Quid fugæ servorum? quàm frequentes illæ fuerunt? Ut quotidianas præmittam, an non Eunus, Athenio, Spartacus fugitivorum exercitus ingentes, & Romanis ipsis formidabiles coëgerunt? Et tamen animalium mortes, & fugæ servorum casibus fortuitis adscribuntur in l. contractus 23. in fin. ff. de Reg. Jur. l. in ratione 30. in princ. ff. ad Leg. Falcid. nec ab ullo præstantur, quia sine culpa nostra accidunt, & facile præcaveri non possunt.

Conductor agri certè non ignorat fieri posse, ut grandine segetes prostrantur, uvæ, & oleæ decutiantur, (quam fundi calamitatem vocat Terentius, Ulpianus vero calamitosam tempestatem) ureline corumpantur, à graculis, ac sturnis absumantur: aquarum magnitudine, fluminum inundatione vastetur agri: & tamen hæc inter casus fortuitos numerantur in l. ex conducto §. 1. ff. locat. in l. contractus ff. de Reg. Jur. in l. in ratione ff. ad Leg. Falcid.

Quid? estne quicquam frequentius, quàm debitoribus facultatibus labi? Estne quicquam adeò iudis, & rerum ignarus, qui nesciat fieri posse, ut debitor facultatibus labatur, & tempore fiant pejora debitorum nomina? Et tamen hoc fieri casu fortuito, & hunc casum humano consilio providendi non posse traditum est in l. 2. §. si eo tempore ff. de admin. rer. ad civit. pertin. l. in ratione. in princ. ff. ad Leg. Falcid. Nimirum quia nec prævideri potest id futurum, nec evitari: illique sine culpa nostra, & præter expectationem accidit.

Rectè igitur, & eleganter, ut semper, M. Tullius lib. 5. epist. 17. Communion, & incertum casum, n. que vitare qui quam n. s. trum, neque præstare ullo pacto potest. Hæc duo sunt propria casus fortuiti: ut sit communis, hoc est, cuilibet potuerit evenire, adeoque

vitari non potuerit: ut sit incertum, atque adeo præstari non potuerit. Quamobrem licet rapina furto cognata sit, tamen rapina est casus fortuitus, furtum non item, l. contractus ff. de Reg. Jur. l. cum duobus §. damna ff. pro soc. Rapina enim vitari non potest, nec provideri ne accidat, quia vim continet princ. tit. Inst. de vi bon. raptor. vis autem est majoris rei impetus, qui repelli non potest l. 2. ff. quod met. caus. Contrà furtum, in quo nulla vis adhibetur, à diligenti patrefam. præcaveri potest, raro sine culpa nostra accidit.

Hic autem operæ pretium est animadvertere, quod in laudata l. 2. §. si eo tempore ff. de admin. rer. non dixit J. C. casus fortuitos esse, qui prævideri non possunt: sed, qui nullo humano consilio providendi possunt: hoc est, adversus quos cavendi non potest, ut explicant Imperatores in l. tutoribus 4. C. de peric. tutor. Providere enim, et si significet futura longè ante videre; tamen pleumque significat curare ut aliquid fiat, vel non fiat, & præcavere ne quid accidat. Terent. in Andr. *Quæ si non astu providentur, me, aut herum pessumdabunt.* Cic. 3. in Verr. *Nam quæ invidia C. Junius conflagravit, ea, nisi providisses, tibi ipsi tum pereundum fuisset.* Cæc. de bell. Gall. lib. 5. *Tum demum Titurinus, uti qui nihil ante providisset, trepidare.* Cic. lib. 6. epist. 10. ad Trebat. in fine: *Quæ sunt in fortuna temporibus regentur, & consiliis nostris providebuntur.* Hinc frequens illa iu Rescriptis Imperatorum formula: *Præses, vel Index providebit l. qui legati §. C. ut in possiss. legat. l. 3. C. si min. se major. dixer. l. 2. C. de tempor. in integr. rest. l. ult. C. comm. divid. l. ex pecunia 12. C. de jur. dot. l. si creditores 18. C. de pass. l. nec omiffa C. de liber. causa: & alibi passim. Hinc provilus dicitur, qui solers est, & cautus in accurandis iis, quæ ad rem bene gerendam, & vitanda pericula, & imminencia damna conducunt. Quapropter provilum fortuito opponitur. Cicero de Natur. Deor. *Atque ut intelligamus nihil horum esse fortuitum, & hæc omnia esse opera providæ, solertisque naturæ.**

Ex quibus conjecturam facio etiam in *l. quæ fortuitis C. de pign. act.* legendum esse
 16 cum *provideri non potuerint* : ut legitur in quibusdam optimæ notæ codicibus : quæ lectio & multò elegantior est, & multò accommodatior ad explicandam naturam casus fortuiti. Cicer. *lib. 2. de invent.* agens de accusando eo, qui se defendit necessitate casus fortuiti. *Postea demonstrare potuisse evitari* : & hac ratione provideri potuisse, si hoc, aut illud fecisset ; aut nisi fecisset, præcaveri. Est enim casus fortuitus, forturiæ vis, quæ obstat hominum voluntati, & eludit eorum consilia. Id. *eodem libro 2. de Invent.* Casus autem intersecit in concessionem, cum demonstrabitur aliqua fortuna vis voluntati obstitisse. Idem pro *M. Marcello* : Numquam ad consilium casus admittitur. Et pro *Rabirio Postum.* de facto Regis, quod putabatur casus fortuitus, ait : *Nolite igitur fortunam convertere in culpam, neque Regis injuriam hujus crimen putare : nec consilium ex necessitate : nec voluntatem ex vi interpretari.* Rectè, nam in Jure nostro hæc tria considerantur : dolo ; culpa : casus fortuitus. Quod caret dolo, & culpa, ascribitur necessitati, ac vi, & casus fortuitus appellatur *l. contractus 23. ff. de Reg. Jur.*

His expositis, constat egregiè allueinari eos, qui reprehendunt distinctionem nostrorum Interpretum inter casus solitos, & insolitos : & arbitrantur omnes casus fortuitos insolitos esse, cum sint omnes omnino inopinati. Enimverò casus fortuiti, si comparantur ad ea, quæ quotidie naturaliter accidunt, sunt omnino insoliti : si verò inter se conferantur, alii soliti sunt, alii insoliti. Sunt enim quidam casus, qui frequenter accidunt : sunt quidam alii, qui insolenter, ac raro, ac ferè numquam. Et hi sunt omnino inopinati, quia vix possunt homini vel cautissimo, ac solertissimo in mentem venire : ut est chasma, & labes, cum ad ingentem altitudinem terra defecit : ut fuit frigus anni præsentis, quo ubique oleæ omnes adustæ, & alieubi etiam vires aruerunt, cujus vix apud Scriptores extat memoria,

quo referri potest responsum Jurisconsulti de nivibus immoderatis, quæ frumenta corruerant in *l. fistulas §. ult. ff. de contrab. empt.*

Qui hanc distinctionem reprehendunt, 19 tuerentur se auctoritate J. C. in *l. fistulas §. ult. ff. de contr. empt.* Frumenta, quæ in herbis erant, cum vendidisset, dixisti, te, si quid vi, aut tempestate factum esset, præstaturum : ea frumenta nives corruerunt. Si immoderate fuerunt, & contra consuetudinem tempestatis, agi tecum ex empto poteris. Vel, ut docti Viri emendant : contra consuetudinem tempestatis.

Sed meminisse oportet ejus, quod supra monuimus ex Cicerone : opera providæ, solertisque naturæ fortuitis opponi. Quamobrem hæc non dicuntur fortuita, nec ad 20 fortuitos casus referuntur, nisi sint insolita, immoderata, & præter solitum, & consuetudinem naturæ ordinem. Pluvix, venti, nives, frigus, æstus, tumenes fluminum undæ, sunt opera providæ, solertisque naturæ : adedque ad casus fortuitos non pertinent, nisi immoderata sint, & præter solitum, & contra consuetudinem. Quamobrem rectè Ulpianus in *l. ex conditio §. 1. ff. locati* : ait, *Aut Solis fervore non assueti id accideris, damnum domini futurum : si verò nihil extra consuetudinem accideris, damnum coloni esse.* Fervor Solis naturaliter quovis annis accidit : atque aded ut ad casus fortuitos referatur, necesse est ut sit contra consuetudinem, non sit assuetus. Eadem ratione in *l. contractus. in fin. ff. de Reg. Jur.* ad casus fortuitos referuntur non aquæ, aut pluvix, sed aquarum magnitudines : & in *l. fluminum 24. §. Servius ff. de damn. inf.* non venti, sed ventorum violentia : & in *l. damni infecti 43. ff. eod.* Sed si tanta vis venti fuisset, ut quamvis firma adificia convelleret, & in §. cum autem emptio Inst. tit. de empt. & vendit. Inundatione aqua, aut arboribus turbine dejectis. Hæc enim omnia, cum sunt confecta, naturalem rerum cursum non prætergrediuntur, idè fortuita esse non possunt. Cum verò insolita sunt, & immoderata, non naturaliter accidere,

sed vim divitiarum habere creduntur *d. l. fluminum §. Servius ff. de damn. inf.* Verissimum est quod diximus, omnes casus comparatos ad ea, quæ in dies naturaliter accidunt, insolitos esse.

CAPUT XXVII.

AD L. QUIDAM TESTAMENTO

96. ff. de legat. 1.

SUMMARIUM.

- 1 Quid differat assignatio fundi taxativi, an demonstrativæ factæ sit.
- 2 Plura exempla fundi assignati demonstrativæ.
- 3 Plura exempla fundi assignati taxativi.
- 4 Quando taxationis, vel demonstrationis vicem obtineat fundi assignatio, & n. 17.
- 5 Quando certum corpus deducitur in obligationem, semper illud taxativum sit.
- 6 Secus est in emptione; & quare?
- 7 Error in materia licet non vitiet alios contractus, vitiat emptiorem; & quare?
- 8 Venditor non debet asserere, quæ ignorat.
- 9 Conditiones quæ ad præsentem, vel præteritum referuntur, non faciunt actum conditionalem.
- 10 Aliud est taxatio fundi: aliud taxatio temporis.
- 11 Dies non ad finendam obligationem, sed ad differendam solutionem adjicitur, & quando securi?
- 12 Adjectio redditus, aut fructus conditionaliter facta semper vicem taxationis obtinet.
- 13 Demonstratio in futurum collata conditionem facit.
- 14 Qui legat id, quod à Titio heres exegeris, videtur legare actionem quam habet adversus Titium; sicut qui legat, quod sibi debetur.
- 16 Fundus obligatus pignori nunquam vicem taxationis obtinet; & quare? Pignus neque auget, neque minuit obligationem.
- 17 Cum certa quantitas deducta est in obligationem, assignatio loci habet vim demonstrationis, & n. 10 & 11.
- 18 Certa atas conditionem facit adjecta substantia legati, non ejus executioni.
- 19 Dies incertus: exonerandi heredis causâ adjectus, non facit conditionem.
- 22 Fundus assignatus substantia legati, habet vim taxationis, & n. seqq.

tur taxationis, vel demonstrationis causâ, multæ occurrunt leges, quæ videntur inter se pugnare, & accuratâ indigent explicatione. Non raro hæc de re disputandum est: nam facili evenire solet, ut fundus destinatus, & assignatus, vel initio, vel progressu temporis non sufficiat ad erogandam debitam præstationem: quo casu si taxationis causâ fundus est assignatus, non tenetur aliunde sup lere, qui ad eam præstationem est obligatus: si verò demonstrationis causâ sit adjectus, supplere tenebitur, & integram præstationem solvere, etiam si ex fundo assignato redigi non possit. *l. quidam testamento 96. in princ. ff. de legat. 1. l. Paul'a Callinico 27. ff. de leg. 3. l. cum certus ff. de rit. vin. & ol. leg.*

Quod fundus demonstrationis causâ sit assignatus, probari videtur primò ex *l. quidam testamento 96. in princ. ff. de legat. 1.* ubi proponitur hujusmodi legatum: *Aureos quadringentos Pamphile dari volo; ita ut infra scriptum est: a Julio attore aureos tot, & in castris, quos habeo tot; & in numerato quos habeo, tot.* Testator ante mortem summâs illas in alios usus convertit. Quæsitum est, an hæres nihilominus teneretur ad solvendos Pamphilæ quadringentos. Respondit Julianus: *Verosimilius est patremfam. demonstrare potius heredibus voluisse, unde aureos quadringentos sine incommodo rei familiaris contrahere possent, quam conditionem fideicommissi injecisse, quod initio purè datum esset; & ideo quadringenti Pamphila debebantur.*

Secundò, ex *l. Paul'a Callinico 27. §. Julianus ff. de leg. 3.* ibi: *Placuit Imperatori non videri ejus fideicommissum, sed demonstratum unde accipere posset, & ideo hæres Severi hæc præstare debet.*

Tertiò, ex *l. Lucius Titius 12. ff. de aliment. leg. ibi: Paulus respondit, cibaria, & vestiaria integra deberi: neque ex eo, quod postea prædia his pignoris jure testator obligare voluit, ut ex redditu eorum alimenta perciperent, minuisse enim, vel auxisse ea, quæ reliquerat, videri.*

Hæc etiam referunt Interpretes nostri tex-

IN cæbri illa quæstione, quæ sæpenu-
merò in Foro agitur, an assignatio certi
fundus, vel loci, vel summæ, facta censæa-

tus in *l. ex eo vino* 13. ff. de *trit. vin.* & *ol. legat.* in *l. Firmio Heliodoro* 26. ff. *quan. dies legat. ced.* in *l. inter stipulante* §. *sacram.* ff. de *V. O.* in *l. legatum § vini* ff. de *ann. leg.* In quibus supplenda est quantitas legata, vel promissa ex reditu aliorum annorum, si minus aliquo anno collectum fuerit ex reditu fundi assignati.

Contrà verò quòd fundus videatur assignatus causà taxationis, adeoque supplendum non sit, si minus ex eo redigi possit, 3 probari videtur ex *l. cum certus* 5. ff. de *trit. vin.* & *ol. leg.* ibi: *Cum certus numerus amphorarum vini legatus esset ex eo, quod in fundo Sempromiano natum esset; & minus natum esset, non amplius deberi placuit, & quasi taxationis vicem obtinere hac verba; quod natum erit.*

Secundò, ex *l. si debitor* 39. §. 1. ff. de *contr. empr.* ibi: *Verisimile est eum, qui fructum olivæ pendens vendidisset, & stipulatus est decem pondo olei, quod natum esset, pretium constituisse ex eo, quod natum esset usque ad decem pondo olei: idcirco solis quinque collectis non amplius emptor petere potest, quam quinque pondo olei, quæ collecta essent.*

Tertiò, ex *l. nomen debitoris* 34. §. *uni ex heredibus* ff. de *leg. 3.* ibi: *Respondit manifestè proponi, ex rebus bonorum eorum jussu et alienum exsolvere, non de proprio.*

Ut has, & alias leges conciliemus, & magis distinctè, atque explicatè, quàm ab aliis factum sit, hanc quætionem exponamus; primò monendum est huic quætionem tantummodò locum esse, quando certa quantitas legatur, aut deducitur in obligationem, eaque percipienda est ex reditu aliqujus fundi, vel ex aliquo loco: tunc enim in controversiam vocatur, an adjectio illa loci, vel fundi habeat vim taxandæ, ac minuendæ obligationis, si ex eo loco, vel fundo tota illa quantitas redigi, ac percipi non possit. Et de hoc agunt omnes leges modò laudatæ, ut faciliè poterit quilibet animadvertere. Contrà verò, si non certa quantitas ex fundo assignato percipienda de-

ducatur in obligationem: sed ipse fundus, vel certum corpus in obligatione ponatur, & deinceps ejus reditus, vel quantitas enuntietur: tunc hæc adjectio demonstrationis causà facta censetur, nisi constet de contraria voluntate. Quamobrem in *l. si servus* 108. §. *qui quinque* ff. de *leg. 1.* responsum est, quòd si testator legaverit decem quæ in arce habet, si quinque habeat, quinque tantum debentur: idemque esse in stipulatione. Et in *l. si ita legatum* 65. in *princ.* ff. *eod.* Si quis legaverit decem servos, præter eos, quos Sejo legavit: & pauciores inveniantur, illi tantum debentur. Cum enim certum corpus legatum sit *d. l. si servus* §. *qui quinque* *l. sed si certos* 51. & *l. plane* 34. §. *sed hoc ita* ff. de *leg. 1.* corpus illud deducitur in obligationem, ut ajunt, taxativè, & quantumcumque sit, ipsum solum debetur: quantitas autem, & summa adjecta est demonstrativè, adeoque non auget legatum, nec tenetur hæres supplere, si delit aliquid quantitati demonstrare. Neque enim quantitas deducta est in obligationem, sed certum illud corpus numerorum, qui in arca sunt, & idèd si nihil sit in arca, nihil est in legato *l. 1. §. sed & si dorem.* ff. de *dot. præg.* *d. l. si servus §. qui quinque.* & *l. si ita legatum.* in *princ.* ff. de *leg. 1.*

Alia tamen causa est emptionis, & venditionis: nam si venditor homini dixerit peculium eum habere decem, nec quicquam adempturum: si plus sit in peculio, totum præstare debet: si minus, præstare debet decem, quæ in peculio esse dixit *l. si venditor.* in *princ.* ff. de *action. empti.* Nam in emptione, & venditione id, de quo convenit, omninò præstandum est. *l. ex empto* 11. §. 1. ff. de *action. empti.* *l. cum venderem* ff. *locat.* & quod venditor in contrahendo dixit, omninò præstare debet, nam emptor decipi non debet, qui fortè aut empturus non fuisset, aut minoris empturus *l. quaro* 39. ff. de *action. empti.* Et idèd error in materia licet non vitiet alios contractus *l. si id* 7 quod *aurum* 22. ff. de *V. O. l. 2. ff. de pign. act. l. cum et ff. de furt.* vitiat tamen emptionem, & venditionem *l. in venditionibus* 9. §. *ult.*

§. ult. l. alioquin, in princ. l. quid tamen, in fin. l. cum ab eo §. ult. ff. de contr. empt. l. si fieri-
lis §. quamvis ff. de action. empt. quia præsumitur emptorem non fuisse empturum, si scivisset alterius esse materię: quo fit, ut propter dissenfum vitari traditum sit in d. l. in venditionibus, & in d. l. alioquin ff. de contr. empt. Qui error licet sit causa dissenfus in emptione, propter pretium, quod est ab emptore solvendum: tamen non est causa dissenfus in aliis contractibus, aliequin enim nec alii contractus valerent l. inter 81. §. 1. l. continetur §. 2. ff. de V. O. §. si de alia Inst. tit. de inus. stip. Cum igitur venditor præcisè teneatur ad præstandum id quod dixit, ne emptor decipiatur: & in d. l. si venditor ff. de action. empt. duo dixerit, & affirmaverit: servum habere peculium, & in peculio esse decem: utrumque præstare tenetur. Primum præstare tenetur totum peculium quantumcumque sit: dixit enim se nihil adempturum.
§. Potius enim assentior Accursio, qui putat illa esse verba contrahentium, quàm Fabro, qui eum reprehendit, existimans esse verba Jurisconsulti: tota enim complexio verborum cum antecessentibus, tum subsequentiis pro Accursio est. Præterea præstare tenetur in peculio esse decem, sicut dixit, & idè si minus sit, supplere debet. Neque audiendus est venditor, si dicat, se ignorasse quantum esset in peculio: non enim debuit facillè, quæ ignorabat, asseverare. l. Julianus §. quid tamen ff. eod.

Neque quisquam putet idem traditum fuisse de stipulatione in l. si ita stipulatus 120. ff. de V. O. Etenim ibi non queritur de supplenda summa, si centum aureorum non sit, sed solum queritur an hæc stipulatio, hanc summam centum aureorum dare spondes, sit conditionalis, nec ne. Respondit Papinianus non esse conditionalem: nam etiamsi contrahentes eâ mente stipularentur, ut tantummodò debeatur ea summa, si modò centum aureorum sit, tamen non erit conditionalis stipulatio, quia verba, quæ ad præsens tempus referuntur, non faciunt conditionem d. l. si ita stipulatus, in fin. ff. de V. O. l. itaque ff. de reb. cred. quia non suspendunt ac-

tum l. cum ad præsens ff. eod. §. condiciones Inst. tit. de V. O. Non attinet autem p. asuum contrahentes ita sentisse: hoc enim salum est l. si servus §. qui quinque ff. de legat. 1. sed affirmat non esse conditionalem stipulationem etiam si ita senserint, ut ostendat nullo casu dici posse conditionalem.

Secundò, operæ pretium est animadvertere; multum interesse inter taxationem loci, vel fundi, & taxationem temporis; quod non distinguunt DD. nostri, in varios errores prolapsi sunt. Itaque perperam existimant in l. ex eo vino ff. de rit. vino & ol. leg. in l. legatum §. vini ff. de ann. leg. in l. Firmio Heliodoro ff. quando di. leg. ced. in l. inter §. sacram ff. de V. O. fundum adjectum fuisse demonstrationis causâ. Verè enim fundus taxationis causâ fuit assignatus, sed cum tempus taxatum non fuerit, si quid uni anno defuerit, suppletur ex aliis annis. Non est supplendum ex alio fundo, sicut suppleri debet, quoties fundus demonstrationis causâ fuit adjectus, nec tenetur equiquam debitor præstare, nisi id, quod in eo fundo natum erit: nihil tamen interest utrum hoc, vel illo anno natum sit d. l. legatum §. 1. ff. de ann. leg. d. l. ex eo vino ff. de rit. vin. & ol. leg. Expectandum est igitur donec nascatur id, quod debetur l. inter §. sacram. versic. pro quo & illud ff. de V. O. Imò etiamsi præfinitum sit certum tempus, tamen tempus illud non taxationis, sed differendæ obligationis causâ præsumitur adjectum: ac propterea longius tempus est expectandum. Quamobrem si quis ita leget: *fructi mei dari volo quinquaginta ex redditu prediorum futuri anni*: si minus, quàm quinquaginta, colligatur primo anno, expectanda est ubertas secundi anni: nam legato non conditio adjecta videtur, sed prolato tempus solvendæ pecuniæ l. Firmio Heliodoro ff. quan. di. legat. ced. Dies enim obligationi adjicitur ad differendam solutionem, ne præfenti die pecunia debeatur l. cum qui §. 1. ff. de V. O. §. omnis stipulatio Inst. tit. de V. O. non ad eam taxandam, aut limitandam ad certum tempus, cum hoc sit contrarium naturæ temporis adjecti, quod ipso jure obligatio-

nem finire atque extinguere non potest *l. obligationum fere 44. §. 1. versic. places ff. de oblig. & alt. §. at si ita Inst. de V. O.* Non potest igitur peri ante diem, cum dies adjectus fuit *l. nihil peri 186. ff. de Reg. Jur. d. §. omnis Inst. de V. O. l. 2. §. qui ita ff. de eo quod certo loco. l. non tamen 9. ff. ut legat. nom. cav.* potest tamen peri quando-cumque post diem; hoc enim est in arbitrio debitoris, quando potere velit post diem. Rectè igitur respondit J. C. quod cum tempus futuri anni sit adjectum ad proferendam solutionem, expectanda sit ubertas secundi, si ex redi u primi anni redigi non possint quinquaginta. Adjicitur quidem dies aliquando ad finiendam obligationem *d. l. obligatio fere §. 1. versic. places ff. de V. O. & §. at si ita Inst. eod.* Sed cum hoc repugnet naturæ temporis, quia tempus non est modus constituendæ, aut tollendæ obligationis *d. l. obligationum, & d. §. at si ita*, si non conflictet contraria voluntate ad-jicientis, semper intelligitur adjectum differe-ndæ solutionis causâ, cum hoc sit maxime conveniens naturæ ipsius temporis. In specie proposita in *d. leg. Firmio Heliodoro ff. qu. di. leg. ced.* non constabat de contraria volun-tate testatoris; quia verba illa; *futuri anni*, sunt apta per se ad comprehendendum tam primum, ac proximum, quam omnes alios annos insequentes *l. cum qui Calendii. in princ. ff. de V. O.* quapropter nulla causa est, cur ea verba debeamus interpretari contra naturam ipsius temporis, & contra consue-tudinem testatorum, & etiam contra con-jecturam voluntatis ejus, qui legavit quin-quaginta, quem verisimile non est legatum minuire voluisse per adjectionem temporis, quod non minuendæ, aut tollendæ obliga-tionis causâ adjici solet, sed differendæ solu-tionis.

Terriò, monendum est, quòd quando redditus fundi, aut fructus adjectus est per modum conditionis, semper facit taxatio-nem. Ratio in promptu est, quia ea vis est, & natura conditionis, ut existens actum per-ficiat, deficiens actum irritet, perindè ac si non fuisset celebratus *l. hac venditio 7. in*

princ. ff. de contr. empt. l. necessario 8. ff. de peric. & comm. rei vend. l. si quis 37. ff. de contr. empt. l. Thais 41. §. infra ff. de fideic. libert. l. pupillarum C. de adm. intor. Cum autem deficiens conditio impediat ne nascatur obligatio, multò magis habet vim ejus minuendæ. Quapropter cum J. C. quærent an destinatio, & assignatio fundi, vel loci, unde percipiendum est id, quod debetur, taxationis vicem obtineat, an demonstrationis, semper illud expendunt, an testator per illam designationem, & assignationem vo-luerit adjicere conditionem legato; & si vo-luit adjicere conditionem, taxatio est; sin minus, demonstratio ut in *l. quidam testa-mento ff. de leg. 1. & in l. Firmio Heliodoro ff. quan. di. leg. ced. in l. nuper 85. ff. de leg. 3.*

Hinc constat cur in *l. cum certus 5. ff. de 13 trit. vin. & ol. leg. & in l. legatum 9. vini Falerni ff. de ann. legat. & in l. si debitor 35. §. 1. ff. de contr. empt.* vim taxationis obti-neant verba illa; *quod natum erit: quod nascetur*, & similia; nam verba illa condi-tionem faciunt *l. 1. §. ult. ff. de cond. & demonst.* Demonstratio enim in futurum eol-lata conditionem facit *l. nuper 85. in fin. ff. de leg. 3. l. quærit 11. ff. de rebus dub. l. Si-chum qui meus 6. ff. de leg.* Et idè miratur obligatio pro ea parte, vim qua falsa erit de-monstratio *l. scribit 34. in fin. ff. de aur. & arg. legato.*

Nec obstat text. in *l. Firmio Heliodoro. in princ. ff. quan. di. legat. ced.* Nam ibi longè alia quæstio pertractatur; an scilicet tempus illud, quod fuit adjectum *futuri anni* conditionem faciat, & restringat obli-gationem ad proximum annum, an verò sit adjectum ad d. ferendam solutionem, adeo-que comprehendat omnes futuros annos quoad ereditorem.

Non obstat etiam textus in *l. ut heredibus 50. alias l. si Titius 5. cum ita ff. de leg. 2.* ubi ex sententia Publicii respondit Marcellus purum esse, non conditionale hujusmodi legatum; *quantum pecuniam heres meus à Titio exegerit, tantam Mævio dato.* Nam testator non adjecit illam demonstrationem;

animo restringendi, ac minuendi legati. Vo'u't enim legare totum id, quod à Titio
 15 exigi posset: hoc est, voluit legare nomen
 debitoris: sed ut legatarium liberaret ab
 incommodo, & molestiâ exigendi, gravavit
 heredem ut exigeret, & quod exegisset Mæ-
 vio legatario solveret. Itaque in eo legato
 licet ex verborum conceptione videatur con-
 tineri summa, quæ ab hærede fuerit exacta:
 tamen vi ipsa continetur ipsum jus exigendi,
 & actio quæ hæredi competit adversus Ti-
 tium: & ided si legatarius velit sibi præstari
 actiones adversus Titium, poterit statim
 heredem cogere ad eas sibi præstandas *d. l.*
ut hæredibus in fin. Non aliter qui legat
 centum, quæ sibi à Titio debentur, licet ver-
 borum conceptione contineantur in legato
 centum, tamen vi ipsa legata est actio, quæ
 competit adversus Titium, & hæres non te-
 netur præstare centum, sed actionem cedere
 §. tam autem 21. *Instit. tit. de leg. 1. l. si sic*
legatum §. quod si ff. de legat. 1. Et ided si
 Titius nihil debeat, inutile est legatum,
 quia nulla est actio quæ cedi possit *d. l. si sic*
legatum §. quod si.

Quartò denique animadvertendum est,
 quod quando fundus creditoris alicujus
 quantitatis annuæ obligatur vice pignoris,
 ut ex eo quantitatem illam annuam perci-
 16 piat, dubitari non potest, illam fundi obli-
 gationem taxationis vim habere non posse,
 ut traditum est in *l. Lucius Titius 12. ff. de*
alim. vel cib. leg. Pignus enim potest esse
 tum majus, tum minus debito, pro quo
 obligatur: & si majus sit, non augeat obli-
 gationem: si minus, eam non minuit. Non
 potest enim mutare principalem obligatio-
 nem pignus, quod ei accedit, eamque se-
 quitur *l. cum principalis ff. de Reg. Jur. c.*
a. cessorium de R. J. in 6. Absurdum autem
 esset pignus, quod pro securitate creditoris
 constituitur, & ut creditori cautum sit §. ult.
Instit. quib. mod. re contr. obl. l. 1. §. jubet 9.
ff. de collat. minuire obligationem creditoris:
 & quod ad fulciendam, & confirmandam
 obligationem datur, eam extenuare, & pro
 parte saltem irritare, & infirmare contra
 text. in *l. nulla Juris ff. de legib.*

Hæc, quæ hæctenus exposuimus, non fá-
 tis accuratè distinguentes, ac perpendentes
 Interpretes nostri, rem per se dubiam, &
 controversam infinitis difficultatibus invol-
 verunt. His autem expositis pauca admo-
 dum leges superfluit explicandæ, ex quibus
 hæc extirrit controversia. Soleut autem DD.
 ita distinguere. Si fundus, vel locus, undè
 percipiendà est quantitas legata, sit adjectus,
 & assignatus in eadem oratione: taxa-
 tionis vim habet assignatio: si verò in di-
 versa oratione, demonstrationis. Alii verò
 distinguunt, utrum fundus sit adjectus ipsi
 legato, vel donationi, vel substantiæ contra-
 ctus: an verò executioni, & solutioni.
 Primo casu taxationis, secundo demonstra-
 tionis vicem obtinere. Existimo etiam supe-
 rioris sententiæ auctores hoc idem dicere vo-
 luisse; sed aliis verbis expressisse. Quid enim
 interest una, an duabus orationibus testator
 id comprehendat; nisi quod fundus adjectus
 in eadem oratione adhæret substantiæ legati,
 & obligationi: in diversa verò oratione ad-
 jectus, solet respicere executionem obliga-
 tionis: Et hæc rationem habent. Nam cum
 substantia obligationis consistit in aliqua
 certa quantitate, quæ in obligationem de-
 ducta est, non mutat ipsam obligationem,
 nec minuit quantitatem, quod testator, vel
 debitor adjiciat locum, aut fundum, undè
 illa percipiendà est, & solvenda. Hoc enim
 solummodò respicit solutionem, & afficit
 legati executionem, non vero ipsam obliga-
 tionem purè contractam: ac propterea sub-
 stantiam obligationis mutare non potest. Et
 hoc est quod traditur in *l. quidam testamento*
96. ff. de leg. 1. Vero similis est patremfam.
demonstrare potius hæredibus voluisse, undè
aureos quadringentos sine incommodo rei fami-
liaris contrahere possent, quam conditionem
fideicommissi inieçisse, quod initio purè datum
esset.

Idem quoque constitutum est in adjectione
 certæ ætatis. Certa ætas legatarii adjecta le-
 gato conditionem facit. *l. si Titio 22. in*
princ. ff. quando di. leg. ced. Nam dies in-
 certus facit conditionem *d. l. si Titio, & l.*
dies incertus. l. si quis 54. l. hæres 79. ff. de

cond. & dem. l. si ita scriptum 45. §. ult. ff. de leg. 2. l. si ita scriptum ff. de manum. testam. l. q. odcumque §. 1. ff. de V. O. Sed conditionem facit certa ætas, quories est adscripta ipsi legato, & coheret substantiæ legatæ: ceterum, quando est adjecta solutioni, & executioni legati conditionem non facit, l. ex his verbis. C. quando dies leg. ced. l. Firmio Heliodoro §. 1. ff. quan. di. leg. ced. Nam dies adjectus solutioni, non afficit obligationem, cui non fuit adjectus, & idè obligationem non suspendit. Quo fit, ut testator adjuvando diem solutioni, videatur voluisse solutionem prorogare: aliud autem est prorogare solutionem, aliud injicere conditionem legato, vel fideicommissio l. Sejus 19 Saturninus ff. ad S. C. Trebell. Item quories dies incertus exonerandi hæredis causâ adjectur solutioni, eam in plures pensiones, ac plures annos distribuendo hæredis commodo, conditionem non facit l. si cum præfinitione ff. quand. di. l. g. ced.

Eadem est ratio fundi, locique, ac personæ adjectæ. Hæc adjectio conditionem facit, quories substantiæ obligationis adjectitur l. 1. §. ult. ff. de cond. & dem. si verò adjectur solutioni, & executioni legati, vel alicuius obligationis, & ipsius hæredis commodo, ut sciat unde possit commodè debitum exonerandi cogere, non facit conditionem, nec minuit obligationem. Et hoc innuit Julianus in l. quidam testamento in 20 princ. ff. de legat. 1. illis verbis: Verosimilius est patrem suum demonstrare potius hæredibus voluisse, unde aureos quadringentos sine incommodo rei familiaris contrahere possent. Quotiescumque igitur apparet testatorem voluisse demonstrare hæredi, unde possit commodè percipere quantitatem solvendam, tunc adjectio loci, vel fundi conditionem non facit, nec vicem taxationis obtinet. Hoc autem apparet, quando testator legato purè relicto adjectur locum, vel fundum, unde solvi possit, ut in d. l. quidam testamento ff. de leg. 1. ibi: fideicommissio, quod initio purè datum esset. Qui legato, quod initio purè datum est, adjectur locum, unde solvi possit, ad expediendam solutionem,

non ad minuendam obligationem videtur adjectisse.

His probè constitutis facilis est omnium legum, quæ supersunt, expositio, & conciliatio. In l. quidam testamento ff. de leg. 1. initio quadringenti purè legati faciunt: postea adjectum, unde paterfam. sine incommodo rei familiaris posset quadringentos contrahere. Hæc adjectio, est demonstratio, non taxatio aut conditio: & idè debentur quadringenti, etiamsi ex locis à testatore demonstratis contrahi non possint.

In l. Paula Callinico §. Julianus ff. de legat. 3. Julianus alumno suo quinquaginta legaverat: eaque à Juliano Mauro colonio suo ex pensionibus sibi debitæ præstari voluerat. Manifestè hic locus, unde percipienda est pecunia legata, adjectus est præstationi legati, quod initio purè datum erat. Et idè rectè J. C. ait, hic fuisse demonstratum, unde hæres accipere possit.

Contrà verò in l. nomen debitoris §. uni ex hæc edibus ff. de legat. 3. injunctum erat uni ex hæredibus onus solvendi æs alienum, quod ex bonis Aretonis debebatur: & assignati erant redditus eorumdem bonorum ad solvendum hujusmodi æs alienum: itaque assignatio respiciebat ipsum onus injunctum, & ejus substantiæ adjecta erat. Onus enim substantia consistebat in ipsa solutione æris alieni: & huic ipsi oneri sustinendo assignatus est certus fundus. Quamobrem rectè responsum est à Scævola, hanc assignationem taxationis vicem obtinere his verbis: Respondit, manifestè proponi ex redditibus bonorum eo uni justum æs alienum exsolvere, non de proprio.

Idem traditum in l. Firmio Heliodoro in princ. ff. quan. di. legat. ced. Firmio Heliodoro fratri meo dari voio quinquaginta ex redditu prædiorum meorum futuris anni. Non 23 dubitat Jurisconsultus, quin prædia sint assignata taxationis causâ, adèd ut non teneatur hæres de proprio solvere, quia assignatio adjecta est substantiæ legati. Dubitat tantummodò an illa temporis adjectio, futuris anni, conditionem faciat, & restringat

legatum ad reditus proximi anni : an verò contineat prorogationem solutionis, & extendatur ad annos insequentes. Quapropter si testator non adiecit illa verba, *futuri anni*, nulla fuisse dubitatio, quin hujusmodi legatum restrictum esset ad reditus præliorum, nec de proprio, aut alieno solvendum non esset.

Item in *l. inter stipulantem §. sacram. vers. sic. pro quo ff. de V. O.* stipulatus est quidam ex fundo centum amphoras vini. Manifestè hic fundus est adjunctus substantiæ obligationis. Et idè ait J.C. amphoras vini non deberi, nisi ex vino, quod in fundo natum erit, & si fuerit bonâ fide consumptum à promissore, expectandum, ut iterum nascatur, & per has vices aut cessaturam, aut valituram stipulationem.

CAPUT XXVIII.

AD L. GENERALI 32.

§. Uxori 2. ff. de usufr. leg. & l. prædia 27. §. liberto 3. ff. de instr. vel instrum. leg.

SUMMARIVM.

- 1 Designatio certi loci aliquando restringit legatum.
- 2 Legato rerum quæ alicubi sunt, continentur quæ inde casu absumi : & non continentur, quæ ibi casu sunt. & n. 21. & 22.
- 3 Quæ res consuevant perpetuè, vel casu esse in aliquo loco.
- 4 Legato rerum omnium, quæ in domo sunt, non continentur calendarium, & nomina debitorum. & n. 8.
- 5 Quid sit nominativum exceptum fueris calendarium : aut legatum calendarium.
- 6 Calendarium quid?
- 7 Legato usufructu bonorum, & calendarium, & adiace. continentur.
- 8 Verba, alia, cetera, similia expressis includunt.
- 9 Si heredi servus prelegatur, coheredes nullam actionem habent ad petendum id, quod servus domino debebat.
- 10 Si cui peculium legetur, heres retinet quod domino debebatur, jure exceptionis, non jure actionis : & quare?
- 11 Legato rerum quæ alicubi sunt, pecunia feneratoria non continentur.

- 12 Legato etiam universali rerum alicubi existentium pecunia non continentur sed vide n. 26. & 27.
- 13 Taberna nemine continentur merces, & omnia, quæ sunt in taberna & n. 38.
- 14 Pecunia præstata causâ sepelita continentur : & quare n. 16.
- 15 Quæ sit pecunia præstata causâ sepelita?
- 16 Peculium quid?
- 17 In his legatis destinatio patrisfam. attenditur. & n. 39.
- 18 Argenteum continentur, nisi fuerit venale.
- 19 Nec res commodata, nec pignoriata continentur.
- 20 Argenteum aliòt à testatore depositum continentur.
- 21 Legato rerum, quæ Roma sunt, continentur ea, quæ sunt in continuatibus Urbis.
- 22 Depositum non semper significat contractum.
- 23 Testatoris aliquando dicitur etiam it, cuius depositio ex at memoria.
- 24 Exceptio efficit, ut includantur omnia præter excepta.
- 25 Qui comprehendit id, de quo magis dubitari poterat, comprehendit etiam id, de quo minus. & n. 50.
- 26 Exceptio non inducit inclusionem eorum, quæ sunt diversi generis. & n. 31.
- 27 Pecunia quæ in agris habetur ad pascendas feras, & exercenda opera, rusticæ, continentur.
- 28 Rei venales non continentur, etiamsi legatum sit universale. & in eo aliquid nominativum exceptum.
- 29 Etiam si legatum non sit loco circumscriptum, Exceptiones n. 37. & 38.
- 30 Affertur ratio.
- 31 Proponitur & reprobat distinctio inter res, quæ negotiatoris causâ habentur, & alias rei venales.
- 32 Merces quæ dicantur, aut mercis, & promercii causâ haberi : item quæ dicantur rei venales? & n. 40.
- 33 Servi an mercis numero sint?
- 34 Fructus in fundo nati, ibique coacti an continentur? vide distinctionem.
- 35 Fructus fundi ad vendendum destinati sunt res venales. & n. 35.
- 36 Rei distincta habetur præ re, cui destinata est, & utraque idem ius.
- 37 Legatum fundi cum rebus quæ ibi sunt, comparatur legato fundi cum instrumeto.
- 38 Legato fundi instructi fructus non continentur, excepti illi, qui sunt necessarij ad colendum & instruendum agrum.
- 39 Legata quæ non continent rei venales, nec continent fructus venales.
- 40 Particula item habet vim repetendi.
- 41 Legatum usufructus bonorum quid continent?
- 42 Salva alia privata, alia publica.
- 43 Lædæ Pandectarum Florent inarum an semper præferenda?
- 44 Per voluntariam alienationem etiam invalidam, imò per solam destinationem alienandi legatum adimitur.
- 45 Vinum sa dolit, & vinum de dolis.

- 14 *Fructus, qui hodie solent subministrari colonis par-*
ticipari, non continentur.
 15 *Legatum fundi cum omnibus rebus, an latius patens*
legato fundi instruitur.

Demonstravimus certi loci, ac fundi designationem facere aliquando conditionem, aliquando solam demonstrationem continere: & quando habeat vim taxationis, & minuendæ obligationis, luculenter exposuimus. Nunc alia ratio minuendæ obligationis per designationem, ac circumscriptionem loci est exponenda, de qua sæpenumero etiam in foro necesse est acriter disceptare.

Generalis obligatio, & generale legatum omnium rerum restringitur, ac minuitur designato, ac circumscripto certo loco. Neque enim debentur omnia quæ sunt in loco destinato, & assignato, sed solum ea quæ ibi sunt, ut ibi perpetuò maneant, quæ ibi esse solent: non verò debentur, & legato continentur, quæ ibi casu sunt, quæ temporis causâ ibi sunt collocata. Contra quæ casu absunt, & temporis causâ aliò translata fuerunt, aut fraudulenter ab aliquo minuendæ obligationis causâ, continentur, etiam si in loco assignato non sint *l. si ita legatum 86. ff. de leg. 3. ibi: Labeonis distinctionem valde probo, qui scripsit, nec quod casu abesset, minus esse legatum: nec quod casu ibi sit, magis esse legatum. l. si fundus 44. ff. cod. ibi: Quæ ad tempus ibi sunt, non videntur legata. l. qui saltum 67. ff. cod. ibi: Sed de illis sensisse, quæ perpetuo ibi esse solent, & in *l. pen. §. 1. ff. de aur. & arg. leg. ibi: Quia illa verba, quod domi mea eris, sic accipi debere: esse solebat. l. ex facto 35. §. rerum ff. de hered. inst. ibi: Quia non idcirco illò erat missus, ut ibi esset. l. debitor 32. ff. de pignor. l. in prædiis §. 1. ff. in quibus caus. pign. rac. contr. l. Seja §. Pamphila ff. de instrum. vel instrum. leg.* Nam si aliquid in loco sit casu, & temporis causâ, non ut ibi maneat ad ejus usum destinatum, perindè habetur, ac si ibi non esset *l. fundi 17. §. Labeo ff. de act. empr. l. si quis enim 40. ff. de relig. & sumpr. fun. l. id vestimentum 25. ff. de pecul. l. debitor 32. ff. de pignor.**

Atque hæc certa sunt, & explorata. Illud in controversiam vocatur, quæ res censentur esse in aliquo loco perpetui usus causâ, vel casu, & ad tempus accommodata. Pendet id à destinatione patrisfam. *l. cum de lationis. §. item. & l. fundi instrum. ff. de fund. instr.* Sunt tamen quædam res, quæ ex sui natura censentur esse in loco ad tempus, & legato omnium rerum eo loci existentium non continentur, nisi probetur contraria voluntas testatoris; de quibus inter nostros est magna contentio. Hujus generis sunt calendarium, & nomina debitorum, pecunia numerata, res venales, & fructus ex prædio coacti.

Calendarium, & nomina debitorum non contineri legato rerum domi, vel in fundo existentium verius est *l. Gajus Sejus 86. in princ. ff. de leg. 2. l. uxorem 41. §. legaveras. l. quasitum 78. §. 1. & §. peto l. prædiis 91. in princ. & in §. 1. l. si mihi Mavia 92. in princ. & in §. 1. ff. de legat. 3.* Etiam si signum aliquod universale fuerit adjectum, ut in *l. quasitum §. Papinianus quoque ff. de instr. vel instrum. leg. l. uxorem §. legaveras ff. de legat. 3. l. Gajus Sejus 86. in princ. ff. de leg. 2. & in l. si mihi Mavia §. ult. ff. de legat. 3.* ubi legatæ erant domus, nullo omnino excepto, cum omni instrumento, & repositis omnibus. Vix excogitari possunt verba magis universalis, & tamen instrumenta debitorum in domibus legatis reperta non debentur.

Quod si in legato nominatim fuerit exceptum calendarium, non solum nomina debitorum, quæ ad calendarium pertinent, excepta intelliguntur: sed etiam pecuniæ calendario destinatæ: sicut legato calendario legatæ videntur etiam pecuniæ calendario destinatæ *l. qui filium 64. ff. de leg. 3.* Sicut contrà, si nominatim legata sint prædia cum reliquis colonorum, neque debetur calendarium, neque pecuniæ à colonis exactæ, & in calendarium versæ *l. prædiis. in princ. ff. de legat. 2.*

Calendarium erat liber, seu codex fenebris pecuniæ, in quo scribebantur nomina debitorum, quibus pecuniam mutuabantur, de quo in *l. ejus qui in Provincia. ff. de reb.*

cred. l. Lucius Titius § 8. in princ. ff. de leg. 2. l. nepoti ff. de infr. vel injurum. leg. l. tutores §. negligentia ff. de admin. tut. l. Stichus libertas §. servus ff. de statulib. l. dominus. in princ. ff. de pecul. legat. l. uxori ff. de usu & usufr. legat. l. 3. C. de compenfat. Dicebatur autem calendarium, quòd Calendis Veteres fœnerati solebant, & Calendis usuras exigere, cum in singulos menses usuras paciferebantur. Ovid. lib. 2. de remed. amor.

*Qui Putat, Jannumque timet, celeresque
Calendas;
Torqueat hunc aris mutua summa sui.*

Horat. Od. 2. Epod.

*Hæc ubi locus fœnerator Alphius, &c.
Omnem reliquit lãibus pecuniam,
Quærit Calendis ponere.*

Quare Martialis lib. 8. ep. 44. calendarium dixit paginas Calendarum.

*Superba densis arca palleat nummis:
Centum explicentur pagina Calendarum.*

Senec. de benef. lib. 1. Nemo beneficia in calendario scribit.

Sed obstat text. in l. uxori mea 37. ff. de usu, & usufr. leg. ubi proponitur hujusmodi legatum: uxori mea usumfructum lego bonorum meorum. Respondit Scævola, deberi usumfructum prædiorum tam rusticorum, quam urbanorum, & mancipiorum, & suppellectilis, itemque calendarii.

Facilis est, & expedita responsio. Non agitur hic de legato ad certum locum restricto, sed de legato generali bonorum, sine ulla designatione, ac circumscriptione loci. Bonorum autem appellatio continet etiam nomina debitorum, & calendarium l. bonorum. in fin. ff. de V. S. l. Princeps 21. ff. cod. Et ideo legato usufructu bonorum, etiam actiones legato continentur l. ult. ff. de usufr. leg. l. usufructu 69. ff. ad Leg. Falcid..

Secundò, obstat textus in l. quæstionem 78.

§. prædia ff. de leg. 3. ibi: Prædia quidam reliquit adjectis his verbis: uti a me possessa sunt, & quæcumque ibi erunt, cum moriar. Quæstio est de mancipiis, quæ in his prædiis morata fuerunt, vel operis rustici causâ, vel alterius officii, caterisque rebus, quæ ibi fuerunt in diem mortis, an ad legatarium pertinerent? Respondit, ea omnia, de quibus quaeretur, legata videri. Verba illa, caterisque rebus, & ea omnia, videntur comprehendere etiam calendarium, & nomina debitorum.

Sed non ita sunt interpretanda. Primum, quia non absolute dixit cateras res; sed cateras res, quæ ibi fuerunt in diem mortis. Verba autem illa: quæ ibi fuerunt, restringunt antecedentia verba generalia, ita ut non possint comprehendere calendarium, & nomina debitorum, quæ etsi comprehendantur nomine rerum, & nomine bonorum, ut modò dicebamus; tamen non comprehenduntur appellatione rerum, quæ domi, vel in prædiis sunt, quia loci designatio, ac circumscriptio eas res excludit, ut suprà demonstratum est. Præterea, quia cum suprà numeraverit J. C. mancipia, quæ in prædiis morata fuerunt operis rustici causâ, vel alterius officii, subdens deinceps, caterisque rebus, quæ ibi fuerunt, satis evidenter demonstrat, se agere solum de rebus, quæ in prædiis fuerunt ad instruenda prædia, & ad usum prædiorum, vel patrisfam. non verò de rebus, quæ ibi casu, & ad tempus fuerunt. Nam verba, alii, cateri, & similia, includunt & comprehendunt res ejusdem qualitatis, & naturæ, l. quidam relegans ff. de reb. dub. Et cum in hoc legato non comprehendantur omnia mancipia, sed ea tantum, quæ ad usum fundi, vel patrisfam. pertinent, multò minus continebuntur nomina debitorum, & calendarium. Continentur igitur cateræ res, quæ ad instruendum fundum, vel patremfam. ibi fuerunt: sicut hujus generis mancipia continentur.

Tertiò, obstat multò difficilior text. in l. ult. ff. de pecul. ibi: Uni ex hæreditibus prædia legavit, ut instruita erant, cum servis, & cateris rebus, & quicquid ibi esset. Servi do-

mini debitores fuerunt tam ex aliis cunctis, quam ex ratione calendarii. *quæritur est, an cæteris hereditatis adversus eum pecunia ab his deinceps actio de peculio competat? Respondit, non competere.*

Respondetur, hoc legato non comprehenditur calendarium, sed id, quod servi domino debebant ratione calendarii. Neque id continetur propter illa verba generalia legati, & *quicquid ibi esset*: nam etsi legata essent prædia cum servis, tamen legatarius de peculio conveniri non posset ab hæredibus ratione ejus, quod servi dominis debebant *l. filiofam. § 4. ff. de pecul.* Ratio est, quia cum servi dominus sit hæres, cui servus prælegatus est, non autem alii coheredes, non potest servus quicquam debere coheredibus, qui neque domini sunt, nec ullam actionem habere possunt contra dominum servi, quia nec defunctus, cui servus debebat, ullam actionem habebat *l. & ancillarum §. sed ipsi ff. eod.* Potest quidem dominus de peculio deducere quod sibi debetur, quia id quod domino debetur, in peculio non est *l. depositi §. in fin. ff. de pecul.* non tamen habet ullam actionem, nec servus naturaliter tantum obligetur *l. nec servus 41. ff. eod. l. naturales 10. ff. de oblig. & act.* Cum igitur nullam actionem defunctus haberet ad conequendum id, quod sibi à servo debetur, nec potuit eam ad hæredes transmittere *l. 1. §. Scævola ff. si is qui testam. liber. esse juss. l. ult. C. de hered. act. l. 1. C. si cert. petat.* Planè cum peculium ipsum legatur, possunt hæredes retinere id, quod servus domino debebat, non jure actionis, sed exceptionis *l. cui consequens 18. ff. de pecul.* quia id, quod domino debetur, peculium minuit, & legato non continetur *l. si peculium §. si cui autem ff. de pecul. legato.* Sed hæc peculium legatum non est *l. quæritur §. Celsus scribit ff. de instrum. vel instrum. leg.* & ea solum legato continentur ex peculio, quæ sunt ex prædiis legatis, & ad ea prædia pertinent, & in prædiis sunt, ut ibi sunt *l. fundo legato §. fundo ff. de instr. vel instrum. leg.* Non autem nomina debitorum.

I I.

De pecuniâ numeratâ.

DE calendario, & nominibus debitorum res est confecta: non adeo est ad explicandum expedita quoad pecuniâ numeratâ. Distinguendum enim est inter pecuniâ, quæ scernerandi, vel expendendi causâ ibi habetur; eamque, quæ ibi est præsidii causâ.

De pecuniâ, quæ scernerandi causâ est in aliquo loco Pomponius ait in *l. si fundus 44. ff. de leg. 3. Si fundus legatus sit cum his, quæ ibi erunt; quæ ad tempus ibi sunt non videntur legata, & idcirco pecuniâ, quæ scernerandi causâ ibi fuerunt, non sunt legata.* Ubi observandum, quod ratio, quâ movetur J.C. ad statuendum pecuniâ scerneratiam non esse legatam, convenire etiam pecuniâ, quæ expendendi causâ ibi habetur.

De eadem pecuniâ Proculus in *l. si ita legatum 86. ff. de legat. 3. Si ita legatum est, domum, quæque mea ibi erunt cum moriar, nummos ad diem exactos à debitoribus, ut aliis nominibus collocarentur, non puto legatos esse: & Labeonis distinctionem valde probat, qui scripsit, nec quod casu abesset, minus esse legatum, nec quod casu ibi sit, magis esse legatum.*

De pecuniâ in genere Paulus in *l. quæritur § 1. ff. de leg. 3.* ubi eum relicto esset fundus Sempronianus cum suis inhabitantibus, id est, familiâ, & quæ ibi erunt: respondit, nomina, & nummos non videri deberi.

Et in *l. si mihi Marcia 92. §. his verbis ff. eod. His verbis domibus legatis: Fidei hæredum meorum commisso, uti sinant eum habere domus meas, in quibus habito, nullo omnino excepto, cum omni instrumento, & repositis omnibus: non videri testatorem de pecuniâ numeratâ, aut instrumentis debitorum sensisse.* Ex quâ lege illud etiam docemur, quod licet legatum relicto sit verbis universalibus, cujuscumque sunt illa: *repositis omnibus, nullo omnino*

omnino excepto: tamen pecuniam numeratam non comprehendit. Quod confirmat Scævola in *l. uxorem* 41. §. *legaverat ff. de leg. 3.* ubi verba legati, *quicquid in patria Gadibus possideo*, non continent pecuniam, quæ in arca Gadibus inventa est, vel ex diversis nominibus exacta, & ibi deposita.

De pecunia redacta ex venditione purpuræ, quod non contineatur legato tabernæ purpurariæ cum servis institutoribus, & purpuris, Papinianus in *l. prædii* §. *pater ff. de leg. 3.* licet nomine tabernæ contineantur

merces, & omnia quæ in taberna deprehenduntur *l. cum tabernam* 34. ff. *de pignor.*

Contrà verò pecuniæ prædii causâ seposita legato contineatur. Tradita fuit hæc distinctio à Proculo, cujus auctoritate Celsus in *l. si eborus* 79. §. *his verbis ff. de leg. 3.* ait: *His verbis, quæ ibi mobilia mea erant, do, lego: nummos ibi repositos, ut mutui darentur, non esse legatos* Proculus ait: *at eos quos prædii causâ repositos habet, ut quidam bellis civilibus fassirassent, eos legato contineri: & audisse se rusticos senes ita dicentes, pecuniam sine peculio fragilem esse: peculium appellant, quod prædii causâ seponeretur.*

Quæ sit pecuniæ prædii causâ reposita, ac seposita, dubitant Interpretes nostri: & alii alia comminiscuntur. Ego iudicatum existimo eam esse, quam providus paterfam. idèd seponit, & condit, ne eam in quotidianos usus expendat, neve mutuetur ac forneretur: sed ut perpetuò ibi habeat, tamquam prædium adversus fortuitos, & inopinatos casus; ut si casus aliquis improvisus obveniret, promptam, paratamque pecuniam habeat in numerato, qua possit occurrere ingruenti calamitati, aut adversæ fortunæ resistere. Et idèd rectè dicebant rustici illi Veteres, pecuniam sine peculio fragilem esse, peculium appellant, quod prædii causâ seponeretur. Nam cum facile possint fortuiti isti casus evenire: si quis sepositam non habeat pecuniam, qua possit impetum fortunæ adversantis eludere, aut calamitati succumbere cogetur, aut bona vendere, aut pecuniam mutuari, quo fiet, ut progressu temporis forore trucidetur. Hoc

autem bellis civilibus maximè factitatum fuit: nam imminetibus gravissimis, periculosis, homines providi fiunt; & cum nemo prænosceret possit, quis futurus esset rerum exitus, & undique turbulentissimas tempestates, & lucuosas calamitates impendere providerent, pecuniam seponebant, & condebant, ut si quis adversus casus incidisset, eâ possent vel se à factiosis civibus redimere, vel si Patria foret relinquenda, inde peterent vitæ subsidia. Hinc reposita, ac seposita prædii causâ dicitur hujusmodi pecunia, quia tamquam thesaurus reponebatur, ut prædium esset adversus subitos, & calamitosos eventus: quamobrem rectè thesauri similitudine utitur Labeo apud Javolenum in *l. si uxori. pennit. §. 1. ff. de aur. & arg. leg.* Peculium etiam dicebatur, quia quemadmodum peculium est id, quod dominus seponit, ac separat à suis rationibus, & servo dat administrandum *l. 5. §. ult. ff. de pecul. l. per servum* 37. §. 1. ff. *de acquir. rer. dom.* ita hæc pecunia rectè peculium dicitur, quia seposita est, & separata ab alia pecunia, & à rationibus domini, cum neque expendendi, neque seonerandi causâ habeatur: sed thesauri loco reposita, & certo in loco condita detineatur. Quibus expositis constat, cur ea contineatur in legato mobilium certo loco existentium, quia ibi habeatur ut perpetuò ibi sit, non temporis causâ. Quamvis enim occurrere aliquo casu inopinato, & urgente necessitate paterfam. eam sit expensurus; tamen hoc fortuitò accidet, & præter opinionem, & cum primum poterit, aliam loco illius subrogabit. Neque enim ut aliquid perpetuò ibi esse dicatur, necesse est, ut nunquam possit amoveri: nam & servi, & animalia perpetuò esse dicuntur in fundo, licet facillè intereant, & mobilia, licet usu consumantur. Hac igitur in re spectatur solummodò destinatio patrifam. ut diximus, hoc est, an res destinatione patrifam. ibi esse soleat. *l. si uxori. §. cum ita ff. de aur. & arg. leg. & quod casu abest, ibi esse videtur l. si ita legatum ff. de leg. 3. l. ex falso* 35. §. *rerum ff. de hered. inst.*

Sed his, quæ hæcenus constitutum de

pecunia numerata, obstat primò text, in *l. si uxori pen. §. cum ita ff. de aur. & arg. leg.*
 18 ubi legato argento quod domi meæ erit, cum moriar, debetur etiam argentum domi depositum: ergo in legato omnium rerum, quæ domi sunt, continetur non solum pecunia, quæ ibi habetur prædicii causâ, ut ibi perpetuo sit, sed etiam alia quæcumque pecunia. Depositum enim quandocumque reperit potest à deponente, etiam si convenerit ne intra certum tempus repetatur *l. 1. §. est autem & §. si deposuero ff. de pos.*

Respondetur primùm, non eandem esse rationem argenti, & pecuniae numeratæ. Pecunia semper est alienationi parata, & in arcæ haberi solet ad expendendum, vel fœnerandum: argentum ibi habetur ad usum
 19 patrisfam. & vendi quidem potest, non autem expendi in usus quotidianos. Itaque argentum, nisi fuerit venale, continetur legato rerum domi existentium. *l. Gajus Sejus 86. in princ. ff. de leg. 2.* Præsertim quia ibi non agitur de legato generali omnium rerum, quæ domi sunt, sed de legato argenti in specie.

Sed ut ad rem propius accedamus, & ejus legis explicationem aggrediamur: animadvertendum est ibi agi de argento commodato, & deposito, & de utroque quaeri, an legato contineatur. Non tamen utrumque eodem modo accipiendum est. Nam argentum commodatum accipi debet, quod ab alio fuit testatori commodatum. Contrà argentum depositum, id quod à testatore fuit alibi depositum. Et ideo cum de argento deposito loquitur J. C. adjecit illa verba, *quod depositum à se*, non posset intelligi de argento deposito apud testatorem, quæ verba omisit in argento commodato, ut intelligeremus ibi agi de argento, quod sibi commodatum testator reliquit.

Argentum igitur testatori commodatum legato non continetur, quia licet domi fuerit inventum, cum testator mortuus est: tamen cum casu ibi fuerit, nec esse solet, non videtur domi fuisse: nam verba illa, *quod domi mea erit*, sic accipi debent, esse solebat. *d. l. si uxori §. 1. in fin. l. si fundus*

44. l. si ita legatum 86. ff. de leg. 3. Et ideo
 20 de argento commodato nulla fuit inter Ofili-um, Cascellium, & Labeonem controversia: nam nec ea quæ pignori testator habebat, continentur *l. qui habebat 101. in princ. ff. de legat. 3.* Non possunt autem hæc intelligi de argento, quod testator alii commodaverat. Etenim de hoc non potuisset inter Labeonem, & alios convenire, cum ratio, quam Labeo adducit, omnino repugnet: quoniam argentum alteri à testatore commodatum esse solebat in domo, & ideo debet legato comprehendi, sicut continetur pecunia alibi à testatore deposita præsentis custodiæ causâ *d. l. si uxori §. 1. ff. de aur. & arg. leg.* Repugnat etiam alia regula ab eodem Labeone tradita, quam refert J. C. in *l. si ita legatum 86. ff. de legat. 3.* videlicet legato contineri etiam id, quod casu abest. Quæ regula apud omnes Veteres Juriscon-
 21 sultos obtinuit *l. quasitum 78. §. fin. ff. de leg. 3. l. ex falso 45. §. rerum ff. de hered. inst. l. quasitum. §. Papinianus quoque, & §. seq. ff. de instrum. vel instrum. leg. & alibi passim.*

Argentum verò alibi à testatore depositum legato continetur, si præsentis custodiæ causâ depositum fuerit, ut interim in tutiore loco esset *d. l. si uxori §. 1. ff. de aur. & arg. legat.* Quod enim casu abest, non minuit legatum, ut modò diximus. Et quod alio
 22 translatus est ad tempus, ut postea in pristinum locum revertatur, abesse non videtur, & legato continetur *l. ex falso 35. §. rerum. vers. catroquin ff. de hered. inst.* Quò pertinet text. in *l. cui qua Roma 84. ff. de leg. 3.* ibi: *Cui, qua Roma essent, legata sunt, ei etiam qua custodia causâ in horreis extra Urbem reposita sunt, debentur.* Neque enim affector iis, qui putant ibi agi de horreis, quæ sunt in continentibus Urbis Romæ: tùm quia generaliter id traditum de horreis extra Urbem, quare continentur etiam horrea, quæ
 23 sunt extra continentia: tùm quia frustra adjecta essent illa verba, *custodia causâ*: nam quæ sunt in continentibus Urbis Romæ, semper continen- tur legato retum, quæ Romæ sunt. *l. 4. §. si ita legatur ff. de pen. leg.* Sicut

igitur legatis his, quæ Romæ sunt, continentur ac debentur etiam quæ extra Urbem custodiæ causâ translata sunt: ita legato argento, quod domi erit, continetur, ac debetur etiam argentum, quod aliud præsentis custodiæ causâ translatum est, & ibi depositum. 24 Ubi observandum, quòd hic deponendi verbum non refertur ad tractatum depositi, sed ad factum ponendi pecuniam tuto in loco custodiæ causâ, ut in *l. uxorem* 41. §. *legaverat ff. de legat. 3.* ibi: *An pecunia, qua in arca domi Gadibus inventa esset, vel ex diversis nominibus exacta, & ibi deposita. l. numquam nuda* 31. §. 1. ff. de acquir. rer. dom.

Si verò argentum non ad tempus præsentis custodiæ causâ fuerit alibi collocatum, sed perpetuæ custodiæ causâ depositum; legato non continebitur, nec legatario debetur *d. l. si uxori* §. 1. ff. de aur. & arg. leg. hoc enim argentum non potest legi domi esse, cum aliud translatum sit, non temporis causâ, sed ut perpetuè alibi sit, ibi conditum quasi thesaurus. Licet enim verbi thesaurus non sit is, cujus depositionis extat memoria *l. numquam nuda* §. 1. ff. de acquir. rer. dom. tamen & hæc pecunia condita custodiæ causâ thesaurus appellatur *l. peregrè in princ. ff. de acquir. poss.* Et hæc est pecunia, quæ prædii causâ reposita dicitur, & legato contineri in *l. si chorvi ff. de leg. 3.* quia ibi esse videtur, ubi perpetuæ custodiæ causâ condita est *d. l. si uxori ff. de aur. & arg. leg.* Hæc autem paulò uberius, & accuratius exposuimus, ne quis in eorum sententiam eat, qui putarunt hanc legem emendam fore.

Secundò obstat text. in *l. qui filium* 64. ff. de leg. 3. ubi legatis prædii, & his, quæ ibi erunt, excepto calendario, sola ea pecunia excepta intelligitur, quæ calendario fuit à testatore destinata. Ergò reliqua pecunia, quæ calendario destinata non est, debetur, & continetur legato rerum, quæ in prædiis sunt.

Respond. quòd cum testator exceperit calendarium, hoc est, pecuniam scænetatitium, videtur voluisse legato comprehendere aliam pecuniam, quam non exceperit. Nam qui hæc exceperit, non potest non videri de cæteris rebus, quæ in ea essent, sensisse; ut ait Neratius in

l. quasitum. §. idem respondit 43. *vers. denique Neratius ff. de instr. vel instrum. leg.* Constat enim testatorem, qui excipit ea, de quibus non poterat dubitari, quin etiam eo taceute fuissent excepta, nolle excipere ea, de quibus major est dubitatio: quoniam multò magis hæc exceperisset, si noluisse legato comprehendere. Exceptio enim declarat mentem testatoris etiam quoad ea, quæ legato comprehenduntur *l. nam quod liquida* 4. in fin. ff. de penu leg. Sic etiam legatum universale, in quo testator nominatim voluit comprehendere etiam nomina debitorum, comprehendit etiam pecuniam numeratam *l. his verbis* 102. ff. de leg. 3. quia facilius comprehenditur pecunia, quàm nomina debitorum; & ideo qui voluit legare etiam nomina debitorum, & cautiones in lateralibus viatoriis conditas, multò magis voluit legare pecuniam. Præsertim quia lateralibus viatoria, hoc est, capsulæ, seu sacculi, qui in itinere ephippiis utrimque ad latera alligantur, non multò plura possunt comprehendere. Itaque etsi quis legasset quicquid in arcula conditum est, non dubitarem legato pecuniam in arca conditam contineri, si in arca illa solebat testator pecuniam condere: quod absque controversia obtineret, si nominatim expressisset se legare etiam chirographa, & cautiones in arca conditas, ut in *d. l. his verbis ff. de leg. 3.*

Denique contrarius est text. in *l. prædii §. liberto ff. de instr. vel instrum. leg.* ubi pecunia continetur in legato per præceptionem, in quo testator liberto legaverat fundum *Titianum, & agellum Sempronianum cum instrumentis, & his quæ in eodem erunt, familiæque, quæ in eo fundo morantur, exceptis his, quos manumiserit.*

Rectè doctissimus Cujac. ad *Africanum* in *l. qui filium ff. de leg. 3.* ait, hoc Scævola responsum sine emendatione defendi non posse. Itaque legendum putat: non contineri, nisi contrariam voluntatem libertus approbet.

Aliqui existimant nummos in hoc legato contineri, propter illam exceptionem servorum, quos manumiserat. Ut enim diximus ad superius argumentum, cum nemo dubi-

tare posset non comprehendere servos manumissos, & tamen testator eos nominatim exceperit, videtur alia omnia non excepta voluisse comprehendere: maximè ea, de quibus multò magis poterat dubitari. Verum enim verò cum hæc exceptio solummodò respiciat familiam servorum, dubito an possit extendi ad pecuniam numeratam. Potest quidem efficere ut servi omnes comprehendantur, ²⁹ etiam illi, qui aliàs non comprehenderentur: an autem possit efficere, ut comprehendatur pecunia numerata, quæ nihil atinet ad servos, & cetèd non comprehenderetur, valdè dubio. per text. in *l. generali §. uxori ff. de usufr. leg. de quo infra*, & in *l. Seja. in princ. ff. de instr. vel instrum. leg.*

Si hæc cuiquam minus ardeant, defendi non poterit Scævola respousum, nisi aut dicamus, seu potius divinemus, ibi agi de nummis proſidii causæ repositis, qui legato continentur *l. si chorvs 79. ff. de l. g. 3.* aut potius de nummis ad usum familiæ destinatis. Cum enim Veteres per servos prædia colerent, & in ea lege proponatur legata tota familia, utique pecuniâ opus erat ad familiam illam exhibendam. Rectè Seneca *Epist. 17.* ait, ad pascendam servorum iurbam transmarinatum regionum fuisse opiandam fertilitatem. Quæ sanè non sunt improbabilia: nam quorūm pecuniam in prædiis habeat paterfam. nisi vel ut eam quasi thesaurum præsidii causâ deposuerit, atque condiderit, ut in *d. l. si chorvs*, & in *l. si uxori §. 1. ff. de aur. & arg. leg.* vel ut eâ utatur tamquam fundi instrumento ad pascendos, & vestiendos servos, per quos opera rustica exerceretur. Illud etiam tenari posset, nummos illos fuisse pretium vini venditi, quod testator exegerat: & sicut vinum legato continetur, ita & pretium ejus. Sed hoc vix poterit defendi propter auctoritatem text. in *l. prædiis §. pater ff. de leg. 3.* nisi dicamus testatorem ad alendam & exhibendam familiam urgente necessitate vinum vendidisse. Sed de hoc infra, cum de fructibus agemus.

III.

De rebus venalibus.

Res venales legato rerum in aliquo certo loco existentium non continentur *l. generali 32. §. uxori ff. de usu & usufr. leg.* ubi quis legavit uxori usufructum domuum, & omnium quæ in his domibus erant, exceptio argento. Respondit Scævola: neque argentum, neque ea, quæ mercis causâ comparata sunt, legato contineri. Est autem animadvertendum, quod licet legatum sit universale omnium rerum, & addita sit exceptio argentei, nihilominus hæc duo non efficiunt, ut merces legato contineantur. Quemadmodum non continentur, etiam si in specie legatum sit ornamentum omne muliebre; quo legato non continetur argenteum, quod utilior negotiandi causâ venale habebat. Quod magis est, nam in hac lege legatum erat in specie ornamentum muliebre: legatum erat universaliter omne ornamentum: nullus ³² certus locus erat assignatus, ejus circumscriptio legatum restringeret: & tamen non continetur ornamentum, quod negotiandi causâ testator venale solebat proponere.

Confirmatur per text. in ead. *l. generali §. idem quaesit 3. de usufr. leg.* ibi: Respondit, de his legandis, quæ venalia ibi essent, non sensisse testatorem.

Idem iraditum in *l. nam quod liquida 4. §. item ff. de penū leg.* ibi: si quis solius fructus suos vendere, penum legaverit, non omnia; quæ & promercii causâ habuit, legasse videtur, sed ea sola, quæ in penum sibi separabat. Quod si promissione uti solebat, tunc quantum ad annum usum ei sufficeret, familiarique ejus, caterorumque, qui circa eum sunt, legato cederet.

In *l. cum quereretur 60. §. lana ff. de leg. 3.* cum penus legata esset, & multas res, quæ penus essent, reliqueret, ex quibus paterfam. vendere solius esset, &c. sed cum probaretur eum, qui testamentum fecisset, parte penus vendere solium esse, constitutum esse,

ut ex eo, quod ad annum opus esset, hæredes legatario darent.

In l. suos autem servos 73. §. eum qui ff. eod. quidam legavit servos suos, qui venaliatiam vitam exercebat: hoc est, qui erat mango, nempe servorum meticator. Respondit Ulpianus: Puto suorum numero non facile contineri velle ejusmodi mancipia, nisi evidens voluntas fuit etiam de his sentiens: nam quos quis comparavit, ut illic distraheret, mercis magis loco, quam suorum habuisse credendus est. Si non continentur legato servorum suorum, licet verè, & propriè sint testatoris, multò minus continebuntur legato servorum alicubi existentium, in quo loci designatio, ac circumscriptio manifestè eos excludit, cum casu, & ad tempus ibi sint.

Præter has leges manifesta ratio excludit res venales à legato rerum certo loco existentium. Nam testator, qui res illas vendere destinavit, cerè in loco illo collocavit ad tempus, donec eas venderet, non vetò ut
33 ibi perpetuò essent. Sunt enim omninò contrariæ hæ duæ voluntates, ac destinationes, quòd voluerit, ac destinaverit eas vendere, & simul voluerit, ac destinaverit eas ibi perpetuò habere; sed indubitatum est legato non contineri res, quas testator ad tempus ibi collocavit, non ut perpetuò ibi essent l. ex fultio 31. §. rerum ff. de hæred. instit. l. debitor 32. ff. de pign. & hypoth. si fundus 44. l. qui solum 67. l. si a legatum 86. ff. de leg. 3. l. cum de laionis §. Sabinus ff. de instr. vel instrum. leg. l. pen. §. 1. ff. de aur. & arg. leg. Ergò & illud indubitatum est, res venales legato non contineri.

Hinc defendi non potest quorundam sententia, existimantium legato quidem non contineri res venales, quæ mercimonii, & negotiationis causâ fuerunt à testatore comparatæ, ut illiò venderentur, ut videtur indicari in l. suos autem 73. §. eum qui ff. de leg. 3. & in l. pediculis §. idem cum quæretur ff. de aur. & arg. leg. l. generali §. uxori. versic. quæsum est ff. de usu, & usufr. leg. contineri tamen res proprias ip-
34 suas testatoris, veluti fructus prædiorum,

licet eos vendere destinaverit, quia hi neque promercii causâ habentur, neque sunt in numero mercium.

Etenim eadem ratio, quæ suadet non contineri legato rerum certo loco circumscriptarum res venales negotiationis causâ comparatas, suadet etiam non contineri alias res venales, quomodocumque eas ad vendendum paterfam. destinaverit: quia neutræ in loco esse videntur, cum ibi sint ad tempus, donec emptorem inveniant. Posset fortasse hoc discrimen aliquò animadvertione dignum esse in legato rerum suarum, de quo in l. suos autem 73. §. eum qui ff. de leg. 3. Nam testator videri potest magis in numero rerum suarum habere fructus, quos ex suis prædiis comparavit, licet eos vendere destinaverit, & alias res hujus generis, quàm eas, quas negotiationis causâ comparavit, ut distraheret. Ceterum quando agitur de circumscriptioe loci, & de destinatione patris, quoad certum locum, eadem est omninò omnium rerum venalium natura: omnes enim eodem modo sunt in loco; nempe ad tempus, donec vendantur. Et idèd generaliter Scævola tradidit in l. generali §. idem quæsit ff. de usufr. leg. de his legandis quæ venalia ibi essent, non fuisse testatorem, licet ibi ageret de fructibus in fundo collectis. Et in l. nam quod liquida 4. §. 2. ff. de pen. leg. Paulus ait, eum, qui solitus esset fructus suos vendere, non videri eos legato voluisse comprehendere. Nec dissimile est quod traditur, in l. cum quæretur §. lana ff. de leg. 3.

Neque vetum est, quod assumitur, hæc res numero mercium non contineri, nec promercii causâ haberi, & idèd propriè venales non esse, etiam si ad vendendum fuerint destinatæ. Sunt enim hæ quoque merces 35
l. ult. ff. de condiç. tritic. ibi: si merx aliqua petita sit, velut vinum, oleum, frumentum. Et merx est omne quod venditur l. 1. in princ. & in §. 1. vers. sed verior est ff. de contr. empt. itaque mercis causâ habetur, quod vendendi causâ habetur l. 1. in princ. ff. de rer. permut. l. 1. §. magistris ff. de exercis. allion. & §. igitur 12. vers. sed & si certis. ibid. l. mercis

66. ff. de V. S. Et hæc res mercis numero habentur l. si ita fideiussorem 42. ff. de fideiuss. l. cum quis in diem 12. ff. de oblig. & alt. l. arbitrio 18. §. de eo ff. de dolo. & passim. Item promercii causâ haberi dicuntur fructus, quos testator vendere solitus est l. nam quod liquida 4. §. 2. ff. de pen. leg. Et promercii causâ haberi dicuntur, quæ quis destinavit ad vendendum l. 2. ff. ad leg. Jul. de vi publ. l. 3. §. item is cuius, ff. ad Leg. Corn. de sicar. l. cetera §. sed si quis ff. de leg. 1. Paulus lib. 5. sent. tit. 23. Qui hominem invium libidinis, aut promercii causâ castraverit. Item venales dicuntur fructus in prædiis à testatore collecti in l. generali §. idem quasit ff. de usufr. leg. l. 1. C. de V. S. Et in legatis in quibus venalia non continentur, neque continentur huiusmodi fructus, ut in legato pecoris d. l. 4. §. 4. ff. de pen. iunctâ l. cum quaereretur §. lana ff. de leg. 3. & in legato fundi instructi l. 2. C. de V. S. iunctâ l. quasitum §. sed si fundus. vers. hoc ergo legato. & l. si ita. in princ. & l. si mancipia. in fin. ff. de instruct. vel instrum. leg.

Nec ad rem facit, quodd in laudatis legibus proponantur exempla mercatorum, qui negotiandi causâ merces venales habent. Nam hoc factum est à veteribus Jurisconsultis exempli causâ, quia id in mercatoribus multò frequentius accidit, ut notat Paulus in l. nam quod liquida 4. §. 2. in fin. ff. de pen. leg. ubi proposito generaliter casu ejus, qui fructus vendere solebat, postquam statuit hos fructus, aliasque res venales non comprehendendi legato, subdit: quod ferè, inquit Sabinus, evenit in personis mercatorum. Maxime quia in l. suos autem 73. §. cum qui ff. de leg. 3. agitur de servis, qui venales haberi non solent, nisi à mangonibus, qui eos mercantur, ut vendant. Nam servi mercis appellatione non continentur, & mangones non mercatores, sed venaliciarii vocantur l. mercis 107. ff. de V. S. l. 1. §. 1. ff. de tribus. alt. Et in l. pediculis §. idem cum quaereretur ff. de aur. & arg. leg. agitur de muliere negotiatrice, quia ejusmodi factum Paulo propositum fuit decidendum. Est enim illud responsum Pauli ad factum propositum. Quin

etiam legatus erat mundus muliebris, qui apud mulieres non solet esse venalis, nisi apud mulierem negotiatricem.

Unica igitur superest hujus sententiæ exceptio, quæ proponitur in l. quasitum §. idem respondit 43. vers. sed & ipse Papinianus ff. de instr. vel instrum. leg. ibi: Sed & ipse Papinianus eodem libro Responsum ait, patrem mercatorem ac feneratorem, qui duos filios, eisdemque filias hæredes instituerat, ita legasse: filiis maribus domum meam instructam do, lego, darique jubeo: merces, & pignora an continentur queri posse? Sed facilem Judici voluntatis conjecturam fore, ceteris patris facultatibus examinatis. Sed in hac specie multa concurrunt, qui fiat hæc conjectura. Instituti hæredes erant filii tam mares, quam fœminæ. Testator voluit prælegato distinguere mares à fœminis, ut patet, si magnæ sint testatoris facultates, & præ illis tenuè legatum, verisimile est testatorem, qui præ filiabus voluit honorare filios, voluisse etiam legatum quam pinguisimum relinquere. Testator erat mercator, ac fenerator, ac propterea verisimile est hoc casu voluisse comprehendere etiam merces, & pignora pecuniæ creditæ: mercatorum enim patrimonium ferè consistit in mercibus, & mercatores considerant merces non aliter, ac alia bona. Ex quibus constat, quàm absurda sit eorum sententia, qui putant merces in legato non contineri solummodò, quando testator erat mercator, quam modo confutavimus. Imò verò ex eo, quod testator esset mercator, ac fenerator, Papinianus conjecturam ducit, posse merces, & pignora contineri. Neque enim sine causa utrumque expressit: sed mercatorem dixit esse, ut facilius conjicere possimus, eum voluisse comprehendere etiam merces: dixit esse feneratorem, ut facilius argui possit, voluisse comprehendere etiam pignora.

Potest addi & alia exceptio: si legata sint ea, quæ tabernæ exerceant, instruendæve causâ patata; nam tunc legato merces continentur l. si ita 15. in princ. ff. de instr. vel instrum. leg.

I V.

Superest, ut de fructibus videamus. Fructus ex fundo legato percepti, & in eo coacti, an continentur legato rerum in fundo existentium, inter doctissimos Homines est magna dissensio. In hac questione petenda distinctio est à destinatione patrisfam. quæ plurimum est attendenda in hujusmodi legatis *l. cum de lanionis §. item. vers. aprium. l. fundi instrumento ff. de instr. vel instrum. leg.* si patetfam. hos fructus ad usum suum familiarique destinavit, legato continentur: si verò eos destinavit ad vendendum, legato non continentur.

Probatum id primò, quia res venales, legato non continentur, ut luculenter in §. superiore demonstravimus. Sed fructus destinati ad vendendum, sunt res venales, licet ex ipso fundo percepti fuerint *l. generali. §. idem quasit 3. ff. de usufr. leg.* ubi licet agat de sale nato, ac percepto in salinis testatoris, tamen ipsum recenset inter venalia, ibi: *Respondit, de his legandis, quæ venalia ibi essent, non sensisse testatorem.* Et in *l. 1. C. de V. S.* ibi: *Quamvis ex fructibus vinum, & oleum in eodem fundo habuit: tamen si id venale fuit, legato non cedere Juris Auctoribus placuit.* Sed hoc uberius probavimus in §. superiore. *versic. Neque verum est.*

Secundò, quia quoad hujusmodi legata comparantur fructus prælii venales rebus in prædium translatis ad tempus custodiæ causâ *l. 1. C. de V. S.* Sed res existentes in prælio ad tempus custodiæ causâ non continentur legato omnium rerum in prælio, vel fundo existentium *l. si ira legatum §. 6. ff. de leg. 3. l. si fundus 44. ff. eod. l. qui salum 67. ff. eod. l. pen. §. 1. ff. de auct. & arg. leg. l. ex falso §. 5. rerum ff. de hered. instit. & alix initio relaxat.*

Tertiò, quia ea, quæ ad vendendum sunt destinata, perinde habentur; ac si vendita fuissent, quoad hujusmodi legata: quemadmodum pecunia calendario destinata continetur legato calendarii, & contrà, excepto calendario, censetur excepta etiam pecunia

calendario destinata *l. qui filium 64. ff. de leg. 3.* Eadem igitur ratione legato rerum in fundo existentium, non continentur fructus venditioni destinati, quemadmodum non continentur, si jam venditi fuissent. Destinatio partisfam. quæ efficit, ut calendario adscribantur pecuniæ, quæ non sunt calendarii, efficit etiam ut rebus venditijs adscribantur res, quæ nondum venditæ sunt.

Quartò, quia comparatur legatum fundi cum his, quæ ibi sunt, legato fundi cum instrumento *l. ex falso §. rerum. versic. ut est apud Mucium ff. de hered. instit. & in neuro legato contineri ea, quæ agro illi non essent destinata, ex Mucii sententia tradit Ulpianus.* Undè duplex deduci potest argumentum. Primum, quod cum legato continentur solummodò ea, quæ fundo sunt destinata: & fructus destinati ad vendendum non sunt destinati fundo, uique fructus ad vendendum destinati legato non continentur. Alterum, quod comparantur hæc duo legata: fundi instructi, & fundi cum rebus quæ ibi sunt: sed legato fundi instructi, vel fundi cum instrumento, non continentur fructus prædiorum ibi repositi, ut vendantur, vel ut in alium usum, quàm fundi convertantur *l. 1. C. de V. S. l. quasitum §. sed si fundus 27. vers. hoc ergò legato. l. si ira. in princ. l. si mancipia. in fin. ff. de instr. vel instrum. leg. l. si mihi §. fin. & l. si ira §. 6. ff. de leg. 3.* Et solum debetur frumentum, quod necessarium est ad exhibitionem mancipiorum, per quæ agri coluntur, & ad serendos agros, etiam si legatus sit fundus ita ut optimus, maximusque est, cum omni instrumento rustico, & urbano *l. cum de lanionis §. item cum fundus 9. ff. de instr. vel instr. leg.*

Quintò, quia fructus venales non differunt ab aliis rebus venalibus; nec ulla ratio est, cur hoc legatum debeat comprehendere fructus venales, cum alias res venales non comprehendat: etenim omnibus legatis, quibus non continentur res venales, nec continentur fructus venales, seu destinati ad vendendum. Legatum penùs non continet res venales *l. cum quæretur §. lana ff. de*

leg. 3. l. qui penum 3. §. ligna ff. de penu leg. ibi: Sed Rutilius ligna, & carbones, quæ non vendendi causâ parata sunt, contineri ait. Idem legatum nec continet fructus, quos testator vendere solitus erat *l. nam quod liquida §. 2. ff. eod. ibi: Item si quis solitus fructus suos vendere, penum legaverit, non omnia, quæ & promericii causâ habuit, legasse videtur.* Legatum fundi instructi non continet res venales *l. quasitum §. instructo autem fundo 34. ff. de instruct. vel instrum. leg.* Idem legatum nec continet fructus venales *l. 1. C. de V. S. d. l. quasitum §. Celsus 30. ff. de instr. vel instrum. leg.*

Sexto, probatur ex *l. generali §. uxori ff. de usufr. leg.* ubi legatus erat usufructus domum, & omnium rerum, quæ in his domibus crant, excepto argento: item usufructus fundorum, & salinarum. Etiam legatum fundorum, & salinarum videtur comprehendere omnes res, quæ in his essent: *ad text. in l. Sejo §. Gajo Sejo ff. de fund. instr.* maxime propter illam particulam *item*, quæ vim habet repetendi *l. in repetendis ff. de leg. 3.* Quæsitum est, cum non minimus salis modus inventus esset, an ejus usufructus ad legatarium pertineret. Respondit Scævola: *De his legandis, quæ venalia ibi essent, non sensisse testatorem.* Sal erat fructus salinarum, sed quia ex quantitate apparebat fuisse destinatum ad vendendum, legato non continetur. Et constat præterea ex hac lege eandem esse rationem fructuum, & aliarum rerum venalium: cum enim in hac lege agatur de fructibus fundi, tamen generaliter Scævola respondet de rebus venalibus; quo evidenter demonstrat idem esse judicium de fructibus, & de aliis rebus venalibus, ut in superiore argumento dicebamus.

Neque ad rem facit, quod doctissimus Faber animadvertit *lib. 1. conject. cap. 6.* ibi legatum fuisse usufructum, non proprietatem; atque ideo non videri testatorem de rebus venalibus cogitasse. Hoc enim nulla ratione suffultum est; quia post Senatufconsultum nulla res est, quæ non cedat in usufructum legatum, ut ait J. C. in *l. usufructu bonorum 69. ff. ad Leg. Falcid.* Et ideo legato

usufructu bonorum, legato continentur, non solum prædia tam rustica, quam urbana, & mancipia, & suppellex, sed etiam calendarium, & nomina debitorum, imò & fœnus sortium, quas defunctus collocavit *l. uxori fructu 24. l. uxori mea 37. ff. de 46 usu, & usufr. leg.* adeoque multo magis comprehendit res venales. Igitur natura usufructus non restringit legatum, nec minus latè patet legatum usufructus, quam legatum proprietatis, atque omnia eadem complectitur *d. l. usufructu bonorum ff. ad Leg. Falcid.* Alia ergo ratio querenda est, cur in eo legato sal non comprehendatur. Ea autem est communis tam legato proprietatis, quam legato usufructus, & indicatur à Scævola illis verbis: *Respondit, de his legandis, quæ venalia ibi essent, non sensisse testatorem.* Sicut enim venalia non continentur, legatâ proprietate rerum alicubi existentium; ita nec continentur legato usufructu. Et ratio eadem est in utroque legato, quia non videtur ibi esse, quod ad tempus, & custodiæ causâ est accomodatum, ut aliud transferatur: quæ ratio suprâ est exposita luculentius, & pertinet tam ad legatum usufructus, quam ad legatum proprietatis.

Minus ad rem facit, quod quidam commenti sunt, id Scævola respondisse specialiter de sale, quia sal à salinis extrahitur, quæ publicæ sunt *l. inter publica 17. in fin. ff. de V. S. l. si quis sine 11. C. de velligal. 47.* Fallum enim omnino est ibi agi de salinis publicis: nam si publicæ fuissent illæ salinae, fuisset inutile legatum *l. cum servus 39. §. si verò Sallustianos, & seqq. ff. de leg. 1. §. non solum Instr. tit. de legat.* Agitur ergo ibi de salinis privatis, quæ erant in prædiis testatoris: hæ autem omnino erant privatæ *l. forma §. saline ff. de censib. l. magis puto §. 1. ff. de reb. eor. ut rectè notat Cujac. ad eam legem.*

Postremo denique confirmatur ex *l. prædia §. affini suo ff. de instruct. vel instrum. leg.* ubi quidam affini suo ita legavit: *Fundum Cornelianum, ita ut est instructus, cum omnibus rebus, & mancipiis, & reliquis colonorum dari*

43 dari volo. *Quæsitum est, an fructus ejusdem fundi, qui ibi in diem mortis coacti manserint, fideicommissio cedant, cum plenissima testantis erga affinem voluntas ab eo quoque manifestetur, quod reliqua colonorum ejusdem possessionis ad eum pertinere voluerit? Respondit, in hujusmodi scriptura posse responderi, hoc solum querendum, an manifeste appareat defunctum id, de quo quereretur, dari voluisse. Nihil clarius: etiam si constet de plenissima voluntate testatoris erga affinem suum, tamen fructus coacti non continentur legato, nisi manifestè appareat eos quoque testatorem dare voluisse.*

Non ignoro in Pandectis Florentinis legi: *dari noluisse.* Sed cum vulgata lectio sit consentanea his, quæ supra sunt à nobis demonstrata, non est cur eam repudiare debeamus. Nam, ut ait Goedd. de P. S. *Ubi nulla absurditas, nulla lectionum contrarietas, & pugna quæ discordantiarum gigneret, nulla iniquitas est, adeo studiosè inherere non est opus, quin potius à Florentina lectione quandoque recedere melius, & æquius sit.* Quem laudat, & probat Branneman. de concursu action. cap. 3. §. 9. & multos alios allegat. Sic etiam in *l. qui servum 34. in fin. ff. de obl. & act.* aut deest in Pandectis Flor. negatio in verbo *remanere*: aut abundat in verbis *locum non habet*; aliàs vix defendi potest ea lectio. Et in eadem lege rectius legitur *tuus*, ut in vulgatis, quam *totius*, ut in Florentinis. Sed admissa eam lectione Florentinâ, cui certè plurimum fatemur esse deferendum, tamen id, quod volumus, non obscurè demonstratur. Nam Scævola dubitationem, ac scrupulum injecti plenissima voluntas testantis erga affinem suum, quam ex eo conjecit, quod etiam reliqua colonorum ejus possessionis ad affinem pertinere voluerit. Hinc ab eo res in controversiam deducta, quia qui voluit id quod plus est, 50 multò magis voluit id, quod minus est. Ceterùm si non expressisset reliqua colonorum, res nullam dubitationem habuisset.

His probè constitutis, dubitari non potest, fructus venales non contineri legato rerum, seu legato omnium rerum aliquo in loco

existentium, eandemque esse naturam fructuum, & aliarum rerum venalium. Sed obstat difficillimus textus in *l. prædia §. liberto ff. de instr. vel instrum. leg.* ubi legato fundo Titiano, & agello Sempromiano cum instrumento, & his, quæ in eodem erunt tempore mortis, continetur hoc legato etiam aliquantum vini, quod testator in doliis habuerit, quod vivus totum vendiderat.

Non immeritò doctissimus Cujacius hanc legem sine emendatione explicari non posse statuit: & Accursius noster, & Bartolus, & alii putant in dubio præsumendam esse contrariam voluntatem testatoris. Sed cum hæc repugnent verbis legis, alia vi tentanda est. Primum igitur animadvertendum est, quòd vinum in doliis remanens, aut non erat venditum, aut venditum erat urgente aliquâ necessitate, ut puta, ne acefceret. Nam si testator post factum legatum volens vinum vendidisset, etiam si legata contineretur, & testator, cum legavit, càm mente fuisset, ut vinum quoque comprehenderet, tamen per voluntariam venditionem præsumeretur mutata voluntas, & ademptum legatum *l. legatum 24. §. ult. ff. de adim. leg. l. si ex toto d. in princ. ff. de leg. 1. l. 1. §. ult. l. si cui fundum §. ff. de instr. vel. instr. leg.* Nec potest defendi, quod statuit Anton. Fab. *lib. 1. conj. cap. 6.* idèd legatum non esse extinctum quoad vinum, quod in doliis remanserat, quia nondum traditum erat. Neque enim traditio legatum extinguit, & adimit; sed mutatio voluntatis, quæ arguitur ex voluntaria alienatione. Quamobrem etiam si alienatio fuerit inutilis, & sine effectu, tamen legatum ademptum intelligitur propter præsumptam mutationem voluntatis *d. l. legatum 24. in fin. ff. de adim. leg. l. 3. §. ult. ff. de instr. vel instrum. leg.* Imò etiam si dilata sit venditio in tempus, quo commodè fieri possit, tamen sola destinatio ad vendendum adimit legatum *l. tabernam ff. eod.* Puto igitur testatorem ibi totum vinum vendidisse, excepto eo, quod in doliis remanserat, quod ad usum familiæ servabat,

Præterea animadvertendum est, quod idem Scævola, qui est auctor hujus legis, est etiam auctor legis *generalis* §. *idem quasi ff. de usu & usufr. leg.* quam supra exposuimus. Quapropter hæc dux leges non possunt esse contrariæ. Expendendum est igitur, quodnam sit in facto discrimen. In illa, non minimus salis modus inventus erat: in hac, aliquantum vini in doliis remanserat. Non temere, ac sine causa hæc expressit Scævola, qui in factis referendis, & accuratè perpendendis fuit omnium diligentissimus, ut omnes norant. In illa dixit inventum fuisse non minimum salis modum; ut ostenderet illum non esse destinatum ad usum familiæ, sed ad vendendum; in hac expressit aliquantum vini in doliis remansisse, ut ostenderet non plus remansisse, quàm ad usum familiæ esset necessarium.

Denique animadvertendum, quod non temerè proponit Scævola, vinum illud in doliis habuisse testatorem, & in doliis remansisse. Vinum enim cum vendebatur, in amphoras, & cados diffundebatur: in doliis; verò ad perpetuum usum servabatur l. *vinum legato* 14. junctâ l. 3. §. si vinum ff. de tris. vin. & ol. leg. l. penult. ff. eod. Plin. lib. 14. cap. 13. Invenimus inter exempla, Egnatii Necennii uxorem, quod vinum bibisset è dolio, interfecit fuisse à marito, eumque cadis à Romulo absolutum. Cic. in Bruto. Ut si quis Falerno vino deleletur, sed eo nec ita novo, ut proximis Consulibus natum velit; nec rursus ita vetere, ut Opimum, aut Anicium Consulem querat. Atqui ea nota sunt optima: credo: sed nimia vetustas nec habet eam, quam querimus, suavitatem, nec est jam sane tolerabilis. Num igitur, qui hoc sentiat, si is potare velit, de dolio sibi hauriendum putes? minime: sed quandam sequatur aetatem. Ex hoc, & ex simili Plutarchi loco (his enim, & aliis superfedeo, ne longior sum) constat, vinum novum in doliis diffusum ut conservaretur, & senesceret. In nostra autem lege modicum vini servaverat testator ad usum familiæ: neque enim credibile est Veteres

servis, quorum operâ ad colendos agros utebantur, vinum vetus potandum dedisse.

His animadversis constat, ibi agi de vino ad usum familiæ destinato, quod utique continetur legato fundi instructi l. *quasi sum* 54 §. *proinde* 28. *ve. sic. vina quoque* ff. de instr. vel instrum. leg. Itaque superius argumentum aut nimis probat; aut nihil probat. Si agit de vino vendito, probat legato contineri etiam vinum jam venditum, quod falsum est, & nemo sanus dixerit. Si agitur de modico vino destinato ad usum familiæ, vel patris fam. nihil probat, quia hoc non fuit destinatum ad vendendum, & idè ad quæstionem nostram non pertinet.

Illud animadvertere operæ pretium est, quod licet olim, cum ad agrorum culturam servis utebantur, quos alere debebant, hujusmodi legatis continerentur fructus ad exhibitionem servorum necessarij d. l. *quæsum.* & l. *cum de Lanionis* §. *item cum* 9. ff. de instr. vel instrum. leg. tamen hoc tempore, quo utimur colonis partiariis, non continerentur illi fructus, quos illis solemus subministrare, quia hos ipsis vendimus, aut mutuamus, aut cum aliis permutamus.

Postremò, contra hanc sententiam opponebat quidam Judex, quod legatum fundi cum iis quæ ibi sunt, magis latè pateat, quàm legatum fundi instructi, & allegabat textum in l. *si eborus* §. *his verbis* ff. de leg. 3. Hinc arguebat, quod si legato fundi instructi non continerentur fructus venales, continerentur legato fundi cum omnibus, quæ ibi sunt.

Insultum sanè argumentum: nam probandum esset latius patere quoad comprehendendas res venales. Nam hoc argumento probari posset, hoc legato contineri etiam pecuniam, & instrumenta, contra text. in l. *quæsum* §. *Papinianus quoque* ff. de instrum. quia hæc non continerent legato domus cum instrumento l. *si mihi Maria. in fin.* ff. de leg. 3. & alia proflus absurda concluderentur.

CAPUT XXIX.

AD L. LUCIUS TITIUS

78. ff. tres heredes 2. ff. ad Senatusfc.
Trebell.

SUMMARY.

1. Quid differat an molestia prohibeantur per modum conditionis, an pœna nomine.
2. In conditionibus merum factum spectatur.
3. Proponitur communis distinctio inter molestias justas, & injustas, & reprobat.
4. Per servum hereditas acquiritur domino no momento quidem remanens pœna servum.
5. Legata in testamento ob meritum relinquuntur.
6. Qui recusat onus injunctum à testatore, indignus est ejus beneficiis.
7. Tutor, qui se excusat à tutela, etiam justâ de causa legatum amittit.
8. Pœna non habet locum sine delicto.
9. Dolo facit, qui petit contra præceptum testatoris, & n. 10.
10. Deficiente conditione non datur alius: & idem cessat exceptio deli.
11. Testator, & contrahentes etiam facti per se benefacti licito possunt pœnam imponere: & quare, & n. 15.
12. Et possunt impendere potenti quod sibi debetur, & just suum persequenti.
13. Ratio asseritur. Nemo gravari potest aliter id quod accepit.
14. Differentia inter pœnam legis, & pœnas testatoris, vel contrahentium.
15. Pœna conventionalis aliquando confirmat alius invalida.
16. Molestari, & inquietari dicuntur debitorum, etiam si verè sint debitorum.
17. Præceptum turpe, vel impossibile imponi non servatur. Exceptionis regula supra tradita.

Semper in dies invalescit consuetudo apponendi testamentis præceptum non inferendi molestiam alicui, & allatis molestiis privandi hereditate, vel legato cum, qui non parvi præcepto testatoris. Hujus præcepti exemplum proponit Scævola in l. Lucius Titius §. tres heredes ff. ad S. C. Trebell.

Rectè distinguunt DD. an hujusmodi præceptum testator apponât per conditionem, an pœnæ nomine: hoc est, an hæredem instituat sub conditione, si molestiam non intule-

rit: an verò hæredem instituat purè, cumque privet hereditate, si alicui molestiam exhibuerit, & cum inquietaverit. Si sub hac conditione quis fuerit institutus, utrique conditioni parere debet, & non consequitur hereditatem, vel legatum, si quocumque genere molestiæ illum inquietaverit. Etenim in conditionibus nudum factum spectatur, etiam si nullam vim habeat l. Mavins § 5. ff. de condit. & demonstr. l. mulier §. 1. 2. ff. de condit. instit. l. servum testamento ff. de man. testam. l. Stichus 24. & l. penult. §. 1. ff. de stat. lib.

Quod si heres purè fuerit institutus, & privetur hereditate, si alicui negotium fecerit, solent distinguere inter molestias justas, & injustas. Si per calumniam; malitiamque heres vexaverit eum, quem inquietare prohibebatur, putant eum hereditate privandum. Si verò justè ei litem intenderit, non posse privari hereditate, cum pœnam non incurrat, qui jure suo utitur. Hanc distinctionem probare non possum, si generaliter, & in universum quis prohibeatur alicui negotium facere, molestiam creare, controversiam movere, ipsum inquietare: maximè si, ut hodie fieri solet, tam juris, quàm facti molestiæ prohibeantur. Moveor auctoritate Scævolæ in l. Lucius Titius §. tres heredes ff. ad S. C. Trebell. ubi cum fuisset interdictum Sejo, ne quam Stichus moveret controversiam; & si quam controversiam movisset, uncia hereditatis relicta Stichus ad Mævium revertetur: respondit Scævola, quod si Sejus aliquam controversiam de uncia hereditatis facere vellet Stichus, ea uncia ad Mævium revertitur. Animadvertendum est in hac legè primùm, quod Scævola non exigit injustam controversiam, sed sufficit aliqua controversia: nec requirit ut eum lite, aut longâ frustratione vexet, sed sufficit si controversiam facere velit. Præterea, quod controversia, quam Sejus Stichus facere volebat, justa erat, & rationem habebat. Etenim Sejus non tenebatur restituere unciam illam Stichus manumisso: neque de hoc rogatus erat à testatore, ut respondit Scævola, ibi: respondit, non proponi Stichum rogatum unciam ei restituere.

re. Cum igitur servus acquirat hereditatem domino, adeo ut ne momento. quidem maneat pœnis servum *l. placer 79. ff. de acquir. hered.* & Sejus dominus non esset rogatus hereditatem restituere servo manumisso, iuste dominus ei controversiam faciebat de hac uncia hereditatis. Et tamen quia prohibuit testator, ne quam controversiam Stichus moveret, amittit hanc unciam, eaque ad Mævium revertitur.

Moveor etiam evidenti ratione. Quamvis enim molestia, & controversia ipsa per se iusta sit, & licita: tamen hoc ipso illicita est, & injusta, quod est contra præceptum testatoris, & poenam privationis meretur heres, aut legatarius, quod contempsit præceptum testatoris. Quæ in testamentis relinquuntur, ob meritum relinquuntur *l. nec adjecit ff. pro soc.* Cessat hoc meritum quoties ille, qui à testatore beneficio fuit affectus, ipse parere detrectat. Merito igitur repellitur ab eo, quod petit, vel privatur eo, quod consecutus est ex testamento, cum recuset onus, quod testator imposuit *l. Neseñnius, versic. restit ergo ff. de excusat. tui.* Merito testator eum indignum sua liberalitate iudicavit, cum eum ad insolentiam erexerit ipsa liberalitas, quæ illum ad obsequium inclinare debebat *l. 1. versic. nam qui obsequiis C. de revoc. donat.* An non potest testator rei suæ quancumque voluerit legem dicere, & pro arbitrio suo disponere? *l. verbis legis ff. de V. S. Authent. de nupt. cap. 2. l. vel negare ff. testam. quemad. aperiant.* Quid autem iustius, quam private suæ liberalitate, ac munificentia eum, qui nec obediens, & contumax est, & contemnit præceptum ejus cuius liberalitate frui? Quil injustius, quam lucrum quidem amplecti, onus autem annexum contemnere? *l. un. §. pro secundo in fin. C. de caduc. tollend. sentire commodum, & incommodum recusare? l. secundum naturam ff. de Reg. Jur. c. qui sentis § 5. de Reg. Jur. in 6. Acquisitum igitur est eum. au. totum amplecti, aut à toto recedere. l. cum quaeritur ff. de admin. tutor. eique auferri quod relictum est, si non impleat quod præceptum est,*

Authent. de hered. & Falcid. cap. 1. §. 1. & 2.

Confirmatur exemplo tutelæ. Si tutor datus in testamento, idemque legato honoratus, velit quidem legatum, recuset autem suscipere tutelam, legatum amittit, etiamsi habeat justam causam se excusandi à tutela. Facit enim contra iudicium testatoris, qui non præsumitur ei dare velle legatum, qui tutelam non administrat, nisi contrarium evidenter expresserit *l. Neseñnius. cum duabus seqq. ff. de excusat. tui.* Quanto magis igitur repellendus est à legato, vel hereditate is, quem testator expresse repulit recusantem implere onus injunctum, etiamsi justam habeat causam ejus recusandi?

Doctores, qui contra sentiunt, in errorem induxit, quod poenam à testatoribus, vel etiam à contrahentibus injunctam putarunt metiendam esse ad normam poenæ, quæ à legibus infligitur. Quemadmodum enim poena legis sine delicto non infligitur *l. sancimus C. de poen.* ita crediderunt poenam testamentariam locum habere non posse, nisi probetur dolus, malus animus, & calumnia controversiam facientis.

Sed utrumque falsum est. Primum, quod dolo careat ille, qui controversiam movet contra voluntatem testatoris, etiamsi controversia iusta sit. Nam qui à testatore damnatus est non petere à debitore suo, dolo facit si petat. *l. dolo facit §. ff. de dol. mal. & mer. except. l. apud Celsum. 4. §. praterea. ff. eod. ibi: Heres, qui non habet voluntatem defuncti, per exceptionem doli repellitur: l. ult. §. avus ff. eod. ibi: Questum est, an contra voluntatem defuncti facere videatur, & doli mali exceptione submoveatur. Et in eod. l. ult. in fin. ff. eod. ibi: Respondit, eam contra voluntatem petere, & ideo exceptionem doli obstaturam. Hoc enim ipso delinquit, quod non paret voluntati testatoris: & huiusmodi contumacia poenam hanc meretur, ut repellatur ab eo, quod ipsi fuit à testatore relictum *l. ult. §. ult. ff. de doli mal. except.* in qua animadvertendum est, quod legato privatur heres non ea de causa, quod con-*

dictio illa, si parem rationem fecerit cum coheredibus, adjecta institutioni, repetita censetur in legato: nam si legatum esset conditionale, ipso jure non deberetur; cum defecerit conditio, & idem non esset confugiendum ad doli exceptionem. Deficiente enim conditione non datur actio l. cum duobus § 2. alias l. si fratres §. si qui societatem ff. pro soc. & deficiente actione non est opus exceptione l. 2. ff. de except. Repellitur igitur a legato, quia non paruit voluntati testatoris parem rationem faciendo cum coheredibus. Eadem ratione etiam in l. filio 94. ff. ad Leg. Falc. filia iuste retinet Falcidiam in prælegatis fratris; quia tamen non parit voluntati defuncti solvendo integra prælegata fratri suo, amittit propria prælegata.

Illud etiam falsum est, quod assumunt: videlicet, quod sicut a lege infligi pœna non potest, nisi delinquentibus, ita non possit imponi pœna ab homine de rebus suis disponente vel inter vivos, vel in ultima voluntate: si quidem delicti nomine intelligunt aliquid distinctum a contumacia non obtemperantis præcepto testatoris, aut initæ conventioni, & dolo ejus, qui lucto, & commodo frui satagit, onus autem, & incommodum rejicit. Potest enim testator, possunt contrahentes cuilibet facto alioqui iusto, ac licito pœnam imponere, §. ult. Inst. tit. de V. O. l. si pœnam 68. l. continuus §. 17. §. si ut aliquid ff. eod. Non pertinet ad privatos punire delinquentes: hoc proprium munus est legis. Testator & contrahentes possunt tantummodò pœnam imponere non obedientibus dispositioni, & conventioni. Itaque in hac pœna infligenda non queritur, iustum, an injustum, licitum, an illicitum fuerit factum: sed an sit contra dispositionem, & conventionem. Nihil iustius est, quàm creditorem petere posse id, quod sibi debetur: & tamen creditori petenti pœna rectè imponitur: & si petat contra conventionem, pœnam incurrit l. amplius non peti ff. rem. rat. haberi. Nihil iustius est, quàm dominum jure suo uti, & jus

suum persequi; & tamen rectè a testatore prohibetur, ne quis jure suo utatur, & jus suum persequatur §. si qui: velit Inst. tit. de servit. l. non solum nostram, & l. cum hares ff. de liberat. legat. & potest privari hæreditate, vel legato si contra fecerit l. tutor. ff. eod.

Hujus rei duplex est ratio. Altera, quòd hæc pœna non afficit personam, neque bona gravati; sed bona ipsius testatoris, quibus testator cum privat non obtemperantem voluntati suæ: neque enim potest gravari ultra id, quod accepit l. Imperator 70. ff. de legat. 2. Propterea potest testator pro suo arbitrio pœnam imponere, cum hæc afficiat propria bona, de quibus pro arbitrio potest liberè disponere l. verbis legis ff. de V. S. Authent. de nuptiis cap. 2. Et cum possit pro arbitrio hæredem gravare ad restituendam alteri hæreditatem etiam sine ulla causa; multò magis illum gravare potest, si non obtemperaverit suæ voluntati.

Altera est, quia hæc pœna non imponitur ad puniendum delictum, neque ut quis a delinquendo deterreatur: sed ut inducatur ad aliquid faciendum l. stipulario ista §. 1. ff. de V. O. vel ad implendam voluntatem testatoris l. unic. C. de his que pœna nomine. Quocirca hæc pœna non est exigenda ad normam, præscriptionemque legum; sed ad normam voluntatis testatoris. Atque ut hæc pœna debeat, sufficit factum fuisse id, quod fieri noluit testator, siue factum fuerit legitimum, & iustum, siue non fuerit: siue malo animo, & malitiosè factum fuerit, siue non fuerit; sufficit enim non fuisse impletam voluntatem testatoris d. l. unic. C. de his que pœna nom.

Nihil igitur commune habet pœna a legibus injuncta delinquentibus cum hac pœna injuncta contumaciæ non obtemperantium. Illa suos auctores tenere debet, & ad alios extendi non potest l. si pœna. & l. crimen ff. de pœnis. l. sancimus C. eod. Hæc imponi potest etiam pro facto alieno l. stipulario ista §. 1. ff. de V. O. Illa debet esse major, minorve

pro qualitate delicti *l. perspicendum 11. ff. de pœn. l. aut facta 16. ff. cod. l. Pedius 4. §. 1. in fin. ff. de incend. ruin. l. sancimus C. de pœn. c. quævisit. in fin. de his qua sunt à major. pari. c. felicis. §. illud autem. de pœn. in 6. Hæc nullam habet rationem cum delicto, aut facto cui imponitur; & potest quis privari pinguissima hæreditate ob factum nullius ferè momenti, quia in hac solam testatoris voluntatem spectamus, non qualitatem facti. Illà emendatur, & aboleretur facta injusta, & illicita, & à legibus prohibita *l. sancimus C. de pœnis*. Hæc contra confirmantur etiam actus invalidi: ut cum adjicitur pœna stipulationi facti alieni, quæ confirmat stipulationem aliàs inutilem *l. stipulatio ista §. 1. ff. de V. O. §. alteri instit. rit. de inut. stipul.* cum adjicitur oneri adjecto libertati *l. un. C. de his qua pœna nom.* cui alias onus adjici non potest *l. 1. §. qua oneranda ff. quar. rer. actio non datur.**

Quibus probè constitutis satis apparet, quod si verba testatoris sint idonea ad comprehendendum omne genus molestiæ, non est distinguendum inter molestias justas, & injustas. Molestari enim, & inquietari dicuntur debitores, licet verè debitores sint, scelusà dispositione testatoris *l. 3. §. nunc de effectu, & l. Aurelio 20. ff. de liberat. legat.*

Fateor tamen aliquando non incidere in pœnam à testatore impositam eum, qui facit id, quod vetuit testator. Primùm, si præceptum testatoris impossibile sit, aut turpe, aut contra leges, aut contra bonos mores. Non debetur enim pœna præcepti impossibilis *l. si homo 69. ff. de V. O. l. un. in fin. C. de his que pœna nom. l. multa. in princ. l. pater 101. in princ. ff. de cond. & dem.* Hæc enim præcepta cum sint impossibilia *l. filius 15. ff. de cond. instir. l. inter stipulantem §. sacram ff. de V. O.* non obligant hæredem, & legatarium *d. l. inter stipulantem §. sacram. versic. & ea dumtaxat. & l. impossibile ff. de Reg. Jur.* eique remittuntur, & pro non scriptis habentur *l. non dubitamus ff. de cond. & de-*

monstr. l. condiciones qua ff. de cond. instir. l. facta 63. §. si sub conditione ff. ad S. C. Trebell. Quamobrem cum remittatur ipsum factum, & pro non scripto habeatur, non potest committi pœna: nec potest multari is, qui non fecit id, quod facere non potuit.

Præterea, si hæres, aut legatarius molestiam exhibeat ad conservandam voluntatem testatoris: veluti si petat id, quod sibi relictum fuit in testamento. Hic enim non contemnit præceptum testatoris, nec quicquam facit contra ejus voluntatem, sed ipsam tuetur, & conservat. Neque quisquam videri potest disposuisse ad evertendam voluntatem suam.

CAPUT XXX.

AD L. SOLEMUS 61. & l. si quis intentione 66. ff. de judic.

SUMMARIUM.

- 1 In judiciis latius fit interpretatio, quàm in contrahibus.
- 2 In contrahibus maximè spectandum, quid actum sit: & quare.
- 3 Ex verbis colligitur mens contrahentium. Quæ generaliter loquitur singulas species comprehendit.
- 4 In judiciis solum spectamus voluntatem preferentem: & quare.
- 5 In judicium venit omne, quod nominatim non fuit exceptum: & quare.
- 6 In exploranda voluntate, id quod verisimile est, sequimur.
- 7 In judiciis verba presentis temporis futurum continent.
- 8 Compromissa admittunt interpretationem contrarium, non judicetam.
- 9 Late explicatur l. Atilius 15. §. item sciendum ff. de Edil. Edict.
- 10 Actio redhibitoria est bona fidei.
- 11 Eadem fit interpretatio libelli tam in judiciis bona fidei, quàm stricti Juris.
- 12 Quoad interpretationem verberum non differunt contrarii bona fidei, & stricti Juris.
- 13 An in judicium veniant fructus percepti ante litem eventatam.
- 14 Edictum Atilium quid contineat.
- 15 In judiciis quid sit restituendum alteri.

- 16 Quid in actione redhibitoria?
- 17 Libellus ambiguus comprehendit quod auctori utilis est: & quare n. 19.
- 18 Quantum differant interpretationes contrahentium, & judicium.
- 20 Interpretanda sunt verba ut auctori valeat.
- 21 Etiam si interpretatio redderet in favorem presentis.
- 23 Judex non potest condemnare nisi in id, quod in iudicio delictum est.
- 24 Actore non probante reus est absolvendus.
- 25 Ambigua probatio auctori non prodest.
- 26 Judex certam sententiam ferre debet.
- 27 An voluntas auctoris ab herede possit declarari. & nn. seqq.
- 28 Instantia transit in heredem cum omnibus suis qualitatibus.
- 29 Voluntas à declaratione voluntatis multum differt.
- 30 Si auctori jus superveniat inter moras iudicii reus condemnandus est.
- 31 Iniquum est aliquem de alieno facto jurare. Quantum differat juramentum à declaratione voluntatis.
- 32 Voluntatis declaratio, quæ à lege requiritur, in heredem transit.
- 33 Voluntas, quæ ab homine requiritur, simpliciter & ab herede, & à legatario potest declarari.
- 34 Secus si per medium condicentis injuncta sit.
- 35 Condicio iniuncta persona ab ea debet impleri.
- 36 Legatum episcopi cujuscumque esset olim, cujuscumque sit hodie.

IN judiciis latior sit interpretatio, quam in contractibus, l. si stipulatus 76. §. cum stipulamur ff. de V. O. ubi hujus interpretationis proponitur elegantissimum exemplum, & discrimen inter contractus, & judicia. In contractibus enim potissimè spectandum est, quid actum sit inter contrahentes l. ubi est verborum ff. de reb. dub. l. dotis 7. §. si usufructus ff. de jure dot. l. qui usufructum 36. §. stipulatus ff. de usufr. l. sed Celsus §. 1. l. cum in lege 31. & l. systula 78. in princ. ff. de contr. empt. l. qui fundum 40. §. fundi eod. l. si venditor. in princ. & in §. ult. & l. ex empto §. 1. ff. de act. empt. Contractus enim utriusque consensu constat, & sine voluntate utriusque contrahentis in idem placitum non contrahitur obligatio, l. 1. §. conventionis ff. de pact. l. non solum 31. ff. de oblig. & act. Itaque in interpretando contractu, quid voluerint, quid egerint con-

trahentes potissimum animadvertere oportet. Non tamen ferendus est debitor, qui cum generaliter contraxerit, postea causatur, se de aliquibus tantum rebus sensisse l. non est ferendus ff. de transact. l. quicquid adstringenda. in princ. ff. de V. O. l. si mihi & Titio §. 1. ff. eod. Ex verbis enim, & ex eorum significatione colligitur quid senserint, quid voluerint contrahentes l. Labeo 7. ff. de supell. leg. l. in ambiguo 3. ff. de reb. dub. Quamobrem cum in verbis non est ambiguitas, non est admittenda voluntatis questio l. ille aut ille 25. §. 1. ff. de leg. 3. & repellendus est à probatione contrariæ voluntatis, nec audiendus est, qui contendit se aliter sensisse; cujus rei elegantissima proponuntur exempla in l. Labeo ff. de supell. leg. in l. 4. princ. vers. quod si quis ff. de leg. 1. in l. quoties §. 1. ff. de hered. inst. in l. si alii 19. ff. de usu & usufr. leg. Cum igitur genus singulas species comprehendat l. semper specialia ff. de Reg. Jur. l. si choruz 79. in princ. ff. de leg. 3. qui generalibus verbis utuntur, id egisse videntur, ut singulas species comprehenderent l. 1. §. quod autem ff. de aleat. l. ult. in princ. C. de usufr. rei jud.

In judiciis autem multò laxior sit interpretatio verborum; neque enim ea interpretamur secundum mentem utriusque tam actoris, quam rei, neque spectamus utriusque voluntatem in idem placitum concurrentem; sed solum voluntatem proferentis; solum querimus, quid senserit ille, qui dixit. Iudicium enim non constat utriusque voluntate & consensu, sed reduct in invitum: quapropter absurdum esset, explorare quid voluerit reus; qui velit, nolit, iudicium suscipere cogitur l. solemus. & l. si quis intentione ff. de judic. l. inter stipulantem §. si Stichum ff. de V. O.

Quo fit, ut, cum in interpretanda actoris intentione, seu libello, spectanda sit voluntas solius actoris, neque curandum sit, quid reus senserit: id omne in iudicium venisse videatur, quod nominatim non fuit exceptum; neque enim queritur quid inter

litigantes actum fuerit, ut veniret in judicium, sed quid voluerit venire actor ipse. Ut autem exploremus voluntatem actoris, observandum est, quid verisimile sit eum 6 voluisse *l. in obscuris* 114. ff. de R. J. l. *insulam* 13. in fin. ff. *qui pos. in pign.* l. 2. §. *si venditor* 14. ff. de *hared. vel. all. vend.* Verisimile autem est, actorem non jus suum in judicium deducere voluisse *l. ult. in fin. C. de annal. except.* Et ideo nisi quid ipse nominatim exceperit, aut inter litigantes actum fuerit ne in judicium veniret, omne jus actoris in judicium deductum videtur *d. l. ult. & l. solems ff. de judic. c. cum Ecclesia* 3. §. *verum de causa possess.* Et etiam verbis presentis temporis utatur, tamen etiam futura continentur *l. si stipulatus* 76. §. *cum stipulamur ff. de V. O. cap. Abbate sane* §. *caeterum, cum seq. de sent. & re jud. in 6.*

Ex quibus apparet ratio, cur non eandem interpretationem sequamur in compromissis: id enim tantummodò venit in compromissum, de quo actum fuit, ut veniret *l. quid tamen* 21. alias *l. si cum dies* 22. §. *plenum ff. de recept. arb.* Compromissum constat pacto, & conventionione utriusque compromittentis *l. litigatores* §. *quod ait Prator. & interduum, l. item si unus* §. *sed si ita ff. de recept. arbit.* Est enim conventio inter aliquos inita de controversia per arbitrum finienda, cum promissione pœnæ interrogandæ ei, qui non paruerit sententiæ arbitri. Itaque cum compromissa ex consensu reddantur, interpretationem eandem prorsus admittunt, quam contractus, nec possunt in compromissum venire nisi res, & controversiæ, de quibus actum fuit *l. cum Aquiliana* 5. ff. de *transact.* ubi observanda sunt illa verba, *quæ ex consensu redduntur*; quibus ratio respondendi continetur *l. qui cum tutoribus* 9. §. 1. ff. *eod. l. si de cetera* 31. *C. eod.* Contrà in judiciis, quæ non redduntur ex consensu, spectari non potest, quid actum sit inter litigantes: sed æquum est, ut in judicium veniat omne jus actoris, nisi actum fuerit ne veniret.

Sed contrarium videtur respondisse Ulpianus in *l. Aediles etiam* 25. §. *item sciendum. in fin. ff. de Aedil. Edict.* ibi: *Quæ ante 9. judicium contingunt non valde ad judicem pertinent, nisi fuerint ei nominatim injuncta.*

Sunt qui putant, in hac lege agi de judicio stricti Juris, in quo non venit nisi id, de quo nominatim actum fuit, & omissum pro omisso habetur *l. quicquid adstringenda* 99. in princ. *l. ita stipulatus* 115. in princ. ff. de V. O.

Vix est, ut operam impendamus in hac falsissima sententia confutanda. Utrumque enim perspicue falsum est. Non agitur ibi de judicio stricti Juris, agitur enim de redhibitione, quæ fit empti judicio *l. ex empto* §. *redhibitionem ff. de action. empr.* Empti judicium est bonæ fidei §. *actionum autem Inst. tit. de action. l. fundi* 17. §. *si rura & casa ff. de action. empr.* Falsum est etiam, quòd. in judiciis stricti Juris verba intentionis actoris strictè sint interpretanda, & in judicium veniat solum id, de quo nominatim est actum. Repugnat enim text, in *l. solems in l. si quis intentionem ff. de judic. in l. inter stipulantes* 83. §. 1. ff. de V. O. quæ cum generales sunt, cum generali ratione nuntur, quæ pertinet tam ad judicia stricti Juris, quàm bonæ fidei. Facultas enim, quam habet J. 111. ex præscripto Prætoris in judiciis bonæ fidei, non pertinet ad interpretationem libelli, sed ad ea, quæ alterum alteri præstare oportet ex natura conventionis. Nam in strictis judiciis est alligatus verbis contrahentium: in bonæ fidei potest ex bono & æquo æstimare *l. quia tantumdem ff. de negot. gest. l. quicquid adstringenda ff. de V. O. l. si servus* 30. §. *ult. ff. de leg. 1. l. quod si nolit* 31. §. *quia assidua ff. de Aedil. Edict. l. usura* 34. ff. de *usur.* Quin imò, & quoad interpretationem verborum ambiguum eadem est ratio contractuum bonæ fidei, & stricti Juris *l. veteribus* 39. ff. de *pass. l. Labeo* 21. ff. de *contr. empr. l. cum queritur ff. de reb. dub. l. stipulatio* 38. §. *in stipulationibus ff. de V. O.*

Respondent

Respondent Viri doctissimi, ibi agi de accessionibus, & fructibus perceptis ante litem contestatam, qui cum separati sint à re petita, adeoque differant à re ipsa, non possunt comprehendi petitione rei *l. in edibus §. 1. ff. de donat.* Quamobrem nominatim petendi sunt; nam quæ ante judicium acceptum contingunt, non valde ad Judicem pertinent, nisi fuerint ei nominatim injecta.

Ego verò contrà sentio, hos fructus, & accessiones venire in judicium redhibitorium, etiamsi nominatim hæc petita non fuerint: neque in hac lege agi de libello, & petitione actoris; eamque legem ad rem nostram minimè pertinere. Non agitur in ea lege de libello ambiguo; nec de petitione actoris: sed explicatur ab Ulpiano Edictum *Ælilium*.

Edicto *Ælilium* cavetur, ut qui mancipia vendunt, ceteriores faciant emptores, quid morbi, vitæ sit, & palam rectè pronunciant. Si secus fecerint, judicium datur, ut id mancipium redhibeatur. Si quid autem post venditionem natum, acquisitumve fuerit, sive quid ex ea re fructus pervenerit ad emptorem, ut ea omnia restituat *l. 1. ff. de Ædilit. Edict.* Explicans hoc Edictum Ulpianus admonet, hæc omnia, quæ exprimiuntur Edicto *Ælilium* referenda esse ad ea, quæ percipit actor, seu emptor ante litem contestatam. Nam ea, quæ percipit post litem contestatam, præstare cogitur officio judicis, cum post judicium acceptum tota causa in Judicio versetur, & restituenda sit non solum res petita, sed etiam rei causa: hoc est, ut actor habeat omne id, quod habiturus fuisset, si tempore litis con-
15 testatæ fuisset ei res restituta *l. præerea, & l. & ex diverso §. 1. ff. de rei vind. l. 2. ff. de usur. l. illud ff. de petit. hered.* Itaque de his rebus restituendis necesse non fuit *Æliles* nominatim Edicto cavere, cum veniant ex natura actionis, & officio Judicis præstandæ
16 sicut *dd. II. & §. & si in rem. cum seq. Inst. tit. de offic. Judic.* De his autem, quæ percipit emptor ante litem contestatam, necesse

fuit *Ædiles* Edicto cavere, eaque enumerare, & nominatim injungere Judici, ut ad hæc quoque restituenda condemnaret emptorem. Ad hæc enim restituenda non potuisset Judex condemnare. Non ex officio, quia officium Judicis non extenditur ad ea, quæ ante judicium acciderunt *d. l. Ædiles §. sciendum. in fin. ff. de Ædil. Edict.* Non ex natura ipsorum fructuum, quia cum emptor bonâ fide possederit, tenetur solum ad fructus perceptos post litem contestatam *l. certum C. de rei vind.* Necessarium igitur fuit, *Ædiles* nominatim cavere de his fructibus restituendis. Hanc puto germanam hujus legis interpretationem.

His expositis constat, verba illa, *nisi fuerint ei nominatim injecta*, non esse referenda ad libellum, & petitionem actoris, sed ad Edictum *Ælilium*, quo nominatim injungitur Judici, ut condemnet etiam ad restituenda ea, quæ percepta sunt ante litem contestatam. Quamobrem in ea lege non agitur de interpretatione libelli ambigui, aut de iis, quæ veniunt in judicium ex petitione actoris, seu de illis, quæ petenda sunt ab actore nominatim.

Constat etiam, quod etsi nominatim hæc petita non fuerint, tamen Judex ad ea restituenda debet condemnare: veniunt enim ex natura actionis redhibitorie, & ex Edicto *Ælilium*, quo nominatim injungitur hæc restitutio *d. l. 1. ff. de Ædil. Ed.* Ex ideo Judex ex officio debet condemnare, sicut condemnat in fructibus postea perceptis *l. plura est 22. ff. de V. S.*

Hactenus de interpretatione libelli generalis: nunc de interpretatione libelli ambigui. Libellus ambiguis comprehendit id, quod actori utilis est *l. si quis intentione ff. de judic.* Utrumque enim interpretatur in favorem actoris. Alia adhibetur interpretatio in judiciis: alia in contractibus.

In contractibus ambigua verba interpretatur contra proferentem, hoc est, contra stipulatorem, locatorem, venditorem *l. cum queritur ff. de reb. dub. l. stipulatio ista 38.*

6. in stipulationibus ff. de V. O. l. Labro 21. & l. cum in lege 33. ff. de contr. empr. l. veteribus ff. de pact. quia cum contractus constet utriusque contrahentis consensu, & sine
18 conventionione obligatio non contrahatur l. non solum 31. ff. de obl. & act. l. 1. § conventionis ff. de pact. l. in omnibu rebus ff. de oblig. & act. utriusque contrahentis voluntas spectanda est, nec minus quid hic, quam quid ille voluerit comprehendere, curandum est d. l. non solum 31. ff. eod. Est igitur par ratio, par causa utriusque contrahentis. At in pari causa æquum est verba nos interpretari contra proferentem, qui potuit apertius dicere: ac proinde sibi debet imputare, suæque culpæ adscribere, si obscure dixit l. veteribus ff. de pact. l. Labro 21. ff. de contr. empr. Acquisitum enim est factum cuique suum nocere, non alteri l. factum 135. ff. de Reg. Jur.

In judiciis verò verba interpretamus in favorem proferentis. Judicium enim solius actoris voluntate constat, cum in reum etiam invitum reddatur l. inter stipulantem
19 §. 1. ff. de V. O. Libellus continet intentionem solius actoris: quamobrem verba ex actoris voluntate sunt æstimanda. Quid reus senserit parum refert: sola voluntas actoris spectatur. Ut autem actoris voluntatem exploremus, id quod verisimile est eum voluisse, debemus investigare l. in obscuris 114. ff. de Reg. Jur. l. insulam ff. qui prior. in pign. verisimile est autem quemlibet velle id, quod sibi utilius est l. si ita stipulatus 109. ff. de V. O. l. hi qui 34. in fin. ff. de fidejuss. Et ideo actor censetur in judicium deduxisse id, quod sibi utilius est.

Concurrit & alia ratio, quamobrem rei voluntas curanda non sit: quia semper reus negaret se convenisse, ut judicium eluderet l. solemus ff. de judic. l. inter stipulantem §.
20 1. ff. de V. O. Verba semper interpretanda sunt ut actus valeat potius, quam pereat l. ubi est verborum 21. ff. de reb. dub. l. quæties in stipulationibus 80. ff. de V. O. l. si quando 109. ff. de leg. 1. Eadem est ratio

interpretandi actiones, & exceptiones l. quæties in actionibus 12. ff. de reb. dub. l. in contrahenda 172. ff. de Reg. Jur. Er ideo necesse est in judiciis verba in favorem proferentis interpretari.

Et hac in re judicia non differunt à contractibus. Nam & in contractibus, licet ambigua verba sint interpretanda contra proferentem; tamen si secundum hujusmodi interpretationem contractus sit inutilis, ab illa regula recedimus, & in favorem proferentis verba interpretamur, ne contractus corruat: ut in l. eum qui calendis in fine princip. ff. de V. O. In qua lege si verba 21 interpretemur contra stipulatorem proferentem, promissor tenebitur dare calendis remotissimis: longius enim tempus stipulatione comprehensum videtur l. si ita stipulatus 109. ff. de V. O. Sed si tenetur dare calendis remotissimis, inutilis erit stipulatio: numquam enim venturæ sunt hæ calendæ. Concurrent igitur duæ regulæ: altera de verbis interpretandis contra proferentem; altera de verbis interpretandis ita, ut actus potius valeat, quam pereat. Quid dicendum? præponderat regula validitatis actus: eaque in hoc concursu potius attendenda; posthabita interpretatione contra proferentem. In judiciis concurrant hæ duæ regulæ: posthabenda igitur est interpretatio contra proferentem, eaque rejecta pro proferente verba sunt interpretanda, ne sit inutile judicium.

Sed contrarium videtur respondisse Ulpianus in l. idem Pomponius §. §. ult. ff. de rei vind. Si plures sint ejusdem nominis servi, puta plures Erotas, nec appareat de quo actum sit, Pomponius dicit nullam fieri condemnationem. Ergo potius redditur inutile judicium, quam fiat interpretatio in favorem actoris.

Verè tamen contrarium non est, quod in hac lege respondit Ulpianus, iis, quæ respondit Paulus in l. inter stipulantem §. si Stichum ff. de V. O. Neque enim eadem quaestio in utraque lege petractatur. In l. inter stipulantem, proponitur hujusmodi

quæstio. Titius prebat à Mævio Stichum servum, & cum plures essent ejus nominis servi, nullam adjecerat demonstrationem, quâ distingueretur, quis ex his peteretur, ut fieri debet *l. si in rem 6. in fin. ff. de rei vind.* Cum autem probare vellet sibi deberi eum Stichum, quem dicebat se petiisse: reus negabat se de eo sensisse, cum litem contestatus est: adeoque servum illum in judicium deductum non fuisse; ac propterea novo libello, novâ litis contestatione,
23 novo judicio opus esse. Non potest Judex condemnare reum de eo, quod in judicium deductum non fuit *l. ut fundus ff. comm. div. l. ult. C. de fideic. liberr.* Respondit J. C. reum, qui vult eludere judicium, audiendum non esse, nec spectandam ejus voluntatem, qui vel invitus cogitur judicium accipere: & actori credendum, eumque servum in judicium deductum esse, quem actor intellexerit.

Contrà verò quæstio ab Ulpiano proposita in *l. idem Pomponius §. ult. ff. de rei vind.* est hujusmodi. Petebat Titius à Mævio Erotem servum, & cum plures essent ejusdem nominis, nec in libello demonstraverat, quem petiisset, neque id apparebat ex probationibus. Rogabat Judicem, ut Titium condemnaret ad præstandum Erotem. Mævius opponebat se non posse condemnari, cum non appareret, de quo servo actum fuisset in judicio. Respondit Pomponius, nullam sequi posse condemnationem. Et
24 rectè. Nulla sequi potest condemnatio, quia actore non probante, reus est absolvendus, non condemnandus *l. 1. C. de probat. l. 4. C. de edendo l. si quidem 9. C. de except. l. negantes 9. C. de oblig. probatio autem dubia, & ambigua actori non pro-*
25 dest: certò enim probare debet quis sibi debeat *c. in presentia 8. de probat.* Nulla sequi potest condemnatio, quia Judex certam sententiam ferre debet *l. in sententiis 59. ff. de re judic. l. ult. C. de sentent. que sine err. quant.* Non potest autem certam ferre sententiam, si non appareat, de quo servo

actum fuerit in judicio. Tria enim hæc inter se convenire debent: libellus: probatio: sententia Judicis. In quæstione hujus legis ventum erat ad finem judicii: quæritur enim, an fieri debeat condemnatio: & adhuc non apparebat, de quo servo actum fuisset. Præciserat non solum libellus, & litis contestatio, sed etiam probationes: & tamen non apparebat, de quo servo actum fuisset: ergò non probaverat actor certum aliquem servum sibi deberi: ac proinde meritò reus negabat fieri posse condemnationem. Non allegabat se de alio servo sensisse, ut in superiore quæstione: sed dicebat, neque ex libello, neque ex probationibus apparere, de quo servo actum fuisset. In summa supponitur in hac lege aut actorem nihil probasse, aut dubiam, & incertam probationem, qualem rejicit summus Pontifex in *cap. in presentia 8. de probat.* attulisse.

Est igitur merum commentum Doctorum, qui putant hic agi de ambiguo facti, quod à solo actore declarari potest, fingunt autem hic actorem fuisse mortuum, antequam declararet suam voluntatem. Cum
27 autem voluntas ab hærede non possit declarari, adeoque non appareat de quo servo actum fuerit, nulla sequi potest condemnatio.

Quod autem voluntas actoris ab ejus hærede non possit declarari probant primò, quia alia est voluntas defuncti, alia hæredis, argum. text. in *l. generaliter. in princ. C. de reb. cred. secundò, quia nemo videtur dixisse, quod non mente agitaverit *l. Labeo ff. de supell. leg.* id autem quod quis mente agitavit, cum intus in animo lateat, ab alio explicari non potest. Tertiò, quia facultas explicandi voluntatem, personalis est, & ad hæredes non transit *l. centesimis 6. ult. ff. de V. O.* Et confirmatur exemplo legati optionis in *§. optionis 23. Instit. tit. de legat.**

Ego tamen contrà sentio: in ea lege non agi de actore mortuo, quod est merum putum figmentum: & quamvis age-

re ut de auctore mortuo, tamen posse hæredem declarare ambiguum intentionem defuncti auctoris. Etenim instantia transit in hæredem auctoris cum omnibus suis qualitatibus, adeo ut hæres jure defuncti utatur, & induat omnia ejus jura, & prius
 28 vilegia, *l. oratione ff. de feriis. l. si is qui Roma, & l. ubi acceptum ff. de judic.* Nam cum quis utitur jure alterius, in eum transeunt omnia, quæ alteri competeant, etiam vitia *l. 4. §. de auctoris dolo ff. de doli & met. except. l. cum hæres ff. de divers. temp. præscr.* Cum igitur defunctus possit declarare ambiguum libellum: poterit eundem declarare etiam ejus hæres.

Nec enim in hac causa queritur, an voluntas defuncti sit voluntas hæredis; hoc enim est indubitatum; sed an defuncti voluntatem possit hæres declarare.

29 Multum autem differt voluntas à declaratione voluntatis, quæ multò facilius admittitur *l. heredes palam §. 1. ff. qui testam. & facit text. in l. Theopompus ff. de dot. preleg.*

Imò verò nec agitur de declaratione voluntatis. Neque enim necesse est ut hæres declaret, quid senserit defunctus auctor: hoc enim ab ipsa lege declaratur. Sufficit ut declaret, quid auctori fuerit utilius: hoc enim declarato lex statuit id ambiguo libello comprehendi: nostra *l. si quis intentione ff. de judic.* Quid auctori sit utilius tantummodò queritur in interpretatione libelli ambigui: id enim accipiendum est *d. l. si quis intentione ff. de judic.* Hoc autem facti est, & quidem extrinseci, quod potest etiam ab hærede declarari: neque enim hujusmodi factum in animo inter, sicut voluntas, adeo ut alteri notum esse non possit. Solus hæres, cui notus est status hæreditarius, scire potest, quid fuerit utile defuncto: ad ipsum igitur pertinet hujus facti declaratio. Præterquam quòd cum in favorem auctoris, & ne judicium reddatur inutile, reo negante se convenisse, sit constitutum venire in ju-

dicium id, de quo auctor senserit *l. solemus ff. de judic. l. inter stipulantes §. 1. ff. de V. O.* quid cause esse potest, cur non sit credendum hæredi, qui auctor est, translata in eum instantia defuncti, atque adeo reddendum sit inutile judicium, & danda sit facultas reo conceptum judicium eludendi? Nemo certè hoc mihi poterit persuadere. Præsertim quia aut probat hæres deberi sibi servum, quem dicit in judicium fuisse deductum: aut non probat. Si non probat, utique reus est absolvendus *l. 2. C. de probat. l. 4. C. de edendo, & similibus.* Si verò probat eum sibi deberi, & debitum fuisse auctori, qui petiit, quid cause est, cur reus velit evitare condemnationem? Etenim, quod magis est, etiam si ab initio res non rectè fuerit petita, quia jus petendi non habebat auctor; tamen si inter moras judicii jus auctori superveniat, dummodò superveniat ex causa de præterito, non potest reus evitare condemnationem *l. si mandavero tibi 17. ff. mand. l. si rem 9. §. ult. ff. de pignor. act. l. quasnam 30. in princ. ff. de pecul. c. Abbas sane §. ceterum. cum seqq. de sent. & re judic. in 6. & facit text. in l. Julianus 11. ff. qui sariis cog.*

His probè constitutis, ad contraria argumenta facilis est & prompta responsio. Et quidem in univèrsum responderetur, hic neque agi de transferenda in hæredem voluntate defuncti, quod fieri non potest: neque de transmittenda facultate declarandi, & explicandi voluntatem, ut probavimus; undè omnia argumenta concidunt ipsa per se.

Singillatim tamen responderetur, non posse deduci argumentum à jurejurando ad nudam voluntatem. Primum, quia iniquum est de alieno facto alium jurare *l. Marcellus §. jurare ff. de ill. rer. amor.* Non est iniquum alienam voluntatem declarare. Præterea, jurandi necessitas facile remittitur propter quorundam superstitiosam timiditatem *l. que sub conditione 8. in princ. & §. seqq. de condition. inst. l. hæ*

Scriptura ff. de cond. & dem. l. libero ff. de bon. libers. Non remittitur necessitas declarandi voluntatem *l. si ita legatum 65. §. illi si volet ff. de leg. 1.* Est igitur suile hoc argumentum.

Non majoris momenti est alterum petitum ex *l. centesimis §. ult. ff. de V. O.* Etenim cum quæritur, an hæres velle possit, cum defunctus non declaravit se velle, ita distinguendum est. Aut voluntas requiritur à lege, aut ab homine. Si à lege; nempe si lex disponat, ut actus pendeat à voluntate hominis; facultas declarandi voluntatem transit in hæredem. Ut puta, legatum non acquiritur invito, sed si voluerit legatarius *d. l. si ita §. illi ff. de leg. 1.* si nolit, & repudiet, legatum corrui. Sed si decedat antequam velit, & agnoscat, ad hæredem transmittitur, & potest velle, & agnoscere legatum ipse hæres *d. l. si ita legatum de leg. 1. & l. si post diem ff. quan. di. leg. ced.* Item in legato generis, & alternativo habet legatarius facultatem eligendi, & declarandi quid velit ex pluribus rebus legatis *§. si generaliter 12. Inst. tit. de legat. l. qui amos 10. l. si servus 108. §. cum homo ff. de legat. 1.* Quod si moriatur legatarius antequam declarat utrum velit, hæc facultas ad hæredem simul cum legato transmittitur *l. nec semel §. si cui homo ff. quan. di. leg. ced.* In casu nostro facultas interpretandi libellum ambiguum, & declarandi quid petere voluerit, competit auctori ex dispositione legis *l. solemus. & l. si quis intentione ff. de judic. l. inter stipulantem §. 1. ff. de V. O.* quare non mirum, si transeat ad hæredem simul cum instantia defuncti.

Quod si voluntas requiratur ex dispositione hominis, rursus distinguendum est inter voluntatem, quæ simpliciter, & absolute requiritur, eamque quæ ponitur in conditione. Primo casu transmittitur ad hæredes. *l. illud aut illud ff. de opt. leg.* Et ne quis putet, id fuisse receptum in

legatis favore ultimarum voluntatum, idem traditum de contractibus in *l. si stipulatus fuerim 76. ff. de V. O.* Stipulatus sum mihi dari Stichum, aut decem, utrum voluero. Etiam si facultas eligendi sit personalis, tamen simul cum obligatione transit ad hæredem, qui potest eligere utrum velit, Stichum, an decem *d. l. si stipulatus.* Imò transit etiam ad legatarium *l. si sic legatum 75. §. si quis ita stipulatus ff. de leg. 1.* In casu nostro voluntas simpliciter, & absolute requiritur, non per modum conditionis *l. inter stipulantem §. si Stichum ff. de V. O.* Adeoque etiam si requireretur ex dispositione hominis, tamen ad hæredes transmitteretur facultas declarandi voluntatem, quam defunctus non declaravit.

Secundo verò casu, quando voluntas ponitur in conditione, tunc potest velle solummodò ille, cui est injuncta conditio, eoque moriente antequam declarat voluntatem suam, intercidit obligatio, neque ad hæredes transmittitur. Quapropter in *l. centesimis §. ult. ff. de V. O.* quæ nobis opponitur, si debitor moriatur antequam velit, obligatio corrui; quia verba illa, cum volueris dabis, conditionem faciunt: continent enim expressum, & principaliter tempus, tacite verò, & consequenter conditionem *l. si Titio 22. in princ. ff. quan. di. leg. ced. l. quodcumque 45. §. non solum ff. de V. O. l. qui promisit ff. de condit. ind.* Idem traditum est & in legatis; nam si legata fuerint Titio centum sub conditione, si volueris, intercidit legatum Titio moriente antequam declarat voluntatem suam *l. si ita legatum §. illi si volet ff. de legat. 1. l. si ita expressum 69. ff. de cond. & dem.* quia conditio personæ injuncta videtur, & idè solum ejus personæ, cui fuit injuncta, voluntas spectanda est *d. l. si ita expressum ff. de cond. & dem.* Hæc enim conditio consistit in facto, cum voluntas facti sit *l. consilio 7. §. ult. ff. de curat. furios.* conditiones autem,


quæ in factis consistunt, implendæ sunt ab eo, cui fuerunt adscriptæ *l. nlr. ff. de cond. inst.*

Hinc facillè respondetur etiam ad exemplum legati optionis. Nam legatum optionis erat olim conditionale, & idèd solus legatarius optare poterat, non ejus hæres *§. optionis Instit. tit. de legat.* Item optio erat actus legitimus *l. actus legiti-*

mi ff. de Reg. Jur. & actus legitimus per alium expediri non poterat l. nemo alieno ff. eod. Hodie autem ex Justiniani constitutione legatum optionis non intercidit moriendo ante optionem legatario, & optandi facultas transit ad hæredes *d. §. optionis.* Quapropter argumentum petatum ex *d. §. pro nobis facit.*

F I N I S.





JOSEPHI AVERANII,

Jurisconsulti & Antecessoris,

INTERPRETATIONUM JURIS

LIBER TERTIUS.

CAPUT PRIMUM.

*Ad L. 1. §. Sed & si Comites 8. ff. de extraordin. cognit.
& L. 4. ff. de offic. adfessor.*

SUMMARIUM.

- | | |
|--|---|
| <p>1 <i>Affertur occasio scribendi.</i>
 2 <i>Comites in quatuor classes distributi.</i>
 3 <i>Qui in provinciam cum Praefidis praeferebantur, singulati comites, generatim cohoris appellati.</i>
 4 <i>Horum in numero Praefidus, qui toti cohorti praerat.</i>
 5 <i>Legati, qui in jure dicuntur adfessores.</i>
 6 <i>Adfessores omnia peragebant, quae ad juridicam, & legitimam provinciae administrationem attinebant.</i>
 7 <i>Convivatores, sive contubernales.</i>
 8 <i>Apparitores, quorum nomine plura officia comprehendebantur; praecipue exceptorum, sive aëduariorum & notariorum. & n. 11.</i></p> | <p>9 <i>Ex comitibus componebatur cohors Pratoria.</i>
 10 <i>Refellitur sententia Cujacii putantis comites semper accipi pro adfessoribus; multa leges explicantur. & n. 11. 12.</i>
 11 <i>Praefidis eorumque Comitibus supellex ex annona suppeditabatur vasariis & salarii nomine; his postea additum stipendium.</i>
 12 <i>Annona affirmationem in pecunia percipere poterant, quae lucellum dicta est. Aliud lucellum à privatis.</i>
 13 <i>Remam reversi munera seu beneficia accipiebant.</i>
 14 <i>Comites pro salarii hypothecam non habuerant. Vetores paucissimi in hypotheca censenda.</i>
 15 <i>Ratio offertur.</i>
 16 <i>Contraria argumenta diluuntur.</i></p> |
|--|---|



Ravis, & plena concertationum causa fuit dudum in judicio tractata, & inter doctissimos homines acerrimè disputata: an familiares Principis pro salario sibi debito habe-

rent tacitam hypothecam: & an praeferreretur cæteris creditoribus etiam habentibus expressam, & anteriorem hypothecam. Magna doctrinæ copia in utramque partem est concertatum: eo tandem redacta res est, ut

quisitum fuerit, an olim apud Romanos, Comites Præsidum, & Imperatorum hujusmodi privilegio gauderent. Cum in hoc totius causæ cardo verteretur, interrogatus, quid hæc de re sentirem, multa dixi, ac suppeditavi, quæ ad causæ defensionem facere judicabam. Atque hinc atripui occasionem scribendi de Comitibus, quæ modò subijciam.

- 3 Comitum varia fuerunt genera. Omnes in quatuor classes distribuo. In prima classe pono eos, qui comitabantur Præfides, Proconsules, & alios, qui ad regendas provincias proficiscebantur. In secunda eos, qui Imperatores in expeditionem prodeuntes, aut peregrè proficiscentes comitabantur. In tertia eos, qui ad honorem, ac dignitatem Comitatus evehebantur. In quarta Comites, qui provincias regēbant, & gubernabant, qui postremis Impetii Romani temporibus fuerunt introducti.

A primis ordiamur. Præfides multos in provinciam secum ducebant, quorum ministerio utebantur in administranda provincia. Hi singulatim Comites appellabantur: generatim, & universè cohors seu cohors prætoria. Præsidum nomine hic omnes provincias regentes comprehendo, ut in *L. 1. ff. de off. Præsid.* omnes enim, qui universas provincias regēbant, Comites habebant, seu cohortem. Imò & Legati Proconsulis suos habebant Comites. *L. si quis fortè 6. §. si quos comitum ff. de pæn. ibi. Si quos Comitum vel Legati sui reos Proconsul invenerit.* Appellabatur autem cohors prætoria, non tam cohors ipsius Prætoris, quam omnium aliorum, etiam Consulis. In rationibus Verris, qui fuit Quæstor C. Carbonis Consulis: *Dedit stipendia, frumenta, Legatis, Frequestoribus, Cohorti Prætorie* &c; refert eas rationes Cic. *Lib. 1. in Verr. c. 14.* & ibi notat Ascon. *Cohorti Prætorie. Comitibus consularibus.* Veteres enim omnem Magistratum, cui parēret exercitus, Prætorem appellaverunt: unde & Prætorium, tabernaculum ejus dicitur, & in castris porta Prætoria. Varro quoque de *Lingua Lat. Prætores dicuntur, qui prærent jure & exercitu.* Prætores

etiam fuerunt appellati, qui postea Consules: & Prætor maximus, qui Dictator. *Liv. Lib. VII.*

Superiora Asconii verba demonstrant cohortem prætoriam Comites Præfidis comprehendere. Cic. *Lib. 2. in Verr.* paulo post princ. *Comites illi tui deletti manus erant tue:* & deinceps: *cohors tota illa tua, quæ plus mali Sicilia dedit, quam si centum cohortes fugitivorum fuissent, tua manus sine controversia fuit.* Et infra: *Ex his causis, quas ipse instigaverat in consilio, hoc est cum sua cohorte cognoscere.* Item: *multo facta est, in qua cohors hujus invicta dominata est.* Et paulim in eâ oratione. Et in *epist. ad Q. Fratrem lib. 1. ep. 1.* *Quos verò aut ex domesticis convictoribus, aut ex necessariis apparitoribus tecum esse voluisti, qui quasi ex cohorte Prætorie appellari solent* &c. *Juven. Sta. 8. vers. 127.*

*Si tibi sancta cohors comitum, si nemo tribunal
Vendit Acersecomes.*

Catull. ep. 18.

Pisonis comites, cohors inanis.

& indd.

*Ecquidnam in tabulis patet lucelli
Expensum? ut mihi qui memum secutus
Prætorum refero datum lucello &c.*

Nimirum Catullus dolet, quod ejus amici Vcrabius, & Fabullus, qui Cisionem Prætozem Comites erant secuti, nihil lucri facerent, sicut nec ipse, qui Memmii Prætozem securus erat, qui postea à Cæsare reus repetundarum factus est. Memmii igitur omnia, quæ à provincia exigebat, sibi vindicabat, cohorti nihil dabat. Idem in *epigr. 10.* incipit *Parrus.*

*Respondi id quod erat: mihi neque ipsi,
Neo Prætoribus esse, nec cohorti,
Cur quisquam caput nullius referret.*

Eodem

Eâdem loquendi formâ utitur Cicero *Lib. 2. in Verrem*: ut ab illis ipse unctior discederet. Significat autem nihil quicquam à Provincialibus lucrî fecisse neque ipsum, neque Prætores, neque cohortem: causam deinceps assert, quia provinciales non facerent *pili cohortem*.

Doctissimus Scaliger explicat verbum *prætoribus* pro convictoribus Prætoris & congerionibus. Rectènt, an secus, valde dubito. Horat. *Serm. 7.*

Perfusi exponit causam, videtur ab omni

Conventu, laudat Brutum, laudatque cohortem.

4 Inter Comites Prætoris Verris Cicero recenset Præfectos, Scribas, Medicos, Accensos, Atruspices, Præcones. *Lib. 1. in Verrem*. Sed *epist. 1. ad Attic. Lib. 6.* videtur distinguere Præfectos, & Legatos à Comitibus. Quid dicam de illius Præfectis, Comitibus, Legatis? Loquitur de Appio, cui ipse successerat in provincie administratione. De Præfecto alibi etiam M. Tullius, in *Lib. 2. in Verr.* ubi narrat prudens Scipionis Africani responsum. Cum ab eo, inquit, quidam vetus assessor, & ex numero amicorum non impetraret, uti se præfectum in Africam duceret, & id ferret molestè: Noli, inquit, mirari, si tu à me hoc non impetras: ego jam pridem ab eo, cui meam existimationem curam fore arbitror, peto, ne mecum præfectus proficiatur, & adhuc impetrare non possum. Hinc constat non leve munus Præfecti fuisse, qui toti cohorti præerat, eamque in officio continerebat: ad similitudinem cohortis militaris. Sæpe enim à Cicerone comparantur, ut cum nominat cohortem Verris invictam: cum dicit *comites illi tui delesti*, quod verbum propriè militibus convenit, quorum delectus habetur: cum ait cohortem Verris plus mali dedisse Siciliæ, quam si centum cohortes fugitivorum fuissent, alludens ad bellum servile. Quocirca poterat Præfectus magnam pecuniz summam à provincialibus extorquere, & Præsidis existimationi labem

inferre. Argutè Scævola Septumulejo Anagnino roganti, ut se in Asiam Præfectum duceret: Quid tibi vis insane? tanta malorum est multitudo civium, ut tibi ego confirmem, si Roma manserit, et paucis annis ad maximas pecunias esse venturum. Refert id Cicero in *2. de Oratore*. Horum Præfectorum nusquam in jure nostro fit mentio. Papinianus quidem nominat Præfectum cohortis in *L. Præfectus 63. ff. de rit. nupt.* Sed ille est Præfectus cohortis militaris: auxiliares enim copiz Præfectos cohortis habebant. Et quia ibi de his agit Papinianus, idcirco confugit ad exemplum tutoris: dubitari enim poterat, an id quod fuerat interdictum iis, qui officium in provincia gerunt, comprehenderet etiam eos, qui præstant copias auxiliaribus: ac propterea J. C. non fundat opinionem suam in prohibitione interdicti, sed in exemplo tutoris.

Idem Cicero recenset inter Comites etiam Legatos, & quidem pluribus in locis. In *Lib. 2. in Verr.* Dedi stipendia Legatis, Proquestori, cohorti prætoris. Et *Lib. 6. epist. ad Attic. ep. 1.* de Appii Comitibus, cui successerat in administratione provincie. Quid dicam de illius præfectis, comitibus, legatis? etiam de rapinis? de libidinibus? de contumeliis? Id. *Lib. 1. epist. ad Q. Fratrem ep. 1.* Quamquam Legatos habes eos, qui ipsi per se habituri sint rationem dignitatis suæ; de quibus honore, & dignitate, & aere præstat Tubero, quem ego arbitror, præsertim cum scribat historiam, multos ex suis annalibus posse deligere, quos velit, & possit imitari. Hæc enim autem noster cum animo, & benevolentia, tum verò etiam imitatione vivendi. Nam quid ego de Gratiديو dicam? quem certo scio ita laborare de existimatione sua, ut propter amorem in nos fratrum etiam de nostra laborat. De his quoque nulla in jure nostro mentio. Multa quidem habemus de Legato Proconsulis in titulo de offic. Procons. & alibi: sed de his nihil usquam. Quamobrem quodnam esset eorum officium, hæreo. Quantum tamen conjecturâ consequi possum, puto fuisse eos, qui in jure nostro dicuntur Adlectores, de quibus agitur in ti.

tulo de officio *Adfessorum*. Non abhorret ab hac conjectura Varonis definitio, qui *Lib. 4. de Ling. Lat.* Legatos ita describit: *Legati dicebantur, qui lēsti publice, quorum opera, consilioque uteretur peregre magistratus.* Non dissentiit Cicero in *Vatinium*, qui eos appellat *ministros consilii provincialis* & subdit: *Quis legatos unquam audivit sine senatusconsulto?* Et in *Lib. 2. in Verr.* vocat eos *sodales fratris*: *Sodales, viri fortes, Legati tui primo anno te reliquerunt: unus Legatus P. Tadius, qui eras reliquus, non ita multum tecum fuit.* Appianus *Lib. 1. bell. civ.* *Legatos Romani* appellant, *quos provinciarum rectoribus addunt, ut iis subsidio sint:* & *Cæsar Lib. 2. comment.* *Legatos ait fiduciarum operam obtinere, & Lib. 3. eos omnia agere ad præscriptum.* Et *Cornel. Nep. in Vita Attici* ait, *Legatum adflectam esse fratris.* *Adfessores* etiam erant ministri consilii provincialis, & socii quodammodo Præsidis: nam & ipsi adfidebant, hoc est, juxta sedebant in tractandis provinciæ negotiis, & omnia fere peragebant, quæ ad judicia, & juridicam & legitimam provinciæ administrationem attinebant. *L. 1. ff. de offic. adfess.* Plures erant adfessores, ut constat in jure nostro, plures & Legati. Tres Legatos Q. Frateris nominat Cicero loco supra allegato: tres etiam ad minus Legati Verris, ut modo diximus, *Liv. Decernunt frequentes, ut C. Sulpicius Prætor tres ex Senatu nominet Legatos.* Cicero Proconsul in Ciliciam quatuor duxit Legatos. Studiosi juris erant Adfessores d. *L. 1.* Inter Legatos Q. Frateris nominat Cicero Tiberonem, maximum eo ævo Jurisconsultum. Adfessores de publico salarium accipiebant, ut ex *L. diem funislo ff. de offic. adfess.* probant communiter DD. item & Legati, ut nominatim in rationibus Verris, quas supra attulimus. Neque mirum cuiquam videatur, quod Cicero semper Legatos eos nominet, nunquam verò Adfessores: hoc enim verbum eo tempore non erat usu adeo protritum: & vix umquam eo usus est M. Tullius. Sanè in illa longissima oratione contra Verrem de jurisdictione Siciliensi, in qua judicia omnia Verris dili-

gentissime expendit, & excussit, nunquam Adfessorum mentionem fecit. Atque eo amplius, quod Verris de sua cohorte judices septennumero dabat, aut de ejus consilio judicabat. Ibi: *enim judicem, quem commadum erat, præconem, aruspiciem, medicum suum dabat.* Et infra: *Hæc copia, quam dico, judicium, cohors non Q. Scævola, qui tamen de cohorte sua dare non solebat, sed Caji Verris. Cujusmodi cohortem putatis hoc principe fuisse?* Et rursus: *hominum innocentem a C. Sacerdote absolutum de sententia scriba, medici, aruspicique condemnas.* Nusquam autem queritur, quod Adfessorum consilio non fuerit usus. Puto igitur eo tempore Præsidibus Legatos à senatu fuisse datos adjutores publicorum negotiorum: sed cum quidam id munus detrectarent; ut de Attico testatur Cornelius Nepos in *eius Vita*: quidam eos maximis controversiis extorquerent à Senatu: quidam etiam repugnante Senatu eos eligerent. Cic. in *Vatinium*: *Quis Legatos unquam audivit sine Senatusconsulto? ante te nemo, post continuo idem in duobus prodigiis Reip. Clodius: & pro Sextio: Quos Legatos non modo nullo S.C. sed etiam repugnante Senatu tunc tibi legasti?* Puto, inquam, munus Legati defuisse paulatim, & in munus Adfessoris translatum, & pro Legatis secum duxisse Adfessores, quos ipsi Præsides eligebant: atque illis Alexandrum Severum salaria constituisse, seu ante ipsum Pescennium Nigrum, quæ de re infra. Jam verò ad alios Comites progrediamur. Convictores nominat Cicero in laudata epistola ad Q. Fratrem. Hi & contubernales dicebantur, qui tamen in edicto Julii Cæsaris à Comitibus distinguuntur. Sueton. in *Cæsare c. 42.* *Sanxis ne quis Senatoris filius, nisi contubernalis, aut comes magistratus peregrè proficisceretur.* Contubernales, id est, quos vocamus *Cammerate*. Et hæc referenda esse arbitror verba Ciceronis *Lib. 2. in Verr.* *ut quisque te maxime cognatione, affinitate, necessitudine aliqua attingebat, ita maxime manus tua putabatur.* Hi nempe erant Verris convictores, & contubernales, quos Romæ secum in Siciliam duxerat, sceltrum, &

rapinarum adjuutores, & administratos.

Apparitores erant, qui magistratibus apparebant, hoc est, præsto erant ad obsequium, ut ait Servius ad illud *Virgilii Lib. 12.*

*Ha Jovis ad solium, sævique in limine
Regis
Apparent.*

Hoc nomen & officium comprehendebat Scribas, Accensos, Interpretes, Viatores, Præcones, Lictores, Servos publicos. *Accensi*, qui accire, & arcescere populum, aut concionem jubebantur, quod officium libertis conferri solebat, ut testatur Cicero in laudata epistola ad Q. Fratrem. *Scribæ*, qui rationes publicas, leges, acta omnia describant in tabulis,

Ad summam hoc sit constitutum, ex Comitibus componi cohortem prætoriam; cohortem autem nihil aliud esse, quam it quod dicimus *Corte del Commissario, Corte del Principe*, Etrusco vocabulo à Latino deducto. Imò & ipsissimum Latinum: nam Latini illud aliquando contrahebant, & *chor-tem* dicebant pro *cohorte*. Sicut apud Latinos duplex erat hujus vocis significatio; nam & hominum collectionem significabat publicis negotiis inservientem, ut supra dicimus, & locum in domo conclusum sub dio, ut cum Martialis nominat *chorthis aves*; sic & apud nos in utràque significatione accipitur vox illa *Corte*. Etiam in jure nostro *Comites, & Cohors* in eandem sententiam accipiuntur, ut apparet jungendo *l. 1. cum l. 5. ff. de Lege Jul. repetund.* In *l. 1. Lex Julia repetundarum* pertinet ad eas pecunias, quas quis in magistratu, potestate &c. cepit, vel cum ex cohorte cujus eorum est. In *l. 5. In comites quoque judicium ex hac Lege judicium datur*. Quamobrem Cic. in *l. 2. in Verr. de Verris cohorte*: *Quidquid ab horum quopiam captum est, id non modò tibi datum, sed in manu numeratum judicari necesse est. Nam si hanc defensionem probaveris, non accepit ipse, licet omnia de pecuniis repetundis judicia tollatis.*

Doctissimus Cujac, *Lib. 7. observat. c. 12* in libris nostris semper *Comites* pro Assessores accipi affirmat. Id utrum verum sit, valde dubito. Repugnat enim vehementer, quòd in laudatis modò Legibus traditum est. Primum enim quis dixerit, cohortem comprehendere solos assessores? Cohortis nomen universam familiam continet. Præterea cui poterit persuaderi, quos Assessores teneri Lege Julia repetundarum? Annon & alii Comites in idem crimen possunt incurrere? In *l. eadem 6. ff. eod. eadem Lege tenetur, qui ob denuntiandum, vel non denuntiandum testimonium pecuniam acceperis*. Pertinet hoc ad officium Apparitoris, aut Accensi. Denuntiare enim testimonium est evocare aliquem, ut certo die compareat in judicio ad dicendum testimonium. Duo enim erant genera testium, voluntariorum, & eorum, quibus denuntiabatur testimonium: hoc est, qui in publicis judiciis vocabantur ad dicendum testimonium, quod, vellent, nolent, dicere cogebantur, postulante id accusatore. Vide Quintil. *inst. orator. Lib. 5. cap. 7. in princ.* Plin. Cæcil. *Lib. 6. epistola ad Ursum & L. Lege Julia 4. & L. inviti 19. ff. de testib.* Qui autem hac de causa pecuniam acceperit, non solum Lege Julia repetundarum tenetur, sed etiam Lege Cornelia *l. ult. ff. de concussion.* Confer amplius Leges quartam & quintam *ff. de Leg. Jul. repet.* In *l. 4.* agitur de iis, quæ pertinent ad officium Adressoris, quæ recentur in *l. 1. ff. de off. adress.* At in Lege sequenti agitur de illis, quæ pertinent ad officium aliorum Comitum: & tam hi, quam illi eodem modo tenentur Lege Julia.

Non dissimile argumentum duci potest à *l. Lege Julia 7. in fine ff. ad Leg. Jul. de vi publ.* ibi. *Item quod ad legatos, oratores, comitesve attinebit, si quis eorum quem pulsasse, & sive injuriam fecisse arguatur.* Absurdum planè esset existimare aut solos Assessores posse pulsare aliquem eumve injuriâ afficere: aut eos solos teneri Lege Julia de vi, non autem alios Comites. Profectò stomacho sum imbecillior, quam ut hæc concoquere, possim. Quid? quod in *l. si quis*

forte 6. ff. de pen. tradit Ulpianus, potestne restringi ad solos Adfessores? In §. si quos comitum ait Ulpianus: Si quos comitum, vel legati sui reos proconsul invenerit, mirum punire eos debeat, an successori servare, queri potest. Sed multa exstant exempla, qua non tantum officialium suorum, nec sub se agentium, verum suis quoque servos pena adfecerunt: quod quidem faciendum est, ne exemplo deterri minis delinquant. Plura in his verbis sunt observanda. Primum, quod hic Ulpianus agit etiam de Comitibus Legati: atqui Legatum Proconsulis Adfessores habuisse nusquam legimus. Porro Alexander Severus nec Adfessores Proconsulum admodum probabat, dicens eos esse promovendos, qui per se rempublicam gerere possent, non per Adfessores; ut refert Lampridius in ejus Vita. Præterea quis potest opinari in hac lege tribui facultatem Proconsuli puniendi solummodò suos, sique Legati Adfessores, si servos etiam hæc dispositio comprehendit, & usque ad infimum genus hominum descendit? Tertio observanda sunt illa verba officialium suorum, nec sub se agentium, quæ omnes comprehendunt. Officiales erant Apparitores, alique quorum ministerio Præses, vel qui potestatem habebat, utebatur ad exequenda decreta, res judicatas, edicta. Paulus. Lib. 5. sentent. tit. 12. de jure fisci. Quoties sine auctoritate judicati officiales alicujus bona occupant, vel describunt, vel sub observatione esse faciunt, adito Procuratore injuria submovetur. Agit hic de officialibus Procuratoris fisci, qui ab Imperatoribus Cesariani nuncupantur in L. prohiberi §. C. de jure fisci. Sed & Præsulum ministris officialibus dicebantur, qui perpetui erant. L. Præsidis 34. ff. de reb. cred. ubi legendum: qui, non quia: non omnes enim officiales perpetui erant. Officium dicitur ab Ulpiano in L. 1. in fin. ff. de quaest. Potest itaque decreti gratiam facere, & eum (servum) per officium distrahi jure: Officium enim pro officialibus sæpe dicebant. In passione S. Mamertis: Solusque Præses cum suo officio illasus remansit. Et in Vita SS. Agapis &c. Videns ergo Præses, se ab officio suo esse contemptum: & infra:

dicam mihi ita ab officio meo ludibrio habendum. L. si plus 74 §. 1. ff. de evict. juncta L. si pigra 50. ff. eod. L. officia 4. C. de cohortal. Sicut ministerium pro ministris Paulus in L. 4. §. quod si urbana ff. de pen. leg. Urbica ministeria dicimus, & quæ extra urbem nobis ministrare consueverunt. Lamprid. in Commodio: Patris ministeria seniora submovit, amicos senes abiecit. Trebell. in Claudio: Tantum ministeriorum quantum nos ipsi nobis per singulas quasque civitates decernimus. Jam verò illa verba sub se agentium possunt esse magis generalia? Exempla quoque; quibus movetur Ulpianus, non pertinent ad Adfessores, sed ad omnes. Certè Cicero cum nusquam inter Verris Comites nominaverit Adfessores, ait: Si in hominibus eligendis nos spes amicitia sefellerit, ut vindicemus, missos faciamus. Atqui hæc verba referantur ad Volcatium, qui non erat Adfessor Verris. Et infra acerrimè in Verrem invehitur, quod in Volcatium non animadverterit. Præsidēs enim Comites delinquentes aut puniebant, aut dimittebant. Sueton. in Nerone. cap. 5. de patre ipsius Neronis ait: Siquidem comes ad orientem C. Cesaris juvenis, occiso liberto suo, quod potare, quantum jubebatur, recusaret, dimissus è cohorte amicorum nibilo modestius vixit. Denique observandum, propositam in hac Lege quaestio nem minus habere dubitationis in Adfessoribus, quam in aliis Comitibus, quia Adfessores, cum ex ea provincia esse non possint L. 3. ff. de Offic. assessor. non debere servari successori admodum probabile est, cum abeunte Præatore aut Præside ipsi quoque de provincia decedant. Ad alias Leges expendendas progrediamur.

In L. Senatusconsulto 16. ff. de offie. Præsid. Senatus consulto caveretur, ut de his quæ provincias regentes, comites aut libertini eorum, antequam in provinciam venerint, contraxerunt, paucissimè jus dicatur: ita ut actiones, quæ ob eam causam instituta non essent, posteaquam quis eorum eam provinciam excesserit, restituantur. Quis potest dubitare, quin hoc Senatusconsulto comprehendantur omnes Comites, cum complectatur etiam liberti

nos? Quid causæ est, cur id tribuatur solis Affectuibus, non etiam aliis Comitibus, qui Præfidi ad regendam provinciam sunt necessarii, & reipublicæ operam impendunt? Rectè Cicero in aurea illa ad Q. Fratrem epistola Præfidi necessarios esse dicit Apparitores: sine his enim neque justitia, neque provincia potest administrari. Ergone his ministerium, quod reipublicæ præstant, debet esse damnosum? Observandum est enim, quod hic non agitur de aliquo privilegio & lucro capiendo, sed de damno vitando & non amittendis actionibus. Num id minus meretur Apparitor, quam Affectores. Imo multo magis; nam multo facilius est Affectuibus etiam absentibus in iudicio se defendere per procuratores, & actiones, quæ tempore perituræ sunt, intendere, quàm Apparitoribus. Neque quisquam putet, in Senatusconsulto Apparitores expressos fuisse nomine libertinorum, secundum id quod à Cicerone traditur in laudata epistola: *non temerè, nisi libertis suis deferrebant, quibus illi quidam non multo scias ac servis suis imperabant*. Etenim ibi Cicero loquitur de Accenso, cujus manus erat multò dignius, & ideo libertis deferri solebat. Præterea id in usu fuisse refert apud majores, non autem rum temporis, & apparet ex toto verborum complexu, fratrem ejus hoc damnum pati debeant, & impense operæ in utilitatem, & commodum reipublicæ? Libertinos igitur adiecit Senatusconsultum, ut comprehenderet etiam eos, quos secum ducebant Præfides ad usum domesticum, & rem familiarem administrandam, de quibus Cicero in laudata epistola: *quos vero aut ex domesticis convictoribus, aut ex necessariis apparitoribus secum esse voluisti*. Domesticos convictores appellat, quia domi simul cum Præfide vi-

vebant & pascabantur. Ac verissimè est, solitos fuisse ad domestica ministeria exercenda ducere libertinos; servis enim munia sortida, ac vilia committebant; libertinis digniora, & sæpenumero hac de causa servos manumittebant, ut iis ad hæc officia uterentur. Hinc sæpè in danda libertate onus imponebant prælandi operas patrono.

Occurrit modò explicandum Jurisconsulti responsum in *L. administrantes 41. §. eorum ff. de excus. int. Eorum, qui reip. causa ab sunt, comites, qui sunt intra statum numerum, de tutela, qua absentibus, aut profecturis delata est, excusantur*. Soline affectores excusantur à tutelis? Quid Præfecti? quid Medici? quid Haruspices? Ergone Romani, qui omnia auspiciò gerebant, indignos excusatione judicabant Haruspices? Sed res est procul ab omni controversia. Diuicidè enim id declarat. *J. C. illis verbis: comites, qui sunt intra statum numerum*. Qui sunt isti? nempe omnes, qui non erant supra numerum statutum à legibus. Nimirum ne esset in facultate Præfidis, cuicumque libuisset, à publicis oneribus immunitatem præbere: & ne quicumque, vel negotii sui gerendi, vel oblectationis suæ, vel amicitie gratiæ cum Præfide proficiscebatur, gauderet illis privilegiis, quæ absentibus Reipublicæ causâ tribuebantur, certus numerus Comitibus erat statutus. Valerianus Imperator in epistola, quam refert Trebellius in Claudio: *Sanè scias tantum ei à nobis decretum salarii, &c. tantum ministeriorum, quantum nos ipsi nobis per singulas quasque decernimus civitates*. Et in alia epistola ad Procnatorem Syria decernit eidem Claudio *notarium unum, venatores duos, carpentarium unum, curatorem Prætorii unum, aquarium unum, piscatorem unum, dulciarium unum, balneatorem unum, coquum unum, mulionem unum*. En! qui sunt intra statutum numerum. Justinianus in *L. 1. §. & in officio 3. C. de offic. Præf. Prætor. Africa*. *Et in officio quidem tua magnitudinis, nec non pro tempore viri magnifici Præfelli Prætorio Africa trecentos nonaginta sex viros per diversa scrinia, & officia militare*

decernimus. In officiis vero Consularium ac Præsidum quinquaginta homines per singula officia esse sancimus. In L. 2. C. de apparit. Procos. & Leg. Apparitioni tua, & legatorum quadringentos censuimus deputandos de his dumtaxat, quos esse sibi detractos reipublica membra non querimus. In L. un. C. de apparit. Omit. Orient. In officio comitis Orientalis non amplius, quam sexcenti apparitores habeantur, quos quidem publicis necessitatibus novimus abunde suppetere. Ergo non infinita facultas dabatur, quocumque vellent, Apparitores habendi, sed eos dumtaxat, qui necessitatibus publicis possent sufficere. Hinc Cicero vocat eos necessarios Apparitores. Nec poterant eligi, qui alicui ministerio reipublicæ erant addicti. d. L. 1. Quamobrem vel ad ærarium deferri vel in commentarium Principis referri debebant, ut gauderent privilegiis eorum, qui reipublicæ causa aberant. L. abesse 32. ff. ex quibus caus. major. Qui erant supra statutum numerum, illis non gaudebant, quia navare operam reipublicæ non videbantur.

Superfunt aliæ duæ Leges, in quibus agi de Assessores non improbabiliiter dici potest. Prima est L. 4. ff. de Assess. Glossa ibi Comitibus exponit Assessores, de quibus agitur in eo titulo. Sed in his, quæ pertinent ad antiquitatem, & reconditarum literarum cognitionem, Glossa parum habet auctoritatis. At consensit Cujacius. Et quidem tanti viri auctoritas ipsa me frangeret. Sed cum semper in jure nostro Comitum nomine intelligendos esse solos Assessores sine ulla hæsitacione pronunciaverit, quod falsum esse hactenus demonstravi, non existimo temerarium esse, ab ejus sententia etiam in hujus Legis explicatione recedere. Itaque non sum alienus à sententia Joannis & Angeli, qui etiam hic omnes Comites putant comprehendendi. Quid enim causæ est, cur verbum generale ad solos assessores restringamus? Nempè quia in hoc titulo de assessores agitur. Sed quid prohibet etiam de alijs Comitibus agi, si in illis eadem sit ratio, idemque jus constitutum? Si verba generalia Legum ad rubricam, cui subj. & s. sunt, sem-

per restringere velimus, & explodere ea omnia, quæ ab ea aliena, non modicam partem juris civilis expungemus. Quod autem etiam hac Lege alij Comitibus præter Assessores comprehendantur, probari potest per L. Sed adde. 19. §. cum quidam ff. Locat. 5. Cum quidam exceptor operas suas locasset, deinde de is, qui eos conduxerat, decessisset, Imperator Antoninus eum Divo Severo rescriptis ad libellum exceptoris in hæc verba: cum per te non stetisse proponas, quominus locatas operas Antonio Aquila solveres, si eodem anno mercedes ab alio non accepisti, fidem contractus impleri, æquum est. Subinde Ulpianus ad confirmandum hoc imperatorum rescriptum, subjicit responsum Papijani de Comitibus, quod habetur in nostra L. 4. ff. de assess. per eadem verba. Hinc apparet, quod illud Papijani responsum de Comitibus pertinet etiam ad Exceptores.

Exceptores erant Apparitores, & de cohorte prætoria. Erant enim Scribæ, qui excipiebant, & scribebant verba, & dicta loquentis celeritate, ut velocitatem dicentis assequerentur. Notis enim quibusdam utebantur, quæ enquiri à Græcis, hoc est, signa vocantur. Ea invenisse Ciceronem refert Plutarchus: Mæcenasem Dion Cassius. Harum notarum, & signorum, quæ siglas dicebant, meminit Justinianus in L. ult. §. eadem pena 22. C. de veter. jur. enucl. Ab his notis dicebantur etiam Notarii. Titus Imperator in hac arte erat exercitatus in primis. Sueton. in ejus Vita cap. 3. E pluribus comperi, notis quoque excipere velocissimo solium, cum amanuensibus suis per ludum jocumque certantem imitari chirographa, quacumque videret: ac profecti sapè, se maximum falsarium esse potuisse. Hi autem Exceptores scribebant acta judicum, & acta Præsidum. Modestini, in L. inter eos 33. §. 1. ff. ex quib. caus. major. Eos, qui notis scribunt acta Præsidum, reipublica causa non abesse, certum est. Anastasius Imper in L. in sacris seriniis 12. §. modum. C. de prox. sac. seriniis. Jubemus pro editione actorum exceptoribus dimidiam solidi partem dari. In

L. ult. §. ult. C. de Castrens. & ministerian. Advocato quoque fisci, exceptoribus etiam, qui apud arbitros hoc munus officio, tertiam duntaxat solidi partem praeibimus. Legebant praeierea acta Praesidibus. D. Augustin. contra Crescon. Lib. 5. cap. 29. Legantur acta. Zenophilus Consularis dixit: Legantur; & legis N. exceptor ea, qua Diocletiano imperante acta fuerant. Quocirca dicebantur etiam ab actis, hoc est, Aëuarii. Sueton. in Julio cap. 55. Orationes aliquas reliquit, inter quas temerè quedam feruntur: ut pro Q. Metello, quam non immerito Augustus existimavit magis ab Aëuariis exceptam, male subsequentibus verba dicentis, quam ab ipso editam.

Erant ergo Exceptores Aëuarii, Notarii, Scribae. Scribae autem erant inter Comites Praesidis, & in cohorte praetoria: erant enim ex Apparitoribus. Cic. Lib. 3. in Verrem. de scriba ipsius Verris, cui quinquagesima deducta erat ex pecunia, aratoribus solvenda pro frumento. Sin autem & populus id voluit, & aequum est solvi aratoribus, suis apparitor parva populi mercede conductus praeabitur? Et infra. Qua in civitate C. Catoni, clarissimo viro, consulari homini HS. XVIII. millibus lis aestimata sit; in eadem civitate apparitori suo esse concessum, ut HS. uno nomine tredecies auferret? Alii legunt quatuordecies, tanti enim erat quinquagesima, quam Scriba Verris deduxerat. Scribam etiam comparat aliis Apparitoribus. Quamobrem enim scriba deducat, ac non potius mulio, qui advexit tabellarius, cuius adventu certiores falli petiverunt? praeo, qui adire iussit? viator, ac Venerius, qui fiscum sustulit? Erant enim Scribarum Decuriae, ex quibus Scribae Magistratuum desumebantur: & Praesidium Scribae rationes conficiebant, ut apparet ex hac oratione, & maxime ex epistola ejusdem Ciceronis Lib. 5. ad fam. epist. 20. quae tota est de rationibus confectis à M. Tullio Laurea Scriba Ciceronis. Decuriam autem emebant, ut in eam referrentur, sicuti emebantur aliae militiae, de quibus alibi diximus. Id. Cic. in ead. Orat. Noli hos colligere, qui nummulis corrogatis de nuptiarum bonis, ac de

scenicorum corollariis cum decuriam emerant, ex primo ordine explosorum in secundum ordinem civitatis se venisse dicunt. Sugillat hic Scribam Verris, quem ipse in concione annulo aureo donaverat. Secundus enim ordo civitatis est equestris, ad quem non pauci Scribae perveniebant.

Hoc videntur fuisse deterioris conditionis Exceptores Scribis, qui rationes conficiebant; quod hi salarium habebant à publico. Cic. supra: unus apparitor parva populi mercede conductus. Exceptores autem non semper id consequebantur, ut constat ex L. exceptores C. de numerar. Nimirum quia multi non erant adscripti militiae, sed in provincia, hujus erant, hoc munereungebantur. Ceterum quod Exceptores etiam salarium à publico perciperent, & scholam haberent, & ordine promoverentur ad primiceriatum seu principatum scholae & officii, probant evidenter. L. 1. §. in schola exceptorum C. de offic. Praef. Africa. L. ult. C. de apparitor. Praef. Praetor. L. 2. C. Theod. de numer. & actuar. & hoc salarium gaudebat prerogativa caltensis peculii L. ult. C. de castrens. pecul. mil. & praefect. Sed de salario infra dicemus.

Supereft L. 1. §. sed. etsi comites ff. de ex-12 traord. cogn. Sed etsi comites salarium petant, idem juris est, quod in professoribus placet. Non intelligo, cur restringi debeat ad solos Assessores. Non est id quidem improbable propter comparationem professorum: sed tamen necessarium non est. Neque enim comparat Comites professoribus quoad exercitium & munus: sed quoad cognitionem causarum. Videlicet, quod quemadmodum Praeses cognoscit de causis professorum, de quibus haecenus dixerat; ita cognoscit de causis Comitum: non quod eadem omnino sit in utrisque ratio: sed quod idem modus cognoscendi in utrisque servatur. Nam & de nutriciis idem extra ordinem jus dicit. d. l. 1. in fin. & de usu aquae, & de rivis, & de equis alienis à sciente possessis l. 2. ff. eod. & in multis aliis causis, quas generatim attingit Callistratus in l. 5. eod. Quae nihil commune habent cum professoribus, & Af-

sestioribus. Hoc amplius, si etiam iis, qui non sunt professores extra ordinem jus dicit, ut ludimagistris, librariis, notariis, tabulariis *d. l. 1. §. Ludi quoque*, cur non & Comitibus? Annon etiam inter Comites sunt librarii, notarii, & tabularii? Ergone jus dicit cæteris, non iis, qui sunt ex cohorte prætoria? Equid causæ est, cur dicere debeat jus nutricibus, & tot aliis, qui sunt omnino diversi generis, non autem suis Comitibus, quos ipsi respublica dedit adjucores publicorum negotiorum? Ita describit eos Cicero in *laudata epist. ad Q. Fratrem*. Quid Medici? Quid Haruspices? an erunt deterioris conditionis illi, qui sunt in ministerio Præsidis, quàm cæteri omnes, qui privatis locant operas suas. Porro in *laudata l. 1. in antecedenti §. 7.* excluduntur solum opifices, seu artifices artium, quibus propriè merces debetur; de mercedibus autem non cognoscit Prætor aut Præses, sed solum de salariis *l. qui mutuum §. 6. salarium ff. mand. l. 1. C. cod. l. creditor §. 2. §. inter venditorem. ff. de Alit. Empti.* Comitibus autem salarium debetur: & idèd extraordinaria cognitione peti debet.

13 Expositis cunctis Legibus, quæ ad Comites pertinent, de eorum salario pauca subjiciamus. Cic. *Lib. 5. ad Attic. epist. 10.* *Adhuc sumptus nec in me aut publicè aut privarum, nec in quemquam comitum. Nihil accipitur Lege Julia: nihil ab hospite: persuasum est omnibus meis, serviendum esse famæ meæ.* Legem Juliam tulit Julius Cæsar Consul cum Bibulo anno DCXI. quâ inter alia cautum erat, ut Præsidibus, & eorum Comitibus scænæ, & alia iter facientibus necessaria ministrarent. Idem Cic. *epist. 16. ejusd. lib. Levantur tamen misera civitates, quod nullus sit sumptus in nos, neque in legatos, neque in quæsores, neque in quemquam. Scito, non modo nos scænæ, aut quod Lege Julia dari solet, non accipere, sed ne ligna quidem, nec, præter quatuor lectos & lectum, quemquam accipere quidquam: multis locis ne lectum quidem, & in tabernaculo manere.* Et *epist. 21. Cave putes quidquam homines magis nunquam esse miratos, quàm*

nullum teruncium, me obtinente provinciam, sumptus factum esse, nec in Rempublicam, nec in quemquam meorum, præterquam in l. Tullium Legatum: is, ceteroqui abstinens, sed Julia Lege transita, semel tamen in diem, non ut alii solèbant, omnibus vicis; præter eum semel, nemo accepit. Respublica enim magistratibus in provinciam proficiscentibus subministrabat mulos, tabernacula, supellectilem, annonam. Cic. in *Agrar. contra Rullum. 11. Dat præterea potestatem verbo prætoriam, &c. deinde ornat apparitoribus, scribis, librariis, præconibus, architectis: præterea mulis, tabernaculis, centuriis, supellectile: sumptum habuit ex arario, suppeditat à sociis, &c. Deinceps. Quid me ista ledunt, scriba, lictor, præco, pullarius?* Hi erant de cohorte prætoria. Quoad tabernacula idem Cicero in *Pison. prope finem: Pellium nomine omnem quæstum illum domesticum, paternumque renovasti.* Quæstor enim ex arario pecuniam accipiebat, tum etiam à provincialibus tributorum, & vectigalium nomine exigebat. Prætor autem per mancipia ea omnia suppeditabat tum sibi ipsi, tum suis Comitibus, tum etiam militibus, quibus militaris annona dabatur. Cic. *cod. loco.* objurgat Pisonem, quod pecuniam acceptam ab arario Romæ in quæstu reliquisset. *Nonne sestertium centies, & octogies, quod quasi vasarii nomine, in venditione mei capitis adscriperas, ex arario tibi attributum, Roma in quæstu reliquisti.* Hanc pecuniam per suum Scribam Prætor in rationes referebat; quas ex Lege Julia in duabus civitatibus ejus provincie, quam administraverat, perscriptas relinquere tenebatur, & Romæ reversus ad ararium referre. Et post relatas rationes intra mensem deferre etiam nomina Comitum, & contubernaliū. Cic. in *epist. 20. lib. 5. Liberum enim mihi tempus ad eos deferendos existimabam dari: postea certior sum factus, triginta diebus deferri necesse esse, quibus rationes retinissim.* Et paulo ante: *Scito à me & tribunos militares, & præfatos, & contubernales duntaxat meos delatos esse.* Contubernales, seu Comites duntaxat suos se detulisse proficetur, non tribunorum: nam & ipsi

& ipsi Comites habebant. Hæc lucem affertur responso Modestini in l. abesse 32. in fin. ff. ex quibus caus. major. ibi : qui ad ærarium delati , aut in commentarium principis relati sunt. Delati ad ærarium Comites magistratuum dicebantur , qui ab ipso magistratu deferebantur : hoc enim verbo propriè utebantur , ut ex superioribus Ciceronis verbis apparet. Relati in commentarium principis , qui in eo describebantur , quod nos dicimus , mettere , è scrivere al ruolo del Principe. Delati autem in ærarium quibusdam beneficiis fruebantur , de quibus infra. Hinc etiam intelligimus ejusdem J. C. responsum in l. seq. §. 1. id enim exponi debet de Comitibus , qui non sunt ad ærarium delati. Horum exemplum apud Ciceronem lib. 1. in Verrem. Accepi vices ducenta , triginta quinque millia quadringentos XVII. nummos : dedi stipendia , frumenta , legumina , praefectoribus , cohorti pratoria HS. mille sexcenta , triginta quinque millia , quadringentos XVII. nummos : reliqui Acimini HS. sexcenta millia. Sed hoc exemplum singulare fuit , & acriter à Cicerone reprehensum. Olim igitur suppellex & annona Praefidis ejusque Comitibus suppeditabatur. Lamprid. in Alexandro Severo. Judices cum promoveret exemplo veterum , ut & Cicero docet , & argento , & necessariis instruebat : ita ut Praefides provinciarum acciperent argenti pondo vicena , phialas senas , mulos binos , equos binos , vestes forenses binas , domesticas singulas , balneares singulas , aureos cemenos , coquos singulos , & , si uxores non haberent , singulas concubinas &c. reddituri deposita administratione mulas , mulos , muliones , & coquos : cetera sibi habituri , si bene egissent : in quadruplum reddituri , si male. Morem igitur veterem renovavit Alexander , nisi quod vasario & salario veteri addidit stipendium. Idque deinceps fere semper fuit ab Imperatoribus usurpatum , ut patet ex epistolis Valeriani apud Trebellium in Claudio , de quibus supra mentionem fecimus , & ex aliis scriptoribus Historiae Augustae. Primus Augustus , cum antea locarentur mancipibus ea , quae Praefidibus publicè attribuebantur , antea fuit ,

ut proconsulibus ad mulos , & tabernacula , quae publicè locari solebant , certa pecunia constitueretur. Sunt verba Suetonii in Augusto. cap. 36. Postea Pescennius Niger ad Antoninum , & Commodum scribens consuluit , ut adderent consiliariis salaria , ne eos gravarent , quibus assidebant : dicens , Judicem nec dare debere , nec accipere. Ita Spartianus in Pescennio Nigro. Dubitandum tamen , an hujusmodi consilium valuerit apud eos Imperatores : nam Lampridius hoc tribuit Alexandro in ejus Vita : Assessoriis salaria instituit , quamvis sæpe diceret , eos esse promovendos , qui per se rempublicam gerere possent , non per assessores.

His efficitur tam Comites , quam Praefides ipsos salarium , & omne lucrum à publico percipisse. Id autem primum vasarii nomine percipiebant , & cibarium. Cic. Lib. 4. in Verr. Neminem , qui cum potestate , aut legatione in provinciam esset profectus , tam amenam fore putaverunt , ut emeret argentum : dabatur enim de publico : ut vestem , praebeatur enim legibus : mancipium putaverunt , quo & omnes utimur , & non praeberetur de populo. Et supra ex Lampridio probavimus. Id. Cic. in laudata epist. 10. debes existimare eo minus ad te , vel de tuis cibariis , vel de mea liberalitate pervenisse. Cibaria dixit Cicero : nostri annonam vocant. Annona autem comprehendit panem , carnem , oleum , vinum , sal , aliasque species , quas vocabant species cellarienses , hoc est , quae ex cella penaria promebantur. Item capitum , hoc est , pabula animalium , de quibus omnibus in toto tit. C. Theod. de erog. milit. annon. Pro his speciebus poterant & pretium juxta fori nunlationem accipere L. procuratores 31. C. Theod. de erog. milit. annon. Lucellum hoc dicitur à Catullo in epigr. supr.

Ecquidnam in tabulis datur lucelli
Expensum ? ut mihi qui memum sequor
Pratorem refero datum Lucello.

Erat & aliud lucellum , quod vel à volenti-

bus provincialibus, ipsis impertiebatur, vel permissu Prætoris ab ipsis exigebant, vel ex sua negotiatione percipiebant. Cic. *Lib. 3. in Verr. Age, quid tum? Si Apronio, delicti Prætoris, lucelli aliquid iussi sunt dare, putate Apronio datum, si Apronianum lucellum, ac non prætoria præda vobis videbitur.* Probat deinceps, tam immanem summam, non Apronii lucellum esse potuisse, sed prædam Verris Prætoris focos expilantis, & provinciam diripientis. Catullus, qui Memmium Prætorem in Bithyniam secutus erat, distinguit id, quod de publico acceperat, ab eo, quod in provincia natum dicitur: & queritur, neutro se locupletatum. Nam cum provinciales Memmium odissent, non pili faciebant ejus cohorte: rem. Præsertim vero, quia Prætor ipse quæstum facere volebat, adeoque mala provincia inciderat Catullo. Quare Romam reversus Prætor, à Cæsare fuit postulatus repetundarum. Itaque Prætores avari, qui omnia sibi arrogabant, aut nihil, aut minimum lucelli Comitibus & cohorti relinquebant. Itaque etiam Pisonis cohors à Catullo inanis dicitur, quia cum Piso provinciales vexasset, & provinciam exhaustisset, ut refert Cicero in *Pison. prope fin.* non cum quæstu compendioque dimissa est: nec quicquam à provincialibus abradi potuit, cum ipse Prætor immodicum honorarium extorsisset. Cic. *Qui modus tibi fuit frumenti æstimandi? qui honorarii? Siquidem potest vi & metu extorsum honorarium nominari.* Igitur Provinciales honorarium Prætori, aliquid etiam lucelli cohorti ejus attribuerent. Cic. *Qui modus tibi fuit frumenti æstimandi? qui honorarii? Siquidem potest vi & metu extorsum honorarium nominari.* Igitur Provinciales honorarium Prætori, aliquid etiam lucelli cohorti ejus attribuerent.

- 15 Tertio Romam reversi cum à Præatore, vel Præside ad ærarium delati fuerant, ex eo beneficia accipiebant. Cic. in sæpe laudata epistola ad Rufum. *Quod scribis de beneficiis, scito a me & tribunos militares, & præfectos, & centuriales dummoxat meos delatos esse.* Et paulo post. *Sane moleste tui, non illa beneficia tua potius ambitioni reservata esse, quam mea, qui ambitione nihil merer.* Et infra: *genus enim horum beneficiorum definitum lege non erat.* Beneficia hæc puto fuisse vacationes, quæ à fisco solvebantur. Tacit. *Lib.*

1. *Histor. Sed Orho ne vulgi largitione centurionum animos averteret, fiscum suum vacationes annuas exoluturum promissit: rem band dubie utilem, & à bonis postea Principibus perpetuitate disciplina firmatam.* Et non multo post de Vitellio. *Vacationes centurionibus ex fisco numeras.* Hæc beneficia dicuntur solatia in *L. quatuor 23. C. Theod. de palatin. sacr. largitionum.* Sunt autem solatia, seu beneficia, quæ solvuntur ex officio exeuntibus, non stipendii causâ, sed remunerationis ob gestum officium, vel ab Imperatore in die aliquo solemnî beneficentiæ, ac liberalitatis ergo donantur, quæ proprie vocabantur strenas, nos *mance.* In *L. 4. §. 1. C. de advoc. diversor. judicium.* dicuntur *puncti solatia*, nempe munuscula, quæ solebant largiri imperatores, quæ notata erant in scriiniis Præfecti Prætorio. A punctis enim derivatum est *expungere*, & *dispungere*, quod significat rationes putare & pariare, seu pares facere, ac delere *L. in omnibus 13. §. 1. ff. de divers. temp. præscr. L. si statum libera ff. de statu lib. L. compures ff. de reb. aut. jud. possid. & stipendia expungere est private militem stipendiis L. ex causâ ff. de re militari.* Et expungere nomen debitoris: delere nomen. Plaut. in *Cistell.*

*Nunc, quod reliquum restat, volo persolvere,
Ut expungatur nomen, ne quid debeam.*

Contrarium *purgere* erit, in rationes referre: quod tamen non est in usu. Erat tamen usitatum nomen puncti: *puncta* enim dicebantur suffragia singulorum civium in comitiis, quia punctis notabantur. Cic. in 1. *Tuscul.* & in *orat. pro Plancio*, & *pro Murena.* Hinc Horat. in *art. poet.*

Omne tulit punctum, qui miscuit utile dulci.

Sed ad solatia revertor. Erant igitur munuscula, quæ conferri solebant iis, qui dimittebantur, aut promovebantur, ob bene natam operam reipublicæ, quæ & beneficia

dicebantur. Utitur hoc verbo non in dissimili casu, id est, tutelæ, Callistratus in *L. à tutoribus* 33. §. ult. ff. de admin. tut. Idem verbum in *L. 3. C. de agent. in reb.* ubi statuitur, hæc solatia transire ad successores, si per mortem vacaverit officium: & in *L. ult. C. de silentiar.* ubi peculii castrensis Jus eis confertur: Etruscæ dicimus *paraguanio*. Hinc dicti Beneficiarii. *Tert. Beneficiarii, qui munerebus vacabant beneficio.* Vegetius tamen inter milites beneficiarios ait esse illos, qui beneficio tribunorum promovebantur, qui & Promoti dicebantur, ut in *C. Theodos.* Sed ad rem nostram. Habemus beneficiarios Præsidum, Proconsulum, & aliorum Magistratum, qui ipsis apparebant, & quorum ministerio utebantur in petquirendis reis, qui & officiales dicebantur, ut constat ex duobus edictis Maximini relatis ab Eusebio.

16 Hæc paulo uberius exposuimus, tum ut Leges juris nostri ad Comites pertinentes, non admodum accurate à nostris explicatas, declararemus: tum ut propositam controversiam & disceptationem de hypotheca & prælatione dirimeremus. Etenim à qua Lege, aut in cujus bonis hæc hypotheca fuit usquam in jure nostro constituta? Nulla Lex est, quæ Comitibus hanc tribuat hypothecam: ac ne vestigium quidem ullum; vel minimum hujus hypothecæ apparet in toto jure civili. Nulla sunt bona, in quibus hæc hypotheca potuerit à jure constitui. Sola Legis auctoritate tacitum, ac legitimum pignus inducitur: & quia plerumque contra voluntatem domini inducitur, Leges in eo concedendo valde restrictæ fuerunt. Tribuit Lex hypothecam in vectis, & illatis in prædium urbanum à conductore, sed ex tacita, ac præsumpta conventionione contrahentium *L. 4. ff. de pact.* quasi id ta. ite convenit inter locatorem, & conductorem *L. 4. ff. in quib. caus. pign. tac. contr.* Cum enim solerent locatores in locatione domorum sibi cavete de vectis, & illatis, Lex hanc consuetudinem quotidianam confirmavit, & statuit competere hanc hypothecam, etiam si de eâ nominatim non convenisset; quia quæ

moris sunt, & consuetudinis, in contractibus bonæ fidei habentur pro expressis *L. quod si nolit. 31. §. quia assidua 20. ff. de edict. edit.* Et cum dubitaretur, an in provinciis idem Jus obtineret, Justinianus ad eas extendit in *L. ult. C. in quibus caus. pign. tac. contr.* idque non sine causa: tali enim, ut ipse ait, *juxta præsumptione omnes nostros perpotiri declaramus.*

Fiscus quoque habebat tacitam hypothecam *l. antequam 46. §. fisci ff. de jure fisci l. 3. C. de privileg. fisci.* eademque Cæleri tributa fuit. *l. 6. in fin. ff. eod.* Sed utrique propter publicam utilitatem, ut onera publica sustinere possint, & armis tueri reipublicam, & pacis artes promovere, Vetetes enim paucissimi fuerunt in largienda hypotheca, cum id vergat in præjudicium aliorum creditorum, & nonnisi gravissima de causa concedebant. Justinianus fuit aliquanto liberalior, eamque dori concessit *l. in rebus 30. C. de jure dot. §. fuerat. Inst. tit. de all. l. un. §. 1. C. de rei. uxor. all.* sed in hac publica causa versatur *L. 1. ff. sol. matr.* & legatariis, quæ nemini tamen præjudicium affert. *l. 1. C. commun. de legat.*

Sed neque veteres, neque ipse Justinianus 17 tacitam hypothecam cum prælatione Comitibus usquam dederunt. Nec ulla erant bona, in quibus hypotheca legitime, ac rectè ratione constitui posset. Cum enim de publico, ac de ærario salaria Comitibus essent attributa, numquid in pecunia ipsius ærarii, aut in publicis vestigialibus hypotheca erat constituenda? At hoc neque ratio, neque publica utilitas patiebatur. Fiscus enim habet tacitam hypothecam cum prælatione in bonis suorum debitorum: non contra, creditores eam habent in bonis fisci. Poterat eis dari in bonis mancipum, qui salaria Comitibus suppeditanda redimebant. Sed in his tacitam hypothecam habebat fiscus, non Comites: neque enim Comites cum mancipe contrahabant, sed quæstor: nec manceps Comitibus, sed quæstori, ac fisco, seu ærario publico obligabatur. *l. ult. C. quo quisque ordine.* Maximo argumento est, quod cum primipilo impositum esset onus solvendi sa-

laria, & amonas militibus, non solum ejus omnia bona erant tacite obligata, sed etiam, quod est omnino singulare, dos uxoris, & filiorum bona, etiam si parentum non sint hæredes. *l. ult. C. de primip. L. Satis notum C. in quib. caus.* Sed non sunt obligata ipsis militibus, sed fisco. *Laud. LL.* Si salarium militum armatæ militiæ, in qua reipublicæ salus continetur, non habet hoc privilegium, multò minus habere debent milites togatæ militiæ Præsidis, hoc est, Comites pro suo salario.

- 18 At enim, aicbant advocati Comitum, de salario Comitum cognoscit extra ordinem ipse Præses, sicut de salario professorum *l. 1. §. Sed etsi comites ff. de extraord. cog.* Salarium Comitum habet jus castrensis peculii *l. ult. C. de castrenf. pecul. omn. palat.* Etiam diem functo Præside salarium residui temporis debetur *l. diem functo 4. ff. de aless.*

Sed quid hæc omnia commune habeant cum hypotheca & prælatione, non intelligo; Cognoscit extra ordinem Præses ac Prætor & de usu aquæ, & de medico, qui morbum protrahendo compulsi ægrum ad vendendam sibi possessionem *l. 2. & 3. ff. de extraord. cogn.* Num idcirco ex his causis competit hypotheca, aut datur prælatio? De multis aliis causis extra ordinem cognoscitur, ut in *d. tit.* habetur, pro quibus non datur hypotheca. Jus castrensis peculii cum hypotheca conjunctum esse nusquam legimus. Etiam donatio Principis habetur pro castrensi peculio *l. cum multa 7. C. de bon. quæ lib.* & tamen nusquam legimus, pro ea dari tacitam hypothecam. Jus castrensis peculii in eo positum est, ut filiosam, in totum acquirat §. 1. *Instit. tit. per quas per: cuique acquir. l. 3. C. de castrenf. pecul. milit.* & quod in eo pro patrefam. habeatur *l. 2. ff. de S. C. Muced.* non in eo, quod habeat hypothecam, quæ nullâ Legge ei datur. Denique quod diem functo Præside Comitibus residui temporis salarium debeatur, nihil ad hypothecam. Annon æquum erat, ut qui Româ proficiscebantur ad Præsidem adjuvandum in publicis negotiis, & sua ipsi negotia, & lucra deserebant, totius temporis salarium

perciperent, si non aliis eo tempore Comites fuerint? *d. l. diem functo ff. de aless.*

CAPUT II.

Ad Eandem LL.

SUMMARIUM.

- 1 Secunda Comitum classis Imperatorem extra urbem sequentium.
- 2 Inter hos præcipui concubernalis, qui & amici & familiares: ac Comites intra palatium.
- 3 Comites intra Consistorium, sive Consistoriani, quos imperator consulabat.
- 4 Consistorii locum, ubicunque Principi cum Consistorianorum consilio prænniciat.
- 5 Comitum ingens numerus: in tres classes distributus.
- 6 Comites etiam distributi in varios ordines officiorum.
- 7 Comes dispositumum: alii Comites.
- 8 Comes scholarum, qui palatium custodiebat.
- 9 Hypotheca nulli concessa.
- 10 Comes sacrarum largitionum, Comes rei privatae.

HActenus prima Comitum classis. Sequitur secunda eorum, qui Imperatorem vel Româ proficiscentem, ac peregrinantem, vel in expeditionibus comitabantur. Hi dicebantur Comites Imperatoris: aliquando etiam amici: aliquando amici & Comites, seu amici vel Comites. Horum consilio atque ope tempore publicam administrabant, rescribebant de jure, causas judicabant, necessaria quæque expediebant. *Sueton. in Tito cap. 7. Convivia instituit jucunda magis, quam profusa. Amicos elegit, quibus etiam post eum Principes, ut & sibi, & reipublice necessariis acquirerant, præcipueque sunt usi.* Memorat ante convivia, ut puto, quia amicos hosce in contubernium adficebant. *Lampridius in Adriano: Optimos quosque de Senatu in contubernium imperato ic maiestatis adficio.* Quemadmodum etiam Præsides amicis, & Coniugibus utebantur convictoribus *Cic. epist. 1. ad Q. Fratreem: Quos verò aut ex domesticis convictoribus, aut ex necessariis apparitoribus tecum esse voluisti.* Hos

appellat contubernales in *epist.* 20. lib. 3. Scio à me & tribunos mil. & praefectos & contubernales duntaxat meos delatos esse. Igitur etiam amici Comites erant: Sed amici utebantur contubernio Imperatoris, & convivebant: alii Comites non item. Ideo fere semper junguntur *amici*, & *Comites*; sed primo loco amici nominantur, quia familiares Imperatoris & contubernales. Spartian. in *Adriano*: Cum iudicaret, in consilio habuit non amicos solum suos, & comites: Sed etiam Jurisconsultos, & praecipue Julium Celsum, &c. Lamprid. in *Alexandro*: injuriam nulli unquam amicorum, comitumve fecit. Familiares etiam dicebantur. Spartianus in *Trajano*, ubi de *Adriano* scripsit: Post quassuram aëta Senatus curavit, atque ad bellum Dacium Trajanum in familiaribus secutus est; quandoquidem & vino indulsisse se dicit *Trajani* moribus obsequentem, ut docet corrigi Salmastius. Cæterum etiam Consules habebant suos contubernales. Cic. pro *P. Syll.* Lucius ille *Torquatus* cum esset meus contubernalis in consulatu. De *Prætilibus* non potest dubitari. Id. pro *Calio*: *Profectus* est in *Africam* *Q. Pompeio contubernalis*: Item pro *Planco*: *Adolescentulus* cum *A. Torquato* *profectus* est in *Africam*: Sic ab illo dilectus est, ut & contubernii necessitudo, & adolescentuli modestissimi pudor postulabat. & in *Bruto*: Qui se illi contubernalem fuisse dicebat. Sueton. in *Cæsare* cap. 2. Stipendia prima in *Asia* fecit *M. Themi* *Prætoris* contubernio: a quo ad arcessendam classem in *Bithyniam* missus, &c. In veteribus inscriptionibus fit mentio Comitum intra palatium, & Comitum intra consistorium. Comites intra palatium erant Comites contubernales, seu amici Imperatoris, qui in palatio habitabant.

3 Comites intra consistorium erant, qui in consistorio Principi adsidebant. Consistorium erat Syhedrium seu consilium Imperatoris, unde qui in consistorio adstant imperatori, consistoriani dicebantur. In *L. 5. C. Theodos. de fide test. & instrum.* Pars allorum habebitur in consistorio adstante *Jovio* viro clarissimo *Quaestore*: *Anatolio* *Magistro officiorum*:

Felice *Comite* *S. L. Imperator Julianus* *A. dixit*. Et in *L. 8. cod. Pars allorum habebitur in consistorio apud Imperatores* *Gratianum*, & *Valentinianum*. Consulebat consistorianos Imperator, ipse autem decernebat: ut apparet in his *Legibus*, & in *l. 2. C. de excusat. muner. Inductis* (hoc est in consistorium) *Firmino* & *Apollinario*, & cæteris principalibus *Antiochiensium* adstantibus *Sabinus* dixit, & cætera *Diocletianus* dixit. In *L. decurionum 12. C. de pæn. Imp. Diocletianus* & *Maximianus A. A.* in consistorio dixerunt. *Decurionum filii* non debent *bestiis* *subjici*, cumque à populo exclamatum esset, iterum dixerunt: vana voces populi non sunt audienda; nec enim vocibus eorum credi oportet, quando aut noxium crimine absolvi, aut innocentem condemnari desiderant. Videtur hoc actum fuisse in ipso theatro, ut rectè animadvertit *Gothofredus*; consistorium enim est, ubicumque Princeps cum consilio consistorianorum pronuntiat, ac decernit: Sicut jus dicitur, ubicumque *Prætor* salvâ majestatem imperii sui salvæque more majorem jus dicere constituat *l. jus pluribus 1. ff. de just. & jur. Lampridius in Alexandro Severo*: *Negoria*, & causas prius à *sereniorum* principibus, & doctissimis *juri*: *prætoris*, & sibi fidelibus, quorum tunc primus *Ulpianus* fuit, tractari ordinarique, atque ita referri ad se precepit. *Leges* de jure populi, & *ssis* moderatas, & infinitas sanxit; neque ullam constitutionem sancivit sine viginti juris peritis, & doctissimis, & sapientibus viris, iisdemque disertissimis non minus quinquaginta: ut non minus in consilio essent sententia, quam *senatusconsultum* conficerent. Vide sis, quantâ curâ negotia tractaret, & *Leges* conderet hic Imperator.

His probè constitutis, perspicuum est, 5 Imperatores non solum peregrè proficiscentes, & in expeditionibus Comites habuisse, sed etiam Romæ eos retinuisse, eorumque consilio republicam administrasse. Cum autem crevisset eorum numerus, qui in commentarium Principis referebantur, quod nos dicimus, *essere a' ruolo del Principe*: eorumque magna dignitas esset; eos omnes in tres

classes distribuebant. Erant enim Comites primi ordinis, secundi ordinis, tertii ordinis. Videtur autem id à Tiberio institutum, licet plerique putent à Constantino. Sueton. de Tiberio cap. 46. *Una modo liberalitate ex indulgentia vitrici profectus, cum tribus classibus factis, pro dignitate cujusque prima sexcenta sextertia, secunda quadringenta distribuit, ducenta tertia, quam non amicorum, sed gratiorum appellabat. Vides, infimam esse tertiam, dignissimam primam.* Lamprid. in Severo. *Moderationis tanta fuit, ut amicos non solum primi, & secundi loci, sed etiam inferiores agroantes viseret.* Amicos, id est, Comites. *Purgaverat enim palatium, comitatumque omnem abjectis ex antico ministerio cunctis obscenis, & infamibus, quos Helio- gabalus ex genere hominum turpissimo provexerat: nec quem, nam passus est esse in palatinis, nisi necessarium hominem.* Cum enim alii ante eum Imperatores, ac præcipuè Helio- gabalus multos palatinis adscriptisset homines nequam, & qui nullo usui erant, neque ullum præstabant servitium, sed honoris tantum, & salarii percipiendi causâ in commentarium principis relati erant: ipse jurejurando constrinxit, ne quem adscriptorum, id est, vacantium haberet, ne annonis rempublicam gravaret, dicens, *malum pupillum esse Imperatorem, qui ex visceribus provincialium homines non necessarios, nec reipublica utiles pasceret.* His efficitur etiam, tum salarium Comitum in annonis constitutum. Licet enim Augustus in pecunia solverit, ut supra diximus, tamen Tiberius pecuniæ parvus ac tenax ad sola cibaria retraxit. Sueton. in Tiberio cap. 46. *Pecunia parvus ac tenax Comites peregrinationum, expeditionumque nunquam salario, cibariis tantum sustentavit.*

6 Distribuebantur etiam Comites in varios ordines officiorum domus augustæ. Primum enim quatuor erant: scrinia palatii, memoriæ, epistolarum, libellorum, dispositionum. l. 3. & 4. C. de proxim. sacror. scrinior. Instituta autem fuisse videntur ab Augusto, suggerente Mæcenate, propter multitudinem negotiorum, quæ ab eo trac-

tabantur: ita ut ipse epistolas scriberet eâ diligentia, curaque, ut adderet etiam momenta horarum diei, vel noctis, quibus signatæ fuissent: ut refert Sueton. in ejus Vita cap. 50. Dion. lib. 32. sub fine. In scrinio memoriæ militabant viri quinquaginta duo, in aliis triginta quatuor, qui memoriales dicebantur. l. hac parte 10. C. de prox. sacror. scrin. Qui ipsis præstiebat, & erat caput, & princeps officii, dicebatur Magister scrinii; qui huic proximus erat, dicebatur proximus scrinii. l. 1. C. de magistr. sacror. scrin. l. 1. & 100 sit. C. de proxim. sacror. scrin. Errare videtur Cl. Salmastius, qui putat, eundem fuisse magistrum, & proximum: nam in C. Justin. distincti sunt tituli de Magistr. sacror. scrin. & de Proxim. sacror. scrin. Præterea in l. unic. C. de Magistr. sacror. scrin. privilegium, quod ab Imperatoribus conceditur magistris sacrorum scriniorum, extenditur ad proximos ibi: *Hoc beneficium ad proximos etiam sacrorum scriniorum, & ex proximis volumus propagari.* Item in l. 1. C. Theodof. de Magistr. scrin. statuitur, magistros scriniorum præferri. Vicariarum potestati, cui exequantur proximi scriniorum l. 2. l. 4. & passim C. Theod. de proxim. comit. caterisque &c. Illud animadvertendum, quod princeps dispositionum propriè non dicebatur magister dispositionum, sed Comes dispositionum, l. proximos C. de proxim. sacror. scrinior. & in rubr. C. Theod. de proximis comitibus &c. Ubi à proximis scriniorum distinguitur Comes dispositionum: quamquam in l. 2. ejusdem tituli etiam ipse vocatur magister: qui tamen dignitate minor erat magistris aliorum scriniorum, & exæquabatur proximis d. l. 2. juncta l. 1. C. Theodof. de magistr. scrinior. Horum operâ semper est usus Alexander Severus. Lamprid. in ejus Vita. *Post meridianas horas subscriptioni, & litioni epistolarum semper dedit operam, ita ut ab epistolis, & libellis, & à memoria semper assisterent: nonnumquam etiam, si stare per valetudinem non possent, sedirent, relegentibus cuncta librariis, & iis, qui scrinium gerebant &c. Spiritian. in Pescen. Nigro in fin. Cum hoc ei & Preselli iugererent, & officiorum*

magistri. Magistri officiorum iidem, qui magistri scriniorum. Trebell. in *Clandio.* Hanc autem epistolam ipse distasse perhibetur: ego verba magistri memoria non requiro. Lamprid. in *Alex.* Nam & consiliarius Alexandri, & magister scrinii Ulpianus fuisse perhibetur. Et paulo ante: *Negotia & causas prius à scriniorum principibus, & doctissimis jurisperitis, & sibi fidelibus, quorum primus tunc Ulpianus fuit, tractari, ordinarique, atque ita referri ad se precepit.*

Erant præterea Comites rei privatæ, sacrarum largitionum, sacri palatii, sacri patrimonii, de quibus agitur in propriis titulis Codicis Justiniani lib. 1. Vix potui risum continere, cum in primarij advocati consultatione legi Comitem scholarum, de quo in l. 3. C. de offic. magistr. offic. esse dapiferum, vel archutriclinum, qui summâ cuiâ nitebatur parare epulas principi eâ diligentia, quâ scholares student in scholis. Schola erat ordo militantium, qui palatium custodiebant. *Suid.* in verbo *ὀπαστῆς* & in verbo *ὀπαστής* Erant 3500. ex præstantissimis Armenis in scholas divisi, & idem huic magistro parabant, ac uberius cæteris militibus salarium percipiebant. Idem tradit Procopius in *Historia anecdotata.* In Orientis imperio scholæ erant undecim, ut constat ex l. ult. C. de locato. In Notitia Imperii orientis octo tantum recensentur: quatuor scutariorum, dux gentilium, una armaturarum, alia agentium in rebus. Sed his addendæ sunt alie tres, una silentiariorum, dux equitum, ac peditum domesticorum. Ex quibus dux tantummodò erant incermes, silentiariorum, & agentium in rebus; reliquæ omnes armatæ singulæ parabant suo Comiti, omnibus autem imperabat magister officiorum. Initio quidem octo dumtaxat scholis, de quibus modo diximus: nam scholam silentiariorum ipsi subiecit Xeno Imperator in l. 4. C. de silentiar. Scholis autem domesticorum peditum, equitumque videtur imperasse magister militum, ut apparet ex inscriptione l. un. C. de venat. ferat. Sed de scholis obiter, Erant & alii quamplurimi

Comites, de quibus in nostro Codice, & in C. Theod. Sicut & aliæ scholæ non solum palatinæ, quæ in imperio occidentali erant septem, sed etiam in provinciis, ut constat ex scholis Præfecti Prætorio Africæ, quæ recensentur in l. 1. C. de off. Præf. Præf. Afric. Sed hæc nihil ad palatinas.

Veniamus jam ad tacitam hypothecam, cujus cau. à suscepta est omnis hæc disputatio. Enimverò nihil quicquam occurrit in toto jure civili, quamobrem suspicari debeamus, hanc hypothecam Comitibus, & palatinis fuisse concessam. De his, eorumque dignitate, privilegiis, prærogativis, salario, annonis, latissimè, exactissimèque agitur in primo Libro Codicis Justiniani, nec non in tribus ultimis Libris; itemque in Codice Theodosiano ferè per totum: nec usquam hæc illis hypotheca conceditur; nusquam ejus sit ulla mentio; nusquam ipsius vestigium apparet. Quis igitur erit tam temerè audax, ut ipsam per arbitrio v. l. r. introducere? Jam verò quid causæ esse poterat, cur Imperatores contra seiplos concederent hujusmodi privilegium iis, quos ad excellentiam dignitatem evehebant: quos annonis & salario sustentabant? Porro invenio ab his exactam fuisse ab Imperatoribus satisfactionem in l. privata 14. C. de murt. legn. l. ultima C. Th. de diversis off. At Imperatores ipsis satisfecisse nusquam lego.

Denique quænam bona huic hypothecæ obnoxia esse debebant: ærariine, an fisci? Utrumque ad eò absurdum, ut nihil magis Imperatores duplex patrimonium habebant publicum, & privatum. Illud propriè ærarium: hoc fisco appellabatur. Plin. in *Panegy.* hæc rectè distinguit. *Fortasse non eadem severitate fiscum, quàm ærarium cobibes? Imò tanto majore, quanto plus tibi licere de tuo, quam de publico credis.* l. 2. §. hoc interdixit C. ne quid in loc. publ. l. procurator. C. de edend. l. 4. C. de numerat. *Ærario* 10 præerat Comes sacrarum largitionum: fisco Comes rei privatæ. Comes sacrarum largitionum habebat sub se decem scrinia: palatinos quingentos quadraginta sex. Comes

rei privatæ, seu privatarum largitionum serinia quatuor, palatinos trecentos *l. Salutaris* 16. & *l. seq. C. Theod. de palatinis sacrar. largit. & rer. privat.* Sed hæc post Constantinum. Antea sub regibus, & consuetudine republicæ pecuniam publicam administrabant Quæstores. Postea Præfecti ærarii creati, qui ærario præessent, tum ad Prætorios, prætoresque transiit hujusmodi munus, & ærarii cura, mandante id Augusto, Claudius autem ipsam collegio Quæstorum reddidit. Nero præturâ perfunctos, & experientiâ probatos delegit. Sed rursus non multo post Præfectis ærario restituta, ut constat ex *l. quidam* 12. ff. de his qua ne indig. & *l. 4. §. Si bona ff. de fideic. libert. l. Senatus* 15. §. quod si *l. Arrianus* 42. ff. de jure fisci. Constantinus autem novos hos magistratus creavit, Comitem sacrarum largitionum, & Comitem rei privatæ, penes quos totius pecuniæ publicæ cura erat & administratio: ad hos enim omnia tributa, & vectigalia provinciarum, & pecunia, quæ ex bonis publicatis & vacantibus redigebatur, & ex aliis imperii redditibus deferrebat, & ab ipsis in necessitatibus imperii erogabatur. Videndi Sueton. in *Augusto* c. 36. in *Claudio* cap. 24. Tacit. *Annal. Lib. 13. circa med.* Dion. *Lib. 54.* Summa illuc pertinet, ut intelligamus, ærarium quidem & fiscum habere tacitam hypothecam in bonis privatorum, privatos autem non habere in bonis fisci, cujus creditores erant palatini, à quo annonam, vestes, argentum, sternas percipiebant. *l. olim* 11. *C. Theod. de palatin. sacr. largit.*

- præstant. Inter hos Comites & Ducis militares, & limitanei.
 3 Comites militares in tres ordines distributi.
 4 Primi ordinis erat Magister militum, secundi Dux, tertii Tribunus.
 7 Magister militum subrogatus est in locum Legati.
 8 Messagerum militum variis numeris.
 9 Inter Comites provincias regentes eminebat Comes Orientis.
 10 Provincia Imperatoris Præfideles, Legatoria, & Præconsulares.
 11 Provincia populi Præconsularis.
 12 Provincie minoribus præerant Præfideles. Horum tres ordines.
 13 Præsides aliquando Comites.
 14 Procurator Caesaris multisariam appellatus. Ejus amplissima jurisdictio. Exornatur Tacitus 12. *Annal. cap. 60.*
 15 Exponitur *L. 8. §. 19 ff. de pass.*
 16 Equites & liberti officio Procuratoris Caesaris functi.
 17 Comites annonam de publico habebant, ipsi à Provincialibus exigebant. Ceteros redditus exigebat Procurator Caesaris, & n. 19.
 18 Caesaris mandato annona & salaria Comitibus militaribus assignabantur. Elegans hujus rei testimonium.
 19 Procurator Caesaris pecunias collectiones erogabas juxta mandata.
 20 Species ipsa exigebantur, non estimatio, quod observavit.
 21 Postea salaria adare licuit, imò & stellaturas. Stellatura olim vestita: postea permixta.
 22 Stellatura unde dicantur.
 23 Modus exigendi annonæ.
 24 Comes thesaurorum publicæ pecunia in Provinciis curam agebat.
 25 Comites & administratores nullam hypothecam habebant contra Imperatorem vel fiscum.

CAPUT III.

Ad Easdem LL.

SUMMARIUM.

- 1 Tres erant ordines dignitatis comitivæ. Comitiva primi ordinis in tres classes distributa.
 2 Pluribus modis acquirebatur.
 3 Comitiva secundi & tertii ordinis.
 4 Comites alii provinciam regabant, alii militibus

Superfunt Comites tertie classis, qui ad honorem & dignitatem comitatus evehebantur. Horum tres ordines: Comites primi ordinis: Comites secundi ordinis: Comites tertii ordinis. Eorum dignitas, comitiva dicebatur: itaque comitivæ erant primi, secundi, & tertii ordinis. Comites primi ordinis rursus in tres classes erant distributi. Alii enim comitivam primi ordinis obtinebant simul cum administratione provincie, de quibus in *l. un. C. Theod. de comit. qui provinc. regunt.* & *l. un. C. Theod. de comit. qui illustr.* & *l. 1. 2. & 3. C. Theod. de comit. rei militar.* Alii dicebantur vacantes, quibus comitivæ dignitas conferebatur

batur pro premio bene administratæ provincie, de quibus in *l. un. C. de com. vacans*. Alii pretio vel gratia comitivam impetrabant, qui aliis postponebantur, quia licet unum nomen sit, tamen est meritis æstimandum *d. l. un. C. Theod. de comit. vac.* Ex qua lege constat, quod dignitas honoraria semper cedit dignitati, quæ meritis quæsitæ fuit, etiam si hæc tempore posterior sit *h. l. & l. ult. C. Theod. de honor. codic. & l. ult. C. Theod. de primicerio, & Notar. Cassiodor. 6. variar. formul. 10. & 16.* Hoc autem ad Doctores ex privilegio maximè pertinet.

De hac comitiva primi ordinis passim tum in C. Justiniano, tum in C. Theodosiano. Eam non omnes eodem modo consequiebantur. Quidam eam ipso jure obtinebant, statim ac aliquod munus, aut officium ipsis à principe conferebatur, quia illis hæc dignitas erat annexa, ut illis qui provincias regendas susceperant *l. un. C. de comit. qui provincias reg.* ut Comites Egypti, & Ponticæ Diocæseos, qui principes erant inter Comites *l. un. C. de Comis. & Tribun.* Comites scholarum *d. l. un. l. 1. C. Theod. eod. tit.* Adseiores Præfecti Prætorio, *l. un. C. Theod. de Comis. qui illustrib.* Comites rei militaris *l. 1. & 2. C. de com. rei milit.* Alii eam obtinebant ob meritum, dum munus injunctum laudabiliter exequiebantur, ut archiatri *l. un. C. Theod. de Comis. & archiatri l. ult. C. de profess. & medic.* & illi qui in aliqua arte excellebant *l. un. C. Theod. de Comis. ord. primi ars. div.* Professores Urbis Constantinopolitanæ, qui post vicesimum annum eam consequiebantur *l. un. C. Theod. de professor. qui in urbe Const. l. un. C. eod. tit. in C. Justin.* Alii denique eam consequiebantur munere jam perfuncti, cum illud deponebant: ut principes agentium in rebus. *l. principes 6. C. de princ. ag. in rebus, & l. un. C. de vacat. publ. mun.*

De comitiva secundi & tertii ordinis mentio fit in *l. pro biennio 17. & seqq. C. Theod. de proxim. comit. disposit. l. in numero 8. C. Theod. de agent. in reb. l. quicumque 127. C. Th. de decurion.*

Erat & alia distinctio Comitum, quod alii provincias regebant, & provincialibus præerant: alii præerant militibus, quibus provinciam tuebantur: & hi Comites rei militaris dicebantur *l. 1. & 2. C. Theod. de comit. rei milit. & C. Justin. l. 1. & 2. eod. tit.* Hujusmodi erant Comites limitanei, qui limites imperii defendebant. Nam Augustus rerum potitus, provincias cum populo divisit, & ut milites sibi obsequentes haberet, eas provincias tuendas sumpsit, quæ barbarorum incursionibus erant expolitæ, & novem limites imperii constituit, & in illis viginti quinque legiones collocavit ad reprimendos hostium impetus, & continendas in fide provincias. Alios limites, aliasque legiones addiderunt Claudius, Vespasianus, Trajanus, & constituti sunt limites quatuordecim, & ad eos tuendos legiones triginta quinque. Quinquam Dion *lib. 55.* tredecim tantum limites recensent imperante Alexandro. Hicce legionibus ac militibus imperabant ac præerant Comites, aut Duces; in Oriente duo Comites militares: Leo auxit usque ad quinque, additis tribus aliis limitibus: Duces in oriente tredecim, qui postea aucti fuerunt. In occidente octo erant Comites, qui occupatis sub Honorio Hispaniis à Vandalis, & Alanis, & Illyrico sub Theodosio juniore ab Attila, ad sex tantummodò redacti fuerunt.

Comites militares alii erant primi, alii secundi, alii tertii ordinis, quos ita distinct Constantinus referente Eusebio in *lib. 4. c. 1. de vita Constantini*: & Comites primi ordinis erant ducibus digniores, ut erat Comes Egypti, & alii. Sed postea comitivæ dignitas ducibus etiam attributa. Tandem aucta ducum dignitas, Comitum imminuta. Duces enim toti provincie præerant, Comites singulis civitatibus: cujusmodi sunt hodiè nostri Comites, Comites, qui erant secundi aut tertii ordinis, Comites minores appellantur in *l. omnem C. Theod. Ne comit. & trib. levacr. præsent.* & Comites inferiores, ut in *l. seq. d. tit.* quibus privata succendi balnea prohibentur in duabus illis Legibus & in *l. un. C. Just. Ne rei milit.*

Com. &c. que ex duabus illis Legibus à Triboniano fuit confarcinata. Solis itaque Comitibus & magistris militum provinciales balneas privatas succendere tenebantur, hoc est, ligna conferte ad eas succendendas. Nam magistri militum erant Comites primi ordinis. Tribuni enim & Duces aliquando Comitibus dignitate decorabantur, sed secundi aut tertii ordinis. Itaque qui in l. 1. C. *Theod. de com. & tribun.* dicuntur minores Comites, & junguntur cum tribunis, illi in l. un. C. *Iust. cod. tit.* junguntur cum ducibus, & in l. 2. C. *Theod. cod. tit.* nomen inferiorum Comitum ad Duces refertur. Erat autem tribunus inferior duce, & tribunatus erat gradus, per quem ad ducatum ascendebatur. Commodi Imperatoris epistola relata à Spartiano in *Pescen.* *Pescennium forem virum novi: ei etiam tribunatus duos dedi: ducatum mox d. ilo.* Capitolin. in *duob. Maximin.* *Quid tantum laboras, cum ejus loci jam sis, ut ducatum pssis accipere: dixisse fertur; ego vero quo major fuero, tanto plus laborabo.* Erat autem tum Maximinus tri: unus quartæ legionis. Probabile igitur est, tribunos fuisse Comites tertii ordinis: duces secundi: magistris militum primi. Lamprid. in *Alexandro: jussit, ut ante tribunum milites quatuor ambularent, ante ducem sex, ante legatum decem.* Vides ordinem & gradum dignitatum. In locum autem Legatorum postea subrogati fuerunt magistri militum. Vegetius lib. 2. de re milit. cap. 9. *Legati Imperatoris ex consularibus ad exercitum mittebantur, quibus legiones, & auxilia universa obtemperabant in ordinatione pacis, vel necessitate bellorum, quorum loco nunc illustres viros consulis magistros militum substitutos.* Itaque magistri militum Comites erant primi ordinis. Atque ideo semper ipsis adjungitur titulus Comitibus, & nominantur Comites, & magistri, ut in l. secuti 8. C. *Theod. de metatis.* in l. 1. ne com. & tribun. & inscriptione l. 8. C. *Th. de re militari.* l. juniorum 18. de tyron. l. qui sine 16. de defensor. l. militarib. 128. de decurion. Magistri militum initio duo tantum fuerunt, alter pedum, equitum alter: iisque Constan-

tinus omne jus in milites concessit, quod antea habebat Præfectus Prætorio. Zosim. lib. 2. Theodosius eorum numerum auxit, & demum facti sunt quinque in oriente, duo in occidente. Zosim. lib. 4. Justinianus quoque alterum addidit, sublato Armeniz Comite in l. ult. C. de off. mag. militum. Ab his tamen appellari poterat, puto ad Præfectum Prætorio l. ult. C. de his qui per met. jud. non appell. Illud monendum, quod magistri militum occidentis dicebantur *præsensales*, l. penult. C. de apparit. mag. mil. quia in comitatu Principis manebant, eique præsentes erant.

Superfunt Comites quartæ classis, qui provincias regebant, & gubernabant. Horum princeps erat Comes orientis, qui provinciis quindecim imperabat, & habebat sexcentos apparitores, ut Theodosius & Arcadius desiniverunt in l. un. C. de apparit. comit. orient. Zosim. lib. 5. post. princ. Comitibus orientis magistratus ea potestas est, ut qui eum gerit, omnibus provinciis orientis administrantibus præsit, & quacumque non aguntur, ut par est, corrigat. Id autem non est omnino verum; nam Præfectus Prætorio orientis imperabat, & præerat provinciis quadraginta novem, ut constat ex *Notitia Imper. Orient.* Comes autem orientis solummodo provinciis quindecim, videlicet quinque consularibus, octo præsidalibus, duabus perfectissimorum, hoc est, Arabiæ, & Isauriæ, quæ perfectissimos judices habebant. Potior retum Augusto, qui cum populo partitus est provincias, illæ in tres classes divise fuerunt; in præsidales, legatorias & præconsulares. Lamprid. in *Alexandro: Provincias prætorias præsidales plurimas fecit, præconsulares ex Senatus volumine ordinavit.* Provinciæ prætoriz, & præsidales erant legatoriz. Legatoriz enim erant illæ, in quas Imperator Legatos mittebat, qui Legati Cæsaris in jure nostro dicuntur. l. 1. ff. de offic. Præsid. l. Legatus 20. ff. cod. l. hoc accusatores 12. ff. de accusat. l. 4. ff. de off. assessor. l. diem sancto 20. alias l. Sed addes. 19. in fin. ff. Locati l. non est 7. ff. de man. vind. In eas autem mittebant aut viros consulares,

aut prætorios cum consulari potestate, & hæ provincie consulares appellabantur. Si non cum consulari potestate mitterent, ut solebant in minoribus provinciis, in quas aut præfides, aut procuratores mittebant, illæ manebant præfides: & qui eas regerant, præfides, vel procuratores & præfides simul nominabantur. Itaque Pilatus, qui Judææ procurator erat, ab Evangelistis aliquando præfides, aliquando procurator dicitur. Nam procuratores Cæsaris alii causas tantum fiscales cognoscebant, & tributa, & vectigalia in provinciis exigebant; & hi nec provincias regerant, nec merum imperium habebant: alii vice Præsidum mittebantur, & hi provincias administrabant, & imperium

1 habebant l. 2. C. de pæn. l. non valet. 4. C. ad l. Fab. de plagiar. Provincia verò, quæ ordinabantur à populo, & in quas præfides mittebat Senatus, omnes erant proconsulares, quia qui eas regerant, proconsul dicebatur, cui Legatus ab eodem Senatu dabatur. Itaque provinciæ Imperatoris consulares dicebantur, & aliquæ etiam præfides, seu prætorie provinciæ, populi omnes proconsulares. Sed jure populi extrinsecus, & Senatui ablato, provinciæ proconsulares esse desierunt. Enim verò Probus Imperator jus Senatui restituit. Vopiscus in ejus vita: *Permissis paribus, ut ex magnorum judicium appellationibus ipsi cognoscerent, proconsules crearent, Legatos consulis darent, jus prætorium præfides darent.* Quæ verba meo judicio nihil aliud significant, quam Probum provinciarum administrationem Senatui restituisse: adeoque permisisse, ut in provinciis proconsulares, proconsules mitterent: in legatorias, legatos cum jure consulari: in præfides præfides cum jure prætorio.

12 Perfectissimi ad minorum provinciarum administrationem deputabantur. Hæc dignitas codicillis ab Imperatore conferebatur l. un. C. de perfectis. digni. Hi equitibus digniores fuisse videntur, ut apparet ex l. 1. C. Theod. de his qui ven. acas. impetr. Quamquam Valentinianus in l. un. C. de equest. dign. post Senatores secundum gradum tribuat equitibus. Perfectissimus erat Præfides

Arabie tempore Constantini, ad quam scripsit Imperator in l. cum reis 18. C. de pæn. ut constat ex ejus Legis inscriptione THEODORO V. P. PRÆSIDI ARABIE: hoc est, viro perfectissimo. Item Præfides Dalmatiæ, ut constat ex notis. Imper. Orient. & Præfides Isauriæ, qui inter clarissimos non recensetur. Hi quoque in tres classes divisi erant primi, secundi, & tertii ordinis, ut constat ex l. serinii 7. §. 1. C. de palatin. sacri. largit. Præfides fuisse perfectissimos ordinis primi, dubitandum non est: cum serinii auri ad responsum Primitivius esset perfectissimus ordinis primi 2. l. Ex perfectissimis quidam erant etiam Comites in l. 2. C. Theod. de bon. vac. Breves eorum plenissimos ad virum perfectissimum comitem, & amicum nostrum mitti.

Præfides etiam, & qui provincias regere-
bant, Comitibus dignitate decorabantur, & quidem primi ordinis l. un. c. de Comit. qui provinc. reg. Sed illis tantum Præsidibus, qui ab Imperatore mittebantur ad administrandam provinciam, hæc dignitas conferri solebat: accedebat enim plerumque illis, qui erant in ministerio principis. Ad hos referri
14 potest etiam Comes privatarum rerum diviniæ domus. Licet enim provincias non gubernaret, tamen in illis magnâ auctoritate pollebat: universum enim patrimonium principis administrabat, & agros pro totum orientis tractum existentes curabat l. hi quibus l. omnes l. pen. c. de fund. patrimon. l. universi c. de fund. rei privata, & omnibus titulis à tit. 58. usque ad fin. Lib. 11. Hic dicebatur etiam rationalis, & magister rei privatæ l. pen. c. ubi causa stat. ag. deb. & procurator Cæsaris l. 1. ff. de offic. proc. Cæsaris: item curator l. ult. ff. eod. vel procurator privatæ rationis l. procurator c. de edend. & Comes rei dominice l. ult. c. de fund. & salrio. rei domin. & Comes ærarii privati l. ult. c. de locat. præd. civil. l. 2. c. de bon. vacans. l. ult. c. de petit. bon. sublat. Hujus amplissimam jurisdictionem latè explicat Cassiodorus in 6. in comit. priv. præter causas enim fiscales cognoscebat etiam de causis status l. penult. c. ubi caus. stat. agi deb. de jure so-

pulcrorum, de causis incestus *l. qui contra c. de incest. nupt. Calliod. ibid. de corruptis judicibus Nevell. 124. §. 2. Tacit. Lib. 12. annal. cap. 60. prope fin. de Claudio Imperatore: Eodem anno sapinus audita vox principis: parem vim rerum habendam à procuratoribus suis judicatarum, ac si ipse stansset: ac ne fortuito prolapsus videretur, senatus quoque consulto cautum plenius, quam antea & uberius, & paulò post: Cùm Claudius liberos, quos rei familiari præfecerat, sibi que & legibus adsequerit. Frustrà Justus Lipsius in excursu ad lib. 12. annal. Tacit. tentat persuadere, hic agi de Procuratoribus, qui jure Præsidis provincias regebant, de quibus suprâ. Nam verba illa, quos rei familiari præfecerat, clarissimè ostendunt, Claudium hoc jus dedisse Procuratoribus rei privatæ, rei familiaris. Id. Tacit. lib. 4. Ann. cap. 15. paulò post princ. Ades ut Procurator Asia Lucilius Capito accusante provinciâ causam dixerit magnâ cum adseveratione principis: non se ei juri, nisi in servitiis, & pecunias familiares dedisse: quod si vim Prætoris usurpasset, manibusque militum usus foret, spreta in eo mandata sua: audirent socios. Ita vens cognito negotio damnatur. Utitur Tacitus hic eadem formâ loquendi, in pecunias familiares, cùm agat de Procuratore Cæsaris. Quorsum autem Claudius id confirmari senatus-consulto curasse, veritus, ne fortuito prolapsus videretur: ut ibi ait Tacitus. Si hoc Procuratoribus vice Præsidis dedisset, nihil tale verendum erat: ipsi enim præsidum jus & auctoritatem habebant: nam merum imperium habebant sicut Præsides: idèd sæpenumero præsidēs appellantur. Facem nobis præbet Pontius Pilatus, qui fuit Judex Procurator: Tacit. lib. 15. Annal. cap. 44. post med. Auctor nominis ejus Christus Tiberio imperante per procuratorem Pontium Pilatum supplicio affectus erat. Lucas in Evang. Anno autem quinto decimo imperii Tiberii Cæsaris procurante Pontio Pilato Judæam. Et tamen Pilatus habebat jus gladii. Joann. cap. 19. Nescis, quia potestatem habeo crucifigere te, & potestatem habeo dimittere te? Initium hujus rei jam olim ab Augusto. Tacit. lib. 12. cap. 60.*

Nam Divus Augustus apud equestres, qui Ægypto præfiderent lege agi, decretaque eorum proinde haberi jussit, ac si Magistratus Romani consisterent: mox alias per provincias, & in urbe pleaque concessa sunt, quæ olim à Prætoribus noscebantur.

Itaque ad rem. Ulpianus in *l. hi qui §. 15. transactiones 19. ff. de transact.* Transactiones alimentorum etiam apud procuratorem Cæsaris fieri possunt; scilicet si à sisco petantur alimenta: secundum quæ & apud præfatos ærarii transigi poterit. Transactio autem hujusmodi nonnisi apud Prætores fieri poterat ex oratione D. Marci *d. l. 8. in princ.* Hic locus Ulpiani nos admonet, falli eos, qui non distinguunt Procuratores Cæsaris à Præfectis ærarii: aliud fisco: aliud ærarium, ut suprâ probavimus. Quod autem Claudius procuratori suæ rei privatæ id concesserit probat perspicuè Ulpianus in *l. 1. in princ. ff. de Offic. procur. Cæs.* ubi de hoc agens Procuratore ait: Quæ acta gestaque sunt à procuratore Cæsaris, sic ab eo comprobantur, atque si à Cæsare gesta sunt. Confer hæc verba cum verbis Taciti, & hæc in re non hæsitabis. Illud planè non intelligo, cur Vir doctissimus excludat ab officio Procuratoris rei privatæ equites, & liberos, non autem ab officio Procuratoris cum præsidali potestate. Quia, inquit, equites non habebant jurisdictionem. Ita profectò: si non habebant magistratum aut officium, cui esset adjuncta jurisdictio: cujusmodi erat Procurator Cæsaris; tot. *tit. C. ubi caus. fiscal.* & nos suprâ probavimus. Sed demus, hæc de causâ non potuisse creari Procuratores rei privatæ: multò minùs igitur poterant esse Procuratores vice præsidis, qui non solum jurisdictionem habebant, sed etiam merum imperium. At hi erant equites Romani: Joseph. *de bell. Jud. Lib. 2. cap. 8. in princ.* ubi de Coponio equite Romano, Judex Procuratore, & Antiquit. Judaic. Lib. 18. cap. 1. in princ. Imò etiam liberti, ut Antonius Felix. Tacit. 5. *Hist. cap. 9. Judæa provinciam equitibus Romanis, aut libertis permisit; à quibus Antonini Felix per omnem sævitiæ ac libidinis jus regnum servili ingenio exerevit.* Sueton. in *Claud. cap.*

28. Nec minus Felicem, quem cohortibus & aliis, provinciæque Judeæ præposuit. Sed hæc in transcurso: ad Comites revertamur.

17 Comites, de quibus hæc dicitur, nullam habebant hypothecam in bonis Imperatoris: Sed nec habere poterant. Habebant enim annonam de publico ipsis assignatam, eamque subministrabant illis provinciales; & si non responderent ad tempus, poterant manu militari ab ipsis extorquere. Procurator Cæsaris pecuniam, & quidquid aliud à colonis debebatur, exigebat: Sed annonam, quæ Comitibus erat præstituta, ipsi exigebant. Ita interpretor verba Dionis Lib. 53. ubi ait, quod Procuratores Cæsaris ejus redditus in provinciis exigebant, præterquam id, quod Proconsules ex tributis exigunt, Cæsar autem, & Procuratoribus, & Proconsulibus, & Comitibus militariibus mandata dabat, quomodo in his se gerere deberent.

18 Si quis scire desiderat, quantum annonæ, ac salarii nomine acciperent, ponam hæc Valeriani Imperatoris mandata, quæ Probo, cui contulerat tribunatum militum, & Claudio assignat. Vopiscus in Probo: Miraris, quod imberbem tribunum fecerim: Sed non miraberis, si Probum cogitas adolescentem verè probum. Hinc igitur dabis.

Tunicas & fibulas	2.
Pallia Gallica fibulata	2.
Intercus paragaudias	2.
Patinam argenteam Librarum X. speculatam	
Aureos Antonianos	100.
Aureos Arelianos	1000.
Æreos Philippos	10000.
Curnis bubule diurna pondo	6.
Porcina pondo	6.
Caprina pondo	10.
Olei per biduum sextarium unum.	

Vini veteris diurnos sextarios 10. cum lardo bulalino. Salis, olerum, lignorum quantum satis est. Hospitia præterea eidem, ut tribunis legionum, præberi jubebis.

Claudio autem, quem tribunum Martiæ quincæ legioni dederat, multò plura dari præcipit, quia non quasi tribuno, sed quasi Duci ea detulit. Sunt autem hæc, apud Vo-

piscum in Claudio:

Frum entia annos modios	3000.
Hordei modios	6000.
Laridi Libras	2000.
Vini veteris sextarios	3500.
Olei boni sextarios	150.
Olei secundii sextarios	600.
Salis modios	20.
Cera pondo	150.
Feni, palea, aceti, oleris, herbarum quantum satis est.	
Pellium tentoriarum decurias	30.
Mulos annuos	6.
Equos annuos	3.
Cenclos annuos	10.
Mulas annuas	9.
Argenti in opere annua pondo	50.
Philippos nostri vultus annuos	150.
In strenis	47.
Et trientes	160.
In caucos, & scyphos pondo	11.
In caucos, & scyphos & zuma pondo	11.

Tunicas rufas militares annuas, sagoclamydes annuas duas; fibulas argenteas, inauratas duas; fibulam auream cum acu Cypria unam; balneum argenteum inauratum unum, annulum bigemum uncialem: brachiale unum unciarum septem; Torquem librale unum; cassidem inauratam unam; senta chrysographata duo; Lorica unam, quam refundat; Lanceas herculaneas duas; aclydes duas; falces duas, falces sennarias quatuor; coquum, quem refundat unum; mulionem, quem refundat unum; mulieres speciosas ex captivis duas; albam subsericam unam cum purpura Girbitana; subarmale unum cum purpura Mauri; Notarium, quem refundat, unum; strullatorem, quem refundat, unum; Accubitalium Cypriorum paria duo; Intercus parvas duas; fascias viriles duas; togam, quam refundat, unam; Latum clavum, quem refundat, unum; Venatores, qui obsequantur, duos; carpentarium unum; Curam prætoris unam; ligni quotidiani pondo mille, si est copia; sin minus, quantum fuerit, & ubi fuerit: coctilium quotidiana batilla quatuor; balneum unum, & ad balneas ligna: sin minus, lavetur in publico. Jam cætera, quæ

propter minutias scribi nequeunt, pro moderatione præstabis, sed ita ut nihil adaretur. Et si alicubi aliquid defuerit, non præstetur, nec in nummo exigatur. Qui explicationem quorundam verborum, quorum non est obvia intelligentia, desideraverit, adeat doctissimum Salsasium: ad rem nostram enim non pertinet hæc explicare. Quod ad nos attinet, pauca sunt expendenda.

- 19 Primum, quod hæc epistola à Valeriano scripta est ad Zosimionem Procuratorem Syriæ, cui mandat, ut hujusmodi salarium præstet ex suo privato arario. Procurator enim Cæsaris, qui arario privato ejus præerat, hoc est, fisco, pecunias à debitoribus fisci exigebat, easque in ea, quæ princeps mandabat, erogabat. Id docet Dio, *Lib. 53. τὰς τι ἀνά τ' ἀποδοῦναι ἐκείνους, καὶ πρὸς τὴν ἑμὴν ἀρχὴν ἀποδιδόντας*. Et annonas, & pabula animalium Præsidibus, & cæteris præstabat. *L. 1. C. decursu publ.* Habebant autem susceptores, qui pecuniam colligebant, & expendebant periculo ipsius Procuratoris. Itaque nec Comes privatarum largitionum, nec fiscus tenebatur, sed omne damnum spectabat ad Procuratorem rei privaræ, cui onus erat injunctum, ut annonas sumptumque familiæ rectorum provinciarum, & pabula animalibus, & quæcumque statuta essent, subministraret. *L. super 9. C. de jure fisci*. quæ ad Comitem rerum privatarum ab Imperatoribus scripta est. Constat igitur nullam potuisse hypothecam constitui, nisi in bonis Procuratoris favore fisci, & susceptorum favore Procuratoris.

- 20 Secundò observanda sunt illa verba: *Sed ut nihil adaretur*. Non poterant igitur pro annonis, & capito præstare aut exigere restitutionem: & hoc, ne provinciales gravarentur: idèdque præstanda, quæ ipsa provincia suppeditabat. Adare est ære vel argento adimare, idque pro speciebus debitis præstare. *Æs enim etiam argentum comprehendebat*. Suid. *καὶ τὸ ἀργὺν τὴν τιμὴν ἔχει*. *Æs, argentum signatum*.

Denique animadversione digna sunt ultima epistolæ verba: *ligni quotidiani pondo milie, si est copia: & rursus: si alicubi ali-*

quid defuerit, non præstetur, nec in nummo exigatur. Debebant igitur præstari, quæ in ea provincia proveniebant; sin aliter, ne sic quidem pro illis pecunia exigi poterat. Propter eam non poterant provinciales evitare solutionem, nam ab illis, si procrastinarent, manu militari extorquebantur: utinam verò ea solum, quæ pendi debebant. Cùm enim illi, qui ad exactionem mittebantur, pro cupiditate & libidine suâ graviter ex provincialium visceribus eruerent prope infinita, Honorius & Theodosius constituerunt, ut ad similitudinem militum, quibus ærariæ præbebantur annonæ, adare liceret. *L. annonas 15. C. de erog. milit. ann.* quæ deprompta est ex *L. penni. cod. tit. in C. Theod.* Antè tamen severissimè erat interdictum annonas adare. *L. nequis 18. L. nulli 20. C. Theod. cod. tit.* Postèa collabente disciplinâ etiam stellaturas adare permixtum. *L. ex provin-* 21
ciarum 28. C. Theod. cod. Stellatura dicebatur, quidquid tribunus ex salario, atque annonâ militibus debitâ decernebat, ac delibabat sibi que retinebat. Olim quidem capite saucitum, ne quis stellaturas acciperet. Spartian. in *Pescennio: Nam & Imperator tribunos duos, quos constitit stellaturas accepisse, lapidibus obrui ab auxiliariis jussit*. Lamprid. in *Alexandro Severo. Annonam militum diligenter inspicit: tribunos, qui per stellaturas militibus aliquid tulissent, capitali poenâ affecit*. Postèa non solum permixtum fuerunt stellaturæ, sed etiam earum adæctio. Tandem Justinianus eas in limitaneis & comitatensibus militibus interdixit, impositâ quadrupli poenâ, & dignitatis privatione *L. 2. §. pro limitaneis d. in fin. & §. seq. C. de offic. Præf. Prator. Africæ*. Unde fuerit stellaturæ nomen deductum, non constat inter doctos.

Multi multa, & varia. Cl. Salsasius à 22
stellione & stellionatu deductum fuisse nomen stellaturæ putat. Durum id quidem: præsertim quia, non per fraudem à militibus auferebantur, sed titulo donationis gratulæ *L. si quas. 29. C. Theod. de erog. milit. annonæ*. Licet Justinianus in superiore §. 8. per fraudem eos accipere dicat; tamen

ibi agit generaliter de omnibus lucris, quæ duces & tribuni captabant, consuetudinem allegantes. Gothofredus in *C. Theod.* putat à stilla dictas, & legendum *stillaureas*, non *stellataureas*. Sed apud Scriptores Historiæ Augustæ semper legitur, *stellatura*. Omitto alias ineptissimas interpretationes. Equidem non video, cur non deduci possit à stellis. *Astellis*, *stellare*, *stellatus*, quæ passim usurpantur; cur non etiam *stellatura*? ut à *præfatus*, *præfectura*: à *sumum*, *sumura*, & simile. Quidni autem dici possit id à similitudine stellarum deciduum, & discurrentium, quas è numero, & congerie stellatum decerpas in terram, & mare prolabi vulgò creditum est: seu, ut Plinius putat, à stellis ipsis extrudi nimio alimento tracti humoris, quemadmodum à lumine scintillæ identidem egerunt & extruduntur, fuisse ad militum annonam tractum. Sicut enim stellæ vagantes & discurrentes è cælo decerpuntur, cujus minimæ sunt particule, ita minimæ illæ partes, quas tribuni ex militum annonis decerpebant, quasi stellæ deciduæ, stellaturæ nomen dederint illi delibationi, & abrationi salarii militaris. Minima enim erat salarii pars à tribunis abrafa: neque enim poterat excedere annonam septem dierum *l. septem 12. C. de erog. milit. annon.* ex qua corrigenda est. *l. à provinciarum 25. C. Theod. eod. tit.* in qua pro *septem*, legitur *semper*. Enimverò de origine hujus nominis nihil affirmo, & quæ dixi, ad vulgi opinionem locutus sum, quem penès arbitrium est, & jus, & norma loquendi. At hæc non magni sunt momenti. Ad hypothecam tacitam revertamur.

- 23 Summa rerum hæc est. Provinciæ tributum indicebatur à Præfecto Prætorio, vel ab ipso Imperatore, & quidem ut plurimum in speciebus annonaariis ad alendos milites, & solvenda salarii tribunis, ducibus, comitibus, præsidibus, & aliis. Provinciæ frumentum, hordeum, oleum, laridum, capitum & alias species annonas, seu cellarienses suis impensis in horrea publica deserebant. Susceperunt eas in horreis condebant. Dabantur autem de publico illis arci, seu la-

pidei modii cum sextariis, & ponderibus, ne quis fraudari posset. *l. modii 9. C. de canon. largit.* Si recipere recusarent, ipsi duplum fisco per Præsidentem inferre cogebantur, qui autem detulerat, liberabatur. *l. 1. C. de susceptor.* Si provinciales solvere negligerent, capitis pignoribus coëcebantur. *l. 1. & 2. C. de capiend. & distrab. pignor.* Pendere autem tenebantur frumenti quinquagesimam; hordei quadragesimam, vini & laridi vicesimam. *l. modios 9. C. de suscept.* Præcipua autem cura penès Præfectum Prætorio Julius Capitolin. in *Gordian. tertio* tefest, Misteum Gordiani præfectum eâ diligentia annonam provinciam procurasse, ut nulla nunquam esset civitas limitanea potior, quæ non posset exercitum Populi Romani, ac principem ferre, quæ totius anni in aceto, frumento, & larido, atque hordeo & paleis condita non haberet, &c. Cura verò pecuniæ penès Thesaurensem vel Comitem Thesaurorum vel Præpositam thesaurorum erat: his enim nominibus appellabatur, qui pecuniam publicam in provinciis colligebat, custodiebat, Romam trans mittebat *l. 1. & 101. tit. de susceptor. præf. & arcar. l. 2. c. de palatin. sac. largit. l. nullus 14. c. Theod. de divers. offic.* Hi autem ad rem sacri ætarii procurandam non ad mittebantur, nisi idoneas darent satisfationes *l. privata 14. c. de murileg.* Ita etiam tum susceptores, tum præpositi horreorum, tum etiam nominatores eorum obligabantur fisco: imò nominatores nihil poterant ab eis emere nec per se, nec per interpositum personam, quod est omnino singulare, licet illi nominatorum periculo administrarent, & Præsides etiam tenebantur, si negligerent curare, quæ debebant *l. 1. l. 2. l. 8. c. de susceptor.*

Constat igitur fiscum quidem obstrinxisse sibi Comites, & administratores rerum provincialium, contra eos nullâ obligatione fiscum aut impetatorem sibi devinxisse. Nec enim hæc obligatione cum hypotheca indigebant, cum in eorum potestate esset à provincialibus exigere, atque extorquere salarium sibi de jure debitum. Utinam verò id

tantummodò extorsissent. Multi miseros provinciales vexabant, diripiebant, expilabant. Hinc crebræ seditiones, & Romæ frequentissima judicia repetundarum, quæ passim occurrant in veterum scriptorum monumentis, in quibus tamen numquam sit mentio cujusquam Præsidis, qui convenerit imperatore. Porro nihil absurdum meo judicio potest existimari, quàm Imperatorem concessisse privilegium tacitæ hypothecæ contra semetipsum. Num fortasse vereri poterat, eos quibus honorem amplissimum, quæstuosissimum magistratum, regiam penè potestatem concedebat, hæc omnia repudiaturus, nisi concederet etiam privilegium tacitæ hypothecæ cum prælatione in omnibus suis bonis? Nuge.

CAPUT IV.

Ad L. deprecatio 9. ff. ad Leg. Rhod.

SUMMARIUM.

- 1 Antonini responsum male habitum ab Interpretibus.
- 2 Ignis & sequærum criminatioes & n. 3. 5.
- 4 Publicanis obscurare fas est; nec tamen nimia licentia eis concedenda.
- 6 Antoninus superbia accusatus defenditur.
- 7 Roma mundi domina. Romani rerum Domini. Imperator Dominus, & n. 9.
- 8 Augusti & Tiberii tempore Imperator Dominus jam vocabatur. Hac appellatio invaluit ante Antonini Imperium.
- 10 Ammiani Marcellini in Constantinum reprehensio quo sensu accipienda.
- 11 Imperator se dicit mundi æquis, quod significat eam, qui habet summam potestatem; non dicitur, quod significat dominum, cujusmodi est dominus erga servum.
- 12 Imperator se dominum dicit quasi habentem summam potestatem, sicuti habet lex.
- 13 Dominus apud Latinos indicat tam summam auctoritatem, quàm rerum dominium.
- 14 Domiali significatio multiplex. & n. 15.
- 15 Fines orbis angustiores à veteribus creditis.
- 17 Vera legis interpretatio.
- 18 Rhodæum Lex de publicandis navibus reſtratis in portu deſerenti.
- 19 Cauciterum geni & insule Rhodii attributa iisdem legibus usa.
- 10 Rhodiarum Leges & d'plex navalis, navigationes, divitia, solida.

21 Eudemis quæſtio fuit de navi, quam publicani contendebant publicam factam esse Legis Rhodia prætextu.

22 Rhodia Lex à publicanis longius producta. Sapientissima Antonini constitutio ad eorum improbitatem frmandam.

Nulla ferè alia Lex à nostris interpretibus adeò vexata est, ut humanissimum hoc, & prudentissimum Antonini Imperatoris responsum. Illi enim in optimum Principem injuriòs pravâ perverſique intelligentiâ turpiter ipsum calumniati sunt, quæ dicere voluit, non rectè percipientes, & quæ noluit, affingentes. Ab injuriis tam putidis, & contumeliosis opere pretium est vindicare sapientissimum justitiæ, clementiæ, moderationis exemplar.

Primum calumniatur ipsum Igneus, ejusque affectu, quòd dixerit Imperator se esse Legem maris, quid absurdus? Constitutio græcè scripta fuit: Non dixit autem, ἐγὼ εἰμι τὴν νόμον αἰρέων, νόμος δὲ θαλάσσης, sed ἐγὼ νόμος τῆς θαλάσσης. Quæ verba significant ipsum esse mundi dominum, legem autem esse dominam maris. Quòd græcè nesciverit, non reprehendo: quòd autem id ex verbis subsequenribus non comprehenderit, error est planè inexcusabilis. *Lex id Rhodiâ, quæ de rebus nauticis præscripta est, judicetur.* Si ipse Lex est maris, quâ ratione recusavit judicare, & Eudemum rejecit ad Legem Rhodiam, cujus nec auctor, nec conditor fuerat?

Idem, qui ne verbum quidem ejus Legis intellexit, iterum calumniatur Antoninum, quòd ita responderit irâ percitus contra piratas. Quorum piratas intrudat? Publicani, non piratæ, merces & naufragos diripuerant, sed publicani, videlicet qui publica vectigalia conduxerant. His potius obsecundare, quàm succensere, conveniebat Imperatori. Etenim, ut eleganter ait M. Tullius in orat. pro Cn. Plancio. *Hoc equitum Romanorum, ornamentum civitatis, firmamentum Reipublicæ, publicanorum ordine continentur. Nam imperium retineri sine vectigalibus nullo modo potest: ut idem monet in ep. 1. lib. 1. ad Q. Fratrem.* Quid causæ igitur erat, cur Imperator publicanos odio prosequi, ac persequi deberet?

deberet? Sanè Cicerò cum in Asia Proculus esset, Attico suo scribit in *epistola* 1. lib. 6. De publicanis quid agam, videris querere: hæc eo in deliciis, obsequer, verbis laudo, orno, officio, ne cui molesti sint. Et in laudata *epistola* ad Q. Fratrem. Quibus si adversamur, ordinem de nobis optime meritum, & per nos cum Rep. conjunctum, & à nobis, & à Rep. disjungemus: sin autem omnibus in rebus obsequemur, funditus eos perire patiemur, quorum non modo saluti, sed etiam commodis servire debemus. Prudentissime igitur Imperator, ne aut publicanos offenderet, & à se alienaret, aut nimiam licentiam, prædandique daret impunitatem; nihil ipse voluit in ea causâ decernere, sed Lege Rhodiâ jussit judicari: quâ de re nec Eudæmon queri poterat, nec publicani. Ilque ex consilio Volusii Metiani, qui hoc rescriptum refert in laudata *L. de precatio*. Multa enim de jure sanxit Antoninus, usque est jurisperitis Pnidio Peco, Salvio Valente, Volusio Metiano, Ulpio Marcello, & Javoleno. Ita Capitolin. in *ejus vita*.

Denique ut hanc Legem funditus everteret, ausus est proferre, Legem Rhodiam ab Imperatore tamquam pestiferam improbari. Quid perverius? quid intolerabilius dici potest, aut cogitari? Insaniam necesse est, cui Legem pericula, hoc in mentem venerit. Ad Legem Rhodiam scribere tot veteres Jurisconsulti, quorum in jure nostro clarissima sunt impressa vestigia. Extrat in eo titulus de *Lege Rhodia de jactu*. Paulus lib. 2. *recept. sentent. tit. 7.* eam explicat luculenter. Strabo lib. 14. de *insula Rhodo* admirabilem dixit eunomiam Rhodiorum, & curam de rebus nauticis: & alii scriptores pariter legis Rhodiar mentionem faciunt honorificentissimam. Ergone pestiferæ dici debent Leges græcis, latinisque literis celebratæ? Sed hæc adeo sunt absurda, ut ne refelli quidem mereantur.

Interpretes magis cordati criminantur fastum, arrogantiam, superbiam Antonini, quod se mundi dominum dixerit. An id jure ac merito, videamus. Nihil magis alienum ab hoc Imperatore, quam fastus, atque jac-

tantia. Capitolin. in *ejus vita in princ.* Sobrius, diligens, agriculator, mistis, largus, alieni abstinens: & omnia hæc cum mensura, & sine jactantia, & infia. Imperatorum fastigium ad summam civilitatem deduxit. & rursus. Amicis suis in imperio suo, non aliter usus est, quam privatus, & infia. Cum sibi & filiis honores peteret, omnia quasi privatus fecit. En! Imperatorem in omnibus vitæ suæ partibus moderatum ac temperantem. Illud satis mirari non possum, in reprehensionem incurrere superbix, atque arrogantix, responsum seu rescriptum plenum moderationis & acquitatis; in quo Imperator abrogat sibi facultatem judicandi de proposita direptione, quam ipsi & imperii majestas, & omnis ratio, & jura omnia concedebant, eamque Legi tribuit; in quo detrahit sibi quodammodo maris imperium, quod suo jure poterat sibi vindicare, illudque arrogat Legi, quæ nullam vim, & auctoritatem habere potuisset, nisi ex Imperatoris auctoritate. At enim vocat se mundi dominum. Non est arrogans, & insolens ostentatio? Non est ita: non est profecto. Quis unquam Romam non dixit esse dominam? Quis Romanos non appellavit dominos? Quis Imperatores hoc eodem titulo non decoravit? Horat. *Carmin. lib. 4. ed. 14.*

— O tu sola præsens
Italia, dominaque Roma.

Mart. lib. 1. *epigr. 3.*

Nescis, heu nescis domine fastidia Rome.

Dionys. Halic. lib. 1. Arnob. lib. 2. ipsam denique apud dominam Romam. Leo Papa in *sermon. 1. Apostol.* Nec mundi dominam times Romam, qui in Cayphæ domo expaveras sacerdotis ancillam. & alii scriptores passim hoc titulo Romam solent insignire. De Romanis Virg. lib. 1. *Æneid.*

Romanos rerum dominos, gentemque togatam.

Arnob. lib. 4. Romanos dominos rerum ac prin-

tutis exemplum refert in cap. 53. his verbis : *Dominum appellationem ut maledictum & opprobrium semper exhorruit. & paulo infra : Dominumque se posthac appellari ne à liberis quidem, aut nepotibus suis vel serio vel joco passus est.*

Magna sane animi moderatio. Sed nondum hic titulus adeo erat in usu, & auctoritas ac potestas Principis, & Imperii status nondum fundatus erat, ad quod ipse privatus ascenderat. Civilitatem quoque Tibetii extollit idem Sueton. in ejus vita cap. 26. *Civilem se admodum inter initia, ac paulo minus quam privatum egit.* Deinde cap. 27. refert inter alia hoc exemplum : *Dominum appellatus à quodam denunciavit, ne se amplius contumelie causa nominaret.* Exemplo scilicet sui patris, qui hanc appellationem ut maledictum & opprobrium semper exhorruit. Hic autem non semper, sed inter initia Principatus. Cur initio ita se gesserit, ostendit toto cap. 25. & supra indicavimus. Etiam Alexander Severus *Dominum se appellari vetuit.* Epistolas ad se quasi ad privatum scribi jussit. Sed hic ad remedium generis humani accipit Imperium : ita scribit Lampridius in ejus vita. Hos certe non est æmulatus Constantius, nec mores suos, vitamque ad horum exempla composuit. Horum igitur cooperatione vituperandus est. Hoc amplius observandum, quod Ammianus sive obrectandi studio, sive quia Constantius præter mundi totius dominum, æternitatem etiam sibi arroganter adscisciebat, verbum illud *mundi* accipit pro universo, quasi Constantius jactaret, se esse dominum cæli, ac terræ. Subdit enim, quod etsi plures mundos regeret, tamen universitatis dici non posset, cum secundum mathematicos *ambitus terra totius ad magnitudinem universitatis, brevis obtruncat puncti.* Nimirum scriptor hic & ad obrectationem propensior est, & sæpe otatorio more, quæ narrat, exaggerat, non historica ingenuitate exponit. Quid enim hac de re ipse sentiret, in precedenti libro ingenuè fateatur. Ibi enim describens ætates populi Romani, ejusque incrementa, ait : *In juvenem cretus, & civium, ex omni pla-*

ga, quam orbis ambit immensus reportavit laurea triumphos. Enim verò rectè. Nam & Cicero de Provinciæ consular. *Nulla gens est, qua non aut ita subacta, ut vix exeret : aut ita domita, ut quiesceret : aut ita pacata, ut victoriâ nostrâ, imperioque lætetur.* Inter acclamationes Aureliani, quas refert Vopiscus in ejus vita : *Per quem totus Romano nomini orbis est restitutus : aut in vita Taciti : Te deligimus, te Principem facimus : tibi curam Reip. orbisque mandamus.* Sueton. in Augusto cap. 94. *Quo natus est die, cum de Catilina conjuratione ageretur in curia, & Othavii ob uxoris puerperium tardius affuisset nota ac vulgata res est, P. Nigidium comperita mora causa, ut horam quoque partus accepit, affirmasse dominum terrarum urbi natum.*

Plura, quam necesse foret, fortasse cumulaui, ut ostenderem, in re tam usitata tamque communi omnium scriptorum consuetudine, injuriâ reprehendi optimum Imperatorem ; quæ, ut opinor, quibusdam satietatem afferent, atque fastidium. Ego autem, qui non sum stomachi adeo delicatus, in his non acquiesco : sed longius progredior observando, quod Antoninus non dixit se esse mundi *δεσπότην*, sed *κύριον*. In hoc, ut mihi videtur, alterum ab altero differt, quod illud propriè dominum significat, cujusmodi est dominus erga servos : hoc verò propriè significat eum, qui auctoritatem ac potestatem habet, etiam si verè ac propriè dominus non sit. Lucian. Nig. *τὸ Ἀραβὸς ἐν τοῖς ἐπὶ τὴν ἐκκλησίαν τοῖς δεσπότης καὶ τοῖς δούλοις.* *Arades in convivio dominos & servos recipiant.* Dion lib. 57. de Tiberii benignitate & summa æquitate ante mortem Germanici, *ἔτι γὰρ δεσπότην ἰσχυρὸν τοῖς ἐλλοδίοις, ὡς αὐτοκράτορα πλεον τοῖς σερβότοις καλῶς ἰσιν.* Neque dominum à liberis hominibus : neque Imperatorem, nisi à militibus, se vocari permittebat. & paulo infra : *καὶ παλαῖος γὰρ ἔλεγετο, ὅτι δεσπότης μὲν τῶν δούλων, αὐτοκράτωρ δὲ τῶν στεφανώτων, τὸν δὲ λαὸν περιεῖτο ὁ μὲν.* Sæpe dicebat, *sum quidem dominus servorum : militum Imperator : cæterorum vero Princeps.* Utrobique utitur verbo *δεσπότης*, non verò

κλεισθ. Aristid. in laudata oratione apposite distinguit tegem, & imperatorem ab hujusmodi domino. Ait enim de legibus Persarum : *οὗτω γὰρ ἦν καὶ αἱ τὰ ἐπείκειτο δίκητο : αὐτὸ ἦν ἰσὺν βασιλέως καὶ δεσπότης.* *Nondum Imperium à dominatu distinguebatur, nec differebat Rex à domino.* Utitur verbis *δεσπότης* & *δεσπότης*. Non ignoro, quod etiam aliquando more Persarum Princeps dicitur *δεσπότης*, ut apud Lucianum *δεσπότης Ἀπας*, distinguitur tamen à verbo *κύριος* juxta propriam significationem, Demosthen. *pro Corin.* *δεσπότης, ἰσὺν καὶ κύριος πάντων.* *Dominus, dux potestatem habens omnium.* Illud refertur ad eos, qui serviunt : hoc ad eos, qui sunt Imperio, ac potestati subiecti. Dicitur enim *κύριος* quasi *κύριος ἔχειν*, hoc est, potestatem & auctoritatem habens. Ideoque *κύριος* est, qui summam potestatem habet, ut rectè animadvertit Budæus in *Comment. Ling. Græc.* Demosth. *de fals. legat.* *τὴν βουλὴν πιστάτης τῷ δαύν κύριος αὐτοῦ τῷ πλείοντι τὸν τοῦτο.* *Cum populus Senatui potestatem dedisset quam citissime dimittendi legatos.* Polyb. *de Polit. Roman.* *πρωτὶς κύριος ὁ ἔσται.* *Pænā arbitrat populus : summa puniendi potestas penes populum.* Demosth. *ἐπὶ τῇ κρείττῃ αἰτίας πρὸς τοῖς ὁ ἔσται τὸν πλείοντι.* *Et quicumque summatus in quacunque civitate potestatem habent.* Notat Budæus, etiam tutores *κύριος* appellatos. Hoc amplius, quæ rata, firma sunt & pollent auctoritate *κλεισθ* dicuntur : hinc *κύριος ἔσται, κύριος γὰρ ὁ δὲ, κύριος ἔσται, fixa, & præstituta dies.*

12. His probe constitutis, quid est, in quo reprehendi possit Antoninus? Numquid non habebat supremam in mundo auctoritatem, ac potestatem? Et hoc sensisse Antoninum petipicue apparet : quemadmodum enim se ipsius mundi dominum vocat, ita & legem dominam maris: arqui lex non habet verum, propriumque maris dominum, sed auctoritatem, ac potestatem disponendi de rebus maritimis, quam ipsi tribuit legislator, qui ipsam condidit, sanxitque & sua auctoritate comprobavit. Scire Cic. in orat. *pro A. Cluentio* : *leges ait esse fundamentum libertatis.* & postmodum : *Legum denique idcirco omnes*

servi sumus, ut liberi esse possimus. Legis virtus est imperare, prohibere, permittere, punire, ut ait Celsus in *l. Legis virtus 7. ff. de Legib.* Imperio autem Legum obtemperare, vera libertas est. Hujuscemodi Imperium sibi arrogat Antoninus, cum ait *ἐγὼ εὐφροσύνην κύριος.* Haud aliter Alexander Magnus cum Anaxarchi de mundorum infinitate opinionem audiens flevit, & interrogantibus amicis, quid ipsi accidisset mali, respondit : *οὐκ ἔστιν ἀμάρτυς εὐδοκίαν ἔχων ἀσέβην ἐντὶ οὐρανῷ κύριος γυνήταρθ.* *Annon flere convenit, quod cum infiniti sint mundi, nondum unius domini facti sumus?* Simile est igitur utrinque imperium regis, ac legis: neutrum, ut nos dominio subigat, cogatque servire, comparatum est, Sed ut nos regat, tucatur, saluti felicitatique nostræ consulat, atque provideat.

Quamvis autem apud Græcos nomen illud *κλεισθ* sit multo lenius, ac remissius, quàm apud Latinos *dominus*: tamen & apud Latinos septennumero indicat solummodo præcipuam auctoritatem, potestatemque, non verum dominium. Cic. lib. 1. in *Ferr. Interca comitia nostra, quorum iste, sicut cæterorum hoc anno comitiarum, dominum esse arbitrabatur.* & lib. 5. in *Ferr.* ipsum *Prætorum, quod tota Sicilia prospexerit, redemptorem decemvirum, atque adeo aratorum dominum, ac Regem fuisse.* Id. lib. 3. *de Legib.* *Senatus dominus publici consilii.* Id. *pro Corn. Balb.* *Sui quemque juris retinendi, ac dimittendi esse dominum : hoc est, habere facultatem, potestatemque.* Id. lib. 3. *de offic.* *Una quedam virtus omnium domina & regina virtutum.* Et de animo : *enimque ut dominum, atque imperantem obedienti præfecit corpori.* *Recte.* Ait enim *pro A. Cluent. Mens, & animus & consilium, & sententia civilis posita est in legibus.* Ut corpora nostra sine mente, sic civitas sine lege, suis partibus, ut nervis ac sanguine & membris, uti non potest. Sicut igitur animus dominatur in corpore, ut ipsum conservet, ac regat, quo vigeat, crescat, & omnibus muneribus corporis apte congruenterque fungatur : ita Princeps legesque dominantur in civitate. Quocirca do-

minium Principis neque tollit dominium privatorum, neque ipsi obest, aut adversatur, sed tueretur, atque conservat. Recte Seneca de Benefic. lib. 7. c. 4. Jure civili omnia regis sunt: & tamen illa, quorum ad regem pertinet universa possessio, in singulos dominos descripta sunt, & unaqueque res habet possessorem suum. Subjicit deinde: Ad regem enim potestas omnium pertinet, ad singulos proprietates. Dominium tegis consistit in suprema illa potestate præcipiendi: cæterum verum dominium, videlicet jus pers. &c. disponendi de rebus suis habent ipsi privati. Verbu enim proprietatis apud Senecum non pro nuda proprietate est accipien tu n, sed pro prier o, perfectæque dominio, ut exp. accipitur in jure nostro l. quæ ratione §. item se o. ff. de acquir. rer. om l. si procurator 13. ff. eod. & l. cum in corpus 36. in fin. eod. l. Senec. Tōtus ager hujus aut illius Reip. e. &c. adeoque dona. e. agros nostros Reip. posuimus, quævis illius esse dicantur, quia aliter illius sunt, aliter mihi Et c. §. quemadmodum jub primo Rege omnia rex imperio possidet, singuli domino Cypiose admodum Dio. Chrysostom. in Rhodiaca, pag. mihi 314. §. seq.

14 Neque hæc abhorreant à jure nostro, in quo pluribus modis dominium dicitur. In l. Pronuntiatio 195. §. familie ff. de R. S. Paterfam. appellatur, qui in domo dominum habet. Dominium, hoc est, summam potestatem. Dominus enim à domo. Ennius apud Ciceronem: O domus antiqua, quam dispari domino dominaris? Quare Laetant. lib. 4. inf. tit. ait, dominum eum lem esse, qui & pater. Pater enim in domo supremam habet potestatem, & auctoritatem. Habebant etiam Romani dominium de jure quiritium, quod modis solemnibus acquirebatur, & dominium bonitarium, quod transferebatur simplici traditione. Qui erat dominus de jure quiritium, habebat summum, legirimum, perfectamque dominium; alter habebat rem in bonis, & ex ea commodum omne percipiebat. Quo pertinet illud Ciceronis in epist. 30. lib. 7. Nisi habeream socium studiorum meorum Atticum nostrum, cujus quando proprium te esse scribis mancipio, & nexu; meum autem

usu, & fructu; contentus isto sum. Id enim cuiusque est proprium, quo quicque fruitur atque utitur. Et in Epist. 23. Sum enim hujus mancipius, & Attici nostri Ergo fructus est tuus: mancipium illius.

Verum & a. l. e. ut hujus vocis significationes. In l. in venditionem ff. de reb. ant. jud. possid. appellatione domini fructuarius quoque continetur, & dominium usufructus tunc in l. 3. in fin. ff. si usufr. per. & servitutes domini appellatione continentur l. semper 1. §. ergo d. ff. quod vi aut clam. & dominium hæreditatis nominatur in l. his verbis 42. in princ. ff. de hered. instit. dominium proprietatis in l. acquiruntur 1. 10. de iis & l. quod fructuarius 40. ff. de acquir. rer. dom. Quid? quo l. etiam ille, qui in convivio erat arbiter bibendi, ut vocatur ab Horatio, & modimperator dicebatur, quia modum ac normam bibendi præscribebat, & imperabat, à Cic. in Verr. in frumentaria dominus dicitur. In cubiculo solus, in convivio dominus. Neque enim assensio Cujcio, qui putat hic dominum dici, qui convivium exhibet, quod aliquando significari non abnuo, ut Non. Marcell. affirmat. Verum hoc loco nihil leporis ac salis haberet. Qui in convivio Leges ponebat, rex ac domus vocabatur. Horat. lib. 1. od. 4.

Nec regna vini sortiere talis.

regem ac dominum junxit Mart. ut supra:

Qui me respiciet regem, dominumque vocabo?

Apronius igitur in convivio erat dominus, rex, modimperator: Leges ponebat, quibus Verres ipse obtemperabat. Id. Cic. lib. 5. Ille enim Prætor severus, ac diligens, qui populi Romani legibus numquam parvisset, illis diligenter legibus, qua in poculis ponebantur, obtemperabat. De convivio Verris paulo post: Huc omnes mulieres, quibuscum ille consueverat, conveniebant, quæ um, incredibile est, quanta fuerit Syracusis multitudine: huc homines digni istius amicitia, digni vira

illa, convivisque conveniebant. Inter ejusmodi viros, ac mulieres adulta ætate filius versabatur: & reliqua, quæ sequuntur. Scæpe autem ejusmodi convivia exprobrat Verri Cicero. In his conviviis dominabatur Apronius, cui magisterium Verres deferebat, non factu talorum assiduebatur. Caro apud Cic. de Senect. Me vero, & magisteria delectant à majoribus instituta, & is sermo, qui more majorum à summo magistro adhibetur in potestatis. Exprobrat igitur Verri familiaritatem, & quotidianam ac domesticam Apronii hominis nequissimi consuetudinem, qui ei adfidebat proximus in tribunali ad corrumpenda judicia, solus in cubiculo, ut cum eo de furtis, ac libidinibus consultaret: dominus in convivio, ut leges conviviis poneret, magister, rex, dictator, strategus, ut hunc vocat arguit Plautus. Scite autem opponit illa duo Cicero: in cubiculo solus, in convivio dominus: in cubiculo enim solus, ut secreto de rebus pessimis colloqueretur: in convivio vero dominus, ut in illo strepitu, & incondito clamore convivarum multitudini imperaret. Sed jam eo, unde digressi sumus, revertamur. Idem Cicero judicem vocat dominum rei lib. 2. d. o-at. & judiciorum dominos tit. 1. in Ver. & dominos auctionum in or. r. pro P. Quint. omnesque alios, qui aliqua potestate præditi sunt.

- 16 At Imperator Antoninus non habebat supremam potestatem in toto mundo. Huic argumento respondet Aristides in laudata oratione. *Quid? quod nihil vos effugit, non urbs, non gens, non portus, non locus ullus, nisi quem pro inuti habuissis.* Appian, in præfat. *In summa ut sunt prudentes, contenti maritimis regionibus omnium optimis, malunt has excollere, quam Imperium in infinitum proferre ad gentes barbaras, inopem domi, & nil succi afferentes dominis. Quarum aliquod ego vidi in urbem lezatos venisse, ut se, suosque populares dederent: nec receptor ab Imperatore, ut ipsi inutiles, &c.* Græca prætermisi, ne fastidio sum Græcarum litterarum fastidiosus. Gaius ille Britannus apud Tacit. in vita Agric. in Romanos Britanniam bello lace-

scientes acerbè invehitur. Sed nulla jam ultra gens, nihil nisi flatus, & saxa: & interiores Romani, quorum superbiam frura per obsequium & modestiam effugeris. Raptores orbis postquam cuncta vastantibus defuncta terra, & mare scrutantur: Si locuples hostis est, avari; si pauper, ambitiosi: quos non Oriens, non Occidens satiaverit &c. Interiores Romani: verba hæc nemo fere approbat: omnes ea mutant, alii aliter. Ego nihil mutandum censeo. Ait enim, quod ultra Britanniam nulla gens, nihil nisi fluctus, & saxa: intra vero esse Romanos, qui non solum tota terrarum orbem occupaverant, sed etiam magna ex parte Britanniam, & ut totum in potestatem redigerent, summa ope certabant. Supra dixerat: nulla ultra terra, ac ne mare quidem securum, & deinceps: nos terrarum ac libertatis extremos. Ultra Britanniam & Oceanum nihil erat, quod in ditionem redigere possent, intra Oceanum omnia subegerant: ulteriora non poterant, quia non erant: interiora jam possidebant. Claudian.

1. in Eutrop.

— Omne, quod ambit
Oceanus, domui.

& iterum

*Nec stetit Oceano, remisque ingressa
profundum
Vincendos alios quæsit in orbe Bri-
tannos.*

In alio orbe sitam Britanniam opinabantur.
Virg. eclog. 1.

— & toto divisos orbe Britannos.

Ultra Britanniam nihil esse. Eumenius Rhe-
tor. Ultra Oceanum vero quid erat præter Bri-
tanniam? Immo ultra progredi non licere pu-
tabant. Id. nulla progrediendi causa superest,
nisi si (quod natura vetuit) fines ipsius qua-
rantur Oceani. Et Arrianus: *ὅτι μὴ δυνά-
μις ὁρίων ἀνδραγαθίᾳ* dixit, alia loca fatali
quadam Deorum potentia non fuisse inventa.

Itaque Britanniam orbis terminum verè dicit Tacitus: ta etiam Catullus *ultimam Britanniam*, & Horatius *ultimos orbis Britannos*. Censenda enim & æstimanda res est non secundùm notitiam, quam nunc habemus: sed secundùm eorum temporum opinionem.

- 17 His expositis, plana est & perspicua, nullisque involuta difficultatibus legis sententia. Naufragus Eudæmon directus à publicanis Cycladum, contra direptores supplicat Imperatorem, eumque invocat, *Domine Rex, ἀνὲν βασιλῆ' Ἀντιόχου*. Antoninus auditi Eudæmonis prece respondit se dominum quidem esse, (refutavit nomen Regis, quod apud Romanos erat odiosum), scilicet mundi dominum, hoc est, se obtinere potestatem, & imperium mundi. Hoc autem non dixit, ut se magnificè jactaret, sed ut imperium, & potestatem suam cum lege partiretur, ac legi Rhodiæ communicaret, & rationem redderet, & causam afferret, cur preces supplicantis non exaudiret, nec in ea causa quicquam vellet decernere: nempe quia decidenda erat ex præscriptione Legis Rhodiæ, quam in rebus maritimis observari volebat, sicut etiam Augustus olim judicaverat. Viden ut ejusmodi rescriptum seu potius responsum sit plenum moderationis, humanitatis, justitiæ? Imperium mundi, quod ipse habebat, legi communicat. Quamvis sit Imperator, sibi non asserit auctoritatem decernendi, atque ne causæ quidem cognitionem. Facti rationem reddit supplicanti, comprobat eam exemplo & auctoritate Augusti quem honorificentissimè διούκτορ, divinitissimum, appellat: qui titulus: tum temporis non erat aded usitatus, quamvis postea gliscente adulatione invaluerit, ut constat ex Evagrio *Lib. 3.* Eusebio *Histor. Ecclæs. Lib. 9.* Socrat. *Lib. 6.* & aliis.

- 18 Species hujus legis desumi potest à M. Tullio, qui in *Lib. 1. de inventione* hujusmodi questionem, causamque proponit. *Lex est apud Rhodios, ut si qua rostrata in portu maris deprehensa sit, publicetur. Cum magna in alto tempestas esset, vis ventorum invitis*

navis Rhodiorum in portum navim coëgit. Quæstor navim populi vocat. Navis dominus negat publicari oportere. Et insià: Judicatio est. Cum rostratam navim in portu deprehensam lex publicariæ, cumque hæc navis in viis navis vi tempestatis in portum conjecta sit: oportetne eam publicari? En judicatio Eudæmonis. Legem hæc latam fuisse puto, postquam Heracleides Tarentinus fraudulenter à Rhodiis in portum receptus, opem in bello contra Philippum ab illo sperantibus, naves eorum incendit, ut narrat Polyæn. *lib. 8.* Sylla insulas quasdam Rhodiis attribuit. *Cic. Lib. 1. epist. 1. ad Q. Fratr. Caunius nuper omnes ex insulis, quæ erant à Sylla Rhodiis attributæ, confugerunt ad senatus nobis vi potius vestigal quam Rhodiis penderent.* At Dion Chrysost. in *Rhodiaca*, ait Caunios propter excessentem dementia atque nequitiam duplici servitute oppressos non solum Rhodiis, sed etiam Romanis servire. Non est igitur, ut mihi videtur, ambigendum Caunios & insulas Rhodiis attributas iisdem legibus usas fuisse. Illud verisimile est plerasquæ etiam insulas Aegæi maris, leges, & navalem disciplinam Rhodiorum adscivisse: Rhodii enim imperium maris diu tenuerunt. *Strabo Lib. 14. ἱθαλαπορεῖται πάλαι χρόνον. imperium maris diu tenuit. Euseb. in Chron. τίταρον τὸ ἱθαλαπορεῖται Ρῶδου καὶ τῆς ἡμετέρας* Quartum maris imperium tenuerunt Rhodii, & secundum aliquos, quintum. *Aristid. in Rhodiaca ἐνταῦθα καὶ τοὶ λαοὶ τὰ νῆματα καὶ τὰ ὄπλα καὶ τὰς τῶν θαλαττῶν ἐκροταί.* Incumbentia verò portibus navalia, quantæ & qualia fuerunt, cum imperio maris potiebantur. *Dion. Chrysost. in Rhodiacaorat. 31. in princ. τὴν ἐπίνοιαν τὴν ὑπερίπαινον ἀπασιν ἡ δὲ θαλασσαν ἐκλήθησαν ὑπερίπαινον.* Hoc in causa fuit cur majores vestri omnem terram & mare trophæis impleverunt. Et circa medium τὸ μετὰ τὴν καθάρτην δὲ Ἀλῆας ἐστὶν ὁ θαλάττης ἀπὸ τῆς ἐκλήσεως διὰ πολλὰν αἰὶνάν καὶ πόνον. Neque devictus Mithridates, neque Antiochus, neque maris imperium per multa pericula laboresque acquisivimus.

Item celeberrimæ erant Rhodiorum leges, & disciplina navalis. *Cic. pro Lege Manil.*

Non

*Non Rhodiorum, quorum usque ad nostram memoriam disciplina navalis, & gloria re-
mansit.* Strabo, *Lib. 14.* *Δαυματὶ δὲ καὶ ἡ
Ἀναμία καὶ ἡ ἑμπροσθία πρὸς τὴν ἄλλαν
πολιτείαν καὶ πρὸς τὰ τεύχεα αὐτῆς ἵσ' ἰσοκρά-
τες πολλὸν χρίον.* Admirabilis verò est le-
gum constitutio & cura tum *Reip.* tum rei
nautica, qua maris imperium obtinuit. Dion
in *Rhodiaca*: συντάξας τεύχεα πολλὰ ἡ μίχρη
Κύρου καὶ Κικιλάου, ὅτι μὲν εἰς Ἀἴγυπτον,
ὅτι ὃ ἵσ' ἑὺ εἶπον τὸ ὃ πλεονεχίον ἐν αὐτῇ τῷ
Περσέϊ. *Affiduis* triremis navigare non so-
lum usque *Cyprum* & *Ciliciam*: sed ali-
quando in *Aegyptum*, aliquando in *Euxi-
num*, denique in ipso etiam *Oceano*. Ait
autem Rhodios emisisse aliquando clas-
sem centum & complurium navium, &
rursus septuaginta & aliarum triginta,
atque has interdum non nisi post trien-
nium aut quadriennium revertisse. *Liv.*
Lib. 37. *Præstant* Rhodia *naves agilitate,*
& *arte gubernatorum, & scientiâ remigum.*
Ipsi etiam piratis mare purgant. Strabo:
καὶ τὰ ληστῆα καθάλλει. Et servandorum ho-
minum causâ longè à patria navigarunt,
& in Hispaniam colonias deduxerunt, &
Balears insulas considerunt, ut refert
idem Strabo. Quocirca & è mari natos
fuisse fabulabantur, ut refert *Diod.* *Sic-
cul. Lib. 5.* & Jovem aureum imbrem supra
Rhodum effudisse & aureis nivibus urbem
irrigasse, ut *Hom. Iliad. Lib. 2.* & *Pindar.*
Olymp. od. 7. quorum meminit *Arist.* in
Rhodiaca & alii non pauci. Nimirum navi-
gatio, & mercatura, & potentia immensas
opes congesserunt. Propterea apud nonnul-
los Rhodii erant oppido invidiosi, ut mo-
net *Dion in Rhodiaca*. Cùm igitur & legum
præstantia, & rei nauticæ scientia, & opulen-
tia, ac potentia cæteris longè antecellerent
Rhodii, vero simillimum est, non solum in-
sulas ipsis subiectas, sed etiam plerasque alias
Ægei maris eorum leges & instituta servasse.

21 Finge jam, quod profectò non erit à ve-
ritate alienum, Eudæmonis navem jactatam
tempestatibus & afflictam ad Cauni portum,
vel aliquam insulam, quæ Rhodiorum Le-
ge regeatur, appulisse, publicanos autem

navim, quam publicam factam, fuisse con-
tendebant, diripiisse Legis Rhodiæ præ-
textu: & Eudæmonem implorasse opem
Antonini, cumque respondisse, rem hanc
Lege Rhodiâ decidendam. Annon hæc omnia
sunt justitiæ consentanea & juris ordini
convenient? Atqui Lex Rhodiâ tantummo-
dò de nave rostrata scripta erat. Quid? an
quisquam vidit navem Eudæmonis, ut cer-
tò possit affirmare, eam non fuisse rostra-
tam, adedque Lege Rhodiâ non fuisse com-
prehensam? Scio, in minoribus navigiis
rostra imponi non consuevisse, sed navi-
bus longis. *Hirt. de bel'o Alexandr. c. 44.*
Vatinius cùm paucas in portum *naves longas*
haberet, navibus æliuariis, quarum numerus
satis erat magnus, magnitudine quamquam non
satis justa ad præliandum, rostra imposuit.
Vitruv. Lib. 10. *Is aries habuerat de ferro*
duro rostrum, ita ut naves longe solent. Rectè
solent: Non enim omnes longæ naves habe-
bant rostrum æneum, aut ferreum, sed illæ
tantum, quæ ad bellum, & præliâ construe-
bantur. Argumento est, quod thalamegi na-
ves rostris erant ornatae. Eas enim *θαλαμῆγε*
χρυσόπρυμνα καὶ χρυσισκάλα, dicit *Appianus*
in *Præf.* thalamegi auratis poppibus ac ro-
stris. Thalamegos autem à navibus ætatis
distinguit *Senec. de Benef. Lib. 7. c. 20.* imò
has illis opponit. *Cui triremes, & aratas non*
mitterem, luserias, & cubiculatas, & alia
ludibria Regum in mari lascivientium mit-
tam. Triremes, & aratas beneficii rependi-
di causa mittendas non esse Regi fero imma-
nique, qui perniciem exitiumque populis eor-
um epe sit allaturus. Hæ enim ad bellum
paratae erant. *Cubiculatas*, hoc est, thalame-
gos, quæ ad fovendam lascivientis luxuriam
sunt ædificate, mitti quia nulli perniciem
afferunt. Celeberrima est navis thalamegos
à *Ptolomæo Philopatore* constructa, ut *Nili*
navigatione luxuriaretur, quam concinnè
copiosèque describit *Athen. Dipnos. Lib. 5.*
& thalamegos *Cleopatraz*, in qua cum *Cie-*
sare luxuriabatur. *Sueton. in ejus vita c. 52.*
Cum qua & convivâ in primam lucem sepe
protraxit, & eadem nave thalamego penè
Æthiopiâ, tenus Ægyptum penetravit. Igitur

naves cōstate quietam habebant rostrum ære factore, ut plurimū in tricuspidē armatum, quas naves inimicis insursum præcipiti fodereant, ac scinderent, ac sepe submergerent: atque hæc naves arare dicebantur. Aliæ habebant rostrum neque ferro neque ære manitum, vel ornamentū causā, vel ut facilius maris undas siisterent, & mate fulcarent. Scitè Virgil. *J. Æneid.*

—— totumque dehiscit
Convulsū remis, rostrisque tridentibus
agnor.

Lucan. in *L. b. 3.*

—— nam murmure vasto
Impulsū rostris sonnit mare.

Id. Virgil. *Lib. 1. vers. 39.*

Vela dabant lati, & spumas salis ære
ruebant.

Sed hæc accuratius examinare non est hic locus Plane Eudæmonis navem, quā tam magnus iter in Italiam usque conficiebat, rostratam fuisse non dubito. Quid enim, si in piratas incidisset?

- 21 Nec illud quidem ambigendum puto, quin Lex Rhodiorum longius protracta fuerit atque producta usu invalescente, & publicanorum audaciā, & aviditate. Porro Antoninus ad frānan. tam eorum improbitatem constituit in *L. 1. C. de naufrag.* Si quando naufragio navis expulsa fuerit ad litus, vel si quando aliquam terram attigerit, ad dominos pertineat; fisci mens sese non interponat. Quod enim jus habeat fisci in aliena calamitate, ut de re tam luctuosā compendium scilicet? Hanc Legem Antonini esse, licet aliter inscribatur, rectè putant eruditi. Patet ex *l. ult. ff. de incendio, ruinā, naufrag.* Licet unicuique naufragium suum impune colligere constet; idque Imperator Antoninus cum Dico Patre rescripsit. Vide, quod processerat improbitas publicanorum. Rectè Juvenalis.

Res fisci est, ubicumque natat,

Tacit. *Lib. 13. annal. 50.* Eodem anno crebris populi flagitationibus immodestiam publicanorum arguentis, dubitavit Nero, an cuncta vestigalia tolleret: idque donum generi mortalium daret. & paulò post: Temperandas planè publicanorum cupidines, ne per tot annos sine querelâ tolerata novis acerbitatibus ad invidiam verterent. Subjicit hic edictum Imperatoris. Frequentes erant populorum querelæ ad Senatum contra publicanos. Cic. ad Attic. *lib. 1. Ep. 15.* Cato, qui miseros publicanos, quos habuit amantissimos sui, tertium jam mensem vexat, neque à Senatu responsum dari patitur &c. quare etiam legationis rejectum iri puto. Maximè contra Rhodios. De Cauniorum querelis Cicero ad *Q. Fratrem epist. 1. lib. 1.* cujus verba suprâ attulimus. *Liv. lib. 41.* Æquè miserabilis legatio Lyciorum, qui crudelitatem Rhodiorum, quibus à *l. Scipione* attribui erant, querebantur: fuisse sub ditione Antiochi: eam regiam servitutem collatam cum presentī statu præclaram libertatem visam. Caunii quoque aliquando à Rhodiis defecerunt, sed judicio Romanorum iterum in ditionem redacti. Strabo, *lib. 14.*

CAPUT V.

Ad Eandem *L.*

SUMMARIUM.

- 1 Expenditur *V. Cl. emendatio.*
- 2 Æthalia est l'vna insula in Thūsco mari, ferri sedinis celebris. & n. 3. 4.
- 3 Contraria Ptolemæi & Strabonis loca explicantur.
- 4 Si legatur Æthalia pro Italia, distantia à Cycladibus augetur.
- 5 Æthalia non est Chios, neque Lemnos, & n. 8.
- 6 Prava consuetudo diripiendi naves, ubi naufragium fecerunt.
- 7 Navis naufraga in oras longè diffusas nonnumquam jacebat.
- 8 Idem jus habent Principes in gentes ac provincias ipsi subiectas, quod habebat olim Romanus Imperator in totum mundum, cui tunc dominabatur.
- 9 Lex auctoritatem habet à Principe, vel à populo, nihilque destrahit eorum dominio.

Superiori dissertationi laciniam attexamus. Hanc legem magni nominis Critici, ex suā libidine quisque corrigit. Singulas emen-

dationes non persequar : longum id esset, atque inutile : nam fuciles sunt ferè omnes, illam tantùm attingam, de quâ Vir Clarissimus gloriatur : & quidem non temerè : est enim digna viro doctissimo, & de jurisprudentiâ optimè merito. Exponit Eudæmon Antonino calamitatem suam : *naufragium in Italia facientes direpti sumus à publicanis, Cyclades insulas habitantibus.* Qui fieri potest, ut hæc contingant in locis aded distantibus, longèque sejunctis ? In hunc scopulum omnes impingunt, atque aded naufragium faciunt. Optimè atque expeditissimè scopulum prætervehitur vir eruditissimus : pro Italia enim reponit *Æthalia*. Cur hanc emendationem non probem omninò, in causa est, quòd & à legibus corrigendis sum alienissimus : & quòd hæc mutatio, locorum distantiam auget, non minuit.

2. *Æthalia* insula est Ilva in Tusco mari sita, ferri fodinis celeberrima. Plin. Lib. 3. c. 6. *Ilva cum ferri metallis à Gracis Æthalia dicta* Strabo Lib. 5. *His multò vicinior continenti est Æthalia ad CCC. stadia inde, totidemque à Corsicâ distans.* Et paulò post : *Illud verò omninò insolitum & singulare habet Æthalia, quòd cavitates, unde sunt effusa metalla, rursus tractu temporis replentur.* Multa alia subdit de Æthalia, quæ perspicuè demonstrant Ilvam esse.

Cùm effossa metalla assidue renascantur, & ea nunquam exhauriantur, idcirco Virgil. Lib. 10. *Æneid.*

Est Ilva trecentor.

Insula inexhaustis chalybum generosa metallis.

Verè *inexhaustis* cum etiam post mille septingentos annos adhuc effodiantur in maxima copia. Rutil. in *Itiner.*

Occurrit chalybum memorabilis Ilva metallis.

Quâ nihil uberius Norica gleba tulit.

Id. Strabo non multò post : *Ab omni regione inter Populonium & Pisas non obscura conspi-*

ciuntur insule. Quarum tres oblonge parallelis ferè lineis Noto *Lybieque observæ, earumque minima est Æthalia.* Diodor. Sicul. Lib. 5. *Nam ad oppidum Etruria, quod Populonium dicitur, Æthalia jacet, quæ à Lipara centum ferè stadia distat, quæ nomen accepit à copia fuliginis & faville.* Stephan. de Urb. *Æthale* insula Tyrrhenorum, auctore Hecateo in Europa. *Videtur autem ita appellata à ferro, quod in hac insula conficitur.* Philistus verò in lib. 5. *verum Sicularum eam Æthalia vocat, quemadmodum etiam Herodians, & Oms.* Arif. 4. totel. in *Mirabil.* In *Hebrunia* fertur quadam insula Æthalia nuncupata : in quâ ex eodem metallo prius quidem *as* effusum fuit, nunc omnia vasa ænea apud illos esse feruntur. In ea enim continetur copiosè lapis, qui plurimùm ferri commixtum habet, quem scindunt ad stricturam & conflaturam ferri, &c. Negat hoc Strabo : *Vidimus etiam, ferrum ex Æthalia allatum, neque enim potest eâ in insulâ in stricturam cogi, sed simul ac effusum, perferri in continentem.* Idem negat etiam Varro, ut refert Servius ad superiorem Virgilii versum : *Varro & aliud dicit, nasci quidem illic ferrum, sed in stricturam non posse cogi, nisi transvectum in Populonium Tuscia civitatem.* Ob penuriam lignorum arbitror id evenisse : nam & hodiè ob hanc causam in continentem transportatur. Cæterum antiquitus ibi fornaces fuisse ad ferri conflaturam non dubito, cùm ab illis insula nomen accepit, ut innuit Diodorus. Ab αἴδη enim αἰδάλω, αἰδάλω quod significat *ardere, combure,* appellata fuit Æthalia ob fornaces, in quibus ferrum coquebatur in stricturam. Sed crescente usu ejus metalli, & sylvis paulatim excisis necesse fuit aliud ferrum transferre excoquendum, consilandumque. In Æthalia sive Ilva erat portus, qui à navi Argo dicebatur Argous. Diodor. lib. 5. de *Argonautis* : *Circa Etruriam navigantes, in insulam, quæ vocatur Æthalia, delati, portum in eâ pulcherrimum omnium, qui illis locis sunt, Argorum à navi Argo nuncuparunt, quod nomen ad hanc usque diem retinet.* Nunc à ferro vocatur Portus Ferrarius, sicut Ilva dicitur Elva, quonomine etiam à Gregorio Mag-

no fuit appellata, lib. 3. Dial. cap. 11.

Non ignoro Ptolemæum, & Strabonem Æthaliæ ab Ilva distinguere. Ille insulas Thyrrheni maris recenset Gorgonem, Æthalem, Caprariam, & Ilvam. Hic lib. 2. *ἡ Ἰθάκη ἡ Αἰθάλη τῆς ἡλικίας ἡ Ἰθάκη. Ad continen- tem vero sita Æthalia, & Planasia, & Ilva.* Quod ad primum attinet, doctissimus Salmasius observat Ptolemæum non semel loca vel urbes duplicare, quoties eorum nomen latinum discrepat à Græco. Solinus: *Chyream civitatem Siciliæ extruunt & Aspidam nominant.* Ptolemæus autem ex una duas fecit, Clypeam, & Aspidam *Κλυπεία, Ἐρμιά, Ἄσπιδας, Ἀσπίς.* Ita pariter Pithecusam, & Anatriam tamquam differentes insulas recenset, cum tamen utraque eadem sit, à simili appellata tum latine, tum Græcè. Sic etiam Æthaliæ & Ilvæ quasi diversas insulas recensuit, cum tamen eadem sit Æthalia Græcè, latine Ilva nominata: quod nomen à Græco scite deducit idem Salmasius. Quod ad Strabonem autem, doctissimus Casaubonus notat, in quatuor antiquis codicibus manuscriptis non reperiri verba illa, *ἡ Ἰθάκη*, adeoque adjecta fuisse ab aliquo, qui in Ptolemæo legerat hæc duas insulas, quasi diversas. Nec aliter se res habere potest: non solum enim ab omnibus scriptoribus eadem censetur, sed etiam ab ipso Strabone, qui ubi describit Æthaliæ, ut in libro quinto, ei tribuit omnia, quæ singulariter conveniunt Ilvæ. Præterquam quod hæc insula Æthalia ab Ilva distincta in mari Thyrrheno nusquam reperitur.

Sed utcumque sit, quod ad rem nostram pertinet, nihil omnino refert, utrum duæ sint insulæ separatae, an verò una tantummodo. Etenim cum præter omnes alios scriptores, etiam Ptolemæus & Strabo Æthaliæ recensent inter insulas Etruriæ adjacentes, illud consequens est, Eudæmonem naufragium in Italia fecisse: & si legamus Æthaliæ pro Italia, augeri, non minui locorum distantiam. Quoniam si ad Rhegium, ad Scyllæum oppidum, ad Zephyrium promontorium, vel aliquod aliud eorum, quæ sunt in extremo Italici margine, ut Leucopetra, & Cænys,

& alia, naufragium factum fuisse fingamus, multò propius ad Cycladas factum erit, quam si in insula Æthalia.

At enim Plinius etiam Chium inter Lesbum & Samum sitam nuncupari Æthaliæ refert lib. 5. c. 3. cujus auctoritate moveatur V. Cl. Ego contrà adduci non possum, ut credam, Eudæmonem de Chio sensisse. Neque tanti est, ut me moveat Plinii auctoritas. Primum quia Plinius non ait Chium vocari Æthaliæ, sed quod Ephorus prisco nomine sic eam appellavit. Verba Plinii: *Chios libera, quam Æthaliæ Ephorus prisco nomine appellat.* Non vocabatur Æthalia, Plinii ætate, sed Chios vel à Chione Nympha, vel à nivibus, quibus montes ad Boream & occidentem operiuntur. Stephan. de Urb. *ἡ δὲ πόλις χιὼς δὲ χιὼν ἡ ὠκεανὸς ἡ ἀπὸ τοῦ χιὼν τοῦ χιὼν πάλαι, ἡ δὲ Νύμφη τῆς χιὼν.* Inest autem Chios urbs à Chio Oceani filia, vel à nive, qua ibi copiose decedit; vel à Nympha Chione. Cur Æthalia dici deberet, nulla ratio est, cum ibi neque metalla effodiantur, neque fornacibus ignis anhelet, ut ait poeta. Singulariter igitur eam ita appellavit Ephorus, & quidem prisco nomine, non usitato: rectene, an secus, non exquiri. Porro Æthaliæ nomine Lemnum potius significari crederem, quæ non longè distat à Cycladibus, & Æthalia nominabatur etiam ætate Polybii, teste Stephano, cui nomen hoc maxime conveniebat ob Vulcani officinas, ut in Etymol. Magno in verbo *Ἀἰθάλη*. Certè hoc nomen Chio minus convenit: & Ephorus etsi fuerit præclarus historicus, tamen sæpe numero à Strabone reprehenditur, quod interdum à vero aberrat, interdum fabulas intermiscet, interdum fingat absurda. Sed Ephori existimationi nihil detractum volo. Fortasse Chion Æthaliæ vocavit, quia Glaucus Chius ferum inationem invenit excellens ferri fabricator: de quo Herodotus lib. 1. Athenæus lib. 5. Pausan. in Phoci. Licet Stephanus eum Samium fuisse dicat. Qui etiam Ephoro videtur assentiri. *ὁ δὲ ἀπὸ τοῦ τοῦ Αἰθαλίου ἀπὸ τοῦ χιὼν, ἡ δὲ χιὼν, ἡ χιὼν.* Potest etiam Æthalia sumi pro Chio: ita enim Chios dicebatur. Verum tamen credimusne, Navarchum tam erudi-

tum fuisse & gnarum antiquitatis, ut sciverit Chion Æthaliam fuisse appellatam ab Ephoro, qui sexcentis fere annis ante floruerat? Fac scivisse. Quid est, cur locum Imperatori designatus, ubi naufragium fecerat, inusitatum nomen ejus indagaverit; tritum, & commune reliquerit? Ecquis tam fatuus, qui, ut exponat Imperatori, se Rhodi fecisse naufragium, dicat se apud Athram, vel Telchinem, vel Pontiam, vel Pelagiam, vel Trinacriam, vel Asteriam naufragium fecisse, licet his nominibus Rhodus à Scriptoribus nuncupetur? Præterea cum Ilva Romanis notissima, & in eorum fere conspectu sita, Græcè Æthalia diceretur (quod Græcus naucleus sive piraticam, sive mercaturam exerceret, utique scire debebat) stultus planè fuit si Æthaliam pro Chio nominavit, quo nomine in errore facile induci potuit Imperator, putans eum de Ilva, non de Chio loqui, quemadmodum quilibet putaverit de Sicilia loqui, non de Rhodo eum, qui Trinacriam nominaverit. Erat quidem & Chios tum propter vina, quæ Romam advèhebantur, celebratissima, tum propter marmora, sed hæc omnia Chia dicebantur: nomen Æthaliæ incognitum præterquam ad notandam Ilvam. Quis credat igitur, tam fatuum fuisse Eudæmonem, ut recondito ac retruso nomine uteretur in expositione suæ calamitatis, relicto nomine usitato, ne ab Imperatore intelligeretur? Est-ne hoc sani hominis?

Denique verisimile est, Eudæmonem exposuisse Imperatori naufragium in Italia factum, tum ad excirandam commiserationem, tum ad exaggerandam iniquitatem publicanorum, qui diripuerant naufragos, qui tam longè à Cycladibus naufragium fecerant. Licet enim alicubi invaluisse prava consuetudo diripiendi naves, quæ naufragium fecerant, ut constet ex ejusdem Antonini constitutione, de qua supra; tamen id fortasse observabatur, cum ibi navis naufragium fecerat, & ad litus expulsa fuerat vel ipsa navis, vel merces, & armamenta: non autem cum in longinquâ regione facto naufragio salva navis ad aliquam insulam aut portum appulsa erat, ut in *l. navis 6. ff. de lege Rhod.*

Enimverò non intelligo, cur tantoperè laborandum sit, ut Italix nomen expungamus. Sunt quidem longè remota à Cycladibus Italix litora: sed nonnumquam accidit, navim naufragam in oras longè distitas tempestate jactari. Neque enim semper navis ipsa demergitur, & fluctibus absorbetur. Scinduntur vela, franguntur antennæ, vadis ipsa navis illiditur: postmodum verò vel jactis in mare mercibus levata, vel aquarum impetu fluctuque decumano sublevata, scopulis vadisque detruditur, & in longinquas regiones undis jactata, vel etiam cursu tranquillo sedata tempestate defertur, cujusmodi casus proponitur à Juliano in *l. navis 6. ff. de leg. Rhod.* Ejusmodi tempestatem, quæ nulla sævior, ac vehementior, describit Virgilius in primo divini opetis:

*Talia jactanti stridens aquilone procellâ
Velum adversa feris, fluctusque ad sidera
tollit
Franguntur remi, tum protra avertit, &
undis
Das laus, &c.
Tres notus abreptas in saxa latentia torquet, &c.
—tres Ennas ab alto
In brevia, & Syries urget (miserabile visus!)
Illiditque vadis, atque aggere cingit arena.*

Quid tum? evolutæ, & fluctibus illinc detrusæ in portum Carthaginis ejiciuntur.

*Cymothoe, simul & Triton adnixus, acuto
Detrudunt naves scopulo, levat ipse tridentis
Es vastas aperis Syries, & temperas aquor.*

Scite notat hic Nannius, quod *τετῶν* est fluctus maris; Cymothoe, aquarum impetus, id enim græcè significant hæc nomina; Neptuneus autem est ipsum mare. Eleganter autem & more poetico fingit, à Deo liberatam fuisse classem *Ænææ*, quam à Deo finxerat fuisse vexatam. Vide reliqua, totamque descriptionem, quæ modum excedit admirationis.

nis humanæ. Hoc tantum interest inter naufragium Ence, & naufragium Eudæmonis, quod ille à Carthaginensibus fuit humaniter exceptus; hic à Cycladum incolis crudeliter direptus.

Pro coronide ut omne scrupulum evellam, alia duo leviter attingam, quæ nonnullos torquent interpretes. Quidam enim verentur, ne hac lege aliis Principibus imperium & dominium adimatur, quod in universum hic imperatori tribuitur, & avellatur imperium maris, quod hic legi conceditur.

- 11 Utrumque est ineptissimum. Veteres interpretes nimid plus suaves existimantur dominium mundi penes Imperatorem ad hoc ævi mansisse. Absurde plaue. Imperator Romanus erat olim dominus mundi, quem possidebat, & ditione tenebat. Populus Romanus erat dominus omnium gentium; earum scilicet, quas armis, belloque subegerat, vel timore Romanæ potentie percussas, vel publica ductas utilitate, vel amicitia illæctas sub imperium ditionemque subjunxerat. Sic Imperator hoc tempore dominus est earum gentium, quæ sunt ejus potestati, imperioque subiectæ, earum provinciarum, quas possidet, quibus imperat. Quam minimam autem partem imperii Romani possidet? Haud aliter alii Reges, Principes, populi sunt domini earum gentium, ac provinciarum, quæ sunt eorum ditioni, potestatique subiectæ. Eadem enim arte, iisdemque modis eas acquisiverunt, quibus Populus Romanus imperium mundi adeptus fuit. Nulla igitur ratio potest excogitari, cur ille fuerit dominus mundi, quem fuit adeptus, hi non sint domini provinciarum, quas similiter adepti fuerunt.

- 12 Lex itidem non adimit populo vel Principi dominium maris: (siquidem ipsi competat: est enim de hoc inter doctos magna contentio, quæ non est hujus loci) quatenus Lex domina maris dicitur, quatenus maritimas controversias decedit, & quæ in mari acciderunt, Lege judicari debent & juxta præscriptum ejus, & jussa definiri. Harmerop. lib. 2. c. 11. *Nautica omnia & quæ in mari accidunt controversia, Lege Rhod-*

ia deciduntur, & secundum Leges Rhodias disceptantur ac judicantur. Quamobrem Imperator, ut dixit, Legem esse maris dominam, statim subdit: *Lex id Rhodia, quæ de rebus nauticis perscripta est, judicetur.* Bene, ut semper, Cicero in primo de Legib. *Lex est, quæ scripto sancit, quod vult, aut jubendo, aut vetando.* Idem docet Modestinus in l. Legis 7. ff. de Legib. *Legis virtus est imperare, vetare, permittere, punire.* Hoc est imperium Legis, hæc potestas, hoc dominium, quod nihil detrahit dominio potestatique Principis, aut populi. Unde enim habet hanc auctoritatem Lex, & potestatem, nisi à populo vel Principe, qui eam condidit, aut ab aliis conditam recepit, & jussit observari. l. de quibus §. 1. ff. de Legib. *Nam cum ipse Leges nulla alia ex causâ nos teneant, quàm quod judicio populi receptæ sunt.* Auct. ad Heren. lib. 2. *Lex juxta istud quod populi jussu sancitum est.* Ergo Legis jussum, Legis imperium, est jussum & imperium populi vel Principis Legislatoris: nam Lex ipsa per se nullam vim habet & auctoritatem imperandi, aut vetandi, nisi eam ipsi Legislator impertiatur. *Magistratum Legem esse loquentem, legem autem mutum Magistratum:* dixit Cicero 3. de legib. in princ. Sicut igitur Lex loquens nihil derogat de auctoritate, & imperio Principis, quia omnem auctoritatem habet à Principe; ita & Lex muta. Amplius sine imperio Legis nec hominum universum genus, nec domus ulla, nec civitas, nec gens stare, nec rerum natura omnis, nec ipse mundus potest, ut ibidem docet idem Cicero. Quocirca sicut Lex, quæ de omnibus aliis rebus disponit, & omnia regit, ac temperat, nihil detrahit de imperio Principis, ita multo minus, quæ de rebus nauticis tantummodo præscribit. Idcirco subjecit Antoninus: *quatenus nulla ex nostrarum Legum adversatur.* Recepta enim & approbata fuit à Romanis Lex Rhodia in his tantum, quæ non adversabantur eorum Legibus. Accepit igitur auctoritatem à confirmatione, & approbatione populi, & Imperatoris, qui eam partim abrogavit, partim confirmavit, quemadmodum Legem Hie-

INTERPRETATIONUM
ronicam, Rupiliam, Semproniam, & alias,
de quibus Cicero in Verrem,

CAPUT VI.

Ad princ. tit. Inst. de just. & jur.

SUMMARIUM.

- 1 *Vulgaris divisio justitiæ in distributivam, & commutativam*
- 2 *Rectior divisio Aristotelis.*
- 3 *Proportio arithmetica & Geometrica.*
- 4 *Justitiæ distributivæ servare proportionem Geometricam, potest admitti. Emendatæ justitiæ non semper servat arithmeticam.*
- 5 *In contrahendis servat proportionem arithmeticam, quoad personas contrahentium.*
- 6 *Geometricam quoad res, quæ in contrahendum deducuntur.*
- 7 *Exempla.*
- 8 *Idem est in ultimis voluntatibus.*
- 9 *Et in aliis quamplurimis.*

1 **I**nterpretes fere omnes justitiæ dividunt in distributivam, & commutativam juxta sententiam Aristotelis: ac distributivam esse definiunt eam, quæ distribuit pœnas, & præmia servatâ Geometricâ proportionem: commutativam, quæ in commutationibus, & commerciis versatur, in quibus tribuit cuique suum secundum proportionem Arithmeticam. Sed pauci admodum Philosophi mentem sunt affecturi: nemo describere, & electè explicavit: ego distinctius, & explicatius conabor enucleare.

2 **A**ristoteles igitur lib. 5. Ethicor. cap. 5. justitiæ particularem dividit in duas partes: in eam, quæ versatur in distributione præmiorum, honorum, pecuniæ, & aliarum rerum, quæ distribui debent inter eos, qui sunt ejusdem reip. & eam, quæ in rebus contrahendis recta præcipit, pravaque corrigit, æquat inæqualia. Hanc emendatricem, illam distributricem possumus appellare: nostri distributivam, & commutativam dicunt. In hoc autem à sententia Philosophi recedunt, quod ad justitiæ distributricem referunt etiam pœnas, cum eas Aristoteles referat ad emendatricem. At

JURIS, LIB. III. CAP. V. 359
enim hujus justitiæ duas esse partes, quia vel à voluntibus, vel ab invitis contrahitur. Primi generis esse ait contractus, veluti emptionem, mutuum, fidejussionem, & cæteros. Secundi generis delicta, veluti furtum, adulterium, lenocinium, & reliqua ejusmodi.

Justitiæ distributricem in distributione præmiorum ait observare proportionem Geometricam, quia ea distribuit pro conditione, ac dignitate civis bene meriti. Contra vero justitiæ emendatricem observare proportionem arithmeticam posthabita conditione, ac dignitate personarum. Proportio enim arithmetica dicitur cum pari excessu, altera, alteram quantitatem superat; ita ut æqualibus semper intervallis inter se distent; progreditur enim semper per incrementa æqualia: ut rectè definit Pappus Alexandrinus *Mathemat. Collect. lib. 3. post Propos. 4.* Geometrica vero proportio est, cum excessus eadem ratione superat excessum, qua quantitas quantitatem, ita ut eo majori intervallo altera distet ab altera, quo altera major est. Exemplum esto. In proportionem Arithmetica 4. 6. 8. 10. 12. qui omnes pari excessu se superant, nempe binario, & paribus inter se distant intervallis. In proportionem Geometrica 4. 8. 16. 32. 64. in quibus numeri alter alterum superant eadem sui parte, nempe dimidia: & tanto major est excessus, quanto major est quantitas: nam excessus secundi supra primum est 4. & tertii supra secundum est 8. quarti est 16. atque ita deinceps auctâ quantitate tantumdem augetur excessus, & incrementum.

Quantum autem attinet ad Aristotelis & 4
interpretum nostrorum sententiam, admitti potest, justitiæ distributricem servare proportionem Geometricam: etsi enim hoc veritati non sit omnino consentaneum, ab ea tamen non est prorsus alienum. In distribuendis enim præmiis, & honoribus habet rationem personarum, & qui dignior est, & excellentior, majoribus præmiis, & honoribus est afficiendus. Sed quis potest hæc tam exactè metiri, ut dici possit, servari proportionem Geometricam? Aut quis potest

inveniri mensura dignitatis, & excellentiæ, ut cum ea possit comparari mensura præmiorum? Hæc mensura solummodo certa est in quantitate, & ideo solum in quantitate consistit hæc proportio, ut recte definit Euclides in *lib. 5.* In actionibus, in honoribus, in conditione personarum nulla certa mensura reperiri potest, & ideo ad hæc proportio nequit accommodari. Apparent igitur in hac iustitiæ parte potius quædam vestigia, & adumbratio Geometricæ proportionis, quàm ipsa proportio.

Altera vero iustitiæ pars neque semper arithmeticam proportionem servat: neque eo modo, quo id nostri interpretes acceperunt. Primum autem in delictis non servari proportionem arithmeticam, exploratissimum est; cum in pœnis irrogandis maxime conditio personarum attendatur: ut constat ex *l. 1. in fin. & l. pœn. ff. ad Leg. Corn. de sicar. ex l. aut fulta 16. §. persona ex l. ex servorum 10. in princ. ex l. capitalium 28. §. non omnes ff. de pœn. ex l. ult. ff. de injur. ex l. Pedius §. 1. ff. de incend. ruin. naufrag. l. Prætor edixit 7. §. præterea ff. de injur.* Itaque rectius interpretes nostri hæc referunt ad eam iustitiæ partem, quæ servat proportionem geometricam, habita ratione personarum.

Præterea nec in contractibus quidem atque commerciis, posthabita semper conditione personarum, omnes pari jure censentur. Annon enim pupilli contrahendo non obligantur, licet obligentur illi, qui cum ipsis contrahunt? *L. Julianus 13. §. si quis a pupillo 19. ff. de act. empr. §. 1. & seqq. instit. tit. de auctor. tutor.* Annon minores ratione ætatis in integrum restituntur? *l. 1. §. 1. l. minoribus l. 1. §. 1. l. aut prætor & toto tit. ff. de minor.* Annon pupillis & minoribus alienationes non obsunt, sicut majoribus? *l. 1. instit. tit. quib. alien. lic. vel non. l. 1. & tot. tit. ff. de reb. eor.* Spectatur persona mulierum in intercessionibus *l. 1. & 2. & tot. tit. ff. ad S. C. Vellejanum.* Persona filiorum fam. in mutuo *l. 1. & tot. tit. ff. de S. C. Macedon.* Persona mariti cum de dote conveniunt *L. maritum 12. cum seq.*

ff. sol. matrim. Persona parentis & patroni. *L. sunt qui 16. & seq. ff. de re judic. §. sed etsi quis 38. instit. tit. de act.* Persona socii *d. §. & l. verum 63. ff. pro soc.* Persona fitti emancipati, vel exheredari vel abstinens ab hæreditate paterna *l. 2. ff. quod cum eo qui. & c.* Persona milirum in condendis testamentis *tot. tit. instit. & ff. & C. de milit. testam.* Persona parentum & liberorum *l. hac consultißima §. ex imperfecto C. de restam. ordin.* Quid? quod alimenta ex dignitate personæ statuuntur. *L. si cui 14. ff. de ann. leg. l. 1. §. mulier 19. l. habitatio 4. ff. de venir. in poss. milit. l. sed etsi quid 15. §. sufficiens ff. de usufr.* Dos constituitur pro dignitate mulieris ac mariti. *l. quare l. cum post. 70. §. gener & §. nuptii ff. de jure dot.* Sunt & alia quamplurima in jure nostro specialiter constituta spectata conditione personæ; quocirca non omnibus idem tribuit iustitia commutativa.

Sed his etiam insuper habitis, in iis quoque, quæ generaliter à jure in universum lancuntur, posthabita ratione personarum, non omnimodis arithmetica proportio servatur. Sed ita distinguendum est. Aut iustitia consideratur quoad meritum, dignitatem, & conditionem contrahentium, & tunc servat proportionem arithmeticam: æqualia enim omnibus tribuit, nec habet rationem personarum. Tantidem enim emit, aut conducit princeps, & subditus; nobilis, & ignobilis; dives, & pauper; bonus, & malus eodem modo, eodemque vinculo hi omnes adstringuntur contrahendo, & obligantur. Et ita est interpretantur Aristoteles; ait enim *capite 7. Jus autem, quod in contractibus versatur, est illud quidem æquale quiddam, & injuria inæquale: verum non illa proportionem, sed arithmeticam: nihil enim refert, utrum vir bonus malum hominem fraudarit, aut malus homo virum bonum.*

Aut consideratur quoad res, quæ in contractum & obligationem deducuntur, quæ in commercio habentur, & tunc proportio nem geometricam servat, & si aliter observaretur, id esset iniquissimum. Sed animadvertendum est, quod hæc proportio non potest

test locum habere, nisi in his contractibus, & commutationibus, in quibus aliquid hinc inde datur, & accipitur: nam omnis proportio saltem in quatuor terminis consistit, ut ait idem Aristot. d. lib. 5. cap. 6. Itaque necesse est, ut duz sint personz, duzque res, de quibus contrahitur. Quamobrem in stipulatione, in donatione, in deposito, in commodato, in mandato, quz gratuita sunt, nec geometrica, nec arithmetica proportio in ipsis rebus locum habere potest. In aliis autem omnibus contractibus, detractionibus, divisionibus, in quibus aliquid hinc inde datur, & accipitur, vel retinetur, geometrica proportio servetur. Exemplis id explicemus.

7 In societate geometricam servati proportionem, compertum est, & exploratum. Lucrum enim & damnum inter socios dividuntur pro rata portione ejus, quod quisque contulit in societatem. l. si societatem 6. l. si non fuerint 29. l. quid enim 81. §. 1. ff. pro soc. Ac propterea si alter contulerit quadringenta, aliter centum: ille quatuor partes lucrari, hic unicam tantum ferre debet: est autem portio geometrica inter hos numeros 4. 1. 400. 100. Quod si quis utrique æquales lucri partes assignaret, divisio esset injustissima, & jure posset rescitari. l. quid enim 81. ff. pro soc. Adeo ut nec pactum quidem valeat l. si non fuerint 29. ff. pro soc. Neque hoc est singulare in societate, ut nostri arbitrantur, sed commune omnium contractuum, & ultimarum voluntatum. Nam & in emptione & venditione si crescat, aut decrescat mensura rei venditæ, pretium quoque augeri aut minui debet pro rata portione mensuræ, ac bonitatis l. si servum 4. §. si modus ff. de action. empti. l. qui fundum 40. §. qui agrum ff. de contrah. empti. l. qui fundum 48. ff. de eviction. Idem si pars evincatur l. ex mille 64. ff. de eviction. Nec aliter fieri potest ad servandam æqualitatem inter emptorem, & venditorem. An enim servaret æqualitatem, si quis cum triginta denariis vendidisset decem ulnas panni, alias quinque ulnas ejusdem panni vellet vendere denariis viginti quinque? Et tamen hi numeri

10. 5. 30. 25. sunt in proportionem arithmetica. An ille, qui cum mille aureis venderit centum jugera, si emptori decem jugera fuerint evicta, velit rescere tantummodo decem aureos, quia 90. 100. 990. 1000. sunt in proportionem arithmetica? Utique hic debet rescere centum aureos d. l. qui fundum ff. de evict. quia 90. 100. 500. 1000. sunt in proportionem geometrica; nam uterque decima sui parte alterum superat. Haud aliter alter debet vendere quinque ulnas quindecim denariis, quia 5. 15. 10. 30. geometricæ sunt proportionales, cum alter alterius sit tertia pars. Atque hæc confessa sunt, & manifesta.

Idem prorsus usu venit in locatione, & conductione, in qua merces, & salarium tum constituuntur, tum remittuntur pro rata temporis, laboris, operatum. l. Sejo amico 10. in princ. ff. de ann. legat. l. Si quis domum 8. §. 1. l. cum venderem. 21. l. si merces §. si vicino l. qui insulam 30. in princ. & in §. 1. l. si uno 15. alias. l. ex conducto §. ubicumque & l. sed adde 19. §. si quis cum in annum ff. locat. Itaque si tertia pars operæ præstetur, tertia pars mercedis debeatur d. l. Sejo amico. Si conductor tertia parte temporis conventi fruatur, tertiam partem mercedis persolvit ex laudatis LL. atque ita semper juxta proportionem.

Nec aliter observatur in rescindenda tum emptione, & venditione, tum etiam locatione. Cum enim in l. 1. & 8. C. de rescind. venditæ, præscribatur quota pars justii pretii, supra quam læsus potest agere ad rescindendam venditionem, hoc fieri non potest, nisi servatâ geometricâ proportionem. Sicut enim venditor, qui vendit minus quam quinque id, quod decem constat, beneficio legis uri potest: ita, & qui vendit minus quam viginti, quod constat quadraginta: uterque enim minus quam dimidium justii pretii consequitur. Atqui 40. 20. 10. 5. sunt in proportionem geometrica, in qua semper est totum ad sui dimidium, aut quamcumque ratam, & quotam sui partem. Itaque quotiescumque lex præscribit quoram, & ratam quamlibet partem, semper necessariò uten-

dum est proportione geometrica. Quodlibet enim totum ad eandem sui ipsius partem habet eandem rationem.

Ad mutuum, ut diximus, nulla proportio perinet, cum in re, quæ mutuo datur, solummodo consistat, & solummodo mutuatarius obligetur ad tantumdem restituendum. *l. 2. & 3. ff. de reb. cred. princ. tit. instit. de obligat. qua re contr.* Verumtamen si non sit omnino gratuitum, & usuræ promissæ fuerint, quia tunc inter datum, & acceptum aliqua proportio intercedat necesse est, non arithmetica, sed geometrica proportione servatâ præstantur usuræ. Nam usuræ semper præstantur habita ratione sortis, cujus sunt rata quædam portio, & quoriam pars. Usuræ enim centesimæ sunt, quando singulis mensibus præstantur centesima pars sortis debiti, de quibus in *l. si pro mutua C. si cert. per. in l. ult. §. ult. C. de jure dos. l. unic. §. cum autem in fin. C. de rei uxor. act. l. 1. & 2. C. de usur. rei judic.* Usuræ semisses, quoties semis centesimæ partis singulis mensibus, hoc est, sex annua pro centenatio præstantur, ut in *l. cum quid. 17. in princ. ff. de usur.* Quincunces, cum quinque annua. *l. à filio in princ. & l. alimenta §. Bassila ff. de alim. leg.* Usuræ quadrantes, quoties tria *l. liberti 41. §. Lurgius ff. de ann. leg.* Atque ita de cæteris, quæ semper pro rata sortis promittuntur, atque præstantur.

In pignore quoque raro evenit, ut aliqua proportio possit considerari. Verumtamen si pro duobus debitis inæqualibus simul obligetur, eo vendito pretium ex venditione redactum cedit in extinctionem utriusque debiti pro rata, hoc est, juxta proportionem geometricam *l. pupilli 96. §. cum eodem ff. de solut.*

In solutione autem semper proportio geometrica servatur. *l. pro debito 6. C. de bon. ant. jud. possid.* Nam quoties par est dierum, & contractuum causa, ex omnibus summis pro portione videtur solutum *l. illud. 8. ff. de solut.* Et servus rationes reddere jussus pro hæreditaria portione hæredibus reliqua solvere debet *l. si quis testamento 2. ff. de statu lib.* Facit ad rem text. in *l. ad hoc interesse*

aliàs l. Sed etsi 25. §. 1. in princ. ff. de usufr. Et ad proportionem geometricam perinet, quod traditum est in *l. si tamen plures 4. in princ. ff. de exercit. act. de distributione mercis peculiaris in l. procuratori 5. §. ult. ff. de tributor. act. & de peculio in l. si peculium 6. in princ. ff. de pecul. leg.*

De ultimis voluntatibus nulla potest esse controversia, nam & actiones hæreditariæ inter cohæredes pro portione hæreditaria dividuntur *l. 1. C. de heredit. act. l. ea qua C. famil. ercisc. l. patto successorum C. de pact. l. planè ff. famil. ercisc.*

Et actiones, & onera hæreditaria inter hæredem & fideicommissarium pro rata, hoc est, pro portione Geometrica dividuntur. *§. sed quia in fine & §. ergo instit. tit. de fideicom. heredit. l. 2. C. ad S. C. Trebell. l. 1. §. si is, qui quadrigima & §. sed si quadringenta & passim in tit. ff. ad S. C. Trebell.*

Item Legitima, Trebellianica, & Falcidia ad normam Geometricæ proportionis deirahuntur, cum sint quoræ bonorum vel hæreditatis *l. 2. C. de inoffic. don. l. parentibus. 8. l. qua nuper 31. C. de inoffic. testam. l. in quartam 91. ff. ad Leg. Falcid. §. cum autem instit. tit. cod. d. §. Sed quia instit. de fideicom. heredit.*

Item pars vacans hæredibus accrescit, & decrescit pro portione hæreditaria *l. interdum 13. §. sed si alter & §. seq. l. liber homo 59. §. cum quis ex institutis l. si ita quis hæredes 66. ff. de heredit. instit. l. un. §. bis ita definitis cum §. seqq. C. de caduc. tollend. §. videmus instit. §. si quis autem non implens auth. de heredit. & falcid. l. etsi 4. l. sorori 6. ff. si pars heredit. per. l. si libertus 34. ff. de bon. libert. Atque eadem proportio servatur in substitutione juxta computationem Ulpiani in *l. si plures sint 24. ff. de vulg. & pupill.* quam confirmant Imperatores in *l. 1. C. de impub. & al. substit. & in §. etsi ex disparibus instit. tit. de vulg. Idemque obtinet in pupillari substitutione *l. qui libertis 8. §. hac verba in fin. & l. seq. & l. sed etsi plures 10. in princ. ff. de vulg. & pupill. §. substituitur instit. tit. de pupill. substit.***

Et hoc perpetuum est in jure accrescendi, ut tam emolumentum, quam onus accrescat ad normam Geometricæ proportionis. Itaque & si legatum deficiat, hæc ratione singulis hæredibus accrescit *l. plane* 34. §. *inde dicitur*. ff. de legat. 1. l. un. §. *sed ut manifestetur C. de caduc. toll.* Ex his fideicommissum instituit, aut substituit est restituendum, eadem computatio adhibetur *l. quoties* 23. l. *epistolam* 75. in princ. & l. *Lucius* 78. §. *pater puerum* ff. ad S. C. Trebell. Legatariis etiam pars legati vacans accrescit pro rata *l. Marcio* 41. in princ. ff. de legat. 2. quod in gravamine etiam & onere junctis constitutum est *l. un. §. ne autem C. de caduc. tollend.*

Item hæredes pro portionibus hereditariis legata solvunt, nisi aliquod legatum expressis eorum nominibus dare jussi fuerint. *l. si ve à ceteris* 17. ff. de duobus reit. l. *turpia* 57. §. 1. & l. *Si heredes* 124. ff. de leg. 1. l. *martho* 50. §. ult. ff. de legat. 2. Id etiam, quod mortis causa capiunt, pro portione hereditaria ipsis debetur *l. ita liber esse jussus* 8. §. 1. l. *si quis testamento*, 12. ff. de statut. lib. Et pro rata exonerandi sunt heredes ejus partis nomine, cujus emolumentum ipsis ablatum fuit *l. 1. §. qui minorem* ff. ut leg. vel fideic. nom. cau.

Item servus plurium pro portione dominii singulis dominis legatum acquirit *l. si servus plurium* 50. in princ. ff. de legat. 1. l. & *Proculus* 120. in fin. ff. de legat. 2. Et hereditatem *l. servus communis* 67. ff. de acquir. hered. Et obligationem *l. servus communis* 5. ff. de stipul. servor. nisi nomina dominorum in stipulatione expresserit *l. si communis* 37. ff. eod. & actionem injuriarum *l. sed non esse* 16. ff. de injur.

Restitutus etiam à principe pro rata portione bonorum; quæ recuperaverit, creditoribus tenetur, *l. 3. c. de sent. pass.*

In divisione quoque percipiendorum fructuum Geometrica proportio servatur *l. de divisione aliam* l. *fructus* 7. §. 2. & l. *divortio* 8. ff. solut. matrim. l. *si quis domum* §. *hic subiungi* ff. locati.

Alia quamplurima exempla prætermitto: ex his enim satis constat, in toto jure pro-

portionem Geometricam observari, quæ sola, est vera proportio, & omnia ad justitiam normam dirigit exacta inter cives æqualitate servata. Et hoc perpetuo obtinet, nisi aut repugnet voluntas disponentis, aut evidens aliqua ratio contrarium suadeat: ut in *l. si finita* 15. §. *cum autem* 18. ff. de damn. inf. l. *si heredes* 124. ff. de legat. 1. l. *si communis* 37. ff. de stipulat. servor. l. *si plures* 24. in fin. ff. de vulg. & pupil. in l. 5. §. *imperator* ff. de solut. l. *Prætoris* 5. §. *si plures* ff. de damn. inf. in l. *si ita stipulatus* 55. ff. de fidejuss.

CAPUT VII.

Ad L. 2. C. de rescind. vend.

SUMMARIUM.

- 1 In emptione & venditione licet contrahentibus sit in pretio circumvenire.
- 2 Absurdum est, rescindere vel emendare emptionem ex causa pretii vilioris vel carioris.
- 3 Licet circumvenire in pretio, non autem in re vendita.
- 4 Emptio venditio dolo motus inita rescindenda, vel emendanda.
- 5 Rescinditur venditio, si dimidium iusti pretii venditor non consequatur ex l. 2. l. 8. c. de resc. vend.
- 6 Beneficium hoc ab Interpretibus ad emptorem productum.
- 7 Idque si in eis plusquam tertia parte lasus sit.
- 8 Perpenditur & reprobat hac sententia.
- 9 Mathematicarum disciplinarum ignorantia veteris ad ita sentiendum adducti sunt. Iste quoque Galilæus aliquantulum hastavisse veri specie deceptus.
- 10 Beneficium l. 2. extenditur ad emptorem producendum est, quatenus emptor venditori aequetur.
- 11 Venditoris conditio favore dignior.
- 12 Lasus est, quatenus acceptum minus est dato.
- 13 Venditor immediate laturus, si acceptum sit minus, quam dimidium dati.
- 14 Emptoris eadem conditio esse debet.
- 15 In adjudicanda latione non est spectanda quantitas, sed quota seu rata pars ultra quam lasus potest frui beneficio legis.
- 16 Fortissimum argumentum ab exemplo permutationis ductum.
- 17 Sicut venditor immediate laturus, cum pretium, quod recipit, est minus quam dimidium rei, quam tradit: ita emptor immediate laturus, cum res, quam accipit, est minus, quam dimidium pretii, quod solvit.

18. In l. 2. comparatur pretium acceptum cum verâ affirmatione rei vendita, ut cognoscatur, an acceptum sit minus dato.

19. In dispositione l. 2. attenditur proportio geometrica, 20. Arithmetica proportio absurdè affingitur l. 2.

IN empzione, & venditione naturaliter licet contrahentibus se mutuo circumvenire. Nam & emptor viliori pretio comparandi, & venditor cariore distrahendi votum gerentes plerumque ad contrahendum accedunt. l. si voluntate 8. c. de rescind. vend. l. in causa 16. §. penult. ff. de minor. l. item si pretio 21. §. ult. ff. locati l. si heres 3. in pr. ff. ad leg. Falc. quod etiam jure pontificio admititur, c. cum dilecti de empion. & vendit. Atque hoc ad exemplum empionis etiam in locatione receptum est l. item si pretio §. ult. ff. loc. l. si ea pactione 14. c. de usur. Etenim cum uniusquisque de re sua possit pro arbitrio disponere l. in re mandata c. mand. & possit etiam re suâ abuti l. sed etsi lege §. consultus ff. de petir. hered. & certa non sint, nec à lege definita rerum pretia, sed res tanti valeant, quanti vendi possunt l. 1. §. si heres ff. ad S. C. Tribell. l. si servus 14. in fine principii ff. de condit. furt. l. in furti 30. in pr. & l. si quis uxori § 2. in fin. ff. de furt. tam emptor, qui de distrahenda sua pecunia, quam venditor, qui de distrahenda re sua agit, possunt rei suæ quancumque voluerint legem dicere; atque emptor quo pretio voluerit emere, venditor quo pretio voluerit vendere; alias ille ab empzione, hic à venditione abstinere. Ac neuter alteri damnum dare videtur, cum jure suo utatur. l. nemo damnus 194. ff. de reg. jur. neuter damnum sentire, cum facto, & culpa sua id sentiat l. quod quis ex culpa 204. ff. eod. Nec causari potest venditor, se ignorasse naturam, & qualitatem rei venditæ, ejusque pretium, quia id scire teneret, etiam si res longè distita sit l. quisquis 15. c. de rescind. vendit. Quamobrem turpiter errant imperiti iudices, qui cum res, aut viliori pretio vendita fuerit, aut cariore empta, rescindunt venditionem, aut ad justum pretium redigi decernunt contra legum dispositionem. l. si voluntate 8. l. quisquis 15. l. ad rescindendam 4.

l. dolus 10. c. de rescind. vend. l. si heres, §. in princ. ff. ad leg. falcid. l. item si pretie 12. in fin. cum seq. ff. locati, l. à divo Pic §. si pignora ff. de re judic. Tantum enim abest, ut possit venditor quicquam ab emptore repetere, ut emptor contra possit venditorem de evictione convenire etiam si quod evictum non est, & apud eum remanet, æquet pretium, quod solvit l. si duos servos 47. ff. de evict. facit ad rem optimis textus in l. si ea pactione 14. c. de usur.

Animadvertendum tamen est primò, quod §. si deceptio, ac circumscriptio non in pretio, sed in ipsâ re vendita versetur, teneatur venditor rescire, quod deest, & emptor consequitur quanto minoris vel quanti interest l. si duorum 42. ff. de act. empt. l. quoties ff. de adilit. edict. & ideo Jurisconsulti ajunt, licere se in pretio circumscribere, & rem pluris, aut minoris emere l. in causa 16. §. idem Pomponius ff. de minor. l. item si pretio 22. §. quemadmodum ff. locat. quia idem in re ipsa non licet. Etenim pretium per se est incertum, & pro arbitrio contrahentium statui debet, & pro commodo, pro afflictione, pro necessitate crescit, aut decrescit, res autem certa est, ac definita, certisque terminis & qualitatibus circumscripta, nec hominum opinione variatur, atque mutatur.

Præterea quod si metu, vel dolo vilius, 4. aut carius empta, ac vendita res fuerit, emptio, & venditio retractari, aut corrigi debet l. 1. l. si dolo §. l. si voluntate 8. c. de rescind. vend. quia nemini dolus prodesse debet. l. 1. §. 1. ff. de dol. mal. & met. ex. l. ita demum §. 1. ff. de recept. arbit. l. itaque 12. §. 1. & l. cum qui 14. §. si autem ff. de furt. dum tamen semper meminerimus, hac in re dolum non quantitate pretii, sed facti qualitate æstimari l. ad rescindendum 4. & l. dolus c. de rescind. vend.

Imperatores tamen non juris ratione id §. suadente, sed humanitate adducti statuerunt, etiam ex sola quantitate pretii rescindi posse venditionem in l. 2. ibi humanum est: & in l. si voluntate 8. c. de rescind. vendit. Sanxerunt tamen solummodo, venditionem posse rescindi cum venditor minus

6 quamdimidium iusti pretii acceperit. Quod de venditore ab Imperatoribus fuit constitutum, interpretes ad emptorem prodixerunt: iurene, an injuriâ, modo non disputo, ne tam stabilem, tam inveteratam, tam omnium animis insitam opinionem videar velle convellere. Non convenit tamen inter doctissimos homines, quantum amplius emere debeat emptor, ut gaudere possit beneficio legis.

7 Glossa in *d. l. 2.* putat emptori succurrendum, si in tertiâ parte, & paulò amplius fuerit læsus: veluti si solvat sexdecim pro re, quæ decem valet. Glossæ auctoritas in hanc sententiam traxit omnes ferè veteres interpretes, qui hanc rationem asserunt, quod sicut à lege succurritur venditori, qui vendit quatuor, quod valet decem, ita succurrendum est emptori, qui illud ipsum emit sexdecim: æquali enim intervallo uterque distat à vero, iustoque pretio, quod est decem, atque adeo tam emptor, quam venditor æquè læditur, & æquè meretur auxilium legis immodicè læso subvenientis. Nam in

8 utroque tum intervallum à iusto pretio, tum ipsa læsio consistit in sex. Si hanc rationem admittimus, itidem dicendum erit, subveniri etiam venditori, qui vendit decem, quod valet sexdecim: nam & hic æquali intervallo distat à iusto pretio, & pariter læditur in sex. Atqui hoc repugnat dispositioni legis *secundæ*, ex quâ ille tantum gaudet beneficio legis, qui vendit decem id, quod valet amplius quam viginti. Quid igitur rei est, cur non idem in emptore statuamus? Videlicet ei quoque tunc solummodo succurri, cum emerit amplius quam viginti, quod decem valet, ut par sit emptoris, & venditoris conditio. Fallitur igitur Glossa, quod putat æquari emptorem cum venditore, quoties uterque sex amittit in contrahendo, nec animadvertit sex collata cum sexdecim, quæ solvit emptor, non ejusdem modi esse ac sex comparata cum decem, quæ dat venditor: nec æquè lædi eum, qui dat sexdecim, & amittit sex, ut ille qui dat decem, & amittit pariter sex. Quis enim tam fatuus est, qui putet, æquale damnum contrahere eum, qui tertiam partem bonorum amittit, atque eum, qui dimidiam? Justinianus de-

finivit legitimam liberorum esse tertiam partem, si defunctus quatuor, aut pauciores liberos reliquerit: Si plures, esse dimidiam. *auth. novissima c. de inoff. testam.* Si quis diceret legitimam æqualem esse utroque casu, an non risu ab omnibus exploderetur? Titius qui habebat in bonis quadraginta, me heredem instituit in semisse: Caius, qui habebat sexcenta, me instituit in tiente. Ex utriusque hereditate duecenta consequitur, nemo tamen dixerit, me ab utroque fuisse æqualiter institutum. Contra si uterque me heredem instituerit ex semisse, ab utroque ero æqualiter institutus, licet ex hereditate Caji trecenta consequar, ex hereditate vetò Titii tantummodo ducenta.

Verumtamen non miror, apud veteres 9 interpretes rudes earum artium, sine quibus hæc controversia dirimi facile non potest, hanc opinionem adeo percrebuisse: cum ipse Galilæus, Mathematicorum elapsi sæculi facile princeps, fateatur, se de quæstione non absimili interrogatum, in eandem fere sententiam respondisse veri quodam specie, ac similitudine deceptum. Postmodum autem rogatus, ut opinionem suam scriptis mandaret, & conquistis rationibus confirmaret, re diligentius, ac perquisitis examinata, sententiam mutavit, & argumentis nihil dubii relinquentibus contrariam verissimam esse demonstravit. Haud aliter usu venit in hac nostra quæstione: Veteres re minus accurate perquisita objectam veri speciem illico apprehenderunt, & mordicus tenuerunt: Recentiores vero acriori judicio, & optimis disciplinis instructo rem diligentius expendentes, eam opinionem falsam esse judicaverunt. Quapropter licet olim glossæ opinio tam in scholis quam in foro communis esset, hodie tamen magis communis est contraria sententia doctissimorum hominum ingentis in lucem veritatis prolata, cui & nos lumen aliquod asserere conabimur.

Primum autem illud est statuendum, nusquam in jure nostro hoc beneficium emptori fuisse concessum, eoque ipsum gaudere ex interpretatione Doctorum, qui beneficium venditori datum à Lege, communicarunt emptori, ea ratione adducti quod par esse

debet conditio emptoris, & venditoris, & quod uni conceditur, alteri denegari non debet. *l. 1. C. de cupressis. l. cum emptoris §. in princ. ff. de rescind. vendit.* Ex quo efficitur, eatenus ad emptorem produci posse hoc beneficium venditori concessum, quoad emptor æquetur cum venditore. Cæterum si ita extendatur, ut melior sit conditio emptoris, quàm venditoris, iniquam prorsus esse ejusmodi communicationem. Primum, quia collabitur, & corrumpit funditus omne fundamentum hujus communicationis: imò ratio ipsa æquationis eo casu excludit hanc communicationem, cum non æquetur emptor venditori. Præterea quia iniquum est, melioris esse conditionis emptorem, cui hoc beneficium tribuitur interpretatione Doctorum, quàm venditorem, cui nominatim Lege conceditur. Denique quia omnis ratio dicitur, magis venditori, quam emptori esse subveniendum: nam Legis auxilium multò magis meretur venditor, qui sæpè veni nero rei familiaris angustiis, aut aliquà urgente necessitate bona sua distrahere compellitur. *l. ita ut omnes 39. §. 1. versic. quid enim §. mandat. l. non idcirco 12. l. quisquis. 16. C. de rescind. vend. l. 2. C. sine censu vel relig. l. 1. C. de præd. decurion.* quàm emptor, qui volens accedit ad emendum, & sæpè carius emit vel quodam calore, *l. locatio 9. ff. de public. vel affectione opportunitatis, vicinitatis, cæli, aut quod illie educatus sit, vel parentes sepulti. l. 1. §. Sed si rem. versic. & alias videamus ff. si quid in fraud. parron. vel quod bona illa majorum ejus fuerint. l. si in emptione 36. ff. de minor.* Quocirca si glossæ interpretatio plus tribuat emptori, quàm lex ipsa venditori, ut suprà probavimus, & infrà luculentius demonstrabimus, ea tamquam iniqua, & abhorrens tum à rectâ ratione, tum à legis sanctione erit repudianda.

Secundo loco illud etiam tamquam certum & exploratum statuendum est, læsionem consistere in illa inæqualitate, ac differentia, quæ intercedit inter datum, & acceptum. Nemo enim læditur, quoties acceptum est æquale dato: nihil enim abest

ei, qui tantundem recipit, quantum dedit: adeoque cum jus suum consequatur, nec læditur, nec jacturam ullam facit, nec damno afficitur. Tunc igitur læditur aliquis, cum recipit minus, quàm dedit, seu minus ejus, quod recipere debuit. Ac si paulò minus accipiat, levis erit, & mollis læsio: si multò minus, gravis & magna: si immodicè minus, immodica erit & enormis læsio. Cum igitur pro modo hujus inæqualitatis, & differentię crescat læsio, atque jactura contrahentium in emptione, & venditione, & tantundem augeatur, quantum ipsa augeatur; manifestum est, inæqualitatem, ac differentiam inrer acceptum, & datum, esse veram, atque unicam mensuram hujus læsionis, atque jacturæ.

Quibus probè constitutis, ad rem veniamus. Imperatores in *l. 2. C. de rescind. vend.* definiverunt, venditorem immodicè, & enormiter læsum videri, adeò ut possit rescindere venditionem, si non acceperit dimidium justii pretii: hoc est, si non acceperit dimidium ejus, quod dedit, & quod recipere debebat. Nam venditor, ne lædatur, recipere debet justum rei pretium, quod compensat rem, quam vendit, ac tradit emptori. Uno verbo, tunc immodicè læditur, cum acceptum est minus, quàm dimidium dati. Est ergo, ut emptorem æquemus venditori, necessariò dicendum, tunc emptorem pariter lædi immodicè, atque enormiter, adeò ut possit emptionem rescindere, cum acceptum erit minus quàm dimidium dati: hoc est, cum recipiet à venditore aliquanto minus, quam dimidium ejus pretii, quod ipsi solvit. Etenim ne lædatur, debet à venditore recipere rem, quæ tanti sit, quanti est pretium, quod solvit, nempe ut justum pretium rei, quam accipit à venditore, æquet, ac compenset pretium, quod solvit. Si ea minoris sit, tunc læditur; si sit tantò minoris, ut ejus verum pretium non pertingat ad dimidium pretii, quod solvit, tunc immodicè læditur, & potest emptionem rescindere. Animadvertendum enim est, quod dimidium necessariò refertur ad totum: nec potest esse dimidium, nisi sit aliquod totum,

cujus illud sit dimidium. Cum autem agitur de *factum*, de *lesione*, de *damno*, tunc dicitur aliquis in dimidio *lædi*, ac *damnum pati*, seu *dimidii* *facturam* facere, quoties amittit dimidium ejus, quod antea habebat vel recipit dimidium ejus, quod recipere debebat. Ergo emptor in dimidio *læditur*, & dimidii *facturam* facit, cum recipit dimidium ejus, quod antea habebat, & quod iuste recipere debebat, quia tantumdem dedit; quod evenit, cum dat viginti, & recipit decem: tunc enim amittit decem, quæ sunt dimidium viginti. Nam ante emptionem habebat viginti, post emptionem habet tantummodo decem: in contrahenda emptione solvit viginti in pecunia numerata, ut viginti recipiat in merce; si recipit tantummodo decem, dimidii *facturam* facit, dimidii *lesionem* patitur: non secus, ac venditor, qui tradit viginti in merce, quam vendit, & recipit tantummodo decem in pecunia, seu quod idem est, dat decem, & recipit quinque: nam & hic dimidii *facturam* facit, Dimidium enim amittit, cum habeat solummodo dimidium ejus, quod antea habebat, & recipiat dimidium ejus, quod recipere debebat. Et hæc est vera æqui paratio emptoris, ac venditoris, quod qui non vident, in luce clarissima cecutiunt.

¶ At enim, inquiunt, si emptor emat viginti, quod decem valet, & venditor vendat quinque, quod æque decem valet: emptor in decem *læditur*, venditor in quinque: ergo non æque *læduntur* emptor, ac venditor, atque adeo non est par utriusque conditio. Ineptissima conclusio. Philosophus ita distingueret: non æqualiter *læduntur* quantitative, sed *quotitative*. Barbarè quidem, sed ad rem explicandam aptissimè. *Lesio* enim utriusque non est æqualis quoad quantitatem; quia emptoris est decem, venditoris quinque: Sed est æqualis quoad *quotam*, & *ratam* portionem, quia uterque *læditur* in dimidio. Hæc autem in re non est spectanda quantitas, sed *quota*: quia lex non præscripsit certam quantitatem, in qua *læsus* possit rescindere: sed *quotam*, seu *ra-*

tam partem, nempe dimidium, ultra quod qui *læsus* est, fruitur beneficio legis. Omnes igitur, qui in dimidio *læsi* sunt, æqualiter *læsi* sunt, etiam si non in eadem quantitate. Etenim nec ille, qui vendit decem, quod valet viginti, perinde *læditur* inspectâ quantitate, atque ille, qui vendit quinque, quod valet decem: alter enim in decem, alter solum in quinque *læditur*. Verumtamen quoad beneficium legis *secunda* uterque *læditur* æqualiter, quia uterque *læditur* in dimidio: quamobrem uterque habet jus rescindendi, si ille paulò minus, quàm decem: hic paulò minus, quàm quinque vendiderit. Si duo sint heredes per fideicommissum rogati restituere, alter hereditatem quatuor millium, alter quadringentorum: & ille retineat, ex Trebelliano mille, hic tantummodo centum: utique ille multò plus retinet quoad quantitatem, quàm hic: Sed quoad *quotam*, & *ratam* partem uterque æqualiter retinet, & uterque servat præscriptionem senatusconsulti, quod non certam quantitatem præscripsit, sed *quam* partem retinere permisit. Quænammodum igitur par est heredis utriusque conditio, licet ille magnam, hic modicam quantitatem retineat, quia uterque *quam* partem tetinet; ita par est conditio duorum venditorum, itemque emptoris, & venditoris, licet alter magnam, alter modicam quantitatem amittat, dum uterque dimidiam tantum partem amittat, aut paulò amplius. In omni commerciorum retumque contrahendarum usu, *lucrum*, *damnum*que æstimatur, factâ comparatione ad id, quod datum est, & expensum. Quamobrem, qui in singula centenaria tantumdem *lucris*, aut detrimenti faciunt, æquale *lucrum* reportare, & æqualem *facturam* facere existimantur. Si quis ex quadringentis, quæ dedit, *lucrifaciat* quadraginta, & alter ex centum tantummodo decem, uterque æqualiter *lucratur*, licet quantitas *lucris* sit inæqualis, quia uterque *lucratur* decem in singula centenaria. Qui emit viginti, quod valet decem, seu centum, quod valet quinquaginta, amittit quinquaginta pro centenario: sicut ille, qui

vendit quinque, quod valet decem, aut, quod idem est, vendit quinquaginta, quod valet centum.

Atque ut evidentissimè demonstretur, hæc portione servatà, omnino æquari emptorem venditori, fingamus Titium emere centum, quod valet quinquaginta: Cautum vendere quinquaginta, quod valet centum. Uterque distrahit, & à se abdicat centum: emptor in pecunia, venditor in merce. Uterque recipit quinquaginta: emptor in merce, venditor in pecunia. Uterque jacturam facit quinquaginta. Conveniunt igitur in omnibus, ac propterea perfectior æquatio emptoris cum venditore nec inveniri, nec excogitari potest. Quemadmodum igitur venditor non potest agere ad rescindendam venditionem, ita nec emptor, siquidem venditori est æquiparandus. Item quemadmodum, si venditor venderit paulò minus quinquaginta, poterit uti beneficio legis: ita & emptor, si res constet paulò minus quinquaginta. Hoc argumentum, si cavillationibus fortasse potest eludi, nulla tamen probabilis ratione potest labefactari.

Perpendamus jam, quantum melior sit emptoris, quam venditoris conditio juxta glossæ & Veterum opinionem. Falluntur illi, quod putant se proponere emptorem læsum in dimidio: proponunt autem emptorem reverà læsum in tertiâ tantum parte, ut initio indicavimus, eumque comparant cum venditore, qui verè læsus est in dimidio: ac proinde nec ratio constat, nec æquiparatio. Neque enim animadverterunt, se læsionem in venditore constituere in dimidio ejus, quod dat: contrà verò in emptore in dimidio ejus, quod accipit, hoc est, in tertiâ parte ejus, quod dat. Etenim qui solvit quindecim pro re, quæ valet decem, dat quindecim, & recipit decem: itaque ei absunt quinque, quorum jacturam facit; quinque autem sunt dimidium decem, quæ accepit, & tertiâ tantum pars quindecim, quæ dedit. Contrà qui vendit quinque, quod valet decem, dat decem, & recipit quinque, adeoque jacturam facit quinque: hæc autem sunt dimidium decem, quæ dedit. Nemo

autem dubitabit, quin melioris sit conditionis ille, qui amittit solum tertiâ partem, quam ille, qui amittit dimidiam: & quin majorem jacturam faciat, qui dimidiam, quam qui tertiâ partem amittit.

Præterea in exemplo modo exposito, qui emit centum, quod valet quinquaginta, potest rescindere contractum juxta glossam: & contrà, qui vendit quinquaginta, quod valet centum, non potest rescindere: & tamen ad amissum in omnibus patescunt emptor, & venditor, cum uterque tantumdem det, tantumdem recipiat, tantumdem amittat, ut demonstravimus. Sed hoc diligentius perpendentes ad calculos revocemus. Si quis emit centum, quod constat sexaginta sex, perdit tantummodò triginta quatuor: & tamen potest contractum rescindere, quia 34. est plus quam dimidium 66. Contrà si quis vendat quinquaginta, quod centum constat, perdit quinquaginta, & tamen non potest rescindere contractum. Est ne hoc æquare emptorem venditori? Præclara sanè æquiparatio: emptor, qui perdit solum triginta quatuor, gaudet beneficio legis: emptor, qui perdit quinquaginta, non gaudet. Profectò si vel homines de trivio interrogaveris, utrum magis lædatur, majoremque jacturam faciat ille, qui erogatis centum aureis amittit triginta quatuor; an verò ille, qui amittit quinquaginta, risu excipieris, & insanire videberis. Atque huc nos redigit glossæ absurda supputatio.

Sed ne ullus pateat evadendi locus, fingamus exemplum in eadem re, eodemque contractu, iisdemque personis. Constat inter omnes beneficium legis *secunda* extendi etiam ad permutationem, quæ emptioni, & venditioni est maximè affinis, & huic originem dedit. *l. 1. ff. de contrah. empr.* Fingamus igitur Titium permutare equum, qui constat triginta autem, cum decem amphoris vini, quæ constant novemdecim. Rogo, an possit rescindere contractum. Enimverò si consideretur tamquam emptor vini, poterit rescindere: si tamquam venditor equi, non poterit rescindere. Ergo multò melioris est conditionis emptor, quam venditor. Est

hic

hic anfractus inexplicabilis in sententia glossæ. Eò confugiunt, ut dicant, considerandum esse Titium tamquam venditorem equi. Quid ita? Enimvero non minus est emptor vini, quam venditor equi. Sed quomodo se extricent, ipsi viderint. Hoc tantum urgeo: si par esset conditio emptoris, & venditoris, & æquali jure censerentur, utique perinde esset, Titium considerare tamquam venditorem, ac tamquam emptorem. Ex hoc certe se numquam explicabunt.

- 17 Contra hæc duo opponebantur in judicio, in quo de hac controversia fuit acerrime disceptatum. Primum quòd Imperatores tam in l. 1. quam in *l. si voluntate 8. C. de rescind. vendit.* statuunt mensuram læsionis, factâ comparatione ad justum, ac verum pretium. Ibi: *Minus autem pretium videtur esse solum, si nec dimidia pars veri pretii soluta sit.* & rursus: *nisi minus dimidia iusti pretii, quod fuerat tempore venditionis, datum esset.* Ergo etiam emptor immodiè læsus erit, cum læsio transgreditur dimidium iusti, ac veri pretii, hoc est, solverit sexdecim pro re, cuius justum pretium erat decem: nam sex sunt plus quam dimidium decem, quod est justum pretium.

Ac si in laudatis legibus ageretur tam de emptore quàm de venditore, utique vim argumenti perciperem. Sed cum in illis agatur de solo venditore, non intelligo cur ea verba emptori debeant, aut possint accommodari. Primum enim emptori beneficium hujusmodi non competit ex verbis legis, sed propter quamdam comparationem, & æquationem servandam inter emptorem, & venditorem. Quocirca necesse est ad emptorem solummodò hoc beneficium extendi, eique communicari eâ ratione, ac modo, quo æquetur venditori, ut initio diximus. Hoc igitur tantummodo in hac questione est observandum, an ex illa, vel illa supputatione emptor æquetur venditori, adeò ut non aliter ad hoc beneficium admittatur, quàm si æque lædatur atque ipse venditor.

Præterea, etiamsi maximè velis, tamen verba, quæ venditori conveniunt, emptori

nequeunt accommodari. Nam cum à venditore gradum facimus ad emptorem, omnia de hoc ex contrario dicuntur, nec paria paribus, sed adversis contraria referuntur. Quod enim est defectus in venditore, est excessus in emptore: quod in venditore est minus, in emptore est plus: quod in venditore est acceptio, in emptore est datio: quoniam venditor læditur minus recipiendo, emptor plus dando: læsio venditoris in defectu, emptoris in excessu consistit. Item venditor distrahit, & à se ablicat rem venditam: emptor pretium. Venditor acquirit pretium, emptor rem emptam. Venditor tradit rem pro pretio: emptor pretium pro re. Manifestum est igitur, quòd id, quod respectu venditoris est res vendita, seu ipsius æstimatio ac pretium; respectu emptoris est pretium conventum: & ex contrario, quod respectu venditoris est pretium conventum, respectu emptoris est res emptæ: nam venditor dat rem venditam, ut consequatur pretium, emptor ex contrario dat pretium conventum, ut consequatur rem emptam. Itaque sicut venditor immodiè læditur, cum pretium, quod recipit pro re, est minus, quàm dimidium: ita emptor immodiè læditur, cum res, quàm recipit pro pretio convento, est minus, quàm dimidium. Ipsius pretii. Rursus quòd respectu defectus est dimidium, respectu excessus est duplum: eodem enim modo læditur, qui duplum dat ejus, quod recipit, & qui dimidium recipit ejus, quod dat. Igitur si lex in venditore qui læditur propter defectum, definit, ac præscribit plus quàm dimidium iusti pretii, in emptore debet præscribi plus quàm duplum iusti pretii, cum ipse lædatur propter excessum. Dicam planius, si potero. Quinque sunt dimidium decem: contra decem sunt duplum quinque. Tam in emptore, quàm in venditore, si spectetur id, quod accepit, est dimidium: Si verò spectetur id, quod dedit, est duplum: Venditor, quod valet decem, vendit quinque: dat decem, & recipit quinque: si consideres quinque, quæ recepit, ea sunt dimidium decem, quæ dedit: si verò respicias ad decem, quæ dedit,

ea sunt duplum quinque , quæ accepit. Dat igitur duplum , recipit dimidium. Eodem modo emptor etiam dat duplum , recipit dimidium. Solvit enim pretium viginti , & recipit decem , quæ sunt verum pretium rei , quam emit : viginti , quæ dat , sunt duplum decem , quæ recipit : & decem , quæ recipit : sunt dimidium viginti , quæ solvit. Potestne inveniri , aut excogitari exactior , atque perfectior æquatio , ac similitudo ? Sed hæc non omnes examullim , atque exquisitè comprehendunt : aliâ igitur aggrediamur viâ.

- 18 Cùm certa , atque unica mensura læsionis sit differentia , quæ intercedit inter datum , & acceptum , ut initio demonstravimus , Imperatores , ut definirent , quanta debeat esse læsio , ut possit rescindi venditio , comparant pretium , quod venditor recepit , cum re vendita , quam tradidit ; sed quia non rectè procederet comparatio , atque proportio , si pecunia cum merce compararetur , quia proportio , & comparatio fieri debet inter res ejusdem generis , idcirco pro re vendita , & tradita lumpservit ejus veræ æstimationem , justumque pretium ; & optimè , atque ex ordine pretium solum venditori cum verò pretio rei venditæ comparant : & si illud sit minus , quàm dimidium hujus , contractum posse rescindi constituerunt ; quia humanum est subveniri ei , qui amittit plusquam dimidium rei suæ , hoc est , recipit minus , quàm dimidium ejus , quod dat. Quemadmodum igitur certissimum est , ladi venditorem , non quatenus illud est pretium rei , sed quatenus totum illud consequi debebat , & minus quàm dimidium est consecutus , adeoque perdidit majorem partem rei suæ , propter quod meretur auxilium legis ; ita certissimum est , Imperatores nominasse verum pretium , non ipsum , quatenus pretium est , considerantes , sed ut ipsum compararent cum pretio soluto , atque ita jacturam venditoris metirentur , certamque mensuram læsionis præscriberent , quæ aliter definiti non possent , quàm determinando , quid læsus dederit , & acceperit. Verum igitur pretium ibi consideratur tamquam datum : pretium solum tamquam acceptum.

Alterum , quod opponebatur , deducebatur ab Aristotele *lib. 5. Ethicor. cap. 7.* ubi statuitur in contractibus , atque in commerciis , quæ pertinent ad justitiam commutativam , servandam esse proportionem arithmetica , quam attendunt ii , qui plus quàm in duplo emptorem ladi oportere contendunt. Arithmeticam autem attendit glossa. Nam 15. 10. 5. sunt in proportionem arithmetica : 10. 10. 5. sunt in geometrica. Aristotelis sententiam amplectuntur omnes interpretes , ac præsertim ad *princ. sis. instit. de justit. & jur.*

Verane sit , an falsa Aristotelis sententia , non disputo : aliàs enim hoc examinavi satis copiosè. Hoc tantum dico : in dispositione nostræ legis manifestè geometricam proportionem attendi. Cum enim læsio definiatur in parte dimidiâ , & amplius , dimidium non potest referri , nisi ad proportionem geometricam. Rogo enim ; si venditor rem , quæ decem constat , vendat minus quàm quinque , potest rescindere contractum , quanti vendenda sit res , quæ constat quadraginta , ut pariter contractus rescindi possit. Responderent utique vendendam esse minus , quàm viginti , ut minus quàm dimidium justii pretii solvatur. Atqui 40. 10. 10. 5. sunt in proportionem geometrica , non arithmetica : ergo in metiendo læsionem , geometricam , non arithmeticam proportionem attendimus. Hæc eadem proportio servatur in detrahendâ Falcidia , Trebellianicâ , & legitima , quia lex non certam quantitatem detrahi permisit , sed ratam , & quottam partem , videlicet dimidiam , tertiam , quartam partem , quæ detrahi non possunt , nisi servatâ geometricâ proportionem. Nam hæc partes necessariò referuntur ad totum , & ctescunt aut decrescunt pro incremento , aut decremento totius , cujus sunt partes : adeoque semper sunt geometricè proportionales cum toto , Euclid. *lib. 5. prop. 15.* Si lex in computandâ læsione voluisset servari proportionem arithmeticam , præscripsisset certam quantitatem , velui decem , viginti , triginta aureorum , ultra quam qui læsus esset , posset rescindere contractum : quemad-

modum præscriptis in actione doli, quam ob modicam læsionem dari noluist, eamque definiuit esse duorum aureorum l. si oleum 10. in fin. cum duob. segg. alias l. Si quis §. Labeo ff. de dolo.

Imo & inter emptores, etiam admissa glossæ sententia, omnino servari debet proportio geometrica. Etenim si emptor qui emit quindecim, quod paulo minus, quam decem constat, rescindere potest; etiam qui emit triginta quod constat paulo minus, quam viinti, similiter poterit rescindere contractum. Atqui 30. 20. 15. 10. sunt in proportionem geometrica. Quod si quis contenderet inter emptores servari debere proportionem arithmetica, infinitis difficultatibus implicaretur, ex quibus nulla ratio ne se posset explicare. Nam sicut immodice lætur ille, qui emit quindecim, quod constat paulo minoris decem, ita & qui emit decem millibus quinque, quod constat paulo minoris decem millibus, & qui emit centum millibus quinque, quod constat paulo minoris centum millibus: quæ nemo non videt, quàm sint absurda. Imo si hanc regulam observaremus, res progrediretur in infinitum: nam & qui emit centum millibus uno, quod valet centum millibus, posset rescindere contractum, quia illum potest rescindere, qui duobus nummis emit, quod uno valet. Ac propterea emptor vel in minima quantitate læsus posset emptionem rescindere, quod legibus repugnat, & recte rationi.

Si igitur tam in venditoribus, quàm in emptoribus geometrica, non arithmetica, proportio servatur, cur ea servanda est inter venditorem & emptorem? Unde hoc discrimen? quæ ratio id suadet? Respondebant, quod cum res pretio æstimeretur, semper fieri debet comparatio pretii ad rem, sive pretium excedat, sive deficiat, & inde sumi proportio. Quapropter in venditore debet referri pretium quinque ad decem; & in emptore pretium quindecim ad decem, ita ut decem, quæ sunt verum rei pretium, sint utroque casu terminus consequens hujus proportionis, seu comparationis.

Nec animadvertant se hac ratione utramque proportionem cum geometrica, tum arithmetica destruere. Nam hi numeri hoc ordine dispositi 5. 10. 15. 10. neque arithmetice, neque geometricè sunt proportionales: imo nec harmonicè.

Quantum autem attinet ad Imperatorum constitutionem; hæc ipsi considerare non potuerunt, eum de emptore nihil disposuerint: itaque hæc nova, & inaudita proportio est merum commentum Advocatorum causæ inservientium. Etenim Imperatores solum considerant læsionem, jacturam, detrimentum venditoris, quem dignum putant auxilio legis, si immolicam jacturam fecerit. Hoc autem beneficium si velimus ad emptorem producere, eo tantum casu producere debemus, quo emptor æque dignus sit auxilio legis, hoc est, æqualem jacturam fecerit. Cum autem lex non certam quantitatem; sed dimidiam partem statuerit esse mensuram hujus læsionis, non potest attendi æqualitas absoluta quantitatis, sed æqualitas comparativa, seu proportionalis, & fieri debet comparatio partium, non vero quantitatum: adeo ut æque læsus dicatur emptor, ac venditor, si uterque plusquam dimidii jacturam fecerit.

Atque ut intelligatur, quam facilis sit, & absurda proposita comparatio, fingamus Imperatores non de venditore, sed de emptore statuisse, ut si plusquam duplum iusti pretii solvisset, rescindere contractum posset. Hæc lex ad venditorem non posset extendi: nam si emptor potest rescindere, cum emit 21. quod valet decem: venditor ut posset rescindere, necesse esset, ut illud idem venderet minoris, quam nihil. Etenim excessus 21. supra 10. est 11. Defectus autem nihil à decem, est ipsa decem: ergo ut defectus esset æqualis excessui, deberet vendere uno minus, quam nihil, quod est absurdum. Quemadmodum igitur facultas rescindendi concessa emptori læso ultra duplum, non aliter posset communicari venditori, nisi cum læsus esset ultra dimidium; ita ex contrario eadem concessa venditori læso ultra dimidium, non debet communicari emptori

ri, nisi cum læsus est ultra duplum. Nam duplum in emptore respondet dimidio in venditore: cum duplum in excessu sit idem ac dimidium in defectu, ut supra demonstravimus.

CAPUT VIII.

Ad L. nisi hoc actum 22. ff. de pact.

SUMMARIUM.

- 1 Status questionis & occasio scribendi.
- 2 Liberat res per transactionem, liberatur etiam fidejussor.
- 3 Etiam si iam sacris condemnatus.
- 4 Cum ipse jure tollitur obligatio, fidejussor omnino liberatur.
- 5 Cum autem tollitur ex exceptionis, quandoque fidejussori predest.
- 6 Transactio ipso jure tollit obligationem.
- 7 Transactio tribus modis fit. & n. 13. 14.
- 8 Est contractus innominatus.
- 9 Continetnovationem, & n. 10. 11. 12.
- 10 Nisi contrarium exprimerint transigentes.
- 11 Præcipuè cum mutatur forma contractus.
- 12 Etiam si subsequens sit naturalis tantum obligatio.
- 13 Transactio per Aquilianam stipulationem liberat tam principalem debitorem, quam fidejussorem.
- 14 Stipulatio adjuncta conventiendi transigentium tollit priorem stipulationem, & obligatorem.
- 15 Transactio per stipulationem facta sit contractus nominatus.
- 16 Adnotata forma contractus extinguatur fidejussio.
- 17 Etiam si referantur jura contra fidejussorem.
- 18 Maxime si reservatio natura contractus repugnet.
- 19 Refillitur Urcol. dec. 17.
- 20 A remissione pignoris non valet argumentum ad fidejussorem ad privandum illud beneficio liberationis, & n. 21. 22. 23.
- 21 Difficilias solvitur pignus, quam fidejussio.
- 22 Correo liberato aliter quam solutione, aliter non liberatur.
- 23 Contrarium obtinet in fidejussore.
- 24 Rationes differentie & n. 28. 29.
- 25 Declaratur auctoritates in d. dec. allegata. & n. 35.
- 26 Transactio cum correo alteram quoque liberat.
- 27 Etiam si non solidum, sed pars solvatur, quanti fuit is estimata & n. 33. 34.
- 28 Fidejussor liberatur quocumque habiturus esset regressum contra principalem debitorem.
- 29 In quibus casibus non habeat regressum.
- 30 Creditor sibi jura reservans contra fidejussorem non tollit ei regressum.
- 31 Nec Princeps tollere solet.

- 40 Fidejussor potest se tueri adversus creditorem exceptione cedendarum, & n. 41.
- 41 Plura remedia agentibus concessa.
- 42 Rejicitur præscriptio Urcol. dec. 17. n. 28. quod creditore liberante principalem debitorem cum reservatione jurius contra fidejussorem, tacite actum videatur, ut possit à creditore cedi actiones contra fidejussorem. Explicatur textus noster.
- 44 Creditor post transactionem nullas actiones habet, quas fidejussori cedere possit, & n. 48.
- 45 Et hæ exceptiones solidantur.
- 46 Exceptiones personales duplici generis.
- 47 Correo per pactum liberato actiones alteri correo cedenda sunt.
- 48 Fidejussor solvens potest petere, ut sibi cedantur actiones, etiam si habeat actionem mandati contra debitorem.
- 50 Creditor pacto personali creditore absolventi, ipsum liberat.
- 51 Omnino pactum personale non predest fidejussori, quomodo sit intelligendum.

NI te plus oculis meis amarem, Amice ! jucundissime, mandatis tuis obsequi nefas esse ducerem. Jubes enim, ut dicam, quod sentio de decisione nuper edita inter Decis. Urcol. 17. quam Auctor multo ante ediderat in *tratt. de transact. qu.* 74. Sed quis ego sum, qui vix primoribus labiis attingi jurisprudentiam, ut possim ferre judicium de re judicata à doctissimis viris, juris & justitiæ consultissimis? Nam et si non sus Minervam, ut aiunt, tamen inceptè, quisquis Minervam docet: ut ait Cicero in 1. *Academ.* Verumtamen amicitie, ac benevolentie ergo, ineptiæ, atque etiam audaciæ culpa subeunda. Dicam igitur ingenuè ac liberè, quod sentio. Contraria sententiâ mihi videtur esse verissima.

Post diuturnam litem super annuo censu tandem omnis controversia decisa fuit per transactionem, quâ convenit, ut debitor solveret creditoribus centum: quibus solutis, extinctus esset census, & resolutus contractus, & omne jus creditoris ex causa ipsius census. In fine tamen creditor sibi reservavit jura talia, qualia sibi competere contra fidejussores census. Recepta à principali debitore summa, de qua convenerat in transactione, judicium instituit contra fidejussorem: atque illi fuerunt condemnati, revocata priori sententiâ quæ illos absolverat.

Ego contra existimarem confirmandam fuisse
giorem sententiam, & absolvendum fide-
jussorem.

2 Ita nos docet Paulus in *l. fidejussores* 68.
*§. ult. ff. de fidejuss. Non possunt conveniri fi-
dejussores liberato reo transactione.* Non pote-
rat clarius decidi nostra controversia. Ulpia-
nus in *l. & post. 7. §. 1. ff. de transact. Si fi-
dejussor conventus, & condemnatus fuisset,
mox reus transegisset cum eo, cui erat fide-
jussor condemnatus, transactio valeat, qua-
ritur: & puto valere, quasi omni causa &
adversus reum, & adversus fidejussorem dis-*

3 *soluta.* Dissolvitur omnis causa adversus fide-
jussorem, etiamsi nam fuerit condemnatus.
Multo magis si nec condemnatus, neque
conventus fuerit. Sanè de hoc valde poterat
dubitari: nam iudicio contrahitur obligatio
sicut stipulatione, & non amplius origo ju-
dicii spectanda, sed ipsa iudicati obligatio.
Sunt verba Ulpiani in *l. 3. §. idem scribit ff.
de pecul.* Novatur enim iudicati actione
prior contractus *l. ult. vers. Si enim C. de
usur. rei judic.* imo, & sola contestatione
l. delegare 11. l. aiam 29. ff. de novat. Ita-
que fidejussor condemnatus proprio nomine,
senetur ex novâ iudicati obligatione; quam-
obrem non videbatur per transactionem rei
principalis esse liberatus. Sed quia per trans-
actionem rei dissolvitur omnis causa etiam
fidejussoris, vis transactionis porrigitur etiam
ad obligationem rei iudicatæ, ne liberato
reo principali teneatur fidejussor: contra
regulam *text. in l. in omnibus ff. de solu-
tion.*

4 Sed ut distinctius hoc explicemus. Omnis
obligatio tollitur aut ipso jure, aut ope ex-
ceptionis *l. qui servum §. si is cui ff. de obli-
gat. & action. l. cum quis 38. §. 1. vers. &
ideo & l. qui decem 72. in princ. ff. de solut.*
Cum ipso jure tollitur, quoniam penitus ex-
tinguitur obligatio, indubitatum est omnino
liberari fidejussorem *l. in omnibus ff. de solut.*
veluti si reus solverit *princ. tit. instit. vers.
item si reus. quib. mod. toll. oblig.* Si compen-
sare possit *l. verum 4. ff. de compens.* Si obli-
gationem novaverit *l. 4. C. de novat.* & aliis
modis similibus.

Ope exceptionis non penitus extinguatur
obligatio, neque tollitur actio, sed ea re-
pellitur, & infringitur exceptio; veluti
pacti conventi, doli mali, quod metus cau-
sa, & aliis, quæ recensentur in *tit. instit.
de exceptiõ.* ubi & illud traditum est, debi-
torem esse obligatum, & efficacem esse actio-
nem, qua convenitur. Cum reus principa-
lis liberatur ope exceptionis, liberatur etiam
fidejussor: non tamen semper. Distinguen-
dum autem est inter exceptiones reales, &
personales. Si exceptio sit realis, ut illæ,
quas modo enumeravimus, & aliæ similes,
prodest etiam fidejussori, qui eadem excep-
tione se potest defendere. *L. si quis postquam
37. l. ubicumque 60. l. si stipulatus: §. l.
ex persona 30. ff. de fidejuss. l. omnes 14. ff.
de except. l. defensionis 11. C. eodem.*

Si vero exceptio sit personalis: videlicet
personæ debitoris principalis cohareat, ejus
personam non egreditur, nec eâ potest se
tueri fidejussor *l. exceptiones 7. in princ. ff.
de exceptiõ. l. etsi 24. ff. de re judic. §. ult.
instit. tit. de replicat. c. privilegium de reg.
jur. in 6.*

His præmissis examinare oportet, quomo-
do per transactionem tum principalis, tum
etiam fidejussor liberentur. Perspicue id tra-
ditum in *d. l. & post. rem. 7. §. 1. ff. de trans-
act. Ibi: omnis causa & adversus reum, &
adversus fidejussorem dissoluta.* & in *d. l. fi-
dejussores 68. §. ult. ff. de fidejuss.* Ibi: non
possunt conveniri fidejussores liberato reo per
transactionem. Si dissolvitur omnis causa: si
non potest conveniri fidejussor, ergo non
liberantur ope exceptionis. Etenim quando
ope exceptionis contingit liberatio, manet
adhuc salva obligatio, & quæ ex ea nasci-
tur actio, quâ rectè, ac jure debitor con-
venitur. *§. 1. inst. tit. de exceptiõ.* Ibi: palam
est te jure civili esse obligatum, & alio, qua
intenditur, efficax est. & in *§. 2.* Ibi: dare
enim te oportet, cum ex stipulatione tenearis.
& suprà: Nam eam pecuniam à te petere posse
eum certum est, & in *§. 3.* Ibi: nihilominus
obligatus manet: quia pacto convento obli-
gationes non omnino dissolvuntur: quæ de causa
efficax est adversus eum alio, quam actor in-

tendit. & in §. 4. Ibi: *adhuc obligatus permanet*. Transactionem autem omnia jura extinguere, & dirimere omnes obligationes, & actiones, fateretur ipsemet Urceol. in *tractatu de transact.* quest. 8. n. 41. & seqq. Ergo ipso jure tollit obligationem; consequens autem est, etiam fidejussorem ipso jure liberari.

- 7 Non ignoro, transactionem tribus modis fieri posse: per simplex pactum, per Aquilianam stipulationem, & per pactum, cui subjiçiatur stipulatio; l. 2. ff. de transact. L. ut responsam 15. C. de transact. L. cum mora 6. l. si super 9. & l. seq. l. nec intentio 23. & l. 33. C. eod. l. si superflue 5. C. de dolo. Si fiat per simplex pactum, liberatur fidejussor non ipso jure, sed ope exceptionem, quia simplici pacto inita solam exceptionem patitur, L. cum proponas 17. L. si quidem 24. L. siue apud 28. C. de transact. Quod tamen intelligendum est, si transactio ex una parte saltem non fuerit impleta. Ea enim impleta ex una parte, alter obligatur etiam civiliter ad implendum id, de quo convenit. Transactio enim est contractus innominatus: *vel do, ut facias: vel facio, ut facias*, L. cum te transegisse 5. C. de transact. Ibi: *si de fide contractus*. l. 5. §. 1. & 2. per tot. ff. de prescr. verb. & ex hoc contractu nascitur obligatio, & ex ea actio prescriptis verbis l. 1. §. item ff. de rer. permutat. l. 2. & 3. l. 5. §. 2. & seqq. ff. de prescr. verb. Hoc autem casu non potest dubitari, omnino liberari fidejussorem, cum fiat novatio prioris obligationis, in hanc novam obligationem, quam producit innominatus hujusmodi contractus transactionis L. Lucius Titius 78. §. ult. ff. ad S. C. Trebell. Et in hunc transfunditur vetus obligatio, quæ extinguitur omnino, non solum pro parte, quum transigens accepit, sed in totum: nec reviviscit etiam reperiis postea instrumentis, L. sub pretextu 19. C. de transact. d. l. Lucius in fine ad Trebell. ubi notanda sunt illa verba: *Si non transactum esset, posse conveniri*. Ergo si transactum esset, conveniri non posset, qui translegit: cui consequens est, ipso jure liberatum esse. Est fortissimum argumentum,

ut ait Papinianus in l. 1. ff. de offe. ejus. Sed nec imperiali quidem recripto potest vetus obligatio jam extincta resuscitari. L. causas 16. C. eod. Essentia enim novationis est constituere novam obligationem, ita ut prior perimatur l. 1. in princ. ff. de novat. Et quamvis ex constitutione Justiniani novatio non intelligatur facta, nisi id verbis exprimat, L. ult. C. de novation. tamen, ut rectè statuit Anton. Fab. in Codice tit. de transact. defin. 2. constitutio illa non comprehendit transactionem, in qua, nisi contrarium expresserint transigentes, naturâ sua novatio continetur. Etenim cum novatio pendeat omnino à voluntate contrahentium d. l. ult. in fin. Ibi: & generaliter de minimis, voluntate solum esse, non lege novandum; manifestè apparet, transigentes voluisse à priori obligatione recedere, & novam constituere, quoniam à lite recedere voluerunt, & dubium, & incertum jus omittere, & vice ejus certum, indubitatum jus nascisci. Optimè S. P. in c. 1. de transact. Ibi: *decernimus ut omnia instrumenta, & quicquid aliud est, & res sit vacuum, & omni virtute cassatas, & sola pactorum inter vos habitorum pagina, validum perpetuumque robur obtineat*. Quamobrem fatentur omnes DD. per transactionem fieri novationem; & præter Valeron. tit. 5. quest. 4. ipsemet Urceol. quest. 73. per tot. Novatione autem facta à principali debitore, fidejussores liberari certi juris est L. novatione 4. C. de fidejuss. Ibi: *liberatos esse non ambigitur, si modo in sequenti se non obligaverunt*. L. ubicumque 60. ff. eod. l. unic. C. etiam ob chirograph. pecun.

Maximè vero fit novatio, quoties aut mutatur forma contractus, aut in transactione adjiçuntur pacta incompatibilia cum priore contractu. Idque minimè dubium est, aut controuersum, sed omnium Doctorem auctoritate confirmatum. In hac autem transactione, & forma contractus est omnino dissimilis atque diversa, & maxima est pactorum utriusque contractus repugnantia. Quid enim commune habet cum censu hæc transigentium conventio. Forma; & substantia census ea est, ut fiat & constituatur super re

immobili, frugifera, certis finibus designata, & interveniat pecunia coram Notario numeranda, ut apparet ex bulla V. de censibus, & explicat Cenc. de Censib. quest. 33. n. 31. & si comparatur definitio census ab eodem tradita, distincteque & explicite singulis verbis definitionis expositis explanata, nullatenus convenit cum hac transactione. Pacta quoque sunt omnino pugnancia. In censu constitui debet jus in re, in transactione solum contrahitur obligatio, quæ personam afficit: in censu debetur annua responsio, in transactione nihil debetur annuum, quia summa, quæ debetur, fructifera non est, sicut est prælium, super quo census imponitur: in censu emptor non potest repetere pretium, quod solvit: in transactione peti potest summa promissa iis conditionibus, quæ recensentur in laudata decis. 17. in princ. in facti narratione.

Sed quid opus est circuitione, & anfractu, cum ipsi transigentes perspicue declaraverint voluntatem novandi illis verbis: *ricevuto che sarà detta somma di scudi cento, resti estimo e risoluto detto contratto del censo, & logni ragione, che per detta causa abiano & aver possano detti, &c.* Quid enim est novatio? est prioris debiti in aliam obligationem translatio: hoc est, cum ex precedenti causa ita nova constituitur, ut prior perimatur. Sunt verba Ulpiani in l. 1. ff. de novation. Non poterat clarius definiri nostra controversia. Nec obstat, quod ex pacto naturalis tantum nascatur obligatio, non autem civilis. l. juris gentium 7. §. sed cum nulla ff. de pact. l. ex pacto 1. ff. de rer. permu. tum quia novatio contingit etiam quando subsequens obligatio, in quam transfunditur, est solummodo naturalis d. l. 1. in princ. ff. de novat. tum quia ex transactione etiam civilis nascitur obligatio, cum sit contractus, ut diximus.

33 Hactenus de primo genere transactionis, quæ simplici pacto celebrata est. Ea, quæ fit per Aquilianam stipulationem, & subsequentem acceptilationem, absque dubio liberat ipso jure tum principalem debitorem, tum ejus fidejussores: quia acceptilatio ha-

bet vim solutionis §. item per acceptilationem inst. tit. quib. mod. toll. oblig. l. si ex pluribus 16. in princ. circa fin. ff. de acceptil. l. non solum autem 7. §. 1. ff. de liberat. legit. Atque ideo non solum acceptilatio à reo facta liberat fidejussorem l. in omnibus 43. ff. de solut. sed etiam acceptilatio fidejussoris liberat reum principalem l. & per jussurandum 13. §. si fidejussori, & l. si ex pluribus 16. ff. de acceptil. Nam Aquiliana stipulatio adjecta transactioni, omnimodo perimit omnes præcedentes obligationes l. Aquiliana 4. ff. de transact. l. ut responsum 15. l. si causa 32. c. eod.

Postremus modus transigendi est, cum 14 conventioni initæ inter transigentes adjectur stipulatio, ut plerumque fit l. cum mora 6. l. si super 9. l. fratris 10. l. nec intentio 13. l. 33. c. de transact. Et hoc est factum præsentis transactionis. Nam verbum promitto etiam in scriptura stipulationem inducit & continet. l. sciendum & ibi Angel. & DD. ff. de l. O. l. optimum 14. c. de contr. stipul. §. item verborum 12. inst. tit. de inutil. stip. §. si scriptum 15. eod. tit. Paulus lib. 5. sentent. tit. 7. unde §. illam desumpsit Iulianianus. Quapropter omnino dicendum est, reum principalem ipso jure per transactionem fuisse liberatum, adeoque etiam fidejussorem. Cum enim, ut arbitror, etiam in contractu census intervenierit stipulatio, per stipulationem transactionis ipso jure tollitur stipulatio census l. si unus 27. §. paulus ff. de pact. Ibi: prius pactum per posterius eliditur, non quidem ipso jure sicut tollitur stipulatio per stipulationem, si hoc alium est: quia in stipulationibus jus continetur, in pactis versatur. Idcirco ex transactione, in qua stipulatio fuit inserta, nascitur actio ex stipulatu, non datur actio præscriptis verbis quemadmodum datur quoties per simplex pactum inita fuit. l. cum mora 6. l. si pro fundo 33. c. de transact. Quia transactio subiecta stipulatione non est amplius contractus innotui- 15
natus, sed convertitur in contractum nominatum stipulationis, & ex stipulatione nascitur obligatio, non ex transactione. Neque enim duæ sunt obligationes, sed unica tan-

l. fin. n. 3. c. de remiss. pign. & Bartol. in d. leg. fin. Glossæ in l. Paulus 12. verbo, remississe, & ejusdem Pauli in d. l. Paulus ff. quib. mod. pign. vel hypothec. solvatur. Hæc n. 9. & seqq. d. decis. 17.

Mirum proinde est, doctissimos viros ad revocandam sententiam priorum judicum, qui meo judicio rectè judicaverant, & ad condemnandos fidejussores, adductos fuisse auctoritate Doctorem, qui solvunt questionem à nostra controversia tam alienam, quàm quod maximè. Primum enim illi agunt de pignore, nos de fidejussore, cujus est multò diversa natura. Novum autem est, dicta Doctorem pro lucere ad consequentia, & ad similia, quod soli legi tribuitur, quæ casus omnes non potest comprehendere *l. non p. sunt 12. cum duob. seqq. ff. de legib.* Multò magis novum, trahere ad dissimilia, atque diversa: sed hic non consisto. Expendo, quid attingeant ad hanc causam eorum auctoritas, & opinio.

20 Quæstio, de quâ illi disceptant, est ejusmodi. Paulus in *l. Paulus 12. ff. quib. mod. pign. vel hypoth. solvatur* respondit, quod si creditor consenserit, & permiserit debitori suo, ut rem sibi oppigneratam tertio creditori obliget, jus suum pignoris videtur remississe, non verò tertium in locum succedere voluisse. Quærant hic Doctores, an videatur remississe hypothecam quoad omnes creditores quibus res illa est obligata. Glossa ait, videri remissum jus pignoris solum quoad eum creditorem, cui permisit obligari. Sed eà communiter reprobat, quia loquitur contra litteram textus. Bartolus autem distinguit inter feminam & masculum, & ait: hunc censeri remississe quoad omnes; illam verò solummodò quoad tertium per text. in *l. jubemus C. ad S. C. Vellejan.* Contra verò Salycetus ita distinguit. Si creditor sciens pignus à debitore alteri obligari, tacuit; silentium ei non præjudicat: si expressè consensit, aut consensum retrinxit ad tertium creditorem; solummodò quod ad eum sibi præjudicat, non quod ad alios: si verò simpliciter, & absolute consensit, pignus remississe videtur, & quod ad omnes sibi præ-

judicat, sive sit masculus, sive femina. Salycetum sequitur Bich. in *d. decis. 114. n. 19. & seqq. Ronchagal. & alii.*

Quid, oro te, amice jucundissimè, commune habet, aut simile hujusmodi quæstio cum nostra causa. In hac queritur de voluntate: in nostrâ de potestate. In hac ille, qui privatur jure suo, consentit, & quidem expressè, tacens enim pro consentiente non habetur: in nostra fidejussor; qui privandus est beneficio liberationis, nullum præstat consensum, & privatur invitus. In hac creditor remittit jus proprium, quod habet: in nostra remittit jus alienum. Dixi breviter, & fortasse paulo obscurius, sed si potero. clariùs explicabo. Creditor, cui pignus à debitore fuit obligatum, potest quandoquaque & quomodo locumque pignus remittere, & tem sibi obligatam à nexu pignoris liberare. Dimittit enim jus, quod habet, & juri suo renunciat, quod cuique facere licet *l. pactum 46. in fin. ff. de pact. l. per ult. ver. cum alia, c. eod. l. si iudex ff. de minor. l. invito ff. de R. J.* Potest igitur creditor remittere jus pignoris, & rem obligatam à nexu pignoris liberare: nam obligatio pignoris & consensu contrahitur, & dissolvitur: ut aiunt Severus, & Antoninus in *l. 2. c. de remiss. pign.* sed creditoris consensus est necessarius: ignoranti enim & invito non potest ei jus pignoris à debitore auferri, etiam si reipublicæ pignori dedit. *l. 3. cod. eod. l. penult. & l. ult. c. eod.* Potest etiam creditor renunciare secundo creditori jus quod habet, ut ei præferatur: sed sicut illud, ita hoc pendet à voluntate creditoris, quæ in his loca spectatur. *l. creditor 12. §. si tecum ff. qui pos. in pig. habentur.* In his igitur de potestate nulla existit controversia, cum certum sit, & indubitarum, unumquemque posse jus suum à se abdicare, & vel extinguere, vel in alium transferre, atque alteri cedere. Solum in his versatur quæstio voluntatis: scilicet an inter creditorem, & debitorem id actum fuerit, ut à pignore discedatur, vel ut secundus creditor in locum ejus succedat, de quâ in laudata *l. Paulus & in l. si debitor 4. §. 1. & seqq. l. solvitur l. si consensu &*

- aliis ff. quib. mod. pign. vel hypoth. solv. l. 1. l. si eo tempore 6. & duob. segg. C. de remiss. pign. l. creditor 12. §. si tecum ff. qui prior. in pign. in quibus omnibus consensus requiritur creditoris, qui jus suum amittit, quod ipsi invito auferri non potest l. id quod nescit ff. de R. J.*
- 23 In causa vero, de qua agimus, contraria omnia: in hac enim non versatur questio voluntatis, sed potestatis. Etenim voluntas creditoris transigentis privandi fidejussorem beneficio liberationis, certa est & expressa in ipsa transactione. De potestate solum questio est, an possit cum privare hoc beneficio, quod ipsi à jure conceditur, l. in omnibus ff. de solut. ut supra copiosè, & luculentè probavimus. In superiore quaestione creditor amittit jus suum sua voluntate, atque consensu, ut probavimus: in hac ei auferitur invito. Si hic quoque fidejussor consentiret, utique non liberaretur. l. novatione 4. c. de fidejussorib. Ibi: novatione legitime perfecta debiti in alium translati, prioris contractus fidejussores, vel mandatores liberatos esse non ambigitur: si modo in sequenti se non obligaverunt. Animadvertere oportet in his verbis, quod pro veteri contractu non manent obligati, etiam si consenserint, quia repugnat naturæ fidejussionis, quæ est accessio principalis obligationis, ut extincta principali obligatione subsistat; possunt tamen pro novo contractu se obligare. Itaque absurdum est, putare fidejussorem pro censu, videlicet pro veteri contractu, manere obligatos: cum neque consensum præstiterint, neque si præstiterint, id consequi potuissent, repugnante juris dispositione, & naturali ratione. Itaque creditor abdicat, aut cedit jus suum volens lubens, imò ipse seipsum privat suo jure: contra hic fidejussor ignorans & invitatus amittit jus suum, atque ipsi à creditore auferitur. Vides igitur omnia esse contraria, & casus non solum esse diversos, sed inter se pugnare. Quid igitur deferendum putas huic illationi? l. ubi pugnancia 188. ff. de R. J.
- 24 Cum hæc evidentissima sint, silentio non possum prætermittere, quod periculolum admodum est argumentum, quod ducitur à

pignore ad fidejussorem. Licet enim liberato reo principali semper liberetur fidejussor l. in omnibus ff. de solut. tamen non semper liberantur pignora, etiam si sublata fuerit actio personalis l. 2. c. de solut. pign. Ibi: intelligere debes vincula pignoris durare personali actione submota l. cum quis 38. §. ult. ff. de solut. Ibi: qui pro te apud Titium fidejussor erat, pignus in suam obligationem dedit: post idem heredem re instituit. Quamvis ex fidejussoria causa non tenearis, nihilominus tamen pignus obligatum manebit. Alia exempla proponuntur in l. qui occidit 30. §. 1. vers. sed an. ff. ad Leg. Aquil. l. servum 27. ff. de pignor. l. cum notissimè & ibi DD. c. de prescript. 30. annor. Pignus enim semel rectè constitutum non nisi certis modis solvitur: videlicet si pecunia soluta fuerit, vel eo nomine satisfactum creditoribus. l. grege 13. §. etiam ff. de pign. l. si rem 9. §. omnis ff. de pignor. act. l. si fundus 16. §. in vindicatione ff. de pignor. l. aliquando 13. §. de pignoribus ff. ad S. C. Vellejan.

Simile est argumentum fundatum auctoritate Cavanat. conf. 11. & Rot. Roman. cor. Bich. dec. 124. & post Merlin. de pignor. dec. 103. N. 27. nam res apud illos controversa à propostua quaestione est, longe diversa. Querunt enim, an ex duobus correis debendi, uno liberato, liberetur etiam alter. In his autem explorati juris, quod uno ex iis liberato, alter non liberatur, nisi prior ille fuerit liberatus per solutionem, aut alium modum, qui vicem solutionis obtineat: quia iniquum admodum esset, creditorem bis idem exigere. l. 3. in fin. ff. de duobus reis l. 2. in fin. ff. eod. l. bona fides. 57. ff. de R. J. l. Si quis dolo 52. in fin. ff. de re judic. l. si fidejussor. 29. §. hoc idem, & l. si quis alieni 27. §. ult. l. creditor 60. §. duobus ff. mand. Cæterum aliis modis liberato uno ex correis, alter non liberatur, etiam si in rem pactus fuerit l. fidejussoris. 23. junct. l. idemque 25. ff. de pact. quæ duæ leges simul jungendæ sunt, cum ex eodem libro tertio Pauli ad Edictum ambæ fuerint deprempæ, ut rectè monet Vinn. de pact. cap. 16. & Cujac. ad lib. 3. Pauli

ad edictum in explicatione d. l. 23. in fin. clarius in l. 3. §. nunc de effect. 3. ff. de liberat. leg. Itaque nec fidejussor liberatur pacto sui confidejussoris d. l. si fidejussor. 23. ff. de pact. l. si stipulatus. 15. §. 1. ff. de fidejussor. Nec tutor aut curator pacto aut transactione alterius tutoris aut curatoris, qui simul cum eo tutelam curamve communiter, vel separatim gessit. l. 1. C. de transact.

- 16 Contraria regula tradita fuit in liberatione debitoris principalis quod ad ejus fidejussorem in l. in omnibus, ff. de solut. lbi: in omnibus speciebus liberationum etiam accessiones liberantur: puta: adpromissores, hypotheca, pignora: adpromissores, id est, fidejussores. l. 3. §. satis accepto ff. de V. O. Quamobrem etiam pacto rei principalis fidejussor liberatur. l. & heredi 21. §. ult. ff. de pact. Hujus autem differentie plures sunt rationes. Prima, quia fidejussoris obligatio est accessio principalis obligationis, & fidejussor est, qui accessione causa obligatur §. fidejussores. 3. instit. tit. de fidejuss. l. generaliter. §. in princ. l. bi qui accessione. 34. ff. de fidejuss. non potest autem esse accessio, nisi sit aliquid principale, cui adhaereat & innitatur. §. cum in suo 29. instit. de rer. divi. l. 2. ff. de pecul. legat. l. 2. ff. de superfic. adeoque sublata quocumque modo principali obligatione, etiam fidejussoris obligatio tollatur, necesse est. l. nihil dolo. 129. §. 1. l. cum principalis. 178 ff. de R. J.
- 28 c. accessorium de R. J. in 6. Altera, quia natura & forma principalis obligationis, & fidejussionis ferme sunt unius modi, & hæc ab illa pender; adeo ut exceptiones omnes, quæ reo principali dantur, fidejussori communicentur. l. si stipulatus. 15. l. ex persona. 32. ff. de fidejuss. l. exceptiones. 6. §. 1. l. omnes. 29. ff. de except. l. defensiones 11. C. eod. §. ult. instit. tit. de replic. ubi hæc etiam ratio redditur, quia quod ad fidejussoribus petitur, ab ipso reo peti videtur: quod ex Sabini sententia scripserit multo ante Ulpianus in l. adversus. 29. ff. de recept. arbit. qui ad fidejussorem petit reo datus a reo petit: hoc est, potestare, seu ut dialectici

aiunt, potentia: adeoque incurrit in penam perinde ac si à reo peteret. Hæc autem non conveniunt duobus reis: nam nec exceptio unius communicatur alteri: nec obligatio unius est accessio obligationis alterius, cum ambe sint æquæ principales. L. 2. & passim. ff. de duob. reis.

Postrema ratio est, quia pactum cum debitorum factum prodest tum ipsi debitori, qui paciscitur: tum aliis obligatis, solummodo quoties debitoris paciscentis interest, eos ab obligatione liberari. l. & heredi. 21. ff. ult. cum seqq. ff. de pact. Quibus efficitur, neque unius rei liberationem prodesse correo: neque unius fidejussoris alteri confidejussori: neque tutoris contutori; quia eorum, qui liberati sunt, nihil interest, alios simul obligatos liberari, nisi socii sint. L. fidejussoris 23. ff. de pact. l. 3. §. nunc de effect. ff. de liberat. legat. Contrà verò pactum, & liberatio rei principalis prodest fidejussori, quia rei principalis interest, fidejussorem quoque liberari: quoniam fidejussor habiturus est regressum adversus ipsum reum: quocirca inutilis efficitur reo liberatio, qui poterit à fidejussore, si non à creditore conveniri. d. l. 21. in fin d. l. 3. §. 3. Quam igitur utilitatem percipiet ex liberatione? plane nullam. d. l. 3. l. ult. §. ult. C. de usur. rei judic. l. quod dicitur. 32. ff. de pact. l. Sed si pater §. non solum ff. de S. C. Maced. l. cum Lex 46. ff. de fidejuss. l. 1. §. exceptionem. ff. quar. rer. act. non dat.

His prælibatis, perspicue apparet, docto- res in proposito decisione allegatos ad nostram questionem nullatenus pertinere. Omnes enim agunt de duobus reis, & statuunt, uno ex illis per pactum liberato, alterum liberatum non esse: idque verissimum est, sed fidejussori non convenit, de quo contrarium à jure constitutum fuisse probavimus. Hoc amplius in decis. 154. cor. Richio non solum Sulpitius fuerat coram communis Signinæ in imponendo censu, sed postea constitutus erat unicuique debitor ac reus, quia in assiduæ contracto cum communitate censum sibi acollaverat, ut refert Casill. decis. 90. in princ. ubi factum narrat

enucleatè, & indicat ipse Bichius n. 17. in decis. 103. post Merlin. de pignor. Similiter erant plures hæredes, qui singuli in solidum, & principaliter erant obligati, ut ibi probatur: nec ibi agebatur de pacto de non petendo facto cum uno ex heredibus, sed de dilatione per biennium, quam marer filio fecerat, ut interim posset dotem sibi debitam exigere ab aliis coheredibus. ibi n. 14. Dilatio autem ad solvendum concessa debitori ipsam non liberat ab obligatione, dies enim adjectus differt solutionem, non impedit obligationem. §. omnis inst. tit. de V. O. l. centesimis 46. ff. cod. l. in diem. 10. ff. de condit. indeb. l. cedere diem. 212. ff. de V. S. Si igitur non liberatur ipsemet hæres, qui præfuit, multo minus possunt liberari coheredes, qui expressim in pacto fuerant exclusi ab ipso beneficio dilationis. Quamobrem jure ac merito Rota ibi n. 15. & segg. decidit, pactum illud neque novationem neque liberationem inducere, atque adeo dici non posse, etiam coheredes fuisse liberatos. Miror profectò, his auctoritatibus fundatam fuisse decisio- rem quam examinandam te mandante suscepì.

- 31 Illud adhuc addo, quod etiamsi de duobus reis ageretur, tamen transactione unius alter quoque fuisset liberatus tum vi novationis, ut initio diximus ac probavimus: tum vi solutionis. Solutio enim liberat etiam correum vel invito ac repugnante creditore. §. ex hujusmodi inst. tit. de duob. reis princ. tit. inst. quib. mod. toll. oblig. l. solutione 23. l. solvere. 53. ff. de solut. l. solvendo 39. ff. de negot. gest. Solutis igitur à debitore centum, quanti fuit inter creditorem & debitorem, utriusque consensu lis æstimata, solutione ejus, quod debet, liberatur debitor ab obligatione: eo- que per solutionem liberato indubitati juris est, liberati etiam omnes alios obligatos. d. 31 princ. tit. inst. de solut. & passim. Nec officit quod tota summa census soluta non fuerit. Et enim cum jus census esset incertum, & controversum, creditor pro ea summa transigendo, tanti videtur æstimasse jus

suum, ut in simili respondit Paulus in. l. Sed si non servus. 36. in princip. ff. ad Leg. Falcid. nec quicquam amplius poterat à debitor extorquere, ut respondit Papinianus in l. Imperator. 70. §. 1. ff. de leg. 2. sed eà summa contentus esse debebat, cum ipse 33 juti suo ejusmodi pretium constituerit. Dubius enim litis eventus, incommoda, impensis, aliaque, quæ necessariò lites comitantur, valde minuunt summam debitam. Ulpian. in l. nam hoc modo. 11. ff. de hered. vel all. vend. Hoc modo admittitur esse venditionem: si qua sit hereditas, esto tibi empti: & quasi spes hereditatis: ipsam enim incertum rei veneat, ut in rebus. Hoc incertum habet æstimationem, quam ipsi dederint contrahentes, ut in rebus. ait J. C. videlicet quemadmodum cum emitur jactus retis, nempe captus piscium, vel avium. l. si jactum. 12. ff. de action. empt. l. nec emptio. 8. §. 1. ff. de contr. empt. idemque est cum emitur partus nasciturus, vel fructus futuri. d. l. 8. in princ. Nam & id quod incertum est, potest æstimari. d. l. si jactum. 12. de act. empti. & qui solvit illam æstimationem, ab obligatione per solutionem liberatur. d. l. si jactum. Incertum quoque emitur, & æstimatur cum emitur nomen debitoris, qui sub conditione debet. l. nomen. 17. & l. multum. 19. ff. de kered. vel all. vend. imò, in princ. cum emitur nomen debitoris cujuscumque: licet enim certam summam debet, tamen incertum est, quid ab eo poterit exigi: vel cum emitur actio, ut in l. venditor. 23. ff. cod. Nemo autem dixerit, me non solvere integram summam, si solvero quinquaginta, quanti fuit æstimata, licet actione illa centum peti possint. Ad 34 rem nostram. Transigentes pepigerunt de summa centum scutorum: tanti incertum litis æstimantur: tanti creditor æstimavit actionem suam, nomenque debitoris: soluta hac summa creditori secundum conventionem, & æstimationem utriusque consensu constitutam, quis neget hac solutione plenè satisfactum fuisse creditori, & per solutionem debitorem fuisse liberatum? Atque id actum fuisse inter contrahentes ipsi

manifestò declararunt paciscendo, ut solutione conventæ summæ extingueretur & resolveretur census & omne jus quod ex ea causa posset provenire. Manifestum igitur est compertumque, solutione preceptam extinctamque fuisse principalem obligationem, adeoque etiam omnes alias, quæ ipsi accesserant: nam ea sic extincta, non possunt amplius subsistere: Imò vero, ne quidem si iterum se obligaverint, nova obligatione poterunt obstringi: nam qui fieri potest, ut obligetur ad præstandum censum, aut solvendo ejus fructus extincto jam, & resolutio censu repugnat, & naturalis, & civilis ratio. Deficiente enim re, quæ in obligationem deducitur, consistere non potest obligatio. *l. cum illud §. 1. ff. quand. dies leg. ced. l. cum certis §. ff. de trit. vin. & ol. leg. l. nec emptio §. in princ. ff. de contr. empt. l. 1. §. si id quod §. ff. de oblig. & act. l. si homo §. ff. de V. O. l. inter §. §. sacram vers. & ea dumtaxat ff. eod.*

35 Nihilò magis ad rem pertinet decis. 169. Nam ibi reus duabus obligationibus erat obstrictus: alterâ tamquam hæres cum beneficio legis, alterâ nomine proprio, quæ se per stipulationem obligaverat. Potest enim quilibet pro eadem re duabus obligationibus teneri *l. non ut ex pluribus §. 159. ff. de R. J. l. & an eadem §. 14. §. alliones ff. de except. rei judic. maximè si altera sit proprio nomine contracta, altera vero hæreditaria l. generaliter §. vers. remm verò, & vers. refert autem ff. de fidejussor.* Potest igitur pacto vel transactione reus duabus obligationibus obstrictus ab una liberari, retentâ altera. In laudata decisione liberatus erat obligatione hæreditaria, non autem obligatione, qua ipse sua promissione, nomine proprio, se obstrinxerat. At in nostra specie D. Octavius tenebitur solum tamquam hæres beneficiatus, nec ipse nomine proprio se obligaverat: cum igitur tamquam hæres liberatus fuerit in transactione & eo amplius etiam bona hæreditaria fuerint nominatim liberata, nulla superest obligatio; cui possit inniti obligatio fidejussoris: præsertim quia fidejussor initio tempore contractûs pro censu se obligaverat,

qui est jus in re: ac propterea liberatâ re, super qua census fuit impositus, non potest manere fidejussor obligatus.

Infirmatis ac refutatis argumentis, quibus fundatur decisio, quam examinamus, modo revertamur ad confirmandum exquisitiùs, quod dicebamus, fidejussorem propositâ transactione fuisse liberatum. Regula juris est; 36 certissima, fidejussorem liberari, quotiescumque habiturus esset regressum adversus principalem debitorem: eâ evidenti ratione, quia frustra liberatus esset à suo creditore debitor, si posset à fidejussore conveniri. Quid enim debitoris interest utrum à creditore, an à fidejussore conveniatur, & cogatur ad solvendum. Tradita est hujusmodi regula passim in jure nostro. In *l. cum Lex 46. ff. de fidejuss.* Ibi: fidejussor quoque liberatur: eo magis quia per ejusmodi actionem ad reum pervenitur. In *l. 1. §. exceptionem ff. quar. rer. act. non datur.* Ibi: etenim parvi refert, proinde liberatus cogatur dare, an per interpositam fidejussoris personam *l. ult. in fin. C. de usur. rei judic.* Ibi: cum enim intervenit solvere compellebatur, & ipse reum coe. e. hat ad invitam solutionem, nullum condemnatus habebat sensum nostra humanitatis, quia per medium fidejussorem statim solvere compellebatur. *l. 3. §. nunc de effectum ff. de liberat. leg. alioquin dum a correo meo petitur, ego inquisitor. l. 1. in princ. ff. eod. alioquin si fidejussorem capere convenire, alia ratione reus convenitur. l. quod dillum 32. ff. de pact. l. sed si poter §. non solum ff. de S. C. Macedon. l. adversus 29. ff. de recept. arbitri.* ubi qui petit à fidejussore, tñ juravit à reo petit, & incidit in pœnam impositam petenti ab ipso reo, perinde ac si ab ipso reo peteret §. exceptiones i. ff. tit. de replicat. Ibi: & rectè, quia quod ab iis petitur, id ab ipso debitore peti videtur, quia mandati iudicio reddimus est eis, quod pro eo solverint. Est ergo regula constans, & perpetua, quod, quando fidejussor habiturus est regressum contra reum principalem, liberato reo, ipse quoque liberatur. Tribus autem in causis fidejussor non habet regressum contra reum principalem, cum ei non detur neque man-

dati actio, neque negotiorum gestorum.

- 37 Prima, si fidejussit pro debitore invito ac repugnante *l. qui fide alterius 53. ff. mandat. l. si pro te 40. ff. eod. l. fin. C. de negot. gest.* Altera, si donationis causa fidejussit: non potest enim repetere, quod donavit *l. sed si pater 9. §. non solum ff. de S. C. Macedon. l. quod dictum 32. ff. de pact. l. 5. in princ. ff. de liberat. leg.* Tertia, si in rem suam fidejussit, & ad eum pecunia pervenerit, quo casu pro reo accipiendus est *l. sed si fidejussor 24. ff. de pact. l. 5. in princ. & in §. 1. ff. de liberat. leg.* His causis exceptis fidejussor habet regressum adversus debitorem principalem, pro quo solvere compellitur, ut sibi restituat, quod solvit; ad quod rependum datur ei actio mandati vel negotiorum gestorum. *§. si quid autem 6. instit. de fidejuss. l. idemque 10. §. fidejussores ff. mand. & adeoque ex modo explicata regula necesse est, ut liberato reo, liberetur etiam fidejussor.*

- 38 Neque has actiones ipsi potest auferre reservatio, & protestatio creditoris: quia jus nostrum nobis iniviti auferri non potest, aut fieri deterior nostra conditio. *l. nec filius 7. C. de reb. cred. l. id quod nostrum ff. de R. J. l. debitorem 15. C. de pigner. l. solvendo 39. ff. de negot. gest. l. 3. in princ. ff. de transact. lbi: Imperatores Antoninus & Verus ita rescripserunt. Privatis passionibus non dubium est, non ladi jus eorum. Quare transactioe &c. l. 2. C. res inter alios acta, lbi: Inter alios factum transactioem absenti non posse facere prejudicium, notissimi juris est, l. si nuns 27. §. pacta 4. vers. ante omnia ff. de pact. lbi: ante omnia enim animadvertendum est, ne conventio in alia re facta, aut cum alia persona, in alia re aliave persona noccat. l. quo intela 73. §. ult. ff. de R. J. lbi: nec paciscendo nec legem dicendo, nec stipulando quisquam alteri nocere potest: & in l. seq. non debet alteri per alterum iniqua conditio inferri. §. ult. inst. tit. de hli qui sunt sui vel alien. juris. lbi: nec cuiquam hominum jus suum detrahi oportet. Ita respondit Antoninus Imperator. Idque adeo verum est, ut contra nec princeps ipse res-*

cribat *l. 2. §. merito 13. & §. si quis à Principe ff. ne quid in loco publ. l. 2. C. de precib. imper. offert. l. si testamentum 10. C. de testam. l. 5. C. de revoc. don. L. auctoritatem 3. C. unde vi l. nec avus C. de emancip. liber.* Sine ulla igitur controversia fidejussor, qui transactioni non intervenit, eique consensum non prestitit, omne jus retinet adversus debitorem, omnesque actiones, quas ei debitor paciscendo cum creditore non potuit auferre. Atque remanentibus penes fidejussorem actionibus, quibus potest convenire ream principalem, ipse quoque fidejussor liberatur juxta regulam modò tractatam: ergo certissimum est in proposita causa fidejussorem fuisse liberatum. De hac insuperabili difficultate altum silentium in laudata decisione.

Aliud quoque præsto est fidejussori tutissimum prædium, quo se à creditore conventus tuteatur, exceptio cedendarum. Etenim creditor fidejussori præstare debet actiones *l. cum is 36. ff. de fidejuss. l. cum alter 11. C. eod. & si non possit actiones cedere fidejussori ad solvendum parato, repellit ab agendo debet hac exceptione *l. Stichum aut Pamphilum 95. §. si creditor penult. ff. de solut. l. si pupillus 45. ff. de admin. tutor. & ad utramque legem videndus Cujacius: sunt enim admodum obscuræ. Facit text. in l. si mandatu 12. in l. fidejussoriens 17. ff. de fidejuss. l. Papinianus 28. & l. qui 43. ff. mandat. Neque hoc beneficium à lege concessum fidejussori potest ipsi invito passione creditoris auferri, quâ juri publico derogari non potest *l. si arrogator §. 1. ff. de adoption. l. jus publicum 38. ff. de pact. l. Neratius 20. in princ. vers. quia pactu ff. de relig. & sumpt. fun. l. 1. §. si inter ff. de magistr. conven. l. quod bonis 15. §. 1. ff. ad Leg. Falcid. l. cerdonem 42. ff. de oper. libert.* Imo etiam si non à lege sed passione ipsius creditoris fuisset exceptio quæsitâ fidejussori, tamen contraria passione non posset ipsi creditor eam auferre, & privare ipsum beneficio, quod ejus facto fuerat ipsi acquisitum *l. ult. ff. de pact. Nam & naturalis, & civilis ratio suadet, alienam conditionem meliorem quidem etiam ignorantis, & iniviti nos facere posse,***

deteriorem non posse *l. solvendo 39. ff. de negot. gest.*

- Respondent ad hoc primò, quòd fidejussor non indiget cessione actionum, ut possit agere contra reum principalem. Sed inanis est hæc responsio. Neque enim querimus, utrum indigeat cessione actionum: sed an ei jure concessum sit hoc beneficium cedendarum actionum, & an eo possit privari à creditore. Si habet hoc beneficium, ut verè habet, eoque privari non potest pactione creditoris, consequens est, eum exceptione cedendarum actionum repellere posse agentem creditorem; quia creditor nullas habet actiones, quas cedere possit, aut inefficaces ad consequendum. Neque officit, quod alio remedio possit suum consequi. Tralatitium enim, plura remedia à jure concedi, plurisque in eandem rem actiones, plures exceptiones, ut laxior sit agendi facultas, ut docet Papinianus in *l. cum filius 76. §. variis ff. de legat. 2.* Et de actionibus exempla passim occurrunt in *l. 1. C. commun. de legat. in l. quod in herede 9. §. 1. ff. de tribus. act. l. pro socio 38. & l. sed si ex causa 47. ff. pro socio l. & an eadem 14. §. actiones ff. de except. rei judic. l. non est novum 10. ff. de action. empt.*
- De exceptionibus autem in *l. 2. §. item queritur 4. cum §. seqq. ff. de dol. mal. & met. exc.* & explorati juris est, neminem prohiberi pluribus exceptionibus uti, etiamsi diversæ sint, nisi lex ipsa impediat *l. nemo 8. ff. de exception. l. nemo 43. ff. de R. J. c. nullus 20. de except. in 6.* Præsertim verò in casu nostro, in quo duæ exceptiones non proveniunt ab eadem causa: & amplius quod exceptio cedendarum plenior est exceptione pacti. Quocirca illud etiam falsum est, quod eà non indigeat fidejussor. Sed frustra de hoc queritur, ut modo dicebam; ac ne ipsi quidem iudices in hoc insistant, sed id obiter tantummodo attingunt.
- Respondent igitur, quòd ex illa reservatione contra fidejussores deducitur, id tacitè actum fuisse inter creditorem & debitorem, ut creditor posset cedere actiones fidejussori convento, & ad solvendum parato, quibus possit à debitore, quantumcumque

solverit, recuperare. Sed hæc responsio nec ullà lege nititur, nec ullo rationis jurisque fundamento. Allegant quidem illi textum in *l. nisi hoc actum 21. ff. de pactis* ubi hoc apertè disponi affirmant, ejusque verba afferunt, quasi illis hæc controversia definiatur ibi *n. 16.* sed ea nihil ad rem nostram. Ibi enim agitur de exceptione pacti conventi, non de exceptione cedendarum, quæ ab ea est longè diversa. Etenim lex illa connexa est superiori legi, in qua nominatur exceptio pacti, & de ea solummodo queritur, an proficiat fidejussori. Satis est, legem utramque vel cursim legere, ut intelligatur, quam perperam ad hoc allegetur. Enimvero non solum id nulla lege constitutum est. Sed lex huic tacitæ interpretationi repugnat ac refragatur. Si enim creditor potest cedere, imò cedere cogitur actiones suas fidejussori, habebit hic regressum adversus principalem debitorem. Constans autem & perpetua juris regula est, liberari fidejussorem, quoties habiturus est regressum adversus principalem liberatum, ut paulo antè demonstratum est. Repugnat etiam ratio, & voluntas ipsius debitoris. Quorsum enim paciscatur à se non peti, si poterit conveniri, & coram solvendum à fidejussore? Quid enim refert debitoris, utrum cogaturolvere à suo creditore, an à fidejussore? *l. 1. §. exceptionem ff. quar. rer. act. non dat. l. ult. in fin. C. de usur.* & aliis supra allatis. An vero verisimile est debitorem transigendo id egisse, ut nullum emolumentum ex transactione perciperet? Repugnat huic voluntati natura ipsa transactionis, quæ eo fit, ut à lite discedatur, ut lis finiat, & finita amplius non reviviscat *l. fratris 10. C. de transact. l. causis 16. C. eod.* Revivisceret autem lis, si creditor cederet actiones fidejussori, quibus ageret contra debitorem: nam cùm sint eadem actiones, quibus debitor ab ipso creditore conveniebatur, eadem controversia esset in judicio disceptanda, eademque lis denuo instauraretur. Sed fac eam fuisse voluntatem transigentium contra omnem verisimilitudinem: quid tum? an hoc pendet à voluntate contrahentium? minime vero: hujus rei om-

nis potestas in jure sita est, quod creditorem compellit ad cedendas actiones, si quas habet, fidejussori solventi: & si non possit, aut nolit cedere, tueretur fidejussorem, ne cogatur ad solvendum. Debitor autem non potest auferre fidejussori exceptionem, quam habet à jure ad repellendum creditorem *l. si stipulatus 15. in princ. ff. de fidejussor.* nec impedire, ne eam opponat creditori, etiamsi contentum fuisset dicat, & paratum sustinere judicium, si fidejussor mandati cum eo agere velit *d. l. in princ.*

- 4+ Sed ut preliis agam: quas, oro, actiones cedere debet creditor, aut cedere potest, si nullas actiones amplius habet? Num potest in fidejussorem transferre actiones, quas non habet? Absurdum est hoc dicere. *l. traditio 20. ff. de acquir. rer. domin. lbi: traditio nihil amplius transferre debet, vel potest ad eum, qui accipit, quam est apud eum, qui tradit.* Si igitur quis dominium in fundo habuit, id tradendo transfert; si non habuit, ad eum, qui accipit, nihil transfert. *l. si noxale 17. in fin. ff. de nox. l. act. lbi: quia nullum ad alioem dominium transferre possunt, cum ipsi domini non sint.* Verum enim vero creditor soluta sibi à debitore pecunia, de qua convenit in transactione, nullas amplius actiones habet adversus debitorem, qui satisfecit, cum satisfactio pro solutione sit *l. satisfactio 52. ff. de solut. l. si rem 9. §. omnis ff. de pign. act.* ubi etiam monet Ulpianus, quod satisfactum accipitur, quemadmodum voluit creditor, etiamsi non sit solum: sive pretium aliquod datum fuerit: quæ maximè huic causæ conveniunt. Quamquam de hoc ambigi non possit, quia convenit in transactione, ut soluta ea summa pecuniæ, resolveretur census, & omne jus creditoris exstingeretur. Itaque sublata est, & extincta creditoris obligatio per ipsius conventionem, tum per satisfactionem debitoris solventis summam, de qua convenerat. Sublata autem obligatio & actio non potest amplius reviviscere *l. sanctimus 25. vers. non enim debet C. de admin. tutor. L. Mavius 66. §. 1. ff. de leg. 2. l. qui rem suam §. arcam vers. in perpetuum ff. de*

solut. Nec potest adversus debitorem liberatum actio cedi *l. 1. C. de contr. tut. judic. nec conveniri qui satisfecit. l. si pupillus 43. ff. de admin. tutor.* Quomodo igitur cedet creditor actiones, si eas non habet?

Nec illud tacitus prætereire possum, quin 45 saltem strictim attingam. Etiam si creditor actionem aliquam haberet, sed eam quæ exceptione potest elidi, tamen non posset obtinere contra fidejussorem opponentem exceptionem cedendarum actionum. etenim non videtur cedere actionem, qui cedit actionem inutilem & inefficacem: quia nihil interest, quis actionem ipso jure non habeat, an eam, quæ exceptione potest infirmari *l. nihil interest 112. ff. de R. J.* Quocirca etiamsi exceptio esset personalis, veluti pacti personalis, tamen quia inutilis esset cessio fidejussori, propterea quod ipsam debitor repellere posset pacti conventi exceptione; idcirco repellere & ipse potest creditorem, hujusmodi cessionem offerentem. Nec poterit creditor cedere actionem liberam ab hac exceptione, cum non possit plus juris in eum transferre, quam ipse habeat *l. nemo plus juris 34. l. nemo plus commodi 120. & l. alius 160. in fin. ff. de R. J.* Quamobrem qui utitur mandatis actionibus, eo jure uti debet, quo is cujus persona fungitur *l. emptor 5. C. de hered. vel. act. vend. l. apud Celsum 4. §. de auctoris 27. ff. de doli mal. & met. except.* adeoque cum creditor repellere posset à debitore, si ab eo conveniretur, exceptione pacti, ergo eadem exceptione poterit repellere etiam fidejussor, qui utitur actione creditoris.

At, inquit, pactum personale est, ideoque 46 personalis est etiam exceptio, quæ ex eo nascitur *l. idemque 25. §. 1. ff. de pact.* Exceptiones autem personales, quæ obstant cedenti, non obstant cessionario, quæ personam non egrediuntur, & fidejussori non prosunt *l. exceptiones. in princ. ff. de except. l. inuito 156. §. cum quis ff. de R. J. l. doli 19. ff. de novat.* Et quamvis obstat cessionario habenti causam lucrativam *l. apud Celsum 4. §. si quis autem 29. ff. de doli mal. & met. except. & §. auctoris 31. ibid. l. 5.*

l. 5. §. penult. ff. eod. tamen habenti causam onerosam, ut in proposita quaestione, opponi non potest *d. l. 4. §. de auctoris 27. & §. si cum legitima 28. eod.*

Sed cavendum, ne verbi controversia nos torqueat. Ambiguum enim est hoc verbum *personalis*, quoniam aliquando refertur ad personam debitoris; aliquando ad personam creditoris: atque adeo utraque exceptio *personalis* dicitur, iam ea quæ cohæret personæ debitoris, quam ea quæ cohæret personæ creditoris. Si exceptio sit *personalis* quoad debitorem, hoc est, cohæreat personæ debitoris, utique soli debitori competit, nec ad alios transfertur: adeo ut nec heredes debitoris ea ui possint, nec ejus fidejussores, ut est exceptio pacti *personalis d. l. nisi hoc actum 22. ff. de pact. & l. maritum 12. ff. sol. matrim. l. exceptiones 7. ff. de except.* ubi pleræque exceptiones *personales* referuntur. Ipse tamen debitor, cujus personæ cohærent, illis uti potest adversus omnes, à quibus conveniatur, easque opponere non solum agenti creditori, sed omnibus habentibus causam ab eo, adeoque etiam cessionario *l. quod ipsi 143. l. qui in jus 177. ff. de R. J.* Exceptio autem cohærens personæ creditoris, soli creditori opponi potest, quia nascitur ex vitio & qualitate propria creditoris, quæ non est communis habentibus causam ab eo. *l. apud Celsum 4. §. de auctoris & §. seq. ff. de dol. except.* Excipitur tamen is, qui ex causa lucrativa succellit *d. l. 4. §. si quis autem 29.* item cum res est reversura ad ipsum auctorem *d. l. 4. §. idem tractat. 30.* Exempla autem harum exceptionum sunt in creditori exule vel excommunicato, qui ab agendo repellitur *c. intel eximus de judic. c. 2. &c. exceptionem 12. de exception. c. decernimus de sentent. excom. in 6.* Alia emittimus, quia hoc ad nostram controversiam non pertinet, cum in ea agatur de exceptione cohærente personæ debitoris, de qua supra.

47 His ad normam recte rationis, & ad regulas juris probè & accuratè perpensis, quid contra afferant sapientissimi judices, diligenter excutiendum. Afferunt autem multos DD.

qui decidunt, posse creditorem cedere actiones fidejussori, cum id officia reservatio, per quam videtur convenisse inter creditorem & debitorem, ut possint cedi actiones, quod jam consuetum est. Doctores autem, quos afferunt, nihil ejusmodi dicunt. Neque enim agunt de fidejussore, sed de duobus reis, aut de tertiis possessoribus. In duobus reis est ratio longè dissimilis. Duo rei tenentur in solidum singuli *§. 1. instit. tit. de duob. reis l. 2. l. 3. §. 1. l. ult. ff. eod. l. 2. C. eod.* singuli sunt æquè principales, & eadem obligatione obstringuntur, *l. 2. in fin. C. de duob. reis*, singuli in solidum possunt conveniri; actio enim contra singulos in solidum competit, *l. 1. C. eod.* & potest unus tantum ex illis conveniri electione creditoris, *l. 3. §. ult. ff. eod.* adeo ut nec à principe electio possit adimi creditori. *l. 3. in fin. C. eod.* Uno autem ex illis liberato alter manet obligatus, & quidem in solidum *l. ult. ff. eod. l. fidejussoris 23. ff. de pact.* uno enim exemplo ab obligatione, integra & illaesa in alio constitit obligatio *d. l. ult. & l. Cynius 71. ff. de fidejuss.* nisi solutione, aut acceptione sublaia sit obligatio *l. 2. 3. §. 1. ff. de duob. reis, §. 1. instit. eod. l. 2. in fin. C. eod. l. 3. §. 3. ff. de liberat. leg.* Verè igitur statuum DD. uno ex duobus reis per pactum liberato creditorem convenientem correum debere, ac posse ipsi actiones cedere; non quia de hoc conveniret tacite in liberatione, sed quia ipse retinet actionem, quam cedere potest. Retinet enim actionem adversus correum non liberatum, quia, ut diximus, altero exempto aliter manet obligatus, & ideo jure potest eum convenire. Retinet actionem etiam adversus reum jam liberatum; tum quia per pactum non tollitur actio *§. preterea instit. tit. de except.* tum quia quodammodo nomen debitoris videtur vendidisse, & ideo habet actiones, quia teneur ad id ipsum, ut præstet actiones, ut ait Paulus in *l. cum is 36. in fin. ff. de fidejuss. l. 2. C. de duob. reis.* Atque id hodie videtur de jure certissimum post *Novell. 99.* in qua jubet Imperator inter duos reos dividi obligationem & actiones cedi. Et licet Cujac. &

Ccc

alii putent, ibi non agi de duobus reis, sed de fidejussoribus altera fidejussione obligatis, ut ibi ait Imperator; tamen à communi opinione non dissentio, ibi agi de duobus reis, quia & hi vice mutua fidejussores esse dicuntur à Papiniano in *l. reos 11. in princ. ff. de duob. reis*. Igitur quod vice mutua dixit Papinianus: altera fidejussione dixit Imperator. Addo præterea DD. in nostra decisione allegatos supponere reservationem factam fuisse præsentem correo, qui propterea videtur eam approbasse. Gobius autem *cons. 41.* qui agit de duobus fidejussoribus, supponit, in facto liberatum fuisse unum ex fidejussoribus cum consensu, & renuntiatione ipsius debitoris. Ex quibus apparer, quam absurdum sit, nostram controversiam ejusmodi auctoritate decidere. Porro Rota post Merlin. *dec. 10. n. 10.* ubi agit de nostra specie, videlicet de reo principali per pactum liberato, ait obstat creditori exceptionem cedendarum actionum: & recte, ut supra est demonstratum.

- 48 Enim vero quæ de correis sunt constituta, fidejussori reoque principali haudquaquam conveniunt. Fidejussor enim & reus principalis non sunt æquè principaliter obligati; sed fidejussoris obligatio pender ab obligatione debitoris principalis: ab ea sustinetur: ejus est accessio, *princ. tit. instit. de fidejuss. & §. fidejussores §. 1. l. 1. generaliter §. in princ. l. hi qui accessionis 34. ff. eod.* Liberato reo principali vel ipso jure, vel ope exceptionis, etiam fidejussor ipso jure, aut ope exceptionis liberatur, ut initio probavimus. Quoties fidejussor habiturus est regressum contra principalem quomodocumque liberatum, etiam ipse liberatur; & hoc supra est demonstratum. Nihil tale in duobus reis. Denique si creditor non possit cedere actiones efficaces fidejussori adversus principalem debitorem, non potest ab eo exigere pecuniam. In casu autem nostro nullas actiones cedere potest, quia nullas habet, ut diximus. Sibi autem imputare debet creditor, si cedere non potest actiones, cum suo facto eas amiserit *l. Stichum 95. §. penult. ff. de solut.* Nec factum creditoris ejusque pactum

nocere debet fidejussori. *l. factum ff. de R. J. l. si tibi 17. §. pen. l. si unum 17. §. passa 4. in fin. ff. de pass.* Nec potest ei adimere jus, quod habet petendi cessionem actionum. *§. ult. vers. dominorum inst. tit. de hi qui sunt sui vel al. jnr.* Ibi: nec cuiquam hominum jus suum detrabi oportet.

Superest auctoritas doctissimi Bartholomæi Chiesii, qui solus agit de debitore principali, & fidejussore, de quibus & à nobis pertractatur. Hic *lib. 2. c. 22.* doctissimè confutat Cujacium & Fabrum: probatque etiam fidejussorem petere posse à creditore, ut sibi cedantur actiones, etiamsi habeat proprias actiones mandati. Idque verissimum est: omnis enim qui pro alio solvit, exigere potest à creditore, ut sibi cedat actiones adversus debitorem, quem solvendo liberat; etiamsi aliis actionibus possit experiri *l. si cum venderes 13. ff. de pignor. act. l. emptor §. C. de hered. vel act. vend. l. ex legato C. de leg. & passim in jure nostro*. Illud satis probare non possum, quod ait *n. 13. & 14.* creditorem, qui pacto personali liberat debitorem, nolle ipsum omnino liberare, sed magis ei dilationem dare, cum velit cum ab ipso fidejussore conveniri posse impetratis à creditore actionibus: videtur enim voluisse, creditorem actiones cedere posse. Præterea ea, quibus hoc supra refutavimus; illud addo, quod etsi hanc præsumptionem, & tacitam voluntatem creditoris admittamus in nudo pacto, tamen ea non potest admitti in transactione, quam litigantes ineunt ad litem dirimendam, ut liberentur à molestia, incommodis, impensisque & incerto litis eventu *l. fravris tui 10. l. causas l. nec intentio l. si majores l. quamvis C. de transact. l. post decisionem C. de furt.* non ut lis instaretur per cessionem actionum factam à creditore fidejussori, quod ne principali quidem scripto fieri permittitur *d. l. causas 16.* Repugnat igitur naturæ, finique transactionis & intentioni transigentium hæc tacita voluntas, quam præsumunt, seu potius divinant.

Verum nec in simplici potest admitti, quod creditor voluerit potius dare dilationem debitori, quam cum liberare reservata

sibi facultate cedendi actiones. Possent enim creditor statim convenire fidejussorem, coque ad solvendum parato celere actiones, quibus statim compelleret debitorem ad solvendum. Ita nos docet Justinianus in *l. ult. C. de usur. rei jud.* ubi reprobatur opinio eorum, qui concedebant condemnatis indulcias ad solvendum, easque denegabant fidejussoribus. Ait autem: *Cum enim intervenit solvere compellatur, & ipse reum coercere ad invitam solutionem, nullum condemnatus habebat sensum nostra humanitatis, quia per medium fidejussorem statim pecunias persolvere compellatur.* Observa quæso verba illa: *statim pecunias persolvere compellatur*: nec non illa: *nullum habebat sensum nostra humanitatis*. His funditus evertitur superior sententia

51 At enim pactum in personam non prodesse fidejussori traditum est in *l. nisi hoc actum 22. ff. de pact.* Verissimum id quidem: sed considerandum, quomodo proficiat, & cuiquam proffit. Non alia certè ratione, quam ut nobis tribuat exceptionem pacti conventi, nec ultra vires suas extendit nudum pactum §. 3. *vers. qua de causa insit. tit. de except. l. jurisgentium 7. §. sed cum nulla & l. quod dictum 32. ff. de pact. l. 5. in princ. vers. atqui solemus ff. de liber. leg.* Nec aliud quicquam opis, ac beneficii, & auxilii pactum principalis debitoris affert fidejussori, quando ei prodest. *d. l. si quis 5. in princ.* Ibi: *pacti exceptionem fidejussori dandum d. l. quod dictum*. Ibi: *fidejussori competere exceptionem, & d. §. ult.* Ibi: *perinde succurrendum esse per exceptionem pacti*. Igitur prodesse pactum fidejussori nihil aliud significat quàm ei dari, vel non dari, exceptionem pacti conventi, quam sibi paciscendo acquisivit debitor principalis. Nec alia mens est JC. in nostra *l. nisi hoc actum*: ibi enim quaeritur solummodo, quænam exceptio pacti de non petendo quæsitæ reo principali proffit fidejussori. Ibi: *quatenus alii quoque proffit, vel noceat pacti exceptio*: quæ verba licet sint legis antecessoris, tamen ea connexa sunt cum consequentibus, eademque periodo concluduntur. Quocirca verissimum est,

quod pactum in personam non prodest fidejussori, hoc est, ut ibi explicat Ulpianus, *fidejussor exceptione non nitetur*. Poterit igitur fidejussor conveniri à creditore, nec poterit eum repellere exceptione pacti conventi, quæ cum ipso non communicatur, nec ea uti potest, nec ipsi prodest *d. l. & heredi 21. in fin. cum l. seq.* Quamvis autem ex personali pacto debitoris principalis fidejussor non acquirat pacti exceptionem; non propterea tamen amittit exceptionem cedendarum, quæ ipsi non obvenit ex pacto de non petendo, cum quo nihil commune habet: sed ipsi datur à lege ad recuperandum à reo principali, quod pro eo solvit. Certissimo argumento est, quod eam habet, etiamsi nullum pactum intervenierit, & quod eadem datur etiam iis, quibus non prodest alterius simul obligati pactum, ut confidejussores, contutores, correi.

Habes, amice charissime, meam de laudata decisione sententiam; probabilemne an secus, tuum judicium esto. Si volueris hæc omnia, quæ dixi, pragmaticorum auctoritate confirmari, volens labens exequar. Superest modo, ut maximas tibi gratias agam, quod mihi dederis occasionem explicandi legem, quæ doctissimorum hominum tortis ingenia.

CAPUT IX.

Ad L. qui balneum 9. ff. qui potior in pign. hab.

SUMMARIUM.

- 1 *Condicio casualis & mixta in contrahibus retrahitur.*
- 2 *Non potestativa.*
- 3 *In hereditate quæcumque conditio retro trahitur.*
- 4 *Quod dominium conditio retrahitur nequis in contrahibus.*
- 5 *Secus est in legatis & hereditate.*
- 6 *An in legatis conditio retrahatur, magna discussio.*
- 7 *Verius non retrahitur quoad obligationem legati.*
- 8 *In hoc legati differunt à contrahibus.*

9 *Contractus conditionales statim perfecti sunt quoad factum, quidquid sit quoad juris effectum.*

10 *Legata non sunt perfecta ante conditionis eventum.*

11 *Acquisitis legatis non retrotrahitur.*

12 *Nec in pignore retrotrahitur conditio.*

13 *Explicatur textus noster & n. 14. 15. 16.*

14 *Cautio pro legatis necessario praestanda est.*

15 *Prælatio in pignore ejus, qui prius acceperat non est pignoris retrotractio.*

16 *Prætor imitatur jus civile.*

17 *Contrarius satisfact. & n. 18. 19.*

19 *Neque favore libertatis conditio in legatis retrotrahitur & n. 20.*

21 *Res Romana argumenta expenduntur & n. 22. 23.*

24 *Et sententia Enfaris.*

1 **E**xplorati juris est, conditionem casualem vel mixtam in contractibus retrotrahi ad tempus celebrati contractus perinde ac si ab initio extiisset, aut sine conditione initus fuisset contractus *l. potior* 11. §. 1. ff. qui potior: Ibi: perinde habetur ac si illo tempore, quo stipulatio interposita est, siue conditione facta esset: *l. necessario* 8. in princ. ff. de peric. & com. rei vend. Ibi: quasi jam contracta emptione in præteritum. In contractibus enim initum spectatur *l. non omne* 144. §. 1. ff. de R. J. Quo efficitur, ut si filius vel servus sub conditione contraxerit, patri & domino acquiratur obligatio, etiamsi conditio exiiterit posteaquam ille à patris potestate, hic à potestate domini liberatus est *l. si fil. fam.* 78. ff. de V. O. *l. qua legata* 18. in fin. ff. de R. J. adeo ut etiamsi filius in emancipationis suæ tempus: servus in alienationem vel manumissionem contulerit obligationem, nihilominus ea patri dominoque acquiratur *l. ult. ff. de stipul. servor.* Efficitur etiam, ut, qui contraxit sub conditione, sit potior in pignore, etiamsi conditio existat, postquam alteri fuit pignus obligatum *l. potior* 11. §. 1. ff. qui potior in pignor. hab. Hæc in conditione casuali vel mixta: in potestativa, hoc est, in ea, quæ pendet à potestate debitoris, secus est. In hac enim spectatur tempus impletæ conditionis, non vero contractus, ad cujus initium ea non retrotrahitur *l. penult. ff. qua res pign. l. qui balneum* 9. §. 1. in fin. *l. potior* 11. §. 1. Si colonus ff. qui potior. Neque enim æquitas, aut juris ratio suadet, ut retro fingatur extiisse conditio,

quam antea poterat debitor implere, si ante voluisset nasci obligationem. Non convenit, legem fingere, id factum fuisse, quod nos facere nolumus.

In hereditate quoque conditio retrotrahitur, & in ea illud est singulare, quod retrotrahitur etiam conditio potestativa. Etenim heres quandoque adeat hereditatem, jam tunc à morte successisse intelligitur *l. heres quandoque* 54. ff. de acquir. vel om. heredit. quia hereditas neque ex die, neque ad diem dari potest *l. hereditas* 34. ff. de hered. instit. §. heres pure inst. cod. ne testator partim testatus, partim intestatus decedat, obstante juris regula in *l. jus nostrum* 7 ff. de R. J. Id exigit natura hereditatis, quæ universum jus defuncti complectitur *l. hereditas* 62. ff. de R. J. *l. nihil est aliud* 24. *l. hereditatis* 119. *l. bonorum* 208. ff. de V. S. *l. 3. in princ. & in* §. 1. ff. de bonor. possess. *l. hereditas* 50. in princ. ff. de petit. heredit. Quocirca etiam quoad acquisitionem domini, fructuum atque omnium obligationum pendente conditione quæsiturum, retrotrahitur, *l. à Titio*, 64. ff. de furs. *l. legatum* 80. ff. de leg. 2. reperiuntur enim personam defuncti *princ. tir. instit. de stipul. serv.* Atque in hoc etiam differt à contractu, in quo non potest quoad dominium conditio retrotrahi, quia dominium traditione transfertur non pactis & conventionem contrahentium *l. traditionibus* 20. c. de pact. Itaque ante traditionem acquiri non potest. In hereditatibus quoque non acquiritur possessio bonorum hereditariorum aditione *l. cum heredes* 23. ff. de acquir. possess. quia possessio apprehensione rei acquiritur *l. 3. §. 1. l. quemadmodum* 8. ff. de acquir. possess. quæ à lege non fingitur, sicut in contractibus non fingitur traditio necessaria ad dominium acquirendum. Licet autem dominium ex naturali possessione cøpperit, & per eam acquiratur *l. 1. §. 1. ff. cod.* tamen heres etiam non apprehensa possessione dominium acquirat, sicut etiam legatarius, quia in eos ab ipsa lege transfertur, & recta via à defuncto in eos transit ministrationis legis *l. 1. & 2. ff. de bon. possess. l. heres quandoque* ff. de acquir. vel om. heredit. *l. qm-*

vis hereditas 138. l. *omnis* 193. ff. de R. J.

5 In legatis pariter dominiū retrahitur ad tempus mortis: nam si legatum agnoscat, ministerio legis in legatarium tranſiit dominiū rei legatæ; & quidem à die mortis dominiſſe fingitur, quaſi ea numquam facta fuerit heredis, ſed rectè via à defuncto tranſiverit ad legatarium l. *legatum* 80. ff. de leg. 2. l. à *Tutio* 64. in fin. ff. de ſurſ. l. 1. in fine ff. de public. in rem action. Animadvertendum tamen eſt, quod tam in heredum inſtitutionibus, quam in legatis id non ſit virtute, & natura conditionis, cui propriè conveniat, ut retrahatur: ſed ex natura hereditatis, & legati. Etenim etſi ea purè relicta fuerint, licet multum temporis interceſſerit inter mortem, & aditionem hereditatis, vel agnitionem legati: tamen tam hereditas, quàm legatum ſtatim à morte teſtatoris iſtis acquiſita ſinguntur, ut apparet ex laudatis legibus.

6 An autem etiam quod ad retrahendam conditionem legata ſint diſſimilia contractibus, & diverſo jure cenſeantur, inter noſtros eſt magna diſſentio. Ipſum Rotæ Romanæ ſupremum tribunal in hac controverſia variavit. Vetus Rota communem DD. ſententiam ſecuta non retrahi conditionem ſæpè definiit: recentior non Doctōrum numerum, ſed rationum momenta perpendens, ut ait, abiit in contrariam ſententiam. Doctōres autem contra ſentientes ſtatuit eſſe intelligendos de acquisitione dominiū ac ſpe tranſmiſſionis. Utrumque à vero proſus abhorret. Nam quoad acquisitionem dominiū, conditio retrahitur, ut modo probavimus: & DD. non poſſunt intelligi de ſpe tranſmiſſionis, cum de hac ſolummodo non agant, de qua nulla eſt omnino controverſia, ſed generaliter etiam quoad alios effectus, & in ſpecie etiam quoad hypothecam. Ego ut ingenuè fatear, quod ſentio, priori ſententiæ libens accedo.

7 Quod conditio non retrahatur quoad obligationem legati, certiffimi juris eſt. Nam in legatis puris ſtatim à morte dies legati cedit. l. 1. §. 1. ff. qu. dies leg. ced. In legatis autem ſub conditione nonniſi exiſ-

tente conditione dies legati ceſſit, hoc eſt, naſcitur obligatio. d. l. 1. §. ſed ſi ſub conditione. Neque hæc obligatio retrahitur, nam ſi retraheretur, transmitteretur ad heredes obligatio: fingeretur enim nata tempore mortis teſtatoris, vivo ſcilicet legatario, adeoque ad heredes tranſiret, ſicut evenit in contractibus, ut antè demonſtratum eſt. Evenit pariter in legatis, quoties ejus modi eſt conditio, quæ per mortem legatarii impleatur. l. 4. §. 1. ff. qu. d. leg. ced. l. *Tutio fundus* 73. in fin. l. ſi ſia legatum. 103. ff. de cond. & dem. Cum enim eodem momento, quo exiſtit conditio, cedat dies legati; videtur ceſſiſſe vivo legatario, quia momentum, quo quis moritur, vitæ tribuitur, non morti, l. qui duos. 18. §. 1. ff. de manum. teſtam. Quamobrem licet pendente conditione, qui contraxit, creditor ſit; tamen legatarius conditionalis creditor non eſt. l. is cui ſub conditione. 42. ff. de oblig. & act. l. is cui ſub conditione legatum eſt, pendente conditione non eſt creditor: quamvis enim qui ſtipulatus eſt ſub conditione placet etiam pendente conditione creditorem eſſe. Faciunt text. in l. creditores 10. in fin. in l. conditionales 54. ff. de V. S. Creditor conditionalis ex contractu impellit libertatem datam in fraudem creditorum contra Legem Æliam Senniā: Legatarius conditionalis non item. l. in fraudem 27. ff. qui & à quib. manum. lib. non ſiant. Creditor conditionalis ex contractu ſpem habet obligationis, & actionis, eamque ſpem ad heredes tranſmittit §. ſub conditione inſt. 115. de V. O. l. conditionales 54. ff. de V. S. Legatarius conditionalis, nec ſpem quidem habere videtur l. conditionales 54. in fin. ff. de V. S. juncto l. is cui 42. ff. de oblig. & action. certè nihil habet, quod ad heredes tranſmittat. l. intercidit in princ. 59. ff. de condit. & demonſtras. l. 4. in princ. & leg. ſeq. in princ. juncto §. ſed ſi 2. ff. quod. leg. ced. Dies certò exiturus, & conditio pariter certò exitura non efficit in contractu creditorem conditionalem, etiamſi ignoretur, quando utrumque ſit exiturum. l. ſi pupillus 5. §. 1. ff. de nevot. l. nam ſi 17. cum ſeq. juncto l.

in diem ff. de condit. indeb. efficit tamen legatarius conditionalē. *l. heres meus. 78. in princ. ff. de cond. & dem.* dummodò certum sit, exituram vivo legatario *d. l. heres meus §. 1.*

Torquentur interpretet in indaganda ratione diversitatis & differentię inter contractus & legata. Jafon in. *l. si is qui pro emptore. 15 ff. de usu cap.* quinque diversas opiniones recenser. Ego, quantum existimare possum, ita sentio. Contractus facti magis, quàm juris sunt. *l. consilio 7. §. 3. ff. de curator. fur.* Quod attinet ad factum, statim perfecti sunt usque ab initio, simul ac in contrahendo intervenerit utriusque contrahentis consensus & alia, quæ ad substantiam, formamque ejus que contractus pertinent: ut verba in stipulatione, res in contractibus qui te constunt. *§. alia autem instit. de donat. l. qui id quod 33. §. ult. ff. eod. l. 1. in fine l. in venditionibus. 9. in princ. ff. de contr. emp. l. 2. in princ. l. in quibuscumque. 48. ff. de oblig. & act. l. continuus. 137. §. 1. ff. de P. O. l. 3. in fin. C. de rese. vend. & passim.* Cùm enim expleta est substantia & forma contractus, aut aliùscujuscumque actus, non potest ipse non esse perfectus. Quòd si contractui adjuncta fuerit aliqua conditio; suspendit quidem illa obligationem & plerosque juris effectus in incertum eventum, ut est natura conditionis. *§. sub conditione. 4. instit. tit. de P. O. l. cum ad presens. 37. cum duob. seqq. ff. de reb. cred.* Cæterum nihil detrahit de perfectione contractus, qui ex se aptus est, & idoneus ad producendam obligationem, omnesque juris effectus, nisi impediatur conditionis incerto. Quantum ad juris effectus, aliquando contractus conditionalis dicitur imperfectus. *l. necessarius. 8. in fine principii. ff. de peric. & comm. rei vend. & l. quod sepē. §. in his & §. ult. ff. de contrab. emp. & in. l. 1. §. sed & custodiam. ff. de peric. & com. l. bovem. 43. §. si sub conditione. ff. de adilit. edit. l. 1. ff. de donat. l. hac venditio 7. in princ. ff. de contrab. emp.* Cùm enim ipsis obstat impedimentum pendens conditionis, non potest illos producere, quo fit, ut

quòd attinet ad illos effectus, contractus dici ac videri possit imperfectus: de reliquo contractus ab initio perfectus est quoad factum, & substantiam, ita ut nihil à contrahentibus agendum sit amplius ad ipsum persiciendum, & existente conditione sine ullo novo facto contrahentium producat omnes juris effectus. Existente igitur conditione, atque aded sublatà suspensione, ac remoto impedimento, statim nascitur obligatio: non quidem ex eventu ipsius conditionis, sed ex pristina voluntate contrahentium expressa, & interposita secundum præcepta juris jam olim in acta contrahendi. Itaque recurrendum est ad tempus initę conventionis, ex qua nata est obligatio remoto impedimento, quod ipsam suspendebat, & in incerto ponebat & perinde haberi debet, ac si tum temporis nata fuisset, cùm nata sit ex illis, quæ tunc acti fuerunt inter contrahentes. Etenim existens conditio nihil confert ad constituendam obligationem, sed solum tollit, quicquid erat incerti, unde suspensà detinebatur. Rectè Pomponius in *l. sub conditione. 16. ff. de solut. sub conditione debitori si acceptum feratur, postea conditione existente intelligitur jam olim liberatus: & hoc etiam si solutio re fiat, accidere Aristo dicebat.* Non potest intelligi jam olim liberatus, nisi fuerit jam olim obligatus. Et Scævola in. *l. ult. §. 1. versic. sed si ff. de vulg. sed si extiterit conditio; due pure sunt.* & infra vers. quippe ibi: quippe cum esset extiterit conditio, due pure sunt infirmationes. His efficitur, in contractibus spectandum esse tempus contractus tum, cum in contrahendo gesta fuerunt omnia ad producendam obligationem comparata, ex quibus postea nullo contrahentium facto interveniente nata est obligatio. Illa enim ipsam pepererunt: illinc initium cepit obligatio: ex eo fonte dimanavit: Propterea retrorahì debet conditio, quæ ipsam suspensam detinuit, & remota est. Debet etiam spes ejus ad hæredes transire mortuo ante existentem conditionem creditore: tum quia intelligitur obligatio initio contracti: tum quia contrahentes non solum sibi, sed etiam

heredibus suis consulere voluisse censentur. *l. si passim. 9. in fin. ff. de probat.* Quamobrem creditor etiam conditionalis, dicitur creditor: neque enim debitor ullâ ratione potest declinare obligationem & à contractu recedere pendente conditione, quandocumque ea sit exitura.

10 Non ita res est in legatis. Ea enim initio non sunt aded perfecti & consummata, ut adstringant ullâ necessitate vel testatorem, vel legatarium. Testator potest mutare voluntatem. *l. 1. C. de sacros. Eccl. l. quod si 4. ff. de adim. leg.* potest adimere, vel transferre legatum. *l. 3. §. ult. l. fient. 5. & toto eis. ff. de adim. vel transfer. leg. princ. tit. inst. de adempt. leg.* Legatarius neque voluntatem suam, neque consensum applicuit ad liberalitatem testatoris, & ignorat plerumque legatum sibi relictum fuisse, ac vivente testatore nihil omnino juris habet in legato. Mortuo vero testatore nemo tenetur & alitringitur ante aditam hereditatem: eaque non aditâ, vel quia noluerit heres, vel quia non potuerit adire, sit irritum testamentum. *§. posteriore inst. tit. quib. mod. testam. infirm. l. 1. ff. de inst. rurs. & legatum pro non scripto habetur. l. 3. non modico. ff. de his, quæ pro non script. hab. l. si nemo. 9. ff. de testam. int. l. eam quam. 14. C. de fideicom.* Ex persona quoque legatarii facile potest evenire, ut interdicat legatum, veluti si ante eventum conditionis moriatur. *l. intercidit. 59. in princ. ff. de cond. & demonstr. moritur enim, antequam ei legatum debeat. l. legata 41. ff. cod. & dies legati cedat. l. 5. §. sed si sub conditione ff. qu. dies leg. ced. adeoque nihil ad heredem suum transfert. d. l. 5. in princ. nec spem quidem, quæ aded inanis est, & incerta, & caduca, ut nec spem quidem habere dicatur, quam possit ad heredes transmittere. Idque ex natura legati, & ex voluntate testatoris: nam cum legatum sit donatid, quam testator confert in legatarium. *§. 1. inst. tit. de legat. l. legatum. 36. ff. de legat. 2. utique testator eam confert ob meritum legatarii, vel ejus remunerandi causa, vel amicitia; ergo. l. nec dicit. 50. ff. pro sec. quapropter in perso-**

nam legatarii clausit benignitatem suam, eique soli consulere voluit, non heredibus ejus sibi ignotis, & fortè etiam inimicis. Igitur si legatarius vivens non acquisivit legatum, nihil potest ad heredem transferre, non acquirit autem nisi eo vivente conditio existat. *l. si cum. 4. ff. qu. d. leg. ced.* Existente autem conditione licet dies legati cedat, & nascatur obligatio legati, nihilominus tamen dubia est, & incerta legati acquisitio: potest enim hereditas debitis aded atque oneribus esse obnoxia, ut legatariis nihil super sit: potest & legatarius repudiare legatum, invitus enim accipere legatum non tenetur. *l. nec emere C. de jur. deliber. l. invito ff. de R. J.* Igitur ut legatum acquirat, debet ipsum post existentem conditionem agnoscere, nec implendo quidem conditionem ipsam acquirit. *l. ei qui ita ff. de cond. inst. tit.* Imò etiam ante eventum conditionis agnoscat, vel repudiet legatum, nihil agit. *l. si ita scriptum. §. 1. ff. de legat. 2. juncta l. is possit. 18. ff. de acquir. vel omis. hered.* His de causis necesse fuit statuere contra, atque in contractibus est constitutum: scilicet ut legatarius pendente conditione non sit creditor: ut non transmittat spem aded dubiam & incertam, ac propè nullam ad heredes; ut conditio non retrahatur.

Expositâ ratione differentia cætera modò prosequamur. Quod attinet ad acquisitionem legati, pariter spectatur tempus existentis conditionis, eaque non retrahitur. Itaque si legatum sit ei, qui erat alienæ potestati subiectus, nihilominus sibi legatidm acquirit, si conditio existat eo tempore, quo sui juris est. *l. 5. §. ult. l. si usufructus 14. in fin. ff. qu. d. leg. ced. l. si uxorem 5. C. de condit. inst. l. si post mortem. 68. ff. de leg. 1. l. 2. §. id quoque. 3. ff. de collat.* ubi indicatur discrimen inter stipulationem & legatum conditionale, quoad collationem; & agitur de præjudicio tertii. Item qui post apertum testamentum fuit deportatus, aut in metallum damnatus, si tempore existentis conditionis fuerit restitutus, legatum acquirit. *l. cum qui. 104. ff. de cond.*

riter est, fraudare edictum prætoris ejusque providentiam, quâ sollicitè consuluit legatariis *l. frans 30. ff. de leg. l. justissime 44. ff. de edil. ed. l. si quis 33. §. 1. ff. ad l. Jul. de adul. l. si in fraudem 9. C. de legat. l. Imperator 50. ff. ad S. C. Trebell.* Cum igitur non debeat esse in potestate hæredis, fraudare aique eludere legatarium, qui tempore accepto pignore sibi consuluerat, *l. penult. in fine, vers. ne in potestate ff. ad Leg. Falcid.* prætor legatarium tuetur in pignore, quod fuit acceperat, adversus eum, cui postea fuit obligatus. Eâdem ratione præfert posteriori creditori legatarium, qui prius prætorium pignus obtinuit *l. is cui 5. §. qui prior, ff. ut in posses. legat.* Dubitari autem non potest, eum, qui rem à se legatario prius obligatam, alteri postea obligat, fraudem facere, & dolum committere: obstringitur enim crimine stellionatus *l. tuor. 16. §. 1. l. si quis 36. §. 1. ff. de pignor. act.* quod crimen sine fraude ac dolo non committitur *l. 3. §. 1. ff. stellionat.* Ad rem nostram optimus textus in *l. 1. & l. 4. C. de crim. stellion.* Porro æquum non est, ipsum de sua improbitate & dolo præmium ferre, & luctum sperare *l. 1. in princ. ff. de dolo malo l. 1. §. 1. ff. de doli mali except. l. ita demum 31. ff. de recept. arbitr. l. itaque 12. §. 1. l. eum qui 14. §. 1. is autem ff. de furt. l. si ab hostibus 10. in fine ff. soluc. matrim. c. intelleximus 7. de judic.*

15 Nec obstat, quod, ut diximus, hæc satisfactio, legati conditionem sequatur *l. 1. §. si quis sub conditione 14. ff. ut legat. nom. cav.* ac propterea si non retrorahitur legatum, nec pignus possit retrorahi. Etenim non retrorahitur obligatio pignoris, sed prætor tuetur eum, qui prius accepit pignus, eumque præfert posteriori. Pignoris causa tota pender à jurisdictione prætoris, qui ex solo pacto dat actionem hypothecariam *l. contrahitur 4. ff. de pignor. l. 1. in princ. ff. de pign. act. juncto §. item Serviana 7. instit. tit. de action. & l. pignoris 17. ff. de pignor.* quod de jure civili neque obligationem neque actionem produceret *l. juris gentium 7. §. sed cum nulla l. si tibi 17. §. 1. ff.*

de pact. Prætor igitur tuetur in pignore legatarium, qui prior pignus accepit, eumque præfert posteriori, cum existente conditione appareat pignus à legatario rite contractum fuisse, quia pignoris obligatio etiam futuræ obligationi potest accedere, & principalem obligationem præcedere *l. res hypotheca 5. ff. de pignor. l. grege §. penult. ff. eod.* Quamobrem cum & rite contractum sit, & prius, pro priore, & anteriore à prætore habetur, nec ipsi præfert posterius pignus, quod circumferendi prioris creditoris causa, qui jam sibi consulo caverat, postea contractum est. Nimirum prætor in hoc securus est, & imitatus jus civile, ut solet *l. scio 14. ff. de testib. l. cum sponsus 12. §. si res ff. de public. in rem act. l. factam 63. §. si sub conditione ff. ad S. C. Trebell.* Jus civile, si servus, aut filius contraxerit sub conditione, cum manumissus fuerit, aut emancipatus, idque dolo malo fecerit, statuit obligationem domino, patrive acquiri, perinde ac si purè contracta fuisset, cum erant in potestate, ne præbeat occasionem servis, ac filiis eludendi potestatem, cui subiecti sunt, & in fraudem dominorum ac parentum ita semper, aut frequenter stipulari *l. ult. ff. de stip. servor.* Moderaur enim huic regulæ de retrorahenda conditione jus civile, prout ratio, & æquitas postulat. Non ab simile & quidem elegantissimum exemplum proponit Africanus in *l. quidam 46. ff. de hered. inst.* Titius filiumfam. sub conditione emancipationis instituit volens, id ipsi communicavit. Filius veritus, ne forte pater offenderetur, Titium rogavit, ut Cajum amicum suum institueret, eumque juberet sibi emancipato hæreditatem restituere. Titius Cajum instituit, sed de restituenda hæreditate filio emancipato non rogavit: forte quia sciebat Cajum cum filio de hoc convenisse. Cajus mortuo testatore nolebat hæreditatem adire, aut aditam emancipato restituere recusabat. Querit Africanus, an cogi possit, & qua actione, & an actionem habeat Pater, an filius. Respondit cogi posse actione mandati, cum de restituenda hæreditate à filio rogatus fuisset,

& ea actione ipsum filium agere posse, non patrem. Est hoc contra regulam traditam in *l. filiusfam. 78. ff. de V. O.* Mandatum contractum est à filio, dum erat in potestate patris, ergo existente conditione emancipationis patri debet acquiri obligatio, & actio mandati: ita sanè dicta propoſita regula: sed bona fides & æquitas non patitur, ut contra voluntatem defuncti pater ejus hæreditatem consequatur. Idcirco cum filio datur actio ex æquitate, quæ ipsi non competeret stricto jure, non directam, & vulgarem, sed utilem actionem habet: directa enim patri competet, nisi repugnaret voluntas testatoris. Fallitur hic Accursius, qui ait non esse hinc contractum. Satis ipsum confutant illa Africani verba: *cum à filiosfam. rogaretur amicus, & adiutor se hæreditatem recepisset, & restitutum.* An hæc verba non continent mandatum, & quidem expressum? *l. 1. in princ. & in §. item si & toto tit. ff. mandati.* Nec est, quod nos turbet ac torqueat *l. si mandatum 12. §. fugitivus 9. ff. mand.* quam huic legi opponit Accursius: nam ibi servus manserat in potestate domini, & ideo domino quæſita est actio *§. item vobis inſtit. tit. per quas person. cuicque acq. l. acquiruntur. 10. §. 1. l. etiam in iuris 31. ff. de acquir. rer. dom. l. quemadmodum 46. ff. de jur. dor.* Al'ud exemplum proponit Africanus in fine ejusdem legis de filiosfam. qui fidejussit, & post emancipationem solvit. Huic etiam datur utilis actio mandati ad repetendum, quod solvit: scilicet datur ex æquitate: directa enim stricto jure danda esset patri, in cujus potestate erat filius, quando contraxit, sed hic non spectatur tempus contractus, sed solutionis, quo cepit jus exercendæ hujus actionis. Non abſimile exemplum afferre Papinianus in *l. si debitori 47. ff. de fidejuss. Filiusfam. ita fidejussorem accepit: quantam pecuniam credidero, fidei tuæ esse jubes?* & emancipatus credidit. Fidejussor non patri obligatus est, sed filio humanitatis intuitu, filioque datur actio utilis: quæ ab Ulpiano dicitur actio *in factum* in *l. si vero 12. §. si filiosfam. 6. ff. mandati.* Propius ad rem nostram accedit Pomponii res-

pſum in *l. si à te 10. ff. ut legat. nom.* Titius hæres legatario conditionali ſaiſideditur: mortuus est ante quàm adiretur ejus hæreditas, extitit conditio legati: fidejussor legatario tenetur, & conveniri potest, licet nondum quisquam sit hæres, cui fidejussoria obligatio innatur, & qui ex principali obligatione possit conveniri. Fidejussori pignus comparatur in *l. si ex legati 28. in fin. ff. de pignor.* Propterea etiam pignus post existentem conditionem perinde habetur ac si prius fuisset obligatum, ne sit in potestate hæredis fraudare legatarium, & editam prætoris cludere supplantando legatarium ope Prætoris præsidioque munitum.

Haecenus de pignore. Sunt & alia argu-
17
menta, quibus confici videtur, etiam in legatis retrorahri conditionem, quæ confutata oportet. Occurrit primo responſum Papiniani in *l. fundo legato 4. ff. ad Leg. Falcid. si hæres, à quo mihi legatum est sub conditione, ea pendente me hæredem inſtituat, ac postea legati conditio exciſat, fundus non jure hæreditario, sed legati meus esse intelligitur.* Ergo existens conditio retrorahitur; prævalet enim titulus legati, qui prior est, si spectetur tempus mortis primi testatoris, titulo hæreditatis, qui postea supervenit.

Respondeo prævalere, & potiorẽ esse titulum legati titulo hæreditatis, non quia prior sit, sed quia potentior est, cum legatum habiturus fuisset legatarius, etiam si hæres non fuisset inſtitutus. Proinde non debet ei in Falcidiam imputari.

Etenim extra causam bonorum defuncti computantur, quæ quis habiturus esset etiam alio hærede existente, ut docet Paulus in *l. sequens quæſtio 63. ff. de legat. 2.* Licet enim pendente legati conditione res sit in dominio hæredis, tamen existente conditione, de dominio hæredis eximunt, & fit legatarii *l. & post litem 12. §. ult. ff. famil. herisc.* Omnia enim, quæ ab hærede facta sunt, evaneſcunt existente conditione legati *l. si fundum 105. ff. de cond. & dem. l. grege §. 1. ff. de pignor. l. Seja legato 69. §. 1. ff. de leg. 1. l. is cui 21. §. 1. ff. quemadm. servit. amit.* Ergo res sub conditione legata interim

hæredis est, existente autem conditione ad legatarium transit *l. arboribus 12. alias l. se fur 13. §. ult. ff. de usufr.* nisi dicamus, interim in suspensio esse, an res sit hæreditaria, quod innuere videtur in fine ejusdem legis Ulpianus: & facit ad rem *l. in ratione 11. §.*
 18 *1. ff. ad Leg. Falc.* Opponit Accursius *l. cui res 19. ff. de alt. empti.* Ibi: *cui res sub conditione legata erat, is eam imprudens ab hærede emis: actione ex emptio poteris consequi emptor pretium, quia non ex causa legati rem habet.* Hæc lex concevit turbas apud veteres interpretes. Res est expediitissima, atque illinc nulla turba. Qui rem sibi sub conditione legatam emit imprudens ab hærede: aut rem emptam accepit, & pretium solvit, aut non accepit: Si rem accepit soluto pretio; utique eam habet ex causa emptionis, non ex causa legati, cujus conditio nondum exitit. Existente autem conditione, cum alienatio ab hærede facta revocetur, & fiat irrita *l. servo legato 69. §. 1. ff. de leg. 1. l. ult. §. fin autem sub conditione C. commun. de legat.* non habet amplius ex causa emptionis, quæ jam est irrita, sed ex causa legati, ex qua ipso jure transfertur dominium *l. legatum 110. ff. de legat. 2. l. à Titio 64. ff. de furt. l. 1. in fin. ff. de public. in rem act.* Itaque cum nulla sit emptio, poterit emptor pretium, quod causa emptionis solverat, actione ex emptio recuperare, & rem ex causa legati retinere *d. l. cui res.* Quod si rem non acceperit, poterit agere ex testamento, eamque ex causa legati consequi, adeoque si hæres venditor agat ad pretium actione ex vendito, absolvendus erit, quia rem non habet ex causa emptionis *l. hujusmodi 84. §. qui servum ff. de legat. 1.* Si vero pretium solverit, & rem non acceperit, actione ex testamento rem legatam consequetur: actione ex emptio pretium solum recuperabit *d. §. si servum versic. quod si pretio.* Rursus si agens actione ex emptio cum pretium solverit, comperit, rem emptam sibi fuisse legatam; & ad eam consequendam agat ex testamento; non aliter hæres absolvi debet, quam si & pretium restituerit, & rem legatam actoris fecerit *d. §. vers. quod si ju-*

dicio. Licet enim ab initio actione ex emptio petierit, tamen resoluta emptione propter legatum, actio ex emptio ad pretium recuperandum dirigitur, & actio ex testamento ad rem legatam obtinendam. Potest tamen etiam ad pretium, quod ipsi abest, agere ex testamento, si rem fuerit ex causa emptionis consecutus *l. plane 34. §. quod si rem ff. de leg. 1.*

Secundo potest opponi *l. Neratius 7. ff. de 19 manum. testam.* Testator his verbis servo libertatem dedit: *si mihi nullus filius eris, cum moriar, Stichus liber esto:* si posthumus nasci speretur, & non nascatur, Stichus retro liber fuisse videtur. Quidam hujus legis auctoritate percussu existimant, in legato libertatis retrahere conditionem: atque id, ut est natura Doctorum, ut numquam, ubi constituerunt, pedem figant, ad legatum pium produxerunt. Sed falsissimum est, in legato libertatis trahi retro conditionem. Hac in re deterioris conditionis est aliis legatis. Aliorum legatorum dies cedit à morte testatoris, nec dici cessionem moram facit additio hæreditatis *l. si post diem 1. §. 1. & l. hæredis 7. in princ. ff. qu. di. leg. ced.* Dies legati libertatis non cedit, nisi ab adita hæreditate: imò & dies legati servo cum libertate relictæ *d. l. hæredis in fin. cum leg. sequ. ff. qu. d. leg. ced. §. Si peculium, inst. iii. de legat.* In cæteris legatis spectatur tempus mortis, in hoc tempus aditæ hæreditatis, *d. §. si peculium, & l. denique 8. §. ult. ff. de pe. ul. legat.* quia non potest acquiri servo ante libertatem, & liberas ei non competit, nisi à die aditæ hæreditatis, *l. nam cum libertas 8. ff. quando d. leg. ced.* Quod autem ad legatum conditionale libertatis, satis constat pendente conditione statu liberum esse servum, *l. statu liberum 9. in princ. ff. de statu liber. l. & post litem 12. in fin. ff. fam. ercisc. l. statu liberum 11. in priv. ff. de legat. 2. l. editum §. ult. ff. de quest. l. 1. §. servi ff. de S. C. Syllan. & à cæteris servis nihilo penè differunt tam quovis actiones tum ex delicto, tum ex negotio gesto contraque provenientes, quàm quoad publicæ judicia *l. statu liberi 29. in princ. ff. de**

stentibus. & quod conditio non retro trahatur certissimo argumento est, quod si statulibera pepererit, partus est heredis servus *l. statulibera 16. ff. eod.* & quod statuliberi peculium crescit, ac decrescit usque ad tempus libertatis, & ad ipsum accessio pertinet, ac decessio *l. si hereditas 28. in fin. ff. eod. l. pen. §. 1. ff. de pecul.* Nam si traheretur libertas retro ad tempus mortis, peculium ab illo tempore neque cresceret, neque decresceret, quia spectandum esset, quid foret in peculio tempore mortis *d. l. penult. in princ. l. denique §. fin. ff. de pecul. legato §. si peculium inst. tit. de legat.* Neque statuliberæ filius servus esset, quia si retro fingatur existisse conditio, ex libera natus erit *l. apud hostes 9. l. in bello 12. §. ut. cum leg. seq. l. postliminium 19. §. Si statuliber vers. diversum ff. de capt. & postlim. rev.*

Hæc præmissis ad *d. l. Neratius 7.* respondetur, quod cum ex post facto apparuerit, mulierem non fuisse prægnantem; apparuit, etiam nullum filium fuisse existisse eo tempore, quo mortuus est, & ideo ab eo tempore Stichus liber fuit. Licet enim ignoraretur an mulier utero gereret; adeoque ignoraretur etiam, an existisset conditio; tamen ex post facto apparet, ventrem vacuum fuisse, & retro existisse conditionem, eaque existente Stichum retroliberum fuisse, quia per rerum naturam certum erat mulierem non esse prægnantem quamvis id non apparet, & à nobis ignoraretur. *Qua enim per rerum naturam sunt certa, non morantur obligationem, licet apud nos incerta sint*; ut ait de conditionibus de præsentibus, & de præteritis Justinianus in §. *conditiones 6. de V. O. l. si ita stipulatus fuero 120. ff. eod. l. cum ad præsens 37. ff. de reb. cred.* sicut igitur qui in utero est, quo ad ejus commodum & favorem pro jam nato habetur *l. qui in utero 7. ff. de stat. hom.* ita favore libertatis, qui non nascitur, numquam in utero fuisse intelligitur; ut indicant verba illa in fine legis: *quod magis arbitror probandum.*

10 Concludamus igitur. Si ne favore quidem legatæ libertatis trahitur retro conditio; multo minus aliorum legatorum favore. Imò nec

manifesta æquitas id efficit, ut retro trahatur conditio adjecta legatis. Nam edictum Prætoris de collatione bonorum manifestam habet æquitatem, ut ait Ulpianus in *l. 1. in princ. ff. de collat. bon.* & tamen in ea non retrorahitur conditio legati, sed tantummodo stipulationis *l. 2. §. id quoque 3. ff. eod.*

Superest, ut examinemus fundamenta contrariæ decisionis. Primum autem statuit hoc: Rotam in diversitate opinionum, non tam moveri numero Doctorum, quam rationibus. Rectè quidem, si id semper observaret. Rationes autem duas affert. Prima est, ne sit in potestate heredis eludere legatarios. Bella sane ratio, nisi huic jam olim obviam ivisset Prætor edicto suo, quo providentissimè consuluit legatariorum securitati, ut paulo ante demonstratum est. Provisum etiam ab Antonino Imperatore, ut refert Ulpianus in *l. 5. §. Imperator & §. seqq. ff. ut in possess. legat.* Provisum à Justiniano in *l. 1. c. com. de legat.* & in duabus LL. *seqq.* ubi multa singularia statuit favore legatorum dando legatariis tacitam hypothecam in omnibus bonis testatoris, & tres actiones, personalem, rei vindicationem, & hypothecariam, adeo ut nullus fere alius sit in jure novo creditor, cui magis fuerit à lege prospectum. Quamobrem leges calumniatur, qui hoc ait: in potestate heredis esse legatarios eludere, si conditio non retrorahatur.

Altera ratio ducitur à Justiniani constitutione in *l. 1. c. comm. de legat.* ubi Imperator legatariis tres illas actiones concedit, ut omnibus modis voluntati testatoris satisfiat. Hæc autem provisio testatoris impleri non potest, nisi per nativitatem hypothecæ de tempore testamenti, ut inde oriatur actio. Hoc sane novum est & inauditum, conditionem retrorahi ad tempus testamenti, & eo tempore nasci obligationem, & actionem. Quod conditio trahatur retro ad tempus adjectæ hereditatis, vel mortis testatoris, & tum temporis nascatur obligatio; id quidem absolum est naturæ legati legumque præceptis: quod retrorahatur ad tempus condiri testamenti, & inde nascatur obligatio, id verò est absurdissimum.

Sed verba legis expendamus. Si enim testator ideo legata vel fideicommissa reliquit, ut omnimodo personæ ab eo honoratæ ea percipiant, apparet ex ejus voluntate etiam præfatas actiones contra res testatoris esse instituendas, ut omnibus modis voluntati ejus satisfiat. Quid hæc ad retrahendam conditionem? verba, omnimodo, omnimodis, omnibus modis, idem cuncta significant. Testator vult omnimodo legata relicta percipi à legatariis. Justinianus vult omnibus modis satisfieri voluntati testatoris. Ergo Justinianus nihil amplius vult, quam ipse testator: & verba illa omnibus modis nihil addunt voluntati testatoris. Fortius, quia Imperator movetur ad concedendam hanc hypothecam, tum exemplo aliarum constitutionum, quibus inducta est tacita hypotheca in aliis causis; tum exemplo testatorum, quibus jure permittebatur, quibus voluissent in testamentis hypothecam dare. Ibi: *in versic. cum enim*. In legibus, quæ cuiquam tribuunt tacitam hypothecam in aliis causis, nihil quicquam tale: concedunt illæ tacitam hypothecam, aut simplicem, aut cum prælatione: prælatio autem numquam data intelligitur, nisi fuerit in lege nominatim expressa.

23 Testatoribus à jure, quod jam increbuerat, permillum erat, hypothecam in testamento dare, sed quod possent contra leges, contra naturam legati mandare, ut conditio, quam adjecerant, retraheretur, nusquam sine concessum *l. nemo potest, ff. de leg. 1.* Imò raro occurrunt exempla pignoris in testamento constitui, nec constitui in omnibus bonis, sed tantum in uno, vel pluribus fundis, ex quibus alimenta legata perciperet legatarius, ut in *l. Lucius Titius 22. ff. de alim. legat. in l. fundus 9. ff. de ann. legat.* Itaque licet testatoribus hæc facultas duorum Imperatorum rescriptis esset data *l. non est mirum 26. ff. de pign. act.* tamen ea facultate raro admodum utebatur, existimantes, satis cautum fuisse legatariis Prætoris edicto. Justinianus autem, cum testatores raro sibi suisque legatariis hac ratione caverent, concessit omnibus legatariis hypothecam in om-

nibus bonis hereditariis, ut omnimodo, vel omnibus modis ipsorum securitati provideret. Sed de retrahenda conditione ne quidem cogitavit. Hoc enim cum sit contra regulas juris, omnino ab eo fuerat exprimendum: & cum non fuerit expressum, veteribus regulis relictum intelligitur *l. præcipimus 32. in fine c. de appellat.* quod enim non mutatur, quare stare prohibetur? *l. Sancimus 27. in princ. c. de testam.* Maximè quia Imperator hanc constitutionem accuratè exquisitèque scripsit, eamque conformem aliis legibus esse diligenter ostendit. Notandum est etiam, quod tres illas actiones conjungit, & de omnibus simul collectis idem disponit. Numquid ergo rei vindictio retraheretur ad tempus testamenti: quo tempore certum est, quod rei legatæ dominus esset ipse testator. Erunt igitur ejusdem rei duo domini in solidum, quod est penitus absurdum *l. si ut certo 5. §. ult. ff. commod.* sed rem conficiunt ultima legis verba: *in tantum hypothecaria unumquemque conveniri volumus, in quantum personalis actio adversus eum competit: sed personalis actio competit adversus heredem à die existentis conditionis l. si post diem 5. §. sed si sub conditione 2. ff. quand. d. leg. ced. ergo & hypothecaria.*

Sed instat acriter *Enfar. de substit. quest. 24. 612. & consil. 52.* exaggerando vim illorum verborum, omnibus modis, quæ omnem casum comprehendunt. Ad hoc supra responsum est. Nunc addo, verba, omnimodo vel omnibus modis non refertur ad retrahendam conditionem, sed ad modos, quibus aut testator sibi cavere solebat, de quo supra dixerat, aut lex legatariis consulere. Omnibus modis: hoc est, sive testator ipse obligaverit bona sua legatariis; sive non obligaverit: ut innuit in verbis antecedentibus, & traditum est in *l. fundus 9. ff. de ann. legat.* ubi pignus prætorium concurrat cum pignore à testatore constituto. Hi duo casus sufficerent ad rectam eorum verborum interpretationem, ut constat ex *l. rem legatam 18. ff. de alim. legat. l. si mater 23. §. ult. ff. de vulg. l. plane 38. in fin. ff. de petit. hered. l. si quis 29. ff. de fideic. libert. l. mancipia 8. ff. qui*

sue man. ad lib. l. 3. §. 1. vers. quia in locato ff. naut. caup. l. ex ea 29. in fin. qui testam. fac. pos. Sed in hac lege plures alii casus possunt iis verbis comprehendi : sive heres satis dederit, sive non : sive missus fuerit in possessionem, sive non : sive legatum fuerit ab herede, sive à legatario. Enim vero si verba illa extendi ad omnem securitatem debent, consequens est, eos in hac actione creditoribus omnibus esse præferendos, cum tamen nè chirographarius quidem præferatur, vel in ipso militis testamento. *l. 1. §. denique ff. ad S. C. Trebell.* Justinianus in hac lege non distinguit legatarios conditionales à puris : omnibus idem jus tribuit simplicis hypothecæ sine ulla prælatione, ut certius satisfiat voluntati testatoris. Testator minus dilexit legatarios conditionales, quàm puros : neque enim eos voluit omnimodo, & absolute consecui legatum : id si voluisset, non adjecisset conditionem ; nec in incertum contulisset : adjecta conditione voluit legatum moderari secundum naturam conditionis adjectæ : hoc est, non deberi, si deficiat deberi, si existat, sed à die existentis conditionis, ut fert ejus natura. Hæc est voluntas testatoris, quam omnimodo voluit impleri Justinianus.

Sed urget iterum Fularius : retrotrahitur conditio quoad vindicationem *l. fin. §. fin. autem sub conditione c. com. de legat.* Datur vindicatio, ergo & hypothecaria. Falsa omnia. Non retrotrahitur conditio : sed Imperator, cum permisit alienationem propter incertum conditionis, statuit existentem conditione, irritam esse alienationem ab initio, quasi nec scripta, nec penitus fuerit celebrata. Ipse fatetur *vers. 7.* non retrotrahi conditionem : sed irritari venditionem ; irritata autem venditio per eventum conditionis, tunc nascitur vindicatio, & hypothecaria, non autem à die mortis ; nam si legatarius fuisset dominus rei tempore mortis, & ab eo tempore habuisset rei vindicationem, non comprobasset venditionem rei legatæ Imperator, sicut paulo ante improbaverat venditionem rei purè vel in diem certum legatæ, ea ratione, quia quod alienum est, non licet

alieno juri applicare : & quod in bonis purè non possidet, in alium transferre.

CAPUT X.

Ad L. 3. ff. de reb. credit.

SUMMARIUM.

- 1 *Dna in mutuo quæstiones præcipua.*
- 2 *Pecunia nonnunquam ut corpus, plerumque ut quantitas consideratur & n. 3.*
- 3 *Corpora à pecunia numerata distinguuntur, imò sapienter opponuntur.*
- 4 *Pecunia in mutuo consideratur, ut quantitas & æstimatio & n. 6 & 11.*
- 5 *Mutuum pecunia in quo differat à mutuo specierum.*
- 7 *Alia moneta pro alia reddi potest, nisi damnum passurus sit creditor. & n. 17. per tot.*
- 8 *Liberatur debitor solvens æstimationem ejus, quod debet.*
- 9 *Ideo debitor pecunia in genere, ut mutuatarius, liberatur solvendo æstimativum.*
- 10 *Pondere auri vel argenti ligatæ non materia, sed æstimatio ligata est. Contra si certa species designata sit.*
- 11 *Numeratio non designat, quæ moneta speciei in obligatione deducatur. Exempla afferuntur & n. 12 13 14.*
- 12 *Tributa in auro vel argento indistincta petendi solvi in pecunia ejusdem æstimationis, & n. 13.*
- 14 *Exponitur l. qua extrinsecus 65. §. 1. ff. de verb. obl. & n. 15. 16.*
- 17 *Creditor in aliam formam nummos accipere cogitur, si nullum ex ea re damnum sintiat.*
- 18 *Quod sub conditione affirmatur, sub contraria negatur. Demonstratur vis argumenti à contrariis.*
- 19 *Refellitur Larrea dec. Granat. 21. & n. 21 22.*
- 20 *Reprobatur Amaya in tit. c. de cellat. ep. lio. 10.*
- 21 *Explicatur L. 2. C. de cond. inster. & n. 22. 23.*
- 24 *Explicatur regula : aliud pro alio solvi non potest.*
- 25 *Item regula, quod in mutuo restituenda est res ejusdem generis, ac bonitatis.*
- 26 *Pecunia in mutuo non consideratur ut corpus.*
- 27 *Quod moneta proba reddenda sit in mutuo, non efficit, ut alia reddi non possit.*

IN mutuo æque bonum reddi debet, sive sit à contrahentibus exprimatur, sive non exprimatur, *l. 3. ff. de reb. cred. & tantumdem l. prout quidque 80. ff. de solution.* Hinc duæ exiunt perobscure quæstiones : ambæ circa pecuniam numeratam. Prima est, an

in alia monera reddi possit, quod acceptum est, dummodo sit ejusdem æstimationis, & tantumdem valeat. Altera est, an debeat reddi tantumdem corporis, an vero tantumdem æstimationis, si creverit, aut decreverit valor monetæ. In prima disceptatur, an pro aureis, quos mutuos accepi, reddere possim denarios, an contra pro denariis aureos. In secunda, an acceptis centum aureis, totidem reddere debeam, etiam si creverit eorum æstimatio.

Antequam in disceptationem ingrediar, operæ pretium est præmittere id, quod lumen præpandit utriusque questionis explanationi. Est autem id, quod pecunia numerata duobus modis in jure nostro consideratur. Aliquando, & hoc quidem raro, consideratur ut corpus, ut materia, non aliter ac reliqua corpora. Plerumque vero, imo fere semper consideratur ut quantitas, & ratione æstimationis, non autem corporis in obligationem deducitur. Hujusmodi differentia in *l. si is cui* 94. §. 1. ff. de solut. Ibi: *sive in pecunia non corpora cogitet, sed quantitatem*. Ratione corporis in obligationem numeri deducuntur in deposito, cum ex ipsa depositi natura asservandi sint, & custodiendi, eademque corpora à depositario restituenda *l. 1. & is quoque* ff. de oblig. & act. adeoque si deponat ut tamquam quantitas, ut tantumdem, non idem corpus restituatur, egrediatur ea res depositi notissimos terminos, ut ait Paulus in *l. Lucius* 24. ff. de depositi. Secundo si pecunia numerata certo loco circumscripta, aut conclusa veniat in obligationem, ut si legaverit aliquis *centum quæ in arca habeo* *l. plane* 34. §. Sed hoc ita 4. ff. de leg. 1. vel stipuletur *hanc summam centum aureorum* *l. si ita stipulatus* 120. ff. de V. O. Tertio si pompæ vel ostentationis causa vel tamquam merces aliqua deducatur in obligationem; ut de commodato pecuniæ respondit Ulpianus in *l. 3. in fin.* & Caius in *l. 4. ff. commod.* & de usufructu veterum numismatum Pomponius in *l. numismatum* 18. ff. de usufr. His casibus nec tantumdem reddi potest; nec alia species monetæ: Sed illud ipsum pecuniæ corpus, quod accepimus,

restituere tenemur.

Cæterum in omnibus aliis obligationibus pecunia numerata fungitur vice æstimationis, ac pretii: nec in ea consideratur corpus, sed valor, & publica æstimatio. Idcirco in jure nostro distinguuntur corpora à pecunia numerata: imo sæpenumero inter se opponuntur *l. plane* 34. §. Sed si non corpus ff. de locat. 1. *l. quisquis* 95. ff. de leg. 3. *l. si is cui* 94. §. 1. ff. de solut. *l. sed et si* 10. ff. de accepti. *l. si pœna* 19. §. si falso *l. qui heredis* 46. ff. de condiç. indeb. Quemadmodum in tessera frumentaria non corpus ligni, vel plumbi, quo constat, spectatur: sed quantitatem frumenti, quod per eam exigi potest *l. Titia* 87. ff. de leg. 2. Item in chirographo nulla ratio habetur tabulæ vel chartæ, in qua perscriptum est nomen debitoris, sed ipsius nominis, & obligationis, & actionis, quæ ex eo nascitur *l. qui chirographum* 59. ff. de leg. 3. *l. servum* 44. §. cum qui ff. de leg. 1. *l. 3. §. 1. ff. de liberat. leg. l. mortis causa* 18. §. Titio ff. de mort. caus. donat. *l. 2. §. 1. ff. de pact.* Eleganter ad rem nostram Paulus in *l. 1. in princ. ff. de contrab. empt.* *Est materia est, cujus publica, ac perpetua æstimatio difficultatibus permutationum æqualitatis quantitatis subveniret: eaque materia forma publica percussa, usum dominantiæque non tam ex substantia præbet, quam ex quantitate: nec ultra merx utrumque, sed alterum pretium vocatur.* Scitè, Aristot. lib. 5. de morib. cap. 8. *ἡ δὲ τὰ τοιαῦτα ἵκη νόμισμα, ὅτι ἐν οὐσίᾳ ἀλλὰ νῦν ἵκη, ὡς ἐν ἡμῶν μεταλλάξιν ἡ ποσὶς ἀρχεῖται.* Atque ob id *numisma* græce dicitur, quod non natura, sed lege valet, & in nostra potestate ipsum tum mutare, tum inutile reddere, Numm. enim græcè lex. Inde dictum nummum nonnulli arbitrantur: Sed Varro lib. 4. de ling. lat. nos docet à Siculo verbo *νῦμμος* latinos ita appellasse. Quid si Siculi nummum à numismate dixerint? Subdit Aristoteles, quod numisma redigit ad æqualitatem res omnes, atque omnes metiuntur, omnes etiam dispares, ac dissimiles exæquat: & id ipsum quod Paulus inculcat, nummos æqualitatis difficultatibus permutationum subvenire, in quibus vix

justitia servari potest, nisi pecuniæ æstimatione ad æqualitatem redigantur.

4 In mutuo igitur sicut in aliis fere omnibus contrahibus pecunia intervenit non tamquam corpus, sed tamquam quantitas rationis valoris & æstimationis. Argumento est, quod non illa ipsa pecunia, quæ data est, reddi debet, quemadmodum solvi deberet, si tamquam corpus in obligationem deducta fuisset *l. sed si certos* 31. ff. de legat. 1. Item quod perit periculo debitoris. §. 2. *insist. tir. quib. mod. re contr. oblig. l. 1. §. & ille ff. de obl. & act.* periret autem periculo creditoris, si tamquam corpus veniret in obligationem *l. si certos* 37. ff. de P. O. At inquit: etiam aliæ res; frumentum, vinum, oleum deducuntur in mutuum ratione quantitatis, non corporis: cum mutuum consistat solummodo in his rebus: quæ numero, pondere, mensurave constant, hoc est, in quantitate: hæ enim solæ functionem recipiunt, non vero corpora *l. 2. §. 1. ff. de reb. cred. l. 1. §. re 2. ff. de obl. & act.* Ita sane.

5 Verum hoc interest inter pecuniam numeratam, aliasque res, quæ functionem in genere suo recipiunt, frumentum, vinum, oleum, quod hæ in mutuum deducuntur ratione quantitatis, non vero ratione æstimationis: quod enim plus, minusve valeant, nihil ad mutuum: solummodo numerus, pondus, mensura consideratur, spectaturque, quis numerus modiorum amphorarum, metretarum, quod pondus lardi, carnis, & aliarum ejusmodi rerum, quæ mutæ dantur. Contra pecunia nummiquæ ratione non solum quantitatis, sed maxime æstimationis in mutuum deducuntur. Quantitas enim in pecunia est ipsamet æstimatio. Hac enim de causa fuit inventa, ut res omnes per eam æstimarentur, & ad æqualitatem reducerentur, ut probavimus Pauli nostri, & Aristotelis auctoritate. Pecuniæ constans est, & certa semper æstimatio, utpote quæ à lege definitur. Aliarum rerum incerta est & semper varia, ut pote quæ pro caritate, aut vilitate annonæ modo plaris, modo minoris æstimantur. Æstimantur autem non invicem, sed solummodo pecuniâ.

Neque enim frumentum vino, aut vinum oleo æstimatur: nec æstimari potest, nisi utriusque pretium ad certam pecuniæ summam reducat, arque ita ad æqualitatem redigatur. Quocirca pecunia est rerum æstimatio, & quidem certa & immutabilis, neque arbitrio, aut affectione contrahentium augeri, minuique potest: ac nulla res præter ipsam est aliter æstimatio. Consequens igitur est, solam pecuniam numeratam ratione suæ æstimationis mutuum dari. Atque hoc indicat Paulus in laudata *l. 1.* cum ait ipsam usum, dominiumque non tam ex substantia præbere, quam ex quantitate: eamque non tamquam mercem in contractum deduci, sed tamquam pretium.

Jactis hæc fundamentis, quæ nullius 7 auctoritate convelli possunt, utriusque quæstionis controversia mihi videtur esse sublata: Quantum ad primam attinet, certissimum puto, aliam pro alia monetam, nummos æreos pro argenteis, argenteos pro aureis, & vicissim unos pro alteris reddi posse, nisi ex ea re damnum passurus sit creditor. Ut puta si aliquid fuerit interitum pecuniæ, veluti collybus, vel si eam alio transportare destinaverit, ubi minoris æstimatur: vel sine incommodo, aut dispendio nequeat eo transferri, *l. 4. §. melior ult. ff. de adiff. in diem.* Quomodocumque damnum patitur, non tenetur creditor in aliam formam nummos accipere *l. debitorem* 99. ff. de solut. Hoc tamen damnum æstimari debet ex detrimento rei familiaris, non ex affectione creditoris, ut fieri solet in jure nostro *l. 3. ff. de damn. infest. l. pretia rerum* 63. in princ. ff. ad l. Falcid.

His probatis, & animadversis, confestim 8 quens est, liberari debitorem, qui in aliam formam nummos reddit creditori. Nam ex probatis, qui debitor est pecuniæ numeratæ, & solvit eandem æstimationem in pecunia numerata, solvit id quod debet, cum non sit debitor corporis, sed æstimationis nummorum. Atqui debitor, qui solvit id, quod debet, liberatur ab obligatione *princ. tir. insist. quib. mod. toll. oblig. l. si pupillus* 21. ff. ad leg. Falcid. *l. in numerat. 44. ff. de solut.*

Quod

Quod autem debitor, solvendo eandem æstimationem, solvat id, quod debet, præter ea, quæ paulo antè sunt demonstrata, probatur etiam ex *l. Titia amica. 35. ff. de aur. & arg. leg.* Ibi: *Paulus respondit, aut aurum ei, de quo queritur, præstari oportere, aut pretium auri, quanti comparari potest. l. 1. in fin. ff. de aur. & arg. leg. cui certum pondus argenti dare heres jussus sit, pecuniam numeratam dando ipso jure liberatur, si in ea pecunia eadem æstimatio sit, & in l. cum aurum. 19. §. 1. ff. eod.* Ibi: *non materiam, sed pretium præstare debet, & in l. si quis argenteum. 35. in princ. C. de donat.* Ibi: *sive in ipsa æstimatione, qua pro massa rudi in illis locis frequentata est.* In his omnibus observandum est, quod non solum pro auro, & argento præstatur pretium & æstimatio, eaque præstita debitor ipso jure liberatur, 29 sed etiam quod non præscribitur debitori, ut pro auro legato præstet pecuniam auream, pro argento argenteam: cum enim liberetur præstando æstimationem & pretium, in quacumque specie pecuniæ id solvere potest, dum æstimatione pecuniæ, quam solvit, eadem sit, quæ auri, & argenti. *d. l. 1. in fin.* Ex quibus ita concludi potest. Si ille, qui debitor est massæ rudis argenti vel auri, solvendo ejus æstimationem in quacumque pecunia, solvit id quod debet, & ipso jure liberatur, multo magis liberabitur ille, qui pecuniam debet, eamque in genere, ut mutuatarius. *l. 2. §. 1. ff. de reb. cred.* Qui debet aurum vel argentum rude non signatum, potest solvere argentum signatum vel aurum, ergo multo magis, qui debet aurum, vel argentum signatum. Accedit, quod legato auro vel argento, quidquid auri argentique relictum sit, legato continetur, sive factum, sive infectum, non autem pecunia signata. *l. cum aurum. 19. in princ. ff. de aur. & arg. leg.* Ergo pecunia signata, pro auro, & argento factò infectòve non habetur: & tamen pro eo rectè solvitur. Multo magis igitur pecunia signata, pro pecunia signata rectè solvetur.

Neque reponas, quod pro auro vel argento pecunia rectè solvitur, si non sit ejus

species designata. *l. cum certum. 9. ff. eod.* in mutuo autem semper species designatur factò ipso, si non verbis: nam ex ipsa numeratione pecuniæ, quæ in mutuo interveniat necesse est, constat, quæ species pecuniæ in obligationem deducta sit. Etenim ipsa legis verba nobis suggerunt, quod re geramus: ibi: *non materia, sed pretium*: Cum certum auri, vel argenti pondus legatur, non materia, sed pretium & æstimatorio legari videtur. *d. l. 8. l. 1. in fin. ff. eod.* Contra cum certa species designatur, materia non pretium legatum est. *d. l. 1. & l. 9.* Cum enim legatur certa species auri vel argenti, corpus ipsum auri argentique, quod designatum est, legato continetur. Quoties autem in obligationem deducitur certum aliquod corpus, illud ipsum præstari debet, etiam si fuerit pecunia numerata, ut antè demonstratum est. Fac legatum fuisse argenteum factum, ut in *l. cum certum. 19. alias l. 20. §. argento factò, vel vasa argentea, ut in §. sed cui vasa: vel argentum elcarium, ut in §. si cui elcarium. vel argentum potorium, ut in l. in argento. 21. in princ. ff. eod.* vel argentum viatorium, vel balneari, ut in *l. ult. in princ. & in §. 1. ff. eod.* Cum legato continetur solummodo ea species argenti, quod testator habebat, cum testamentum faciebat. *l. cum certum. 19. in princ. & l. ult. in princ. ff. eod.* utique legatum videtur certum illud corpus argenti, quod testator designavit, quemadmodum cum legat pecuniam, quam in arca habet. *l. si servum. 108. §. qui quinque. 10. l. Sed si certos. 51. l. plane. 34. §. sed hoc ita. 4. ff. de leg. 1. & ileo inutile est legatum, si desit certum illud corpus, quod testator designavit. *l. 1. §. sed etsi dotem ff. de dot. preleg.* In mutuo autem pecunia numerata non ratione corporis, sed quantitati intervenitur, ut supra probatum est: neque numeratio designat, aut demonstrat certum corpus, ac speciem, ita ut ad eam ipsam restituendam mutuatarius obligetur: imò contra ex natura mutui non potest obligari ad restituendum id ipsum, quod accepit: non enim mutuum contraheret, sed depositum vel commodatum. *l. 2. in princ. ff. de reb. cred.**

E c c

- 12 Proge-liamur ultra : Controverfiam dirim-
 mat Seneca, *lib. 6. de benefic. cap. 5. Nam
 & pecuniam dicimur reddidiffe, quamvis nu-
 meravimus pro argenteis aureos.* Nihil clari-
 us, atque id legibus noſtris eſt contenta-
 neum. *Plin. lib. 33. cap. 3. ſed præter alia
 equidem miror populum Romanum vilis gen-
 tibus in triūto ſemper argentum imperaſſe,
 non aurum.* Excipe *Cyprum & paucas alias,
 quibus tributum in ære imperatum.* Licet au-
 tem in ære, vel argento indiceretur, tamen
 pro ære, vel argento aureos ejuſdem æſti-
 mationis ſolvere poterant. *l. un. C. de collat.
 ar. l. un. C. de argens. pretio* quæ non ideo
 lata ſunt ab Imperatoribus, ut provinciali-
 bus permitterent, quod iſtis antea id mini-
 me liceret: ſed ut ſtatuerent, quanta auri
 ſumma pro ære, vel argento indicto ſolven-
 da eſſet: ut conſtat tum ex utraque rubrica
de collatione æris, & de argenti pretio; tum ex
 utraque lege, ſi accuratè perpendantur. Nam &
 antea in aliam formam ſolutio fieri poterat:
 ideoque Neronis acerbitas objurgatur, quod
 nummum aſperum, argentum puſtulatam,
 aurum obryzum exegerit, ut in ejus vita re-
 fert Sueton. *cap. 44.* non tamen ait, quod
 pro nummis aureis argenteos, aut pro ar-
 genteis aureos accipere recuſaverit, ſed mo-
 netam recentem, non uſu detritam, aut com-
 mixtam aliis metallis ſolvi voluit: nihilo-
 minus tamen plerique omnem collationem
 palam recuſarunt. *Liv. lib. 38. in edit. Pa-*

- 13 *riſ. 1682. De pecunia ſumma quam pende-
 rent, penſionibusque ejus, nihil ex eo, quòd
 cum Coſ. convenerat, mutatum. Pro argento
 ſi aurum dare mallet, darent, convenit: dum
 pro argenteis decens, aureus unus valeret.*
 Non erat hic aureus Romanus, qui pro
 viginti quinque denariis valebat: ſed au-
 reus Ætolorum ſeu Atticorum. Hujusmodi
 igitur ſolutio commoda erat Ætolis, qui
 propriam ſux regionis monetam ſolvebant:
 incommoda Romanis, qui alienam accipie-
 bant: ac propterea id pacto cavere opor-
 tuit. Sripendia quoque militaria licèt in ar-
 gento, aurove conſtituerentur, tamen in
 ære ſolvebantur, ut probat doctiſſimus Gro-
 novius *de pecun. vet. lib. 3. cap. 2. in fine.*

Senecæ dictum confirmat Florentinus in 14
l. qua extrinſecus. 65. §. 1. ff. de V. O. Ver-
 ba Florentini ſunt: *ſed eſt in rei, quæ pro-
 mittitur, aut perſona appellatione varietur,
 non obſeſe placet: nam ſtipulanti denarios,
 ejuſdem quantitatis aureos ſpondendo obliga-
 beris: & ſervo ſtipulanti Lucio domino ſuo, ſi
 Titio, qui idem ſit, daturum te ſpondeas,
 obligaberis.* Multa in hac lege ſunt obſer-
 vanda. Primum, quòd qui pro denariis
 promittit aureos, non rem ipſam variat,
 ſed ſolùm rei appellationem, quemadmodum
 ſi de perſona Lucii Titii tractantes, alter Lu-
 cium nominet, alter Titium, non variatur
 perſona, ſed appellatio. Ergo & qui ſolvit
 aureos pro denariis, non aliud ſolvit, ſed id
 ipſum quòd debet; nulla enim varietas eſt
 in ipſa re, aut differentia: quemadmodum
 recte ſolveret, qui cum eſſet debitor Lucii,
 ſolveret Titio, qui idem ſit ac Lucius: licet
 alteri, quam creditori non recte ſolvatur. *l.
 ſi duo rei 128. ff. de V. O. l. ſi verò. 8. cum
 ſeq. ff. de conſtit. pecun.* eſt enim eadem
 perſona licèt nomen ſit variatum: non
 aliter ac ſi interroganti latine, tu græcè
 reſpondeas. *§. 1. inſtit. tit. de V. O.* verbis
 enim diſcrepans eſt, ſententià congruens 15
 reſponſio.

Secundò, quòd licèt Florentinus agat de
 ſtipulatione, tamen ratio, qua movetur, ge-
 neralis eſt, & mutuo æque convenit, ac
 propterea id etiam de mutuo dictum exiſti-
 mare debemus, *l. illud quaſimut. 32. ff. ad l.
 Aquil.* Hac enim in re ſimiliſſimum eſt mu-
 tuum ſtipulationi contrahendæ: ut contra-
 hatur ſtipulatio. debet promiſſor reſponde-
 re ſe daturum, facturumve id, quòd eſt in-
 terrogatus. *l. ſtipulationum. 5. §. ſtipulatio. ff.
 de V. O.* ut mutuum rectè contrahatur, de-
 bet mutuarius obligari ad reſtituendum
 id, quòd accepit. *l. 2. princ. & in §. 1. in
 fin. ff. de reb. cred.* Si congruit interrogatio-
 ni reſponſio, cum interrogatus de denariis
 ſpondet aureos, utique congruit etiam tra-
 ditioni reſtitutio, cum ei, qui denarios tra-
 didit, aurei reſtituantur. Imò multo reſtri-
 ctius à lege præſinitur convenientia interroga-
 tionis, & reſponſionis in contrahenda ſtipu-

latione, quam traditionis, ac restitutionis in mutuo; quoniam si responsio adjiciat aliquid vel detrahat interrogationi, nulla contrahitur obligatio. *l. 1. §. si quis simpliciter cum seq. ff. de V. O. §. praterea instituit. de inut. stipul. l. inter. 83. §. si stipulante 2. ff. de V. O. contra in mutuo ejus restitutioni locus adjici potest. l. aut mutua. 6. ff. de eo quod cert. loc. dies, l. vinum. 22. vers. si dictum esset, & l. certi conditio. 9. ff. de reb. cred. qui etiam non adjectus tacite incit. l. 2. §. re contrahitur: Ibi, postea recepturi. ff. de obl. & act. & alia hujus generis. Rursus si quis stipuletur aliquam speciem, non potest promissor de alia respondere, & aliam diversam promittere; multo minus stipulanti vinum vetus poterit promittere vinum novum; neque enim responsio contineret id ipsum, quod interrogatio. *d. l. 1. §. stipulatio ff. de V. O. Contra in mutuo non sumus receptari eandem speciem, quam dedimus. l. 2. in princ. ff. de reb. cred. nec a iud pro alio solvere videtur, qui aliam speciem solvit. d. l. 2. §. 1. & quod possit mutuarius pacisci, se redditurum vinum novum, licet vetus acceperit: & qui acceperit triticum Africanum, possit ex conventionne Gallieum reddere, non est dubitandum: quia licet mutuarius si nihil cautum fuerit, id egisse intelligatur, se redditurum &que bonum. *l. cum quid 3. ff. de reb. cred. tamen si contrarium cautum fuerit, id servandum erit: neque enim confundere debemus ad praesumptionem ac tacitam voluntatem, cum habemus expressam l. ille, aut ille. 25. §. 1. ff. de leg. 3. Quinimo mutuum valere puto, si ea lege vinum detur, ut acerum reddatur, scilicet vinum, quod acuit, non autem embamma; quia eadem prope substantia est. *l. in venditionibus. 9. §. ult. ff. de contrab. empt. Largius igitur adimus conjugationem & congruentiam restitutionis in mutuo, quam responsionis in stipulatione.****

16 Terriò, quod quamvis J. C. proponat exemplum ejus, qui promittit aureos pro denariis; tamen idem dicendum, si quis stipulanti aureos, promittat ejusdem quanti-

titatis denarios: eadem enim est omnino ratio; quia & hic appellatio, non res variatur. Ideo autem stipulantem denarios proponit, quia in contrahendo, & rationibus conficiendis Romani pecuniae summam aut nummis sestertiis, aut denariis exprimere solebant, ut in *l. Publia. 26. §. 1. ff. de pos. in l. testa 40. ff. de reb. cred. in l. ult. ff. de instit. act. l. plane. 21. ff. de condit. indeb. Quod & in tributo indicendo usurpasse Romanos miratur Plinius, ut paulo ante indicavimus. In poenis infligendis aureos imperitare solebant, ut in *l. penult. ff. de in jus voc. in l. 2. ff. in jus voc. ut eant in l. lege 15. ff. de S. C. Syllan. in l. un. C. ad leg. Jul. de ambitu. Ita & Hadrianus Imperator servos iussit aureos viginti domino solvere, si vellet retinere libertatem, quam ex falsis codicillis acceperant, vel ex testamento, quod inofficiosum postea pronuntiatur. *l. pen. in fin. ff. de jur. patron. l. 2. C. de fideicom. libert. l. cum ex falsis. 47. ff. de manum. testam. l. si autem. 9. ff. de inoff. testam. secus autem responsum est in l. si mulier ff. de minor. quia ibi libertatem acceperant ex testamento valido.***

His observatis, hujus legis auctoritate reor omnem dirimi controversiam. Sed praefato est Paulus, qui rem minimè dubiam facit apertissimam in *l. creditorem. 99. ff. de solution. aliàs l. debitorem. Creditorem, inquit Paulus, non esse cogendum in aliam formam nummos accipere, si ex ea re damnum aliquod passurus sit. Ergo si nullum damnum passurus sit, cogendus est in aliam formam nummos accipere: atque hoc est, quod defendimus. Est hoc fortissimum argumentum teste Papiniano, ejus auctoritatem minutis quibusdam Doctoribus, eorumque cavillationibus longè antepono. Ait hic in *l. l. in princ. vers. hujus rei ff. de offic. ejus cui mand. est jurisd. Hujus rei fortissimum argumentum, quod lege Julia de vi nominatim caveatur, ut is, cui obigerit exercitio, possit eam si proficiatur, mandare; non aliter itaque mandare poterit, quam si abesse ceperit. Hoc fortissimo argumento Jurisconsultorum Princeps Papinianus, hoc eodem & nos nunc**

timur. Argumentum ratio ipsa confirmat. Qui affirmat aliquid sub conditione, id ipsum tacite negat deficiente conditione. Qui legat, aut promittit aliquid: *si navis ex Asia venerit*: nihil omnino legat, nihil promittit navi ex Asia non veniente. In verbis ipsis tacite inest contraria conditio ex perspicua voluntate proferentis. Labeo & Javolenus in *l. quibus diebus*. 40. §. *quidam ff. de cond. d. monstr.* Ibi: *quia nihil interfit, utrum ita scribatur: quas pecunias cuique legavi, eas haeres meus, si mater mea moriatur, dato: an ita; nisi mater mea moriatur, ne dato.* Utrobique enim sub conditione vel datum, vel ademptum esse legatum. Labeo & Javolenus in hac lege reprobant contrariam Oshii sententiam. Quidni & ego reprobem sententiam eorum, qui acutis quibusdam cavillationibus vim hujus argumenti conantur eludere? In eadem sententia fuit Scævola in *l. aliquando*. 107. *vers. ex diverso. ex diverso ff. eod.* Ibi: *quod sub conditione ademptum est, sub contraria conditione datum intelligitur.* Idem traditum à Juliano in *l. si legatum*. 10. ff. *de adim. leg.* Ibi: *nam legatum cum sub conditione adimitur, perinde est ac si sub contraria conditione datum esset.* Idem in *l. si quis ita* 13. in fin. ff. *de statuliber.* Ibi: *namque ademptio libertatis vel legati sub conditione facta, in ipse contrariam conditionem legato, vel libertati, qua prius data erat, iniecit.* Gajus in *l. si post mortem* 68. §. *si pure ff. de leg. 1. si pure legatus servus sub conditione liber esse iussus fuerit, sub contraria conditione v. let legatum.* Multo longius progreditur Javolenus in *l. pecuniam*. 36. ff. *de reb. cred. si pecuniam, quam mihi pure debet, mea voluntate alteri sub conditione promiseris, in eo statim est obligatio, tamquam si eam mihi sub contraria conditione sponderis.* In his legibus duo animal veto, Primum, quod hæc regula sine exceptione servatur ab omnibus veteribus J. C. ad interpretationem legum, contractuum, ultimarum voluntatum: ac ne favore quietem libertatis ab ea recedunt. Secundum, quod hæc contraria conditio non est innixa conjecturis, neque argumentis inducitur, sed ex ipsa scriptura, quæ hanc vim

habet, & ex verbis testatoris, aut cujusvis alterius, qui eam suæ dispositioni injectit, ut ait Julianus in laudata *l. si quis ita*. 13. ff. *de statuliber.* & hac conditione dedit, aut ademisse perinde. ac si nominatim eam adjecisset d. *l. quibus diebus* 40. & d. *l. si legatum*. 10. Quocirca hic non opus est, confugere ad argumentum à contrario sensu, ut plerique omnes faciunt. Quoniam ea est natura, ea vis conditionis, ut excludat omnes alios casus præter eum, qui ponitur in conditione, eaque deficiente nihil actum, aut dictum esse videatur. Nam conditio in casum differt, ac suspendit obligationem §. *sub conditione inst. tit. de V. O.* eoque casu non existente perimitur obligatio, & perit actus, §. *conditiones inst. eod. l. conditio*. 100. ff. *de V. O. l. 3. §. si tamen*. 13. ff. *de bon. libert.*

Superiora argumenta multò fufius exposui, ac dilatavi, quàm status controversiæ postulare, quia docti quidam viri legum verba cavillantur, ut se ab his laqueis expediant. Joan. Baptista Larrea, vir apprime doctus, *Decif. Granat. disp. 21. n. 11.* auctoritate Pauli in laudata *l. creditorum* 99. ff. *de solut.* probat contrariam sententiam, & assert ipsa legis verba: *non esse compellendum creditorem, in aliam formam pecuniam accipere*: prætermittit autem verba subsequencia: *Si ex ea re damnum aliquid possurus sit.* An non hoc est cavillari? sanè hanc cavillationem diceret Ulpianus secundum *l. natura* 177. ff. *de V. S.* Ad hunc modum posset Davidis auctoritate probari non esse Deum. Ait ille: *dixit insipiens in corde suo: non est Deus.* Expunge prima illa verba: *dixit insipiens in corde suo.* Superest, non est Deus. Ergone David docuit, non esse Deum? Apagè ista. Horret animus. Sed nolim hoc vitio vertere tam docto viro: fuderit hæc incuria typographi? Nec allata legis verba sunt descripta fideliter: sit & hic error typographi, non repugno. Attamen idem Auditor ineptam ac prope falsam decisionem assingit Paulo, supponens convenisse, ut eadem species monetæ redderetur. Quorsum requireret damnum in credito Paulus, si ex sua conventionē debitor teneretur ad solvendum

nummos ejusdem formæ? Addit, quod argumentum à contrario sensu locum non habet, quando illud, ex quo desumitur, augmentativè ducitur, ut probant DD. per text. in *l. conventicula C. de cond. insert.* Hæc lex nusquam exstat in *tit. C. de condit. insertis*. Sed in *tit. de Episc. & Cleric.* eaque nihil ad rem nostram pertinet. Conventicula illicita etiam extra Ecclesiam in privatis ædibus celebrari prohibemus. Qui prohibet etiam extra Ecclesiam in privatis ædibus, multò magis prohibet in ipsa Ecclesia. Quocirca qui ita argumentum duceret: ergo in Ecclesia id permittit; contra legem argumentaretur, non à contrario sensu. In §. *novissimè insert. tit. de S. C. Orphit.* ait Iustinianus: *Novissimè sciendum est, etiam illos liberos, qui vulgo quasi sunt, ad matris hereditatem ex hoc S. C. admitti.* Satisne sanus est, aut sobrius, si quis ex hoc deducat, liberos legitimos non esse admittendos? Sed hæc, amabo te, quid ad rem? quid ad nostram legem? Non multo felicius hunc nodum expedit Amaya, Larrea affecla, ad *tit. C. de collat. ar. lib. 10. n. 30.* Aivenim argumentum à contrario sensu non valere, nisi fiat cum omnibus suis qualitatibus. Quamobrem hoc ad legem nostram attineat, me fateor non intelligere. Subdit cum glossi, creditorem semper in damno esse, eo ipso, quod recusat accipere pecuniam in aliam formam per text. in §. *præterea 32. insert. tit. de action.* & in *l. cum 16. C. de solut.* quibus nihil à nostra controversia alienius. Glossa autem reprobatùr à Bartolo, & de cæcis omnibus; quin imò ipsa recedit ab ea opinione, quam verbis legis intelligi adversari, & congruentem verbis & sententiæ legis amplectitur. Dii boni, quid est, si hoc non est cavillari, & leges miserè distorquere?

- 21 Antequam ultra progrediar, leviter in transitu attingam expositionem *l. 2. C. de cond. insert.* quam fortasse voluit allegare Larrea. Opponunt hæc ad unum omnes fere veteres interpretes, ad subvertendum argumentum à contrario sensu. Pater à filia hærede instituta legarum in diem Titio reliquerat, eique præceperat, ut Titio cau-

tionem de solvendo legato præstaret, si à marito non divertisset. Filia à marito divertit. Recusabat præstare cautionem ducto argumento à contrario: Pater imposuit mihi onus cautionis, si non diverterem, ergo, si diverterem, non imposuit. Rectilimè argumentatur. Numquam enim fallax est argumentum, quod hoc modo ducitur, ut aiant dialectici, contradicitoriè. Ita ducitur à Papiniano in *l. 1. ff. de off. ejus, cui mand. jurisd.* Lege Julia magistratus potest mandare merum imperium, si proficiscatur: ergo si non proficiscatur, non potest mandare. Haud aliter Ulpianus in *l. juris gentium 7. §. dolo malo ff. de pact.* Dolo malo ait prætor pactus se non servaturum. Qui dum? quia edicit, se servaturum pacti, quæ dolo malo facta non sunt: ergo ait, se non servaturum pacta dolo malo facta. Ait prætor, quia licet id expressis verbis non dixerit, tamen inest, & continetur in eo, quod verbis expressit. Hòsum exemplo & nos ita ducimus argumentum. Creditor non est cogendus, si damnum passurus sit: ergo si passurus non sit, cogendus est. Sed ad hæc eodem filiam redeamus. Non poterat hoc argumento se cautionis oneri subluere, quia licet hoc ei præter non imposuerit, imposuit tamen Prætor, qui hæredem debentem legata in diem, cavere jubet legatariis de præstandis adveniēte die legatis *l. 3. §. si dies & toto tit. ff. ut legat. nom. cav.* Idcirco aiant Imperatores in *d. l. 1. jurisditionis originem perinde servari æquum est, ac si nihil super ea rescriptum fuisset.* Sed hæc non pertinent ad speciem popositam in laudata *l. 2.* si mulier divertisset, utique disputari posset, an mulier cavere deberet: hoc est, an prævalere deberet præceptum Prætoris cavere jubentis, an vero tacita voluntas testatoris, quæ inest in conditione cautionis, quia hæc cautio à testatore potest remitti, quocumque judicio defuncti. Quamobrem si mulier divertisset, puto rectè uti potuisse argumento à contrario, & ab onere cautionis liberandam fuisse auctoritate Papiniani in *l. avia 77. in fin. ff. de condit. & dem.* & Marciani in *l. licet. 12. ff. ut legat. nom. caveat.* Sed mulier non di-

Ecc iij

vertit, idè uti non poterat argumèto à contrario; quo, si divertisset, uti potuisset, & ab Imperatoribus exaudientia fuisset, ut modò dicebam. Quid igitur pro se allegabat? Illoc scilicèt meà sententià: conditio divortii à lege remittitur, adeoque si mihi legatum fuisset, aut relicta hæreditas sub conditione, si divertissem, consecuta fuisset legatum, & hæreditatem, etiamsi non divertissem *l. sed neque* 8. §. 1. *ff. de usu & habit. l. reprehendenda C. de instum. & subst.* Ergo similiter remittenda mihi est cautio, cum non diverterim, quemadmodum volebat testator: quia etiam cautio remitti potest non solum à lege, sed etiam à testatore *l. licet* 12. *ff. ut legat. nom. cav. l. a via* 77. *in fin. ff. de cond. & dem.* Remisisse autem cautionem in casu divortii videtur testator, qui eam jussit interponi, si non divertissem. Enim verò si hæc subtilius considerentur, suo argumento se ipsam mulier jugulabat. Nam si pater remisit ei cautionem in casu divortii, ergo non remisit, si non diverterit: non divertit autem: ergo ex ipsa patris voluntate cavere debet. Sed planius & explicatius respondetur Imperatores; exemplum legati, vel hæreditatis, quod mulier allegat, huic rei comparandum non esse: *cum absurdum sit, idèo perpetui edicti negligi formam, quia patris sui voluntati non obtemperatur.* Non negant Imperatores, testatorem voluisse filiam liberare ab onere cautionis, si divertisset: sed aiunt, quod, cum non diverterit, & patris voluntati non obtemperaverit, ad cavendum tenetur & patris præcepto, & simul Prætoris edicto. Quamobrem etiam à præcepto patris absolveretur, ramen superest præceptum prætoris omnino servandum: quia absurdum est, negligi, & non servari Prætoris edictum, propterea quod mulier Patri non obtemperavit. Lex non cogit eam obtemperare præcepto divortii, quod est contra bonos mores, & periurè habet, ac si super ea re nihil scriptum fuisset *d. l. 2. in princ.* atqui, si nihil super ea re scriptum fuisset, teneretur ex edicto cavere. Neque vero plus consequi debet, quam si super ea re nihil scriptum fuisset. Hujus rei elegans

exemplum proponit Papinianus in *l. Mulieri & Titio* 74. *ff. de cond. & dem.* Mulieri & Titio relictus erat ususfructus, si non nupserit mulier. Nupsit mulier: deficit conditio legati, qua deficiente à legato videtur excludi Titius, & ad integrum ususfructum admittenda mulier, cui conditio remittitur. Verumtamen quia conditio à lege remittitur perindè ac si adjecta non fuisset, absurdum est, eam plus consequi, quàm testatori non obtemperavit, quam consequeretur, si obtemperasset: idcirco dividitur inter mulierem, & Titium ususfructus: imò, quod est omnino singulare, mulier tantummodo dimidium ususfructus consequitur, etiamsi Titius legatum repudiaverit: adeoque contempta voluntate testatoris amittit jus accrescendi. Neque ipsi lex injuriam facit: quippè quia nihil esset habitura, si lex ei conditionem non remisisset. His expositis constat non levi errore prolapsos fuisse DD. qui putarunt ex *d. l. 2.* probari, non valere argumentum à contrario, & commentitias esse solutiones, quas excogitantur.

Non multò tutius est perfrugium, quo 13; Laeya utitur ad declinandam *l. qua extrinsecus* 65. *ff. de V. O.* Discrimen esse ait, quod stipulatio conventionie contrahitur, non numeratione sicut mutuum. Id autem efficit numeratio, ut demonstret, ac designet genus monetæ, in quo contrahitur obligatio: cui consequens est, ut in eodem genere solvi debeat, quia non tollitur obligatio, nisi solvatur id, quod debetur *prin. tit. inst. quib. mod. toll. obl.* Sed nos non ducimus argumentum à comparatione mutui cum stipulatione: verum à convenientia responsionis cum interrogatione, quæ omnimoda, esse debet in stipulatione, & multò exactior, quam in mutuo inter numerationem pecuniæ, ejusque restitutionem ac solutionem: tum vero maximè ab eo, quod ait ibi J. C. promittentem aures pro denariis, non in re ipsa, sed in rei appellatione variare, ut supra luculenter explicavimus.

His demonstratis præoccupavimus contrariorum argumentorum confutationem. Nihil enim opponi potest, quod ex his non possit

perspicuum refutari. Primum autem, quod aliud pro alio solvi non potest invito creditori *l. 2. §. 1. ff. de reb. cred.* in mutuo solvi non potest res alterius generis, veluti triticum pro vino *d. l. 2. in princ. l. 1. §. re contrahitur ff. de oblig. & act. princ. tit. inst. quib. mod. re contrab.* differunt autem inter se materia, & substantia, atque adeo etiam genere, æs, argentum, aurum, *l. in venditionibus §. 9. ult. l. quod tamen 14. in fin. ff. de contr. empt.*

Ad hæc responsum est laculentissimè initio hujus dissertationis. In mutui obligationem non deducitur pecunia numerata ratione corporis, substantiæ, materiæ, sed ratione quantitaris, & æstimationis. Quamobrem qui reddit monetam ejusdem æstimationis, non solvit aliud pro alio, sed id ipsum quod accepit, nempe illam ipsam æstimationem, quam accepit, quam debet. Ne jam dicta repetam, ad ea lectorem relego.

25 Rursus objiciunt, quod mutuum non solum in eodem genere restituendum est, sed etiam ejusdem qualitatibus, & bonitatis *l. cum quid mutuum §. ff. de reb. cred. l. 1. §. re contrahitur ff. de oblig. & act. princ. tit. inst. quib. mod. re contr. obl.* Non restituit autem rem ejusdem bonitatis, qui æream monetam pro argentea, argenteam pro aurea solvit. Ac ne quidem ejusdem qualitatibus: qualitas enim in jure nostro pro materia accipitur *l. si sterilis 21. §. quamvis ff. de action. empt. non est autem eadem materia æris, argenti, auri d. l. in venditionibus §. ult. & l. quid tamen 14. ff. de contr. empt.*

Eodem recurrimus. Equè bonum reddit pecuniæ debitor, qui reddit æqualem æstimationem, cum pecunia ratione æstimationis in obligationem deducatur, non materiæ vel corporis. Sed & ejusdem qualitatibus reddit: licet enim aliquando, & quidem admodum raro nomen qualitatibus ad materiam in jure nostro referatur, tamen verè ac propriè significat id, quod materiæ accedit, & accedit substantiæ *l. ubi autem 75. §. ergo 1. ff. de V. O. l. 4. ff. de trit. vin. & ol. leg. l. hæredes palam §. 1. vers. & tuto ff. qui test.*

fac. poss. si quis acceptis decem denariis solveret decem sestertios, hic utique solveret monetam diversæ qualitatibus, diversæ speciei, quia licet utraque moneta esset argentea, tamen cum non habeat eandem æstimationem, non est ejusdem qualitatibus *d. l. hæredes palam*, nec ejusdem speciei *l. qui non militabat §. 1. ff. de hæred. inst.* quod enim nummorum qualitas dicitur in *d. l. hæredes*, in hac dicitur species nummorum. Cæterum si pro decem denariis solverit quadraginta sestertios, qui sunt ejusdem æstimationis, dicitur variare solum in rei appellatione, non autem in re ipsa *l. qua extrinsecum §. 1. ff. de V. O.* quam supra copiosè exposuimus. Rectè Ulpianus in *l. etiam 159. ff. de V. S. etiam aureos nummos as dicimus*. Planè æs alienum dicitur, in quacumque specie monetæ fuerit contractum æreæ, argenteæ, aureæ. Senec. de Benef. lib. 5. c. 14. *Æs alienum habere dicitur, & qui aureos debet, & qui corinum forma publica percussum, quale apud Lacedæmonios fuit, quod ipsum numerata pecunia prestat.* Pecunia numerata cujuscumque generis sit, omnis ejusdem modi est, quia valorem dominiumque non tam ex substantia præbet, quam ex quantitate *l. 1. in princ. ff. de contr. empt.* Porro cum dicimus aliquem accepisse mutua centum scuta, non hoc intelligimus cum accepisse corpora ipsa scutorum, sed eorum æstimationem, sive eam acceperit in ceratiis, sive in denariis, sive numerata fuerint ipsa scuta argentea, sive aurei, sive tremisses, sive hæc omnia commixta, dum simul juncta conficiant æstimationem centum scutorum.

Rursus objiciunt, quod in pecunia non solum valor & æstimatio, sed etiam corpus attenditur: argumento est, quod etiam tamquam corpus nulla habita ratione æstimationis sæpe deducitur in obligationem, ut in *l. planè 34. §. sed hoc ita ff. de leg. 1. in l. 3. in fin. cum seq. ff. commod. l. numismatum 28. ff. de usufr.* In mutuo autem videretur considerari tamquam corpus, quia nullius rei pretium est, nec æstimatio, sicut in emptione *l. 1. in princ. ff. de contr. empt. l. 1. ff. de rer. permur.* neque enim intervenire

potest tamquam æstimatio, cum nihil est quod æstimeretur.

Ad hoc satis initio responsum est, ubi fusc lateque demonstravimus, quandam rationem corporis, quando ratione quantitatis in obligationem deducatur; & quid obtineat in mutuo. Profecto ipsa numeratio, quæ in mutuo contrahendo necessaria est *inst. tit. quib. mod. re contr. oblig. in princ.* clarè ostendit, non tamquam corpus in mutuum venire pecuniam, cum non ea ipsa pecunia, quæ numeratur, solvenda sit, sed alia ejusdem generis *l. sed si certos § 1. ff. de leg. 1.* Neque fit numeratio, ut constet de specie monetæ, quæ traditur, sed ut constet de quantitate, & quantum datum sit, appareat, ut tantumdem reddi possit. Qui pecuniam mutuum accipit, non eam accipit tamquam mercem aliquam, sed ut ejus pretio merces comparet, & in suos usus expendat: proinde eam accipit, ut pretium & æstimationem omnium rerum, & ad dimittendos creditores accommodatam.

Denique opponunt, quod in pecunia non solum valor, sed ut proba sit materia, sitque justis ponderis, exigitur *l. 1. & 2. C. de ponderat. & aur. illat. c. quanto de jurejur. l. 1. C. de vet. numism. pot.*

- 27 Ineptum, & futile argumentum. Utrique si mutuarius non reddat monetam probam, & justis ponderis, non cogatur creditor accipere: ut si ærosam pecuniam, vel detonsam solvere velit *l. creditor, 101. ff. de solut. l. 1. C. de ponderat.* sed hoc pertinet ad publicam auctoritatem, quæ sit moneta proba, aut ærofa, quæ justis ponderis *d. l. creditor & d. l. 2.* Ceterum ea est moneta proba, justique ponderis, quam æris, argenti, aurique flatores publica auctoritate percusserunt *l. 1. ff. de contr. empt. l. 1. §. eod. tempore 30. ff. de orig. jur.* sed quid hæc ad questionem nostram? Nam et si redderet ejusdem generis monetam vel detonsam, vel ærosam, repelli posset à creditore. Non querimus, an possit reddere monetam minus probam, aut non justis ponderis: sed an possit reddere in alia forma, in alia materia, sine damno creditoris.

CAPUT XL

Ad L. prout quidque 80. ff. de solut.

SUMMARIUM.

- 1 Mutatio moneta extrinseca, vel extrinseca.
- 2 In extrinseca tantumdem restituitur, qui restituit eandem æstimationem.
- 3 Solvens æstimationem ejus, quod accepit, liberatur.
- 4 Creditor recipiens eandem æstimationem, quam dedit, nihil damni sentit.
- 5 Mutatio moneta est casus fortuitus, qui reddit damnum vel lucrum debitoris.
- 6 Rei æstimatione in obligationem deducta ipsa æstimatio debetur, si ve creverit si ve decreverit rei pretium.
- 7 Non potest simul reddi tantumdem corporis, & tantumdem æstimationis. Æstimatio prevailere debet materia & corpori.
- 8 Pecunia pretium augeri solet ad opulendum Reipublicæ necessitatibus.
- 9 Explicatur *l. vinum 22. ff. de rob. cred.*
- 10 Differentia inter pecuniam & speciem, quæ in genere suo functionem recipiunt.
- 11 Ante moram id solum debetur, quod in obligationem deductum est. Post moram etiam id, quod interest creditoris.
- 12 Differentia inter legatum metalli radiis, & tantum pecunia numerata.
- 13 Exponitur *l. cum certum 9. ff. de aur. & arg. leg.*
- 14 In his, quæ ad sua instituta redigi possunt, materia vincit formam, & artificium creditæ materiæ.
- 15 Solvens eandem æstimationem, nec aliud pro alio nec minus solvit.
- 16 Recipiens eandem monetam, quam dedit, non accipit numerum in aliam formam.

Succedit altera questio de mutatione monetæ: videlicet an eâ publica auctoritate mutatâ restitui debeat tantumdem corporis, an verò tantumdem æstimationis. Tantumdem pecuniæ restituendum esse, controversum non est *l. prout quidque ff. de solut.* sed & hic dubitatur, an tantumdem pecuniæ restituere dicatur, qui restituit eandem æstimationem, an verò qui restituit eandem corpora. Mutatio monetæ duplex: Aut retentâ eadem monetâ augetur minuiturve ejus æstimatio: Aut creditur nova moneta mutatâ ejus materiâ, vel pondere. Illa à nostris dicitur mutatio extrinseca, hæc intrinseca.

Mutatâ extrinsecus monetâ puto mutuata-
rium

rium non posse cogi, nisi ad restituendum tantumdem æstimationis. Finge autem fuisse æstimationem aureorum, ita ut octoginta aurei æquent æstimationem centum præteriti temporis: qui centum mutuos acceperat, reddendo octoginta liberatur. Hæc sententia superiori est consentanea: eaque admittenda, hanc quoque admitti necesse est. Etenim potest mutuatarius, qui decem aureos accepit, solvere denarios ejusdem æstimationis, ut in superiore demonstravimus: ergo multò magis solvere poterit ejusdem generis monetam, videlicet aureos, dum sint ejusdem æstimationis. Si licet ei, quod plus est, multò magis licere debet, quod minus est *l. non debet 21. ff. de R. J.* Licet mutuatario reddere eandem æstimationem in argento, quod non accepit, ergo multò magis in auro, quod accepit. Idem ita concludi potest. Si accepisset denarios CCL. mutuos, posset solvere tot aureos, qui æquarent æstimationem denariorum CCL. ergo multò magis eisdem solvere poterit, cum aureos mutuos accepit. Hæc argumento vix aut nullo modo potest responderi.

3. Confirmatur, quia si verum est, quod verissimum esse demonstravimus in superiore, pecuniam numeratam in mutuo, sicut in plerisque aliis contractibus, in obligationem deduci ratione quantitatis & æstimationis, non autem corporis; consequens est liberari, qui solvit eandem æstimationem, maxime si solvat in eodem genere monetæ, quod accepit. *l. 1. §. re contrahitur ff. de obl. & act. l. 2. in princ. ff. de reb. cred. juncto princ. tit. inst. quib. mod. tollit. obl.*

4. Secundo, quia etiam tot recipiens eandem æstimationem, quam dedit, damnum ac detrimentum non sentit, quoniam res omnes, quæ in commercio sunt, expenduntur & æstimantur pecunia secundum æstimationem publicâ auctoritate impositam *l. 1. in princ. vers. electa ff. de contr. empt.* Ibi: *electa materia est, cujus publica æstimatio difficultatibus permutationum aequalitate quantitatis subveniunt.* Nec potest quisquam in commerciis rebas contrahendis eam reculare, cum sit speciei probæ & debiti ponderis; est enim

eadem moneta, quæ dudum erat *l. 1. C. de ver. numism. potest. & l. ult.* ubi jubetur capitali supplicio puniri, qui pro eam pretio à lege imposito accipere noluerit.

Tertio, quia quamvis diminuto monetæ pretio detrimentum sentiat debitor, qui plures aureos restituere cogitur, quàm accepit, tamen hoc est consentaneum nature mutui, in quo quicquid accidit casu fortuito, cedit damno ipsius debitoris *§. item in vers. & in quidem, inst. tit. quib. mod. re contr. oblig. l. 1. §. & ille quidem ff. de obl. & act.* Diminutio autem pretii casu fortuito accidit: nam pecuniæ publica est, ac perpetua æstimatio *l. 1. vers. electa ff. de contr. empt.* eaque mutari minuique & augeri non potest, nisi supremâ principis auctoritate, ad quem spectat monetam cudere. Sunt enim hæc jura majestatis *l. 2. C. de falsa moneta*: nec quisquam alius habere potest hanc facultatem etiam ex ipsius Principis rescripto *l. ult. C. eod.* Quod autem sit potentia Principis ad vim majorem, & casus fortuitos pertinet *l. si fundus 25. §. fin. ff. locat. l. Lucius 11. ff. de evict.* quia potentia principis restitui non potest; & quod sit eâ vi cui restitui non potest, casu fortuito accidisse reputatur *l. 1. §. & ille quidem vers. is vero ff. de obl. & act. l. 4. C. de peric. int. l. fluminum 24. §. Servius ff. de damn. inf.* In summa damnum quod provenit ex mutatione monetæ, semper ad mutuatarium pertinet *l. creditor 102. ff. de solut.* Cum autem ad debitorem pertineat incommodum diminutionis pretii, ad eundem pertinere debet etiam commodum augmenti. *l. secundum naturam 10. ff. de reg. jur. §. quam autem. vers. sed & si post emptorem, inst. de contr. empt. l. id quod 7. in princ. ff. de peric. & com. rei vend. l. ult. C. eod.*

Quarto quia quoties rei æstimatio deducitur in obligationem, debetur ea ipsa æstimatio, quæ in obligationem deducta est, siue creverit siue decreverit rei pretium *l. fundum 28. in fin. ff. de novat.* Ibi: *ea æstimatio venit, qua secunda stipulationis tempore fuit. l. æstimata 53. ff. sol. matr. l. cum dotem 10. in fin. C. de jur. dot. l. res in dotem*

42. ff. *codem*. Atqui in mutuo pecunia deducitur ratione suæ æstimationis, ut ostendimus in superiore; ergo augmentum, diminutio, interitus ad debitorem, non ad creditorem pertinet, ut perspicue tradit Scævola in *l. creditor*. 101. *princ. ff. de solut.* Ibi: *nec creditoris, nec tutoris deriventum esse*. Confirmatur, quia nummorum certa est æstimatione *l. 3. ff. de in lit. jur.* quamobrem qui mutuos nummos accipit, ad restituendam certam æstimationem obligatur, eamque restituendo liberatur *princ. tit. inst. quib. mod. test. oblig.*

- 7 Quinto animadverto, quod aucto, diminutove pretio pecuniæ, non potest reddi tantundem corporis, & materiæ, simulque tantundem quantitatis & æstimationis. Etenim si reddas tantundem corporis, reddis plus, minusve æstimationis: contra si reddideris tantundem æstimationis, plus, minusve corporis reddidisti. Cum igitur utrumque exequi atque explere nequeat mutuarius; alterum alteri cedat necesse est, ut id, quod prævalet, mutuarius exequatur. Videndum igitur est, quid prævaleat in pecunia numerata, utrum corpus & substantia, an verò quantitas, valor, æstimatio. Equidem sine ulla controversia prævalet æstimatio materiæ & corpori; moneta enim ideo inventa fuit, eique imposita publica æstimatione, ut subveniretur permutationum difficultatibus, in quas homines incurrerant corpora corporibus permutando *l. 1. in princ. ff. de contr. empr.* & ideo pecunia habetur pro re incorporali, & corpori opponitur *l. quisquis 95. in fin. ff. de leg. 3.* Ibi: *neque enim post eam præstationem adjecturum fuisse testatorem res corporales, si dumtaxat pecunia numerata præstari voluisset. l. plane 34. §. sed si non corpus ff. de legat. 1. l. sed & §. 10. ff. de acceptil. l. si pæna 19. §. si falso l. qui heredis 46. ff. de condiell. indeb. l. si hæres 68. ff. ad SC. Trebell.* & nos in superiore fusius ostendimus. Hoc quoque argumentum reor ineluctabile.

- 8 Postremo, quia Princeps monetæ pretium augere solet vel ut publicæ necessitati opituletur, vel ad sublevandam plebem aut alie-

no oppressam. Sallust. in *Catilin.* *Sapientiores majores nostri miseri plebis Romana decrevis suis inopia ejus opitulati sunt: ac novissime memoria nostra propter magnitudinem avis alieni, volentibus bonis, argentum ære commutatum est.* Plin. *Lib. 33. c. 3.* *Bello Punico primo, cum imperis Resp. non sufficeret, constitutum, ut æres sextantario pondere ferirentur: ita quinque partes fæda lneri, dissolutumque æ alienum, &c. Postea Hannibale urgente Q. Fabio Maximo Dictatore æres unciales fæti; placuitque denarium sexdecim assibus permutari.* Sed si aucta æstimatione pecuniæ, totidem nummi solvendi essent, quot accepti fuerunt; & tantumdem nummorum, non tantundem æstimationis solvendum esset à debitoribus, neque Reip. necessitati subveniretur, neque inopiæ debitorum, & ex pretii augmento non debitorum, sed creditores perciperent emolumentum, contra propositum institutumque Reip.

Modò, quæ opponuntur, expendamus. 9 Duo præ aliis magnos viros seduxerunt. Primum opponitur Juliani auctoritas in *l. vinum 22. ff. de reb. cred.* ubi secundum Sabini sententiam statuitur; vinum mutuo datum, tanti æstimandum, quanti tunc erat, cum petitum fuit, ergo in mutuo attendi debet & solvi æstimatio, quæ fuit tempore petitionis, non tempore contractûs, vel tempore rei judicandæ *l. 3. §. in hac actione ff. commod.*

Facilis & expedita distinctio inter pecuniam, aliâque res, quæ in genere suo functionem recipiunt, vinum, oleum, frumentum. Harum rerum pretia incerta sunt, & in dies mutantur pro annonæ vilitate, aut caritate *l. pretia rerum 63. §. ult. ff. ad leg. Falcid.* pecuniæ autem certa est æstimatio atque perpetua *l. 1. ff. de contr. empr. l. nummis. 3. ff. de in lit. jur. Plin. Lib. 33. cap. ult. in fin.* Pretia rerum, quæ usquequæ posuimus, non ignoramus aliâ aliis locis esse, & omnibus pene annis mutari: & reliqua. Eò fit, ut pecuniâ merces omnes æstimentur, pecunia autem merces non æstimetur *l. si ita fidejussorem 42. ff. de fidejuss.* His conse-

quens est, in mutuo pecuniæ in obligationem venire ipsam æstimationem: in mutuo vini, olei, frumenti, corpora ipsorum juxta mensuram à contrahentibus initam. Quoties autem certa æstimatio in obligationem deducitur, ea ipsa debetur, etiamsi postea rei æstimatio variaverit *l. fundum 28. ff. de novat. c. ult. de censib.* facit ad rem *l. Rutilia Polla 68. ff. de contr. empt. l. cum quis 22. ff. de oblig. & act.* Sicut enim cum de certa mensura, vel certo pondere contracta est obligatio, tantumdem mensuræ vel ponderis restituendum est; adeo ut nequidem convenire possit, ut plus restituatur *l. regassi 11. §. 1. ff. de reb. cred.* ita cum de certa æstimatione contracta fuit obligatio, tantumdem æstimationis est restituendum.

- 11 Sed ad propositum argumentum ex *l. vinum* magis est accommodata distinctio temporis, vel moram antecedentis, vel eam consequentis. Ante moram nihil aliud debetur, quàm quod in obligationem deductum est; idèd si decem amphoræ vini datæ fuerint, nihil aliud debetur, ac nihil aliud peti potest, quàm decem amphoræ; nec locum habet æstimatio, quia debet in decem amphoras à Judice condemnari, non in æstimationem *l. Titia amica 36. in fin. ff. de aur. & arg. leg. l. ult. C. de fideic. libert. l. hujusmodi 54. §. qui servum ff. de leg. 1.* Post moram autem ultra rem debitam præstandum est etiam id, quod interest creditoris rem sibi solutam fuisse debito tempore; scilicet quantum habiturus fuisset, si ei statim reddita fuisset *l. preterea 20. ff. de rei vindic. l. cum fundus ff. de reb. cred. l. 2. ff. de usur. l. si sterilis §. cum per venditorem ff. de all. empt.* Est igitur æstimanda res, non quia ipsa præstanta non sit, sed ut constet, quanti inter sit actus, rem non suo tempore fuisse restitutam *d. l. si sterilis.* Nam post moram debitoris, damnum ad ipsum debitorem pertinet *l. cum res 47. §. ult. ff. de leg. 1. lucrum ad creditorem l. 3. §. ult. l. si sterilis §. cum per venditorem ff. de all. empt.* Idem in mutuo pecuniæ numeratæ receptum est communiter, quam sententiam, nec probo, nec reprobo. Verùm hoc à mora

provenit, non à mutui natura. Quocirca argumentum petitum à *l. vinum ff. de reb. cred.* ad hanc controversiam non pertinet.

Secundo opponi potest *l. cum certum 9. ff. 12 de aur. & arg. leg. Cum certum auri vel argenti pondus legatum est, si non species designata sit, non materia, sed pretium presentis temporis præstari debet:* ergo præsens æstimatio debetur, non temporis præteriti, quo contracta fuit obligatio.

Magna est differentia inter legatum argenti vel auri rudis, & mutuum pecuniæ numeratæ. Rudis materiæ argenti, vel auri, vel æris non est certa ac perpetua æstimatio à lege definita, quomodo mutuum pecuniæ numeratæ *l. 1. ff. de contrab. empt. Aes, argentum, aurum pecuniæ æstimatur & mercis vicem obtinet:* pecunia alia re non æstimatur, sed est omnium æstimatio, & pretium, non autem merx *l. 1. ff. de contr. empt. l. si ita fidejussorem 42. ff. de fidejuss.* Suetonius de Julio Cesare cap. 54. Unde scilicet ut auro abundaret, ternis quæ mihi librus nummum in libras promercale, per Italiam, provinciasque divenderet. His temporibus ex auri libra quadraginta & octo aurei colebantur: aureus centum nummis valebat: itaque libra auri in pecunia quaternis millibus & octingentis nummis æstimabatur. Cæsar cum ex Gallia maximam auri copiam asportasset, aurum rude dumtaxat ternis millibus nummum divendebat. Hæc igitur metalla pro abundantia, vel penuria modò viliora erant, modò cariora, quemadmodum reliquæ merces: quomobrem ea æstimare necesse erat. Hinc orta quaestio: cujus temporis æstimatio sit incunda. Hæc autem quaestio in pecunia numerata incidere non potest, quia cum in obligationem deducatur certa ejus æstimatio; ea ipsa solvenda est à mutuatario, qui ad eam restituendam ex mutuo se obligavit, ut paulò ante demonstravimus.

Verumtamen si accuratius id perpendamus, lex illa pro nobis facit potius quam contra nos: *pretium presentis temporis præstari debet.* Quodnam est tempus præsens? scilicet tempus conditi testamenti. Diluci-

de hercle Paulus ita definit in *l. si ita esset* 7. *cod.* Si ita esset legatum: vestem meam, argentum meum damnas esto dare: id legatum videtur, quod testamenti tempore fuisset; quia presens tempus semper intelligitur. Nam tempus prezens etiam prateritum sapenumero significat *l. verbum est* 123. *ff. de V. S.* Juriconsulci, cum de legatis, & fideicommissis aliquid definiunt, verba referunt vel ad tempus testamenti, in quo relicta fuerunt, vel ad tempus mortis testatoris, cum incipiunt deberi: quia hæc duo tempora inspicere solent. De æstimatione rerum, quæ relicta sunt in testamento, spectandum esse æstimationem, quæ fuit tempore mortis, traditur à Scævola in *l. ult.* §. 1. *ff. de leg.* 2. Idque quia testator usus erat verbo futurum tempus demonstrante, quod tamen non protenditur ultra mortem testatoris: Nec verò protendi potest, quoniam res cujusque modi sit, cum testator moriatur, ab hærede præstanda est: statim enim & nascitur obligatio, quæ hæres obstringitur, & statim transferitur dominium in legatarium *l. hæres quandoque* 54. *ff. de acquir. vel omitt. hæred. l. legatum* 20. *ff. de legat.* 2. Quocirca & si res mutata fuerit post conditum testamentum, tamen cujuscumque modi sit tempore mortis, ejusdem modi debetur: ut in *l. si quis vinum* 5. §. item *si quis ff. de trit. vin. & ol. leg. & l. uxorem* 41. §. testamento 4. *ff. de leg.* 3. Cæterum in nostra *l. cum certum* 9. vetitis puto deberi pretium ejus temporis, quo factum est testamentum: nam qui rem legat, cogitat de illa re, quæ est præsentis tempore, & animo ejus, cum legat, obversatur. Quamobrem nisi adjiciat aliquid verbum, ex quo conjecturam faciamus, eum de futuro cogitasse, semper testamenti tempus inspicemus *l. si ita* 7. *ff. de aur. & arg. leg. l. scribit* 34. §. 1. *l. medico ult. ff. cod. l. ult. §. ult. ff. de liber. leg.* Huic consequens est, testatorem legantem certum pondus argenti in genere, nulla specie designata, voluisse legare pretium præsentis temporis, quod ipse animo reputabat, cum legabat: perinde ac si certam summam pecuniæ legasset, Sed

utrumlibet verius putes, quod ad questionem nostram attinet, res eodem recidit.

Tertiò opponitur, quod ea, quæ in sua redigi possunt initia, materiæ potentiâ victa, numquam vires ejus effugiunt. *l. quasi-tum.* 78. §. illud. *ff. de leg.* 3. sed argentum signatum scripius redigi potest in sua initia sicut argentum factum, ergo in eo vincit potentia, materiæ, ejusque vires effugere non potest: cui & illud consequens est, tantumdem materiæ, non tantumdem æstimationis esse restituendum, ut tantumdem pecuniæ reddatur, quemadmodum præcipitur in *l. prout quidque* 80. *ff. de solut.*

Hoc etiam argumentum pro nobis facit. Ait Paulus, argenti legato tam rude & infectum argentum, quam factum contineri, licet legato marmoris solummodo rude marmor contineatur: scilicet quia in argento facto materia vincit formam, & artificium ac cælatura materiæ cedit, cum ad sua initia reduci possit. Atqui argenti legato non continetur argentum signatum, *l. cum aurum.* 19. in princ. *ff. de aur. & arg. leg.* ergo in argento signato forma publica vincit potentiam materiæ, & consideratur forma publica, & à lege imposita æstimatio, non verò materia. Ad *l. prout quidque* jam supra respondimus, tantumdem pecuniæ reddere, qui reddit tantumdem æstimationis, non, qui reddit tantumdem materiæ.

Reliqua etiam argumenta jam præoccupavimus. Nam quod aïunt aliud pro alio solvi non posse. *l. 2. §. 1. de reb. cred. l. ult. C. de fideic. libert.* Mutuatarium non posse obligari ultra, id quod accepit, *l. rogasti* 11. §. 1. *ff. de reb. cred. l. si tibi decem.* 17. *ff. de pass. l. cum ultra C. de non numerata pecunia.* Neminem cogi accipere pecuniam, quæ non sit debiti ponderis, & speciei probæ. *l. 1. C. de veter. numism. pot. 2. C. de ponderat. & illar. aur.*

Verissima sunt hæc omnia, sed à nostra questione admodum aliena. Qui solvit eandem æstimationem, non solvit aliud pro alio, cum solvat eam æstimationem, ad quam se obligavit. Nec solvit plus, aut

minus. Solvit monetam speciei probæ ac debiti ponderis, cum solvat monetam, quam accepit, eaque non fuerit intrinsecus mutata, ut supponimus. Quod si creditor eam dicat esse dectam, atque ideo non iusti ponderis, eum ad zygollatem relegat Julianus Imperator in laudata l. 2. Eiusdem notæ est argumentum, quod ducit à l. *creditorum*. 99. ff. de solut. de qua in superioribus. Etenim neque creditor in aliam formam nummos accipit, cum recipiat eandem monetam, quam dedit. Character, figura, signum, quo moneta formatur, atque signatur, forma dicitur, est enim materia formæ publicæ percussa, l. 1. ff. de contr. empt. Hæc forma aliam ab alia monetam distinguit, & secundum hanc æstimatur: ideo etiam ipsa moneta sæpe dicitur. Cato formam denarii dixit; & Lamprid. in Alex. Severo: *Formas binarias, & ternarias, & quaternarias, & denarias etiam, atque amplius usque ad bilibres quoque & centenarias, quas Heliogabalus invenerat, resolu præcepit.* Formæ binariæ erant monetæ, quæ binis aureis valebant, ternariæ, quæ ternis: centenariæ, quæ centenis. Neque damnum sentit creditor, qui recipit eandem æstimationem, quam dedit. Ac si velimus damnum secundum numerum nummorum, quos recipit, æstimare; sicut pauciores recipit aucta æstimatione: ita plures recipit eâ diminutâ. Aequum igitur est, cum pati damnum, si lucrum percipit. l. id quod 7. ff. de peric. & comm. l. un. §. pro secundo vers. eas etiam C. de cad. toll. l. is qui 15. in fin. de legat. præf.

CAPUT XII.

Ad L. cum quid mutuum 3. ff. de reb. cred.

SUMMARY.

- 1 Communis sententia Interpretum est, reddendam esse monetam antiquam, vel novam juxta antiqua æstimationem. Contraria magis placet.
- 2 In pecunia consideratur possessio seu valor publicæ

auctoritate impostus, non materia, ex qua consistit.

- 3 Materia vel pondus non sunt in obligatione, adeoque rerum ratio habenda non est.
- 4 Pecuniam nobis usum dominiumque præbet non tam ex substantia, quam ex quantitate quatenus dici possit ad Paulum in l. 1. ff. de contrab. empt. & n. 1.
- 5 Nemo potest recusare, quin tradat aut suscipiat monetam jussu Principis percussam.
- 7 Est enim ejusdem potestatis & æstimationis, & nullum damnum patitur creditor, & n. 8.
- 9 Duplex mutatio moneta intrinseca apud Romanos facta reperitur. Numquam distincta moneta vetus à nova.
- 10 Expenduntur Loca Juris Canonici in contrarium allegata. & n. 11. 12.

Quæstionem etiam de mutatione intrinseca in transitu leviter attingam. Interpretes nostri ferè omnes pro certo habent, reddendam esse monetam antiquam, si usquam reperitur: sin minùs, restituendam novam monetam secundum æstimationem antiquæ. Nituntur auctoritate juris Pontificii in c. olim & in c. cum canonici de censib. Quæ sententia rationem habet, quia cum in mutuo reddendum sit æquè bonum, nostra l. 3. ff. de reb. cred. si reddi potest æquè bonum tam in materia, quam in æstimatione; nulla ratio videtur esse cur id fieri non debeat. Quocirca si reperitur antiqua moneta, quam mutuam accepit debitor, quorsum eam solvere recuset? Eam solvendo restituit rem mutuam & ejusdem generis, & ejusdem bonitatis tum intrinsecæ, tum extrinsecæ, atque adeo planè perfectèque satisfacit suæ obligationi, suoque creditori. Enim vero ab hac sententia recedere non audeam, (sicut in docendo numquam recessi; quamvis contrariam de jure veriorum esse existimarem (nisi præirent, & animos adderent doctissimi viri, qui primas etiam in foro tenerunt.

Movet me primum, quod ait Paulus in l. 1. ff. de contr. empt. Electa materia est, cuius publicæ, ac perpetuæ æstimatio difficultatibus permutationum æqualitate quantitatibus subveniret: eaque materia formæ publicæ percussa usum dominiumque non tam ex substantia præbet, quam ex quantitate: nec ultra metus utrumque, sed alterum pretium appellat.

ur. Ique confirmat in *l. 1. in princ. ff. de rer. permut.* Electio igitur hujus materie ad publicam potestatem pertinet: ad eamque etiam forma, quam voluerit imprimere, quæ sit signum tum publicæ auctoritatis, tum estimationis publicæ auctoritate impostæ. Hoc & Aristoteles assumat *lib. 1. de Rep. cap. 9.* Quod si quis hanc auctoritatem sibi arripuerit, in crimen læsæ majestatis incurrit, & afficitur ultimo supplicio. *l. 2. C. de falsi mon.* His efficitur, hanc materiam ad hoc electam & formæ publicæ percussam, ut difficultatibus permutationum subveniretur, non ampliùs esse considerandam tamquam aliquam mercem, sed tamquam pretium omnium mercium, nec habendam rationem materie, cujusque molis sit, sed ætimationis, quam principis, aut Reip. decreto accepit. Quocirca sive pretiosa, sive vilis fuerit materia, eundem privatis usum prætat, dum ealem sit ætimatione, nec de ea privati curare debet, cum electio materie ad Principem supremum solummodo pertineat. Cives igitur dumtaxat potestatem, pretium, quantitatem in nummis debent perpendere, cum non tam ex substantia, quam ex quantitate usum dominiumque ipsis præbeat. Egregiùs Aristoteles laudato loco ait, quod nummus lege constat, natura verò nihil est. Materie substantiam absorbet publica legis ætimatione. Tolle legem, etiam nummos, omnemque pecuniam sustuleris; remanebit aurum, argentum, &c., quæ mercis loco habebuntur, & in antiquas difficultates permutationum recidemus. Natura igitur propria pecuniæ, quæ ab omnibus aliis rebus distinguitur, est valor impositivus, non materia, ex qua conflatur, quæ communis est etiam æri, argentoque, & auro infecto, quæ merx sunt, non pretium mercis, non pecunia, non nummus. Quid igitur cause est, cur novam monetam pro vetere creditor accipere debeat, si recipit eandem ætimationem, quam dedit? *l. prom. quidque. 80. ff. de solut. & lib.* cum enim id, quod creditori deberetur, ad eum perveniat, etque nihil absit, necesse est, ut debitori competat liberatio. *l.*

in perpetuum. 61. ff. de solut.

At enim ad eam non pervenit id, quod ei debetur: quia materia pecuniæ, quæ ipsi solvitur, ealem non est, ac pecuniæ, quam dedit; vel non est ejusdem potestatis. Ne solutio quidem alterius generis monetæ eandem materiam, aut ealem pondus præbet creditori: & tamen eam reculare nequit, dummodo ealem præbet ætimationem, ut in superioribus demonstravimus. Neque enim materia, aut pondus aut corpora numerorum sunt in obligatione, sed valor, potestas, & publica numerorum ætimatione: & quod est in obligatione, debet esse in solutione. *l. ult. C. de fideicom. libert.*

Sed hoc ipsum negant, qui in contraria⁴ sunt sententia, & Pauli verbis nituntur: *eajue materia formæ publicæ percussæ usum dominiumque non tam ex substantia præbet, quam ex quantitate.* Ergo ajunt, præbet usum dominiumque non solum ex quantitate, sed etiam ex substantia. Perfecto non negaverim usum, ac præsertim dominium in materia & corpore numerorum consistere: cum possit de illis perfectè arbitrio suo disponere, quod domini proprium, idque in re corporali consistat. *l. per hoc judicium, 4. ff. comm. divid.* Sed hoc dominium habemus, quatenus nummi sunt ex ære, argento, auro, quemadmodum sunt in dominio nostro quælibet metalla facta, infectave, ut æs, argentum, aurum rude, vel vasa ætea, argentea, aurea. Quatenus autem nummi pecunia sunt ad res omnes æstimandas, & comparandas instituti, & publica auctoritate signati, usum dominiumque nobis præbeat ex quantitate, pretio publicaque ætimatione. Ita monetur à Papinianus in *l. si i cui nummos. 94. §. 1. ff. de solut.* Ibi: *sive quis in pecunia non corpora cogitet, sed quantitatem.* In nummis & corpora, & quantitatem possunt cogitare: in ea tamen specie, quam ibi proponit Papinianus, quantitatem considerandam esse, non corpora, decernit Pomponius in *l. si pama. 19. §. si falso ff. de condit. ind. summa partem dimidiam, non corporum conditam:* agitur enim de nummis communibus solutionis, vel mu-

tui causâ datis: in commerciis enim exercendis nummi ratione quantitatis & valoris, non corporum & meris interveniunt. Quamobrem nummi consumpti dicuntur, etiam si extant, & salva sint nummorum corpora, & illæsa eorum substantia: & consumptione mutuum conciliatur, & liberatio ab obligatione contingit. *d. l. si is eni. 94. l. rogasti. 11. §. ult. & l. seq. ff. de reb. cred. l. si quis pro eo 56. §. si nummos ff. de fidejuss. l. si alieni. 78. ff. de solut.* Frumentum, vinum, oleum consumuntur, cum iis utimur ad vescendum: pecunia vero, cum eam expendimus, aut cum nostra commiscemus, ut discerni non possit. *d. l. 78. si nummos comminuam, fundam: ex eis vasa, sigilla conficiam: illis utor tamquam argento, auroque, non tamquam pecunia, & quasi dominus materiæ atque substantiæ, non quasi dominus pecuniæ, & quantitatis, ac pretii, quo censetur. Sed hoc rarè admodum accidit, & est à proprio usu nummorum, eorumque institutione alienissimum; nec facile quisquam argenti numero nummos computat, ut ait Ulpianus in l. Quintus Mucius. 27. §. 1. ff. de aur. & argent. leg.* Forma publicæ eximit argentum ex numero argenti non solum infecti, sed etiam facti: atque eo fit, ut legato omni argento, legato argento facto, nummi non contineantur, nec verbum illud universale, *omne*, tantam vim habeat, ut eos comprehendat. *d. l. Quintus. 27. & l. cum aurum. 19. in princ. ff. eod.* Tunc nummis utor tamquam pecunia signata, & quasi dominus pecuniæ, non materiæ, cum illis utor ad usum, ad quem fuerunt instituti: ad res comparandas, ad perpetuos sumptus faciendos, ad negotiandum, ad sublevandos amicos, & his similia. Tunc autem usum dominiumque nobis præbet ex quantitate, non ex substantia: usum præstat, & commodum atque utilitatem non æs, aurumve, & argentum, non materia melior, deteriorve; sed ejus valor impositivus, & æstimatio publicâ auctoritate destinata. Qui tabulam egregè pictam, aut statuam affabre sculptam possidet, aut comparat, non materiæ qualitate spectat, sed operis ex-

cellentiam. An cum Rex Attalus Aristidis tabulam centum talentis emit, ex qua materia, tela, vel ligno, & quam perfecta, vel quam pretiosis coloribus tabula compacta esset ac pacta, curavit? An eum Polyceiti Dialumeus totidem talentis veniit, putamus emptorem diligenter expendisse, quo ex ære conflatus esset? An Nicomedes Rex Praxitelis Venerem mercari volens à Gnidii, & totum æs civitatis alienum, quod erat ingens, dissoluturum se promittens, valde curavit, quo in marmore sculpta foret? aut Gnidii, qui noluerunt illi vendere, & quidvis perpeti meluerunt, quàm statuam alienare, quæ Gnidum nobilitabat, id deliberaverunt propter marmoris qualitatem, an propter sculpturæ excellentiam? Atque hæc multo sauius in nummis statuenda sunt, propterea, quod electio materiæ non pendet à privatorem arbitrio, sed à publica auctoritate, cui parere necesse est.

Quocirea illud etiam ine moyer, ut ita 6 sentiam, quod nemo potest reculare, quando tradat, aut suscipiat monetam secundum jussu Principis, qui eam cudi jussit: aliâ violat imaginem Principis in ea impressam. *l. 1. & 3. C. de veter. num. poss.* Non potest ergo creditor refragari, si mutuatarius ei offerat novam monetam jussu Principis percussam. Nec turbat, quod in laudata *l. 1.* ajunt Imperatores: *modo ut debiti ponderis sint, & speciei proba.* Nam cujus ponderis esse debeant nummi, cujus speciei, discernit idem Imperator: sequitur, ut debitum pondus, & speciei proba illa sit, quam voluit, ac jussit Imperator. Accedit, quod pro denariis, quos accepit mutuatarius,olvere possit aureos, dum solveret eandem æstimationem, ut in superioribus est demonstratum: quidni igitur possitolvere denarios ejusdem speciei, ejusdemque æstimationis? si aureos solveret, hoc tantum quæreretur, an sit ejus qualitatibus, ejusque ponderis, quod publicè fuit designatum: quidni idem sufficere debet, si denarios solvat?

Atque eo magis, quod nullum damnum 7 passurus est creditor ex solutione novæ, cum

sit ejusdem potestatis, ejusdem æstimationis, cujus erat moneta vetus, quàm mutatus fuit. Itaque nulla causa est, cur eam accipere recuset, & si recusaverit, cogendus erit argumento *l. creditoris ff. de solut.* quam in superioribus latissimè expoluimus.

- 8 Respondent quidam, quoddam damnum patitur creditor, quia nummis hisce novis deterioribus non potest comparare totidem nummos veteres, quos mutuos dedit. Quasi vero pecunia sit introducta & instituta, ut cum alia pecunia permutetur. Imo fuit inventa ad tollendas difficultates permutatum *l. 1. ff. de contr. empt.* Aliud est pecunia, aliud merx: pecuniâ merces omnes æstimantur, non mercibus pecunia *d. l. 1. & l. si ita fidejussorem 42. ff. de fidejuss.* Potest igitur creditor easdem merces novâ pecuniâ sibi comparare, quas potuisset pecuniâ vetere, quam mutuam dedit: cum mutata non fuerit æstimatio. Nullum ergo damnum patitur. Illud etiam falsum est, quod non possit sibi totidem nummos veteres comparare. Quidni possit, si eadem est æstimatio? Damnum diminutione patrimonii æstimatur *l. 3. ff. de damn. infello.* non si lucro aliquo careat.

- 9 Postremò moveor exemplo Romanorum, quorum jure utimur. Mutatio intrinseca monetæ duobus modis contingere potest: nam potest minui pondus monetæ eadem materiâ retentâ: potest eodem retento pondere ex viliori materia cudi. Utriusque mutationis in historia Romana habemus exempla. Plinius utriusque mutationis meminit *lib. 33. cap. 3. libra autem pondus æris imminutum bello Punico. Primò, cum impensis Resp. non sufficeret, constitutumque, ut asses sextantario pondere ferirentur. Ita quinque partes falla lucri, dissolutumque æs alienum, &c. Postea Annibale urgente Q. Fabio Maximo Dictatore asses unciales facti, placuit denarium sexdecim assibus permutari, &c. Ita Resp. dimidium lucrata est. In militari tamen stipendio semper denarius pro decem assibus datus, &c. Mox lege Papiria semunciales asses facti. Livius Drusus in Tribunam plebis, octavam partem*

æris argento miscuit. En utramque mutationem. In his verbis plura sunt observanda. Primùm quod Resp. cum antea librales asses essent, duarum unciarum ponderis eos percussit, & dextantem lucrata, dissolvit æs alienum. Solvit igitur creditoribus eadem æstimatione assis sextantarios, cujus erant antea librales. Permisit igitur id & privatis debitoribus: alias capio fuisset. Secundò quoddam in altera assis diminutione aliquantum diminuta fuit etiam assis æstimatio peræqua proportionem ad sesterium, atque denarium. Nam cum prius sesterius duobus assibus cum dimidio, denarius decem assibus valeret, exinde cœpit sesterius quatuor assibus, sexdecim denarius permutari. In se ipso tamen vilior fuisse non videtur: alioqui Resp. dimidium lucrata non fuisset. Idè decem asses, quos pro diurno stipendio antea solvebat, deinceps quoque solvit, nec numerum auxit, licet auctus esset numerus assium, quos continebat denarius. Itaque verè non denarius exinde fuit stipendium militare, sed decem asses, quor in veteri denario continebantur. Est ita Plinius est intelligendus. Tacit. *lib. 1. annal. c. 17. Enim verò militiam gravem, infructuosam, denis in diem assibus animam & corpus æstimari.* Deinde: *Nec aliud levamenentum, quàm si militis certis sub legibus intraretur, ut singulas denarios mererent.* Seditiosi milites non contenti decem assium stipendio, flagitabant, ut ad denarium augetetur, videlicet usque ad sexdecim asses. Verum tamen denarius licet auctus assium numero, auctus pretio non videtur fuisse. Argumento est, quod semper drachmæ Atticæ æqualis habitus fuit, ut constat, Latinis auctores cum Græcis conferendo. Tertio, quod cum lege Papiria asses facti essent semunciales diminutum pondere, nec eorum pretium fuit diminutum, nec auctus numerus assium, quibus valebat denarius, qui semper sexdecim assibus fuit æstimatus. Quarto, quod Livius Drusus etiam octavam partem æris argento miscuerit, non tamen sesterii ac denarii pretium minuit. In aureis quoque frequens, imo frequentior fuit mutatio. Plinius *lib.*

33. ex auri libia quadraginta aureos cufos fuiffe refert, postmodum quadraginta quinque, si numeri corrupti non fuerint, ut putat Budæus. Constat sub primis Imperatoribus XLVIII. aut L. cudi solitum: postea sensim pondus adeo decrevisse, ut ex libra auri fierentur solidi septuaginta duo. Hinc aurei Antoniniani, Valeriani, Philippi, Aureliani apud scriptores historiarum Auguræ, ut alii ab aliis distinguantur: quemadmodum etiam argentei, nempe denarii, his nominibus invicem scernuntur. In tanta pecuniæ mutatione numquam legimus, neque apud Historicos, neque apud veteres Jurisconsultos disputatum, aut dubitatum fuisse, utrum in vetere, an in nova moneta solutio esset facienda. Sueton. in Nerone c. 44. Exegitque ingenti fastidio, & acerbitate nummum asperum, argentum pistulatum, aurum obryzum, ut plerique omnem collationem palam recusarent, consensu flagitantes à debitoribus potius revocanda præmia, quæcumque cepissent. Quid si debitores propter monetæ mutationem coacti fuissent, non ab Imperatore, sed à privatis creditoribus veterem monetam conquirere? quàm vehementer reclamassent? quàm obstinate recusassent? Nero non certam speciem monetæ exigebat: poterant solvere nummos æreos, argenteos, aureos: dum ærei essent asperiti, hoc est, recens conflati, non usu detriti: alii ex argento, atroque diligenter excocto, puroque, ut nihil esset admixtum; debitores autem ad certam speciem pecuniæ conquirendam fuissent adstricti. Sed nos hac de re certiores facit Sallustius de Conjur. Catil. Sæpe majores nostri miseri plebis Romano, decretis suis inopia ejus opitulati sunt. Ac novissimè memorià nostrâ propter magnitudinem eris alieni, volentibus omnibus bonis, argentum communi ære solutum est. Non potest dubitari hic agi de debitoribus ex mutuo, cum paulò antè acriter questus sit de crudelitate feneratorum. Hæc pluribus persequutus sum, quia quidam paucis verbis hoc argumentum eludunt, dicentes se non querere, quid aliquando factum fuerit, sed quid fieri debeat ratione legis, & æqui-

tatis, & legibus, non exemplis, esse judicandum. Quasi non legibus, & ratione cuncta confirmaverimus, sed Poëtarum figmentis, & hoc postremum argumentum legibus non innitatur, sine quibus pecunia mutari non potest.

Verum enim vero ipsi, qui leges à nobis exigunt, nulla lege fulciunt opinionem suam. Etenim c. quanto de jurejur. tam alienum est à nostra controversia, quàm quod maximè. Quæsit à S. P. Petrus Arragoniæ Rex, an possit, aut debeat reprobare falsam monetam Reip. damnosam, quam se minimè reprobaturum juraverat. Quid hoc cum mutui solutione?

Nihil pariter momenti est in c. olim 20. de Censib. Clerici plebis Rupinæ solvebant Episcopo Spoletano quotannis sex denarios Papienses. Pro quolibet Papiensi corperunt solvere tres Lucenses, qui erant ejusdem æstimationis, quos Episcopus non invitatus accipiebat per text. in l. creditorem 99. ff. de solut. Postmodum diminuto denariorum Lucensium pretio, adeo ut septem Lucenses cum dimidio conficerent æstimationem unius Papiensis, prosequerantur Clerici solvere tres dumtaxat novos denarios Lucenses in singulos Papienses: reclamavit Episcopus: meritò, quia non poterat cogi ad accipiendo nummos in aliam formam, cum ex eo damnum passurus est d. l. creditorem. Decrevit summus Pontifex, solvendo esse quotannis sex denarios Papienses, vel eorum æstimationem. Denarii Papienses, qui debiti erant, mutati non fuerant, nec extrinsecus nec intrinsecus: itaque non hoc erat controversum, sed utrum Clerici præscripserint jus solvendi tres denarios Lucenses pro uno Papiense, ut liquidò constabit legenti totam constitutionem.

Non multò majoris momenti est argumentum, quod ducitur à c. cum canonicis penule. de Censib. nam in eo non exprimitur genus monetæ, neque quod voluerint solvi monetam recens usam. Colligi tamen potest ex c. 3. antiquæ collect. 2. relato ab Anton. August. quo idem omnino factum continetur, eademque decisio, cuncta iidem

ferè verbis, Presbiter pro pensione suæ Ecclesiæ aliquotannis persolverat certam pecuniæ summam: Canoniei ab eo exigebant sibi ex integro solvi ex pecunia Parisiensi, quæ majoris erat valoris: itaque volebant augere pensionem. Respondit Urbanus III. Canonicos illos antiquâ pensione contentos esse debere. Nihil ad rem nostram. Nam id verfabatur in questione, an obtentu pecuniæ Parisiensis liceret Canonicis majorem pensionem exigere, quàm initio fuisset constituta; & huc referuntur illa verba: *solutione prioris pecuniæ, vel si non sit in usu, estimatione pensionis antiqua facias manere contentos*. Videntur Anton. Aug. d. collect. 3. c. 3. & Gonsal. in hoc c. penult. qui hoc explicat accuratissimè.

CAPUT XIII.

Ad L. creditor 101. ff. de solutione.

SUMMARIUM.

- 1 Debitor pecuniam offerens, purgat moram, & creditorem reculantem in mora constituit.
- 2 Rei periculum pertinet ad creditorem. Hoc responsum singulare.
- 3 Vulgaris DD. interpretatio rejicitur & n. 4. §. 6.
- 4 Scævola diligentissimus in factis enarrandis, in responsis prudentissimus.
- 5 Mora non committitur si oblatio vel interpellatio non fiat opportuno loco & tempore.
- 7 Mora, qua creditori non nocet multo minùs debitori potest nocere.
- 8 Estimatio vel quantitas perire non potest quamvis corpus pereat, eaque semper debetur.
- 9 Non idem est in speciebus in quibus corpus non perit.
- 10 Affertur ratio decisionis nostri textus.

Difficilius est, quàm plerique opinantur, Scævole responsum in *L. creditor 101. in princ. ff. de solut. Creditor oblatam à debitor pecuniam, ut alia die accepturus, distulit*. Perspicuum est, creditorem in mora esse. Nam etsi debitor ante fuisset in mora, tamen offerendo pecuniam, purgat moram, & in mora constituit creditorem reculantem accipere pecuniam sibi oblatam,

l. illud 17. ff. de peric. & comm. rei vend. l. qui decem 72. in princ. ff. de solut. l. interdum 73. in fin. ff. de V. O. l. sed etsi 17. ff. de constit. pecun. l. hujusmodi 84. §. si cui homo, ff. de leg. 1. l. si pulcrus 105. ff. de V. O. His legibus illud etiam continetur, rei periculum ac detrimentum ad creditorem pertinere *l. in re furtiva 8. in princ. ff. de eandem. furt.* Contrarium tamen in hac lege respondit Scævola, detrimentum non esse ereditoris, si pecunia, quam debitor obtulit, postea jussu Præsidis tamquam ærofa fuerit sublata. Quam plurimi ex nostris ærofa vocant pecuniam æream. Sculd. Pecunia ærofa est pecunia argentea, vel aurea, cui plurimum æris est admixtum. Plin. lib. 34. cap. 1. de ære conflando. *Fis & è lapide ærofo, quem vocant eadmiam.*

Plerique omnes interpretes facillimè ex his angustiis evadunt. Aiunt enim, debitorem non obtulisse pecuniam opportuno loco, & tempore. Mihi verò persuasissimum, eos hariolari, non legem interpretari. Nullum enim verbum est in lege, nulla conjectura, unde hoc assequi possimus. Imò omnia conspirant, ut contrà, ac dicunt, sentire nos cogant. Scævola, qui coryphæus legum prudentum à Modestino appellatur in *l. scire oportet 13. §. aliud ff. de excus. tut.* & prudentissimus ab Imperatoribus in *C. Theod. tit. de test. l. 3. diligentissimus est, & profusus in factis enarrandis, & nihil umquam omittit, quod ad solvendam propositam questionem conducere possit: expositoque facto secundum ea, quæ proponuntur, respondet, quid juris sit. Quod si de facto dubitetur, nihil definit: sed respondet de jure non queri, ut in *l. Seja 20. in fin. ff. de inst. vel instrum. legat.* vel facti questionem esse. Profectò quicumque consuetudinem observaverit, non poterit in animum inducere Scævola in hac lege factum omisisse, ex quo tota causa, & questionis resolutio pendet: eò magis, quia nec id questionis esset, eò certum sit moram non committi, si interpellatio, & oblatio non fiat opportuno loco, & tempore *l. mora 32. ff. de usur.* iusta enim*

dilatatio non inducit moram, nec periculum transfert *l. sciendum 21. cum seq. ff. de usur. l. si pupillus 127. ff. de P. O. l. cum filiusfam. 49. §. ult. ff. eodem*. Num igitur Scævola existimationi aulemum illudere cum Claudio in *l. à testatore 109. ff. de condit. & dem. Magno ingenio de jure aperto respondit, cum potest dubitari an in proposito conditio esset* ? Ego certe hoc facere non aulim. Quinimò Claudium sine causa Scævolam puto reprehendisse: cum enim respondit: *haredem conditioni parere non posse*: hoc ipso declarat, verba exposita conditionem facere.

Sed omnem tollunt dubitationem postrema responsi verba: *Respondi secundum ea, quæ proponerentur, nec creditoris, nec tutoris detrimentum esse*. Quid proposuit de creditoriore? Nempè hoc dumtaxat: creditor oblatam sibi à debitore pecuniam, ut aliâ die accepturus, distulit. De inopportuno loco, & tempore ne verbum quoddam. Temerè igitur affirmant, Scævola respondisse de pecunia oblata tempore aut loco inopportuno. Si hac de re respondit, utique non respondit secundum ea, quæ proponerentur: quia hæc ibi non proponuntur. Aut igitur falsum est, quod ait Scævola, aut id, quod aiunt interpretes. Constat ergo, Scævola respondisse simpliciter & absolute de creditore, qui, ut alia die accepturus, distulit: hoc enim initio legis decidendum proponitur. Et observandum est, quod creditor non distulit, ut alio loco accepturus, quamobrem factum est & communitum, quod de loco inopportuno somniant interpretes. Item quod non distulit, ut accepturus die conventâ, & conditâ; sed aliâ die: quæ verba nullum certum diem præstipiunt ac designant, ut norunt omnes latè scientes: & ita usurpatur in legibus nostris *l. cum alii C. de curat. sur. l. in viuis 155. §. cum quis ff. de R. J. l. si fundum 8. §. si liberius ff. de leg. 2*. Veteres autem *l. C. cum de periculo & detrimento rei debitæ pertractant, semper expriment diem conventum, præstitutum solutioni, ut in l. vinum 22. vers. si dictum, ff. de reb. cred. l. ult. ff. de condit.*

irritic. l. magnam C. de contr. stipul. l. qui sine 38. ff. de negor. gest.

His probatis conlequens est nec debitori moram nocere, argumento *l. Arriani 47. ff. de O. & A. l. 3. in fin. ff. mand.* Nam si mora non nocet creditori, multò minus nocere debet debitori: si non nocet aëtori, multò minus reo: est enim hæc questio de bono & æquo, *l. si servum 91. §. sequitur ff. de P. O. l. apud 4. §. Marcellus 3. ff. de del. mal. & mei. excepte*. Magis excusandus est debitor, qui interpellatus non solvit, vel quia in promptu pecuniam non habet, vel quia propter inopiam parare non potest *l. nam 6. ff. de del. mal.* quàm creditor qui oblatam sibi pecuniam recusat accipere.

Jam verò causam, cur id constitutum fuerit in pecunia numerata, quàm potero planissimè, aperiàm. Illud ratum, firmum, fixumque esse oportet, quod in superioribus semper insinuavimus, nummos in contractum mutui, non ratione corporis, sed æstimationis, & quantitatis deduci ex *l. 1. ff. de contrah. empr.* Quocirca id, quod debetur, perire non potest, atque adeo nec liberari debitor ab obligatione *l. si ut certo 3. §. etsi forte ff. commod. l. plemq. 10. in princ. ff. de jur. dot.* Potest quidem perire corpus nummorum, potest etiam perire totum genus ceræ ejusdem pecuniæ, ut in nostra *Leg. Creditor*, ubi pecunia illa, quæ Republica utebatur, quasi ærosa sublata fuit jussu Præsidis: sed æstimatio quam debet mutuarius, neque perire potest; sed nec variare, cum ab initio contracta fuerit obligatio in certa æstimatione, quæ non est affixa huic, vel illi generi monetæ, adeoque eâ preceptâ, vel mutatâ possit, ac debeat in alio genere monetæ solvi ea æstimatio, de qua initio convenit inter contrahentes *l. fundum 28. ff. de novat. c. cum canonicis de Censib.* Frumenti, vini, olei genus perire non potest, quia est à natura, quæ immutabilis est: neque harum rerum certa est æstimatio, quia mutatur in dies: neque in obligationem deducuntur ratione æstimationis, sed corporis. Idcirco frumentum pro frumento, vinum pro vino, oleum pro

oleo restituendum l. 2. §. 1. ff. de reb. cred. & si post moram creverit, vel decreverit æstimatio, id cedit damno moram facientis, & alterius emolumento, secundum pervulgatam regulam: unicuique sua mora nocere debet l. in condemnatione 173. §. unicuique ff. de R. J. Quamobrem ut constet, an ex mora quisquam damnum patiatur, æstimanda res est eo modo, qui traditur in l. vinum 22. ff. de reb. cred. in l. ult. ff. de condit. tritic. in l. si sterilis §. cum per venditorem ff. de act. empt. l. 3. §. in hac ff. commod. Hæc autem locum non habent in pecunia numerata, cujus certa est, & à lege præscripta æstimatio l. 3. ff. de in lit. jur. atque ideo ad eam restituendam mutuatarius obligatur, & eodem modo tenetur post moram, quo ante moram tenebatur. Debitor enim post moram, etiamsi fur sit, tenetur in æstimatione rei, si perit l. in re furiva 8. in princ.

10 ff. de condit. furr. Mutuatarius autem pecuniae in æstimationem tenetur etiam ante moram, ut in superioribus demonstravimus. Nihil igitur ei officere mora potest. Nec potest teneri ad id, quod interest, cum nihil interfit creditoris, qui recipit æstimationem, quam dedit d. l. 3. ff. de in lit. jur. Quapropter sive perempta & sublata fuerit pecunia, sive vilior facta, nullum damnum patitur, cum ei solvitur æstimatio, quæ ipsi abest. Nec allegare potest, se potuisse lucrum facere negotiando: hoc enim in mora non æstimatur l. si sterilis §. cum per venditorem ff. de act. empt. Eadem est ratio creditoris, cui saluum semper est jus suum, sive intereat pecunia, sive deterior fiat tam ante, quam post suam moram, quia non interit, aut fit deterior res debita, cum ei non debeatur hoc, vel illud nummorum genus, qui perierunt, aut deteriores & viliores facti sunt; sed certa æstimatio, certa quantitas, quæ tempore interire, ac mutari non potest. Concludam igitur. Omnes controversiæ, quæ existant propter interitum, mutationemque monetæ, facillimè explicantur, & expediuntur, si illud firmum, fixumque teneamus, mutuatarium teneri ad restituendum tantumdem æstimationis, non tantumdem corporis, & materiz.

CAPUT XIV.

Ad l. qui servum 34. ff. de oblig. & action.

SUMMARIUM.

- 1 Diffidium veterum illorum circa concursum actionum penaliū.
- 2 Quid obtrunxit.
- 3 Hujus diffidii in Pandectis multa vestigia.
- 4 Collidi inter se actiones penales, tradit Modestinus & Paulus.
- 5 Ulpiani sententia probatur.
- 6 Ex unico facto plures pena luenda, si plura delicta continent.
- 7 Idem est, si unicum factum plures continent injurias.
- 8 Alia est æstimatio damni, alia contumelia.
- 9 Explicatur L. 8. de injur.
- 10 In quo verè Paulus ab Ulpiano differat.
- 11 Quomodo conciliari possunt.
- 12 Utrâque actione nos experiri posse, quomodo intelligatur.

Non potest dubitari, varias, ac diffidentes fuisse veterum Jurisconsultorum opiniones circa concursum actionum penaliū, ac mixtarum: an se invicem eliderent, atque consumerent. Hac de re dubium controversumque jus fuisse fatetur Paulus in hac Lege in principio, ubi varias recenset opiniones. Luculentior testis est Hermogenianus in l. cum ex uno 32. ff. eod. Cum ex uno delicto plures nascuntur actiones, sicut evenit, cum arbores furto case dicuntur, omnibus experiri permitti post magnas varietates obtinuit. Demonstrant hæc verba diu multumque sententias fuisse variatum apud antiquiores Jurisconsultos. Cum autem Hermogenianus floruerit imperante Diocletiano, videlicet multò post Paulum & Ulpianum, & alius ejus sæculi Jurisprudentes, ambigendum non est, eo sæculo auctores juris in magna varietate, ac dissensione fuisse; tandem verò obtinuisse sententiam eorum, qui existimabant permitendum esse auctori omnibus actionibus experiri. Aque id approbavit legislator noster in l. si quis servo 20. C. de furr. & in §. ult. instit. tit. se

quadrup. panper. fec. dic. in quo unicum est factum & unicum delictum, & tamen utraque actio potest exerceri, utraque poena exigi. Licer enim duo facta videri possint, duo delicta: alterum detinendi animal noxium, qua vulgo iter fit, quod edicto ædilitium prohibetur: alterum nocendi, & damnum dandi: tamen unicum est delictum damni dati, quia tam lege duodecim tabularum quàm ædilitio edicto, punitur solummodò damnum datum ab animalibus *l. qua vulgo 32. ff. de adilit. edict.*

3 Verumtamen quamvis jamdiù fuisset explosa sententia eorum, qui putabant actiones invicem collidi, atque consumi, tamen juris nostri conditores multa in Pandectis, hujus dissidii vestigia reliquerunt. Modestinus enim in *l. plura delicta 53. ff. de oblig. & action.* contra sentit. Plura delicta in una re plures admittunt actiones, sed non posse nos omnibus nisi probatum est: nam si ex una obligatione plures actiones nascentur, una tantummodo, non omnibus utendum est.

4 Paulus quoque in nostra *l. qui servum 34. in princ. ff. de obl. & action.* proponit servum alienum injuriis verberatum, & ait competere quidem utramque actionem, & injuriarum, & legis Aquiliæ: an autem altera alteram consumat, duas refert opiniones, ac neutram probat, statuitque alteram quidem actionem ab altera non excludi, sed actorem posteriore actione id tantummodo, quod in ipsa amplius est, consecuturum.

5 Contra Ulpianus in *l. item apud Labonem 15. §. si quis servo 46. ff. de injur.* idem factum proponit, & multò aliter respondet: ait enim: *Si quis servo verberato injuriarum egerit, deinde postea damni injuria agat, Labeo scribit eandem rem non esse, quia altera actio ad damnum pertinere culpa datum, altera ad contumeliam.* Quasi dicat non eandem rem petere, aut exigere, qui post injuriarum actionem agit ex lege Aquilia: adeoque non facere contra dispositionem textus in *l. bona fides ff. de R. J.* ad cujus normam dirigenda est tota ratio harum actionum in judicium deducendarum: & rectè

quidem, ut mea fert sententia. Quid enim commune habet contumelia cum damno? Dominus servi duplex incommodum sustinet, detrimentum existimationis, & damnum rei familiaris. Quid causæ est, cur non utrumque ei faciri, ac resciri debeat? Injuriosè verberans servum alienum duo delicta committit inter se distincta, ac separata: lædit existimationem domini, lædit & ejus rem familiarem in corpore servi facto deteriori: quidni igitur subeat poenam utriusque delicti? cur delictum ei præstare debet impunitate alterius delicti? Neque hæc duo delicta inter se miscentur, & confunduntur. Si injuriam servo fecisset, solveret integram æstimationem injuriæ, & contumeliæ domino illatæ, quamvis servi corpus nulla in parte læsisset. *l. item apud Labonem §. itaque prator 44. cum §. antec. ff. de injur.* Si damnum culpâ suâ dedisset in corpore servi sine ulla domini injuria, integrum damnum facire teneretur: *l. si quis servum 27. §. tertio autem capite ff. ad Leg. Aquil. §. illud palam insit. tit. cod.* Ergo & si hæc duo delicta simul conjunxerit, utriusque poenam debet persolvere; delictum enim non minuit aliud delictum *l. 2. ff. de privat. delict.*

Quid? quod explorati juris est, quod quoties unum idemque factum duo delicta diversa, arque distincta comprehendit, reus tenetur utriusque delicti poenam persolvere. Ulpianus in *l. Noratini §. quamvis ff. de servo corrupti.* Quamvis autem rerum subalternarum nomine servi corrupti competat actio, tamen & furti agere possumus, ope enim & consilio sollicitatoris videntur rei abesse: nec sufficit alterutra actio egisse, quia altera alteram non minuit. Unum est factum sollicitationis, sed duo continet delicta, quibus dominus damno afficitur: furtum rerum, & servi corruptelam; igitur utriusque poenam reus persolvat necesse est. Quas poenas persolvere debet, etiam si verè neque servus fuerit corruptus, neque furtum admissum *l. si quis servo 20. C. de furt. §. sed et si insit. tit. de obligat. que ex quasi delict. nasc.*

Idem Ulpianus in *l. qui servandum §. 1.*

G g g iij

ff. de praescrip. verb. Sed etsi servum quis alienum spoliaverit, isque frigore mortuus sit: de vestimentis quidem furti agi poterit: de servo vero in factum agendum; & criminali poena adversus eum servata. Et hic est unicum factum spoliationis, duo verò delicta, furtum, & homicidium.

Papinianus in *l. inter liberos 6. in princ. ff. ad Leg. Jul. de adulter. Quod autem attinet ad servos stuprum passas, & Legis Aquilia alio facile tenebit, & injuriarum quoque competit, nec erit deneganda quoque Praetoria actio de servo corrupto, neque propter plures actiones parcendum erit in hujusmodi crimine reo. Unico facto tria delicta continentur, injuria, damnum, ancillae corruptela: & singula detrimentum domino afferunt, & ideo omnium poenam debet consequi dominus. Concurrit hic actio Legis Aquiliae cum actione injuriarum, nec altera alteram minuit, nisi quis dicat hoc evenire propter atrocitatem criminis: ibi: *in hujusmodi crimine.* Sed hoc addit Papinianus ad confirmandam sententiam, & tollendam omnem dubitationem; non quod id sit in hoc crimine singulare. Ut enim si eodem facto duo crimina contineantur, super utroque debet iudex cognoscere, & de utroque sententiam ferre, ac reum condemnare *l. qui de crimine 9. C. de accusat.* ita & in privatis delictis, in quibus pariter est constitutum, ut delictum ob aliud delictum poenam non minuat, *l. 2. in princ. ff. de privat. delict.**

- 7 Nec aliter est constitutum in delicto injuriarum. Nam si ex unico facto duæ pluresve promanent injuriæ, omnes vindicandæ, omnium poena subeunda, etiam si ejusdem generis sint delicta. In *l. 1. §. ult. ff. de injur.* Ulpianus. Idem ait Neratius: ex una injuria interdum tribus oriri injuriarum actionem: neque ullius actionem per alium consumi, ut puta, uxori meæ, filiafamilias injuria facta est: & mihi, & patri ejus, & ipsi injuriarum actio incipit competere. Idem Neratius in *l. pater 42. ff. eod. Pater, cujus filio facta est injuria, non est impediendus, quominus duobus iudiciis & suam injuriam persequatur,*

& filii. Addit Justinianus in *§. patitur inst. tit. de injuriis*, aliquando quatuor personis ex una injuria oriri actionem injuriarum: nam si maritus uxori facta est injuria, sit in potestate patris, etiam ipse pater mariti seu socer filiafam. cui allata est injuria, habet actionem injuriarum.

Neque ullius momenti est ea ratio, quam 8 refert Paulus in laudata *l. qui servum. Quoniam desit bonum, & aequum esse, condemnari eum, qui estimationem præstitit.* Quam enim estimationem præstitit: nempe damni, non injuriæ: alia autem est estimatio damni, alia contumeliæ, *l. item apud Labeonem, §. si quis servo, ff. de injur.* Imo nihil commune habet estimatio damni cum estimatione injuriæ. In damno æstimatur, quantum res ipsa, in qua damnum datum est, deterior facta est; & hæc estimatio semper eadem est, neque crescit, aut decrescit pro conditione domini, qui damnum passus est. *§. capite tertio cum seq. inst. tit. de Lege Aquil. l. si servus. 27. §. tertio autem ff. eod.* In injuria autem æstimatur detrimentum estimationis domini, & hæc estimatio non in omnibus dominis eadem est, sed crescit pro conditione, ac dignitate dominorum; imo & pro conditione ejus, qui injuriam intulit, & pro qualitate ipsius servi. *§. poena in fin. & §. atrox inst. tit. de injur.* Damnum æstimatur secundum veritatem, injuria secundum opinionem, & estimationem ejus, qui injuriam passus est. *d. §. poena.* nam damnum in re, injuria in opinione consistit. Quæ igitur ista æquitas est, ut qui præstitit estimationem alterius omnino diversæ, non debeat alterius estimationem præstare? Multò rectius igitur responderunt Imperatores Diocletianus, & Maximianus in *l. dominum 8. C. de injur. Dominum pro atroci injuria, quam servus ejus passus est, edicti perpetui actione proposita, qua damni etiam haberi rationem, verbis evidenter exprimitur, agere posse convenit.* Vix admitti posse videtur edicto nominatim fuisse comprehensum, ut in actione injuriarum damni etiam ratio haberetur. Quid est enim, quod qui tam putabat cum, qui agit injuriarum, posse postea

agere actione legis Aquiliæ : contra verò qui agit actione legis Aquiliæ, non posse postea agere injuriarum ? Si illud fuisset expressum in edicto, contrarium potius fuisset statuendum : nec poterant in controversiam vocari, quæ disputat Paulus in nostra lege, qui servum 34. in princ.

Ex his eo certius apparet verissimum esse, quod tradidit Ulpianus in laudata l. item Labeo. §. si quis servo ff. de injur. nempe quod in actione injuriarum, qua agit dominus pro injuria facta servo duæ fieri debent æstimationes, altera damni, altera contumeliæ : non exigit eandem rem, qui utrumque exigit. Itaque meo judicio ita se res habet. Cum solum atrox verberatio servi redundet in contumeliæ domini, & pro ea vindicanda injuriarum actionem habeat. §. servus insit. tit. de injur. l. item apud Labeonem. §. prætor ait : qui, 34. ff. de injur. & injuria crescat ex atrocitate damni, ex conditione servi pulsati aut verberati. §. penna, insit. tit. de injur. vix fieri potest justa, ac legitima injuriæ æstimatio, nisi simul fiat æstimatio etiam damni. Cum igitur hæ duæ æstimationes sint adeo inter se conjunctæ atque connexæ, judex utriusque rationem habere debet petente id actore, cujus plerumque non interest postea rursus novum judicium instituire, & agere actione Legis Aquiliæ. Quamobrem si actor cavere paratus sit, se postea Legis Aquiliæ actione non acturum, judex in utramque æstimationem debet reum condemnare, l. si à domino 36. §. si possessor ff. de pet. hered. lbi : Pomponius ait actorem debere eligere, utrum velit sibi eum condemnari, ut caveat se non acturum lege Aquilia, an malit integram sibi esse actionem legis Aquiliæ, omiſſa ejus rei æstimatione à judice. Et in l. non solum 13. cum seq. ff. de rei vindic. Unde queritur, an non alias judex æstimare damnum debeat, quam si remittatur alio legis Aquiliæ : & Labeo putat, cavere petitiorem oportere lege Aquilia non acturum, quæ sententia vera est. Quod si malit actor potius actione legis Aquiliæ uti, absolvendus est possessor. Facit text. in l. unde queritur 7. §. 1. vers. nam etsi adversus, ff. commod. Prætor

igitur edicto cavebat, ut si actor mallet in ipso injuriarum judicio damnum æstimari, quàm postea agere Lege Aquilia, posset id consequi ; nam & de damno formulam præscriptam habebat, ad quam litem accommodabat. Eleganter Cic. in Oratione pro Roscio Comædo. *Expressæ sunt enim ex uniuscujusque damno, dolore, incommodo, calamitate, injuria publica à Prætoris formula, ad quas privata lis accommodatur.*

Et hanc esse germanam sententiam Cæsarei rescripti in laudata l. dominum, C. de injur. nullus dubito : cui non adversantur ea quæ traduntur à Paulo in nostra l. qui servum in princ. de danda actione Legis Aquiliæ post actionem injuriarum. Prætor enim jubebat æstimari damnum in judicio injuriarum, ejusque rationem haberi volente actore : cæterum si actor ex causa damni mallet agere actione Legis Aquiliæ, & novo judicio damnum persequi ; id Prætor minime prohibebat. In eo fuit nimio plus lenior Paulus, quod putavit, reum non in utramque æstimationem condemnandum, sed solum in id, quod amplius est in actione Legis Aquiliæ, qua in re ab aliis, ac præterim ab Ulpiano dissensisse non ambigo, qui duas æstimationes faciendas esse statuit, unam damni, alteram contumeliæ, tum in laudata l. item apud Labeonem §. si quis servo ff. de injur. tum in l. sed etsi quancumque §. 9. 1. ff. ad leg. Aquil. cujus sententiam probarunt Imperatores in laudata l. dominum, C. de injur.

Verumtamen quoniam jus nostrum contrariis, & pugnantibus legibus conflatum esse non debet, malo nimis ingeniosus in interpretando videri, quàm minus religiosus in affirmando, contraria Jurisconsultorum responsa Pandectarum conditores ingestisse. Tentari igitur potest potest, non dissidere Paulum, & Ulpianum : licet enim in actione injuriarum faciendâ sit æstimatio tum contumeliæ, tum etiam damni dati in corpore servi, & utriusque ratio habenda sit à judice, laudata l. dominum C. de injur. l. item apud Labeonem §. si quis servo ff. de injur. l. sed etsi §. 9. 1. ff. ad leg. Aquil.

9 Desideratur optimorum Cridicum fides pro Lestione non remanente.

Rursus nobis res est cum Paulo quoad responsum ejus in eadem *l. qui servum* 34. §. *ult. ff. de obl. & act.* cujus finem utro modo legas, in maximas difficultates incutres. Nam si legas, non remanere, pugnat Paulus cum omnibus aliis Jurisconsultis: Si vero legas remanere, pugnat ipse secum, si bique non constat, & ratio est contraria dicto. Verba Legis hujusmodi sunt: & quidem post Legis Aquilia actionem utique commodati finitur: post commodati, an Aquilia remaneat in eo, quod in repetitione tringinta dierum amplius est, dubitatur: sed verius est, remanere, quia simplò accedit, & simplò subducto locum non habet. Agit hic Paulus de commodatario qui rupit vestimenta commodata, adversus quem commodator habet cum actionem commodati, tum actionem legis Aquiliæ: ac de eodem agit Ulpianus in *l. Unde queritur* 7. in *fin. ff. commod.*

2 Si legas non remanere, non potuit planius explicare sententiam suam Paulus. Cum enim id, quod est in repetitione tringinta dierum, accedat simplò, subducto simplò, quod consequutus est actor actione commodati, amplius peti non potest: sublato enim principali non subsistit accessorium *l. cum principali ff. de reg. jur.* Apparet hoc in usuris ex mora debitis, quæ cum sint accessio sortis, amplius peti non possunt, si reus ad solvendam sortem fuerit condemnatus *l. 4. C. de pos. l. in bona fidei* 13. *C. de usur.* ac multo minus si fors fuerit exsoluta, *l. qui per collusionem* 49. §. 1. *ff. de action. empt.* sive alio modo sublata sit actio sortis. *l. eos in princ. C. de usur.* Atque hoc eo certius est in proposita specie, quia quod amplius est in repetitione tringinta dierum, non est quid distinctum ac separatum à damno, quod actione commodati consequutus est actor; sed cum eo est adeo conjunctum atque connexum, ut constituat unum idemque damnum, licet paulo plenius ac pinguius. Nam in utraque actione damnum, quod passus est commodator, æstimatur: in actione commodati æstimatur, quanti est in præsens:

in actione Legis Aquiliæ, quanti pluris fui tringinta diebus proximis: atque adeo eadem est æstimatio damni plerumque quidem æqualis, interdum verò aliquanto major æstimatio, quæ sit ex Lege Aquilia. Vix est igitur, ut possit id, quod pluris est, à toto damno separari, coque præstito peti aut deberi. Facit ad rem optimum Labeonis responsum in *l. Labeo* 17. *ff. quem. servit. am.* Non alia de causa existimaverim, veteres Jurisconsultos, cum agunt de actionibus mixtis, quæ cum aliis configunt & colliduntur, sæpissime uti exemplo actionis Legis Aquiliæ: nam in actione vi bonorum raptorum & ejusmodi cæteris, res est multò expeditior, cum in iis poena distincta sit à simplò. Ac si obligatio ex Lege Aquilia non esset omnino distincta ab obligatione commodati; utique actio Legis Aquiliæ non remaneret. *l. plura delicta versic. nam si ex una ff. de oblig. & act.* aut si actione Legis Aquiliæ quis peteret solum residuum, quod superest, detracto damno præsentis, quod obtinuit actione commodati: hoc enim subducto simplò locum non habet, ut rectè respondit Paulus, quia simplò accedit, & cum eo ita commixtum est & insitum, ut unum constituat.

Sed hac lectione admissa configit Paulus 4 cum Ulpiano in *l. unde queritur* 7. in *fin. ff. commod. & in l. 2. §. quantum ff. de privar. delict.* Sed hoc minime mirum esset; Paulum enim ab Ulpiano dissensisse hac in re supra animadvertimus. Sed in eadem sententia videtur fuisse Gajus in *l. in rebus* 18. §. *commod.* Sive autem pignus, sive commodata res, sive deposita, deterior ab eo qui acceperit, facta sit; non solum istæ sunt actiones de qui *l. ut loquimur*, verum etiam Legis Aquiliæ: sed si quæ earum aliam fuerit, reliquæ tollantur. Nihil clarius. Si quæ earum fuerit: nempe aut pignoratitia, aut commodati, aut depositi: ergo actio commodati & aliæ similes rei persequutorie consumunt ac tollunt actionem Legis Aquiliæ. Idem tamen Gajus in *l. penult. ff. de vi bonor. raptor.* contrariam sententiam amplecti videtur: hæc enim actio habet poenam distinctam.

H h h

tam à simplo, nempe à re rapta, nam tripulum, quod pœna est, cum simplo non confunditur. Iniquum igitur esset raptorem delicti pœnam non persolvere *l. ita vulneratus § 1. ff. ad Leg. Aquil. l. si à reo 70. §. ult. ff. de fidejuss. l. Stichum 95. §. 1. vers. sanè ff. de solut.* Hoc autem in *l. Aquilia* non est actio expeditum, cum in ea plerumque pœna confundatur cum ipsa re: quod non ita esset, si actori aliquod damnum extrinsecus accidisset, veluti si ob mortem servi legatûm, vel hereditatem amisisset, ut in laudata *l. ita vulneratus ff. ad Leg. Aquil.*

Verumtamen, ut Paulum cum Ulpiano conciliemus, dici potest, in nostra *l. qui servum §. ult.* Paulum solummodo querere, an post commodati actionem remaneat actio Legis Aquiliæ in eo quod in repetitione triginti dierum amplius est: hæc enim sunt ipsa Pauli verba. Rectissime autem responderet in hoc non remanere, quia simplo accedit, & simplo subducto locum non habet. Non poterit igitur actor post commodati actionem intendere, ut sibi præstetur, quod amplius est in repetitione triginta dierum: sed agere debbit simpliciter actione Legis Aquiliæ, ut sibi damnum fariatur, & probato damno debbit illud æstimari, prout æstimatur in Lege Aquilia: iudex tamen ex hac æstimatione damni deducere debbit æstimationem quam actor obtinuit actione commodati, & in reliquum condemnare. *l. 1. ff. arbor. furt. casar. l. quanties 41. §. 1. ff. de obl. & alt.*

Quantum autem attinet ad Gajum in *l. in rebus 18. §. 1. ff. commod.* tentari potest, verba illa: *Si qua earum actum fuerit, alia tolluntur*, referenda esse ad actionem Legis Aquiliæ, de qua in postrennis verbis, quæ hæc antecedunt, egerat: quasi dicat: sed si hac actum fuerit, hoc est, actione Legis Aquiliæ, tolluntur aliæ, videlicet actiones depositi, commodati, pignoris, de quibus paulò ante egerat. Nam si verba illa generaliter accipiamus de quacunque actione, vel depositi, vel commodati, vel pignoratitia, absurdè dicitur, quod aliæ tolluntur. Nam tollitur tantummodo una Legis Aquiliæ

actio. Si depositi egero, tollitur solum Legis Aquiliæ actio; idem si egero commodati vel pignoratitia: actio Legis Aquiliæ cum omnibus aliis concurret; contra verò aliæ concurrunt cum sola Legis Aquiliæ actione: ideoque actio Legis Aquiliæ tollit omnes alias; aliæ verò non possunt tollere nisi unam Legis Aquiliæ actionem. Igitur Gaji sensus est, quod cum actione depositi, cum actione commodati, cum actione pignoratitia concurret etiam actio Legis Aquiliæ, ita ramen ut si hac actum fuerit, illæ tollantur.

Quod si cui nimis violenta videatur hæc interpretatio, dici potest, quod si una actum fuerit, aliæ tolluntur quoad rei persecutionem, non quoad damnum, ut indicatur in *l. sed actione 50. in prin. ff. pro soc.* quia utraque actio ad rei persecutionem respicit. Res igitur ita habet. Si actor prius egerit actione Legis Aquiliæ, tolluntur aliæ rei persequutoriæ, quia rem ipsam consequutus est, nec bonafides patitur, ut eandem rem bis exigit. *l. nemo exhis. 43. §. 1. ff. de reg. jur.* si verò noluerit agere actione Legis Aquiliæ, sed elegerit actionem rei persequutoriam, vel quia actio Legis Aquiliæ pinguior non sit, ut plerumque accidit, vel quia non possit probare damnum injuriâ datum ab ipso reo, ut requiritur in actione Legis Aquiliæ, toto tit. *insist. de Lege Aquilia*: vel quia plus compendii habitura sit hæc probatio quàm compendii actio ipsa: tunc electa actione persequutoria, si petat in ea damnum æstimari, æquum est, ut renunciet actioni Legis Aquiliæ, idque officio iudicis continetur. *l. si a domino 36. §. si possessor ff. de petit. heredit. 1. non solum 13. cum l. seq. ff. de rei vindicat. l. si merces 25. §. ipse quoque ff. locat. l. unde queritur. 7. §. 1. versic. nam etsi adversus ff. commod.* Quod si adversarius id non petat, aut ipse adversario petente nolit cavere, se non usum actione Legis Aquiliæ, poterit ad hanc confugere, ita tamen ut ea agendo hoc minus confuatur, quam consequutus est actione persequutoria ut rectè traditur ab Ulpiano in laudata *l. unde queritur in fine ff. commod.*

Tollitur igitur actio Legis Aquiliæ per actionem rei persequutoriam non ipso jure, sed ope cautionis ab actore præstandæ, quam utique subterfugere non debet actor, cum etiam ejus interita, unico judicio rem terminare, maximè quia potest eligere actionem Legis Aquiliæ, si putet eam sibi magis expedire. Et hæc ratione non semel traditum est, eum unâ actione contentum esse debere, ut in l. sed etsi 18. ff. ad Leg. Aquil. in l. si vulneraveris 45. ff. locat. in l. sed actione 50 ff. pro soc. idque officio judicis contineri. d. l. si vulneraveris.

8 Atque hæc dicta sunt pro sententia eorum qui legendum putant non remanere. Quod si legendum sic remanere, ut in Pandectis Florentinis & optimis aliis exemplaribus legitur, videtur Paulus ipse secum pugnare, & ratio esse contraria dicto: nam si subducto simplo locum non habet Legis Aquiliæ actio, & simplicum jam subductum fuit per actionem commodati, sequitur, ut Legis Aquiliæ actio locum non habeat, a reoque non remaneat post actionem commodati. Quod si cum doctissimo Cujacio alteram negationem detrahamus, & simplo subducto locum habet: nihilominus sibi non constat Paulus: nam si quod amplius est in repetitione tringit dierum accedit simplo, consequens est, ut eo subducto locum non habeat id, quod accedit, secundum vulgatam regulam traditam in l. cum principalis 178. ff. de reg. jur. in c. accessorium de reg. jur. in 6.

Vix defensi potest, retenti eâ lectione, Pauli sententia, nisi verba illa simplo subducto aliter atque hætenus accepta fuerunt, interpretentur. Cogitandum est ac perpendendum, an illa verba non, detracto demproque simplo significant, sed simplo computato connumeratque. Subducere est computare, numerare, summam colligere, seu addendo, deducendoque videre, quæ summa fiat. Cic. Lib. 1. epist. ad Lentul. *Rationibusque subductis summam feci cogitationum mearum.* Donatus ad illud Terentii in *Adelp.* *Nunquam ita quisquam bene subducta ratione ad vitam fuit,* &c. ita recte explicat. *Ducere est digitis computare. Sed ducere est apud*

a ium & palam: subducere apud se ipsum, & secreto: quo magis in verbo isto majoris attentionis, & diligentia signum est. Cic. 2. de Finibus. *Quid fortes viri? voluptatumne calculis subductis prælum ineunt, sanguinem pro patria profundunt?* Eleganter Catulli. in *Nupt. Julia & Manlii:*

*Ille pulvis Erythræ
Siderumque micantium
Subducatur numerum prius,
Qui vestri numerare vult
Multa millia iusur.*

Cic. ad Atticum lib. 5. ep. 21. *Adsidunt, subducunt, ad nummum convenit.* Admissa hæc interpretatione omnia rectè procedunt. Querit in ea Lege Paulus, an post commodati actionem, Legis Aquiliæ actio remaneat in eo quod in repetitione tringit dierum amplius est: & ait remanere, quia hoc simplo accedit. Licet actor simplicum jam fuerit consequutus actione commodati, tamen hoc quod simplo accedit, consequutus non est. Cum autem simplicum sit totum id, quod actori abest, nec poenam ullam comprehendat; id verò quod simplo accedit totum poena sit; & æquitas, & ratio suadet, hoc etiam actorem consequi debere l. si à reo 70. §. ult. ff. de fidejuss. ne malefium maneat impunitum l. Stichum 95. §. 1. vers. sane ff. de solut. Eadem pariter æquitas & ratio suadet id ipsum a reo persolvi debere, eum sit absurdum, ueminem delicti poenam subire, & legem, quæ poenam imposuit, eludi. l. ita vulneratus 51. §. vers. quod si quis ff. ad Leg. Aquil.

Verum quia actio, quam tribuit actori damnum patto Lex Aquilia, comprehendit tam simplicum quàm id quod ipsi accedit actor, qui simplicum jam consequutus est, hac actione ita uti debet, ut non utrumque exigere, & consequi velit, sed tantummodo id, quod simplo accedit, eum simplicum jam per aliam actionem sit consequutus. Nam bona fides non paritur, ut bis idem exigatur. l. bona fides 57. ff. de reg. jur. Quapropter si velit actor conputare etiam

H h h ij

simpulum, atque illud rursus exigere, non habet locum hæc actio: quoties enim dux concurrunt actiones ejusmodi rei nomine, una quis experiri debet, *l. nemo ex his 43. §. 1. ff. eod.* Quoad simplum autem ambæ concurrunt ad eandem rem tam actio commodati quàm Legis Aquiliæ, & ideo una tantum experiri debet, & cùm expertus jam sit actiōe commodati, altera locum non habet, cùm nihil ei absit. *l. 2. §. 1. in fin. ff. de instel. & rat. dist. l. plura 53. in princ. vers. nam si ex una ff. de oblig. & act.* Igitur computato & consummato simpli, locum non habet actio Legis Aquiliæ, inspecto scilicet effectu, cùm ad ipsum exigendum inanis sit, & omnino inutilis. Atque ita planissimè apertissimeque videntur explicari posse illa verba: *simpli subdulto locum non habet.* Libentius tamen legem non remanere, si optimorum Codicum auctoritate niteretur: sic enim expedita esset & persacile currens oratio, & à mente Pauli non abhorrens sententia, qui in concursu actionum ab Ulpiano dissensisse videtur.

CAPUT XVI.

Ad L. jam hoc jure 4. §. sed si alter ff. de vulg. & pupill.

SUMMARYUM.

- 1 Proponitur regula & occasio de ea differendi.
- 2 Fundamentum regula substitutum ex Constitutionibus de substitutione reciproca imparibus facta, qua in eum tantum casum facta censeatur, in quem utriusque substitui poterat. & n. 3. 4.
- 3 In testamento militis inducitur substitutio in utrumque casum, si constet de ejus voluntate isti secus, sola vulgaris.
- 4 Filio naturali in pupillari aetate decedenti non succedit filius legitimus nisi per reciprocam substitutionem.
- 5 Partem quam quis obtinuit in institutione, eandem obtinet in substitutione. Explicatur *l. servus 67. §. 1. ff. de leg. 1.*
- 6 Legato dulcium non continentur esculenta, si testator utatur verbis qua determinent solas potiones.
- 7 Limitatio adjecta ad unam speciem legatam ad alteram quoque porrigitur.
- 8 Respondetur contrariis: & n. 11. 12.

Et omnium sermonibus celebratum cum in circulis & suggestis, tum in foro illud effatum: *verbum plura determinans, cumla pariter, equaliterque determinat*: seu, ut vulgo aiunt; *determinatio respiciens plura determinabilia, ea pariformiter determinat.* Verissimum id profecto est, sed tamen multi eo abutuntur, & quandoque accommodant ad voluntatem & dispositionem, cui convenire non potest. Idcirco accuratè hac de re à nobis est disserendum. Ac primum hujus regulæ veritatem perspicuè demonstrabimus: deinceps, quando ea sit adhibenda, dicemus.

Fundamentum hujus regulæ firmissimum est in *L. jam hoc jure 4. §. sed si alter ff. de vulg. & pupill.* In principio ejus legis ait Modestinus: *Jam hoc jure utimur ex divi Marci & Veri constitutione; ut cum pater impuberi filio in alterum casum substituisse, in utrumque casum substituisse intelligatur*: subdit deinceps, *quod si pater duos filios impuberes hæredes instituat, eosque invicem substituat, in utrumque casum factam fuisse reciprocam substitutionem, D. Pius constituisse.* En! Imperatorum constitutionibus confirmatum, quod substitutio impuberi facta, sive simpliciter, sive expressè in unum casum, in utrumque casum facta censeatur. Nihilominus tamen si testator habeat duos filios, alterum puberem, alterum impuberem, eosque hæredes instituat, & invicem substituat, in vulgarem tantummodo casum factam videri substitutionem Severus & Antoninus constituerunt, ut refert Modestinus in nostro §. *sed si alter*; cujus constitutionis rationem asserit: *incongruens enim videbatur, ut in altero duplex esset substitutio, in altero sola vulgaris.* Verbum *substitutio* licet in impubere utramque substitutionem inducat, & ex propria verbi significatione, quia verbum commune est utrique substitutioni congruens, & ex constitutionibus Imperatorum: tamen cùm in pubere non possit inducere substitutionem pupillarem, quia ejus incapax est; nec eam inducit in impubere, licet ejus capax sit. Quo efficitur, quodd idem verbum eodem

modo determinat tam puberis, quam impuberis substitutionem.

3 Idem confirmat Imperator Alexander in l. 4. C. de impub. & al. substit. ubi constituit, quod licet verba: *Si haeres non erit*, in impubere comprehendat, etiam pupillarem substitutionem, tamen si pater filio suo impuberi, & uxori suae heredibus institutus Publium substituerit, *si haeres non erunt*, in eum tantum casum factam substitutionem, quo utrique substitui potest, videlicet in vulgarem. Neque id ipse de novo constituit: sed responderi, id esse manifestum: nempe quia verba illa, *si haeres non erunt*, quae ad utrumque referuntur, non possunt in uno solam vulgarem, in altero utramque substitutionem inducere. Idem Alexander in l. in testamento 6. in princ. C. de testam. milit. ait, id & sententiis prudentium vitorum, & divorum parentum suorum constitutionibus placere.

4 Id autem Severus & Antoninus constituerunt in l. 2. C. de impub. & al. substit. Ibi: *propter eorum personam, quibus in unum casum dumtaxat substitui potest, etiam in filio idem servari debere, & ratio suadet, & divus Marcus constituit*. Ratio suadet, ne eadem determinatio plura inaequaliter, & non eodem modo determinet, quod rationi omnino repugnat.

5 Sed magis dilucidè perspicueque probat, quod volumus, Alexandri responsum in laudata leg. in testamento in fin. C. de test. militis. Miles potest verbis civilibus, hoc est, directè substituere in secundum casum etiam ei, qui pubes est l. centurio 15. ff. de vulg. & pupill. l. 5. & l. miles 41. ff. de milit. testam. Si hæc substitutio fiat à Pagano, est omnino inutilis, nam substitutus nullo jure admittitur, neque ut substitutus, neque ut fideicommissarius, neque ut cohæres l. verbis civilibus 7. ff. de vulg. & pupill. l. in pupillari 14. ff. cod. si fiat à milite, valet, sed substitutus capiet tantummodo bona militis cum fructibus inventis in hæreditate, non autem bona propria ejus, cui substitutus est: d. l. centurio. Igitur miles habens filiam parvulam, simul cum Titio eam hæredem insti-

tuit, eosque invicem substituit. Filia post aditam hæreditatem in pupillari ætate decessit: Mater defunctæ ad intestatæ filiz successione pervenire contendebat. Titius frater militis, à quo fuerat substitutus, ex substitutione petebat hæreditatem. Videbatur eam jure petere, quia militibus licet etiam extraneis, postquam hæredes extirpant, substituere d. l. in testamento in fin. & d. l. miles 41. in princ. ff. de testam. milit. Respondit tamen Alexander Imperator, quod Titius ex substitutione non potest admitti, nisi probaverit eam fuisse fratris sui militis voluntatem. Quid ita? quia sicut fratre Testatoris adeunte statim expirat ejus substitutio jure communi l. 3. C. de hered. inst. l. post aditam C. de imp. & al. substit. ita debet expirare altera substitutio facta filiz, ea adeunte. Cum enim non possit esse nisi vulgaris in Fratre, in Filia quoque vulgaris esse debet, ne diversa sit & dissimilis determinatio. Potest quidem Miles jure speciali & ex privilegio utrique in secundum casum substituere, ut diximus; sed substitutus probare debet, hoc voluisse Testatorem, ut in hac l. in testamento in fin. & in l. precibus 8. C. de impub. & aliis substit. Ibi: *vel expressa, vel compendio*, &c. Quod autem ad nos nostram attinet, utroque casu eadem est tam in filia, quam in extraneo determinatio: si constet de voluntate militis, duplex inducitur in utroque substitutio; sin secus, in utroque sola vulgaris.

Eodem pertinet Pauli responsum in l. 1. u. 6. cini Titius 41. ff. de vulg. & pupill. Lucius Titius duos filios habebat, alterum legitimum, alterum naturalem; utrumque hæredem instituit, & invicem substituit. Filius legitimus intra pubertatem decessit, alter filius naturalis ex pupillari substitutione petebat hæreditatem: mater defuncti filii eandem petebat ab intestato. Admittitur mater, excluditur naturalis filius: deficit enim pupillaris substitutio, quia verbum *substitutus* solam vulgarem continet, cum pater filio naturali non posset pupillariter substituere, quia eum non habebat in potestate l. 2. in princ. ff. de vulg. Quamobrem in utroque

substitutio vulgaris tantummodo est, ne eadem verba in altero duplicem, in altero unicam tantum substitutionem comprehendant, & diverso modo pro diversitate personarum accipiuntur.

- 7 Jam verò transeamus ad alia. Si quis plures hæredes instituerit, distributis inter eos partibus hæreditariis, eosque invicem substituerit, eadem distributio partium æqualiter determinat tam institutionem, quàm substitutionem: & quam quisque partem obtinuit in institutione, eandem obtinet in substitutione *l. si in testamento §. l. liberis 8. in fin. cum l. seq. l. si plures 24. l. qui complures 32. ff. de vulg. & pupill. l. 1. C. de impub. & al. substit.*

Sed videtur contrarium à Cajo definitum in *l. servus 67. §. 1. ff. de leg. 1. si ex pluribus hæredibus ex disparibus partibus institutis duobus eadem res legata sit, hæredes non pro hæreditaria portione, sed pro virili legatum habere debent.*

Facilis est & prompta responsio. Determinatio, quæ spectat ad institutionem, & substitutionem, non spectat eadem ad legata, & fideicommissa; nam hæc separatim ac seorsum ab institutione & substitutione relinquuntur, & in separata oratione: ac propterea propriam habent determinationem, à qua determinantur, longè diversam à determinatione, quæ determinat institutionem. Quapropter si testator in dando legato partes non distribuit, æquales partes habebunt; nullis enim partibus nominatis, æquales partes datæ censentur *§. si plures instit. tit. de hæredit. instit. l. unic. §. si autem disjunctim C. de caduc. toll.* neque enim legatum capiunt jure hæreditario, adeo ut pro portionibus hæreditariis dividi inter eos debeat. Sanè partes, quæ jure hæreditario obtinent, pro portione hæreditaria consequuntur. Cum enim legatum à semetipso inutiliter hæredi relinquatur *l. & quidem 18. ff. de leg. 1. legatum relictum hæredi pro ipsius parte non consistit, quia eam capit ac possidet jure hæreditario, non jure legati l. cum qui 18. §. ult. ff. de his qua ut indigni: jus enim hæreditarium; cum sit multò po-*

tentius, absorbet jure legati. Hanc igitur partem, quam jure hæreditario capit, pro portione hæreditaria retinet, & possidet: reliquam verò partem, quam à cohærede consequitur, non potest consequi, nisi pro virili, quia jure legati obtinet, quod à testatore sine partibus relictum fuit: non verò jure hæreditario: & illud obtinet tamquam legatarius, non tamquam hæres: argumentum est, quod etiam si non adeat hæreditatem, tamen legatum consequitur *l. qui filius 17. §. ult. ff. de leg. 1. aut si ei tamquam indigno hæreditas auferatur l. cum qui §. ult. ff. de his qua ut indigni.* Imò plus capit jure legati, si hæres non fuerit, quàm si hæreditatem consequutus fuisset: nam integrum legatum obtinet, non solam partem, quam caperet à cohærede *d. l. cum qui 18. in fin.*

Ad rem nostram redeamus. Optimè facit 8 nobiscum sententia Labeonis à Proculo comprobata in *l. ult. ff. de tritic. vin. & ol. leg.* si alicui legata fuerint dulcia, non solum dulces potiones legato continentur, sed etiam esculentia *d. l. ult. §. penult. at si legatum sit vinum amphorarium, Aminæum, Græcum, & dulcia omnia, nihil inter dulcia, nisi quod potiones est, legato continetur. d. l. ult. §. ult. Nam verbum illud Vinum sicut determinat Aminæum, Græcum, ita pariter determinat alia dulcia, eaque restringit ad dulces potiones, cujusmodi sunt vina nominata: videlicet ænomeli, passum, acinaticium, mulsam etiam, & hydromeli, & defrutum verbis illis, dulcia omnia, contineri puto: quia licet quædam ex his vini nomine propriè non contineantur, tamen ex usu patrisfam, plerumque vini numero habentur, & sunt potiones dulces, quæ ad vini naturam proximè accedunt *l. si quis vinum 9. in princ. ff. eod.* Illud maxime notandum, quod prævalet præsumptio ejusdem determinationis verbo universalis omnia, quod ex sui propria significatione etiam esculentia comprehenderet.*

Non absurdum est, quod à Paulo traditur 9 in *l. nam quod liquida 4. §. ult. ff. de pen. leg. si ita scriptum sit, omnem penum præter*

vinum, quod Roma erit: Sola penus, qua Roma est, legata videtur. Adjectio illa, quod Roma erit, non solum determinat vinum, sed etiam penum, non refragante verbo universalis omnem. Et quod magis est, adjectum illud quod, non videtur ad penum referri posse, quam Paulus hic femini generis fecit, licet Pomponius in l. 2. ff. de trit. vin. & ol. leg. in neutro genere protulerit, exemplo Terentii & Columellæ & aliorum veterum Auctorum.

10 Sed jam quid contra opponi possit, expendamus. Ac primum opponi potest Papiniani responsum in l. cohæredi 41. § qui discretas ff. de vulgar. Qui discretas portiones conjunctis pluribus separatim dedit, ac post omnem institutionis ordinem ita scripsit: quos hæredes meos invicem substituo: conjunctos primo loco vice mutuâ substituere videtur, quibus institutionum partes non agnoscantibus, ceteros omnes cohæredes admitti.

Resp. imò ex hac lege constare, quod verbum substituo omnes æquè determinat, cum omnes ad substitutionem vocet. Quod autem conjuncti præferantur disjunctis, id efficit voluntas testatoris, quæ perspicuè apparet ex conjunctione & disjunctioe partium, quæ eis à disjunctis omnino sejungit ac separat. Finge, testator ita scripsit. Titius & Caius ex dodrante hæredes sunto: Mævius & Sempronius ex quadrante. Titius & Caius unius personæ vice funguntur l. planè 34. in princ. ff. de leg. 1. item Mævius & Sempronius: & in unum corpus redacti sunt, & partem conjunctorum quasi suam præoccupant, ut rectè ait Imperator noster in l. unic. §. his ita de mitti 10. vers. sed vero quidam, C. de cad. tollend. Idcirco conjuncti in institutione non majorem partem omnes simul consequuntur, quàm unus tantum, quia unus vice funguntur l. Attius 11. l. interdum 13. in princ. l. Julianus 15. in princ. ff. de hered. inst. Ex quibus efficitur, Titium & Caium conjunctos, tamquam unum quiddam separatim à Mævio & Sempronio, qui alterum corpus constituunt, in substitutione his præferri, sicut hi præferuntur illis, si unus ex his deficiat. Quare deficiente Titio,

Caius admittitur: deficiente Mævio, Sempronius: utroque autem deficiente, ceteri omnes.

Opponitur etiam Papiniani responsum in l. mulieri & Titio 72. ff. de condit. & dem. sed hoc potius confirmat regulam nostram, quàm eam destruat. Etenim conditio illa, si non nupsit, determinat legatum tam quoad mulierem, cui cohæret, quàm quoad Titium, & in utriusque persona legatum est conditionale: & ideo Titius dicitur defectus conditione, si mulier nupsit. Verumtamen cum hæc conditio à lege remittatur l. servo 65. §. 1. ff. ad S. C. Trebell. l. filia qua 18. in princ. l. sed si hoc 8. §. ult. l. cum tale 72. §. si arbitratu l. Titia 99. ff. de cond. & dem. quasi pro impleta habeatur, & uterque legatum consequitur, etiam si mulier nupsit, non tamen in omnibus pro impleta habetur. Nam singulariter hoc casu non datur jus accrescendi, & quidem summâ ratione, quam ibi assertit Papinianus. Rectius opponeretur l. ult. §. Sejo. ff. de leg. 2. sed neque illa hanc sententiam labefactat: nam ibi conditio erat adjecta Sejo, non uxori; itaque determinatio non utramque personam respiciebat, sed solum personam Seji: adeoque solummodo determinabit legatum in persona Seji, non in persona uxoris, quam non respiciebat.

Opponitur à plerisque Juliani decisio in l. si ita scriptum 16. ff. de man. testam. Quidam ita legavit: cum Titius annorum triginta erit, Stichus liber esto, eique hæres meus fundum dato. Titius mortuus est, aniequam perveniret ad trigessimum annum: ait Julianus, quod nihilominus Stichus libertas comperit; legatum tamen non debetur.

Quidam respondejit, id ita constitutum, quia militat diversa ratio in libertate & in legato. Alii, quod ibi expressa Legis dispositione à regula recedatur. Verane, an falsa sint hæc, modò non disputo: expendam accuratius in proxima Hoc tantum dico, frustra nos pervelligare rationem, cum ipsam Julianus exponat in laudata Lege: ait enim: Nam favore libertatis receptum est, ut mortuo Titio tempus superesse videatur, quo in-

citur ex *l. jam hoc jure* 4. ff. de vulgar. & pupill. & aliis supra allegatis. Cum igitur hæc à lege per inductionem deducatur, non possumus eam protendere ultra terminos, quos leges ipsi præscripserunt, in quibus tacite continetur. Leges autem, ex quibus deducitur, omnes agunt de una, eademque determinatione plura determinante, quæ in eadem oratione continentur: ut facile intelligit, quicumque leges, quas in superiore ad fundandam hanc regulam adduximus, expendit: & constat ex *l. servus* 67. §. 1. ff. de leg. 1. quam ibi luculenter explicavimus. Idem probat optimè text. in *l. servo* 47. ff. de cond. & dem. *Servo libertatem ita dedit: ille, si meus erit, liber esto: legatum, vel hereditatem sine conditione ei dedie; deinde eum alienavit, debetur domino ejus legatum, vel hereditas.* Determinatio illa *si meus erit* solum determinat dationem libertatis, non legatum aut hereditatem. Idem quoque confirmat Julianus in *l. qui filio* §. si quis servum §. de hered. instit. *Si quis servum suum liberum sub conditione, heredem pure scripserit, cumque vendidisset pendente conditione, jussu emptoris servus adire hereditatem potest, quia & constituit institutio, & est, qui jussu imperandi habet.* Sub conditione datur libertas, pure hereditas, aut cum hereditas datur in diversa oratione non adjecta conditione, quæ appositæ fuit in legato libertatis: vel cum nominatim adjecta est libertati, ut in *l. 3. §. 1. ff. eod.* quo casu expectatur eventus conditionis, quia cum servus manserit in dominio testatoris, non potest sine libertate institutio subsistere *princ. sit. instit. de hered. instit.* Mutaverint, an perverterit hoc Justinianus in *l. ult. C. de necess. serv. hered. instit.* docti judicent.

4 Verumtamen ut ingenuè fatear, quod sentio, conditiones verè ac propriè non pertinent ad nostram regulam determinationis æque omnia determinantis. Condicio enim verè nihil determinat, nihil disponit, sed coërcet & suspendit dispositionem, cui adjicitur, eamque moderatur, ac restringit *l. 1. §. item si 8. in fin. versic. idemque eris ff. ad l. Falcid. l. obligationum 45. §. 9. penult.*

ff. de oblig. & act. l. si quis sub conditione 8. ff. si quis om. caus. testam. Itaque limitat & suspendit solum eam dispositionem, cui fuit adjecta, & respicit solummodo personam, in quam fuit collata, sive agatur de persona honorata, ut in *l. ult. §. suo ff. de leg. 2. l. si quis ita scripserit 33. l. qui filio 38. §. si quis servum ff. de hered. instit.* sive de persona, in qua impleri debet conditio, ut in *l. sub diversis in fin. in l. cum ita 93. in princ. l. qui heredi 44. in princ. & in §5. seqq. ff. de cond. & dem.* Hinc commune est illud interpretum nostrorum effatum: *conditio implenda est in forma specifica, & non potest impleri per equipollens.* Non extenditur igitur conditio, nec complectitur dispositionem, cui adjecta non est, nec casum, qui nominatim non fuit expressus, nisi id exigat voluntas testatoris, quæ sola in conditionibus dominatur *l. in conditionibus 29. ff. eod. ut evenit in l. mulier 22. in princ. ff. ad S. C. Trebell. l. si ita 15. ff. qu. dies leg. eod. l. 3. C. de instit. & subst.* Tunc igitur obinet regula nostra, cum testator iisdem verbis plura complectitur, quæ & eodem modo, atque etiam diverso possunt determinari, abique eo quod à propria verborum significatione recedatur: hoc enim casu omnino dicendum est, cuncta pariter æqualiterque determinari. Nam si testator nolisset de illis eodem modo disponere, separatim de singulis disposuisset, nec iisdem verbis in singulis fuisset usus, quod facere debere præcipitur, si velit dissimiliter disponere, in *l. jam hoc jure* 4. §. ult. vers. hoc itaque casu ff. de vulg. ubi notanda sunt illa verba: *Sed si alter putes, alter impubes hoc communi verbo, eoque invicem sustinuo, &c.* Commune verbum appellat, quia verbum *sustinuo* commune est tam substitutioni vulgari, quam pupillari. Necesse est igitur, ut verba, quibus utitur testator, ejusmodi sint, ut utrumque significant, & comprehendant, ut modo dicebamus.

Hactenus de illis, qui hujus regulæ terminos longius, quam par sit, proferunt: nunc de illis, qui eam ita limitant ac restringunt, ut ipsam angustissimis terminis

circumferibant. Quidam enim aiunt hanc regulam cessare, cum in utroque determinabili non eadem est ratio. Qua sententia penè evertitur hæc regula: nihil enim facilius quàm aliquam rationis diversitatem subtiliter excogitare ad regulam excludendam. Hæc limitatio, meâ quidem sententia, adeo falsa est, ut nihil suprà. Est enim legibus apertè contraria. In l. 4. §. *sed si alter ff. de vulg. & pupill.* Modestinus ait: *sed si alter pubes, alter impubes hoc communi verbo, eoque invicem substituto, sibi fuerint substitui, in vulgarem tantummodo casum factam videri substitutionem Severus, & Antoninus constituit.* In hac lege quæ major potest excogitari rationis diversitas, sive consideremus ipsam dispositionem, sive personas, in quas confertur dispositio? si primùm, quid tam diversum, quàm substitutio vulgaris, & pupillaris? illa fit in casum, quo institutus *heres non erit*: hæc in casum, quo *heres erit*, *princ. tit. inst. de vulg. subst. & princ. tit. de pupill. subst.* sunt hæc non solum diversa, sed omnino contraria. Si secundùm, quid tam diversum, tam discrepans in jure nostro, quam pubes, & impubes? Pubes potest condere testamentum; impubes non potest §. 1. *inst. tit. quib. non est permiff. fac. testam.* Pater pro impubere potest testamentum facere; pro pubere non potest *princ. tit. inst. de pupill. subst. l. Papinianus §. sed nec impuberis ff. de inoffic. testam.* Imo si pater pro impubere testamentum fecerit ei pupillariter substituendo, & annos pupillaris ætatis excesserit in substitutione, evanescit substitutio statim ac pupillus attigerit pubertatem §. *masculo inst. tit. de pupill. subst. l. verbis 7. l. in pupillari 14. ff. de vulg. & pupill.* Rursus expedit pupillo, patrem ei consulere hæredem eligendo, quem ipse eligere non potest propter judicii infirmitatem §. 1. *inst. tit. quib. non est permiff. fac. testam.* noceret autem puberi, si pater pro eo testamentum faceret, quia cum ipse sibi pro arbitrio suo hæredem possit eligere, haberet hæredem invitum, quem ipse non elegit, ejusque judicium exitum non posset habere, quod est contra publicam utilitatem l. vel

negare §. ff. testam. quemadmodum. aper. & contra æquitatem l. 1. in princ. ff. si quis om. caus. test. Accedit, quod ejusdem pupilli favore, cui non solum pater, sed etiam leges consulere intendunt, etiam si ei non fuerit expresse datus pupillaris substitutus, tamen tacitè datus intelligatur. Quamobrem verbum *substituto* in pubere solum vulgarem substitutionem inducit: in impubere utramque substitutionem tam vulgarem, quàm pupillarem l. jam hoc jure 4. in princ. & in §. 1. ff. de vulg. & pupill. Et quod magis est, ad inducendam pupillarem substitutionem verba testatoris ad contrariam significationem, legis interpretatione detorqueantur. Nam si pater impuberi filio substituat sub conditione *si heres non erit*, hæc verba comprehendunt etiam secundum casum, *si heres erit*, & ad pupillarem substitutionem trahuntur l. quamvis C. de impub. & al. subst. Hoc autem maxime demonstrat, quanta sit vis nostræ regulæ de unica determinatione plura æqualiter determinante. Animadvertendum enim est quod verba *si heres non erit*, comprehendunt etiam casum *si heres erit*, qui est omnino contrarius. At verò nec verbum quidem *substituto*, quod commune est, & ex propria significatione non minùs convenit substitutioni pupillari quàm vulgari; comprehendit pupillarem substitutionem, quando ei obstat regula plurium determinationum æquè determinandorum d. l. quamvis in fin. C. de impub. & al. subst. & l. jam hoc jure 4. ff. de vulg. & pup.

In laudata l. *quamvis* duæ proponuntur 6 substitutiones, altera in principio legis, altera in fine. Prima, quæ in principio proponitur, facta erat in primum casum, nempe sub conditione, *si institutus non erit*; merito dubitari poterat, an hæc conceptio verborum comprehenderet etiam secundum casum: hoc est, substitutionem pupillarem. Dicendum videbatur minime comprehendere; nam pupillaris substitutio fit in casum omnino contrarium, sub conditione *si heres erit*. Obstat igitur pervulgata regula, non esse recedendum à propriètatè verborum l. non aliter ff. de leg. 3. de qua suprà copiosè

disputavimus. Hæc tamen regula non obstante responsum fuit, verba *si hæres non erit*, porrigi ad casum, quo hæres sit, & in pupillari ætate decedat: hoc est, non solum verba improprie accipienda esse, sed etiam ad contrarium sensum esse detorqueunda in favorem pupillaris substitutionis, & ex conjectura pietatis paternæ. Altera substitutio, quæ proponitur in secunda legis parte similiter facta in primum casum sub eadem conditione, *si filius meus, & uxor mea hæres non erunt*. Videbatur idem omnino respondendum: hoc est, in hac etiam substitutione contineri tacite pupillarem, seu ad pupillarem esse porrigendam in favorem pupillaris substitutionis & ex conjectura paternæ pietatis. Contrarium tamen respondit Alexander Imperator, quia in hac substitutione obstat regula unicæ determinationis, quæ impedit, quominus substitutio vulgaris ad pupillarem porrigatur *d. l. quamvis in fine*. Ergo hæc regula potentior est alia regula, quæ semper, & ubique obinet in jure nostro, quod verba accipienda sunt, & interpretanda secundum propriam significationem. Imò, adeo potentior est, atque illi adeo prævalet, ut si ambæ concurrant, hæc illi præferatur, & hæc obtineat, illa verò excludatur. Nam si testator utatur communi verbo *substitutio*, quod utramque substitutionem æquè comprehendit, receditur à propria hujus verbi significatione, eaque restringitur ad solam vulgarem. Exemplum proponitur in nostra *l. jam hoc jure 4. §. Sed si alter ff. de vulg. & pupill. substit.* Hæc uberius exposuimus, ut caveant judices, ne ab hac regula facile recedant.

His animadversis efficitur, falsam esse opinionem eorum, qui putant levem esse conjecturam, quæ ex hac regula delucitur. An enim levis dici potest conjectura, quæ deducitur ex regula, quam Alexander Imperator ait & prudentium sententiis & Divorum parentum suorum auctoritate fuisse approbatam? Quam idem Imperator affirmat esse manifestam in *l. 4. in fin. C. de impub. & al. subst.* Ibi: *manifestum est*. Quam debere servari, & ratio suadet, & divus Marcus con-

stituit; ut responderunt Imperatores Severus, & Antoninus in *l. 2. in fin. C. eod.* Quam non admitti, incongruens esse dixit Modestinus in *l. 4. §. Sed si alter ff. de vulg. & pupill.* Quid? quod ad firmendam hanc regulam tam Imperatores, quam Jurisconsulti veteres recesserunt à constitutione Divi Pii, & Marci & Veri Imperatorum, qui sanxerant patrem impuberi substituentem in utrumque casum substituisse, etiam si in primum tantum casum substituisset *l. 4. in princ. & in §. 1. ff. de vulg.* An levi de causa, non verò manifesta ratione recesserunt? Profectò hæc sine stomacho legi non possunt. Nimirum quidam ex nostris quæslui habentes Jurisprudentiam, ut regulam eluderent, innumeras limitationes inxerunt, quibus alii implicati, cum se ab illis expedire facile non possent, fallacem esse regulam, & levem ex ea deduci probationem sunt arbitrati. Quasi verò manifestæ juris rationi, prudentium responsis, constitutionibus Imperatorum insulæ Doctæ opinioniones sint anteferendx.

Efficitur etiam, falsam esse opinionem eorum, qui putant, à regula uniformis determinationis facile recepti conjectura voluntatis, sicut à proprietate sermonis. Utrumque falsum, & quod facile recedatur à proprietate sermonis, ut probavimus in superioribus: & quod æquali facilitate recedatur etiam ab hac regula, ut modo demonstravimus. Abutuntur, ut id probent, respectu Alexandri Imper. in *l. in testamento in fin. C. de testam. milit.* quod in superiore exposuimus. Nunc quod ad rem attinet, breviter attingamus. Miles filiam suam parvulam, & fratrem suum simul hæres instituerat. Filia, postquam hæres extitit patri, deceluit. Concurrabant ad ejus hereditatem mater, quæ intestatæ filie perebat hereditatem, & frater militis defuncti, qui eandem petebat ex pupillari substitutione. Videbatur hic matri omnino præferendus. Primum quia verbum *substitutio* commune est, & comprehendit æquè utramque substitutionem vulgarem, & pupillarem *l. 4. §. Sed si alter ff. de vulg. & pupill.* Præterea licet, quando substitutio simul facta est pupillo & puberi, comprehendat solam vulgarem ex nostra regula *d. l. 4. & d. l. in testa-*

mentio in princ. & l. *quavis* C. de impub. & al. *substit.* tamen cum miles possit etiam puberi extraneo substituere in secundum casum si *heres erit* d. l. in testamento in fin. multò magis præsumendum est, voluisse substituere filix impuberi ante pubertatem decedenti, quod jure communi, etiam seculo militari privilegio facere potest, & fecisse præsumitur, quoties regula nostra non obstat, nec impedit substitutionem l. 4. ff. de vulg. & d. l. in testamento in princ. C. de testam. milit. Maxime quia favore militiz concessa sunt militibus quamplurima contra omnes juris regulas. Nam quoquo modo licet militi testari l. *Lucius Titius* 40. in princ. ff. de testam. milit. & potest pro parte testatus pro parte intestatus decedere l. 1. & 2. C. de testam. milit. & uno tempore testatus alio intestatus l. 8. C. eod. & potest præterire filium in potestate existentem ejusque præteritio pro exheredatione habetur l. si quem 10. in fin. C. eod. Ergo sit jus civile firmissimas Legum sanctiones, ac regulas insuper habet ad sustinendam militis voluntatem, cur non & regulam nostram uniformis determinationis transcendit, ut sustineatur pupillaris substitutio, quæ solet comprehendì verbo substitutionis? Huc accedit, quod miles fratrem suum prætulit uxori in institutione, ac propterea credendum est, eumdem prætulisse etiam in substitutione. Pari enim affectu prosequitur heredem testator, sive ipsum instituat, sive substituat, cum utroque modo suum ipsi patrimonium largiatur, l. *Pu- blius* 36. §. 1. ff. de condit. & dem. Et hoc adeo exactè servatur, ut eadem partes in substitutione datæ videantur, quas in institutione testator expressit §. & si ex disparibus instit. tit. de vulg. l. si plures 24. ff. de vulg. & pupill. ibi: nisi forte alia mens fuerit testatoris, quod vix credendum est: nisi hoc evidenter expresserit. Vix credendum, quia certa ac firma ratio suadet testatorem pari affectu dilexisse heredem in institutione, atque in substitutione. Hoc amplius: etiam in substitutione testator prætulit fratrem uxori: nam si filia parvula non fuisset heres, non posset dubitari hereditatem ad fratrem

ex vulgari substitutione, exclusa uxore testatoris, esse deferendam. Si ergo fratrem prætulit uxori in substitutione vulgari, cur non & in pupillari, quæ iisdem verbis, eademque dispositione continetur?

Sanè tam Justinianus, quàm Papinianus⁹ maximi momenti esse duxerunt, quod mater data esset coheres filio in l. ult. C. de instit. & substit. & inde ducunt argumentum voluntatis testatoris, quod ipsam noluerit excludere à successione filii, licet ipsi dederit substitutum. Ac vix induci possum, ut assentiar Cujacio, qui putat matrem filio successuram fuisse, etiam si ejus coheres scripta non fuisset, eo quod Papinianus, & Justinianus opinionem Papiniani comprobans non moveatur ea sola ratione, quod testator matrem simul cum filio in parte hereditatis instituerit: sed alia etiam, quod æquum non sit, matrem ex luctuosa filii morte damnum hereditatis sentire. Videretur enim Justinianus ea sola ratione moveri, quod cum testator matrem vocaverit in partem hereditatis, eaque filium privaverit, qui in tota hereditate succederet ab intestato, multò magis voluerit matrem filio morienti succedere, eamque noluerit privare ea parte hereditatis, quam esset ab intestato acquisitura, si pater testamentum non condidisset. Verba legis hæc sunt: *Si enim sua substantia partem uxori dereliquit, multò magis & luctuosam hereditatem ad matrem venire curavit.* Profectò hæc unica ratio est argumenti conclusa, quod ex comparatione ducitur, & primum conclusionis modum dialectici appellant, in qua cum primum assumpseris, consequitur id, quod annexum est: hoc voluit, ergo & illud. Qui hoc vult, & illud velle debuit: vult autem hoc, ergo & illud. Eleganter hæc explicat Cicero in Topic. ad Trebatium. *Hinc aliud argumentum negans è contrariis confici potest: si illud non voluit, neque hoc quidem voluisse censendus est.* Ergo si partem matri non reliquisset, nec eam vocasse ad reliquam partem censetur. Cic. pro C. Rabir. *Si interfici Saturninum nefas fuit: arma sumpta esse contra Saturninum sine scelere non possunt: si av-*

ma jure sumpra concedis, interfectum jure concedas necesse est. En ! aliud à minore ad majus in Orat. in *Q. Caecilium in fin.* Etenim si probabilis est eorum causa, qui injurias suas persequi volunt : qua in re dolori suo, non Reip. commodis serviunt : quanto illa causa honestior, qua non solum probabilis videri, sed etiam grata esse debet, nulla privarim accepta injuria, sociorum atque amicorum Popul. Rom. dolore, atque injuriis commoveri ? Est hoc genus probationis, in qua, daro antecedenti, deducitur consequens, in quo cadebat controversia, & questio versabatur. Ad rem nostram. Sunt præterea in laudata *l. ult. C. de instit. & subst.* observanda verba illa : in hujusmodi casu. Quis est iste casus ? nempe qui initio propositus est, & in controversiam vocatus : cum miles pro parte venrem prægnantem instituit, pro parte suam uxorem. Ergo hic solummodo casus à legillatore deciditur. Er amplius animadvertendum est, Justinianum hic non rescribere ad preces alicujus supplicantis, & de aliquo casu interrogantis : sed ipsum ex se proponere questionem, & rem inter Ulpianum & Papinianum controversam : itaque ejus definitio non potest egredi terminos propositæ questionis, quam ipse persolvit. Neque contrarium est rescriptum Diocletiani, & Maximiani in *l. precibus C. de impub. & al. subst.* Nam ibi proponitur facta substitutio, vel expressè in secundum casum, vel compendio ; hoc est, substitutio, quam nostri vocant compendiosam, quæ utramque substitutionem verbis æquè comprehendit, nec ibi mater erat data cohæres filio. Hic autem casus est valde diversus ; nam mater fuit instituta simul cum filio, & substitutio restricta erat ad solum casum, quo posthumus natus non fuisset : posthumus autem natus erat, & in pupillari ætate decesserat ; ac propterea non extiterat conditio substitutionis. Sed nostri institui non est, has leges diligenter expendere. Itaque ad rem ut tandem redeam, breviter astringam argumentum.

Negari non potest, in toties laud. *l. ult.* tam Papinianum, quàm Justinianum plucimi

fecisse illam circumstantiam, quod mater fuerit instituta hæres cum filio : ac propterea, quod ea nobis suppediet non levem conjecturam voluntatis testatoris, quod eum, quem vocavit ad hæreditatem in institutione, voluerit etiam vocare in substitutione. Neglecta tamen hac conjectura, neglectis pariter aliis, quas suprà conglobavimus, respondit Alexander, fratrem substitutum probare debere, an ita testator sensisset : hoc est, ut ego arbitror, au voluerit uti privilegio militis in substitutione, ad cujus probationem satis esse puto, si probaverit militem jure militari testatum fuisse. Quid ita ? nimirum, quia si hoc non probaverit, corruet regula nostra de unica determinatione, quæ æqualiter omnia debet determinare : nam valeret substitutio quoad personam pupilli, non verò quoad personam fratris, qui cum fuerit hæres, non potest habere substitutum : eo enim adeunte, statim expirat substitutio *l. quamdiu prior. 3. & l. quamdiu 69. ff. de acquir. vel omitt. hered. l. post aditam C. de impub. & al. subst.* Contra secundum hanc Imperatoris constitutionem semper salva manet regula nostra. Etenim, si frater non probet ita sensisse testatorem, valebit, & locum habebit substitutio vulgaris quoad utrumque scilicet, tam quoad pupillum filium, quàm quoad puberem extraneum : si verò probaverit, valebit quoad utrumque similiter utraque substitutio, tam quæ in primum, quàm quæ in secundum casum facta fuit, quia valebit jure militari. Probare autem substitutus debet testatorem jure militari testatum fuisse, ut gaudeat hoc privilegio, quia privilegium nimis abhorret à regulis juris : ut quis possit hæredem facere ei, qui sibi ipsi hæredem facere potest, irem ut fraudi sit legitimis hæredibus quibus hæreditatem adimat. Itaque Paganus hoc modo frustra substituit, adeo ut nequidem rogare possit hæredem suum, ut alium hæredem faciat *l. verbis civilibus 7. ff. de vulg. & pupill. l. ex facto in princ. ff. ad S. C. Trebell.*

Superest altera limitatio Doctorum, quæ, 10 omnis aliis nullo fundamento juris innixis,

est hoc loco distinctiùs explicanda. Limitant igitur hanc regulam, quando eà admittà sequeretur correctio legis: hoc est, quando per eam determinaretur casus contra determinationem ipsius legis. Hoc utique negari non potest: nemo enim cavere potest, ne leges in suo testamento locum habeant: *l. nemo 55. ff. de leg. 1.* & jus publicum privatorum pactis mutari non potest *l. jus publicum ff. de pact.* sed tamen, ut vera à falsis distinguamus, animadvertendum est, quod aut lex aliquid generaliter statuit, & tunc regula in casu, quem determinat, legi derogat: aut lex decernit aliquid specialiter de aliquo casu, & tunc lex derogat huic regulæ. Primum probatur exemplo substitutionis. Lex generaliter constituit, ut substitutio vulgaris trahatur ad pupillarem, & substitutio facta in unum casum, utrumque comprehendat *l. jam hoc jure 4. in princ. & in §. 1. ff. de vulg.* Atqui hoc fuit constitutum divi Marci, & Veri constitutione, *d. l. 1. in princ.* verum si se interponat hæc regula, derogat legis constitutioni, & constitutio locum non habet eo casu, qui à regula comprehenditur, ut in *d. l. 4. §. sed si alter.* Et hoc suprà copiose est explicatum. Secundum verò probatur exemplo, quod proponitur in *l. si ita scriptum fuerit 16. ff. de manum. testam.* Testator ita scripsit: *cum Titius annorum triginta erit, Stichus liber esto: eique hæres meus fundum dato.* Titius antequam ad annum trigessimum perveniret, decessit. Stichus libertas nihilominus debetur impleto tempore, non autem fundus. En! quod illa determinatio testatoris: *cum Titius annorum triginta erit*, non æquè determinat legatum libertatis, & legatum fundi. Idem traditum est in *l. si servus 29. ff. de statu liber.*

Vereor tamen, ne non sit accommodatum hujusmodi exemplum ad probandum id, quod volunt. Dubito enim, an verba illa: *cum Titius annorum triginta erit*, unicam an duplicem determinationem contineant. Etenim verba illa quoad legatum fundi faciunt conditionem, quoad legatum libertatis faciunt diem certum. Itaque duo sunt legata

distincta ac separata, alterum sub conditione, alterum in diem, & utrumque legatum habet distinctam determinationem, licet utraque determinatio iisdem verbis comprehendatur. Scilicet ita res est. Tempus certæ ætatis conditionem facit in testamentis *d. l. si servus 19. ff. de statu lib. d. l. si ita scriptum 16. ff. de man. testam. l. fideicommissaria 23. §. etiam ff. de fideic. lib.* sicut quilibet alius dies incertus *l. dies incertus 74. ff. de cond. & dem. l. talis 30. §. Cui congruit. ff. de leg. 1. l. si ita scriptum 45. §. ult. ff. de leg. 2. l. Caio §. 1. ff. de alim. leg. & passim.* In contractibus verò, licet dies omnino incertus, hoc est, is, de quo certum non est, an sit exiturus, conditionem faciat *l. quodcumque 45. §. non solum ff. de P. O.* tamen tempus, quod certo est exiturum, conditionem non facit *l. nam si 17. ff. de condit. in d. l. si pupillus §. 1. ff. de novat.* Rursus tempus certæ ætatis licet conditionem faciat in cæteris omnibus legatis, tamen neque in legato libertatis, neque in legato alimentorum conditionem facit: in his continet solummodo diem, non autem conditionem. De legato libertatis in *l. fideicommissaria 23. §. etiam in l. Thais §. libertatem ff. de fideicom. libert. & in d. l. si ita scriptum, & in d. l. si servus.* De alimentis verò traditum est in *l. libertatis §. ab heredibus & l. Caio §. 1. ff. de alim. leg. l. 1. C. de leg.* Alia igitur, atque alia est temporis incerti vis, & potestas, & diversa atque distincta pro diversitate dispositionum, quibus adjungitur. Aliter determinat contractus, aliter testamenta: aliter legatum libertatis, & alimentorum, aliter reliqua legata. Quare non est unica hujus temporis determinatio, sed multiplex. Quo fit, ut in objecta *l. si ita scriptum ff. de manum. testam.* non unica sit adjecti temporis determinatio: alia, quæ respicit legatum libertatis: alia, quæ respicit legatum fundi. Quoad legatum libertatis continet diem, quoad legatum fundi conditionem. Non potest igitur utrumque legatum pari modo determinare.

Sed ne videar illis, qui crassiore Minerva 11 solent jus civile tractare, hæc nimis plus

subtiliter perferutari, illuc redeo, unde discessi, fateorque regulam nostram locum habere non posse, ubi se lex interponit, eamque excludit, quia lex omnibus regulis prævalet, & ipsa sola dominatur. Quamquam non facile est invenire casus, in quibus ab hac regula recedatur. In his autem, si qui sunt, non regulæ defectus in causa est, cur ea non obtineat, sed legis auctoritas. Sit quantumvis perspicax, & acuta oculorum acies, nihil tamen ultra murum, aut montem oppositum pervidebit. Non, quod hebes sit & obtusa acies, nil perspicit, sed quod murus atque mons se opponit, qui visum impediunt, & ultra penetrare non sinunt. Eadem prorsus est ratio rei impossibilis. Si hæc regula incurrit in aliquid impossibile ex dispositione testatoris, utique frangitur, & viribus enervatur, quia impossibilium nulla est obligatio l. *impossibilium* 85. ff. de reg. jur. si ferri acies impingat in adamantem, hebetatur, & obtunditur. Est ipsa quidem ad cædendum aptissima, sed retorquet ictum durities adamantis, qui cædi non potest. Nec solum determinatio non æquæ determinat possibile, & impossibile, sed impossibile ne determinat quidem ullo modo. Nam quæ fieri non possunt, nec determinari quidem possunt. Impossibilia autem sunt non solum ea, quæ natura sua ejusmodi sunt, sed quæ facta lædunt pietatem, existimationem, venerationem nostram, & ut generaliter dixerim, contra bonos mores sunt, nec facere non posse existimandum. Ita piæ ac religiosæ scriptis Papinianus in l. *Filius qui* 15. ff. de cond. instis. Quamobrem ea quæ sunt contra bonos mores, contra leges, contra edicta Imperatorum, aut à Prætoribus improbatæ, pro non scriptis habentur l. *conditiones* 4. ff. cod. Hinc respondit Paulus in l. *si Titio & ei* 7. ff. de leg. 2. *Si Titio & ei, qui capere non potest, decem legata sunt, quia duobus hæres dare damnatus est, & unus capere non potest, quinque sola debentur.* Non deficit hic determinatio, sed determinabile. Determinatio quidem æquæ utrumque determinat, eum utrique quinque tribuat: sed deficit unum ex determinabilibus: & non

deficit, quia legatum repudiaverit, sed quia incapax est, & pro nullo habetur, & quod ei datum est, pro non scripto habetur: adeoque remanet penes hæredem, non accrescit Titio.

CAPUT XVIII.

Ad L. ille 25. §. 1. ff. de leg. 3.

SUMMARIUM.

- 1 Officium Jcti in interpretatione quæ Legum, quæ hominis dispositionum, axime consistit.
- 2 Scripti & voluntatis discrepancia. Verborum intolligentia maxime necessaria. Eam veteres Jcti excolebant.
- 3 A scripto non recedendum, nisi ex manifesta scribentis voluntate probatur n. 4.
- 5 Perspicuum ea de re Modestini responsum in l. si alii 19. ff. de usufr. leg. consiliaur eum Ulpiano in l. & puto 10. §. Julianus ff. fam. ereiso. & n. 6. 7.
- 7 Specialis ratio ex quibus usufructus non communicatur in casu l. & puto ff. fam. ereiso.
- 8 Servitii ac Tuberonis veteris hoc de re diffiduum. Servitii sententia accessit Celsus & C. Aquilius & n. 9.
- 10 Etiam in contrahibus scriptum sententia preferendum.
- 11 Voluntas maxime spectanda quia potentior verbis: probatur auctoritate, & n. 12.
- 13 Tit. C. plus val. quod ag. quam quod simul concip. perperam ad hoc allegatur.
- 14 Idem procedit in contrahibus.
- 15 Si scriptum non sit, vel sit ambiguum, spectatur voluntas, si non appareat, secundum jus respondendum est.

Officium munusque Jurisconsulti torum in recta interpretatione est occupatum. Qui recte leges, atque hominum dispositiones interpretatur, & explanat, optimus est judex, optimus Jurisconsultus: qui perperam, ac perversè, pessimus. Leges semper eadem sunt, nec mutantur in dies, earumque interpretationis tot clarissimorum viro- rum studio eluebratæ, industria elaboratæ, ingenio perfectæ fuerunt, ut vix quicquam addi posse videatur. Hominum vero dispositiones variæ sunt, & semper diversæ, & in omnes partes longè, lateque diffusæ: numquam eadem voluntas, numquam isdem

verbis explicata : quo magis elaborandum est, ut eorum mentem assequamur, idque est perdifficile & confragosum. Nihil enim est obscurius voluntate hominum, ut rectè monuit Cicero. Nihil autem hac in re frequentius disputatur, quàm de scripto, & 2 sententia. Ita docet Quintilianus *Instit. orat. lib. 7. cap. 6. Scripti, & voluntatis frequentissima questio est, & pars magna controversi juris hinc pendet*: Nostri tamen de verborum significatione non valde solliciti sunt: Forum enim assidue reboat vocibus Jurisconsultorum ineptè clamantium, non verba, sed voluntatem spectandam esse: adeo ut quidam magni nominis iudex apprime doctus in hoc scurriliter & putide nugetur: *nec Cruscha, nec crusta verborum inhaerendum esse*, quasi ludibrio habeat Academiam totius Europæ celeberrimam, & promptuarium Etruscarum vocum ab ea editum. Nimirum idem in explicatione cuiusdam vocis Italice huic præfert Calepinum. O superi, o manes! Quis calum terris non miscat, & mare cælo? sanè veteres Jurisconsulti, qui jus nostrum civile fundant, non idem sentiebant. Scriptis Ælius Gallus libros duos de verborum, quæ ad jus pertinent, significatione. Scriptis & Servius: scripserunt & alii, quos 3 prætermitto. Itaque verborum intelligentia est maximè necessaria, & à scripto recedendum non est, nisi manifestè appareat voluntas contraria scribentis *l. non aliter 69. ff. de leg. 3.* Quoniam vero, ut Cic. ait in *Topic.* circa finem sunt tria genera, quæ controversiam in omni scripto facere possunt: ambiguum; discrepantia scripti & voluntatis, & scripta contraria: nos de scripto, & voluntate primo loco disceptabimus: hæc enim disceptatio potissima est, & alias commodè præcedet.

4 Quod à scripto non sit recedendum, cum perspicuum est, nec admittenda voluntatis questio, traditum est apertè in *l. ille, aut ille 25. §. 1. ff. de leg. 3. Cum in verbis nulla est ambiguitas, non est admittenda voluntatis questio.*

Idem traditum in *l. 4. vers. quod si quis ff. de leg. 1. Quod si quis, cum vellet vestem*

legare, supellectilem adscripsit, dum putat supellectilis appellatione vestem contineri, Pomponius scripsit *vestem non deberi*: quemadmodum si quis putet auri appellatione electrum, vel orichalcum contineri: vel quod est stultius, vestis appellatione etiam argentum contineri. Rerum enim vocabula immutabilia sunt: hominum mutabilia. Rectè. Nostri enim destinatione fundorum nomina, & domus, non natura constituuntur *l. quod in rerum 24. §. quod si ff. de leg. 1.* & ideo mutari possunt *d. l. quod. in rerum 24. §. si quis post & §. seq.* vocabula autem, quæ à principio fuerunt impolita, & diuturno usu totius populi comprobata, non potest quilibet pro arbitrio suo mutare, & à communi usu, & significatione recedere.

Id ipsum respondit Ulpianus in *l. quoties 9. §. 1. ff. de hered. instit. Et si in re quis erraverit, ut putà vult lancem relinquere, vestem leges, neutrum debebitur. Hoc si ipse scripsit, siue scribendum dilaverit.*

Accedit auctoritas Modestini, qui hæc de re ita dilucidè, atque enucleatè scripsit in *l. si alii 19. ff. de usufr. leg. Si alii fundum, alii usufructum ejusdem fundi testator legaverit: si eo proposito fecit, ut alter nudam proprietatem haberet, errore labitur. Nam detracto usufructu proprietatem cum legare oportet eo modo: Titio fundum detracto usufructu lego, Scio ejusdem fundi usufructum hæres dato: quod nisi fecerit, usufructus inter eos communicabitur, quod interdum plus valet scriptura, quàm peractum sit. Interdum videlicet cum id, quod scriptum est, ambiguum non est.*

Carpunt quidam viri docti hoc Modestini responsum: sed immeritò, quantum arbitrari possum. Etenim certum est fundi appellatione contineri etiam usufructum *l. enim qui ita stipulatus 56. §. si ita stipulatus, & l. qui usufructum 58. ff. de V. O. l. 6. ff. de usufr. ear. rer. l. si Titio 10. ff. de usufr. leg.* adeo ut fundus dari non intelligatur, si usufructus detrahitur *d. l. qui usufructum 58. ff. de V. O.* Quotiescumque autem non ambigitur, quin vocabulum, quo usus est testator, aliquod comprehendat, aut non comprehendat,

comprehendat, qualicumque fuerit mens, & voluntas testatoris, à scripto non est recedendum *l. Labeo 7. §. Servius in princ. ff. de sup. leg.*

6 Sed opponitur Ulpianus in *l. & puto §. Julianus ff. fam. ercisc. Julianus ait, si alii fundum, alii usufructum fundi iudex adjudicaverit, non communicari usufructum.*

Debitari non potest, hoc singulari ratione scriptum fuisse à Juliano de sententia Judicis in judicio familiae erciscundae. Nam idem Julianus contra respondit tam in legatis, quam in stipulationibus. In legatis usufructum communicari dixit Julianus in *l. si Titio 10. ff. de usufr. leg. & in l. si tibi decem 6. ff. de usufr. ear. rer.* In stipulationibus idem affirmavit in *l. eum qui ita stipulatus §. 6. §. si à te stipulatus ff. de V. O.* Hoc igitur pro certo habuit Julianus tam in contrahentibus quam in legatis, usufructum esse communicandum. Contra in sententia iudicis non debere communicari. Quid ita? Nempe in sententia iudicis interpretanda mentem iudicis, ejusque voluntatem spectare oportet, non verba, non scriptum: ne si ab ejus voluntate recedamus, injustè eum judicasse contra ejus propositum & voluntatem dicere coeamur. Iudex datur, ut inter litigantes iusta decernat. Si contra ejus voluntatem sententiam interpretamur, eum vel invitum injustè decernere compellimus. Lædatur iustitia, ad quam tuendam iudices sunt constituti. Læditur honor, virtusque & existimatio iudicis innocentis. Læduntur litigantes, qui rem suam amittunt & fraudantur spe, & expectatione, quam de iudicis iustitia & xquitate conceperant. Iudicia omnia pervertuntur, sine quibus, nec domus ulla, nec civitas stare, & conservari potest. Contrahentes & testatores pro arbitrio de rebus suis disponere possunt: nec sunt adstricti legibus, quæ plenissimam eis facultatem tribuunt disponendi *l. verbis legis 120. ff. de V. S. anth. de Nupt. §. disponat.* Neque iustitiam, aut leges labefactum, si hoc, vel illo modo contrahant, si huic potius quàm illi res suas relinquant: adeoque suæ infei-

tis, vel oscitantis imputare debent, si aliud voluerunt.

Priore observandum est, quod in laudata *l. & puto §. 1. ff. tam. ercisc.* multa concurrunt, qui non possit aliter accipi sententia iudicis. Concurrit votum & intentio litigantium, qui volunt à communione discedere, ac propterea agunt actione familie erciscundae: maximè in specie ab Ulpiano in ea lege proposita quod heredes vellet à communione usufructus discedere, ut proponitur ibi in *princ. Legis.* Concurrit propositum & voluntas iudicis, imò necessitas ipsi à Lege imposita, cum debeat, & secundum naturam actionis, & juxta petitionem litigantium ferre sententiam §. *Si familia instit. tit. de offic. iud. l. 1. in princ. ff. fam. ercisc.* Concurrit & propria actionis natura, quæ ad tollendam, non ad inducendam communionem est instituta *d. §. si familia.*

Sed jam à diverticulo controversia suscepta repetatur. Hac de re disputat in utramque partem Celsus in *l. Labeo 7. §. Servius ff. de supell. leg.* Primum refert Servii sententiam existimantis, non ex opinionibus singulorum, sed ex communi usu nomina exaudiri debere. Deinceps refert opinionem Tiberonis contra sententis: nam quousum nomina, nisi ut demonstrarent voluntatem dicentis? adeoque nemo existimandus est dixisse, quod non mente agitaverit: Tandem Servii sententiam probat his verbis. *Sed etsi magnopere me Tiberonis & ratio, & auctoritas movet, non tamen à Servio dissentio: non videri quemquam dixisse cujus non suo nomine usus sit; nam etsi prior, atque potentior est quàm vox, mens dicentis, tamen nemo sine voce dixisse existimatur, & reliqua quæ sequuntur.*

Idem prorsus sensisse C. Aquilium testatur Cicero in oratione pro A. Cæcinnâ, n. 29. ed. 1695. Amstelodami, cui omnino credendum est, quia Aquilii sententia pro adversario faciebat: eam tamen refert, non tamen probat, cum contrarium in ea causa defenderet. Narrat igitur Aquilium dixisse, non posse probari quemquam esse dejectum,

kkk

nisi ex eo loco, in quo fuisset (agebatur enim in ea causa de interdicto unde vi). *Rem & sententiam interdixi mecum facere fatebatur, verbo me exclamari dicebat: à verbo autem posse recedi non arbitrabatur.* In ea causa una tantum literula controversiam faciebat. Abutius enim fatebatur quidem se à fundo Cæcinnam eiecisse: negabat autem se deiecisse de fundo: quoniam hominibus armatis prohibuerat cum ingredi fundum, non autem in fundo morantem ex eo deiecerat: ac propterea se non teneri interdicto, quod dejectum restitui juber, non ejectum. Igitur C. Aquilius maximus cā ætate Jurisconsultus fatebatur rem & sententiam interdicti cum Cæcinnam facere, sed à verbo recedi non oportere: adeo erat alligatus verbis, & scripto: idque voluntati, & sententiæ præferebat.

- 10 Ac ne quis putet, scriptum sententiæ præferendum esse solum in ultimis voluntatibus, non autem in contrariis, Celsus in *l. non est ferendus 2. ff. de trans. l. idem* statuit in transactione. *Non est ferendus*, ait, *qui generaliter in his, quæ ei testamento relicta sunt, transegerit: si postea causæ de eo solo cogitasse, quod prima testamenti parte: ac non etiam quod posteriore legatum sit.* Non est ferendus, inquit; igitur iudex hujusmodi quæstionem voluntatis debet repudiare, & secundum scriptum pronunciare.

Idem Celsus in *l. quicquid adstringenda 99. in princ. ff. de l. O. Quicquid adstringenda obligationis est, nisi palam verbis exprimitur, omnium intelligendum est &c.* Nec rursus promissor ferendus est, si ejus intererit de certis potius vasis fortè, aut hominibus actum. Utrumque comprehendit Celsus; & stipulatorem, & promissorem; neuter à verbis recedere debet obtentu contrariæ voluntatis.

- 11 Quamvis hæc perspicua ac certa videantur; tamen contraria sententia, quæ voluntatem verbis anteponit cum ratione, tum multarum legum nixitur auctoritate. Ratione; quia ab hominibus, ut ait Horatius, inventa sunt verba, quibus voces, sensusque notarent & verba voluntati famulantur,

quæ si posset sine verbis intelligi, cognoscique, verba essent omnino supervacanea. Rursum Cic. pro A. Cæcin. *Voluntas, quæ si tacitis nobis intelligi posset, ut demonstrant voluntatem dicentis. l. Labeo 7. §. Servius ff. de supell. leg.* Quamobrem prior est ac potentior, quæm vox, mens dicentis, ut ibi faceret Servius, contrariæ sententiæ assertor. Est igitur calumniatoris officium, verba, & literas sequi, & negligere voluntatem. Cornific. ad Heren. lib. 2. *Neque enim tantopere laboremus in exploranda verborum significatione, nisi ut mentem scribentis assequamur.* Eodem tendunt omnia argumenta, omnes conjecturæ, quibus utimur in causis agendis.

Rationi accedit plurimarum legum auctoritas. Paulus in *l. qui quartam 15. ff. de leg. 1. Qui quartam partem bonorum legare voluit, dimidiam scripsit: Proculus res illæ aut posse defendi, quartam partem legatam, quia inesse dimidia. Idem erit etsi quinquaginta voluit legare, & centum scripta sint: quinquaginta enim debentur. Sed etsi plus legare voluit, & minus scripsit, valebit legatum.* Hujus rei elegantissimum offert exemplum Quintilian. *insti. orat. lib. 7. c. 6. Qui sesterium nummum quinque millia legaverat: cum emendaret testamentum, sublati sesteris nummis, argenti pondo posuit, quinque millia remanserunt: apparuit tamen quinque pondo dari voluisse, quia ille in argenteo legato modus inauditus erat, & incredibilis.*

Ulpianus in *l. librorum 52. §. quod tamen Cassius ff. de leg. 3. Quod tamen Cassius de membranæ parvis scripsit, verum est; nam nec chartæ pura debentur litris legatis, nec chartæ legatis libri debebuntur, nisi fortè & his nos inseris voluntas.* Modestinus in *l. cum quidam 8. ff. de supell. leg.* respondet, *si quid in supellectili argentum est, deberi: speciale autem, vel potius argentum non deberi, nisi hoc quoque testatorem sensisse legatarius doceat.* In *l. quisquis 95. ff. de leg. 3.*

Voluntatem præterea defuncti, quæ maxime in fideicommissis valeret ei sententia suffragari. In l. cum virum C. de fideic. Sane quoniam in fideicommissis voluntas magis, quàm verba plerumque inveniunda est. In l. cum de Ianionis 18. §. item caccabos ff. de inst. vel instrum. leg. Optimum ergo e. Pedius ait non propriam verborum significationem scrutari, sed in primis quid testator demonstrare voluerit.

Ulpianus in l. si quis vinum 9. in princ. ff. de trit. vin. & ol. leg. Si mulsu sit factum vini appellatione non cominebitur proprie, nisi forte paterfam. etiam de hoc sensit. Certè zythum, quod in quibusdam provinciis ex tritico, vel hordeo, vel pane conficitur, non continebitur &c. Sublit post aliarum potionum numerationem, quæ vini appellatione non continentur: nisi alia mens testatoris fuit. Sed hanc legem meminisse me alias luculenter exposuissè.

Multò clarius id probatur auctoritate Hadriani Imperatoris, cujus constitutionem refert Pomponius in l. Divus 22. in princ. ff. de usu, & habitatione. Ibi: Divus Hadrianus, cum quibusdam usus sylva legatus esset, statuit fructum quoque eis legatum videri, quia nisi liceret legatariis cadere sylvam, & vendere, quemadmodum usufructuariis licet, nihil habituri essent ex eo legato. Nimirum legata erat sylva cædua, cujus nullus usus, nisi cædi posset.

Magis urget Pomponii dictum in l. Proculus 19. ff. de usufr. qui putat insulam ita legari posse. Alium mearum, quoad altius, uti nunc sunt, ælificate sint, illi usufructum do, lego. Testator legat usufructum insulæ, & legato continetur ipsa insula. Longè differunt fundus seu insula ab usufructu, adeo ut si testator fundum leget, cum nolit legare usufructum, nihilominus usufructus legato contineatur l. si alii 19. ff. de usufr. leg. ergo & si leget usufructum, cum voluerit legare insulam, debebitur usufructus, quem legavit, non insula, quam non legavit. Si legato fundo non debetur sola proprietas, etiamsi id senserit testator, nec legato usufructu debetur proprietas, etiamsi testator voluerit legare proprietatem.

tem: si quidem neglecta voluntate, verborum vim tantummodo credimus inspicendam.

Idem Pomponius in l. inter vestem 33. ff. de aur. & arg. leg. Difficultatem facit mens legantis si & ipse solitus fuerit uti quadam veste, quæ etiam mulieribus conveniens est. Itaque ante omnia dicendum est eam legatam esse, de qua testator senserit, non quæ vera, aut muliebri, aut virili sit. Nam & Quintus Mucius ait scire se quemdam Senatorem muliebribus canatoriis uti solitum, qui si legaret muliebrem vestem, non videretur de ea sensisse, quæ ipse quasi virili utebatur.

Imperator Justinianus in l. 3. C. de liber. præter. Cum enim manifestissimus est sensus testatoris, verborum interpretatio nusquam tantum valeat, ut melior sensu existat. Clariùs definiri non poterat id quod querimus.

Facit etiam pro hac sententia Ulpianus in l. cogi 16. ff. ad Sc. Trebell. nec non Hermogenianus, & Paulus in duabus Legibus antecedentibus, in quibus omnes communi consensu statuunt, hæredem cogi restituere hereditatem, non solum si hereditatem restituere rogatus sit, sed etiam si familiam, si pecuniam, si universam rem suam, si omnia sua, si patrimonium, si facultates, si quicquid habet, si censum suum, si fortunas suas, si substantiam suam, si peculium suum restituere rogaverit testator, nisi probetur, eum aliter sensisse: in ambiguo enim de successione sensisse statuit Ulpianus. Igitur quamvis verba notent res ab hereditate longè diversas, tamen si illis hereditatem voluit significare testator, verborum significationem posthabemus, & quod magis est, neglecta verborum significatione, ita testatorem voluisse præsumimus.

Quidam efferunt ad hoc probandum totum titulum Codicis: plus valere quod agitur, quam quod simulatè concepiuntur: & ex eo titulo allegant l. 1. 2. 3. 4. in quibus habetur in quod actum est, valet, non quod scriptum. Non rectè, ut mea fert

Kkk ij

sententia. Nam ille titulus tam alienus est à nostra quæstione, quàm quod maximè. Ibi enim pertractatur de illis, qui aliud agunt, aliud se agere simulant. Hi fingunt, non ex animo agunt. Quod vetè & ex animo egerunt, non quod finxerunt, valere oportet. Fictio cedat veritati necesse est: ac propterea etiam scriptura rei gestæ cedat oportet. Nam illi veritatem & rem gestam celare sategerunt, rem simulatam in scripturam redegetunt, ut incautis, reique gestæ & conventionis inter eos initæ ignavis imponerent: ut constet ex laudatis Legibus.

- 14 Quæ in ultimis voluntatibus, eadem & in contractibus sunt constituta. In his semper id, quod actum est, queritur, nempe quid senserint contrahentes, cum inter se contrahendo conveniunt. In l. quod Celsus 6. §. 1. ff. de contr. empt. In emptis enim, & venditis, potius id quod actum, quàm id, quod dictum sit, sequendum est. In l. ult. ff. de hered. vel act. vend. Imo semper queritur in ea re, quod actum fuerit. In l. fistulas 78. in princ. ff. de contr. empt. Apparere id actum esse, ut id quoque accederet, licet scriptura non continetur. l. cum manu sua 80. §. silva ff. eodem. Servium respondisse, primum sequendum esse, quod appareret actum esse. In l. dotis 7. §. si ususfructus ff. de jur. dot. Celsus libro decimo digestorum ait interesse, quid acti sit, & si non appareat, aliud actum, putare se &c. Similia exempla sunt in l. qui ususfructum 36. §. Si stipulatus ff. de usufr. in l. 2. §. 1. ff. de hered. vel act. vend. in l. id quod 7. ff. de pericul. & comm. rei vend. in l. In lege 77. ff. de contr. empt.

- 15 Animadvertendum tamen est, quod in laudatis Legibus scriptum non repugnabat voluntati contrahentium, adeoque non erat controversia, scriptone, an voluntate standum esset. Aut enim nihil erat dictum à contrahentibus de re controversa, & tunc utique spectanda est voluntas contrahentium: aut si non appareat, secundum jus est respondendum, ut sit in plerisque superiorum Legum. Aut verba erant ambigua,

& tunc semper ad voluntatem contrahentium traducenda sunt l. in ambiguis 96. l. in obscuris 114. ff. de reg. jur. l. ubi est verborum 21. ff. de reb. dub.

CAPUT XIX.

Ad eandem L.

SUMMARIUM.

- 1 In voluntate ambigua verbum claris interpretandum. Voluntas quando sit ambigua.
- 2 Non potest haberi ratio ejus, quod quis vult, nisi id dixerit.
- 3 A scripte recedere ex consensu valde periculosum, & prope insitum n. 4.
- 4 In voluntate manifesta, verbis standum non est, nisi perspicua sint.
- 5 Exemplum voluntatis manifesta & verborum ambiguum in l. liberum. §. quod tamen Cassius ff. de leg. 3. & in l. Divus ff. de us. & habit. n. 7.
- 6 Plura ambigui genera.
- 7 In iis, quibus vocabula hominum arbitrio indita sunt, usum & voluntatem disponens sequimur.
- 8 Conciliatur l. Libes 7. §. Servius. ff. de supellest. leg. cum l. 8. ff. eod.
- 9 Explicatur l. Proculus 19. ff. de usufr.
- 10 Si plus dictum, minus scriptum sit, attenditur potius dictum, quàm scriptum. Afferunt exempla n. 11 14.
- 11 Sed si quod minus scriptum est, pertineat ad substantium dispositionis, hoc attenditur: & si dispositio d'faciat, neutrum attenditur.
- 12 In fideicommissis spectatur potius voluntas, quàm verbum.
- 13 Et in conditionibus.

Expositis argumentis in utramque partem, modò superest disquirendum, quæ sententia tenenda sit, quæque sit maximè consentanea veritati. Ego, si quid hac in re possum arbitrari, sic statuo.

Prima sit regula. Quoties verba clara sunt, & voluntas ambigua: verbis est inhereandum, nec voluntas in disquisitionem vocanda. Ec hoc est, quod ait Paulus in l. ille aut ille 25. ff. de leg. 3. Quum in verbis nulla ambiguitas est, non debet admitti voluntatis questio. Utinam hoc nostri judices observarent, quantum multitudo litium minueretur: quos.

controverſæ facillimè diſcimerentur? Hinc ſeges uberrima cavillationum, diſceptationum, contentionum forenſium, quæ in infinitum progrediuntur, quæ non ſolùm emungunt, ſed etiam exollant miſeros litigantes. Gravis morbus, & in dies ingraveſcens: nulla enim poteſt adhiberi medicina, quia maximum in foro verſantibus aſſect emolumentum. Cùm dixi voluntatem ambiguum, non id volui dicere, ſcripto inhzrendum ſolummodo, cùm incerta eſt, & obſcura voluntas: ſed etiam quancumque non eſt manifeſta, nec adeo perſpicua, ſicut ipſa verba. Et hoc eſt, quod rectè præcipit Marcellus in l. non aliter 63. ff. de leg. 3. *Non aliter à ſignificatione verborum recedi oportet, quam cum manifeſtum eſt aliud ſenſiſſe teſtatores.* Ut à verbis recedatur, non ſufficit, ut de voluntate poſſit diſputari, ſed oportet eam eſſe manifeſtam. Si manifeſta non ſit, ſi levis conjeſturis nitatur, non eſt audiendus, qui verba cavillatur, & rem perſpicuam vocat in diſceptationem: non eſt admittenda voluntatis quæſtio. Et huc pertinent l. 4. in princ. ff. de leg. 1. l. Labeo 7. §. 1. ff. de ſupell. leg. l. ſi alii 19. ff. de uſufr. leg. l. non eſt ſerendus ff. de tranſact. & aliz, quas ad probandam primam opinionem expoſuimus in ſuperior. Eleganter Cicero de invent. *Nihil eos, qui judicant, niſi id, quod ſcriptum ſit, ſpectare oportere:* & hoc eo magis, ſi legitimum ſcriptum proferatur, id eſt, aut lex ipſa, aut ex lege aliquid. Hujus autem multiplex eſt ratio. Prima, &que poſſiſſima, quia non ſufficit teſtatores voluiſſe aliquid, niſi hoc in teſtamento dixerit l. quidam 46. ff. de hared. inſtit. Igitur nulla poteſt haberi ratio voluntatis, quoties aliud dixit in teſtamento: etiamſi enim aliud voluerit, tamen cùm id non dixerit, quia id verba non ſignificant, quo ad id, quod voluit, deſicit diſpoſitio l. 3. ff. de rebus dub. l. Labeo 7. in fin. ff. de ſupell. leg. ac propterea voluntas illa in mente retenta nullum habet effectum.

Altera, quia valde periculoſum eſt, à ſcripto recedere. Plerumque enim nec id

quod ſcriptum eſt, ſequimur, nec id, quod voluit teſtator. Conjeſturæ enim admodum fallaces ſunt, &que numquam venerunt in mentem teſtatori. Itaque cùm volumus mentem retruſam teſtatoris indagare, ab ea quam longiſſimè recedimus. Optimè Cornif. ad Heron. lib. 2. *Deinde oſtenditur, quàm periculoſum ſit à ſcripto recedere.* Cic. de Clar. orat. *Quam captioſum eſſet populo, quod ſcriptum eſſet, negligi, & opinione quari voluntates, & interpretatione diſertorum, ſcripta ſimplicium hominum pervertere.* Pervertunt ſcilicet voluntates deſunctorum, cùm verba quæ certa ſunt atque perſpicua, repudiant: voluntatem, quæ dubia eſt, & in occulto latet, conſectantur. Incerta certis, obſcura perſpiciis anteponunt. Sapienter M. Tullius in partiis. *Cur, cùm ea qua planè ſcripta ſint, neglexit; qua numquam ſcripta ſint, proferat.* Nimirum ex judicibus conjeſtores, & vaticinatores ſunt alienæ voluntatis: quo fit, ut ſæpenumero, quo diligentius odorari curant, quid teſtator voluerit, cò longius aberrant ab ejus voluntate.

Adjungitur tertia ratio: quia id prope infinitum, nullisque reſtrictio legibus imperium tribuit pro ſuo arbitrio judicandi, ut animadvertit Cic. de invent. lib. 2. n. 18. *ed. Gotbofr. Eos, qui judicent, certum, quod ſequantur, nihil habebunt, ſi ſemel à ſcripto recedere conſueverint.* At verò, quod ſarà deplorandum eſt, non ſolùm jamdiu conſueverunt, ſed etiam omnes ſere cauſas, ad conjeſturales redegerunt: adeoque nullis vinculis in judicando cœrentur. Conjeſturas enim quilibet tanti æſtimat, quanti placuerit: plena enim ſunt omnia diſputationibus Jurifconſultorum de ſingulis conjeſturis acerrimè diſceptantium, leveſne ſint, & imbecilles, an fortes, ac vehementes; & quàm magnus earum cumulus eſſe debeat, ut animi judicis permovere poſſit, ac ſuadere. Læmenſum eſt conjeſturarum pelagus, in quo enavigando quilibet judex à proprio ingenio proſectam cynoſuram ſpectat, & conſuetur. Sed hæc ratio, quantum conjeſtura poſſum augurari, nullam in animis judicum

habebit vim persuadendi. Itaque ad secundam regulam progrediamur.

- 5 Altera regula sit. Si verba non sint perspicua, nec unam tantum rem significant; sit autem manifestæ voluntas, non verbis, sed voluntate standum est. Traditur hæc à Marcello in *L. non aliter* 69. in *princ. ff. de leg. 3.* Non aliter a significatione verborum recedendum est, quam cum manifestum est aliud scripsisse testatorem. Requirit JC. manifestam voluntatem testatoris, ut possimus recedere à significatione verborum. Manifestissimam requirit Imperator noster in *L. 3. C. de liber. prater.* Cum enim manifestissimus est sensus testatoris, verborum interpretatio nusquam tantum valeat, ut melior sensus existat. Animadvertendum autem est, hic verba exheredationis non fuisse usque adeo clara, ut non indigerent interpretatione: quoties igitur necessaria est in verbis interpretatione, & manifestissimus est sensus testatoris, hic præferendus est verbis. Præterquam quod in specie hujus Legis sensus testatoris apparebat ex ipsis verbis: licet enim testator perspicue non dixisset: *Filius meus exheres esto*: quæ sunt propria exheredationis verba *L. 2. ff. de liber. & post.* sed tamen usus fuit verbis, idem significantibus: *Filius meus alienus mea substantia fiat*: nam & substantiæ nomen significat hæreditatem *L. cogi in princ. ff. ad SC. Trebell.* à qua ipsum manifestè repellit testator illis verbis *alienus fiat*, quibus ab eo alienat hæreditatem, hoc est, exheredat. Quamobrem non solum hic verba non pugnant cum voluntate, sed imo ex ipsis verbis colligitur manifesta testatoris voluntas.

- 6 His probè constitutis, facillè explicantur Leges, quæ pro voluntate contra scriptum proferuntur in quibus semper ambigua verba proponuntur. In *l. librorum* 52. §. *quod tamen Cassius ff. de leg. 3.* Licet enim legatis libris membræ pura & charta pura non contineantur, nec legatis chartis libri debeantur, tamen cum in usu librorum plerique chartas appellant. Dicto §. *quod tamen Cassius*, hoc efficiunt, ut verba illa sint ambigua, adeoque voluntati standum sit. Observa autem ver-

ba quibus utitur Jurisconsultus: *nisi forte & hic nos urseris voluntas*: urgentem & claram voluntatem desiderat: veluti si chartas universas reliquerit, qui nihil aliud quàm libros habebat, Studiosus Studiofo. Illud etiam velim observes, quod ei non sufficit quorundam usus, sed desiderat usum plerorumque. Vide quàm multa requirit, ut à propria verborum significatione recedat. Planè verissimum est, quod à plerisque libri vocantur chartæ. Catull. *ad Mam.* 69. *Sed dicam vobis, vos porro dicite multis Millibus, & facite hac charta loquatur annus.* Indicat suum libellum, de quo dixerat in *ep. 1.* *Plui uno maneat perenne seculo.* Id. *de historia Cornelii Nepotis*, ejusque breviloquentia eod. *ep. 1.* *Jam tum, cum ausus es unni Italorum omne ævum tribus explere chartis doctis, Juppiter, & laboriosis.* Virg. *ad Mefsal.* *Natura rerum magnis intexere chartis.* Cic. *pro M. Calio.* Chartæ quoque, quæ illam præstinam severitatem continebant, observaverunt. Loquitur de libris Philosophorum. Et Ovidius 3. *de Tristib. eleg. 2.* *Nullus in hac charta versus amare docet,* & Persius quoque dixit *Satyr. 5.* *nocturnis impallescere chartis.* Et qui tem rectè Etenim ut refert Plinius *lib. 3. cap. 11.* Veteres primùm in foliis arborum & palmarum scribere, quo pertinet illud Virgilii *Æneid. 6.* *foliis ne carmina manda.* Deinde in quarumdam arborum libris: demum conditâ Alexandria usus chartæ inventus, quæ ex papyro Ægyptiaca conficiebatur. Itaque liber ex corticibus arborum, charta ex papyro. Cum autem tam in libro quàm in charta scriberetur, & idem prorsus esset utriusque usus, non mirum si chartæ pro libris, & libri pro chartis acciperentur. Est igitur utraque vox ambigua, atque ea propter voluntati standum est. Nam in ambiguo sermone non utrumque dicimus, sed id tantum quod volumus. *L. 3. in princ. ff. de reb. dub.*

In *l. Divus* 22. *ff. de usu & habit.* uti-7 que cui legatus est usus cædæ, potest eam cædere & vendere, quid quories usus alicujus rei consistit in abusu, potest idem usufructus ac fructuarius *l. 5. §. ult. ff. de*

usufr. ear. rer. ubi ait Ulpianus. Quia in usufructu pecunia diximus, vel ceterarum rerum quae sunt in abusu, eadem & in usu dicenda sunt: nam idem continere usum pecuniae usum fructum, & Julianus scribit & Pomponius libro octavo de stipulationibus. Et in l. quoniam 10. §. 1. ff. de usufr. si usus tantum pecunia legatus sit, quia in hac specie usus appellatione, etiam fructum contineri magis accipiendum est. Eaque ratio est, quia nisi liceret pecuniam expendere & ceteras res, quae usu consumuntur, consumere, nullus esset earum usus sylvæ cædæ, si non liceret legatario eam cædere & vendere, quod aperte nos docet Imperator Hadrianus in ea Lege illis verbis: quia nisi liceret legatariis sylvam cædere & vendere, nihil habituri essent ex eo legato. d. l. Divus 22. ff. de usu & habit.

Atque id eo magis est rationi contentaneum, quod verbum *usus* naturâ suâ generale est, & comprehendit etiam usumfructum. Nam & fructuarius utitur re, in qua usumfructum habet. Quamobrem aliquando usus & ususfructus promiscuè accipiuntur. Cic. in *Topic. in princ. Non debet ea mulier cui vir bonorum suorum usumfructum legavit, cellis vinariis & oleariis plenis relictis, putare id ad se pertinere: usus enim non abusus legatus est.* Lucretius lib. 3. quoque usum dixit vitæ nos habere, licet vita non solum utamur, sed etiam fruamur. *Vitæque mancipio nulli datur, omnibus usu.* Et Cicero in *Tuscul. viam nos utendam ait accepisse. Et de nat. Deor. lib. 2. Quod si cunctis mundi partes ita constituta sunt, ut neque ad usum meliores potuerint esse, neque ad speciem pulchriores, mundi partium non solum habemus usum, sed etiam fructum.* Et 4. in *Verr. Quæ bona is qui testamentum fecit, Lucio Heraclio, antequam esset mortuus, omnia utenda possidenda tradiderat.* Imo quod Ulpianus in l. si habitatio 10. §. 1. ff. de usu & habit. ait, sed si *χρησις* sit relicta, an usus sit, videndum, & Papinianus libro responsorum ait usum esse, non etiam fructum relictum. Contra Cic. lib. 7. *epist. 30. cum Curius ad eum in superiore epistola scripsisset: sum enim χρησις μην tuus ἀνάγει δὲ* Attici nostri, ref-

pondit, *Atticum nostrum cuius quando proprium te esse scribis mancipio & nexu meum autem usu & fructum, contentus isto sum.* *χρησις* interpretatus est, usum, & fructum. Eadem ratione in legibus duodecim tabularum, de quibus idem Cicero pro *Cænin. §. 4. Lex usum & auctoritatem fundi jubet esse biennium.* Quo pertinet illud Horat. in *sermon. 2. lib. 2. Quædam, si credis consulis, mancipat usus.* Hinc à nostris usucapio est appellata, quod usu dominium acquiratur. Verumtamen qui usucapit, non tantum habet usum rei quam usucapit, sed etiam fructum. Quid? quod aliquando nomen usus etiam dominium & proprietatem comprehendit, ut in l. ult. ff. de usufr. ear. rer. quæ usu consum. in l. donationes §. species ff. de donat.

Hic autem opportunè est animadvertendum, plura esse ambigui genera. Ambiguum enim aliquando nascitur ex dispositione verborum: quemadmodum illud est, quod à M. Tullio proponitur in libro 2. de *invent. & à Cornific. lib. 1. Heres meus mea vasorum argenteorum pondo centum, quæ volet, dato: ubi verba illa quæ volet, & ad uxorem & ad hæredem referri possunt. In hoc ambiguo semper voluntati testatoris standum est: neque enim hic voluntas cum scripto pugnat, neque ab eo dissentit: atque idè interpretatione & scriptum voluntati, & voluntas scripto est accommodanda, ut neutrum ab altero dissentiat. Aliquando ambiguum nascitur ex aliquo verbo quod in duas pluresve sententias trahi potest. Et hoc meo iudicio duplex est. Nam aut verbum ambiguum duas habet significationes, & à scriptoribus communiter aut ab usu populari in utraque significatione æquè solet accipi: & in hoc ambiguo solum de voluntate proferentis est querendum. Etenim in hoc quoque non discrepat à scripto voluntas, quia testator id voluit quod verbum significat, licet in alia quoque significatione accipi possit l. in ambiguo ff. de reb. dub. aut verbum secundum propriam significationem, & usum communem certam rem demonstrat, ac designat: sed tamen inspectâ primæ & ejus origine ac significatione, potest plura compre-*

hendere, ut in superioris legis explicatione in verbo *usus* evenire diximus: & tunc, ut verbum illud juxta primævam, ac generalem significationem interpretemur, manifestam, & indubitatam voluntatem testatoris requirimus *l. non aliter 69. ff. de leg. 3.* Discrepat enim à scripto voluntas, aliud verba præ se ferant. Quod si verbum trahi non possit in eam sententiam, quam præ se fert voluntas scribentis, tunc utrique scripto standum est, ut perspicue probant omnes leges, quas pro scripto expendimus in superiore.

- 9 Duas alias leges explicemus. In *l. inter vestem 33. ff. de aur. & a g. leg.* ideo voluntas & usus testatoris attenditur, quia vestis virilis à muliebri solo usu differt. Muliebris enim vestis dicitur, quæ matrisfam. causâ est comparata, quâ vir non facile uti potest sine vituperatione: virilis, quæ ipsius patrisfam. causâ comparata est *l. vestis 24. §. 1. ff. eod.* Quamobrem si patrisfam. sui ipsius causâ vestem paraverit, eâque domi utatur tamquam virilis, licet eâ soleant uti mulieres, illa quoad testatorem est vestis virilis. Domi enim etiam sine vituperatione potest quilibet uti eâ veste, qua voluerit: ac propterea Quintus Mucius referebat, fuisse se quemdam Senatorem muliebribus cœnatoriis vii solitum *d. l. inter vestem.* itaque vestis illa cum ex destinatione, tum ex usu testatoris in virilem quodammodo est transformata: propterea & voluntatem & usum testatoris sequimur *l. ubi est ambiguitas ff. de reb. dub. l. servus 30. §. ult. ff. de leg. 1.* nec tamen à verbis recedimus, cum ea ad hanc significationem detulerit usus, & destinatio testatoris. Hæc enim vocabula hominum arbitrio indita sunt, nec immutabilia sunt; ut rerum vocabula *l. 4. ff. de leg. 1. l. 7. §. 1. ff. de supell. leg. l. si cui ades 31. ff. de leg. 3.*

- 10 Ex his dirimi potest controversia inter Servium, & Modestinum, quorum ille in *l. Labeo 7. §. Servius ff. de supell. leg.* aiebat legato supellestilis non contineri argentum escarium, etiam si testator hoc adscribere supellestili solitus fuisset: hic autem in *l. §. eod.* ait contineri; si de hoc etiam tes-

tator senserit. Etenim animadvertendum est, quod consideratâ veterum Romanorum parsimonia, & frugalitate, qui fictili, aut ligneâ, aut vitreâ, & æreâ supellestili utebantur *l. Labeo 7. §. 1. ff. de supell. leg.* argentum escarium & pоторium supellestili appellatione non continebatur, sed argenti nomine *l. 1. l. 3. §. nec interest l. 7. §. 1. ff. de supell. leg.* Certè Cicero supellestilem se nuper distinguit, ac separat ab argento. *Lib. 11. ad Attic. ep. ult. Te oro, ut in perditis rebus, si quid cogi, conficique potest, quod sit in tuo, ex argento, neque suis multa ex supellestili, des operam.* Et in *Verr. L. b. 2. studiis hac comparat, supellestilem ex ære elegantior, & Deliacam & Corinthiam: tabulas pictas: etiam argenti bene f.lli, prout Thermiani hominis facultates ferebant, satis.* Postea vero Asiæ deliciis prisca severitate mitigata, luxuque gliscente invaluit usus argenteæ supellestilis, & etiam argentum escarium & pоторium supellestili cepit adnumerari. Nec perperam meo judicio. Nam vasa escaria & pоторia supellestilis sunt. *l. 3. §. vitrea l. vasa ff. de supell. leg. Paul. lib. 3. sentent. tit. de legat. §. 70. Horat. Serm. 6. lib. 1. vilis cum patera gustus Campana supellex.*

Quidni igitur & vasa argentea ad eundem, bibendumque comparata supellestili adscribantur, postquam increbuit consuetudo ea ex argento conficiendi? Etenim speciem potius rerum, quàm materiam intueri oportet, supellestilis potius, an argenti, an vestis sint *l. 7. §. 1. in fin. ff. de supellest. leg.* itaque Paulus *Lib. 4. sentent. tit. de legat. §. 67.* sine ulla hæsitacione hæc vasa ad supellestilem adscripsit. Ibi: *supellestile legata capse, armaria, non solum librorum, aut qua vestis ponende gratia parata sunt, debentur: sed & byssina, & crystallina, & argentea, & vitrea vasa tam escaria, quam pectoraria, & vestes stratoriæ legato cedunt.* Locus valde corruptus. Viri docti emendant, & quidem meo judicio rectissimè. *Non qua solum librorum avi vestis ponende gratia parata sunt: ne Paulus à se ipso dissentiat, qui in l. 3. §. vitrea ff. de supell. leg. contrarium scripsit.* Fortasse etiam librarius omisit verbum *qua* post

post particulam *non*, cum iterum esset adjectum post verba, *aut que*, ne bis idem verbum repeteret: ideoque ita legi potest: *non que solum librorum, aut que vestis &c.* quod est elegantius. Ac si nihil mutare placeat particula *non* erit referenda ad verbum *solum*. Emendant etiam verbum *hysina*, quod nullum idoneum sensum habet, & mutant in *murrina* aut *buxina*, hoc est, ex buxo fabrefacta. *Murrina* magis placet: quæ cum crystallinis conjunxit idem Paulus in l. 3. §. *de murrinis ff. de supellest. leg.* Est enim maximè conveniens, ut quæ magni pretii sunt, & de quibus dubitatur, simul jungantur, ut sunt murrina, crystallina, argentea, de quibus pertrahit etiam in laudata l. *tertia*.

Quantum ad rem nostram pertinet, propter communem populi usum, qui supellestili adscribit etiam vasa argentea ad edendum & bibendum parata, ambiguum nascitur, utrum argento, an supellestili contineantur; in ambiguo autem voluntas testatoris speculanda est, ut diximus. Ileoque Modestinus in laudata l. *quidam* 8. ff. *de supell. leg.* ait, hæc quoque debere, si de his quoque testatorem sensisse probatum fuerit: quemadmodum de candelabro argenteo respondit Paulus in l. 3. *in fin. ff. eodem*. Tempore autem Servii, cum nondum increbuisse usus argenteæ supellestilis, nec eo tempore error jus faceret, verbis non voluntate standum erat. Porro Modestinus fortasse lautitiam luxumque Romanorum morose fastidians non facile à l. ducebatur, ut argentum escarium & pocularium supellestili adscriberet voluntas testatoris, quod facile Paulus multò indulgentior admiserat.

11 Supereft explicanda l. *Proculus ff. de usufr.* à nostris interpretibus maximè vexata. Omitto eos, qui putant in legato ibi proposito solum usumfructum contineri, quorum sententiam non improbo. Sed ne à communi opinione recedamus, quæ verbis Legis est magis consentanea, dicendum est, ibi proprietatem legatam videri, hoc est, non solum usumfructum insulam, sed ipsam insulam, non vi solius verbi *usufructus*, nec ex vi so-

lius voluntatis aliis verbis non significat: Extenditur quidem legatum usufructus ad totam insulam ex voluntate testatoris: Sed hæc voluntas non ex conjecturis ex interpretum mente prognatis colligitur, sed ex verbis, & toto complexu dispositionis indubitanter apparet. Testator enim adjiciendo conditionem illam: *quoad alius, quam mihi nunc sunt, adificia non erunt*; aperte declaravit, se legare etiam proprietatem: hæc enim conditio impleri non potest, nisi legato etiam proprietatem contineatur. Etenim si proprietatem illarum ædium non ad legatarium, sed ad heredem pertineret, non possent ædes illæ servitutem aliis non tollendi debere aliis ædibus heredis, cum res sua nemini serviat. l. *mi fmi ff. si usufr. petat. l. in re communi ff. de servit. urban. prad.* Itaque conditio adjecta afficit, ut voluntas transeat in dispositionem. Licet enim conditio non disponat l. *si quis sub condicione* 8. ff. *si quis omis- sa causa testam.* tamen habet vim declarandæ voluntatis, & secundum eam extendendæ, vel adstringendæ dispositionis. Optimum exemplum in l. *denique Pegasus* 8. §. *interdum ff. de pecul. leg. Interdum*, inquit, *si non sit legatum peculium, velut legatum sic accipitur*. Id efficit adjecta conditio, quam subjicit. Testator enim servo libertatem dederat: de peculio nihil dixerat: sed legato libertatis conditionem adjecerat: si rationes reddidisset & centum heredibus intulisset. Imperator ex eo, quod testator jussit, servum ex peculio centum inferre, rescipiscit etiam peculium legatum fuisse. Aliud exemplum in l. *species* 15. ff. *de aur. & arg. leg.* ubi Scævola: *species argenti legavit Seja: & ab ea petiit in hac verba: à te Seja peto, ut quicquid tibi specialiter in auro, argento legavi, id, cum morieris, reddas, restituas illi & illi, vernis mei, quarum rerum usufructus, dum vives, tibi sufficiet. Quasitum est, an usufructus auri, & argenti solus legataria debeatur: respondit, verbis, quæ proponerentur, proprietatem legatam, addito onere fideicommissi.* Observandum est, quod proprietatem etiam legato continetur, & quidem non ex sola voluntate testatoris, sed ex verbis, ut ait Scævola

vola, quia non potest restituere, nisi id sit consequutua. Ususfructus autem facile trahit ad se proprietatem, & cum ea commiscetur, & ut aiunt nostri, cum ea consolidatur. Elegans est Ciceronis responsum in *epist.* 30. lib. 7. *cujus quando proprium te esse scribis mancipio & nexu, meum autem usum, & fructum: contentus isto sum: id enim cuiusque est proprium, quo quisque fruitur, atque utitur.*

Ad tertiam regulam progrediamur. Ea sit
 1. hujusmodi. Quando plus dictum, minus scriptum est, attenditur potius dictum, quam scriptum. Evenit hoc primum, quando testator aliquid dixit; testamentarius, vel etiam ipse testator per errorem minus scripsit. Quemadmodum relatum est in *l. quoties* 9. §. sed si 2. cum seqq. ff. de hered. inst. Ibi: si cuius distulisset ex semisse aliquem scribi, ex quadrante sit scriptus, posse defendi ex semisse heredem fore, quasi plus nuncupatum sit, minus scriptum: idemque est, etsi ipsi testator minus scribat, cum plus vellet adscribere. Sed etsi majorem adscripserit testamentarius, vel (quod difficilior est probatio) ipse testator, ut pro quadrante semissem; Proculus putat ex quadrante fore heredem, quoniam inest quadrans in semisse, quam sententiam & Celsus probat, in *l. qui quartam* 15. ff. leg. 1. Qui quartam partem bonorum legare voluit, dimidiam scripsit: Proculus velle ait posse defendi quartam legatam, quia inest dimidia. Idem erit, etsi quinquaginta voluit legare, & centum scripta sint, quinquaginta enim debebuntur: sed & si plus legare voluit, minus scripsit: valebit legatum.

2. Secundo, quando testator omisit quædam verba, quæ ad complendam orationem necessaria videntur, ut in *l. 1. §. si autem & duob.* §§. seqq. ff. de heredum inst. *l. errore* C. de testam. Ecce quod deest aut ex verbis antecedentibus, & subloquentibus suppletur iis ad communionem assumptis, ut ait Papinianus in *l. cum pater* 77. §. cum imperfecta 22. ff. de leg. 2. & *l. unum ex familia* 61. §. si omissa ff. eod. aut suppletur a lege, ut in laudata *l. 1. §. si autem* ff. de hered. inst. & in *l. errore* C. de testam. Lex enim ple-

rumque etiam imperfectam scripturam probat, maxime in fideicommissis, in quibus etsi verba fideicommissi desint, tamen pro fideicommissi accipit. *l. unum ex familia* §. ult. ff. de leg. 2. Ibi: Et ideo Princeps providentissimus, & juris religiosissimus cum fideicommissi verba cessare animadverteret, eum sermonem pro fideicommissi rescripsit accipiendum. *l. 1. §. & nemo moriens* C. comm. de legat. *l. cum proponebatur* 64. ff. de leg. 2. Etenim in causa fideicommissi, utcumque precaria voluntas quareretur, conjectura potuit admitti *l. 1. C. de his, qua sub modo* leg. ad quam intelligendam sciendum quod verbo relinquo neque legatum, neque fideicommissum inducebatur: non legatum, quia directum verbum non erat; non fideicommissum, quia nec erat precarium. Paul. lib. 4. sent. tit. 1. de fideicommiss. §. 10. Relinquo vero & commendo, nullam fideicommissi parient actionem. Veruntamen, si constet de voluntate testatoris, etiam verbum relinquo inducit fideicommissum aut legatum, ut in *l. Lucius* 78. §. filiam 8. ff. ad SC. Trebell. Ducentos aureos relinquo, quo legato scio illum contentum esse. Verba illa quo legato &c. certo demonstrant voluntatem testatoris legatum relinquere volentis. Sic & in *l. Pamphilo* 36. in pr. ff. de legat. 3. proponitur, testatorem ita scripsisse: Scio omnia, que tibi, Pamphile, relinquo ad filios meos perventura, cum affectionem tuam circa eos bene perspelli habeam. Respondetur, non videri quidem, quantum ad verba testatoris pertinet, fideicommissum Pamphili, ut centum restitueret, sed cum sententiam desuultu à liberto decipi satis inhumanum est, centum ei restitulos filios testatoris debere restitui, quia & in simili specie Imperator noster Divus Marcus hoc constituit. Marci rescriptum à Papiniano relatum est in *l. unum ex familia*, §. item Marcus ff. de leg. 2. Non eadem est ratio, si dixerit testator: puro te consequaturum: hæc enim verba fideicommissum non inducunt *l. generali* 32. ff. de usu, & usufr. leg. verba scio, non dubito, cum certam ad deliberatam voluntatem testatoris demonstrent, licet non ex natura sua, tamen ex legis interpretatione fideicom-

missum inducunt d. l. unum ex familia 67. §. ult. ff. de leg. 2. verum puto, cum opinionem tantummodo præ se ferat, non inducit d. l. gene. ali. Idem rescriptum est de verbo commendo in l. ex verbo C. de fideicommissis lib. 1. ne qui tem favore libertatis l. quoriet C. famil. creisc. l. Toni. §. Lucius Titius, 6. ff. de fideic. lib. 1. ubi plura alia concurrebant verba, quibus videbatur constare de voluntate testatoris: nihilominus respondit Scævola non necessitatem hæredibus imposuim, sed arbitrium permissum. Rectè, quia verbum commendo non obligat l. ult. C. quod cum eo, qui in al. pot. l. si vero, 2. §. cum quidam, 2. ff. mand.

14 Tertiò, cum lex ipsa præsumit plus dictum, minus scriptum, ut in celeberrimo responso Papiniani in l. cum avus ff. de cond. & demonst. Tunc autem nulla verba sunt necessaria. Neque enim ex interpretatione verborum, sed ex conjectura pietatis à lege suppletur, quod minus scriptum esse præsumit: fideicommissi conditionem conjecturà pietatis respondi defecisse, quòd minus scriptum, quàm dictum fuerat, inveniretur.

15 Superior regula exceptionem habet: Si quod minus scriptum est, ad substantiam dispositionis pertineat, quod minus scriptum est, attenditur, non quod magis dictum, & si deficiat dispositio, neutrum attenditur. Exempli proponuntur ab Ulpiano in l. quoriet 9. ff. de hered. inst. Si testator alium hæredem scribere voluit, alium scripsit, neuter hæres erit: non, quem voluit, quia non scripsit: non, quem scripsit, quia non voluit: si quis lancem legare volens, vestem legaverit, neque lanc debetur, quia non legavit, neque vestis, quia legare noluit. Si voluit institutioni conditionem inferere, & non inseruit, nulla est institutio, quia institutus nec purè hæres esse potest, quia testator noluit, nec sub conditione, quia non scripsit. Omissa conditio à lege non suppletur: adjecta detrahitur. Facilius lex detrahit aliquid, quàm adjiciat. Sic etiam ab institutionibus detrahit certum tempus adjectum, & ab omnibus ultimis voluntatibus detrahit im-

possibiles conditiones §. hæres 9. cum seq. inst. tit. de hered. inst.

Quarta regula, quam constituimus. In si. 16 deicommissis voluntatem potius, quàm verba spectamus: tradita est ab Imperatoribus in l. cum virum 16. in fin. C. de fideicommissis. Sane quoniam in fideicommissis voluntas magis quàm verba plerumque intenda est. & Marciano in l. quisquis 95. in fin. ff. de leg. 3. Voluntatem præterea defuncti, quæ maxime in fideicommissis valeret, ei sententiæ suffragari. Exempli attulimus modò in explicatione superioris regulæ, ex quibus etiam constat, cur Imperatores adjecerint plerumque, & Jurisconsultus maxime: quia non semper id obtinet, ut apparet ex laudatis exemplis. Ratio autem, quæ hæc regula nititur, est, quia fideicommissa etiam sine verbis relinquì possunt, vel solo natu l. nunc 21. ff. de leg. 3. l. & in epistola C. de fideicommissis.

Quinta: idem obtinet in conditionibus. 17. Ulpianus in l. in conditionibus 19. ff. de cond. & dem. In conditionibus primum locum voluntas defuncti obtinet, eaque regit conditiones. Papinianus in l. Pater Severianam 101. in princ. ff. cod. cum in conditionibus testamentorum, voluntatem potius, quàm verba considerari oporteat. Exempli plura occurrunt. Primum in l. fideicommissa 11. §. si cui ita fuerit 11. ff. de leg. 3. Si cui ita fuerit fideicommissum relitum: si morte patris sui juris fuerit effectus, & emancipatione sui juris factus sit, non videri defecisse conditionem. Mors ad emancipationem extenditur, quia utraque filium liberat à patria potestate. Effectum, quem voluit testator, non verba quantumvis perspicua, spectamus. Etenim testator illam conditionem adjecit, ut filio non patri legatum acquireretur, quod utro modo contingat, nihil interest. Itaque & conditio emancipationis ad mortem, imò & ad deportationem trahitur l. 3. C. de inst. & subst. Paulus lib. 4. sent. tit. 16. §. 12. In tempus emancipationis, vel cum sui juris eris fideicommissum relitum, quocumque modo patria potestate liberato debetur. Et quidem statim debetur, statim enim cedat legati dies l. si ita esset 15. ff. qu. d. leg. ced. Aliud

exemplum proponitur ab Ulpiano in ea conditione: *si in tutelam suam venerit*: quā conditione significatur pubertatis tempus *l. cum filiosam. 50. ff. de leg. 3.* Atque hæc est horum verborum significatio apud Oratores, Cic. *de invent. lib. 2. & de clar. Orator.* ubi refert acerrimam in foro disputationem inter Crassum & Sexvolam, cujus meminit etiam Quintilianus *lib. 7. cap. 6.* Nihilominus tamen aliquando accipitur pro tempore, quo & pubes, & paterfam. erit: aliquando pro ætate vixtingiquinque annorum, aliquando pro liberatione à morbo, propter quem euratorem habet *d. l. cum filiosam. ff. de leg. 3.* Idem responsum fuit de conditione: si sui juris fuerit factus, & in aliis, quæ proponuntur in eadem *l. cum filiosam. 50. §. sic autem cum seqq. usque ad fin.* in quibus posthabita significatione verborum, id quod sensuit, aut verisimile est sensisse testatorem, attenditur. Adeo, ut etiam si dixerit, cum ad pubertatem pervenerit: id de ætate vixtingi quinque annorum sit intelligendum, si de hæc ætate testatorem cogitasse verisimile sit: veluti si hanc conditionem adjecerit ei qui jam pubes est *d. l. 50. §. ego quidem.* Sic etiam conditio: *si intra trigessimum annum decesseris*, hereditatem patriuo restituit: decessere dicitur, etiam si intra trigessimum annum decesserit, si quidem liberos reliquerit, de quibus nullam fecit mentionem testator *l. cum avus 101. ff. de cond. & demonstrat. l. cum acutissimi C. de fideicom.* Sed omnino singulare est quod dicitur in *l. talem 51. in fin. ff. de hered. inst. Strichus, si mens erit, cum moriar*, hæres esto: manumissus à vivo testatore nihilominus hæres est. Verba *si mens erit* interpretanda si non fuerit alienatus, quia ea testator adjecit, ut sibi, non alteri hereditatem acquireret.

CAPUT XX.

Ad l. 1. §. 1. ff. de leg. præstand.

SUMMARIUM.

1 Verba generalia generaliter intelligenda sunt, Exemplum adducuntur.

- 2 Tam in contrariis.
- 3 Quam in ultimis voluntatibus.
- 4 Etiam adjectis specialibus, qua restringere possint, modo non repugnent.
- 5 Genus non restringit factum testatoris.
- 6 Neque locus.
- 7 Neque nomen singulare.
- 8 Verba generalia latius, & angustius interpretari possumus ex conjecturis.
- 9 Latius interpretatur si quid enumeretur, quod ad genus magis patens pertineat.
- 10 Vel si aliquid exceptum sit ex latiore genere.
- 11 Angustius, si species adjiungatur, ipsa enim enumerat ad illud genus cui species subest.
- 12 Si genus ad speciem referatur expressè, vel tacitè & n. 13.
- 14 Si actus inutilis esset, vel legis dispositioni repugnaret.
- 15 Si lex disponat.
- 16 Si testator destina-verit.

Verba generalia generaliter esse intelligenda tradunt omnes: nam & id verborum significatio exigit, & legum auctoritate confirmatur. Optimè Ulpian. in *l. 1. §. 1. ff. de legat. præst. Generaliter autem parentes, & liberos prætor excepit: nec gradus liberorum parentumque enumeravit, in infinitum igitur eis præstabitur.* Hoc quidem de edicto prætoris est traditum, sed in omni dispositione eadem est ratio. Genus enim singulas species continet, & qui de genere aliquid disponit, id ipsum de singulis speciebus disposuisse censetur. *l. si chorus 79. in princ. ff. de leg. 3. l. Mavins 66. §. non idem ff. de leg. 1.* Ad hanc regulam explicandam exempla subjiiciemus.

In *l. quicquid adstringenda 9. in princ. vers. 2. nec cursum. ff. de V. O.* Quidam promiserat stipulanti vasa aut servos, conventus à creditore opponebat, se de certis vasibus, aut servis sensisse. Respondit Celsus, cum non esse ferendum. Stipulatio stricti juris est, nec in ea continetur, nisi quod palam verbis exprimitur *ead. l. in princ.* Constat igitur quoddam genere nominato, singule species pro expressis habentur; adeoque continentur etiam cum verba propriè, & ut nostri aiunt, in stricta significatione sunt accipienda.

Idem obtinet etiam in ultimis voluntatibus: adeo ut præsumatur cognitio eorum, quæ à lege requiruntur, ne recedatur à ge-

nerali verborum significatione. Etenim de controversiis, quæ ex testamento proficiuntur, transigi non potest, nisi inspectis, cognitisque verbis testamenti *l. de his 6. ff. de transact.* Ferendus tamen non est qui generaliter in his, quæ testamento ei relicta sunt, transegerit, si postea causetur de eo solo se cogitasse, quod prima parte testamenti, ac non etiam, quod posteriore legatum sit. Qui primam partem testamenti inspexit, totum inspexisse præsumitur: non tamen præsumitur legisse codicillos *l. non est ferendus ff. eod.* Hinc in celebri quadam causa dicebam, non esse ferendum hæredem, qui, cum legata in testamento relicta solvisset, agebat se non legisse postremam testamenti partem, in qua fuerat à patre institutus, adjecta prohibitione detractionis legitimæ & Trebellianicæ.

Imò etsi verba quædam specialia generalibus adjecta sint, quæ possint ea restringere, si commodè aliter possint interpretari, non obsunt verbis generalibus. Itaque si servi omnes cum peculio legati sint, etiam si adjectio illa, *cum peculio* restringere possit legatum ad servos peculium habentes; tamen responsum est, etiam eos deberi, qui nullum peculium habent *l. si cum servi 52. ff. de leg. 2.* Item legatis omnibus ancillis, & quod ex his natum erit; vel legata ancilla cum liberis; & ancilla sola, si non sunt liberi, & liberi, si non sunt ancillæ, debentur: neque enim verba illa *cum liberis* restringunt legatum ancillarum, neque liberi accessionis causâ legati sunt *l. si ancilla 62. cum seq. ff. de leg. 1.* Et quod magis est, si quis ita leget: *omnibus libertis nostris cibaria præstabitis pro arbitrio vestro, non ignorantes, quos ex his charos habuerimus*, verba hæc adjecta legato generali, illud non restringunt ad eos libertos, quos charos habuit testator. Imò & si deinceps certos aliquos libertos nominatim commendet hæredi testator, nihilominus non his solis cibaria debentur, sed omnibus, & arbitrium hæredis erit in statuendo alimentorum modo *l. verba 5. ff. de alim. leg.*

Nec factum quidem testatoris legatum ref-

tingit. Quapropter si quis legaverit alicui ea, quæ vivus præstabat, debetur etiam habitatio, licet domum, in qua vivo testatore habitabat, alii legaverit *l. Sempronio 33. in princ. ff. de usufr. leg.*

Nec locus quidem legato generali quicquam detrahit. Nam penu legata non solum debetur penus, quæ in cænaculo est, sed etiam, quæ in horreis *l. ult. ff. de pen. leg.* Imò & condimenta, in quibus edimus, debentur *l. 3. ff. eod.*

Nomen quoque singulare plures personas comprehendit. In *l. qui filius 17. §. 1. ff. de leg. 1.* Si qua filia mihi genitur, ei hæres centum dato; si plures genitæ fuerint, singulis centum debentur. Eadem ratione si quis ita legaverit, hæres meus dato, non solum omnes hæreses primi gradus, sed omnes hæredum gradus comprehendit *l. si plures 98. ff. de leg. 3.* Minus hac de re dubitandum est, quando disjunctum disponitur, veluti, *Titius, & Sejus, uterque eorum vivet, hæres esto l. Titius 24. cum duobus seq. ff. de hered. instit. vel, Lucio & Titio eorumve, cui fundum lego l. si fundum 81. §. his verbis 8. ff. de leg. 1.* Nam evidens est tum utrumque, tum alterum eorum, si alter non vivat, esse comprehensum.

Animadvertendum tamen est, quod plerumque genus & latius patere, & contrahi potest angustius. Tunc autem, cum utrovis modo illud accipiamus, à verborum significatione non recedamus, faciliè ex conjecturis hanc, vel illam interpretationem amplecti debemus. Ac vehementer errant illi, qui huc referunt regulam traditam in *l. non aliter 69. in princ. ff. de leg. 3.* Non aliter à significatione verborum recedere oportet, quam si manifestum est, aliud sensisse testatorem. Ur enim verba ad alium sensum detorqueantur & improprie intelligantur, manifestum esse debet, ita sensisse testatorem, ad quod probandum evidentes conjecturæ requiruntur, quia repugnat significatio verborum. At verò ut verba generalia modo latius, modo angustius interpretemur, quælibet conjecturæ sufficiunt, cum verba non repugnent, nec ad alienum sensum sint detor-

quenda. Itaque in §. 1. *eiusdem legis* Jctus agens de interpretando legato generali, *omnes juvenes quos in ministerio habeo*, ait ad notionem ejus, qui ea de re cogniturus est, id pertinere, tùm nihil certo definiri possit, quia plerumque abusivè loquuntur testatores. Atque id uberius ac distinctius est explicandum.

9. Ad dilatandum genus duo solent esse in primis accommodata. Primum, si aliquid fuerit enumeratum, quod ad genus latius patens pertineat. In *l. quisquis* 95. ff. de leg. 3. Quidam heredi præceperat, ut Titio restitueret, quantas summas dictasset. Verbum *summas* potest referri tum ad pecuniam numeratam, tum etiam extendi ad res corporales, & prædia, ut ibi probat Jurisconsultus. Sed eùm testator inter eas summas dictasset etiam quasdam res corporales, dubitari non potest, etiam prædia complexi voluisse.

10. Secundò si aliquid ex illo genere summo fuerit exceptum, reliqua enim, quæ sunt ejus generis, continebuntur. Optime Neratius in *l. questum* 12. §. Neratius 3. ff. de fund. instruit. Denique Neratius libro quarto epistolarum Marcello fratri suo respondit, & *vilem domus instruita legato contineri*, maxime, inquit, in proposita specie; proponebatur enim, qui legaverat, argentum & rationes excepisse: nam qui hæc, inquit, exceptit, non potest, non videri de ceteris rebus, quæ in ea essent, sensisse. Simile responsum habetur in *l. generali* §. uxori ff. de usufr. leg.

11. Ad coarctandum autem genus idoneæ sunt quamplurimæ conjecturæ. Ac primum licet species expressa non soleat minuere legatum, sed ex abundanti adjecta intelligatur *l. quasum* §. Si quis fundum penult. ff. de fund. instruit. quia genus ad speciem redigi non potest repugnante verborum significatione, à qua recedendum non est *l. non aliter* ff. de leg. 3. tamen species adjecta coarctat genus non ad solam speciem expressam, sed ad illud genus, cui subest illa species. Efficit enim, ut similia expressis tantummodo contineantur. Exemplum animadversione, ac

notatione dignissimum habemus in *l. & mulieri* 15. ff. de curat. su. iof. ubi Paulus ait, quod furiosus in bonis sui curatoris habet privilegium exigendi, subdit deinceps: *prodigus, & omnes omnino in bonis curatoris de creio privilegium consequuntur. Omnes omnino*, profecto non potest excogitari locutio magis generalis. Nihilominus tamen Ulpianus in *l. idem privilegium* ff. de privil. crea. sen. de reb. auct. jud. piff. ait: *Sed si bonis Curator datus sit, vel absentis, vel ab hostilius capri, vel dum deliberant heredes de adenda hereditate, non oportet privilegium dari; non enim in eadem causa sunt.* Nimirum verba illa, *omnes omnino*, comprehendunt solum similes expressis, videlicet curatores, qui dantur personæ, non eos, qui dantur bonis, qui in eadem causa non sunt, & sunt diversi generis. In ultimis voluntatibus exemplum suppeditat Pomponius in *l. ult. §. cui dulcia* ff. de rit. vin. & d. leg. *Si cui dulcia legata sint, non solum dulces portiones, sed etiam dulcia esculenta legato continentur: Sed si quis leget vinum amphurarium, aminacum, gracum, & dulcia omnia, nihil inter dulcia, nisi quod portionis est, continetur ex collatione vini amphurarii.* Verba non solum generalia, sed etiam universalia, *dulcia omnia*, coarctantur ad genus portionis, propterea quod expressum est vinum, quod subest generi portionum. Simile est, quod traditur in *l. nam quod liquida in fun.* ff. de pen. leg. *Si ita scriptum sit: omnem penum præter vinum, quod Roma erit: Sala penus, qua Roma est, legata videtur.* Probè errant, qui putant pronomen illud relativum quod referri etiam ad penum: licet enim penus dicatur de omnibus generibus ead. *l. §. nomen*, tamen hic Jurisconsultus, qui dixit *omnem penum*, non potest sine solœcismo ad penum referre pronomen quod neutrius generis. Non dissimile est etiam, quod traditur in *l. quasum* 78. §. 1. ff. de leg. 3. *Legatum ita fuerat, Argentum omne, & suppellectilem, quodcumque habeo tibi dono, & quicquid in prædio Semproniano habeo. Responsum est, non videri legatam suppellectilem, & argentum, quod aliibi*

est, nisi hoc quoque in legato contineri legatarium probaveris: Ultima verba legati restringunt antecedentia generalia. Sed hac de re, de qua sæpiissime disputatur in foro, disputabimus accuratius alio capite separatim.

12. Secundo, si genus ad speciem referatur: verba enim generalia coarctantur ad speciem, ad quam referuntur *l. si quis in principio* 12. ff. leg. 3. Hæc autem relatio & expressum, & tacite fieri potest: si expressum referatur, dubitandum non est, id tantummodo contineri, quod inter continentes placuerit, aut testator voluerit *l. qui cum tutoribus §. transactio ff. de transact. l. si de certa* 31. C. cod. & *d. l. si quis in princ.* 22. ff. de leg. 3. Etenim recte aiunt DD. referens est in relato cum omnibus suis qualitatibus *l. asse toto ff. de hered. instit.*

13. Idem profus dicendum est; si tacite referatur. Nam id habetur pro expresso, veluti si de aliqua certa re actum fuerit inter contrahentes, & deinceps verbis generalibus contraxerint stipulationem, ut in *l. triticum* 94. ff. de V. O. in qua verba illa, *si de aliquo tritico cogitaverit*, interpretanda sunt, si de certo tritico actum fuerit: neque enim in stipulatione sufficit unius tantum cogitatio consensuque, sed utriusque conventio requiritur *l. inter stipulantem* 81. ff. cod. Et ne quis existimet, hoc ideo responsum fuisse, quia alioquin inutilis esset stipulatio, idem traditur à Scævola in *l. emptor* 47. §. ult. ff. de pact. ubi verba illa generalia, *Si quod instrumentum à te emissum, id est, scriptum, cuiuscumque summa, ex quacumque causa apud me remansit, vanum & pro cancellato habeatur*. Respondit, quod si tantum ratio accepti & expensi computata fuit, ceteras obligationes in illis non contineri, easque salvas in sua causa manere. Verba illa, *cuiuscumque summa: & ex quacumque causa* coarctantur ad accepta & expensa, quorum ratio fuit computata. Eadem observanda in ultimis voluntatibus. In *l. qui liberis* 8. §. ult. ff. de vulg. & pupill. Verba illa *quisquis mihi heres eris, idem impuberi filio heres esto, Ul-*

pianus interpretatur, ut non contineant generaliter omnes heredes: hoc est, neque heredes heredis, neque dominum, aut patrem, qui per servum, & filium facti sunt heredes: cum enim hi nominationem sint in testamento, nec veniant ex iudicio defuncti, ad eos non referuntur verba testatoris, sed ad eos tantummodo, quos ipse heredes instituit. Eadem ratione restringitur legatum in *l. pradiis* 91. in princ. ff. de leg. 3. Quidam filie prælegavit prædia cum reliquis actorum, & colonorum: respondit Papinianus, ea tantum reliqua deberi, quæ de reitu prædiorum in eadem causa manserunt: adeo ut si quid debeant domino coloni & actores ex alia causa quam ex reitu prædiorum: siue id, quod ex reitu prædiorum debebant coloni, exactam fuerit à domino, & relatum in calendarium, cujus cura ad actores pertinebat; id omne in legato non contineatur, etiamsi actores quoque fuerint prælegati. Quia reliqua referuntur ad prædia legata, & ideo nihil aliud iis continetur, quam quod tempore mortis testatoris ex ea causa debebatur, & quod in aliam causam conversum est, amplius ex ea causa non debetur, nec esse debitum aut reliquum prædiorum, sed calendarii. In *l. quoties* 10. C. famul. ercisc. Pater dividit hereditatem inter filios & singulos certis possessionibus cum mancipiis, quæ ibi sunt, jubet esse contentos; deinde universa mancipia sine ulla heredum discretionem commendat heredibus: unicuique videtur commendare ea, quæ ipsi reliquit in testamento. Illud hic animadvertendum, quod etiamsi verba generalia non in eodem testamento subjiciantur, sed in codicillis; tamen si referantur ad ea, quæ in testamento disposita sunt, iisdem terminis circumscribuntur. Itaque in *l. legatorum* 33. §. ult. ff. de leg. 1. cum testator plures heredes in testamento scripserit, & à singulis heredibus nominatim legata reliquisset, licet postea codicillis ea repetierit, & ad omnes heredes generaliter scripserit: tamen ea, quæ codicillis dedit, ab iis tantum præstanda sunt, quos testamento damnavit.

Tertio, verbis generalibus non continetur 14.

actus inutilis, vel id, quod repugnat legis dispositioni. Ac si totus actus futurus esset inutilis interpretando verba in tota sua latitudine, genus ad speciem redigitur: si verò in generali dispositione continetur aliquid, quod non est permillum, aut futurum est inutile, id tantummodò ex genere exemptum censetur. Primi generis exemptum censetur. Primi generis exempla sunt in *l. cum qui calendis* 41. *in princ. ff. de V. O.* Quidam stipulanti promiserat, se daturum calendis, hic sermo generalis continet omnes futuras calendas, tam proximas, quam remotas, imò & remotissimas. Et quidem secundum naturam stipulationis de remotissimis videretur intelligendus. Nam si quis post annum aut biennium dare promisit, post biennium solummodò tenetur *l. si ita stipulatus* 109. *ff. de V. O.* Sed quia hac interpretatione fieret inutilis stipulatio, quia debitor nunquam cogi posset ad solvendum, semper enim opponeret nondum venisse calendas stipulatione comprehensas: idcirco sermo ille generalis, qui revera continet infinitas calendas, coarctatur ad proximas. In *l. paterfam.* 44. *ff. de hered. inst.* Testator duos heredes instituens monumentum in diebus certis eos facere jussit: deinde ita scripsit, *qui eorum non ita fecerit: omnes exheredes sunt*. Alter ex illis non adivit hereditatem: alter verò monumentum fecit, ut præceperat testator: poterit ille adire hereditatem. Verba illa *omnes exheredes sunt* coarctantur ad eum, qui monumentum non fecit. Quid ita? Quia nemo ex alterius facto vel hereditati alligari, vel exheredari potest.

Secundi generis exempla sunt in *l. si quando* 109. *ff. de leg. 1.* Quidam uxori legavit, quæ vivus donaverat: hoc generali sermone continentur solum ea, quæ inutiliter donaverat, nam in iis, quæ utiliter donaverat, est inutile legatum. in *l. legata* 19. *ff. eod.* Verba illa, *quas pecunias legavi quibus dies appositus non est, annua, bima, trina die heres meus damnas esto dare*: non comprehendunt legata inutiliter data, nam testator utilibus diem adijcere voluit:

non inutilia confirmare.

Quarto coarctatur genus aliquando ex legis dispositione. Itaque heres, qui iussus est dare, servum, quem voluerit, pessimum dare non potest, lege sic disponente *l. si heres* 110. *ff. de leg. 1.* Nec optimum eligere potest legatarius, quoties ad eum pertinet electio *l. legato generaliter* 47. *ff. eod. l. si quis argentum C. de donat.* Item si legata sunt decem, & si ea perdidisset, rursus ei legata, si sæpius perdidisset, nihilominus semel tantummodò præstanda sunt, ne in infinitum hæres oneretur *l. fideicommissa* 11. §. *si quis decem* 18. *ff. de leg. 3.* Præterea si quis discretas portiones conjunctis pluribus separatim dedit: ac post omnem institutionis ordinem ita scripsit *quos heredes meos invicem substituo*: conjuncti vice mutua substituti videntur quibus deficientibus cæteri admittuntur. Non tamen omnes simul vocati censentur, verba licet substitutionis omnes comprehendant. Denique qui generaliter agere à testatore prohibitus est, contra eum negotiorum gestorum non prohibetur agere, si quid dolo, vel fraude commisit *l. non solum* 8. §. *si heres ff. de liber. leg.* Item si testator ab aliquo rationes exigi vetet; poterit tamen ab eo peti, si quid in administratione dolo admisit *l. si quos ff. eod. l. 5. §. Julianus ff. de admin. tut.* & si qua pecunia apud eum remanserit ex administratione *l. Lucius Titius* 12. *l. cum ita* 19. *l. Aurelius* 28. §. *Mavia C. l. creditor* 31. §. *Titia ff. de liber. legata.* Et si quis velit debitorem omnino liberare, debet damnare heredem, ut ipsi restituat quicquid ab eo illa, vel illa actione exegerit *d. l. si quis 9. ff. de liber. leg.*

Postremo in generali legato etiam verbis quantumvis universalibus relicto, quædam non continentur ex destinatione testatoris. Hujusmodi sunt res venales, instrumenta, tabularium, pecunia numerata, nomina debitorum, quæ etsi aliquò in loco sint, tamen ex destinatione testatoris ibi esse non censentur, nec comprehenduntur legato rerum omnium, quæ ibi sunt *l. si mihi Mavia* 91. *l. Lucius Titius* 92. §. *collegis ff. de leg. 3. l. pediculus §. idem cum quaeretur ff. de aur.*

¶ arg.

Et arg. leg. l. quæsitum §. Celsus ff. de fund. inst. l. cum quaeretur 60. §. T. ff. de l. 3. Hujusmodi etiam sunt fructus, quoties quis rogatus est restituere, quicquid ad eum ex hereditate bonifve defuncti perveniret: fructus enim, quos ex hereditate bonifve percepit, restituere non tenetur l. quod in verbis 83. in princ. ff. de leg. 3.

CAPUT XXI.

Ad L. uxori 24. ff. de usufr. legat.

SUMMARIUM.

- 1 Dispositio generalis an comprehendat ea, quæ improprie in genere continentur. Exempla pro parte affirmativa & n. 2. 3. 4. §. 6.
- 7 Vrior sententia negati. Probatur exemplis, & n. 8. 9. 10. 11. 12. 14. 15. 16.
- 12 Expanditur l. 3. ff. de vir. vin. & ol. leg. & contrarii textus conciliantur & n. 13.
- 16 Species, quæ secundum vim verborum de genere legato non est, non continentur legato nisi ex manifestâ voluntate testatoris.
- 17 Explicatur eleganter textus noster.
- 18 Quando species improprie subest generi, mensi dispositionis investiganda.
- 19 Contraria opinionis argumenta expiuntur & n. 20.

AN generalis dispositio comprehendat etiam ea, quæ improprie in illo genere continentur, controversi potest. Ad affirmandum non levi momento quis impelli poterit. Id ipsum enim videtur affirmare Papinianus in *l. uxori fructu 24. ff. de usu & usufr. leg.* ubi ait, quod legato fructu bonorum post impletam ex S.C. cautionem, scæus quoque sortium, quas defunctus collocavit, præstandum est: imò & usuræ nominum ante interpositam cautionem debent, velut sortes in cautionem deducendæ sunt: & alia, quæ ibi distinctè atque explicatè tradit Papinianus. Uno verbo legato ususfructus bonorum comprehendit etiam usufructum pecuniæ numeratæ, & nominum debitorum. Atqui hic non est proprie usufructus. Ususfructus enim est jus alienis rebus utendi fruendi salvâ rerum substantiâ. *princ.*

tit. instit. de usufr. l. 1. ff. de usufr. Pecuniæ autem usus in abusu, & absumptione consistit *l. hoc Senatusconsultum §. §. 1. & ult. ff. de usufr. ear. rer. quæ usu cons.* Quamobrem Gajus in *l. 2. §. 1. ff. eod.* ait: *Senatusconsulto non id effectum est, ut pecuniæ usufructus proprie esset; nec etiam naturalis ratio auctoritate Senatus commutari potuit: sed remedio introducto caput quasi usufructus habere.* Et Justinianus in §. in fine: *ergo Senatus non fecit quidem earum rerum usufructum (nec enim putat) sed per cautionem quasi usufructum constituit.* Itaque M. Tullius in *Topic.* harum rerum usufructum esse negavit. Non debet ea mulier, cui vir bonorum suorum usufructum legavit, cellis vinariis, & oleariis plenis relictis, putare id ad se pertinere. Usus enim; non abusus legatus est. Sed Papinianus propter Senatusconsulti auctoritatem contrarium respondit in laudata *l. uxori ff. de usufr. leg.* licet non sit proprie usufructus, & non in usu, sed in abusu consistat.

Non abhorret à sententia Papiniani Pomponius in *l. si mihi & Titio 110 §. 1. ff. de P. O.* ubi ait; quod si quis stipulatus fuerit vestem, quæcumque muliebris esset, ei debetur etiam vestis muliebris, quâ tamquam virili promissor utebatur. Hæc autem vestis videretur esse potius virilis, quam muliebris. Virilis enim vestis est, quæ ipsius patrissem. *causa parata est: l. vestis 23. §. vestimenta ff. de aur. & arg. leg.* Referebat autem Q. Mutius quemdam senatorem, muliebris cœnatoriis uti solitum, quæ legato vestis muliebris ab eo relicto non continerentur, ut ait idem Pomponius eodem libro quarto ad Q. Motium in *l. inter vestem ff. de aur. & arg. leg.* quia usus testatoris effecit, ut non sit amplius muliebris, nisi improprie. Et quamvis ea juxta communem usum sit muliebris, tamen usus testatoris potius attendi debet, quam usus communis *l. si servus plurium 50. §. ult. ff. de leg. 1. l. numeris 75. ff. de leg. 3. l. hæredes 21. §. 2. verset. & puto. ff. qui testam. fac. preff. l. solutum §. ult. cum l. seq. ff. de pig. act.* prævalet enim usus testatoris, & potior est usu regionis.

Idem docere videtur Ulpianus in *l. qui p. 4.*

M m m

num 3. S. sed *Aristo sum §. seg. ff. de pen. leg.* legata penu, legato continentur esculentæ, & poculenta, dubitavit *Aristo*, an oleum, garum, muria, mel, cæteraque his similia continentur, & licet hæc esui potuique non sint, sed in iis esse soleamus, tamen respondit ea contineri. Idem quæsitum est de legato penus esculentæ, & quamvis labeo putaverit, ea non contineri, quia non hæc esse, sed per ea solemus; tamen ex *Proculi* sententia *Ulpianus* decidit, ea quoque legato cedere. Patet hæc inter esculentæ improprie recenseri, cum proprie non edantur, sed sint condimenta eorum, quæ edimus & quidem condimenta liquida, quæ nec edi possunt. De oleo nemo dubitare potest; nam quid sit, ignorat nemo. Garum è pisce scombro conficiebatur macerato, ac sale condito, & colato, atque expresso. Muria etiam ex visceribus aliorum piscium, & non erat adeo pretiosa, *Martialis* de Garo

Expirantis adhuc scombri de sanguine primo

Accipe sacosum munera rara garum.

Manilius.

Hinc sanies pretiosa fuit, stormque cruoris

Evomis, & mixto gustum sale temperas oris.

Martialis iterum de condimento gari.

Ebria Bajano veni modo concha Lucrino, Nobile nunc sitio luxuriosa garum.

De alece *Plinius lib. 31. cap. 8.* ubi & muriam indicat. *Vitium muria est alex, imperfecta nec colata fore.* Ex his verbis constat, muriam præstantiorem fuisse, & colatam. Hinc scriptores, garum & muriam, sæcæ, & sanies piscium appellant. *Horat. lib. 11. Sat. 4.*

—ego sæcæ primus, & alece juveni.

Seneca epist. 95. more suo improbens sæculi luxum. *Quid illud sociorum garum, pretiosans malorum piscium sanies, non credis vere salsa tæbe præcordia?* *Plinius. ut sit illa putrescentium sanies.* Hæc autem condimenta aliquando diluebant aceto, vel vino, vel oleo, vel etiam aquâ. Hinc exgarum, ænogarum, garelæum, hydrogarum. Erant igitur condimenta liquida, quæ non edebantur, nec edi poterant; adeoque non erant proprie esculentæ, sed esculentis aspergebantur, & pisces conliebantur.

Idem *Ulpianus* in *l. 1. ff. de rit. vin. & oleo leg.* *Vino legato acetum quoque continetur, quod paterfam. vini numero habuit;* & tamen acetum non est proprie vinum, etiam si vini numero habeatur: ut probat ipse *Ulpianus* in *l. 3. in princ. ff. eod. tit. Si cui vinum sit legatum centum amphorarum, cum nullum vinum reliquisset; vinum heredem empturum, & præstaturum, non acetum, quod vini numero fuit.* Item in *l. si quis vinum in princ. ff. eod.* Item acetum vini appellatione non continebitur.

Idem *Ulpianus* in *l. si quis vinum 9. in princ. ff. eod.* ait, multum vini appellatione proprie non contineri. Multò minus contineri: air zythum, camum, cerevisiam, hydromeli: & merito, quia in his ne gutta quidem vini infunditur, nec quicquam cum vino commune habere videntur. Subdit tamen: *hæc omnia ira demum vini nomine non continentur, si modo vini numero à testatore non sunt habita.*

Et quod magis est, idem *Ulpianus* in *§. 1. ejusdem legis*, ait. *Si acetum quis legaverit, non continebitur legato acetum, quod vini numero testator habuit; embamma autem continebitur, quia aceti numero fuit.* Nemo dixerit, embamma proprie acetum esse. Licet enim ex aceto ut plurimum fieret, tamen multa commiscebantur, & in ipsum obsonia intingebantur, ut jucundius saperent, & acidulo sapore palatum vellicarent. *Columnella lib. 12. cap. 55.* sinapi miscet. *Hæc sinapi*, inquit, *ad emammata non solum idoneo, sed etiam specioso utilis.* *Plinius, lib. 20. cap. 14.* addit. mentam; ait enim *menta*

ipsius odor animum excitat, ut sapor aviditatem in cibis, ideo embammata mixturis familiare. Puto multa alia ad conficiendum hujusmodi condimentum immixta fuisse, ut indicat illud verbum *mixtura*. Sed cum alia alii commiserent, nihil certi præscribi potest: erat enim multa embammata genera, ut aperte Xenophon indicat in *Cyri institutione* τὰς ὁδοὺς ἐν ὁδοῦναις καὶ ἐν πύργοις, omnis generis embammata, & dapes. Nec dubito, multa etiam sine aceto fuisse confecta: sed utique Ulpianus de illis, quæ aceto conficiebantur, est intelligendus.

6 Postremo pro hac sententia posset asserti responsum Papiniani in *l. prædii 91. §. Titio ff. de leg. 3.* in qua respondit, quod in legato: *Sejana prædia, sicuti comparata sunt, dolego*: continentur etiam Gabiniana, si uno pretio comparata fuerunt cum Sejanis, & utriusque possessionis consuli redditus, titulo Sejanorum accepto lati sunt. Hæc omnia utique non efficiunt, ut prædia Gabiniana propriè sint Sejana, & in ea verè transformentur.

7 Contraria tamen sententia verior videtur: eaque primò probatur ex *l. cum pater 77. §. fidei tua 12. ff. de leg. 2.* ubi proponitur hujusmodi legatum. *Fidei tua commisso, uxor, ut restituas filia mea, cum morieris, quicquid ad te quoquo nomine de bonis meis pervenerit.* Respondit Papinianus, quod hoc fideicommissio dos uxori prælegata non continetur. Fideicommissum non potest esse magis generale: verba illa, *quicquid & quoquo nomine*, videntur omnia comprehendere, etiam id, quod nomine dotis ad uxorem pervenerit. Rationem affert Papinianus, cur non comprehendatur, quoniam *reddi potius videtur, quam dari*. Similem affert Paulus *lib. 4. sentent. tit. 1. in princ.* *Quia non ex lucrativa causa testamento aliquid capis, sed proprium recipere videtur.* Idem ferè docet Ulpianus in *l. 2. §. mulier, ff. de dos. preleg.* *dotem enim recepisse eam magis, quam accepisse.* Itaque dos prælegata non continetur generali fideicommissio, quia ad uxorem propriè non pervenit ex bonis testatoris, cum uxor proprium recipiat, non accipiat à testatore, à

quo potius ei dos redditur, quàm datur. Ecce quamvis ei legata fuerit, tamen in dispositione de legatis à testatore facta, non comprehenditur, ut rectè respondit Scævola in *l. Lucius Titius 88. §. impuberem 7. ff. de leg. 2.* Sicut nec continetur in dispositione legis, ac propterea non est subiecta legi Falcidie ex eadem ratione *l. si usufructus 81. §. 1. ff. ad l. Falcid.* Dos relegata extra rationem legis Falcidie est: scilicet quia suam rem mulier recipere videtur.

Non absimile fideicommissum proponitur in *l. qui uxori 18. §. 1. ff. de aur. & arg. leg.* atque idem omnino respondetur. *Idem testator fideicommissum uxori: ut quicquid ad eam ex testamento ejus pervenisset, alumno communi restitueret.* Quæsitum est, an etiam eas res, quas proprias uxoris sua fuisse testator sciebat etque reddi præcepit, alumno præstare debeat: respondit: *si propria fuerint, non debere.* Scævolæ responsum generale est: adeoque idem omnino dicendum, etiam si testator ignorasset, eas uxoris proprias fuisse.

Secundo probatur ex *l. qui liberis 8. §. ult. ff. de vulg. & pupill.* Hæc verba: *quisquis mihi heres erit. idem impuberi filio heres esto: hunc habens sensum, ut non omnis, qui patri heres extitit, sed is qui ex testamento heres extitit substitutus videtur: & ideo neque pater, qui per filium, neque dominus, qui per servum extitit ad substitutionem admittetur, neque heredis heres, quia non ex iudicio veniunt.* Illi enim ex iudicio testatoris non sunt heredes neque enim ab eo sunt vocati, & instituti: ac propterea juxta iudicium testatoris, quod normam substitutioni dari debet, non solum non sunt propriè heredes, sed ne heredes quidem sunt: sed sunt heredes ex legis dispositione per acquisitionem hereditatis, quam lex in eos transmittit. Quamobrem verba illa generalia: *quisquis mihi heres erit*: eos non comprehendunt.

Tertio probatur ex *l. Sejo 10. §. 1. ff. de 10 annis leg. Medico Sempronio, qua vivo præstabam, dari volo: ea videntur relicta, qua certam formam erogationis annua, non incertam liberalitatis voluntatem habuerunt.* Si non continentur ea, quæ extra ordinem

præstabat, ut stichas, soteria, natalitia, & alia munuscula, quæ remunerationis aut grati animi ergo largiebantur, quando minus continerentur ea, quæ in genere legato propriè non continentur. Imò nec ea quidem continentur, quæ utilitatis suæ causâ erogabat, ut sumptus jumentorum, quem actori præstare solebat, & medicamentorum, quem libero medico suppeditabat d. l. *Sejo §. libertis*. Quæ speciali sunt animadversione digna propter usum forensem. In hoc enim facile potest errari.

11. Quarta facit ad rem text. in l. *fundi 2 §. §. 1. ff. de instr. l. instrum. leg.* Quidam legavit fundum instructum: in fundo figlinas habebat, & figulorum opera majore parte anni ad opus rusticum utebatur: nihilominus figuli legato instrumenti non continentur: servi, qui agrum colunt, utique instrumento fundi continentur l. in *instrumento §. ff. eodem* & quidem etiam non per totum annum rusticum opus in fundo exerceant l. *questum 12. §. si aliqua §. ff. eod.* Hi autem fundi instrumento non cedunt, etiam si majore parte anni rusticum opus exercerent, quia cum propriè figuli essent: ut potè figli-no operi addicti, propriè non erant rustici: nec ad opus rusticum comparati, fundi instrumento non cedunt. Simile exemplum proponit Scævola in l. *prædia 17. in princ. ff. eod.* Quidam legavit prædia maritima cum omni instrumento: servi piscatores, qui solebant in ministerio testatoris esse, & ubicumque eum sequi, & urbicis rationibus expungebantur, legato non continentur. Nimirum ex his efficitur, ut impropriè fundi instrumento annuarentur.

12. Quind probatur ex l. 3. in *princ. ff. de trit. vin. & oleo leg.* ubi vino legato non debet acetum præstari, quod vini numero fuit: Acetum sanè vinum est, quia eadem propè substantia est l. in *venditionibus 9. §. ult. ff. de contrab. empt.* & ideo si acetum pro vino venditum fuerit, valet venditio l. in *venditionibus 9. ibid.* & si vinum legatum acuerit, non extinguitur legatum l. *si quis vinum 9. in fine principii ff. de vin. trit. & ol. leg.* Est tamen vinum impropriè, quia

et si ex vinea natum sit, tamen cum acuit, vinum non permanit d. l. *si quis vinum in princ.* & licet eadem ferè substantia sit d. l. in *venditione*: tamen non est omnino eadem. Eleganter Martialis. *lib. 12. epigr. 122.*

*Amphora Niliaci non sit tibi vilis aceti
Esset cum vinum, vilior illa fuit.*

Erat enim in pretio acetum Ægyptiacum. Juven. *sat. 13.*

— *Flebile nati
Synceiput elixi Pharioque madennis aceto.*

Non eodem in pretio videtur fuisse acetum Romanum. Certè Ulpianus in l. 1. in *princ. ff. de peric. & comm. rei vend.* ait. *Si vinum venditum acuerit, emptoris erit damnum.* Minoris igitur æstimat acetum, quàm vinum. Igitur acetum impropriè vinum est, & pro vino non habetur, nisi ex voluntate testatoris: & ideo vino legato acetum non continetur.

Sed possent opponi duæ leges, quæ videntur omnino contrariæ huic nostræ legi, in qua excluditur à legato acetum, etiam si vini numero fuerit. Contra enim in l. 1. *ff. de trit. vin. & ol. leg.* ait Ulpianus. *Vino legato acetum quoque continetur, quod paterfamilias vini numero habuit.* Et in l. *si quis vinum 9. in princ. ff. eod.* *Hac omnia ita demum vini numero non continentur, si modo vini numero à testatore non sunt habita: alioquin Sabinus scribit: omnia vini appellations contineri, quæ vini numero paterfamilias habuit.* Accedit & tertia, nempe l. 2. in *fin. ff. de opt. vel elect. leg. Eun.* cui centum amphorarum electio data sit, acetum eligentem non consumere electionem, si id acetum elegerit, quod vini numero paterfamilias non habuit.

Sed contrariæ esse non possunt hæ leges, cum sint omnes ejusdem Ulpiani depromptæ ex ejus libris ad Sabinum. Itaque animadvertere oportet, quòd in his legibus supponitur acetum vini numero habitum à patrefam. hoc est, à testatore. Ex quo efficitur,

quodd cum ille ipse, qui legat vinum, in numero vini habeat etiam acetum, videatur appellacione vini etiam acetum comprehendere: atque ea propter hoc quoque legato contineatur. At verò in nostra lege acetum, quod præstare volebat heres, non à testatore vini numero habitum fuit, sed vel ab herede, vel à venditore, à quo heres illud emerat. Hoc autem non influit in voluntatem testatoris, nec alterius opinio, testatoris opinionem potest declarare. Quapropter observandum est, quod in nostra lege non ait Ulpianus acetum vini numero fuisse apud testatorem, vel patremfam, quemadmodum ait in aliis tribus legibus, quas laudavimus; sed absolute ait: *non acetum quod vini numero fuit*. Hoc autem referri non potest ad testatorem, qui nullum vinum reliquit: sed cum heres vinum emere, & præstare teneatur, ad eum ipsum, cujus erat acetum, ea verba sunt referenda.

- 14 A diverticulo reperatur superius argumentum. Id maxime confirmat Ulpianus in *l. 2. §. ult. junctâ l. 3. ff. de opt. vel. elect. leg.* ubi ait, quodd ille, cui data est electio centum amphoratum vini; si acetum elegerit, quodd vini numero paterfam. non habuit; optionem non consumit: subdit deinceps in *l. 3. Scilicet si ante exhibitionem, hoc est ante degustationem acetum elegerit*. Ergo si post degustationem elegerit, consumitur electio, etiam si paterfam. ipsum vini numero non habuerit: ac proinde electio legitime facta est. Non consumeretur enim, si legitime facta non esset quodd eveniret si acetum generali appellacione vini non comprehendere-tur. Etenim si legatarius optaverit aliquid, quodd non sit de genere legato; non rectè optavit, & non consumitur electio *l. 2. §. 2. l. cum ira 9. §. 1. ff. eod.* Ergo acetum est de genere legato, cum vinum legatum fuit, etiam si testatore vini numero non haberetur. Verumtamen quia improprie admodum in genere vini continetur, legato vino acetum non debetur *l. 9. in princ. versic. item acetum ff. de vin. trit. & ol. leg.*

- 15 Postremò probari potest auctoritate *l. inter vestem 33. ff. de aur. & arg. leg.* ubi si tes-

tator, qui veste muliebri, quasi virili utebatur, legaverit vestem muliebrem, vestis illa, quâ utebatur quasi virili, non continetur legato: quia non videtur legato comprehendere voluisse vestem illam, quæ licet verè muliebris esset inspecto communi usu; tamen inspecto usu testatoris cepit improprie, & non omninò muliebris esse.

His adjungo, quodd cum non aliter à significatione verborum recedi oporteat, quam cum manifestum est, aliud sensisse testatorem *l. non aliter 69. ff. de leg. 3.* si secundum propriam verborum significationem species aliqua genere legato non comprehenditur, ea non debetur nisi manifestum sit, aliud sensisse testatorem.

Ab hac sententia tot argumentis innixâ recedendum esse non arbitror, nec enim eam evertere, aut labefactare possunt argumenta contraria. Quibus ut respondeatur, primum statuendum est, quodd quotiescumque lex aliquid probat, & introducit, illudque alteri æquiparat, unum pro altero accipi potest, efficiente id legis auctoritate: perinde ac si ea inter se non differrent, ac discrepant. Exemplum peti potest à legatis, & fideicommissis. Fideicommissa olim non involvebant necessitatem præstationis, sed à fide heredum pendebant. Augustus ad necessitatem deduxit *§. ult. instit. tit. de fideicom. hered.* Postea legatis exæquata sunt in omnibus *l. 1. ff. de leg. 1. l. 2. C. commun. de legat.* Quo factum est, ut licet fideicommissum proprie non sit legatum, & adhuc supersit aliquid, in quo à legato differt *§. liberius instit. tit. de sing. reb. per fideicom. relic.* tamen legati nomine fideicommissum etiam comprehendatur, & quicquid de legato fuerit constitutum, id ipsum & de fideicommissis dispositum videatur. *l. 2. vers. est specialiter C. commun. de legat.* Ibi: & si specialiter legati tantum facias testator mentionem, hoc & legatum & fideicommissum intelligatur: & si fidei heredis vel legatarii aliquid committatur, hoc & legatum esse videatur. Quibus efficitur, hoc idem & in usufructu obtinere debere. Olim quidem in pecunia non poterat constitui usufructus,

itaque legato usufructu, bonorum non continebatur in legato usufructus rerum, quæ usu consumuntur. Usus enim, non abusus legatus est, ut rectè ait Cicero supra laudatus. Verumtamen Senatus introducto cautionis remedio censuit omnium rerum usufructum legari posse *l. 1. ff. de usufruct. ear. rer.* Quamobrem si quis leget usufructum bonorum, vel quod idem est omnium bonorum, etiam usufructus pecuniæ, & aliarum rerum videtur legatus. In hoc enim usufructus pecuniæ, & aliarum rerum, quæ usu consumuntur, & verus usufructus Senatûs auctoritate sunt æquiparati. Et meritò. Nam interposita cautio id efficit, ut consumptæ non videantur res illæ, in quibus usufructus est constitutus, licet verè consumptæ sint à fructuario. Licet enim fructuarius non eas res, quas accepit restituat; tamen cum restituit alias ejusdem generis, ac bonitatis, eas ipsas, quas accepit, restituere videtur. Imò magis eas ipsas restituere videtur alias restituendo, quàm si eandem restitueret, quoniam hæ res magis in genere suo functionem recipiunt quàm specie *l. 2. §. muni datio ff. de reb. credit.*

Et, quamvis hic dicatur quasi usufructus, & non sit propriè usufructus *l. 3. §. 1. ff. de usufruct. ear. rer. §. 2. in fin. inst. tit. de usufr.* tamen id verissimum est quoad rationem naturalem, quam Senatus mutare non potuit *d. l. 3.* neque enim efficere potuit, ut salva sit substantia rei, quæ consumpta est: non verò quoad rationem fictionemque juris, quod statuere potest, ut perinde sit ac si salva esset res, quæ periit, in ejus locum alia re subrogata, quæ ejus vice fungatur. Idem prorsus evenit in fictione legis Corneliæ. Natura fieri non potest, ut qui mortuus est multo post captivitatem, primo captivitatis momento decesserit: natura enim ac veritas omnino repugnant. Juris tamen fictione fit, ut perinde habeatur, ac si primo captivitatis momento decessisset, & iidem consequantur effectus *§. ult. inst. tit. quib. non est permiff. fac. testam. l. justo 44. in fin. ff. de usucap. l. 16.*

ge Cornelia 12. ff. qui testam. fac. poss. l. lex Cornelia ff. de vulg. & pupill. In quibus ad rem nostram illud est animadvertendum, quod Julianus in *d. l. 1. lex Cornelia 12. ff. qui testam. fac. poss.* ait: *quare servus scriptus ab eo, qui in hostium potestate decesserit, liber, & hæres erit siue velit, siue nolit, licet minus propriè necessarius hæres dicatur: nam & filius ejus, qui in hostium potestate decesserit, invitus hereditati obligatur, quamvis suus hæres dici non possit, qui in potestate morientis non fuit.* Imperatores tamen in *l. apud hostes C. de suis & legit. hered.* & in *l. captum C. de postlim. revers.* absolutè eum dicunt esse suum hæredem. Nec, puto, quisquam dubitabit, sui, hæredis appellatione, & hæredis necessarij nomine hos quoque comprehendendi. Item Ulpianus in *l. 3. §. ult. ff. de V. signif.* ait: *ejus, qui apud hostes decessit, dici hereditas non potest, qui servus decessit.* Et tamen non potest dubitari quin hæreditatis nomine hæc quoque hereditas contineatur, sicut notuimus in *l. lex Cornelia 18. ff. de vulg. & pupill.* quia lex Cornelia confirmat testamentum ejus, qui apud hostes decessit perinde ac si in civitate decessisset *l. lex Cornelia 12. ff. qui testam. l. 1. §. 1. ff. ad leg. Falcid. §. ult. inst. tit. quib. non est permiff. fac. test.* Quamobrem etsi verè servus decesserit, tamen fictione legis inspecta liber & Civis Romanus decessit. Hæc omnia in usufructu multò magis attendenda sunt. Etenim fictio legis Corneliæ nullo alio nitiur fundamento, quàm publicæ utilitatis: Senatûsconsultum vero, quod introduxit usufructum earum rerum, quæ usu consumuntur, in earum rerum natura fundatum est. Ea enim est harum rerum natura, ut in genere suo functionem recipient *l. 2. §. 1. ff. de reb. cred.* & cum aliud redditur, idem omnino reddi videatur: atque adeo res conservari videatur, etiam si consumatur, quia conservatur in genere suo, quod perire non potest. Imò propter omnimodam similitudinem harum rerum, magis idem redditur, & conservatur à fructuario res, in qua habet usufructum, quàm si haberet usufructum fundi, vel domus.

Natura enim fieri non potest, ut si illis diu fruatur, longo tempore non immutentur, aded ut fundus, quem restituit, non sit in multis valde diversus ab eo, quod accepit, etiam si illum diligentissime servaverit, cum arbores, plantæ, sata in dies mutantur, & consenescant, & quæ in eorum locum subrogantur, non possint esse omnino similes illis: saltem non sint aded similes, sicut est frumentum frumento, oleum oleo & cætera ejusmodi. Solum ipsum aliquando nimia ubertate defatigatum ac terra effœcia fertilitate à fructuario restituitur necesse est.

28 Secundo statuendum est, quod quovis aliqua species minus propriè pertinet ad illud genus, de quo dispositum est, tunc investigandum est, quid senserit disponens, quoniam ambigua est dispositio, ac propterea ad voluntatem disponentis est recurrendum, ut aliàs diximus. *l. ubi est verborum ff. de reb. dub. l. in ambiguis 96. ff. de reg. jur. l. 3. in princ. ff. de reb. dub.* Et quia mens & voluntas testatoris maximè dignoscitur ex usu ejus & consuetudine, idcirco si speciem, de qua dubitatur, in numero ejus generis habuit, de quo disposuit, etiam si inindè propriè ad illud pertineat, tamen interpretandum est, etiam de illa voluisse disponere. Quamobrem si legavit vinum, & in numero vini habuit non solum vinum, quod ex vinea natum est, sed etiam vina factitia, ut hydromeli, cerevisiam, desturum, mulsum & alias hujus generis potiones, eas quoque legasse videtur *l. si quis vinum 9. ff. de tritic. vin. & oleo leg.* Item acetum, licet vinum non permanferit, quia plerique servis & illis, per quos opera rustica perficiebantur, acetum aqua dilutum potandum dabant, quod poscam vocabant. Plaut. in *Rud. IV. sc. 2.*

Sed hic rex cum acetum pransurus est & sale sine bono pulmento.

Et in *milit. glor. III. sc. 2.*

Alii obrii sunt, alii poscam potitant.

Raque domini illi acetum vini numero ha-

bebant. Vide *l. quasimus 12. §. acetum 18. ff. de instr.*

Illud tamen verum non est, acetum vini appellatione contineri, etiam si vini numero non haberetur ex *l. 2. §. 13. ff. de opt. leg.* Nam opio consumitur electo aceto post degustationem, quia concurrunt utriusque voluntas & hæredis, & legatarii, ac propterea rectè solvitur acetum quasi vinum, si legatarius id quasi vinum eligit. Idcirco si ante exhibitionem, & degustationem illud eligat, non consumitur opio *d. l. 2.* quia tunc ignorat acetum esse, quod propriè vinum non est, & legato non continetur.

Majorem involvit difficultatem id, quod 19 in eadem *l. 9. §. si acetum ff. de trit. vin. & oleo leg.* traditum est de embammate; nam embamma non est ejusdem substantiæ, cuius acetum, & ideo error in hoc vitiat emptionem *l. in venditionibus 9. in fin. ff. de contrab. emp.* Verùm puto in hac lege agi de embammate factitio, quod non ex aceto confectum est, sed arte per commixtionem herbarum, vel fermentatione, vel commixtione alicujus materiæ acidæ acorem contraxit: ut indicant illa verba: *cæterum si vinum non acuit, sed ab initio acetum fuit.* Ait in *l. si quis vinum 9. ff. de trit. vin. & oleo leg.* agitur de embammate, quod aceto constat, ad intinctum parato, ut nos conficimus acetum rosaceum, & violaceum infusâ rosâ, aut violâ, aut aliis floribus, hec bisque beo olentibus, ut jucundius exacuât palatum; ut indicare videntur illa verba: *quia aceti numero fuit.* Nam & apud nos hujusmodi embammata aceti numero sunt. In *l. 3. §. sed Aristo cum seq. ff. de penul. legat.* non queritur, an genus continet species, quæ inindè propriè ad ipsum pertinent, sed an penus comprehendat solum ea, quæ sunt esui, ac potui, an verò etiam condimenta; & responderetur ea quoque comprehendî.

In *l. pradiis 91. §. Titio ff. de leg. 3.* non agitur de vocabulo rerum, quæ sunt immutabilia, sed de nomine fundi, quod pro arbitrio domini imponitur *l. si quis 4. ff. de leg. 1.*

20 Superest, ut duas leges conciliemus nempe *l. si mihi & Titio* 110. §. 1. ff. de *V. O.* cùm *l. inter vestem* 33. ff. de *aur. & arg. leg.* Non eadem est ratio legati, & stipulationis. In legato solam voluntatem legantis spectare debemus, quia solius testatoris voluntate consistit. In stipulatione utriusque voluntas spectanda est, quia utriusque consensu perficitur *l. inter* 83. §. 1. ff. de *V. O.* Itaque non sufficit promissorem uti solitum vestem muliebri, nisi consentiat etiam stipulator, qui non potest existimari vestem illam novisse stipulatione comprehendere, maxime cùm verbis universalibus conceperit stipulationem: *Vestem tuam quacunque muliebris esset*; ac propterea non possit ei imputari, quod obscure dixerit. Igitur potius ad mentem stipulatoris, quàm promissoris ea verba sunt referenda *d. l. in fine*, cùm scire non teneatur perversum promissoris usum.

CAPUT XXII.

Ad L. cohæredi 41. §. qui patrem ff. de *vulg. & pup. subst.*

SUMMARIUM.

- 1 Genus non comprehendit speciem nominatim expressam.
- 2 Id obtinet in personis, & n. 3.
- 4 In dilatione solvendi.
- 5 In rebus, & n. 6.
- 7 Expenduntur, *l. si domine* 99. ff. de leg. 1. & *l. si Eros* 11. ff. de opt. leg. & n. 8.
- 8 Legatarum optiois distinguendum à legato generis.
- 9 Expenditur *l. si alius* 19. ff. de usu, & usufr. leg. & n. 10.
- 11 Expenditur *l. uxorem* 41. §. codicillis. ff. de leg. 3.
- 12 Item *l. Titius* 19. §. qui Marce. ff. de ann. leg.
- 13 Item *l. ult.* §. ult. ff. de aur. & arg. leg.

1 Succedit altera cùm superiore conjuncta disceptatio: an genus comprehendat etiam speciem, de qua nominatim dispositum fuit. Qua de re statuendum arbitror, hanc in genere minimè contineri, repugnante disponentis voluntate, qui non prælu-

mitur, eam comprehendere voluisse, cùm eam de genere videatur eximere, quoties nominatim, ac specialiter de ipsa disponat. Idque verissimum esse arbitror sive de personis, sive de rebus agatur.

Quod ad personas, id perspicuè à Papiniano decernitur in *l. cohæredi* 41. §. qui patrem §. ff. de *vulg. & pupill.* Verba ejus apponam. *Qui Patrem, & Filium pro parte hæredes instituerat, & invicem substituerat, reliquis cohæredibus datis, post completum assensu ita scripsit: hos omnes invicem substituo: voluntatis sit questio, an commemoratione omnium, patrem, & filium substitutionis cohæredum misceat, an eam scripturam ad ceteros omnes transtulisset: quod magis verisimile videtur propter specialem inter patrem & filium substitutionem.* Voluntatis esse questionem ait Papinianus, propterea quod adjectum fuit verbum universale *omnes*, quod ex propria significatione comprehendit etiam patrem, & filium. Cæterum si verbum illud non adiecisset testator, nulla esset hæc de re controversia. Adjecto autem illo verbo id efficitur solum verisimile, non autem usquequaque certum: adeoque si conjecturæ contrarium suadeant, à regula recedendum erit. Atque hoc Paulus docet in simili dispositione circa ætatem. Cùm enim testator filio suo, si intra decimum ætatis annum decessisset, Titium substituisset, Mævium vero, si intra decimum quatum: & filius octo annorum decessisset; quaesitum fuit, an solus Titius hæres esset, an etiam Mævius. Equidem filius decessit tam intra decimum, quàm intra decimum quatum: nihilominus Titius solus succedit; nisi contraria voluntas testatoris aperte ostendatur, ut ibi ait Paulus in *l. ex falso* 43. §. item quæro §. ff. de *vulg. & pup. subst.* Nititur igitur hæc regula solâ juris præsumptione, quæ non respicit contrarias conjecturas: dummodo illis aperte ostendatur contraria testatoris voluntas.

Accedunt duæ aliæ leges, quæ id ipsum 3 confirmant *l. alimenta* 16. §. Basilica & *l. verba* §. ff. de *alim. leg.* In prima legata erat Basilicæ libertæ pecunia, unde se aleret: alio

alio capite generaliter libertis libertabusque cibaria, & vestiaria, & habitatio relicta erant. Hoc secundum legatum non comprehendit Basilicam: nisi hoc quoque ei datum probaretur. In altera lege omnibus libertis cibaria legata erant. Alio loco testator Prothymo, Polychronico, & Hypatio cibaria reliquit, eosque commendavit heredibus, cum quibus morari voluit. Quæro, an omnibus cibaria debeant dari, an his, quos commendavit, & cum hæredibus esse iussit. Modestinus respondit, omnibus libertis cibaria relicta proponi. Tribus hiisce libertis cibaria debentur non ex legato generali, sed ex speciali. Neque hic admitterentur contrariæ conjecturæ, ne legatum sine causa duplicetur. Sed videnda est, si lubet, hujus legis explicatio in dissertatione de specie adjecta generi.

Idem, quod de personis est constitutum, etiam de dilatione solvendi traditur in l. 4. ff. de dot. preleg. Cum vulgari modo dies legatorum profertur; nihil enim rem ad dotis relegationem pertinere ait, quia suum diem habet. Pluribus exemplis ad explicatum in l. talis scriptura 30. per tot. ff. de leg. 1. ex cuius initio constat, quid sit vulgari modo diem legatorum proferte. De cautione idem traditum in l. doli 119. ff. de V. O.

Jam verò de rebus legatis videamus. In l. cum alii 2. ff. de rit. vin. & ol. legat. Cum alii penum, alii vinum legatum esset; excepto vino omne penum ad alium legatarium pertinebit.

In l. Stichus 20. in princ. ff. de alim. vel cib. leg. Stichus nutricis mea nepos liber esto, cui decem aureos annuos dari volo. Qui deinde, interpositis nominibus, eadem Stichum contravenales ejus, & liberos legavit; hisque que vivus prestabat. Deinde alio capite libertis omnibus, que vivus prestabat, dari iussit; quæro, an Stichus præter suum legatum & alimenta percipere possit. Respondit, secundum ea, que proponerentur; non posse. Rectè. Nam legatum annum liberto relictum, pro alimentis relictum censetur l. à filio 17. in princ. ff. de alim. vel cib. leg. & simile

exemplum proponitur in l. libertis in princ. ff. eod. & in §. posthumis ead. l. & laudata l. Stichus 20. §. Tutia ff. eodem. Ac propterea cum in specie, & nominatim ei relicta fuerint alimenta, non comprehenditur in generali legato alimentorum libertis omnibus relicto. Ex quo efficitur, quod etiamsi illud, quod generali legato relinquitur, in legato speciali non expressè, sed tacitè ex juris interpretatione continetur, tamen species à genere exempta censetur.

In l. 1. ff. de aur. & arg. leg. Alii vestimenta: alii vestis muliebris legata est. Illi debentur reliqua vestimenta detractis muliebribus: huic vestimenta muliebra. Item alteri mundus muliebris, alteri argentum omne legatum est. Huic debetur omne argentum, detracto tamen argento, quod in mundo esset, quod alteri legatum est. Item uni urbani servi legati sunt, alteri dispensator: illi debentur omnes servi, excepto dispensatore. Singulari animadversione dignum est secundum exemplum, tum quia etiam legatum mundi muliebris generale est, non minus, quam legatum argenti: tum quia in mundo muliebris continetur quidem argentum muliebre, non tamen hoc nominatim & expressè legatum est, sicut nominatim continetur in generali legato omnis argenti. Quamobrem nulla ratio apparet, cur potius argentum muliebre cedere debeat legato mundi muliebris, quam legato omnis argenti; præsertim propter verbum illud universale omne, sed hoc ita decisum fuisse à Pomponio arbitror, quia licet mundus muliebris plures diversas res contineat l. argumento §. ornamenta, vers. mundus l. si uxori in princ. ff. de aur. & arg. leg. tamen adjectio illa muliebris efficit, ut speciei rationem habeat l. Plantius 8. ff. cod. maxime si argentum, quod est in mundo, consideretur, quod singularis res est, restrictum ad vasa unguentaria, quæ argentea esse possunt; & si qua sunt similia: reliquum enim argentum ad ornamenta pertinet, non ad mundum d. l. argumento §. ornamenta. Plurimum enim interest decernere, quodnam sit genus, quæ species: quandoque enim id non modicam habet dubita-

tionem, cum duo genera esse videantur, ut in *l. servis urbanis* 99. §. ult. ff. de leg. 3. ubi cuidam legati erant vernæ, alii cursores: quidam autem servi erant simul & cursores, & vernæ. Dubitatum fuit, cui cederent: utrumque enim genus esse videtur tam vernarum, quàm cursorum. Paulus tamen respondit, cursoribus cedere: semper enim species generi derogat. Nimirum licet plures, ac plures possint esse cursores, tamen cursorum officium nullas species continet: nomen autem vernæ plures species subiectas habet: putà quidam sunt atrienfes, quidam fabri, quidam textores, ac similes: tot enim possunt esse species vernarum, quot sunt ministeria, & officia servorum. Subdit deinde Paulus. *Si in specie aut in genere utrique sint, plerumque communicabuntur.* Multum igitur refert distinguere speciem à genere. Illud animadvertendum est, hic genus & speciem more dialecticorum accipi, ut suprà etiam indicavimus.

- 7 In contrariam partem multa asseri possunt: ac primò contrarium respondisse videtur Julianus in *l. si domino* 99. ff. de leg. 2. *Si domino Stichus legatus esset, & servo ejus optio data; partem dimidiam Stichi dico ad dominum pertinere, quod possis servus manumissus eundem Stichum optare.* Idem Julianus in *l. si Eros* 11. ff. de opt. leg. *Si Eros Sejo legatus sit, & Erosi fundus, deinde optio servi Alvio data fuerit, isque Erotem optaverit, fundus ad solum Sejum pertinebit, quoniam adita hereditatis tempore is solus erat, ad quem posset legatum pertinere.* Pro certo habet Julianus eum cui legata est optio, posse optare servum alteri legatum. Non possunt hæc esse contraria sententiæ, quam suprà probavimus, quæm probat idem Julianus huiusmodi legum auctor in *l. uxorem* 41. §. felicissimo 3. ff. de leg. 3. ubi ait, non esse verisimile, testatorem, qui specialiter libertis fundum legavit, ad filium, cui & hæreditatis partem reliquit, legatum generali sermone transferre voluisse. Quamobrem investigata oportet discrimen inter legatum generis, & legatum optionis.

- 8 Glossa ait, quod testator duos tantum ser-

vos habebat, Erotem, & alium; adeoque inutile esset legatum optionis, si non posset Erotem optare. Verissimum id quidem, si aliquo argumento conjectare possemus, testatorem duos tantummodo servos habuisse. Sed præterquam quod nulla, & levis quidem, conjectura potest asseri, contrarium potius conjicere possumus, quia constanter duobus locis, ac diversis factis propositis, Julianus respondit sine ullà distinctione.

Verius igitur existimo, legatum optionis legato generali comparandum non esse. Qui legat genus, legat omnes servos, quos genus complectitur *l. si chorus* 79. ff. de leg. 3. Qui legat optionem, unum tantummodò servum legat incertum quidem ante optionem, sed qui certus ex optione fiet. Itaque si uni servus, alteri optio servi legetur, utrumque legatum speciale est, alterum continet speciem certam, alterum incertam. Quamobrem obrinere debet regula à Paulo tradita in *l. servis urbanis* 99. §. ult. ff. de leg. 3. *Si in specie aut in genere utrique sint, plerumque communicabuntur.* At enim, iniquis, legatum optionis orationis compendio omnes servos comprehendit *l. Alvin* 6. 1. ff. de leg. 2. Verissimum id est quoad facultatem eligendi, non quoad obligationem; neque enim omnes servi debentur legatario, sed is tantum, qui à legatario optabitur, vel illi tres tantum, quos eligere potest ex legato optionis *l. 1. ff. de opt. leg.* Et cum optionis legatum esset olim conditionale §. optionis 23. instit. tit. de leg. non antè nascebatur obligatio, nec dominium transferre batur in legatarium, quàm si optasset.

Sed hoc maxime probat in legato optionis contineri etiam servum alteri legatum: nam cum generaliter unus servus per optionem legetur *l. his consequenter* 18. in princ. ff. fam. ercisc. utique testator de omnibus ac singulis videtur cogitasse *l. cum ita legatur* 9. ff. de opt. leg. quæ est ejusdem Juliani: eum, qui sub conditione libertatem Sticho dedit, & optionem servorum, non cogitare de Sticho, sicuti constat non cogitare eum de eo, cui præsens libertatem dederit: secundum quod si Stichum optavero, nihil agam, & ex cæteris

nihilominus optabo. Non cogitat testator de servo manumisso: si enim eum vult esse liberum, utique non vult eum præstari legatario. De reliquis cogitat testator: cogitat etiam de servo alteri legato: nam & hic in familia, ex qua fieri debet optio, continetur *l. si optio 13. ff. de opt. leg.* & ab hærede præstari potest. Is cui generaliter omnes servi legati sunt, facile vindicabit etiam servum alteri legatum, cum dimidiam ejus partem sit consecuturus, & ideo testator ipsum alteri legando exemit de genere legato. Is, cui optio legata est, non facile optabit servum alteri legatum, quia eum optando dimidiam tantum partem ejus est consecuturus; alium autem optando totum servum est habiturus: & ideo hunc servum non exemit de familia testator. Ille contentus esse debet omnibus aliis servis, quos consequitur ex liberalitate testatoris, non adimere partem servi alteri legatario, qui unum tantum servum accepit à testatore; & hoc testatorem voluisse non est verisimile. Hunc qui unum tantum servum, aut ad summum tres est consecuturus, laxiorem in optando facultatem habere consentaneum est voluntati testatoris. Sic igitur concludendum est ex sententia Juliani: ex legato optionis eximitur à testatore servus, qui ab eo vel præsentem vel sub conditione libertatem accepit, quia de hoc non videtur cogitasse testator: cum enim voluerit eum esse liberum, noluit eum legatario optionis præstari. Quocirca, si conditio libertati adjecta defecerit ante aditam hæreditatem, poterit ille servus optari, laudata *l. cum ita §. ult. ff. de opt. leg.* Longe aliter se res habet in legato familie vel omnium servorum. Nam qui uni certum servum legat, & alteri omnes servos, numquam videtur cogitasse de illo servo, quem illi specialiter legavit.

9. Contrarium quoque esse videtur Modestini responsum in *l. si alii 19. in princ. ff. de usu & usufr. leg.* cujus auctoritas à quibusdam doctissimis viris est repudiata. Testator alii fundum, alii usufructum ejusdem fundi legavit; respondit Modestinus, usufructum inter eos communicari.

Sed nullo modo contrarium est regulæ, quam initio statuimus. Neque enim hic agitur de legato generis & speciei. Non est alii legatum genus, alii species: sed uni legatum est totum, alteri pars. Fundus non est genus, sed res singularis, nec usufructus est species fundi. Fundus est totum quiddam constatum ex proprietate, & usufructu: usufructus, & proprietas sunt partes fundi, quæ juris intellectu fundum component *l. qui usufructum §. 8. ff. de V. O.* Quamobrem ille, qui legat usufructum, legat partem fundi, & quidem eam partem, quæ detracta fundus dari non intelligitur. Quo fit, ut qui fundum legat, necessario complectatur & proprietatem, & usufructum; quia detracto usufructu fundus dari non intelligitur *d. l. qui usufructum ff. de V. O.* Detracta species remanet genus, detracto usufructu non remanet fundus, sed sola proprietas. Atqui non sola proprietas legata fuit, sed proprietas conjuncta cum usufructu.

Atque ut clarius eluceat, Modestini responsum ad rem nostram non pertinere, observandum est, nos, cum dicimus speciem uni legatam non comprehendi in genere alteri legato, niti conjectura voluntatis testatoris, qui speciem legando videtur eam à genere eximere. Contrà Modestinus nititur verbis testatoris, eorumque significatione etiam contra ejus voluntatem. Ibi: *Si eo proposito fecit, ut alter nudam proprietatem haberet, errore labitur. Nam detracta usufructu proprietatem eum legare oportet eo modo &c.* Et hoc est, quod in multorum representationem incurrit, quod verborum vim voluntati prætulit: quam, si quando nobis obveniret occasio, diluimus. Quod ad rem nostram attinet, Modestinus in ea lege non disputat, an species generi derogat: Sed an erraverit testator, qui legavit fundum, cum vellet legare nudam proprietatem, & an à verbis sit recedendum, ut errori testatoris obsequamur: seu, ut dicam planius, an cum perspicua sint verba testatoris, admitenda sit voluntatis questio, quod etiam Paulus negavit in *l. ille aut ille 26. ff. de leg. 3.* Nam quod legato uni fun-

do, alteri usufructu, inter eos communicatur usufructus, controversum non erat *l. si sibi decem 6. ff. de usufr. ear. rer. l. Sempronius Attalus 26. §. ult. ff. de usufr. leg.* sicuti si uni legatur domus, alteri habitatio *l. Sempronio 33. in princ. ff. de usufr. leg.* Id erat in controversia, an usufructus esset communicandus, etiamsi testator legaverit fundum eo proposito, ut nudam proprietatem legaret; & Modestinus respondit, nihilominus totum fundum legatum esse, & communicandum usufructum, quemadmodum in re non ab simili statuerunt Servius, & Celsus contra opinionem Tuberonis in *l. Labo 7. §. ult. ff. de supell. leg.*

- 10 Sed obitat text. in *l. cum questio 23. C. de leg.* Qui legat uni totum, alteri tertiam partem, primo duæ tertie, alteri tertia debetur, & ita de aliis partibus. Sed hæc sunt partes quantitativæ, ut aiunt, quæ non possunt communicari cum eo, cui totum legatum est ex voluntate testatoris, quia secundus non haberet tertiam partem, si eam cum primo communicaret, quod voluit testator *d. l. cum questio.*

- 11 Sequitur aliud argumentum, quod duci potest ex *l. uxorem 41. §. codicillis ff. de leg. 3.* Testator servis manumissis legavit contubernales, itemque filios & filias. Idem postea petit ab heredibus suis, restituerent quoddam fundos, cum omnibus, quæ ibi erunt, & mancipiis rusticis, vel urbanis, & actoribus, exceptis manumissis. In fundis legatis tempore mortis testatoris erant servi Eros, & Stichus, qui actum administrabant; & erant filii Damæ, qui à testatore fuerat manumissus. Queritur fuit, an illi ad Damam pertinere deberent, quod ejus essent filii, an verò ad uxorem, quod in fundis ei relictis essent. Respondit Scævola, ad patrem naturalem intuitu pietatis eos pertinere. Non confugisset Scævola ad intuitum pietatis, si servi illi specialiter legati patri naturali, exempti essent à genere mancipiorum uxori legato.

Respondetur, confugiendum fuisse ad intuitum pietatis pluribus de causis. Prima ac potissima est, quia testator, cum legavit

servis manumissis contubernales, nec non filios, & filias, excepit eos, quos uxori legasset: atqui Eros & Stichus uxori legati erant, cui relictis testator mancipia, quæ in fundis per fideicommissum uxori relictis essent. Accedit quod nominatim testator reliquit uxori actores, qui essent in fundis fideicommissis, & hujusmodi erant Eros, & Stichus. Concurrit & alia causa, quia hic non erat uni relictum genus, alteri species: sed aut utrique genus, aut utrique species: Nam manumissis legati erant filii, & filiarum nominatim: uxori relictis erant nominatim actores: itaque viderentur esse communicandi Eros, & Stichus inter Damam, & uxorem juxta *l. servis urbanis 99. §. ult. ff. de leg. 3.* Sed omnem controversiam dirimit intuitus pietatis, quo præsumitur adductus testator ad legandos filios, & filias servis, quos manumissit: ut possint eis libertatem dare, eosque piè, ac liberaliter tractare.

Aliud argumentum nobis suppeditat idem Scævola in *l. Titia 19. §. qui Marceff. de ann. leg.* Qui Marco hominidotto certa annua præstabat, testamento cavit: Domina sanctissima scio te de amicis meis curaturam, ne quid his desit: verumamen Marco dari odingenta Respondit Scævola, Marco deberi non solum odingenta, sed etiam annua, qua testator ei vivus præstabat.

Nullius momenti est hoc argumentum. Non est uni legatum genus, alteri species: Sed eidem legata tum odingenta, tum annua. Non est legatum genus & species. Nam nec annua sunt species odingentorum, nec odingenta sunt species Salarii annui, quod à vivo testatore ei præstabat. Solum igitur concurrunt duo legata in eodem legatario atque adeo utrumque præstari non esse dubitari non poterat. De eo controversia erat, an Marco relictæ essent annua illis verbis: scio te de amicis meis curaturam, ne quid his desit. Item an odingenta relictæ essent & subrogata in locum annui salarii: tunc enim annum salarium non deberetur, sed solum odingenta *l. alimenta §. Basilica ff. de alim. leg.* quam supra exposui. Sed verba, quibus usus est testator: verumamen Marco, &c. demonstrant, testatorem voluiss-

se, Marcum habere utrumque legatum, atque ita rectè ea est interpretatus Scævola.

13 Superest aliud petitum ex *l. ult. §. ult. ff. de aur. & arg. leg. Mulier Seja legavit ornamenta universa: deinde iussit, se funerari arbitrio viri, & ex ornamentis inferri sibi lineas duas ex margaritis, & viriolas ex smaragdis. Sed neque mariti neque heredes curarunt, ne hac ornamenta inferrentur. Respondit Scævola, non ad heredes, sed ad Sejam legatariam ea ornamenta pertinere.*

In promptu est responso. Non impleta voluntate testatricis, quæ viriolas ex smaragdis, & duas lineas margaritarum è genere ornamentorum exemerat, ut iis ornaretur, cum sepeliebatur, utique genus non minuitur, & Seja, cui ornamenta legata fuerunt hæc quoque debentur, cum in genere legato contineantur, à quo non fuerunt exempta, non impleta testatricis voluntate, quæ factò mariti, & heredis ad nihilum recidit, adeoque nihil detrahit legato generali.

CAPUT XXIII.

Ad L. legata 9. ff. de suppellect. leg.

SUMMARIVM.

- 1 An species expressa coangustet genus, voluntatis questio est. Interpretes, qui eam tractarunt, veritatem non assequuti.
- 2 Species adjecta genus non minuit, si qua causa appareat, cur adjecta fuerint. Expenduntur loca, qua pro negativa sententia afferuntur ad n. 6.
7. Enumerantur loca, quibus affirmativa sententia confirmatur ad n. 16.

1 Succedit altera controversia, quam in superiore attigimus, infinitis propemodum difficultatibus involuta, quam dum explicare conati sunt interpretes, & in forensibus causis apprimè exercitati, mirabiliter implicarunt. Ea est, an species expressæ coangustent genus, ipsumque contrahant ad species expressas. Voluntatis questio est: adeoque oleum & operam perdunt, qui hac de re certam regulam statuere conantur. Facile 2 quidem rem expeditur, qui ajunt, tunc speciem genus coarctare, cum adjecta est aliqua

particula taxativa: scilicet; videlicet, aliave ejusdem modi. Sed hi non solvunt questionem, verum ab ea declinant. De hoc enim nulla potest esse controversia, cum manifesta sit voluntas testatoris suam mentem perspicue declarantis. Alii distinguunt, an species præcedat genus, an subsequatur. Inanis profecto distinctio, nulloque jure, nulla ratione suffulta. Sunt, qui doceant, distinguendum esse, an genus sit per adjectivum neutraliter positum; an per substantivum. Nisi vereretur de doctissimis viris detrahere, hanc distinctionem non solum commentitiam esse dicerem, sed etiam ineptam. Certè veteres Jurisconsulti nihil tale cogitarunt. Ut hoc appareat, atque extet singulas leges, quæ hac de re pertractant, diligenter explanabimus, & quæ in utramque partem differuntur, exponemus, ac deinceps, quid in hac perdifficili, & perobscura questione sentiamus, in sequenti dissertatione proponemus.

Primum autem, quod species non imponatur generi modum, nec legatum minuat, perspicue traditum ab Ulp. in *l. questum* 12. §. si quis fundum 46. ff. de fund. instr. pro quo facit auctoritas Papiniani in *l. legato* 9. ff. de suppellect. leg. Papinianus ita scribit. *Legata suppellectili, cum species ex abundanti per imperitiam enumerentur, generali legato, non derogatur. Si tamen species certi numeri demonstrata fuerint, modus generi datus intelligitur.* Ulpianus autem in laudata *l. questum* Papiniani responsum generaliter accipit. Ait enim: *Si quis fundum ita, ut instructus est, legaverit, & adjecerit cum suppellectilibus, vel mancipiis, vel cum aliqua re, qua nominatim expressa non erat: utrum minuit legatum adjiciendo speciem, an vero non, queritur: & Papinianus respondit, non videri minutum, sed potius ex abundantia adjectum.* Verba illa Papiniani: *cum species ex abundanti per imperitiam enumerentur.* Ulpianus ita interpretatur, quasi Papinianus pro certo affirmaverit, credendum esse, species adjectas fuisse per imperitiam ex abundantia. Quapropter nisi contrarium manifestè demonstretur, minutum non erit legatum. De altera legis parte, quæ videtur paulo obscu-

N n n iij

rior, quando videlicet modus legato datus intelligatur, dicemus in proxima.

Hanc opinionem plerique confirmant auctoritate Modestini in *l. verba §. ff. de alim. et cio. leg.* Ibi: *Testator ita legaverat: omnibus libertis meis cibaria præstabis pro arbitrio vestro, non ignorans, quos ex his caros habuerim. Item alio loco ita scripsit; Prothyum, Polychronium, Hypatium commendo, & ut vobiscum sim, & cibaria præstatis peto. Quæsitum fuit, an omnibus cibaria dari deberent, an solis illis, quos commendavit, & cum heredibus esse jussit. Modestinus respondit, omnibus libertis cibaria relicta proponi, quorum modum viri boni arbitrio statuendum esse: sed hoc Modestini responsum, ut ingenue fatear quod sentio, ad quæstionem nostram non pertinet. Animadverto enim verba illa: *pro arbitrio vestro*, non referri ad electionem libertorum, quibus alimenta præstanda sint: testator enim omnibus libertis cibaria præstari voluit; non dedit electionem heredibus, quibusnam ea præstare vellent; ac propterea rectè respondit Modestinus, omnibus libertis cibaria relicta proponi. Ea igitur verba referuntur ad modum alimentorum: hoc est, heredes scientes, quos testator ex libertis caros haberet, his pinguiora alimenta præstare debent; & ideo rectè dixit Modestinus, morum cibarium arbitrio boni viri statuendum, Licet enim testator id commiserit arbitrio heredum, tamen ipsi arbitrari debent, quemadmodum vir bonus arbitraretur. Illud etiam animadvertendum, quod secundum legatum tribus illis libertis nominatim relicto non potest minuire primum, quod generatim relicto est omnibus: tum quia, cum expressè relicto sit omnibus, non possunt ab eo reliqui excludi, nisi fuerit ipsis ademptum: tum quia hoc secundum legatum diversum est à primo, quia non solum in hoc cibaria relinquere tribus libertis testator, sed etiam mandat heredibus, ut eos secum habeant, & cum eos commendet heredibus, hoc ipso demonstrat, eos sibi caros esse atque eis cibaria pinguiora esse præstanda, sicut mandaverat in primo legato. Constat igitur, hoc secundum legatum adjecisse testatorem,*

non ut cæteris adimeret legatum, & cibaria in primo legato ipsis relicta; sed ut hos commendaret heredibus, & eos sibi esse declararet, & velle se eos cum heredibus commorari. Quamobrem ex hac lege conficitur, quod si qua causa appareat, cur testator species generi adjecerit: ac si verba commodè alio referri queant, idque rectè ratio sermonis suadeat, numquam species adjecit genus minuere, eique modum ac terminos angustiores circumferibent.

Minus ad rem attinet Scævola responsum 4 in *l. alimenta 16. §. Basilica ff. de alim. & cib. leg. Basilica legata erant decem, ut cum annorum vigintiquinque esset, ei restituerentur cum usuris, ex quibus aleretur. Alio capite libertis, libertabusque cibaria, & vestimenta, & habitatio legata erat. Quæsitum fuit, an hac quoque Basilica deberentur: responsum est non deberi. In hac lege non id, de quo agimus, in quæstione versatur: Sed an legatum speciale dupliciarum videatur, adjecto legato generali: Seu an genus comprehendat etiam speciem, de qua testator specialiter jam disposuerat, qua de re in superiore disputavimus, & fortasse alias disputabimus. Basilicæ libertæ relicta erant decem cum usuris, ut ex his aleretur: adeoque ei relicta erant alimenta. Postea legata erant alimenta libertis, libertabusque, urique in hoc legato generali Basilica non continetur, cui jam alimenta specialiter erant legata, neque enim verisimile est, testatorem voluisse eam habere alimenta duplicata. Er ideo optimam rationem subdit Claudius: *quia destinaverat alimentis ejus usuras pecunia, quas ei specialiter prælegaverat*: species hic coarctat genus eo modo, quo potest. Nam Basilica in legato generali non continetur: non ea ratione quia species coarctet genus, sed quia alimenta jam ei erant legata. Cæterum, quod nostræ quæstionis est, hoc loco genus in unam speciem redigi non potest: hoc est, soli Basilicæ alimenta deberi. Etenim cum duo sint legata inter se diversa, atque sejuncta, si soli Basilicæ alimenta deberentur, legatum generale alimentorum esset omnino inutile: quo nihil absurdius dici potest, aut cogitari. Neque*

adeo juris ignarus fuit Scævola, ut hoc in controversiam vocaret: aut tamquam rem dubiam incertamque proponeret.

Superfunt aliz dux leges explicandæ. In l. annuum 6. ff. de ann. leg. Testator annuum pecuniam ad ludos civitati reliquit, quibus præfideri heredes voluit, successores negant se debere, quasi testator tamdiu præstari voluisset, quamdiu præfiderent heredes. Respondit Modestinus fideicommissum in perpetuum præstandum esse. Sed hic nulla species adjecta generi, verum qualitas adjecta legato in honorem heredum: quæ legatum, quod natura sua perpetuum est, l. pen. ff. cod. non efficit temporarium.

In l. quisquis 95. in fin. ff. de leg. 3. Testator legaverat cuidam, quantas summas dictasset: dictavit etiam res corporales. Quæsitum est, an hæ legato continerentur. Eas quoque contineri responsum est. Futile est argumentum, quod ex hac lege deducitur. Alienissimum enim est à nostra questione, quod in ea lege vocatur in dubium. Nimirum dubitatur, an nomine summarum res corporales contineantur: & contineri respondetur, tum quia id non abhorret à verbi significatione, ut ibi probatur exemplis, tum quia consentaneum est voluntati testatoris, qui inter summas dictavit etiam res corporales.

Conraria sententia gravissimis firmissimisque nititur argumentis. Primum ducitur à l. heres meus 100. §. 1. ff. de leg. 3. Dux statum marmoris cuidam nominatum, item omne marmor erat legatum. Questionis fuit apud veteres, an solæ dux statum legato continerentur, quæ nominatæ erant, an etiam reliquæ, quæ generali legato marmoris poterant contineri. Javolenus statuit, solas duas deberi. Animadvertendum tamen est, quodd hic duo proponuntur legata: alterum speciale statuarum; alterum generale marmoris. Dubitatur, quid generali legato marmoris testator voluerit comprehendere: & licet verbi significatio possit etiam ad statuas extendi, tamen, cum statuas separatim ac specialiter legaverit, potest videri, non putasse in marmore se statuas legare. Quam-

obrem si subtilius expendatur Javoleni responsum, pertinet potius ad eam questionem: an species expressa in genere contineatur.

Alterum ducitur à l. ult. in fin. ff. de tris. 8. vin. & ol. leg. ibi: Legatum erat vinum amphorarium, Anianum, Græcum, & dulcia omnia. Inter dulcia nihil nisi quod potionis est, legatum videtur. Equidem vini commemoratio restringit generale legatum omnium dulcium. Verumtamen si rem attentius consideremus, non restringitur genus à specie expressa, nam & vini legatum generale est: sed cum legato vini subjiçiantur verba illa: & dulcia omnia: dubitatum fuit, an ea tantum dulcia legata viderentur, quæ sunt ejusdem generis, ac vinum; nempe quæ sunt potionis, ut passum, defrutum, & alia poculenta, an verò etiam esculenta, ut ficus, caricæ, mel, & alia hujus generis. Et quia conjunctim eadem oratione post genera vini enumerata adjecit etiam dulcia, respondit Labeo, solum ea, quæ sunt potionis, legato contineri ex collatione vini amphorati. Collatio igitur vini supra legati genus dulcium ad portiones contrahit, ac reducit, non species expressa. Itaque ex hac lege potius illud deduci posse videtur, quodd quoties alicui generi subjiçitur aliquid magis generale, & quod latius pateat, quam genus superius expressum, hoc ad illud redigi ac reduci debeat, factâ collatione cum illo.

Tertium deprobi potest ex l. nam quod, liquide 4. in fin. ff. de pen. legata ibi: Legata erat omnis penus præter vinum, quod Roma erit. Pomponius & Paulus responderunt, solum penum, quæ Roma est, legatam videri. Hoc quoque legatum verè non restringit adjectio vini, sed demonstratio illa, quæ certo loco circumscriptib rem legatam: quod Roma erit. Demonstrat enim testatorem sensisse de penu, quæ Romæ erat: Exceptio enim sicut confirmat regulam in his, quæ non sunt excepta, ita demonstrat, quæ de re voluerit disponere testator l. questum 6. idem respondit domo 43. vers. denique Neratius ff. de fund. instr. Itaque demonstratio illa: quæ Roma erit, licet adjecta fuerit

vinum, tamen refertur ad totum legatum, hoc est, ad penum legatam. Nam quod excipitur, pars est subiecta generi, unde eximitur: ac propterea si vinum, quod Romæ est, excipitur, & de penu legatâ eximitur, penus quoque, quæ Romæ est, legata censetur necesse est.

10 Quattum ex l. cum de lanionis 18. §. cui fundum ff. de instr. vel instrum. leg. Cui fundum instructum legavit nominatim, mancipia legavit: quæstum est, an reliqua mancipia, quæ non nominasset, instrumentum cederent. Cassius ait responsum esse, tamen si mancipia instructi fundi sint, tamen videri eos solos legatos esse, qui nominati essent; quod appereret non intellexisse parvum f. instrumentum quoque servos annumeratos esse.

11 Quattum ex eadem l. §. quidam penult. Cum quidam ira legasset; villam meam ira ut ipse possidet, cum suppellectile, mensis, mancipiis, quæ ibi deputabuntur, urbanis, & rusticis, vinis, quæ in diem mortis ibi erunt, & decem aureis: & quæretur, cum in diem mortis ibi libros, & vitæamina, & vestimenta habuerit, an eadem omnia legato cederent, quoniam quadam enumerasset. Scævola respondit specialiter expressa, quæ legato cederent.

12 In l. Seja 10. in princ. ff. cod. Quidam testamento Seja reliquit fundos instructos, cum villicis, & reliquis colonorum. Postea in codicillis, oblitus testamentaria scriptura, legavit fundos ita ut sunt instructi rustico instrumentum, suppellectile, pecore, & villicis, cum reliquis colonorum, & apothecâ. Respondit Scævola, testatorem, quid instructi appellatione contineri vellet, satis ostendisse; ideoque eam tantum, quæ enumeravit, deberi: non autem quod usus quotidiani causâ in fundis haberet, licet hoc quoque fundi instructi appellatione contineatur l. quæstum §. sed si fundus cum seqq. ff. cod.

13 In l. quæstum 78. §. 1. ff. de leg. 3. Argentum omne, & suppellectilem, quæcumque habeo, tibi dono, & quicquid in pradio Semproniano habeo. De hoc legato respondit Paulus: de argento, & suppellectile, quæ alibi esset, cum, cujus notio est, æstimaturum,

ut obrineat, quod testatori placuisse à legatario approbabitur: ergo nisi legatarius probet, testatorem voluisse legare etiam argentum, & suppellectilem, quæ alibi esset; legatum generale redigetur ad id solummodò, quod est in fundo Semproniano. Sed, ut supra dicebam, designatio certi loci est, quæ laxissimum legatum arctius adstringit, & reducit ad ea, quæ sunt in fundo Semproniano. Nimirum cum plura conjunctim legata, aut donata sint, mentio fundi Semproniani in fine adjecta ad omnia antecedentia refertur: maxime quia in legato antecedenti testator cum contentum esse iusserat fundo Semproniano cum suis inhabitantibus, id est, familiâ, & quæ ibi erunt. Itaque subsequens epistola, in qua pariter legatum adstringitur ad limites fundi Semproniani, interpretationem recipit à precedenti legato l. si servus 10. §. ult. ff. de leg. 1. l. nummis 75. ff. de legat. 3.

In l. legatorum 33. §. 1. ff. de legat. 2. 34 Quidam plures hæredes instituit testamento: à quibusdam nominatim reliquit legata: postea codicillis ad omnes hæredes scripsit. Respondit Modestinus, nihilominus ea legata deberi solum ab illis hæredibus, quos manifestè testamento testator expresserit. Non existimo hanc propositi sententiæ plurimum adjumenti afferre. Hic non species derogat generi: sed genus in codicillis adjectum non derogat speciei in testamento nominatim expressæ. Præterea testator scripsit quidem codicillis ad omnes hæredes, non tamen ab omnibus expressè legata repetiit. Nam si legata ab omnibus expressè repetiisset, sicut à quibusdam nominatim in testamento reliquerat, ab omnibus deberentur, non bis, sed semel, si tibi homo 86. §. 1. ff. de leg. 1. l. Mavins 66. §. cum qui ff. de leg. 2. Cum autem expressè & nominatim ab omnibus ea non repetiit, non debet id, quod incertum est, explicare rem certam; nec obsequari voluntatem testatoris declarare aut ei derogare.

Supereff explicandum aliud Scævole responsum in l. Aurelius 28. §. testamento ita ff.

ff. de liberat. leg. Testamento ita scripserat: Titio affini meo quicquid mihi quacumque ex causa debebat, remissi volo, eoque amplius decem do. Codicillis ita scripsit: Titio hoc amplius affini, & debitori meo, usuram pecunia, quam mihi debet, ab herede meo donec vivet, exigi vero: quid si exigere contra voluntatem meam putaverit, ejus sortis usuram eidem Titio ab hereditibus meis donec vivit, præstari volo. Respondit Scævola, *videri minucum legatum, quod primo dederat.* Sed hic non minuitur legatum propter speciem adjectam generi. Sunt enim duo diversa legata, diversas res continentia, diversis scripturis relicta. Primum relictum est in testamento: alterum in codicillis: primum continet liberationem à debito sortis, alterum liberationem ab usuris: primum est indefinitum, & nullo tempore circumscribitur: alterum continet liberationem ab usuris quamdiu vivet legatarius. Ratio igitur, cur secundum legatum minuat primum, ea est, quia secundum continet revocationem, & ademptionem primi quoad debitum sortis. In primo enim testator legatario remittit, quicquid ex quacumque causa debebat: remisso autem debito, necessario consequitur etiam remissio usurarum in futurum, cum extincto debito principali non possint amplius currere usuræ. In secundo remittit usuras quoad vivet legatarius, & vetat eas exigi ab herede; & si exactæ fuerint, eas legatario restitui. Pugnat igitur secundum legatum cum primo. In primo enim remittit expressè sortem, & tacitè usuras ex necessaria consecutione remissæ sortis. Contra in secundo remittit expressè usuras, & ex necessaria consecutione confirmat debitum sortis. Insulsa enim esset & inuilis remissio usurarum, si sublatum esset debitum principale sortis, unde profuit cursus usurarum. Sunt ergo contraria hæc duo legata quoad debitum sortis: à primo enim tollitur: à secundo confirmatur. Quapropter utramque simul stare non potest. Et quia in ultimis voluntatibus posterior scriptura spectari debet *l. si tibi certam 18. in fin. ff. de adim. legat.* & quæ postea geruntur, prioribus derogant

l. Divi §. licet ff. de jure codicill. ideo attenditur legatum relictum in codicillis, quod derogat legato relicto in testamento: quod nudà etiam voluntate potest revocari *l. 3. §. ult. ff. de adim. leg.* eaque etiam tacita *d. l. 3. in fin. l. si inimicitia ff. de his quib. ut indig. l. 2. in fin. & l. 3. ff. de anr. & arg. leg.* Optimus in rem nostram *text. in l. liberis 18. in princ. ff. de alim. leg.* Atque hæc certissima sunt; sed scrupulum & dubitationem injiciebant illa verba: *hoc amplius*, quæ augendi legati causa videbatur adjecta. Quapropter videri poterat testator adjecisse remissionem usurarum in codicillis rei magis declarandæ causâ, eo quod in testamento nullam usurarum mentionem fecerat. Verum rectè respondit Scævola, minucum esse legatum, tum naturâ rei, tum ipsâ necessitate hoc dicente. Etenim si extingueretur debitum principale sortis ex mente testatoris, unique non possent exigi usuræ, ut in codicillis supponit testator. Præterea quia testator liberat à solutione usurarum solummodo legatarium quamdiu vivet, non vero tollit eam obligationem in perpetuum: quare mortuo legatario iterum incipient currere usuræ, quod fieri non posset sublato debito principali.

Hoc ad extremum moneo, frustra esse, 16
quod ad tutandam hanc opinionem præsidium petunt ex *l. cum fundus 126. ff. de V. S.* ibi enim nec generis, nec speciei ulla ratio habetur: sed cum dominus in dando fundo aperit, ac perspicuè declaraverit: *jus fundi deterius factum non esse per dominum præstabitur, amplius præstabitur nihil:* licet verba illa: *ut optimus maximusque esset*, significent fundum liberum esse: tamen ambigua sunt, quia potest esse liber ab omni servitute à quocumque imposita, & potest dici liber à servitute imposita à domino fundum dante. Propterea dominus ad tollendam ambiguitatem, addidit se tantum præstare jus fundi per se deterius factum non esse, & nihil amplius: quibus verbis dilucidè planèque explicavit voluntatem suam, ut de ea dubitari non posset.

CAPUT XXIV.

Ad eandem Leg.

S U M M A R I U M.

- 1 Species derogat generi in clara voluntate; in ambigua controversum.
- 2 Prima regula: cum species per imperitiā ex abundanti enumerantur, dispositioni generali non derogant.
- 3 Maxime si alia causa appareat, ex qua species adjecta sint.
- 4 Secunda: si species certi numeri demonstrata fuerint, modus generi datus in his intelligitur. Exemplis explicatur.
- 5 Id obtinet cum species certi numeri in isonotia disponente demonstrantur, pura si eidem legata sint.
- 6 Tertia: plures ac plures species adjecta genus coercent, & redigunt ad illas species. Exemplis.
- 7 Expenditur l. quæstum 11. §. si quis fundum 46. ff. de fund. instrum.
- 8 Item l. Seje 20. ff. eod.
- 9 Traditur differentia inter secundam & tertiam regulam.
- 10 Quarta: Duobus legatis separatim relictis, quod restrictum est, derogat alteri. Exemplis.
- 11 Quinta regula. Species restringit genus, quoties utrumque conjunctum in eadem oratione exprimitur. Exemplis.

AN species adjecti generi modum imponat, ipsumque coarctet intra cancellos, quos species expressa circumscriptis, in superiore dissertatione in utramque partem disputavimus. Modò quid statuendum sit in tam difficili atque obscurâ quæstione, operæ pretium est investigare. Equidem illud verissimum est, in toto jure speciem generi derogare l. in toto 80. ff. de reg. jur. l. sanctio legum 41. ff. de pen. Exemplum hujus rei proponitur in laudatâ l. sanctio & in l. si cum fundus 12.6. ff. de P. S. Cum fundum tibi darem, ita dixi: uti optimus maximusque esset, & adjecti: jus fundi deterius factum non esse per dominum præstabitur: amplius eo præstabitur nihil. Verba: uti optimus maximusque esset, generalia sunt, & secundum illa dominus præstare deberet fundum esse liberum: sed cum adjecerit verba: jus fundi &c. quæ genus expressè coarctant, non potest dubitari, dominum non teneat aliud præstare, quàm jus fundi per se dete-

rius factum non esse. Sed de hac lege luculentius in fine superioris dissertationis, Aliud exemplum in l. ex empto 11. §. qui autem ult. ff. de alion. empti. Venditor tenetur emptori præstare cum habere licere non solum per se, sed per omnes d. l. ex empto 11. §. pen. At si promittat emptori habere licere per se, heredesque suos, non tenebitur, si alius evincat, saltem ex empto in id quod ejus interest d. l. ex empto §. ult. Sed de his nulla est controversia, cum quis distinctè atque explicatè voluntatem suam exposuit; nam cum in verbis nulla est ambiguitas, non est admittenda voluntatis quæstio l. ille, aut ille §. 1. ff. de leg. 3.

Illud in controversiam vocatur, quid statuendum sit, cum ambigua est voluntas disponentis. Quid hæc in te juris sit meo iudicio, quàm potero, planissimè dicam. Prima regula sit, quam constituit Papinianus in l. legata 9. ff. de suppl. leg. Legata suppellectili cum species ex abundanti per imperitiā enumerentur generali legato non derogatur. Hanc confirmat Ulpianus in l. quæstum 11. §. si quis fundum 46. ff. de fund. instr. Si quis fundum ita ut instructus esset, legaverit, & adjecerit: cum suppellectili vel mancipiis, vel unâ aliquâ re, quæ nominatim expressa non erat: utrum minuit legatum adjiciendo speciem, an verò non, queritur: & Papinianus respondit, non videri minui, sed potius ex abundanti adjectum.

Maximè verò obtinet hæc regula, si appareat alia causa, propter quam testator generi species adjecerit, non eo animo ut legatum minueret: ut in l. verba §. ff. de alim. vel cib. leg. Ibi: Omnibus liberis nostris cibaria præstabitis pro arbitrio vestro non ignorantes, quos ex his caros habuerim: item alio loco: Prothymum, Polychronium, Hypatium commendo, ut & vobiscum sint. & cibaria præstetis peto. Quare an omnibus cibaria debeant dari: an his, quos commendavit: cum heredibus esse possit. Modestinus respondit, omnibus liberis cibaria relicta proponi, quorum modum viri boni arbitrio statuendum esse. Apparet enim testatorem tribus liberis nominatim cibaria reliquisse: non ut ceteris.

ea adimeret: sed ut eos commendaret heredibus, sibi que caros esse ostenderet, eisque pinguis cibaria præstarentur, & cum heredibus commoderentur: ut fusc latèque diximus in superiore. Itaque hic opus non est ad illud Papiniani, atque Ulpiani perfugium confugere, per imperitiam & ex abundantiam nominatos fuisse tres illos libertos. Quotiescumque igitur verba testatoris & adiunctio specierum alio referri possunt, numquam genus minuit.

4 Altera regula, quam ab eodem Papiniano depromptam statuimus, ea est. Si species certi numeri demonstratæ fuerint, modus generi datus in his speciebus intelligitur. Idem servabitur instructo prædico legato, si quædam species numerum certum acceperint. Verba sunt Papiniani in *l. legata 6. in princ. ff. de supellest. leg.* quæ non modicâ indigent explicatione, ut, quid hæc regulâ contineatur, rectè teneamus. Exemplis à Jure petitis rem planam faciemus. Primum petimus ex *l. cum delationis 18. §. cui fundum 11. ff. de fund. instrum.* Quidam legaverat Semprio fundum instructum, & nominatim duo mancipia, Stichum, & Getam. Quæsitum fuit, an reliqua quoque mancipia deberentur, quæ testator non nominavit, nam legato fundo instructo debentur omnia mancipia, quæ agri colendi gratiâ in fundo sunt *l. in instrumento 8. in princ. & in §. quibusdam 1. quæsitum 11. §. Alphenus 2. & passim alibi ff. eodem.* Verùm licet in legato generali fundi instructi omnia mancipia contineantur: tamen, quia testator species certi numeri demonstravit, hoc est, Stichum, & Getam nominatim legavit, illi soli legato continentur, quod appareret, non intellexisse, instrumento quoque servos annumeratos esse. Instrumentum fundi genus est, sed genus summum, quod multa alia genera sibi subiecta comprehendit: ut mancipia, eibaria, instrumenta, & alia, quæ fusc enumerantur in *l. quæsitum 11. ff. de fund. instr.* Animadvertendum enim est, quod plerumque Jurisconsulti genus appellant id, quod speciem dialectici dicunt: & speciem, quam dialectici nominant individuum, itaque cum

ex genere mancipiorum à testatore nominatim duæ species legatæ fuerint, Stichus, & Geta, totum genus mancipiorum ad has duas species redigitur Stichum, & Getam, atque hi soli legato continentur, non reliqua mancipia.

Monendum tamen est, hoc solummodò obtinere, cum eidem legatæ sunt species certi numeri. Cæterum si alteri legata fuissent illa duo mancipia Stichus, & Geta; ei, cui fundus instructus legatus est, reliqua mancipia deberentur: ut contra Alphenum respondit Ulpianus in laudata *l. quæsitum 11. §. Alphenus 2. ff. de fund. instrum.* quia eos eximit à genere mancipiorum in fundi instrumento contentorum, & in illis tantummodò minuit legatum, eos adimendo legatario, & alteri dando.

Secundum haud absimile exemplum peti potest ex *l. heres meus 100. §. 1. ff. de leg. 3.* ibi: *Dua statua marmorea cuidam nominatim; item omne marmor erat legatum: nullam statua marmoream præter duas Cascellii putat deberi. Ofilius, Trebatius contrâ. Labeo Cascellii sententiam probat, quod verum puto; quia duas statuas legando potest videri non putasse in marmore se statuas legare.* Marmor genus est, & continet alia genera, quæ minus latè patent, ut marmor rude, marmor expolitum, statuas, vasa, & alia hujusmodi. Quoad genus statuarum testator duas nominatim legavit, ut putâ statuam Jovis, statuam Veneris: has duas species nominatim legando non videtur in genere marmoris, statuas voluisse comprehendere: quomobrem reliquæ non debentur, & genus statuarum, quod universum in legato marmoris contineretur, redigitur ad duas species nominatim legatas, nempe ad statuas Jovis ac Veneris.

Tertia regula est. Si testator plures ac plures species generi adjecerit: illæ genus coercent aded, ut genus ad illas species redigatur, & ipsæ solummodò debeantur. Exemplum nobis suppeditat Paulus in *l. cum de lanionis 18. §. quidam, penult. ff. de fund. instrum.* Quidam cum ita legasset: *villam meam, ita ut ipse possedi, cum supellestili, mensis, mancipiis, quæ ibi deputantur, urbanis, &*

rusticis, vinis, quæ in diem mortis ibi erunt, & decem aureis. Et quæretur, cum in diem mortis ibi liberos, & vitreamina, & vesticulam habuerit, an eadem omnia legato cederent: Scævola respondit specialiter expressa, quæ legato cederent. Vides hic tot species enumeratas fuisse, quæ totum ferè genus absorbeant: itaque præsumi non potest aut eas ex abundantia adjectas fuisse, aut testatorem ignorasse, ea legato genere contineri, ut in prima regula, quam initio exposuimus. Nam qui legat villam ita, ut ipse possidet, legat villam instructam l. prædiis 91. §. 1. ff. de leg. 3.

Alterum exemplum proponit Scævola in l. Seja 20. in princ. ff. de instrum. l. instr. Atque hoc responsum fortasse est illud ipsum, cujus meminit Paulus in superiore lege. Verba Scævolæ sunt hæc. *Seja ex parte heredi insistentia, si heres erit, fundos per præceptionem dederat instructos cum suis villicis, & reliquis colonorum: & codicillis ita scripsit: postea mihi venit in mentem, Seja fundos, quos reliqui, ita ut sunt instructi rustico instrumentum, suppellectili, pecore & villicis, cum reliquis colonorum, & apotheca habere volo. Quæsitum est, an etiam ea, quæ parissimas familias usus quotidiani causa in fundis fuerunt, legato continerentur? Respondi, &c. non amplius deberi quam in codicillis, quos sane post oblivionem testamentaria scriptura fecisset, instructi appellatione contineri se velle, manifestè ostendisset. Etiam in hoc legato enumerantur ferè omnes species, quas genus complectitur: ac propterea neque ex abundantia, neque per imperitiam præsumi possunt adjectæ.*

7 Hanc regulam planè perspicuèque indicat Ulpianus in l. quæsitum 12. §. si quis fundum 46. ff. de instr. l. instrum. *Si quis fundum ita ut instructus est, legaverit, & adjecerit, cum suppellectili, vel mancipiis, vel una aliqua re, quæ nominatim expressa non erat: utrum minus legatum adjiciendo speciem, an vero non, quaritur? & Papinianus respondit, non videri minus, sed potius ex abundantia adjectum. Observe hic ab Ulpiano proponi, vel unam tantum speciem*

adjectam, veluti suppellectilem, vel mancipia: vel unam aliquam rem: non autem has omnes species cumulatim adjectas fuisse, sed unam, aut alteram tantummodo: itemque non plures res expressas fuisse, sed unam aliquam rem, quæ nominatim in genere expressa non erat. Atque id ideo, quia aliter responsurus fuerat, si plures species cumulatim fuissent expressæ.

Id ipsum observari potest in Scævolæ ref. 8 pongo quod habemus in l. Seja 20. in princ. ff. eod. cujus verba modo retulimus. Scævola enim, antequam propositionem quæstionem decidat, primum statuit attendi debere legatum in codicillis relictum, non autem relictum in testamento. Et quia in codicillis testator quamplurimas species expresserat, idcirco respondit cum manifestè ostendisse, quid instructi appellatione contineri vellet. Quod si attendi deberet legatum factum in testamento, in quo legaverat fundos instructos cum suis villicis, & reliquis colonorum, deberentur fundi cum omni instrumento: quia adjectio illa specialis, & singularis genus non redigeret ad illas duas species, quæ ex abundantia adjectæ præsumerentur. Atque id clarè indicant verba illa Scævolæ: *verum non amplius deberi, quam in codicillis, &c.* quibus verbis demonstrat, quod ex testamento aliquid amplius deberetur, videlicet fundus cum omni instrumento, ac propterea etiam ea, quæ usus quotidiani causa in fundis fuerunt. Legatum igitur relictum in testamento, attenta complexione verborum, restrictius est, quàm legatum relictum in codicillis: re ipsa laxius est, quia illud non restringit adjectæ species villicorum, sicut hoc restringit tot specierum enumeratio. Atque ita interpretari posse exitimo verba illa Scævolæ: *Seja insuper fundum legatum*: nempe quod pinguius erat legatum relictum in testamento, quia insuper continebat etiam ea, quæ parissimam usus quotidiani causa in fundis fuerunt. Quod si liceat verba legum emendare, non recederem ab emendatione Cujacii, & Fabri, qui legunt: *Seja instructum fundum legatum*. Verè enim in testamento legatus erat fundus instructus, quia adjectæ

tio illa: *cum suis villis & reliquis colonorum* legatum non coercet, quominus maneat integrum & sine diminutione legatum fundi instructi. Hoc ipsum non minus aperte indicant alia Scævola verba: *Verum non amplius deberi, quam in codicillis, quos sane post obligationem testamentaria scriptura fecisset.* Quibus verbis arbitror Scævolum voluisse significare, quod cum testator fecerit codicillos post obligationem testamentariae scripturae, non potest à legato relicto in testamento deduci interpretatio legati relicti in codicillis, adeoque hujusmodi legatum est interpretandum secundum verba à testatore prolata, & naturam ipsius legati. Non erat oblitus testator se fundum in testamento legasse, ut constet ex verbis codicillorum: sed quomodo, & quibus verbis legasset. Si non esset oblitus ejus scripturae, potuisset fortasse disputari, an legatum in codicillis relictum interpretandum esset secundum legatum in testamento relictum: sed cum ejus oblitus esset testator, necesse est hoc secundum legatum interpretari secundum verba, quibus hoc legatum relinquit, & mentem legantis, quam verbis expressit. Et hanc fuisse Scævola mentem nullus dubito.

9 Antequam autem aliud progrediar; monere cōsultaneum duco, inter hanc tertiam regulam, & secundam supra explicatam plurimum interesse. In illa enim non species subiectae generi exprimuntur: sed nominatim adjiciuntur res singulares, quae continentur in aliqua specie subiecta generi legato. Quamobrem non restringunt genus ita, ut totum genus ad res nominatim expressas reducat: sed restringunt eam speciem, cujus sunt partes, eamque coarctant & redigunt ad res nominatas, reliquae autem species, quas genus complectitur, non minuuntur, sed manent integre atque illaesae, & nulla ex parte diminutae. Contra in hac tertia non res singulares exprimuntur, sed species, quae in genere continentur: adeoque non una tantum species minuitur, & coercetur: sed totum genus, quod concluditur intra species expressas, nec eas praetergreditur, sed earum terminis circumscribi-

tur, adeo ut nihil aliud legato continetur, nihil aliud debeatur, quam species expressae.

Quarta regula. *Si duo fuerint inter se distincta, ac separatim relicta legata: veluti alterum in testamento, alterum in codicillis, & hoc sit restrictum, derogat primo, ipsumque minuit.* Exemplum habemus in *l. Seja in princ. ff. de instruct. l. instr.* quod hic repetere operae pretium non est, quia modo eam legem exposuimus, & quidem paulo uberius atque distinctius, quia difficiles habet explicatus, & à nostris miserè vexatur.

Alterum exemplum proponitur in *l. Aurelium 28. §. testamento ita ff. de liber. leg. Testamento ita scripserat: Titio assini meo, quidquid mihi quacunque ex causa debet, remitti volo, eoque amplius decem do. Codicillis ita scripsit: hoc amplius assini, & delictorum meo usuram pecunia, quam mihi debet, ab herede meo, donec vivet, exigi veto. Quod si exigere contra voluntatem meam putaveris, ejus sortis usuram eidem Titio, ab heredibus meis donec vivet praestari volo. Respondit Scævola, videri minus legatum, quod primo dederat.*

Tertium est in *l. alimentia 16. §. Basilica ff. de alim. & cibis. leg. Basilica legata erant decem, ut, cum annorum viginti quinque esset, ei restituerentur cum usuris, ex quibus crederetur. Alio capite libertis, libertabusque cibaria, & vestiaria, & habitatio legata erant. Quaesitum fuit, an hac quoque Basilica deberentur: responsum est, non deberi; legatum relictum libertis libertabusque generale est, & comprehendit natura sua etiam personam Basilicæ: sed legatum in specie relictum Basilicæ, genus restringit ad alios libertos libertasque, & de eorum genere Basilica eximitur. Sed has duas leges luculenter exposuimus in superiore, ac propterea plura de his dicere superfluum. Illud tamen admonendum est, quod legatum specialiter Basilicæ relictum eximit quidem illam è numero libertorum, quibus generaliter relicta sunt alimenta, eamque privat hoc generali legato: non tamen minuit hoc legatum, neque quicquam detrahit aliis libertis: quod semper evenit, cum agitur non de genere rerum legatarum, sed de genere personarum:*

persona enim, cui nominatim, & in specie legatum est, nihil detrahit illis, quibus legatum est in genere. Quod statutum est etiam in *l. verba 5. ff. de alim. vel cibar. leg.* ubi testator omnibus libertis suis cibaria legavit; & alio loco ita scripsit: *Prothymum. Polychronium, Hypatium commendo, ut & vobiscum sint, & cibaria praeferis, peto.* Non his solis, quos uominavit testator, & legato expressè honoravit, cibaria debentur, sed etiam omnibus alijs. Plura non addo. Nam in superiore hanc quoque legem copiosè examinavimus, & accuratè.

- 11 Quinta regula. *Species restringit genus, quoties utrumque conjunctim exprimitur in eadem oratione, ita ut alterum ad alterum referatur.* Dixi fortasse obscurius, sed dicam planius, & id exemplis clarissimis illustrabo. Primum, & quidem singulare exemplum peto ex *l. ult. in fin. ff. de trit. vin. & ol. leg.* Quod si ita legatum esset; *vinum amphorarium, Aminaeum, Gracum & dulcia omnia: nihil inter dulcia, nisi quod portione fuisse, legatum putat Labeo; collatione vini amphorarii: quod non improbo.* Genus illud *dulcia omnia* continet tam poculenta, ut passum, defrutum, atque alia ejusmodi, quam esculenta, ut mel, ficus, caricas, & id genus cætera, quæ recensentur in eadem *l. in §. antecedenti.* Verum quia dulcia simul cum vinis legata sunt, & dulcia conferantur cum vino, solum continentur in hoc legato dulcia poculenta, hoc est, mulsam, passum, defrutum, & similes portiones. Itaque si solummodo legata essent dulcia, continerentur tam portiones, quas modo diximus, quam uva, ficus, palmæ caricæ &c. *cui dulcia ejusd. legis.* Adjectio igitur illa vini restringit legatum dulcium ad solas portiones, propter collationem dulcium, cum vinis simul & conjunctim legatis. Et quod maximè animadvertendum est, illud restringit, etiam si fuerit adjectum verbum universale: *omnia.*

Simile exemplum proponit Paulus in *l. quaesitum 78. §. 1. ff. de leg. 3. Argentum omne, & supellectilem, quodcumque habeo, tibi dono & quidquid in fundo Semproniano*

habeo. Quaesitum est an debeatur etiam argentum, & supellex, qua alibi esset: & responsum est, non deberi, nisi legatarius probaverit, id placuisse testatori. Hic quoque restringitur legatum ad argentum, & supellectilem, quam testator habet in fundo Semproniano, licet per verba universalia: *omne, & quodcumque habeo*, relicta essent. Nimirum mentio fundi Semproniani complectitur etiam argentum, & supellectilem, cum ea nobis indicet, testatorem cogitasse de his, quæ erant in fundo Semproniano, eaque donare voluisse.

Aliud exemplum non absimili nobis exhibet idem Paulus in *l. nam quod liquida 4. §. ult. ff. de pen. legat.* Si ita legatum sit: *omnem penum, præter vinum quod Roma erit; sola penus. qua Roma est, legata videatur: & ita & Pomponius libro sexto ad Sabinum scribit;* Verba illa, *quod Roma erit:* licet referantur ad vinum, tamen efficiunt totum legatum, & indicant, testatorem etiam de penu, quæ Romæ erit, cogitasse.

Hanc impeditiissimam obscurissimamque questionem per regulas, & exempla placuit explicare, ut me ad usum forensem, & Pragmaticorum intelligentiam accomodarem, qui planè dilucidare expediri, & membratim, & incisè tractari controversias expetunt; fusam, tractamque, & excultam orationem averfiantur.

CAPUT XXV.

Ad L. Si servitus 23. ff. de Servit. urban. præd.

SUMMARIUM.

- 1 Affirmativa opinionis fundamenta afferuntur ad n. 10.
- 21 Negativa sententia probatur ad n. 20.
- 21 Ea cum distinctione accipienda.
- 22 Si disponens verbis utatur præsens tempus designantibus, futura non comprehenduntur.
- 23 Si absolute disponatur, nec ullum tempus demonstratur, futura non comprehenduntur.
- 24 Accessiones verò, quæ postea eveniunt, comprehenduntur.
- 25 Successores tales esse debent, qualis testator voluit.

tempore delata successione.

26 Si verba usurpata futurum tempus demonstrent, dispositio ad futura extenditur.

27 Explicatur textus noster.

28 Explicatur l. si scripsisset 46. ff. de leg. 2.

29 Si verba usurpata significant utrumque tempus, tam futura, quam presentia continentur.

30 Non semper obtinet regula, quod in testamentis tempus futurum non protrahitur ultra mortem testatoris.

31 Vis verborum aliquando protendit dispositionem ad tempus futurum.

32 Res suas obligant, inducit hypothecam generalem tam in presentibus, quam in futuris.

33 Explicatur l. si mancipia 19. ff. de fund. instr. vel instr. leg.

1 Consequens, ut examinemus, an generali sermone non solum presentia, sed etiam futura comprehendantur. Et futura quoque comprehendi, suadere videtur Pomponii auctoritas in l. si servitus 23. ff. de servit. urban. prad. Quod si ita sit tantum, ne luminibus officiat, ambigunt est scriptum: utrum ne his luminibus officiat, quæ nunc sunt, an etiam his, quæ postea quoque fuerint. Et humanius est, verbo generali omne lumen significari, sive in presenti, sive quod post tempus conventionis contigerit. Nihil clarius dici potest.

2 Secundo videtur id confirmari in l. 4. §. ff. de liber. & post. Cum maritus posthumum heredem scribit, non utique solus posthumus scriptus videtur, qui ex ea, quam habet uxorem, ei natus est, vel is, qui tunc in utero est, verum is quoque, qui ex quacunque uxore nascatur. Ideoque qui posthumum heredem instituit, si post testamentum factum, mutavit matrimonium, is institutus videtur, qui ex posteriore matrimonio natus est.

3 Tercio id apertissime sanxit Justinianus in l. ult. C. quæ res pign. oblig. Initio legis statuit, ut si quis hæc, & periculo rerum ad se pertinentium satis fieri creditori suo promiserit: sufficere ea verba tam ad rerum earum, quas in presenti debitor habet, quam futurarum hypothecam. Et in fine subdit: si res suas supponere debitor dixerit, non adjecto, tam presentes, quam futuras, jura tamen generalis hypotheca etiam ad futuras res producantur.

Quarto idem Paulus respondit in legato 4 in l. si mancipia 19. in princ. ff. de instr. vel instrum. legato: ubi si testator legaverit fundum cum mancipiis, quæ tunc ibi essent, cum legaret: tamen debentur etiam mancipia, quæ postea à testatore inducta fundi colendi gratia, in eodem fundo fuerint: quia non minuendi, sed augendi legati causa mancipiorum quoque fecit mentionem. Quia in lege illud maxime dignum est animadversione, quod futura mancipia, hoc est, quæ postea inducta fuerint, legato comprehenduntur, etiam si testator non solum verbo presentis temporis usus fuerit: sed etiam expresserit, ea mancipia se legare, quæ tunc ibi essent, cum legaret.

Quinto accedit auctoritas Ulpiani in l. si cognatus 19 in princ. ff. de reb. dub. ubi de legato relicto cognatus scribit, Certe si quis testamenti facti tempore cognatus non fuerit, mortis tempore factus est per adrogationem; facilius legatum consequitur.

Sexto Papinianus in l. cum pater 77. §. 6. fidei ius 12. ff. de leg. 2. Fidei ius committo, uxor, ut des, ut restituas filia mea, cum morieris, quidquid ad te de bonis meis pervenerit; etiam ea, quæ postea codicillis uxori dedit, fideicommissio continentur. Nam ordo scriptura non impedit causam juris, ac voluntatis.

Septimo in l. si scripsisset 46. ff. de leg. 2. Si scripsisset, qui legavit: quicquid mihi Lucium Titium dare, facere oportet, Sempronio lego: nec adiecit. presens in diebus, non dubitarem, quantum ad verborum significationem attineret, quin ea pecunia comprehensa non esset, cuius dies moriente eo, qui testamentum fecisset, nondum venisset. Ergo etiam id, quod post testamentum conditum debere cepit Lucius Titius, dummodo ante mortem testatoris debere ceperit existente die, continetur legato.

Octavo Marcellianus in l. si ita fuerit 9. ff. 8. de leg. 3. ait, quod verba illa: ad quemcumque ex testamento meo vel ab intestato: item illa: ad quemcumque quoquo jure bona mea perveniant; comprehendunt etiam cum, qui postea natus erit, & in familiam venerit,

& qui postea cognatus esse cœperit; & quæ postea nupta erit.

9 Nondò Scævola in *l. nomen* 34. in *princ. ff. de leg. 3.* proponit à testatore legatos decem aureos, quos hæredes. Gaji ipsi debebant: & responder non solum decem aureos legato contineri, sed omne debitum, hoc est, etiam ufuras, quæ debito accesserunt. Item respondit in *l. ult. §. Gajo Sejo ff. de liber. leg.* Ubi si testator legaverit Sejo, quicquid sibi ab eo deberetur, videtur Sejo omnis obligatio ejus debiti legata, etiam si quid postea usuratum nomine accesserit. Non abimile est, quod tradit Ulpianus in *l. denique* 8. §. *ult. ff. de pecul. leg.* Ubi legato peculio, etiam incrementa ex rebus peculariis, ut partus ancillarum, fœtus pecorum legato continentur.

10 Postremò idem Scævola in *l. pen. in princ. ff. de leg. 3.* Ubi proponit à testatore legata fuisse lateralibus viatoria, & quicquid in his conditum esset, quæ membranulis sua manu scriptis continebantur, quæ non fuerint exacta, cum morietur. Testator in urbem profecturus chirographa debitorum, & pecuniam in lateralibus condidit: sed pecuniam postea erogavit, & chirographa exegit, & reversus in patriam post biennium alia Chirographa, & pecuniam in lateralibus condidit. Quæsitum est, an ea uxori deberentur. Respondit non deberi, nisi quæ tempore mortis in his lateralibus essent, & membranulis manu ejus scriptis continerentur. Sed quia in Pandectis Florentinis, aliisque codicibus manuscriptis legitur: *non deberi quæ mortis tempore in his lateralibus essent*: idcirco non potest in hac lege firmum statui fundamentum.

11 Contraria sententia veritati propius accedit: Et primo probatur ex *l. cum stipulamur* 125. *ff. de P. O.* Cum stipulamur quicquid te dare facere oportet, nihil aliud in stipulationem deducitur, quam quod presenti die debetur: hoc enim solum hac stipulatio demonstrat. Et in *l. si à colono* 89. *ff. eodem.* Ubi similis stipulatio proponitur, idemque deciditur, addita ratione his verbis: *non amplius in stipulationem deducitur, quam quod jam dari oportet*: si autem adjiciatur, oportet

bitur, etiam futura obligatio deducitur.

Secundò probatur ex *l. medico ult. in princ. ff. de aur. & arg. leg.* Ibi Scævola: *Medico suo contubernali, & communium expeditionum comiti inter cetera ita legaverat: argentum viatorium meum dari volo: Quæsitum est, cum paterfam. in diversis temporibus reip. causâ abfuerat, quod viatorium argentum hoc legato comprehensum esse videtur? Respondit, quod habuisset argentum viatorium eo tempore, cum testamentum faciebat, deberi.*

Tertiò ex *l. 2. ff. cod. lbi Africanus: Qui tibi manderat, ut ornamenta in usum uxoris sue emeret eidem uxori (ut adsolet), legavit, quæ ejus causâ parata erunt. Tu deinde post mortem mandatoris, ignorans eum decessisse, emisisti. Non debebuntur mulieri, quoniam ea verba ad mortis tempus referuntur.* Idcirco autem ad mortis tempus, referuntur ea verba, quia in futurum concepta erat: quæ ejus causâ parata erant. Cæterùm si in futurum concepta non fuissent, tempus cuncti testamenti spectandum esset, ut in superiori lege, & in *l. si ita esset* 7. *ff. de aur. & arg. leg.* ubi si quis legaverit, vestem meam, argentum meum: servos meos: legata videntur ea, quæ habuit testamenti tempore: quia præsens tempus semper intelligeretur, si aliud comprehensum non esset.

Quartò ex *l. testatorem* 68. §. *prædiis ult. ff. de leg. 3. prædiis ult. ff. de leg. 3.* Prædiis cum his eutheciis, quæ in ea possessione sunt, relictis, mancipia quoque prædiorum, cum illis testamenti facti tempore fuerint, cedunt: sed & quæ postea accesserunt, si modo hoc testator manifestè expressit. Ex hac, & superiori lege constat, futura non contineri, nisi hoc testator expresserit.

Quintò elegans exemplum proponitur à Scævola in *l. uxorem* 41. §. *testamento ff. de leg. 3.* Testamento pueros ita legaverat: *Publio Mævio domiulo meo ab heredibus meis dari volo pueros quinque ex meis dumtaxat intra annos septem: Post annos complures, moritur; ejus ætatis Mævio mancipia debeantur: utrumne quæ testamenti facti tempore intra septem annos fuerint; an quæ mortis tempore intra eam ætatem inveniantur? Respondit,*

eam videri etatem designatam, qua esset, cum à testatore relinquerentur.

- 16 Sexto simile fere exemplum in venditione proponit Proculus in l. *Rutilia Pella* 69. ff. de contr. empt. *Rutilia Pella* emit lacum Sabatenem angularium, & circa eum lacum pedes decem. Quæro, numquid & decem pedes, qui tunc accesserunt, sub aqua sint, quia lacus crevit, an proximi pedes decem ab aqua *Rutilia Pella* juris sint? Proculus respondit: Ego existimo editentis lacum, quem emit *Rutilia Pella*, venisse, quatenus tunc fuit, & circa eum decem pedes, qui tunc fuerunt: nec ob eam rem, quod lacus postea crevit, latius eum possidere debet, quam emis. Singularis est hæc Proculi decisio, eaque mihi præsto fuit, cum in gravissima causa consulerer.

- 17 Septimò idem traditum est à Scævola in l. *nomen* 34. §. 1. ff. de leg. 3. Testator filio per præceptionem legavit nomina ex calendario viginti, quæ ipse elegerit. Eidem filio pater omnium rerum suarum administrationem permisit, qui post factum testamentum ampliarum pecuniarum debitores fecit, ut tota ferè substantia calendarii viginti nominibus contineretur. Quæsitum fuit, an huic filio eorum nominum, quæ ipse fecit, præceptio permittenda sit. Respondit Scævola, ex his electionem habere, quæ testamenti tempore testator in calendario habuit. Sed, ut verum fatear, non satis probat hæc lex, quia legatarii dolus intervenerat, qui in calendarium regularat amplissimas summas contra consuetudinem patris, ad hoc, ut propè omnis substantia calendarii viginti nominibus absorberetur, & hoc præcipuè considerandum in proposito legato, quia in eo testator adjecerat illa verba: *sine dolo male*.

- 18 Octavò id probari potest ejusdem Scævola auctoritate in l. *ult. §. ult. ff. de liberat. leg.* Testator Sejo legavit, quicquid aut chirographis, aut rationibus debitor esset, vel quicquid à se mutuam acceperit, vel fidem suam pro eo obligavit. Postea novatione facta, & ampliata summâ quæsitum fuit, an hæc summâ ampliata liberandus sit ab heredibus, an tantum eo, quod ex vetere con-

tractu debebat? respondit Scævola, id dumtaxat legatum videri, quod tunc debuisset, si tamen mansit in ea voluntate testator, in qua tunc fuisset. Mens igitur testatoris legantis ea est, ut leget id, quod est de præsentī, nisi voluntatem postea mutet, idque declarer verbis, aut facto manifesto. Novationem enim factam de debito, quod in testamento remiserat testator, non judicat Scævola sufficiens argumentum mutatae voluntatis, quod animadvertere debent iudices, qui sæpè numero levibus conjecturis huc illic impelluntur; nec solum novatum erat debitum, sed etiam erat ampliata summa.

Nonò huic opinioni consentaneum est, quod traditum est à Juliano in l. *in substituti-19* *one* 31. ff. de vulg. in qua testator filio ita substituerat. *Quisquis mihi ex supra scriptis heres erit, idem filio heres esto.* Quidam heres fuit à morte testatoris, postea per querelam inofficiosi heres esse desiit, antequàm locus fieret substitutioni, hoc est, adhuc vivo pupillo, cui erat substituitur. Respondit Julianus: *Futurum tamen eum heredem ex substitutione creditum est.* Quòd si testator ita substitueret: *Si Lucius filius meus impubes decesserit, neque mihi Caius filius heres erit, tunc Sejus heres esto:* idem respondit; ita prudentes hoc interpretati sunt, ut ad impubers mortem conditio substitutionis esset referenda. Ex his colligitur, quòd verba illa generalia: *quisquis mihi heres erit:* licet in futurum concepta, tamen de præsentī sunt intelligenda, & ad tempus mortis testatoris sunt referenda: nisi substitutio sit particularis, & adjecta particula *tum*, aut tunc, quæ extremitatem temporis designat l. 4. in fin. ff. de cond. & dem.

Ultimò asserri potest Scævola responsurò in l. *pen. in princ. ff. de legat. 3.* quod & per contraria sententia attulimus secundum eos, qui legunt: *nisi qua mortis tempore in his lateralibus essent.* Sed quia in Pandectis Florentinis & aliis manuscriptis, ut ibi indicavimus, legitur: *non deberi, qua mortis tempore in his lateralibus essent:* juxta hanc lectionem optimè videtur probare, legato illo generali futura non comprehendi, Sed dubitari inci-

ro potest de hac lectione. Primò, quia testator futurum tempus demonstravit, & tempus mortis in mente habuit: ibi: *quicquid in his conditum erit, quæ membranis meâ manu scriptis continebuntur, nec ea sint exalta, cum moriar*, &c. Præterea quia quæstio proponitur, an ea etiam legata videantur, quæ condita erant tempore testamenti, an verò ea tantum, quæ tempore mortis: hæc enim contineri pro certo supponebatur, de illis dubitabatur. Denique non dubitari, quodd emptiones prædiorum, hoc est, earum instrumenta contineantur: sed solum in quæstionem vocatur, an debeantur etiam ipsa prædia emptæ. Et ad hanc quæstionem respondet Scævola, quodd non apparet, quid de prædiis senserit testator; quodd si eâ mente emptiones ibi habuit, ut prædia quoque præstari vellet, ea quoque debentur. Si non dubitatur de instrumentis: si prædia quoque debentur conditis emptionibus eo animo, ut ad se trahant proprietatem prædiorum, de quibus testator nihil nominatim disposuerat: multò magis debebuntur chirographa & pecunia, quæ à testatore fuerunt expresse legata.

Verumtamen, ut dicam, quod sentio, neutra sententia hoc responso probatur. Non primâ, etiam si legas *nisi quæ &c.* quia futura legato comprehenduntur ex vi verborum futurum tempus significantium, non autem ex vi generalis legati. Non secundâ, quia etiam admittit Pandectarum Florentinarum lectione, non quaeritur in ea lege, an contineantur legato ea, quæ condita erant tempore facti testamenti. Imò Scævola declarat chirographa, & pecuniam post factum testamentum in lateralibus à testatore condita fuisse, cum in urbem esset profecturus. Ac ne de his quidem quæstio esse poterat, quia chirographa exegerat, & pecuniam erogaverat: legata autem erant solum ea, quæ non fuissent exalta, cum moreretur. Itaque illud tantummodò in quæstione versabatur, utrum, legato comprehenderentur ea, quæ primò in lateralibus condita fuerant, an quæ secundo, & tempore mortis in lateralibus inventa fuerunt. Et de primis non respondit Scævola. Pro certo enim habet ea

non deberi, sed solum de secundis.

Nihilominus tamen ed inclinatur mea sententia, futura generali sermone non contineri. Quæ tamen cum distinctione est accipienda. Aut enim per verba præsentis temporis quis disposuit: aut simpliciter & absolute: aut adhibuit verba futurum tempus significantia: aut utrisque tum præsens, tum futurum tempus designantibus usus est.

Si verbis præsentis temporis usus est, procul dubio futura non comprehenduntur: ut optimè monet Scævola in *l. scribis 34. §. item scribis, ff. de aur. & arg. leg.* Si maritus uxori, cum haberet quinque pondo auri, legasset ita: *aurum, quodcumque uxoris causa paratum esset, nisi heres uxori daret*: etiam si libra auri inde venisset, & mortis tempore amplius quàm quatuor libras non deprehenderentur; in totas quinque libras usurpaverit, ut monet Scævola in *l. Aurelius 28. §. Titius 2. ff. de liberat. leg.* Ibi: *respondit, cum in præteritum tempus verba collata proponerentur, non esse postcrius credendum legatum.* Idque etiam notatur in *l. creditor 31. in princ. versic. idem reperit ff. eod. itemque traditur ab eodem Scævola in *l. uxori 33. §. 1. ff. de leg. 3.* Quantum autem attinet ad verba præsentis temporis, supra proposita sunt exempla in *l. cum stipulamur 125. ff. de P. O. in l. testatorem 67. §. prædiis ff. de leg. 1. in l. ult. §. ult. ff. de liberat. leg.**

Quodd si simpliciter & absolute quis disposuerit neque præsens, neque futurum tempus demonstrans, tunc pariter præsentia, non autem futura dispositione comprehenduntur. Exempla attulimus supra, cum hanc sententiam argumentis confirmavimus, deprompta ex *l. medico ult. in princ. ff. de auro, & arg. leg. in l. si ita esset 7. ff. eod. in l. uxorem 41. §. testamento ff. de leg. 3. in l. Rutilia Polla 69. ff. de contr. empt. in l. ult. §. ult. ff. de liber. leg. in l. in substitutione ff. de vulg. quæ hic repetere operæ pretium non est.*

Illud tamen animadvertendum est, quodd

licet futura non contineantur, tamen debentur actiones, quæ postea obveniant, ut usuræ, si legatum sit, quicquid debetur *l. ult. §. Cajo Sejo ff. de liberat. leg.* Sic etiam legato peculio debentur incrementa, quæ ex rebus peculiaribus obveniant, ut partus ancillarum, & fœtus pecorum *l. denique 8. §. ult. ff. de pecul. leg.* Imò et si legatum sit particulare, ut si legetur nomen debitoris, non sola fors, sed etiam usuræ quæ postea accesserunt, legato continentur, quia tota obligatio legata videtur *l. nomen 34. in princ. ff. de legat. 3.* Hinc manifestum est, usuras, & reliqua accessoria legato contineri non propter generalem sermonem, sed propter propriam naturam accessionis, quæ causam principalem sequitur *l. cum principalis 178. ff. de R. J.*

25 Hujus regulæ alia quoque est exceptio in personis, quæ succedere debent. Cum enim successio non deferatur statim condito testamento, sed post mortem testatoris, sufficit eum, qui succedere debet, ejusmodi esse, ejusmodi eum voluit esse testator, quando ei deferetur successio: hoc enim tempus videtur spectasse, & in mente habuisse testator, & ad hoc tempus retulisse suam dispositionem. Qua posita exceptione plura argumenta contraria penitus enervantur: videlicet secundum, quintum, & octavum. Nam in secundo deprompto ex *l. 4. & 5. ff. de liber. & post.* agitur de posthumo herede instituto: sufficit autem eum quandocumque nasci, & ex quacumque uxore, ut ad eum successio deferatur ex institutione. In quinto deducto ex *l. si cognatis 19. in princ. ff. de reb. dub.* agitur de legato relicto cognatis, quod debetur non solum cognatis, qui cognati erant tempore facti testamenti, etiam si cognati esse desierint; sed etiam iis, qui postea facti sunt cognati, & tales sunt tempore mortis. Neque enim testator solummodo respicit tempus mortis, sed etiam facti testamenti, quod & in posthumis dicendum, si posthumus jam natus fuerit ignorante testatore. Torum igitur tempus spectandum est, sed hac de re alias dicemus ubertius. Simile est id, quod proponitur in octavo argu-

mento decerpto ex *l. si ita legaverit 9. ff. de leg. 3.* Hic autem agitur de herede, à quo relictum est fideicommissum: cum in superiore agatur de eo, cui relictum est: sed eadem utrobique ratio.

Si autem is, qui disposuit, usus sit ver- 26 bis futurum tempus demonstrantibus, utique & ad futura extendetur dispositio. Quo pertinent exempla ad probantiam primam opinionem adducta, ut in *l. cum pater §. fidei sua ff. de leg. 2.* Nam ibi adjecta erant verba: *cum morieris, & quicquid ad te quoquo nomine de bonis meis pervenerit: quæ non præsens, sed futurum tempus demonstrant.*

Huc etiam referri potest *l. si servitus 23. 27 ff. de servitut. urb. præd.* quam primo loco attulimus pro contraria sententia. Nam verba illa: *luminibus ne officiantur*: traxum temporis continent, & quidem infinitum. Quamobrem si nova lumina aperuerit, etque vicinus obscuraverit, semper verum est, eum officisse luminibus, adeoque contra conventionem fecisse. Verumtamen quia potest respondere non officii luminibus, quæ tunc erant, cum inita fuit stipulatio, idcirco ait Pomponius, ambiguum esse scripturam. Quia tamen duæ solent esse formulæ cavendi, ne luminibus officiantur; altera, quæ iniurio legis proponitur; *luminibus qua nunc sunt, ut ita sint*: quæ præsentia tantum lumina continet, cum hac priori formulâ particulari non sint usi contrahentes, sed altetam generalem elegerunt, existimavit Pomponius, eos voluisse non solum de præsentibus, sed etiam de futuris luminibus cavere. Non absurdum exemplum habemus in eo, qui stipulator, quicquid te dare facere oportet. Hic etiam duæ sunt formulæ, altera, quæ ad præsens refertur; altera, quæ ad futurum. Si dixerit stipulator, *quicquid te dare facere oportet*: solum præsens debitum comprehendit, adeo ut nec debitum quidem in diem comprehendatur *l. si à colono 89. & l. cum stipulamur 125. ff. de V. O. l. si scripsisset 46. ff. de leg. 2.* licet id, quod in diem debetur, verè etiam nunc debeatur, quia ex stipulatione in diem statim nascitur obligatio §. *omnis inst. tit. de V. O. l. credere diem 213. ff. de V. S.*

Verumtamen cum non debeat cum effectu, quia ante diem nihil peti potest, dicitur eum debiturum, in l. 1. §. 1. ff. de cond. & dem. adeoque qui vult comprehendere etiam debitum futurum, uti debet alia formula, quæ in hac re prodita est à veteribus: oportet oportebitur: vel *presens in diemve. l. si stipulatus fuerim* 76. §. 1. ff. de V. O. & si hac formula non utatur, sed altera, oportet, præsumitur eum noluisse futura comprehendere; neque enim verè dici potest, eum dare oportere, qui adstringi non potest ad solvendum. Sed ut ad propositum revezamur, sic concludo, Qui rejecta formula illa: *lumina mi nunc sunt, ita sint*, quæ præsentia lumina designat; alteram generalem eligit, *luminibus ne officiantur*, quæ potest etiam futura comprehendere, id fecisse creditur, ut etiam de futuris luminibus sibi caveret. Observandum tamen est, quod hæc interpretatio humanitatis causa recepta est, ibi: *Humanitas est verbo generali omne lumen significari*. Non ex eo respondit Pomponius eorum fuisse etiam de futuris luminibus, quod regula constitueret, in dispositione generali etiam futura comprehendi: sed id humanitate suggerente, cum verba non repugnarent, humanitatem, & æquitatem, non regulam juris, sequutus est Pomponius. Atque hoc Ulpiano familiare erat. Ipse enim in l. 4. §. 1. ff. de in jus voc. explicans edictum Prætoris, quo quis parentem sine ejus jussu in jus vocare prohibetur, quærit, an id de omnibus parentibus etiam ultra tritavum sit intelligendum? & refert sententiam veterum, qui existimabant, superiores ultra tritavum dici majores, non parentes. Ulpianus tamen sequitur Cassii sententiam, quod parentes in infinitum dicantur: quia ut ipse ait, *honestius est, & merito obtinuit*. Idem in l. vel quod 6. vers. *exhereditatis ff. de relig. & sumpt. fun.* interpretans pariter edictum Prætoris de mortuo inferendo ait; *Exhereditatis autem humanitatis gratia tantum sepeliri, non etiam ait, præter suam posteritatem inferre licet*. Idem in l. 1. §. qui operas ff. ad S. C. Terryll. *Qui operas suas, ut cum bestiis pugnaret, locavit: quive rei capi-*

alis damnatus, neque restitutus est, S. C. Orphiciano ad matris hereditatem non admittebatur: sed humana interpretatione placuit eum admitti. Idem in l. non tantum ff. de appell. Credo enim humanitatis ratione omnem provocantem audiri debere. Quod igitur humana interpretatione admittitur, regulis juris non est omnino consentaneum l. si fundus 16. §. si plures ff. de pignor.

Antequam alio progrediamur, respondendum est septimo argumento desumpto ex l. si scripseris 46. ff. de leg. 2. Quod in diem debetur, jam debitum est, & ideo vere præsens est debitum, licet sit sine effectu, quia actio, quæ ex eo nascitur nondum habet vim exactionis, ut modo dicebamus. Itaque in stipulationibus, quæ momento perficiuntur, futura non continentur in illa formula; *quicquid te dare, facere oportet*. Nam verbum illud oportet necessitatem continet. Quamvis enim Quintilianus in *inst. orat. lib. 11. cap. 2.* contra sentiat: *non oporteres modo fieri, sed etiam necesse esset*: tamen cum verbum oportere ad obligationem refertur, eandem necessitatem continet, quam ipsa obligatio, quæ ad solvendum necessitate adstringit *princ. cit. in fin. de obligat. l. 3. in princ. ff. de oblig.* Quamobrem cum alia similis formula in usu esset: *oportet, oportebitur*, aut: *presens in diemve l. si ita stipulatus fuerim* 76. in fin. l. si à solono 89. l. cum stipulamur 125. ff. de V. O. eaque non fuerit usus, sed altera uti in aluerit, quæ præsens tempus demonstrat, creditur, eum noluisse comprehendere futurum debitum, ne illud quidem, quod in præsens nullam necessitatem solvendi continet, licet nata sit obligatio. At verò in iis actibus, qui momento non perficiuntur, ut sunt judicia, stipulationes, prætoris, & quæ sunt instar actionis, verbum oportet etiam futura comprehenditur, quæ à præsentibus originem, & causam habent, l. si stipulatus 76. §. 1. ff. de V. O. l. 1. §. bellissime ff. ut legat. nam. cau. Et ideo satisfactio legatorum etiam de præsentis legato locum habet quia nonnullas moras exercitio iudicii habet l. etiam ff. eodem. Ea quoque, quæ in testamento relinquuntur tractum temporis.

habent usque ad mortem testatoris, quo tempore incipiunt vim habere & necessitatem solvendi continere; neque eo momento perficiuntur; quo testator testamentum condit, sicut perficitur stipulatio eo momento, quo celebratur. Quapropter & in legato non solum spectamus momentum conditi testamenti, sed etiam diem mortis, cum dies legati cedit, & incipit deberi legatum *l. si scripsisset 46. ff. de leg. 2.* Differt iudicium à stipulatione *l. si stipulatus fuero 76. §. 1. ff. de P. O.* Differt etiam legatum à stipulatione, & in hoc convenit cum iudicio. Ut enim iudicium incipit à litis contestatione *l. 1. C. de lit. cont.* & iudicio contrahitur obligatio *l. 3. §. idem scribit ff. de pecul. fit enim per iudicium novatio necessaria l. aliam 29. ff. de novat.* Ita & legatum incipit deberi à die mortis. Quemadmodum enim si quis petierit, quicquid Lucium Titium dare oportet, in iudicium veniet etiam debitum in diem, si dies extiterit ante litem contestatam; ita & in simili legato continetur debitum in diem, si dies extiterit ante mortem testatoris.

29. Postremo si is, qui disposuit, usus fuerit verbis utrumque tempus significantibus, tam præsens, quam futurum, certè tam præsens, quam futura continebuntur. Ut puta si quis stipuletur *quicquid te facere oportet, oportebitve*; vel in *præsens, in diemve l. si stipulatus fuero 76. l. si in colono 89. l. cum stipulamur 125. ff. de P. O.* Itaque Gallus Aquilius formulam Aquilianæ stipulationis ita exposuit: *quicquid te mihi ex quacunque causa dare facere oportet, oportebitve, præsens, in diemve, quarumque verum mihi tenum alio, quaque adversus te petitio, vel adversus te persecutio est, eritve, &c.* Aut si quis legaverit: *quicquid mihi Lucium Titium dare facere oportet præsens in diemve l. si scripsisset 46. ff. de leg. 2.* In testamentis tamen futurum tempus non protenditur ultra mortem testatoris *l. 2. & l. 5. ff. de aur. & arg. leg.* Comprehendit tamen etiam præsens; hoc est, ea quæ erant tempore conditi testamenti, ut in *l. in substitutione 31. ff. de vulg. & pupill.* quia futurum

aliquando comprehendit etiam præteritum; itaque licet propriè referatur ad tempus mortis, tamen & præteritum complectitur, nempe totum tempus à die mortis retro usque ad tempus conditi testamenti *l. verbum erit 123. ff. de P. S. l. si uxori 39. §. ult. ff. de aur. & arg. leg.*

Quod autem diximus in testamentis futurum tempus non protendi ultra mortem testatoris, eam habet exceptionem, si tempore conditi testamenti nondum causam, & originem nactus erat. Etenim si quis legaverit, quicquid Sejus dare facere oportet, *præsens in diemve* debebitur, & legato continebitur etiam debitum in diem, quamvis dies extiterit post mortem testatoris: quia jam tempore testamenti nata erat obligatio, itaque habet causam & originem à die testamenti *l. si scripsisset 46. in fin. ff. de leg. 2.* Sic grege legato, & quæ postea accedunt, legato continentur *l. grege legato 21. ff. de leg. 1.* quia grex erat in rerum natura etiam tempore conditi testamenti. Quemadmodum si servus legatus aliquid post mortem testatoris adquisiverit legato continebitur *l. scribi homo 86. §. cum servus ff. de leg. 1.* Sed de his alias.

Nunc monendum est, quod aliquando, & etiam si testator non fuerit usus verbo futuri temporis, tamen vis ipsa verborum ad futurum tempus protenditur: ut in *l. filiam 16. ff. de aur. & arg. leg.* Imo aliquando & tempus antecedens, ut in *l. Publius 36. in princ. ff. de cond. & dem.*

Supereft, ut ad alia duo argumenta contrariæ sententiæ respondeamus, nempe ad tertium, & quartum. In tertio id habetur. Qui res suas pignori opponit, etiam si non declarat, se tam præsentes quam futuras obligare, jus tamen generalis hypothecæ etiam ad futuras producitur *l. ult. C. quæ res pignori.*

Respondetur, id propter communem usum ac morem fuisse à Justiniano rectè constitutum. Solebant enim in generali hypothecæ debitores expresse obligare res, quas habebant, & quas postea forent acquisituri *l. & quæ nondum 15. §. 1. ff. de pignor. l. ult. C.*

de remission. pignor. Ibi: propter verbum futurarum rerum, quod in generalibus hypothecis ponisolicum est. Quæ autem sunt mortis & consuetudinis, etiam si cauta non fuerint, tamen pro cautis habentur *l. quod si nolit §. quia asfidua ff. de edil. edict. l. ult. C. de fidejussor. in princ. ibi: invenimus enim & in fidejussorum cautionibus plerumque ex pacto hujusmodi causa esse prospectum, & in fine. Ibi: Si enim pactis convenit: hoc fieri conceditur, & in usu quotidianis semper hoc versari aspicimus, quare non ipsa legum auctoritate hoc permittatur. Hæc eadem ratio adduxit Justinianum ad statuendum, generalem hypothecam etiam ad bona futura produci. Utraque enim lex est ejusdem Justiniani.*

- 33 Ad quartum depromptum ex *l. si mancipia 19. in princ. ff. de fund. inst.* facile respondetur, quod mancipia, quæ postea testator in fundum induxit, non continentur legato mancipiorum, sed legato instrumenti. Testator legaverat fundum cum instrumento, & mancipiis, quæ tunc ibi essent. Mancipia, quæ post conditum testamentum in fundum ejus colendi gratia induxit, non possunt contineri legato mancipiorum, quia hoc comprehendit solum ea mancipia, quæ erant tempore facti testamenti, ut testator expresse declaravit *l. testatorem 67. §. ult. ff. de leg. 3. l. ult. §. pen. & ult. ff. de lib. leg.* Continentur autem legato instrumenti; quia, cum instrumentum sit genus plura complexens, habet diminutionem & incrementum etiam post conditum testamentum *l. Lucius Titius, penult. ff. eodem* sicut legatum peculii *l. denique 8. §. ult. ff. de pecul. leg.* legatum gregis *l. si grege legato 22. ff. de leg. 1.* Et hanc fuisse mentem JC. ipse explicat illis verbis: *Ceterum instrumento fundi mancipia quoque colendi agri causa indulta contineri, non ambigitur.* Quæstio autem à JC. in hac lege proposita, non ea erat, an continentur legato mancipiorum etiam mancipia postea indulta, de hoc enim nulla poterat existere controversia, cum testator aperte declaraverit, se legere mancipia, quæ tunc essent in fundo. Erat igitur quæstio, an testator legando mancipia voluisset minuire le-

gatum instrumenti, ita ut non comprehenderet omnia mancipia, quæ in fundo deprehenderentur tempore mortis, ut fert natura hujus legati *d. l. penult. ff. eodem.* sed solum ea, quæ ibi erant tempore testamenti. Et respondit Paulus, mancipia legato instrumenti adjecta fuisse non ejus minuendi, sed potius augendi causa, qua de re copiose diximus alias ad *l. quæsum 12. §. si quis fundum penult. ff. eodem.* Ubi Ulpianus eandem regulam statuit. Illud tantummodo monendum, quod licet testator declaraverit, se relinquere, quæ mancipia tunc in fundo essent, cum legaret, tamen hæc restrictio non afficit legatum instrumenti, cuius pars sunt mancipia ad colendum agrum comparata. Nimirum quia, cum quidam dubitarent olim, an instrumentum contineret etiam mancipia secundum Alpheni opinionem, qui nihil animalis instrumenti esse opinabatur, mancipia exprimebant, ut clarius significarent voluntatem suam, & legatum augerent *l. quæsum §. Alphenus ff. eod.* Itaque quod adjectum est ad augendum instrumenti legatum non debet nostra interpretatione ad ipsum minuendum produci, quod nulla juris ratio patitur *l. nulla juris 25. ff. de legib.*

CAPUT XXVI.

Ad *L. Liberosum 210. ff. de verb. significat.*

SUMMARIUM.

- 1 Descendentium appellatione qui continentur magna discrepatio.
- 2 Liberosum appellatione continentur tam masculi quam femina ab eodem Stipite descendentes.
- 3 Posterum eadem fere significatio.
- 4 Vocatis descendentibus masculis, feminas ex masculis descendentes plerique putant succedere.
- 5 Eorum opinio falsa tam ad normam Latinitatis, quam ad normam juris & n. 6.
- 7 Descendentes virili sexu: masculis à nostris consunduntur cum descendentibus ex virili sexu.
- 8 In usu juris distincti. Nonnulla de lege Voconia.
- 9 Expenditur *l. Gallus 29. §. nunc de leg. 11. ff. de liber. & post.*

30 *Femina* feminini sexus personæ, & masculi masculini sexus personæ à Justiniano vocantur & n. 11.

13. 14.

11. *Nom ab Ulpiano.*

15 *Respondetur contrariis.*

Quid sonet hæc vox *descendentium*, quive hac appellatione comprehendantur, magna est inter nostros, ac præsertim in foro disceptatio: Tota contentio in verbi controversia posita. Hanc ut potero breviter attingam. Primum quomodo operæ pretium est admonere, eos, quos hodie descendentes dicimus, veteres Jurisconsultos liberos appellasse. Descendentes enim nunquam ferè sine aliquo adjuncto nominabant, nisi cum eos ad parentes, & ascendentes referebant, quia hac voce tamquam participio, non tamquam nomine utebantur. Itaque dicebant: descendentes ex feminino sexu, ut in *l. cognoscere* § 6. in fin. ff. de V. S. hoc est, ex parentibus feminini sexus: descendentes per virilem sexum *l. 3. in princ. ff. de injust. rupt.* descendentes ex virili sexu *l. 1. ff. de Carbon. ed. descendentes ex familia l. 2. C. quib. ad libert. procl.* Hodie contra numquam ferè liberi nominantur, sed ferè semper descendentes. Neque hoc sine exemplo. Nam & apud veteres linguæ latinæ auctores verbum adolescentis de participio transiit in nomen.

2 Liberos igitur appellatione continentur omnes, qui ab eodem stipite descendunt in infinitum *l. liberorum* 220. ff. de V. S. tam masculi, quam feminæ: tam ex masculis, quam ex feminis descendentes *l. cognoscere* § 6. §. 1. ff. eodem *l. 1. juncta l. nam & his* §. ff. de inoff. testam. *l. 1. C. de condit. instri. l. jubemus* §. *sin autem. juncto princ. legis.* Ibi: *sine liberis decesseris. C. ad S. C. Trebell.* Et hoc probat evidenter Ulpiani interpretatio cuncti Prætoris in *l. 1. §. 1. ff. de legat. præst.* ubi explicans edictum prætoris, quo jubet eos, qui rescindunt patris judicium per bonorum possessorum contra tabulas, legata præstare liberis & parentibus; hæc verba ita interpretatur. *Generaliter autem parentes, & liberos prætor excepit: nec gradus liberorum, & parentum enumeravit:*

in infinitum igitur eis præstabitur. Sed nec personas prosequutus est, utrum ex virili sexu, an ex feminino descendant. Quisquis igitur ex liberis, parentibusve fuerit, ad legati petitionem admittetur, sed ita demum, si jura cognationis sunt inter eos. Deinde subdit etiam in adoptionem datos, imo & adoptivos, dummodo maneat liberi, edicto contineri. Posthumi etiam liberorum appellatione continentur *l. is cui* 18. ff. qu. de leg. ced. *l. Sed etsi* 20. ad S. C. Trebell.

Eadem ferè est significatio *posterorum*, cum hæc vox comprehendat omnes, qui postea venturi sunt. Modestinus in *l. quod his verbis* 83. §. ult. ff. de leg. 3. *Posterorum appellatione liberos tantummodo, non etiam libertos eorum, quibus fideicommissum relictum est, fideicommissum contineri nequaquam incertum est.* Et legislator noster in §. ult. inst. qui testam. tut. Plane si posteris dederis, tam filii posthumi, quam ceteri liberi continebuntur. Hæc autem verba mutuatus est ab Ulpiano in *l. quod si* 6. in fin. ff. de testam. tutel. quæ perperam corrigenda esse quidam arbitrantur. Paulus autem hoc verbum aliter interpretari videtur in *l. ult. §. parentes* 7. ff. de grad. & affin. Ibi: *item liberi usque ad trinepotem; ultra hos posteriores vocantur.* Sed observandum, quod non posteros dicit, sed posteriores: hoc est, posteriores iis, qui proprium nomen habent, ut filii, nepotes, pronepotes, & ceteri, quo deficiente devenitur ad nomen generale, quod refertur ad anteriores nomen speciale habentes, & dicuntur posteriores. Illud etiam notandum, quod in usu juris posteros pro liberis accipimus, cum apud latinos auctores vox posterorum, omnes, qui post nos futuri sunt comprehendat, ut legenti exempla passim occurrunt: unde nomen posteritatis omnes, qui postea futuri sunt comprehendit. Tacit, in princ. histor. Ita neutrius cura posteritatis inter insensu, vel obnoxios. Quamobrem constat, quam barbara esset Caligulæ interpretatio, qui negabat jure civitatem Romanam usurpare eos, quorum majores sibi, posterisque eam impetrassent, nisi filii essent. Suet. in Calig. c. 38.

His probè constitutis, dux quæstiones
 A existunt subobscuræ atque difficiles: altera,
 an vocatis descendentibus virilis sexus, femina ex masculo comprehendatur: altera,
 an vocatis descendentibus masculis, succedant etiam masculi descendentes ex feminis.
 Quoad primam plectique existimant succedere etiam feminas ex masculis descendentes,
 quia genitivus sui natura causam efficien-
 tem significat: ideoque si dictum sit, Sempronius Petri de Alinellis, indicatur Sempronium esse filium Petri. Idque confirmant auctoritate Justiniani in *l. lego duodecim C. de legit. hered.*

5 Hanc opinionem falsissimam esse nullus dubio, sive eam ad normam latinitatis, sive ad normam juris exigamus. Falsum enim est, quod genitivus causam efficien-
 tem demonstret: & cum dicimus: Sempronius Petri, significamus Sempronium esse filium Petri, quia subauditur vox *filius*: hoc est, Sempronius filius Petri. Cæterum verissimum est, quod ait Laurentius Valla *elegant. lib. 2. c. 1.* qui ita distinguit. *Genitivus aut active sumitur, aut passivè, adde etiam possessivè, quod pene pro active accipio. Active, ut providentia Dei, bonitas Dei. Passivè, ut timor Dei, cultus Dei. Ibi Deus providet, & benigne agit: non ipsi provide-
 tur, & benigne fit: hic timetur, & colitur, non timet, & colit. Possessivè, ut sedes Dei, regnum Dei. Active igitur & possessivè plerumque usurpantur. Itaque si dixero: canis Titii, equus Titii, quia non subau-
 ditur, filius, significat canem, & equum à Titio possessum. Sic etiam, cum dico frenum equi, collare canis, & similia, signi-
 fico frenum, & collare, quod habet equus, & canis. Maximè vero cum persona ponitur in recto, res autem in genitivo. Plin. *lib. 25. cap. 5. de helleboro Vetant dari senibus, & pueris: item mollis ac feminei corporis, animique, hoc est, iis, qui possident, & habent corpus femineum & molle, animumque. Tacit. annal. lib. 6. cap. 31. proximus huic Abdus, adempta virilitatis: non despectum id apud barbaros, utroque potentiam habes: hoc est, cui erat**

adempta virilitas, Ovid. *Amor. lib. 1. eleg. 9. Ingenii est experientis amor.* habet scilicet amor ingenium experiens. Plaut. in *Aulul. Tu trium litterarum homo.* Tercit. in *Andr. quandoquidem tam iners, tam nulli consilii sum.* Cicet. in *epist. ad Lentulum lib. 1. ep. 7. in fin. Lentulum eximia spe, summa virtutis adolescentem.* hoc est summa virtute præditum, Gell. *lib. 19. cap. 9. Adolescens è terra Asia equestri loco laza indolis, moribusque & fortunis bene ornatus.* Cic. *epist. lib. 2. ad Q. Fratrem ep. 10. in fin. Lucretii poemata, ut scribis, non ita sunt multis luminibus ingenii: multa tamen artis.* Sic dicimus hominem sanæ mentis: hominem emunctæ naris, hominem duræ cervicis, & his similia prope infinita, ut demonstremus hominem his qualitatibus præditum. Ergo & cum dicimus descendentes virilis sexus, eos intelligimus, qui præditi sunt virili sexu, qui sunt virilis sexus, uno verbo masculos.

Eadem prorsus est etiam in usu juris 6 horum verborum significatio. Pomponius in *l. 2. §. post hunc 47. ff. de orig. jur. post hunc maxima auctoritatis fuerunt Attejus Capito, qui Osilius sequimus est, & Antistius Labeo, qui omnes audiuit, institutus autem est à Trebatio, scilicet maximam auctoritatem habuerunt. Legislator noster in l. cum acutissimi C. de fideic. cum acutissimi ingenii vir; & merito inter alios excellens Papinianus: hoc est, qui acutissimo ingenio præditus erat. Hi enim genitivi hoc modo positi eandem vim habent, ac ablativi; perinde est dicas: vir magna auctoritate, an vir magnæ auctoritatis, ut notat optimè Laurent. Valla *lib. 3. cap. 17.* & ideo cum utriusque casus eadem sit vis, non raro in eadem periodo latini auctores utrumque usurpant. Plin. *lib. 7. cap. 2. Choromandaram gentem vocat Tanron sylvestrem sine voce, stridoris horrendi, hirtis corporibus, oculis glaucis, dentibus caninis.* Cicet. in *Sallust. Numquid quos prouult Scipiones, & Metellos, ante fuerunt aut opinionis aut gloria?* Hic separatim; sed genitivum, & ablativum conjunxit in *epist.**

ad Lentul. & in epist. ad Q. Fratrem & hos imitatus Gellius lib. 19. quorum verba supra retulimus.

7 I. Sed jam propius aggrediamur. In l. cognoscere § 6. S. 1. ff. de V. S. Liberorum appellatione continentur non tantum, qui sunt in potestate, sed etiam, qui sui juris sunt, sive virilis sive feminini sexus sunt, exve feminini sexus descendentes: hoc est, ex parentibus feminini sexus descendentes. Evidenter hic Callistratus distinguit liberos virilis aut feminini sexus, à descendentibus ex parentibus feminini sexus, ut distinguat agnatos à cognatis. Liberi igitur virilis sexus, aut feminini sunt, qui masculi sunt aut feminæ. Qui autem descendunt à masculis, non dicuntur liberi, aut descendentes virilis sexus, sed descendentes ex virili sexu, ut in l. 1. §. non tantum ff. de Carbon. editi. Non tantum masculi, sed & femina ex virili sexu descendentes Carboniani commodum habent, & in l. 1. ff. de legat. præst. utrum ex virili sexu, vel ex feminino descendunt & in l. 3. in princ. ff. de injust. rupt. posthumus per virilem sexum descendentes; sic etiam in l. 4. §. cognationis ff. de grad. & affin. cognatio, qua per feminam descendit: qua per mares contingit. Probè igitur, imo vehementer errant nostri, qui hæc omnia confundunt, quasi idem significant: descendentes virilis sexus: per virilem sexum: per lineam masculinam, à linea masculina, & similia, quæ ad originem referuntur, non ad personam vocatam. Sed reliqua persequamur.

8 II. Paulus lib. 4. Recept. Sent. tit. 8. §. 13. Agnati autem sunt cognati virilis sexus per virilem descendentes. Evidenter hic quoque distinguuntur illi, qui sunt virilis sexus, ab illis, qui per virilem sexum descendunt. Ergo in usu juris dicuntur virilis sexus, masculi: per virilem autem sexum descendentes, qui descendunt à masculis. Requirit autem hic Paulus non solum, ut descendant per masculos, sed etiam, ut sint masculi, quia feminæ ad hereditates legitimas ultra consanguineas non admittentur. II. Paulus §. 22. Femina ad hereditate legitimam ultra consanguineas successiones non admittuntur.

ut, idque jure civili Voconiana ratione videtur effectum: hoc est, prudentum interpretatione, qui non putarunt feminas admittendas ad hereditatem legitimam, ea ratione, quia lege Voconia excluderantur etiam ab hereditate testamentaria, quod magis est. Prudentum enim responsa jus civile dicebantur l. 2. §. his legibus §. ff. de orig. jur. Voconia lex lata à Q. Voconio Saxa, Tribuno Plebis, anno urbis DCCXIV. Suasit illam M. Cato jam senex, ut ipse de se testatur apud Ciceronem in Libro de Senectute circa princ. ejusque orationis non pauca verba refert, & explicat A. Gell. lib. 17. cap. 6. Quid hæc lege, seu plebiscito continetur, indicat Cic. 1. in Verrem, qui de Voconio ait: Sanxit in posterum: qui post eos censes census esset, ne quis heredem virginem, neve mulierem faceret. Addit D. Augustinus lib. 3. de Civit. Dei. Lata est etiam Lex Voconia, ne quis feminam heredem faceret, nec unicam filiam. Idem confirmat Florus epis. lib. 41. Q. Voluminus Saxa legem tulit, ne quis mulierem heredem institueret: suasit legem M. Cato. Legendum est Q. Voconius. De unica autem filia solus Augustinus testator. Sed tamen de eo non est ambigendum. Solebant enim testatores ad eludendum legis præceptum heredem instituere amicum, eumque rogare, ut hereditatem filie restitueret: ut constat ex Ciceroe lib. 2. de finibus, 17. seq. ubi narrat factum Fadii, & postea subdit. Si te amicus tuus moriens rogavir, ut hereditatem reddas suæ filia, nec usquam id scripseris, ut scripsit Fadius, nec unquam dixeris: quid facies? tu quidem reddes: ipse Epicurus fortasse redderet. Subjicit deinde exemplum Sexti Peducii, qui reddidit uxori, quod vir ei reliquerat. Probat igitur Cicero restituendam esse hereditatem, etiamsi rogatus sit restituere in fraudem legis: nimirum præfert legi civili jus naturale, cum de moribus ibi agat, & tamquam Philosophus, non tamquam Jurisconsultus, loquatur. Ex his patet, deceptum fuisse Hotomannum, qui putavit lege Voconia mulieres non omnino exclusas fuisse ab hereditate, sed quadrantem tau-

tummodo capere potuisse. Imposuit illi, & plerisque aliis locus Dion. lib. 56. τὸν πὶ γυναικῶν πῶ, καὶ φησὶ ὅτι Ὀυκατίον ἰσχυρὸν, καὶ ἔστι δὲ ἰσχυρὸς ἀνὴρ ἰδιώτης ὅστις δὲν ἤμιν μνησθῆναι ἀναγκασθῆναι ἔστιν, οὐκ ὀφθαλμὸν τῶν νομῶν. hoc est : quibusdam mulieribus concessit capere hereditatem contra legem Voconiam, qua ipsas supra virginis quinque millia hereditatem capere non permittebat. Viginti quinque millia tertium interpretati sunt : hoc est, quadrantem centum millium, quam hereditatem capere lex prohibebat. Nam solummodo census prohibebatur mulierem instituere, ut constat ex verbis Ciceronis supra allatis : hoc est, ut explicat ibi Asconius, qui centum millia habebat in bonis. Dionis autem verba non de tertitiis, sed de drachmis sunt intelligenda, nam his Græci utebantur : at verò viginti quinque millia drachmarum conficiunt centum millia tertium. Ait igitur Dion, quod secundum legem Voconiam mulieribus non licebat capere hereditatem ejus, qui supra centum millia tertium haberet in bonis. Ita optimè verba Dionis interpretatur J. F. Gronovius lib. 3. cap. 16. de pecun. vet. Qui autem censu non erant, vel lege id permittente, vel æquitate vel consuetudine juris poterant filiam heredem instituere : hæc enim omnia recenset Cicero 1. in Verrem, cujus verba referre superfedeo. Polibius quoque in excerpt. de virr. & virr. refert, Scipionem Africanum hereditatem maternam concessisse sororibus, ex qua, ut ait, nihil ad ipsas, pertinebat. Idem, nihil. Falsa est igitur opinio eorum, qui putant aliquid eis. relinquere permiffum fuisse. Sed vide Cl. Perizonii dissertationem de lege Voconia. Hæc enim dixisse sufficiat ad illustranda Ulpiani, & Pauli verba.

9 III. In lege Velleia, cujus verba refert Sævola in l. Gallus 29. §. Nunc de lege 11. ff. de liber. & post. scriptum erat : qui testamentum faciet, is omnis virilis sexus, qui ei suus heres futurus erit &c. puto verba sequentia legis hæc aut similia fuisse : instituat aut nominatim exheredat. Is omnis virilis sexus : feminas non comprehendit, quia etiam inter ceteros exheredari poterant, dum ali-

quid eis in testamento legaretur §. posthumi 1. inst. de exhered. liber. Ulpian. in fragm. tit. 22. §. 21. Posthumus filius nominatim exheredandus est : filia posthuma, ceteraque posthuma femina, vel nominatim, vel inter ceteros, dummodo inter ceteros exheredatis aliquid legatur. Quamobrem verissimum est, quod notat doctissimus Cujac. in l. 3. in princ. ff. de injust. rup. verba illa : per virilem sexum descendentes à Triboniano adjecta ac mutata fuisse, quia eo tempore etiam feminæ nominatim exheredari debebant ex Justiniani constitutione : cæterum Ulpianum scripsisse : Posthumi virilis sexus ad similitudinem filiorum nominatim exheredandi sunt, ne testamentum agnascendo rumpant. Etenim Ulpiani tempore falsum erat feminas testamentum rumpere, si nominatim exheredatæ non fuissent. Utroque igitur loco, tam in laudata l. 3. quam in l. Gallus eodem modo scriptum erat virilis sexus : Hæc haudquaquam animadvertentes veteres interpretes existimaverunt in l. Gallus : verba illa : is omnis virilis sexus aut referenda esse ad testatorem, qui si masculus non sit, non cogitur liberos instituere, aut exheredare §. ult. inst. tit. de exhered. liber. ignorantes, quod is omnis minus latinè diceretur, & veteres scripsisse omnis syllaba producta, vel omnis, quod nos scribimus omnes ; aut si referantur ad liberos, ea significare liberos descendentes per virilem sexum, non liberos masculos. Nec animadvertent, utrovis modo accipiantur ea verba : virilis sexus fore omnino superflua ; nam cum statim subjiciantur illa verba : qui suus heres futurus erit, aut ut alii legunt : qui sui heredes futuri erunt, his verbis utrumque continetur, & quod testator sit masculus, & quod liberi ab eo per masculos descendant : alioquin enim sui heredes esse non possent, cum feminæ suos heredes non habent, quia in earum potestate non sunt §. femina instit. tit. de adopt. §. ceteri 3. inst. tit. de hered. qual. & differ. l. illud notandum 4. §. ad testamentum ff. de bon. poss. contra tab. & multo minus possunt esse sui heredes, qui descendant à feminis, cum neque sint in potestate, nec ejusdem fami-

lim. princ. tit. inst. de hered. qual. & differ. §. 1. & §. item vetustas inst. tit. de hered. qua ab int.

- 10 IV. Justinianus in princ. tit. inst. de exhered. liberorum. Sed non ita de filiabus, & aliis per virilem sexum descendentes liberis utriusque sexus. Aliud igitur esse descendere per virilem sexum: aliud esse virilis sexus. Illud continet etiam feminas: hoc tantummodo masculos, & ad comprehendendas etiam feminas necesse est dicere utriusque sexus: vel ut in §. 1. ejusdem tit. siue feminini sexus, siue masculini. Et deinceps: sed feminini quidem sexus persona, vel nominatim, vel inter ceteros exheredari solebant: masculos vero posthumos placuit non aliter recte exheredari, nisi nominatim exheredarentur. Constat igitur, Justinianum semper feminas sexus feminini personas dicere, & masculos sexus masculini, & hæc pro Synonymis haberi. Rursus in §. 3. Sed Prætor omnes tam masculini sexus, quam feminini, si heredes non instituantur, exheredari jubet: virilis sexus nominatim, feminini vero inter ceteros. Non possunt hæc intelligi de descendentes per virilem aut femininum sexum, quia hi possunt præteriri §. ult. eod. tit. & cum voluit indicare descendentes per virilem, aut femineum sexum Justinianus expressit ita eos descripsit: per virilem sexum descendentes, ut in §. Sed hæc quidem vetustas, & in §. Superioribus: numquam autem dixit liberos virilis sexus. Haud aliter in Novell. 118. de hered. ab intest. venient. c. 1. Nulla introducenda differentia siue masculi, siue femina sint, & sen ex masculorum, sen ex feminarum prole descendant: & in c. 2. in fin. siue femina, siue masculi fuerint, qui ad hereditatem vocantur, & siue per masculos siue per femina personam copulantur & cap. §. quique ex masculorum, quique ex feminarum prole descendant.

- 11 V. Idem Justinianus in §. ceterum in fin. inst. tit. de legit. agnat. success. omnes legitimas personas, id est, per virilem sexum descendentes, siue masculini generis, siue feminini sint. Evidenter hic distinguit masculos & feminas, seu personas masculini, aut feminini generis, à personis descendentes per virilem sexum.

VI. Ulpianus in l. 2. §. 1. ff. de suis & 12 legit. hered. Agnati autem sunt cognati virilis sexus ab eodem orti. Distinguit liberos ab eorum origine, & virilis sexus vocat masculos: nam id temporis femina non habebant agnationis jura præter sorores consanguineas, quæ solummodo jure agnationis ad legitimam hereditatem fratris admitterebantur exclusis omnibus aliis feminis d. §. ceterum. & idem Ulpianus tit. 26. §. 6. ad feminas ultra consanguineorum gradum legitima hereditas non pertinet: itaque soror fratri, sororisve legitima heres sit: & supra attigimus ad Paulum recept. sentent. lib. 4. tit. 8. §. 22.

VII. Hoc idem demonstrat evidenter Justiniani legislatoris constitutio in l. in lege 14. C. de legit. hered. in qua corrigit jus à prudentibus introductum de feminis à legitima hereditate præter consanguineas exclusis. Ibi Sancimus omnes legitimas personas, id est, per virilem sexum descendentes, siue masculini, siue feminini generis sint, simili modo ad jura legitima successione ab intestato vocari, & infra: cum enim unius sanguinis jura remaneant per virilem sexum incorrupta, quare naturam offendimus & legitimo juri derogamus? Scilicet admittendo masculos & feminas excludendo. Illud plane mirandum, auctores, & patronos contrariæ sententiæ magni nominis ac doctrinæ viros in hac ipsa lege, quæ nobiscum facit, ponere fundamentum opinionis suæ. Verumtamen hoc minus mirum, quod tam absurda sententia non nisi legibus contrariis, aut nihil ad rem pertinentibus fundanda est.

VIII. In l. ult. C. de suis & legit. lib. ait 14 idem Justinianus. Quoties aliquis, vel aliqua intestatus vel intestata, mortuus, vel mortua fuerit, nepotibus, vel pronepotibus cujuscumque sexus, vel deinceps aliis descendens relicti. Verba cujuscumque sexus non referuntur ad eos, à quibus descendant, quia in iis nominatim jam expresserunt masculum, & feminam: sed ad solos nepotes & descendentes. Quid autem refert dicat quis: descendentes utriusque sexus: an descendentes virilis aut femineus sexus? Rursus in l. ult. C. de

legis, hered. totam progeniem ex legitima sobole descendente sive masculinam, sive femininam. Et Imperatores in l. si defunctus 9. in prine. C. de suis, & legit. lib. si defunctus cuiuscumque sexus aut numeri reliqueris filios & ex filia diem funtla cuiuscumque sexus aut numeri nepotes &c.

- 15 Hæc sunt fundamenta meæ opinionis, quam, ni fallor, puto esse verissimam. Quid ad hæc adversarii? Nihil profecto. Ecquæ argumenta afferunt sententiæ? Nempe text. in *l. Gallus §. nunc de lege ff. de lib. & posthum.* quem satis accurate supra exposuimus in nostro III. fundamento, & pro nobis facere demonstravimus. Secundo loco afferunt Iustiniani constitutionem in *l. lege xii. tabularum vers. huiusmodi itaque C. de legit. hered.* quæ adeo facit contra ipsos, ut nihil supra. Præterea quoddam in hanc sententiam adducit §. *item vetustas inst. tit. de hered. quæ ab integ.* Sed nihil ad rem facit: ibi non agitur de descendantibus virilis sexus, sed nominatim: *nepotes, neptesve, qui ex virili sexu descendant:* item infra: *trigine tam qui ex masculis, quam qui ex feminis descendant.* Denique moventur ex definitione agnatorum tradita ab Ulpiano in *l. 2. §. 1. ff. de suis & legit. hered. juncto §. ceterum inst. tit. de legit. agn. succ.* Sed hic ipse §. nodum solvit, & declarat, nihil ob stare Ulpiani definitionem in laudata *l. 2.* ut probavimus in fundamento V. & VI. Sed ineptum esset, de re tam perspicua diutius disputare.

CAPUT XXVII.

Ad L. si viva matre. C. de Bon. matern.

SUMMARY.

- 1 Vocatis descendantibus masculis non admitti descendentes masculos ex femina, olim receptum: hodie invaluit opinio contraria.
- 2 Negativa sententia argumenta proponuntur ac refelluntur ad n. 7.
- 3 Exponuntur affirmativa sententia argumenta, ac confutantur ad n. 11.
- 11 Examinatur fortissimum argumentum Anton. Fabr. & ei respondetur. Sola testatoris voluntate quasi dirimitur.

ALtera quæstio est de descendantibus masculis, tot Doctorum controversiis & contrariis opinionibus implicata, ut nihil certi statui possit. Itaque ad legum præcepta confugiendum esse videretur: Sed & in iure nostro nihil hac de re definitum aut certum habemus. Et olim quidem communis fere omnium erat opinio, vocatis descendantibus masculis non admitti descendentes masculos ex femina: hodie verò invaluit opinio contraria. Utra sit verior, deliberare, atque decernere difficillimum. Quamobrem hac de re in utramque partem disputabimus, & utriusque argumenta confutabimus, postmodum, quæ sententia tenenda sit, proponemus & explicabimus.

Qui veterem opinionem tuentur, eam potissimum fundant in *l. si viva matre §. nam licet C. de bon. matern.* ubi ait Imperator, quòd filius non debet esse melioris conditionis sua matre. Et hoc argumentum amplificat, & exornat, quia successor non debet esse melioris conditionis, quam ejus auctor à quo causam habuit *l. ex qua persona 149. & l. quod ipsi 143. ff. de reg. jur.* & causatum non debet esse potius sua causa: & subrogatum non potest habere plus juris, quàm id, in cuius locum subrogatur *l. si eum 10. §. qui injuriarum ff. si quis caution.* Addunt quod sublato medio, sublata videntur extrema: & alia his similia, quæ nullo negotio refelluntur.

Gloriatur Castrensis, huic argumento neminem umquam respondere potuisse. Ego contra nihil in eo momenti esse arbitror. Falsa enim sunt omnia, quæ assumuntur: ac propterea assumptione negatà nulla ejus est conclusio, singula expendamus. Non debet esse melioris conditionis filius matre sua *l. si viva matre. C. de bon. mat.* Falsum. In laudata lege non hoc habetur generaliter, sed restringitur ad eum casum, quem decidit Imperator in ea lege: *ibi: non abs re est, ut in hoc casu deteriores esse nepotibus filii non sinantur.* In hoc casu: in quo par erat conditio filiorum & nepotum. Generaliter igitur id falsum: maxime verò in casu

nostro, in quo non est par conditio matris, ac nepotis. Mater enim est femina, nepos est masculus. Vocatur autem ad successionem nepos, non tamquam nepos, nam etsi pronepos, aut abnepos esset nihilominus vocaretur: sed tamquam masculus. Habet igitur qualitatem requisitam à testatore, quam non habet mater ejus; ac propterea non abs re est, ut sit melioris conditionis nepos, quam filia. Perpetuò id observatur in successione. Lex Voconia, ut in superiore diximus, feminas institui prohibebat. Finge testatorem habuisse filiam, & ex ea nepotem. Si filiam instituebat, nulla erat institutio: Si nepotem, valebat. Filia capere non poterat hereditatem: nepos poterat: erat ergo melioris conditionis nepos, quam filia. Quid ita? quia nepos erat masculus, filia autem femina: ille habebat qualitatem à lege præscriptam: hæc non item. Imò, quod magis est, idem observatur etiam in successione ab intestato, quæ saluatim non progreditur. Pater emancipat filium, & nepotem ex eo retinet in potestate: filius jure civili non succedebat, sed nepos. Quamobrem? quia jus agnationis, & sui heredis amisit capitis diminutione §. ult. *inst. tit. de legit. agnat. tut. l. tutelæ 7. ff. de cap. min.* Nepos retinet jura agnationis, & sui heredis: ac propterea habet qualitatem à lege præscriptam, quæ caret ejus pater. Et quamquam Prætor postmodum cepit emancipatos ad successionem vocare in ordine suorum heredum §. emancipati *inst. tit. de hered. quæ ab intest. l. liberi 4. ff. de bon. poss. l. ult. §. 1. C. de legit. hered.* tamen in eo sunt deterioris conditionis quod hereditatem non acquirunt, nisi petant bonorum possessionem, suis autem acquiritur hereditas etiam ignorantibus §. sui autem 3. *inst. cod. l. in suis 14. ff. de suis & legic. hered. l. si fratris 3. C. de jur. delib.* Quid in adoptivis? de quibus in §. at hi 10. *inst. tit. de hered. quæ ab intest.* Quid si filius fuerit exheredatus, & extraneus heres institutus? quæ de re in §. cum autem 7. *cum seq. inst. cod.* Plura non persequor: ad successionem

testamentariam revertor. Annon si exclusâ feminâ testator nominatim ejus filium instituisset, ipse solus exclusâ matre here esset? Id certe dubitationem non habet. Esset igitur mater deterioris conditionis, quam filius. Quid ita? quia ita voluit testator, cujus voluntas pro lege habetur. *Novell. de Nupt. 22. cap. 2. Disponat testator & erit lex.* Itaque in his successionebus testamentariis quid voluerit, quid disposuerit testator, est inquirendum, non confundendum ad inanes regulas, quæ his accomodari non possunt.

At enim mater tamquam proximior magis est à testatore dilecta, quam ejus filius, qui remotior est *l. omnia 32. in fin. ff. de leg. 2.* Sed mater est exclusâ; ergo multò magis ejus filius. Falsum, quod mater fuerit à testatore dilecta præ ejus filio. Si enim à testatore fuit exclusâ à successione, non solum non fuit magis ab eo dilecta, sed nequidem ullo modo dilecta, quia caret qualitate ac prærogativa, quam unice dilexit atque exoptavit testator, qui voluit hereditatem suam semper ad masculos pervenire, vel quia sexum masculinum diligebat præ feminino, vel quia masculi facultatibus indigent ad sustinenda onera rei domesticæ, ad amplificandum decorem ac dignitatem familiæ, ad publica munera obeunda, promovendas artes, mercaturam exercendam, exornandam patriam: mulieres autem plerumque in luxum effusæ, ad mollem ac luxuriosum corporis cultum, ornatumque; ad domum magnificè ac sumptuosè instruendam, opes prodigere solent, atque profundere. Idcō testator omnem affectionem conclusit in masculis, ac propterea ineptum est dicere, cum plus dilexisse matrem, quam ejus filium, & ipsa lex, quæ allegatur, contrarium probat. Ibi: *& qui ex his primo gradu procreati sunt, nisi specialiter defunctus ad ultteriores voluntatem suam extenderit: specialiter hiæ voluntatem suam extendit ad masculos.* Quid refert igitur, quod mater primo gradu sit? Hoc amplius, quod hoc argumento nituntur, profectò pugnantia dicere eogentur. Fingamus enim, concurrere masculum ex femina, qui sit in tertio aut quatto gradu, & alium descendentem à ma-

culis, qui sit in sexto. Quis ex his succedere debet? non descendens à femina, ut ipsi aiunt, sed descendens à masculis. Atqui hic est in sexto, ille verò in quarto gradu: ille igitur est minùs dilectus, quàm hic: ac propterea, si excluditur hic magis dilectus, multò magis excludendus est ille minùs dilectus. Nemo igitur succedet, aut remotior proximiori præferendus. Vide sis, in quas angustias se conjiciunt, à quibus dum se volunt expedire, ipsi se impediunt, suâque argumentatione implicuntur.

- 4 Nullius pariter momenti sunt alia, quæ copiosè congeruntur: quodd causatum non debet esse potius suâ causâ: nec successor suo auctore, nec plus esse in subrogato, quàm sit in eo, cui subrogatur. Etenim falsa sunt omnia, quæ in his assumuntur. Falsum est, quodd filius sit subrogatus in locum matris, cui non est substitutus, cum ipsa nullum umquam jus habuerit in hac successione, à qua omninò fuit exclusa. Falsum pariter, quodd ipsa sit auctor successionis, & filius sit ejus successor. Etenim ad ipsam nihil attinet hæc successio, nec per eam pervenit ad filium, qui ipsam directè obtinet à testatore tamquam descendens masculus ab eo vocatus femina semina ipsam præcedente, quare nec ipsam repræsentat, nec opus habet ullâ repræsentatione. Quid enim tribuere ipsi potest repræsentatio ejus personæ, quæ exclusa est ab hereditate? nihil profectò. Repræsentatio à jure admittitur, ut ipse habeat eam partem hereditatis, quam habiturus esset is, quem repræsentat, si viveret §. *cum filius inst. tit. de hered. qua ab intest. & in §. pen. l. 1. §. si filius 4. ff. de suis & legitimis hered. l. 2. & 3. C. de suis & legitimis liber. Non datur igitur repræsentatio, nisi mortuo ac deficiente eo, qui repræsentatur; nec potest repræsentari, qui nullum jus habet, aut habiturus esset in successione, si viveret. Denique falsum est, quodd mater sit causa, filius causatum, seu effectus. Mater enim est causa filii, quod attinet ad generationem: non quod attinet ad successionem. Quantum ad successionem, causa est ipse testator, seu ejus institutio, quâ ille vocatur ad hereditatem, quia masculus:*

etque ipsum efficit successorem. Quid si negavero effectum, seu, ut ipsi aiunt, causatum suâ causâ potius esse non posse. An non plantæ potiores sunt suo semine, à quo producuntur? sanè caudicem, ramos habent, emittunt flores, folia, poma, etque ad maturitatem perducunt; nihil horum in semine, & si quid est in eo, illud solummodo est inchoatum, implicitum, involutum, nec oculis pervium, nec ad usum vitæ, aliamverem utile. Numquid animalia potiora non sunt semine, unde progenita fuerunt? Sed hæc in rebus naturalibus. Quid in legibus, ac in jure nostro? Numquid obligatio non est potior stipulatione? Illa consistit in verbis, scilicet interrogatione, & responsione congruâ *princ. tit. inst. de V. O. & l. 1. ff. eod.* hæc in vinculo juris, quo necessitate adstringimur ad aliquid dandum aut faciendum *l. obligationum substantia ff. de oblig. & act.* Quid? an non obligatio est mater actionis? *l. licet 42. §. ea obligatio ff. de procurat.* obligatio autem sine actione inutilis est ac propè nulla: cum actio sit, quæ persequitur id, quod nobis debetur, & sine ea nihil omninò consequi possimus *princ. tit. inst. de actionibus.* Quid, oro, potentius est? quid potius est, dominium, an possessio? & tamen possessio est causa domini; nam dominium à naturali possessione cæpit, & exortum est *l. 1. §. 1. ff. de acquir. vel am. possess.* & sine ea non acquiritur *l. cum res 12. C. de probat. l. qui prædium 13. C. de distr. pign.* Plura non persequor: id enim & longum esset, & supervacuum.

Probant præterea sententiam suam, quodd successiones non fiunt per saltum, sed ordine successivo *l. 1. §. quibus, cum seq. ff. de successor. edit. l. octavi ff. unde cogn. §. placebat inst. tit. de legitimis agnat. success.*

Omittamus, quodd in his legibus nihil tale præcipitur: omittamus etiam, quodd nihil quicquam ad rem pertinent, quia in illis agitur de proximior deficiente, non de proximior excluso. Et quod de successorio edicto in iis tractatur, potius contrarium probat, nam in eo genere percipiendarum hereditatum non erat successio *d. §. placebat & aliis*

allegatis. Sed hæc omnia silentio prætermittimus, ut liberaliter cum ipsis agamus, non morosè, ac fastidiosè. Plurimum hæc in re, ut in omnibus differt successio ex testamento à successione ab intestato. Hæc à lege datur, quæ certum ordinem succedendi præscripsit, quem prætergredi non licet: ac solet in eodem ordine proximiores remotioribus anteferre. Quamquam ne hoc quidem constans est, atque perpetuum. Nam & liberi utcumque remotissimi excludunt proximos agnatos: & agnati utcumque remotissimi proximos cognatos. Et in eodem etiam ordine non attenditur proximitas, ubi datur jus repræsentationis, & ubi ille, qui juxta ordinem à lege definitum proximus est, non habet qualiter ab eadem lege requisitam, ut ad superius argumentum exemplis demonstravimus. Successio autem ex testamento pendet omnino ab arbitrio, & voluntate testatoris, cui latissimam potestatem tribuit ipsa lex duodecim tabularum: *ui legasset suæ rei, ita jus esto. l. verbis legis 120. ff. de verb. sign.* & hanc amplissimam facultatem confirmavit Imperator noster in *Novell. 12. de Nuptiis. Disponat testator & erit lex.* Itaque in dispositionibus testamentariis voluntas testatoris dominatur, eaque sola est attendenda, atque servanda, quomodocumque disposuerit *l. quoties 9. in princ. l. ex facto 35. §. verum ff. de hered. instit. l. 4. in fin. de vulg. & pupill. l. si mihi 12. in fin. ff. de legat. 1. l. non aliter 69. in princ. ff. de legat. 3. l. pediculis 32. §. Labeo ff. de acq. & arg. leg. l. in conditionibus 19. ff. de cond. & dem. l. quoniam 15. C. de testam.* Hæc unica regula est, ad quam omnis interpretatio dirigenda est: aliter omnes pravæ sunt atque distortæ. Illud plane insulsum, quod addunt: medium inhabile impedimento esse, ne extrema jungantur, *l. servitutes prædiorum 14. in fin. ff. de servit. l. qui sella 7. §. ult. & l. tria prædia 31. ff. de servit. rust. prædior.* Nam quid attinet servitus prædiorum ad successionem? profectò, interjacente loco publico, vel sacro, vel religioso servitus itineris, vel aquæ ductus imponi non potest, cum servitus per ea loca pulli debeti possit: quæ ratio reddi-

tur à Paulo in laudata *l. servitutes in fine.* Idemque pariter eveniet interjecto alieno fundo, si ejus dominus non consentiat. Servitus enim aquæ imponi aliter non potest, quam ut per medium fundum ducatur, ut ait Javolenus in laudata *l. tria prædia versic. & quemadmodum:* non potest autem per medium fundum duci invito ejus domino. Recitè Paulus in laudata *l. qui sella in fin. Injunctis autem prædiis impeditur servitutum medium prædium, quod non servit.* quia nemo per fundum alienum, qui non servit, ire, agere, aquam ducere potest, & similia. Pulverem igitur oculis offundunt, qui hæc magno verborum apparatu exaggerant.

Probant præterea sententiam suam exemplo feudorum, ducto argumento à feudis ad fideicommissa ex §. *hoc autem. tit. de his, qui feudum dar. poss.*

Sed in promptu est responso. Feuda ex legibus feudorum, & ex ipsa eorum natura moderamur: fideicommissa ex arbitrio, & voluntate testatorum, ut modo diximus de successione ab intestato. Præterquam quod ex laudato §. contrarium probari potest perpendendo ejus verba: *hoc autem notandum est, quod licet filia, ut masculi, patribus succedant, legibus tamen à successione feudi remouentur, similiter & eorum filii: nisi specialiter dictum fuerit, ut ad eas pertineat.* Primum igitur constat, filias, & earum filios à successione feudi legibus removeri: ut diximus. Præterea eos, easque ad feudum admitti, si hoc specialiter dictum fuerit: sed in proposita controversia ponimus masculos descendentes specialiter à testatore vocatos fuisse: ergo ad successionem debent admitti. Quod confirmatur ex *tit. 17. de eo, qui sibi vel hered. suis Libr. 2.* Ibi: *non enim patet locus femina in feudi successione, donec masculus superest ex eo, qui primus de hoc feudo fuerit investitus.*

Jam verò ad examinandam contrariam sententiam aggrediamur. Conantur eam probare auctoritate Imperatoris in *arb. de hered. ab intest. venient. cap. 1.* Ibi: *si quis descendendum fuerit ei qui intestato moritur cuiuslibet natura, sive ex masculorum genere, sive*

ex feminarum descendens. Ex quibus verbis deducunt, quod nihil intersit quoad successionem, utrum à masculis, an à feminis quis descendat.

Sed aneeps est hujusmodi argumentum, & non minori probabilitate ad confirmandam contrariam sententiam adduci potest. Observandum enim est, quod in ea Novella Justinianus, postquam masculos nominavit, semper subjicit: *sive ex masculis, sive ex feminis descendant.* Ibidem in cap. 1. *in fin. nulla introducenda differentia sive masculi, sive femina sint, & seu ex masculorum, seu ex feminarum prole descendant.* Rursus in cap. 2. *masculus & feminas sive paterni, sive materni sint.* & in cap. 3. *circa fin. ibiis defuncti masculis & feminis, sive à patre, sive à matre.* Rursus in cap. 4. *masculos, ac feminas seu per masculi, sive per femina personam defuncto jungebantur.* Quorum iithæc quia descenduntium masculorum appellatione non comprehenduntur masculi ex feminis; vel saltem id est adeo ambiguum, ut necesse sit exprimere nominatim descendentes ex feminis. Et multo firmitus sit argumentum, si animadvertamus: & quod illa toties repetita, & nunquam prætermissa declaratio; *sive ex feminis descendant* certò demonstrat necessitatem id perspicuè exprimendi: & cum ibi semper vocatæ sint etiam feminae, multò minus videtur urgere necessitas vocandi nominatim descendentes à feminis: nam si feminae admittuntur, dubitatio nulla est, quin à feminis quoque descendentes masculi, sint admittendi. Et sanè si in ea novellâ constitutione non ageretur de obliteranda veteri differentia inter agnatos, & cognatos: & hic non esset usus Justiniani, multis verbis, iisque identidem repetitis exprimere, & declarare, quod paucissimis poterat significari; firmissimum pro contraria sententia argumentum hoc esse existimarem. Maximè verò quia observo eandem repetitionem, etiam in feminis expressisse Justinianum. Ibi: *masculos ac feminas: seu masculos, seu feminas, &c.* Non mirum igitur, si idem semper expressit etiam in descendentes.

9 Nihilo firmitus est argumentum, quod du-

cunt ex l. *cognoscere* 36. §. *liberorum ff. de V. S.* Ibi: *Liberorum appellatione continentur non tantum, qui sunt in potestate, sed omnes, qui sui juris sunt, sive virilis, sive feminini sexus sint, exve feminini sexus descendentes.*

Simile admodum argumentum: nam & hoc in adversam partem torqueri potest. Cur enim expressit descendentes feminini sexus, non masculini? nempe quia simpliciter nominando descendentes, hi non comprehenduntur, sed solum ex masculino sexu descendentes. Itaque hos necesse non est exprimere, illos utique. Debet igitur eos exprimere etiam testator, si vult eos ad successionem admitti. Non sine causa igitur id expressit Ulpianus: nam Callistratus in l. *liberorum* 220. ff. *cod.* dubium reliquit, an descendentes ex feminis liberorum appellatione contineantur; imò non videtur eos comprehendisse. Ait enim: *liberorum appellatione nepotes, & pronepotes, & qui ex his descendant, continentur: hos enim omnes suorum appellatione lex duodecim tabularum comprehendit.* Sed suorum appellatione non continentur descendentes ex feminis, quia non sunt in potestate §. 3. *inst. tit. de hered. qualis. & differ. §. sui inst. de hered. qu. ab instest. l. 1. §. suos heredes ff. de suis & legitimis hered.* ergo nec appellatione liberorum. Ad tollendam igitur hanc dubitationem merito Ulpianus inter liberos enumeravit etiam descendentes ex femineo sexu. Quod si ambigua est appellatio liberorum; & in dubitationem adduci potest, an eà comprehendantur descendentes ex feminis, quanto majorem habebit dubitationem vocatio liberorum masculorum, ut infra dicemus.

Præterea ducunt argumentum à feudis ex l. *tit. de eo, qui sibi vel hered.* sed ommissis etiam, quæ supra ad hoc genus probationis respondemus: nihil momenti est in hoc argumento. Etenim ibi investituram feudataris acceperat sibi, vel heredibus suis masculis, vel his deficientibus, feminis. Itaque vocati erant tam masculi, quam feminae, & hi omnes in duas classes, seu ordines distributi atque distincti, quorum primus erat ordo masculorum, secundus feminarum. Quis

Quis autem potest esse tam stultus, qui dubitet, an masculus ex femina sit referendus in ordinem masculorum, an verò feminarum. Neque enim definit esse masculus propterea quòd à femina progenitus fuerit. Quocirca hic masculus excludendus erit à successione, si non succedat in ordine masculorum: nam quod in ordine feminarum succedere non debeat, nulla est dubitatio aut controversia. Absurdum autem est dicere, eum esse à successione feudi excludendum, cum in investitura omnes masculi contineantur, & feminis antependantur. In casu autem nostro, in quo feminæ sunt exclusæ, jure ac merito dubitatur, an earum etiam filii censentur exclusi.

11 Progrediamur jam ad examinandum argumentum, quo movetur doctissimus Antonius Faber *de error. pragmat. lib. 2. decad. 28. error. 8.* quod est omnium firmissimum, & ad persuadendum aptissimum. Masculus descendens à femina, est descendens, & est masculus: atqui vocati sunt descendentes masculi; ergo & hic vocatus est. Nam cui conveniunt verba dispositionis, convenit & ipsa dispositio. Plane non potest negari quod contineatur appellatio descendendum masculorum, qui est simul & descendens & masculus. Nec ei obesse debet, quod à successione fuerit ejus mater exclusa: quia fuit exclusa quod esset femina, hic ergo debet includi, quod sit masculus. Quæ ratio est in matre, ejus excludendæ, in filio est ejus includendi. Testator dilexit masculos, non feminas. Hos, quia dilexit, vocavit: illas, quia non dilexit, exclusit. Igitur non dilexit matrem, ideoque eam exclusit: dilexit nepotem, ideoque illum vocavit.

Enimvero huic argumento responderi non potest, nisi confugiamus ad voluntatem testatoris, quæ omnino spectanda est; & totum facit in hoc genere dispositionis. Diserte ad rem Ulpianus in *l. ex falso §. rerum ff. de hered. instit. Rerum Italicarum, vel provincialium significatione, quæ accipienda sunt, videndum est. Et facit quidem totum voluntas defuncti: nam, quid senserit, spectandum est.* Ergo & in casu nostro spectandum

est, quid senserit testator, & quoniam masculi sunt accipiendi significatione generali masculorum. Valde enim, nec sine causa est ambigendum, an, cum masculos præ feminis dilexerit, qualiteram masculini sexus præoptaverit non solum quoad progressionem, sed etiam quoad originem, adeo ut desideravit hanc qualitatem non solum in generato, sed etiam in generante. Cum enim vocaverit ad successionem descendentes serie, & continuatione numquam interrupta; videtur etiam masculos vocasse eadem serie, & continuatione non interrupta; nullaque inter eos feminam intermixta. Hanc enim qualitatem masculini sexus adjunxit, & quodammodo insevit cunctis descendentibus, ita ut ab ipsis separari, ac seungi non queat. Quamobrem sicut ad successionem aspirare non potest, nisi qui est descendens, & provenit à descendente testatoris, ita ad eam aspirare non potest, nisi qui est masculus, & à masculo progenitus. Sicut enim testator voluit fideicommissum progredi continuatione de descendente in descendentem nullâ alia interjectâ personâ; ita voluit progredi continuatione de masculo in masculum nulla personâ femineæ sexus interjectâ. Etenim quando semper progrediendum est ad masculos, progressus hic procedere debet de masculo in masculum, nullâ interjectâ feminâ, per quam ordo ac series continuata masculorum interrumpatur. Neque hoc est sine exemplo in jure nostro. Ulpianus in *l. 2. §. 1. ff. de suis & legit. hered. Agnati autem sunt cognati virilis sexus ab eodem orti.* Satis expressisse se putavit, agnatos esse masculos conjunctos inter se per masculos, verbis illis *virilis sexus*, quia cum eo tempore feminæ ratione Voconiana, ut supra exposuimus, excluderentur à successione, satis erat qualitatem masculini sexus exprimere ad demonstrandum masculos ex masculis, quia feminæ nullum jus habebant in successione, adeoque non debebant se masculis intermiscere. Justinianus autem in *§. 1. de legit. agnat. tui.* & in *§. 1. de legit. agn. success.* cum id temporis feminæ non arcerentur à successione, definivit agnatos esse cognatos per

virilis sexus personas cognitione conjunctos. Necellarium existimavi exprimere conjunctionem per masculos, ne intermiseretur aliqua femina. Ita quoque Callistratus in *l. liberorum* 120. *ff. de V. S.* describit liberos, quasi non contineantur eorum appellatione descendentes ex feminis, cum tamen certum sit, eos quoque contineri *l. cognoscere* §. 1. *ff. eodem*. quia scilicet refert definitionem ad successionem x 11. tab. *ibi: hos enim omnes suorum appellatione lex duodecim tabularum comprehendit*: lex autem duodecim tabularum excludebat descendentes à feminis, cum neque sui essent, neque agnati.

His omnibus, quæ diximus, rectè confidetur apparet, utramque sententiam lubricam esse ac periculosam: eamque solam esse approbandam, quæ testatoris voluntate fulciatur.

masculis præferantur masculis, ex feminis.

12 Prudentissimi populi à feminis progenitus à successione excluduntur.

Controversia, de qua in utramque partem in superiore disputavimus, aded est in proclivi, ut quancumque sententiam apprehenderis, facillime possit elabi. Quo efficitur, ut paulo momento in hanc, vel illam partem impelli debeamus: & in eam opinionem propendere, quam conjectura voluntatis testatoris quomodocumque nobis indicaverit. Quamobrem à veritate longissime arbitror aberrare eos, qui secundam sententiam adeo mordicus tenent, ut statuant contrariam sequendam non esse, nisi urgeamus vehementissimis conjecturis, quæ in alium sensum detorqueri non possint. Ego contra sentio, prudentem Judicem in eam opinionem venire debere, quam leves etiam conjecturæ, & veritatis similitudo confirmaverit. Nam quæ sunt in lubrico, quolibet impulsu incitata labuntur. In lubrico autem utramque opinionem esse, in superiore demonstravimus.

Duobus erroribus, ut mea fert opinio, sunt imbuti. Primus est, quod hanc sententiam tamquam regulam juris à Lege præscriptam obfirmare defendunt: tantumque apud ipsos Fulgosi valet auctoritas, quantum Legis præscriptum. Sed nusquam id in jure nostro traditum, ut in superiore diximus, & contrarium potius est constitutum, ut infra dicemus: & Fulgosi opinionem suam non pro certa, stabilique sententia venditavit, sed multis facti adminiculis in causa, quam defendebat, fulcire, & confirmare curavit: & ad extremum clientes suos hortatus est ad concordiam: aded hanc sententiam lubricam esse existimavit. Consecutus verò temporibus post acerrimis DD. contentiones invaluit apud quamplurimos ejus opinio, & contraria, quæ olim apud doctissimos, ac celeberrimos Jurisconsultos obtinebat, penè obdolevit. Quocirca etsi non putem omnino repudiandam Fulgosi auctoritatem, tamen pro lege habenda non est; & ab ea faciliè recedendum arbitror, quomodocumque contraria voluntas testatoris

CAPUT XXVIII.

De ead. questione.

SUMMARIUM.

- 1 Ex opito recipienda, quam conjectura & veritatis similitudo confirmaverit.
- 2 Affirmativam pro regula statuentes falso putarunt tantum valere Fulgosi auctoritatem, quantum legis præscriptum.
- 3 Verbum generale tam propriè refertur ad genus infinitum, quàm ad summum.
- 4 Et magis propriè interpretatur verbum masculos, qui illud accommodat masculis ex masculo. Et ad hanc interpretationem qualibet conjectura sufficiunt.
- 5 Exempli amplissimi nominis liberorum à votibus restititi.
- 6 Item verbi filiorum, modò ampliari, modò restringi.
- 7 Et neminis familie.
- 8 Si testator vocat masculos vel quia femina sunt finis familia, vel quia sexum masculinum dilexit præ feminis, validissima conjectura est ad excludendos masculos ex feminis.
- 9 Nominis generis usurpato plurumque an sola species significatur, qua inter alias aliqua ratione præcellit.
- 10 Unusquisque habet affectionem erga familiam propriam vel heredis institui.
- 11 Publica & privata utilitas exigit, ut masculis ex

ostendatur *l. Lucius Titius 93. §. quasitum 3. ff. de leg. 3.* Agitur enim de re controuersa & plena dissensionis inter doctos. Et pro certo sumi non debet, quod dubium est, & controuersum. Et uoluntatis conjectura facile admittitur in fideicommissis *l. cum proponatur 64. ff. de leg. 2. l. quasitum 12. §. sed & ipse 43. ff. de fund. instr.*

3 Alter error est, quod putant verba accipi improprie, & in aliena significatione, cum ea generatim prolata, non de genere summo, sed de genere infimo interpretatur. Verum non ita res est: sed multo secus. Verbum generale tam proprie refertur ad genus infimum, quam ad summum. Hoc verbum *animal* eadem proprietate sermonis comprehendit tam homines, simulque brutas animantes, quam solos homines, aut solas brutas animantes: nam verè, ac proprie homines sunt animalia: itemque brutæ animantes: Imò si homines aut brutæ animantes non essent verè ac proprie animalia, nec ipsum genus summum posset subsistere, & comprehendere duas hasce species videlicet homines, & brutas animantes. Hoc amplius plerumque verbum generale magis proprie dicitur de genere infimo, quam de genere summo, atque ultimo: atque, id solet usu venire, cum aliqua species supra alias omnes excellit. Jus civile est, quod quilibet populus sibi constituit: atque adeo genus est: proprie tamen dicitur de jure civili Romanorum, & ita semper in jure nostro usurpatur §. 1. *instr. tit. de jur. natur. gent. & civil.* Urbs quoque generale nomen est, & omnes Urbes, quæ usquam sunt, continet, cum ab urbo, id est, aratri circivatura, sit appellata, quo urebantur in designandis mœnibus *l. pupillus 239. §. urbs ff. de P. S. quod & Servius in primo Æneidum & Hîdorus lib. 15 orig. confirmant: sed proprie dicitur de Urbe Roma, ut in l. cætera 41. §. hoc Senatusconsultum 6. ff. de legat. 1. l. 1. ff. ad leg. Jul. de amb. l. relegatorum 7. §. constitutum 15. ff. de interd. & relegat. l. 1. in princ. ff. de off. pref. urb. nec alia Urbs hoc nomine solet in jure nostro significari. Cognationis nomen conti-*

net cognationem naturalem, civilem, & naturalem & civilem simul. *l. non facile 4. §. cognationes ff. de grad. & affin.* Plerumque tamen nomine cognationis tertiam tantummodo speciem significamus, quæ utroque jure consistit: nam civilis cognatio, etsi plenissimè cognatio sit, propriè tamen agnatio vocatur *d. §. in fin. & servilis cognatio, licet ipsa quoque cognatio sit, tamen à jure nomine cognationis non solet comprehendi l. 1. §. perinet ff. unde cognati princ. tit. instr. de servil. cognat.* Ita etiam naturalis cognatio vix ultra matrem ac fratres pro cognatione habetur *l. 2. ff. eodem.* Hoc amplius tertia species cognationis, seu genus, quod subjectas habet duas species, scilicet conjunctionem per masculos, & conjunctionem per feminas, magis propriè de hac secunda conjunctione solet usurpari *tot. tit. instr. de succ. cognat. & Novell. 118. in proam. & in cap. 4.* Obligationis quoque nomen generale est, & tria genera subjecta complectitur: obligationem naturalem, civilem, & quæ utroque jure consistit, naturalem & civilem. Cum autem obligatio nominatur in jure, ferè semper hoc postremum genus significatur, vix unquam alia duo genera indicantur, ut in *tot. tit. ff. & instr. de obligat.* adeo ut obligatio mera civilis, licet in §. *præterea instr. de except.* dicatur obligatio efficax, tamen in *l. si dari 25. ff. de P. O.* dicatur nulla. Itemque obligatio naturalis, quæ nulla dicatur in §. *præterea instr. tit. quib. mod. toll. oblig.* quoad multa efficax est & utilis, ut in *l. eiam 6. ff. de compens. in l. 1. in fin. ff. de novat. in l. naturales 10. ff. de oblig. & act. l. Stichum §. aditio ff. de solut. l. stipulatus 6. in fin. & l. fidejussor 16. ff. de fidejussor. l. 5. ff. de pignor. l. 1. §. debitum ff. de const. pac. & passim.* Itaque nomine obligationis intelligitur obligatio naturalis & civilis, quia inter omnes excellit, & aliis est multo potentior; haud aliter descendantium masculorum appellatio duo habet genera subjecta: masculos descendentes à masculis; & masculos descendentes à feminis. Negari autem non potest prærogativam masculini sexus à restatore exopta-

tam in primo genere masculorum eminere, ac præpollere, & præponderare masculis secundi generis; cum in illis pura sit, & simplex de masculo in masculum sine ullâ feminarum mixturâ producta & propagata, ordine ac serie masculorum numquam interrupta: in his verò, mixturâ feminei sexûs interjectâ quodammodo corruptampur qualitas masculini sexûs feminis intermixtis. Ergo magis propriè conveniunt verba *descendentes mascululi* descendantibus per masculos, quàm descendantibus per feminas, aut descendantibus masculis in genere summo.

4 His efficitur, non recedere à propriâ, atque usitatâ significatione verborum eum, qui illa accommodat masculis ex masculo, exclusis omninò masculis ex femina: imò eum magis propriè verba interpretari, quàm qui utrumque genus comprehendit. Quòd si verum est, ut cerè verissimum est, non recedi à proprietate sermonis verba sic interpretando, quorsum necessarie sunt tam vehementes conjecturæ, quales omninò requiruntur, ut recedamus à proprietate sermonis, & alienâ interpretatione in alium sensum verba detorqueamus? Ego sanè puto quamlibet veri similitudinem, quamlibet conjecturam sufficere, ut hanc interpretationem alteri anteponamus. Liberosum nomen generale est, & comprehendit omnes liberos, nepotes, & pronepotes, & cuiuscumque gradûs, & conditionis: itaque & adoptivos complectitur *l. 1. in princ. ff. de bon. poss. contra tab. l. 1. §. liberos ff. si tab. testam. nulla exstab.* & tamen in conditione *si sine liberis decesserit*, pro liberis non habentur, nec faciunt deficere conditionem ex quâdam verisimili mente testatoris *l. fideicommissum 76. ff. de cond. & dem. imò & suscepti post deportationem quasi ex alio suscepti; licet ante deportationem concepti, licet postea edantur; faciunt deficere conditionem l. ex falso 17. §. ex falso ff. ad S. C. Trebelli*: Naturales etiam liberosum nomine continentur, etsi fuerint in servitute suscepti, *l. Lucius Titius 88. §. Dama in fin. ff. de leg. 2.* & tamen in superiore conditione, an contineantur, voluntatis questio esse dici. ut, de quâ ex dignitate, & condi-

tione fideicommittentis judicandum est *l. ex falso 17. §. si quis rogatus 4. ff. ad S. C. Trebelli*.

Sed ad rem propiùs accedamus. Liberosum nomen etiam nepotes ex femina complectitur *l. cognoscere 6. §. 1. ff. de V. S. Ad excusationem* tamen à tutela propter multitudinem liberorum numerantur solum descendentes ex masculis, sive masculi sint, sive feminae *l. 1. §. non solum ff. de excus. tut.* Item immunitas concessa poiteris, in perpetuum succedentibus durat, quia tum latè patet posterorum appellatio, ut exposuimus in superiore *l. 4. ff. de jure immun.* Ad eos tamen, qui ex feminis nati sunt, non pertinet *l. 1. in fin. ff. eodem*. Rursus liberorum nomine etiam, qui in ventre sunt, continentur *l. is cui 18. ff. qu. d. leg. ced.* & tamen quoad excusationem à tutela inter liberos non connumerantur *l. 1. §. qui autem ff. de excus. tut.* Ex his intelligi datur, quàm facilè veteres amplissimum nomen liberorum restrinxerint.

Eâdem facilitate nomen filiorum modò laxant, modò contrahunt, ejusque significationem in dò latissimis, modò angustissimis terminis circumscribunt. Paulus in *l. filii 84. ff. de V. S. filii appellatione omnes liberos intelligimus*. Non potest latius extendi. Calistratus in *l. liberorum 220. §. ult. ff. de V. S. filiorum appellatione omnes, qui ex nobis descendunt, contineri*. Julianus in *l. iusta 201 ff. eodem jussu interpretatione recipiendum est, us appellatione filii, sicuti filiam familias contineri sapi respondebimus, ita & nepos videatur comprehendi*. Observanda sunt verba illa *jussu interpretatione*, hæc enim & verba dilatantur, & restringuntur. In *l. quæsum 11. §. uxores 7. ff. de inst. vel instrum. leg.* hujusmodi extensionis causâ assertur dura separatio. In *l. Senatusconsulto. 59. ff. de ritu nup.* Senatusconsulto, quo cautum est, ne tutor pupillam vel sibi nuptam collocet, etiam nepotes significatur. In *l. pen. in fin. G. ad S. C. Macedonian.* Senatusconsulti auxilium licet filii familias meminerit, & ad nepotes pronepotes porrigitur. Contrà Ulpianus in *l. quid si nepotes ff. de testam. tut.* ceterùm si filios dixit, non continebuntur nepotes: ali-

ter enim filii, aliter nepotes appellantur. Iisdem ferè verbis idem statuit Imperator in §. *ult. inst. sis. qui testamen. tut. dar. possint.* Multò angustius hoc nomen coarctabat Labeo, qui nec hlium quidem libertinum nomine filii putavit comprehendendi, cujus sententiam probat Javolenus, nisi appareat testatorem de hoc fuisse locutum *l. ult. ff. de jur. deliber.*

7 Idem juris est in familiaris significatione, quæ in usu juris modò restrictè, modò laxè accipitur. Quàm latè pateat, copiosè explicatur tum in *l. pronuntiatio §. familia, 195. ff. de P. S. tum in l. ult. C. eodem.* Comprehendit enim & liberos homines, qui sunt ejusdem familie, & servos & libertos & generum etiam ac nulum *d. l. ult. Fest. Pompeius. Familia antea in liberis hominibus dicebatur, quorum dux, & princeps generis, pater, & mater fam. unde familia nobilium Pompiliorum, Valeriorum, Corneliorum: postea hoc nomine etiam famuli appellari ceperunt permixta I cum V litera: Et Ulpianus in l. deservatio 40. §. familia ff. de P. S. familiaris appellatione liberi quoque continentur. Contrà in l. pronuntiatio in fin. ff. eodem. familiaris nomine soli liberi continentur. At verd in l. 2. §. hac actio 14 ff. vi bon. rapt. soli servi comprehenduntur. In edicto Prætoris de publicanis familiaris nomen, & servos & liberos, qui sunt in ministerio publicani continet *l. 1. in princ. juncto §. familia ff. de public. & l. sed & bi 13. ff. eodem.* In edicto autem de vi ad servos refertur *l. 1. in princ. juncto §. familia 16. ff. de vi & vi arm.* Item in edicto de albo corrupto *l. si familia 9. ff. de jurisdict. & in edicto de furtis l. 1. ff. si famul. fursum sec. dicas.* quod & ad damnum injuriæ datum extendit Cajus in *l. illud quæritur 32. ff. ad l. Aquil.* Idem in *S. C. Sillan. l. 1. ff. de S. C. Sillan.* Eadem significatio in *l. quod ait. 31. ff. de nox. act.* Contrà verd in legalis hoc verbo significabant personas liberas ejusdem nominis, seu agnationis, ut in *l. omnia 32. §. ult. in l. nulum ex familia 67. ferè per tot. in l. pero 69. §. fratre, & §. ult. ff. de leg. 2. & in l. filius fam. 14. §. cum pater 15. ff. de leg. 1. & passim. Cum verd fideicommissum à pa-**

trono relinquitur liberto, familie nomine intelliguntur ejus liberti, quotquot fuerint, ut in *l. cum pater 77. §. cum inter 28. ff. de leg. 2.* Eadem quoque varietas est apud Latinos auctores, qui hoc nomine varios sensus explicant. Familiam pro servis, & libertis dixit Cicero pro Sext. Rosc. cap. 8. Tamen in tanta felicitate nemo potest esse in magna familia, qui neminem, neque servum, neque libertum improbum habeat: & infra cap. 46. Familiam verò quantam, & quam variis cum artificibus habeat, quid ego dicam? Missio hæc artes vulgares, coquos, sellicarios: animi & aurium causa tot homines habet, ut quotidiano cantu vocum, & nervorum, & sibiatarum, nocturnisque conviviis tota vicinitas personæ. Corn. Nep. in vita Pomponii Attici cap. 13. Usus est familiæ, si utilitate judicandum est, optima: si formâ, vix mediocri.

Familiam pro stirpe generis accepit idem Cicero in orat. pro Rabir. Post. cap. 1. Cum sit hoc generi hominum propè natura datum, ut, quâ in familia laus aliqua fortè sterneris, hanc ferè, qui sunt ejus stirpis, cupidissimè persequantur. & pro Muren. cap. 7. Sin autem sunt ample & honesta familia plebeia: & proavis *l. Murena, & avus, prætores fuerunt, & pater, &c.* Non minus variant in numero personarum. Nam Paulus *lib. 5. sent. tit. 6. §. 5. Familia autem nomine etiam duo servi continentur.* Contrà Ulpian. in *l. 1. §. familia ff. de vi, & vi arm. Familia autem appellatio servos continet: sed quæritur, quem numerum servorum contineat, utrum plurimum, an verò duorum, vel trium: sed verius est in hoc interdito, etiamsi unus servus vi deieceris, familiam videri deieçisse. Hæc duo responsa eleganter conciliari possunt verbis Ciceronis in orat. pro A. Cæcin. cap. 19. Quid enim facilius est, quàm probari iis, qui latine sciunt, in uno servulo familia nomen non valere? & deinceps. Si ad rem judicandam verbo ducimur, non re: familiam intelligamus, quæ constet ex servis pluribus: quin unus homo, familia non sit. Verbum certe hoc non modò postulat, sed etiam cogit. At verò ratio juris interdictionis vis, & prætorum voluntas, & hominum prudentium consilium, & auctori-*

tas, *respuat hanc defensionem, & pro nihilo puet*: & deinde: *Ut servus non numero distinguant, sed appellent uno familia nomine*. Reliqua exempla, quæ passim occurrunt in jure nostro, silentio prætermitto, in quibus nomen generis summi aptatur subiecto generi, & ad ipsum restringitur. De his enim supra diximus luculenter, ubi de veterum generalium interpretatione satis copiose disputavimus, quæ si hûc transferantur, dilucidè apparebit, quàm faciles esse debeamus ad coarctandam masculorum vocationem ad masculos ex masculis. Atque hoc eo facilius in proposita controversia est admitendum, quod eò ducunt omnes conjecturæ.

8 Prima est, quæ, ut fallor, egreditur conjecturæ terminos, quod aut testator ad excludendas feminas, & vocandos masculos adductus est ea de causa, quia feminæ sunt finis familiæ: aut quia sexum masculinum præ femineo dilexit. Si primum; explorati juris est, exclusos esse masculos ex feminis: quia ipsi non solum sunt caput, & finis familiæ, ut est femina eorum mater *l. pronuntiatio 195. in fin. ff. de P. S.* sed etiam sunt prorsus familiæ alienæ: mater enim licet sit caput, seu origo alienæ familiæ, non tamen est in familia aliena, filius vero est in aliena familia, & particeps non est ejus familiæ, cujus est mater: ergo si mater hac de causa fuit exclusa, multo magis ejus filius. Si verò secundum; pariter verosimile est testamentum eum excludere voluisse: nam licet & in ipso insit qualitas sexus masculini, quam testator unice dilexit, tamen ea magis eminet in masculis ex masculo, cum in his merus sit, & purus sexus masculinus, in illo vero sit feminæ admixtione concretus: adeoque præsumi debet, hunc sexum masculinum merum, & purum, & supra alium excellentem magis fuisse dilectum à testatore. Præterquam quod si testator sexum masculinum dilexit, amoto penitus feminino, quid rei est, cur putemus, eum dilexisse solum in generato, non autem in generante? Plane series illa continuata descendens masculorum, quam testator prædilexit, luculenter demonstrat, cum habuisse

affectionem erga masculos non interrupto ordine sibi succedentes: & sicut voluit fideicommissum progredi semper de descendente in descendente, ita verisimile est eum voluisse omnes illos descendentes habere annexam qualitatem sexus masculini, ita ut de masculo in masculum progrediarur, nullâ feminâ intermixtâ, quæ continuam illam seriem, & ordinem masculorum ininterruptat.

Neque me movet, quod etiam masculus 9 ex feminis sint vere masculi, adeoque propriè contineantur ipsi quoque masculorum appellatione. Etenim, ut supra demonstratum est, quoties genus, plura genera inferiora, aut species subiectas habet, inter quas una aliqua eminet, aut aliqua ratione vel affectione disponens præcellit & prævalet aliis, plerumque ea sola significatur, licet nomen generis fuerit usurpatum. Ecce legitima hereditas est tam ea, quæ ex testamento, quam ea, quæ obvenit ab intestato: nam ea quoque quæ testamento datur, lege, ac jure nobis obvenit *l. lege obvenire 130. ff. de P. S. l. 1. ff. de petit. hered.* Verumtamen quia hæc à lege confirmatur, illa ab ipsâ lege datur: ac propterea in illa prævalet qualitas legitima, fere semper nomine legitimæ hereditatis intelligimus hereditatem ab intestato *l. item veniunt §. licet autem ff. de petit. hered. l. in arenam 11. C. de inofficiso testam. l. 2. C. de Carbon. ed. tot. tit. insit. de legit. agn. succ. & ubique passim*. Nomen quoque institutionis continet, & institutionem primi heredis, & institutionem secundi heredis, hoc est, substitutionem *l. mulier 20. §. ult. ff. de cond. instit. & l. Lucius Titius 53. in fin. ff. de hered. inst.* & tamen nomen institutionis simpliciter & absolute pronunciatum de institutione primi gradus ferè semper accipitur *d. l. Lucius Titius in fin. & in tot. tit. ff. de hered. instit.* in quo semper agitur de institutis primo gradu: nam de institutis secundo gradu, hoc est, substitutis agitur in *titul. de vulg. & pupill.* Amplius dico, heredis nomen valet in quocumque genere heredum, & tamen si pater dixerit: *quisquis mihi heres erit, idem impuberi filio heres esto*: non omnis, qui patri heres exiit, sed is, qui ex tes-

tamento heres extitit, substitutus videtur: & idè neque pater, qui per filium, neque dominus, qui per servum extitit ad substitutionem admittitur, neque heredis heres *l. qui liberis* 8. §. ult. ff. de vulg. & pup. Quid ità? an non adjectum est signum universale, quisquis, quod omnes omnium heredes comprehendit isic sanè; sed affectio testatoris restringit genus, & signum universale, ad eum solum heredem, qui venit ex judicio testatoris *d. l. in fin.* Haud aliter, qui iussus est heredi dare, non debet dare heredis heredi *l. sub diversis in fin. ff. de cond. & dem.* licèt heres heredis sit hæres testatoris *l. ult. vers. & hoc C. de hered. instit.* nec potest dari heredi cui ex Trebelliano restituta est hereditas *l. qui heredi* 44. §. cum hereditas ff. de cond. & dem. Fortius urget text. in *l. ex facto* 17. in fin. ff. ad S. C. Trebell. si quis ita fideicommissum reliquerit: fidei tuæ, fili, committo, ut si alieno herede moriaris, restituas hereditatem Sejo: *videri eum de liberis sensisse Divus Pius rescripsit.* Avunculus certè non est alienus heres, & tamen hic pro alieno habetur, sicut & frater, & alii vel proximi agnati. Scilicèt propter præsumptam affectionem testatoris erga liberos, hi Sejo postponuntur, qui fortasse erat extraneus.

- 10 Confirmatur superior conjectura, alia conjectura, seu potiùs argumento validissimo. Unusquisque habet singularem affectionem erga propriam familiam vel heredis quem instituit: sed descendentes à femina sunt extra familiam, sunt alieni, ergo non præsumuntur vocati. Alieni dicuntur etiam proximi agnati quoad extraneum ex laudatà *l. ex facto*: ergo multò magis masculi ex femina quoad masculos ex masculo: hi enim sunt agnati & ejusdem familie: illi cognati, & familie alienæ *l. pronuntiatio* 195. in fin. ff. de P. S. Atque, ut hunc locum diutius urgeam, observo Modestini responsum in *l. cum ita legatur* 32. §. ult. ff. de leg. 2. Nomen familie variè latèque paret, ut modò dicebamus: & tamen fideicommissum familie relictum restringitur ad eos, qui sunt ejusdem nominis: ergo multò magis nomen masculorum quod

non tam variè neque tam latè patet, restringi debet ad masculos ejusdem nominis, ac familie. Neque hoc leges abhorrent: nam Justinianus in §. ceterum instit. tit. de legit. agnatorum success. masculorum nomine semper intelligit agnatos: & Scævola in *l. Gallus* §. & videtur primum 12. ff. de liber. & post. descendentes masculos ex masculis dicit esse omnes virilis sexus: Et Ulpianus in *l. 2. §. agnato ff. de suis, & legit. hered.* Agnati sunt cognati virilis sexus ab eodem orti. Satis expressisse conjunctionem per masculos putavit illis verbis, virilis sexus.

Denud confirmatur animadvertendo, quod testator ad feminas excludendas, & vocandos solummodò masculos adductus est aut propter publicam, aut propter privatam & propriam utilitatem. Publica utilitas exigit, ut familie conserventur, earumque splendor per facultates & opes augeatur: idque certissimum esse nostri legislatores existimaverunt, ac propterea vocarunt agnatos cognatis exclusis, & suos heredes exclusis aliis liberis *rote tit. instit. de hered. qua ab int. & de legit. agn. succ.* Et licèt Justinianus feminatum fautor, & patronus hanc politicam rationem reprobarit: tamen subsequentes legislatores omnium ferè civitatum, veterum vestigia suis statutus sunt persecuti. Privata quoque utilitas idem exigit, cum nostrà interit, nobisque expediat, familie nostræ splendorem conservari & amplificari, idque prudentes semper desiderant. Quod in casu nostro prudens testator ostendit excludendo feminas, adeoque etiam à feminis progenitos: satis enim absurdum est ipsà origine sublatà, ejus imaginem derelinqui: ut ait Imperator in *l. unic. in princ. C. de Lar. libert. toll.*

Postremò sic interpretando mentem testatoris, prudens ejus consilium animadvertitur, ut loquitur Scævola in *l. Lucius* 85. in fin. ff. de hered. instit. Maximo argumento est, quod omnes populi, qui prudentià suprà ceteros excelluerunt, à feminis progenitos excluderunt à successione. De Romana Rep. satis constat, quà regendæ civitatis scientia, & administrandi prudentia nulla

excellenter, quæ publicè expellere putavit, ordinum dignitatem familiarumque salvam esse l. 1. §. *Sed etsi* 13. ff. de *inspic. ventre*. Non aliter apud Athenienses populum prudentissimum *effusus* de *effusus* masculi ex masculis vocabantur: luculenter hoc jus successionis masculorum ex masculis exponit Demosthenes *orat. in Macartatum & orat. in Leocharem*, & *litus in orat. de heredit. Apollodori & de hered. Hagnia*. Quid multa? Deus ipse auditâ querelâ filiarum Salphaad precantium, ne nomen & familiâ patris extingueretur, respondit Moyse: justam rem postulant filię Salphaad: legemque posuit, ut filię quidam deficientibus filiis masculis succederent: omnes tamen cognatos materni generis amovit à successione *Numer. cap. 27. 6. & seqq. & ibi Grotius*. Quid igitur argumenti est, aut rationis, quamobrem ab interpretatione plenâ consilii atque prudentiæ recedamus?

CAPUT XXIX.

De conjecturis præced. question.

SUMMARIUM.

1. *Contemplatio agnationis est probatio evidens exclusivis descendens feminarum.*
2. *Ad excludendos feminarum descendentes sufficit qualitas masculinam ex masculis requisitam esse in filiis & nepotibus hereditis instituti.*
3. *Ab aliis legatis antecedentibus vel consequentibus ducitur conjectura ad interpretandum legatum.*
4. *Testamentum comprehenditur in legato filiarum, si in aliqua testamenti parte postuma mortis facta sit.*
5. *Incongruum est, ut verbum in una parte laxius, in alia strictius intelligatur & n. 6. 7. 8.*
6. *Juxta opinionem contrariam posset evenire, ut remittitur ad successionem admittiretur proximior exclusi.*
7. *Duplex vocatio masculinum ex masculis non est necessaria ad excludendos masculos ex femina.*
8. *Verbis filiis masculis conjunctis, & eorum descendens masculis, excludit descendentes feminarum.*
9. *Masculi ex feminis in una linea exclusi, in alia quoque exclusi censentur.*
10. *Idem est, si expressè excludantur in parte conditionali.*

Lubrica sanè, & periculosa questio est de admittendis, vel excludendis descendens feminarum: aded ut in quacumque partem inclinaveris, facili inde retrahi possis. Quamobrem in superiore demonstravimus solas conjecturas sufficere, easque non admodum graves, ut à communi sententiâ retrahamur, & ad contrariam inclinemus. Quidam potissimam conjecturam esse arbitrantur, quæ ducitur ex contemplatione agnationis. Sed hæc non est simplex conjectura: verum evidens, & potentissima probatio, quæ necessariam affert consecutionem. Nam si agnati sunt cognati, qui per virilis sexus personas junguntur § 1. *insit. tit. de leg. agnat. tunc* §. 1. *de leg. agnat. succes. l. sunt autem* 7. ff. *de leg. tunc l. non facile* 4. §. 1. & 2. *l. jurisconsultus* 10. §. 2. & 4. ff. *de grad. & affin.* consequens est, eum, qui voluit vocare ad successionem agnatos, voluisse excludere descendentes feminarum, qui agnati non sunt, sed cognati.

Ego firmam, & indubitatam conjecturam, quæ sola sufficiat ad excludendos feminarum descendentes, esse arbitror: si testator initio masculum vocaverit, & deinceps ejus filios masculos, & ex eis descendentes masculos in infinitum. Nec dubito, in cæteris descendens in testatore fuisse requisitam eandem qualitatem masculinam, quæ fuit requisita in filiis, & nepotibus: nempe ut sint masculi ex masculis. Quamvis enim hoc verbum *masculi* in lata significatione, ac totâ sui amplitudine comprehendat etiam masculos ex feminis, tamen in proposito exemplo restringitur ex antecedentibus factâ collatione ad strictam significationem, in quâ proximè fuit usurpatum. Atque hæc est recta, & à legibus approbata, & ratione confirmata interpretatio. Ex antecedentibus enim, & consequentibus elicitur sententia scribentis, & emergit veritas obducta ambiguitate verborum *l. heredes* 11. §. 1. *vers. sed etsi notam ff. qui testam. fac. l. questum* 12. §. *Papinianus quoque* 41. ff. *de instr. vel instrum. l. nummi* 75. *in fin. ff. de leg. 3.*

I. Probatur

3 I. Probatur ex *l. si servus plarium* 50. §. ult. ff. de leg. 1. ubi si numerus numerorum legatus sit, nec appareat, de quibus nummis senserit testator, eatum, quæ præcedunt, & quæ sequuntur, summarum scripta spectanda sunt. Ducitur hæc conjectura ab aliis legatis, quæ vel antecedunt, vel sequuntur: quanto magis si in eodem legato eademque periodo, eademque conceptione verborum testator declaraverit, de quâ specie senserit?

4 II. Idem Ulpianus in *l. qui filiabus* 17. in princ. ff. de leg. 1. *Qui filiabus legavit, si mentionem aliquâ parte testamenti posthuma fecit, videtur in filiarum legato, & de posthuma sensisse.* Filiorum nomen etiam postumos comprehendit, quia in his, quæ ad commodum eorum pertinent, pro jam natis habentur *l. qui in utero* 7. & rursus *l. qui in utero* 26. ff. de stat. hom. l. cum quidam 30. §. 1. in fin. ff. de acquir. vel om. hered. & idem, qui filiis tutorem dat, etiam postumis dedisse videtur §. cum autem 4. inst. tit. de tutel. §. ult. inst. tit. qui test. tut. dur. pos. l. nomen filiarum 164 ff. de V. S. Sed in legato relicto filiabus non continetur posthuma, quia legatum relinquatur ob meritum *l. nec adjecit* 9. ff. pro soc. nec ullum meritum considerari potest in eo, qui nondum est in rerum naturâ; sicut nec demeritum *l. si quis suo* 33. in fin. C. de inoff. testam. Quare non videtur testator de posthuma cogitasse: sed si aliquâ testamenti parte postumæ fecerit mentionem, de eâ cogitasse conjicit Jurisconsultus. Et sic ducitur conjectura ab aliâ parte testamenti: quanto magis credendum est, testatorem cogitasse de masculis ex masculis, si in eadem parte, eademque dispositione de illis disposuerit, masculos ex masculis vocando. Idem traditum in *l. quæsum* 12. §. Papinianus quaque antepenult. ff. de fund. instr. lbi: nisi ex al. a parte, & de servis enim cogitasse, apparuerit.

Idem in *l. nummis* 76. in fin. ff. de leg. 3. nummis indistinctè legatis, illi legati videntur, qui ex contextu testamenti possunt apparere legati. Idem in *l. qui non militabat*, 208. §. 1. in fin. ff. de her. d. inst. lbi: quid

vetereis nummis Titio legatis, nummorum specie non demonstratâ, cæterorum legatorum contemplatione receperunt.

Hæc igitur est norma juris, hæc regula minimè fallax, ad quàm omnis interpretatio voluntatis est dirigenda, ut verba intelligamus, & exponamus secundum intelligentiam, sensumque testatoris. Intelligentia autem, sensusque testatoris cerè deprehenditur ex aliis locis, in quibus eadem verba testator usurpavit. Quod si in eadem dispositione, eademque periodo, eorumdem verborum conceptione, quâ in significatione verbum aliquod acceperit testator, appareat; nulla est controversia, quin semper in eadem significatione verbum illud pluries à testatore repetitum, sit accipiendum.

III. Concurrit eodem & illa omnibus uota, ac pervulgata regula: quodd determinatio respiciens plura determinabilia, ea pari modo determinat. *l. jam hoc jure* 4. §. sed si alter ff. de vulg. & pup. lbi: quia incongruens est, ut idem verbum in altero duplicem, in altero unicam contineat substitutionem. Incongruens igitur est, ut idem verbum masculi in filiis, & nepotibus contineat solum masculos ex masculis; in aliis autem descendentibus contineat tam masculos ex masculis, quàm masculos ex feminis. Sed quam vim, quod pondus habeat hæc regula, & quando obtineat, suo loco diligenter expendimus, undè petenda sunt ea, quæ hæc pertinent.

IV. Sed omissis generalibus probationibus speciatim id probatur auctoritate Pauli in *l. nam quod liquidum* §. ult. ff. de penu leg. Si ita scriptum sit: omnem penum præter vinum quod Romæ erit: sola penus, qua Romæ est, legata videtur: & ita & Pomponius lib. 6. ad Sabinum scribit. Restrictio illa quod Romæ erit licet adjecto sit solummodò vino, tamen restringit etiam penum aded, ut legato contineatur solummodò penus, quæ Romæ erit.

V. Confirmat idem Paulus in *l. Sejo* 20 §. Gajo Sejo ff. de instr. vel instrum. l. g. Gajo Sejo alumnorum fundos meos illum, & illum, ita ut instrumti sunt, & domum superiorem

dari volo : *quisitum est*, an etiam domum instruatam dari voluerit : respondit, secundu-
 dum ea, quæ proponerentur ita videri dedisse,
 nisi is à quo peteretur, aliud testatorem sen-
 sisse manifestè doceret. Obierva, quod onus
 probandi contrarium incumbit heredi, qui
 non solum contrarium debet probare, sed
 id manifestè docere debet.

8 VI. Fortius urget Proculi & Labeonis
 auctoritas in l. ult. §. 1. & 2. ff. de rit. vin.
 & ol. leg. Cui dulcia legata essent, si nihil
 aliud testamento significatur, omnia hæc esse
 legata, mulsum, passum, defrutum, & si-
 miles portiones: item *myas, ficus, palmar,*
caricæ. Ergo legato dulcium, non solum
 ea continentur, quæ potui sunt, sed etiam,
 quæ esui. Subdit tamen Proculus: quod si ita
 esset legatum: vinum amphorarium, Ami-
 numum, Græcum, & dulcia omnia: nihil inter-
 ducia, nisi quod portionis fuisset, legatum pu-
 rat Labeo, quod non improbo. Nomen dul-
 cium, quod est generale comprehendens non
 solum portiones, sed etiam esculentas, res-
 tringitur ad solas portiones ex solâ vini colla-
 tione, quod antecesserit fuit legatum. Nec
 impedit hanc restrictionem verbum illud ad-
 junctum omnia, quod est universale, & vi-
 deri potest adjectum ad comprehendenda
 non solum potui destinata, de quibus men-
 tionem fecerat, sed etiam esui. Quamto ma-
 gis igitur in casu nostro, in quo nullum ver-
 bum universale fuit adjunctum; neque enim
 dixit testator omnes descendentes masculos:
 quod etsi adiecisset, tamen ex hac lege faci-
 le probaretur, non comprehendi masculos
 ex feminis, factâ collatione masculorum ex
 masculis, qui antea vocati fuerunt. Maxi-
 mè quia verbum illud, omnes, adjectum est
 descendentes, non verò masculis: itaque
 significat adnitiendos quidem esse omnes
 descendentes, dummodo tamen habeant il-
 lam qualitatem, quam in primo vocatis de-
 sideravit testator: videlicet, ut sint masculi
 ex masculis.

9 VII. Si cum adversariis sentiamus, sequi-
 tur, ut pronepos ex nepte excludat nepotem
 ex filia primò vocati: quo nihil ineptius aut
 absurdius dici potest, aut existimari, Finga-

mus enim, Titium primò substitutum, præ-
 ter filios masculos etiam filias feminas post
 se reliquisse: & ad hereditatem ex substitui-
 tione concurrere nepotem ex filia, cum prone-
 pote ex nepte: Utique nepos ex filia ad
 hereditatem admitti non potest, quia testa-
 tor instituit Titium, & ei substituit filios
 masculos, & ex eis descendentes masculos:
 quamobrem nepos ex filia Titii non potest
 succedere, quia non descendit à filiis mas-
 culis: contra pronepos ex nepte succedet eo
 excluso, quia est masculus, & à filiis mas-
 culis descendit. Quis autem adeò bardus sit
 ac stupidus, ut putet testatorem voluisse ex-
 cludere nepotem proximiorum, & ex filia
 sibi benè cognitâ natum; eique antecesse
 pronepotem remotiorum, genitum ex nepte
 sibi plerumque incognitâ; atque adeò minus
 dilectum antepone magis dilecto: imò alter-
 tum omnino excludere, alterum verò ad-
 mittere? sanè id verisimile non est: & quod
 verisimile non est, in interpretandâ volun-
 tate testatoris rejiciendum est l. Publius 36.
 in fin. ff. de cond. & dem. Imò est omnino
 absurdum, ut diximus, & quod absurdum
 est, nulla lex probat l. filiusfam. 114. §. sed
 si Titii 4. ff. de leg. 1. l. 1. §. si pater 6. ff.
 de conjung. cum emanc. liber. l. si in diem 46.
 ff. de cond. & dem. l. 1. l. 6. l. 1. ff. de servo
 corrup. l. deposui 38. §. Stichum in fin. ff. de
 pecul. l. quid tamen 21. §. sed si 11. in fin.
 ff. de rec. arbit. l. libertus 36. ff. de bon. lib.
 l. si ve hereditaria 22. in fin. ff. de negot. gest.
 l. ait prator 7. §. quid sit ff. de jur. delib. Et
 si, quod verisimile est, ab eo, quod verba
 sonant, discrepare videatur: porius id, quod
 verisimile est, quàm quod verba sonant,
 probandum est: laudat l. Publius 36. in fin.
 ff. de cond. & dem. in quâ ad rem nostram
 deciditur, verisimile non esse, quod testator
 voluerit plus habere secundo loco substitu-
 tum quam substitutum primo loco, quem
 magis dilexit.

Nec mutat, quod idem eveniat exclusis
 descendentes feminarum, quia illi quam-
 vis proximiores excluduntur omnino à remo-
 tioribus masculorum descendentes. Frigi-
 dum enim est, & futile hujusmodi argumen-

tum : quia testator non solum non dilexit ex æquo descendentes masculorum , & feminarum : sed hos ne dilexit quidem cum eos non vocaverit ad hereditatem. Dilexit masculos ex masculis , dilexit familiam substituti , quâ non continentur descendentes feminarum *l. pronuntiatio 19. §. in fin. & l. seg. in fin. ff. de test. S.*

10 His probè constitutis , quæ nullâ cuiusquam auctoritate convelli possunt , apparet , falsam esse opinionem eorum qui putant triplicem vocationem masculorum ex masculis esse necessariam : videlicet ut vocati sint filii masculi ejus , qui primo loco substitutus est , & deinceps nepotes masculi , & eorum descendentes masculi. Quotsum hæc toties repetita masculorum nominatio sit necessaria , non intelligo , cum argumenta , quæ modo congessimus , perspicuè probent , etiam duplicem vocationem excludere masculos feminarum descendentes.

11 Nec illud probo , quod quidam docti definierunt , non excludi descendentes feminarum , si vocati fuerint filii masculi alicujus certæ personæ , & eorum descendentes masculi. Nam contrariam suadent omnia ferè argumenta , quibus sententiam nostram supra confirmavimus. Sed nostros Jurisconsultos in errorem induxit falsa opinio , quam in superiore consultavimus argumentis nihil dubii relinquentibus , quod ad excludendos masculos ex feminis requirantur conjecturæ certæ , atque indubitæ , quæ rem oculis subjiciant.

12 Secunda conjectura ad excludendos feminarum descendentes , efficax est , ut mea fuit opinio : si testator duas lineas substituerit , & in prima vocaverit masculos , ita ut appareat , eum exclusisse masculos ex feminis : nam tunc etiam in secunda linea , quæ deinceps est substituta , masculos ex feminis exclusos esse censerem : quia constat masculorum nomine testatorem indicare voluisse masculos ex masculis ; & de his solis cogitasse : hos tantummodò in mente habuisse. Ad hoc probandum adduci possunt pleraque ex superioribus argumentis : maximè verò responsum Ulpiani in *l. qui filius 17. ff. de legat. 1.* quo solo hæc controversia deciditur.

Confirmari etiam potest alio gravissimo argumento. Nam si in linea primò vocata , quam testator præiilexit , excluduntur mascululi ex feminis : multò magis veritabile est , eos exclusos fuisse in linea secundo loco substituta , quam testator minùs dilexit , & primæ posthabuit *l. Publius 36. in fin. ff. de condit. & demonstr.*

Item si in secunda linea admitterentur mascululi ex feminis , illud eveniret , quod mascululi ex feminis hujus lineæ , quam minùs dilexit testator , minùs honoravit , primæ postposuit , excluderent masculos ex feminis primæ lineæ , quam testator magis dilexit , magis honoravit , huic anteposuit : quod utique verisimile non est. Substitutus enim non debet esse melioris conditionis , quàm institutus : nec plus habere secundo loco vocatus , quàm vocatus primo loco *l. Publius 36. §. 1. ff. de cond. & dem.* ubi JC. propter hanc conjecturam recedit à verborum significatione. Ibi : *& verba quidem videntur representare fidei commissum : sed non est verisimile , ut maturius testatrix voluerit ad substitutos ita transferre , item paulò ante : Etenim videri contra voluntatem testatrix , representationem fideicommi. considerari , ut amplius ad substitutos perveniat , quàm ad puerum pervenire potuisset.*

Tertia conjectura duci potest à parte 13 conditionali : Testator instituit Caium , eique substituit ejus filios masculos , & ex eis descendentes masculos in infinitum. Deinde subjecit aliam substitutionem his verbis : *Deficiente proinde linea masculorum ex masculis Caii , substituo Titium , ejusque filios masculos , & ex eis descendentes masculos in infinitum.* Prima substitutio seu institutio Cui nihil habet dubitationis , quin vocati fuerint ejus descendentes masculi ex masculis , exclusi semper descendentes ex feminis , cum ipse testator perspicuè id declaraverit in adjecta conditione : ac propterea opus non est confugere ad conjecturas : clara enim est & certa mens testatoris. De substitutione etiam Titii vix ulla potest esse controversia , cum in superiore , & antecedente conditione testator exposuerit , quâ in significatione nomen

maſculorum expreſſerit, & dilucidè oſtenderit, ſe nomine maſculorum comprehendiſſe ſolummodo maſculos ex maſculis. Talis enim ſcriptura non ſolum ad præcedentem ſubſtitutionem pertinet, ſed ad omnem, quæ in eo teſtamento ſcripta fuerit, extenditur: ut ait Ulpianus in *l. talis ſcriptura* 30. §. ult. ff. de leg. 1. præterquam quod verba ſemper interpretanda ſunt ſecundum mentem teſtatoris ea proferentis *l. cum quidam* 21. ff. de legat. 2. *l. cū de lanionis* 18. §. item cacabos 3. verſic. optimum ff. de inſtr. l. inſtrum. maximè in fideicommiſſis *l. fideicommiſſa* 11. §. ſi quis certam *l. quiſquis* 95. ff. de leg. 3. *l. heredes mei* 57. ff. ad S. C. Trebell. *l. pen. ff. de leg. 1. l. cū virum C. de fideic.*

Reliquas conjecturas, quæ à noſtris afferuntur, prætermittimus, facilè enim de illis iudicium ferre poterit, qui hæcenus à nobis expoſita accuratè perpendit, & inſixum animo tenuerit, quod in ſuperiore demonſtravimus, in eam ſententiam, quæ favet maſculis ex maſculis, propenſos nos eſſe debere: non autem ab ea, ut plerique ſine ulla ratione faciunt, abhorrete.

CAPUT XXX.

Ad *L. cū quid. 3. ff. de reb. cred.*

SUMMARIUM.

- 1 Scribendæ occaſio.
- 2 Quod à lege conſtitutum eſt, aut eſt de natura actus, nihil reſert, ut exprimitur *l. n. 3.*
- 4 Veriſſima regula: eandem vim expreſſi, ac taciti: plures habet exceptiones.
- 5 Quod lex præcipit expreſſi fieri, ſi taciti fiat, innuitur ſi.
- 6 Si repugnat natura actus, qui expreſſum reſponſat non tacitum, expreſſum nullam vim habet. Exempla *l. n. 7. 8. 1.*
- 9 Si tacitum & expreſſum diſſimilis continent, eandem vim non habent.
- 10 Conditio cum volueris diſſert à conditione ſi volueris.
- 11 Tempus incertum diſſert à conditione.
- 12 Verba ſi æſtimaveris diſſerunt à verbis ſi volueris.
- 13 Si verba ex legiſ interpretatione diverſum quidpiam continent, tacitum & expreſſum, non habent eundem effectum. Exempla *l. n. 14. 15.*

Est omnium Jurisconſultorum ſermone celebratum: *taciti & expreſſi eadem virtus eſt*: quod tamquam axioma certiſſimum huius auctoritate legis enuntiant. Sed ejus interpretationem, rationemque nec explicatè, nec diſtinctè explanant, imò ampliacionum, & limitationum involucris obſcurant, & obruunt, & obſcuris dilucida, vera falſis involvunt. Ego quantum potero, cuncta diſtinctè, illuminatè, abundanter explicabo.

Quotieſcumque aliquid aut à lege fuit conſtitutum, aut eſt de natura actus, qui geritur, nihil reſert utrum diſponens illud exprimat, an tacitus omittat. Lex enim id præcipit etiam præter voluntatem hominis, nec indiget expreſſo ejus conſenſu, ſed ſui iplius nitiatur auctoritate *l. 1. & l. legis virtus ff. de legib.* Quod autem eſt de natura actus, id voluiſſe intelliguntur, qui actum geſſerunt, niſi contrariam voluntatem declaraverint. Exemplis hæc uberius explicabo. De natura mutui eſt, ut æquè bonum reddatur: reddi enim non videtur res, ſi deterior reddatur. *l. 1. §. 1. ff. commod.* Idcirco nihil reſert utrum caveat, an non caveat, ſibi reddi æquè bonum: id enim pro cauto habetur à lege, niſi contra nominatim caverit, noſtra *l. cum quid mutuum ff. de reb. credit.* De natura emptionis eſt, ut venditor de eviſione teneatur: cum enim lex cum non obliget ad transferendum dominium rei vendite, ſed ſolum ad præſtandam vacuum poſſeſſionem, & ut emptori habere liceat rem emptam *l. venditor 8. ff. de eviſ.* huic conſequens eſt, ut de eviſione teneatur *l. ex empto 11. §. 1. & 2. ff. de act. empt.* Idcirco etſi nihil hac de re cautum fuerit, nihilominus teneatur *l. in vendendo 66. in princ. ff. de contr. empt.* Eadè ratione cum venditor reneatur duplam ſtipulanti promittere *l. emptori 37. in princ. ff. de eviſ.* teneatur etiamſi eam non promiſerit *l. 2. ff. cod.* ſimile exemplum in *l. quod ſi nolit 31. §. quia aſſidua 20. ff. de adil. edict.* Lex enim operatur circa voluntatem contrahentium, & ſervari oportet, quod ipſa præcepit, niſi quis ei expreſſè renunciaverit. Rectè Severus, & Antoninus in *l. 3. in fin. C. de fidejuſſ.*

responderunt, plures fidejussores gaudere beneficio divisionis ab Adriano concessio, licet in solidum expressè se obligaverint. Ibi: *tamen hæc rei nihil mutat conditionem juris, & constitutionem. Nam, & cum hoc non adjiciatur, singuli tamen in solidum tenentur: sed ubi sunt omnes idonei in portionem obligatio dividitur.* Cum adjicitur id, quod inest auctoritate legis, nihil additur, aut detrahitur obligationi.

3 Veniamus ad ultimas voluntates. Si plures instituuntur heredes sine partibus, lex omnibus æquas tribuit partes *l. quoties 9. §. heredes 11. ff. de hered. inst. §. si plures 6. inst. tit. eod.* In legato pluribus relicto pariter æquæ partes servantur *l. legata 19. §. ult. ff. de legat. 1.* Sive igitur testator æquas partes reliquerit, sive partes non distribuerit, semper idem jus, nisi aliud expresse sit, & inæquales partes fecerit, ex laudatis *ll.* Alia exempla passim occurrunt. De conditionibus aliquid adjiciamus, quarum difficilius est investigatio. De his ita decernit Paulus in *l. conditiones 99. ff. de cond. & demonstr. Conditiones extrinsecus non ex testamento venientes, id est, quæ tacite inesse videntur, non faciunt legata conditionalia.* Hujusmodi sunt conditiones, quæ tacite insunt, vel legis potestate, vel naturâ rei relicte. Hæ autem sive nominatim adjiciantur, sive non adjiciantur, legatum non faciunt conditionale; exemplis rem explico. In legatis aliisque, quæ in testamento relicta sunt, inest tacite conditio; si hereditas adeatur: cû non aditâ interdicunt omnia *l. eam quam C. de fideicom.* Hæc tamen conditio non facit legata conditionalia, sive ea tacite insit ex vi legis, sive etiam à testatore fuerit adjecta: ideoque legati dies statim cedit, & moriente legatario ante aditam hereditatem transit ad ejus heredes *l. herediti aditio 7. in princ. & in §. tractari l. cum illud 15. in fine ff. qu. di. leg. ced. & l. si Titio 21. ff. eod.* Aliud exemplum in hereditate, quod dilucidè explicatur in *l. Cornelius 68. ff. de hered. inst.* Idem proximus evenit in conditione, quæ tacite inest ex natura rei legate. In legato fructuum inest tacita conditio, si fructus nascantur: in legato

partus, si nascetur partus *l. 1. §. ult. ff. de cond. & dem.* Omnes igitur hujusmodi conditiones, etiam si à testatore exprimantur, non faciunt legatum conditionale *l. 3. ff. de leg. 1. l. in conditionibus 19. §. 1. l. servo 47. in fine l. aliquando 106. ff. de cond. & dem.* quia supervacuum est, eas exprimere, & adjicere, cum insint *d. l. servo 47. ff. de cond. & dem. & d. l. Cornelius 68. ff. de hered. inst.*

Verissima igitur est regula proposita, quod si quid tacite inest vel potestate legis, vel naturâ rei, eadem vis est taciti & expressi: seu rectius, eadem vis est expressi ac taciti: præst enim tacitum, eique accedit expressum, quod ipsi nihil addit roboris. Sed hoc fortasse nimis subtiliter: illud convenientissimum & veritati, & rei clarius explicandæ. *Supervacuum est exprimere, quod tacite inest.* Hæc enim regula nititur auctoritate veterum Jurisconsultorum *d. l. Cornelius & d. l. servo.* In fine tamen hujus legis monet Marcellus: *sapienter tamen mutatur rei effectus, quamquam id expressit testator, quod etsi non fecisset, inesse tamen.* Verissimè. Multæ enim hujus regulæ sunt exceptiones, quas modò recensibo, & in sua genera digestas explicabo, quod nemo hactenus præstitit.

I. Quotiescumque lex præcepit aliquid expresse fieri, si tacite fiat, inutiliter fit, & mutatur rei effectus, nec eadem est vis taciti, & expressi. Exemplum sit in exheredatione. Filii in potestate existentes aut instituendi sunt, aut nominatim exheredandi *l. inter cetera 30. l. 1. 2. & 3. ff. de liber. & post. l. 1. in princ. ff. de hered. inst. l. ult. §. sancimus C. de lib. præter. si prætereantur, nullum est testamentum d. l. inter cetera, princ. sit. inst. de exhered. liber. l. 1. ff. de injust. rapte.* Præteritio igitur, quæ est tacita quædam exhereditio, non habet eundem effectum, quem expressa exhereditio. Sic etiam causa exheredationis nominatim est exprimenda, eaque expressa valet testamentum: non valet autem, si silentio prætereatur. *Nov. 115. cap. 4.* Aliud exemplum in pupillari substitutione. Expressa matrem excludit *l. Papiannus 8. §. Sed nec impuberis 5. ff. de*

inoff. test. c. 1. §. ult. de testam. in 6. & hoc lege præcipiente, non admitti legitimum heredem, quamdiu speratur heres ex testamento l. quamdiu §. 1. quamdiu 63. ff. de acquir. vel omitt. hered. Tacita verò matrem non excludit l. precibus c. de impub. & al. sub. l. ult. c. de inst. vel subst. Apparet autem, falsam esse limitationem quorundam, tacitum non habere hujusmodi momentum, ut valeat actum irritare.

6 II. Si repugnet natura actus, qui respuat expressum, non verò tacitum: idque sit auctoritate legis, quæ ejusmodi naturam præscripsit. In hoc differt à superiori, quod ibi tacitum irritat, destruit actum, non autem expressum: hic contrà expressum, non tacitum evertit, & inutilem actum efficit. Exemplum in l. si quis Sempronium 68. in fin. versic. sic enim §. de hered. inst. Sic enim filii exhereditatio cum eo valet, si quis heres existat: & tamen nemo dubitat, quin si ita aliquis filium exheredaverit: Tilius heres esto, & cum heres erit Tilius, filius exheres esto: nullius momenti esse exheredationem. Repugnat natura actus. Exhereditatio non aditā hereditate nullius momenti est l. filium 20. in princ. versic. sed cum exhereditatio ff. de bon. poss. contr. tab. Tilius heres esse jubetur: antequam filius exheres sit: atqui hoc fieri non potest, quia filius, antequam valeat exhereditatio, pro præterito habetur: ideoque non potest ex testamento hereditas adiri. Implicant semetipsa sese, & involvunt. Filius exheres non est, nisi postquam Tilius heres fuit: Tilius autem heres esse non potest, nisi filius exheres sit. Eadem ratione non valet testamentum de quo in l. si ita scriptum 13. §. testamentum 2. ff. de lib. & post. Tilius post mortem filii mei heres esto: filius exheres esto. Etenim filius exhereditatus esse post mortem suam, cum valere non possit exhereditatio, antequam Tilius heres existat: inutilis est autem exhereditatio facta post mortem l. 4. §. ult. versic. cum est ff. de hered. inst. Simile admodum est, quod traditur in l. quærit 9. §. si quis ita 14. ff. de hered. inst. licet ibi favore libertatis detrahatur verbum possit: si quis ita scripserit: Sti-

chus liber esto, & posteaquam liber eris, heres esto. Labeo, Neratius, & Aristo opinantur, detracto verbo medio postea, simul, & libertatem, & hereditatem competere: quæ sententia mihi quoque vera videtur. Hic quoque nisi detraxeris verbum posteaquam, libertas & hereditas invicem semetipsas impediunt: non potest enim servus liber esse, nisi sit heres: nec heres, nisi liber sit: sed libertas, quæ maximè favorabilis est, interpretatione adjuvanda: non autem exhereditatio, quæ odiosa est l. cum quidam 19. in fin. ff. de lib. & post. Africanus quoque proponit simile legatum in l. qui quadraginta 88. in princ. ff. ad l. Falc. quod voluntatis interpretatione non valere decidit. Sed ad tacitum, & expressum revertamur.

Alterum est in obligatione quâlibet, sive ex contractu, sive ex testamento. Repugnat natura obligationis, ut conferatur in voluntatem debitoris: obligatio enim necessitate nos ad solvendum attingit princ. tir. inst. de obligat. l. obligationum substantia ff. eodem. Propterea, sub hac conditione, si volam nulla sit obligatio: pro non dicto enim est quod dare, nisi velis, cogi non possis, l. sub hac 8. ff. eodem l. stipulatio 17. l. cum à Titio 108. §. 1. ff. de V. O. Potest tamen conferri tacite, veluti dabis, cum vulneris l. centesimis 46. §. si ita ff. eodem hæc autem, dabis si vulneris, inuti is est §. ult. eodem. Stichus, si tibi placuerit emptus erit aureis 100. §. penult. inst. tir. de empr. & vend. Idem jus est de legatis l. Senatus 43. §. penult. ff. de legat. 1. Legatum in aliena voluntate poni potest, in heredis non potest. Tacite tamen rectè confertur, veluti, si estimaveris; si comprobaveris, si iustum tibi videbitur, dato l. si sic legatum 73. in princ. ff. de leg. 1. vel hoc modo: nisi nolueris, heres dato; vel cum volueris, dato l. fideicommissa 11. §. sic fideicommissum 5. & §. seq. ff. de leg. 3. Differentia rationem postmodò affertur opportunius.

Tertium exemplum est in heredis institutione, atque in legatis, quorum natura non solum respuat voluntatem debitoris, sed etiam cujuscumque alterius; quo-

niam testamentorum jura per se firma esse oportet, non ex alieno arbitrio pendere l. illa institutio 32. ff. de hered. inst. Quamobrem viciosa est institutio: quos Titius voluerit, heredes sunt d. l. illa institutio in princ. Idem in legatis non valet hujusmodi legatum: si Mævius voluerit, Titio decem do l. nonnumquam versic. non tamen ff. de condit. & demonstr. valent tamen, si tacite conferantur d. l. non numquam in princ. l. 1. §. 1. ff. de leg. 2. l. 3. §. 1. C. comm. de legat.

9 III. Si diversa inter se ac dissimilia continent expressum, ac tacitum; non possunt eandem vim, atque effectum habere in l. nonnumquam 51. ff. de cond. & dem. non idem conditio: si voluerit, & si in Capitolium ascenderit: illa continet meram voluntatem: hæc factum ascendendi in Capitolium: illa impletur statim ac Mævius voluerit: hæc etiam si maxime voluerit, tamen impleta non est, nisi Mævius ascenderit in Capitolium. Illud legatum pendet à voluntate Mævii: hoc à facto ascendendi. Propterea hoc valet illud est inutile.

10 Conditio quoque, cum volueris, diversa est à conditione, si voles. Illa designat tempus voluntatis: hæc ipsam voluntatem. In illa per tempus conditio, in hac per conditionem tempus demonstratur l. si Titio 21. in princ. vers. cum priore ff. qu. di. leg. ced. Illa confert in potestatem debitoris, quando velit debere: hæc, an velit debere. Quamquam autem in heredis arbitrium conferri, an debeat, non possit: quando tamen debeat, conferri potest l. fideicommissaria 46. §. quamquam ff. de fideicommiss. libert. Quemadmodum, licet conferri non possit, an debeat: conferri tamen potest, quid debeat d. l. 46. §. ult. l. heredes 25. §. si incerto 17. ff. fam. erisc. l. nec semel 12. §. si cui homo 7. ff. qu. di. leg. ced. l. 1. & 2. ff. de opt. leg. Verba igitur illa cum volueris tractum temporis habent, quamdiu vivas, & si decesseris, antequam illud præstes, heres tuus præstabit: quod si decesserit legatarius, legatum exstinguitur: est enim conditionale l. fidei-

commissa 11. §. hoc autem ff. de leg. 3.

Quamquam autem traditum sit, nihil interesse inter tempus incertum, & conditionem l. quodcumque 45. non solum ff. de V. O. tamen aliquando multum interest. Ecce si ita stipulet: dabis, si petiero: suspenditur obligatio. Ac si ita: dabis cum petiero admonitionem potius quamdam quod celerius reddantur quasi sine mora, quam conditionem habet stipulatio l. qui decem 48. ff. eodem. Item licet in omni institutione ac legato tacite insit conditio, si capax eris §. extraneis 4. instit. tit. de hered. qual. l. si alienum 40. §. 1. ff. de her. inst. tamen incapax recte instituitur, cum capax eris. l. in tempus 62. ff. eodem. Ratio, quia conditio illa refertur ad tempus: testamenti, & mortis, & aditionis hered. d. l. hoc autem tempus comprehendit infinitum tempus, quandocumque capax fuerit.

Superfunt alia duo verba: si estimaveris, si tibi videbitur, non idem continent ac verba: si volueris. Hæc meram voluntatem: illa arbitrium boni viri. l. fideicommissa 11. §. quamquam ff. de leg. 3. l. si sic legatum 75. in princ. ff. de legat. 1. Item verba: si placuerit vinum, vel servus, si non displicueris, non vitiunt emptionem aut legatum, quia aliud est velle: aliud placere. Potest alicui res placere etiam si emere nolit: potest displicere etiam si emere voluerit: hoc à sensu judicio pendet, illud à voluntate: idcirco illud vitiat emptionem, l. in venditis C. de contr. empt. hoc non item §. pen. Instit. tit. de empt. l. quid si voluit 31. §. si quid ita 22. ff. de edit. editi. l. Titus §. sorore ff. de fideic. libert.

IV. Quamvis verba videantur idem omnino significare: tamen si ex legis interpretatione diversum quippiam contineant: tacitum, & expressum non habent eundem effectum. Ecce verba: si volueris: & nisi nolueris: idem significant, & tamen sub hac conditione legatum valet: non verò sub illa l. fideicommissa 11. §. si fideicommissum juncto §. quamquam ff. de leg. 3. Quid ita? quia verba: nisi nolueris, lex interpretatur de prima voluntate, ut ita si non declarat se nolle, non possit postea di-

cere se noluisse *d. §. si fideicommissum*. Verum est enim cum non noluisse, cum non repugnaverit voluntati fideicommittentis, quando potuit. Eadem ratione verba: *si volueris*, non vitiant fideicommissum libertatis *l. fideicommissaria 46. in princ. ff. de fideicommissariis libert.* quia lex favore libertatis ea interpretatur de arbitrio boni viri *§. sed etsi 2. eadem l.* Aliud exemplum in *l. talis scriptura 30. ff. de leg. 1.* Testator quædam legata purè reliquit, & Titio legavit centum præsentia: postea adjecit vulgarem clausulam: *quas pecunias legavi, quibus dies appositus non est, eas heres meus annua, bima, trima de dato*. Quæsitum in *§. 2.* an hæc clausula referatur dumtaxat ad legata pura, an etiam ad legatum præsens. Videretur dicendum ad omnia referri: quia etiam legatum præsens, vel præsentis die, purum est non in diem; & legatum purum præsens est *l. liber homo 118. §. decem ff. de V. O. l. cedere diem ff. de V. S.* In legato purè relicto tacitè inest præsens dies: in hoc inest expressè. Respondit tamen Ulpianus, hoc legatum non differri per illam clausulam; quia verum est, ei diem appositum fuisse. Licet autem hæc adjectio supervacua sit quantum ad vim, & effectum legati pertinet, tamen ad hoc proficit, ut præsentis die legatum debeat *d. l. talis scriptura §. 1.* Quod si in clausula non fuissent adjecta verba illa: *quibus dies appositus non est*: videretur dicendum illud quoque differri per text. in *l. si mihi 12. in fin. ff. de leg. 1. & l. Titio 74. ff. de leg. 3.* nisi cum Cujacio addamus particulam non, quod rectius est.

14 Alterum est legatum optionis, quod valdè differt à legato generis, licet in utroque deatur electio legatario: in illo quidem expressum *§. optioni 23. instit. tit. de legat.* in hoc verò tacitè *l. si servus 108. §. cum homo ff. de leg. 1. l. 2. §. 1. ff. de opt. leg. §. si generaliter 22. instit. tit. de legat.* sed cum lex certam ac singularem naturam legato optionis tribuerit, in multis differt à legato generis *d. tit. §. optionis*. Ea præcipua est

differentia, quod in legato optionis optatum eligi potest *l. si quis affirmavit 9. §. 1. ff. de dol. mal. l. 2. in princ. ff. de opt. leg.* in legato generis non item *l. legato 37. ff. de legat. 1.* Cæteras referre non vacat: videantur *D. D. ad d. §. optionis*.

In *l. salem 51. ff. de hered. inst. d. d. alia* proponuntur exempla: alterum in principio, alterum in *§. 1.* In primo, ut valeat ex relicto D. Marci, favore libertatis detrahitur conditio, si liberaveris, secundum sententiam Proculianorum, de qua in *l. quoties 9. §. si quis ita scripsit 14. ff. eodem*. Sed de hoc supra diximus. In *§. 1.* species hujusmodi ponitur. Si quis ita scripserit: *Stichus, si meus eris, cum moriar, liber & heres esto, alienatus non poteris jussu emptoris adire hereditatem: quamvis etsi non eras hoc expressum, non alias liber, & heres fieri poterat, quam si mansisset ejus*. Hæc postrema verba intelligenda sunt de persona ipsius servi, qui non potest esse heres, nisi liber sit: nec potest esse liber, nisi sit testatoris, cum moritur: quia nemo dare potest libertatem alieno servo. Cæterum tacita conditio afficit solummodò dationem libertatis ex adducta causa, non autem institutionem. quia etiam alienus servus heres rectè instituitur, qui licet sibi non acquirat hereditatem, ipsam tamen acquirit domino *l. servus 3. l. non minus 31. de hered. inst. princ. tit. instit. eodem*. Quamobrem etsi libertatem dederit sub conditione: *si meus eris*, hereditatem autem sine conditione, alienatus domino acquirit *l. servo 47. ff. de cond. & dem.* Expressa autem conditio afficit utrumque & in hoc differt à tacita. Quare hoc exemplum potius ad superiorem exceptionem pertinet.

Quod in fine habetur, verè fit ex interpretatione legis: quod etiam à vivo testatore manumissus heres fiat, & verba, *si meus eris*, comprehendant libertum, contra *princ. tit. instit. de hered. inst.* Ergo licet legis interpretatione fit, ut expressum habet vim taciti, contra quam solet in aliis casibus contingere. Nemo hæcenus hoc axioma sic explicavit.





THE
LIBRARY OF
THE
CONGRESS
READERS ROOM
510 MARSHFIELD DRIVE
NORTHWEST
WASHINGTON, D.C. 20540

